

S. R. E. CARDINALIS
S. BONAVENTURÆ

EX ORDINE MINORUM

EPISCOPI ALBANENSIS, DOCTORIS ECCLESIAE SERAPHICI

OPERA OMNIA

SIXTI V. PONTIFICIS MAXIMI JUSSU DILIGENTISSIME EMENDATA

ACCEDUNT

SELECTA MULTA TUM EX POSTREMA VENETA EDITIONE, TUM EX PRODROMO ERUDITISSIMO
FR. BENEDICTI A CAVALESIUS ORDINIS MINORUM REFORMATI

EDITIO ACCURATE RECOGNITA

AD PURAM ET VEROREM TESTIMONIORUM BIBLICORUM EMENDATIONEM DENUO REDUCTA

CURA ET STUDIO .

A. C. PELTIER

CANONICI ECCLESIAE REMENSIS

—
TOMUS OCTAVUS



PARISIIS

LUDOVICUS VIVÈS, BIBLIOPOLA EDITOR

VIA DELAMBRE, 9

M DCCC LXVI

BX
890
E675
69
L.S



1113768

PRÆFATIONIS LOGO

Ex Prodromo ad Opera omnia S. Bonaventuræ excerpta quædam.

§ I. — MYSTICA THEOLOGIA (*Prodrom.*, col. 677 et seq.).

Novissimi Editores aiunt¹, *Mysticam hanc Theologiam*, teste Oudino, extare manuscriptam sub nomine Fr. Henrici de Balma Ordinis Minorum « in pluribus Galliæ bibliothecis, » concluduntque : « Nullum ergo dubium, quin Henrici de Balma fœtus sit, cum tot codices nobis testatum faciant. » Pace tamen eorum dixerim, bini codices laudati quodcumque dubium mihi non auferunt. Primo, quia de ipsorum ætate, deque Fr. Henrici nomine prima vel secunda manu posito non constat, id quod multo magis dicendum de existentibus in aliis Galliæ bibliothecis, quas Oudinus non nominat : secundo autem, quia præfatis codicibus opponuntur alii, verbi gratia, ex monasterio Dunensi in Belgio, et ex bibliotheca S. Severini Minorum Capuccinorum Hispellii in Umbria, forteque etiam alias bibliothecæ Ambrosianæ Mediolanensis, necnon illi quos præ oculis habuisse necessum est Argentinenses Editores anni 1495, ut prænotarent : « *Mystica Theologia Doctoris Seraphici sancti Bonaventuræ Ordinis Minorum*, a quibusdam ascripta Henrico de Palma : a quibusdam, aliis : a pluribus tamen ascribitur sancto Bonaventuræ. » Profecto iidem Argentinenses Editores absque ope codicum manuscriptorum scribere minime potuissent : « *Mystica Theologia*, quæ licet Henrico de Palma ascribatur, Bonaventura tamen a pluribus ejus auctor asseritur : nam idem Fr. Henricus aliam prius confecerat, et quasi eamdem materiam tractaverat, sed longe alio stylo, propter quod sibi hæc *Mystica Theologia* ascripta fuit². »

Quod autem spectat Codicem MS. apud Editores Romanos, Waddingus ipsum corruptum ostendit, intrusaque spectantia ad Ordinem Carthusiensium. Sic pariter in MS. Codice Benedictinorum Lunælacensium a nobis viso, intrusum est nomen *Beati nostri Benedicti* in prima Oratione *Stimuli Amoris*, alias ferente nomen *Beati Francisci*. Animadvertis insuper Waddingus, quod « *Theodorus Petreius* in sua Bibliotheca Carthusiana non audet hoc opus (*Mysticæ Theologiæ*) asseveranter Henrico tribuere, sed tantum ait, illud a nonnullis ei ascribi. » Monet præterea, Editores quoque Romanos *subdubitare* duntaxat;

¹ *Distrib.*, pag. 412, hujus nostræ editionis tom. I, pag. LXVII. — ² In exordio ipsius Tractatus, et in Tabula Opuscularum secundæ partis.

sed non subdubitasse Marianum, qui cumdem Tractatum in suo Indiculo refert, nec Hieronymum Gratianum Carmelitam, qui illum sub Bonaventuræ nomine hispanice reddidit, ac typis regiis Matritensis publicavit : quibus adjecerim ego Anonymum Pistoriensem, et Marcum Ulyssiponensem, qui eundem inter Opera Bonaventuriana recensent. Demum addit : « Stylum Operis nihil abhorre a scriptione Bonaventuræ, et argumentum illud de tribus viis, purgativa, illuminativa, unitiva, esse Bonaventuræ familiare, aliisque in libris abundare sensibus anagogicis, qui hic sunt valde frequentes. »

Sed hæc omnia satis esse non arbitror, ut certum statuatur Bonaventuræ opusculum, tum ob præfatos duos MSS. Codices ferentes nomen *Henrici de Balma Minoritæ Galli* diceesis Aquensis, tum ob testimonium Gersonis, librum hujusmodi de *triplici via* tribuentis modo cuidam *novello*, modo *Hugoni de Balma*; tum ob aliud testimonium Ludovici Pruteni idipsum censentis; tum ob MS. Codicem inter Marianenses prope Venetias, eumdem librum ascribentem *B. Hugoni Carthusiensium, vel alii Doctori dicti Ordinis*; tum postremo ob stylum valde diversum ab alia certiore *Mystica Bonaventuriana* contenta in Opusculo, quod nedum *Incendium amoris, Itinerarium mentis in seipsam, Theorica Contemplationis*, etc., nuncupatur, sed etiam *Libellus de triplici via ad veram sapientiam*. Bartholomeus Pisanus loquens de *Fr. Hugone Minorita*, cuius corpus jacet Massiliæ, ait : « Hie composuit libellum de *triplici via in sapientiam pervenendi*¹; et infra, *Tractatum devotum de triplici via sapientiae* attribuit *Fr. Hugoni de Provincia*². Hie non dicitur *de Bulma*, sed *de Dina*, clarus sæc. xiii exeunte. Num iste primus hujus *Mysticæ Theologie* auctor, ampliator autem Henricus de Balma, amboque scripserint ad normam Bonaventuræ de *triplici via sapientiae*? Laudatur Henricus a Marco Ulyssiponensi, Waddingo, Arturo, Fortunato Huebero, et aliis. Fuit per 34 annos beatæ Coletæ Corbeiensis confessarius, obiitque Vesuntione in Gallia anno 1439.

§ II. — SUMMA DE ESSENTIA, ET INVISIBILITATE, ET IMMENSITATE DEI (Prodrom., col. 679.).

Hanc Summam non esse Divi Hieronymi, neque Divi Augustini, nemo unus est, in eorumdem novissimis editionibus vel leviter versatus, qui id ignoret. Recentior est ergo qui illam ex Eucherio archipræsule Lugdunensi desumpsit, nempe ex ejus *Libro formularum spiritualis intelligentiarum*, ubi Veranio filio suo, postea episcopo, formulas proponit spiritualis intelligentiae nominum latinorum sacræ Scripturæ, explicando scilicet significaciones eorum, atque figuratas, ac inde spiritualem sensum eruendo³. Sed quisnam ille recentior, qui eam ita collegit? « Theologus scholasticus, schola terminis abundans, » inquit Waddingus⁴. Numquid Bonaventura noster? Rursum Waddingus respondet: « Bonaventuræ tribuendum esse (hoc Opusculum) suadet Indiculus Marianus⁵. » An Waddingus unice in hanc sententiam descendit, quod a Mariano Florentino indicatum sit, uti novissimi Editores scripserunt, illud propterea inter ejus suppositilia rejicientes⁶?

¹ Lib. I, *Confr.*, fructu 8, part. 2, fol. m. 77, col. 2. — ² Ibid., fol. 81, col. 4. — ³ Vid. Theophil. Raynaud., *Oper. ejusdem*, tom. III, pag. 48, et Philipp. Labb., *Dissert. histor.*, apud Bellarmia, *de Scriptorib. Eccles.*, pag. 460, edit. Ven. 1728. — ⁴ *De Scriptor. Ord. Min.*, pag. 79, col. 2. — ⁵ Ibid. — ⁶ *Diatrib.*, pag. 100, huj. nostræ edit. tom. I, pag. LIX.

Nequaquam, utpote e vestigio subdens : « Editio Argentinensis anni 1495 (etiam suadet), aliaeque subsequentes, necnon similis per omnia alter ejusdem Bonaventuræ Tractatus, quem inscripsit : *Declaratio terminorum Theologie*¹. Exordium utriusque Operis idem est : « Omnipotens Deus Pater, et Filius, et Spiritus sanctus, unus est Deus, » etc. Et in utroque per multas periodos Dei attributa prosequitur : ex quibus sciolus aliquis laxum longumque titulum apposuit. Potius ita ad modum alterius supradicti Opusculi inscribendum esset : *Declaratio eorum, que Deo in sacris Scripturis attribuuntur.* » Itaque malim cum præstantissimis Editoribus Romanis dicere *incertum*, quam cum novissimis omnino *supposititum*. In allegata Editione Argentinensi non dicitur certo Bonaventuræ, sed inscribitur : *Summa S. Hieronymi de essentiâ, et invisibilitate Dei, que ascribitur sancto Bonaventuræ*, eo quod forte illam Bonaventura junior compilavit ex Hieronymo, seu potius ex laudato Eucherio, sicut junior certius compilavit ex aliis antiquioribus *Amatorium, Soliloquium, Opusculum de quatuor Virtutibus Cardinalibus*, etc.

§ III. — COMPENDIUM THEOLOGICÆ VERITATIS (*Prodrom.*, p. 689 et seq.).

Certe non est divi Bonaventuræ; cum enim et ejus *Breviloquium*, et *Centiloquium* rationem habeant *Theologici Compendii*, nimis ipse multiplicasset hujusmodi compendia si præsens quoque edidisset². Quamvis autem Bonaventuræ non sit, nihilo tamen secius ita conforme visum est Bonaventuræ doctrinæ, ut ejusdem Bonaventuræ nomine, cum in nonnullis editis, tum manuscriptis prænotari meruerit. Ea enim, quam novissimi Editores objiciunt, dissonantia cum Bonaventuriana doctrina circa vim circumcisionis, conferendamque gratiam, purum putumque est eorumdem commentum, fundatum in corruptione textus per omissam particulam *non*, ac per ejusdem textus detrunctionem. Ipsi namque auctorem prædicti Compendii sic loquentem inducunt : « Sacraenta novæ legis sanctificant et quantum ad opus operatum, et quantum ad opus operans : sed sacramenta veteris legis justificant solum quantum ad opus operans, quia non valebant facientibus, nisi quantum illorum charitas et devotio fidei extendebaratur. Hoc intelligitur de circumcisione³. » Auctor tamen Compendii minime adseverat : *Hoc intelligitur de circumcisione*, sed apertissime contradictorium pronuntiat in textu apud ipsos Editores excuso, inquiens : « Hoc non intelligitur de circumcisione, quæ cum non fuerit in lege data, nequaquam inter legalia computatur : quia ipsa in parvulis tollebat originale peccatum, et gratiam conferebat, quod non faciebant legalia⁴. » Quæ quidem apprime consentanea sunt iis, quæ de eadem circumcisione sciscit noster Bonaventura, videlicet, quod « circumcisione conferebat gratiam habilitatem ad bonum⁵. » Ubi ergo est illa *dissonantia*, quæ *evidenter deprehenditur* in citatis verbis ? Ubi, rogo, a sententia auctoris Compendii longe distat Bonaventura? Cæterum repeto, hujusmodi Compendium non est divi Bona-

¹ Declarationem hanc nequidem Editores novissimi ausi sunt inter *supposititia*, sed tantum inter *incerta* referre. — ² Debilis quidem ratio, cum, fatente ipso auctore Prodromi, familiare sit Doctori Seraphico eadem argumenta diversia sub respectibus retractare. Adde, quod plurima sint in præsenti Compendio, quæ alias frusta quæsieris. A. C. P. — ³ *Diatriba*, pag. 95; huj. nostræ edit. tom. I, pag. LV. — ⁴ Lib. VI, c. viii, tom. VII, pag. 175, huj. nost. edit. et tomi, pag. 206. Ibi etiam non legitur *extendebaratur*, sed *se extendebat*. — ⁵ Lib. IV, *Sent.*, dist. I, part. II, art. 2, q. III, in concl., huj. nostræ edit. tom. V, pag. 279.

venturæ, neque Fr. Joannis Rigaldi Ordinis Minorum, uti scribit Oudinus. Illud enim Rigaldi exorditur : *Veteris, et novæ Legis*, istud autem : *Veritatis Theologicæ*. Est ergo Fr. Petri Thomæ Ordinis Minorum. Suffragatorem habeo meæ sententiae P. Sbaraleam ita dicentem : « *Compendium Theologicæ Veritatis* est Fr. Petri Thomæ Ordinis Minorum, qui plura a sancto Bonaventura accepit. » Plura autem a sancto Bonaventura accepisse probatur ex iis, que in censura de auctore hujus Compendii edit. Ven. 1578 per Fr. Joannem de Combis Ordinis Minorum habentur. Dicitur enim, quod « sicut videre est in ejus (scilicet Seraphini Bonaventuræ) Opusculis, paucis mutatis, paucioribusque additis, haec eadem ad verbum in illis leguntur. » Probatur insuper ex iis, que in Argumento Romani Editores observant, dicentes : « Divisus est iste Tractatus juxta divisionem Breviloquii in septem libros, et doctrina ejus conformis est valde doctrinæ S. Bonaventuræ tum in *Breviloquio et Centiloquio*, tum etiam in libris *Sententiarum*, imo saepius verba sunt eadem. » Certe eodem modo Auctor loquitur, lib. I, cap. xiii, de *usia, usiosi, hypostasi, prosopon* apud Græcos, ut æquipollent *essentiæ, substantiæ, subsistentiæ, personæ* apud Latinos, sicut Bonaventura. Eodem modo ac ipse Bonaventura de sanctificatione B. M. V., lib. IV, cap. iv; de audienda missa boni sacerdotis, lib. VI, cap. xviii, etc. Porro haec et similia plura, probant non quidem auctorem esse Bonaventuram, sed ab alio paulo recentiori ex doctrina ejusdem S. Bonaventuræ hujusmodi Compendium fuisse compilatum, ut ex principio Præfationis colligitur. Scripsisse illius auctorem, anteaquam obtineret in scholis pia sententia Scotica de præservatione B. M. V. ab originali peccato, licet arguere ex illis, que cit. lib. IV, cap. iv, traduntur.

Ipsum deprehendimus vel inde a Bonaventura diversum, quia insolens prorsus est apud eundem Bonaventuram illa conglobata allegatio, qua, lib. II, cap. lviii, de physionomia hominis dicitur : « Sequimur igitur in hoc tractatu magnos hujus artis auctores, scilicet Aristotelem, Avicennam, Constantimum, Philemonem, Loxum, Palestotium, » etc. Forte vel hic auctor græcæ linguae aliquid novit, cum, lib. I, cap. xviii, alpha et omega græce scripta habeantur; ac lib. II, cap. lvii, legatur : « Homo græce anthropos dicitur. » Ut ut de hoc fuerit, hujus Compendii auctorem esse landatum Fr. Petrum Thomam, vel Petrum Thomæ Ord. Min., videri potest ex MS. Codice Bibl. Regis Galliarum, cod. 4517 in-4, sæc. xiv. Hunc melioris notæ Codicem aliis opponimus falso alia auctorum nomina præferentibus, ac testimonio communius S. Antonini in hæc verba loquentis : « *Compendium quoddam Theologiæ*, quod incipit : *Theologicæ Facultatis* (Veritatis), quod etiam beato Thome aliqui intitulant, non est ejus, cum non connumeretur inter istos supradictos. Compendium enim, quod B. Thomas edidit, de quo supra facta est mentio, aliter incipit, et est multo brevius, et de paucis tractat. Sed illud quod incipit *Theologicæ*, de omnibus pene brevissime tractat materiis Theologiæ, de Divinis, de Creaturis, Angelis et Hominibus, et aliis rebus creatis, de Incarnatione, de peccatis, de virtutibus, gratia et donis, et præceptis, et consiliis, sacramentis, et finali iudicio, Antichristo, resurrectione ultima, et gloria, et poenis alterius vitæ, sed brevi volumine. Sed nec Alberti Magni est, ut alii quidam volunt, sed *cujusdam alterius doctissimi viri, qui dictus est Fr. Thomas*¹. »

¹ *Hist.*, part. III, tit. xviii, c. x, § 2, in fine.

Unde nec est Fr. Thomæ de Sutton Angli Ord. Prædic., neque Fr. Hugonis Argentinensis ejusdem Ordinis. Si enim ejus auctor reapse fuisset aliquis Ordinis Prædicatorum alumnus, numquid S. Antoninus in sui Ordinis Historia satis peritus dixisset : *Sed cuiusdam alterius doctissimi viri, qui dictus est frater Thomas?* Per hæc extraneum ab Ordine Prædicatorum, cuius fuit et ipse Antoninus, indicari verisimilius videtur.

§ IV. — *DIETA SALUTIS.* (*Prodrom.*, col. 700 et seq.).

Anonyma exstat in pluribus manuscriptis Codicibus, in Inventorio Bononiensi anni 1421, et in alio Tudertino antiquiori, scilicet anni 1353. Esse autem Fr. Gulielmi de Lanicia, vel Canitia, Minoritæ Aquitani, attestantur alii MSS. Codices, nempe collegii Caio-Gonvillensis et aulae Pembrochianæ in Cantabrigia, monasteriorum Tungrensis et Lovaniensis Canonorum Regularium in Belgio, et bibliothecæ Casanatensis S. Mariæ supra Mineruam, Ordinis Prædicatorum, in Urbe. Exsulat proinde a Catalogis Mariani Florentini, Trithemii, Foresti, Anonymi Pistoriensis, etc., ab editionibus Argentinensi anni 1493, et Veneta an. 1504. Impressa tamen fuit sub nostri Bonaventuræ nomine Lugduni an. 1496, Venetiis an. 1497, Parisiis 1499, iterum Venetiis 1518, iterumque Parisiis 1523, necnon Venetiis 1564, 1572, 1582 et 1584. Unde falsum deprehenditur, quod inquit Oudinus : « Opusculum hoc non comparet in antiquis Opusculorum S. Bonaventurae editionibus, sed conjunctim primo inter ejus Opuscula in editione Romana an. 1596, parte I, Opusculo XII, et in Veneta an. 1614, apud Hieronymum Scotum, tom. II, Opusc. x¹. » De eadem *Dieta Salutis* ait P. Sharalea : « Est Fr. Wilhelmi de Canitia Aquitani Ordinis Minororum, et est fere tota desumpta ex *Compendio Theologie pauperis* Fr. Joannis Rigaldi Minoritæ, ut ego utrumque librum conferens deprehendi. »

Ipsam ad suppositiæ rejiciunt Editores quoque novissimi, quibus et ego in hoc libenter consentio. Eorum tamen censuram non probo quoad cantum qui in eodem Opusculo tribuitur Sanctorum omnium Reginæ, sanctisque ipsis æterna beatitate in coelis donatis, quasi vero tamen ac talem absurditatem contineat, ut nemo censere queat, *unam anum tam deliram fuisse, ut hisce somniis crederet*². Nam aliqui ejus auctor, scilicet Gulielmus, insanior fuisset, quam *delira anus*, eoque dementiae pervenisset ipse Doctor Seraphicus Bonaventura, qui capite quinto *Soliloquii* sui contemplatur « in cœlesti convivio angelos jubilantes, virgines chorizantes, apostolos psallentes, martyres tripudiantes, confessores laudantes, patriarchas et prophetas jocundantes, omnes sanctos et electos Dei unanimiter Patrem, et Filium, et Spiritum sanctum collaudantes, et una voce dicentes : Sanctus, » etc. Insanior item quam delira anus idem Bonaventura, qui itidem contemplatur « Matrem misericordiæ, Reginam pietatis et clementiæ, super omnem creaturam exaltatam, regnante cum Christo in Trinitatis superbenedictæ palatio, cantantem, jubilantem, et dicentem : *Tenui illum, nec dimittam,* » etc. Tertio insanior quam *delira anus* Bonaventura, qui ait : « Qualis tibi erit dies illa, cum Maria Mater Domini occurret choris comitata virginis, cum et ipse Sponsus tibi cum omnibus sanctis occurret dicens : *Surge, propera,*

¹ Tom. III, col. 404. — ² *Diatriba*, pag. 118, huj. nostræ edit. tom. I, pag. lxxi.

amica mea, formosa mea, columba mea, jam hyems transit, imber abiit, et recessit. Tunc angeli admirabuntur de tua gloria, dicentes : *Quæ est ista, quæ ascendit de deserto,* etc. ? Videbunt filiæ Sion, et laudabunt. Tunc illa centum quadraginta quatuor millia in conspectu throni et sanctorum tenebunt eitharas, et cantabunt canticum novum, » etc. Insanior tandem, quam *delira anus*, qui scripsit de S. Felice Valesio : « Illustrum hic a beata Virgine Matre favorem accepit : dormientibus siquidem cunctis fratribus, et ad matutinas preces in pervigilio Nativitatis Deiparae media nocte recitandas, Deo sic disponente, non surgentibus, Felix de more vigilans, et horas præveniens, chorum ingressus reperit beatam Virginem in medio chori habitu eruce Ordinis insignito indutam, ac cœlestibus similiter indutis socialiam. Quibus permixtus Felix, præcenente Deipara, laudes divinas concinuit¹. »

Cæterum de præfata *Diæta* longe melius senserunt Editores Vaticani, dicentes : « Opusculum hoc miro artificio compositum², » etc. Hinc est, quod Bonaventura indignum non fuerit habitum, maxime quia nulla in eo offenditur allegatio, quæ in veris Bonaventuræ Operibus non reperiatur, uti est auctoritas inter Græcos Patres Origenis, et Damasceni, inter Latinos Ambrosii, Hieronymi, Augustini, Prosperi, Gregorii, Isidori, Anselmi, Bernardi, inter historicos Josephi, inter philosophos Aristotelis, inter scholasticos Magistri Sententiarum ; item Glossæ, necnon Ovidii, Tullii, Senecæ, Macrobii. Fateor tamen auctorem hujus *Diætæ*, ubi exponit Symbolum Apostolorum³, in nonnullis differre a Bonaventura, libro tertio *Sententiarum*⁴.

§ V. — CONFESSORIALE (*Prodrom.*, col. 692.).

Hoc opus Bonaventuræ abjudicamus, non quidem propter illam Oudini rationem, quod a moris non fuerit sæculo tertio decimo primis scholasticis, citare vel allegare scriptores contemporaneos, vel nominare, ut eruditis notum est⁵, » quasi vero in hoc ejus auctor *se recentissimum scriptorem prodiderit*⁶, cum tamen Bonaventura in certis suis scriptis alleget Alexandrum Alensem, Gulielmum Parisiensem, Philippum Cancellarium, Odonem Cancellarium, Innocentium quartum Pontificem, ejus ætate viventes, et Ondinus ipse scripserit de Commentariis in Dionysium Areopagitam Ruperti Lincolnensis episcopi an. 1250 : « Ilos sapissime Commentarios sub nomine Lincolnensis citat paulo post Albertus Magnus⁷; » sed quia præter morem adducuntur Raymundus de Pennaforti, Vincentius Bellovacensis, et Bernardus presbyter Compostellanus, qui ejus ætate claruere, ac etiam Redonensis prædicti Raymundi glossator, necnon *Summa Henrici cardinalis Ostiensis* sub nomine *Copiosæ* ; item Archidiaconi libri Brochardor., quos post Henricum⁸, exente sæculo XIII, et ineunte XIV, scripsisse constat; imo et Gofredus, sive Gaufredus, aut Gofredus de Trano, qui prout docent novissimi Editores Operum sancti Bonaventuræ, suam Summam in Decretales Romanorum Pontificum elucubravit Nicolai IV jussu anno

¹ *Brev. Rom.*, 20 Nov. — ² Vid. in presenti tomo, pag. 247. — ³ *Diæt.*, tit. v, c. III, huj. tom. pag. 298.

⁴ Dist. XXV, art. 1, q. 1, in concl., hujus edit. tom. IV, pag. 545. — ⁵ Tom. III, col. 419. — ⁶ Ibid. — ⁷ Ibid., col. 410. — ⁸ Vixit D. Bonaventuræ tempore, attestante Ptolomeo Licensi, *Hist. Eccl.*, lib. XXII, c. XXII.

1290¹. Adde ab hujus *Confessionalis* scriptore allegari quoque *verba magistri Alexandri*, cuius non memini fieri mentionem a Bonaventura, nisi libro tertio *Sententiarum*, ubi appellatur *bonæ memorie*, libro secundo, non referendo ejus verba, sed quæ ejus tempore configere, idque non sub titulo *magistri Alexandri*, sed *fratris Alexandri de Ales patris et magistri nostri*. Cæterum, ni præfatæ allegationes obessent, nihil obstaret quominus hujusmodi *Confessionale* Bonaventura dignum arbitramur. Certe Joannes Casimirus S. R. E. tit. S. Joannis ante Portam Latinam presb. cardinalis Denoff, epis-copus Cæsenæ, in sua *Institutione Pastorali* data anno 1696, editaque Venet. anno 1747, pag. 428, laudat *Confessionale S. Bonaventuræ*, cap. iv, *de usu clavium*, partie. 1, et sic etiam pag. 448.

Prologus ejusdem *Confessionalis* magnam affinitatem habet cum Prologo *Centiloquii* Bonaventuriani, siquidem in *Centiloquii* Prologo dicitur: « In adminiculum itaque parvulorum, rudis rogatus a rudibus, rudem tractatum rudibus compilavi, in quo rudium ruditas, circa generalia theologiæ, saltem ruditer poterit erudit... Collegi autem hoc ex dictis proborum, quæ hinc et inde decerpens, in unius opusculi angustiam coarctavi... Cujus continentia ut facilius pateat, requirenti, promittuntur centum tituli sectionum, » etc. In *Confessionalis* autem Prologo habetur: « Præsens opusculum de informatione simpli-cium sacerdotum in confessionibus audiendis, compulsus per obedientiam compilavi..... In primo autem hujus Opusculi tituli capitulorum, et singularum particularum eorum-dem continentiae præmittuntur... Cæterum simplex simplicibus simplicia scribens simpli-citer², » etc.

Ex hac itaque Prologorum affinitate conjectare non sine veri specie licet quod sieut Prologi dicti *Centiloquii* auctor est, ut diximus, Fr. Marchesinus de Regio Lepidi, ita quoque sit Prologi hujus *Confessionalis*. Quia vero sat firmas rationes habemus, ut *Centiloquium* absque Prologo, prout incipit apud *Trithemium*, nostro Bonaventuræ adscri-hamus, non ita vero ut præsens *Confessionale*, quin imo contraria suppetant, propterea facile adducimur ut nobis persuadeamus eumdem Marchesinum esse nedum Prologi, sed et totius *Confessionalis* auctorem. Exstat idem *Confessionale* sub Bonaventuræ nomine in editione Argentinensi anni 1493, et inter manuscripts Codices Viennenses, Biblioth. S. Crucis Minor. Conventualium.

§ VI. — DE SEPTEM ITINERIBUS ÆTERNITATIS (*Prodrom.*, col. 706.).

Est *Fratris Rodulphi de Bibraco Suevi, Ordinis Minorum, non tam propter duos MSS. Codices Venetos ejus nomen ferentes, unum e bibliotheca S. Job, Minorum Observantium, alterum e bibliotheca olim Apostoli Zeni, cum aliis duo non desint, unus Mantuanus e bibliotheca Padoliranensi, Ordinis S. Benedicti, alter Romanus e bibliotheca Vaticana, Bonaventuræ nomine prænotati, unde patet minime per fraudem inter Bonaventuriana*.

¹ *Diatrib.*, pag. 103, edit. Ven. Scriptam fuisse ante annum 1312 hujusmodi Summam, produnt ea, quæ habet rubrica de *Privilegiis et excessib.* *Privil.*, ubi Templariorum ceu nondum extincti commemorantur. Cæterum Gofredus in eadem Summa pluries allegat *fratrem et magistrum Raymundum in Summa sua et Joannem Teutonicum, Dominum Albericum, Dominos suos Azonem et Augustinum*, etc. — ² Vid. huj. tom. pag. 359.

edita ab anno 1495 hoc Opusculum intrusum : non tam propter vocem *mannerii*, quæ *inaudita* non est, utpote in sensu *mansionis* accepta apud Matthæum Parisium ad annum 1215 et 1249, teste Cangio : non tam propter aliud verbum *apportare* pro *afferre*, ita ab Hugone quoque Victorino usurpatum : non tam propter ista, quam ob gravissimum testimonium Gersonis, illud *scriptori norello* attribuentis¹, obque solidissimam censuram P. Mag. Sharaleæ eumdem Rodulphum hujus, ac supra² rejecti Opusculi *de septem Donis* auctorem esse pronuntiantis : « Idem enim, ait, stylus est, iisdemque auctoribus utitur, præsertim Lincolnensi, qui tempore S. Bonaventuræ vivebat : et cap. iii, *de Donis in genere*, inquit in fine : « De his sensibus spiritualibus plenius dicitur in tractatu *de Itineribus aeternitatis*, capite sexto. » Sunt ergo auctores quibus utitur, Dionysius, Origenes, Ambrosius, Chrysostomus, Augustinus, Prosper, Fulgentius, Gregorius, Damascenus, Haymo, Anselmus, Bernardus, Gilbertus Porretanus, Hugo, Richardus, Vercelensis, Lincolnensi. Item Eusebius, Papias, auctor *de Spiritu et Anima*, necnon Aristoteles, Seneca, Macrobius, etc. Laudatus Rodulphus clariuit circa annum 1460, Waddingo adnotante³.

§ VII. — *BIBLIA PAUPERUM* (*Prodrom.*, pag. 710 et seq.)

Quanquam hanc *Bibliam* doctori nostro Seraphico vindicet contra Raynaudum et Miræum P. Michael a Sancto Joseph, Ordinis Excalceatorum SS. Trinitatis, postea episcopus Acciensis⁴; non tamen ambigimus esse Fr. Nicolai de Hanapis Ordinis Prædicatorum⁵. Ipsi Romani Editores ad calcem ejusdem animadverterunt : « Prædictum Opusculum a Sixto Senensi, lib. IV suæ Bibliotecæ, Nicolao Anapo inscribi, qui ex Ordine Prædicatorum patriarcha fuit Hierosolymitanus. » In hoc nihilominus errarunt, quod cum præfato Sixto censuerint, Nicolaum Anapum sub Sigismundo claruisse ad annum Domini 1430, cum certe claruerit anno 1290. Errarunt etiam permittendo referri posse in Appendicem cum reliquis, de quibus an auctor Bonaventura fuerit, dubitatur, « cum extra omnis dubitationis aleam nobis sit, ad Bonaventuram nullatenus pertinere. Exstat quidem sub ejusdem Bonaventuræ nomine pervetusta editio Veneta anni 1477, alia sine anno, loco et nomine typographi, alia anni 1490, etc.; sed multo antiquiores MSS. Codices dictæ Bibliæ, Nicolai de Hanapis nomine praenotantur. Hinc antiquorum nemo, ne Marianus quidam Florentinus, eum inter S. Bonaventuræ opera recensuit.

Unicum ergo dubium, quod excitari potest circa hoc, illud est, quinam fuerit, qui eadem *exempla* serie alphabetica in Concionatorum gratiam digesserit? Petrus Rodulphius, Waddingus, et alii tradunt Fr. Petrum Utinensem Ordinis Minorum edidisse librum inscriptum : *Biblia Pauperum, sive Exemplarium (exemplorum) sacrae Scripturæ*. Ab eodem Petro Utinensi igitur videtur hujusmodi liber secundum ordinem alphabeticum pro commodiori Concionatorum usu ordinatus, eique addita præfatio, quæ incipit : *Tanta pollet excellentia prædicationis officium*. Idipsum sentit et P. Sharalea. Certe titulus ille : *Biblia Pauperum*, Minoritam magis indicat, quam Dominicanum, neque alium quam modo dictum Petrum Utinensem suadet MS. Codex Tarvisiensis, biblioth. S. Nicolai,

¹ Part. IV, fol. 18, col. 3. — ² Vid., tom. VII, huj. edit., pag. xxi. — ³ *De Scrip. Ord. Min.*, pag. 309. — ⁴ *Bibliogr. critic.*, tom. I, verbo *Bonaventura*, edit. Matri. 1740, in-fol. — ⁵ Echard., tom. I, pag. 426.

Ordinis Prædicatorum , utpote habens ad ejusdem Bibliæ calcem leoninos versus de S. Dominico , de S. Petro martyre , ac de S. Francisco .

Sed petes , quid censendum sit de MS. Codice membr. in-fol., quem Jacobus Echardus vidit , et lustravit Florentiæ in bibliotheca S. Mariæ Novellæ , ac ita retulit : « Incipit liber de *Exemplis sacræ Scripturæ* , in quo de virtutibus et vitiis multa dicuntur , et etiam de moribus bonorum et malorum , quæ in utroque Testamento memorantur , et de eorum finibus , scriptus anno Domini 1474. F. I. K. scripsit. Cap. 1. *Abstinentia*. *Præcepit Dominus Adæ, dicens*, etc. Cap. 134 et ultimum. *De zelo contra peccatores*. Ad libri calcem : Explicit liber de Exemplis sacræ Scripturæ scriptus per me fratrem Joannem Caroli Ordinis Prædicatorum , completus die 26 octobr. 1474. Qui vero legerint , Deum pro me orent. Explicit. Deo gratias. Amen ¹. » Ad hæc itaque respondeo , Joannem Caroli fuisse tantummodo exscriptorem libri hujus , id quod vel inde arguitur , quia Echardus ei non præfixit numerum sicut præcedentibus Joannis Caroli Operibus.

¹ Echard. , tom. I , pag. 899.

SERIES

OPUSCULORUM QUÆ OCTAVO HOCCE TOMO CONTINENTUR

I. DE MYSTICA THEOLOGIA.	1
II. SUMMA DE ESSENTIA ET INVISIBILITATE ET IMMENSITATE DEI.	55
III. COMPENDIUM THEOLOGICÆ VERITATIS.	60
IV. DIÆTA SALUTIS.	247
V. APPENDIX DIÆTA SALUTIS.	347
VI. CONFESSIONALE.	359
VII. DE SEPTEN ITINERIBUS ÆTERNITATIS.	393
VIII. BIBLIA PAUPERUM.	483

S. R. E. CARDINALIS
SANCTI BONAVENTURÆ

EPISCOPI ALBANENSIS, DOCTORIS SERAPHICI ECCLESIAE

ELUCUBRATIO

MYSTICA THEOLOGIA

A QUIBUSDAM ASCRIBTA HENRICO DE PALMA; A QUIBUSDAM, ALIIS; A PLURIBUS TAMEN ASCRIBITUR
SANCTO BONAVENTURÆ¹

ARGUMENTUM

(*Ex edit. Vatic.*)

Præcedens titulus est in antiquis impressis Argentinæ anno 1495 : ex quo apparet jam tum addubbitatum de auctore hujus opusculi. Sed quod nec S. Bonaventuræ sit, nec alicujus Ordinis Minorum, videtur colligi manifeste ex antiquo manuscripto exemplari, cuius haec est inscriptio : *Jesus Christus Mariæ filius. Incipit liber, qui dicitur, Mystica theologia.* Ubi enim de beneficiis specialibus agitur, cap. 1, partic. n, loco illorum verborum : « Quem maxime ad religionem Fratrum Minorum divina clementia provocavit, » Ms. sic habet : « Qui maxime ipsum ad religionem Carthusiensis Ordinis divina clementia provocavit. » Et mox infra, Ms. : « Tertio recolat illud, ad quod vocatur, quia non ad regulam beati Benedicti. » Et subditur : « Sed ad ipsam sacratissimam, quam ipsem eagit, quando ductus est in desertum, ubi quadraginta diebus et quadraginta noctibus jejunavit, et præcursor suus, » etc. Impressa inter illa verba, *jejunavit*, atque, *Et præcursor suus*, interserunt haec : « Et in maxima paupertate per mundum prædicavit, et saluti omnium ardentissime intendit. » Unde ab aliquo Carthusensi compositum Opusculum videtur, et quibusdam immutatis et auctis, illud S. Bonaventuræ adscriptum, nisi quis idem retorqueat argumentum. Stylus vero non esse Bonaventuræ persuadet : est enim sanctus is Doctor concisus quidem, sed, quantum fieri potest, in brevitate perspicuus; at vero tractatus iste diffusus est et obscurus; sed ad anagogicos excessus affectui admodum utilis.

¹ Cf. Edit. Argentin. an. 1495, part. II; edit. Vatic. an. 1596, tom. VII, p. 699; edit. Ven. an. 1611, tom II; edit. Lugd. an. 1647, tom. II, pag. 680; edit. Ven. an. 1754, tom. XI, p. 344.

PROLOGUS

Viae Sion lugent¹, eo quod non sit, qui vadat ad solemnitatem. Licit Hieremias propheta dixerit hoc verbum, captivitatem populi sui deplorans; tamen hoc poterit speculator quisque intelligens exclamare, tantam captivitatem animarum, tantam declinationem a semitis justitiae et viis æquitatis in mundo universo discernens. *Viae enim dicuntur amantium desideria animarum, quibus ad Deum et ad supernam civitatem Hierusalem, super omnem rationem et intellectum, etiam in terreno corpore habitantes, animas sublevantur.* Quæ *viae* etiam *lugere* dicuntur, eo quod non sit qui ad tantam *solemnitatem* aspiciat, eo quod, abjecta vera sapientia, tam clerus quam populus mundanis deliciis, vel inutilibus curiositatibus, se immergit. Sed quod multo magis est dolendum, et cordis lacrymis incessabiliter lamentandum, quod multi religiosi, multi etiam viri famosi reputati, veluti quondam populus Israeliticus, relicto (*a*) cultu Creatoris sui, manufactis idolis servierunt, sic,

Vera sapientia inutilibus scientiis impediitor.
relicta vera sapientia, qua Deus solus perfecte interius colitur, et a solis amantibus adoratur, diversis scientiis, et fabricationibus multiplicium argumentorum inventitiis, quasi quibusdam idolis, miserabiliter mente impleverunt: in quibus sic absorbentur, diabolo instigante, et sic mens ipsorum in istis totaliter possidetur, ut vera sapientia locum in eis non inveniat. Nam hac ² *pessima occupatione*, quam *Deus dedit filii hominum*, infeliciter captivantur, ita ut non sit spiraculum, quo suum Creatorem anima per flammigeras amoris affectiones contingat. Non enim ad hoc animam creaverat, ut contra suam generositudinem multitudine quaternorum ovinorum pellium repleretur, sed ad hoc ut esset sedes sapientiae, et in ipsa rex pacificus civitatis superiore, scilicet Deus altissimus, resideret. Sapientia enim haec qua *Mystica Theologia dicitur*, a Paulo Apostolo est edicta, a Dionysio Areopagita suo discipulo conscripta, quea idem est quod extensio amoris in Deum per amoris desiderium. Quantum distat ortus ab occidente,

omnium creaturarum scientiam incomparabili præexcellit. Nam alias scientias mundi doctores edocent, sed de hac a solo Deo immediate, non a mortali homine spiritus edocetur. Ista divinis illuminationibus, et distillationibus celestibus scribitur in corde; illa vero penna anseris, et atramento scribitur in pelle. Ista vere (*b*) dicit: *Sufficit*; nam per istam animus causam invenit, scilicet Deum creatorum suum, et in ipso, qui est fons bonitatis totius et beatitudinis, immediatissime (*c*) conquiescit. Alia vero nunquam dicit: *Sufficit*; nam justum judicium est, ut qui, non curando de summa sapientia, a summa veritate deviat, veluti cœcus in tenebris involvatur, et sic per vanam et deviam, anima infatua humanis inventionibus, insensata discurrat. Item ista affectum inflamat, intellectum illuminat; alia vero quam plures inveniens vera sapientia cor evacuat, inflat, quam plures variis opinionibus, et diversis erroribus intellectum obtenebrat.

Igitur relicta humana sapientia, curiositate scientiæ inutilis, argumentationum et opinionum capturis, religiosa anima per amoris ascensionem ad fontem omnium desiderando ascendat, in quo solo reperiat veritatem. Sed quia haec summa sapientia non potest ab homine edoceri, subditur quomodo quilibet, quantumecumque laicus, in schola Dei existens, hanc sapientiam ab ipso immediate recipiat, super omnem intellectum, per amoris affectum, quam nullus philosophus, nullusque alius scholaris sæcularisque magister, nulla humana intelligentia, quantumcumque studeat, apprehendit.

Triplex est igitur via ista ad Deum, scilicet: purgativa, qua mens ad discendam veram sapientiam disponitur; secunda vero illuminativa dicitur, qua mens cogitando ad amoris inflammationem accenditur: tertia unitiva, qua mens super omnem intellectum, rationem et intelligentiam, a solo Deo sursum actu dirigitur. Nam sicut videmus in pontibus, dum fiunt, quod prius ligna supponuntur, ut firmitas muri lapi-

Susasio.

Triplex
via ad
perfec-
tum sa-
pien-
tiæ

(a) Ita edit. Lugd.; cœl. edit. recto. — (b) Cœl. edit. vero. — (c) Item immediatissimæ.

¹ *Iheren.*, 1, 4. — ² *Eccle.*, 1, 43.

Mystica Theologia de-
scriptio, et eius exellen-
tia.

dei superius ædificetur, et, perfecto ædificio, jam ligna supposita penitus amoventur (a): sic et mens, cum primo sit in amore imperfecta, post ad amoris perfectionem meditando consurgit; et cum per multum exercitium in amore unitivo fuerit confirmata, et propter multas flammigeras amoris affectiones, sive aspiraciones, supra seipsum Creatoris sui dextera sublevata citius quam cogitari possit, sine omni cogitatione prævia, vel concomitante, quotiescumque placet, centies vel millesies de die, vel de nocte in Deo afficitur, ad ipsum solum possidendum innumerabilibus desideriis aspirando. Sic enim quilibet novus discipulus ad perfectionem hujus scientie gradatim ascendat, ut primo in via purgativa, que est via puerilis et incipientium, studiosissime se exerceat, que hic incipit¹: *Justitia et iudicium preparatio sedis tue*. Postea autem per spatium modici temporis, scilicet per mensem unum, vel per duos, secundum quod, divino superirradiante lumine, sibi videbitur expedire, ad amorem cogitando consurgat. Quod si præsumptuosum forte alicui videatur, quod anima involuta peccatis multiplicibus, audeat a Christo amoris petere unionem, in seipso cogitet nihil esse periculi, dum primo osculetur (b) in pede per peccatorum recognitionem; secundo in manu, per beneficiorum sibi collatorum recognitionem; tertio ascendat ad osculum oris (c), ipsum solum desiderando, et ipsi soli affectibus flammigeris adhaerendo, ut, secundum quod subsequenter videbitur, dicendo Orationem Dominicam, prout per ipsam mens cogitando consurgit, ordinate ascendat. Quarto, se exercendo secundum viam illam, quæ illuminativa dicitur, que ibi incipit²: *Nox illuminatio mea in deliciis meis*, concendit anima ad multo eminentiorem gradum et statum, in quo etiam, quotiescumque vult, sine aliqua cognitione prævia, anima Deo immediate afficitur, quæ ad plenum non potest aliqua humana industria edoceri; sed exercendo se per viam purgativam et illuminativam, anima experimentaliter percipit, solo Deo interius dirigente et docente, quod non potest vi aliqua mortali, vel eloquentia reserari; quod nec Aristoteles, nec Plato, nec aliquis mortalitas aliqua philosophia vel scientia potest, nec potuit, nec poterit intelligere; quod solus Dominus, sive amor, docet interius: ut discat omnis rationalis anima

a summo Doctore et æterno acquirere scientiam, in qua omnis ratio et intellectus deficit, et affectus per amorem dispositus, transcendentis omnem humanam intelligentiam, supernatam, sola amoris unitivi regula ad ipsum, qui est fons totius bonitatis, spiritum dirigente.

Hæc igitur est *mystica theologia*, id est, occultus sermo divinus, quo mens ardore disposita, linguis affectionum Christum suum dilectum occulte (d) alloquitur, in cuius mystico tractatu sic proceditur. Primo manifestatur via purgativa, in qua declarantur tria: primo, quomodo anima purgari debeat; secundo, quomodo vera oratione, gratia abundantia impetretur; tertio, quomodo peccator plenam de peccatis indulgentiam consequatur. Secundo duo manifestantur: primo de via illuminativa subditur, ubi primo docetur, quomodo mens usualiter per Dominicam Orationem meditando, ad amorem consurgat; secundo, quomodo per eamdem viam, expositione Orationis Dominicæ, omnis Scriptura, anagogice totum referendo in Deum, spiritualiter exponatur; tertio determinatur de via unitiva, que incipit ibi³: *O sapientia, que ex ore Altissimi*, etc.: ubi primo manifestatur quanta vite sublimitas, et quanta virtutum consummatio per mysticam sapientiam, ad hoc ut magis appetatur, et ab ipsis exercentibus acquiratur. Quod si forte alicui legenti nimis difficile videatur, propter scientie profunditatem, vel propriei verborum obscuritatem, ut (e)jam illud tangat tertia via, quæ est super omnem intellectum; exerceat se in via purgativa, et via illuminativa subsequente, et statim experietur, et intelliget in seipso, solo Deo interius operante, quidquid de tertia via inveniet in scripto, vel audiet ab aliquo. Nam in hac sapientia necesse est, ut in seipso primo percipiat experimentaliter veritatem; et deinde sententiam omnium verborum, quæ ad mysticam sapientiam pertinent, in comparatione cuiuslibet doctrine facilimam judicabit. Hæc sapientia in hoc differt ab omnibus aliis scientiis, quia in hac primo oportet usum habere in seipso, quam verba intelligere, et practica hic praecedit theoreticam. In aliis scientiis necesse est primo verba intelligere, quam, quæ addiscitur, scientia habeatur: quæ, in quantum a nobiliori doctore acquiruntur, in tantum citius possidetur; et ita fit, ut in ipsa aliquis, Deo docente, sit perfectior discipu-

Divisio
totius
operis.

Quomo-
do sa-
piens
mystica
differat
ab aliis
scientiis.

(a) *Cœl. edit.* admoventur. — (b) osculatur. — (c) amoris. — (d) occulto. — (e) *Cœl. edit.* deest ut.

¹ *Psal. LXXXVIII*, 15. — ² *Psal. CXXXVIII*, 41. —

³ Antiph. O, ex *Eccli.*, xxiv, 5.

lus, quam, in aliqua liberalium artium perfecte intelligens magister, vel in arte mechanica bonus faber. Secundo, scilicet in illo loco¹: *Accedite ad eum, et illuminamini*, etc., docetur quomodo per omnes creaturas tam superiores, quam inferiores, anima rationalis ad amorem Creatoris obtainendum perfecte instruitur. Tertio ipsius *Mysticae Theologie* textus manifeste exponitur, in quo licet sint pauca verba, tamen est quasi infinita sententia: qua perfecte intellecta, tam librorum Beati Dionysii difficultas, quam totius Veteris et Novi Testamenti sensus mysticus veris amantibus elucescit. Nam sicut ab uno fonte derivantur plures rivuli, qui quasi in infinitos fluvios derivantur; et sicut ab uno puncto centrali procedunt quasi infinitæ lineaæ: sic, intellectus illis pauculis verbis, que ibi exponuntur, in quibus spiritus edocetur, quomodo uniri Deo debeat, in suo summo apice constitutus (*a*), et ibidem experimentaliter in-

veniet totius sapientiae originem. Ex qua conjunctione mens de inferioribus scientiis præclare intelligendis, sacra Scripturæ expositionibus verbis idoneis in prædicatione ad inflammandam corda audientium, fidelis discipulus multipliciter et affluentissime eruditur. Quarto subduntur octo industriae, in quibus anima ad acquirendam istam sapientiam, et conservandam habbitam, sagaciter edocetur. Ultimo contra aliquos sciolas hanc supremam sapientiam impugnantes, et dicentes quod nūquā consurgit affectus, nisi præmeditando et cogitando, disputatio subditur, auctoritatibus et rationibus ipsorum error convincitur, et hujus sapientiae veritas efficacius enodatur, quod sine media præeunte discretione (*b*), sed solo amoris vehicle supra seipsam, quotiescumque vult, experimentaliter anima sublevatur, quod nec ratio intelligit, nec intellectus speculatur, sicut ibi dicitur²: *Gustate, et videte.*

CAPUT PRIMUM.

De via purgativa, in duas particulas distinctum.

PARTICULA I.

De conditionibus viæ purgativæ (*c*).

Justitia et judicium³ præparatio sedis tuæ, etc. Cum enim anima per mentis affectum ad perfectam sponsi cœlestis unionem pervenire desiderat, necesse est, ut qui pane angelorum, quo beati spiritus reficiuntur in gloria, adhuc in miseria degens, quasi quibusdam micis carentibus appetit satiari, triplici officio angelorum quasi gradatim ascendo, in missione divina influentiæ sublevetur. Cum enim dicat beatus Dionysius⁴ in *Hierarchia Angelorum*, quod triplex sit Angeli officium, scilicet purgare, illuminare, et perficere; oportet ut anima, quæ vult ascendere ad illum altissimum panem iu præsenti, in quo mentes angelicas absorbentur in gloria, velut eorum imitatrix, primo purgetur, secundo divinis fulgoribus illuminetur, tertio in supremo apice affective constituta, uniti amoris culmine perficiatur.

Primo ergo dicendum est de prima via, scilicet purgativa, quæ est quasi puerilis, et inci-

pientium, per quam mens adhuc rudis disponitur siue mortalium hominum documento, solis insistens doctrinis celestibus, ut experimentaliter, quanquam sit simplex, vel laicus, ad practicam, non ad theoreticam illuminacionem, divina manifestatione necessario subleveatur. Ante enim quam illa sapientia, quæ Deus est beatissimus, in spiritu rationali veluti in domo propria conquiescat juxta illud⁵: *Anima justi sedes est sapientia*, oportet ut de ipsa judicium et justitia fiat. Judicium, ut sicut a Creatore suo se avertendo (sicut fit in omni peccato mortali) ipsum contempsit, Creatorem pro creature lamentabiliter relinquendo; sic ipsa humilietur totaliter, ut humiliatio ipsius incipientis (*d*) in tantum ipsius elementum provocet, in quantum ipsius contemptus divinam contrasse sententiam in peccatis anterioribus provocavit. Oportet etiam, ut ibi sit justitia, ut illa anima quæ aliquando delectationem Creatoris in delectationem creaturæ, peccatis suis exigentibus, commutavit, quod in tantum doleat, vel saltem se non dolere doleat, ut divino injuria, secundum judicium ipsius tam misericordis, videatur secundum humanam injuriam aliquatenus satisfactum, juxta illud⁶: *Quantum glo-*

¹ *Psalm. xxxiii, 6.* — ² *Ibid., 9.* — ³ *Psalm. cxxxviii, 15.* — ⁴ *Dion. Areop., de Cœl. Hier., c. x.* — ⁵ *Sap., vii, 27*, quoād sensum. — ⁶ *Apor., xviii, 7.*

(a) *Forte legendum constituelur.* — (b) *Item discep-tatione.* — (c) *Cat. edit. deest titulus.* — (d) *Forte le-gendum insipientis.*

rificavit se , et in deliciis fuit , tantum date illi tormentum et luctum : ut secundum artem medicinæ , per duo contraria , scilicet per humiliatem contra pristinum contemptum , per dolorem de peccatis contra pristinam delectationem , quasi nascens denuo , illi , qui est summa majestas et indeficiens bonitas , per unitivum glutinum ardentissimi amoris uniatu. Dicendum est ergo , quomodo humiliatio et dolor de peccatis , quadam necessitate congruente acquiratur. Et licet hæc via purgationis puerilis aliquibus videatur , maxime respectu sequentium , tamen nisi per istam mens circa divina negotiari attendens , sollicita et attenta perfraneat , nunquam in presenti vita ad cognitionem de divinis , nec ad ardorem unitivi amoris practici poterit accedere , nec ab istis inferioribus suos possessores devorantibus sequestrari.

PARTICULA II.

De modo purgativo.

Anima quoniam modo se debet humiliare. Sic ergo debet anima se humiliare , ut primo recolat peccata sua in aliquo loco occultissimo , et maxime in secreto noctis silentio , et majora succincte , ne diabolus sibi inferat ad delectationem , unde debuit habere medicinam , faciem suam dirigendo in cœlum , et prout potest , sic majora peccata sua usque ad decem vel duodecim coram Deo , quasi ipsi loquendo , enumeret , et enumerando suspirat , ipsum Deum in omnibus exaltando , et se in omnibus deprimente , prout poterit , dicendo : Domine Jesu Christe (vel quocumque modo sibi melius placuerit) , ego sum ille peccator nequissimus , miserrimus , infelior , nequissimus abominabilius , qui tuam majestatem in tot et tantis criminiis offendit , ut illa enumerare non sufficiam , sicut nec arena maris præ multitudine numerari potest. Et ibi suspirat vel gemat , prout efficacius poterit : quia , sicut lima operatur in ferro , ut in qualibet ipsius singulari fricatione aliquid de ipsius ferri rubigine expellatur ; sic quodlibet suspirium vel gemitus aliquid de rubigine peccati , etiam post infusionem gratiarum relictum , eliminat. Et sic magis ac magis anima se purgans , ad percipienda que ratio non investigat , vel intellectus speculatur , divino subsidio , vel desiderio elevetur. Et ut intentius dolore constringatur animus ad sui confusione et humiliationem , divina beneficia primo in generali , secundo in speciali attentissime coram Deo , prout melius poterit , sibi ingratu-

divinitus collata recordetur : primo , quod ipsum quoad speciem suam tam nobilem creaturam de nihilo sic creavit , dicens¹ : Nonne tu , Domine , me ad imaginem tuam , cum nihil ante te essem , in tam nobile esse produxisti , ut te tenerem per gratiam in presenti , et te facie ad faciem contemplarer in gloria ? Et ego in tantum provocavi dictuum judicium tuum , ut , nisi mihi subvenias , magis non nasci , quam ad lucem presentis vite perduci , mihi misero profuisset. Secundo , beneficium incarnationis recordetur , sic dicens : Nonne tu , Domine , es ille Rex altissimus angelorum , in tantum pro me te ipsum annihilans , ut nostras miserias , et peregrinationes itineris ad similitudinem cujusdam pauperis humiliiter sustineres ? Et ego , Domine , non me humiliando , sed in tantum impudenter extollendo , tuam majestatem contempsi , in miserias hujus vite momentaneas te fontem totius beatitudinis commutando. Quo ergo fugiam ?¹ Si ascendero in cœlum , tu illuc es ; si descendero in infernum , ades. De secundo aliquantulum insistendo , percurrat ad tertium , scilicet ad recordationem Dominicæ passionis , sic dicens : Non sufficit , dulcissime Domine Jesu Christe , quod in tantum te ipsum inclinas , ut , manens Deus , carnis mortalis humanitatem assumeres ; sed insuper propter universorum mortalium miserias sublevandas , tam dira verbera , tam innumerabilis vulnera tolerasti , ut a planta pedis usque ad verticem non esset membrum in corpore tuo quod non sanguine tuo sacratissimo spargeretur ? Quid ergo faciam miserrimus , cum mortis tuae sim causa , non tantum vicem pro vice non rependens , sed in tantum te in fæcibus meis provocans , ut digno iudicio deberet contra me pugnare totus orbis terrarum , a summo cœli cardine usque ad ultimum centrum inferni ? Surgant ergo creature omnes , et veluti Domino proprio famulantes , de me vindicent suum proprium Dominum et Creatorem. Et ibi cogitet de passione Domini aliquantulum , ut per vulnus lateris usque ad contactum divinitatis occultæ latentes interius , per experimentum amoris , attingere mereatur. Hæc enim tria sunt in generali , quæ non sibi tantum , sed et omnibus aliis Altissimus condonavit : quæ in quantum sunt generaliora , in tantum indicant majorem divinam clementiam.

¹ Psal. CXXXVIII , 8.

Beneſ-
cie ſpe-
cialis.

Postea cogitet in ſpeciali, quæ ſibi, non omnibus aliis, Pater totius conſolationis contulerit, quem maxime ad religionem Fratrum Minorum divina clementia provocavit: quoniam ista via purgativa ſolum eorum, qui a via ſeculari, veluti columba vel turtur, in deſertum, in ſeculum videlicet contemplationis, licet adhuc debiles, ſupra ſeipſos avolare nituntur, amotionem omnis culpe mortalium, quoad iudicium conſientiae, neceſſariam ſupponens. Primo ergo recogitet, quo digneſ, quo potioreſ, quo etiam ad abundantiorē influentiā divinae gratiae magis multipliciter præparatos, reliquum ipſe Altissimum in miseriis et mundanis voraginibus involutos, et ſe de tenebris miseriae convocavit ad ſuam incommutabilem veritatem. Secundo non tantum respectu miseriae mundanæ ſibi beneficium collatum recogitet, ſed et illud divinum beneficium respectu infernaliſ miseriae pertractet: quia multi, qui non tantum quantum ipſe (a) divinae majestatis oculos offendereunt, ſempiternæ maleditionis poenit perpetualis detinentur; et ipſe qui multo plus idem meruerat, non meritis propriis, ſed dono Conditoris gratuito, ad gratiæ radium in praesenti vocatur, et ad premium æternæ beatitudinis in futuro. Similitudinem duorum latronum recolens, quorum unus ab aliquo rege terreno condignus ſuspenditur, alter vero, plus priore delinquens, ſola regis terreni clementia, licet meritis contradicentibus, ipſi efficit commensalis, gloriam non ignominiam reportando. Tertio illud, ad quo revocat, recolat, quia eum non ad regulam beati Auguſtini, vel Benediti Redemptoris gratia revocavit, ſed ad illam ſacramentam, quam ipſemet elegit, quando ducitus est in deſertum (b), ubi quadraginta diebus et noctibus continuoſ jejunavit, et in maxima paupertate per mundum prædicavit, et ſaluti omnium ardentissime intendit, et Precurſor ſuus proprieſ instituit, et ipsam in ſeipſo ſervans, et nobis ſervandam monſtravit. In tantum alii regiminiſ hæc regula eſt ſublimior, in quantum doctrinam humanam divinum eloquium præexcellit. Sed et ſic persistens in oratione, non tantum cogitet in ſeipſo, ſed ad Deum immeđiate dirigat eloquium ſuum, tam peccata ſua, quam beneficia, in generali et in ſpeciali humiliter referendo: tamen cum quodam or-

dine iſta vel alia, ſecundum quod iſum Dōminus intus docuerit, recolendo.

Sic per recordationem peccatorum et divinorum beneficiorum confuſus, jam viam humiliatiōnis incipiat, ſic dicens: Domine, Paer totius miserationis, non poſſum tibi ſatisfacere de malis, quæ coram te miſerabiliter perpetravi; non tibi respondere valeo ad beneficia, quæ mihi miſerrimo contulisti: ſed quia me interficere non debeo, nec valeo, tu me infilicem interfice; ſed ſi tibi hoc non placet, mitte Angelum tuum gladiatorem, qui de me vindictam accipiat. Sed ſi hoc proper misericordiam non viſ adimplere quo dieri, quia me interficere non poſſum; tamen hoc quod in me eſt faciens, me quaſi latronem tuum tibi reddo in perpetuum ſervientem, nunquam diebus meis ulterius a tuo ſervitio recedentem. Tunc proſternat ſe in faciem, et quantumcumque poſterit ſeipſum humiliare deprimendo, et Altissimum offendit exaltando, et in quantum humilius, in tantum etiam citius et abundantius gratiam divinae miſericordiæ provocabit. Et tunc de neceſſitate divinae congruentiæ oportet, quod quando piissimus Pater videt iſum ſic coram ſe humiliatum, dolorem conferat de peccatis, vel ſaltem dolorem, quia non dolet: ut per iſa duo contra duo prædicta, anima purgata recuperet jam quondam quod eraſt deperditum, et ſibi quandoque multo amplius, quam antea, idipſum restauretur. Sed ſi etiam dolorem non poſterit quoad effectum conſequi, per ea quæ dicta ſunt, in qualibet nocte ſuccincte hoc tenet, quod dictum eſt: quia Creaſor ſufficit, quando homo fecit quod in ſe eſt, nec non ipſe Dominus, rei exitum expectans, quandoque ſe ſubtrahit, ut et iſa faciens, dolorem nullum ad conſolationem inveniat, ut ejus patientia ad tempus per divinam ſuſtentiam comprobetur, et ut ſibi poſtea amplior conſolatio, et de peccatis contritiō divinitus confeſſa-

De bu-
miliatio-
ne quam
peccator
coram
Deo iſ-
cere de-
bet.

Sed quia quæ prædicta ſunt, non poſſunt fieri ſine gratia ſpeciali, ſequitur de impetratiōne gratiae per modum orandi, prout ad viam purgativam pertinet. Sicut enim oculo corporis, vel sensuali, de joculatoribus in cuius magnatum cernitur, quod cuipienteſ aliquod temporale commodum a principe inconfiſſi- ter obtinere, primo iſum multipliciter com- mendant, deinde quod intendunt ſibi poſtulant condonari, ſic et novus joculator ſpiritualis,

(a) Cœt. edit. ipſae. — (b) Item deſerto.

mundum deceptorem despiciens, debet ordinate procedere. Cum enim Deus in se sit in-nominabilis, ipsum tamen in suis effectibus nominamus, et per ipsos ipsum magnificientiam collaudamus. Primo enim, secundum quod ipse est omnis creaturæ, tam corporalis, quam spiritualis, præincipium et origo. Secundo ali-quantulum sublimius, prout se habet ad con-tempantes in gloria, scilicet mentes angelicas et humanas, et ipsa contemplatione suæ (a) indi-cibilis pulchritudinis, quam vident sicut est, beatificans, ab ipsis omnem eliminans egesta-tem. Tertio adhuc iste sublimius, prout ad omnes creaturas se habet, quibus ipse tanquam altissimus imperat, et omnes tam rationales, quam irrationales, sue obtemperant majestati. Quarto, respectu nobilissimæ creaturæ, quæ est homo : et primo respectu eorum, qui sunt in charitate, famulantur suo Creatori, in hoc quod ipsis, aðhuc degentibus in hac vita mi-seriæ, superpositus Pater suppositis filiis multa xenia internarum consolationum, veluti quæ-dam futurae divinæ beatitudinis, sive beatifica-tionis, indicia, hominibus quasi nihilum exis-tentibus, veluti filii Altissimi (b) præostendit. Quinto et ultimo, respectu existentium in peccatis, quibus, in quantisquecumque peccatis diu-ni-tus sua sclera protelantes extiterit, pulsantibus ad januam divinæ pietatis, ipsos divina clementia in sinum suæ charitatis recolliget; et perpetratis peccatis misericorditer sic indul-get, ut sepius ab ipso, quem sic abominabili-ter offendunt, quandoque plus quam inno-centes, uberiora et pretiosiora beneficia illapsa coelitus consequantur. In his enim divina bo-nitas ex primordiali diffusione gratiæ mani-festatione usque ad feces existentium in pecca-tis ostenditur. Et haec quinque breviter in quinque his vocabulis includuntur, scilicet Bonus, Pulcherrimus, Dominus, Dulcis, Misericors. Et postquam in his commendatus fuerit, illud quod intendit, plenariam remissionem de perpetratis sceleribus secure poterit postula-re. Iste enim modus postulandi et orandi edocetur, ubi sponsus dicit sponsæ¹ : Vox tua dulcis, et facies tua decora, scilicet, per interio-rem purgationem, obtenebrantem caliginem expellendo, et vox dulcis, ut in quolibet verbo sponsus æternus in aliquo specialiter com-mendet. Et hæc proprie appellations sunt Cantica

(a) Cœl. edit. sua. — (b) Edit. Vat. Altissimus; edit. Ven. et Lugd., Altissimus.

Canticorum, et in tantum a parte animæ, ut quandocumque mens ad Deum se erigit, in ipsis vocabulis involutam dulcedinem inveniat, ne per multiloquas enarrationes, et vocales prolationes, animus in tanto colloquio eva-geatur, sed in his illectus, vel allactus, intra se to-taliter adunetur. Sic ergo dicat, quoties poterit, vel modo hoc isti consimili : Bone, Pulcherrime Domine, dulcis, misericors, miserere hujus peccatoris, quem redemisti sanguine tuo pre-tiosio. In hoc solum attendens, quod sibi de malis perpetratis parcat clementia Salvatoris, non quod in quolibet verborum includitur theorie speculando, sed affectuose orando, potest illa vel consimilia dicere, prout dicens noverit majorem affectionem in istis, vel con-similibus, reperire.

Sed ad hoc ut mens desiderii completionem obtingeat, necesse est ipsam divinam influentiam imitari, ut sicut ipse Sol spiritualis Hierusalem civitatis supernæ, quantum est de se, bonos et malos radiis bonitatis suæ illustrat, sic non tan-tum pro propinquis, sed pro omnibus illis, qui-cumque sunt beatissimæ Trinitatis imagine in-signiti, totis visceribus deprecetur illius clem-entiam Salvatoris, ut, sicut omnes creavit et omnes redemit, ita omnibus indistincte digne-tur misericorditer subvenire. Et in hoc irrefra-gabiliter citius divinam misericordiam provoca-bit, vel obtinebit, in quantum hominum Creatoris universorum, et omnium mortalium Redemptoris vestigia (suam charitatem super omnes latissime diffundentis) fuerit imitatus, nisi quandoque ad horam pro se, et pro aliis, singularibus orationibus coartetur petitio, licet semper charitas habeat se diffundere, eundem affectuosum modum, quem pro se, etiam pro omnibus exorans, sollicitus alleget, quantum est de modulo sue parvitatis, sic dicendo : Bone, Domine, pulcherrime, dulcis et miseri-cors, miserere omnium peccatorum, quos rede-misti pretioso sanguine tuo. Et tunc, in quantum poterit, habeat istam imaginationem, quando dicit : Miserere, ut totus mundus sue Creatori inclinetur, per verum cultum et reverentiam condignam.

Sed quia mens omnia ista non potest præ ni-mia carnalitate et vertibiliitate, prout esset ex-pediens, impetrare, oportet quod ad instar illo-rum qui habent aliquod magnum in curia re-mendare.

Simili-tudines ostendi-tur sanctis esse invoca-tos.

¹ Cant., II, 44.

Bentis-
sima
Virgo
Maria
invo-
cande.

galis palatio, vel summi Pontificis expedire, qui videntes se non posse propositum consequi, adeunt aliquem magnum de curia, ut, quod per se non possunt, ipsius mediatoris intercedentis reverentia impetreretur. Quod si ille pauper aliquem magnum et praeexcellentem invenerit, qui has conditiones habeat, ut sit humilis ad audiendum preces pauperum, gloriosus in curia, ut cum ipso, si necesse fuerit, multi alii pro alio intercedant, dilectus summo Pontifici, ut ejus dilectione astrictus, nihil velit penitus denegare, absque ulla calumnia pauper suum desiderium obtinebit. Sed quia ista inter sanctos alios, in superlativo gradu excellentissime in beata Virgine reperiuntur, ad ipsam confugiat, sic dicens: Tu quæ es misericordissima præ omnibus aliis, humilibus peccatoribus te inclinans, potentissima, quia per te ruinas angelicæ reparantur, per te sanctis vite janua aperitur, et ideo te clamante pro paupere, tecum omnes pariter acclamabunt Regi aeterno amantissimo, quem tuis sacris umberibus lactasti, et ideo ineffabili glutino charitatis tibi conjunctus est; rogo, ut per te mea inopia sublevetur, ut sic per te de peccatis meis propriam purgationem obtineam, ut tandem ipsum in isto amore constringam, quem tu totis visceribus dilexisti. Et tunc dicat ei: Ave, Maria, quadraginta vicibus, vel quinquaginta, sub certo numero¹, si voluerit, dividendo, vel consimile, prout sibi melius videbitur. Hoc quasi in signum dilectionis et spiritualis homagii reddens ei quotidie pro tributo, ipsam non in pictura parietis, non in sculptura lignea, sed in celo attente et affectuose salutans, ad ipsam immediate suam faciem dirigendo. Haec est via purgativa, et ipsius expeditio, quæ multo plus in corde potest citius recolligi, quam scripto vel verbo tenus numerari. Hanc purgationem recordetur incipiens breviter et succincte, et vera sibi latissima via cito apparebit.

CAPUT II.

De via illuminativa in tres particulas distinctum.

PARTICULA I.

De triplici irradiatione (a).

Per viam purgativam mens ad illuminativam immediate erigitur, secundum illud Psalmistæ

(a) Cœl. edit. deest titulus. — (b) Ita Edit. Vatic., edit. Ven. si.

dicentis¹: *Ascensiones in corde suo disposuit in valle lacrynarum*: quia per gemitus et lacrymas anima a rubiginibus peccatorum abluitur, et per hoc immediate ad susceptionem divini radii preparatur. Cujus necessitas sic appareat, primo a parte recipientis. Nam sicut in speculo materiali videmus, quod si sit ibi flatus, vel aliquod obtenebrans, facies humana, quamvis se ei objicit, non tamen resultat, sed cum absternit fuerit, in ipso facies humana appareat, ut si etiam speculum ratione humana uteretur, ad instar spiritus, per illud quod in seipso recipit, ipsum, cuius est similitudo, repræsentans cognoscet; sic (b) cum a rationali spiritu erit eliminata caligo offuscans, jam ille Sol spiritualis gratiae sue radios immittit, qui, quantum est de se, æqualiter omnibus se infundit, imo quod plus est, quia sicut radius solis materialis stat immobilis ad fenestram, et statim, cum sibi apertum est, nunquam retrocedens, nunquam de sua naturali bonitate se retrahens, sed potius domum interiorum prius obscuratam irradiat; sic verus Sol justitiae civitatis supernæ, cuius sol iste materialis obscuram gerit similitudinem vel imaginem, nihil aliud expectat etiam immobiliter præsto stans ad januam, nisi ut per aliquam abstersionem sibi aditus preparetur, ut in mente, veluti in lectulo, feliciter conquiescat, per spiritualium splendorum irradiationes animam sibi despontatam insigniens: et sic a parte recipientis, et a parte influentis irradatio spiritualis purgationem consequitur. Sed hoc idem manifestatur per ipsorum distantium conjunctionem unitivam. Sicut enim in Sapientia dicitur², (ipsa sapientia est) *candor lucis aeternæ, et speculum sine macula*. Oportet ergo ut sit aliqua consimilata conformitas, quando per veram amoris unionem mens humana candori lucis aeternæ unitur, et prius semota ab ipsa omni obtenebrante caligine, speculo sine macula conformetur, vel comparetur. Unde oportet primo quod mens sit quasi speculum sine macula; et statim ad suscipiendum lucis splendores divino radio disponitur, et sic, cum fuerit curata, aeternæ sapientiae conformetur.

Sed de quo lumine intelligatur, quod mens anagogice consurgens ad tertiam viam unitivam erigitur, sciendum quod sicut sol materialis videtur in corpore terminato inferius, ut ipsum videmus in pariete, videtur etiam in radio suo,

Simili-
tudo pul-
chra.

¹ Psal. LXXXIII, 6. — ² Sap., vii, 16.

Simili-
tudo so-
lis mate-
rialis
cum ra-
diis Solis
justitiae.

scilicet in aere, videtur etiam in seipso, ut in fonte solari: sic radius divinus etiam spiritui appetet tripliciter. Apparet enim in sacra Scriptura, quando, sub cortice litteræ, per aliquod donum intelligentiae sensus anagogicus invenitur, quo mens sicut per quemdam radium ad amorem sui Creatoris multipliciter et mirabiliter erudita erigitur. De isto radio, qui facit semper splendere spiritum, beatus Dionysius, *de Divinis Nominibus*, sic dicit¹: « Indicibilia autem casto silentio venantes, ad illucescentes nobis in sanctis eloquii splendores exercemur, et ab ipsis illuminamur. » Secundus radius a Sole spirituali missus resplendet in spiritu, et his solis radiis mens aeternis spectaculis suspensa, cum quadam etiam admiratione ad meditandum de supercelestibus eruditur de rationibus aeternis, vel aeterna generatione, vel nexus Spiritus sancti, et de hujusmodi: quia, sicut per solares radios resplendentes in aere, non per aliquod aliud lumen sensibile, oculus materialis ad contemplationem solis erigitur; sic oculus intelligentiae per radios immissos a Sole spirituali, non per aliquam aliam disciplinatam scientiam, vel mortalis doctoris industriam, ad cognitionem occultorum supercelestium elevatur. Et de hac Beatus Dionysius dicit²: « Verite ad radium, » quasi dicat: Non alium doctorem, non aliud exemplar assumas ad percipienda divina; sed intra te ipsum ingredere, et per radios, tibi datos desuper, ad contemplationem divinorum arctius te exerce. Quia sicut rationalis spiritus nobilior est inferioribus creaturis ceteris; sic nobilius per immissos bonitatis radios appetet divina clementia in ipso. De tertio vero radio, ubi ipse fons totius beatitudinis appetet (quod raptu fit), praetermitto quod fit, quando mens rapitur, a corruptione et sensitivatione membrorum carnalium remota, quantum possibile est, gratia trahente naturam, dono Conditoris gratuito mens ad superna rapitur, ipsum facie ad faciem contemplans, cuius gloriose aspectu superna curia jucundatur. De primo radio latitante sub Scriptura est praesens intentio, per quem ad amorem unitivum ascenditur. Secundus radius amorem saepius comitantur: quia quanto plus per affectiones amoris mens fonti luminis appropinquat, in tantum efficacius, veluti ipsi vicinior (sicul de aurora consurgente videmus, quod primo partes pro-

¹ Dion., *de Div. Nom.*, c. i. — ² Id., *ad Tit.*, epist. (a) *Cæt. edit.* appetet. — (b) quod.

pinquas illuminat), radiis divinioribus adimpletur. Per viam vero tertiam, quando mens spiriū insatiabilibus suspirat dilecto totaliter uniri, ad tertiam irradiationem, in qua plus agitur, quem agat, divinitus sublevatur, et sibi diutius suspiranti dicitur a dilecto³: *Amice, ascende superius*. De hac Dionysius, in *Mystica Theologia*, postquam dixit⁴: « Consurge ignote ad ejus unionem, quæ est supra mentem, et cognitionem, » ubi tradit amoris unitivi practicam, ubi scilicet ad ineffabile mysterium consurgit affectus, quod ignorat intellectus, postea subdit, dicens ad Timotheum sic: « Sic enim omnia a te auferens, et ab omni irretenibili et absoluto, mundè ad divinarum tenebrarum radium sursum ageris. » Unde et in consurrectione unitivi amoris dicit: « Consurge, » quia simul ibi operatur natura, et gratia. Postea dicit: « Sursum ageris, » quia non natura, sed gratia, mens ad experimentalem, et immediatam cognitionem coelestium elevatur, et per illum animus ad istam disponitur. Sed quia de via illuminativa est praesens intentio, dicendum est quomodo lumen in Scripturis appareat (a); deinde quomodo per istud lumen ad tertiam viam, scilicet unitivam ascendamus: et quo (b) omnibus pateat, quod in omni scriptura sancta iste radius latitat, velut lumen in testa, subditur exemplum in uno, scilicet in Oratione Dominicana, ut simul ex universo Novo et Veteri Testamento ab universis veritatis discipulis comprobetur, et ut non sit aliquod verbum, quod non colloquiis sponsi et sponsæ interius repleatur.

PARTICULA II.

De triplici anagogia.

*Nox illuminatio mea in deliciis meis*⁵, etc. Nox enim hic vocatur obscurus cortex Scripturæ exterior, vel etiam omnis sensibilis creatura, per quam mens interius irradiatur ad hoc, quod anagogice in unitivi amoris deliciis conquescat. Via enim purgativa respondet ordini Thronorum: nam ibi tunc primo purgatur anima ad hoc, quod primo Deus in ipso veluti in loco mundo resideat. Ista autem, ut dictum est, respondet Cherubim: *Cherubim plenitudo scientie* interpretatur. Tantum autem per artem hujus theoricas scientiae lumen acquiritur, et tanta sapientiae dilatatio in Scripturis, ut quot

— ³ *Luc.*, xiv, 10. — ⁴ Dion., *de Myst. Theol.*, c. i. — ⁵ *Psal.* cxxxviii, 11.

verba in Novo et Veteri Testamento , quot creature in mundo, tot habeat anima intelligentias, vel sermones , totum ad Deum ad punctum amoris omnia referendo, ut postea apparebit. Tertia autem, scilicet unitiva, respondet Seraphim, qui interpretatur ardens : ibi enim in tanto ardore fertur anima in Deum, ut maxime corpus per extensionem affectuum et motuum quandoque mirabiliter affligatur.

Triplicis anagogie expositio. Scendum est igitur, quod triplex est anagogia : una quae est de Deo in se, ut mentes coelestes beatificans in gloria, ut dicitur de David, qui erat quidam homo, ad litteram, qui dicitur optimus propugnator, et moraliter significat animam, quae ita debet viriliter pugnare contra diabolum, contra ipsum etiam insurgendo, et spernendo, ne seipsum permittat tam vili domino subjungi (a), et a dulcissimo Iesu Christo in perpetuum separari. David etiam dicitur Goliam percussisse, signans allegoricem Dominum Iesum Christum, qui diabolum superavit, pacem populo suo acquires, etc. Dicitur etiam David ¹ pulcher aspectu, inestimabilem pulchritudinem divinae substantiae significans, in sua pulchritudinis visione, laetitia indicibili beatificantis, in requie beatitudinis aeternae, omnem mentem angelicam et humanam. Unde in Joanne dicitur ² : Hæc est vita aeterna, ut cognoscant te solum Deum verum, et quem misisti Iesum Christum. Et hec est anagogia expositio, secundum quod Deum beatificantem respicit. Alia est anagogia, quae respicit Ecclesiam triumphantem, in quantum in sponsi amplexibus totaliter inavertibiliter perseverat, ut Hierusalem ad litteram quedam dicitur civitas. Hierusalem enim civitas optime munita et fortissimis muris circumdata dicebatur : et significat ipsam fidem animam mortalem, que debet interius muniri armis virtutum, gratiarum et amoris, sine quibus armis, nullus unquam potuit, nec poterit diabolo resistere adversanti; quae etiam debet exterius muris fortibus circumdata esse, et hoc in honesta conversatione, et quinque sensum mortificatione, quibus amoris (b) unitivi regnantis integritas inexpugnabilitate conservabitur. Secundo in hoc, quod sedes regni dicitur, Ecclesiam venturam fidelium sub Christo principe figurabat, in qua regnat ipse rex pacificus, sub cuius persona quondam dicebat Isaías ³ : Deus legifer noster, ipse veniet, et

salvabit nos, regens militantem Ecclesiam exemplo vite, et verbo doctrinae. Tertio Hierusalem interpretatur *visio pacis*, quod Ecclesiam triumphantem signat, in qua sunt habitatores pacifici, qui illius felici presentia gratulantur, dicentes, et clamantes, et gaudiorum civitatis aeternæ superplenissima præmia admirantes ⁴ : Melior est dies una in atris tuis super millia. Et haec est anagogica expositio.

Proprie dicitur anagogia idem, quod *sursum Anagoga quid.* Ubi etiam recte inter sursum actum, et illum ad quem supra se aspirando ardentius elevatur, distantia annotatur. Unde proprie, neque inter beatificantem Altissimum, et illos quos ipse pax vera beatificat, neque similiter e contra, est proprie sursum actio extensiva ; sed potius tanquam cum rege existentes feliciter in thalamo, in ipso tranquillitate admirabili conquiescant, et tanquam supra se jam in ipso existentes, ad ipsius unionem, vel imitationem desiderabilem, ulterius non aspirant. Sed hoc proprie sponsa adhuc a sposo peregrinanti competit ; quae abduc tanquam distans, ipsi insatiabilibus suspiriis uniri desiderat : quod in separatione animæ a corpore in tranquillitate vite plenissime obtinebit, secundum quam sapientiam anagogicam currunt Cantica Cantorum, cum dicit ⁵ : Osculetur me osculo oris, etc. Et illud ⁶ : Trahe me post te, etc. Et iterum ⁷ : Veni, dilecte mi, et egrediamur in agrum, etc. Quæ petitiones nihil aliud sunt, quam ignita suspiria, et inquiete affectiones, dilectum ad sui sursum actionem felicius obtinendam ardentius provocantes. Similiter, et ex parte sponsi ad sponsam, cum dicit ⁸ : Aperi mihi, soror mea, sponsa mea. Et iterum dicit ⁹ : Veni de Libano, veni, etc. Et iterum dicit ¹⁰ : Surge, propona, amica mea, etc. Quæ sponsi colloquia nihil aliud sunt, quam radiationes scintillantes emissæ ab ipso, affectum ad ardenter desideria, et inquieta suspiria, importune incitantes.

Acquiritur enim ista ars magis per amoris unionem, secundum quam, ut dictum est, presens est intentio. Hanc ubique inclusam in sacra pagina ostendentes, exemplum ponamus in uno, ut simile in aliis sacræ paginæ locis idem ostendatur, et ne longius hoc exemplum

(a) *Cæt. edit.* subjugare. — (b) amore.

¹ Reg., XVI, 12. — ² Joan., XVII, 3. — ³ Isa., XXXIII, 22. — ⁴ Psal. LXXXIII, 41. — ⁵ Cant., 1, 4. — ⁶ Ibid., 3. — ⁷ Ibid., VII, 11. — ⁸ Ibid., V, 2. — ⁹ Ibid., IV, 8. — ¹⁰ Ibid., II, 10.

protraham, primo subditur in Oratione Dominica :

Orationis Dominicae anagogica declaratio. *Pater noster*, etc. Sicut enim in sensu litterali artificialiter procedendo, sic etiam in anagogico primo captatur benevolentia infundentis; secundo petitiones suas multiplicat. Sed primo ab ipsa dilectus in tribus praecepit commendatur, captando ipsius benevolentiam in suis petitionibus, ut sua beneficia conferenti Domino adscribens, idem Dominus favorabilior habetur, primo ut perfecte et spiritualis generationis principium; secundo, ut suæ bonitatis velut quoddam diffusivum; tertio, in habitaculi et mansionis dignitate, qui tanquam Rex præcellens habite non dignaretur, nisi ubi est firmum habitaculum, sive tabernaculum, et decore multiplici interius decoratum. Primum per *Pater*, secundum per *noster*, tertium per *cœlis* importatur. Primo illud, quod est secundum proprietatem vocabuli, anagogice ad sensum mysticum transferendo. Verbi gratia : Pater ad litteram nihil aliud est, nisi qui de se aliquid emitendo filium progenerat; sic, anagogice transferendo, verissime pater ille dicitur, qui tamen non naturaliter, sed adoptive multos filios generat, a se germen amoris deificans emitendo : quo mens perfecta nativitate gignitur, quando vivere jam in vera vita incipit : sine quo a natura quantam ad verum omne nihil penitus efficitur, verius et efficacius progrediens, quando de Deo vero, qui est vita, nascitur per amorem, quam quando de nihilo, quantum ad esse naturæ, in nativitate culpabili duxit primordiale originem, a quo non tantum ut principio affluentissima vitam emitente (a) cœlitus generatur, ab ipso sensum et motum spirituale recipiens, qui vere vite principaliter attestantur, sed usque ad perfectam ætatem claritatis æternæ, et quando ipse videbitur facie ad faciem, micas panis consolationis internæ recipiens, scilicet Dei corroborantis et confortantis amorem, ab ipso paterno affectu misericorditer educatur. Et hoc totum importat hoc quod dicit, *Pater*, mystice occultatum, ut est totius vite fontale principium. Sequitur *noster*, ubi laudatur ipsius beatitudinis inclusæ diffusio, quasi dicat : Tu es ille, qui ratione tuae latissimæ bonitatis, non singulare personas consideras, sed omnes rationales spiritus, quantum ex te est, per im-

(a) *Cat. edit.* emitendo. — (b) Dicitur. — (c) *Cat. edit.* tantum.

missos a te radios ad te trahis, ut non aliqui, quantumcumque excellentiori et præclara religione eminentes, te fontaneam bonitatis originem sibi appropriare valeant, sed ut non sit mens humana, vel angelica, que se abscondat a calore tuo naturaliter abstractivo. Et hoc per *noster* anagogice importatur.

Sequitur : *Qui es in cœlis*. Hic captatur benevolentia a ratione excessivæ, vel præcessivæ mansionis. Cœlum inter alia præcellit triplici proprietate : est enim continue mobile, firmum, et variis sideribus in ipso resurgentibus adornatum. Hoc ad sensum anagogicum transferencendo, sponsa sponsum in suo cubiculo collocans, in secreto cordis armario debet hac proprietate triplici adornari. Primo quod sit firma, et secundum hoc loquitur sic : O dulcissime, tu qui es in cœlis, id est, illarum mentium thalamum inhabitans interiorum, jam non tantum praesentialiter, potentialiter, et essentialiter, ut in aliis creaturis; sed vere te ipsum, qui es hospes iucunditatis et solatii, sensibiliter et familiariter repræsentans, his qui, ob amorem tuum efficacius obtinendum, vale facientes cæteris delectationibus, dederunt libellum repudii, et tibi soli quietanti mentes in amore viventes, continua suspiria, impedimentis resecatis, glutino amoris suavissimi colligati, tibi firmissime et ineradicabiliter adhaeserunt, ut sit etiam ipsi fortis ut mors dilectio, ut in *Canticis*¹ dicit (b) ad suam radicationem firmiorem sponsa proclamans ad paronymphorum subsidia, scilicet angelorum, quibus tamen sociis adjuvatur, ita dicens² : *Fulcite me floribus*, id est, fulcite, obsecro, irreverberatis affectionibus, non a vobis, sed a dilecto per vos hoc obtinere cupiens : *stipate me*, vos qui videtis eum facie ad faciem, vestris consolationibus, ipsum ad mihi subveniendum uberiori provocando, *quia langueo*, calore unitivo æstuans ipsum totaliter amplecti desidero, quem adhuc paupercula, in miseria existens, tam jucundum Dominum experimentaliter præcognosco. Sequitur alia proprietas, *continue mobile* : tunc enim mentem verissimus sponsus æternus certissime visitat, et eam inhabitat, quando non jam laboriosa tarditate in unitivis motibus, sicut cum esset in status incipientis exordio, se sursum erigendo affligatur, sed diuturno exercitio tantam (c) agilitatem affec-

¹ *Cant.*, viii, 6. — ² *Cant.*, ii, 5.

tionum divino meretur beneficio, et gratiam affluentissimæ largitatis accipere, ut quotiescumque vult, quasi sine afflictione inquietativa suorum desideriorum dilectio mentis, ut sursum ardenter agatur, afficitur, tunc ipsam Deus virtutum spiritualiter inhabitat, non tamen actu continuo (quod est super vires conditionis humanae, propter laxationes virtutum), sed continua habilitate motus amoris, secundum libitum suum, eliciente facilitatur, et affectus motui firmamenti simulator. Unde qui in primis lento gradu et debili, vago et tepido ad modum testudinis ambulabat, nunc currendo [celeriter], ita ut montes et colles, id est, dignitates tam ecclesiasticas quam mundanas ipsas vilipendendo transiliat, et hoc est quia in parte exaudita est ejus petitio, cum interius voce suspiriorum diutissime proclamet ita : *Trahe me post te.* Quia ergo tracta est ab illo, qui solus potest ipsam supra se eminentius elevare, prius lenta, jam currit in odore unguentorum suorum, quia nimirus ardenteribus desideriis, plus solito, ad sponsi amplexus erigitur, quia de xeniis Hierusalem civitatis supernæ veluti quibusdam micis cadentibus de mensa dominorum suorum, quæ experimentaliter præcesserunt, degustavit. Quia ergo non tantum sponso aperuit, ob cuius amorem mundana gaudia ipsam obfuscans conculcando respuit; sed pulsanti ad ostium, cupienti introire, in occursum perrexit (a), in affectiones flammigeras consurgendo, qui non propter seipsum, sed propter ipsam intrando inhabitat, cibum solide affectionis apportans ut cœnet cum ea, et ipsa secum. Sic enim in loco continuo mobili dilectus requiescit.

Sequitur de tercia proprietate, *diversis sideribus adornatum*. Cum enim virtutes efficaciore virtute, sive purgatore, indigeant, nondum plene floridus et præclarus dilectus mentem inhabitat, cum inordinatio virium, et immodesta delectatio sensuum, mentem nubilosa caligine obtenebrent; et quia lippos adhuc habet oculos, non est accepta acceptance gratissima æterno Jacob, qui Deus altissimus est, cuius pedibus omnia sunt subjecta, ut ab ipso in copulam despensationis individuam assumatur. Quare? quia nulla convenientia lucis ad tenebras. Sed cum virtutes sunt purgatae, lumine virtutum clariori, ab interiori immun-

ditia, ut mens virtutum splendore fulgeat, sicut firmamentum sideribus resplendet, ita ut suæ irradiatiois claritate multiplici, et dignitate sui luminis aspectu sponsi ad sui placidam conspectionem promoveat, ut etiam luminosa gratiae et virtutum in mente multiplicata claritate, placidas exteriori in conspicu hominum faciat apparere, et sic ipsum dilectum altissimum in suo decore jam provocat, ut ipsam familiarius inhabitare dignetur. Quid cito assequitur, cum ipse dilectus istud amplius quam ipsa desideret, ut prius mendica, modo regina; quæ (b) prius mundanis deliciis intenta misericorditer sedebat (c) ad sinistram, modo transformatione amoris transeat ad dexteram; quæ etiam prius offuscata et involuta peccato levitatis, modo pretiosissimi amoris auro textum induatur (d) vestimentum; prius sordida diversis vitiis, modo formosa virtutum fulgentium multiplici colore resplendat in tantum, ut paranyphi, id est, amici sponsi, scilicet angelii, purgationem victoriosam aspectante (e), dicant sponso : *Astitit Regina a dextris tuis in vestitu deaurato.*

Prima petitio.

Capitata benevolentia, subditur de petitionibus. *Sanctificetur nomen tuum.* Septem petit, quorum prima quatuor boni adeptionem, alia mali remotionem respiciunt. Primo enim petit illa quatuor, ut dilectum suum siue contrario retardante possideat; secundo, ut non, in aliquo se obliquans, limites regularum veritatis transiliat; tertio, ut ipse beatissimus non tantum sibi id quod ipsa sentit, sed omnibus alii peccatoribus per ipsius misericordiam innoscet; quarto, ut in consecutis ab ipso beneficiis, per ipsius manuductivam sustentationem inavertibiliter in omnibus perseveret. Primo (ut dictum est) vocabuli proprietas assumitur, ad sensum anagogicum transferendo *sancutum*, et idem est quod sine terra. Sine terra ergo efficiatur nomen tuum in me, quod nomen est mirabile. Unde in libro *Judicum* dicitur² : *Quid queris nomen meum, quod est mirabile?* Tunc enim mundanis deliciis deturpantibus, et imbuta terrenis desideriis anima malo (f) vivens in amore, tranquillitatem serenam ingentem intelligere, cordis lætitiam nec sentire ullatenus potuit, quia erat homo, et non Deus, carnalis, et non divinus : amore deificante, est ab ho-

(a) Porrexit. — (b) Cœt. edit. deest quæ. — (c) Al. Se-deat. — (d) induitor. — (e) acceptantes. — (f) male.

Psnl. XLIV, 10. — ² *Judic.*, XIII, 18.

minibus omnibus separatus , cum equis terrenis , scilicet affectionibus ineptis , insensatis et carnalibus desideris traheretur , secundum illud Isaiae¹ : *Egyptus homo , et non Deus*. Sed cum extensionibus ignitis aliquantulum ad experimentalem et diviniorem lœtitiam mens amantis attingit , cum nondum terrenis affectibus se sentiat expeditam , quia ad hoc virtus propria non sufficit , sciens se duo contraria simul non posse possidere , terrenam ponderositatem , ob carnem corruptibilem inferius attrahentem , petit a dilecto instantius removeri : cum prior oblectatio respectu dignitatis sequentis lœtitiae jam vilescat ; cum ratione oppositionis , spiritualis jucunditas prioris gaudii denudet amaritudinem ; cum radius interior , licet non sit in perfecta plenitudine , tamen mundi deceptionem et turpitudinem apertius manifestet , ut sic rubigine consumpta , igne amoris levis effecta , pennis affectionum superius elevata et stupefacta , admirabilem in praesenti certissime sentiat , quem advenam ignorabat , ut per multas affectiones , et continuata desideria multo tempore desideratum inveniens , dicat admirans præ gaudio² : *Vere tu es Deus absconditus*. Tunc enim nomen quod est mirabile sanctificatur , quando in sua petitione exauditur , ut terra remota , id est carnalitate , solus sponsus cum sola sponsa mirabiliter praesentetur .

Secunda petitio.

Adveniat regnum tuum. Tunc enim regnum Dei in animam venit perpetuo solo stabilitum , quando in tantum virtus ardoris amoris praevaleat in spiritu , ut non solum inordinationes interiorum sensuum velocissima insurrectione viriliter comprimens , domina totius regni spiritualis appareat , sed cum virtute ipsius amoris omnia acta iudicio rationis praesentantur , ut illud , quod plus dilecto placere decreverit , semper in omni actu exerceat , jam se cum suo corpore in obsequio ipsius dilecti annihilans , per radios immissos ab ipso præcogitans quæ beneplacita sunt illi , et ipsa cum discretione inavertibiliter exequatur . Et si non semper actu , hora tamen consueta faciat orationem , nisi aliqua de causa exteriori , vel majori obedientia præpeditus : voluntas tamen in conspectu dilecti appareat non inanis , ut jam in omnibus non querat quæ sua sunt , sed quæ Dei , secun-

dum Apostolum³ , ut jam in ipsa regnet solus Deus , cum jam seipsam voluntas sacrificium medullatum obtulerit : quia justum est , ut in ipso , a quo creata est , finaliter conquiescat , ipse solus in ipsa solus resideat , ut sub ipsis regno reservetur intacta , ut in ipso refrigerium suave inveniat , et dicat præ gaudio⁴ : *Sub umbra illius quem desideravi , sedi*. Et subdit rationem : *Quia fructus ejus dulcis gutturi meo*. Tunc enim vere regnum advenit , quia sub umbra illius Altissimi sedet , qui est Rex regum , et Dominus dominantium : quem ipsa perfecte obtinet , quando , ut dictum est , voluntatem suam , secundum quod humanæ fragilitati competit , Deo totaliter consecravit , nulli creaturæ penitus subjaciendo .

Tertia petitio.

Fiat voluntas tua , sicut in cælo , et in terra. Cum enim vere non diligit , nisi quem diligit , et velit eum ab omnibus venerari , petit sponsa (que per cœlum signatur , ut dictum est) ut id , quod sentit , aliis peccatoribus (qui per terram denotantur) misericorditer innotescat , ut ipse , qui solus est colendus et insatiablem adorandus , sic se benignum in sua revelatione peccatoribus exhibeat , ut scintillam veritatis , et stillam roris ipsum unice attingentis , ipsorum mentibus impariendo distribuat : ut omnis lingua exardescens affectionis interior , qua solus spiritus creatus spiritum increatum alluitur , confiteatur experimentaliter cognoscendo , ubi est ineffabile judicium , quod⁵ *Dominus noster Jesus Christus in gloria est Dei Patris* , diligentibus ipsum , et dereliquentibus terrena gaudia , ad multo illis pretiosiora munera multipliciter conferenda . Secunda ratio quare in gloria Patris esse dicitur , ut per amoris desideria vere diligenter ipsum ad suæ integratatis unitatem misericorditer erigendo , suæ sollicititudini compatiens , in sinu suo immobiliter collocet , sicut Dominus dicit⁶ : *In perpetua charitate dilexi te , ideo attraxi te miserans tu*. Ait ergo : *Fiat voluntas tua , sicut in cælo* , scilicet firme , continue (a) mobili , diversis luminibus adornato , ut dictum est anagogice reducendo ; *et in terra* , id est , peccatoribus , scilicet qui non immerito terra proprie nominantur , quia longe a regione ignis sunt positi , per cuius consumptionem purgativam anima levigatur .

¹ Isa., xxxi, 3. — ² Isa., xlvi, 15. — ³ Philipp., ii, 10. — (a) *Cant. edit. continuo.*

⁴ Cant., ii, 3. — ⁵ Philipp., ii, 14. — ⁶ Jerem., xxxi, 3.

ut in terris existens, cœlestes amando et desiderando obtineat mansiones, quia ubi amat, ibi proprie inhabitat. Hoc nomen *terra* non potest exponi anagogice per essentiam, sed tantum per causam: quia sicut amor est causa, ut mens omnia bona per amorem obtineat, sic absentia illius est causa omnis defectus, scilicet penalitatis et culpabilis, id est, venialis et mortalis. Et hoc est quod dictum est, quod peccator terra dicitur, quia a levitate amoris igniti distantius elongatur: et in talibus, quæ culpam dicunt, vel defectum, est ars alia exponna anagogice, vel quia proprietatem de se non habent, quæ sponse tendentiam ad dilectum respiciat, et alia quæ hic exponuntur per amoris absentiam: sicut alia creatura, vel scriptura, aliquam proprietatem habet in se inclusam, quæ sponsa ad sponsum erigitur, ad sensum anagogicum transferendo, ut sicut unitivi amoris praesentia fit causa omnis boni, sic ejus absentia, occasionaliter est praesentia omnis mali, non quod parentia sit aliquid in spiritu, sed quia, per parentiam amoris, anima non habet retinaculum, jam vaga per devia, quasi effrenata, discurrat, et incurrit omnem miseriariam; et non immerito, quia ¹ denigrata est super carbones facies ejus, et in tantum viluit regio diademate privata, scilicet Deo omnipotenti amatore suo, quod ² omnes amici ejus spreverunt eam, scilicet angeli, et fasti sunt ei inimici, quia jam non est ipsis mentibus cœlestibus conformis affinitate amoris, ideo ipsi, scilicet animæ, inimicari dicuntur, quia a sui subsidio, scilicet Deo omnipotenti, privata regali signaculo elongatur. Non igitur immerito dicitur, quod anima caret omni bono, cum amore prætatur, quia iniquitates suæ divisernut inter se et Deum suum, scilicet illum quem ³ nec oculus vidit, nec auris audivit, nec in cor hominis ascendit, quem preparavit Deus his qui diligunt illum. Subtiliter ergo et luculenter ista mediterratur, quomodo per causam, vel per essentiam, vel per amorem salientem in vitam æternam, claritatis æternæ ampliorem radium, gaudium haurientem, in his se exerceat: quomodo etiam ista quæ nunc dicta sunt manifestissime comprobantur.

Quarta petitio.

Panem nostrum, etc. Pro se enim et pro aliis, per augmentum amoris sursum agi desiderat,

¹ Thren., IV, 8. — ² Ibid., I, 20. — ³ I Cor., II, 9;

ut supra se elevata fonti totius beatitudinis existens propinquior, sic in verbo refectibili satietur vere, ut in ipso immutabilitate confirmata, delectationem inferiorem miserabilem, tanquam ea non indigens, de cœtero non mendicet. Scit enim quod statim ad creature vel carnis consolationem cito prolabitur, si non refectione supercoelesti, pane videlicet angelorum, qui est amor, cuius haustu sugens delicias in fonte beatitudinis æterne continue aliquantulum satietur. Ideo panem petit, id est, augmentum amoris, quo solo infirma solidantur, et debilitas fortificantur, et famelica satiantur. Et petit ipsum *hodie*, sed *quotidianum* premit, ordinate procedens.

Quotidianum nominat, quia nec per diem, ^{Panis} nec per horam, nec per instans potest mens ^{quotidiana} vera vita vivere, nisi stilla roris vivificante continua perfundatur: quia sicut anima est vita corporum, sic amor vita spirituum. De qua etiam de bis pro quibus anima non sufficit, paranympthi, dilecto referendo gratias, dicunt illi ⁴: *Vitam petit a te, et tribuisti ei, Domine*, que non est ad tempus momentaneum, ut est vita corporis, sed in longitudinem dierum, usque in sæculum, et in sæculum sæculi permanebit: quia amor, quo sponsa vivendo totaliter adamanavit sponsum, non deficiet in futuro, sed tantum augmentabitur, ut compleatur sermo propheticus, quem ipse Altissimus per os Isaiae edit, dicens ⁵: *Dicit Dominus cuius ignis est in Sion, et caminus in Hierusalem*, etc. Vel alter potest dici, secundum quod de mente anagogica est præsens intentio. Nisi enim semel in die pane sensibili corpus reficeretur animale, corporalis fortitudinis amitteret vigorem: sic nisi mens in motibus amoris unitivi, semel in die aspirando ad osculum se extendat (nisi forte quandoque in agrum ad se exerceendum exiverit, vel aliqua modesta requie corporali, vel aliqua de causa spirituali), vix est quin in seipsa efficiatur tepida, et de perfectione suæ altitudinis aliquid non amittat: nec mirum, quia sponsus præstolatur ad ostium, dicens ⁶: *Surge, propara, amica mea, et veni*. Si ergo in nimia more protelatione se absentat, ipse non immerito indignatur, et ab ipsa se subtrahit ad tempus sæpius. Et licet ita intenso habitu, ut prius, hunc diligit, tamen dicit ⁷: *Quæsivi per noctem, quem diligit anima mea; quæsivi, nec Isa., LXIV, 4. — ⁴ Psal. XX, 5. — ⁵ Isa., XXXI, 9. — ⁶ Cant., II, 10. — ⁷ Ibid., III, 1.*

^{Quid sit inventi.} Hoc est proprio per noctes quærere, vi-
per noctem que-
^{tres} delicit per creaturas consurgere, et dilectum
in eisdem quærere, ut quidam dicere volue-
runt, quod quærere per noctes, erat quærere
per creaturas, vel per vestigia creaturarum :
sed hoc anagogico et unitivo motui non conve-
nit, cum sine omni speculo, affectus, amore
sublevante, ipsi fonti bonitatis æternæ inher-
reat. Sed tunc per noctem dicitur quærere,
quando aliqua de causa mens in suis sursum
actionibus impeditur, ut in quem primo lucide,
et expedite, et preclare sine tenebra moveba-
tur, quandoque caliginosam se sentiat, ut etiam
affectus a cogitatione phantastica in illo, in
quem movetur, vix valeat separari : quod fit
quandoque propter suam negligentiam, vel
aliis de causis, ut postea apparebit. Quæsivi
ergo, et non inveni in tanta agilitate affectio-
num ardentium, ut solebam.

<sup>Quid im-
poriet
hodie.</sup> Petet etiam *hodie*, hoc est, in presenti vita,
ratione æternitatis, quæ est simplex et unica,
quæ in amore viventibus incipit in presenti vi-
ta : quia amor ille, quo sponsus in vita ista di-
ligitur, idem est numero cum illo, quo in æter-
nitate gloriæ gubernatori omnium unietur. Et
hoc est, quod dicitur *hodie*, quod unitatem
et claritatem signal. Et ideo presens vita dici-
tur, ut dictum est in ratione continuationis.
Præsens dicitur, quia, cum amore inhæret ve-
rius et veracius vino et pane reficitur, quam
aliquod corpus alii corpori sensibili per aliquod
glutinum, vel vinculum materiale copuletur.
Et hoc est quod ait divinus Apostolus, aspiran-
tis animæ unitivæ suspiria collaudans¹: *Qui ad-
hæret Deo, unus spiritus est*, etc. Bene ergo de-
bent præsentia non immerito appellari, ubi non
tantum præsentialiter sponsa dilecti astat aspec-
tibus, sed cum ipsa *unum* a divino Apostolo,
hierarcha istius sapientiæ, nominatur. *Hodie*
etiam lucem importat, quia tunc sibi vere ori-
tur sol justitiæ, cum radiis solaribus ad supe-
riora instruitur elevari; et ideo in *Canticis* au-
roræ meretur appellari, ubi dicitur²: *Quæ est
ista que predigitur quasi aurora consurgens?*
Tunc enim pane vite jam incipit refici, cum ad
modum auroræ crescendo, et in amorem se
elevando, virtute ipsius amoris in motibus egre-
dientibus se sentit experimentaliter sursum agi.
Quod experimentum (ne facultas errandi indocti-
tis et pueris detur) nihil aliud est, nisi expedi-

tio motuum, et consurrectio ardentissima per
eosdem; quod non minus a mente exercitata per-
cipitur, quam oculus corporalis bovem sensi-
bilem transeuntem per semitam contempletur.
Quod ad præsens supponitur, cum in sequenti-
bus hoc argumentis irrefragabilibus compro-
betur. Quia ergo sibi jam incipit æternitas, et
sponsi præsenta, et lux etiam resulgere inter-
rius, dicit de talibus magnus hierarcha apostolicus³: *Nostra conversatio in cœlis est*, quia est
jam lux solis justitiæ super terram, id est, men-
tem amantem adhuc terrestri corpori sociatam,
per quod, licet a sui tendentia multipliciter re-
tardetur, tamen flante austro manuductivæ inspi-
rationis per radios divinitus immissos ad
diviniora suscipienda desuper aperitur, cum
maxime a parte inferiori respectu mundanorum
delectabilium obturatur. Et hæc superior por-
tio, quæ Deo unitur, et pane etiam vitæ et amo-
ris reficitur, licet a parte inferiori terrestris,
non coelica, multas importunitates sentiat sae-
pissime, vel invita. Claudat ergo, quantum-
cumque potest, affectus ostium, ne ad inferiora
respiciat; sed ad divina sursum actione fideli-
ter ad hoc aspiret, ut sibi a dilecto dicatur jam
cœnante cum ipsa⁴: *Hortus conclusus es, soror
mea sponsa, hortus conclusus, fons signatus* : qui
hortus dicitur florens rosa odoris: qui ideo
conclusus dicitur, ut nullus adversarius, vel
propinquus, particulam veri amoris obtineat,
nisi ille de quo dicit, qui solus ratione sua flo-
ridæ honestatis nihil aufert penitus, sed potius
reficit, de seipso jucundum perhibens testimo-
nium, dicit⁵: *Ego flos campi, et lilium conval-
lium* : qui non extra ipsam, sed potius interior-
rem habitationem appetens, et ad hoc efficacius
implendum, menti paupereculæ Altissimum
se invitans, ut ipsam vino et pane reficiat, id
est, consolationem jucundæ divinitatis tribuat,
sic dicit⁶: *Aperi mihi, soror mea, amica mea,
columba mea, quia caput meum plenum est rore.*
Jam conditionem provocatricem apponit, et
multiplicem, ipsam multipliciter et dulciter pro-
vocando, ut ex parte dilecti plena designatio
habeatur, quod per ipsum non steterit, quin
mens profundis beneficiis, donis et fulgoribus
plenarie repleatur. Caput plenum rore nominat,
quia sicut a capite descendit motus et sensus ad
membra inferiora, quæ vitam veraciter attes-
tantur, sic ab ipso Altissimo, qui caput est totius

¹ *Cor.*, vi, 17. — ² *Cant.*, vi, 9. — ³ *Philip.*,
iii, 20. — ⁴ *Cant.*, iv, 12. — ⁵ *Ibid.*, ii, 4. — ⁶ *Ibid.*,
v, 2.

Ecclesiæ, vita amoris, et sensus lætitiae uniti-
vis (a) mentibus illabuntur.

Quinta petitio.

Et dimitte nobis debita nostra, etc. Ubi requiri-
t sponsa a tribus instantibus liberari: primo,
a malo culpæ venialis, quia mala mortalia elon-
gata sunt ab ipsa propter ipsius radicationem
in Deo ab ipsa dilecto; secundo, a malo peri-
culi, quod est utrumque, et culpæ et poenæ,
respiciens: tertio a malo poenæ, per quod con-
tractum in culpam frequenter incidimus.

Primo a malo venialium querit sollicite liberari, quod nonnisi per donum amoris poterit ab ipso totaliter obtineri. Quia enim mens lumi-
nis nihil habet, nisi in quantum præparando
se a suo sole spirituali, ipsi præparate se ina-
vertibiliter infundente, irradiationem recipit.
Quando vero per inordinationes virium inter-
iorum, vel ineptas delectationes sensuum,
querens alibi réquiem quam in fonte bonitatis,
vel beatitudinis, aliquantulum ab ipso obliqua-
tur, et obliquata dispergitur, nisi ab ipso lumine
fonte claritatis illustretur. Anima enim per ve-
nialia aliquantulum obscurata, querens alibi
delectari, quasi ille sibi non sufficeret, qui sola
visione pulchritudinis suæ et attractu dulcedi-
nis reficit omnem mentem angelicam et hu-
manam, non immerito a suo desiderio retar-
datur.

Petit ergo ardentissime (b) liberari, ne a suavi-
bus desideriorum eloquis sponsus, ad sui sub-
sidium vel subventionem vocatus, retrahatur: et
ideo sub persona gementis, terrenas cogitationes
extirpare radieitus non valentis, dicitur in libro
Sapientiæ ¹: *Corpus quod corrupitur, aggravat
animam, et terrena inhabitatio deprimit sensum
multa cogitantem.* Cum enim multa de inferiori-
bus cogitat, et voces creaturarum recipit affi-
cientes interiori, in tanto a summis subventio-
nibus distantius elongatur. Quia in quantum
mens plus circa diversa cogitando distrahitur,
in tantum minus in fonte beatitudinis aduna-
tur; et tunc corpus animam aggravare dicitur,
quia quodlibet horum ad locum sibi (c) naturaliter
competentem tendit. Ideo est ibi pugna
continua, et mentis aggravatio, quia anima
tendit ad Deum, qui solus est locus naturaliter
sibi sufficiens; corpus vero, ratione pondero-
sitas, semper babet circa terrestria delectari.

(a) *Edit. Ven.* unitivus. — (b) *Cæt. edit.* attentissime.
— (c) sibi locum.

Vel aliter potest dici, ne propter suam offu-
scationem et obliquationem a decorante lu-
mine in tanti sponsi præsentia, quem intimes
visceribus amplecti desiderat, indecenter ornata
judicetur ab ipso, cum minus speciosa sponsa
ejus illi appareat, qui in ipsa solum pulchri-
tudinem interiorem ad sibi sponsam assumen-
dam specialiter contemplatur: quia tunc est
acceptum ejus eloquium, quando per mentis
interiorem pulchritudinem supercelesti pul-
chritudini conformatur. De qua ipsam præcipue
admonet, in Canticis dulciter alloquens hanc ²:
*Vox enim tua dulcis, et facies tua decora, quia
tuus affectus non sapit nisi cœlestia, et facies
tua non est multitudine venialium, vel carna-
libus affectionibus deturpata.* Ideo tuum mihi
suave est colloquium, cum hoc clamo, te per
pulsum affectionum alloquens; et *facies tua
decora*, et ad dignitatem nuptiarum regalium
præparata, quia ³ non est macula in te, quæ
tamen non nisi per sanctum amorem extin-
guitur. Quia cum mens consurgendo ad unitio-
nem quæ immediate per motum amoris acquiri-
tur, prius obliquata rectificatur, ut per istam
rectificationem et consurrectionem, affectus
tanquam gutta aquæ, quæ cadens in ignem
culpæ venialis per sui concrecentiam vel adu-
nationem importunum nullo modo valeat in-
gerere noceumtum. Illa etiam *debita cognominat*, quibus obligati propter illam, ratione
justa alicujus poenæ debitores efficiuntur, cum
mens in ipso qui est vera beatitudo minus de-
lectatur, cum ex deliberatione alibi quam in
ipso requies appetitur, qui solus mentis hu-
manæ desiderio est plenissimus et sufficiens
consolator, ita ut ipsamet veritas de sua plenit-
udine protestetur, ad suam sufficiemtiam alios
provocando, sic dicens ⁴: *Venite ad me onnes
qui laboratis, et onerati estis, in superiorum
affectionum laborioso exercitio, sed tamen dul-
ci: quia cum propter elongationem incolatus
miseriæ, et dilationem gloriæ, oneratos vos esse
dicitis, et corporeas sarcine corpulentæ substi-
stantia retardari, et ego reficiam vos, non aliis,
qui sum sapientia æterna oriens ex alto, qui
divinas consolations vestra desideria quietan-
tes, non tantum in futuro, sed impertiar etiam in præsentí. Nam quia mitis sum, et humili
corde, ideo provocantibus mean affluentiam
per continua desideria me inclino, non paupe-*

¹ *Sap.*, ix, 15. — ² *Cant.*, ii, 14. — ³ *Ibid.*, iv, 7. —
⁴ *Math.*, xi, 28.

res despiciens, quia humilis sum corde : quia in quantum terrenis dixit mens fuerit pauperior, in tantum ad regales nuptias veluti conformior, super humanæ nature limites, mihi uniendo, citius elevabo. Quod vos non per speculationem attendatis, sed videote per gustum interius præcentem : quia non videbitis, nisi sermonem Prophetæ impleveritis, sic dicentis¹ : *Gustate et videete, quoniam suavis est Dominus*; quia tunc erit requies, et proprio murmur aspirantis animæ jam cessabit, cum Creatorem seipsa majorem in seipsa persenserit quiescentem : et hoc est, quod postea dicitur : *Et invenietis requiem animabus vestris*, et tunc amoris jugum erit leve, et onus facile. Nam jugum amoris sua dignitate et jueunda allictientia sic ligat interius voluntatem, ut nihil potest sentiat, qui cervicem suam supposuerit ad jugum suavissimum sustinendum. Nam contra consuetudinem aliorum jugorum, illud manifestissime suis sustinentibus comprobatur : nam aliud jugum trahentes, ab ipso cervices inclinant inferius; jugum autem illud in tantum sustinentes elevat, ut commorantes in terra, faciat in cœlestibus habitare, ut supra nosmetipsos extendendo, spirituum concives faciat supernorum. Ideo vere leve dicitur, quia ab inferioribus mentem allevians, et ipsum ad superiora supra seipsum statuendo est levigans. *Suave* etiam dicitur, quia ipsum sustinens, vivit vita angelorum, non hominum, quamvis modo imperfectius, sed in separatione corporis et anime plenissime feliciter obtinebit. Vel ideo *suave* dicitur, quia in tanta lætitia et jucunditate interioris animæ facit vitam istam amaranam deducere, quia sibi jam vita gloriae incipit, ut jucunditas mentis poenitentias corporis propter sui abundantiam exuperet absorbendo. *Leve* etiam dicitur propter interioris animæ pinguedinem, veluti carnem pinguem, et pinguedine repletam carbonibus in veru appositam, ut frigoris egestas, vel aestas, vel calor importunus non sibi ingenerent aliquid nocumentum, ut merito praesentiat, quod sibi anteas spousis promiserat, dicens² : *Ego protector tuus sum, cum jugo meo suavi alliceris*: *Et merces tua magna nimis, cum me in gloria videbis, meipsum, non aliud, tunc tuae militiae stipendum recipies; sed nimis, quia tuum gaudium usque ad completam cognitionem non tibi*

¹ *Psal. XXXIII, 9.* — ² *Gen., xv, 1.* — ³ *Psal. XC, 14.*

— ⁴ *Job, XL, 18.* — ⁵ *Job, XLI, 21.*

subtraho, sed cum meum jugum sustines parum in miseria, qualis ero in gloria, miseris corditer tibi communico.

Sexta petitio.

Et ne nos, etc. Tunc enim mens in tentationem inducitur, quando tantis blanditiis, vel seductionibus mens illaqueata volvitur, ut jam in parte consentiat huic necessario operi, ad quod inclinari a seductore versutissimo instantius admonetur. Petit ergo sponsa, non de dilecti continua subventione diffidens, sed carnis humanæ fragilitatem considerans, ut ab isto periculo liberetur : quo tunc scit se firmiter liberari, quando benignissimo protectori per radianissima amoris desideria præsentatur. Et ideo obnoxie semper intendit per affectiones sursum agi, ut illum mereatus attingere, et suis affectionis clamoribus provocare, de cuius misericordia confusa, hostium cuneos, tentatores fortissimos conspuendo, ob dilecti confidentiam vilipendit, qui sibi jamdudum per Psalmistam promiserat³ : (*Qui in me speraverit, liberabo eum, protegam eum, quoniam cognovit nomen meum.*) Item alia est ratio, videlicet propter importunas hostium insidias, qui in tantum, secundum quod adversari permittuntur, concurrentes in sponsam insaniunt, in quantum Creatori immediate subjecta, se ab ipsorum dominio distantius elongavit, et quod fortiori tentatione non prævalent, multiplici importunitate, et frequentia tentationis multiplicis, hanc furibundius perseverunt, sperantes hoc, quod⁴ *Jordanis adhuc influat in os eorum, et* ⁵ *sternant sibi aurum quasi lutum.* Tunc enim Jordanis influit in os dæmonum, quando rivulo amoris a fonte bonitatis, vel beatitudinis æternae, exeunte, per quem vita descendit in spiritum, interrupto, veluti secretissimo aquæ ductu, per partes corporis rivuli mundanarum cupiditatum, et undæ præcipitantes dignitatum terrestrium, sufflocato balsamo affectuosi amoris, per quem anima in suis desideriis loquitur, impetuosis fluctibus animam repleverint. Et tunc aurum quasi lutum sternitur, quando amor suavissimus Creatoris suo decore animam pulchrificans, et dignitate præexcelsa insigniens, in amorem creaturæ, faciem superiorem animæ sordidantem, lamentabiliter commutatur. Ideo liberari se postulat, ipsum desideriis provocando, ut sibi ille jam nolit deficere, ob cuius amorem efficacius obtinen-

dum, terrena gaudia et regnum diaboli conculeavit. Et ideo sibi per Prophetam desideranti dilectus repromisit, ut videlicet suam petitionem non solum exaudiens, sed in sua tentatione tanquam felix dux et comes, sua jucunda praesentia ipsam totaliter liberabit, et pro victoria et fidelitate ipsius pugnando, ipsam corona gloriae premiabit, sic dicens¹: *Clamat ad me, et ego exaudiam eum, cum ipso sum in tribulatione, etc.*

Tertia ratio est, propter quam petit a periculo liberari, quia mens unita Deo jam non querit quae sua sunt, felicem insequens magistrum, *qui² facit solem suum oriri super bonos et malos, et pluit super justos et injustos*, id est, bonitatis sue radios in bonus submittens, et deinde per ipsos ad seipsum attraheens, super malos etiam expectans forinsecus, sicut radius solaris ad fenestram clausam expectat, de natura bonitatis sue nullatenus retrocedens, sed pulsans continue, ne per defectum ipsius conseruentis, ullus spiritus rationalis, Christianus videlicet, infidelis aliquis, vel Iudeus, divini amoris inopiam patiatur. Qui ergo fideliter diligit, labore et attentus tam oratione interiori, quam etiam spirituali quodam exercitio, cum viderit multiplicem, vel, ut planius et verius proferam, infinitam stragem animarum, ut omnes ad vitam amoris mutui suscitentur, et exceccati oculis interioribus, ad cognitionem perveniant lucidissime veritatis. Quia ergo mens unita Deo, ratione amicitiae, a dilecto potest quam plurima beneficia peccatoribus impetrare, quia fidelium ac veracium amicorum est per omnia idem velle, et idem nolle, et cum ad hoc dat operam sollicitam, potest multam, orando et obsecrando dilectum, auferre predam ab hostibus, et in hoc indignationem furibundam incurre, et ideo petit pro omnibus ab ipsorum laqueis liberari.

Sed ultima est ratio, secundum quod magis convenit praesenti tractatui, quia experimento præcognovit, quam suave fuit dilectum tam benignum diligere, hoc morte amarius reputat, quod in modico tantillo consentiat, ut a tam felici consortio, nec modo, nec in perpetuum separetur, imo etiam intolerabile dedecus, ut mens, que sentit pie que sit ista jucunditas, aurem inclinare ad inimicorum colloquia, mundana gaudia, vel terrenas divitias dignetur,

¹ *Psal. xc, 15.* — ² *Matth., v, 45.* — ³ *Jerem., ii, 49.*

tanquam, quid sit vere bonum, non experimentaliter cognovisset: cum ipsa maxime feliciter edocta, animas peccatrices jurgaverit, quia ab ista fontali bonitate miserabiliter recesserunt, sic dicens³: *Arguet te malitia tua, et aversio tua increparat te.* Postea subdit rationem, dicens: *Scito, et vide, quia durum et asperum (a) est reliquise te Dominum Deum tuum, duplicum infelicitatem ipsam significans incurrisse: quia, per malitiam, creature inferiori inverecunde adhaesit propter momentaneam delectationem, justo Dei iudicio, non oblationem, sed amaritudinem potius reportabit, ut qui satiari voluit in ipsis delectationibus creaturarum, infinitis amaritudinibus repleatur, quia quanto delectatio mundana spiritus secreta ingreditur, tanto veneno pestifero lamentabiliter anima adimpletur, non tantum malitia, qua spreto Creatore creature adhaesit, sua inferiori vilitate arguit, sed divisio a fonte totius beatitudinis increpat: quia sicut ipse est summum bonum et solum, et ideo omnia dicuntur bona, in quantum ipsum completius participant. Quod non bene participat bonum, non debet aliquid appellari, quod tamen impossibile est: et sic ipse fons jucunditatis et letitiae rivulos sue beatitudinis mentibus impartitur, et secundum recipieutum præparationem, quibusdam minus, quibusdam magis misericorditer se infundit. Quando ergo anima dividitur a fonte illo, sine quo nihil est gaudii, nisi in quantum ab ipso inferius derivatur, non est mirum, si anima divisa ab ipso tristis efficitur: quia aquæductus amoris, per quem jucundanter anima a Creatore experimentaliter letitiam obtinebat, intercisis rumpitur, et ideo continuo corpore, cum se mens infra seipsam colligit, increpat: quia abscissa non sentit illum, a quo tota jucunditas emanat et descendit, et anima ista considerans, inaudita letitiae circumdatur, et singulare gaudium comitatur, a quo periculo per affectiones, et dilecti desideria totaliter expeditur, et victoriosissime liberatur, quia propter illud quod sentit, subjectas sibi delicias vilipendit, in tantum de inimicis triumphans, ut quod sibi credunt inferre ad ignominiam, ipsa exinde per virilem insurrectionem in ipsis, ampliorem dilecti gratiam, et unionem strictiorem, et coronam gloriae consequatur.*

^(a) Vulg. *malum et amarum.*

Septima petitio.

Sed libera nos a malo, Amen. Petit hic liberari a multis proritatis excitantibus ad peccatum, quia cum supra omnem estimationem mens experimentaliter edocta, ad intimorem unitiōnem aspiret, et ad dilectum suum sursum agi desideret; tamen quandoque, ratione corporis terrestris, et carnis inimicantis, spiritus sursum actioni intentus a colis ad sensum concupiscentia appetenda obliquatur, et quandoque nitens supra se erigendo habitare per amorem in cœlo, quandoque invenit se per cognitionem in luto. Quia ergo hoc exercitabiliter detestatur, ut mens, quæ est totius Trinitatis sacrarium, libidinosas allocutiones recipiat, vel ad aliud invercunde ex deliberatione se inclinet, propter quod sponso contemptibilis habeatur, petit ab istis multiplici desiderio liberari, non propter pœnam vitandam quæ sibi debeat, sed ne obfuscationem incurat, qua possit in aliquo a suo dilecto minus appretiabilis judicari. Unde oportet, quod ad illum benignissimum Patrem, per quem est in vita amoris generata, sic aurem affectus inclinet, et oculum intellectus aperiat interius, ut tanto ardore dilectionis Patri spirituali adhæreat, et ad ejus mansionem aspiret, ut pro ipsis amore obliscatur patriam et parentes, ut sine contaminatione uniuscujusque causati alterius vel creati, virgineo decore adornata, illi cœlesti sponso concupisibilis habeatur, cui etiam ille Altissimus communicari cupiens, ipsam ad imaginem suam creavit ex nihilo, totius Trinitatis imagine insignitam, ad sibi solum, tam in via, quam in patria, igniti amoris obsequium impendendum. Audiat ergo jugiter per David Prophetam ipsis admontitionem dueissimam invitantis¹: *Audi, filia, et vide, inclina aurem tuam*, etc. Et ita multiplicatis suspiriis per amoris efficaciam plenarie poterit obtinere: quia prima nativitate, quando anima infunditur, has corruptiones carne recipit, quibus sepe ad inferiora prolabitur. Sic e converso, secunda nativitate, qua perfecte in Deo nascitur, perfecta existit, ordine prepostero caro aspergitur a mente interiori pinguedine, ut per quam anima in prima nativitate fuerat sauciata, in secunda ejus nativitate peruncta affectu amoris unguentum odoriferum distillantis, prius contra ab ipsa recipiat sanitatem: ut mens,

ratione obedientiæ inferiorum virium, jam parte reformata, et suo primordiali principio concordans, regnet in carne cœlitus obtenta victoria, sponso laudes debitas referendo, decantet pro dulci beneficio exaudita, scilicet immisione ignis in spiritu, et roris in carne pœnalitates ipsius fortidas extinguentis, jam ipsum sponsum in affectu libertatis possidens, jam in luce ambulans, jam de somno carnis experrectus ipsius subsidio, jam ad ipsum consurgens, attentius vigilat dicens²: *Deus, Deus meus, ad te de luce vigilo. Sitivit in te*, etc. Cum enim jam est a pœnalitatibus liberatus affectus, ut ipsis non subjaceat, vigilare ad januam ipsius incipit ardenter, affectionibus concupiscentia intentius, ut ab ipsa intentione jam caro silere incipiat, et spiritui consentire, cui dielus omnibus anima fuerat inimica. Sie ergo patet per simile datum in uno, quam mirabilis scientia absconditur in Scripturis, quam lata, quam profunda, quam saporosa, quam nobilis, qua docetur sponsa ab inferioribus separari, ut regalibus nuptiis grata et accepta in posterum habeatur. Nullus ergo ambigat, quin totus textus Novi et Veteris Testamenti, secundum viam anagogicam, de sponsi ei sponse colloquiis, vel eorum alterationibus, amore prævio, lumine concomitante, valeat explicari. Nec solum Scripturæ, sed etiam omnes creature, quaecumque sint, ab ultimo centro inferni, propriissime ad hoc idem induci valeant, cum istam sapientiam, secundum illas nobiliores proprietates, in se occultatam habeant, quæ faciliter possunt desuper irradiante lumine denotari.

PARTICULA III.

De duplice via illuminativa.

Sequitur de via illuminativa. Illuminativa duplex est, practica et theorica. Primo dicendum de practica, qua mens actualiter cogitando conceredit ad Deum. Secundo, dicetur de theorica, quomodo omnis Scriptura ad Deum anagogice reducatur. Dicto vero quomodo sensus anagogicus latitat in Scriptura, dicendum est, quomodo per istam viam illuminativam ascendit ad unitivam, et iste decursus fundatur super hoc verbum Psalmistæ³: *In meditatione mea exardescet ignis*, etc. Quia adhuc mens proficiens est indisposita ad hoc, quod expedite feratur affectionibus anagogicis in dilectum, oportet quod primo aliquantulum meditetur eo modo, quo dictum est, ut per cognitionem

¹ *Psalm. XLIV, 11.* — ² *Psalm. LXII, 2, 3.* — ³ *Psalm. XXXVIII, 4.*

præviā aliquantulum incipiat scintillando affici in illum, in quem in tertio statu, sine omni cogitatione concomitante, vel prævia, quotiescumque vult, sine obstaculo sursum elevatur. Ad quam expeditionem cum perfecte poterit attingere, omnis ab ipsa sapientia, in sua consurrectione, cogitatio vel meditatio abscedetur; quia cogitatio ibi non est, nisi ut per ipsam affectio accendatur. Sic ergo usualiter per meditationem prædictam proficiat: primo, sicut dictum est, proprietatem vocabuli ad sensum anagogicum transferat; postea illud ad amorem reducat; tertio, quod in ipso Deo afficiatur.

Verbi gratia: *Pater*, id est, tu es, qui filios spirituales progeneras, mediante vivificativo germine. Tunc ergo ero vere filius tuus, quando te vero amore constringam. O quando diligam te, constringam te intimis visceribus! Similiter per hoc quod dicitur *noster*, id est, tu es ille, qui latissime diffundis bonitatem. Si ergo vere te amarem, tunc aliquid in me tua latissimæ diffusionis stillares. O quando te tam ardenter amabo, ut tua lata bonitas in me aliquantulum appareat? Similiter per hoc quod dicitur *in cœlis*, et sic de aliis, omnia anagogice transferendo. Et sic, per meditationem præviā, per istas aspirationes affectio amoris paulatim accenditur: et siue stupa radio solari expedita primo exsiccatur, et statim accenditur; sic per istas aspirationes dilectum provocantes, ad mentis elevationem magis ac magis accenditur, usquequo ad unitivam elevationem affectio sustollatur.

Sic dicatur: *Pater noster*, qui es in cœlis. Secundum igitur virtutem prædictam sic dicatur: *Pater*, id est, tu es ille, etc., ut supra. Sequitur: *Qui es in cœlis*. O anima mea miserabilis, quando ad instar cœli clara efficeris et nitida, et diversarum virtutum sideribus adornata? Tunc enim, bone Pater, in me habitare dignanter et libenter te sentiam, quando te amore ardentissimo constringam, et per flammam amoris anima miserabilis plena facibus expurgabitur, statim in me tunc certissime subintrabis, et mundum conscientię meę hospitium invenies.

Sequitur: *Sanctificetur nomen tuum*. O bone Pater, quando tua notitia sanctificabitur, id est, sine terra efficietur in nobis miseri? Quod tunc erit, quando, omni carnalitate depulsa, tu solus per omnia diligaris. O quando igitur te tenebo? Non enim tunc terra in me locum ha-

bebit, quando tu, dulcis Pater, per tuam gratiam et amorem in me habitatibis.

Adveniat regnum tuum. Vœ mihi peccatori! vult quandoque in me habitare et regnare inanis gloria, quandoque gulosis, quandoque luxuria. Sed nolo regnare in me, nisi te, Pater bone: tunc vere in me regnare, si vere te ardenter amarem: nam in solo amore ardentis animi veluti in proprio hospitio requiescis. O quando igitur per glutinum amoris ardentissimi te tenebo, ut in me regnare incipias, et solus ad regnandum in regno meo tenebroso advenias?

Fiat voluntas tua, sicut in cœlo, et in terra. Tunc enim voluntas tua primordialiter efficieatur in me, quando secundum fragilitatem humana, ego miser vermis terrenus, tua voluntati omnino consentiam, sicut illi beati spiritus, qui in cœlis te facie ad faciem contemplantur. Sed quis me, dulcissime Deus, te faciat consentire, nisi sola amoris vehementia, qua contrarias voluntates conjungit, et hominem novit in te ipso, qui diligeris, conformare, et miro modo transformat a claritate in claritatem? Quando igitur te, o bone Domine, ex toto diligam, et glutino dilectionis unitus tibi soli consentiam?

Panem nostrum quotidianum da nobis hodie, etc. O panis angelorum, quando tua refectione dulcissima reficiar? In hoc enim angeli et sancti beate vivunt in patria, in quantum, bone Pater, affectionibus flammigeris te contingunt. O quando panem amoris habebo, ut de eodem cibo in presenti nutriar, quo angeli et sancti in gloria satiantur, ut de micis comedam, que cadunt de mensa Domini mei? O bone Pater, hunc panem da nobis semper, quia inquietum est cor nostrum, donec cœlesti pane aliquantulum confortetur: qui ideo *quotidianus* dicitur, quia in quantum plus comeditur, in tantum desiderio quotidiano reficit abundantius.

Et dimite nobis debita nostra, etc. O bone creditor, quando debita peccatorum meorum quoquo modo esse dimissa cognoscam? Nam siue peccatum meum me tibi reddit inimicum, ate me miserum separando; sic amor, me uniendo tibi, omnia dimitti cogeret, et te mihi quondam offensum placatum efficeret, et redderet gratiosum. O quando igitur te amore contingam, ut omni peccato dimisso, mihi placatum notitia experimentaliter te sentiam?

Et ne nos, etc. O bone Pater, hoc peto, non

de bonitate diffidens, tibi inseparabiliter colligi amoris glutino, sciens quod ex quo odor tuæ dilectionis me miserum ad se trahit, faciliter tanto ligamine ligatus sum et astrictus, omnia contraria vilipendendo, et te solo invento tibi inseparabiliter adhaerendo. O quis juvabit me, ut te solum astringam, qui solus bonus et dulcis es hospes anime mee, modo turbidum securum efficias?

Sed libera nos a malo. Amen. A malo non tantum peccatum infernalis, sed et purgatoriæ. Non tamen, Pater, hoc peto, ut effugiam tormenta, sed quia utrobique est dolor: nam si essem in inferno, te nunquam facie ad faciem viderem; si in purgatorio diu post mortem meam stetero, nimis prolongabitur desiderium faciem tuam plenam gratiarum videndi, in quam angeli desiderant semper prospicere: sed si ego te ardenter diligarem, tunc amor reconciliationis peccatum infernalem pro offensa debitam absolveret; si te amarem, sic flamma amoris peccatorum rubigines exureret, ut in ultimo mortis exitu affectionibus flammigeris expurgatus, ad te diu desideratum sine dilatione meus spiritus evolaret. Igitur quando te hoc ardore diligam, qui et peccatum infernalem excusat, et a dilatione absolvat? Quod ipse præstare digneris, etc.

CAPUT III

De via unitiva, in quatuor particulas distinctum.

PARTICULA I.

Via unitiva que sit (a).

Dicto de via illuminativa, et quomodo actualliter per ipsam ad unitivam ascenditur, sequitur de via unitiva, que sit; secundo, de persuasionibus ad ipsam; tertio, de industriis, quibus mens firmissime solidatur, et hoc pertinet ad practicam et ad usum. Quod etiam si aliquis simplex nesciat ordinare, saltem quoquomodo doleat; et si nescit meditari in Scriptura, ut dictum est, saltem aspiret ad amorem, dicens semper in suis orationibus: O Domine, quando te dulcissimo amore constringam? et sic quantumcumque simplex, vel laicus, poterit per dolorem de peccatis, veluti per osculum pedis; per recordationem beneficiorum, veluti per osculum manus, usque ad osculum oris, quod est in desideriis amoris attingere, dicens¹:

Osculetur me osculo oris sui, etc. Et haec jam presumptuosa non judicabitur, si primo in osculo pedis et manus se exerceat, et postea in alio tempore ad osculum oris aspiret²: *O sapientia quæ ex ore*, etc. Haec autem via unitiva sumitur in verbis istis, ubi dicitur: *O sapientia, quæ ex ore Altissimi prodiisti, attingens a fine usque ad finem fortiter, et disponens omnia suaviter, veni ad docendum nos viam prudentiæ.* Verba enim sunt aspirantis Ecclesiæ, desiderantis edoceri ab ipso, qui est fons totius bonitatis, et origo. Licit enim verba ista de ipsa sapientia increata, quæ est Filius Dei, possint recte vel proprie intelligi, in cuius exitu æterno affluentia bonitatis summi Patris apparuit; tamen hic de ista sapientia, prout temporaliter mititur, seipsam rationali spiritui manifestans, est præsens intentio, quæ describitur a beato Dionysio Areopagita, doctore egregio, septimo de *Divinis nominibus*, sic dicente: « Sapientia ^{Sapientia quid sit.} est dignissima Dei cognitio, per ignoriam cognita, secundum unionem quæ est supra mentem, quando mens ab omnibus aliis recedens, postea seipsam dimittens, unita est super-splendentibus radiis, inscrutabili et profundo sapientiae splendore illuminata. » Haec est illa sapientia Christianorum, et totius Trinitatis inclusa et deifica diffusione divinitus illapsa fidelibus, qua mentes amantium cœlesti rore perfusæ, non aliquod emolumentum temporale, non aliqua dona sponsi, scilicet gratiam, virtutem, vel gloriam, sed ipsum qui est totius deiformis emanationis principium, scintillantes affectionibus, insatiabilibus desideriis, unitivis aspirationibus ipsum solum tangere, vel stringere, non aliud affectantes, ipsi uniri desiderant.

Consurectio ergo per unitivi amoris affectiones flammigeras, supra omne officium intellectus in supremo affectivæ apice constituta, ipsa est sapientia intenta ad præsens, quæ idem est quod *Mystica Theologia*, qua ipsa mens ignita, linguis affectionum occultissime dilectum alloquitur: quæ non alicujus mortalis industria reseratur, sed solum divina miseratione seipsam manifeste prodit: quæ in his verbis laudatur prout est æterna, in quantum ratione sue immensitatis a fine usque ad finem attingit; similiter prout est temporalis, in quantum suaviter cuncta disponit, scilicet rationales spiritus.

(a) *Cat. edit. deest titulus.*

¹ *Cant.*, i, 1. — ² *Antiph. O, ex Eccli.*, XXIV, 5.

Quomodo ergo per hanc rationalis spiritus, ab ipsa feliciter instructus, respectu omnium suaviter disponatur, divino desuper irradiante lumine ostendemus. Primo, respectu supercoelestium : cum enim in ipsa beatissima Trinitate sit a Patre Filius egrediens, ab utroque Spiritus sanctus amor verus procedens, connectens Patrem et Filium, sic a fonte bonitatis supernae sapientia unitiva procedens, menti adhuc vanti inferius illapsa, uniendo ipsam connectit in-creato Spiritui : ut sicut Pater et Filius, licet sint distincti, tamen unum dicuntur ratione amoris connectentis, sic per istam sapientiam, qua sola mens supremo spiritui inheret, tanta nobilitate, licet nihil sit, perfrii promeretur, ut unum dicatur esse cum illo ab Apostolo sic dicente¹ : *Qui adhaeret Deo, unus spiritus est.* Hęc autem ordinatio non tantum appareat ratione ordinis personarum per unitivi amoris sapientiam acquisitam, sed ratione divinorum actuum : quia cum isti duo actus sint coæterni et consubstantiales in ipso beatissimo Deo, videlicet seipsum cognoscere, et seipsum diligere; in hoc quod mens in ipso ardenter, et infallibili cognitione, per ardorem cognoscit, veluti in amoris inardescens meridiano calore recubans et ardens, in ipso quasi indicibili ardore se diligit, et per hoc ipsum intimius, non tantum per creaturam sensibilem, ipsi, prout possibile est, conformatur, et in ipsum amore deifico transformatur. Sic mens disposita ex-premissima æteruorum actuum est imitatrix.

Sed non tantuu ut est ordo personarum, nec tantum actuum divinorum æternitas; sed ipse Deus beatissimus est totius creature tam mentis angelicæ, quam humanæ, tam creature sensibilis, quam insensibilis fontale principium. Unde et in hoc solum insinuatuer excellentia creature, quando in id principium, a quo habet originem primordialem, revertitur : quia rationalis spiritus ab ipso immediate Conditore creatus, ipsius Trinitatis insignitus imagine, ampliore dignitate ceteras inferiores excellit, et tunc divino judicio perfectus et reformatus existit, quiaudo per amorem excessivum, cogentem limites transcendere naturales, ipsi unitur ecstatica amoris consurrectione, a quo primordialiter exivit, ut jam circulus æternus in ipso apparet incipiat, ad illum, a quo exivit primordialiter, revertendo.

Sed et ipse Conditor æternus non tantum est totius creature principium et origo; sed et omnia suis rationibus æternis sic ordine inconcussibili regulantur, ut omnia quæque, divina regulante providentia, finaliter in suis ordinibus conquiescent. Sic mens per intimas affectiones consurgens, quadam medio mirabili ipsam carnem irrorando perfundit, saltem quoad hoc, ut innata corruptio paulatim sic debilitetur in ipsa, in quantum mens per ardentius exercitium ad superna extenditur. Quoniam divina miseratione hac victoria perfruit, ut in quantum per amorem integrum se subjicit proprio Creatori, in tantum caro spiritui subjecta, contra naturalem inclinationem, ipsius iussioni obtemperet, et divino judicio consequatur, ut sicut mens est concors sui Conditoris per amorem provecta, sic sequatur corporis subjecti et mentis concordia, ut in proprio corpore veluti in regno præsideat, et dicat cum Psalmista² : *Silivit in te anima mea; quam multipliciter tibi caro mea.*

Sed et ipse altissimus Creator non tantum voluit creature præesse ut factor, vel dominari ut rector, sed etiam a fine temporum quasi celsitudine majestatis exiliens, cum misericordia peregrinari instituit, tandem in peregrinationis termino ad supernas mansiones descendit. Sed et ipsi sic existenti in carne revertenti in celum, mens per ecstematicum amorem disposita conformis efficitur, quæ in sua primordiali creatione libera a suo Creatore progreditur. Sed et corruptioni corporeæ necessitatis conjuncta, subjecta multiplici servitutis mendica efficitur; sed in posterum supercoeli immisione, diuturno aspirationum ardentium exercitio elevata, jam quodammodo arrham æterne felicitatis pertingit : quia ubi amat, inhabitat, et in illo ad quem tendit, desideriosum importuna tendentia veluti in naturali termino conquiescit. Et sic qui in principio altissimus (*a*) existens, secundo quoad statum humanum mendieus, tertio glorificatus ascends in celum, apparuit ipsi per unitivam sapientiam conformatus, ut merito dicatur in Apocalypsi de veris amantibus, jam quodammodo sibi redditâ purgamentum flavumci amoris innocentia puerili³ : *Hi sequuntur agnum, quocumque erit.*

Sed tamen non tantum in respectu ipsius Conditoris, per istam sapientiam mens (*b*) in

¹ | Cor., vi, 17. — ² Psal. LXII, 3. — ³ Apoc., XIV, 4.

(a) *Alt.* tutissimus. — (b) *Alt.* uniens.

amore modis prædictis disponitur; sed etiam respectu jubilantium beatorum in gloria, quoad hoc quod vita, requies æterna, que est Deus beatissimus, finis unicus, desideratisimus, immediatus constitutus utrisque. Sed in hoc tantum est differentia, quod mens glorificata jam in eo per assentiam præsentia liter conquiescit; hæc, id est, mens corpori unita, insatiabilibus desideriis, veluti absens, sursum trahitur ineffabili ardore, ut tantum sibi intimius uniat, aspirat: et ista dicat¹: *Trahe me post te, in odorem unguentorum tuorum currenus*; illa, id est, mens glorificata, dicat²: *Introduxit me Rex in cellam vinariam*, etc. Item illa mens superna conjunctione cum spuso, perfectissime jam obtenta felicitate indicibili delectatur; mens vero ista conjuncta, haec sapientia licet tendat superiori, tamen quantum est de suis motibus anagogicis, in ipso actuali exercitio sine omni mulcebri^(a) unctione, vel delectatione consistit; sed potius est ibi miro modo corporalis afflictio, sed in hoc solum lætitia, quod in ista actuali tendentia, directe et sine aliqua obliquatione consurgit, veluti lapis ad centrum inferius^(b), in ipsum beatissimum, qui est suæ dignitati locus unicus naturaliter correspondens.

Unde multi decipiuntur in hac philosophia minus experti, existimantes in motibus anagogicis colesti dulcore mentem consurgentem multipliciter irrorari: cum et contrario mens laboriosissima sursum actione agatur, et ex extensione spiritus sit quædam corporis eneratio, et spiritualis separatio, et membrorum etiam corporalium ex impetuositate motuum anagogicorum protensio, secundum illud Job^(c): *Suspendit elegit anima mea, et mortem ossa mea*. Unde impetus anagogicos corpus sustinere non posset sine magna afflictione, nisi gaudium spiritus de ipsius directa tendentia temperaret. Item mens beata continuo et indivisibili exercitio in ipso summo bono veluti æterno duleore afficitur; hæc tamen^(d) modo interscalari et interciso in ipsum consurgit, cuius motus recitissime est ad instar emissionis sideris scintillantis, si illæ emissiones ex libera voluntate procederent: quia illi motus anagogici sunt quasi subitanei, ut statim post consuptionem

mens infra seipsam inferius prolabatur, iterum et iterum consurgit, et iterum infra seipsam cadit.

Item mens glorificata in ipso, cuius pulchritudinem facie ad faciem contemplatur, ardentissima unitione conjungitur; et licet ibi sint cognitio simul et dilectio, tamen cognitione naturaliter præcedit dilectionem. Sed mens haec huic consuptioni actualiter intendens, prout est hic intentio, omnis rationis et intelligentiae suis motibus radicitus rescindit officia. Nam intellectus, ex communicatione carnis corruptæ, phantasiis est admixtus: ideo debet in consuptione amoris amoveri. Sed in patria purgabitur, in qua carnis corruptio deponetur; ideo per solam affectus igniti consuptionem erigitur^(d), quia ibi affectiva intelligentia incomparabiliter præexcellit, ut jam cito probabitur.

Et licet in his, et multis aliis, mens anagogice consurgens a mentibus glorificatis incomparabiliter excedatur; tamen, mediante ista sapientia, utraque eadem vita supercoelesti vivificatur, et eodem pane desiderabili utraque reficitur. Sed et per istam eamdem sapientiam ad conformitatem, prout possibile est spiritui viatori, mentibus angelicis ordinate disponitur: quia ipse angelus est substantia intellectualis, ab omni corporali depressione penitus absoluta, gaudiorum lucis æterne impermutabili claritate absorptus. Sed cum divina sapientia, dono gratuitu sua ineffabilis bonitatis, menti vanti affectionum extensarum notitia experimentalis seipsam presentem denuntiat, oculos intelligentie aperit ratione appropinquationis ad ipsam: quia ipsa in se propriissime est lux et claritas, et exinde, ex eo quod spiritus ipsi, qui est superior, strictius per amoris contactum conjungitur, non immerito plus rescinditur carnalis affectio, et exinde in carne super carnem extensa, magis ac magis absorbetur, et^(e) sic per desideria amoris vitam ducens angelicam, dicat cum Apostolo^(f): *Mihi vivere Christus est, et mori lucrum*. In quantum ergo mens per pedes affectionum in ipso, qui est vera vita, aspirat ardentius quietari, in tantum minus carnali affectioni conjungitur, cum sentiat ea quæ sunt spiritus, et per consequens magis ac magis in Deo absorbetur, et sic quodammodo per istam sapientiam, licet misera, quoad tria prædicta, in magna tamen distantia, vitam angelicam imitatur.

Sed per istam eamdem sapientiam rationalis

¹ Cant., 1, 3. — ² Ibid., II, 4. — ³ Job, VII, 15. —

* Philip., 1, 21.

(a) *Al.* illecebri. — (b) *Forsan legendum* interior. —

(c) *Leg.* autem. (d) *Leg.* erigitur. — (e) *Leg.* ut.

spiritus ordinatissime infra (a) seipsum disponitur : quia illud signum mendicationis humanae infallibile comprobatur, quando in alia creatura extra seipsam egrediens, tendentie sua et sui etiam appetitus regimen existimat reperire, quia cum mens humana cæteris visibilibus creaturis excellentior judicetur, ipsam eminentius et plenius sapientiam supercolestis inhabitat, quia est imago, cætera vero vestigia. Tunc ergo cum thesaurum divinæ sapientiæ, antea occultatum, reseratum divina bonitate in seipsa percepit, jam non egena alterius delectabilis mendicitate fulcitur, jam non a sua primordiali nobilitate degenerans, infra (a) seipsum inclusa (b), quadam jucunditate relicta, ex intimiore unitione cum Deo continua jucunditate lætatur, dicens cum divino Job, nolens ab ipso de cætero separari¹: *In nidulo meo moriar, et sicut palma multiplicabo dies.* Et non tantum disponit animam, in quantum facit ipsam infra (a) seipsum quiescere, alienam mendicitatem extirpans; sed etiam ratione pretiositatis sui ipsius existentis in mente. In quanto enim nobilior, seu magis sanus possessus habitus, in tanto plus spiritus angelicus : quia si omnes thesauri, omne pretiosum, delectabile, quidquid oculus potest videre, ratio investigare, intellectus percipere, nihil ipsa mens ratione ipsius, qua solus Deus in corde possidetur, reputat : sed coram omni sapientia affirmat²: *Tanquam lutum aestimabitur aurum in comparatione illius.* Quare? quia tanta est nobilitas in ipsa et dignitas, et atrahentia, ut omnia quæ desiderantur, huic non valeant comparari.

Nobilitas etiam ipsius non tantum appareat ratione sui ipsius existentis in spiritu, sed et ratione aliorum multorum gratuitorum, vel gratis datorum, vel acquisitorum, quæ magis inter cætera appetibilia judicantur. Per ipsam enim certificatur fides, corroboratur spes, et charitas inflammatur. Certificatur enim fides in hoc, quod mens sensibiliter se sentit trahi infallibili notitia in illum, qui est solus desiderii quietativus, et hoc scit ita vere, vel verius, quam oculus materialis videat materiale objec-
tum. Si ergo illum, in quem tendit istis consu-
rectionibus, infallibiliter sic cognoscit, jam quodammodo mens certificatur, quod ille est verus Deus, verus Dominus, quem fide colit : vel etiam cum incipientes et proficienes ad is-

tam sapientiam habeant per beneficia incarnationis et passionis pertingere, et per hujus considerationem in ipsa divinitate affectus magis ac magis inflammatur; oportet, quod mens, cum jam est in ipsa sapientia actualiter elevata, quod recto ordine ad illud pertingat, et sic ex consequenti connexionem divinitatis et humanae cognoscat. Sed et cum mens per istam sapientiam de multis, quæ ad fidem pertinent, licet adhuc misera, certificetur ad plenum, sciat quælibet fidelis anima, quod ex quo mens ad istam sapientiam pertingit, si omnes mundi sapientes, omnes philosophi protestarentur, et confiterentur, et dicerent : *Tua fides non est vera fides, quin imo deciperis; ipsa contrario responderet: Vos omnes fallimini, et ego solus veram fidem teneo multo felicius, quam per rationes et investigationes, per amoris unitio-
ne, habens in corde infallibile firmamentum: ut dicat cum Apostolo³: Scio cui credidi, et certus sum, etc. Sic certificatur fides per hanc sapientiam.*

Sed et corroboratur spes, quia cum spes sit certa expectatio futuræ beatitudinis, in tantum per istam sapientiam corroboratur, ut jam quasi de obtinenda futura gloria non timeat : quia sic videmus, quod quanto domicelli alicui principi diuturniori exercitio familiarius obsequuntur, fit ut, quem primo timebant ut dominum, ex quadam familiaritate jam timor, ad reverentiam majestatis resilens, penitus evanescit, ut de ipsius familiaritate et bonitate confidentes, nullatenus se credant ab ipso de cætero separari. Isto modo ad intellectum anagogicum referendo, mens prius tepida, per affectiones et desideria, unitivam familiaritatem consequitur, ut ipsius dilecti dono in ipsa quædam mera confidentia relinquatur, ut omnis timor pungitivus, nisi per modum cautelæ, ab ipsa radicitus extirpetur, ut dicat cum Apostolo⁴: *Quis me separabit a charitate Christi? fames, an gladius, etc.: imo etiam nec instantia, nec futura.*

Per istam etiam sapientiam inflammatur, integratur et perficitur charitas, quia cum ipse Deus beatissimus sit⁵ ignis consumens, in tantum a spiritu viatoris omnimodam frigiditatem expellit, in quantum per amoris extensiones ipsi interius appropinquatur. Quia cum sic per motus anagogicos ad ipsius intimorem uniti-
onem aspirat, Solis spiritualis (d) radiis exuren-

¹ Job., XXIX, 18. — ² Sap., VII, 9. — ³ 1 Tim., 1, 12.
— ⁴ Rom., VIII, 35. — ⁵ Deut., IV, 24; Hebr., XII, 29.

(a) Leg. intra. — (b) Cæt. edit. inclusam. — (c) Al. ipse. — (d) Cæt. edit. spiritualibus.

tibus se exponit, et veluti stappa solaribus radiis exposita, ab igne desuper immisso accenditur. Unde iste sol mentes dicuntur exurere trispiciter: quia et ipse per se augmentat ardorem in spiritu, et mediante ardore obstaculum praesecat quemam amorem impediunt, ut ardentius inflammetur, ipse spiritualia beneficia superaddit, quibus ipse amor in ipso perficitur. Item ipse facit mentem exurere, ad hoc quod ardentissime ipse Deus unice diligatur. Exurit etiam ista sapientia mentem, ut in omnem proximum, sicut in seipsum (*a*), hoc amore ferreat, ut iterum ipsa, insatiabilibus desideriis, usque ad plenissimam unitatem aspirare languida non desistat. Non tantum virtutes per istam sapientiam perfectum obtinent principatum, sed et mens omni philosophiae, omni investigationi rationis, omni speculationi, theologicae etiam inquisitioni preponitur. Naturalis enim Philosophia ipsam causam omnium, per hoc quod apparent in sensibilibus creaturis, cognovit Creatorem, affirmans infallibili argumento, quod tanta creaturarum bonitas, tam mirabilis ordo, tanta earumdem immensitas, non nisi ab uno omnipotentissimo Creatore prodit, secundum illud Apostoli¹: *Invisibilia Dei a creatura mundi, per ea que facta sunt intellecta conspicuntur, sempiterna quoque ejus virtus et divinitas, etc.*; et sic venit philosophus ad cognitionem. Sed cum totus mundus nihil sit in comparatione spiritus rationalis, secundum ipsius sapientiae increatae protestationem, dicentes²: *Ludens eram in ore terrarum, et deliciae meæ esse cum filiis hominum*: tandem totus mundus est sicut parvus ludus, in quo paululum appetit pulchritudo respectu mentis angelicæ, vel humanae. Unde quia nihil de intimis mentis conditionibus habuerunt, stricta et mendica est naturalis cognitio, et huic sapientiae, quantum distat ortus ab occidente, incomparabiliter substernitur. Item respectu considerationis metaphysicæ, vel theoreticæ, quæ ambae sub ratione entis, vel ejus differentiarum, vel practicarum intentionum, scilicet sub ratione unius, veri, vel boni, Deum simplicissimum apprehendunt; mens autem per istam sapientiam, sub nulla ratione praedita, sine aliquo cogitat concomitante, vel praecedente, motum amoris habet affectione ipsum, qui est sumum bonum, apprehendere modo indicibili:

¹ Rom., 1, 20. — ² Prov., VIII, 31. — ³ Dion., de Myst. Theol., c. I. Vid. infra, c. III, partic. 4. — ⁴ Exod.,

ad quam apprehensionem, nec intellectus consurgit, nec intelligentia speculatur. Quomodo autem hoc fit (*b*), et quomodo intellectus possit dividii ab affectu, in theoria hujus practice ostenditur, et de his quæ ad hoc pertinent, super illud Mysticæ Theologie⁵: *Consume ignote, etc.*

Videndum est, quomodo respectu inferiorum mens suaviter disponatur: respectu enim corporis subjecti, dictum est superius, quando summæ sapientiae regenti mundum mens per istam sapientiam conformatur. Sed tamen addendum ulterius, quod sicut sessor in equo virtute freni jumentum sibi subjectum vertit ad libitum ad dextrum, vel sinistrum; sic cum mens per istam sapientiam erecta, non curvata existat in corpore, virtute ipsius amoris, veluti quadam freno spirituali sensuum exteriorum reprimit inordinationes, ut ad nutum et ad imperium ipsius, ad quem tendit, prout potest melius, omne regimen tam in viribus, quam in sensibus æqualiter reguletur, et faciat in suo subjecto tabernaculum secundum exemplar, quod sibi in mons hoc monstratum est, secundum quod divino Moysi, ut habetur in Exodo⁶, sub typo divina sapientia imperavit.

Sed etiam per istam sapientiam mens respectu omnium mundanorum disponitur, quibus per ipsam verissime dominatur. Quod sic appareat: Si enim aliquis princeps terrenus universo orbi præcesset, et haberet tot delicias, divitias et honores, quot omnes mortales habuerunt ab initio mundi, et in his oblectari disponeret, jam ipsis subjeceretur, dum ab eis quietem, vel aliquam beatitudinem, vel perfectionem, quam non habent de se, obtinere appeteret. Qui ergo in his delectatur, ipsis vere subjicitur. Solus ergo ille est dominus, qui sic omnia inferiora vilipendit, ut nihil terrenum per amorem inquietum contingat, quia tunc in vilipensionem omnia sub suis pedibus conculcantur. In hoc ergo regno dominatur anima, cum non alibi querens requiem, supernis desideriis se extenuat, dicente cum Apostolo⁷: *Omnia reputavi ut stercora, ut Christum lucrificarem.* Idecirco Petrus et Paulus gloriosi principes terræ vocantur⁸. Sub typo etiam dictum est filius Israel ab ipsa veritate inconfusibiliter promittente⁹: *Omnis terra, quam calcaverit pes vester, vestra erit.* Si ergo

XXV, 40. — ⁵ Philip., II, 8. — ⁶ Antiph., ad Benedictus. — ⁷ Deut., XI, 24, Jos., I, 23.

(a) Leg. seipsam. — (b) Leg. fiat.

quis vilipendit, cum calcat (a) omnia, multo verius quam mundi principes omnibus dominatur.

Sed et per hanc sapientiam respectu inimicorum suaviter disponitur, tum ratione irruptionis (b) eorum, tum ratione fortitudinis. Sagaci enim versutia instantius inimici pervigilant, quomodo Deo mentem unitam a suo dilecto valeant separare; sed per istam sapientiam liberatur (c), quia haustu amoris fonti luminis appropinquat, et ex ipsa appropinquatione divinis radiis necessario illustratur, quibus etiam versutissimas tentationes, et palliatas, et sub specie bonitatis prætentas, cito et sagaciter deprehendit: tunc hostis sagacitas confutatur, quia, secundum quod in Proverbiis dicitur¹: *Frustra jacitur rete ante oculos pennatorum, qui per affectionum desideria² volant sicut nubes, et quasi columbe ad fenestras suas, sicut legitur in Isaia.*

Disponitur etiam respectu ipsius fortitudinis, quia tanta vehementia ipsi inhæret, quem diligit veraciter, ut potius millesies se permetteret jugulari, quam semel, ex deliberatione, dilecti offensam incureret. Et ad istam fortitudinem ineradicabiliter obtaindem, habet ista duo coadjuatoria, ut veluti de propria familia ipsius dilecti Creatoris dirigeante dextera protegatur, secundum illud Sapientiae³: *Justorum animæ in manu Dei sunt: et illud a parte sui, quia si etiam fortissimis temptationibus ab inimicis propellere- retur intensus, veluti puer timens ledi ab aliquo ad matrem confugeret cito, sic mens in fortissimis temptationibus ad subsidium illius, quem diligit, consurgit velociter, et ad ipsum aspirans intensius recurrit. Et iste modus vindicandi daemones inter alios est præclarus.*

Per istam sapientiam temperantiae virtus duicit ad perfectum: ex hoc enim est intemperantia humana, quod homo in gula, vel luxuria, vel aliis carnis illecebris, omissa vera delectatione, que est ex coniunctione Dei et animæ, miserabiliter delectatur. Cum igitur multo major sit illa delectatio, que est in Deo, quam quæ est in carne, sicut Deus melior est, quam ulla creatura, in qua carnales homines delectantur: in quantum enim de vera illa delectatione mens sensibiliter experitur, in tantum vehementius carnalem delectationem respuit, et illum inveniens in lectulo amoris, qui est vera

(a) *Subaudi*, qui calcat. — (b) *Cæt. edit.* irreptionis. — (c) *Al.* liberantur.

jucunditas, sic dicit⁴: *Mihi autem adhærere Deo bonum est: igitur hac habita ab ipsa, cætera alia de facili vilipendit.*

Per mysticam etiam sapientiam justitia perfecta acquiritur, quia vera justitia hæc: reddere Deo quod suum est, etsibi quod suum est, et proximo suo quod suum est. Primo enim per istam sapientiam unitivam redditur Deo quod suum est: nam per quemlibet motum consurrectionis, anima constituitur ante Deum; per affectionem etiam amoris, anima quærit quæ Dei sunt, non quæ sua sunt. Nam aliter non est vera dilectio, nisi plus dilectum quam seipsum amans diligit. Ipse amor etiam ipsam quiescere non permittit, nisi in eo quem diligit, quia sicut pondus lapidis non permittit ipsum quiescere, donec ad terram, suum locum naturalem, perveniat; sic nec amor spiritualis permittit in alio, quam in solo Deo, quiescere, qui est omnium spirituum terminus naturalis, ultra quem nihil desideratur. Non tantum redditur Deo quod suum est per unitivam sapientiam; sed et animæ redditur quod suum est, in eo quod per gratiam perficitur in se ipsa; quia, secundum Philosophum, « anima perficitur virtutibus et scientiis. » Igitur tunc est ibi summa animæ diligentis perfectio, quando ille qui est fons totius sapientiæ, et omnis sapientia sive scientia creata, tam in superioribus, quam in inferioribus, ab ipso emanavit, spiritualiter per seipsum mentem inhabitare dignatur. Unde verius, quam aliquis in loco materiali sedeat, habitat Deus in anima ipsa, quæ diligit ipsum: et hoc spirituali habitatione, ut dictum est, quia ipse charitas est, et qui est in charitate, quæ est verus amor, in Deo manet, et Deus in eo, ut in Canonica Joannis⁵ legitur. Per hanc igitur redditur proximo quod suum est, et in eodem amore, quo diligitur pater, diligitur et filius. Ex hoc enim quod anima suum Creatorem diligit, omnem etiam rationalem creaturam diligit, quæ ipsius Patris eterni est imagine insignita. Ex eo enim quod Pater diligitur, ex eo venit fervens animarum sola dilectio: ex eo enim multiplicantur orationes pro animabus desperatis liberandis. Ille etiam idem amor gemitus multiplicat, ut animæ ad proprium Creatorem revertantur, ut scilicet mortuae per peccatum, per vitam gracie divinæ suscitentur, sicut Jeremias clamat, dicens⁶:

¹ *Prov.*, 1, 17. — ² *Isa.*, LX, 8. — ³ *Sap.*, III, 1. —

⁴ *Psal.* LXXII, 28. — ⁵ *I Joan.*, IV, 16. — ⁶ *Jerem.*, IX, 1.

Quis dabit capiti meo aquam, et oculis meis fontem lacrymarum, ut plorem super imperfectos populi mei die ac nocte?

Quomodo etiam per hanc disponitur respectu meriti secundum omnem affectionem theologicam planum est, quia quotiescumque mens in Deum immediate moveatur, vitam æternam toties promeretur: et quia, quotiescumque vult anima sic disposita, potest actualiter affici velocissimis motibus, tamen intercisis, et plusquam dicere valeamus, et elevari meretur in gloria in qualibet resurrectione istorum; et quia singulari merito est respondens gloria singularis, excepta substanciali corona, de visione pulchritudinis divinæ, constat, quod per hanc sapientiam sibi coronas innumerabiles cumulantur.

Concludendo ergo a primis, sic per istam sapientiam mens ignita perficitur, ut ad instar circuli, qui est perfecta figura inter alias, in praesenti et futuro mens a sublimibus egressa, revertendo in id idem, quasi protractione ab eodem puncto in eundem punctum, directissima ordinatione regreditur. O ergo sapientia æterna, quia nullus mortalium potest manifestare illam admirabilem et increatam sapientiam, quæ a te fonte vite immediatissime procedit, veni ad docendum nos viam prudentiae, quia, contra usum aliarum scientiarum, in ista sapientia practica praeedit theoricam. Primo ergo subditur de practica, qua mens purgatur in prima via, in secunda illuminatur, in tertia perficitur: ut haec sapientia, secundum triplicem viam, ultimæ hierarchie respondeat, scilicet purgativa Thronis, illuminativa Cherubim, unitiva Seraphim. Quia ergo haec sapientia, ut dictum est, persuaderi potest ab homine, sed non doceri; ideo subditur haec triplex via, per quam quilibet quantumcumque simplex doctrinam istam cœlestem, non humanam, quoad usum divinitus obtinebit.

Tu, beatissime Deus, et altissime, qui natura es invariabilis, incommutabilis, per te stans, omnium bonorum virtus principaliter conditiva, qui aspectu tuo angelos reficiis; tu, qui es increata sapientia, quæ mentes angelicas et cœlestes tuis radiis præclaris irradias, tanquam vivifica virtus, ita amatores tuos ad amplia, ut ab infimis separatos suscites nos ad tui desiderium et cognitionem, et remota omni mentis distractione, convertas nos ad aggregantem Patris unitatem, qui in horrea claritatis æternæ dispersiones congregas Israelis. Amen.

PARTICULA II.

De triplici via ad divinam sapientiam.

Sequitur ergo primo quæ sit ista sapientia; secundo, de persuasionibus ad ipsam; tertio, de industriis, per quas mens in ipsa firmissime solidatur, et haec pertinent ad practicam, id est, ad usum, quod etiam si anima simplex fuerit, ita quod nesciat ordinare, saltem adspiret, et quoquo modo doleat. Secunde, etiam si nesciat meditari in Scriptura, ut dictum est, saltem adspiret ad amorem, dicens semper in omnibus suis orationibus et petitionibus: O Domine, quando te strictissimo amore constringam? Et sic quantumcumque simplex, vel laicus, poterit per dolorem de peccatis, veluti per osculum pedis; per recordationem beneficiorum, veluti per osculum manus, usque ad osculum oris, quod est in desideriis amoris, ascendere, dicens¹: *Osculetur me osculooris sui.* Et haec jam præsumptuosa non judicabitur, si primo in osculo pedis et manus se exerceat, et postea in alia hora ad osculum oris².

Sequitur de tertia via.³ *Accedite ad eum et illuminamini*, etc. Cum enim Deus beatissimus lucem inhabitet inaccessibilem, secundum quod ait⁴ divinus Apostolus; cum omnis rationalis creatura distet ab ipso gradibus infinitis: ad hoc quod lucis æternæ superpulchris claritatibus illustretur, necesse est animam quasi a se egredi, et gratuito beneficio Creatoris superius elevari, ut sit aliqua approximatio, et aliqua assimilata conformitas inter creaturam recipientem, et ipsum benignissimum influentem. Ideo dicit divinus Propheta: *Accedite ad eum et illuminamini*, ut illud præcedat, et immediate illuminatio consequatur. Ibi ergo tangit complete istius libri materiam, in quo cursu extra-neo quasi contra omnes divinos et theologicos tratores, non per speculum creature, vel ingenii investigatione, vel intellectus exercitio, docet ad cognitionem immediatam Creatoris attingere; sed per amoris unitivi aspirationes flammigeras, quibus non tantum quia Deus est, sed etiam quid sit Deus beatissimus ipse, principium totius beatitudinis et origo, infallibiliter adhuc degentes in miseria prægustamus: quæ in tantum excedit cognitionem rationis, vel

¹ *Cant.*, i, 7. — ² Totum illud scriptum jam fuerat initio particulae 1, supra, pag. 21. — ³ *Psal.* xxxiii, 6. — ⁴ *I Tim.*, vi, 16.

intelligentiae, ut dicetur postea, in quantum Sol cunctis aliis planetis pulchrior, et stella matutina cæteris sideribus fulgentibus fulgentior universis : qua revelantur abscondita, qua resonantur occulta : quæ non humanis et terrenis facit amantem intendere, sed potius supra seipsum elevatum immediate divinis et celestibus insistere disciplinis. Quia ergo amor æstuans ad unionem dilecti adspirat ardenter, sursum trahit spiritum, ut fonti veri luminis approximinet, qui solus facit accedere ad illum, qui est oriens ex alto, hos qui in tenebris et in umbra mortis sedent illuminans : ut per ipsum motiva et cognitiva completissime suas perfections obtineant, ut mens ardore amoris, et decore luminis, a suo dilecto misericorditer decoretur. Quoniam non solum per amorem unitivum gloria æternæ beatitudinis in recessu spiritus a corpore possidetur, nec solum vitam celestem ducere oointingit in terris : non tantum humanam suis sursum extensivis, sive excessivis actionibus, mentem interius sollicitant; sed insuper in anima incomparabiliter per amoris unitivi desideria perfectio amplioris cognitionis relinquentur, quam studendo, vel audiendo, vel pro rationis exercitio conqueratur.

*Intentio
Auctoris
in hoc
libro.*

In hoc ergo præsenti opere, quod a me ad declarandum beati Dionysii Mysticam Theologiam conscribitur, est præsens intentio ostendere theoreticam ibi inclusam, quomodo anima Creatori suo inhæreat, et ipsi efficacius, veluti dilecta dilectissimo, radicabiliiter uniatur. Ubi verba paucissima sunt, sed infinita sententia continetur, sicut manifestissime in sequentibus apparebit; quia in hac unitiva sapientia non ab eo, quod extra, in scripta redigitur; sed ab eo quod intus percipitur mentis extensa unitio, ad suum dilectissimum cupientis attingere, ipsius dono gratuito recipit incrementum.

Stylus autem istius libri simpliciter et pure anagogiens est, nisi quandoque propter pium auditorem ad inferius aliquod descendat, ad sensum anagogicum manifestius explicandum, ut solum pure amantes hanc supremam sapientiam unitivam id seipsis percipient, et a mundi sapientibus, vel mundana amantibus, neque quoad intellectum, neque quoad affectum ullatenus capiantur.

Finis autem est, attendere quomodo anima ad sponsi unionem totis visceribus debeat aspirare, ut arrham glorie, et diadema nuptia-

rum regalium valeat percipere in præsenti; quod omnis rationalis spiritus tanquam suam beatitudinem debet appetere, propter quinque rationes, quæ ante principale videndum, ad avidius recipiendum quæ in sequentibus dicitur, prolixius præmittuntur.

Prima igitur ratio sumitur respectu rationalium creaturarum, et mundanorum actuum; tres aliae respectu perfectionis ipsarum personarum, quæ per unionem amoris in præsenti feliciter obtinetur; ultima ratio ratione continuationis profectus et augmenti, quo mens scipsa fortior efficitur semper, et pro amore dilecti ad majora semper seipsam extendere cupiens, donec in recessu ipsius a corpore sibi Sol justitie, ipsum visuras facie ad faciem, sicut est, oriatur. In prima enim insipientia omnium mortalium, et maxime religiosorum ostenditur. Sicut enim quidam sanctus dicit : Uniuersusque artis industrius appetitor, cunctos labores, et pericula, atque dispendia æquanimiter libenterque sustentat, et hoc in agricolis, et negotiatoribus, et in militibus exemplo sensibili comprobatur. Nam et agricola nunc torridos solis radios, nunc pruinæ et glacies non declinat, terram infatigabiliter seindit, et indomitas agri glebas frequenti subigit vomere, ut eam cunctis sensibus expurgatam, universisque graminibus absolutam, in modum solubilis arenae exercendo communiat, hunc solum finem intendens, scilicet perceptionem copiosarum frugum, exuberantium segetum, non alias adepturum se esse confidens, quo vel ipse vitam securus ducere, vel suam possit substantiam ampliare. Si ergo tot laboribus, tot calamitatibus incessanter astuat, ut possit terrenus terrena suscipere per modicum temporis in ipsis quietudinem inventurus, non immerito omnis anima totius Trinitatis insignita imagine, et maxime religiosus, qui ad hoc obtinendum efficacius, ut Deo æterno uniatur, strictius præ aliis se succinxit; in quo tanquam in fonte beatitudinis letitiam in præsentí, et gloriam in futuro per unitiva desideria poterit exaurire. Et si in principio aliqua forsitan difficultas, vel carni intolerabilitas videatur, tamen eito in tam jucundo dilecto desideratam requiem poterit invenire, quia in ingressu est via arctissima, secundum Salomonem in libro Sapientie, dicentem¹ : *In paucis vexati, in multis bene disponentur* : et non

¹ *Sap.*, iii, 5.

immerito, quia ille citissime invenitur, a quo omne gaudium, et omnis jucunditas emanavit. Secundo videmus, quod illi qui negotiationum solent exercere commercia, non incertos pelagi timent casus, nulla discrimina perhorrescant, dum ad finem quæstus sollicite attendentes, haec perpeti hilariter provocantur. Quod si tales corpus et animam tanto subjiciunt disserimini incessanter, quanto deberet rationalis spiritus incessibili devotione inardescere, ut illum suavissimum inveniret, qui sua jucunda presentia per amorem unionis obtenta, omnem ab ipso eliminaret egestatem, et omnem ab ipso inopiam removeret, et non ultra ipsum vagari permitteret, non ultra oblectamenta adulterina in creaturis alius mendicaret, cum ipse beatissimus inveniretur experimentaliter hospitatus, qui est omnis mentis tendentiae sufficientissimus quietator. De quo dicit anima, cum ipsius sentit jucundam presentiam, in (a) Job¹: *In nidulo meo moriar, et sicut palma multiplicabo dies*: nolens jam ad consuetu[m] discurrere, jam humana consolatione non indiget, quia jam illi unita est, in quo omnium languorum suorum, tam corporalium, quam spiritualium, invenit saluberrimam medicinam. Tertio etiam videmus, quod hi qui malitia mundialis ambitione libidinosa inflammantur, dum prospiciunt honorum ac potentiae finem, exercitia peregrinationum, vel pericula non sentiunt, nec presentibus ærumnis bellisque franguntur, dum propositum sibi dignitatis finem cupiunt obtinere. Si ergo in tot miseriis involvuntur, ut ad modicum temporis laudibus hominum vento inanis gloriae eleventur, hoc sufficiens præmium reputantes, pro omnibus perpessis multipliciter tam in spiritu, quam in corpore fatigationibus; quid dignum possit peragere mens rationalis creaturarum nobilissima, respectu tamen sui Creatoris mendica, ut ad illa tanta dignitatis præmia perveriret, ut illi a quo creata de nihilo primordialem originem habuit, in amoris unitivi desideriis uniretur, et tanto honore in conspectu Creatoris digna valeat judicari, ut minus quam musca, minus quam nihil, Principis vite sponsa, Regis angelorum dilecta propriissime valeat appellari, et ad tantum honorem ab altissimo Creatore minima provocetur, sic dicente in Canticis²: *Aperi mihi, soror mea, columba mea*, etc.

¹ Job, XXXIX, 18. — ² Cant., v, 2. — ³ Sap., VII, 11.
— (a) Leg. ut. — (b) Leg. provocetur. — (c) Leg. ex-

Dicto quomodo per actus mundanorum et sæcularium mens ad tanta dilecti gaudia provocatur (b), dicendum est quomodo per creaturas rationales et irrationales ad quiescendum in suo Creatore multipliciter excitatur (c): primo, in sensibilibus; secundo, in vegetabilibus; tertio in animatis rationantibus et irrationantibus. Vide quia ad istud edulium, ad quod aliqua experimentali notitia animal brutum gustui delectabile exæstuat, currendo cum impetu, sine discretione accelerat. Cum ergo ratione prædicta (d) mens habeat unum solum delectabile objectum in quo vera requies et omnis satietas pariter combinantur, divino judicio misera judicatur, ut tanto delectabili sibi præsentialiter et immutabiliter existenti misera defraudetur: cum bruta ad suum delectabile cum tanta festinatione accelerent sensibiliter obtainendum, et ista non vult faciem suam erigere ad illam veram sapientiam unitivam, de qua ab increata sapientia in libro Sapientie dicitur³: *Omnia mili bona venerunt pariter cum illa*. Dicit enim *omnia*, ut nihil in mente in ipsius præsentia remaneat incompletum. Dicit *bona*, non *bonum* dicit, ut multiplicationem in mente diligenter divinorum beneficiorum insinuet. *Venerunt*, dicit, per hoc significans non a se, sed ab alio haec omnia obtainere, scilicet ex influentia ipsius dilecti misericorditer influentis. Dicit *pariter*, cum in seipsa anima nihil boni habuerit, et (e) si quod fuit, multiplici amaritudine replebat. *Cum illa*, dicit, ut non solum possessione ipsius unitive sapientia mens interius impinguntur, et medullarum ipsius multiplicatis fructibus irroretur; sed et multa dilecti encenia, scilicet splendores et distillationes multiplices præsentiam (f) unitivæ sapientie comitantur, ut tam per ipsam, quam cum ipsa mens experimenta gloriae obtineat in præsenti. Misérabilis ergo debet anima reputari, si illud, quod videmus in sensibilibus, nos rationales non facimus, et respectu momentanei delectabilis pigrantes, circa inferiora lamentabiliter occupati, contra etiam cordis humani generositatem, impudenter (g) et miserabiliter dormitemus. Hoc etiam appetet in vegetabilibus, ut in arboribus, quæ ut stabiles sint, et in concusione ventorum immobiliter maneat in terra, radices immittunt profundius: ab humore ipsius terræ, in qua figuntur, recipientes fortificetur. — (d) *Cat. edit.* prædicta. — (e) *Leg.* aut. — (f) *Præsentia*. — (g) *Leg.* imprudenter.

bile nutrimentum, ut etiam ramos superius emittentes, propter immissionem firmissimam sine sui confractione in suo loco firmissime perseverent. Sic mens per amorem unitivum supra se erecta, per penetrativeras affectionum radices in eo, cui per amorem unitur, radicata infigitur: in qua infixione unionis, stillæ roris æterni exhaustæ per amorem maxime, ratione redundantiae ipsius fontis omnium deliciarum et plenitudinis, per importunitatem unitivi amoris, quasi quibusdam radicibus ad stipitem affectus descendunt inferius, mentem sic fortificantes in ipso, ut inavertibiliter ad sponsum sine obliquitate profectu continuo ascendat; ut etiam corroboratione motuum amoris, qui hic radices proprie nominantur, rami cæterarum potentiarum omnium perfundantur, et inde sic fortificata, ut non jam ad modicum arundinis spiritualium ventorum turbine quatiatur. Et sicut humor arbore facit virescere, florere, et fructificare, et nihil horum sine virtute ipsius humoris arbor materialis obtineret penitus; sic et humor amoris facit florere altioribus, ad magis placendum dilecto, conceptionibus quamplurimis, et fructum operum sine exinanitione proferre folia verborum, non de ariditate mundanorum, nisi ea vilipendendo, sed de his quæ placent illi quem dilit, facit amor viriditatem perpetua apparere, ut illius promissionis veritatem experimentaliter notitia in seipsis percipient, quam jamdudum degens in terris, et cum miseris habitans, dilectus promiserat, dicens¹: *Mensuram bonam, et confortam, et coagitatam, et supereffluentem dabunt in sium vestrum.* Hoc enim promittit Deus altissimus animæ aspiranti, quæ ad instar insensibili materialium arborum per amoris motus ignitos in ipso infigitur, et quod videt in creatura, quam experient et insusceptibilem delectationis et jucunditatis cognoscit, hoc ipsa misera appetat, cui tot delectabilia præmia a collatore omnium promittuntur, et quæ sint ista in sententiæ prædicta insinuantur. *Mensuram* dicit, quia euilibet se ad suam infixionem sollicite disponenti datur amor, id est, perfecti amoris unitio, quæ mensura proprie dicitur. Nam ipsa sola quantitas animæ mensuratur, ut desideratam perfectiore unitiōem citius et efficacius appreheudat, ardenter quoque amare desideret, et secundum suorum desideriorum mensuram apportando se-

cum encœnia, ipse Altissimus pauperculæ se infundit, quæ vere bona affectum mentis erigendo Deo æterno diligentem uniens, non bono per participationem, sed summo bono, ampliori bonitate mentem sibi unitam deifieans, ut eo sola bona dicatur, et melior omnis mens angelica et humana, in qua amor transformans creaturam in Creatorem, abundantior redundaverit, ut iste solus nobilissimus habitus bonus antonomastice debeat nominari, quia in eo, qui solus bonus est secundum ipsius sententiam (a), facit in Deum sua extensione deifica animam transformari: cuius fructum multiplicatione, et exuberantia abundantia sue bonitatis, vires et virtutes animæ perfundens, ut ratione redundantiae ipsius nihil maneat vacuum, et ideo *conferta* statim dicitur. Sed etiam quia ex praesentia unitivi amoris, ex qua totus homo respergitur, est ibi quædam virtutum creatio, ut una motum alterius praecoccupare cupiat, ideo *coagitata* dicitur. Et quia verus amor, tanquam ignis æstuans, non potest sic adhibita diligentia cooperiri cineribus, quin semper quoad aliquid calorem emittingendo alii emineat, sic amor supereffluentiam operatur usque ad verba exterius, quia de his circa quæ vertitur mentis affectio, verba libentius proferuntur, ipsa mens quadam limitatione amoris præponderans, ut os, quod est nuntius quo mens præmitit quod sentit interius, proferat divina, non humana, celestia, non terrena. Unde potest dici mensura amoris secundum quam affectus potentias suas dirigit, multiplici exhortatione corroborat, virtutes creatas ad operandum exagit, ut etiam ad ea quæ sunt exterius se extendens, sua dignatione, et ex deliberatione, loqui vel facere, nisi de pertinibus ad ipsum suum possessorem, non permittat ullo modo. In hoc ergo debet anima lamentabiliter excitari, ut labore instantius, scilicet ut principium inceptionis, ubi quasi tota est unitiæ sapientiæ difficultas, aggrediatur audacius, ut tanto citius manens immobilis in loco sibi connaturali, sue primordiali origini naturaliter competenti, firmissime radicetur.

Dicto quomodo per exempla sensibilium et vegetabilium mens ad suum delectabile objectum debeat excitari, et in suo loco naturali inavertibiliter radicari, dicendum est quomodo per exempla inanimatorum ad idem efficacius excitetur. Sicut omnia corporalia locis sibi competentibus conservantur, sic spiritualia, scili-

¹ *Luc.*, vi, 38. — (a) *Leg.* essentiam.

cet mentes angelicæ et humanæ, locum habent proprium, non ad instar corporalium diuinisionum, sed sue contendentia, et ne redigantur in nihilum, ipsa sua dextera continentem. Sieut enim corpus ratione sue ponderositatis statim ad locum, ut in ipso quiescat, naturaliter deportatur; sic mens, donec perfecte constringat illum, qui sua dignitate non potest non appeti, per pondus amoris usque ad ipsius unionem superius collocata, sine quiete vaga, sine refectione famelica mendicabit, quantumcumque extraneis deliciis vel honoribus occupetur, tamen nullatenus satiabitur, nisi illum, cuius naturalis est imago, ipsum per contactum amoris, quem unicum naturaliter appetit, fuerit assecuta, et nisi in signo jugis lætitiae in ipsa se presentem annuntiet, mentis importuna tendentia non quiescit. Et hoc in Joannis Evangelio insinuatum habemus a divino Petro, cæteris amantibus ardentiis sic dicente (videtur enim ubique inopiam, et in ipso solo, cui loquebatur præsentialiter, perfectam quietem inveniens, dicit)¹: *Domine, ad quem ibimus? verba vitaæ aeternæ habes. Dominum vocat, quia ipsum colit, omni postposita creatura. Potest enim appellare Dominum, cum amor non derivetur ad aliud, sed convertatur ad ipsum, a quo tanquam a fonte primordialiter emanavit. Et sic dicit: Ad quem ibimus?* Quare vero non esset recedendum ab eo, in persona amantium subdens efficacissimam rationem: *Verba vitaæ aeternæ habes: non verba oris exterius, sed mentis interior, tuas distillationes multiloquas immittendo, quibus multo efficacius, quam per argumenta, vel creaturas, vel quæcumque alia verba, vitaæ aeternæ incognita gaudie tuis amatoribus manifestas, ut ipsa sentientes, secundum divinum Apostolum², cætera omnia ut stercora reputent, ut te lucrificant.*

Quarto, respectu rationalium. Cum naturaliter anima secundum suas potentias objectis competentibus perfui desideret, scilicet ad arduum, verum et delectabile aspiret, se extendendo superiorius, ut illi ineffabili uniatur, qui est summa majestas, incommutabilis veritas, et indeficiens bonitas; de istis breviter pertransgeo, quia de his inferius oportet determinare prolixius. Tamen ad præsens sic veram arduitatem increatam esse anima non reputet in eis, in quibus quantumcumque aliis præ excellens

alioribus honoribus elevetur, ipsam necesse est tam mentis, quam corporis, ut sensibiliter comprobamus, mendicitati et subjectioni multiplici subjaceere. Sed tunc solum mens in obliuio vere arduitatis congaudet, quanto per intimam amoris unionem tanta libertate perfruitur, que non potest cognosci, nisi ab illis, qui ipsam experimentaliter notitia presentiunt, ut diabolum non timeat, mortalem hominem nullatenus pertimescat, ut stimulus poenæ aeternæ non sentiat; ut susceptionem mortis amplectendio gaudeat, ut que immediate per veram unionem Creatori proprio se subjecit, in omnibus liberam (a) ipsius promissionem consequatur, dicentis in Joanne³: *Si Filius Dei vos liberaverit, vere liberi eritis.* Tunc enim vere Filius Dei liberat, quando dexteram amoris ipsam extendendo porrigit, ut ipsi inhæreat, omni creatura supposita, et nihil sub Deo penale amanti in unitivis desideriis dominetur. Et hæc est ratio: quia in loco tuto per infixionem amoris se firmiter collocavit, nihil aliud timet extrinsecum, nec etiam ipsum, in quo habitat, cum amor familiaris minas illius, quem diligit, facit obliisci. Unde dicit ipsa veritas in Joanne⁴: *Hæc locutus sum vobis, ut in me pacem habeatis; in mundo autem pressuram habebitis.* Tunc enim quando Dominus menti loquitur, et seipsum per spiritualium influitionum colloquia præsentem denuntiat, statim pax sequitur; quia ipse est ab omni servitate radicitus liberatus, qui etiam Altissimus mundanis pressuram habendam promittit; quia dignum est, ut qui venerandissimæ majestati seipsum per amorem verum non subjecit, ab omni creatura misera conculeetur, ut omnis creatura suum vindicet Creatorem, illum afflictione multiplici conculeando, qui nolens ei per amorem subjici, Dominum proprium derelinquens, et adhaerens vilitatibus aliis, quasi ille non esset verus Deus, vilipendit. Unde quanto anima inhæret per ardenteram amorem intimius Deo, in tantum efficacius ab omni subjectione libera, in regno proprio felicius jucundatur.

Dicto quod ibi est verus honor in illius amoris unione repositus, in quo est totius subjectionis privatio, dicendum quomodo ratio in ipso invenit veritatem. Sed quia præsentis spæculacionis est, quod vera illuminatio ex amore relinquitor, ideo dicendum est quomodo voluntas in ipso, et non in alio, perfectissime satietur, cum ad ipsius pertigerit, in præsenti

¹ Joan., vi, 69. — ² Philip., iii, 8. — ³ Joan., viii, 36. — ⁴ Ibid., xvi, 33. — (a) Leg. libera.

existens viatrix, beatissimam unionem. Tamen sic diffusus dicetur postea, cum mens in re aliqua seipsa ignobilior non quiescat, sibi consolatio vel delectatio terrena non sufficit, licet in ipsis quandoque contra sua naturalia lamentabiliter occupetur. Et hoc, quia omne delectabile, si verum est, quietat appetentis desiderium, sive tendentiam; sed omne terrenum, quantumcumque suavius estimari valeat, appetitum relinquit famelicum, et nisi forsan ad horam, totaliter inquietum, ut appareat sensibiliter in omnibus. Ergo in mundanis oblationibus nunquam appetitus tendentia conquiescit. Quidnam ergo mens predicta faciet? Unum scilicet solum restat, ut ad ipsius praesentiam unionem acceleret, quem solum seipsa meliorem invenit, qui solus habet *thesaurum*¹ jucunditatis in scipo absconditum, quem cum quis per experimentalem notitiam invenit, vadit, et vendit *omnia præ gaudio*, et emit *agrum illum*. Ager enim dicitur amoris unitivi planities, in quo mens currit per ignota desideria pedibus affectionum fulcita: in quo *thesaurus absconditus* invenitur, quando per amoris exercitia ille, qui est vera jucunditas, per spiritualem notitiam vel xenium aliquod spirituale presens esse sensibiliter comprobatur: pro cuius amore adepto mens hilariter cetera omnia vilipendit, cum quis vel qualis sit ille, quem diligit, in affectu percepere, cum se supra se ad ipsum directe extenderit, dilecti dextera sublevatus, ut ea, qua prius audierat, verius, quam illa quæ sensibiliter conspicit, et manifestius comprobentur. Non immerito propter hoc dicit sermo Davidicus²: *Melior est dies una in atriis tuis super millia*, quia dum per atria planitiei amoris mens aspirando percurrit celeriter, plus sentit in una die de mentali letitia, quam in millibus dierum valeat in variarum rerum ineptis oblationibus experiri, et *diem in atrio nominat*, quia mens, dum non per istam planitiem percurrit, sciat se multo obtenebrante caligine obscurari.

Sequitur de objecto rationali, quod etiam veritas dicitur. Ista enim veritas rationali spiritui respondens non in veritate creativa conspicitur, quia omnis veritas a falsitate, a deceptione, ab opinione est penitus elongata: et non ibi de veritate increata sit mentio, sed de creativa hic loquitur, quia propter hoc quod veritas

ignoratur, ideo accommodatur falsitas, ideo sequitur deceptio, ideo multiplicatur opinio. Et hoc est, quia veritas occulta non potest cognosci, nisi in lumine desper radiante, scilicet quo abscondita divina intelligimus, tanquam mediante lumine, sicut, materiali lumine dirigente visualem radium ad objectum, sensu exteriori corporalia sensibilia indeceptibiliter capiuntur. Si ergo lumen divinum deficit, jam creata veritas in mendacium converteretur, non propter defectum ipsius, sed propter vel remanentem cœcientis mentis obfuscationem, vel in se percipere intelligibilis veritatis radium non valentis. Cum ergo, secundum quod sensibiliter videmus, quasi omnis veritas sit maxime de divinis, nisi illa, quibus per fidem acquiescimus, in dubitationem vel opinionem conversa, jam non pure per humanam doctrinam, veritatem mens rationalis apprehendit. Ut ergo inveniat veritatem, ad amoris unionem properet, et verius quam corpus per materiale vinculum, vel artificiale glutinum, vel incastraturam labore operatoris industria, corpori alii conjungatur, mens per amoris osculum unitur illi, secundum divinum Apostolum, qui³ *lucem in habitat inaccessibilem*, et tunc sibi dilectum suum timore filiali timenti pariter et amanti, promissionem divini prophetæ Malachie consequitur, dicens⁴: *Vobis timentibus nomen meum orientur Sol justitiae*; tunc divinam misericordiam supradictam misericorditer consequetur⁵: *Accedite ad eum et illuminamini*; cujus reddit in septimo *Divinorum Nominum* Dionysius rationem, quia quando mens circa illa, quæ sunt creatæ veritatis, addiscenda immergebit affectum finaliter, non unitur illi, ut suo splendore multiplici decoretur, qui facit solem suum oriri super bonos et malos, sic dicens: «Quando mens ab omnibus aliis recedens, seipsam postea dimittens, unita est supersplendentibus radiis, profunde et imperscrutabili sapientia illuminata. » Unde prius dicit, *unita*, quam *inscrutabili sapientia illuminata*; ut omni mente insiuuet, quod non nisi mediante unione amoris, mentem summo et inaccessibili lumine caligantis, veritas quoad profunda et inscrutabilia penitus cognoscatur.

Sequitur de ultimo, scilicet de profectu mentis diligentis, pro amore dilecti ad majora

¹ *Matth.*, XIII, 44. — ² *Psal.* LXXXIII, 11. —

³ *I Tim.*, VI, 16. — ⁴ *Malach.*, IV, 2. — ⁵ *Psal.* XXXIII, 6.

se extendere diligentis vel cupientis. Non enim, sicut humani philosophi, qui illa quæ quoquo modo capere poterant intellectu, fastu superbie inflati, attribuere contempserunt illi fontali principio, a quo in mentibus omnium rationabilium spirituum omnis veritatis radius emanavit, sed e contrario, in quantum sensibilibus mens majori desiderio inardescit, quia per veram sapientiam mens edocta scit se per sui merita, quæ ipsa possidet, nullatenus posse obtinere, in gratiarum laudibus collatori omnium se diffundit, ut in quantum ab ipso ampliora recipit, in tantum se humiliorem in suis oculis reputando abjiciat, ut non furti divino iudicio arguatur, ut ea, in quibus nihil habet, sibi tribuendo, proprii animi elatione inanescat. Ista ergo sunt duo brachia, quibus mediantibus mentis sursum actio affectuum multiplicum recipit incrementum; quia ab una parte seipsam disponendo preparat, ab alia parte divinam influentiam provocando, ipsius dono gratuito pervenire ad majora et copiosiora præmia promeretur. In hoc enim quod ipsa, qua habet, non sibi attribuit, sed omnia redigit ad laudem omnium largitoris, concavatatem in se exarat contra se ipsam verius pugnando, qua pluvia divinarum gratiarum exuberans, montes et colles transiliens, locis humilioribus se infundit; ut quanto majoris humilitatis fuerit concavitas, in tanto amplioris gratiae susceptibilis habeatur. Et hoc, quia omnis creatura, in quantum suum recognoscit principium, seipsam annihilat, ut que de nihilo creata est, in tanto plus recognoscit magnificiam Creatoris, cum ipsi soli esse et omne bonum attribuat, jam non immerito dicitur¹: *Deus superbis resistit, humiliibus autem dat gratiam*. Aliud autem est brachium etiam a parte dexteræ, quo juvantur mentis desideria, ut ardentius solito mens in ipsius exercitiis exerceatur, quia dum per amoris unionem anima sentit quæ Dei sunt, prorumpit in laudem ipsius multimodam, qua laus super omnia, exceptis amoris exercitiis, ad conferendum collaudantia majora, provocat largientem, dum in persona talium collaudantium dicit Joannes in Apocalypsi²: *Benedictio, claritas, et sapientia, et gratiarum actio*, etc. Unde frequens beneficiorum cogitatio est quasi quædam tuba intonans in auribus dilecti, ut sibi ampliora

condonentur. Ista enim beneficiorum divinorum frequens meditatio stimulat spiritum, ut se totaliter diffundat in ardenteribus obsequiis affluentissimi Creatoris. Unde David in persona talium, dicit³: *In meditatione mea exardescet*, etc., quia dum divina beneficia meditando recogitat, in tantum ad amplectenda majora pro amore conferentis animus inardescit.

PARTICULA III.

Quomodo unitiva et mystica sapientia obtineri possit.

Dicto de his propter quæ unitiva debet ab omni rationali spiritu conceupisci, et per consequens illa in quibus ipsa sapientia determinata diffusus continentur, præsentis intentionis est inquirere, quomodo unitiva et mystica sapientia valeat obtineri, tria principaliter in hoc opere ostendentes: primo de sapientia ipsa in generali, secundum quod alternativum duplex intellectus theorice in Scripturis conscribitur; secundo, de mystica theologia quantum ad sui præparationem, id est, de removendis obstaculis, ut prius invia, in subsequenti planissima habeatur; tertio, de unitiva sapientia in seipso considerata.

Dicto quod nisi rationalis spiritus summo bono inhæreat, non potest in alio aliquo quietari, dicendum est de industriis, per quas amor ardentius incitat et juvatur unitivum desiderium ad hoc, quod dilectus, ipsum erigendo, oculo respiciat pietatis, et hoc intelligitur per hoc quod dicitur postea: *Inspectrix divinæ sapientie*. Ad quod notandum, (a) cum bona assuetatio sit omnis ardui possessi initiale principium, quatuor ibi de necessitate concurrunt, ad hoc quod perfecte respiciatur divinitus, et unionem desideratissimam consequatur, quorum unum est interius in mente, secundum a corpore, tertium a loco, quartum a tempore.

Primo enim, sicut videmus quod, quando sol fulget in virtute sua in meridie, reverberantur oculi a solaribus radiis, et etiam obscurantur; ideo necesse est, ad hoc quod fontem solis directe aspiciat, uti quodam ordine, primo vide licet clarum aliquod aspicere, vel etiam ipsum solem in ortu consurgentis aurora, deinde ipsum circa horam tertiam, postea etiam per assuefactionem ipsum poterit in meridie videre; sic mens postquam jam omnia terrena dimisit, postquam etiam a gaudiis mundanis se penitus sequestravit, tamen est involuta multiplici obtemperante caligine, quæ adhuc non permittit

¹ Petr., v, 5; Jac., iv, 6. — ² Apoc., vii, 12. — ³ Psal. xxxviii, 4. — (a) Suppl. quod.

ferri spiritum expeditis motibus in objectum. Sibi ergo necessaria est industria, quia nemo repente fit summus, ut sive habeat devotionem, sive non, sive sentiat se calidum, vel frigidum; tamen, ut postea prolixius dicetur, pulset ad ostium divinæ bonitatis, affluentissimam misericordiam obsecrando; ut illum dilectum per amorem æstuante sentiat, qui ipsum creavit ad suam imaginem, ad sibi soli amoris obsequia inpendenda. Non ergo a suo proprio proposito desistat, sed tantum pulset secundum suæ parvitatæ modulum, donec, per quietam amoris vocem, dilectum suavius audiat consolantem¹: *Ecce ego ipse sum*, ut habetur in Joanne. Et hoc est, quod dicit beatus Dionysius in libro *De divinis nominibus*.

Secunda industria est, ut cum in principio multum elongatum ab ardore unitivi amoris se sentiat, per quem debet dilecto conjungi (quia hoc est supra mortalis hominis facultatem, quod misera et distans tanti amoris unionem appetat), necesse est ut illos, qui in epithalamio cum ipso latentur in gloria, totis visceribus orando inclinet, ut illum (*a*), qui jam non ipsum amant, sed ardent in ipso totaliter, per ipsorum supplicationem scintillam ardoris existens in miseria recipere mereatur, non ardorem ipsorum desiderans, sed de micis, quæ cadunt de mensa Domini, ad instar catuli desiderat satiari, maxime cum ista duo dederit secundum Psalmista consilium dicentes²: *Levavi oculos meos in montes*, etc.; statim subdit: *Unde veniat auxilium mihi*; cum Job consilium oblivioni non dederit dicentes³: *Et ad aliquem sanctorum convertere*: quia licet, tanquam regales consortes, omnes mentes angelice et sancti excellentiores sint attentione præcipua exorandi, tamen unum speciale habeat cui præcipuum impendat obsequium, ut cum semper non possit ad divina intendere, ille suos defectus impletat, qui in cœlesti gloria ipsius semper astat aspectibus, qui videt eum revelata facie, quam ipse laudat incessanti jubilo, hujus per suffragia amorem consequi desiderans, qui, quantum etiam de se, vix est dignus ad plantam pedis dilecti sui affectus oculum elevare. Sed quia ibi dictum est, quod mentes angelicæ et sancti beatū in gloria sunt præcipue deprendandi, cum illa felix civitas ex hominibus constet et angelis, ipsos angelos revereri non ne-

gligat, sed vocem audiat Raphaelis, loquentis pio Tobie adhuc caliganti, dicentis⁴: *Ego obtuli orationem tuam Domino*; hoc sibi dicens in persona animæ ascendere cupientis. Hi sunt enim expeditissimi paranymphi, quia mentium pias affectiones dilecto offerunt, ut suis miserationibus de sua naturali bonitate impermutabiliter inclusis defectum supplere debeant. Hi sunt qui tot insignia impendunt obsequia, qui nostræ beatissimæ redēptionis in incarnatione Verbi mediatores pacifici extiterunt, qui nobis pacem de celo redditam nuntiaverunt, Creatoris et creature jam pace reformatos per vite principem Dominum nostrum Jesum Christum, ipsum pro nobis collaudando, gratias reddendo, solemniter beata gaudia humano generi nuntiando, jucundi nuntii affuerunt. Et suum angelum a divina bonitate, a sua primordiali origine, ad sui custodiam deputatum reveratur, deprecando attenius, ut ipse pauper attingere valeat, per amorem illum, in cuius amplexibus ipse, absorptus luce inaccessibili, felice beatitudine jucundatur, ut audire valeat illud quod Danieli propheta in persona animæ diligenter, dicitur ab eodem⁵: *Quia vir desideriorum es tu*. Quid enim poterimus illi beatissimo conductori et consolatori nostro rependere, qui tam dulciter admonet, ut Creatori suo perfecte etiam anima inhæreat, si in charitate debilis, si abscissa per peccatum est ab ipso, quod ad fontem vite mortua jam anima revertatur, qui mentem perfectam tot splendoribus ea, quæ ipse percipit, ipsis objiciens, multis modis irradiat, suis excitationibus accendit, suo consortio magna letitia jucundatur, et maxime cum secundum suam parvitatem mens facta est conformior, cum idem sapere desiderat, in quo ille totaliter absorbetur. Tunc enim facilis est transitus, ut mens ea, quæ sibi Angelus objicit, recipiat, quando non tantum in natura, sed etiam in gratia est proportionabilis convenientia, quando est ejusdem amoris affinitas, licet unus minus alio radicetur. Et sicut est impossibile arenam maris et stellas cœli ab homine enumerari, sic sunt ipsius beneficia circa nos infinita. Ipse enim est orantibus assistens, euentes concomitans, dormientes protegens et defendens.

Sequitur de tertia industria, que est in modo quoad corpus, quantum ad orantes, in unitivis

(a) *Leg. illorum.*

¹ *Joan.*, iv, 26; *Apoc.*, i, 18. — ² *Psal.* cxx, 1. — ³ *Job*, v, 1. — ⁴ *Tob.*, xii, 12. — ⁵ *Dan.*, ix, 23.

desideris existendi, et tamen modum multiplicem orandi nobis expressum in sacra pagina videamus. Primus in Moyse, qui¹ erectus in corpore, manus extentas ad celum erigebat. Secundus Salomonis, qui², genibus flexis, faciem suam versam ad terram, manus ad celum dirigebat. Tertiis est in Novo Testamento in beata Magdalena, que³ prostrata ad terram in faciem, beatos pedes benigni Redemptoris lacrymis rigavit. Quartus in sedendo, quem habemus in Luca⁴ ab ipsa Magdalena, dum ipsa sedebat ad pedes Domini in silentio, plus orans interius in desiderio cordis, quam in labii oris exterius. Quintus a Domino Iesu Christo, qui⁵ Patrem ut ab eo calix passionis, si possibile eset, transire, exoravit. Sextus in cruce, quando⁶ manibus extensis, erectus corpore, Patri spiritum commendavit. Septimus ab Apostolis, qui⁷ Jesum ad Patrem ascendentem, desiderio revertendi ad ipsos, in corpore erecti, facie versa ad celum, orabant interius.

Cum ergo secundum diversas affectiones, vel cogitationes, diversus modus reperiatur ab orantibus opportunitus, tamen in ista specialiter necesse est, quod corpus totaliter sit erectum, et facies versa ad celum superius; quia secundum dispositionem affectionum animae necesse est esse conformitatem corporis, et secundum dispositionem actionis spiritui respondentem. Unde si mens, quando se extendit in ardore motuum, unionem dilecti desiderans, faciem versus terram inclinaret, impediretur actualis tendentia, vel in parte maxima cessaret, cum ipsum desiderando appetat, qui est supra ipsum iuefabiliter collocatus, secundum B. Dionysium, sibi in *Mystica Theologia* desiderata gaudia promittendo, dicentem: « Sursum ageris ad illum, qui est supra omnem substantiam et cognitio nem. » Unde vel corpore totaliter erectus stando, vel genibus flexis, necesse est mentem per modos anagogicos consurgere ratione convenientiae, sicut dictum est; secundum quod etiam videmus in illis, qui de aliqua materia cogitant subtilius se profundendo; vel etiam in his, qui loquuntur de arduis, est necessaria corporis dispositio, ut semper se interioribus, quod est exterius, configuret. Tamen in meditando, vel flendo pro peccatis, potest ibi esse alia dispositio corporalis, ut ad similitudinem Publicani terram respiciat inferius, qui suum benignum

¹ Exod., XVII, 11. — ² II Paral., vi, 42, 13. — ³ Luc., VII, 38. — ⁴ Ibid., x, 39. — ⁵ Matth., XXVI, 39;

Redemptorem contra se ad iracundiam provocavit. Et similiter, secundum alia spiritualia exercitia meditando vel cogitando, potest esse dispositio alia et alia. Talis in anagogica actione necessaria est dispositio, quae dicta est superius, quia cum ardendo afficitur unionem desiderans, loquitur ad eum sic attente, (a) veluti si eum videret facie ad faciem. Cum ergo, licet sit ubique, tamen, ut est in celo, dirigatur amantis eloquium: cum ergo loquatur ad eum, quem in celis adorat, superius est necesse faciem convertere; cum ibi eum desiderando provocet (b) ipsum totaliter transformari.

Dicto de industria, quae est in dispositione corporis, ad hoc ut citius respiciatur ab illo, cui solum placere concupiscit, dicendum est de quarta industria, quae est ratione temporis. Sicut enim videmus in necessitudine corporis, quod esca sibi competens semel vel bis in die tempore suo propinatur, sic anima quae in amore vivere desiderat, hora debita et tempore congruo lumbos suos accingendo se praeparet, et tempus orationi constitutat, ut mens pane et vino, scilicet vitali amore refecta, quotidiano convivio non privetur, cum multo nobilior, multo suavius ab amante illud inveniatur convivium, quam in pastu corporis carnis refectio sentiatur. Non enim dignum est ut domina melliflui amoris prandii languescat inedia, et garrule famula hora debita et tempore opportuno carnale desiderium impleatur. Et quod talis sit temporis opportunitas, manifestum est, quia sicut ex frequenti bene agere relinquitur habitus in anima, sic cum mens elegerit tempus orationi maxime de nocte specialiter deputatum, secundum illud Davidicum propheticum⁸: *Et nox illuminatio mea in deliciis meis*, quedam affectabilis complacentia in mente remanet, ut semper suum exercitium illa hora impleat, in qua se ad Deum dirigere consuevit, et si etiam quandoque desistat, ut non in hora assueta propter aliquod aliud impedimentum mens se in oratione extendat, a seipsa arguitur, et non modicum quandoque affligitur, si pro causa minus honesta remaneat, quia jam hora pertransiit, in qua mens dilecto inhærere consueverat, sibi firmam amoris refectionem ministranti, et spiritualis letitiae odoriferia pocula propinauti. Si autem de hora

⁶ Luc., XXII, 42. — ⁷ Act., I, 10. —

⁸ Psal. CXXXVIII, 41.

(a) *Cæst. edit. add. et.* — (b) *Suppl. in.*

competent sit quæstio , quo mens divinis laudibus se extendat, audite Dominum per Prophetam loquentem ¹ : *In die mandavit Dominus misericordiam suam, et nocte canticum ejus: quod maxime dicitur, quia tunc minus videtur ab omnibus hominibus, quia tunc quasi omnia silent tumultuantia, maxime quia tunc dormit populus christianus, cuius, ratione charitatis, causam debet assumere, non tantum affinium, sed omnium filiorum baptismatis, ut ipse tunc vigilet viscerosis orationibus protegendo, ut leo circuens, querens quem devoret, in ipsis non prævaleat, quos Pater omnium viventium imagini Filii sui conformavit.* Tunc enim ad amplexum Domini sui inardescet consurgere , stet pervigil custos, qui de nocte pro quolibet, ut pater suus seipsum immolavit hostiam viventem.

Locus
orationis
quis
aptus.

Sequitur de quinta industria, quæ est ratione loci. Cum enim antiquus seductor per plium laboris initium et per alios effectus videat, quod mens a sui dominio totaliter volens recedere, aspirans ad regnum, multo nobilius sub aliis dilecti desiderans protegi, ad ejus dominium se transferri : ejus felicitati invidens, tentando circuit, ut quem sub specie apertæ malitiae non potest decipere, sub specie boni suspirantem ad alta miserabiliter decipiat, sic ei objiciens : « Veritas in Evangelio suos discipulos admonet ² : *Luceat lux vestra coram hominibus, ut videant opera vestra bona, et glorificant patrem vestrum, qui in celis est.* Tu ergo debes in loco publico et aperto insistere orationi, ut alii insipientiores per tuum exemplum manuductive superius attrahantur. Rustica sanctitate non solum tuum profectum proprium desideres, sed per te multitudo non modica ad consimile tibi spirituale exercitium , multo plus exemplo vite quam verbo doctrinæ eminentius provocetur. » Ideo locus occultus requiratur, ut ex illo per quod debet consequi unitivi amoris gloriam, per omissionem circumstantiæ non incidat in ruinam, non tantum propriam sententiam, sed Creatoris sui audiat in Evangelio fideliter edocentem ³ : *Cum oraveris, intra cubiculum tuum, et clauso ostio, ora Patrem tuum qui est in celis:* quia licet per modicum temporis ab hoste maligno, orans in publico, pacifice relinquatur, ut ipsius prædicta admonitio in corde orantis radicetur amabilius ; tamen

postea timeat, ne orationem suam ponat in ore hominum, et tanquam meliorem se alis reputans, vel sanctum se judicans, sic interius inanescat, ut sibi dicatur a Domino ⁴ : *Tu vero odisti disciplinam meam, Evangelii consilium non tenendo; et projecisti sermones meos retrorsum, scilicet multiplicium consolationum attente orantium, quibus solus Deus in mente, tanquam ipsis loquens, se præsentem annuntiat, ut unde consurgendo superius collatorи rependere debuerat gratiarum actiones multimodas pro beneficio, non suis meritis, sed gratis exhibito, retrorsum projiciat se ad favorem humanum in laude hominum prosternendo.* Et licet hæc industria propter instantias et multimoda pericula attente ab omnibus observari debeat, tamen novus amans de novo consurgere cupiens, cum magna cautela custodiat, cum adhuc habeat arundineum amorem; quia multum plus sive majus periculum iniminet ei, quam illi, qui in duello spirituali diutius se exercens, tanquam elygeo amoris jam protectus, jam apertis oculis cognoscens machinationes hostiles, veluti expertus miles de inimico persecutore novit sagacius Triumphare : quia tunc securius potest se alii ostendere , qui pondere amoris cor suum interius in Domino protectore benigno non sine multis laboribus collocavit.

Dicto de quinta industria, qua divinam amans inspectionem occasionaliter prouneretur, dicendum est de alia, quæ est ex multiplicatione ferculorum spiritualium ; quia secundum quod videmus in materiali refectione animalium corporum, si aliquid ceteris magis delectabile ad vescendum continua propinetur, cum ex ejusdem continua et diuturniori replicatione gustus sensibilis fatigetur, novorum ciborum refectionem appetens, licet primum suavius, quantum in se est, ab omnibus judicetur, et quando plus recentium epularum supervenerit copiosior multitudo, satiabilius quam in uno reficitur, et plus interius ingeruntur : sic mens, si horum quam sibi ad divina colloquia dedicavit, totaliter in extensivis sive excessivis motibus , aspirans ad sponsi unionem, expenderet, fatigationem corporis non sustineret spiritus, cum, sicut dictum est , ex amoris importuna tendentia non modica afflictio, imo maxima capitii et pectori, in quibus amplius spiritus radicatur, et per consequens membris aliis corporis ingeratur : ideo epulas recentes

¹ Psal. MLI, 9. — ² Matth., v, 16. — ³ Ibid., vi, 6.

— ⁴ Psal. XLIX, 17.

sibi multiplicet , et maxime circa tria, unum præcipuum et præclarum , et duo alia adjacencia comitentur : principale sit devotissima oratio , et castissima affectio , qua sponso propter seipsum uniri desiderat.

Sed ad hoc primum principium maxime incipientibus sit cogitatio de passione Dominica , quomodo , pro peccatis nostris radiciter extirpandi , Rex gloriosus seipsum obtulit , in tantum pro nobis Deo Patri obediens , ut morte crudelissima damnaretur , ita ut a planta pedis usque ad verticem non fuerit in eo sanitas , et non esset pars , quæ non sanguine sacratissimo respera universis aspicientibus appareret.

Unde cogitatio de carne est ad ingrediendum ad divinitatem amoris (a) interius latitantis janua ; et in signum illius , latus suum sacratissimum ferro lanceæ aperiri voluit , ut (b) non nisi per plagas illius mens in divinitatis intimis radiceatur ; quia , secundum quod dicitur alibi , cogitatio de passione , et refectio in eadem , dignitati animæ non sufficit , sed solum ille qui carnis velamine seipsum ab humanis aspectibus abscondebat. Ideo divinus Apostolus admonet omnem animam super se consurgere aspirantem : Christo , inquit , semel in carne passo , et vos eadem cogitatione armamini : quia jam multum divinitati beatissimæ appropinquit , qui humanitati ipsi unitæ , per compassionem imitatrieum passionis , pertractando tam pretiosa vulnera , interius conformatur : quod tunc sine aliquo retinaculo cognitionum de carnis passione poterit dimittere , quia jam finem in parte assecutus , solum in ipso intimius desiderat radicari , pro cujus obtentu de plagis ostiarii cogitabat illud exercitiæ principium speciale.

Sequitur de tertio subsequente , scilicet quo non modicum divinam misericordiam , sive repectionem , misericordialiter provocabit , hoc est aliorum peccatorum expositorum hostibus , in peccatis obdormitorum , in facibus , in delictis (c) mortuorum compassio. In hoc enim appetit filialis et amorosa dilectio , quando illis compatiendo , qui ad Patris sui imaginem creants , ut illum imitantes in vita regnent sancti in gloria , videat sic miserabiliter alios lacertos , et alios sic execratos recognoscat , ut vix unicus , maxime de adultis , inter centum inveniri valeat , qui illum videre in gloria mereantur .

¹ I Petr., IV. — ² II Petr., I. , 12. — ³ Joan., XII,
(a) Leg. divinitatis amorem. — (b) Cat. edit. et. —
(c) Item deliciis.

tur ⁴ , in quem desiderant angeli prospicere , cum sibi illud decretum obstupescendum ediderit : Qui mihi ministrat , me sequatur , quia quicumque vivens homo sedulum famulatum præstiterit , sive Altissimo in bonis , sive diabolo in peccatis , et justo Dei iudicio post recessum anime a corpore , illius gloriosis , vel miserabilibus agminibus conjungeret , cuius complebat , dum vivebat , voluntatem. Si ergo materiali gladio videam aliquem corporaliter jugulari , vel perforari , vel cuiuscumque potentioribus pedibus suffocari , naturali affectu miseria ipsius compatiar.

Quomodo ergo mens se dicat Patrem amare rationali spirituum , cum tot filios sua insignitos imagine videat crudelissimorum hostium pedibus suffocari , et illuc eos introducere , ubi omnes guttae aquarum et folia arborum citius certo numero redderentur , quam desistant lamentabiliter proclamare illa verba , quæ Dominus sibi per Job , virum divinum , prædixerat : Pereat dies in qua natus sum , et nox in qua dictum est : Conceptus est homo. Et postea immediate : Cur exceptus genibus , cur lactatus uberibus , cur egressus de utero non statim perii ? Rationem hujus rei duplice reddit sibi divinus Propheta.

Prima erit ex mirabili cruciati , in quo corpus et anima , quandiu Deus erit in gloria , inseparabilem , quia pariter deliquerunt. Dicit Isaías ⁵ : Vermis eorum non morietur , et ignis eorum non extinguetur : quia vermis est remorsus conscientiæ , quo poenam doloris sensibilem , et poenam damni incurrire meruit in æternum , dolens de perpetratis in sæculo , quæ jam non prosunt , sed singulariter dolorem incutient , secundum quod de talibus Dominus in libro Sapientie protestatur , cum ait ⁶ : Quid nobis profuit superbia? etc. Sed et poenam damni comminatur Altissimus per Isaiam prophetam , dicentem ⁷ : Tollatur impius , ne videat gloriam Dei. Et bene ipsum vocat impium , quia solus amor mentem in propria pietate facit vitam deducere , quo verus cultus Creatori proprio exhibetur. Digno ergo Dei iudicio a beatissima fruitione illius separando tollitur , qui , dum vixit in corpore , non se sic preparando disposuit , ut bonitati increate amoris vinculo conjungeretur. Tunc enim vere tollitur , quando moriens in tenebris a felici visione divina pulchritudinis , peccatis suis exigentibus , separatur. Et hoc est , quod sequitur : Ne videat gloriam Dei. Qui vita

⁴ Job, III, 3, 11, 12. — ⁵ Isa., LXVI, 24. — ⁶ Sap., V, 8. — ⁷ Isu., xxvi, 10, justa LXX.

brutali vixit in terris, non esset justum iudicium, quod vita angelica in cognitione veritatis aeternae, et amore beatitudinis increatae, in quibus consistit gloria, in celis jubilans perfruatur. Quomodo ergo jam hilaris apparebit, qui tot Patris sui benignissimos filios vidit in tam inestimatis doloribus cruciari? Ideo dicebat divinus Apostolus ad Corinthios¹: Sollicitus sum non pro uno tantum, sed pro omni congregatione fidelium. *Quis enim infirmatur, et ego non infirmor? Quis scandalizatur, et ego non uror?* Quia membrum vivum et efficax, et unitum Christo capiti non videtur, quod dolores commembrorum suorum, et eorum vulnera iusnabilia non presentit. Haec ergo divina industria, non modicum celestem ad se inclinans clementiam, ut sapientia oriens ex alto inferius profundatur, qui ad hoc totis visceribus, tam obsecrationibus, quam piis affectionibus compassionem linitis, tam verbis ignitis in praedicatione ad populum in omnibus laborans attentius, ut divinae majestas in immisione sapientiae et doctrine, vel fidei, sic misericorditer inclinetur, ut omnis creatura, pro qua princeps gloriae in terris dignatus est apparere, quicunque sit ab Oriente in Occidentem, ab Aquilone in Septentrionem. Christianus, Judaeus, vel Gentilis, sic ad veram cognitionem veritatis pertingat, ut illius felici consortio non privetur, qui non pro uno tantum, sed pro omnibus seipsum in ara crucis imprestabilem pretium condonavit, et illius beata visione non careat, ad quem solum contemplandum et amandum creata est, ut et mens patrem benignum Dominum nostrum Jesum Christum sectari desiderans, supportet piis orationibus, attentus et accensis, peccata omnium viventium, ut illi conformetur, qui ovem perditam in ovile charitatis aeternae portans in propriis humeris, Patri suo restauravit. Non enim divinus propheta Hieremias fuit tanquam membrum mortuum, sed vivum et efficax, qui videns suum populum a rege nequissimo tam atrociter suffocari, dicebat²: *Quis dabit capiti meo aquam, et oculis meis fontem lacrymarum, ut plorem super interfectos populi mei die ac nocte?* Nabuchodonosor enim diabolus, Babylon confusionem tartaream, Hieremias animam Deo unitam per amorem propriissime signat. Sicut enim Moyses, qui solus vir fuit, licet esset mitis in gente sua, et

ceteris mansuetior appareret, manus suas levans ad celum orationis ignitae clypeo, et hasta amoris fortitudinis extenta usque ad colum Deum exercitum attingente, promeruit ut virtute ipsius Israel populus Amalech superaret; sic etiam ejusdem virtute amoris, quo Deo erat unitus, eumdem populum sic protexit, ut Dominus ei diceret³: *Dimitte me, ut populum istum deleam:* quia sic bonum affectuose orationis vinculo ligaverat, ne populo Israel poena condigna eriminibus inferretur. Si enim duo principis alienus negotiatores famulantes existent, et alter eorum semper circa commodum proprium negotiaretur attentius, alter vero utilitatem totius familie domini sui se effundens sollicite procuraret, citius a domini sui largitate potiora beneficia accepit, quam ille qui de singulari profectu piis circa afflictos carens visceribus, servili fidelitate lucra specialia proenravit. Ista duo tanquam duo concomitantia jucunda mentis desiderantis tendentiam adjuvant, ut a suo desiderio et tendentia termino non fraudetur. Primum ergo et precipuum preredit, ut dictum est, scilicet afflīci circa passionem et plagas Redemptoris, per qua ad perfectam inherentiam subintramus. Tamen saepe jam ecessat maxime in quibusdam, quando mens in ipsa Divinitate, sine impediente obstaculo, via iam aperta per exorationem suspiriorum ardenter potest dilecto solito perfectius adhærente. Sed ista que est ex compassione proximi, respectus (a) divini provocat compassio nunquam cessat; imo mens quanto ardenter afficitur, tanto ipsum orat attentius, ut ipse misericordia et pietatis adhibeat medicinam, ut in consummata justitia existens, dicat cum B. Job⁴: *Semper crevit mecum miseration, et ab utero egressa est mecum.* Tunc enim semper crescit miseration, quando non propriis affectionibus spirituali iunctudine attendit continue, sed infelicium miserie condescendit. Tunc ab utero secum egreditur, ab illo instanti scilicet quando ab emanatione fecunditatis divinae vitalē amorem mens recipit, quo primitus natus divino conspicui et virtutibus angelicis apparuit, ad ipsum in vitam consimilem transformatus.

Ultima industria est, que in sapientia anagogica dignoscitur, ab ipsis amatoribus totis visceribus amplectenda, quia si omne con-

¹ II Cor., xi, 28, quoad sensum, et 29. — ² Jerem., ix, 4. — ³ Exod., xxxii, 10. — ⁴ Job, xxxi, 18.

(a) Cœt. edit. respectu.

fusum et inordinatum eo ipso corruptibile et instabile judicatur, similiter e converso, omne ordinatum stabile et suæ ordinationis decentia judicabitur stabilitum. Idcirco discipulis veritatis est cum diuturniori exercitio sagaciter laborandum, cum suas orationes, vel psalmos, vel hymnos, vel quæcumque alia dixerint, ut stabiliant in se numerum dicendorum; item quid primo, quid secundo, quid tertio: nisi fraterna charitate, vel necessitate aliqua, vel obedientia majoris, aliquantulum retardentur, semper id, et eo modo quo decreverint, studeant adimplere, quia ex isto felici exercitio relinquitur quedam habitatim in mente, de quo sepe animus non modicum contristatur, si aliqua negligentia vel inertia consuetum exercitium derelinqua. Imo quod in principio ipsius exercitii spiritualis laboriosum videbatur, spiritui postmodum quasi versum in consuetudinem suo decore allicet (a): ut jam frigiditas versa in calorem, tarditas in velocitatem, maxime quia amore unitivo trahitur, experimento infallibili comprobetur. Unde in *Canticis* sponsa petat trahi, dicens¹: *Trahe me post te*. Et statim subditur: *In odorem curremus unguentorum tuorum*, quia ex quo amor attractivus, et sursum activus, in supremum affectus jam inflammando immittitur in ipsam sponsam, in sui dilecti desideratissimum sinum collocando, jam mira agilitate currere incipit, ut, quotiescumque voluerit, unitivo amoris desiderio, veluti quodam ardore sibi sparso divinitus, in ipsam ardentissime se extendit.

PARTICULA IV.

Sapientia divina a Deo edocta qualis sit.

Dicto de persuasionibus et industriis, quibus mens super intellectum ad percipiendam scientiam unitivam attingit, subditur ipsa sapientia a Deo immediate edoeta, a magistro hierarcha Paulo Apostolo tradita, a Dionysio Areopagita stylo anagogico et occulto conscripta, ipsam ad Timotheum veritatis discipulum destinante, et sic dicente²: « Tu autem, Timothee amice, circa mysticas visiones forti concertatione sensus derelinque, et intellectuales operationes, et omnia sensibilia et intellectualia, et omnia existentia et non existentia, et, sicut possibile

¹ *Cant.*, I, 3. — ² *Dion.*, *de Myst. Theol.*, c. 1. — ³ *Cant.*, IV, 9.

(a) *Cœl. edit.* alliciat. — (b) *Al.* indemonstrabiliter. — (c) *Cœl. edit.* quæ. — (d) *Al.* per liberam et absolutam,

est, ignote (b) consurge ad ejus unionem, qui (c) est super omnem substantiam et cognitionem: etenim excessu tui ipsius ab omni irretentibili et absoluto, munde ad supersubstantialē divinarum tenebrarum radium sursum ageris (d). Videas autem, ut nullus indoctorum ista audiat, » etc. In hoc verbo Pauli Apostoli sapientia suprema includitur, et culmen totius perfectionis, ut possibile est in via, et tota profunditas librorum Dionysii Areopagite: quo perfecte cognito, quidquid est super intellectum in libris Dionysii, levius omni aestimatione efficitur. Unde ista consurrectio, quæ per ignorantiam dicitur, nihil aliud est nisi immediate moveri per ardorem amoris sine omnis creatura speculo, absque prævia cogitatione, sine etiam motu intelligentiae concomitante: ut solus affectus tangat, et in ipso actuali exercitio nihil cognoscat speculativa cognitio, et illa est oculus quo sponsus in *Canticis* a sponsa dicitur vulnerari; quod et *unum esse* perhibetur ipsius testimonio dicentis³: *Vulnerasti cor meum, soror mea sponsa, in uno oculorum tuorum.*

Unde cum sit triplex cognitio, una videlicet quæ per speculum creaturarum sensibilium respicit, quæ docetur a Richardo de Sancto Victore in *Arca mystica*, ubi per quadraginta duas considerationes olim in populo Israelitico ab Aegypto ad terram promissionis veniente expressissime figuratas docet pervenire, et per sex gradus ascendere ad omnium Creatorem; alia est quæ intelligentiae exercitio, per immisionem spiritualium radiorum, docet primam causam per effectum cognoscere, et in omne exemplatum per considerationem exemplaris ad veritatem immutabilem pervenire, de qua Augustinus in libris *de Magistro* (e), et *Vera Religione*, facit non modicam intentionem; alia est istis multo excellentior, per amorem ardentissimum unitivum, quæ actualiter, sine omni medio animum disponente, ardentissime facit in dilectione suis extensionibus sursum activis consurgere: quæ *Mystica Theologia* tradita in apice affectivæ consurgit, quæ consurrectio ignorata, vel per ignorantiam dicitur, ut remoto omnis imaginationis, rationis, intellectus, vel intelligentiae exercitio, per unionem ardentissimi amoris id sentiat in praesenti, quod

et puram tui ipsius a rebus omnibus avocationem, ad supernaturalem illum caliginis divinae radium, destraxis omnibus, et acutis expeditus, evehens. — (e) *Cœl. edit.* libro *de Magisterio*.

intelligentia capere non sufficit, imo quod potius est, omnis speculativa cognitione totaliter ignorat, quod in quantum Seraphim nobilior est Cherubim, in tantum amor verus omni habitu ab origine primordiali indito, vel gratis dato, vel gratum faciente, est perfectior. In quantum potentia motiva potentia cognitiva excellentior, in tantum cognitione per amorem unitivum, quantum ad divinorum secretissima penetranda, omni cognitione apprehensione praeclarior est. Unde et haec a beato Dionysio incomparabiliter omnes alias excedens, definitur sic : « Sapientia est Dei divinissima cognitione per ignorantiam cogniti (a). » Et non tantum praeclarior, imo etiam est universalior et utilior aliis scientiis, cognitionibus et apprehensionibus, dicitur. Quae non tantum affectum supra se erigit, et amore estatico perfecte unit sponso altissimo creaturam, sed insuper in tantum elevat intellectum, ut multo plus omni prudentia et cognitione divinis fulgoribus illu-tetur, quam aliquo ingenii exercitio valeat obtinori. Unde de illa dicit Dionysius¹ : « Hanc igitur irrationabilem, et amentem, stultam sapientiam, excedenter (b) laudantes, dicimus, quod est omnis mentis et rationis, et omnis sapientie et prudentiae causa : ab ipsa est omne consilium, ab ipsa etiam omnis cognitione et prudentia, in ipsa sunt omnes thesauri sapientiae et scientiae absconditi, ubi per *sapientiam et cognitionem completa utriusque potentiae perfectio denotatur, affectione scilicet et intellecione*. Ipsam enim vocat irrationabilem, quia nec ipsam ratio apprehendit, nec ratione investigando utilitur : amentem etiam vocat, id est, sine mente, et sine intellectu, quia nec ipsa in suo exercitio uititur intellectu, quia usque ad tam summam cognitionem intellectus pervenire non sufficit : stultam etiam vocat, quia sine usu omnimodo intelligentiae in affectu ista sapientia consurgit, quam nulla intelligentia penitus apprehendit. In verbis enim propositis a Dionysio perfecte traditur haec sapientia.

Subditur primo quid sit amovendum; secundo, quomodo consurgendum. Et cum etiam in ista consurrectione anima sit in statu duplice, scilicet ut perficiens, et ut perfecta; primo subditur quid removendum in primo statu, ibi : *Sensus derelinque*; secundo consurrectio, quan-

do dicitur : *Consurge ignote*, usque ibi : *Etenim excessu tui ipsis*, etc. Mysticas enim visiones appellat ipse Dionysius in tota philosophia sua, quae transcendit omnis entis considerationes, quando intellectiva cognoscit ex ipso affectu praecedente, nec e contra : et ista est verissima, et certitudinalis cognitione, ab omni errore, et opinione, et phantastica deceptione penitus elongata. Unde et haec quae dicta sunt, et quae dicentur, sive in theorica, sive in practica hujus sapientiae, quae affectiva directionem conspiciunt, sine dubitatione et opinione coram totius mundi philosophis et doctoribus irrefragabiliter affirmantur, et ideo haec cognitione *mystica* vocatur, id est occulta, tum quia pauci ad ipsam recipiendam se disponunt, tum quia occulte consistit in corde, ut nec stylo, nec verbo ad plenum valeat enodari.

In illa mystica cognitione, ubi affectus dominatur, jubetur et sensus et intellectus radicitus derelinqui : primo, a parte ipsarum virium apprehendentium, ubi dicit *sensus et intellectuales operationes*; secundo, a parte ipsorum objectorum, scilicet sensibilium et intelligibilium, cum dicit : *sensibilitas et intelligibilitas*. Sed ne absurdum illud videatur, sensus delbere derelinqui, subditur ratio : Quia ista sapientia non est sicut alia scientia, quae est ex praexistenti sensibilium cognitione, sed est potius de super, secundum regulam beati Jacobi dicentis², a quo haec sapientia vocatur : *Omne bonum, omne datum optimum, et omne donum perfectum desursum est, et descendens*, etc. Si omne donum, multo fortius haec sapientia, quae omnis portio Marie, que amoris dilecti igne succensa ardebat desiderio. Quia igitur haec apprehensio est desuper, et non subtus, jubetur sensus exterior extirpari. Quod non tantum de sensuum exteriorum officio intelligentium est, sed etiam de sensibus interioribus : quia nec sub ratione dulcis vel odorabilis, sive olfactibilis, quod idem est, vel pulchri, vel melodiosi, vel suavis ipse Deus beatissimus apprehenditur, cum haec omnia apprehensione rationis prævia dirigatur, et haec unitiva apprehensio sit supra mentem et rationem, sicut dictum est. Oportet ergo speculativum discipulum hanc alibi haurire sapientiam, quam in eis quae apprehensionem speculativæ cognitionis respiciunt : et in hoc appareat hujus sapientiae mira et appetienda nobilitas, et ejusdem divinitas, et quare divinissima in diffinitione Dionysii appellatur,

¹ Dion., *de Div. Nom.*, c. vii.—² Jac., 1, 17.—(a) *Cat. edit.* cognita.—(b) *Cat. edit.* excedenter; al. superlat..

in hoc quod animam (a) quasi seipsam expoliare necesse est, et amorem divinitus collatum affectui veluti pedissequum insectari, et per istam divinam sursum actionem intellectui habituali cognitione cum tactu amoris relieta, divinissima informari, non tantum de simplici apprehensione ipsorum sensuum intelligendum est, sed etiam de delectatione eorumdem prout motivam respiciunt: quia haec est ipsius sapientiae quasi summae preparativum, quod a sensibus exterioribus inordinata delectatio in creatura, prout melius poterit, efficaciter recessatur, ut quoquomodo Deus finis mediatus, vel immediatus, vel finis ultimus requiratur, quia quanto plus in ipsis immergitur, tanto debilius ad divina consurgit: ut dicat cum Psalmista¹: *Renuit consolari anima mea*, a quo etiam redditur illius renouitio delectationum ratio, ab eo sic dicente: *Et delectatus sum, et exercitatus sum, et defecit spiritus meus; supple:* dum se exercet mens motibus anagogicis ad divina, et directa tendentia sui ipsius ad Deum delectatur, deficit spiritus ab his delectationibus, quae sibi a sensibus corporis exterius institutione diabolica offeruntur. Quod etiam de delectatione sensuum interiorum dicendum est, quia nec ab ipso vero (b) diligenter debet diligi dulcedo, vel suavitatis concupisci, quia ipse solus appetitur, nisi quandoque hac de causa ipsam dulcedinem vel suavitatem appetat, ut ad intimiorum unionem efficacius effectus et importunus inardescat. Unde tota ista sapientia est in ardentis desiderio collocata, ubi omnes, vel vis et officium intellectualis virtutis extirpari, et derelinqui præcipitur. Nam quandoque vis intellectualis multa de divinis participat, maxime quan'o theoris divinioribus illustratur. Sed quia alia vis est in mente multo illa eminentior, cuius motibus mens ignita erigitur ad sapientiam profundiorem, tum ratione superioris apicis ipsius affectiva, tum ratione ardoris ipsam superius erigentis, qui super habitus gratuitos et infusos ratione sua importuna extensionis et dignitatis, in rationali spiritu obtinet principatum. Unde commentator Vercellensis super Mysticam Theologiam, sic dicit: «In hoc libro aliud et incomparabiliter profundiorem modum cognoscendi Deum tradit superintellectualem, et supersubstantialem, quem ideo gentilis prophetia non apprehendit, quia non quæsivit, nec esse pulavit, nec vim,

secundum quam diffunditur in animam, deprehendit. Putavit enim summam vim cognitivam inesse intellectui, cum sit alia, quæ non minus excedit intellectum, quam intellectus rationem, vel ratio imaginationem, scilicet principalis affectio: et ipsa est scintilla syndesis, quæ sola unibilis est Spiritui sancto, id est, divino.» El hac de causa cum incomparabiliter totius intellectus suspendat officium mentis supraemam affectio, ab eo secludi præcipitur non tantum operationes prout excent a vi sensitiva, vel intellectiva eliminari jubentur, sed etiam objecta ipsarum omnia sensibilia et intelligibilia, primo ea quæ sensu exteriori percipiuntur.

Cum vero rationalis creatura constet ex duplice natura, corporali scilicet et spirituali, utraque habet sibi objectum respondens, cum secundum cuiuslibet capacitatem æterna veritas percipiatur: quomodo sensibiles homines sunt, qui non nisi sensibilia cognoverunt, veluti habentes intellectum obtusum, et affectum recurvum: ideo nec bonitatem, nec veritatem divinam in se percipiunt. Sed tamen ne sint omnino expertes cognitionis divinae, posuit Deus altissimus sensibiles creature, ut² *invisibilitia Dei per eu, quæ facta sunt, intellecta consiperentur*, ut secundum Davidicum sermonem³ aliquis excusationem non habeat, ut se abscondat a calore ejus: cum egressus bonitatis ipsius a summo usque ad summum in omnibus creaturis respondeat. Sed a filiis voluit increata sapientia ista sensibilia amoveri, ut multo felicius, multoque verius in thalamo affectus secretiori interius in lectulo amoris collocatum sentiant, quem Iudei, et easter philosophi per creature discurrendo mendicant. Unde ab ipsa veritate verus orans in spiritu ingredi infra cubiculum (ubi inveniat thesaurum occultum) præcipitur, non tantummodo sensibilem, prout sensu exteriori respondet, sed etiam prout est objectum sensuum interiorum: nec sub ratione apprehensiva ipsius beatissimi Dei, prout est dilectus, pulcherrimus et suavis, per mentis desideria anagogica appetatur, ne ipsa anima, quæ velut filia habet soli desiderio Conditoris inhaerere, refectionem suam veluti mercenaria impudenter (c) inquirat, nisi ratione superiori dicta, scilicet, ut in ipsum aliquo dulcedinis vel suavitatis nutrimento allacta, insatia-

¹ *Psal. LXXVI, 3.* — ² *Rom., 1, 20.* — ³ *Psal. XVIII, 7.*

(a) anima.— (b) *Forsan leg. vere.*— (c) imprudenter.

bilius et immensus inardescat. Intelligibilia enim generaliter evelli admonentur, quia, secundum quod alibi dicitur, cum omnes homines naturaliter scire desiderant, in nulla tamen scientiae notitia, vel cognitione, rationalis spiritus tendentia conquiescit, nisi prima veritatis jucunda cognitione latetur, quam solam inventit nobilitati humanae intelligentiae respondentem. Si ergo sciat omnem naturam clementorum, complexiones corporum, virtutem astrorum, cum omnia illa viliora sint, rationalis spiritus penitus non quiescit, sed potius sic labitur, vel etiam luxuriatur, cum idolo creaturae, seipsa infirmioris (nisi redigat ad finem ultimum), involvatur. Cum etiam tanta nobilitatis sit spiritus, ut species angelicas etiam fastidiat: penitus constrictus et errabundus, nisi quoquomodo ad cognitionem illius a quo exiit originaliter, et victor, et triumphans virtueller revertatur. Quod etiam si omnia creata vellent (*a*) scire, reducendo ad finem debitum, ut per illa Creator cognosceretur ab ipso, tamen respectu illius sapientiae totum oportet relinquare, quia mens immediate ipsum per ineffabilem cognitionem relictum, ex amoris unitione cognoscit. Et de illa cognitione in mystica theoria secundum tertiam translationem sic dicitur: «Per unitatem dilectionis, qua est effectiva vera cognitionis, unitur Deo intellectualiter ignota (*b*): cognitione multo meliori quam sit aliqua intellectualis cognitio,» etc. Non tantum intelligibilia, in quo verbo, respectu exercitii istius, omnis finalis complacencia cognitionis de omni creatura tam inferiori quam superiori relinqui persuadetur, et etiam existentia, et non existentia, per quae duo omnis modus speculativus apprehendendi divinam natum excluditur. Existentia hic dicuntur rationes aeternae in mente divina, quibus aliquid extractum in creatura inferius correspondet: quia ordinatissimus procedendi modus in humanis ad divina certitudinaliter reperitur, quando mens supra se proiecta, movetur immediata in Deum veluti in terminum sine etiam commixtione alterius cuiuscumque creature superioris, vel inferioris.

Quia ergo, considerando rationes aeternas, mens in quantum ab ipsis egredientem creaturam considerat, in tantum a parte altera infra seipsam finitur, ut non totaliter supra seipsam

(*a*) *Forte legendum* vellet. - (*b*) ignoto. - (*c*) *Lug.*
habeat.

integraliter erigatur: quia ergo sapientia unitiva omnem contemplationem, vel considerationem in suis motibus creature relinquit, ad suum unicum intelligibile supra seipsam aspirans, ideo respectu ipsius existentium (licet sit nobilis) contemplatio dimitti praecipit: cum sit ibi aliqua incurvatio, et perceptio naturalis, et ideo mens per istam relativam contemplationem non relinquat omnimodam humanam apprehensionem, ut omnino velut per aliam mens super naturales limites collocetur.

Sed et non existentia jubentur amoveri, respectu ascensionis illius sapientiae. Non existentia vero hic appellantur, secundum quae nihil exemplatum in creatura reperitur, ut omnis consideratio de trinitate et ordine personarum, quia illud nunquam in creaturis appareat exemplatum, quod aliquis generet aliquem qui sit idem quod ipse, quorum quilibet sit vere existens substantia; nunquam quod amor connectens aliquos, sit aequalis et existens substantia cum ipsis amantibus. Ista ergo speculatio inter speculativas contemplationes excellentissima relinqui jubetur: non quia bona non sit et nobilis, sed quia est alia superior apprehensio in mente humana, per quam solam excellentissime supremus spirituum attingatur, que sola optima portio Mariae dicitur. Alio vero per Rachel signatur: contemplatio vero sensibilis in creaturis per Lyam: et haec est ratio: quia in tantum mens divinus ad supercoelestia, et eminentius attingit, in quantum ipsis magis appropinquat, vel in ipsum Denim intimus transformatur: quod quia nulla est contemplatio speculativa, que habet (*c*) virtutem transformandi, sed solus amor extensivus deificans, ideo ille solus divina apprehendit, ad cuius pedem nulla contemplatio cognitiva, sed potius quasi de longe prospiciens aliquatenus se extendit. Ideo in septimo, *de Divinis Nomibus*, sic dicitur: «Oportet autem videre mentem nostram habere virtutem ad intelligendum, per quam invisibilia respicit, unitatem autem excedentem mentis naturam, per quam conjungitur ad ea que sunt supra ipsam.» Secundum hanc igitur differentiam oportet intelligere, non secundum nosipos, sed totos nosipos institutos, et totos deificatos, etc. Quod quia ita derelinquere est difficile, ideo concentratione et forti conatu mentis ista resecari jubentur.

Dicto de his quae oportet derelinqui necessa-

rio, subditur de ipsa consurrectione unitiva. Ubi primo notatur conditio consurgentis, quando per ignorantiam dicitur; et ipsa consurreccio extensiva, ubi dicitur: *Consurge*; et illud quod ipsa consurreccio solum et praecepue ascendat, cum dicitur: *Ad ejus unitonem qua est*, etc. Sed cum omnis apprehensio jam dicta sit extra mysticam consurrectionem, eum in illa oporteat esse ignorantiam: ideo totaliter oculum intellectus rescindere oportet, quia in ipsa consurrectione semper vult illud apprehendere, ad quod tendit affectio. Unde, maxima adversatio in ista consurrectione est vehemens inherentia intellectus cum affectu, quam tamen rescindere necesse est per magnum exercitium. Cujus causae dictae sunt superius, quia vel phantastice, vel circumscribibiliter, vel modo limitato apprehendit: et quomodo hoc possit fieri, dicit in *Mystica Theologia* super illud: *Consurge ignote*: quia ibi elevatio est vehementia tendentiae affectus, qua intellectum post se relinquit. Pura ergo affectiva consurreccio nuncquam est, nisi totaliter intellectivus oculus rescindatur: et hoc est quod in ipso *Mystica Theologiae* principio dicitur. Omnino autem ignorata notatio omnis cognitionis, et melius unitur ex eo, quod nihil cognoscit super mentem elevata cognitio. Unde haec est necessaria conditio ad istam elevatissimam apprehensionem, quod in ipsa elevatione vacet omnis cognitionis speculativa: quia ipsa est ignota intellectui, et ipsam (a) relinqui necesse est, si ad cognitionem super mentem desiderat pervenire. Et quantum in ipsa consurrectione intellectus se commiscet affectui, tantum est hic de impuritate; et in quantum plus intellectivus oculus totaliter excæsatur (quod fit non nisi per magnum exercitium et laborem), in tantum oculus affectivus in suis extensionibus liberius et incomparabiliter eminentius elevatur. Et per qualecumque exemplum materiale, illud potest videri in aspiratione, et respiratione anhelitus, quia sicut ex inferioribus sine omni deliberatione procedit ista emissio, sic sine deliberatione affectus ignitus, qui est super omnem intellectum, tendit ad illum cui soli perfectius uniri desiderat, et habet suam actionem ab omni intelligentia totaliter separatam, tanta latitudine a parte superiori, et promptitudine coadjutus, ut mira velocitate

(a) *Forte leg.* ipsum. — (b) *At. fit.*

motuum, etius etiam quam cogitare valeat ratione, ad instar aspirantis et respirantis consurgat. Cujus (ut supra dictum est) velocitate motuum, ardore extensivo et importunissimo eorumdem, sicut mendicans nullius valoris reputatur, et rescinditur, licet importune semisceat omnis speculative cognitionis exercitium. Quod quia non potest dici, nec sufficienter verbo tenus explicari, secundum illud *Mystica Theologiae*, cap. in: « Nunc autem ab inferioribus ad supremum ascendens, secundum mensuram ascensionis contrahitur, et post omnem ascensionem totus sine voce erit, et totus unietur et ineffabiliter, » etc. Quia doctrinam hujus præclaræ sapientiae sibi soli increata sapientia reservare voluit, ut sciat omnis mortalis creatura, quod est Doctor in celo, qui solam sapientiam veram suis scholaribus per cœlestes immissiones, et sua claritatis radios manifestet. Secunda ratio est, ut omnes sapientes mundi confutet, cum simplex vetula, vel rusticus pascualis, ad istius sapientiae consurrectionem perfecte possit attingere, dum tamen modo prædicto se præparet, quod nulla præhabita scientia, vel mortali industria apprehendit. Tertia etiam ratio in libro *Sapientia*¹ dicitur, quia *omnium superborum sublimium colla propria virtute calcavit*: quia quantumcumque præclarus, quantumcumque clericus omnibus aliis gloriosior existat, fimbriis hujus sapientiae non attingit, quæ super mentem elevata cognoscitur, nisi per viam puerilem, scilicet purgativam, supposito quod mortaliter peccaverit, ad univitam se præparet: dolens et genuens quod collatorem totius sapientiae, et omnium bonorum, ad indignationem contra se peccatis anterioribus provocavit. Colla ergo superborum et sublimium, usque ad humilitatem puerorum incipientium, necesse est incurvari. Unde est ibi illud propheticum² implatum, in quo sapientia sapientium reprobatur, et sola purgativa inferioris humilitas ab illo supremo exigitur, qui³ deponit potentes de sede, et exaltat humiles.

Subditur etiam respectu cuius sit (b) illa consurreccio, cum dicitur: *Consurge ignote*, scilicet ad unitonem illius Altissimi, qui super mentem et cognitionem; et haec causa partim supra dicta est, quia nec ibi gratia, nec gloria, vel dimissio poenæ, vel aliiquid aliud requiritur

¹ *Ecclesiasticus*, xxiv, 10. Lib. *Ecclesiastici* dicitur etiam *Sapientia Sirach*. — ² *Isaiah*, xxix, 14. — ³ *Lucas*, 1, 52.

istis desideriis sursum-activa consurrectionis; sed ipse solus, cui soli propter se in concultatione vehementium desideriorum mens uniri aspirat, qui sub ista apprehensione obtentus prout ab affectu tendente percipitur, supra omnem mentem humanam et cognitionem attingitur: ut non solum esse ipsum absolute respiciatur, sed et modus apprehendendi ipsum, quia, ut dictum est, quando affectu tangitur, super mentem ducitur et rationem. Unde tota ista sapientia in hoc solo perficitur, ut ipsa affectiva in suo supremo apice constituta, per abscissionem totius intellectualis operacionis nihil aliud, quam soli Deo uniri desiderat. Et quia hoc est difficile, subditur propter hoc: « Et sicut est possibile, usquequo possit cun Psalmista dicere¹: *Dirupisti, Domine, vincula mea, tibi sacrificabo hostiam laudis.* » Quia cum predicta impedimenta, mediante divino auxilio, scilicet omnia sensibilia, et intelligibilia, et maxime immixtio intellectivae, que semper vult apprehendere illum in quem tendit affectus, perfecte (a), sicut extensionis unitiae vincula, dirumpuntur, tunc libera ipsa affectiva, veluti quedam avicula, solis pennis affectiōnum ardētūm provecta, tanta libertate perfruit, ut quotiescumque vult, moveatur ardētissime in Deum: sic etiam, ut orans affectionum desiderio in intentis affectu, quantum possibile est in via, sic attente exoret, ac si ipsu[m] videret facie ad faciem; quandoque etiam ut supra ipsam mens erecta, motu et consurrectione quasi totaliter extra corpus videatur. Ideo dicit: « Sicut possibile est: » quia nulla mens, nisi immissione divina, hoc percipit, secundum illud, in primo *de Divinis Nominibus*: « Nam supersubstantiale scientiam ignotæ supersubstantialitatis, que supra rationem, et intellectum, et substantiam ipsam ipsi tribuere convenit, tantum ad superius resipienti, quantum theoricorum eloquiorum radius se immittit ad splendores superiores, » etc. (b): quod idem est, quod illa scientia que est per ignorantiam, ut dictum est, solius Dei doctrina percipitur: et in quantum plus affectus de theoriciis eloquii, scilicet divinis intuitionibus quibus mens cum dilecto garrula jueundatur,

recipit, in tantum Deus solus in mente intimius se immittit, ut ipse qui est vera sapientia, per diviniores radios præclarioris cognoscatur.

Postea subditur: *Etenim excessu tui ipsius*, quia non tantum creaturam sapientia unititia funditus eradicari perurget, sed ipsum specialiter intellectum mortificat, et soli divinæ influentia se submittit. Et de illo excessu Apostolus dicit ad Corinthis²: *Sive mente excedimus, Deo*, etc. Et per istum continuatum excessum, igne amoris anima efficaciorem consequens separationem et purgationem, per suas extensiones flammeas et consumentes rubigines efficiacius promeretur, quam primo, cum per istam incipit consurgere. Quia, sicut est duplex purgatio, scilicet per aquam et per ignem, in corporalibus; sic et in spiritualibus, quia via prima purgativa per dolores et frequentes attritiones purgat et per lacrymas, sed multo efficacius illa que est per consurrectionem ardoris. Unde per istum excessum ardoris jam levis ab omni irretentibili, scilicet mundano delectabili, et absolutus, scilicet ab omni aliena affectione mundus, ad divinæ incomprehensibilitatis claritatem, jam pgnitus ablatis obstaculis, et absolutus spiritus a vinculis agillime sursum agitur. Unde iste est ordo consurgendi.

Primo oportet, quod considerationem et amorem sensibilium derelinquit, et contemplationem omnium intelligibilium, et purus consurgat affectus, sine admixtione intellectus, in illum, quem in sua tendentia cognoscit quietativum desiderii, ut ipsi intimus uniat. Et per istam diurniorum motuum anagogicorum consurrectionem, magis ac magis affectus extenditur, et quasi quibusdam flammeis scintillis mens purgatur efficacius, et ab amore carnalium alibi requiem inveniens, sine carnis murmuratione, necessario sequestratur multo plus quam antea, et exinde affectus puris motibus fit agilior, ut quotiescumque vult, sine meditatione intellectus p[re]via (c), ardētissime moveatur. Unde primo dicit: *Consurge ignote*; et post hoc dicit: *Sursus ageris*: quasi diceret, quod in principio exercitii consurrectionum anagogicarum affectus apex cum difficultate contantum ad iuaccessum illud lumen aspirando, quantum se insinuauerit divinorum ille radius oraculorum, quo eminentioribus istis rerum divinarum splendoribus sobrietate quadam ac sanctitate contemporamerit. *Biblioth. max. SS. PP.* Lugd., an. 1677. — (c) *Cœl. edit. prævii.*

¹ *Psal. cxv*, 16. — ² *Il Cor.*, v, 13.

(a) *Cœl. edit.* perfecta. — (b) *Al. interpr.* Nam supernaturalis ipsius indemonstrabilitas, quo supra omnem rationem, et mentem, et essentiali est, ipsa est cui supernaturem scientiam tribuerit nos oportet,

surgit; sed per amorem excessivum ipsius supra se , et per efficaciem purgationem, quasi sine difficultate ad libitum consurgit, et motuum agilitate mirabiliter levigatur, ut licet in ipso motu anagogico natura et amor pariter concurrat, tamen efficacius, jam remotis impedimentis , et exinde majori immissione desuper adveniente, multo plus ardor amoris, quam vigor affectus naturalis facilitatem et agilitatem motuum incomparabiliter operetur : et hoc est quod dicebatur, *Cuncta auferens*, etc., ubi duo maxime , que oportet derelinqui, tanguntur, scilicet omne irretentibile, et omne absolutum, quorum primum respicit affectum, quia in quocumque afficitur creatura, illi necessitate conjungitur, et per consequens irretitur, et tunc minus agilis ad consurrectionem divinorum efficitur. Sed non tantum irretentibile, sed omne absolutum dicitur : absolutum dicunt omne quod sua propria forma cognoscitur habens esse distinctum , cuius omnem speculationem , vel contemplationem , amoveri necesse est , quia sicut omne irretentibile immundum reddit affectum , dum in creatura seipsa viliori delectatur affectus , ita per secundum immundus efficitur intellectus, id est, tenebrosus, quia dum tantum humana scientia speculativa repletur, in comparatione illius sapientiae quae est per supersplendentes divinos radios , quasi quadam obtenebrante caligine obfuscatur. Sed et illud verbum ultimum non tantum de agiliori consurrectione est, sed de cognitione supra ipsius intelligentie, quia secundum sapientiam beati Dionysii, illa sola vera est cognitio de divinis, qua experimentali notitia sursum activae consurrectionis relinquitur. Unde divina miseratione, secundum quod competit, consurgentem hoc accidit, ut quando mens per multorum temporum curricula aspiravit, ut suum dilectum intimius sibi conjunctum (a) ardentiore vinculo amoris constringeret, ad modicum, prout capax est, prout fit in raptu , visio beata concepitur, maxime cum ab irretentibili et absoluto (b) sit munda, et erigitur tunc ad divinarum tenebrarum radium , scilicet lumen divinae incomprehensibilitatis, quae ibi vocatur tenebra, secundum quod in epistola dicitur ad Timotheum ¹ sic : « Divina caligo lumen est inaccessibile, in qua habitare Deus dicitur, et invisibilis

¹ Dion., epist. ad Timoth. — ² Luc., xiv, 10. — ³ Psal. xvii, 12.

(a) Cœl. edit. conjuncta. — (b) E lit. Lugd. absoluta.

lis quidem existens propter excedentem claritatem , » etc. Unde sapientia illa est immediate ante cognitionem raptus, et sic diutius aspiranti a dilecto dicitur ² : *Amice, ascende superius*. Unde primo dicitur: *Consurge*, et ibi: *Sursum ageris*: quia in consurrectione unitivæ sapientiae natura operatur et gratia ; in ista autem suprema operatione intelligentiae sola gratia elevans immediatissime operatur, quantum ad ipsam elevationem raptus, prout mens sic in corpore erigitur, ut a sensibus corporis sequestretur, cum in ista ultima intelligentiae elevatione tam intellectiva quam affectiva potissime officium consummatum, non per modum patiendi, sed agendi, actum suum obtineant.

Postea dicitur: « Vide autem ne quis indoctorum ista audiat. » Et hoc quidem admonet in fine primi de *Divini Nominibus*, sic scribens ad Timotheum; loquens de cognitione per amorem prævium dicit: « Apponamus (b), sanctis sancta secundum divinam traditionem collocantes, et ipsa ab indoctorum usibus et derisionibus anterentes ; magis ipsos illos , si taliter sunt, tales quidem homines ab impugnatione Dei in hoc liberantes (c) », etc. Hoc idem sœpissime admonet in aliis librís suis. Et hec est ratio , quam ipse assignat statim postea: quia putant ea, quae secundum ipsos est, cognitione cognoscere eum ³ qui ponit tenebras latibulum suum : quia non possunt Deum apprehendere, nisi sub ratione boni , vel veri, vel dulcis , et sic de aliis. Et ista sapientia anagogica est quedam theoria per se distincta, et diversa ab omni speculativa sapientia, que omnem rationis apprehensionem transcendit. Et quia multi sapientes et doctores hoc videre non præalent, hanc summam sapientiam irrident, et in hoc per consequens Deum altissimum collatorem hujusmodi sapientia impugnant, ideo cum beato Dionysio, sed quod magis, cum Domino Iesu Christo, rogo illum, quicumque hoc scriptum insperxit, ne indoctis hujus mundi doctoribus philosophis, carnalem vitam ducentibus, ullatenus manifestet, nisi hac via puerili velint incipere, scilicet purgativa via , et citius quam aliquis esse non tantum in aliqua liberalium artium, sed in arte mechanica industrius operator, in seipso divinae immissione gradatim ascendentes,

— (c) *Suppl. aures sacris interpretationibus.* — (d) *Al. interpr.* quinimo illos ipsos, si qui sint homines istius modi, a bello, quod ex parte cum Deo gerunt, revoemus. *Bibl. SS. PP.* Lugd., an. 1677.

omnia quæ dicta sunt multo melius et multo jucundius experimentalis notitia veracissima approbabunt. Sed hæc scribere volui ad hoc, quod minus experti in ista sapientia, corroborato itinere, semitas dirigant, scientes quod citissime inveniuntur. Quod si in principio purgationis, vel ecstatis consurrectionis difficultas mirabilis sentiatur, tamen¹ in paucis vexati cito tissime in multis bene disponentur; ita ut experimento videant omne² quod oculus non vidit, nec auris audivit, nec in cor hominis ascendit. Hoc etiam in præsenti videre possunt, qui ipsi per dilectionem hujus supremæ sapientiae inhæbunt, ut jam mens dicat³: *Teneo eum, nec dimittam.* Sed licet ab indoctis quasi stulta hec sapientia videatur, subditur theorica, ubi per rationes et argumenta proceditur: ut quomodo mens consurgere valeat, quomodo removenda obstacula, qua unitione media, et multa alia quæ ad hoc pertinent, ad confutationem humanae philosophie. Sed et ne ascensus tantæ sapientiae videatur irrationalibilis, argumentis tam naturalibus, quam theologicis, quam anagogicis sumptis a rationibus æternis, evidentius disputatur. Et ideo sapientia Dionysii difficilima videtur, quia modus procedendi super omnem rationem existit, et sola Spiritus sancti influxione percipitur, maxime de *Divinis Nominibus*: ut dicitur, quod non asseveratur hec doctrina⁴ in persuasibilibus humanæ sapientia verbis, sed in demonstratione a Spiritu sancto more virtutis in supremo apice, secundum quam ineffabilibus et ignotis ineffabiliter et ignote conjungitur, etc. Quando ergo Spiritus sanctus movet apicem affective, secundum Psalmistam⁵: *Tange montes, et fumigabunt (a);* tunc tota profunditas sapientiae Dionysii, ut intellectum exedit, super omnem discipline alterius levitatem certissima et levissima comprobatur: et ideo amantissima, quia siue omni dubitatione et opinione procedit: et ideo, quia primo oportet cognoscere practicam quam theoreticam, ut illa levissima (b) cognoscatur, ideo theoria operativa consequitur. Pax ergo omnibus amatoribus veræ sapientie, et divina bonitatis influentia concedatur. Amen.

¹ *Sap.*, III, 5. — ² *Isa.*, LXIV, 4; *1 Cor.*, II, 9. — ³ *Cant.*, III, 4. — ⁴ *1 Cor.*, II, 4. — ⁵ *Psal.* CIII, 32. — ⁶ *Psal.* XXXVIII, 4.

(a) *Vulg.* *Tangit... famigant.* — (b) *Cat.* edit. levissime. — (c) *Edit. Lugd.* superexcellentissimæ.

QUESTIO UNICA.

Utrum anima secundum suum affectum possit aspirando, vel desiderando, moveri in Deum sine aliqua cogitatione intellectus prævia, vel concomitante.

Ad manifestationem illorum occulorum et mysticorum, quæ dicta sunt super veritate, quæritur difficultas questio, in qua cuilibet intelligenti veritas hujus sapientiae manifestus illucescit. Quæritur igitur, utrum scilicet anima secundum suum affectum possit aspirando, vel desiderando, moveri in Deum sine aliqua cogitatione intellectus prævia, vel concomitante.

Videtur quod semper sit necessarium præco-gitare, antequam per extensionem amoris affectus moveatur in Deum. Primo auctoritatibus sic, quia dicitur in Psalmo⁶: *In meditatione mea exardest ignis:* ergo primo oportet quod mens premeditetur cogitando, antequam in ipsum dilectum igne amoris consurgendo per affectionem, effectus interior inardescat.

Item Augustinus: « Invisa possumus diligere, ^{Arg. II.} incognita autem nequaquam. » Ergo primo oportet ratiocinando, vel intellectualiter cogitando cognoscere, antequam affectu amoris aliquod diligatur: cogitatio igitur affectionem amoris necessario præcedit.

Hoc idem probatur rationibus, et primo ratione sumpta in divinis sic. Anima enim in Deum, quem diligit, per amoris desiderium actualiter se extendens, vocatur *deifica*, vel *deificata*, in septimo de *Divinis Nominibus*: nam secundum quod possibile est creature, per extensionem amoris Trinitati superexcellentissime (c) conformatur. Sed in Trinitate ita est, quod secundum ordinem nature primo est Pater, qui est summa potentia; secundo Filius, qui est Patris notitia, vel summa sapientia; tertio est Spiritus sanctus, qui est verus amor. Ergo sic erit in anima, quæ per extensionem amoris secundum modum sue parvitas, ut possibile est, Trinitatem beatissimam nitiatur imitari: quod primo ibi erit, de ipso ad quem tendit aliqua cogitando, vel intelligenda notitia, antequam amoris desiderio in ipsum possit aspirando consurgere: ergo cogitando cognoscere, semper præcedit affectionem amoris.

Item, secundum quod dicit beatus Dionysius, ^{Arg. IV.} Ecclesia militans imitatur, secundum quod possibile est, Ecclesiam triumphantem: ergo ani-

Argumenta
parlia
negativa

Arg. I.

ma fidelis, volens per amorem consurgere gradatim, secundum quod est in ordinibus angelorum, consurgit, et maxime mentes amantium ultime hierarchie comparantur, in qua sunt tres ordines, scilicet Throni, Cherubim et Seraphim. Igitur necessarium est in anima consurgere actualiter volente quod tres proprietates, vel officia, istorum trium ordinum imitetur. Primo, quod sit Thronus, id est, quod cætera, scilicet mundanos honores, carnales affectiones, terrenas delicias, ut solus Deus, jam sede preparata, in ipsa resideat, penitus derelinquit. Secundo, quod sit Cherubin, quod intelligitur *plenitudo scientiæ*: et hoc fit mediante lumine divinitus imunisso, quo mediante mens, supra-intellectualiter cogitando, secundum humanam intelligentiam divina cognoscit, et cœlestia apprehendit. Postea oportet quod sit Seraphim, qui est ordo supremus, id est quod in illum, quem jam mens cherubica cognovit, postea affectus, ipsum solum desiderando, non aliud, per affectiones flammigeras inardescat, tunc est Seraphim, qui interpretatur *ardens*. Cum enim Cherubim, cui appropriatur cogitantis cognitio, ordinate præcedat Seraphim, qui interpretatur ardor amoris: igitur sic erit in anima, qua hoc triplex officium angelorum nititur imitari, quod per cogitationem cognoscere præcedit actualiter ardere, ut sine cogitatione previa nullatenus consurgat amoris affectio.

Arg. v. Item anima, per amorem consurgens, nititur illis beatis mentibus sanctorum, qui contemplantur Deum, facie ad faciem conformari. Sed illis illic primo est videre, quam amore inhærente; quia, nisi illam indicibilem plenitudinem intelligendo cognoscerent, nullatenus ipsi ignitis affectionibus, in quarum delectatione beatitudo completeretur, inavertibiliter adhaerent. ideo, nisi nobis prius esset cogitatio, seu cognitio, quam affectio amoris, jam non conformaremus mentibus sanctorum in gloria: quia sic vident divinam pulchritudinem, ut in ipsa per amorem supra omnem intelligentiam interiorum affectionibus delectentur. In his ergo intelligere præcedit amare.

Arg. vi. Item, secundum quod anima in suis potentiis ordinatur, sic eodem modo naturaliter ordinate videtur moveri. Sed ego video quod a sua primordiali creatione anima tres habet potentias naturaliter distinctas, scilicet memoriam, intelligentiam, et voluntatem. Memoria nihil aliud est in nobis, quam intentio divinæ simi-

litudinis. Intelligentia est in nobis illud, mediante quo naturaliter non investigando, nec ratiocinando, qua libet anima suum Creatorem cognoscit. Voluntas est illa potentia, per quam anima suum Creatorem diligit, et in ipsum naturaliter tendit, et ex isto ultimo est ratio, quare affectus humanus non potest satiari ad plenum terrenis divitiis, et honoribus, cum in solum Deum tendat, ut in ipso finaliter conquiescat. Cum igitur potentia intelligentiae, in qua est cogitatio, præcedit potentiam voluntatis naturaliter, in qua est ardor, vel amoris affectio: igitur motus intelligentiae, qui est cogitare, præcedit motum voluntatis, qui est amare: nullus igitur intellectus sine cogitatione prævia poterit amoris affectione consurgere, quantumcumque ignitis affectionibus, ut divinitus elevetur.

Item hoc idem videtur in apprehensiva, et in *Arg. vii* motiva sensibili. Nam primo necessarium est, ut illud ad quod imaginarie diligendum movere, quod illud antea sensibiliter præcognoscam: ante igitur oportet me comprehendere oculo exteriori, vel alio sensu aliquod delectabile, quam in ipso delecter, ut illud habendum desiderem. Igitur sic erit in cognitiva et motiva, ratione superiorum, quod Deum, sive aliquod aliud delectabile, anterius cogitem, quam ad ipsum possim interius affectionibus aspirare, vel in ipso aliquatenus delectari: ergo præcoigitare semper præcedit amore consurgere.

Item, secundum quod dicit beatus Dionysius *Arg. viii* in principio *Mysticæ Theologie*, in consuertione amoris oportet omnem intellectum derelinquere et cogitationem de creaturis sensibilibus, et etiam tam de Deo, quam de angelis: sed illud ponere videtur stultissimum. Quid enim faciat animus, si non poterit cogitare de Deo, vel Trinitate, vel angelis? Videtur etiam tunc esse quasi in nube, vel in mari (a), cum semper cognitio intellectus ipsum amorem dirigat: aliter enim sapientia mystica non videtur sapientia, sed abusio, vel stultitia.

Item omne illud quod apprehenditur, apprehenditur sub aliqua intentione entis, scilicet aut ut unum (b), aut ut verum, aut ut bonum: ergo Deus, quoquo modo apprehendatur, apprehendetur sub ratione entis, aut ut est summa unitas, aut ut est summa veritas, aut etiam ut est summa bonitas. Cum igitur nullo istorum

(a) *Cæt. edit.* esse in nube, vel in mari, quasi.—

(b) *Cæt. edit.* deest aut ut unum.

modorum possit apprehendi , nisi per cognitionem , nam si apprehenderem ut unum , oportet me cogitare de unitate ; et si verum , de veritate ; si ut bonum , de bonitate : igitur , cum amoris apprehensio apprehendat Deum in quantum est bonum , oportet necessario , ut prius ibi sit cogitatio prævia de ipsa bonitate , quam in ipsum actualiter per amoris affectionem moveri : ergo , etc.

Contra : Videtur , quod sine cogitatione prævia , vel concomitante , affectus per amorem dispositus libere moveatur in Deum ; et primo , auctoritate magni hierarchæ Dionysii , in principio *Mysticæ Theologiae* dicentes ad Timotheum sic : « Tu autem , amice Timothee , circa mysticas visiones forti contritione sensus derelinque , et intellectuales operationes , et omnia sensibilia , et intelligibilia , et omnia existentia et non existentia , et sicut possibile est , ignote (a) consurge ad ejus unionem , qua est super omnem substantiam et cognitionem , » etc. Cum igitur secundum hoc , in consurrectione amoris mystica , oportet derelinquere omnem intellectualem operationem , vel cognitionem , et solum secundum unionem amoris affectuosi consurgere , qua est super omnem intellectum et cognitionem : igitur sine cogitatione prævia vere amans amoris affectione consurgit.

In tertia translatione Dionysii dicitur im *Mystica Theologia* : « Per unionem dictionis , qua est affectiva veræ cognitionis , unitur Deo intellectualiter ignota cognitione multo nobiliori , quam sit cogitatio intellectualis , et in eo quod cognitionem intellectualē derelinquit , super intellectum et mentem Deum cognoscit . » etc. Cum igitur , ut ibidem dicitur , Deus non possit cognosci per intellectualē cogitationem , cognoscitur verissime per actuū (b) amoris. Igitur , ut plane dicitur , necesse est omnem intellectum derelinquere , et solum per amoris effectum in Deum consurgere .

Item dicitur in septimo de *Divinis Nominibus* : « Oportet autem videre , nostram mentem habere virtutem ad intelligendum , per quam intelligenda inspicit , unionem autem excedentem naturam mentis , per quam conjungitur ad ea qua sunt supra ipsam : secundum hanc igitur divina oportet intelligere , non secundum nos , sed nos totos , totos ipsis statutos , et totos deificos (c) » etc. Igitur licet in humanis primo

(a) *Al. interpr.* indemonstrabiliter . — (b) *Cœt. edit.* tactum . — (c) *Al. interpr.* sed quatenus nos ipsi totos

oporteat intelligere quam affici ; in vera tamen et experimentali cognitione divinorum , oportet primum sentire per amorem , quam ipsum Deum , qui sentitur , intelligendo cogitare. Ergo oportet consurgere per amorem , ut ex isto statu cognitionis in ipsa mente vera cognitione relinquitur : nam illud , scilicet de divinis , quod experimentaliter sentit affectus , vere etiam intelligent intellectus.

Item in eodem capitulo dicitur de mystica sapientia sic : « Hanc igitur irrationalib[ilem] , stultam , et amentem sapientiam excedenter laudantes dicimus , quod est omnis mentis et rationis , et omnis sapientiae et prudentiae causa , et in ipsa est omne consilium , et ab ipsa omnis cognitione , et prudentia , et in ipsa thesauri sapientiae et scientiarum absconditi , » etc. Cum igitur ipsam *irrationalib[ilem]* vocet , non ergo per rationem investigationem procedit , et cum ipsam *stultam* appelle , non procedit sicut alia scholastica scientia ; nam ordinata procedendo , primo cognoscitus omne illud quod diligimus. Si ergo mystica theologia primo per rationes cogitando vel meditando procederet , sicut videmus in aliis , non *stulta* a b[ea]to Dionysio vocaretur , nec *amens* , id est , sine mente : nam sine omni mentali cogitatione , vel meditatione , affectus amoris accenditur. Igitur ex affectu amoris relinquitur in mente cognitione , non e converso , etc.

Item Psalmista¹ : *Gustate et videte* , etc. Cum igitur *gustare* affectum respiciat amoris , *videre* autem intellectus cognitionem , vel meditationem ; ergo primo oportet motu amoris consurgere , quam occultissimum Deum intellectuiter cogitando cognoscere. Nam haec est regula generalis in mystica theologia , quod primo oportet habere practicam , quam theoricam , id est , usum exercitii in corde , quam ipsius rei , vel eorum qua dieuntur , habere notitiam.

Item illud idem apparel auctoritate commentatoris Vercellensis super *Mysticam Theologiam* , dicentes : « Istud sapientiae negotium sensus , imaginacionis , rationis , intellectus , tam practici , quam theorici usus et officia suspendit , et excludit omnem intellectum , et omne intelligibile , et ens , et unum , et verum , et transcendent speculum , et ænigma , et ipsi divino spiritu apicem affectionis principalis divina a nobis totis abdicamus , et toti transimus in Deum. Bibb. SS. PP. Lugd., an. 1677.

¹ Psal. xxxiii , 9.

dignatione unit, » etc. Igitur non requiritur in mystica affectione aliqua cogitatio, vel cognitio intellectus.

Item hoc idem probatur per rationem in divinis sumptam, quia mens ratione perficitur, secundum quod gradatim ascendendo ordinate ad divina consurgit: sed ego video, quod in ipsa divinitate sunt tres personæ, scilicet Pater, et Filius, et Spiritus sanctus. Pater est summa potentia, Filius summa sapientia, Spiritus sanctus amor connectens. Sed Spiritus sanctus, qui est verus amor, secundum naturam, et etiam secundum nostram intelligentiam, non secundum tempus, est ultima persona in divinis. Nam primo est intelligere Patrem generantem, secundo Filium genitum, tertio Spiritum sanctum procedentem ab utroque: ultimus ergo, et nobis propinquior est Spiritus sanctus. Cum ergo anima gradatim ascendendo ordinate proficiat, oportet quod habeat prius amorem, qui appropriatur Spiritui sancto, quia (a) Spiritus sanctus nobis est affinior, antequam habeat intelligentiam cogitando, vel etiam sapientiam, quæ appropriatur Filio. Amoris igitur affectio praedicit cognoscere, et non e converso.

Item anima, secundum quod a Deo fonte totius beatitudinis recipit influentiam, ad instar Ecclesiae triumphantis perficitur: sed constat, secundum Dionysium, quod ordo Seraphim, qui interpretatur *ardens*, primo, uberior et perfectius recipit influentiam a Deo, quam ordo Cherubim, qui interpretatur *plenitudo scientiarum*: ergo affectus per ardorem amoris, qui respondeat Seraphim, primo et principaliter afficitur et movetur in Deum, quam intellectus illud, quod affectus desiderat, cogitando intelligat (b), quod intelligere respondeat Cherubim. Ergo primo affectus movetur in Deum sine cogitatione prævia intellectus, sed potius ipsum sequitur.

Item spiritus rationalis recipit a Deo influentiam primo et principaliter, in quantum ipsi est affinior. Sed affectus maxime per amorem dispositus est supremus in rationali spiritu, et per consequens spiritui increato propinquior: igitur tangitur apex affectus a Deo per immissionem ignis amoris in spiritu, tanquam Deo propinquior, antequam habeat ipsum apprehendere intellectus, qui est potentia multo plus affectu a Creatore supremo distantior. Igitur semper movetur primo affectus in Deum, quam intellectus cogitando intelligat.

Item, cum Deus quasi gradibus infinitis distet a qualibet creatura, ad hoc quod ipse in ista miseria aliquantum cognoscatur, oportet animam sic appropinquare eidem, ut quoquomodo attingatur ab ipsa. Cum ergo solus amor faciat animam appropinquare ad Deum per sui extensionem: igitur, in quantum mens amat attenuat, in tantum fonti luminis appropinquit, et per consequens in quantum propinquior est fonti luminis per amorem, in tantum plus intellectus illuminatur ab eo per cognitionem: primo igitur in divinis est ardendo amare, quam intelligenti cognoscere.

Solutio. Dicendum, secundum beatum Dionysium in principio *Mysticæ Theologiæ*: « Sapientia ista dicitur solum Christianorum: unde fidei cognitionem supponit, et charitatis fundamentum. Unde nullus mortalis, quantumcumque sit philosophus, vel sciens, hanc sapientiam, quæ est in supremo affectu, mentis humanae facultatem transcendens, nec potuit, nec poterit apprehendere rationum investigatione, vel intelligentiæ exercitio; sed solis filiis a solo Patre aeterno consolationem expectantibus, paterno etiam affectu misericorditer reseratur, et ideo *mystica*, id est, clausa vel occulta dicitur, quia a paucis cognita. »

Unde notandum, quod duplex est modus apprehendendi, secundum duplarem naturem potentiam pertingendi ad Deum: nam qualibet anima habet potentiam intelligendi, et haec est potentia intellectus, et potentiam amandi, quæ affectus dicitur, quibus Deum apprehendimus, qui est summa veritas et summa bonitas. Unde intellectu apprehendimus veritatem, et affectu attingimus bonitatem. Secundum haec duo est duplex via excellentiæ: una quæ dicitur contemplatio, et haec figuratur per Rachelem, quæ dicitur *venusta aspectu*, quando mens scilicet lumine desuper infuso divinitus, habet meditando, vel cogitando, solum cœlestia contemplari; alia est in affectu, et haec dicitur ardor amoris, quando scilicet igne Spiritus sancti desuper missa anima flammigeris affectionibus ad solum Deum aspirans, ipsum solum desiderat, ut sibi per strictiorem amorem intimius uniat, et haec dicitur optima portio Mariae, quæ ardebat desiderio, ut dicitur¹ in *Joanne*. Unde sicut novuu testamentum præstantius est veteri, sic via amoris, sive perfectionis, quæ

¹ *Joan.*, xx, 11. — (a) *Cœt. edit.* qui. — (b) Item intelligit.

est in ardore amoris, quæ est designata per Mariam, est nobilior omni meditatione, vel contentione intellectuali, quæ designatur per Rachelem.

Sed notandum, quod ad hoc quod veritas efficacius videatur, quod duplex est contemplatio in intellectu: similiter, et ardor amoris dupliciter acquiritur in affectu. Quædam enim est meditatio, vel contemplatio, ab inferioribus ad superiora; quedam e converso, scilicet descendens a superioribus ad inferiora. De prima determinat Richardus de Sancto Victore in *Arca mystica*, ostendens per quadraginta duas meditationes, vel considerationes in creaturis, quomo^{dum} mens lumine intelligentia decorata ad cognitionem summi Creatoris debet attingere, et sicut Israeliticus populus pervenit ab Ægypto per quadraginta duas mansiones ad terram promissionis, sic anima fidelis per illas quadraginta duas considerationes, in sex gradibus ordinatas, usque ad cognitionem summæ veritatis attingit, omni rationali spiritui adoptatam (a).

Alia vero contemplatio est e converso procedens: nam mens, lumine desuper immisso, secundum regulas veritatis et rationes æternas, quas secundum divinas illuminationes in se ipsa percipit meditando, de inferioribus creaturis judicat, et secundum quod ampliori lumine anima desuper irradiando infunditur, sic in tanto infallibilius, secundum illas causas et rationes, quæ sunt idem quod Deus, a quo omnis creatura exemplata et ideata primordia-
liter exivit, veritatem in creaturis et in omnibus affectibus, multo melius quam ratiocinando, animus perscrutatur. Non tamen intelligendum est, quin ista contemplatio in affectione terminetur; aliter nulla esset. De istis vero nihil ad praeseus. Multo enim excellentior, et multo amabilior, et ad obtinendum facilior est ardor amoris. Sed ad istum ardorem amoris est duplex modus attingendi: unus scholasticus, et communis; alias mysticus, et secretus. Primus enim est per modum inquisitionis et elevacionis, et incipitur ab inferioribus usque ad summum per exercitium diuturnius ascendendo. Verbi gratia: modus enim amandi Deum per meditationem præviam iste est.

Modus
amandi
Dei per

Primo enim fidelis discipulus sensu exteriori, sive oculo, conspicit creaturas exteriores; deinde

etiam aliquantulum ascendendo, quod jam ^{medita-}
percipit oculo exteriori, in imaginatione reposu-
tum conservat; deinde magis elevando, ratio-
cinando, et conferendo, una causa creatrix
omnium necessaria invenitur, et sic pervene-
runt philosophi ad cognitionem Dei. Nam ipsi
videntes tantam creaturarum magnitudinem,
tam decoram ordinationem, tantam utilitatem
earumdem, per hoc ipsi, et quilibet aliis, unum
Creatorem potentissimum, sapientissimum, op-
timum infallibiliter cognoverunt, et hoc per
potentiam animæ superiorem sensu exteriori et
imaginatione, que ratio nuncupatur. Deinde ex
ista consideratione creaturarum, quidam habi-
tus per prædicta in intellectu relinquitur, ubi
primordiale fundamentum creaturarum relin-
quitur, et esse (b) non tantum per conspectionem
creaturarum, sed per irradiationem et illumina-
tionem immissam, quodammodo mens a Deo
ad contemplanda divina præclarius elevatur: et
hec potentia vocatur intellectiva, sive intellec-
tus, que solum in meditatione pura consistit.

Ultimo omnis meditatio vel contemplatio, sine affectione amoris subsequente, parum pro-
dest, aut nihil. Unde dicit Augustinus quod licet
semper volitando cogitare, et amando inhæ-
rente, ut semper cognitio vel meditatio præcedat
affectionem amoris, secundo etiam anima fide-
lis sine omnibus aliis creaturis, per solam co-
gnitionem immissam a Deo, in ipso afficitur.

Alius autem modus consurgendi in Deum est
multo his omnibus nobilior, prædictis etiam ad
habendum facilitior: et hec est sapientia unitiva,
que est in amoris desiderio per affectiones
flammeicas superius aspirando, que diffinitur
a beato Dionysio, libro septimo de *Divinis Nomib-
us*, sic: « Sapientia est divinissima Dei co-
gnitio per ignorantiam cognita (c), secundum
unionem super mentem, quando mens ab
omnibus aliis recedens, postea etiam seipsam
diuinitens, unita est supersplendentibus radiis
inscrutabili, et profundo sapientie illuminata (d). » Unde in hac sapientia, secundum quod
dicitur in principio *Mystica Theologiae*, « sic sensus
et sensibilia derelinque, intelligibilia et non in-
telligibilia, » etc. Unde ista sapientia sine omni
investigatione, vel meditatione prævia, amantis
affectum sursum trahi. Unde non ibi oportet
cogitare, nec de creaturis, nec de angelis, nec
de Trinitate; quia haec sapientia non per medi-
tationem accipitur. — (d) *Al. interpr.* quibus in illo insen-
tibili sapientie profundo collustratur.

(a) *Forte leg.* adaptatam. — (b) *Item* percipitur, et
jam. — (c) *Lg. g.* cognitæ. *Al. interpr.* que per nescien-

tationem præviam, sed per affectus desiderium habet aspirando consurgere.

Sed notandum, quod ista sapientia alio modo intelligitur in proficientibus, aliter in perfectis. Proficientes enim necesse habent se purgare per viam quæ dicta est, scilicet per humilitatem, et cognitionem, et illuminationem per modum orationis, et postea aliquantulum cogitando ipsi Deo desuper inflammanti occurtere, non tamen meditando de Deo, vel angelis, ut dictum est; sed consurgendo secundum illam viam quæ immediate sequitur viam purgativam, in expositione minori de *Pater noster*¹, quæ est oratio in spiritu et veritate. Sed postquam affectus se exercendo diuturnius, vel cogitando, secundum quod ibi dicitur, diligentius se erexerit, tunc dimittitur omnis cogitatio, vel meditatio, et solum per amoris desiderium, quotiescumque vult, vel de die, vel de nocte, intus vel extra, ad unionem ipsius dilecti solum aspirans, animus consurgentis se erigit, et ibi amoris affectio praecedit cogitationem; nam illud quod sentit affectus, vere intelligit intellectus: et sicut dictum est de contemplatione, quod duplex est, una quæ ascendit, alia quæ descendit; sic in affectione amoris; nam secundum viam scholasticam quæ dicta est, ascenditur ab inferioribus creaturis usque ad affectum amoris: in sapientia autem mystica contrarium est: nam ille verus amor, qui est Spiritus sanctus, tertia persona in divinis, ultima respectu ordinis personarum, nobis est propinquior, et prima in consurrectione affectiva in Deum. Unde ipse Spiritus sanctus per ignem amoris tangit et inflammat supremum affectivæ apicem, et indicibiliter, sine omni cogitatione vel rationis discretione, ad se trahit. Unde sicut lapis suo pondere trahitur, et fertur naturaliter ad suum centrum inferius, sic apex affectus suo pondere et directione, immediate, et sine obliqua oblique, absque omni prævia, vel concomitante cogitatione, sursum fertur in Deum. Unde illa potentia, qua est affectus, et supremum in spirito hominis, Spiritui sancto immediate amoris vinculo est unibilis. Et hæc potentia, ut est supremum in spirito, quasi ab omnibus ignoratur, nisi ab illis in quibus ab igne Sancti Spiritus mediate affectus tangitur et movetur. Unde Dionysius hanc virtutem vocat immediate motam a Spiritu sancto, et secundum istam procedit tota ipsa *Mystica Theologia*, et dicit sic: «Est et nunc nobis lex prædefinita, veritatem

de Deo docens nos asseverare, non in persuasibilibus humanæ (a) sapientiæ verbis, sed in demonstratione a Spiritu, more theoricarum virtutum, secundum quam ineffabiliter igne, ineffabiliter et ignote conjungimur, secundum meliorem nostram intellectualis virtutis et operationis unionem, » etc. Unde secundum istam virtutem motam a Spiritu sancto, immediate est multo major de Deo cognitio, quam per omnem intellectum, vel rationem investigando. Unde primum tangitur supremus apex affectus, secundum quem movetur per ardorem in Deum, et ex isto contactu relinquitur in mente verissima cognitionis intellectus: nam illud solum quod sentit de divinis, verissime apprehendit intellectus, ut dicitur in fine principii *Mysticæ Theologie* sic: « Per unionem dilectionis, quæ est affectiva veræ cognitionis, unitur Deo intellectualiter ignoto, » etc. Ex qua etiam unitione ingenium ad investiganda occulta mirabiliter clarescit, per hanc etiam imaginaria, et phantastica dirumpuntur, per hanc etiam sensuum exteriorum inordinatio quasi quodam retinaculo interiori refrenatur, usque etiam ad carnis sensualitatem, corruptionem corporum pestiferorum mortificando affectus ibi, ignite affectus redundat: nam quanto mens plus aspirando erigitur, tanto plus debilitatur ipsius carnis male inflammantis corruptio. Per hoc pro magna parte scholastici, et mystici doctoris diversitas patet: nam secundum diversos intellectus utriusque procedunt argumenta.

Nunc respondendum est ad rationes prius factas. Ad primum dicendum, quod illud: *In meditatione mea exardescet ignis*, etc., intelligitur in proficientibus, quia in talibus nondum adhuc ardor amoris abundat: propter hoc oportet, quod aliquantulum affectus meditando secundum illam viam, quæ dicta est in expositione minori Dominice orationis, non autem cogitando de angelis, de supercoelestibus, de Deo, vel de Trinitate, efficacius excitetur, quod tamen in tertio statu in via unitivi amoris perfecto jam excitato cogitatio (b) prævia dimittit. Sic videmus in pontibus, quod in pontis aedificatione ligna lapidibus supponuntur, postea jam constructo aedificio, muri lapidei firmitate perfecta, cuncta ligna amoventur: quia sine ipso summo obsequio structura muri lapidei potest persistare immobilis. Sic etiam hic in proficientibus.

Ad 1.

¹ Vid. sup., p. 20 et seq. — (a) *Cæt. edit. summæ.*
— (b) *Leg. perfecta*, jam excitata cogitatione.

tibus cogitatio praedito modo præmittitur, deinde sequitur affectio amoris, qua perfectione obtenta totius cogitationis, vel meditationis præviae, vel comitantis obsequium, ut supra dictum est, amovetur.

Ad II. Ad secundum dicendum, quod illud bene concedimus: « Invisa possumus diligere, incognita nequaquam: » nam sapientia mystica supponit cogitationem (a) Dei. Unde in principio *Mystica Theologie* vocalur sapientia Christianorum. Vel aliter, quia duplex est cognitio, una præcedit amoris affectum. In primo enim affectu vel processu secundum viam scholasticam communem, est ibi primo cognitio per creaturas de Deo, vel per intellectum, antequam in ipso amoris affectio accendatur, et secundum hoc illud Augustini intelligitur. Sed in processu mystico, secundum Dionysium, amoris affectus intellectus cogitationem præcedit, ut dictum est, et de utraque loquitur propheta David. Unde, quantum ad primum (b) dicit: *In meditatione mea exardescit ignis*; de alia: *Accedite ad eum, et illuminamini*, scilicet per cognitionem veritatis: et ista cognitio est certior quam prima, et infallibilior: sicut multoties aliiquid, per aliqua signa quæ videntur in ipso, esse delectabile ad vescendum cognoscitur, ex qua cognitione, ad hoc ut comedatur, appetitus videntis quamplures inardescit; postea, quando illud gustatur, amplior et certior cognitio ex ipso gusto relinquitur, quam illa esset quæ ipsum gustum præcesserat: sic et in his eodem modo intelligitur.

Ad III. Ad tertium, « *In divinis*, » etc., dicendum quod verum est secundum modum communem, et ipsa anima actualiter descendente; secundum autem processum mysticum contrarium est: et sic procedit ista objectio alterius partis, quod patet in processu ipsorum argumentorum.

Ad IV. Per hoc patet aliud de Cherubim et Seraphim: verum est quantum ab infinitis superius ascendendo, et sic cogitatio præcedit amorem, sicut Cherubim præcedit Seraphim; contrarium autem est descendendo, nam primo et principalius recipit influentiam a Deo Seraphim, quam Cherubim, et sic similiter descendendo, primo movetur affectus per amorem in Deum, quam illud, quod sentiat affectus, percipiat intellectus: et sic currit secunda pars contrariae partis.

Ad V. Ad quintum dicendum, quod non est simile de beatis, et viatoribus: nam beati ipsam clar-

tatem lucis æternæ vident facie ad faciem, absqueulla admixtione phantastica, vel corporis corruptione, obtenebrante caligine, vel medio, contemplantes: et ideo est ibi summa ordinatio, quia nullum est ibi impedimentum: ideo primo naturaliter intellectus divinam pulchritudinem apprehendit, quam in ipsa affectus unionem indissolubili delectetur. In viatoribus, licet ament existentes in corpore, tamen, sicut dicit Philosophus, intellectus humanus est phantasiae admixtus, ideo omne intelligibile, et maxime summum intelligibile, quod est Deus, ipse phantastice apprehendit: quod si etiam per amorem, et illuminationem divinitus immissem, ab intellectu admixtio phantastica separetur, semper tamen intellectus, quantumcumque celitus illuminetur, Deum modo finito et limitato apprehendit, qui tamen immensus et infinitus est; et ideo omnis intellectualis cogitatio semper est impura et immunda. Et ideo in praesenti, si vera sit consurrectio mystica, jubet ipsam Dionysius ab amoris affectu totaliter sequestrari, et per solum ardoris amorem consurgere, quia etsi totus sit desiderabilis, sicut in *Canticis*¹ dicitur, non tamen totus comprehensibilis, nec in praesenti, nec in futuro. Et in quantum efficacius in ipsa consurrectione omnis intellectiva cognitione rescinditur, in tantum ardoris affectu, veluti liber supernatans, cito, quod desiderat, apprehendit. Et hoc summe cavendum est, ut nulla cognitione intellectualis se amoris unitivi consurrectione (c) ad misceat.

Ad sextum dicendum est, quod solutum est **Ad VI.** secundum duplē modū consurgendi per **Ad VII.** amorem, ut dictum est (d): « *Neque de Trinitate, neque de angelis*, » etc. (e). Per illud idem solvit septimum.

Ad octavum dicendum est, quod licet modus **Ad VIII.** consurgendi mystice stultus et irrationalibilis ignorantibus hanc sapientiam videatur, tamen sapientissime et mira procedit ordinatione: nam solo pondere et discretione amoris, affectus verius et certius, et infallibilius in ipsum, quem diligit, fertur, quam oculus corporalis aliquod sensibile videat, vel intellectus possit de Deo per cogitationem aliquam apprehendere veritatem.

Si queritur. Quid igitur cogitabo, cum de

¹ *Cant.*, v, 16. — (a) Leg. cognitionem. — (b) Item primam. — (c) Item consurrectioni. — (d) Subandi ad i. — (e) *Cæl. edit. deest* etc.

Deo cogitare non debeam , nec de angelis ? dicendum, quod solum aspiret (a) , et cogitabit. Unde tunc sine aliqua cogitatione de Deo, vel de aliis, si mens secundum viam purgativam est aliquatenus præparata, si nesciret alia dicere nisi hoc modo consurgere , dicens sic : O Domine , quando te diligam ? quando te constringam ? si hoc sëpissime frequentaret, cithius se sciret experimentaliter inflammari, quam si de secretissimis cœlestibus, et æterna generatione, vel processione millies cogitaret. Unde ista est optima stultitia, de qua dicit beatus Dionysius sic ¹ : « Hanc igitur stultam et irrationalabilem, et amentem sapientiam excedenter laudantes , dicimus, quod omnis est mentis, et rationis, et prudentiae causa, » sicut dictum est superius in opponendo.

ad IX. Ad nonum dicendum, quod Deus secundum consuertionem illius sapientie apprehenditur per modum entis, nec ut unum, nec ut verum, nec ut bonum. Sed quando ista vis animæ suprema, quæ est apex affectus, tangitur ab igne amoris , illo motu et tactu scintillat affectus aspirando in Deum. Ideo beatus Dionysius istos doctores scholasticos et speculativos confutat, qui omnia se scire existant, cum tamen de vera sapientia, qua mens ad Deum trahitur, parum aut nihil, nisi forte conjecturando vel opinando, cognoscant, et talibus non debere ullatenus istam veram sapientiam propalari, ad Timotheum scribens , dicit sic ² : « Vide autem ne quis indoctorum ista audiat, indoctos dico , qui existentibus sunt firmati, » etc. ; et in tales irridens , sic infert statim post : « Qui sua estimatione credunt divina percipere ingenio, vel scientiae plenitudine. Sic indoctos autem dico , » etc.; post : « Vere putantes ea quæ secundum ipsos de cognitione scire cum (b) qui ponit tenebras latibulum suum, » etc. Et hoc est, quia ista cognitio est totaliter supra mentem, et ubi omnis intellectus deficit, qui non apprehendit nisi sub ratione veri vel boni ; mystica vero theologia per apicem affectionis docet discipulos veritatis consurgere per amo-

rem; immo, quod plus est, nunquam actualiter mens posset istis motibus consurgere, si aliquid cogitaret consurgens, imo miserabiliter deprimetur a sua elevatione affectio : sed potius intellectivam quasi pedissequam subtractam relinquit inferius, et sine sui obsequio ad dilecti unionem consurgit motibus sursum activis, ab ipsa eminentius elevata, plus distat ab ea, quam ab ortu solis meridies; et hoc quotiescumque vult, de die sive nocte, centies vel millesies , si corpus posset sustinere. Et quod ita sit, exemplo materiali ad præsens utar, ut valeas intelligere. Considero motum lapidis suo pondere naturaliter descendenter ad centrum. Sic per pondus amoris affectus dispositus in Deum, sine omni cogitatione vel deliberatione, consurgit, veluti in suum centrum se extendens, et motibus istis se elevat in continuo desiderio , cuius complementum et intuitus quietem in æterna beatitudine obtinet, nisi quandoque ad modicum temporis, sicut est in raptu , divina sublevatione supra seipsum non natura, sed gratia sublimetur. Sed si hoc non potest percipere doctor speculativus, vel scholasticus discipulus, audiat ab Apostolo, qui fuit principalis hierarcha sapientie, quan nullus sapientium græcorum intelligere potuit, quoniam hec sapientia solum spirituali examinatione cognoscitur, de qua loquitur Corinthiis dicens ³ : « Spiritus noster, spiritui divino unitus , sentit quas sunt ejus; » et hec sapientia est, quam inter perfectos loquebatur. Unde hoc est illud quod Dominus promisit apostolis, cum dixit⁴ : *Induimini virtute ex alto.* Unde sicut sacerdos induit se a capite, sic anima induitur a parte summi affectus. Unde primo tangitur igne Spiritus sancti, quam aliqua cogitatio veniat. Patet ergo evidenter, quod anima vere amans potest consurgere in Deum per effectum accenso amoris desiderio , sine aliqua cogitatione prævia, etc. nihil ultra naturalia supernaturaliter esse imaginantur, quin immo arbitrantur sua cognitione nosse eum. *Bibl. SS. PP.* Lugd., an. 1677.

¹ Dion., *de Myst. Theol.*, c. II. — ² Ibid., c. I. —

³ 1 Cor., II, 6 et seq., quoad sensum. — ⁴ Luc., xxiv, 49.

SUMMA SANCTI HIERONYMI

DE ESSENTIA ET INVISIBILITATE ET IMMENSITATE DEI

QUE S. BONAVENTURE ADSCRIBITUR¹

ARGUMENTUM

(Ex edit. Vatic.)

Hoc titulo inscribitur iste Tractatus in omnibus impressis S. Bonaventuræ, sed in Editione Romana operum S. Hieronymi longe alio, et magis conformi rei, de qua in eo agitur: *De his, quæ Deo in Scripturis sanctis attribuuntur.* In qua quidem editione illum tanquam Hieronymo falso adscriptum inter parerga ad tomum nonum rejecerunt. Et vero potius Bonaventuræ, quam Hieronymi videtur, quamvis utrumque incertum sit.

Omnipotens Deus, Pater, Filius et Spiritus sanctus, unus est atque trinus, unus videlicet in natura, trinus in personis, solus invisibilis, solus incircumscripsus, incorporeus et immortalis, ubique præsens, sed latens, ubique totus, sed immensus. Invisibilis est, quia in essentia sua videri non potest, Apostolo testante, qui ait²: *Quem vidit nullus hominum, sed nec videre potest.* Et in Evangelio³: *Deum nemo vidit unquam.* Incorporeus est, quia nullis membrorum lineamentis compositus, sive compactus, existit, sicut veritas in Evangelio dicit⁴: *Spiritus est Deus, et eos qui adorant eum, in spiritu et veritate oportet adorare.* Immensus est, quia quantitas ejus vel qualitas a nullo etiam metri potest. Cui Salomon in sua oratione supplicans ait⁵: *Si cœlum et cœli cœlorum te non capiunt, quanto magis et domus ista, quam ædificavi?* Incircumscripsus est, quia circumscribi non potest. Inlocalis est, quia de loco ad locum nequaquam transit, neque quelibet retinetur, ipso de se per Isaiam

testimonium perhibente⁶: *Cœlum sedes mea est, terra scabellum pedum meorum.* Et per Jeremiam⁷: *Nonne cœlum et terram impleo?* Cujus immensitatem Prophetæ in Psalmo confitens, ait⁸: *Si ascendero in cœlum, tu illic es,* etc. De cuius immensitate adhuc in libro Job scriptum est⁹: *Ex celsior cœlo est, et quid facies? Profunditor inferno, et unde cognosces? Longior est terra: immensitas ejus latior est mari.* Quia enī cœlum et terram implet, procul dubio nullus locus est ab ejus præsencia absens. Super omnia quippe est, regendo atque imperando. Subtus est, omnia sustinendo atque portando, non pondere laboris, sed infatigabili virtute. Immutabilis est, quia ab eo quod est, mutari non potest, ipsis dicente per Malachiam Prophetam, qui ait¹⁰: *Ego Dominus, et non mutor.* Ideo Deus immutabilis dicitur, quia in natura ejus ira, furor, penitentia, oblivio, recordatio, et alia his similia non accidunt. Simplex enim (a) natura est, immutabilis et imperturbata. Neque aliud ipse, et aliud quod habet; sed ipsum est, quod

¹ Cf. Edit. Argent., an. 1495, part. II; edit. Vatic., an. 1596, tom. VII, p. 681; edit. Ven., an. 1611; edit. Lugd., an. 1617, tom. II, p. 662; edit. Ven., an. 1754, tom. VII, p. 227. — ² 1 Tim., vi, 16. —

³ Joan., I, 15. — ⁴ Ibid., IV, 24. — ⁵ III Reg., VIII, 27. — ⁶ Isa., LXVI, 1. — ⁷ Jerem., XXXII, 24. — ⁸ Psal. CXXXVIII, 8. — ⁹ Job, XI, 8. — ¹⁰ Malac., III, 6. — (a) Leg. ejus.

habet, et quod est. **Immortalis** est, quia nullo modo mori potest, Apostolo dicente¹: *Qui solus habet immortalitatem, et lucem habitat inaccessibilem: quem vides nullus hominum, sed nec videre potest.*

Corporæ membra et affectus humani, eum Deo attribuuntur in Scripturis, quid significant. Ubiunque autem sacra Scriptura sparsim per divinos libros in Deo motus animi secundum humanæ membra describit, id est, caput, capillos, oculos, palpebras, aures, nares, os, labia, cor, linguam, imaginem, vultum, uterum, manus, dexteram, sinistram, digitos sive digitum, alas, scapulas, posteriora, pedes; item motus animæ, iram, furorem, oblivionem, penitentiam, recordationem, et his similia, non carnaliter juxta historiam a recte intelligentibus accipienda sunt, sicut a Judæis plerisque et hæreticis carnaliter sapientibus, qui Deum corporeum atque localem opinantur; sed spiritualiter omnia de eo intelligenda, et accipienda sunt. Si quis enim Deo humana membra, seu motus animæ more humano inesse credit, proculdubio in corde suo idola fabricat.

Caput, et capilli capitia, quid. Cum igitur, ut dictum est, figuraliter in Deo caput legimus, ipsam essentiam divinitatis ejus, quæ omnia præcedit, et cui omnia sunt subiecta, intelligere debemus. Capillos vero capitis ejus sanctos angelos, seu universos electos typice accipi oportet. De quo sacramento in libro Danielis scriptum est²: *Aspiciebam, donec throni positi sunt, et Antiquis dierum sedet: vestimentum ejus quasi nix candidum, et capilli capitis ejus quasi lana munda.* Hoc enim signat per vestimenta candida Dei, quod et per capillos capitum ejus, sanctos videlicet angelos, et multitudinem sanctorum dealbatorum. Vel certe, ideo capilli ejus lanæ mundæ comparantur, ut per hoc antiquis dierum esse credatur.

Oculi. Oculos dicitur Deus habere, pro eo quia videt, et nihil eum latet. In ejus enim *conspicu*, ut ait Apostolus³, nulla creatura est invisibilis. Omnia enim nuda et aperta sunt oculis ejus. Altero vero oculi respectus gratia ejus intelliguntur, ut est illud in Psalmo⁴: *Oculi Domini super justos, et aures ejus ad preces eorum.* Item alter oculi Domini præcepta, per quæ nobis lumen scientiae subministrat, mystice intelliguntur, ut est illud in Psalmo⁵: *Præceptum Domini lucidum, illuminas oculos.*

Palpebrae. Palpebræ Domini, occulta et incomprehensione-

¹ *I Tim.*, vi, 16. — ² *Dan.*, vii, 9. — ³ *Hebr.*, iv, 13. — ⁴ *Psal.*, xxxiii, 16. — ⁵ *Psal.*, xviii, 9. — ⁶ *Psal.*, x, 5. — ⁷ *Sap.*, i, 10. — ⁸ *II Reg.*, xxii, 9. — ⁹ *Psal.*,

sibilia judicia, sive spiritualis in divinis libris ejus locutio innuitur. De quibus occultis et incomprehensilibus sacramentis atque judicis dictum est in Psalmo⁶: *Palpebræ ejus interrogant filios hominum*, hoc est, probant.

Aures dicitur Deus habere, propterea quod omnia audit, et nil cum sub silentio latet. De quo in libro Sapientie⁷: *Auris zeli audit omnia, et tumultus murmurationum non absconditur.*

Nares Dei, inspiratio ejus in corde fidelium; ut est in libro secundo Regum⁸: *Ascendit fumus de naribus, id est, lacrymosa compunctio ponentium de inspiratione ejus.*

Facies Dei, cognitione divinitatis ejus ad homines. De qua cognitione in Psalmis scriptum est⁹: *Ostende nobis faciem tuam, hoc est, da nobis cognitionem tuam, quia cognitio per Filium¹⁰: Nemo novit Patrem nisi Filius, et cui voluerit Filius revelare.* Altero vero facies Dei significat invisibilis essentiam divinitatis Dei Filii, de qua ipse Dominus ad Moysen per Angelum respondit¹¹: *Posteriora mea videbis, faciem autem meam videre non poteris:* ac si diceret: Incarnationem meam videbis in novissimis diebus; divinitatem videre non poteris.

Os Dei, Filius Patris, id est, Christus Dominus, de quo Jeremias Propheta ex persona Iudeorum effatus, ait¹²: *Quia os ejus ad iracundiam provocavi.* Alterum vero os Domini, sermo ejus sive jussio accipitur; de quo sermone Domini Isaías Propheta ait¹³: *Os Domini locutum est, hoc est, Verbum Dei, Filius Dei Patris, per quem omnia facta sunt, de quo in Psalmo dicitur¹⁴: Verbo Domini cœli firmati sunt. Et alibi¹⁵: Misit verbum suum, et sanavit eos.* Et in Evangelio secundum Joannem¹⁶: *In principio erat Verbum, etc.*

Lingua Dei mystice significat Spiritum sanctum, per quem Deus Pater secretum suum manifestavit hominibus. Unde dicitur in Psalmo¹⁷: *Lingua mea calamus scribe.*

Labia Dei utriusque Testamenti consonantia intelliguntur, de quibus duobus Testamentis in Proverbis dicitur¹⁸: *Divinatio in labiis regis, in iudicio non erravit os ejus.*

Brachia Dei Patris Filius et Spiritus sanctus intelliguntur, sicut est in Isaia¹⁹: *Brachia mea populos judicabunt.* De quo Jeremias ad ipsum

¹⁰ *Matth.*, xi, 27. — ¹¹ *Exod.*, xxxiii, 23.

¹² *Thren.*, i, 18. — ¹³ *Isa.*, xl, 5. — ¹⁴ *Psal.*, xxxii, 6.

¹⁵ *Psal.*, cvi, 20. — ¹⁶ *Joan.*, i, 1. — ¹⁷ *Psal.*, xliv, 2. — ¹⁸ *Prov.*, xvi, 10. — ¹⁹ *Isa.*, li, 5.

ait¹: *Et nunc, Domine Deus, qui eduxisti populum tuum de terra Ægypti in manu forti, et brachio extento.* Ideo autem Filius dicitur brachium Dei, quia creatura electa ab ipso continetur.

Dexter, Dextera Patris unigenitus Filius accipitur; de et sinis- quo in Psalmo dicitur ex persona hominis tra. assumpti²: *Dextera Domini fecit virtutem, dextera Domini exaltavit me.* Alter vero dextera Domini significat gloriam Patris, et æternam beatitudinem; de quo dicitur in Psalmo, ex persona Patris, ad Filium³: *Sede a dextris meis.* Dicitur autem et dextera Dei omnis electa creatura in cœlo et in terra: sic per sinistram ejus intelligitur reproba creatura, id est, demones et omnes impii, qui ad levam positæ, æternæ supplicia sustinebuntur.

Manus. Manus Patris Filius Dei accipitur, pro eo quod per ipsum omnia sunt facta, sicut est reperire in Isaia⁴: *Omnia haec manus mea fecit, et per eam facta sunt omnia.* Alia (a) vero manus Dei potestas ejus intelligitur, de qua potestate in libro Hieremie dicitur⁵: *Sicut lumen in manu figuli, ita vos in manu mea, domus Israel.* Item manus Domini flagellum accipitur, de cuius percussione in Sophonia Propheta scriptum est⁶: *Extendam manum meam super Judam, et super habitantes Jerusalem, et disperderam de loco hoc reliquias Baal.* Pro qua etiam Domini percussione beatus Job de ipso ait⁷: *Manus Domini tetigit me.*

Digitus. Digitus Domini singulariter Spiritus sanctus accipitur, a quo Spiritu sancto lex in duabus tabulis lapideis in monte Sinai scripta narratur. Ipse enim scripsit, qui scribenda dictavit, id est, Spiritus sanctus. De quo Spiritu Dominus in Evangelio⁸: *Si (b) ego in digito Dei ejicio daemonia.* Quod alias etiam evangelista aperte declarans, ait⁹: *Si ego in Spiritu Dei ejicio daemonia.* Sicut enim digitus cum manu vel brachio, manus vero vel brachium cum corpore sunt in natura unum; ita Pater, et Filius, et Spiritus sanctus tres quidem personæ sunt, una vero substantia divinitatis. Digi^tti Dei pluraliter sancti intelliguntur prophetæ, per quos Spiritus sanctus libros Legis ac Prophetarum sua inspiratione describit (c); de quibus dicitur in Psalmo¹⁰: *Videbo cœlos tuos, opera digitorum tuorum.* Per

¹ *Jerem., XXXII, 17.* — ² *Psal. CXVII, 16.* — ³ *Psal. CIX, 1.* — ⁴ *Isa., LXVI, 2.* — ⁵ *Jerem., XVIII, 6.* — ⁶ *Sophon., I, 4.* — ⁷ *Job, XIX, 21.* — ⁸ *Luc., XI, 20.* — ^(a) *Leg.* Alter. — ^(b) Cæt. edit. deest *Si.* — ^(c) *Leg.* descripsit.

cœlos enim libros Legis ac Prophetarum, per digitos vero sanctos, ut dictum est, prophetas mystice insinuavit.

Imago Dei Patris invisibilis, unigenitus Filius ejus intelligitur, de quo Apostolus¹¹: *Imago Dei invisibilis.* Alter namque imago Dei Patris in Filio suo, quem non aliunde, sed ex semetipso, hoc est, ex substantia sua per omnia similem sibi et æqualem genuit; alter vero in anima hominis, quam non ex se, de sua substantia, sicut plerique hæretici opinati sunt, genuit, sed ex nihilo creavit. Sicut aliter est imago cujuslibet regis in filio ejus, quem ex semetipso similem sibi genuit, id est, homo hominem; aliter vero in annulo, sive in cera imago ejus impressa, que non est quod ipse: *sic Filius, qui naturaliter est hoc, quod et Pater.*

Cor. Cor. Dei Patris arcanum ejus sapientiae mystice innuit, ex quo Verbum, id est, Filium suum impassibiliter genuit, ipso dicente¹²: *Eructavit cor meum verbum bonum.*

Alia. Alas dicitur habere Deus, pro eo quod, more avis, electos suos tanquam pullos sub se fovet, et ab insidiis diaboli et malorum hominum protegit. Unde Propheta¹³: *Sub umbra alarum tuarum protege me.*

Scapulae. Scapulas habere dicitur, quoniam infirma membræ in scapulis portal, sicut in Psalmo¹⁴: *Scapulis suis obumbrabit tibi.*

Venter. Venter Dei secreta origo substantiæ ejus accipitur. Unde in Psalmo¹⁵: *Ex utero ante luciferum genui te.* Alter per uterum Dei incomprehensibilia judicia Dei, que rimari nequeunt, mystice insinuantur; de quo occulto judicio ejus in libro Job scriptum est¹⁶: *De cuius utero egressa est glacies, et gelu de cælo quis genuit?*

Posteriora Filii Dei incarnationis accipitur, de qua posteriori parte Filius in monte Sinai ad Moyensem per Angelum loquens, ait¹⁷: *Posteriora mea videbis, faciem autem meam videre non poteris.*

Pedes. Pedes Dei stabilimentum virtutis ejus, eo quod ubique præsens, et universa ei subjecta sunt, illo ipso dicente per Isaiam Prophetam¹⁸: *Catum mihi sedes est, terra autem scabellum pedum meorum.* Alter pedes Filii Dei incarnationis intelligitur, que divinitati subjecta est tanquam capiti pedes, sicut per caput divinitas, per pedes ejus exprimitur humanitas. De humani-

¹ *Matth., XII, 28.* — ¹⁰ *Psal. VIII, 4.* — ¹¹ *Coloss., I, 15.* — ¹² *Psal. XLIV, 1.* — ¹³ *Psal. XV, 8.* — ¹⁴ *Psal. XC, 4.* — ¹⁵ *Psal. CIX, 3.* — ¹⁶ *Job, XXXVIII, 29.* — ¹⁷ *Exod., XXXIII, 23.* — ¹⁸ *Isa., LXVI, 1.*

tate in Exodo scriptum est¹: *Viderunt Deum Israel*, hoc est, Moyses, et Aaron, et Nadab, et Abiud, et septuaginta de senioribus populi: *Sub pedibus ejus quasi opus lapis sapphirini*, et *quasi colum, dum serenum est*. Sicut autem per lapidem sapphirum coelestes vel sanctos angelos, ita per colum serenum sanctam Ecclesiam electorum, ex omnibus assumptam, figuraliter demonstrare voluit: super quas duas creaturas homo assumptus Filius Dei in perpetuum regnat, de quo in Psalmo²: *Omnia subjecisti sub pedibus ejus*.

Vestimenta. Vestimentum Filii Dei aliquando caro ejus, quae a divinitate assumpta est, in divinis libris figuraliter accipitur; de quo indumento carnis Isaia ait³: *Quis iste, qui venit de Edom tinctus vestibus de Bosra?* Rursus per vestimentum ejusdem Domini sancta accipitur Ecclesia, quae per fidem et dilectionem ei conjuncta est, de quo in Psalmo dicitur⁴: *Dominus regnavit, decorum induitus est (a)*. Et in Psalmo alio ad ipsum Dominum⁵: *Confessionem et decorum induisti, amictus lumine sicut vestimento*.

Pallium. Pallium Christi jam dicta ejus Ecclesia intelligitur. De quo in libro Geneseos scriptum est⁶: *Lavit in vino stolam, hoc est, in passionis sanguine carnem suam*.

Calceamenta. Calceamenta Domini nostri Iesu Christi mystice significant incarnationem ejus, quam ex mortalitate humani generi assumere dignatus est. De qua incarnatione sua ipse dicit per Prophetam in Psalmis⁷: *In Idumeam extendam calceamentum meum*, id est, in plebe Gentilium manifestabo incarnationem meam.

Gressus. Gressus Filii Dei, adventus in mundum, et regressus ejus ad Patrem; de quibus Psalmista ait⁸: *Visi sunt gressus (l) tui, Deus, egressus (e) Dei mei, regis mei, qui est in sancto*. Ipse de celo venit in uterum Virginis; de utero vero nascendo, positus est in praesepio; postquam omnia implevit, de quibus a Patre missus venerat, appensus est in ligno crucis; de cruce autem depositus, secundum corpus sepultus est, Christi anima vero ad inferna descendit; tercia autem die per potentiam sue divinitatis carnem suam de sepulcro suscitavit, et post diem resurrectionis sue quadragesimo die,

videntibus apostolis, ascendit in gloriam ejus. Hi sunt enim egressus Filii, qui ascendit in celum, et sedet ad dexteram Patris. Iste est descensus, et ascensus ejus, qui frequenter in sacris Scripturis legitur.

Ascendere dicitur Deus, cum Filius carnem ex nobis assumptam in celum cum captiuis evexit, ut est reperire in Psalmo⁹: *Ascendit in altum, captivam duxit captivitatem*; quia natum humani generis, que a diabolo in mundo captiva retinebatur (d), assumens secum in celum, ubi nunquam ante fuerat, tanquam captivum deportavit.

Abscondere et ostendere Deus faciem, quoniam do dicitur (e). Abscondere ab hominibus faciem suam Deus legitur, cum, quibusdam eorum exigentibus culpis, cognitionem suam abscondit, sicut in populo Judeorum nunc impletum videmus, qui negantem Filium Dei, scientiam veri Dei ita perdiderunt, ut similes forent (f) gentibus, quae Dominum non neverant. Ostendere faciem suam dicitur Deus, cum respectu gratiae suae, quibus vult, scilicet electis suis, seipsum in corda eorum occulta inspiratione insinuat, et ad diligendum se amorem suum infundit.

Sedere dicitur non corporaliter humano more, sed potentialiter, super omnem creaturam rationalem, ut est reperire in Psalmis¹⁰: *Regnavit Deus super gentes, Deus sedet super sedem sanctam suam*. Sedere autem dicitur¹¹ *super Cherubim*, quod interpretatur plenitudo scientiae, per quod signantur sancti angeli, sive mentes spiritualium virorum, in quibus invisibiliter Deus sedet et regnat. In illis enim sedet, qui scientia ejus et dilectione pleni sunt. Nam scriptum est¹²: *Anima justi sedes sapientiae est. Sapientia vero Dei Patris Christus est, qui in animabus sanctorum Dei sedere dicitur*¹³.

Descendere Deus in mundum dicitur, quando aliiquid novum, quod ante non fecerat, in creatura humana operatur; sicut Filius de Patre descendisse narratur, quando veram carnem ex Maria Virgine propter redemptionem nostram suscepit, et homo verus fieri dignatus est, non mutando quod erat, sed assumendo quod non erat. De cuius descensione, id est, incarnatione, in Psalmo scriptum est¹⁴: *Inclinavit celos, et descendit, et caligo sub pedibus ejus. Celos inclinavit, quia adventum suum praeannuntians, angelos sive prophetas misit, qui ejus desunt haec: decorum induitus est.* — (b) Vulg. *Viderunt ingressus.* — (c) Vulg. *ingressus.* — (d) *Cet. edit. add.* et. — (e) *Cet. edit. dicitur.* — (f) *Leg. facti sint.*

¹ *Exod.*, xxiv, 10. — ² *Psal.* viii, 8. — ³ *Isa.*, lxiii, 1. — ⁴ *Psal.* xcii, 1. — ⁵ *Psal.* ciii, 1. — ⁶ *Gen.*, xlxi, 11. — ⁷ *Psal.* cvii, 10. — ⁸ *Psal.* lxvii, 25. — ⁹ *Ibid.*, 19. — ¹⁰ *Psal.* xlvi, 9. — ¹¹ *Psal.* lxxix, 2. — ¹² *Prov.*, viii, 12; xiv, 33; *Sap.*, i, 4, quoad sensum. — ¹³ *Sap.*, vii, 23. — ¹⁴ *Psal.* xvii, 10. — (a) *Cet. edit.*

adveutum hominibus annuntiarent. *Caligo sub pedibus ejus*, quia impii homines ob suam malitiam incarnationem ejus agnoscere non potuerunt, nec adhuc possunt.

Stare. Stare Deus dicitur, cum nos infirmos, et suam creaturam, ad penitentiam et conversionem patienter sustinet, ut est reperi in Habacuc propheta¹: *Stetit, et mensus est terram, et dissolvit gentes*, id est, stetit ad subveniendum, et dissolvit credentes in se a vinculis peccatorum.

Transire. Transire dicitur Deus, cum de cordibus quorundam hominum, in quibus antea per fidem continebatur, postea subrepente perfidia, vel quolibet delicto, ab eis recedit, et ad alios transit, quemadmodum de Iudeis ad Gentes de haereticis ad catholicos. Sed et de quibuslibet irreligiosis et negligentibus pro vitio suo recedere dicitur Deus, et ad alios transire: quod non localiter aut visibiliter, sed invisibiliter, occulto justoque iudicio, facere consuevit.

Ambulare. Ambulare dicitur Deus, non de loco ad locum transeundo, quia impium est ita credere; sed ambulatio ejus est in cordibus sanctorum delectatio, sicut scriptum est²: *Et habitabo in eis, et ambulabo, et ero illorum Deus*. Vel certe ambulare Dei est in sanctis praedicationibus suis de loco ad locum transire.

Loqui. Loqui Dei est invisibiliter, sine sono vocis, vel quolibet strepitu, occulte in mentibus sanctorum voluntatem suam, atque rectum intellectum inspirare, sive futura, sicut in sanctis prophetis, revelare. Quae locutio Dei, ut quicunque volunt, tribus modis accipitur. Primo accepta.

Dei locutio trispicile. namque modo, per subjectam creaturam, sicut ad Moysen in rubo in igne apparuit, vel sicut Abraham atque Jacob, et ceteris, quibus in angelis apparuit. Secundo vero modo, in somnis, sicut ad Jacob, et ad Zachariam prophetam, et ad Joseph sponsum Mariæ, et alios sanctos, quibus secreta revelare voluit. Tertio autem modo, neque per creaturam visibilem, neque per hominem, sed occulta tantum inspiratione invisibiliter corda eorum tangendo, loquentes efficit, sicut in libris Prophetarum scriptum est, cum ibi prophetæ subito afflati Spiritu sancto clamabant, dicentes: *Hæc dicit Dominus*.

Videre. Dei videre, est acta bona approbare, sicut

¹ *Habac.*, III, 6. — ² *Levit.*, XXVI, 12; II *Cor.*, VI, 16. — ³ *Gen.*, I, 31. — ⁴ *Isa.*, LIX, 15. — ⁵ *Psal.* (a) *Suppl.*, quam. — (b) *Leg.* præviis. — *Leg.* mutare.

est reperi in Genesi, ubi dicitur³: *Vidit Deus cuncta quæ fecerat, et erant valde bona*, id est, intelligentibus bona esse demonstravit. Aliter, videre Dei est mala hominum sciendo reprobare, sicut est illud in Isaia propheta⁴: *Et vidit Deus, et apparuit malum in oculis ejus*. Item aliter, videre Dei est nos videntes facere, ut est reperi in Psalmo⁵: *Proba me, Deus, et scito cor meum*, etc. Modus iste locutionis in libro beati Job similiter reperitur, ubi de sapientia Dei Patris, postquam in figura locutus est de Deo Patre, adjunxit⁶: *Tunc vidit illam, et enarravit, et investigavit, et preparavit*, id est, videntes fecit atque prædicantes, et investigantes, atque aliis annuntiantes, etc.

Cognoscere Dei, est cognoscentes facere, sicut ait ad Abraham⁷: *Nunc cognori quod timeas meum*. Neque enim in tempore novit, qui scit omnia antequam fiant; sed cognoscere Dei dicitur cognoscentes facere, ut qui prius de se, quales essent, incogniti erant, per ejus interrogacionem et probationem, quales essent, sibi metipsis manifesti fierent. Tale est illud in lege Moysi de populo israelitico⁸: *Tentabo eos, inquit, utrum custodian mandatum meum, an non.*

Nescire dicitur Deus, quoddam reprobos reprobare, sicut est illud in Evangelio⁹: *Nescio unde sitis. Recedite a me omnes, qui operamini iniquitatatem.*

Zelare dicitur Deus, cum creaturam suam (a) non vult perire, sepe castigat, corripit, atque flagellat, et flagellando ad se reducit. Vel zelare dicitur Deus, cum nullum peccatum impunitum vult relinquere. Justus enim est, et ideo omnis injustitia execrabilis est illi, quam, ut dictum est, nullo modo impunitam patitur.

Irasci dicitur Deus non animæ motu, vel qualibet perturbatione, quod illi omnino accidere non potest; sed creature delinquenti, id est hominibus impiis et peccatoribus, justam dicitur inferre ultionem, hoc est, reddere illis que merentur. Et hoc est ultio divina, iste furor ejus dicitur.

Poenitere dicitur Deus, non quod more hominum de transactis operibus poeniteat: qui enim omnia novit antequam fiant, pro suis pravis (b) actibus poenitere non potest. Sed poenitentia Dei est statuta mutare, et quod prius inchoatum est, in aliquid mutari (c), id est ex bono, exigentibus culpis, in malum, sicut de cxxxviii, 23. — ⁶ *Job.*, xxviii, 27. — ⁷ *Gen.*, XII, 12. — ⁸ *Exod.*, XVI, 4. — ⁹ *Matth.*, VII, 23; *Luc.*, XIII, 27.

Cognoscere.

Nescire.

Zelare.

Irasci.

Poenitere, el non poenitere.

Saule legitur ¹ pœnituisse Deum , quod consti-
tuisset eum regem , vel sicut nunc videmus in
populo Judæorum , qui , cum esset populus Dei ,
ob impictatem suam factus est in synagogam
Satanæ . De malo vero in bonum accidit in po-
pulo gentium , qui ante non populus Dei , nunc
autem per gratiam Christi populus Dei factus
est . Hoc quippe modo , occulto Dei iudicio ,
Judas Dei proditor , de apostolatus gradu lapsus ,
in inferni barathrum demersus est ; latro vero ,
post crimen rapacitatis , de cruce ad Paradis-
um translatus est . Hanc quoque mutationem
de bono ad malum , sicut dictum est de malo
ad bonum , quod occulto justoque iudicio Dei ,
sive per severitatem justitiae suæ , sive per mi-
sericordiam ejus fiat , pœnitentiam Dei dicimus .
Quod expressius in libro Hieremiacœ prophete
scriptum est .

Non pœnitere Dei , est statuta nullo modo
mutare , ut est illud in Psalmo : *Juravit Dominus , et non pœnitibit eum* , id est Pater ad Fi-
lium : *tu es Sacerdos in æternum secundum ordinem Melchisedech* . Sacerdos Dei Patris dictus est
Filius Dei , non secundum divinitatem , sed
secundum humanitatem , in qua se pro nobis
per passionem et mortem in acceptabile sacri-
ficium Deo Patri obtulit , ut ipse esset sacerdos ,
qui et sacrificium .

Oblivisci Oblivisci dicitur Deus , cum quibusdam im-

¹ *Reg.*, xv, 11. — ² *Psal.* cix, 4. — ³ *Jerem.*, xxxi, 26. — ⁴ *Psal.* xlui, 23.

piis et peccatoribus non miseretur : quod uti-
que non facit per crudelitatem , quæ in Ieo
non est , sed per occultum justumque iudicium
suum .

Indurare dicitur Deus quorundam corda ^{indurare}
malorum , sicut de Pharaone rege Ægypti
scriptum est : non quod omnipotens Deus per
potentiam suam eorum corda induret , quod
impium est ita credere ; sed , exigentibus eorum
culpis , cum duritia cordis , quam ipsi sibi om-
nia mala perpetrando nutritant , non aufertur ,
videtur , quasi illos ipse induret , quod justo ju-
dicio indurati sunt .

Dormire Dei est , cum unigenitus Filius Patris , ^{Dormire}
in assumpta carne , pro nobis mori dignatus
est . Cujus mors recte dulcis somnus prædictus (*a*)
est , ipso dicente per Jeremiam prophetam ³ :
Ideo quasi de somno excitatus (b) sum , et vidi , et
somnus meus dulcis est mihi . Aliter dormire dicitur
Deus , cum fides ejus , inter prosperitates hujus
mundi , et intra quorundam corda fideliū
non vigilat , sed dormit . Hanc dormitionem
ipse Jesus significavit , cum in mari inter
fructus maris dormivit . Vel certe dormire , est
anxiis tarde subvenire , sicut est in Psalmista ⁴ :
Exurge , quare obdormis , Domine ?

Vigilare Dei , est in defensionem suorum ^{Vigilare.}
electorum , et ultionem inimicorum , se mani-
festum demonstrare .

(*a*) *Leg.* recte tanquam dulcis somnus prædicta . —
(*b*) *Vulg.* *suscitatus*.

COMPENDIUM THEOLOGICÆ VERITATIS¹

ARGUMENTUM

(Ex edit. Vatic.)

Joannes Combis ex ordine Minorum jamdiu Compendium hoc in lucem emisit, nec de ejus auctore quidquam statuit : cum in manuscriptis antiquis exemplaribus nulli forsitan inscriptum invenerit. Nec propterea sine auctore est; imo eo plures ejus existimantur auctores, quo nullus est certus. Joannes enim Trithemius Egidio Romano illud tribuit in suo *de Scriptoribus Ecclesiasticis* catalogo : alii sanctum Thomam, seu ejus magistrum Albertum magnum, ejusdem auctorem opinantur. Sed esse S. Bonaventuræ opus ex his persuadetur : in primis quia in antiquo manuscripto exemplari Vaticano post finem Opusculi, forma scripturæ recentiori, sic habetur exaratum : *Compendium Theologicae veritatis Bonaventurae*; tum etiam quia in aliō pervetusto codice extra bibliothecam Vaticanam in ipso statim principio a parte superiori chartæ depictus est sanctus Bonaventura docens e suggesto, in quo duæ sunt parvulae cruces intra duos quadratos ante suggestum expressæ, quæ insignia videntur ejusdem Sancti, a parte vero inferiori cernitur imago S. Francisci stigmata Christi suscipiens : ex quo non levis conjectura deducitur ad idem comprobandum. Præterea divisus est iste tractatus juxta divisionem *Breviloquii* in septem libros, et doctrina ejus conformis est valde doctrinæ S. Bonaventurae tum in *Breviloquio et Centiloquio*, tum etiam in libris *Sententiarum*, imo sæpius verba omnino sunt eadem. Hæc auctorem probant esse S. Bonaventuram. Nisi malueris existimare ab incerto aliquo recentiori ex doctrina S. Bonaventurae et aliorum fuisse compilatum, ut ex principio præfationis licet colligere. Quisquis ejus sit auctor, Compendium hoc studiosis Theologiae utile valde est, et quantum patitur angustia compendii, satis copiosum, ac nunc demum ope trium Bibliothecæ Vaticanæ, et alterius extra eam manuscriptorum exemplarium sibi restitutum, neconon conquisitis, quoad fieri potuit, et citatis ad marginem ² sanctorum locis locupletatum ³.

¹ Cf. Edit. Vatic., an. 1596, tom. VII, pag. 731; edit. Ven., an. 1754, tom. VII, pag. 1. — ² In hac vero editione ad calcem paginarum singularium. — ³ Enumerationem capitum hujus libri, huic loco in cæteris editionibus assignataum, ad calcem tomī ipsius, id est ad indicem materiarum potius remittendam censuimus, et sic de sequentibus libris.

PRÆFATIO

Veritatis theologicæ sublimitas, cum sit superni splendoris radius illuminans intellectum, et regalium deliciarum convivium, reficiens affectum, de magnorum theologorum scriptis breve Compendium colligere dignum duxi : quo et evitet mater fastidii prolixitas, et tamen ad investigandum plura via detur et occasio sapienti. Theologia certe scientiarum est princeps omnium et regina, cui artes cæteræ tanquam pedissequæ famulantur. Nam de naturis rerum illa solum recipit ad usum suum, de quibus sibi speculum fabricare valeat, in quo conspiciat Conditorem. Hæc dicitur scientia scientiarum, quæ super omnem speculationem philosophicam extollitur, et dignitate ac utilitate omnibus antefertur. Ipsa enim Philosophia cum in naturalem, et rationalem et moralem distinguatur, philosophia quidem naturalis, licet doceat cognoscere creaturas, non tamen Creatorem; rationalis vero, licet doceat concludere hominibus, non tamen diabolo; et moralis, licet doceat acquirere virtutes consuetudinales, non tamen doceat acquirere charitatem. Nostra vero philosophia, scilicet veritas theologica,

hæc omnia operatur. Docet enim Deum cognoscere, diabolo resistere, et charitatis exercitios insudare. Hæc est divinorum pigmentorum apotheca, delectabilis¹ super mel et favum. Hæc quoque thesaurus est desiderabilis super aurum et lapidem pretiosum multum. Hæc est fons voluptatis egrediens, Ecclesiæ militantis irrigans paradisum.

Denique præsens scriptum in septem libellos distinxii, et singulas in unoquoque materias rubricis propriis assignavi.

Primus, de natura Deitatis.

Secundus, de operibus Conditoris.

Tertius, de corruptela peccati.

Quartus, de humanitate Christi.

Quintus, de sanctificatione gratiarum.

Sextus, de virtute sacramentorum.

Septimus, de ultimis temporibus, et de poenis malorum, ac preemiis honorum. Sicubi ergo in hoc scripto deviavi, parcatur mihi, quia ignorans feci; ubi vero recte processi, laudetur gratia Iesu Christi, ad cuius honorem et beatissimæ matris ejus, præsens Opusculum compilavi.

LIBER PRIMUS

DE NATURA DEI

CAPUT PRIMUM.

Quod Deus est.

Deum esse, multis modis ostenditur. Hoc enim fides recta testatur, sacra Scriptura loquitur, comparatio rerum ad ipsum idipsum indicat, sancti predicant, creature clamant, ratio naturalis dictat.

Primo igitur Deum esse fides testatur: quia fides catholica credit Deum, et credit in Deum,

et credit Deo. Credere vero Deum est credere ipsum esse. Credere in Deum est credendo Deum amare, et amando in eum ire, ac membris ejus incorporari. Credere autem Deo, est credere verbi ejus. Primum et tertium honorum et malorum est, sed secundum honorum tantum: quia credere Deum, et credere Deo, bonis et malis est commune; sed credere in Deum, bo-

¹ *Psal. xviii, 11.*

norum specialiter est. Deus itaque solus habet esse perfectum. Illud enim perfectum est, cuius nihil est extra ipsum: unde quia (a) esse nostrum habet aliquid extra se, imperfectum est. Deest enim nobis aliquid quod de nostro esse jam præterit, vel quod futurum est. Divinum autem esse cum simul totum sit, nec quidquam de eo præterierit, aut futurum sit, perfectissimum est.

Secundo, Deum esse, Scriptura loquitur¹: *Ab æternō (b), et usque in sæculum tu es.²* Qui est, misit me. Joannes Damascenus³: « Videtur omnibus principalius eorum, quæ de Deo dicuntur nominibus, esse *Qui est.* »

Tertio, Deum esse, rerum comparatio ad ipsum facta indicat. Tam verum enim esse Deus habet, quod nostrum esse, suo comparatum, nihil est: imo Deus suo' presentiali esse dat omnibus rebus esse, ita quod si se rebus subtraheret, sicut de nihilo factæ sunt, sic in nihilo defluerent universa. Gregorius⁴: « *Omnia humana, quæ justa, quæ pulchra sunt, Dei justitiae pulchritudini comparata, nec justa nec pulchra sunt, nec omnino sunt.* »

Quarto sancti predicti. Anselmus, in suo *Monologio*⁵: « *Credimus te, Domine, esse aliquid, quo nihil majus cogitari possit.* » Dionysius⁶: « *Esse omnium est supersubstantialis divinitas.* » Sed hoc intelligitur causaliter, non formaliter. Præterea, sicut dicit Anselmus⁷: « *Illud maxime habet esse, quod maxime distat a non esse: quod sciœt non habet non esse post esse, nec esse post non esse, nec potest cogitari nou esse.* »

Quinto, Deum esse creature clamat. Omnia namque suo modo dicunt⁸: *Quoniam ipse fecit nos, et non ipsi nos:* quia ipse Deus est vox nature, quia omnia pulchra testantur ipsum pulcherrimum, dulcia dulcissimum, sublimia altissimum, pura purissimum, fortia fortissimum: et sic de aliis, quia sicut in patria Deus est *speculum*⁹, in quo relucunt creature, sic in via e converso creature sunt speculum, quo Creator videtur. Unde Apostolus¹⁰: *Videmus nunc per speculum in enigmate.* Idem¹¹: *Invisibilita Dei*

¹ *Psal.* LXXXIX, 2. — ² *Exod.*, II, 15. — ³ *Damasc.*, *de Fid. Orthod.*, lib. I, c. XII. — ⁴ *Greg.*, *Moral.*, lib. XXXV, c. XIV. — ⁵ Anselmus hoc habet in suo *Proslogio*, c. II. — ⁶ *Dion.* *Areop.*, *de Div. Nomin.*, c. VIII, § 3, ubi legitur, interpretante Corderio: « *Ipsum esse, si fas est dicere, potentiam habet ab ipsa suprasensuali potentia.* » Nisi forte auctor *Compendiū ad ista alia quæ le-*

(a) *Edit. Ven.* qui. — (b) *Vulg.* in *sæculo*.

per ea, quæ facta sunt, intellecta conspicuntur.

Sexto, Deum esse ratio naturalis dictat, quæ per effectum in cognitionem causæ pervenit. Omne namque creatum indiget alio ut sit; et illud iterum alio ut sit; et ita erit vel in infinitum procedere, vel erit ibi circulus, vel perveniet aliquid quod sit causa omnium. Circulus autem non est in rebus singulis, quoniam oportet aliquid esse prius et posterius seipso; nec erit processus in infinitum, quia universitas creaturarum tota causata est, sive sit finita, sive infinita: ergo indiget alio, ut sit, quod erit extra universitatem causatorum: et hoc Deus est, a quo flunt omnia.

CAPUT II.

Quod unus Deus est.

Unum Deum esse ostenditur auctoritate. Unde in Deuteronomio¹²: *Videte quod ego sim solus, et non sit alius Deus præter me.* Apostolus¹³: *Unus Deus, una fides, unum baptisma.* Bernardus¹⁴: « *Si dici potest, unissimus est.* Idem est semper et uno modo: nihil in se, nisi se habet. Hoc vere unum est, in quo nullus est numerus, nullum in eo aliud est, præter id quod est. » Idem ostenditur et ratione: quia simplex forma divinitatis, si non esset una et eadem numero, sed communicabilis pluribus, ut forma humilitatis Socrati et Platonii, jam contraheretur, aliquo addito, ad esse singulare, et ita componeatur alteri, nec esset simplicissima: quod falsum est, quia in summo bono nulla potest fieri adiectio, cum sit omnino simplex.

Notandum autem, quod *unum* sumitur prout est principium numeri, et sic Deo non convenit; alio modo, prout convertitur cum ente, et sic Deo convenit potius, quam alicui creature: quia cum unum sit indivisum in se, et divisum ab aliis; excepto Deo solo, nihil est in quo non intelligatur aliqua divisio, vel actualis, vel potentialis. Cum enim unitas, vel numerus aliquis de Deo dicitur, nihil ponit, ut quidam dicunt, sed tantum privat. Unde cum dicitur Deus unus, intelligitur quod non sint plures.

guntur, juxta eundem interpretem, § 5: « *ipsam quoque deificationem præstal, » alluserit. *Biblioth. max. Patrum*, Edit. Lugd., 1677. — ⁷ Anselm., ubi sup., c. III. — ⁸ *Psal.* XCIII, 3. — ⁹ *Sap.*, VII, 26. — ¹⁰ *1 Cor.*, XIII, 12. — ¹¹ *Rom.*, I, 20. — ¹² *Deut.*, XXXII, 39. — ¹³ *Ephes.*, IV, 5. — ¹⁴ Bern., *de Consider.*, lib. V, c. VII, post med.*

Aliquid non est unum tribus modis, scilicet vel pluralitate secundum species diversas, sicut angeli et stellæ non sunt unum; vel mutabilitate, secundum quod unus homo plures dicitur, qui modo sanus est, modo æger, modo dives, modo pauper; vel propagatione secundum eamdem speciem, prout unus homo plures est in filiis, qui propagantur ab ipso. Sed nihil prædictorum in Deo est. De primo enim contrarium habemus in Symbolo Athanasii: *Hæc est fides catholica, ut unum Deum in Trinitate, et Trinitatem in unitate veneremur.* De secundo, Psalmus¹: *Ipsi peribunt, tu autem permanes.* Bernardus²: « Non ex tempore alterationem habet Deus non in substantia alteritatem. » Leo Papa: « Simplicis divinitatis naturæ nihil addi, aut minui potest. » De tertio, Psalmus³: *Non erit in te Deus recens*: recens, id est, recenter formatum, vel natum. Divinitatem tria genera hominum multiplicant, scilicet 1. Idololatæ; Psalmus⁴: *Omnes dii gentium dæmonia.* 2. Necromantici, qui attribuunt virtutem characteribus, et hujusmodi stultitii. 3. Carnales homines, ut gulosi colentes ventrem: Apostolus⁵: *Quorum Deus venter est*; et avari, qui super omnia pecuniam amant: Apostolus⁶: *Avaritia, quaæ idolorum est servitus.*

Est itaque in Deo vera unitas propter simplicitatem, immutabilitatem, et singularitatem, et propter unitatis creaturæ similitudinem: quia sicut unitas a nullo descendit, et omnis pluralitas ab ea defluit, sic Deus a nullo, et omnia ab ipso. Item, sicut unitas de se gignit unitatem, ita Deus Pater de se gignit alterum se, ut dicit Augustinus, id est, alterum similem sibi, vel alterum a se, scilicet Filium.

Hoc nomen *Deus* tripliciter accipitur, scilicet naturaliter, adoptive, et nuncupative. Primo modo soli Deo convenit; secundo modo convenit bonis hominibus, qui divinæ bonitatis particeps sunt per gratiam providentiaræ, vel doctrinam, et potestatem prælatiouis, et potestatem miraculorum. Psalmista⁷: *Ego dixi: Dii estis, et filii excelsi omnes.* Tertio modo dii dicuntur idola; sed solo nomine, quia res nominis, scilicet divinitas, illis non convenit. Primo modo non habet plurale hoc nomen *Deus* per se, cum sit unus solus verus Deus, nec divinitas recipiat distinctionem; sed secundo et tertio modo plurale habet.

¹ *Psalm. cl.*, 27. — ² *Bern.*, *de Consid.*, lib. V, c. vii, post med. — ³ *Psalm. LXXX, 10.* — ⁴ *Psalm. xcvi, 5.* —

CAPUT III.

Quod unum solum Principium est.

Sicut unus solus Deus est, sic unum solum principium est: quod ostenditur multiplice ratione. Primo sic, quoniam si duo principia sunt, unum scilicet summe bonum, et aliud summe malum, aut communicant in existere per se, ut Socrates et Plato, aut non. Si non, ergo alterum illorum erit ens per aliud, et ita non erunt duo principia. Si sic, sed existere per se bonum est, malum autem plus esset malum, si non haberet illud bonum: ergo non est summe malum, quia si esse per se haberet, hoc ipsum esse, quod est bonum, summe malum esse non sineret. Præferea in creaturis quatuor inveniuntur, scilicet multitudo, ordo, imperfectio, et connexio. Secundum quodlibet istorum probatur unum tantum esse principium. Omnis multitudo, secundum Dionysium⁸, ab unitate trahit originem: ergo necesse est omnis multitudinis unum esse principium. Item omnis ordo cum habeat prius et posterius, oportet quod unum habeat principium. Item, secundum Boetium: « Omne imperfectum ab aliquo simpliciter perfecto trahit originem, et hoc est Deus noster. » Item omnis connexionis diversorum, causam habet suarum connexionis, et conservationis ad unum: et hoc est Deus. Item, si esset unum summe malum, a quo omnia mala essent, sequeretur quod secundum corpus Christus esset ab illo malo principio, cum in eo fuerit malum penæ: quod absurdum est dicere.

Ex prædictis patet, quod Deus est principium, et summum, et unum solum principium, tum ratione dignitatis, tum ratione antecessionis, tum ratione causalitatis.

CAPUT IV.

Quod Pater est.

Æternum Patrem esse per hoc ostenditur, quod cum Deus sit potentissimus, sapientissimus et optimus, potest, scit et vult se summe communicare: hoc autem est alteri majestatis suæ plenitudinem dare: ergo Deus Pater ab æterno Filium sibi æqualem genuit, cui divinitatis suæ essentialiam communicavit. Dicit enim

⁵ *Philip., iii, 19.* — ⁶ *Ephes., v, 5.* — ⁷ *Psalm. LXXXI, 6.* — ⁸ *Dion., de Div. Nom., c. XIII.*

Dominus in Isaia¹ : *Si generationem alii tribuo, ipse sterilis ero? Quasi dicat: Non.*

Pater enim multipliciter sumitur. Dicitur enim Pater, 1. *Eterna generatione; Isaías²: Generationem ejus quis enarrabit?* 2. *Prædestinatione; ad Ephesios³: Gratia vobis, et pax a Deo Patre, qui prædestinavit vos in adoptionem filiorum.* 3. *Creatione; in Deuteronomio⁴: Numquid non ipse est pater tuus, qui possedit, fecit, et creavit te?* Fecit, inquam, secundum corpus; creavit secundum animam; possedit secundum utrumque. 4. *Redemptione; Isaías⁵: Tu, Domine, Pater noster, et redemptor noster; a sœculo nomen tuum.* 5. *Sacramentali regeneratione⁶: Benedictus Deus, et Pater Domini nostri Iesu Christi, qui regeneravit nos.* 6. *Fidei instructione⁷: Dedit eis potestatem filios Dei fieri, his qui credunt in nomine ejus.* 7. *Gratiæ adoptione⁸: Accepistis spiritum adoptionis filiorum, in quo clamamus: Abba pater.* 8. *Gloriæ collatione⁹: Itaque jam non est servus, sed filius: quod si filius, et heres per Deum, id est, per opera Dei: opera enim nostra magis sunt per Deum vitæ æternæ meritoria, quam per nos.*

Primo modo sumitur Deus Pater personaliter: et iste modus soli Patri convenit. Quarto modo, scilicet redemptione, non solum effective sumitur, sed etiam per ministerii exhibitionem. Sumitur etiam personaliter: et iste modus soli Filio convenient, secundum quod modus redemptionis fuit per mortem Filii. Omnes autem alii modi tribus personis simul convenient, quia indivisa sunt opera Trinitatis: nisi forte aliquis illorum modorum conveniat alicui personæ per appropriationem.

Circa generationem nota quatuor propositiones, in quibus videri poterit, utrum essentia divina generet, vel generetur. Prima est: Essentia generat essentiam. Secunda est: Essentia generat personam. Tertia est: Persona generat essentiam. Quarta est: Persona generat personam. Harum propositionum tres primæ false sunt; quarta autem vera est. Est enim regula in theologia, quod essentia divina non generat, nec generatur: dicendum tamen quod Pater virtute essentiæ, existentis in se, generat; et

quod Filio per generationem communicatur essentia, sicut et Spiritui sancto per processionem.

CAPUT V.

Quod Filius est.

Quum (a) sint correlativa Pater et Filius, per easdem rationes ostenditur Filium esse, per quas et ostensum est Patrem esse. Præterea inter omnes emanationes perfectissima est generatio, qua penitus genitus assimilatur suo genitori: quod emanationes aliæ non faciunt. Cum igitur copiosissimo fonti bonitatis competat emanatio perfectissima, constat quod persona, qui Pater est, fons totius bonitatis, generat Filium sibi æqualem, cui communicat sue plenitudinem majestatis.

Aliquis est Filius Dei per gratiam unionis, ut Christus homo; aliquis, per veritatem nativitatis, ut Christus in quantum Deus; aliquis, per adoptionem, ut sancti; aliquis per creationem, ut quavis creatura. De Filio Dei dicit Athanasius in *Altercation contra Arium*, quod ipse dicitur *sensus*, quo omnia cogitantur; *sapientia*, quo cogitata disponuntur; *virtus*, quo disposita perficiuntur; *Verbum*, quo perfecta nuntiantur; *lumen*, quo nuntiata clarescunt. Filius ergo Dei dicitur sapientia Patris, non quod Pater sit sapiens sapientia genita, sed quia Filium genuit, cui appropriatur sapientia. Unde Pater dicitur ¹⁰ *omnia fecisse in sapientia*, id est in Filio Dei, vel cum sapientia, quae est Filius: quoniam indivisa sunt opera Trinitatis. Unde hæc præpositio in notat subanterioritatem in Filio, qui hoc ipsum habet a Patre, quod res creat. Generaliter enim verum est, quod quidquid habet persona, vel operatur, hoc habet ab eo, a quo est. Qualiter autem Filius sit de Patre, nota quod hæc præpositio *De* quandoque notat causam efficientem, ut cum dicitur: « Christus concepius est de Spiritu sancto; » quandoque causam materialē, ut cum dicitur: « Christus natus de Maria Virgine; » quandoque identitatem essentiæ, ut cum dicitur: « Filius natus de Patre; » quandoque transsubstantiationem, ut cum dicitur corpus Christi fieri de pane; quandoque ordinem, secundum quod creatura dicitur fieri de nihilo.

¹ Isa., LXVI, 9, quoad sensum — ² Isa., LIII, 8. — ³ Ephes., I, 5. — ⁴ Deut., XXXII, 6. — ⁵ Isa., LXIII, 16. — ⁶ I Petr., I, 3. — ⁷ Ioann., I, 13. — ⁸ Ephes., I, 5. — ⁹ Gal., IV, 7. — ¹⁰ Psal. CIII, 24.

(a) Edit. Ven. Quam.

CAPUT VI.

Filius est imago Patris.

Imago triplex est, scilicet æqualitatis, imitationis, et representationis. Primo modo, Filius est imago Patris; secundo modo, homo factus est ad imaginem Dei, vel imago Dei¹: *Faciamus hominem ad imaginem Dei;* tertio modo, mundus dicitur speculum Creatoris.

Nota quod imago relative dicitur ad illud cuius similitudinem gerit, et ad quod imitandum facta est. Hoc autem contingit duplicitate: aut quantum ad speciem, et signum speciei, et sic imago hominis est in filio suo, qui ipsum in humana specie et figura imitatur, et haec est perfecta imago; aut quantum ad signum tantum, et non ad veritatem speciei, sicut imago hominis est statua lapidea, et haec est imperfecta imago. Primo modo, Filius est imago Patris, in natura communicans; secundo modo, imago Dei est in homine, licet minus perfecte.

Est igitur imago, non ad imaginem, sicut Filius. Nam haec præpositio *Ad* dicit distantiam inter imaginatum et imaginantem: hoc autem non cadit in Filium: unde bene dicitur imago Patris, sed non ad imaginem. Et est imago ad imaginem, sicut homo et angelus. Est aliquid non imago, sed ad imaginem, ut mundus hic, qui proprio non dicitur imago, sed vestigium Creatoris, quia licet Trinitatem repræsentet, non tamen imitatur, nec est capax ejus, sicut homo. Est tamen mundus ad imaginem Dei factus: quia Deus aliud exemplar non habuit, ad cuius similitudinem creaturas faceret, nisi semetipsum. Est imago genita, ut Filius; et est imago creata, ut homo et angelus; et est imago facta, ut statua Herculis, quæ ipsum repræsentat. Ex his patet quod esse imaginem, convenit Creatori et creatura: Creatori quidem, quia Filius, qui est imago Patris; creaturae vero convenient tam corporali, quam spirituali, quam etiam compositæ. Proprie tamen loquendo dicitur, quod creatura corporalis est Creatoris vestigium. Unde Apostolus²: *Invisibilia Dei per ea, quæ facta sunt,* etc. Ibi haec præpositio *Per* non dicit medium disponens, in quantum creatura consideratur in se; sed excitans, in quantum est similitudo Creatoris: quia non disponit ad cognitionem Creatoris; imo per talem modum

¹ Gen., 1, 26. — ² Rom., 1, 20. — ³ Ezech., xxviii, (a) Cœl. edit. qui.

TOM. VIII.

potius impediret cognitionem, cum inter Creatorem et creaturam major sit dissimilitudo, quam similitudo. Creatura vero spiritualis dicitur Creatoris similitudo; in Ezechiele³: *Tu signaculum similitudinis,* etc. Et hoc ideo, quia in angelo, propter nature simplicitatem, expressior est similitudo ad Deum, quam in homine. Creatura vero composita, id est homo, dicitur imago Dei⁴: *Faciamus hominem ad imaginem et similitudinem,* etc.: et hoc ideo, quia in homine inveniuntur plures trinitates, quam in angelo, unde quoad hoc potius dicitur imago Trinitatis.

Filius Dei possidet triplicem excellentiam, sicut innuit Apostolus⁵: *Qui cum sit splendor gloriae, et figura substantiae ejus, portansque omnia verbo virtutis sua.* Primam scilicet, respectu Patris, a quo producitur, et sic est splendor gloriae paternæ. Est enim, ut ait Dionysius⁶, fontalis radius, in se manifestans gloriam paternam. Secundam, respectu Spiritus sancti, quem producit ex se: et sic est figura; id est similitudo substantiae Patris. Est enim alia persona ab ipso, sicut a Patre: quod non accepit Spiritus sanctus a Patre, sicut Filius. Tertiam, respectu creaturarum, quæ per eum producuntur, et sic est portans omnia verbo virtutis sua. Propter primum, dicitur *Verbum* Filius Patris, quoniam perfecte loquitur bonitatem, et summam Patris liberalitatem, qui nihil habere voluit, quod Filio suo non communicaret. Istud est Verbum essentialiter et æternaliter genitum, temporaliter promissum a prophetis, et apostolis prædicatum, ab angelo in incarnatione nuntiatum. Propter secundum, dicitur Filius *imago Patris.* Quamvis enim tres personæ sint æquales in æternitate, et majestate, ac potestate; tamen Filius dicitur potius *imago Patris*, quam Spiritus sanctus, quia (a) non solum habet convenientiam intus cum Patre in essentiæ identitate, sicut et Spiritus sanctus; sed habet etiam convenientiam extra cum Patre, ex eo quod sicut a Patre procedit Filius, sic et a Filio Spiritus sanctus: sed a Spiritu sancto nullus. Nam secundum rationem intelligendi, respectus hujusmodi relationum sunt extrinsecus assistentes, quia potius ab aliquo sunt, quam in aliquo. Intelligentia enim relationum ad hoc ad quod referuntur aliquid respicit: unde si patrem non habeo, filius non sum, et e converso.

⁵ Gen., 1, 26. — ⁶ Hebr., 1, 2. — ⁶ Diou, de Div. Nom., c. ii.

Propter tertium dicitur *Filius virtus Patris*; ad *Corinthios*¹: *Nos autem prædicamus Christum Dei virtutem, et Dei sapientiam*. Invenitur etiam *imago Trinitatis* in nobis, videlicet in memoria, intelligentia et voluntate, vel in mente, notitia et amore: in quibus per ordinem Patri, et Filio, et Spiritui sancto assimilamur.

CAPUT VII.

Quod Spiritus sanctus est.

Emanatio duplex est in divinis: una per modum naturæ, et hæc est generatio, secundum quam Filius est a Patre; alia est per modum voluntatis, et hæc est processio appropriata. Proprie vero dicitur *spiratio*, secundum quam Spiritus sanctus est a Patre et Filio. Idecirco autem hæc emanatio per modum voluntatis esse dicitur, quia Spiritus sanctus amor est: amor autem secundum voluntatem est. Procedit autem Spiritus sanctus a Patre mediate, et immediate: mediate, quia Filius ipsum spirat, qui hoc habet a Patre; immediate vero, quia ipse Pater ipsum spirat.

CAPUT VIII.

Spiritus sanctus amor Patris et Filii est.

Spiritus sanctus amor Dei est: et hoc tripliter, videlicet, essentialiter, personaliter, et exemplariter. Essentialiter Spiritus sanctus dicitur amor, in quantum ipse cum Patre et Filio unus Deus est. Ipsi enim tres, in quantum unum sunt in essentia, diligunt se amore essentiali, qui appropriatur Spiritui sancto. Personaliter vero dicitur Spiritus sanctus amor, in quantum ipse est nexus Patris et Filii. Pater enim et Filius diligunt se amore ab eis procedente, qui non est Pater, nec Filius, sed Spiritus sanctus. De hoc nexus dicit Augustinus: « *Est ineffabilis quidam complexus in illa Trinitate, non genitus, sed genitoris genitique suavitatis, ingenti largitate perfundens omnes creaturas pro captu earum.* » Exemplariter quoque dicitur Spiritus sanctus amor, quoniam amoris gratuitæ, qui est in nobis, Spiritus sanctus non solum causa est efficiens, sed etiam exemplar atque finis. Amor enim qui est in nobis, est a Spiritu sancto efficienter: et hoc, in quantum ipse Spiritus sanctus est Deus. Exemplariter autem est in

nobis, in quantum ipse Spiritus sanctus est procedens per modum amoris a Patre et Filio. Sed finaliter est in nobis noster amor, in quantum Spiritus sanctus, a quo amor noster est, habet rationem primi boni, in quod tendit amor noster. Notandum quod amor qui est Spiritus sanctus, ex modo procedendi est nexus, sed propter ipsam processionem est distinctus a Patre et Filio; propter naturæ vero divinæ perfectionem, est persona et suppositum: propter divinam vero simplicitatem, est ipse Deus, et summe bonus. Igitur Spiritus sanctus est amor, quo Pater et Filius se diligunt. Cum autem dicitur: « *Pater et Filius diligunt se Spiritu sancto,* » duplíciter exponi potest. Primo sic: *Diligunt se Spiritu sancto*, id est, amore qui est Spiritus sanctus: et secundum hoc propositio est vera. Secundo sic: *Diligunt se Spiritu sancto*, id est, per Spiritum sanctum, vel per amorem qui est Spiritus sanctus: et sic non est concedenda, quia non est ibi aliiquid respectu cuius hæc dictio *Per* dicat principium. Est enim regula, quod hæc dictio *Per* semper dicit rationem principii respectu aliquius positi in locutione: sicut quando dicitur: « *Pater operatur creaturem per Filium;* » ibi enim notatur ratio principii in Filio respectu operis. Similiter hæc conceditur: « *Filius operatur per Patrem;* » nam ibi ratio principii in Patre est, et hoc duplì respectu, scilicet respectu Filii, et respectu operis.

CAPUT IX.

Spiritus sanctus charitas et donum sanctorum est.

Com inveniatur sœpe in Scripturis quod *Spiritus sanctus charitas et donum* dicuntur, diligenter notandum est, qualiter hoc debeat intelligi, et utrum Spiritus sanctus sit charitas, qua nos Deum et proximum diligimus. Unde notandum est, quod amor, sive charitas, tribus modis sumitur. Uno modo effectiva, et sic absque dubio verum est, quod Spiritus sanctus est amor, quo diligimus Deum, quia Spiritus sanctus operatur in nobis habitum et motum charitatis. Alio modo sumitur exemplariter: sic etiam Spiritus sanctus est charitas qua diligimus Deum et proximum: charitas enim quæ est Spiritus sanctus, est exemplar nostræ charitatis. Tertio modo sumitur charitas formaliter per modum inherentiae: et sic charitas dicitur virtutis habitus in anima, quo diligimus Deum et proximum: et secundum hunc modum Spi-

¹ *Cor.*, 1, 21

ritus sanctus non dicitur charitas. Nec contrariatur dictum Augustini¹, quod eadem est charitas qua nos diligit Deus, et nos ipsum : quia, licet verum sit, tamen aliter, et aliter est : nam Deus diligit nos ea formaliter, nos vero ipsum diligimus efficienter et exemplariter, non formaliter : nam omne esse et agens est a forma inherente agenti, quæ (a) est principium agendi, et forma, sicut caliditas igni. Sciendum est tamen quod Spiritus sanctus datur, cum datur ejus donum, quia Spiritus sanctus est amor, et primum donum; posterior autem non datur sine priori. Præterea corpus mysticum est unum per amorem. Cum ergo nihil creatum sit unum in diversis particularibus, oportet quod membra corporis mystici uniantur uno amore increato, qui est Spiritus sanctus. Præterea, quia, secundum Augustinum, totum malum hominis est uti fruendis, et frui utendis; constat ergo quod totum oppositum est donum ejus, scilicet frui fruendis, et uti utendis. Sed ad fruendum eo, quo fruendum est, requiritur præsentia fruibilis, et etiam dispositio debita fruentis: unde requiritur præsentia Spiritus sancti, et ejus donum, scilicet amor, quo inhaereatur ei : verumtamen cum datur nobis Spiritus sanctus, non incipit esse in loco novo, sed novo modo per productiōnem novi effectus et novi respectus, ex quo creatura se aliter habet ad Spiritum sanctum, quam prius. Propter quod et ipse dicitur aliter esse in creatura, quam prius, quia et in ipsa ut in cognoscente et amante ipsum, quod non fuit prius.

Ex jam dictis patet quod in justificatione duplex charitas nobis datur, scilicet creata, et inveniens : illa qua diligimus, et illa qua diligimur. Vel datur nobis charitas creata, qua diligimus formaliter; et inveniens, qua diligimus effective, quia nostrum diligere ipse causat. Ex his colligitur quod, licet Deus sit in omnibus per essentiam, præsentiam et potentiam, non tamen habetur ab omnibus hominibus per gratiam.

Missio autem Spiritus sancti duplex est, sicut et Filii : una visibilis, sicut apparuit super Christum in columba, et super apostolos in linguis igneis; alia invisibilis, qua mittitur in mentem ad sanctificandam creaturam : et ista missio fit ad inhabitationem creature rationa-

lis; sed prior fit ad inhabitationem demonstrandam aliis. Eodem modo missio Filii duplex est : una scilicet visibilis, ut incarnatione ; et alia invisibilis, ut est interna mentis illuminatio. Notandum quod missio Filii, et Spiritus sancti, inseparabilia sunt : sed dicitur Filii, quando mens per gratiam illuminatur ad Deum cognoscendum ; dicitur Spiritus sancti, quando affectus accidunt ad amandum. Sciendum est quod solius Patris est mittere, et non mitti : cum enim Pater a nullo procedat, nusquam mitti dicitur. Quia vero Filius et producit, et producitur, ideo mittit, et mittitur. Spiritus vero sanctus, quia producitur externaliter, sed non producit, nisi ex tempore ; ideo ipsis est proprium mitti, et non mittere, nisi respectu creaturæ, ut ad conversionem populi dicuntur apostoli missi a Spiritu sancto. Nisi forte dicatur mittere hominem assumptum ; sed Spiritus sanctus mittere dicitur, in quantum cum Patre et Filio idem est in essentia Trinitatis, non in quantum persona. Sic etiam Filius mittit se ipsum, unde Augustinus, in libris de Trinitate²: « Intelligamus illam incarnationem, et ex Virgine nativitatem, in qua intelligitur Filius missus, una eademque operatione Patris et Filii inseparabiliter esse factam, non separato etiam Spiritu sancto. » Ex his patet quod haec sunt impropriæ, et exponendæ : « Spiritus sanctus mittit se, et mittit Filium, et Filius mittit seipsum : » nisi intelligatur in quantum est de Virgine natus, quia Filius Deus mittit se hominem, et secundum hoc vera est. Hæc autem est ratio, quia *mittere* dicit auctoritatem ratione productionis æternæ.

Quibus modis datus sit Spiritus sanctus in signo visibili. Sciendum quod in igne apparuit Spiritus sanctus, ut calefaceret frigidos; et in linguis, ut doceret ignaros; et in sono, ut terretur rebellēs. Apparuit etiam in aliis tribus signis, scilicet in nube ipsi Moysi, ut ductor ejus in columna nubis esset, sicut legitur in Isaia³; item in columba (b) super Christum baptizatum, ad ostendendam gratiae plenitudinem, quæ in ipso erat. Item in flatu post resurrectionem, ad significandam vivificationem affectus, quia flatus (c) ab interiori procedit. Datus est igitur Spiritus sanctus bis post resurrectionem, scilicet in terra, propter dilectionem proximi; et de cœlo, propter dilectionem

¹ Aug., *de Trinit.*, lib. XV, c. xvii, n. 31. — ² Aug., *de Trinit.*, lib. II, c. v, n. 9. — ³ Isa., iv, 5.

(a) *Edit. Ven.* qua. — (b) *Cæl. edit.* columba. — (c) *Edit. Ven.* datu.

nem Dei. Vel datus est in terra, ad relaxanda peccata aliorum; Joannes¹: *Insuffavit in eos, et dixit: Accipite Spiritum sanctum, quorum, etc.* Datus est de cœlo in Pentecôte ad robur, et ad operationem miraculorum: de his duobus Psalmista²: *Verbo Domini cœli firmati sunt, quoad primum; et spiritu oris ejus omnis virtus eorum, quoad secundum.* Tertia fuit collatio Spiritus sancti apostolis facta ante passionem, quando fuerunt baptizati: eorum enim baptismus innuitur ibi³: *Qui lotus est, non indiget nisi ut pedes lavel.* In signum prædictorum trium, ter inungitur homo ad significandam hanc triplicem Spiritus sancti inunctionem, scilicet in baptismo, in confirmatione, et in morte.

Quadruplicem effectum consecuti sunt apostoli ex praesentia Spiritus sancti: primo, eloquentiam in linguis; secundo, audaciam in tormentis; tertio, efficaciam in miraculis; quarto, protectionem a viis: quia, post Pentecosten, nunquam peccaverunt mortaliter. Accipiunt et modo utiliter Spiritum sanctum: peccatores quidem, ad purgandum; in Mattheo^{(a)4}: *Ipsa baptizabit vos in Spiritu sancto, et igne.* Item penitentes, ad proficiendum; Psalmus⁵: *Spiritus tuus bonus deducet me.* Item perfecti, ad sanctificandum; ad Corinthios⁶: *Qui dedit nobis pignus Spiritus sancti.* Item beati, ad fruendum; Psalmus⁷: *Renuit consolari anima mea, etc.* Item tribulati, ad consolandum⁸: *Non accepistis spiritum servitutis iterum in timore, etc.* Item ignorantes, ad instruendum; in Joanne^{(b)9}: *Paracletus autem Spiritus sanctus, quem mittet Pater, etc.*

Quo tempore datus sit Spiritus sanctus. Attendendum est quod in die quinquagesima, ut ostendatur auctor esse remissionis. nam annus jubileus serriebat remissioni. Venit etiam in die dominica, ut eset dies renovationis, qui fuit etiam creationis. Datus quoque fuit tercia hora, quia dicitur primus homo hora tercia perdidisse gratiam: unde conveniens fuit, quod eadem hora apostolis mitteretur. Item alia ratione datus est hora tercia, scilicet ut ostenderetur, quod etiam nobis hora tercia datur gratia Dei. Sunt enim tres horas morales, scilicet contritio, confessio et satisfactio. De hoc nomine, *Spiritus*

sanctus, sciendum est, quod potest esse circumlocutio unius proprii nominis, et tunc convemit tantum personæ tertie in Trinitate; vel possunt istæ dictiones sumi divisim, et sic qualibet trium personarum est *spiritus sanctus*.

Spiritus sanctus multa habet nomina. Dicitur enim *spiritus a spirando active*, eo quod spiret; in Joanne^{(c)10}: *Spiritus ubi rult spirat: et secundum hunc modum, hoc nomen *spiritus commune* est omnibus tribus personis, sed *Spiritu sancto* convenit per appropriationem. Alio modo dicitur *spiritus a spirando passive*, eo quod spiretur, et hoc modo proprium est *Spiriti sancto*, qui procedit per modum spirationis. Non solum autem dicitur *Spiritus*, sed additur *santus*: quia *santus* idem est quod mundus, vel firmus, vel sine terra. Ista autem non solum convenient ei quoad se, sed etiam in comparatione quoad nos: nam per gratiam Spiritus sancti a peccatis mundamus^(d), in bonis firmamur, a terrenis separamur. Sanctus ergo nou solum est in se, sed quia nos facit ea sanctitate, de qua dicit Dionysius¹¹: «Sanctitas est ab omni immunditia libera, et perfecta, et omnino immaculata munditia.» Præterea Spiritus sanctus vocatur *nexus, unitas et amplexus*; et hoc, prout comparatur ad Patrem et Filium. Idem dicitur *donum Altissimi*; et hoc, prout comparatur ad nos: quia¹² *omne datum optimum, et omne donum perfectum desursum est*, etc. Item dicitur *fons virus*, quia septemplici rivo donorum nobis fluit; Isaías¹³: *Spiritus sapientiae et intellectus, spiritus consilii et fortitudinis, spiritus scientiae et pietatis, et spiritus timoris Domini.* Item dicitur *ignis*, quia affectum nobis accedit. Item dicitur *charitus*, non solum quia est amor Patris et Filii, sed quia nos amantes facit. Item dicitur *spiritualis unctionis*, quia omnes tribulaciones mundanas suaves facit et jucundas, secundum illud prosæ¹⁴: *In labore requies, in aestu temperies, etc.* Item dicitur *dextra Dei digitus*, quia sicut corporales res digito demonstrantur, ita per Spiritum sanctum ostenduntur res spirituales oculo spirituali. Item dicitur *Paracletus*, quia consolationes coelestes mentibus instillat. Item *magistrorum optimus*, quia intellectum ad Dei cognitionem et sui ipsius illuminat.*

de Div. Nomin., c. xii. — ¹² Jac., i, 17. — ¹³ Isa., xi, 2. — ¹⁴ In Miss. Pentec.

¹ Joan., xx, 22. — ² Psal. xxxii, 6. — ³ Joan., xiii, 10. — ⁴ Matth., iii, 11. — ⁵ Psal. cxlii, 10. — ⁶ Il Cor., i, 22. — ⁷ Psal. lxxvi, 4. — ⁸ Rom., viii, 15. — ⁹ Joan., xiv, 26. — ¹⁰ Joan., iii, 8. — ¹¹ Dion.,

^a Cœl. edit. Matthæus. — ^b Item Joannes. — ^c Cœl. edit. Joannes. — ^d Edit. Ven. mandamus.

CAPUT X.

In trinitate personarum unitas essentia est.

In unitate naturae divinae tres sunt personæ : quarum prima est a nulla ; secunda est per generationem a sola prima ; tertia est per communem spirationem a prima et secunda. Istud tamen sic est intelligendum, quod trinitas personarum non excludit ab essentia unitatem , simplicitatem, immensitatem, æternitatem, et incommutabilitatem. Ita ratio per hoc patet, quia qui erederet Deum non posse se summe communicare, negaret in eo potentiam ; qui vero erederet hunc eum posse, sed nescire, negaret in eo sapientiam ; qui erederet eum hoc posse, scire, sed nolle, ille negaret in eo bonitatem. Cum igitur Pater potuerit, sciverit et voluerit se summe communicare, hoc fecit æternaliter, scilicet habendo dilectionem et dilectum, hoc est Filium et Spiritum sanctum. Præterea omne bonum est sui diffusivum, ut dicit Dionysius¹ ; unde cum Pater sit fons bonitatis, emanatio erit ab ipso perfectissima , quæ est generatio. Erit etiam emanatio juvündissima, quæ est per modum benignitatis et liberalitatis : hec autem emanatio amor est, qui est Spiritus sanctus a Patre et Filio procedens. Et bene dicitur *amor emanatio liberalitatis*, quia amor primum donum est, quod a liberalitate procedit, cum sit donum intrinsecum in ipso dante, in quo scilicet amore omnia alia donantur.

Hæc beata Trinitas tribus modis nobis innotescit. Ipsa enim patet in Scripturis, ostenditur in figuris, relucet in creaturis. Primo, inquam, beata Trinitas patet in Scripturis ; unde Leo Papa : « Credimus sanctam Trinitatem, Patrem, et Filium, et Spiritum sanctum, unum Deum omnipotentem, unius substantie, unius essentie, unius potestatis. Item Isaías audivit² Seraphim ter dicentem : *Sanctus*, in laudem beatæ Trinitatis, subjungentia in singulari : *Dominus Deus Sabaoth*, propter confessionem unitatis divinae. Si ergo non essent tres personæ, non diceretur in Genesi³ : *Faciamus hominem ad similitudinem nostram*, sed *meam* : et tunc, si essent tres personæ, et non una substantia, non diceretur *ad imaginem*, sed *ad imagines nostras*. Ad id ostendendum, ponitur in Psalmo ter

¹ Dion., *de Div. Nomin.*, c. IV. — ² Isa., vi, 3. — ³ Gen., i, 26. — ⁴ Psal. Lxvi, 8. — ⁵ Jeremi., i, 6. —

Deus, cum dicatur⁴ : *Benedicat nos Deus, Deus noster, benedicat nos Deus*; et tamen solum ponitur hoc pronomen, *eum*, ubi subjungitur : *Et metuant eum omnes fines terræ*. Item⁵ : *A, a, a, Domine Deus, ecce nescio loqui*. Vide quod A triplicavit, et in singulari dixit : *Domine Deus*: quod notat trinitatem et unitatem. Item Apostolus⁶ : *Ex quo omnia, per quem omnia, in quo omnia, ipsi gloria in secula*. Et nota quod haec præpositio *Ex* dicit auctoritatem, et esse a nullo : hoc autem Patri convenit, qui est principium sine principio. Sed haec præpositio *Per* notat operationem, sive medium, et esse ab alio : unde per hoc intelligitur Filius, qui est principium de principio. Hæc autem præpositio *In* notat conservationem, et esse ab alio : et propterea competit Spiritui sancto, qui est continentia omnis boni.

Ostenditur etiam beata Trinitas in figuris. Significatur enim per tres amicos⁷ Job; item per tres angelos⁸ quos Abraham hospitio recepit : tres vident, et unum adoravit. Item per tres digitos⁹ quibus appenditur moles terræ. Item per tres civitates¹⁰ refugii æquali spatio a se distantes. Item per tria difficilia¹¹ ad investigandum. Item per tres portas¹² civitatis, quas vidit Ezechiel.

Relucet quoque in creaturis vestigium beatae Trinitatis. Cognoscitur enim in magnitudine creaturarum potentia Patris; in dispositione, sapientia Filii; in ornatu, bonitas Spiritus sancti. Item in quolibet individuo invenies virtutem, speciem et utilitatem; quorum primum convenit Patri, secundum Filio, tertium Spiritui sancto. Item in sole vide essentiam, splendorem et calorem, in quibus Patrem, et Filium, et Spiritum sanctum cognosces. Item in anima, secundum memoriam, intellectum et voluntatem, considera personarum trinitatem, et unitatem substantiae. Item in hierarchia cœlesti superiori Deus est in Thronis, ut majestas; in Cherubim, ut veritas; in Seraphim, ut charitas: per quæ notatur personarum trinitas. Item in virtutibus theologicis, scilicet fide, spe, charitate, idem intellige. Item in tribus dotibus animæ, scilicet cogitatione, comprehensione et delectatione.

Notandum autem quod aliter relucet Deus in creaturis viatoribus, aliter in beatis. Exemplum

⁴ Rom., xi, 36. — ⁷ Job, ii, 11. — ⁶ Gen., xxviii, 1. — ⁹ Isa., xl, 12. — ¹⁰ Deut., iv, 41. — ¹¹ Prov., xxx, 18. — ¹² Ezech., xlvi, 31.

de speculo, in quo alio modo videtur a nobis notus, et aliter ignotus: nam notum videtur in speculo, ignotum per speculum. Ex praeditis patet, quod licet tam in creatura corporali, quam in spirituali, quam etiam ex his composita, beata Trinitas cognoscitur; tamen diversimode, prout unumquodque istorum dicitur vestigium Creatoris: quia aliud dicitur ejus similitudo, et aliud ejus imago, sicut superius¹ est notatum in titulo, quod *Filius est imago Patris*.

Deinde sciendum est quod pluralitatem personarum in unitate essentiae, et unitatem essentiae in personarum pluralitate, secundum Bernardum², scrutari temeritas est, credere pietas est, nosse vita æterna est.

CAPUT XI.

Multiplex trinitas est.

Multiplex inveniuntur in Scripturis trinitas. Est enim Trinitas increata, que summa et ineffabilis est. Aliæ trinitates sunt creatæ: inter has una est quæ cecidit, scilicet rationalis, concupisibilis, irascibilis. Alia est per quam homo cecidit, scilicet suggestio diaboli, delectatio sensualitatis, et consensus rationis: quae tria significata sunt per serpentem, mulierem et virum in paradiſo. Tertia est in quam cecidit, scilicet ignorantia veri, impotentia boni, et concupiscentia mali. Quarta est per quam resurgit, scilicet fides, spes, charitas. Item est trinitas per quam ad gratiam reparanur, scilicet triplex substantia que est in Christo³, scilicet divinitas, anima, et caro. Est autem alia per quam regeneramur, scilicet spiritus, aqua, et sanguis: spiritus, inquam sanctificationis, aqua ablutionis, sanguis redēptionis. Hanc nobis Joannes⁴ in epistola sua recitat. Est quoque trinitas alia, per quam ad gloriam reformamur, ut sunt tres dotes animæ, scilicet cognitio, dilectio, comprehensio. Est et multiplex trinitas in creaturis, que est vestigium beatæ et in-create Trinitatis; et de hoc habes in titulo supra⁵, quod *Trinitas personarum et unitas essentiae est*.

¹ Vid. sup., c. vi. — ² Bern., dc *Consid.*, lib. V, c. viii. — ³ Idem habet Doctor noster in *Itiner. mentis in Deum*, c. vi, n. 70. Vid. hac de questione Labb. *Conc.*, tom. VI, col. 1298, in Cone. Tolet. XIV, necnon ea qua dissertata sunt in opusculo gallico *Affaire de Louvain*, 1862, pag. 118 et 153. — ⁴ Joan., v, 8. —

CAPUT XII.

Equalitas personarum est.

Æqualitas personarum in tribus consistit; unde Augustinus⁶: « Nullus alium præcedit æternitate, aut excedit magnitudine, aut superat potestate. » Quod æqualitas secundum hec tria sit in Deo, sic ostenditur: quia in istis inferioribus tria sunt hec, scilicet substantia, qualitas, et quantitas: igitur unitas in substantia causat identitatem; unitas autem in qualitate causat similitudinem; sed unitas in quantitate causat æqualitatem: in divinis autem est æqualitas tantummodo secundum triplicem quantitatem, prout quantitas in Deo esse dicitur, licet improppie: primo secundum quantitatem virtutis, quæ est potentia; alio modo, secundum quantitatem durationis, quæ est æternitas; tertio modo, secundum quantitatem magnitudinis, quæ ipse est intra omnia et extra omnia, quæ continet et locat omnia.

Æqualitas personarum aliter in istis tribus ostenditur: quoniam in creaturis triplex magnitudo reperitur, scilicet temporalis, dimensionis, et virtutis. Prima magnitudo est in rebus mutabilibus; secunda, in corporeis; tertia, in spiritibus creatis. Iстis tribus respondent in Creadore alia tria, in quibus etiam personæ divinæ sunt æquales, scilicet æternitas in esse, magnitudo in immensitate, et virtus in posse. Haec tamen, licet secundum rei veritatem sint in Deo, secundum differentiam rei in ipso non habent esse, sed secundum quod nostrum respiciunt intellectum. Dicendum est ergo, quod tanta est æqualitas in Trinitate, quod, secundum Augustinum⁷, « nec est majus aliquid, vel duo, vel omnes, quam unus; nec majus aliquid omnes, quam singuli. »

Coeteræ quoque sunt personæ divinæ, quia in divinis non est ponere nisi duo genera, scilicet, substantiæ, et ad aliquid: quantitas vero et qualitas transeunt in genus substantiæ, sicut æqualitas et similitudo dicunt relationes: sed substantia communis est tribus personis; relativiorum autem proprium est simul esse: ergo nullo modo Pater est prior Filio, nec secundum id quod

⁵ Vid. sup., c. x. — ⁶ Imo Fulgentius, *de Fid. ad Petr.*, c. i, n. 4. — ⁷ Aug., *cont. Maximin.*, lib. III, al. II, c. x, n. 2.

absolutum est. Idem ostenditur per exemplum in natura : quia, licet splendor sit a Sole, tamen esset Soli coeternus, si Sol esset aeternus.

CAPUT XIII.

Inter Essentiam, et Personam, differentia est.

Apud Graecos quatuor sunt vocabula, scilicet usia, usiosis, hypostasis, prosopon (a) : haec apud Latinos aequipollent istis quatuor, vide-licet essentia, substantia, subsistentia, persona. Inter haec talis est differentia : quia usia, sive essentia, dicit naturam, ut humanitas; usiosis, sive substantia, dicit habens naturam, sive substans naturae, ut homo; hypostasis dicit distinguibile, non tamen distinctum determinata proprietate, ut aliquis homo; prosopon, sive persona, dicit distinctum cum determinata proprietate ad dignitatem pertinente, ut Petrus, ut sicut homines particulares distincti sunt propriis qualitatibus, ita Pater et Filius et Spiritus sanctus propriis notionibus. Sicut autem Graeci dixerunt Patrem, et Filium, et Spiritum sanctum, scilicet tres hypostases, id est, tres res; ita et nos dicimus tres subsistentias, id est, tres res non indigentes alia re ut sint. Considerata igitur essentia divina in se, omnino indistincta est; persona vero in se distincta est suis proprietatibus. Considerata autem essentia in personis, vel persona in essentia, modum medium tenet, scilicet unitatem et distinctionem; et hoc patet in appropriatis quae omnibus personis convenient, ut potentia, sapientia, bonitas; sed ad unam magis determinantur. Nota quod semper substantia sumitur pro essentia, et quod essentia nunquam transfertur ad significandam personam.

Tres sunt disdefinitiones personae : « Persona est creatura rationalis individua substantia; » haec sumitur penes naturam rei. Secunda Hugonis de Sancto Victore talis est : « Persona est subsistens per se solam juxta quemdam singularem modum; » haec sumitur juxta etymologiam nominis : dicitur enim persona quasi *per se una*. Tertia est disdefinitione magistralis sic : « Persona est hypostasis distincta proprietate ad dignitatem pertinente. » Nota etiam quod ista quatuor, prout supra sunt exposita et exemplificata, scilicet essentia, substantia, subsistentia,

persona, differunt in creatura, re et nomine; sed in divinis differunt ratione.

CAPUT XIV.

De Immensitate Dei.

Non est in Deo quantitas dimensionis, sed virtutis; nec ubique est Deus mole corporis, sed presentia majestatis, et per hunc modum dicitur immensus. Sed nota quod immensitas quatuor in Deo complectitur, scilicet infinitatem, incomprehensibilitem, incircumscribibilitatem, aeternitatem. Si enim consideratur Deus in se, sic est infinitus; Psalmus¹ : *Magnitudinis ejus non est finis*. Si vero consideratur in comparatione ad intellectum, sic est incomprehensibilis; Apostolus² : *O altitudo divitiarum*, etc. Et propter hoc etiam dicitur³ *sedere super Cherubim*, id est super plenitudinem scientiae et super omnem intellectum. Si in comparatione ad locum, sic est incircumscribibilis; Ambrosius⁴ : « Nihil prescriptum, nihil circumscriptum, nihil dimensus Trinitas habet; non loco clauditur, non terminatione concluditur, non aetate variatur. » Sed si consideratur in comparatione ad durationem, sic est aeternus; Apostolus⁵ : *Regi saeculorum immortali*, etc. De his quatuor dicendum est in sequentibus per ordinem.

Tenendum est certissime quod in Deo non est proprie longitudo, nec latitudo, nec sublimitas, nec profundum; sed haec metaphorice sunt in Deo. Est enim in Deo latitudo charitatis, qua nos ab errore revocat; Hieremias⁶ : *In charitate perpetua dilexi te; ideo atraxi te miserans tui*. Est et longitudi patientiae, qua malos portat, dissimulat namque⁷ *peccata hominum propter paenitentiam*. Est in eo sublimitas sapientiae, qua omnem sensum superat; Apostolus⁸ : *Omnia nuda et aperta sunt oculis ejus*. Est etiam in eo profundum justitiae, qua peccatores damnat, in Matthaeo (b)⁹ : *Ite, maledicti, in ignem aeternum*.

CAPUT XV.

De Infinitate Dei.

Dubitandum vero non est Deum esse infinitum, quia, cum in Deo idem sit potentia et essentia, patet quod essentia ejus est infinita, sicut et potentia. Unde sicut potentia Dei non

¹ *Psal. cxliv*, 3. — ² *Rom.*, xi, 33. — ³ *Psal. lxxix*, (a) *Lege οὐσία, οὐσιώσις, ὑπόστασις, πρόσωπον*. — (b) *Cœt. edit. Matthæus*.

². — ⁴ *Ambros., in Luc.*, lib. II, n. 13. — ⁵ *1 Tim.*, I, 17. — ⁶ *Jerem.*, xxxi, 3. — ⁷ *Sap.*, xl, 24. — ⁸ *Hebr.*, iv, 13. — ⁹ *Matth.*, xxv, 41.

ita potest in tot, quin possit in plura, sic et essentia Dei non est ita in aliquibus rebus, quin possit esse in pluribus; imo si mundi essent infiniti, omnes repleret. Præterea, cum Deus sit rerum causa efficiens, formalis et finalis; sicut *non* est dicere de Deo, in quantum est causa efficiens, quod sit effecta, nec in quantum est causa formalis, quod sit formata, eadem ratione non est dicere, cum sit causa finalis, quod sit finita. Nullo ergo modo dicendum est, Deum esse finitum secundum substantiam, nisi finitum dicatur completum et perfectum.

Sane triplex dicitur infinitum, scilicet negative, privative, contrarie seu disparate. Infinitum negative dicitur per abegationem finis; et sic dicitur infinitum illud, quod non finitur: et hoc modo infinitum est, quod non est natum finiri. Infinitum privative est, quod natum est finiri, non tamen finitur. Infinitum contrarie est, quod habet contrariam dispositionem ad finiendum. Primo modo essentia divina est infinita, quia non habet finem; nec est nata finiri. Similiter, si dicatur infinitum tertio modo, Si vero dicatur infinitum privative, sic non potest dici finita, quia non est nata finiri, imo est finiens omnia.

Item finis dicitur tripliciter: dicitur enim terminus, et secundum hoc quod quantitas continua est potentia infinita, quia est divisibilis in infinitum: et hoc ideo, quia in continuo non est terminus in divisione, sicut nec in numero est terminus in additione. Alio modo dicitur finis idem quod perfectio. Tertio modo dicitur finis, id propter quod unumquodque finitur. Primo modo Deus est infinitus, non secundum quantitatem dimensivam, que in Deo non est; sed secundum quantitatem virtualem, que in ipso est. Sed quia in Deo omnimoda est indivisio virtutis et essentiae, non potest esse infinitas virtutis, quin etiam sit essentiae. Secundo modo materia dicitur infinita, quia caret perfectione. Tertio modo malum culpe dicitur infinitum, quia non est ordinatum ad finem.

CAPUT XVI.

De Incomprehensibilitate Dei.

Creator a creatura cognosci non potest ad plenum in via, vel etiam in patria, quia finiti nulla est proportio ad infinitum. Trinitas sibi

soli nota est, et homini Christo. Unde Bernardus¹: « Nihil Deo præsentius, et nihil incomprehensibilius: quid nempe cuilibet rei præsentius quam esse suum? Sane esse omnium dixerim Deum: nou quod illa sint quod est ipse, sed quia² ex ipso, et per ipsum, et in ipso sunt omnia. Est enim intelligentia nostra ad illam lucem³ inaccessibilem multo minus, quam visus noctua vel vespertilionis ad lucem: unde dicitur in Psalmo⁴: Ambulavit super pellas ventorum, hoc est, super intelligentias etiam angelicas. Verumtamen comprehenditur Deus aliquo modo per fidem (a) in via, Augustinus: « Ments humanae acies invalida in tam excellenti luce non figitur, nisi per justitiam fidei emundetur. » Ad idem Bernardus⁵: « Ita Deus est in irrationalibus creaturis, ut non capiatur ab ipsis. A rationalibus tamen capi potest omnibus per fidei cognitionem; sed a bonis tantum capitur per amorem. » Dicamus ergo quod de Deo sciare possumus quid non sit, non quid sit. Augustinus⁶: « Intelligimus Deum sine qualitate bonum, sine quantitate magnum, sine indigentia Creatorem, sine situ presidentem, sine habitu vel ambitu omnia continentem, sine loco ubique totum, sine tempore sempiternum, sine sui mutatione mutabilia facientem, nihilque patientem. »

Comprehenditur quoque Deus per speciem pro dignitate meritorum in patria. Augustinus: « Videbimus tue majestatis essentiam; et unusquisque eo perspiciebit, quo hic vixerit prius. » Et est exemplum in mari, quod se offert visui, et tamen secundum ambitum totum videri non potest: et hoc est tam propter maris latitudinem, quam propter ipsius nostri visus ad tantam superficiem improportionabilitatem. Hoc igitur tenendum est, quod in via Deum cognoscere possumus quia est, et in patria sicut est, nunquam tamen, nec hic, nec ibi, quid est.

Visus corporalis impeditur tripliciter, scilicet per tenebras, per falsam lucem, per aversionem a re visibili. Eodem modo impeditur visus spiritualis circa cognitionem Dei. Primo, per tenebras peccati, vel erroris; Joannes⁷: Qui facit peccatum in tenebris est. Ad Corinthios⁸:

¹ Bern., in Cant., secundum. xiv, circa fin. — ² Rom., xi, 36. — ³ 1 Tim., vi, 16. — ⁴ Psal. ciii, 3. — ⁵ Bern., super Missus est, hom. iii. — ⁶ Aug., de Trinit., lib. V, c. i, n. 2. — ⁷ 1 Jean., ii, 9. — ⁸ II Cor., iii, 13.

(a) Edit. Ven. finem.

Adhuc cum legitur Moyses, velamen positum est super corda ipsorum. Secundo, per falsam lucem : hoe autem fit, quando quis metitur aeterna secundum naturalia. Exemplum habetur in ligno putrido, quod in nocte quamdam lucem videtur habere, sed cum dies venerit, nihil est. Tertio, per aversionem a re visibili, sive cognoscibili; hoc est, quando quis, spreto incomutabili bono, rebus mutabilibus adhaeret : talium oculis, cum sint ægri, odiosa est lux, et puris est amabilissima. Deus cognoscitur interius, et exterius. Interius dupliciter : quia quandoque per inspirationem, quod paueis datum est; Apostolus ad Corinthios¹ : *Sic hominem in Christo Jesu*, etc. Quandoque per ratioinationem; per quem modum plures philosophi de Deo notitiam habuerunt; ad Romanos² : *Invisibilis Dei*, etc. Exterius etiam cognoscitur dupliciter, scilicet : per creaturas; Apostolus : *Videmus nunc per sperulum*, scilicet creaturarum, que modo sunt speculum Creatoris in presenti : sic e converso ipse Deus erit speculum creaturarum in futuro, in quo omnia videbimus, que ad gaudium nostrum pertinebunt. Item per doctrinam; Apostolus (a)³ : *Fides ex auditu*. Sicut cognoscitur vinum quandoque ex auditu, quandoque visu, quandoque gustu, sic Deus quodammodo cognoscitur auditu : cognoscunt enim Deum, qui audiunt verbum Dei, et per illud credunt. Visu cognoscunt theologi, qui legunt Deum in Scripturis; et philosophi, qui speculantur eum in creaturis. Gustu cognoscunt soli boni; Psalmus⁴ : *Gustate et videte, quoniam suavis*, etc. Et iste ultimus modus perfectissimus est, et certissimus. Dionysius dicit⁵, quod tribus modis cognoscitur Deus, scilicet: per remotionem sive abnegationem, ut cum dicitur : « Deus non est hoc, vel illud », unde Dionysius : « Negativæ de Deo sunt veræ : affirmative vero incompactæ. » Item per eminentiam, ut, cum in creatura inveniatur potentia, attribuenda est Deo summa potentia, et sic de aliis. Item per causam, secundum quod per effectus venitur ad cognitionem causæ, vel per cognitionem motuum ad cognitionem moventis. Item nota quod anima sensu percipit corpora, quia formam in materia, tantum praesente corpore : imaginatione vero corporum similitudines, hoc est formas abstractas a materia, etiam praesente corpore,

¹ II Cor., XII, 2. — ² Rom., I, 20. — ³ I Cor., XIII, (a) Cœt. edit. doctrinam Apostoli.

vel absente; ratione autem corporum naturas, intellectu spiritum creatum, intelligentia vero spiritum increatum.

Sciendum est etiam quod cognoscibilia quædam sunt infra rationem, quædam juxta, quædam supra. Infra rationem sunt, quæ sensu percipimus, ut alba, nigra, et hujusmodi. Juxta rationem sunt que ratione percipimus, ut vera, falsa, justa, vel injusta. Supra rationem sunt, quæ sola divina revelatione comprehenduntur, aut auctoritate Scripturarum creduntur, ut tres esse personas, unum Deum.

CAPUT XVII.

De Incircumscribibilitate Dei.

Ubique Deus est, et tamen nusquam est, quia nec abest ab ullo loco, nec ullo capitur loco. Augustinus: « Deus est in mundo, non inclusus; extra mundum, non exclusus; supra mundum, non elatus; infra mundum, non depresso. » Ex his patet quod Deus est intra omnia; et hoc, quia omnia replet, et ubique præsens est. Item extra omnia est, quia omnia continet, nec usquam valet coarctari.

Sed nota quod haec præpositio *cxtra* dicit ibi non actualem presentiam ad locum, sed potentiam, qua est Dei immensitas, quæ infinitos mundos potest replere, si essent. Item ipse est supra omnia, quia omnibus prestat, nec aliquid ei æquatur. Item infra omnia est, quia cuncta sustinet, et sine ipso nihil subsisteret. Dicimus etiam quod ubique est, non ut indigat rebus, quod in eis sit, sed potius res sui indigant, ut per eum subsistant. Deus enim ante mundi constitutionem fuit ubi nunc est, scilicet in se, quoniam ipse sufficit sibi. Sciendum est ergo, quod aliquid est in loco circumscriptive et diffinitive, ut corpus; aliquid diffinitive, non circumscriptive, ut angelus; aliquid nec sic, nec sic, ut Deus: et hoc ideo, quia non individuatur per materiam, ut corpus, neque per suppositionem, ut angelus. Aliquid est etiam in loco, partim circumscriptive, partim diffinitive, ut corpus Christi in sacramento, quod est totum sub tota hostia, ita quod non excedit, et secundum hoc est circumscriptive; est quoque sic sub hostia, quod non ubique, et sic est ibi quodammodo diffinitive. Corpus autem Christi, licet non sit ubique, cum sit creatura, nec se-
12. — ⁴ Rom., X, 17. — ⁵ Psal. XXXIII, 9. — ⁶ Dion., de Div. Nomin., c. VII.

quare possit in hujusmodi Creatori, in pluribus tamen locis est, id est sub diversis hostiis : et hoc est propter unionem carnis ad Verbum, unde merito habet amplius, quam alia creatura, scilicet, quod in locis pluribus possit esse. Ex prædictis patet, quod esse ubique simpliciter soli conuenit Creatori; sed in loco uno esse, conuenit creaturæ. In pluribus vero locis esse, sed non ubique, conuenit corpori Jesu Christi.

Nota quod Deus est multipliciter in rebus, scilicet : per naturam, et sic est ubique potentialiter, praesentialiter, essentialiter. Item per gratiam, sic est in bonis¹ : *Qui manet in me, et ego in eo, hic*, etc. Item per gloriam, sic est in rationali virtute animæ, ut veritas; in concupiscibili, ut bonitas; in irascibili, ut potestas. Item per unionem; sic fuit in utero Virginis unitus humanæ nature, et in sepulcro unitus carni, et in inferno unitus animæ Christi. Item Deus dicitur esse alicubi per occultorum revelationem; in Genesi² : *Vere Deus est in loco isto*. Item per vestigiorum ejus excellentem representationem; sié dicitur esse in celo, quia ibi maxime reluet sua potentia, sapientia, bonitas. Item per naturæ identitatem, sicut est Filius in Patre, et Pater in Filio, et Spiritus sanctus in utroque. Item per miraculorum operationem; in Exodo³ : *Digitus Dei est hic*. Item per conservationem et gubernationem, sic est in mundo. Item Deus est in seipso ut α et ω , secundum illud :

Die ubi tunc esset, cum preter eum nihil esset.
Tuu ubi, nunc in se, quoniam sibi sufficit ipse.

Per quod patet solutio quæstionis quorundam simplicium, qui quaerunt, ubi Deus fuerit priusquam mundus esset, ubi tunc esset, etc. Item ipse est in mundo, sicut rex in regno. Bernardus : « Deus ubique regnat, ubique imperat, ubique majestas ejus omnia replet, et complectitur universa. » Item in angelo, ut decor; in quantum veritas, in anima, et sicut sapor, in quantum bonitas. Item in Ecclesia est, sicut paterfamilias in domo; unde illud⁴ : *Ecce ego vobiscum sum usque ad consummationem saeculi*. Item in electis, ut liberator a malis, adjutor in bonis; et hoc est quod dicit Bernardus⁵ : « Deus est in creaturis mirabilis; in hominibus amabilis; in angelis desiderabilis; in seipso incomprehensibilis; in reprobis intole-

rabilis. » Item in damnatis, ut terror et horror; Augustinus : « Qui te dimittit, quo it, nisi a te placato ad te iratum? Non enim manum Domini possumus effugere. Psalmus⁶ : *Si ascendero in cœlum, tu*, etc. Si vero dubitatur, utrum Deus sit in diabolo, sciendum quod quædam nomina sunt, quæ important naturas, prout naturæ sunt : in his concedendum est quod Deus insit, sunt alia per quæ intelliguntur deformitates, ut diabolus : de quibus non est dicendum quod Deus insit, nisi addatur : « in quantum spiritus est, » vel aliquid tale. Deus est in anima fidei, ut sponsus in thalamo, rex in regno, turris in castro; item sicut magister in scholis, fons in hortis, lux in tenebris; item sicut thesaurus in agro, vinum in cellario, carbunculus in auro; item sicut mamma in arca, sigillum in charta, medicina in apotheca; item sicut cithara in convivio, imago in speculo, mel in favo; item sicut fructus in arbore, oleum in lampade, lumen in convalle.

C A P U T X V I I I .

De Æternitate Dei.

Sicut Deus ubique est, et tamen nullo loco circumscribitur, vel contingitur; sic æternus est, et tamen nullo tempore mensuratur. Non enim ei competit tempus præsens, nec præteritum, nec futurum. Nam tempus præsens manens esse non habet, quia pertransit; Deus autem semper manet idem. Unde Hilarius : « Esse non est accidentis Deo, sed subsistens veritas, et manens causa. » Similiter tempus præteritum modo non est, nec habet esse subsistens; sed de Deo dicitur in Psalmo⁷ : *Ipsi peribunt, tu autem permanes*. Similiter tempus futurum non est, sed expectatur; Deus autem semper est. Unde Mercurius : « Sola monas est α et ω sine α et ω , hoc est, quia Deus est principium sine principio, et finissime fine. Cum enim simplex sit omnino, non habet in se principium contrarietatis, quod est causa corruptionis. Quid autem sit æternitas secundum rem, sciendum quod proprie dicitur diurnitas sine principio, et sine fine et mutabilitate : et secundum hoc convenit æternitas soli divinae naturæ, in qua est diurnitas immensa. Æternitas vero secundum etymologiam dicitur quasi *extra terminos*, quia termino caret, tam initiali, quam finali : sed secundum diffi-

¹ Joan., xv, 5. — ² Gen., xxviii, 15. — ³ Exod., viii,

19. — ⁴ Matth., xxviii, 20. — ⁵ Bern., Medit., c. i. —

⁶ Psal. cxxxviii, 8. — ⁷ Psal. cl, 27.

nitionem Boetii, in libro *de Consolatione*¹ : « *Æternitas est interminabilis vite tota simul et perfecta possessio.* »

Ad hujus diffinitionis intelligentiam notandum, quod in quibusdam est determinabilitas simpliciter, quia ex parte ante et ex parte post, ut sunt generabilia et corruptibilia, ad quorum differentiam ponitur *interminabilis*. Et bene ponitur illud per negationem, quia simplicia, et præcipue divina, nullo modo melius manifestantur quam per remotionem, ut ait² Dionysius. Et hujus ratio est, quia simplicium esse non potest intellectus perfecte comprehendere, et ideo ex negationibus eorum, quae ab ipsis removentur, manudecitur intellectus ad ea alius qualiter cognoscenda. Item in quibusdam est interminabilitas essentiæ, sed non vite, ut in corporibus cœlestibus : ad quorum differentiam additur *vite*. De Deo autem dicit Apostolus³, quod *solas habet immortalitatem*. In omni enim mutabili natura, nonnulla mors est ipsa mutatio, quia facit in ea aliquid non esse, quod prius erat. Unde et homo, quando nascitur, quadam modo incipit mori. In quibusdam autem est interminabilitas vite, sed tamen cum miseria et infelicitate, ut in daemonibus et damnatis : ad quorum differentiam additur *possessio*, in cuius intellectu est jucunditas felicitatis, quia tunc possessio aliquis rei jucunda dicitur, quando ad libitum habetur. In quibusdam est interminabilis vite possessio, sed non tota, ut in hominibus beatis ante judicium, quorum est beatitudo secundum partem animæ, et non corporis : ad quorum differentiam dicitur *tota*, quia totum est quod non est diminutum, vel cuius nihil est extra. In quibusdam est interminabilis vite possessio *tota*, ut in angelis beatis ante judicium, quia secundum totum sui substantiam habent felicem et interminabilem vitam, sed non simul, cum aliqua sit in eis successio revelationum et gaudiorum : ad quorum differentiam ponitur *simul*. In quibusdam est interminabilis vite possessio *tota simul*, sed tamen non *perfecta*, eo modo quo dicimus perfectum nullo indigens, sicut est in angelis, et in hominibus beatis post judicium : ad quorum differentiam additur *perfecta*, id est, nullo indigens ad suum beatum esse.

Patet igitur ex prædicta diffinitione, quod tres ponuntur ibi conditiones, quae sunt inse-

¹ Boet., *de Consol.*, lib. V, pros. 6. — ² Dion., *de Div. Nom.*, c. vii, § 3. — ³ 1 Tim., vi, 16. — ⁴ Mal.,

parabiles ab æternitate increata, quæ Deus est, scilicet interminabilitas, ibi : *Interminabilis vita possessio*; item invariabilitas, ibi : *tota simul*: nihil enim variabile est in Deo, sed totum simul. Item simplicitas, ibi : *perfecta*: illud enim summe perfectum est, cui non est possibilis aliqua additio. Per primum separatur Deus ab omni corruptibili; per secundum, ab omni variabili; per tertium, ab omni composito. Item nota quod illud quod caret principio et fine, dicitur *æternum*, ut Deus, cujus esse interminatum est. Sed quæ principium habent, et carent fine, dicuntur *perpetua*, ut angelus et homo. Quæ vero principium et finem habent, dicuntur *temporalia*, ut sunt corruptibilia, sicut vegetabilia, bruta, sensibilia, et hujusmodi.

CAPUT XIX.

De Incommutabilitate Dei.

Immutabilis est Deus, et impermutabilis, et incommutabilis. Immutabilis, quia non cadit in eo motus accidentialis, scilicet accidentium. Leo Papa : « Simplici nature divinitatis nihil addi, vel diminui potest, quia semper est quod est. » Item, nec diminutio; Malachias⁵ : *Ego Deus, et non mutor*. Item nec alteratio; Jacobus⁶ : *Apud quem non est transmutatio*, etc. Item nec secundum locum mutatio, quia ubique presens; Hieremias⁶ : *Cælum et terram imploeo*. Impermutabilis autem est, quia non cadit in eum motus substantialis, qui est de non esse ad esse generatio, quia initium non habuit, nec ille qui est de esse ad non esse, (a) quia finem non habebit : illud enim solum in nihil est vertibile, quod est de nihilo. Incommutabilis est etiam Deus, ex eo quod non cadit in eum motus ex operatione : nam soli Deo convenient in operatione quietum esse. Unde Boetius⁷ :

O qui perpetuus mundum ratione gubernas,
Terrarum cœlique sator, qui tempus ab ævo
tre juhes, stabilisque manus das cuncta moveri.

Unde quando Deus facit aliquam rem, non fit in ipso Deo aliqua mutatio, sed in re circa quam operatur. Quod autem fecit Deus prædicare subversionem Ninive, et prædicere mortem Ezechie, quorum neutrum accidit, in talibus non mutavit Deus consilium, quod ab æterno secum habuit, sed sentientiam, quæ res-

111, 6. — ⁵ Jac., 1, 17. — ⁶ Jerem., XXIII, 24. — ⁷ Boet., *de Consol.*, lib. III, matr. 9. — (a) Cœl. edit. præmitt. ut.

peatum habuit ad ipsa negotia : quia Ninive subvertend: erat secundum merita, et Ezechias moritum: erat secundum causas inferiores : sed haec non imposuerunt necessitatem divinae potentiae.

Item tres distinguuntur motus, scilicet naturalis, voluntarius, et violentus. Naturalis est, quo naturaliter res tendunt ad locum proprium. Motus autem violentus est, quando coguntur res esse extra locum proprium. Sed motus voluntarius est in hominibus, vel in angelis : nam bruta naturaliter moventur, quando currunt, vel moventur, vel operantur : et iste motus est medius inter naturalem et violentum, quia partim est naturalis, scilicet in quantum voluntas conjungitur suo actui, sicut causa suo effectui; et partim est violentus, in quantum scilicet moventur membra contra motum. *um naturali:* propter quod etiam lassantur, que ex motu naturali nunquam lassarentur.

Igitur primo modo motus non est in Deo, scilicet naturalis : et hoc probatur per quatuor rationes. Prima est, quia omnis motus est ad quietem, et propter indigentiam, sicut dicit Philosophus : sed Deus nullius eget. Secunda est, cum sit ubique, non habet necesse de loco ad locum moveri. Tertia est, quia non est in co gravitas vel levitas, propter quam sursum et deorsum moveatur. Quarta est, quod eum Deus in seipso semper maneat, non habet necesse locum proprium et sibi naturalem extra se quadrare, sicut (*a*) creaturae. Iten secundo modo non moventur, scilicet motu violento, quia non fit ei violentia ; Job¹ : *Si fortitudo queritur, robustissimus est.* Item tertio modo non moventur, scilicet motu voluntario, quia in opere non lassatur, ut animalia. Præterea nostra mens est instabilis, quia modo proficimus, modo deficimus, modo reminiscimur, modo oblivisci- mur, modo volumus, modo nolumus, modo diffusis cogitationibus, atque affectionibus, et consilis hue atque illuc vagamur : Deus autem semper se habet æqualiter et immobiliter.

Item aliud est motus circularis, aliud rectus, aliud obliquus. Circularis est corporum superiorum, prout firmamentum moventur secundum formam quidem, ut dicit Philosophus, non secundum substantiam. Hoc est dicere, quod non moventur ad locum, sed in loco. Motus autem rectus sursum est, vel deorsum, se-

cundum quod corpora inferiora moventur propter levitatem, vel gravitatem. Motus obliquus compositus est ex recto et circulare: unde quod reflectitur, habet a motu circulare; quod vero linealiter procedit, habet a recto. Nullo autem istorum modorum movetur Deus, quia proprietates istorum motuum non convenient ei. Possumus autem dicere, quod isti motus Deo convenient mystice, ut dicatur moveri motu circulare, omnia regendo et gubernando; item motu recto, bonos remunerando; item motu obliquo, perversos a peccato mundando. Eodem modo posset dici, quod Deus moventur motu naturali, quo solita scilicet bonitate omnibus creaturis pro captu earum se communicat; item motu violento, quo peccatores juste damnati; item motu voluntario, quo cuncta in esse conservat. Sic potest exponi dictum Philosophi, qui assignavit motum a centro, et ad centrum, et circa centrum; quoniam Deus moventur ad centrum in incarnatione, et a centro in ascensione, et circa centrum in prædicatione. Propter hec et his similia, dicitur in libro Sapientie²: *Spiritus sanctus est mobilis, et stabilis*: mobilis, quia facit sanctos mobiles ad bene operandum, et in bono proficere; stabilis autem, quia dat in bono perseverare: vel mobilis in via, stabilis in patria: vel mobilis in activis, stabilis in contemplativis: vel mobilis in aliis sanctis, stabilis in Christo; Isaías³: *Requiescat super eum spiritus Domini*, etc. Secundum quod quædam operationes attribuuntur Deo secundum causalitatem et essentiam, ut scire; quædam secundum causalitatem, et non essentiam, ut comedere et currere; quædam secundum essentiam, et non causalitatem, ut creare et justificare; quædam auctoritatem, ut docere et predicare; quædam nec sie, nec sic, ut peccare, et mentiri, et hujusmodi.

CAPUT XX.

De Simplicitate Dei.

Simplex est Deus, et angelus et anima, sed differenter: quia in Deo idem est quod est, et quo est: et haec est perfecta simplicitas. Bernardus⁴: « Ille sola inreata natura hanc sibi vendicat simplicitatem, ut non aliud et aliud, alibi et alibi, modo et modo inveniatur in ea: nempe quod habet et quod est, semper et uno

(a) *Cœl. edit. præmitt. aliæ.*

¹ Job, ix, 19. — ² Sap., vii, 22, 23. — ³ Isa., xi, 1.
— ⁴ Bern., in Cantic., serm. LXXX, post med.

modo est. Sed in angelo et in anima differunt quod est, et quo est: et ideo est ibi quedam alteritas et compositio quantitatis. Unde Mercurius: « In supercelesti est unitas, in cœlesti alteritas, in subcelesti pluralitas. » Simplex est itaque Deus in essentia, quia nihil ei accidens esse potest; imo perfecta simplicitas ibi est, cum non sit ibi possibilis additio; quia quidquid est in Deo, Deus est. Unde Leo Papa: « Simplici divinitatis naturæ nihil addi, vel minui potest: quia semper est quod est, cui primum est sempiternum esse, cui idem est vivere et intelligere. » Verumtamen multiplex est in donis: Apostolus¹: *Altius datur sermo sapientiae*, etc. Jacobus²: *Omne datum optimum, et omne donum perfectum*, etc. Non enim in Deo est compositio partium integralium, ut in domo; nec partium potentialium, ut in anima; nec generis et differentiarum, ut in specie; nec materiarum et formarum, ut in corporibus; nec coacervationis unitatum, ut in numero; nec quod est, et quo est, ut in angelo; nec substantiae et accidentis, ut in individuo; nec corporeae substantiae, et incorporeæ, ut in homine. De his Bernardus³: « Non partibus constat Deus, ut corpus; nec affectibus distat, ut anima; nec formis substat, ut omne quod factum est. » Hoc etiam ostenditur ratione, quia cum omne compositum sit posterius omnibus suis componentibus, nec primo principio quidquam sit prius, oportet Deum, qui est primum principium, non esse compositum. Præterea nullum compositum est totum suum esse: Deus igitur, cum sit suum esse, non erit compositus. Unde Bernardus: « Non est formatus Deus; forma est: non est effectus Deus; omnium efficiens causa est: non est compositus Deus; simplex est. »

CAPUT XXI.

De Excellentia Dei.

Divinæ dignitatis excellentia tanta est, quod mens deo cogitans deficit, cum sit incomprehensibilis: sensus eum non percipit, cum sit invisibilis: lingua ipsum non explicat, cum sit ineffabilis: locus eum non capit, cum sit incircumscribibilis: scriptura eum non explicat, cum sit inestimabilis: tempus eum non mensurat, cum sit immensurabilis: virtus eum

non attingit, cum sit inaccessible: desideria et vota transgreditur, cum sit insuperabilis, vel incomparabilis: et breviter omnis creatura ad Deum comparata, defectum habet, quia finiti ad infinitum nulla est propria. Ecce patet quod divina excellencia nullius eget, quia sibi sufficit. Non enim indiget corpore, ut sit; nec loco, ut alicubi sit; nec tempore, ut aliquando sit, nec causa, ut aliende; nec forma, ut materia sit: nec subiecto, in quo subsistat, vel cui assistat.

Sunt et alia quæ soli divinæ majestati convenient, et nulli alii (r) creature, in quibus excellentiæ sue dignitas apparet: sicut est esse omnipotentem, omnibonum, omniscientem; quia cognoscit omnia presentia, præterita, et futura; et omnia singularia simul actu solus cognoscit; ea quæ subsunt libero arbitrio, et cogitationes hominum solus cognoscit per seipsum. Item ad ipsum solum pertinet ubique presentem esse, de nibilo res creare, in instanti operari, in operatione quietum esse, mirabilia facere ex auctoritate, de qualibet creatura facere quod vult, voluntatem hominis cognoscere (a), in ictu oculi mortuos suscitere, essentie animæ illabi, peccata dimittere, gratiam infundere, in igne perpetuo corpus servare.

Quando aliquid creaturæ convenit quod competit Creatori, tamen excellentius de Deo dicitur, ut si in creatura est potentia, in Deo sit summa potentia; si sapientia, in Deo sit summa sapientia, et sic de aliis. Unde et hujusmodi dicuntur de Deo in superlativo: propter quod Deus dicitur potentissimus, sapientissimus, justissimus, optimus, pulcherrimus, et sic de aliis. Augustinus, in libro de Trinitate⁴: « Oportet ut Deum (b) et summe vivere, et cuncta sentire atque intelligere, nec mori, nec corrumphi, nec mutari posse, nec corpus esse, sed spiritum omnium potentissimum, justissimum, speciosissimum, optimum, beatissimum fateamur. » Potest etiam præter auctoritatem rationcinari: quia bona sunt excellentias in Deo, quam in creatura, quia semper est aliquid nobilis in causa, quam in causato: videmus etiam quod aqua purior est in fonte, quam in rivo. Radii quoque solis lucidiores sunt in ipso sole, quam in aere, et dulcedo major est in melle, quam in mellito.

¹ Cor., XII, 8. — ² Jac., I, 17. — ³ Bern., de Consid., lib. V, c. VII. — ⁴ Aug., de Trin., lib. XV, c. IV, n. 6.

(a) *Al. cogere.* — (b) *Cæst. edit.* Oportet Deum ut est. — (c) *Suppl.* id est.

CAPUT XXII.

De Notionibus Dei.

Notiones Dei sunt quinque, scilicet paternitas, filiatio, processio, innascibilitas, et communis spiratio. Prima est Patris, secunda Filii, tertia Spiritus sancti, quarta Patris, quinta Patris et Filii. Tres primæ notiones dicuntur personales, eo quod personas faciunt, et eas proprie distinguunt: et illæ sola sunt tres unitates trium personarum, quibus persone dicuntur tres: unde licet Pater plures habeat proprietates, tamen Pater paternitate tantum unus est, indivisus est in se, et divisus ab aliis. Innascibilitas autem est in Patre, et sumitur privative, eo quod Pater sit a nullo: et tamen Patrem notificat, sicut ovis non signata per hoc ipsum distinguitur a signatis. Similiter communis spiratio est una notio, et illa unitas est idem in Patre et Filio, et est distincta ab omni alia notione. Notandum igitur quod, proprie loquendo, tres sunt proprietates personales, scilicet, paternitas, filiatio, et processio: quia personalis proprietas est quæ uni soli persone convenit, et eam ab omni alia re distinguunt.

Relationes vero sunt quatuor, quia una est Patris ad Filium, scilicet, paternitas; alia Filii ad Patrem, scilicet, filiatio; tertia est Patris et Filii ad Spiritum sanctum, scilicet communis spiratio; quarta Spiritus sancti ad Patrem et Filium, scilicet processio.

Notiones autem sunt quinque, quia quelibet relatio est notio, et præterea innascibilitas, que Patri convenit per privationem relationis ad aliquod principium, non est relatio. Notiones habent multa nomina: dicuntur enim *notiones*, quia notificant personas; dicuntur etiam *distinctiones*, quia personas distinguunt; dicuntur *relationes*, quia personæ per eas ad se invicem referuntur; dicuntur quoque *proprietates*, quia proprie personis insunt.

Nota regulas notionum. Nulla notio de alia prædicatur. Item: Qualibet notio est essentia divina, quæ Deus est. Item: Omnes notiones sunt una essentia. Item: Nulla notio inest divinae essentiae distinguens eam, quia ipsa non distinguit, nec distinguitur. Item: Notiones sumptue abstractive prædicantur de essentia, sed sumptue concretive, non: unde bene dicitur: Essentia est paternitas; sed non dicitur essentia generans. Item: Notio semper impor-

tat dignitatem. Item: Supposita notione, non ponitur persona, quia aliquid convenit notioni, quod non convenit personæ. Notioni enim convenit proprie distinguere; sed personæ distinguiri.

CAPUT XXIII.

De Nominibus Divinit.

Omne nomen quod de Deo dicitur, aut essentiale, aut personale, aut notionale est. Essentialium quedam sunt substantiva, ut *Deus Creator*, et similia; quedam vero adjectiva, ut *bonus*, *æternus*, *immensus*, et hujusmodi. Personalia, ut *Pater*, *Filius*, et *Spiritus sanctus*. Notionalia sunt, ut *Paternitas*, *filiatio*, *innascibilitas*, et hujusmodi. De his notandum, quod nomen substantiali, vel essentiale, substantivum et abstractum, nullo modo potest trahi ad supponendum pro persona: unde falsæ sunt haec: « *Essentia genuit essentiam*, » vel « *Divinitas divinitatem*: » *actus enim generationis semper ponendus est in concreto*. Sed concreta, licet sint essentialia, trahi tamen possunt ad supponendum pro persona, et hæc per verba notionalia, vel per propositiones notionales. Unde veræ sunt haec: « *Deus genuit Deum, Creator Creatorem*, » vel « *Deus de Deo*. » Similiter de nominibus que media sunt, ut « *lumen de lumine*. » Item hoc nomen *sapiencia*, licet sit abstractum, ut « *sapientia de sapientia*, » tamen potest ex usu sumi ut non abstractum. Essentialium autem adjectivorum quedam prædicant pure divinam substantiam, ut *bonus*, et *ens*; quedam essentiam divinam, connotando privationem principii et finis, ut *æternus*; vel certæ mensuræ localis, ut *immensus*; quedam principaliter significant essentiam divinam, et connotant effectum in creatura actu, ut *creat*, *justificat*; vel in habitu, ut *justus*, et *misericors*, vel in potentia, ut *omnipotens*. Sunt quedam verba, quorum nec significatio, nec modus significandi, Deo convenit, ut *currere* et *ambulare*: nam modus est varia inclinatio animi varios ejus effectus demonstrans. Modus significandi nihil aliud est, quam dispositio vocis, qua constituit intellectum sub tali modo intelligendi, et per consequens ipsam rem. Cum ergo dicitur de *Deo ambulare*, vel *currere*, et hujusmodi, significatio horum, prout sunt actu, Deo non convenit. Modus autem significandi quamdam importat imperfec-

tionem, dico quoad motum, qui quidem motus necessitatis convenire non potest. Quædam sunt quorum significatio Deo convenient, sed non modus significandi, ut *creare, facere*. Quædam sunt quorum significatio, et modus significandi Deo convenient; ut patet in hoc verbo Exodi¹: *Qui est, misit me ad vos*.

Et notandum, quod omnia quæ sunt perfectionis, de Deo vere dicuntur; quæ autem sunt imperfectionis, non dicuntur: vel (a), cum dicuntur, aut secundum assumptionem humanæ nature, aut translative dicuntur.

Item in divinis tantum sunt duo modi praedicandi, scilicet per modum substantiæ, et per modum relationis: sed substantia continet unitatem, et relatio multiplicat Trinitatem.

Quædam sunt nomina quæ de Deo dicuntur aeternaliter, ut *Dominus* et *Misericors*, quæ connotant effectum in creatura secundum habitum; quædam vero temporaliter, ut *Dominator* et *Miserator*, quæ connotant effectum in creatura secundum actum; quædam pluraliter, ut *personæ*; quædam singulariter, ut *Deus*; quædam proprie, ut proprietates personarum; quædam appropriate, ut *potentia, sapientia*; quædam positive, ut *justus*; quædam privative, ut *immortalis*: et hæc magis proprie dicuntur de Deo, quam positiva, quia melius dicitur de Deo, quid non sit, quam quid sit. Quædam translative, sicut *leo*; quædam (b) symbolice de Deo dicuntur, ut *agnus, leo*. Duplex est enim theologia, symbolica videlicet, et mystica. Symbolica nominat Deum ab inferiori; mystica, a superiori. Symbolica nominat Deum per convenientiam rerum, cum dicitur *leo, agnus*, et hujusmodi; mystica vero, id est occulta, nominat Deum per hoc, quod in occulto de ipso sentit per intellectualem visionem, sive contemplationem, ut quando nominat Deum suavem, dulcem, dilectum, et hujusmodi. Utrobius tamen per creaturas nominatur; sed in symbolica per exteriore, in mystica per interiores et digniores affectus, quos anima supra se recipit: et ita imponit per donum sapientiæ, cuius proprium experimentum est cognoscere qualis sit Deus. Quædam dicuntur collective, ut *Trinitas, trinus*; quædam relative, ut *aqualis, similis*; quædam respective ad creaturas, ut *Creator, refugium*. Et hæc nomina non dicunt relationem Dei ad aliud, sed aliorum ad Deum.

(a) *Cæt. edit. non habent* vel. — (b) *Cæt. edit.* quæ. — (c) *Item sine.*

Duo sunt principalia nomina Dei, scilicet *Qui est*, et *Bonum*. Per primum significatur Dei esse absolutum in se, et sic consideratur ut infinitum, quia *Qui est* dicit substantiam infinitam, cum sit nomen infinitum. Per secundum notatur esse divinum, ut causa: fecit enim Deus omnia propter bonitatem suam. In theologia supponitur quid, et hoc per nomina essentialia, ut *Deus, divinitas, potentia, essentia, natura*. Item supponitur quis, ut cum supponitur persona. Item supponitur quæ, ut cum supponitur ratio. Præterea per neutrum genus dicitur substantia divina; per masculinum persona; per femininum, notio: et per hoc patet, quod non debet cantari in hymno: *Unus Patri cum Filio*, quia Pater et Filius non sunt unus in persona, sed unus in substantia: unde magis cantandum est: *Unum Patri cum Filio*.

CAPUT XXIV.

Deus est ineffabilis.

Nihil digne vel proprie de Deo dicitur, propter ejus excellentiam. Non enim per nomina propria de Deo loquimur, quia nomina significant substantiam cum qualitate, et ita intelligitur ibi compositio formæ cum materia, que in Deo non est; nec per pronomina, quia de Deo dicta cadunt a demonstratione: non enim potest esse ibi demonstratio ad sensum, cum sit incorporeus; nec demonstratio ad intellectum, cum sit incognoscibilis. Si ergo dicis, quod hujusmodi pronomina secundum Priscianum, si cadunt a demonstratione, cassa essent et vana, dicendum est quod ibi est demonstratio ad fidem. Nec per verba quæ cum modis et formis, cum tempore, sive (c) casu agendi, vel patiendi, significantia sunt: sed talia non cadunt in Deum. Neque per participia, que sequuntur naturam nominis et verbi. Nec per alias partes orationis, quæ non sunt subiectibiles, vel praedicabiles. Ex his patet, quod Deum non possumus notificare per diffinitionem, sed qualitercumque per circumlocutionem. Unde Bernardus²: «Quid est Deus? Ex quo omnia, per quem omnia, in quo omnia. Quid est Deus? Quo nihil melius cogitari potest. Quid est Deus? Voluntas omnipotens, benevolentissima virtus, lumen aeternum, incommutabilis ratio, summa beatitudine».

¹ Exod., III, 13. — ² Bern., de Consid., lib. V, c. vi et vii.

tudo, invisibilis, inaccessibilis in se, in suis spectabilis, et solus mirabilis. »

Multis modis asseritur aliquid de Deo : primo, per naturalem rationem, qua dictat, quod unus Deus est remunerator bonorum, et punitor malorum ; secundo, per fidem, qua dicimus Deum unum esse in substantia, et trinum in personis ; tertio, per sacram Scripturam ; quarto, per rationes probabiles ; quinto, per extiores prædicationes. Sed in his duobus ultimis modis non est innitendum, nisi firmatum habeant (*a*) ab aliquo predictorum trium. Est enim regula, quod quicumque asserit aliquid de Deo, quod non est sibi certum per naturalem rationem vel per fidem, vel per sacram Scripturam, presumit et peccat.

CAPUT XXV.

De Ideis et Libro vita.

Ideæ rerum, et exemplar, et rationes sic in Deo sunt, quod idea importat causam efficientem conformem effectui ; sed exemplar, causam formalem ; ratio vero, causam finalē. Deus enim omnium rerum est principium, a quo sunt ; forma et exemplar, ad cuius imitationem sunt ; et finis ad quem sunt. Hec tria sic a se differunt, quod exemplar unum est, quia exemplar connotat causalitatem ; causata vero in causa sunt unum ; sed rationes et ideæ sunt plures, quia iste (*b*) respectu rerum dicuntur. Sunt itaque plures ideæ, quae connotant cognitionem : cognoscibilis enim (*c*) distinguuntur in cognoscente. Similiter et rationes in Deo plures sunt, quia singula causata sunt suis rationibus. Absurdum enim est dicere, ut ait Augustinus¹, equum ereatum esse ea ratione, qua hominem.

Sciendum autem est, quod duplex est pluralitas : una quidem est rerum, et secundum hoc non sunt plures ideæ, sive exemplaria in Deo ; imo una res est, que omnium est exemplar, scilicet essentia divina, quam omnia imitantur, in quantum bona sunt ; alia vero est secundum intelligentiam rationem, et secundum hoc plures ideæ sunt in Deo, quia omnes res, in quantum sunt, divinam imitantur essentiam, prout est imitabilis, non tantum uno modo, sed diversimode, et secundum diversos gradus. Sic igitur divina essentia, secundum quod est imitabilis

hoc modo ab hac creatura, est propria ratio hujus creaturæ ; et similiter de aliis. Unde secundum hoc plures ideæ in Deo sunt, quia intelligitur divina essentia secundum diversos respectus, quos res habent ad ipsam, eam imitantes diversimode : hujusmodi autem non solum intelliguntur ab intellectu creato, sed etiam ab inchoato ipsius Dei. Sic enim Deus et ab æterno scivit, quod diverse creature diversimode ipsius essentiam essent imitaturæ ; et secundum hoc ab æterno fuerint in mente divina plures ideæ, secundum quod intelliguntur sicut rationes propriæ rerum intellectæ in Deo : hoc enim importat nomen ideæ, ut sit scilicet quedam forma intellecta ab agente, ad cuius exemplum exterius opus producere intendit. Dicendum est ergo, quod licet rationes in Deo et ideæ sint una veritas, una lux, et una essentia, dicuntur tamen plures rationes et ideæ, propter pluralitatem ideatorum : cuius exemplum habemus in naturis. Videmus enim quod omnes lineæ circuli uniuersit in centro ; remote autem a centro differunt ab invicem. Item ideæ sunt, ut dicit Augustinus², « forme principales rerum, quæ divina intelligentia continentur. » Dicendum est igitur, quod sicut in mente artificis prius est forma rei, quam opus exeat, sic ideæ rerum ante mundi constitutionem in mente Creatoris crant : non enim aliquid extra se aspiciebat, secundum quod mundum faceret. Ex hoc patet quod omnis creatura prius in Deo existit, quam in seipsa : unde cum ab ipso per creationem processit, ab ipso quodammodo distare coepit : unde rationalis creatura ad ipsum redire debet, cui primo conjuncta fuit, antequam esset, et hoc per ideas, que non aliud, quam ipse Deus sunt, et erunt. Si autem³ ad locum unde exierunt, flumina revertuntur.

Res, prout sunt in Deo, dicuntur vita, quæ importat rationem boni⁴ : *Quod factum est, in ipso vita erat.* Dicuntur etiam lux, quæ importat rationem veri ; Augustinus, *super Genesi* : « Creaturæ in Deo sunt lux. » Hec ideo dicuntur, quia in Deo non sunt mala, neque falsa.

Differentia est inter exemplar, et librum vita, et speculum. Exemplar enīm dicitur respectu rerum, ut redeundum tanquam ad causam primam, quia connotat creaturam, ut supra dictum est. Speculum dicitur respectu rerum euntium. De libro vita dicit Hugo de Sancto Victore, quod

(*a*) *Cœl. edit.* habeat. — (*b*) Ista. — (*c*) autem.

¹ Aug., *de div. Quæst. LXXXIII*, q. XLVI, n. 2. — ² Id., *ibid.* — ³ *Eccle.*, 1, 7. — ⁴ *Joan.*, 1, 4.

liber vitae est cuius origo aeterna, incorruptibilis essentia, cognitio vera, scriptura indelebilis, inspectio desiderabilis, doctrina facilis, scientia dulcis, profunditas imperscrutabilis, verba innumerabilia, tamen unum Verbum omnia. Idea vero, moraliter loquendo, multipliciter est in Deo, scilicet sicut ramus in arbore, apis in flore, navis in littore, sessus in thalamo, thesaurus in agro, scriptura in libro, avicula in nido, pisces in rivo: quaelibet res in sibi proprio, stella in firmamento, imago in speculo, cera in sigillo, gemma in auro, mel in favo.

CAPUT XXVI.

De Appropriatis divinis Personis.

Quamvis omnia essentialia omnibus personis aequaliter convenient, appropriatur tamen Patri potentia, Filio sapientia, Spiritui sancto bonitas: et hoc propter exclusionem carnalis intellectus, ne videlicet Pater ratione antiquitatis credatur impotens, Filius ratione juvenitatis credatur insipiens, Spiritus sanctus ratione impetuositatis credatur crudelis. Hæc ratio pertinet ad simplices; alia pertinet ad sapientes, scilicet, quod potentia naturaliter præcedit sapientiam, et utraque bonam voluntatem. De attributis itaque est loqui dupliciter: aut secundum rem, et sic omnino idem sunt, nec appropriantur; aut secundum rationem, et sic eorum quedam appropriantur, quedam non: nam appropriatio nihil aliud est quam specialis attributio ratione alicujus conformitatis cum proprio illius personæ: sicut potentia habet similitudinem cum Patre, qui est principium universale; et sapientia, cum Verbo; et bonitas, cum amore. Predicatam appropriationem habet consuetudo Scripturarum, quæ opera manifestativa potentie attribuit Patri, sapientie Filio, bonitatis Spiritui sancto. Alia est appropriatio Hilarii¹: aeternitas in Patre, qui non habet principium inceptionis in se, nec principium essendi ab alio; species in imagine, id est, in Verbo, quia summe pulchrum; usus in munere, hoc est, in Spiritu sancto, quia summe proficuum et communicativum est. Istud per alia verba sic insinuat Augustinus²: « In Patre unitas, in Filio aequalitas, in Spiritu sancto unitatis aequalitatibus concordia. » Convenit autem

Patri unitas, quia, sicut unitas a nullo descendit, et omnis pluralitas ab ea defluit, sic Deus Pater a nullo est, et aliae personæ ab ipso sunt. Præterea, sicut unitas de se gignit unitatem, ita de se Pater gignit alterum se, id est, Filium. In Filio vero dicitur esse aequalitas, qua aequaliter Patri non solum in potentia, et sapientia, et bonitate; sed etiam in hoc, quia sicut Pater dicit suam bonitatem alteri persone, sic et Filius. In Spiritu sancto autem unitatis aequalitatibus concordia, seu connexio, quia est amor amorum, id est, Patris et Filii. Item quarta appropriateatio est, quod in Patre est ratio principiandi et originandi, quia summe primum; in Filio vero ratio exemplandi, quia summe pulchrum; sed in Spiritu sancto ratio faciendi, quia summe bonum.

CAPUT XXVII.

De Potentia Dei.

Potentia Dei duplex est, scilicet absoluta, et ordinata. Multa vero potest primo modo, quæ non potest secundo modo, quia multa subsunt suæ potentie, que non congruant sibi ut nunc facere, posset tamen facere ea congruentia, et sic posset ea facere. Deus omnia potest omnibus modis, quia potest perducere de non esse in esse, et hoc per creationem; item potest ex incompleto completum facere, et hoc per propagationem; item potest mutare unum completum in aliud completum, sicut patet in transubstantiatione panis in corpus Christi. De talibus diecit Augustinus³: « Demus Deo aliquid posse, et nos intelligere non posse. » Potentia Dei apparet in mundi initio, medio, ac fine: in principio quidem, quia res creavit de nihilo; in medio autem, quia res, ne in nihilum vertantur, sua potentia continet; in fine vero, quia mortuos mira celeritate suscitabit. Apparet quoque potentia Dei in rebus spiritualibus, quia cum diabolus potestatem habeat in nobis immutandi sensum et phantasiam, angelus autem habeat potestatem super hoc et super intellectum, solus Deus non solum habet potestatem super tria predicta, sed etiam potest mutare voluntatem. Augustinus dicit⁴, quia Deus nos prævenit, ut velimus, et subsequitur, ne frustra velimus. Licit Deus sit omnipotens, tamen non attribuunt ei actus culpabiles, mentiri, et male velle;

¹ Hilar., *de Trin.*, lib. II, n. 4, in fine. Vid. tom. I, pag. 503, huj. edit. — ² Aug., *de Doct. Christ.*, lib. I,

c. v. — ³ Aug., *ad Volus.*, epist. III, al. cxxxvii, c. II, n. 8. — ⁴ Id., *Enchirid.*, c. xxxii, n. 9.

nec poenales, ut metuere, et dolere; nec corporales, ut comedere, et dormire, nisi forte transumptive; nec actus inconvenientes, qui possunt esse tripliciter: primo, si aliquis actus contradicit divinae potentiae, ut est facere maiorem se; secundo, si contradicit ejus veritati, ut est facere aliquid simul esse et non esse, vel quod praeteritum sit futurum; tertio, si contradicit ejus bonitati, ut damnare Petrum et salvare Judam. De his Anselmus: « Quodlibet inconvenientis, etiam minimum, impossibile est apud Deum. » Horum autem haec est ratio: quia potentia Dei cum sit perfectissima, nec est de nihilo, nec est sub aliquo, nee eget aliquo: unde non potest deficere peccando, nec succumbere patiendo, nec egere subsidio in temporalibus querendo, ac per hoc nec culpabilis, nec poenalia, nec materialia potest.

Dicendum quoque quod Deus potest omnia per se, vel per creaturam. Illa dico omnia posse, quae sunt potentiae: hoc autem ideo dicitur, quia posse peccare non est potentiae, sed infirmitatis: Deo autem competit perfectum posse, et perfectum dominium, de quo Dionysius¹: « Dominatio est non pejoratum excessus tantum, sed omnium pulchrorum et bonorum omnimoda et perfecta possessio firma, et non valens cadere fortitudo. » Notandum ergo quod quedam operationes attribuuntur Deo secundum causalitatem, et secundum essentiam, ut scire; quedam secundum causalitatem, et non secundum essentiam, ut comedere, currere; quedam secundum essentiam, et non secundum causalitatem, ut justificare, creare; quedam nec sic, nec sic, ut peccare.

CAPUT XXVIII.

De Virtute miraculorum.

Quoniam per divinam potentiam sunt miracula, ideo de miraculis est agendum. Augustinus autem² illud vocat miraculum, quidquid arduum, aut insolitum, supra spem, vel facultatem admirantis appetet. Ad hoc quod aliquid sit miraculum, quatuor requiruntur, vel concurrunt: primum est, quod sit a Deo; secundum, quod sit praeter naturam; tertium, quod sit evidens; quartum, quod sit ad fidici corroborationem. Unde si aliquid istorum qua-

tuor defuerit, mirum dici potest, non miraculum.

Nota quod quedam sunt supra naturam, quedam contra naturam, quedam praeter naturam. Supra naturam sunt illa, quibus non est simile in natura, nec in potentia naturae, sicut est virginem parere. Contra naturam sunt, quae sunt usu contrario naturae, tamen terminantur ad conformitatem naturae, sicut cæci illuminatio. Sed praeter naturam sunt, quae sunt ordine simili naturae, non tam per principium naturae, ut in mutatione virgarum in serpentes: quia illud potuisse fieri ordine naturae per longam putrefactionem, ut patet per ea, quae sunt secundum rationes seminales: verumtamen quia non fuit ibi operatio naturae, miraculum fuit.

Res quandoque producitur ab agente simili successive, hoc attribuitur naturae, et dicitur naturale; quandoque producitur ab agente dissimili repente, et hoc attribuitur angelis, et dicitur mirabile; quandoque producitur res ab agente dissimili in instanti, et hoc attribuitur Deo, et dicitur miraculum. Scendum, quod quandoque potentia aliqua, et ejus actus, est naturalis, sicut visus et videre; quandoque potentia est miraculosa, et actus ejus naturalis, ut quando cæcus illuminatus videt; quandoque utrumque est miraculosum, ut partus Virginis. Nota quod miracula vel mira sunt quandoque in ente, ut statio solis, et ejus retrocessio; quandoque sunt in vegetabilibus, sicut quando virga Aaron floruit; quandoque in sensibili, sicut fuit in locutione asini Balaam; quandoque in rationali (a), sicut fuit in ambulatione claudorum, suscitatione mortuorum, in parte Virginis.

Ut autem sciamus quando aliquod miraculum sit (b), nota differentiam inter rationes causales, seminales, et naturales: quia ratio causalis est potentia passiva creature, absque omni dispositione naturae, ut solummodo Deus ex causa quod vult, sicut fuit in parte Virginis: et in talibus simpliciter est miraculum. Ratio autem seminalis est potentia passiva creature, sed cum dispositione remota, sicut fuit in virginibus, de quibus facti sunt serpentes: et hoc factum fuit in instanti: natura autem fecisset idem, sed non nisi paulatim per longam putrefactionem. Unde patet, quod ea quae sunt secundum rationes seminales, partim sunt naturalia, partim miraculosa. Ratio naturalis est

¹ Dion., *de Div. Nom.*, c. XII, § 2. — ² Aug., *cont. Faust.*, lib. XXVI, c. III.

(a) *Cat. edit.* ratione. — (b) fit.

potentia eum dispositione propinqua, sicut patet in materia, quando est in ultima sui dispositione, ut formam recipiat: et secundum hunc modum est ratio naturalis in grano semiuato ad productionem segetis: et hoc non est miraculum.

CAPUT XXIX.

De Scientia Dei.

Scit Deus omnia praesentialiter, et simul, perfecte quoque, et immutabiliter. Praesentialiter dico, hoc est, ita limpide, ac si cuncta essent praesimaliter existentia. Simul etiam scit omnia, quia videndo se, qui sibi praesens est, omnia videt. Perfecte quoque, quia cognitio ejus nec potest augeri, nec minui. Scit et immutabiliter, quia noscit omnia per naturam sui intellectus, qui est immutabilis. Dicendum ergo quod Deus cognoscit temporalia aeternaliter, mutabilia immutabiliter, contingentia infallibiliter, futura praesimaliter, dependentia independenter, creata increate; alia vero a se, in se, et per se. Nota differentiam inter scientiam Dei, Christi, angelii, et hominis: quia Deus scit omnia simul: videt enim multa in uno, id est, in seipso: unde in visione Dei non differt id quod videt, et per quod videt, quia videt se per se, et in se videt omnia. Christus autem, secundum quod homo, scit omnia, quae scit Deus scientia visionis; licet non ita limpide sicut Deus. Angelus vero deiformem habet intellectum, id est, illa quae scit illa scientia, quae est in Verbo, scit simul actu, sicut Deus; licet nesciat omnia que scit Deus. Sed homo unum solum scit actu, quia licet videat multa, illa tamen non videt uno actu videndi, sed multis, id est, per multas rerum similitudines.

Sapientia Dei, licet in seipsa non diversificetur, diversa tamen sortitur nomina: in quantum enim sapientia Dei cognoscitiva est possibilium, dicitur scientia, sive cognitio; item in quantum est cognoscitiva omnium quae fiunt in mundo, dicitur esse visio; in quantum est cognoscitiva eorum quae bene fiunt, dicitur approbatio; in quantum est cognoscitiva futurorum, dicitur prævisio; in quantum est cognoscitiva eorum quae ab ipso Deo facienda sunt, dicitur dispositio; in quantum est cognoscitiva premiandorum, dicitur prædestinatio; in quantum est cognoscitiva damnandorum, dicitur reprobatio:

Cognitio divina cum sit perfectissima, omnia cognoscit distinctissime sub omnibus conditionibus, quas res habent; et propter hoc futura scit futura, presentia presentia, et bona approbanda, malaque reprobanda. Si autem scire volueris qualiter Deus cognoscit mala, notandum quod contingit aliquid cognosci duplificare: aut per speciem propriam; aut per speciem alienam. Primo modo cognoscitur habitus; secundo modo, privatio. Item primo modo cognoscitur lux; secundo modo, tenebrae. Eodem modo dicendum est, quod primo modo cognoscitur bonum; secundo modo, malum, scilicet per speciem oppositi habitus. Nihil enim est malum, nisi boni privatio. Unde dicendum est, quod Deus cognoscit bonum per unicum medium, scilicet per propriam essentiam; mala autem, per duplex medium: nam per essentiam suam cognoscit habitum oppositum malitiae, et illo habitu mediante, ut est in ipso Deo cognoscente, cognoscit defectum ejus: et ideo dicitur mala a longe cognoscere.

CAPUT XXX.

De Prædestinatione.

Prædestinationis diffinitiones assignantur ab Augustino quatuor. Prima est: Prædestinatio est præscientia beneficiorum Dei. Secunda est: Prædestinatio est alicujus ad gloriam præordinationis. Tertia est: Prædestinatio est propositum miserendi. Quarta est: Prædestinatio est præparatio gratiæ in præsenti, et gloriæ in futuro. In prima diffinitione notatur divina cognitio; in secunda, electio; in tertia, voluntas; in quarta, directio in finem. Prædestinationis causa efficiens Deus est quantum ad effectus notatos in nomine prædestinationis. Materialis autem causa est ille qui prædestinatur; sed formalis est modus, vel ordo prædestinationis, quia primo datur gratia, et post hoc gloria. Causa finalis est duplex, scilicet¹, ut simus sancti et immaculati in conspectu Dei. Nota differentiam inter haec, quae ponit Apostolus, scilicet vocacionem, justificationem, prædestinationem, et magnificationem. Vocatio enim retrahit a malo; justificatio respicit initiale donum gratiæ; prædestinatio respicit gratiæ bonum finale; magnificatio vero est bonum gloriæ futuræ. Vel

¹ Ephes., 1, 4.

dicas, quod prædestinatio gratiam præparat; vocatio gratiam offert; justificatio illam consert; sed magnificatio illam per gloriam multiplicat. Sciendum quod prædestinatio non infert rebus necessitatem: sicut, verbi gratia, Deus scit si iste sit comesturus hodie, vel non: nihilominus iste habet potestatem comedendi, et manum ad os porrigiendi: quia si prædestinatio rebus necessitatem imponeat, multa sequerentur inconvenientia. Nam frusta proponerentur bonis præmia, et malis supplicia. Item injuste remunerarentur boni, et punirentur mali. Item maiorum nostrorum Deus auctor esset. Item nec sperandi aliquid, nec supplicandi ulla esset ratio. Item evacuaretur libertas arbitrii, quæ se habet ad utrumque. Item nec bona facientes es- sent laudabiles, nec mala facientes vituperabiles. Sciendum tamen quod hoc est dupliciter: «Si Deus prævidet hoc, hoc necessario eveniet: » quia conjunctum est vera, divisim falsa: et est ibi necessitas consequentia, non consequentis, quia licet ibi sit habitudo, sive illatio unius categoricæ ad aliam, non tamen necesse est, quod ipsis termini sint actu. Verbi gratia: « Si homo est, animal est: » necessitas est consequentia, non consequentis: nam homo potest non esse, consequentia tamen necessaria manet. Et de hoc habemus exemplum Boetii in libro de *Consequentiali*: « Si aliquis videt aliquem facien- tem rotam, necesse est quod iste faciat rotam; nec tamen visus ejus est causa illius factionis: sic Deus videt mala illius opera, nec tamen est causa quare male operetur; verum tamen fieri, si prævisum est. » Item Boetii exemplum. Si ali- quis haberet oculum tantæ perspicacitatis, ut videret futura, non ideo ligaret res ad eveni- tum. Item artifex in materia nodosa bene videt defectum effectus, nec tamen est causa defectus. Item duæ sunt paginæ libri vitæ: una est præ- sentis justitiae, a qua potest quis deleri; alia est dispositionis æternæ, de qua nullus delebitur. Differentia est inter prædest nationem et præ- scientiam: quia prædestinatio est præcognitio bonorum, cum causalitate eorumdem; sed præ- scientia dicit præcognitionem maiorum sine causalitate, quæ potius residet penes liberum arbitrium. Cum dicatur a sanctis, quod præ- destinatio orationibus adjuvatur, non est sic in- telligendum, quod temporale causet æternum, sed hoc quantum ad effectum prædestinationis juvat oratio, scilicet, quantum ad gratiam et gloriam, quia secundum illa bene cooperatur

liberum arbitrium prædestinationi. Unde sicut Deus aliquem salvandum prævidet, sic et mo- dum quo salvari debeat. Propter quod stultus est, qui dicit: « Volo facere quod placuerit, quia si salvari debeo, salvabor; vel si damna- ri, damnabor. » Sicut stultus esset infirmus, qui diceret: « Volo comedere et bibere quod placuerit, quia si curari debeo, curabor; vel si mori debeo, moriar: » sic enim inutiles es- sent et medici et medicinæ. Sane si Deus per- mittit liberum arbitrium, quod se habeat ad utrumlibet, in malum cadere hoc non permit- tit, nisi juste. Rursus, si per gratiam non præ- veniat, nulli facit injuriam. Cum ergo Deus Deos malos damnat et reprobatur, operatur secundum justitiam; quando vero predestinat, agit secundum gratiam et misericordiam, quæ non excludit justitiam. Voluntate autem prima *vult* Deus ¹ omnem hominem salvum fieri, in quantum homo est. Voluntate autem secunda non *vult* justum hominem reprobum, in quantum ipse est talis. Voluntas igitur antecedens respicit ordinem nature in finem, prout a Deo condita est. Voluntas vero consequens respicit ordinem personæ, prout est libero arbitrio suo vel alieno in fine disposita. Hæc de realitate dicta sunt: sed logice loquendo, cum salvatio hominis sit contingens, de necessitate determinari non po- test: quod enim potest esse et non esse, contingens est, non necessarium, sicut Philosophus di- cit in libro secundo *Peri hermínias*². Si vero qua- ritur, quare Deus hunc prædestinavit, sive elegit, et non illum; hoc inexplicable est in hac vita mortali. Propter hoc enim exclaims Apostolus ad Romanos³: *O altitudo dicitiarum sapientiæ et scientiæ Dei! quam incomprehensibilia sunt iudi- cia ejus, et investigabiles viae ejus!* Si enim di- cimus, quod reprobati repellunt gratiam, hoc verum est; sed si essent prædestinati, non re- pellerent finaliter: unde Augustinus, libro de *Prædestinatione Sanctorum*: « *Gratia, inquit, quæ occulte humanis cordibus attribuitur, a nullo duro corde respuit: ideo quippe tri- buitur, ut duritia cordium auferatur.* »

CAPUT XXXI.

De Præscientia, et Reprobatione.

Reprobatio est, ut ait Augustinus, præscientia iniuritatis quorundam, et præparatio damna-

¹ *Tert.*, II, 4. — ² *Leg. II, 8, 15, 16.* — ³ *Rom.*, XI, 3.

tionis eorumdem. Unde nota quod in reprobatione tria sunt: unum est prævio iniquitatis ab æterno; alterum obduratio, id est, subtractione gratie in presenti; tertium est preparatio poenae æternæ in futuro. Si ergo queritur, utrum reprobatio habeat causam ex parte hominis, quantum ad primum meritum hominis non est causa; quoad secundum, causa est meritoria et effectiva; quoad tertium, causa est meritoria, sed non effectiva. E contra in prædestinatione sunt tria contraria; sed in hoc est differentia, quia prædestinatio præparat gloriam secundum beneplacitum, sed reprobatio præparat poenam secundum exigentiam meritorum. De obdurate scendum est, quod translative dicitur, secundum similitudinem obdurationis in corporibus. Duritiam autem corporum sequitur triplex proprietas: primum est inhabilitas ad suscipiendum impressionem; secundum est stabilitas ad permanendum in se; tertium est fortitudo ad resistendum. His modis dicitur cor obdurari tripliciter: uno modo, per inhabilitatem ad suscipiendam gratiam; secundo, per firmam adhæsionem ad peccatum; tertio modo, per rebellionem divinarum inspirationum et mandatorum Dei. Unde querendum est, utrum presciti a Deo possint demereri, et e contrario. Ad quod dicendum, quod scientia Dei comparatur ad res creatas, sicut ars ad artificiata: unde sicut ars non solum est cognoscitiva, sed etiam factiva eorum quæ secundum artem fiunt; eorum vero quibus ab artis regulis deviatur, est cognoscitiva tantum: ita et scientia Dei est cognoscitiva et factiva omnium bonorum, malorum autem non; sive peccatorum, quæ sunt deviationes quædam ab æterna lege ipsius, scientia Dei est cognoscitiva tantum, non autem causativa. Et sic patet quod boni, qui per gratiam justificantur, non solum sunt ab æterno cogniti a Deo, sed etiam ad gratiam habendam electi; peccatores autem neque justificantur per gratiam, nec sunt electi, vel præordinati a Deo ad culpam, sed solum presciti, quod non sunt gratiam habituri, sed suæ naturæ relinquenti. Quia non omne agens potest id, quod est supra se, natura sibi relicta non potest in actum meritorum, qui est supra facultatem naturæ; potest autem in actum peccati, qui est demeritorius, sicut et in aliquid infra naturam humanam existens: homo enim peccando descendit a dignitate suæ naturæ: et sic patet, quod presciti possunt demereri facilius, quam mereri.

CAPUT XXXII.

De Voluntate Dei.

Voluntas Dei duplex est, scilicet 1. beneplaciti: et hæc est duplex: antecedens, quæ sœpe non expletur; et consequens, hæc nunquam remanet inexpleta. 2. Alia est voluntas signi, et hæc quandoque remanet inexpleta. Ilujusmodi ratio est, quia voluntas Dei potest sumi dupliciter: vel proprie, sic accipitur voluntas beneplaciti; vel metaphorice, et sic accipitur voluntas signi. Primo modo dicitur Deus aliquid velle, et hoc velle ipse Deus est. Secundo modo metaphorice est ad modum volentis se habere, et hoc velle non est Deus. Hæc igitur divisio non rei, sed vocis est, sicut ira potest dici vel proprius motus iræ, vel metaphorice signum iræ. Voluntas beneplaciti Dei consequens est recta, et efficax, et irreprehensibilis: unde quia est recta, nullus est rectus, nisi conformetur ei; item quia est efficax, nihil sine illa potest effici, nihil contra illam potest fieri, per nullum potest impediiri; item quia irreprehensibilis est, nihil precipit, aut permittit, nisi juste; nil agit, aut consultit, nisi bene. Signa beneplaciti sunt quinque, scilicet præceptio, prohibitio, consilium, permisso, et operatio: quorum numerus sic accipitur. Voluntas divina, proprie loquendo, aut præsentium, aut futurorum est: si respectu præsentium, aut id est bonum, et sic est impletio; aut malum, et sic est permissionis. Si respectu futurorum, sic est triplex: aut est malum, et sic est prohibitio; aut bonum necessarium, et sic est præceptio; aut bonum supererogationis, et sic est consilium. Contra tria prima potest aliquid fieri, quia se habent ut in fieri; sed contra duo ultima, scilicet permissionem et operationem, nihil potest fieri, quia se habent ut in facto esse, et quod factum est, non potest non fieri. De his signis nota, quod preceptum dicit obligationem ad faciendum bonum; prohibitus dicit obligationem ad vitandum malum; consilium dicit doctrinam, per quam scimus, quod id quod consultatur, si fiat, affert præmium; si non fiat, non affert supplicium. Permissionis dicit privationem cohibitionis, et est signum divinæ voluntatis, non respectu mali quod permittitur, sed respectu boni quod ex malo permissio elicetur. Non enim permittit Deus malum fieri, nisi ex eo aliquod bonum eliciat, ut patet in ten-

tationibus diaboli, quæ prosunt multipliciter sanctis. Præterea, si non esset malum, non esset in bono pulchritudo, nisi absoluta; nunc vero, propter comparationem ad malum, clarius elucescit. Operatio notat actionem in re, per quam resurget creatura ad Creatorem.

De conformitate voluntatis nostræ ad Deum secundum, quod si hanc attendimus in forma volendi, tunc si volumus habere mercedem nostri operis, oportet quod ratio semper conformetur ei in forma volendi. Si autem quaeritur utrum absolute teneamur, dicendum est, quod conformitas est quedam in actu, ad quam non tenemur, nisi habita charitate; nec tunc, nisi pro tempore et loco: ut quando quis cogitat Dei veritatem, scilicet articulos fidei, tenetur credere; quando cogitat Dei honestatem, tenetur diligere. Est alia conformitas in habitu, ad quam non tenetur quis, nisi quando actu Dei honestatem recognitat, quia tunc tenetur se ad charitatem Dei preparare.

De conformitate autem in volito, sciendum quod voluntate sensualitatis non tenetur conformari voluntati divine, nec in volito, nec in forma volendi. Voluntas enim sensualitatis tantum est in brutis. Unde quantum ad hoc nos hac voluntate non peccaremus, si ratio huic voluntati juncta non foret, cuius est animalitatem reprimere. Sed voluntate rationis deliberativa tenetur Deo conformari in volito, quod constat nobis Deum absolute velle, vel congruit nobis velle. Si vero non congruit nobis, quamvis bonum sit in se, nou vult Deus id nos velle. Unde hoc non tenemur velle, nisi in quantum est volitum a Deo: unde si seio Deum velle mortem patris mei, tamen possum vitam ejus velle, et laborare ad hoc, quia non vult Deus velle me contrarium. Item voluntate conditio-nativa non tenemur Deo conformari: ut, quando pluit, vellemus quod nou plueret, si Deus vellet; quia volendo conditionaliter, non discordamus a voluntate Dei, quia hec non est velle simpliciter. Item id quod Deus non vult simpliciter et absolute, ut sententiam comminationis, quam aliquando mutat, quando merita mutantur, non tenemur velle.

Conformitas divine voluntatis quadrupliciter potest considerari secundum habitudinem quatuor causarum. Primo secundum causam materialem, quando idem est volitum, quod se habet ut materia circa quam est actus voluntatis; et ideo ista conformitas est secundum

quid tantum, et non simpliciter, quia esse sim-pliciter, non est materia, vel forma. Secundo modo accipitur conformitas secundum cau-sam efficientem, sicut quando aliquis vult hoc, quod Deus vult eum velle, quia Deus hanc voluntatem in eo fecit. Deus enim unam-quamque voluntatem in bonum ordinavit: et hoc vult nos velle. Tertio secundum cau-sam finalē, ut quando quis in gloriam Dei sua facta ordinat, propter quam et Deus fe-cit omnia: et in his duobus essentialiter om-nis conformitas consistit. Quarto secundum causam formalem, ut scilicet ex charitate velit quis quod vult, sicut et Deus ex charitate vult omnia: et in isto consistit perfectio conformi-tatis, ut scilicet actus voluntatis nostræ tanto sit voluntati divinae conformior, quanto est melior et perfectior.

Ex prædictis collige, quod plena conformitas ad Deum comprehendit quatuor: primo, ut velimus quod Deus vult; secundo, ut velimus quod vult nos velle; tertio, ut velimus¹ propter quod vult: quarto ut velimus eo modo quo vult. Sed conformitas non plena est triplex: primo conformatur quis Deo in volito tantum, sicut et Iudei conformes erant Deo in morte Christi; secundo, si conformatur quis in volito et in fine, sed non in modo, ut quando quid non fit ex charitate; tertio, quando quis confor-matur in volito et in modo, sed non in fine, ut cum ad alium finem, tamen bonum, retor-queratur intentio.

CAPUT XXXIII.

De Justitia Dei.

Justitia Dei tribus modis sumitur: primo modo, quando redditur alicui quod meruit; secundo modo, quando promissum solvit; tertio modo, quando imperfectum perficitur. Primo modo remuneratio bonorum, et punitio reproborum, est opus justitiae. Secundo modo incarnationis Christi opus est justitiae, quia promissum fuit hoc per prophetas. Tertio modo dicitur opus justitiae, quando Deus peccatores justificat, cum se ad gratiam habitat faciendo quod in se est. Nota quod in omnibus operibus Dei invenitur justitia et misericordia: sed justitia quandoque est occulta, et misericordia ma-nifesta, ut in justificatione impii, et in primo

¹ Subaudi, propter id.

adventu Christi; aliquando est e contrario, scilicet aperta justitia, et occulta misericordia, ut in punitione parvolorum sine baptismo decedentium, et in secundo adventu Christi; aliquando utrumque est occultum, ut in tribulatione justorum et innocentum, sicut fuit in infirmitatibus parvolorum; aliquando utrumque est apertum, ut in remuneratione justorum, et damnatione reprobatorum: quia illos remunerat supra meritum, et istos punit extra condignum, quod est misericordiae: sed utrisque retribuit secundum merita, hoc est, bonis bona, et malis mala, quod est justitiae. Si vis scire qua justitia puniatur homo pro peccato momentaneo aeternaliter, vide primo auctoritates Isaiae¹: *Vermis eorum non morietur, et ignis eorum non extinguetur. Psalmus²: Ibunt in progenies patrum surorum, et usque in aeternum non videbunt lumen. Mattheus³: Ite, maledicti, in ignem aeternum. In Apocalypsi⁴: Ascendit fumus (a) eorum in secula saeculorum. Item Gregorius, in quarto Dialogorum⁵: « Si Deus non plus attenderet cor, quam facta, injusta posset dici talis justitia. Sed quia Deus intuetur cor, justum est ut sine fine puniantur, qui nunquam vellent vivere sine peccato. » Rationibus idem ostenditur: quia enim homo peccavit in suo aeterno, merito puniatur in aeterno Dei. Item materia ignis est aeterna, scilicet macula peccati: ergo et poena. Item peccatum est contra illum qui est infinitus: ergo poena debet esse infinita: sed hoc non potest esse acerbitate: unde oportet quod fiat diurnitate. Item cum homo peccat, errat in infinitum quadammodo rationalis, irascibilis, et concupiscibilis, quando finitum preponit infinito: illa quidem, judicando; ista, adhaerendo, et ultima, appetendo: unde congrue debet esse poena infinita. Item mala voluntas reproborum aeterna est: ergo et poena. Item ostenditur exemplis, quia venditio momentanea dat jus possidendi perpetuum, et vulneratio momentanea cicatricem infert perpetuam. Item casus in foveam temporalis est, detentio perpetua. Item offensio oculorum temporalis est, et cæcitatatem operatur perpetuam. Item crimen læse majestatis temporale est, servitus perpetua. Item potio veneni momentanea, mortem operatur perpetuam. Dicit Augustinus, quod reddit Deus mala pro malis, hoc est, ponam*

pro injustitia, quia justus est; vel reddit bonum pro malis, hoc est, gratiam injustis, quoniam bonus est; vel reddit bona pro bonis, hoc est, gratiam pro gratia, quia justus et bonus est; nunquam reddit mala pro bonis, quoniam injustus non est. Aliquis punitur in praesenti 1. propter seipsum, ut scilicet peccatum præteritum in eo purgetur. Joannes⁶: *Ecce sanus factus es; vade, et amplius noli peccare.* Item 2. ut propter peccatum perpetuum crucietur, tam hic quam in futuro: exemplum habes de Herode, et de Antiocho. Item 3. ut culpa declinetur, ut de Paulo, ad Corinthios⁷: *Ne magnitudo revelationum extollat me,* etc. Item 4. ut gloria in futuro detur; in Actibus⁸: *Oportet nos per multas tribulationes intrare,* etc. In primis duabus causis exercet Deus justitiam; in duabus sequentibus, misericordiam. Quinto, punitur quis propter Deum, scilicet, ut glorificetur⁹: *Neque hic peccavit, neque parentes ejus,* etc. Sexto, punitur quis propter proximum, scilicet ut aedificetur: sic fuit punitus Tobias¹⁰, ut alii (b) daretur exemplum patientie: sic puniuntur etiam innocentes pueri, ne videatur inconveniens peccatoribus, si quandoque tribulantur. Justo Dei iudicio puniuntur qui vel concessis abutuntur, ut Adam; vel non concessa rapere conantur, ut Lucifer.

CAPUT XXXIV.

De Misericordia Dei.

Misericordia, secundum etymologiam, dicitur tribus modis. Primo dicitur misericordia, quasi *miseriam cordis* dividens, sicut accipitur in illa auctoritate: « Celi non indigent misericordia, quia in eis nulla est miseria. » Secundum hunc modum misericordia solummodo est in terra. Secundo modo dicitur quasi *mittens seorsum cordis rigorem*, sicut accipitur ibi¹¹: *Misericordia et veritas obviaverunt sibi:* nam veritas per rigorem procedit; sed misericordia hunc rigorem temperat, remunerans supra meritum, et puniens citra condignum: sic est misericordia in celo, et in inferno. Tertio modo dicitur misericordia, quasi *mira suavitatis rigans corda*: sic misericordia maxime est in celo. Licit enim Deus sit justus, sicut et misericors, tamen dicitur ei proprium esse misereri, potius quam esse

¹ Isa., LXVI, 24. — ² Psal. XLVIII, 20. — ³ Matth., XXV, 41. — ⁴ Apoc., XIV, 11. — ⁵ Greg., Dialog., lib. IV, c. XLIV. — ⁶ Joan., V, 14. — ⁷ II Cor., XII, 7.

— ⁸ Act., XIV, 21. — ⁹ Joan., IX, 3. — ¹⁰ Tob., II, 12. — ¹¹ Psal. LXXXIV, 11.

(a) Vulg. add. *tomentorum.* — (b) Vulg. *posterioris.*

justum, quia nihil requiritur ad complendum opus misericordiae, nisi voluntas ejus; sed ad complendum opus justitiae requiritur etiam aliquid ex parte hominis, exigentia scilicet meritorum. Misericordia Dei patet in effectibus divinorum beneficiorum: dat enim reis veniam, dimittendo tam peccati reatum, quam peccati sequelas. De quibus duobus¹: *Qui propitiatur omnibus iniuriantibus tuis*, quoad primum: *Qui sanat omnes infirmitates tuas*, quoad secundum. Item largitur justis gratiam, dando scilicet virtutis habitum, et virtutis motum, ut per primum faciat hominem Deo gratum, ac vita æterna dignum; sed per secundum augatur ei meritum. De his duobus Psalmista²: *Qui coronat te in misericordia*, quoad primum: *et miserationibus*, quoad secundum: *et loquitur de corona gratiae*. Item confert sanctis gloriam, et hoc dupliceiter, quia nunc in spe, et tandem in

re. De his Psalmista³: *Qui replet in bonis desiderium tuum*, quoad primum: *Renovabitur ut aquila juventus tua*, quoad secundum. Item ex misericordia Deus patienter expectat peccatores, benigne revocat, ulcisci dissimulat, de multis periculis liberat, gratiam liberaliter donat, datum multiplicat, multiplicatam conservat, conservatam in cœlo præmial. Item ex misericordia Deus peccatorem ad se redeuntem hilariter suscipit, ad penitendum cor emollit, offensam cito remittit, injuria post remissionem non meminit. Item ex misericordia dat Deus adversa, ut peccatum purget; dat prospera, ut ad amorem provocet; dat sacramenta, ut meritum cumulet; dat præcepta, ut præmio daret. Item ex misericordia errantes ad se reducit, euntes ad se conductit, cadentes erigit, stantes tenere non desint, pervenientes in gloriam introducit.

LIBER SECUNDUS

DE OPERIBUS CONDITIONIS

CAPUT PRIMUM.

De ipsa rerum Creatione.

Summae bonitatis triplex est effluxio, scilicet per generationem, per spirationem, et per creationem. Due priores emanationes sunt ab æterno; tertia est in tempore, de qua nunc est agendum. Inter creare, generare et facere differentia est: quia res de nihilo exit in esse per creationem; sed exit in esse de aliquo per factiōnem, quia facere est operari de aliena materia; sed de substantia exit in esse per generationem. Deus est rerum triplex causa, scilicet efficiens, exemplaris, et finalis, sed nullo modo materialis. Inter operari Dei, et creature, differentia est, quia Deus operator in instanti; angelus autem repente; sed natura paulatim. Prima rerum principia sunt a Deo, et immediate, scilicet materia et forma; effectus vero consequentes sunt ab ipso, mediante natura; nihil autem est a Deo mediate (*a*) tantum.

(*a*) *Cat. edit. immediate.*

Circa muudi creationem quatuor erant errores. Quidam dicebant mundum æternū. Alii dicebant mundum quidem factum, sed habuisse materiales principium, et non esse de nihilo. Alii dicebant Deum superiores creaturas per se produxisse, sed inferiores per ministerium angelorum. Alii ponebant duo principia, sicut Manichæi, unum scilicet summe bonum, et aliud summe malum, dicentes incorruptibilia esse a bono principio, corruptibilia a malo. Illos omnes errores excludit Moyses⁴: primum, cum dicit: *In principio*; secundum, ibi: *Creavit*; tertium, quando dicit: *Deus*; quartum, cum sequitur: *Cælum et terram*. Tenendum est etiam quod Deus⁵ *omnia simul creavit*, nec aliquam novam speciem postmodum addidit, quam prius non fecerit, vel in se, vel in suo simili, ut hominum animas; vel in ratione seminali, sicut patet in his que naturaliter introducentur in esse: et hoc est quod dicitur⁶ Deum die septima

¹ *Psalm. cii, 3.* — ² *Ibid., 4.* — ³ *Ibid., 5.* — ⁴ *Gen., 1, 1.* — ⁵ *Ecclesi., xviii, 1.* — ⁶ *Gen., ii, 2.*

quievisse, non quidem a labore, vel ab opere, sed, sicut dictum est, a novarum specierum conditione. De operibus vero sex dierum dicunt quidam, nunquam in illis debere intelligi ordinem temporis, sed naturae, quia dicunt omnia simul tempore fuisse facta creata, et disposita, ac in suis speciebus distincta. Alii dicunt omnia simul creata in materia, sed non in tali forma, sicut in diebus sequentibus receperunt: et haec opinio magis sequitur ultimam litteram, sed prima magis sequitur rationem. Deus enim duplisper operatur. Aliqua namque facit mediante natura, et haec fiunt successive; aliqua facit per se immediate, ut creare, peccata dimittere, gratiam infundere, et hujusmodi, et talia fiunt in instanti, et perfecte, et complete. Cum ergo Deus primordiales res non produxerit mediante natura, sed immediate et per se, videatur quod in instanti fecerit eas perfectas et completas tam in materia, quam in forma. Coeve sunt quatuor haec primitivae rerum creaturæ, cœlum empyreum, angeli, materia mundi, et tempus.

CAPUT II.

De Distinctione Creaturarum in generali.

Creatura mundi triplex est, scilicet corporalis tantum, ut elementa; spiritualis tantum, ut angelus; composita ex his, ut homo. Corporalis quoque natura distinguitur in corpora lucida, ut sidera; et opaca, ut terra, et metallorum, et hujusmodi; atque perspicua, sive diaphana, ut aer, et aqua. Creaturæ quædam, secundum Gregorium¹, habent esse tantum, ut lapides; quædam vivere, ut arbores; quædam sentire, ut animalia; quædam intelligere, ut homines et angeli. Distinguuntur autem triplex mundus, scilicet, archetypus, id est, Deus: et dicitur archetypus ab archos, quod est princeps, et typus², quod est figura, id est, principialis figura, quia ipsa est exemplar mundi sensibilis. Item est mundus qui dicitur macrocosmus³, id est, major mundus, ut est iste mundus sensibilis. Item est mundus qui dicitur microcosmus⁴, id est, minor mundus, ut est homo. De his tribus Joannes⁵: *In mundo erat: ecce pri-*

primum principium componibilium, non tamen compositum: unde nec terra, nec aqua, nec aer, nec ignis primum elementum est et simplex apud nos, quia ista inter se commiscantur, et maxime in ea parte ubi se contingunt. Elementatum est quodlibet corpus compositum ex quatuor elementis. Quinta essentia est corpus per se differens ab omnibus elementis, et clementatis, tam in materia, quam in forma, tam in natura, quam in virtute, non habens in se contrarietatem, unde nec causam corruptionis. Opera sex dierum, prout Moyses distinxit, moraliter sic habentur: significat enim rerum creatio de nihilo impii justificationem; firmamenti operatio, boni propositi confirmationem; aquarum congregatio, cordis adunationem; siderum perfectio, exemplum bone operationis; piscium et avium formatio, statum actionis et contemplationis; hominis plasmatio, rectitudinem intentionis. Postea vero sequitur septima dies, æternitatis scilicet requies.

Est locus summus, id est cœlum, ubi sola lœtitia est; et est infimus, id est infernus, ubi sola tristitia; et est medius, scilicet mundus, in quo sunt summa speranda, et infima timenda. Diabolus igitur a summo corruit, et in imum detrusus est, quia reparandus non erat. Homo vero a summo non cecidit, et in medio collatus est, ut esset ei locus quo ascenderet per justitiam, vel descenderet per culpam. Item Hugo de Sancto Victore dicit, quod aliquis locus est in quo solum et summum bonum est, scilicet cœlum; aliquis in quo solum et summum malum est, scilicet infernus; aliquis in quo solum malum est, sed non summum, scilicet purgatorium; aliquis in quo bonum et malum est, sed neutrum summum, scilicet mundus iste.

CAPUT III.

De Distinctione Orbium tam celestium, quam elementorum.

Corporalis mundi machina tota consistit in duobus, scilicet in natura celesti, et in natura elementari. Cœlestis autem distinguitur in tres cœlos principales, scilicet in cœlum crystallinum, et empyreum, et firmamentum. Intra (a) firmamentum, quod est cœlum stellarum, continentur septem orbes planetarum, qui sunt *Saturnus*. — ³ *Μακροκόσμος*. — ⁴ *Μικροκόσμος*. — ⁵ *Joan.*, 1, 10. — (a) *Forsam legendum infra.*

¹ Greg.; in *Evang.*, hom. xxix. — ² Leg. ἀρχὴς.....

turnus,' Jupiter, Mars, Sol, Venus, Mercurius, Luna. Nomine autem cœli crystallini, sive aquei, intelligitur illa pars materiæ primæ, quæ secundum Philosophos formata in duos orbes, quorum superior est primum mobile. Istorum orbium natura est, quod omnes moventur, excepto empyreo, quod quietum est. Natura vero elementaris in quatuor sphæras principales distinguuntur, scilicet ignis, aeris, terræ et aquæ. Sphæra ignis tria habet interstitia, scilicet supremum, quod vocatur igneum, et medium, ac infimum, quod vocatur olympium. Similiter aer tria habet interstitia, scilicet supremum, quod vocatur æthereum, et medium, ac infimum, quod vocatur aereum, et in supremo est calor et lux propter solis propinquitatem. Similiter est et in infimo, scilicet propter radiorum repercuSSIONEM a terra. In medio autem intersticio, ad quod non potest pertingere repercuSSIONE radiorum, est frigiditas et obscuritas, et ibi dicuntur habitare dæmones, qui detrusi sunt in hunc aerem caliginosum. Ibi etiam sunt tempestates, tonitrua, grando, nives, et similia. Ex his collige septem orbes, terram et aquam ambientes, qui omnes possunt vocari cœli; istos autem excellit cœlum Trinitatis, ipse Deus, qui est in omnibus, et super omnes. Distantia dictorum orbium et planetarum hæc est: a Terra usque ad Lunam sunt millaria 15625, hæc sunt stadia 1260; a Luna usque ad Mercurium sunt millaria 7612 et semisse; a Mercurio usque ad Venerem, tantumdem; a Venere usque ad Solem sunt 24433; a Sole usque ad Martem sunt millaria 15625; a Marte usque ad Jovem, 6812; a Jove usque ad Saturnum, tantumdem; a Saturno usque ad firmamentum, 24422. Ex his colligitur quod a Terra usque ad cœlum stellarum sunt millaria 109375.

CAPUT IV.

De Natura Cœlorum, et superiorum Corporum.

Cœlum est corpus purum, et primum natura simplicissimum, essentia subtilissimum, incorruptibilitate solidissimum, quantitate maximum, qualitate lucidum, diaphaneitate perspicuum, materia purissimum, figura sphæricum, situ locali supremum, amplitudine creaturarum aliarum in se contentivum. Iste proprietates tam cœlo convenienti empyreto, quam primo mobili. Sed præter hoc est cœlum empyreum a motu extraneum, beatorum spirituum habitaculum,

specialiter sedes Dei nuncupatum. Cœlo autem crystallino specialiter convenit, quod est motu velocissimum, ad inferiora virtutis influxivum. Eodem modo dicendum est de firmamento, quod plurimæ convenienti ei de proprietatibus supradictis, et insuper est aquarum divisivum, ac stellis decoratum.

Corpora cœlestia dividuntur in lucentia, et non lucentia, ac diaphana. Nam corpus lucens est Sol, qui solus inter sidera luccet. Sed non lucentia sunt cœteræ stellæ, et planetæ quæ lumen suum a Sole mutuantur. Corpora vero diaphana sunt omnes sphæras cœlestes. Item sphæras cœlestes cum moventur, non mutant locum, sed moventur in locis suis: superiora influunt in inferiora virtutem motivam, vegetativam, sensitivam, ac omnium generabilium productivam. Item licet careant qualitatibus elementaribus, non enim sunt calida, vel frigida, secca, vel humida, tamen ista causant in inferioribus, verumtamen non influunt super liberum arbitrium, nec habent virtutem immutandi hominis voluntatem: licet bene immutent, vel disponant complexionem hominis aliquando, que voluntatem non habent quidem cogere, sed magis vel minus in diversis hominibus inclinare. Operantur quoque corpora superiora distinctivam significationem dierum secundum lumen Solis, et distinctionem mensium secundum lumen Lunæ, ac distinctionem annorum secundum motum Solis in aliquo circulo, atque distinctionem temporum secundum varium cursum planetarum, distantiam, et cursum, ascensum, et descensum, retrogradationem, et statum. Circulus quidam est in sphæra intersecans æquinoctiale, qui intersecatur ab eodem in duas partes æquales, et una medietas declinat versus Septentrionem, alia versus Austrum: et dicitur ille circulus Zodiacus, a zœ¹, quod est vita: nam secundum motum planetarum sub illa omnis vita rebus inferioribus est: vel dicitur a zodiaco², quod est animal, quia cum dividatur in duodecim partes æquales, quælibet pars appellatur³ signum, et habet nomen speciale a nomine animalis, propter proprietatem aliquam convenientem tam ipsi, quam animali, vel propter dispositionem stellarum fixarum in illis partibus ad modum animalis. Iste vero circulus dicitur latine Signifer, quia fert signa, vel quia dividitur in ea; ab

¹ Leg. Zωὴ. — ² Ζῳότον. — ³ Suppl. per.

Aristotele vero, in secundo *de Generatione*, dicitur circulus obliquus, ubi dicit quod secundum accessum et recessum Solis in obliquo circulo fiunt generationes et corruptiones in rebus. Nomina vero signorum, et ordinatio, et numerus in his versibus notantur :

Sunt Aries, Taurus, Gemini, Cancer, Leo, Virgo,
Libraque, Scorpius, Arcitenens, Casper, Amphora,
[Pisces.]

CAPUT V.

De Natura Stellarum in communi.

Stellæ supremæ in firmamento figuntur, et cum illo semper moventur, materia sunt purissimæ, figura sphæricæ, quantitate magnæ, apparentia parvæ, qualitate lucidæ, et radiorum diffusivæ, rerum inferiorum generativæ, a Sole illuminationum receptivæ, tenebrarum expulsivæ; quanto nox obscurior, tanto plus sui manifestativer; in presentia Solis, sui luminis occultative; tempestatis et serenitatis concitativer, viarum navigantium directivæ; quanto coniunctiores, tanto in communi lucidiores; sed singula minus apparentes, ut patet in 'galaxia; claritate et quantitate differunt, ac virtute. Galaxia est multitudine parvarum stellarum, quasi contiguarum illi loco orbis, ubi diffunditur lumen Solis. Fit autem eclipsis, cum se Soli Luna subnecit, ut tenebras orbis efficiat. Nota quod omnes stellæ eclipsantur, et hoc a seipsis, vel a terra, vel a planetis. Planetæ dicuntur quandoque retrogradi, quandoque progressivi, quandoque stationarii, prout in epicyclis suis diversimode moventur. Planetæ sunt sidera inter cœlum et terram errantia, firmamento contrarium cursum agentia. Cursu, quem habent ab iuxtu primi mobilis, moventur directe; sed proprio cursu moventur oblique: non scintillant, singuli suos colores et circulos habent, et, cum circulos aliorum ingrediuntur, etiam illorum participant qualitatem; cum Sole micantes occultantur; quanto Terra propinquiores, tanto circulos habent breviores; quanto sunt altiores, tanto cursus eorum naturalis videtur esse tardior. Corpora eorum non sunt lucida vel perspicua, sed opaca; alioquin non eclipsarent se invicem.

Motus primi mobilis, scilicet nonæ sphæræ, ab oriente in occidentem, rediens iterum in

orientem, dicitur rationalis, ad similitudinem motus rationis in microcosmo, quando fit consideratio a Creatore per (a) creaturas, rediens in Creatorem, et ibi sistendo. Secundus motus firmamenti et planetarum est huic contrarius, ab occidente in orientem, rediens in occidentem: qui dicitur irrationalis, sive sensualis, ad similitudinem microcosmi, qui est a corruptilibus ad Creatorem, et iterum rediens ad corruptibiliæ.

CAPUT VI.

De Luce.

Lux est, ut ait¹ Philosophus, actus lucidi, secundum quod lucidum. Unde sciendum est quod lux est qualitas activa corporis luminosi, sicut calor ignis. Lux quoque dat coloribus esse intentionale, sicut intellectus agens phantasmatibus dat esse intellectuale. Ipsa est medium deferens omnia, quæ a cœlo ad nos descendunt. Ipsa (b) quoque mutuat corpus non lucens a lucido. Ipsa est secundum Philosophum celi purpura, maleficorum inimica, navigantium directio, oculus noctis, facies omnium rerum, Lux, ait Augustinus, rectum habet incessum, et nullo modo incedit per curvum. Hæc omnibus rebus et decorum tribuit, et absque illa cuncta sunt ignota et abscondita. Motus enim est subitus, quia sine mora replet omnia. Hæc in superficie corporis umbrosi non se perfundit, sed in corpore diaphano: unde secundum corporis grossitatem, vel subtilitatem, magis et minus participatur. Lux enim sine sui diminutione ubique se diffundit. Plures proprietates lucis habes infra de Sole, quæ illi convenient in quantum luet. Sciendum est quod lux vocatur in corpore luminoso lux; sed lumen, prout est in lucido transparenti; splendor autem in denso terro, et color, prout est in corpore opaco.

CAPUT VII.

De Planetis in specie.

Saturnus est a nobis remotissimus, frigidus et siccus: hoc intelligas in effectu, sicut in aliis planetis. Ex vicinitate ejus, calor Solis remittitur. Ex coniunctione ejus cum Jove, clarior efficitur, cum naturaliter sit pallidus. Nocivus

(a) *Forsan legendum ad.* — (b) *Item ipsa.*

¹ Arist., *de Anima*, lib. II, c. vi.

est, et ipso dominante tantam habet virtutem, ut si influat in inferiora, fœtus nascitur mortificatus, aut debilis. Plus nocet retrocedendo, quam procedendo. Moratur in quolibet signo triginta mensibus: ex quo sequitur quod cursum suum compleat, scilicet (a) triginta annis.

Jupiter est clarus, et quasi ad instar lactis candidus: in qualitatibus est bene temperatus, quia calidus est et humidus. In superiori parte sua absidis temperat malitiam Saturni. Cum ascenderit in circulum Saturni, contrahit pallorem, licet sit clarus. In quolibet signo moratur per annum, et ita compleat cursum suum in duodecim annis.

Mars calidus est, et siccus, et ideo nocivus. Ex proprietatibus suis homines incitati, ac provocati ad bellandum; ex interpositione Veneris, et Jovis (b), ejus nocivitas reprimitur. Igneus appetet et radiosus. In quolibet signo moratur quadraginta diebus.

Sol dicitur decies major Terra; sed secundum Ptolemeum, est 140 vicibus major Terra; calidus et luminosus, eclipsim patitur; communis est omnibus, nube celatur; solus per se lucet, quod nulli sidera magis competit: unde et nomen accipit¹. Stellas illuminat, et tamen eas per præsentiam suam apparentia sui luminis privat. Medius est planetarum, odiosus ægris oculis, sed anabilis puris. Tempora distinguit, locis immundis non inquinatur, testea consolidat, gelida resolvit, flores aperit, fructus naturat, corpora diaphana penetral, non quiescit, visum retundit, vapores elevat, hemisphæria vicissim perlustrat, appropinquans nobis æstatem facit, recedens vero hyemem efficit, oculus est mundi. In quolibet signo moratur triginta diebus, et decem horis; cursum per annum facit motu proprio, sed diem perficit motu primi mobilis.

Venus est lucifer, calidus, et humidus: malitiam Martis temperat: semper comitantur Solem; sed cum præcedit, dicitur Lucifer; quando sequitur, dicitur Vesper: colorem habet candentem, et resplendente, electro similem. Inter sidera plus splendet: compleat cursum suum in 348 diebus.

Mercurius semper cum Sole graditur, nunquam ab eo plus 30 gradibus distans. Colorem habet radiantem; raro, propter vicinitatem Solis, cernitur; eloquentia sub ipso est, aquis

(a) Leg. compleat circiter. — (b) Item Mercurii; nam inter Martem et Terram Jupiter interponi nequit.

dicitur dominari, et præesse seminibus. Cursum compleat 338 diebus.

Luna noctem illuminat, lumen mutuat, augmentum patitur et detrimentum. Infima est inter planetas; eclipsim patitur, et efficit; macula habet propter conjunctionem ejus cum inferioribus. Item corniculata interdum apparet, ex eo quod pars ejus illuminata a nobis absconditur. Item Regina cœli appellatur, quia Sol tanquam medius planetarum participat omnes proprietates omnium, et eas ad Lunam cum lumine suo transmittit: ipsa vero Luna quemcumque a Sole sic recipit, influit. Unde quia per eam tali modo virtutes planetarum recipimus, merito Regina cœli vocatur. His visis patet, quod quando Luna primo incendiatur, optimum est semina jacere, quia tunc virtutes planetarum, quas inferioribus influit, incipit colligere. Frigida est et humida: Solem præcedens, minuitur; sed eundem sequens, crescit, et ab eo elongatur: accessus et recessus maris per eam causatur. Signa autem zodiaci quolibet mense percurrit.

CAPUT VIII.

De quatuor Elementis.

Ignis consumit et incinerat; in similitudinem suam sibi appropinquanta convertit; motum facit de centro ad circumferentiam; ardet, et luet in materia aliena, sed non in sua sphæra. Inferiora reducit ad superiora, quia resolvit terrea in aquosa, aquosa in aerea, aerea in se. Mollificat dura, et indurat mollia, subtiliat, ut patet in resolutione glaciei, et condensat lumen; depurat, ut in auro, et corrumpit, sicut ea, quæ consumit; frigefacit per accidentem, ut patet in aceto. Est et penetrativus, communicatus et divisivus. Item ignis in sphæra sua non reluet, quia compactus non est. Nullum enim corpus diaphanum luet, sed potius est illuminabile. Si autem ignis in sphæra sua compactus esset, eclipsaret omnes stellas, quæ supra ipsum sunt. Ignis vero hic luet apud nos propter materiam coadunatam, in qua est: et hoc patet, quia una candela alteri opposita umbram facit.

Aer est subtilis, mobilis, perspicuus; per inspirationem et respirationem, caloris cordis temperativus; decoratur volatilibus; locus im-

¹ Quasi vero hujus vocis, *Sol*, etymologia esset uomen adjectivum *Solus*.

pressionum, mansio spirituum damnatorum. Est et alterabilis, subtilis, levis, atque rarus: non luctet, sicut nec aliquid corpus diaphanum, sed est illuminabilis.

Aqua super cœlos elevatur, piscibus decoratur, tempestibus subjicitur; omnes fontes, et flumina ad mare continuantur; ad locum, unde venerunt, revertuntur. Aeri præbet aqua informationem, volatilibus ornamentum, et vegetabilibus nutrimentum; et optime est terminabilis termino alieno, sed minime termino proprio. Aqua corpus est diaphanum, omnibus est communis, in crystallum congelatur, irim in nubibus causat, sordes purgat, hortos irrigat, fabriticantes sua frigiditate et humilitate delectat, naves vehit, lumen recipit, ad suum principium recurrat, loca vacua subit, lapides excavat, ignem extinguit, olim mundum purgavit. In mari Rubro populo Dei cessit; de latere Christi fluxit; hanc Christus in vinum mutavit, ac de ipsa baptismi materiam ordinavit.

Terra inter alia elementa est infima, nigra, magis despecta, ponderosa, rotunda, elementis aliis circumdata, mater fructuum, radix plantarum, nutrit animalium, ædificiorum fundamentum, mortuorum receptaculum, machinae mundialis centrum; concludit in se infernum; frigida, secca, opaca, corporis humani materia. Servat metalla, centro tenet, motu ex vaporibus inclusus concurrit, herbis et floribus ac arboribus suis decoratur: circa eam motu circulari cœlum cum sideribus volvit; ab hominibus et jumentis calcatur: horum quædam Terræ competit secundum esse suum, quædam secundum situm, quædam secundum contentum, quædam secundum ornatum, quædam secundum utilitatem.

CAPUT IX.

De impressionibus aeris.

Cometes, licet appareat quasi stella, non est tamen aliud quam vapor inflammatus ex vicinitate ignis. Hic comas luminis fundit, et dicitur significare mutationem, aut bella, aut pestilentias. Corona est albus circulus, qui quandoque appetit circa Solem, vel Lunam, aut stellas alias; et causatur ex reliquis nubium per planetarum radios attractis et illuminatis. Albus duplex est, ascendens scilicet, et descendens. Ascendens fit ex partibus vaporis inflammati in

supremo areis, et videtur ascendere, sicut si evolarent scintillæ de fornace. Albus vero descendens est ignis retentus in nube, qui tamen expellitur obviante nube frigida, et cadit continue, propter quod videtur quod stella cadens sit longa, quia relinquit vestigia casus post se. Lumen quod videtur de nocte discurrentibus se præcedere, est vapor compactus descendens, cui cum nihil obvet, confricatione sui ipsius accedit, et aliquandiu stat in aere. Draco dicitur vapor fortis congregatus, qui est nubes frigida ad latus unum, et calida ad aliud, et func propter convenientiam ad calidum, trahitur ad illud, et ita incenditur pars anterior, et haec videtur quasi spiramen draconis; media vero pars incurvatur ut serpens, et volat semper ad latus ubi calidum circumstal ipsum.

Nubes fiunt, quando a virtute Solis extra-huntur vapores de aquis, et paludibus, et locis humidis; et feruntur sursum. Nebula est id, quod ex nubibus aquam pluvibus relinquit: et ideo, secundum Aristotalem, signum est serenitatis. Caligo est vapor tenebrosus, quem vulgo appellant nebulam. Iste vapor non elevatur; sed priusquam convertatur in nubes, vel in pluviam, deprimitur, et remanet juxta terram. Ros est id quod descendit ex vapore parvo, et in descensu suo traditur (*a*) in parvis minutis. Pluvia est aqua descendens ex nubibus resolutis, velocitatem habens sua descensionis, et hoc guttatum. Pruina est ex vapore rorido, qui (*b*) congelatur antequam ex ipso resolvatur aqua. Nix generatur in nube calidissima, cuius congelatio fit cum conversione in aquam: et ideo partes ejus non inspissantur. Grando generatur ex nube calidissima virtute Solis multum elevata, que postquam in aquam resolvitur, tunc demum in medio interstitio aeris congelatur. Tonitruum est vaporis siccii egredientis de nube humida, vel in nube frigida et humida, et scindit quidquid invenit. Coruscatio est illuminatio vaporis siccii incensi in vapore humido. Fulgor generatur ex vapore grosso, elevato, et calore siccato: quia cum sit igneæ naturæ, vi ventorum contra naturam descendit, et urit, et nihil ei resistit, aestate præcipue, et in montibus percutit frequenter. Fulmen est vapor terrestris et inflammatus, qui quando tangit nubem, quæ jam est in conversione ad aquam, congluti-

(*a*) *Forsan legendum contrahitur.* — (*b*) *Cæt. edit.*
quæ.

natur, sieque decoquitur fortissimo calido, et induratur in lapidem, qui vocatur cœlum tonitru, et scindit quidquid invenit.

Iris est lumen Solis receptum in nube concava et aquosa, ac Soli ex adverso opposita. Glacies est aqua congelata. Ventus est vapor terreus aeris superiora transcendens, et aerem fortiter percutiens et impellens. Venti sunt quatuor principales, scilicet Subsolanus ab oriente, temperatus, habens a dextris Vulturum desicantem, a sinistris Eurm nubes gerentem. Item a meridie est Auster calidus, qui fulmina gignit et pluvias largas, habens a dextris Africum calidum, a sinistris Notum temperatum quidem, sed pestilentias inducentem. Item a septentrione est Aquilo frigidus, habens a dextris Draciam nives facientem et grandines, et a sinistris Boream nubes constringentem, ac pluvias prohibentem. Item ab occidente est Zephyrus flores producens, habens a dextris Circium, tempestates et pluvias ac tonitrua generantem, a sinistris Favonium oriente (*a*) nubila, sed serena in meridie facientem. Turbo est ventus egrediens de nube, in se ipsum reflexus, vel duo venti laterali sibi concurrentes, seseque juxta terram orbiculariter involventes. Terræ motus est vapor grossus extractus de profundo terræ, non potens exire extra superficiem terræ propter illius soliditatem; sieque coactatus in interioribus concavatibus, terram concutit.

CAPUT X.

De Tempore.

Tempus est mensura motus primi mobilis et rerum mutabilium. Et hoc patet, quia hic est tempus, et non in celo, secundum suam substantiam: quia hic mutantur omnia, et non ibi: hic est enim nunc hyems, et nunc aestas, nunc pax, nunc discordia, nunc tranquillitas, nunc tempestas. Mutabilitas rerum ostenditur in hoc, quod ea quæ præcipue mundus amplectitur, scilicet sapientia et potentia, in Oriente incepserunt, et terram habitabilem percurserunt usque ad Occidentem, in signum quod omnia tendunt ad occasum. Nam studium sapientiae coepit in Ægypto, postea fuit in Grecia, post hoc Roma, deinde in Francia et Anglia. Similiter regna primo fuerunt in Oriente, post in Grecia, post apud Romanos; nunc potestas imperii residet in Germania. Propterea Jacobus

comparat ¹ vitam nostram et hæc mutabilia vapore; Isaías ², somno, et baculo arundineo; et liber Regum ³, aquæ dilabenti. Differentia autem est inter tempus, et ævum, et æternitatem: nam tempus habet principium et finem; ævum caret fine, sed non principio; æternitas caret utroque termino, quia est mensura interminata.

Iste sunt ætates mundi. Prima est ab Adam usque ad Noe, habens , juxta Hebreos, annos 1636; sed secundum LXXII interpretes, habens 2242. Secunda est a Noe usque ad Abraham, habens secundum Hebreos annos 292; sed secundum LXXII, 1072. Tertia est ab Abraham usque ad David, habens annos secundum Hebreos 972; sed secundum LXXII, 1130. Quarta est a David usque ad transmigrationem Babylonis, habens annos secundum Hebreos 173; secundum LXVII, 483. Quinta est a transmigratione Babylonis usque ad Christum, habens annos, secundum Hebreos, 585; sed secundum LXII, 578. Igūr ab exordio mundi usque ad Christum, secundum Hebreos, habemus annos 3952, sed secundum Hieronymum est hæc computatio, secundum vero LXVII, quos Græci sequuntur, 5508. Eusebius autem, quem Orosius secutus est, inter utrosque incedens, numerat annos 5198: quos pene omnes Latini sequuntur. Sexta ætas est a Christo usque ad finem mundi. Septima est quiescentium, et concurrevit cum sexta. Octava est resurgentium. Porro, secundum Hebreos, in prima ætate sunt generationes 12; in secunda, 10; in tertia, 14; in quarta, 17 (quas tamen Mattheus, gratia mystrii, 14 ponit in capite 1); in quinta, 14. Ætates hominis sunt istæ: prima est infantia, a nativitate usque ad septem annos; secunda est pueritia, usque ad annos 11; tertia est adolescentia, a quinto decimo anno usque ad 28; quarta est juventus, a 28 usque ad 49; quinta est senectus, a 50 usque ad 78; sexta est decrepita, ab anno 78, quousque vita finiatur. Dignitas Dominicæ ^(b) diei notatur in hoc, quod fuit prima dierum. Item, ut dicitur, erit ultima dies. Item nox illam non precessit. Item nox illi non succedit. Item cœlum et terra in ea sunt creatæ. Item Angelus in ea conversus est ad Deum. Item primo data sunt in ea filii Israel mandata, ut dicit Origenes. Item in ea Christus natus est. Item Christus in ea resurrexit. Item in

¹ Jac., IV, 15. — ² Isa., XXXVI, 6. — ³ II Reg., XIV, 14. — (*a*) Suppl. Sole. — (*b*) Al. Dominicæ.

ea Spiritus sanctus datus est Apostolis. Item omnes in ea resurgemus, atque judicabimur. Item in ea perpetuo continuandum est in laude Dei.

CAPUT XI.

De Angelis in communione.

Angelus est, secundum Damascenum¹, substantia intellectualis, semper mobilis, arbitrio libera, incorporea, Deo ministrans, immortalitatem suscipiens secundum gratiam, non naturam (a). *Substantia* ponitur in hac diffinitione pro genere, et ponitur ad differentiam accidentis. Intelligitur etiam hic substantia qualitercumque composita, scilicet ex eo quod est, et quo est. *Intellectualis* dicitur potius, quam rationalis; quia ratio est virtus collativa cause et causati, et ideo composita, ut: «Omnis homo est animal : Socrates (b) est, » etc. Syllogismus enim nihil aliud est, quam discursus a causa in causatum. *Intellectus* autem de ratione sui non habet compositionem et collationem; sed est sine inquisitione et compositione; et ideo competit naturae magis simplici pro differentia, ut est angelus. Ratio autem differentiae est naturae minus simplicis, scilicet hominis. *Semper mobilis*, non dico, de loco ad locum; sed mobilitas dicit hic triplicem mobilitatem in angelo, scilicet naturae, intelligentiae, et voluntatis. Mobilitatem enim habet naturae, quia omne creatum vertibile est in nihilum, nisi manu omnipotentiae divinae continetur. Similiter angelus mobilitatem intelligentiae habet, quia licet in angelo non sit vicissitudo intelligentiae quoad scita in Verbo, cum deiformem habeat intellectum secundum Dionysium, potest tamen in eo quoad cognitionem rerum in propria natura esse vicissitudo intelligentiae, et quoad descendenda: et hoc est quod dicit Augustinus, quod omne creatum habens intellectum, intelligit unum post aliud. Item in voluntate mobilis est angelus, quia non simul vult hoc et illud. Item potest dici semper mobilis motu dilectionis. *Arbitrio libera*: hoc non dicitur propter deflectionem ad bonum indifferenter, et ad malum, sed propter liberam electionem eorum que voluerit: unde angelus bonus semper libere eligit bonum, et angelus malus libere, et sine coactione eligit malum. *Incorpore substantia* dicitur, quia angelus habet proprietatem cor-

poris, non naturam, scilicet in loco contineri. Cum enim corpus sit in loco circumscriptive et diffinitive, angelus tantum diffinitive est in loco. *Deo ministrans*: ministerium hic ponitur pro quo cum obsequio; et secundum hunc modum tam assistentes, quam ministrantes, quam etiam demones ministrant. *Immortalitatem suscipiens secundum gratiam, non naturam*, quia rediret in nihilum, nisi per gratiam conservationis contineretur. Angelo attribuuntur quatuor, scilicet essentiae subtilitas, intellectus perspicacitas, liberi arbitrii facultas, discretio personalis. In primis tribus convenit anima cum angelo; in quarto non, quia anima non est persona. Habet et alia tria angelus, scilicet virtuositatem in operando, officiositatem in ministrando, immutabilitatem post electionem, sive in bono, sive in malo. Differentiae quatuor assignantur inter angelum et animam. Prima et principalis penes esse naturae, quia anima est unibilis corpori, etiam actu separata, angelus non. Secunda est penes esse logicum, id est, diffinitionem, quia anima rationalis est, sed angelus intellectualis. Anima enim apprehendit inquirendo; et conferendo; angelus vero, intuendo. Tertia est penes esse metaphysicum, id est separatum a materia, et a motu, quia angelus non habet passibilitatem, nisi respectu superiorum; anima vero, respectu inferiorum, quia immutatur a sensibilibus. Quarta est penes esse theologicum, quia anima vertibilis est a bono in malum, et e contrario; angelus vero non, quia manet in eo ad quod se convertit, sive bonum sit illud, sive malum: angeli enim sunt omnes similes in eo quod immortales, invisibles, et indissolubiles, simplices, discreti personis, incommutables, incommunicabiles sunt alteri naturae, sed dissimiles sunt in donis gratiae, et naturae. Praeterea dicit Dionysius quod in omni natura spirituali creata aliud est essentia, aliud est virtus, aliud est operatio.

CAPUT XII.

De Distinctione celestium Hierarchiarum.

Hierarchia triplex est, scilicet supercoelestis, coelestis, et subcoelestis. Suprecoelestis est in tribus personis; coelestis est in ordinibus angelicis; subcoelestis in hominibus sanctis. Porro hierarchia coelestis dividitur in superiore, —

(a) Al., scilicet ex interpretatione Jac. Billii, natura immortalitatem divinitus consecuta. — (b) Al. Sortes.

¹ Damasc., de Fid. Orthod., lib. II, c. III, non longe a princip.

medium, et inferiorem. Superior continet tres ordines, scilicet Cherubim, Seraphim, Thronos, quorum primi considerant Dei bonitatem, secundi veritatem, tertii aequitatem. Item in primis Deus amat, ut charitas; in secundis noscit, ut veritas; in tertii sedet, ut aequitas. Media continet Dominationes, Principatus, et Potestates: quorum primi regunt officia angelorum; sequentes capitibus presunt populorum; ultimi potestatem coerecent daemonum. Item in primis Deus dominatur, ut majestas; in sequentibus regit, ut principatus; in ultimis tueritur, ut salus. Inferior hierarchia similiter continet tres ordines, scilicet Virtutes, Archangeli, Angelos: ad quorum priores pertinet miraculorum operatio; ad secundos, majorum negotiorum denuntiatio; ad tertios, humanae custodiae sollicitudo. In primis Deus operatur, ut virtus; in secundis Deus revelat, ut lux; in tertii mittit, ut inspirans. Haec dicta sunt secundum beatum Gregorium¹, et secundum Bernardum; sed secundum Dionysium, Virtutes sunt mediis ordo secundae hierarchie, et Principatus primus ordo tertiae hierarchie. Hic attendendum quod in qualibet trium hierarchiarum præmissarum notatur trinitas divinarum personarum, ut patet in celesti hierarchia, tam superiori, quam media, quam etiam inferiori.

CAPUT XIII.

De proprietatibus Angelorum.

Angeli, secundum Isidorum², sunt spirituales facti, ante omnem creaturam creati, natura immutabiles conditi, sed contemplatione immutabiles facti, animo impassibiles, mente rationales, felicitate securi, futurorum praescii, jussi mundum regunt, missi corpora aerea assumunt, in coelestibus commorantur. Bernardus de eodem³: « Investigemus investigabilia: et primo spiritus esse potentes, gloriosos, beatos, distinctos in personis, dispositos in dignitate, ab initio stantes in ordine suo, perfectos in genere suo, immortalitate perpetuos, mente puros, affectu benignos, religione pios, unanimitate indivisos, pace securos, divinis laudibus et obsequiis deditos. » Item secundum Bernardum, in angelis est dignitas creationis, gratia confirmationis, amor Creatoris, visio Divinitatis. Est etiam in angelis potentia, sicut supra

dicitum est, essentiæ subtilitas, intelligentia perspicacitas, liberi arbitrii facultas, agilitatis velocitas. Prompte omnes obedient; maiores sine elatione præsumt, minores sine vitio subsunt; qui ad exteriora exunt, ab interiori contemplatione non recedunt. Omnem virtutem inferiorum superiores participant, non e contra. Qui excellunt in natura, præcedunt in gratia et gloria. In eodem ordine creduntur alii esse aliis digniores. Duplicem habent visionem, scilicet matutinam, et vespertinam. Illuminationes, quas a superioribus recipiunt, aliis tribuant.

CAPUT XIV.

De proprietatibus et officiis singulorum ordinum.

Proprium est Seraphim in amore Dei ardore, et alios ad incendium divini amoris promovere, et in Deum ordinare, et Deum ordinate diligendi formam tribuere. Iste immediate Deo junguntur: et ideo purius, et perfectius in ipsis operantes theophanie deferuntur: ad aliud quoque extra anatum non divertunt. Cherubim quoque primo et principaliter reluent divini luminis radio, pro eo quod vicinus primæ veritati junguntur. Horum officium est promovere homines ad divinam cognitionem: ideo præ ceteris dicuntur lucere, quia plenitudinem luminis, quam suscipiunt, aliis inferioribus communicando transfundunt. Throni dicuntur, eo quod in eis Dominus sedeat, et judicia sua per eos determinet. In his ergo præcipue reluet rectitudo divini judicii. Illi quoque virtutem Dei, quam supra se accipiunt, ad inferiores transfundunt. Dominationes dicuntur, eo quod ceteris angelis dominantur, et ab omni oppressione sunt liberi, et nulli inferiori subjiciuntur. Horum officium, secundum Gregorium⁴, est in bello spirituali instruere, qualiter oporteat prælacionis officium exercere, et qualiter debeat subditis dominari. Horum etiam officium est, secundum Dionysium, timore servili deposito, in Deum moveri, et incessanter ei famulari. Principatus subditis angelis præsunt, et eos ad ministerium divinum explendum disponunt: ad hos pertinet, secundum Dionysium, universale regimen, unius regni gentes ducere ad Dei similitudinem. Ministerium quoque eorum est, secundum Gregorium⁵, docere homines exhibere reverentiam unicuique secundum gradum

¹ Greg., in *Evang.*, hom. xxxiv. — ² Isid., de *Sum.*

sum. Horum etiam officium est promovere homines, ut non propter utilitatem propriam, sed propter solius Dei amorem et honorem, faciant justitiam. Potestatis, secundum Isidorum¹, virtutes adversae subjectae sunt, ne mundo tantum noceant, quantum cupiunt. Horum officium, secundum Gregorium², est illos, qui in spirituali certamine desudant, confortare, et ne spirituale regnum amillant, defendere. Et secundum Dionysium, ad ipsos spectat angelos inferiores, quantum possibile est, divinas potentiae conformare. Virtutes sunt infatigabiles ad executionem faciendorum, et robuste (a) atque preceptionem munerum. Horum officium est, secundum Dionysium, docere praelatos ut facile et perseveranter, quae ad officium praelationis pertinent, exequantur, et ipsius onera sustineant patienter. Item per istos miracula fiunt, et virtutes faciendi mirabilia perfectis conceduntur. Archangeli summi nuntii nuncupantur, et summa nuntiant. Horum officium est, secundum Gregorium³, de his que pertinent ad promotionem fidei, ut de nativitate Christi et factis ejus, homines erudire, et dæmones ab hominibus removere; secundum Dionysium⁴, prophetias revelare. Iste illuminationes, quas a superioribus suscipiunt, inferioribus annuntiant, et per eosdem nobis angeli sunt in celesti dispositione ultimi, et hominibus magis propinquai. Angelus nomen est officii, non naturæ. Iste minima nuntiant, et homines ad divinam cognitionem ducunt, et ut juste vivant, instruunt. Hi sursum extenduntur per dilectionem Dei, in seipsis firmantur per custodiam sui, ac sub se progrediuntur ad auxilium proximi. Nos autem assimilari debemus Seraphim per charitatem, Cherubim per cognitionem, Thronis per aequitatem, Dominationibus carnem spiritui subjugando, Principatibus reverentiam majoribus nostris exhibendo, Potestatis tentationibus diabolicis resistendo. Item debemus assimilari Virtutibus per compassionem, Archangelis per instructionem, Angelis per obsequii exhibitionem.

CAPUT XV.

De cognitione et motu Angelorum.

Angeli cognitionem habent matutinam, hoc est, cognitionem rerum in Verbo; item vesper-

tinam, id est, cognitionem rerum in se. Item meridianam, id est, apertam Dei visionem. Est et alia cognitio angelica, videlicet, prout maiores indicant minoribus, que per divinas theophanias perceperunt. Theophania vero est ostensio alicujus cognoscibilis de Deo per illuminationem de Deo venientem: et hoc potest esse vel in symbolis, vel facie ad faciem. Nota quod angelus in cognitione rerum in propria natura, cognoscit plure habitu, et non actu. Circa incarnationem et passionem Christi sciverunt angelii substantiam facti, sed non omnes circumstantias, ut quare, vel quomodo. Preterea quemcumque angeli cognoscunt, cognoscunt remota sicut propinquia: quia cognitione eorum non per sensum, sed per intellectum est.

Status autem angelii triplex est, scilicet innocentiae, gratiae, et glorie. Distinguuntur motus Angelorum tripliciter secundum Dionysium, scilicet circularis, rectus et obliquus. Circularis est ab eodem in idem, et circa idem centrum immobile: hunc motum habent angelii, qui immediate recipiunt illuminationes a Deo, et per illas revertuntur ad Deum. Istud autem convenit superiori hierarchiae tantum. Item motu recto moventur, quando procedunt ad providentiam subjectorum recte omnia transeuntes, et non revertuntur ab eodem in idem, sed de uno in aliud. Item est in angelis motus obliquus, quando scilicet cognitionem inferiorum, quibus provident, reflectunt in Deum, principium et finem boni et pulchri.

Nota differentiam inter assistere et ministrare: quia assistere est faciem Dei contemplari: sic assistunt omnes boni angelii. Item assistere est immediate recipere illuminationes a Deo: sic tantum assistunt tres primi ordines. Item assistere est appropinquare Deo, et extraneum esse ad exterius missioni: sic assistunt quatuor primi ordines. Ministrare vero est nuntiare pro temporis opportunitate, vel operari secundum officium: est enim ministerium nuntii, et officii.

Erratum est circa motum angelorum tribus modis. Dicebant enim quidam philosophi, quod angeli nunquam moventur, sed movent spheras, et per eas voluntates hominum. Item dixerunt alii, quod angelus sit in pluribus locis, et etiam ubicunque, si (b) voluerit. Item dixerunt alii, quod angelus sic venit de fine spatii,

Cœl. Hier., c. ix.—(a) Cœl. edit. robusti.—(b) Edit. Ven. sit. Forsan legendum sic.

¹ Isid., de Sum. Bon., lib. I, c. xii. — ² Greg., ubi sup. — ³ Greg., in Evang., hom. xxxiv. — ⁴ Dion., de

quod non transit media, sed transilit. Illud quoque prætermittendum non est, quod unusquisque ordo ab eo denominatur, secundum quod respectu inferiorum ordinum excellentias accipit in munere.

CAPUT XVI.

De prælatione Angelorum.

Præsunt quidam angeli regionibus, ut dicitur in Daniele¹: *Princeps Græcorum, et Princeps Persarum*, etc. Quidam vero præsunt Ecclesiis; in Apocalysi²: *Angelo Ephesi Ecclesiaz scribe*. Item alii præsunt personis; in *Actis*³ angelus Petri credebatur ad ostium stare. Quidam etiam maligni spiritus dicuntur vitiis præesse; unde vocatur aliquis spiritus superbie, spiritus luxuriae, et hujusmodi. Que autem prælaciones permaneant, vel que cesserent post hanc vitam: sciendum est quod hierarchie semper stabunt quantum ad instantiam (a) beatitudinis, et quantum ad gradum dignitatis, et nobilitatem doni gratutii, ac naturæ. Cessabunt autem prælaciones angelicæ super homines et angelos quoad actum regiminis, secundum gubernationem mundi et electorum, secundum viam ad patrem. Prælatio autem est in daemonibus quoad officium insultandi et irridendi, et secundum quod unus provocat alterum in malitia: et hoc non destruetur; Psalmista⁴: *Superbia eorum qui te oderunt, ascendit semper*. Nec destruetur quantum ad malitiam et naturam; cessabit autem eorum prælatio quoad officium tentandi eos qui sunt in via. In hominibus etiam prælaciones evanescunt, quia non erunt deeani, centuriones, chiliarchæ, et hujusmodi. In creaturis similiiter cessabit prælatio, quia superiora non movebunt tune inferiora, sicut modo.

CAPUT XVII.

De confirmatione Angelorum.

Confirmationem habet angelus ex tribus, scilicet ex natura, gratia, et gloria. Ex natura quidem, quia natura spiritualis semel tantum veribilis est, vel in bonum, vel in malum, nisi ex unione unius cum altero, sicut patet in anima, que dum est in corpore, potest mutari saepius de bono in malum, et contra; soluta vero, non. Hujus autem ratio est, quia natura

(a) *Forsan legendum præstantiam vel substantiam.*
— (b) *Edit. Ven. qui.*

spiritualis, propter suam simplicitatem, se totam convertit ad id quod elegit; quod non facit natura unita, quia habet corpus retrahens. Ex gratia similiiter habet confirmationem, quia si aliquid connectitur stabili æterno vinculo perpetuo, illa connexio semper manet. Sic angeli colligati sunt stabili æterno, scilicet Deo, et hoc vinculo indissolubili, scilicet charitatis; Apostolus⁵: *Charitas nunquam excidit*, etc. Ex gloria quoque habent eam, quia cum Deum habeant per gloriam, que (b) est forma completiva angelici desiderii, non vagantur extra ipsum, ut querant aliquid illo melius, vel desiderabilius atque jucundius. Nihil enim in creaturis inventi, quod possit eos a fonte divina dulcedinis avertere.

Tenendum itaque quod angeli boni ex libertate arbitrii ad Deum eversi, statim fuerunt per gratiam et gloriam in voluntate confirmati, fideles ac felices effecti, atque in ratione illuminati, ut non solum eognoscerent res in proprio genere, sed etiam in arte, hoc est, in Verbo. Filius enim dicitur ars Patris, per quem operatur. Acceperunt insuper perfectionem in virtute operativa, sive exequantur illam assumptu corpore, sive alias, atque perfectionem in virtute contemplativa, qua, quo cumque mittantur, intra Deum currunt.

CAPUT XVIII.

De custodia Angelorum.

Angeli nobis ad custodiæ deputati tenent nos stantes, ne cadamus, et cadentes nos adjuvant, ut surgamus: nec unquam nos deserunt etiam peccantes, quin semper sint parati auxiliari, si velimus. Hoc tamen fallit in obstinatis, a quorum custodia desistit angelus actualiter: paratus est tamen custodire, si redire voluerint, quia nunquam deseritur homo ex toto ab angelis.

Nota quod Christus non habuit angelum sibi deputatum, quia anima ejus superior fuit omni angelo; sicut et habebit unum Antichristus, quem licet propter nimiam obstinationem non sibi habiturus ad promotionem suam, habebit tamen ad accusationem.

Effectus autem angelicæ custodiæ multiplex est. Primus est impedimenta boni, et occasiones mali, et actiones peccandi removere; Exo-

¹ *Dan.*, x, 13, 20. — ² *Apoc.*, ii, 1. — ³ *Act.*, xii, 15.
— ⁴ *Psal.* LXXXIII, 23. — ⁵ *I Cor.*, XIII, 8.

dus¹ : *Mittam angelum præcursorum, qui ejiciat Jebuseum.* Secundus est tentationes mitigare ; Daniel² : *Angelus Domini descendit in fornacem*, etc. Tertius est contra hostes visibiles adjuvare ; in libro Regum³ : *Elisæus vidit castra angelorum.* Quartus est orationes nostras et elemosyas Deo præsentare, et pro nobis orare ; in Tobia⁴ : *Quando orabas cum lacrymis*, etc. Quintus est viam ostendere ; in Tobia⁵ : *Ego sanum ducam, et reducam*, etc. Sextus est in agendis docere ; Zacharias⁶, de angelo qui instruxit eum de quatuor fabris. Septimus est, seipsum et alia secreta revelare ; in Tobia⁷ : *Ego sum Raphael angelus.* Octavus est a peccatis excitare ; in Actis⁸ : *Surge velociter.* Nonus est, ad fervorem excitare ; in libro Regum⁹ : *Surge, comede; grandis enim tibi restat via.* Decimus est consolari ; in Tobia¹⁰ : *Forti animo esto; in proximo est ut a Deo cureris.* Undecimus est de peccatis incerepare ; in libro Judicium¹¹, dixit Angelus populo Israel : *Cur contra Deum fecistis?* Duodecimus est contrarias potestates arcere, ne tantum nocere valeant, quantum vellent ; in Tobia¹², qualiter Angelus Asmodæum ligavit.

Angeli serviunt nobis propter tria, scilicet : propter ruinæ sue reparationem, quia homines salvandi intrabunt in locum cadentium angelorum ; item propter meriti accidentalis cumulationem, quod augetur in eis usque ad diem judicii ; item propter amoris erga nos demonstrationem.

Dionysius attribuit angelo tres actus, scilicet purgare, illuminare, et perficere. Purgant itaque angeli removendo phantasmatum quæ impediunt illuminationem, quam angelus intendit facere in nobis. Unde tria removent ab anima, scilicet ignorantiam, et nubilaphantasiarum, ac falsas opiniones philosophicarum rationum revelationi contrariarum. Illuminant vero animam tripliciter, scilicet ad sensum, ut patet quando aliquid manifestant (*a*) in assumptione corpore ; item ad imaginationem, scilicet cum fumositate, qua per spiritum animalium ad cerebrum elevantur, transmitunt in diversa phantasmatum : et hanc potestatem habet etiam diabolus. Item ad intellectum, et talis illuminatione solum perfecta est. Notandum autem quod angelus non illuminat intellectum efficiendo novam cognitionem in anima, quia non potest in intellectu novam speciem imprimere,

¹ Exod., xxxiii, 2. — ² Dan., iii, 49. — ³ IV Reg., vi, 17. — ⁴ Tob., xii, 12. — ⁵ Tob., v, 15. — ⁶ Zach.,

nec habitum novi luminis dare, sed nec ejus intentionem quo vult convertere, quia hoc est contra naturam liberi arbitrii. Hæc enim tria requiruntur, ut intellectus noster intelligat aliquid, scilicet species qua cognoscatur, et lumen in quo cognoscatur, et intentio qua convertatur intellectus super speciem. Illuminat autem angelus intellectum nostrum excitando, et disponendo, et lumen divinum in nos transferendo. Facit enim, ut dictum est, in phantasia transmutationem specierum, componendo et dividendo, secundum exigentiam rei quam vult revelare. Item irradiat lumen intellectus sui super illas species, ut moveant intellectum nostrum, et sic plura et subtiliora videre possumus (*b*) in lumine duplicato. Item excitat intentionem animæ aliquo motu, ut ipsa convertat se super illa phantasmatum, abstrahendo se ab aliis. Perficiunt autem, id est, promovent ad melius.

Sed utrum angelus accendere possit affectum humanum, tripliciter potest intelligi, scilicet vel efficiendo, vel excitando et adjuvando, vel movendo. Primo modo Deus potest inflammare affectum, scilicet per effectum. Secundo modo ipsum desideratum inflammat affectum, scilicet excitando et juvando. Tertio modo potest angelus affectum nostrum incendere per motum. De his habemus exemplum in naturis ; quia primo modo ignis accendit ligna, secundo modo ligna incendunt ignem, et tertio modo, qui ligna igni apponit, ignem accendit. Differentia autem est inter immittere cogitationem, et incendere, et mentem illuminare : quia cogitationem immittere est, ut dicit Beda, intus creare, et facere cogitationem ; sed incendere est cogitationem jam factam inflammare ; illuminare vero est dare revelationem de aliquo occulto intelligibili.

CAPUT XIX.

De locutione Angelorum.

Verbum triplex est, scilicet, mentis, oris, et operis. Verbo mentis loquitur Deus angelo, et e converso ; item Deus animæ, et e converso ; item diabolus Deo : cuius tamen intentio Deum latere non potest. Verbo autem oris loquitur homo homini in corpore unito animæ ; angelus

¹ 20. — ⁷ Tob., xii, 15. — ⁸ Act., xii, 7. — ⁹ III Reg., xii, 5. — ¹⁰ Tob., v, 13. — ¹¹ Judic., II, 2. — ¹² Tob., viii, 3.

(a) Cœt. edit. manifestatur. — (b) possunt.

vero homini, corpore assumpto; sed verbo operis loquitur Deus diabolo, et angelus diabolo. De locutione itaque angelorum, nota quod angelus loquitur Deo, cum ex visis in motum admirationis exurgit, vel cum affectus suos ei praesentat, quos tamen eum latere minime dubitat. Angelus vero loquitur angelo verbo mentis sue, species ostendendo mediante illuminatione quadam spirituali irradiante ab ipso. Item angelus facit aliquid coram angelo, quo facto intelligit quod non intelligebat ante. Et sic loquuntur omnes omnibus, id est, superiores inferioribus, et e converso. Item loquitur angelus angelo per communicationem divini luminis ipsum instruendo: sic non loquuntur omnes omnibus, nec omnia, sed tantum superiores inferioribus de his quæ per divinas theophanias perceperunt.

Loquitur autem angelus homini dupliciter. Primo modo, verbo vocali in assumptione corpore; sed tunc, sicut non profert sonum in organis materialibus secundum naturam, ita nec circulariter immutat medium, quemadmodum in voce naturali: unde non auditur, nisi ab illo ad quem ordinatur: et est simile in apparitionibus angelorum, quos quidam vident, et alii æque propriaque non vident, ut apparet¹ in Eliseo, et pueru ejus. Dicunt tamen aliqui, quod angelus nunquam apparuit, vel apparet, aut loquitur homini in subjecta creatura; sed intentionem, sive similitudinem ponit in oculo ejus, vel intentionem vocis ponit in aure ejus, et ibi recipit sensus communis species illas, ac deinde pervenient ad imaginationem, post haec ad intellectum: et hoc est quod angelus dicitur apparere, aut loqui homini.

Secundo modo loquitur angelus homini per impressionem rerum sensibilium, moto instrumento imaginationis, et sic loquitur vigilantiibus et dormientibus.

Item loquitur angelus diabolo, species sui intellectus ei sine aliqua illuminatione ostendendo.

Item loquitur diabolus homini dupliciter: primo modo, sensum immutando, et hoc vel imaginationem alicujus rei imprimendo instrumento visus, vel obliquiendo visui similitudinem alicujus rei; secundo modo loquitur diabolus homini per impressionem rerum sensibilium in instrumento imaginationis, et hoc facit quan-

doque vigilantibus, quandoque dormientibus: et sic immittit cogitationem mali. Cogitationem vero malam non potest immittere, quæ tantum per consensum mala fit^(a).

Est et locutio animalium: quia anima loquitur Deo per desiderium, cuius affectiones nudæ sunt et aperta oculis Dei. Anima similiter angelo loquitur, et hoc per voces corporis, quas bene percipit angelus, sicut et alia sensibilia. Unde anima existens in corpore alia spirituali potestate loquendi ad angelos non indiget; sed hanc habebit exuta a corpore. Item anima loquitur diabolo, quia similitudines affectionum imprimuntur sensibus, ubi diabolus legit eas.

CAPUT XX.

De specialibus nominibus Angelorum.

De his nominibus, *Michael*, *Gabriel*, *Raphael*, sciendum est, quod haec sunt propria nomina Archangelorum, licet eorum interpretationes aliis sunt communes; sed eorum propria sunt, quia his horum nominum interpretationes convenient excellentius. *Michael* interpretatur, *Quis ut Deus?* hic est de ordine Principatum, et attribuuntur ei quatuor, scilicet esse præpositum paradisi, id est, Ecclesiæ, sicut et olim fuit princeps Synagoge. Item deferre animas in paradisum; sed hoc intelligas, quod gloriosius deferat quam alii. Item, pugnare cum dracone, id est, diabolo, sicut legitur² in Apocalypsi, item, venire in adjutorium populo Dei.

Gabriel interpretatur *fortitudo Dei*. Ille est de ordine Archangelorum, et merito, quia magna annuntiavit.

Raphael interpretatur *medicina Dei*, et est de ordine Virtutum, quia mirabilia magna fecit.

CAPUT XXI.

De casu Angelorum.

Omnis angelos fecit Deus bonos; non tamen summos, sed medios inter summum bonum et bonum commutabile, quod est creatura, ita quod si converterentur ad amandum Deum, qui supra se erat, ascenderent ad statum gratiae et glorie; si vero converterentur ad bonum commutabile, quod fuit infra se, hoc ipso ruerent in malum culpæ et poenæ, quia non est dedecus peccati sine decore justitiae.

¹ IV Reg., vi, 17.—² Apoc., xii, 7.

(a) *Cat. edit. sit.*

CAPUT XXII.

De spirituali casu Dæmonis.

Casus diaboli duplex fuit, scilicet spiritualis, et localis. Spiritualis, quia cecidit de naturæ puritate, de flexibilitate liberi arbitrii ad bonum, de luce in tenebras, de scientia in ignorantiam, de innocentia in culpam, de felicitate in penam, de dilectione in odium. Post casum enim factus est impenitus, et obstinatus in malo, et excæcatus a vero, et deordinatus in bono, et infirmatus in virtute, et exclusus a Dei contemplatione. Præterea voluntas ejus impia conversa est ad hominis odium, et invidiam: unde toto conamine nititur ad ejus subversionem per tentationem multiplicem. In tantum autem exceccatus est, quo potius vult esse, quam non esse, ut pugnet contra Deum, licet ex hoc sciat sibi malum semper evenire: quia quolibet facto suo, quod ex libero suo arbitrio procedit, peccat mortaliter.

CAPUT XXIII.

De locali casu Diaboli.

Casus etiam diaboli localis fuit, quia vel in infernum, vel in caliginosum aerem, qui est in medio interstio aeris, corruit. Dæmones enim non sunt in superiori parte aeris, ne lumine gaudeant; nec sunt in parte inferiori, nemis contra nos sevant. Unde notandum est, quod in demonibus est tria considerare, scilicet naturam, officium et peccatum. Et naturæ quidem convenit locus summus, id est cœlum, in quo tanquam in loco congruo sunt creati; et postmodum in natura, si stelissent, perficiendi. Ex officio vero quod habent exercendi homines, convenit locus medius, id est aer caliginosus, ubi et satis propinquique sunt nobis ad tentandum, et tamen non habent lumen ad gaudendum: sed peccato convenit locus infimus, scilicet infernus. Unde et dæmones post finem mundi, quando cessabit eorum officium, detrudentur simul¹ in infernum. Dicunt quidam quod Angelus cecidit secunda die; sed communior est opinio quod prima die subito post creationem suam ceciderit. Dicitur communiter, quod decimus chorus angelorum cecidit: sed hoc non dicitur quod deceat ordi-

nes angelorum fuerint, sed quod tot de singulis ordinibus céciderunt, quot poterant facere clorum unum. Unde novem sunt ordines angelorum: quilibet ordo habet suas legiones: legio autem angelorum habet 6666 unitates. Tot autem in singulis ordinibus sunt legiones, quot in legione sunt unitates.

CAPUT XXIV.

De restaurazione ruinae Angelorum.

Angelorum ruina restaurabitur per salvandos. Dicit autem Augustinus², quod tot salvabuntur homines, quot angeli ceciderunt. Gregorius³ vero dicit, quod tot homines salvabuntur, quot angeli persisterunt. Dixerunt etiam quidam, quod duo parientes erunt in celo, scilicet unus dominum, et alius angelorum; et quod ruina angelica restaurabitur per virgines; et de alio pariete tot erunt salvandi, quot in alio pariete sunt virgines et angeli.

CAPUT XXV.

Cur peccatum Diaboli sit irremissibile.

Quare peccatum diaboli sit irremissibile, assignantur plurimæ rationes. Prima, quia secundum Augustinum⁴, nullo suggerente peccavit, et ideo nullo reparante redibit. Secunda est secundum Damascenum⁵, quia contra deiformem intellectum peccavit: quanto autem nobilior est cognitio, tanto pejor est error⁶: *Servus enim sciens voluntatem Domini*, etc. Tertia secundum eumdem Damascenum est, quia angelus non est susceptibilis poenitentie; unde nec veniae. Quarta est, quia in diabolo extincta est synderesis quantum ad boni promotionem. Quinta est, quia natura spiritualis semel tantum vertibilis est, eo quod tota se convertat: quod non facit homo, quia caro semper repugnat spiritui. Status autem angeli mali triplex est, ut patere potuit ex prædictis: primus scilicet innocentie; secundus, culpæ; tertius, poenæ et misericordie.

CAPUT XXVI.

De proprietatibus Dæmonum.

Dæmones sunt spiritus impuri, humani generis inimici, mente rationales, in nequitia sub-

¹ *Math.*, xxv, 41. — ² *Aug.*, *Enchirid.*, c. xxix; *de Civit. Dei*, c. 1. — ³ *Greg.*, *in Evang.*, hom. xxxiv. —

⁴ Imo auctor, quisquis ille sit, libri *de Mirabilib. Script.*, lib. I, c. II. — ⁵ *Damasc.*, *de Fid. Orthod.*, lib. II, c. III. — ⁶ *Luc.*, XII, 47.

tile, cupidi nocendi, per superbiam tumidi, semper in fraude novi; immutant sensus, inquinant affectus, vigilantes turbant, dormientes per somnia inquietant, morbos inferunt, tempestates concitant, in lucis angelos¹ se transformant, semper infernum suum secum portant, in idolis sibi cultum divinum usurpant, super bonos dominari appetunt; magice artes per eos fiunt; bonis ad exercitium dantur, semper fini hominis insidianter.

Tripli acumine scientiae vigent dæmones: primo, subtilitate nature, et hoc per cognitio-nem vespertinam; secundo, experientia temporum; tertio, revelatione superiorum spirituum. Primo modo intelligent naturalia presentia; secundo modo, naturalia futura; tertio modo cognoscunt etiam voluntaria.

Multipliciter vero diabolus nominatur, per quod et proprietates sue cognoscuntur. Vocatur enim *diabolus*, quod interpretatur *defluens*, quia defluit, id est corruit spiritualiter et localiter, sicut dictum est. Graece interpretatur diabolus *clausus ergastulo*; et hoc sibi convenit, quia non permittitur tantum nocere, quantum vellet. Preterea secundum etymologiam diabolus dicitur *a dia*, quod est duo, et *bolus*, quod est morsellus, quia duo occidit, scilicet corpus et animam. Item vocatur *dæmon*, id est, sanguineus, et hoc propter peccatum; vel sciens, quia viget tripli scientia, sicut dictum est. Item *Beelial*, quod interpretatur *absque iugo*, vel *absque domino*, quia pro posse contra eum pugnat, cui deberet esse subjectus. Item *Beelzebub*, quod interpretatur *vix muscarum*, id est, animalium peccatricum, que reliquerunt verum sponsum Christum. Item *Satanas*, id est, *adversarius*; unde Petrus²: *Adversarius vester diabolus*, etc. Idem *Bekemoth*, id est, bestia, quia facit homines bestiales. Item *Leviathan*, id est, additamentum eorum qui peccata peccatis cumulant³.

CAPUT XXVII.

De malitia diaboli contra nos.

Diabolus nocet homini multipliciter: quia per violentiam; et hoc, quandoque exterius corpus lædendo, sicut fecit Job; quandoque intra membra ligando, sicut in obsessis: et propter hoc datur parvulus angelus bonus, ne diabolus

¹ *Il Cor.*, xi, 14. — ² *Petr.*, v, 8. — ³ De his singulis nominibus, sat quidem male interpretatis, vid. Lexicographos hellenistas, et sacrae Scripturae interpres, ac præsertim Cornel. a Lapide. — ⁴ *Greg.*, *Moral.*, lib. XXXII,

in his lædat eos, vel exedat. Item nocet per impressionem imaginum mala sugerendo, vel per commotionem sanguinis ad peccatum accendendo, vel sensus exteriore per objectio-nem falsarum formarum decipiendo. De his et similibus dicit Gregorius⁴: « Aut opprimendo rapit, aut insidiando circumvolat, aut suadendo blanditur, aut minando terret, aut desperando frangit, aut promittendo decipit. »

Diabolus decipit homines quatuor modis: primo suadendo bonum, sed hoc propter malum, ut cum homini instabili suadet ingressum religionis, et hoc ut postmodum apostatet; se-cundo, suadendo malum, et hoc sub specie boni, ut pejare pro rebus alterius conservan-dis; tertio, dissuadendo bonum tanquam nocivum, ut cum dissuadet bono viro religionis ingressum, ne de hoc pœnitiat, et egrediens confundatur; vel quando dissuadet alicui orationem vel eleemosynam, ne per hoc incurrat vanam gloriam; quarto, dissuadendo malum, ut ducat ad pejus, ut quando dissuadet intempe-rantium (a) in vietu et somno, ut per hoc inducat ad indiscretam abstinentiam, quod pejus est.

Impeditur diabolus in effectu sua malitia multis modis: quandoque scilicet per terminum sue potestati (b) a Deo impositum; item quandoque per resistentiam bonorum spirituum. Habet enim quælibet anima duos angelos: unum bonum, ad custodiām; aliud malum, ad exercitium. Item per arbitrium hominis non con-sentientis; item per peccati abominationem, quia quandoque dæmones nobilioris naturæ peccata vilia detestantur; item propter caute-lam quandoque omittit facere mala, ut pejus fiat, sicut modo non vexat excommunicatos, ut minus timeant tales sententias.

Utrum autem virtus tentandi minuatur in dia-bolo, quando vincitur, diversæ sunt opiniones. Dicunt enim quidam quod superatus in uno vitio, ipsum victorem non possit amplius tentare de eodem vitio, sed alius diabolus potest. Alii dicunt quod superatus in uno vitio, nullum amplius de illo vitio possit tentare. Origenes dicit, quod superatus ab uno, neminem possit tentare de cetero.

Data est potestas dæmonibus exercendi ma-gicas artes multiplici ratione. Primo, ad fallen-dum fallaces, sicut *Egyptios* et ipsos magos. Unde etiam que ipsi per talem modum acturi e. viii. — (a) *Cat. edit.* temperantium. — (b) Item potestatis.

sunt, quasi divinando prædicunt. Secundo, admonendum fideles, ne scilicet tale quid pro magno desiderent, cum videant etiam malos facere hujusmodi. Tertio, ad probandam et exercendam patientiam et fidem justorum.

CAPUT XXVIII.

De Lucifero.

De Lucifero sciendum est, quod fuit de supremo ordine superioris hierarchie, ac in illo ordine supremum gradum tenuit: cui tanquam principi de singulis ordinibus magna multitudo adhaesit, quos omnes secum traxit. Dictus est autem *Lucifer*, quia præ cæteris luxit, suæque pulchritudinis consideratio eum excæcavit. Primum hominem tentavit, et vicit. Christum tentavit, et vicitus est. Potestalem tunc amisit, quam ultimis temporibus recuperabit. Nunc religatus est, et in fine solvetur. Peccatum Luciferi fuit, quod se et suum privatum bonum dilexit. Excæcatus de altitudine habita præsumpsit, ac propriam excellentiam ambivit, quasi habiturus fuerit a se, non ab alio, et sine ineritis habere voluit. Stare vel sperare cum posset, quo usque gratia apponetur, noluit. Dei similitudinem concupivit, non quidem causa imitationis, sed potestatis, id est, subditos habere voluit, et nulli subjectus esse concupivit.

CAPUT XXIX.

Quid sit Anima secundum diffinitionem.

Post naturam corpoream, et incorpoream, dicendum est de natura ex utrisque composta: sed primo ex parte mentis; secundo ex parte corporis; tertio ex parte totius hominis. De anima igitur videndum est quid sit secundum diffinitionem. Porro a quibusdam diffinitur ut spiritus; a quibusdam, ut anima; a quibusdam vero, ut spiritus et anima. In quantum igitur anima naturam habet spiritus, diffinitur ab Augustino sic in libro *de Motu Cordis*: « Anima est substantia incorporea, intellectualis, illuminationis capax, ultima revelatione perceptiva. » Ex hac diffinitione cognoscimus quod spiritus humanus, qui est anima, inter omnes creaturas immediate post angelos illuminationis divine sit perceptivus. Anima vero, in quantum anima, sic diffinitur a

Remigio: « Anima est substantia incorporea, regens corpus. » Ex hac diffinitione habemus quod anima est quasi corporis rector et motor. Item anima, in quantum anima, diffinitur a Philosopho in libro *de Anima*¹ sic: « Anima est entelechia corporis physici organici potentia vitam habentis. » Entelechia hic dicitur actus primus, sive perfectio. Ex hac diffinitione habemus quod anima unibilis est corpori, non omni, sed soli organico et physico, id est, naturali, ad susceptionem animæ rationalis disposito. Item anima, in quantum est spiritus et anima, sic diffinitur ab Augustino²: « Anima est omnium similitudo. » Hæc diffinitio data est per comparationem animas ad creaturas. Anima enim ex sui natura ad suscipiendas omnium rerum, tam corporalium, quam spiritualium similitudines apta est. Item animæ descriptio talis est: « Anima est deiforme spiraculumvitæ. » Hæc descriptio sumitur a *Genesi*³, et datur secundum quod anima comparatur ad Deum, prout non ex traduce, vel seminali ratione propagatur, sed a Deo corpori creando infunditur, et infundendo creatur. Item Seneca sic diffinit animam: « Anima est spiritus intellectualis ad beatitudinem in se et in corpore ordinatus. » Hæc diffinitio datur in relatione animæ ad finem, secundum quod non solum separata beatificatur in se, sicut angelus, imo et in corpore glorificato ipsius beatitudo ampliatur.

CAPUT XXX.

Quid sit Anima secundum rem.

Quid sit anima secundum rem, diversas videntur sententias philosophi protulisse. Plato enim dicit animum numerum seipsum moventem; Aristoteles, entelechiam; Pythagoras, harmoniam; Hippocrates, spiritum tenuem; Heraclitus, lucem; Democritus, spiritum ex atomis compositum; Hypomenes, igneum vigorēm. Parmenides dicit eam esse de terra et igne; Epicurus autem, ex aere et igne. Inter has diversitates nos sequimur dicta sanctorum, et catholicorum magistrorum dicentium, quod anima est substantia spiritualis et rationalis, ad vivificantem corpus humanum de nihilo creata. Creata est in quantum anima perfectibilis et imperfecta quantum ad scientiam et virtutes, perfectissima tamen est quantum ad potentias quisquis ille sit, lib. *de Spir. et Anim.* c. vi, inter Oper. S. Aug., tom. VI, append. — ³ *Gen.*, II, 7.

¹ Arist., *de Anim.*, lib. II, text. 5.—² Imo ab auctore,

naturales. Et quia incorporea est, sensui non est subjecta, neque secundum dimensionem extensiva. Quantitatem enim habet anima, ut dicit Augustinus¹, non dimensivam, sed potestativam et virtualem. Et quia simplex est anima, ideo nec augmenti, nec decrementi est susceptiva, quia nec in corpore majori major, nec in minori minor reperitur, ut dicit² Augustinus. Multitudo quoque potentiarum in anima non ponit majoritatem in animæ natura, sed multiplicitatem effectuum. Anima etiam est vita perpetua, scilicet per memoriam, intelligentiam et voluntatem ad imaginem Dei facta, capax virtutis et viti, susceptibilis poenæ vel premii; arbitrio libera, potentiæ et habitibus, ac affectionibus decorata. Caret pondere, figura, et colore. Passibilis et mutabilis est: eo magna, quo capax est aeternitatis; eo recta, quo naturaliter appetens est bonitatis; eo bona, quo particeps est divinitatis.

CAPUT XXXI.

Quid sit Anima secundum nomen.

Anima dicitur, iu quantum corpus animat et vivifacit; *mens*, in quantum recolit; *animus*, dum vult; *ratio*, dum rectum judicat; *spiritus*, dum spirat, vel quia spiritualem naturam habet; *sensus*, dum sentit; *memoria*, dum recordatur; *voluntas*, dum consentit. Hæc nomina diversa sunt anime, non propter essentie plurimalitatem, sed propter effectuum multiplicitatem, et operationum (a). Dicitur *anima* ab *a*, est *sine*³; et *xema*⁴, quod est *sanguis*, eo quod sit sine sanguine. Vel dicitur ab *a*, et *nemein*, quod est *tribuere*, eo quod anima vitam tribuit. Vel dicitur anima quasi *anemos*⁵, id est *ventus*, quod spiritus sit.

CAPUT XXXII.

De triplici Anima.

Actus animæ triplex est, scilicet vegetare, sentire, et ratiocinari: secundum hoc distinguuntur animæ potentia triplex, scilicet vegetabilis, et sensibilis, et rationalis. De quibus dicit Ambrosius, quod anima vegetabilis appetit esse, sensibilis bene esse, rationalis autem optimè esse: et ideo nunquam quiescit, donec optimo conjugatur: propter hoc vi amoris in

¹ Aug., de Quant. animæ, c. xvii. — ² Ibid. — ³ Scilicet a privalium apud Græcos. — ⁴ Αἴμα. — ⁵ Ανέμος.

Deum movetur tanquam ad centrum, ut in ipso summe delectetur. Hæ autem tres potentiae in diversis substantiis tres animæ dici possunt. Nam vegetabilis est anima in plantis, sensibilis in brutis, rationalis in hominibus. In homine autem tres prædictæ animæ una sunt essentia, sed differunt in potentia: nec obstat quod in homine successive, ac diversis temporibus manifestantur: hoc enim est a virtute formativa, quæ rationabiliter prius disponit ad vitam quam ad sensum, et prius ad sensum quam ad rationem, præsertim cum natura non in instanti, et subito, sed paulatim et successive operetur. Cum autem anima rationalis infunditur corpori, tunc prædictæ primo infunduntur, non habentes actiones suas deinceps a virtute formativa, sed ab ipsa anima. Anima quoque duas primas potentias, scilicet vegetabilem et sensibilem, exercet tantum in corpore; tertiam vero habet etiam exuta a corpore. Animæ vegetabilis et sensibilis non debent dici animæ in homine, nec dividiri ut animæ, sed ut potentiae; nec anima vegetabilis in sensibili dicenda est anima, sed potentia. Anima autem vegetabilis in vegetabili dicenda est anima, non potentia.

CAPUT XXXIII.

De potentia (b) Animæ vegetativæ.

Anima vegetabilis tres potentias habet, scilicet generativam, augmentativam, et nutritivam. Prima est ad speciei conservationem; secunda est ad conservationem individui; tertia est ad perfectionem subjecti. Virtuti autem nutritivæ quatuor deserviunt, scilicet, virtus attractiva, quæ assumit necessaria in nutrimento; item digestiva, quæ separat conveniens ab inconvenienti in alimento; item retentiva, quæ cibum tardius retinet in uno loco, donec debitam recipiat alterationem; item expulsiva, quæ expellit quod superfluum est in nutrimento: sed ante omnes has est appetitiva.

CAPUT XXXIV.

De potentia apprehensivis Animæ sensibilis.

Anima sensibilis duplē habet potentiam, scilicet apprehensivam, et motivam. Apprehensiva dividitur in apprehensivam de foris, et in apprehensivam de intus. Vires apprehensivæ

Juxta alios, vox *anima* oritur a græco ἀν, *spiro*.
(a) Cœt. edit. operationem. — (b) Item potentia.

de foris sunt quinque sensus particulares , sive exteriōres, scilicet visus, auditus, etc. Vires autem apprehensivae de intus sunt quinque potentiae interiores animae sensibilis, quae sunt sensus communis, imaginatio, estimatio, phantasia, et memoria. Tradunt Peripatetici omnes vires istas organicas esse, et quod per instrumenta corporalia suas operationes perficiunt, eo quod sint circa particularia tantum. Omnis enim forma particularis in materia aliqua est: quoniam forma sine omni materia accepta, universalis est circa quam operatur intellectus. Ista facile est videre in sensibus particularibus: quoniam illi non apprehendunt, nisi per rei sensibilis praesentiam. De virtutibus autem interioribus, que sunt imaginatio, estimatio, phantasia, idem est: quoniam in illis omnibus est apprehensio formae singularis secundum situm partium ejus, et linea menta, et quantitatem. Omnes istae potentiae passivae sunt, et patiuntur a formis et individuis, quae sunt principia cognitionis sensibilis. Scendum autem quod nulla apprehensiva sensibilis retinet id quod apprehendit; imo quod una apprehendit, alia retinet. Notandum ergo quod alia virtus est quae bene tenet, alia quae bene recipit: et ista quae bene tenet, perficitur seco et frigido; sed illa quae bene recipit, perficitur humido.

CAPUT XXXV.

De sensibus particularibus.

Sensus particularis in quinque dividitur, scilicet in visum, auditum, gustum, odoratum, et tactum: qui in multis convenient, et in multis differunt. Convenient enim quinque sensus in hoc quod sunt vires passivae. Sentimus enim intra suscipientes, non extra mittentes; sensibile autem positum supra sensum non sentitur. Omnes sensus sunt perceptibles singularium, non universalium. Ad quemlibet sensum extenduntur nervi duo: unus ad sentiendum quid agitur circa exteriora; et aliis ad motum voluntarium, qui agit ut vis animae interior, et ad organum dirigit intentionem.

In omni sensu oportet esse proportionem sensibilis ad sensum, quia in mediis delectantur, et in extremis corrumpuntur. Ad sentiendum autem aliquid, oportet esse objectum praesens, et medium deferens, et organum sanguinis atque conveniens, et animae intentio actualis. Omnes sensus unam habent originem, scili-

cet sensum communem, a quo, velut a centro, quasi linea quedam exirent. Differunt etiam sensus particulares in multis. Nam quilibet habet speciale instrumentum. Differunt etiam in objectis, differunt in medio deferente, quia tactus et gustus habent medium intrinsecus, et alii extrinsecus. Differunt in apprehendendi velocitate: quia visus citissime etiam remota apprehendit. Differunt situ, quia visus est supremus; post, auditus; deinde alii per ordinem. Differunt utilitate, quia gustus et tactus maxime sunt necessarii ad conservationem individui et speciei. Gustus enim discernit cibum, per quem servatur animal a nocivo; et tactus discernit qualitates sensatorum, sicut calidum et frigidum, et hujusmodi, ut animal declinet extrema talium qualitatium, ne corruptionem incurrit. Differunt generalitate, quia tactus est generallior, cum non habeat organum determinatum, sed in omnibus membris sit. Differunt etiam in impressionum retentione: sensus enim grossiores fortius retinent suas impressiones, sicut patet in tactu. Nota quod videmus visu et oculo, sed differenter: nam visu videmus effective, sive formaliter; sed oculo videmus instrumentaliter. Eodem modo dicendum est de ceteris sensibus. Anima autem alienatur a sensibus tripliciter: primo, in somno; secundo, in ecstasi magis; tertio, in morte maxime.

CAPUT XXXVI.

De sensu communi.

Sensus communis est potentia quae omnium sensuum particularium objecta apprehendit. Omnes enim sensus exteriōres a sensu communi, velut a centro, particulariter exirent, et sensatorum suorum similitudines ad sensum communem reducunt, quo mediente de singulorum proprietatis judicant et discernunt. Unde scendum, quod sensus communis est fons ex quo omnes sensus oriuntur, et ad quem omnis motus sensibilium refertur, sicut ad ultimum finem. Haec potentia quedam habet in quantum est sensus, et quadam in quantum communis est. In quantum enim sensus est, habet recipere rerum species sine materia, et tamen praesente materia; in quantum communis est, habet duo, quorum unum est judicium sensibilium, per quod nos apprehendimus videre, quando videmus, et audire, quando audi mus, et sic de aliis. Si enim hoc judicium non

eset in animalibus, non satis esset videre et audire utile, et secundum alios sensus apprehendere. Secundum est multa sensata comparare, dicendo unum esse dulce, et aliud dulcius esse: et hoc ideo sensus communis habet, quia ad ipsum referuntur omnium proprietariorum sensuum sensata. Hæc virtus in anteriori parte cerebri ponitur, in loco ubi concurrunt nervi sensitivi quinque sensuum, qui locus medullosus est et humidus.

CAPUT XXXVII.

De vi imaginativa.

Virtus imaginativa est potentia apprehensiva, in qua imagines rerum sensibilium reservantur. Hæc virtus plus abstrahit quam sensus, quia sensus non accipit formam nisi præsentem re: ista autem reservat formam, etiam re absente. In hoc etiam imaginatio differt a sensu communi, quia sensus communis præsentia rei exterioris indiget, sicut sensus particularis. Ista autem virtus, scilicet imaginatio, thesaurus formarum vocatur, quia in ea, sicut dictum est, formæ a particularibus sensibus recepte retinentur et immobilitantur. Hæc potentia in anteriori parte cerebri, seu interiori, sicut et sensus communis, ponitur: et hic major est durities ex frigiditate cerebri prope oiens, ubi et imaginativa retinet impressiones a sensu communis receptas.

CAPUT XXXVIII.

De vi aestimativa.

Aestimativa virtus est, quæ a forma acquisita intentiones elicit, quæ sensu non percipiuntur, secundum quam ovis fugit lupum, et lupus miseretur suo filio: hoc autem non possent fieri, nisi lupus haberet cognitionem ejus individui, et quod hoc individuum sit natus ejus, sicut et ovis apprehendit lupum sibi nocivum: ista vero non possunt fieri per sensum. Aestimativa differt ab imaginatione: quoniam imaginatio solum retinet formas apprehensas per sensum communem, et ad imaginationem solam non sequitur affectus misericordie, vel tristitiae, vel fuga, vel insecuritas; ad estimationem autem statim sequitur quodlibet istorum. Unde sicut intellectus practicus se habet ad speculativum, ita se habet aestimativa ad imaginativam: et propter hoc aestimativa non solum apprehensiva est, sed

etiam motiva, per hoc quod determinat ad quid moveri debeat animal, et a quo fugere. Cum enim animal moveatur ad cibum, oportet estimationem cibi in animali esse. Sed estimatione non solum moveat, imo etiam apprehendit. Oportet igitur animal habere estimationem, qua moveatur. Officium igitur estimationis est apprehendere intentiones, non quidem rationis, sed naturæ. Unde non apprehendit quid sit syllogismus, aut nomen, aut verbum, vel amicitia, vel inimicitia, commodum vel incommodeum, sicut dictum est. Hæc virtus ponitur in prima parte mediæ cellulæ cerebri, quæ calida est ex motu multi spiritus ad ipsam.

CAPUT XXXIX.

De Phantasia.

Phantasia est virtus vel potentia componens imagines cum imaginibus, et intentiones cum intentionibus, et imagines cum intentionibus. Componit, inquam, phantasia imagines cum imaginibus, ut est apprehendere aliquid esse album, vel nigrum, vel diversas formas componere, et fingere chimeras. Componit etiam intentiones cum intentionibus, ut patet in ovo, quæ apprehendit nato suo prehenda esse ubera, et alienum esse repellendum. Componit etiam imagines cum intentionibus, ut cum apprehendit ovis formam lupinam esse fugiendam. Per phantasiam major habetur cogitatio, que potest haberi in anima sensibili: per hanc enim non solum scit præsens, sed etiam prævidet sibi in futurum. Per hanc enim quedam animalia faciunt sibi casas, et de cibo prævident in longinquum; per hanc etiam de illo scit quod sit idem, et de alio quod sit aliud: et sic de eo omni, de quo sententia profertur per modum affirmationis, et negationis. Per hanc quoque videmus aliquid eligere animalia, et aliquid refutare. Ad electionem autem et refutationem præexigitur scientia, et discretio: et ideo multi dixerunt, quod phantasia est aliquid rationis. Sed dicimus non esse veram electionem animæ sensibilis, sed aliquid simile. Hæc a vulgo in homine vocatur cogitativa, cum tamen cogitare proprie sit rationis. Phantasia operatur in somno, sicut in vigilia. Quod autem in somnis res videntur esse præsentes, hoc est, quia fit reversio ad sensum communem. Ista potentia quando conjuncta est rationi, sicut est in homine, tunc accipit agendi, et operandi

regimen a ratione. Sed quia ratio diversificatur secundum diversitatem eorum, de quibus ratio-cinatio fit, ideo operationes phantasie multi-plicantur in homine valde. Ubi autem phan-tasia non est cum ratione, ut est in brutis, tunc regitur solum secundum instinctum naturae. Et quia natura uno modo est in habentibus spe-ciem unam, ideo conceptio phantasie operatur in talibus uno modo. Et inde est quod omnis hirundo facit uno modo nidum suum. Dixerunt autem quidam philosophi, quod istae virtutes in brutis potius aguntur, quam agant, sed in homine potius agunt, quam agantur : quia bruta moverunt secundum impetum et impul-sum appetitus naturalis; motus autem humani regulantur secundum regimen rationis.

Notandum autem quod melancholici, et infirmi, et amentes, multas habent phantasias ; sed hoc non est ex illustratione, qua fit per imaginationes rerum sensibilium, sed ex passio-nibus naturae, et confusione spirituum ascen-dentium ad cerebrum, et caput turbantium. Tales enim spiritus diversarum imaginationum involutiones faciunt, generant horribiles visio-nes et conceptiones. Præterea sciendum, quod bruta citius recipiunt influxus primi motoris, quam homines, sicut patet in formica, qua quando cibum colligit, intra tres dies non pluit, et gallus cantum suum per tempus variat; quia mutationem aurae ex influxione pri-mi motoris praesentiunt. Hujus dicti haec est ratio, quoniam homines multum occupant circa conceptiones suas, conferendo, et compo-nendo, et dividendo : quare et influxiones pri-mi motoris non percipiunt ita cito sicut bruta, qua non sic occupantur in suis concep-tionibus, nec secundum illas operantur, sed tantum secundum instinctum nature. Ista vis, scilicet phantasia, plurimum impedit intellectum, eo quod nimis occupat animam compo-sitione et divisione imaginum, non solum ac-cepit arum a sensibus, sed etiam fictionum; maxime autem impedit intellectum, quando aliquid de coelestibus et divinis imprimitur ei : et hoc ideo, quia conceptiones tales intellectus, ut frequenter, non sunt similes imaginationibus et fictionibus phantasie. Phantasia vero ponitur in medio mediae cellule cerebri, tanquam cen-trum, inter memorativam, et imaginativam : quia phantasia convertit se tam super formas, quas accipit imaginativa per sensum, quam super intentiones, quas reservat memoria : et

tunc istas formas ac intentiones dividit ac componit.

CAPUT XL.

De Memoria.

Memoria est repositorum præteriorum. Re-servat enim memoria intentiones per aestima-tionem a figuris rerum elicitas. Anima per memoriam, mediantibus rebus sensibilibus, redit in ipsas res sensibiles, quæ sunt extra ipsam : et propter hoc oportet actum memorie duas præcedere operationes, quarum una est hoc esse receptum, et haec est operatio sensus communis, et in hoc memoria incipit; secunda est, hoc esse conservatum apud nos, quod fit per imaginativam. Oportet etiam quod ante memoriam quædam virtus operetur, quæ ex figuris rerum dividat rerum intentiones singu-lares. In hoc autem differunt imaginatio et memoria, quia ista conservat species rerum, haec conservat intentiones specierum. Scien-dum quoque quod memoria differt a reminis-centia : quia memoria discrete et distincte revertitur ad res, componendo intentiones distinctas cum imaginibus; reminiscentia au-tem, sive recordatio, est motus quasi intercep-tus, et abscissus per oblivionem, et est cum collatione temporis, et loci, et hujusmodi. Reminiscentiae enim motus non est uniformis; sed causatur ex pluribus principiis circumstan-tibus illud, cuius proprie est reminiscibilitas, cum sit principium multorum prius memoratorum. Cum enim per memoriam fiat rerum apprehensio, quod eadem res prius fuerint in se vel in sensibus aliis cognitæ; patet quod si quis res totaliter est oblitus, non potest per memoriam recordari se esse oblitum. Sed si oblitus est in parte, tunc per id quod reman-sit, potest reminisci se quandoque scivisse : unde per collationem reminiscentiae potest etiam ad id, quod oblitus fuerat, redire cum illius adjutorio, quod remansit memorie. Alia etiam est differentia inter memoriam et remi-niscentiam : quia memoriam multa participant animalia; sed reminiscentia solius hominis est, quia reminiscentia est quædam investigatio, quæ sine ordine rationis non est, ac sine deli-beratione, per quæ antecedens ordinatur ad consequens. Sane cum quis reminisci voluerit ea quæ non eo modo quo per sensum, sed per intellectum apprehendit, hoc non fit per memoriam, quia memoria talia non reservat;

Rerum
scenaria.

sed intellectus convertit se super ea quæ habet apud se , et ea reducit ad actum , quæ habet in habitu : iste autem habitus manet actualiter apud intellectum possibilem , qui est locus specierum universalium : unde et universalia prius speculata remanent apud ipsum tanquam in loco suæ generationis , etiam quando actu (a) illa non considerat. Intellectus autem possibilis ad has species , quas sic habet apud se , convertitur , vel ab eis avertitur , quando voluerit. Ultimo notandum est quod memoria ponitur in posteriori parte cerebri , qui locus est siccus propter nervos motivos , qui oriuntur ex ipso.

CAPUT XLI.

De vi sensibili motiva (b).

Sequitur de vi sensibili motiva : hæc movet quandoque spiritualiter , quandoque corporaliter. Primo modo dicitur appetitiva , quæ movet dupliciter , aut diligendo , aut odiendo ; et dividitur in concupiscibilem , et irascibilem , per quas appetit anima bonum , vel insurget contra malum. Ab his vero duabus , scilicet irascibili et concupiscibili , oriuntur quatuor affectiones , scilicet gaudium , spes , dolor et timor. Nam si præsens est quod concupiscimus , gaudemus ; si absens est , speramus. Similiter , si præsens est de quo irascimur , dolemus ; si absens est , timemus.

Sensualitas autem est vis animæ sensibilis motiva , et ad idem movet , ad quod concupiscibilis , et irascibilis. Sensualitas enim appetit quæ delectabilia sunt corpori , ac nociva refutit. Differt tamen sensualitas a concupiscibili , et irascibili : quia sensualitas magis conjungitur corpori , et sicut in brutis , ita in hominie nulla lege perstringitur , quin semper in appetitus rerum ad corpus pertinentium moveatur. Sed concupiscibilis et irascibilis conjungunt rationi , et prout sunt in homine , frænant ratione , ac reguntur in ipsis. Est enim temperantia in concupiscibili , et fortitudo in irascibili , et sic de aliis.

Secundum quod vis motiva sensibilis movet corporaliter , sic dividitur in virtutem naturalem , vitalem et animalem : quarum prima situm suum habet in hepate ; secunda , in corde ; tertia , in capite , ut in proximo principio : tamen primum principium est cor. Virtus enim

(a) *Cœt. edit.* actu quando. — (b) Item sensibili et motiva.

naturalis est motiva humorum ; vitalis , motiva pulsuum ; animalis , motiva membrorum. Dicimus ergo quod virtus naturalis est motiva humorum medianib[us] arteriis et venis , quæ radicantur in hepate secundum Galenum , sed secundum Aristotelem radicantur in corde , et hoc per spiritum naturalem. Est autem spiritus naturalis , substantia subtilis et aerea , vi caloris in corde generata : hæc sanguinem ad singula membra impellit , ex quo corpus vegetatur. Virtus vitalis est motiva pulsuum mediantibus arteriis , quæ radicantur in corde. Spiritus autem vitalis est idem qui et naturalis : idem dico in substantia ; sed differens in virtute : hic per arterias ad membra corporis se diffundens , vivificat ipsum corpus tanquam instrumentum. Virtus animalis est motiva membrorum mediantibus nervis , qui radicantur in capite , et hoc per spiritum animalem. Est autem spiritus animalis idem qui et naturalis et vitalis ; sed animalis dicitur , cum ad cerebrum devenierit. Hic cæteris subtilior per nervos ad organa sentiendi dirigitur , ut sensus et motus secundum locum exinde generetur in corpore animalis.

Circa vires istas denique sciendum est , quod cum virtutes animales intenduntur , tunc naturales remittuntur ; propter hoc in homine dedito studio , vel meditationibus , minus operatur virtus nutritiva , et generativa , et augmentativa. Ex quo patet quod concupiscentia carnis domatur in vîro studiosi. Unde ait Illeonymus : « Ama scientiam Scripturarum , et carnis vita non amabis. » Præterea , quando virtutes animales remittuntur , naturales intenduntur : sicut patet in somno , qui describitur esse quies virtutum animalium cum intensione naturalium.

CAPUT XLII.

De potentia Animæ rationalis.

Tria sunt in anima , ut ait Philosophus , scilicet potentiae , habitus , et passiones. Et potentiae quidem sunt innate ; habitus autem sunt acquisiti , vel infusi ; passiones vero sunt illatae , vel innate. Habitum enim sunt acquisiti , ut patet in scientia , et virtute politica : nam ex frequenti studio homo acquirit scientiam ; et ex frequenti bene agere fit homo bonus honestate virtutis politicae. Sunt et habitus quandoque non per acquisitionem , sed per infusionem : sicut sapientia fuit

infusa Salomoni, et virtutes theologicæ conferuntur quotidie parvulis in baptismo , et etiam pœnitentibus in justificatione : et ex actibus non generantur tales habitus ; sed potius, e converso , ex talibus habitibus elicuntur boni actus ex potentiis. Unde in habitibus acquisitis sequitur : Quales sunt actus, tales sunt et habitus. Sed in habitibus infusis est contrarium , scilicet, quales sunt habitus, tales sunt et actus. Est tamen verum, quod sicut habitus acquisiti generantur per actus, ita et generant actiones , sed non meritorias, in quantum tales passiones sunt illatae ab extrinseco. Vocat autem passiones Philosophus ipsas receptiones objectorum. Sumuntur et aliter passiones, ut dicantur affectiones, sicut dolor, timor, et spes, et gaudium.

CAPUT XLIII.

De Divisione Potentiarum Animæ.

Nunc ad divisionem potentiarum animæ accedamus. Philosophus ergo principaliter dividit animæ potentias in cogitativam et motivam , quas theologus appellat intellectum et affectum : ipsum autem affectum intelligit voluntatem. Potentia autem animæ tunc dicitur intellectus, dum est apprehensiva ; et dicitur voluntas, dum est motiva. Item : quædam sunt vires animæ separatae a corpore, ut velle, et intelligere, secundum quas anima non utitur corpore, sed utitur utenti corpore, scilicet phantasia , quæ sic se habet ad intellectum, sicut color ad visum, ut ait Philosophus. Quædam vero sunt vires inseparabiles a corpore, ut vegetabiles et sensibiles, et quantum ad essentiam, et quantum ad operationem, ut in brutis. Sed in homine separantur vires istæ a corpore quantum ad essentiam, licet anima operationes earum exercere non possit extra corpus. In brutis vero simpliciter pereunt quantum ad utrumque. Item anima potentias quasdam habet communes cum brutis , ut est sensualitas, sensus particularis , sensus communis, imaginatio, memoria, et aestimatio ; quasdam habet non communes cum illis, ut est ratio et intellectus, et hujusmodi. Item anima habet vires quasdam quoad se , ut est ratio, voluntas, liberum arbitrium ; quasdam habet quibus corpori permiscetur, ut est vis naturalis, vitalis, et animalis, de quibus dictum est supra. Ex jam dictis patet, quod potentiae quædam sunt organicæ , quædam

non. Item ex prædictis collige , quod anima rationalis omnes potentias habet animæ vegetabilis et sensibilis ; sed non in quantum rationalis est, verum, in quantum rationalis est, addit intellectum et liberum arbitrium , et hujusmodi. Et hoc est quod dicit Gregorius¹ : « Omnis, inquit, creatura aliquid homo. Habet namque homo commune esse cum lapidibus, vivere cum arboribus, sentire cum animalibus, intelligere cum angelis. » Quidquid enim virtutis aut nobilitatis habent naturæ inferiores , habent et superiores , sed perfectiori modo et nobiliori ; et quod possunt inferiores , possunt et superiores, sed nobiliori et perfectiori modo. Propter hoc manifestum est, quod omnes vires quibus communicamus cum brutis, differunt specie , prout sunt in nobis, et in brutis.

CAPUT XLIV.

De Potentiis cognitivis.

Quatuor assignantur differentiæ virtutis intellective. Prima assignatur secundum differentiam naturæ, et sic intellectus dividitur in agentem et possibilem. Secunda datur secundum differentiam objecti, et sic dividitur intellectus in speculativum et practicum. Tertia assignatur secundum differentiam dignitatis, et sic dividitur ratio in partem superiorem et inferiorem. Quarta datur secundum comparationem ad actum, et sic dividitur intellectus in habitum et in actum : in habitum quidem, ut possit intelligere quando vult ; in actum vero , cum actualiter ad intelligere se convertit, et ad intelligibile. Differentia vero intellectus in effectu, et ejus qui dicitur adeptus, sumitur secundum majorem et minorem perfectionem ipsius intellectus possibilis. Nam cum intellectus possibilis recipit species cum lumine intellectus agentis, tunc dicitur intellectus in effectu, et etiam in habitu ; intellectus vero , cum recipit perfecte lumen secundum formalem conjunctionem, tunc vocatur intellectus adeptus. Diligenter autem notandum est quod omnes differentiæ intellectuum jam prædicta sumuntur, vel secundum actum, vel secundum habitum, vel secundum modum intelligendi : et nulla sumitur secundum divisionem potentiarum cognitivæ, nisi prima tantum, secundum quam dividitur in agentem et possibilem.

¹ Greg., in *Evang.*, hom. xxix, ante med.

CAPUT XLV.

De modo cognoscendi.

Res aliter cognoscit Deus, aliter angelus, aliter homo. Ipse quoque homo aliter per intellectum Deum cognoscit, et aliter creaturas. Intellectus enim divinus cognoscit res ex seipso; intellectus autem angeli cognoscit res per species sibi concreatas, que sunt similitudines rerum; sed intellectus humanus cognoscit res per species abstractas rebus particularibus per sensum prius cognitis. Unde secundum, quod sicut sensus cognoscit res praesente objecto, et sicut imaginatio cognoscit absente objecto, et tamen cum appendiciis materie; ita intellectus cognoscit sine appendiciis materie sub intentione universalis. Animus igitur per intellectum aliqualiter cognoscit omnia, et attingit. Cognoscit enim Deum supra se, et seipsum in se, et angelos juxta se, et quidquid cœli ambitu continetur infra se. Quis sit autem modus cognoscendi Deum, nota quod intellectus humanus non cognoscit Deum per abstractionem, sicut alias res: et hoc ideo, quia similitudo abstracta simplicior est illo a quo fit abstractio: Deo autem nil simplicius est. Alia ratio est, quia in abstractione oportet esse universale et particulare: particulare quidem, a quo fit abstractio; universale autem, scilicet ipsum abstractum: sed nihil horum cadit in Deum. Cognoscitur igitur Deus naturali cognitione, quia intellectus possibilis ita informatus lumine intellectus agentis, quod est similitudine primæ lucis, in hac similitudine cognoscit lumen primum, quod est Deus.

Sciendum preterea, quod per sensum cognoscimus particularia, sed per intellectum universalia: et quando se intellectus convertit ad particulare, ut ipsum apprehendat, tunc similitudo abstracta a particulari erit universalis, et non particularis. Item nihil venit in intellectum, nisi per sensum; et hoc fit duobus modis, scilicet vel simpliciter, vel per accidens: simpliciter quidem, ut quando intelligimus sensibilia prius per sensum apprehensa; per accidens autem, quando intelligimus insensibilia per effectuni. Notandum est etiam, quod aliud est rem per cognitionem in intellectum venire, et aliud est in re jam intellecta versari: quia tunc cognitio rerum per sensum venit in intel-

lectum, sicut dictum est; sed cum intellectus rem jam apprehendit, tunc delectatur et negotiatur in illa, etiam sine sensu adminiculo.

Ad cognoscendum autem ista plenius, nota utrumque verum esse, scilicet quod per particularia cognoscuntur universalia, et e contra per universalia cognoscuntur particularia. Isstut sic patet, quia duplex est universale: unum scilicet, prout est abstractum; et aliud consummum, videlicet secundum quod est in particulari. Dicimus ergo quod ad cognitionem universalis abstracti venimus per particularia, sicut in pueris in quibus prius operatur sensitiva, quam intellectiva, quia prius cognoscunt particularia per sensum, et postea universalia per intellectum. Sic et philosophi invenerunt modum argumentandi per inductionem, quia ex multis propositionibus particularibus, unam concenserunt universalis, hoc modo: Socrates est animal; Plato est animal; Cicero est animal: ergo omnis homo est animal. E contrario est universale (*a*) in confuso (*b*), quoniam per tale universale venimus in cognitionem particularium, sicut patet, quando videmus hominem a remotis, tunc non cognoscimus, nisi ejus substantiam corpoream; sed postea per motum cernitur esse animal; dum vero magis appropinquat, cernitur esse homo; tandem cognoscitur esse Petrus.

Nota, quod secundum Philosophum plura scire possumus, sed unum solum intelligere: quoniam scire dicit habitum, per quem plura sciuntur; intelligere autem dicit actum, qui non potest esse in intellectu duplicatus. Intellectus enim ad unum solum se potest actualiter convertere: et hoc patet, quod quando quis agit duos actus rationis simul uno tempore, unus est intellectus, et aliis memorie, sive consuetudinis: verbi gratia, aliquis dicit horas, et cum hoc in libro querit concordantias, vel numerat denarios: unum illorum, scilicet querere concordantias, est actus intellectus, sed aliud, scilicet dicere horas, est actus memorie: sicut etiam animal brutum sine regimine intellectus vadit ad domum, ad quam sepe ivit. Item nota, quod ad intelligentiam rei non requiritur presentia rei intelligibilis, sed presencia similitudinis ejus tantum: quia res non cognoscitur per essentiam, sed per similitudinem tantum, et e converso: et inde est quod intellectus apprehendit remota, sicut propinquia.

(*a*) *Cœt. edit.* in universali.—(*b*) *Edit. Ven. confusio.*

CAPUT XLVI.

De Intellectu agente, et possibili.

Nunc de intellectu agente et possibili specia-
liter est dicendum. Intellectus igitur agens est,
qui abstrahit species ab imaginatione , sive
phantasia, et sua irradiatione facit universales,
ac ponit res in intellectu possibili. Nam sicut
ad visum corporalem exigitur lux abstrahens
intentiones colorum , id est similitudines a
colorato , et ponit eas in aere, non quidem
secundum essentiam, sed secundum intentionem,
id est similitudinem; sic intellectus agens,
qui est lux animæ, ponit species abstractas a
phantasia in intellectu possibili non quidem
actualiter, sed secundum intentionem, id est
similitudinem. Quare autem inter imaginatio-
nem et intellectum possibilem sit potentia me-
dia, quæ abstrahit, scilicet intellectus agens,
sed inter sensum communem , et imaginatio-
nem, non sit potentia media, quæ abstrahat :
hujus ratio est, quia sensus communis et
imaginatio sunt ejusdem animæ potentiae ,
scilicet animæ sensibilis; sed imaginatio et in-
tellectus possibilis non sunt potentiae ejusdem
speciei, quoniam altera est potentia animæ
sensibilis, altera animæ rationalis. Intellectus
autem possibilis dicitur, quia potest recipere
tales species, sed nondum recepit eas; cuius
exemplum est tabula nuda nullam habens pic-
turam, potest tamen habere quamcumque. Sane
cum intellectus possibilis tales species receperit,
tunc, sicut habes supra¹, vocatur intellectus
in effectu, vel in habitu : cum vero illustratur
multitudine specierum sensibilium, tunc est
intellectus adeptus. Qualiter autem ista species
remaneant in intellectu possibili, vel qualiter
ad eas fiat per reminiscientiam conversio, et re-
versio, habes supra², in capite *de Memoria*.

Porro intellectus agens, et possibilis , diffe-
rentur sicut lux et illuminatum, et sicut perficiens
et perfectibile : quia, ut ait Philosophus³, in-
tellectus agentis est omnia facere, et intellectus
possibilis est omnia fieri. Et ut plenius innos-
tescat, notandum, quod sicut ad hoc quod per
speculum aliquid videatur, tria sunt necessaria,
scilicet speculum quod aptum natum est reci-
pere impressionem corporum objectorum, co-
lor etiam in corporibus objectis, et lux qua-

¹ Vid. sup., pag. 109, col. 2.—² Vid. sup., pag. 107,
col. 2.—³ Arist., *de Animi*, lib. III, c. v.

moveatur color et species corporum objecto-
rum, quæ sine luminis influxu, quantumcumque
objiciantur, non sunt receptibiles a speculo; sic
similiter ad hoc , ut aliquid in intellectu videa-
mus, oportet quod sit intellectus possibilis, qui
aptus natus est recipere species, quemadmodum
dictum est de speculo, oportet etiam quod sint
species speculatae apud intellectum possibilem ,
qui habet ipsas in habitu, cum sit locus spe-
cierum universalium. Sed sicut color in corpo-
re non movetur, nec species , nisi mediante lu-
mine imprimentur in speculo, sic nec phantas-
mata erunt actu intelligibilia, nisi intellectus
agens irradiet, et diffundat super eum lumen
suum, sicut lux super colores, ut sic secundum
actum intelligibilia efficiantur.

CAPUT XLVII.

De Intellectu speculativo, et pratico.

Sequitur de intellectu speculativo, et pratico,
qui ambo in cognitione consistunt; sed in hoc
differunt, quod intellectus speculativus cognoscit
verum in ratione veri, praticus autem
cognoscit verum in ratione boni. Item intellectus
speculativus vocatur cognitio speculativa ; sed
practicus dicitur cognitio affectiva. Item finis
speculativi est verum; finis autem practici est
opus. Item per speculativum intelligimus recte;
sed per practicum recte vivimus. Intellectus
practicus vocatur operativus , quia dicitur a
praxi, quod est operatio. Item intellectus prac-
ticus dividitur in rationem, et synderesim. Ra-
tio autem dividitur in partem superiorem , et
inferiorem : de quibus per ordinem est dicen-
dum.

CAPUT XLVIII.

De Ratione, et partibus ejus.

Ratio est vis animæ non solum cognitiva, sed
etiam motiva. Ratio autem, cum judicat aliquid
esse bonum, vel malum, et ibi sistit, tunc di-
citur cognitiva. Si autem procedit amplius , et
judicat esse bonum, ut fiat, sic dicitur motiva.
Si vero adhuc ulterius procedit, ut non solum
judicet esse bonum ut fiat, sed etiam id appre-
sat (a), sic dicitur liberum arbitrium : quoniam
liberum arbitrium comprehendit rationem et vo-
luntatem. Ratio autem, prout se habet ad bonum
particulare, dividitur in partem superiorem , et
inferiorem. Superior pars divinis ac æternis in-
(a) Cæst. edit. appetit.

tendit; inferior autem de transitoriis judicat, et ea disponit. Item superior pars accipit rationes per leges divinas, ut : « Hoc est faciendum, quia Deus præcepit. » Pars autem inferior accipit rationes per leges humanas, ut : « Hoc est faciendum, quia honestum est, » vel « quia expedit reipublicæ. » Item superior pars rationis dicitur virtus, quæ licet usque ad contemplationem æternorum se extendat, differt tamen ab intelligentia, quia intelligentia negotiatur in æternis per modum rationis, vel intentionis; ratio autem non sic, sed conferendo et ratiocinando. Differt autem ratio etiam alio modo ab intellectu, quoniam intellectus apprehendit esse rei absolute; ratio autem, cum collatione unius ad alterum. Inferior vero pars rationis dicitur multipliciter : quæ quia circa res corporales versatur, conjuncta est sensualitat, et sepe allicitur ab ea : videt enim semper sibi porrigi pomum, id est, illecebram vicinam (a). Ratio tamen inferior, et superior, idem sunt in essentia; sed differunt in officio. Exemplum in oculo sursum et deorsum aspiciente.

CAPUT XLIX.

De Potentiis Animæ motivis.

Virium motivarum animæ rationalis est divisionis. Dividitur enim vis motiva in imperativam, et consiliatricem, et affectivam, et affectivam et consiliatricem simul. Vis imperativa dividitur in liberum arbitrium et synderesim. Consiliatrix est ipsa ratio, quæ dividitur in partem superiorum et inferiorem. Vis autem affectiva est voluntas, quæ dividitur in thelesin et bulesin. Vis quæ simul et consiliatrix est, et affectiva, est ipse intellectus practicus.

CAPUT L.

De Voluntate.

Inter dictas potentias primo dicendum est de voluntate, quæ inter ceteras motivas est præcipua, cum sit generalis motor omnium virium. Cum enim intellectus apprehendit aliiquid ut bonum, voluntas imperat viribus affixis ipsis organis, sicut visui ad videndum, auditui ad audiendum, et sic de aliis sensibus. Similiter in moto locali voluntas imperat virtuti animali,

quæ est in nervis et in musculis, et ita movet ad ambulandum, vel currendum, et ad hujusmodi similia. Sed fallit istud in potentia animæ vegetabilis, in quibus voluntas suum imperium non exercet. Nutritiva enim, et generativa, et augmentativa, non secundum nostrum arbitrium, sed naturaliter operantur. Voluntas autem in duas dividitur partes, scilicet in thelesin et bulesin, id est voluntatem naturalem, et deliberativam : quarum prima, scilicet voluntas naturalis, dirigitur per synderesim; secunda vero, scilicet deliberativa, per rationem. Nota quod voluntas proprie et stricte tantummodo rationabilium est, sed large dicitur etiam brutorum esse ; improprie vero et quasi metaphorice dicitur etiam esse vegetabilium. Unde voluntas primo modo sumpta, scilicet prout est rationabilem, proprie voluntas dicitur. Secundo autem modo, prout est brutorum, vocatur proprie desiderium. Tertio modo, prout est vegetabilem, vocatur appetitus. Inter potentias autem nulla est liberior quam voluntas ; quia nec obligatur organo, sicut imaginatio, aestimatio, et hujusmodi, nec cogitur a bono, sicut intellectus cogitur a vero. Vires etiam affixa organis immutantur necessario, immutato organo : quibus omnibus voluntas caret. Unde ait Augustinus¹ : « Nihil adeo in nostra potestate est, sicut voluntas. »

Si autem scire volueris, quare voluntas non cogitur a bono, sicut intellectus a vero, haec est ratio : quia citra primum bonum nihil est ita bonum quod non aliiquid imperfectionis habeat; sed aliiquid ita verum est, quod nihil falsitatis habet, ut patet in hac propositione : « Quodlibet totum majus est sua parte. » Unde tali vero cogitur intellectus assentiri ; sed voluntas nulli bono creato cogitur adhaerere. Item voluntas videtur interdum cogi per inordinatum appetitum, prout voluntas quandoque trahit hominem et allicit, ut bonum spernat incommutabile, et rebus mutabilibus adhaeret : sed in hujusmodi coactione libertas quedam est. Unde Augustinus² : « Omne peccatum adeo est voluntarium, quod si non est voluntarium, non est peccatum. »

CAPUT LI.

De Synderesi.

Synderesis vis est animæ motiva, quæ semper nata est figi in superioribus, naturaliter

¹ Aug., *de Lib. Arb.*, lib. III, c. III, n. 7. — ² Id., *de ver. Relig.*, c. XIV, n. 27, quoad sensum.

(a) *Forsan legend. vetitam.*

movens et stimulans ad bonum, et abhorrens malum: et in istis nunquam errat, neque secundum synderesim est peccare. Scendum etiam quod synderesis nunquam extinguitur totaliter, etiam in diabolo et in damnatis: remanet enim in illis aliquis ejus actus. Synderesis enim, quantum ad instinctum boni, et quantum ad displicantiam mali culpe absolute considerate, extincta est in diabolo et damnatis; secundum vero quod culpa comparatur ad pœnam, sic non est extincta in illis synderesis, et in hunc modum remanet in eis ad pœnam. Isaïas¹: *Vermis eorum non morietur. Itabent igitur displicantiam mali in comparatione et collatione ad pœnam.*

G A P U T L I I .

De Conscientia.

Hoc nomen *Conscientia* componitur ab hac præpositione, *con*², et hoc nomine, *Scientia*; unde conscientia dicit duo, scilicet scientiam, et secundum hoc conscientia est habitus naturalis, non solum cognitivus, sed etiam motivus: inclinat enim animam ad prosecutionem boni, et fugam mali. Alio modo conscientia dicit acceptancem (a) ex parte rationis, quod notatur hac præpositione *con*. Primo igitur modo, prout conscientia includit scientiam in se, babet se sicut superior, et conjungit synderesi, et semper est recta. Secundo modo conjungitur magis rationi, et sic se habet sicut inferior: hoc modo recipit errorem et conturbationem. In conscientia enim ex parte inferiori bene potest accidere error. Nam ratio cum conscientia, cum parti inferiori jungitur, babet versari circa particularia, in quibus saepè contingit errare, sicut patet in syllogismo conscientiae, in quo synderesis proponit majorem, scilicet: « Nullum malum est faciendum; » ratio subsumit minorum, sic scilicet: « Hoc est malum; » conscientia concludit: « Ergo non est faciendum. » Circa primam non est error; circa secundam quandoque est error; et ex hoc falsitas in conclusione quandoque oritur. Cavenda est conscientia nimis larga, et nimis stricta. Nam prima generat præsumptionem; secunda, desperationem. Item prima dicit saepè malum bonum; secunda e contra, bonum malum. Item prima saepè salvat damnandum; secunda e contra

damnatur salvandum. Nota, quod aliud est conscientia, aliud est timor conscientie. Tunc enim est conscientia, quando quis sententia liter judgeat aliquid esse faciendum, vel vitandum; et contra talem conscientiam facere, etiamsi sit erronea, peccatum est. Sed contra timorem conscientie facere, non semper est peccatum, quia talis timor non est semper ex diffinitiva sententia rationis, per quam judgeat se teneri ad aliquid; sed ex eo quod vacillat inter dubia, nesciens quid sit melius, vel ad quid teneatur potius, cum tamen non omitteretur quidquid sciret esse placitum divinæ voluntati.

De conscientia quoque sciendum, quod quandoque respicit præteritum, quandoque præsens, quandoque futurum. Nam conscientia accusat de præterito, remurmurat de præsenti, et preœcavet de futuro. Præterita namque respicit, ut quando conscientia mentem de hoc, quod sibi conscientia est, reprehendit, sicut de malo commisso, vel de bono omissio. Præsenta etiam respicit, contradicendo eis quorum per conscientiam habuimus oppositum. Futura quoque respicit, ut quando instruit et stimulat mentem ad ea facienda vel vitanda, ad quæ ipsa conscientia judgeat nos teneri. Quod autem conscientia se extendat, ut dictum est, tam ad facta, quam ad facienda, potest colligi ex diffinitionibus conscientiae, quæ tales sunt. Dicit enim Joannes Damascenus³, quod conscientia est lex intellectus nostri. Basilius autem dicit⁴ esse rationale judicatorium. Diffinitiones istæ magistrales sunt: « Conscientia est cognitio sui ipsius. » Item: « Conscientia est animi habitus agendorum, et non agendorum. » Item: « Conscientia est habitus mentis boni et mali discretivus. » Item: « Conscientia est credulitas intentionis ad aliquid faciendum, vel non faciendum, animi deliberatione firmata. »

Error conscientiae octo modis causatur. Primo ex ignorantia, quando scilicet nescit quis quid eligendum sit, vel declinandum. De tali errore dicitur⁵: *Cum ignoramus (b) quid agere debeamus, hoc solum residuum habemus, ut oculos nostros dirigamus ad te.* Secundo ex negligencia, ut cum quis negligit conscientiam discutere, vel si nescit se expedire, negligit tamen ab aliis querere. Tertio ex superbia, ut quando quis non humiliat intellectum suum, ut melioribus et

¹ Isa., lxvi, 24. — ² Id. est, cum. — ³ Damasc., de Fid. Orth., lib. IV, c. xxiii. — ⁴ Basil. hom. in princ.

Proverb. — ⁵ II Paral., xx, 12. — (a) Forson legendum acceptancem. — (b) Vulg. *ignoremus.*

sapienteribus se velit credere. Contra quos Apostolus¹: *Captivantes (a) omnem intellectum vestrum in obsequium Christi*: hoc est dicere, quod quilibet in credendis plus debet fidei consentire quam sibi, et in agendis plus debet aliis credere quam sibi. Quarto ex singularitate, qua homo sequens sensum proprium non conformat se aliis, nec sequitur vias communes bonorum. De his in Numeris²: *Extrema castrorum consumpsit ignis*. Quinto ex affectu inordinato, qui saepe inclinat conscientiam ad id quod tunc homo appetit, et sic facit eam a sua rectitudine deviare. Seneca: *Perit omne judicium, cum res transit in affectum.* » Sexto ex pusillanimitate, qua quis timet non timenda secundum rectum iudicium rationis. Isaías³: *Dicite pusillanimis: Confortamini, nolite timere*. Septimo ex perplexitate, qua homo se credit esse positum inter duo peccata, quoram alterum sit impossibile declinare. Sed sciendum quod perplexitas nihil est simpliciter; potest tamen quis esse perplexus secundum erroneam conscientiam, qua deposita, erit liberatus. Octavo ex humilitate, et cordis puritate; Gregorius⁴: « Bonarum mentium est ibi culpas agnoscere, ubi culpa non est. » Error primis septem modis acceptus reprehensibilis est; octavo vero modo laudabilis est, imo nec error dici debet, sed humilius suorum defectuum recognitio, dummodo non sit nimia.

CAPUT LIII.

De Operationibus Animæ.

Anima, secundum diversas potentias, multas et diversas habet operationes. Ipsa enim cognoscit verum per intellectum speculativum; affectat bonum per intellectum practicum; discernit, conferendo inter bonum et malum, verum et falsum, per rationem; discernit simul et eligit per liberum arbitrium; consentit per voluntatem; inventit medium per ingenium; stimulat ad bonum per synderesim. Anima autem in actibus suis ordinem habet: nam quod sensus percipit, imaginatio repräsentat, cognitio format, ingenium investigat, ratio iudicat, memoria servat, intelligentia apprehendit, et ad contemplationem adducit. Anima præterea cognoscit res præsentes per sensum,

absentes vero per imaginationem, res autem immateriales per præsentiam sui in semetipsa, ac seipsam per reflexionem sui supra se. Habet etiam alios actus anima pertinentes ad corpus, sicut est vegetare per virtutem naturalem, sentire per virtutem animalem, et vivificare per virtutem vitalem: de quibus omnibus dictum est supra.

CAPUT LIV.

De Quantitate Animæ.

Anima, cum sit simplex, non habet quantitatem dimensivam, sed virtualem: unde patet quod anima secundum essentiam non est in toto corpore, sed in parte corporis determinata, et inde virtutem influit toti corpori: et ad hoc ponit Chalcidius exemplum de aranea, que in medio tela sue residens, sensit quemlibet motum, sive interiori, sive exteriori in tela factum. Eodem modo anima in centro cordis posita, sine sui distensione totum corpus sibi unitum sensificat, vivificat, atque movet. Nec contra simplicitatem animæ est, quod tres dicuntur esse animæ, scilicet vegetabilis, sensibilis, et rationalis, cuius intelligentia superior est expressa. Anima quoque, licet sit simplex, tamen secundum Boetium differt in eo quod est, et quo est, sicut et angelus et omne quod est creatum: que omnia differunt secundum rationem particularis, et universalis.

CAPUT LV.

De Immortalitate Animæ.

Animam esse immortalē auctoritate ostendit et ratione. Dicitur enim in libro Sapientie⁵: *Justorum animæ in manu Dei sunt, et non tanget illos tormentum mortis.* Et infra: *Et spes illorum immortalitate plena est.* Item in Evangelio (b)⁶: *Querent homines mortem, et non inventerunt.* Item Gregorius loquitur de malis inferni⁷: « Ibi mors semper vivit, finis semper incipit, et defectus deficere nescit. » Item Joannes (c)⁸: *Qui manducat meam carnem, et bibit meum sanguinem, habet vitam æternam.* Item per rationes. Omnis corruptio ex contrarietate causatur: nihil autem est quod substantię animæ contrarietur. Præ-

¹ *II Cor.*, x, 5. — ² *Num.*, xi, 1. — ³ *Isa.*, xxxv, 4. — ⁴ *Greg.*, *Resp.* ad interrog. Aug., lib. XII, epist. xxxi, Labb. *Conc.*, tom. V, col. 1573. — ⁵ *Sap.* iii, 1, 4. — ⁶ *Apoc.*, ix, 6. — ⁷ *Greg.*, *Moral.*, lib. IX, c. xxxix, circa med. — ⁸ *Jean.*, vi, 54.

(a) *Vulg. Redigentes.* — (b) *Leg. Apocalypsi.* — (c) *Leg.* in Joanne.

terea anima capax est beatitudinis : Deus autem, ut ait Augustinus, ingenti liberalitate replet omnes creature pro captu earum : ergo confort animæ beatitudinem : ad beatitudinem autem spectat vita eterna, et gloria perpetua. Præterea, si anima moreretur cum corpore, homo non timeretur mortuus, sicut nec lupus nec canis mortuus : ergo relinquitur aliquid vivens post mortem homini quod timetur : et hoc est anima. Præterea, cum Deus sit justus, habebunt justi præmium, et mali poenam : sed hoc non fit in hoc mundo, cum mali videantur flore, *deducentes (a) in bonis dies suos*, ut dicit¹ Job, boni vero tribulentur : ergo fieri alibi. Sed hoc non potest esse, nisi anima sit immortalis. Augustinus : « Transirent in presenti tribulationes, et prospera cum tempore ; sed cancellatis manibus more Jacob, eadem redeunt sine fine mansura : ut hic tribulati et afflicti, sine fine gaudeant; jucundati vero, et ditati penas æternas sustineant. » Jacobus² : *Omne gaudium exsistit fratres, cum in variis tentationes incidetis.* Beda super isto verbo : « Ne indignemini, fratres mei, si mali in mundo florent, et vos patimini : quia non est christiane dignitas in temporalibus exaltari, sed potius deprimi. Mali nihil habent in celo, vos nihil in mundo ; sed spe illius boni ad quod tenditis, quidquid in via contingat, gaudere debetis. » Hieronymus : « Difficile, imo impossibile est ut praesentibus bonis quis fruatur, et futuris ; ut hic ventrem, illuc mentem reficiat ; ut de deliciis ad delicias transeat, ut in celo et in terra glorirosus appareat. » Præterea Deus fecit animam ad imaginem et similitudinem suam : sed Deus est immortalis : ergo et anima.

CAPUT LVI.

De Libero Arbitrio.

« Liberum arbitrium, ut ait Augustinus³, est facultas rationis et voluntatis, qua eligitur bonum, gratia existente; malum, gratia desidente. » In hac disputatione simul ponitur ratio, et voluntas : ratio quidem, ut consiliarius; voluntas autem, ut imperator. Nam ratio dicit aliquid esse bonum, vel malum; voluntas dicit : fiat. Nota quod libertas liberi arbitrii est libera a coactione sufficienti, sed non libera a coactione efficienti : nulla enim coactio exterior

¹ Job, xxi, 43. — ² Ioc., 1, 2 — ³ Ex Aug., Mag. (a) Vulg. *ducunt*. — (b) *Ἄνθρωπος*.

est causa sufficiens, ut aliquid fiat, licet quandoque sit efficiens, ut patet in multis qui coacti sunt negare Christum per tormenta : quoniam in hujusmodi coacta voluntas, voluntas est, ut ait Augustinus. Quando vero peccator trahitur a gratia, tunc non destruitur libertas liberi arbitrii, quia cæcus, vel fessus, vel claudus in foveam cadens, quando extrahitur, non fit hoc illo invito. Libertas liberi arbitrii triplex est, scilicet a necessitate, a peccato, a miseria. Prima libertas est naturæ; secunda, gratiæ; tertia, gloriæ. Item prima est honorum et malorum; secunda est tantummodo honorum; tertia est in celo regnantium. Ex his patet, quod libertas malorum est velle peccare, et etiam posse peccare; sed libertas in paradiso fuit posse non peccare, et etiam posse non turbari; libertas vero patriæ est nolle et non posse peccare, nec posse turbari. Patet ergo quod liberum arbitrium liberius est in bonis quam in malis, quia in bonis est tantummodo servitus miseriae, in malis autem est servitus miseriae et peccati; sed in patria est liberrimum, quoniam omnis talis servitus destruetur.

Nota quod, licet Deus non possit male facere, et similiter angelus et animæ beatæ, tamen est in eis liberum arbitrium : quia bonum eligunt, et malum declinant, non ex infirma necessitate, sed libera voluntate. Eodem modo dicendum est de diabolo, quod habet liberum arbitrium, bonum tamen semper respuit, et malum eligit : sed hoc non facit in eo violenta coactio, sed voluntaria obstinatio. Liberum arbitrium habet se in quibusdam indifferenter ad bonum et ad malum, ut in primis parentibus ante lapsum; in quibusdam plus se habet ad malum, quam ad bonum, ut in regeneratis per baptismum; in quibusdam plus se habet ad bonum quam ad malum, ut in sanctificatis in utero; in quibusdam necessario se habet ad malum, ut in infidelibus non regeneratis; in quibusdam necessario se habet ad bonum, ut in confirmatis, sicut fuit beata Virgo post conceptionem filii.

CAPUT LVII.

De Natura Corporis humani.

Homo græco anthropos^(b) dicitur, et est arbor inversa : habet enim se caput cum capillis ad modum radicis; brachia vero cum cruribus Sent., lib. II, dist. xxiv; huj. edit. tom. II, p. 153. — ⁴ Id., dist. xxv; ibid., p. 195.

sunt quasi rami. Solus etiam homo est longi et lati corporis. Solus quoque homo est erecti corporis; et hujus ratio duplex est, scilicet naturalis, et moralis. Naturalis ratio est, quia in aliis animalibus abundat in capite materia terrea deprimens, et deficit calor erigens: quod non est in homine. Est et ratio moralis, ut scilicet rectitudi naturæ corporis attestetur rectitudinem mentis sursum ad cœlestia tendentis. Accidentia animæ transmutant corpus, quia forma delectabilis imaginata movet corpus, sicut tristis: et ideo dicit Avicenna, quod multum tristis, ac lepram timens, erit aliquando leprosus; sicut e converso, quod corporis passiones redundant in animæ turbationem, sicut patet in somno. Item partes corporis humani habent similitudinem totius mundi, quia tanta est distantia inter extremitates duorum longorum digitorum utriusque manus, quanta est a vertice capitis usque ad plantam pedis, sicut tanta est distantia a centro capitis ad oppositum tropicum (a) in celo, quanta est ab oriente in occidente. Corpus humanum ex quatuor componitur elementis: sed apparet terra in ossibus et carne; aqua vero in humoribus, scilicet sanguine, phlegmate, cholera, melancholia; aer continetur in pulmone, et hoc patet, quia semper in motu est: nam pulmo ventilabrum cordis est, ne nimio calore dissolvatur. Ignis continetur in corde: et ideo inferius est latum, et superius acutum, quam formam ignis tenet. Membra corporis triplicia sunt. Sunt enim quædam radicalia, hepar, cor, cerebrum, genitalia, inter quæ tria prima sunt de esse individui, in quibus, ut supra dictum est, sedem habet spiritus naturalis, vitalis, et animalis; sed membra genitalia sunt ad conservationem speciei. Alia sunt membra deservientia, ut venæ, arteriæ, et nervi, per quæ vehitur ille triplex spiritus, ut habetur supra. Alia sunt membra officialia, ut manus, pedes, et hujusmodi. Sunt etiam membra tam artificialiter ordinata, ut mutuo sibi deserviant: nam superiora inferioribus administrant gubernationem, ut patet in oculis; item inferiora præbent superioribus suppurationem, ut patet in pedibus et cruribus, quæ totum pondus aliorum membrorum sustinent. Item media impartiunt utrisque defensionem, et necessariorum conquisitionem, ut patet in manibus et brachiis. Item sic sunt ordinata, ut

(a) *Forsan legend.* a polo septentrionis ad oppositum polum. — (b) *Cæt. edit.* ostendunt.

mutuo sibi condoleant. Nam si unum membrum dolet, condolent ei omnia membra, et hoc propter connexionem et colligantium. Item sic ordinata sunt, ut quando unum membrum deficit, alia ejus defectum suppleant: unde videmus aliquos carentes manibus comedere cum pedibus, et alios carentes pedibus cum manibus ambulare. Item sic ordinata sunt, ut unum membrum periculis se exponat pro alio, ut patet in capite, pro cuius defensione alia membra periculis se exponunt. Item magnus dolor in uno membro, facit minorem in alio non sentiri. Item membra, quorum motus subest libero arbitrio, tam promptam obedientiam servant, ut inter imperium voluntatis et executionem operis quasi nulla mora videatur: et hanc obedientiam videmus servare oculum in videndo, linguam in loquendo, os in comedendo, manus in operando, et hujusmodi.

CAPUT LVIII.

De Physionomia Hominis.

Diverse membrorum dispositiones secundum artem physionomiæ diversos effectus ac mores indicant in homine: non quod ista signa necessitatem imponant moribus hominum; sed ostendunt (b) inclinationem naturæ, quæ tamen retineri potest freno rationis. Sequimur igitur in hoc tractatu magnos hujus artis autores, scilicet Aristotelem, Avicennam, Constantium, Philemonem, Loxum, Palestinum, incipientes a complexionibus. Melancholicos tristes et graves esse dicimus; sanguineos vero horum opposita habere videmus; cholericis faciles sunt ad iram, et phlegmatici pigri sunt et somnolenti. Physionomia sexus est, quod masculus animus vehemens est ad impetus, studiosus, et animosus; feminæ autem misericordes sunt et timidæ. Capilli molles et rari hebes ingenium proloquantur. Item capilli crisi pronuntiant hominem timidum et lucri cupidum. Capilli nimium depresso, et fronti imminentes, ferum declarant animum: his concordat capitum ursini capillatura. Item capilli flavi, crassi, et albi, indicant indociles. Capilli vero subnigri, si sint moderate tenues, mores indicant bonos, et bonam hominis complexionem. Caput nimis magnum, stolidum indicat. Caput autem globosum et breve, est sine sapientia et memoria. Caput humile superius, et quasi planum, insolentiae et dissolutionis dat indicium. Caput oblongum

aliquantulum , et malleo simile , hominem circumspicuum ac providum indicat.

Frons angusta nimis indocilem et voracem declarat; lata vero parvitalem significat discretionis, sed rotunda designat iracundiam. Item humilis et demissa significat verecundum et non admittentem turpia. Item quadrata et moderate magnitudinis, magne sapientie et magnanimitatis est indicium.

Supercilia arcuata, quee conjuguntur usque ad cornu nasi , significant subtilem et studiosum in omnibus operibus suis. Si autem ibidem coeunt, tristem hominem et parum sapientem demonstrant; si autem arcuositas declinat ad tempora et gibbositatem genarum , significant negligenter. Item supercilia si sint longorum et multorum pilorum, significant ferum et magna meditantem.

Oculi qui tanquam guttulae liquoris nitidi resurgent, mores compositos indicant. Quando variie moventur, ut modo currant, modo quiescant, significant mala revolvi jam in animo, sed nondum esse perpetrata. Oculi glauci, splendore tamen micantes, significant audacem et pervigilem ad malitiam. Oculi magni, trementes et obscuri, significant potationem vini, et intemperantiam veneris. Oculi pure nigri, significant imbecillern , et sine virtute animum , et lucri avidum. Quando autem guttulae rubentes aliquantulum ibi sunt, et tamen nigrae apparent, animum justum, probum et ingeniosum ostendunt. Ubi autem in nigris oculis guttulae vehementer rubent, et aliquae tendunt ad quadraturam, et quedam sunt pallidae, quedam glaucae, et circuli, qui forinsecus ambiant pupillas, sunt sanguinolenti, et sunt magni oculi, et nitor pupillae movetur ut moveretur palpebra: tales, inquam, oculi significant animum qui omnium excedit morem ferarum : quidquid enim nefandorum cogitari potest, talibus oculis perpetrabile est, nec etiam a domestico cessabunt sanguine. Oculi nimirum prominentes , rubicundi et parvi, linguam declarant effrenatam, et corpus instabile. Oculi acriter intuentes, si sunt humidi, indicant hominem veridicum, ac in agendis veloceem ac providum. Oculi qui frequenter clauduntur, et frequenter reserantur, timidum ac imbecillum declarant. Oculi multae apertioris significant stultum et inverecundum; si autem multa clausurae sunt, significant mobilem et inconstarem in omnibus factis suis.

Aures prominentes et valde magnae signifi-

cant stoliditatem , et garrulitatem , et imprudentiam; sed valde parvæ , malignitatis sunt indicia. Aures nimirum rotundæ indocilem significant. Aures oblongæ et anguste invidie signa sunt. Aures jacentes et supra caput applicatae prigritiam designant.

Genæ crassæ significant ignaviam et somnolentiam; nimirum aulem tenues , malignitatem. Genæ rotundæ invidie arguntur.

Nares patulæ, alacritatis et fortitudinis dant indicium ; longæ vero et tenues , mobilitatis et levitatis signum habent. Narium autem pars quee juxta frontem est, si nec alta, nec humili , sed æquali linea descendat , virile signum est, et prudentiam et constantiam demonstrat. Nares minores debito furibus assignantur.

Omnis vultus , cum plenus est et crassus , ignavum et voluptatibus dedictum significat; vultus dependens cogitatorem subdolum indicat.

Labia tenuia in ore majori, si superius labium aliquantulum exuperet super inferius , magnanimum indicant et fortis. Tenuia vero , et parvi oris, imbecillum animum et versutum indicant. Labia vero soluta, aliquantulum ab ore dependentia, inertem demonstrant. Nam in asinis et equis antiquis ita invenitur.

Os parvum convenit tam vultibus muliebris , quam hominibus effeminatis; sed quod ultra modum dilatatur, voracem indicat, et immitem , et impium. Talis enim oris rictus manus monstris convenit.

Mentum prolixum aliquantulum demonstrat minus iracundum, et minus perturbatum. Qui os parvum et breve mentum habent, immites sunt et invidi : hos enim Plato ad serpentes referebat. Utilius est mentum commensuratum, secundum aliquid ad quadraturam accedens. Mentum si longe in prolixum distendatur, dolis assuetum ostendit.

Vox similis existens voici ovium, aut caprarium , stultitiae habet indicium. Qui autem in modum avium vocem intendunt, de facili fiunt leves. Vox tenuis, et quasi lugubris, tristem indicat, et suspiciosum. Quorum vox in nares incurrit, ita ut nares consonent, mendaces sunt et malevoli, ac malis alienis gaudentes.

Cervix longa et tenuis eum significat, qui maligna meditatur. Cervix rotunda probat virtutem animi , et corporis humilitatem. Cervix brevis indicium est ejus, qui cum temeritate audax est. Cervix nimirum erecta insolentem et contumacem dicit.

Pectus quod multis carnis est congestum, indociles et ignaros indicat. Pectus quod longius est quam venter, prudentem indicat. Pectus si cum ventre nimietate pilorum tegatur, significat hominem instabilem, et animum sine religione ac pietate. Cum autem solum pectus capillos præfert, animosum designat.

Humeri tenues, et qui in acumine erecti sunt, insidiosum indicant hominem.

Brachia quando in tanta prolixitate extenduntur, ut erecto corpore extremitas medii digiti appropinquet ad genu, licet forte a mensura quatuor ditorum deficat, hujusmodi habiles homines et fortes dicunt; cum autem prolixitas haec ad femur desinit, vel parum ultra, declarat homines malevolos, et malis alienis gaudentes.

Manus nimium breves et exiguae, fortes designant et sagaces. Crassæ manus, si digitos breves ultra modum habeant, tergiversorem declarant, insidiosum et furem. Manus intortæ et tenues loquaces significant et voraces.

Ungues albi, plani, et molles, ac tenues, ac rubentes, et bene perlucidi, optimum ingenium indicant. Ungues indexi, et curvi, impudentes indicant, et rapaces. Ungues breves nimium, declarant malignum.

Digiti collecti et globali avarum dicunt, et malignum. Digiti parvi et tenues stultum demonstrant. Digiti vero parvi et grossi invidum indicant et audacem.

Latera tenuia et angusta timiditatem indicant. Latera referta carnisbus et dura ostendunt hominem indocilem: haec enim ad ranas secundum Platonem referuntur.

Pars cruris qua sub genu est, que vocatur sura, quando plena est, et quasi gravida, in temperatum hominem significat et imprudentem; molles sure effeminitas assignantur.

Pedes crassi et breves valde infirmum hominem indicant. Pedes nimium prolixia ad hominem dolosum referuntur. Pedes pertenues et breves produnt hominem malignum. Qui longis passibus incedunt, magnanimi esse solent et efficaces. Qui celeriter incedendo se comprimit, et vultum dedit, atque totum corpus implicat, significat timendum, parcum et versutum. Qui breves passus habet, eundoque accelerat, malignus esse dicitur atque imbecillus.

Color cutis niger versutum indicat. Color albus rubeusque fortes animososque ostendit. Color vehementer albus cum pallore, defectum

virtutis significat ex nimia victoria phlegmatis. Color ignitus lucentibus oculis ad insaniam vergit. Color mediuss inter nigrum et album, qui declinat in brunum, si clarus est, ostendit vi rum boni ingenii, et bonorum morum.

CAPUT LIX.

De Regulis generalibus Physiognomie.

Generaliter ergo tenendum est, quod membra que in proportione sunt naturali quoad figuram, colorem, quantitatem, situm, et motum, indicant mentis bonam habitudinem naturalem. Membra vero que non habent proportionem debitam in figura, quantitate, situ et motu, perversam mentem indieant. Præterea dicebat Plato, quod quæcumque similitudo animalium aliquorum in hominibus est, tales homines etiam imitantur talium mores. Notandum insuper, quod licet per signa membrorum naturalium mores hominum cognoscantur, non tam ponunt necessitatem, sed ostendunt inclinationem naturæ; nec semper denuntiant affectus hominum, sed frequenter et probabiliiter. Item propter signa exteriora de quibus dictum est, non statim proferendum est judicium: quia forte signum est per accidens, et non per naturam: et forte victim est per contrariam consuetudinem, et freno rationis teneatur. Unde narrat Aristoteles¹, quod discipuli Hippocratis detulerunt Philemoni excellenti physionomo pictam imaginem Hippocratis; qui pronuntiavit de ipso, quod esset vir luxuriosus. Illis autem indignantibus, et culpantibus Philemonem, quod de optimo viro taliter judicasset, retulerunt hoc Hippocrati: qui confessus est Philemonem hoc recte judicasse, sed ex amore philosophiae et honestatis dixit se concupiscentias cordis sui vicisse, et accepisse per studium, quod naturæ fuerat denegatum. Denique sciendum est quod signa exteriora non referuntur nisi ad eas passiones, que naturaliter insunt homini, sicut est ira, concupiscentia, et hujusmodi; non autem ad eas, que sunt animæ solius, sicut est musica, geometria, et similia. Sciendum quoque, quod in oculis principaliter consistit omnis perfectio physiognomie: et sic oculorum indicium confirmat cæterorum membrorum indicium. Si autem contrariantur, tunc prævalent indicia oculorum: propter quod om-

¹ Factum hoc de Zopyro physiognomone, et de Socrate narrat Cicero, lib. de Fato.

nes phisionomi affirmaverunt oculum esse verum cordis nuntium. Augustinus¹: « Impudicus oculus, impudici cordis est nuntius. »

CAPUT LX.

De toto Homine.

Postquam expeditum est de homine ex parte mentis et ex parte corporis, nunc dicendum est de ipso prout est compositus ex utroque: ubi specialiter ostenditur Dei potentia, quia naturas tam distantes conjunxit in unam personam perfectam, scilicet corpoream et incorpoream, quae maxime distant in praedicamento substantiae. Praeterea, cum esset una sola creatura que habebat intus cognitionem per intellectum, ut angelus, et alia que habebat foris per sensum, ut quodlibet animal brutum, fieri debuit creatura, propter perfectionem universitatis, quae hac dupli cognitione esset praedita, ut posset legere in libro scripto intus et foris, hoc est in Creadore, et in opere suo. Unita est anima corpori multiplici ratione, licet separata dignior videatur. Prima ratio est, ut per conjunctionem tam disparium naturarum erigeretur mens ad sperandam illam unionem, quae erit inter animam, et spiritum inereatum. Alia ratio est, ut anima, serviendo Deo in corpore, habeat majus meritum: quia ubi major pugna, ibi major Victoria, et per consequens major corona. Difficultas enim corporis multum valet ad effacieam merendi. Tertia ratio est propter complementum universi. Cum enim, sicut est, quædam esset creatura pure spiritualis, quædam pure corporalis, convenienter fuit fieri creaturam mixtam, scilicet partim spiritualem, et partim corporalem. Quarta ratio est, quia sicut corpus vivum valet ad fructum penitentie, sic post mortem resuscitatum valebit ad consecrationem stolæ duplicate: quia non solum anima, sed etiam corpus præmiabitur dote sua. Quinta ratio est, quia homo ex defectibus corporis multam habet materiam humiliationis, juxta id²: *Humilitatio tua in medio tui.* Sicut enim anima ex coniunctione ad corpus plura consequitur bona, sic et multa contrahit ineommoda. Primo, peccati originalis iniquationem³: *Quis potest facere mundum de immundo conceptum semine?* Secundo, peccati pronitatem⁴: *Proni sunt sensus hominis ad malum ab adolescentia sua.* Tertio,

¹ Aug., Reg. III, c. II. — ² Mich., VI, 14. — ³ Job, XIV, 4. — ⁴ Gen., VIII, 21. — ⁵ Prov., XXIV, 30. —

bene operandi difficultatem⁵: *Per agrum hominis pigri transvi, et ecce totum, etc.* Quarto, intellectus hebetudinem⁶: *Corpus quod corruptitur, aggravat animam.* Quinto, continuam impugnationem; ad Galatas⁷: *Caro concupiscit adversus spiritum, etc.* Sexto, curarum sollicitudinem⁸: *Dico vobis, ne solliciti sitis anima vestra quid, etc.* Septimo, passionem multiplicitatem⁹: *Homo natus de muliere, brevi vivens tempore, repletur multis miseriis.* Octavo, gloria retardationem: gloriari enim percipere non possumus, quan- diu in corpore detinemur: propter hoc Apostolus cupiebat¹⁰ dissolvi et esse cum Christo.

CAPUT LXI.

De Proprietatibus Hominis.

Proprietates hominis sunt istæ: discernere inter honestum et turpe; unde solius hominis est honestum prosequi, cum omnia bruta non nisi utilia et delectabilia prosequantur. Item, passiones ordinare ad limitem rationis; supra mundum per intellectum elevari: et ideo quando quis, per adhesiōnem in terrenis, se mundo inferiore facit, jam quasi honore humanitatis exutus, proprietatem accipit bestiæ, ita ut dicatur fieri per immunditiam porcus, per iram canis, per rapinam leo, et sic de aliis: quod Plato vocavit secundam animarum incorporationem. Amicitiam habet secundum omne genus amicitie; et in hoc differt a bruti, que non habent amicitias speciem, nisi quæ delectationis est vel connubitorum, et hujusmodi. Intellectualibus theorematibus delectari, et speculari talia. Verecundari in turpi perpetrato. Propter quod inemendabiles dieuntur invereundi, quia in aliquo mutati sunt a rationis honore, pecorinam naturam assumentes. Perfecte esse conjugale animal, eo quod legibus ordinatis faciat honestas nuptias. Civile animal esse, quia distributiones, et cohabitationes, et feedera, et pugnas perfectas habet ex urbanitatibus ordinatas. Discipline esse perceptibile propter rationis usum. Esse animal mansuetum natura propter civilitatem. Esse animal risibile, glorabile, propter perfectas gaudendi rationes, quæ soli contingent homini. Esse microcosmum, id est, minorem mundum, eo quod de omnibus creaturis aliquid habeat homo, videlicet¹¹ esse

⁵ Sap., IX, 13. — ⁷ Gal., V, 17. — ⁹ Matth., VI, 25. —

² Job, XIV, 1. — ¹⁰ Philip., I, 23. — ¹¹ Ex Greg., in Evang., hom. XXIX, ante med.

cum lapidibus, vegetari cum arboribus, sentire cum animalibus, intelligere cum angelis. Ex duplice natura esse compositum, scilicet corporali, et spirituali. Creaturarum esse dignissimam. Esse animal rationale et mortale. Humana fragilitas in hoc consistit, quod in homine est assiduitas deficiendi, impossibilitas standi, facilitas cadendi, difficultas resurgendi, vilitas nascendi, incertitudo moriendi. Defectus humanus est, quia quidquid habemus, aliunde habemus et imperfecte, insuper et amittere possumus. In homine quoque est moriendi necessitas, et haec est vel illata necessitas, sicut fuit in Adam: vel innata, sicut est in nobis; vel assumpta, sicut fuit in Christo.

CAPUT LXII.

De primis Parentibus.

Summa bonitas volens communicare bonum suum aliis, fecit creaturam rationalem, quæ summum bonum intelligeret, intelligendo amat, amando possideret, possidendo beata esset. Fecit autem¹ Deus primum hominem formando corpus ejus per ministerium angelorum de limo terræ in agro Damasco; et inspiravit in faciem ejus spiraculum vitæ, hoc est, animam creavit, quam corpori facto univit. Factus est autem homo ad imaginem Dei in naturalibus, et ad similitudinem in gratutis. Dicitur autem homo factus ad imaginem Dei, polius quam angelus; quia convenientiam habet homo cum Deo intus et extra, quod non habet Angelus. Intus enim habet convenientiam cum Deo secundum memoriam, intelligentiam et voluntatem, sicut angelus; sed extra, convenientiam habet quam non habet angelus. Nam sicut a Patre est Filius, sic ab homine homo ejusdem naturæ. Præterea, sicut Deus prælatus est omni creaturæ simpliciter, sic homo omnibus in suo universo. Item sicut Deus ubique est, sic anima ubique est in suo habitibili, id est, in corpore, non quidem per essentialiam, sed per potentiam. Dignitas humana est in hoc, quod Deus fecit hominem ratione sapientem, vita innocentem, dominio potenteum. Primum notatur in hoc, quod homo factus est ad imaginem Dei; secundum, quod ad Dei similitudinem; tertium, quia præpositus est homo cunctis animantibus, et aliis creaturis, quæ omnia sibi serviant. Ex his nota

quod voluntati honorum hominum non solum subditur creatura, sed etiam ipse Deus omnipotens. Psalmista²: *Voluntatem timentium se faciet*, etc. Item angeli, qui depuntantur ad custodiad. Item dæmones, qui dantur ad exercitium bonorum. Item homines boni, qui sunt socii tribulationum, et erunt socii consolationum. Item homines mali, qui bonos magis promovent persequendo, quam possent facere serviendo.

Corpus tale dedit Deus primo homini, quod anime subjectum esset, ut esset obtemperans sine rebellione, esset etiam propagabile sine libidine, esset vegetabile sine mortalitate, esset proportionabile quantum ad complexionem æqualem, esset quoque conforme anime, ut sicut anima erat innocens, et tamen poterat peccare, sic corpus esset impassibile, ut tamen posset mortalitatem incurrere: et ideo poterat mori, et non mori: poterat habere sufficientiam, et indigentiam: poterat obtemperare, et rebellare: et hoc fuit ratione naturae defectivæ ex nihilo creatæ, nec per gloriam confirmatae. Fuit tamen corpus ita conditum, ut in eo nulla esset pugna rebellionis, nulla prœnitas libidinis, nulla imminutio vigoris, nulla corruptio mortis. Haec autem immortalitas corporis Adæ principaliter fuit ab anima, sicut ab influente: a corporis æquali compositione, sicut a disponente: a ligno vite, sicut a vegetante: a regmine vero providentiæ divinæ, sicut ab interius conservante, et exterius protegente. Factus est itaque homo absque omni culpa et miseria, nec ad culpam habuit somnis incitamentum. Insuper datum est ei quadruplex adjutorium: primum, ad recte volendum, quod est conscientia; secundum, ad murmurandum contra malum, et ad stimulandum ad bonum, quod est synderesis; tertium fuit scientia illuminans intellectum ad cognoscendum Deum suum, sicut seipsum, et mundum istum, qui factus fuerat propter ipsum. Quartum fuit charitas accendens affectum ad diligendum Deum super omnia, et proximum suum sicut seipsum. Prima duo pertinent ad perfectionem naturalium; alia duo ad perfectionem pertinent gratuitorum, quorum unum fuit gratis gratis datae, scilicet scientia; aliud gratie gratum facientes, scilicet charitas. Accepit homo triplicem oculum: primum, carnis, quo videret mundum, secundum, rationis, quo videret animum; tertium, contemplationis, quo videret Deum. Et sic oculo

¹ Gen., 1, 28. — ² Psal. cxliv, 19.

carnis videt homo quæ extra se sunt; oculo rationis, quæ intra se sunt; oculo contemplationis, quæ sunt supra se. Notitia enim Dei habuit, cuius præsentiam quodam interiori aspectu rationis contemplabatur, non tamen ita excellenter ut in patria, nec ita in ænigmate, ut modo in via. Res etiam factas novit, quia animantibus omnibus nomina imposuit. Notitiæ quoque sui habuit, quia qualis factus erat, scivit, et quod agere, et quod cavere debet, intellexit. Fuit quoque sine pœnalisibus, quia nec esurivit, nec sitiit. Item frigus vel æstus, labor aut infirmitas cum non lesit; nec mortem expectavit, quia vivus erat ad gloriam transferendus. Vestibus non eguisset, et nudus verecundiam non sensisset. Natura in eo quoad deformatatem membrorum non errasset. Conceptus fuisset sine pudore, partus sine dolore. Motus membrorum subjecti fuissent voluntati.

CAPUT LXIII.

De Præceptis Adæ datis.

Adam factum Deus in paradisum transtulit, et ibi de costa dormientis Eavam sibi sociam formavit. Hanc non fecit de capite, ne viro dominaretur; nec de pedibus, ne contemneretur; sed de latere, ut amoris vinculum probaretur. Duplex bonum illis Deus præparavit: unum temporale; aliud æternum. Primum dedit, secundum promisit. Ideo duplex præceptum primus homo habuit: unum nature, ad custodiendum bonum datum; aliud disciplinæ, ad promerendum bonum promissum: et hoc non poterat promereri melius, quam per puram obedientiam, quæ tunc mera est, quando præceptum ex se solo obligat, et non ex alia causa: et tale dicitur præceptum disciplinæ, quia per ipsum discitur quanta sit virtus obedientiae. Unde et disciplinæ præceptum dicitur, quia vitare lignum scientiæ non suadebat natura, sed disciplina. Præceptum vero naturæ duplex fuit: unum de conservatione individui, ut ibi in Genesi¹: *De omni ligno paradisi comedetis.* Inter quæ ligna fuit in medio paradisi specialiter nominatum lignum vite, sic dictum ab effectu, quia corpora primorum parentum debebat continue vegetare. Aliud fuit præceptum naturæ pro conservatione speciei, ut illud²:

¹ Gen., II, 16. — ² Gen., I, 28. — ³ Exod., XX, 15. — ⁴ Matth., V, 34. — ⁵ Damasc., de Fid. Orthod., lib. II,

Crescite et multiplicamini. Circa præceptum disciplinæ nota, quod aliquid prohibetur, quia malum³: *Non furtum facies;* aliquid, quia occasio mali, in Mattheo⁴: *Non jurure omnino:* sicut prälatus multa prohibere potest, que tamen non sunt expresse in sua regula; aliquid ad probationem obedientiæ: et tale fuit præceptum de ligno vite.

CAPUT LXIV.

De Paradiso.

Homo prædictis fultus auxiliis accepit locum paradisi terrestris in habitationem tranquillam. Fuit autem locus ille, ut ait Damascenus⁵, exultationis universæ promptuarium, qui terra excelsior est positus, et temperato ac purissimo aere circumfulget, plantis semper et floribus ornatus est, bono odore plenus, nullumque irrationabilium animalium ibi habitat. Præterea habetur in Genesi⁶, quod a Domino paradisus plantatur; fonte, qui dividitur in quatuor capita, irrigatur; ligno vite ac scientiæ boni et mali decoratur; per Cherubim et flammœum gladium custoditur. Notandum insuper quod ibi nullæ sunt tempestates. Due quoque ibi sunt hyemes, et duæ æstates, et bis fructificant ibi arbores. In utroque solsticio habent hyemem, et in utroque æquinoctio æstatem. Hujus autem ratio est, quia paradisus sub circulo æquinoctiali situs est. Item semper habent æquinoctium.

CAPUT LXV.

De Casu primi hominis.

Invidens ergo diabolus felicitati hominius, in specie serpentis⁷ ipsam mulierem, tanquam fragiliorem, aggreditur tentandam: quam cum in responsione dubitarem cerneret, fortius instituit: et tandem vincens eam, virum illa mediante dejecit. Processit ergo sic: primo scilicet, querendo: *Cur præcepit vobis Deus, etc;* secundo, asserendo falsum: *Nequaque moriemini;* tertio, promittendo: *Eritis sicut dii, scientes bonum et malum.* Processus iste fuit maxima versutie, quia processit experiendo, impellendo, et alliciendo. Experientiam enim accepit interrogatione; impulit in mendacii assertione; allexit in falsa promissione. Allexit autem c. XI, statim a princ. — ⁸ Gen., II, 8, 6, 10, 9; III, 25. — ⁹ Gen., III, 1 et seq.

tem diabolus mulierem per triplex appetibile, scilicet per scientiam, quæ est appetibilis rationi; per excellentiam ad modum Dei, quæ est appetibilis irascibili; per suavitatem ligni, quæ est appetibilis concupiscibili. Igitur vir in uno peccavit, quia lignum vetitum gustavit: unde et poenam accepit, ut in sudore vultus sui pane suo veseretur. Mulier autem in duabus peccavit: nam superbivit, et vetitum comedit: unde et duplice maledictionem habuit, scilicet: *Sub viri potestate eris*, et hoc propter primum; item: *In dolore paries*, et hoc propter secundum. Diabolus vero in serpente tria fecit: invidit, mentitus est, decepit: unde propter primum dictum est ei: *Supra pectus tuum gradieris*; propter secundum: *Terram comedes*; propter tertium: *Ipsa conteret caput tuum*. Si autem scire volueris quis eorum plus peccavit, scilicet vir, an mulier, notandum est quod quantum ad aliqua plus peccavit mulier, et quantum ad aliqua plus vir. Nam mulier plus peccavit quoad pejoris finis intentionem, voluit enim fieri sicut Deus; sed vir intendebat non constristare delicias suas. Item mulier peccavit in plures, quia in se, in Deum, et in proximum. Item damnosus peccavit mulier, quia plures maledictiones recepit. Vir autem peccavit plus quantum ad originem, quia ex certa scientia; item vir peccavit majori ingratitudine.

Quærunt multi cur Deus hominem fecerit qui peccare posset; et ad hoc assignantur plurimæ rationes. Prima est, ut ostendatur divina potentia, qui solus invertibilis est, omnis autem creatura vertibilis est. Seunda, ut declaretur Dei sapientia, quæ de malo seit elicere bonum: quod non potuit fieri, nisi Deus creaturam fecisset vertibilem in malum. Tertia, ut manifestetur Dei clementia, qua Christus per mortem suam hominem perditum liberavit. Quarta, ut ostendatur Dei justitia, qua non solum reddit bonis præmia, sed etiam malis supplicia. Quinta, ut homo non sit pejoris conditionis, quam aliae creature, quas omnes Deus sic administrat, ut eas propriis motibus agere sinat: unde et hominem in proprio arbitrio relinquere deluit. Sexta est, laus humana: laus enim est viri justi, qui¹ potuit transgredi, et non est transgressor. Septima est decor universi, quia opposita juxta se posita magis elucent: ita mali bonos com-

mendant, ad invicem comparati. Octava ratio est, quia boni exercitantur et probantur per malos. Adam autem et Eva ob peccatum de paradiiso expulsi sunt, sicut Lucifer de cœlo, et in hac valle miseriae habitantes facti sunt mortales: nam sicut in cœlo est non posse mori, et in paradiiso posse non mori; sic in terra est non posse non mori; sic in inferno est semper mori. Ex his patet quod primus status hominis fuit innocentia; secundus, gratia; tertius, culpæ; quartus, pœnitentia; quintus, gloria. Dum enim inordinate erexit se supra se, occidit miserabiliter infra se, scilicet a statu innocentia et gratia, in statum culpæ et misericordie. Item, quia factus est inobediens suo superiori, justo Dei iudicio factum est, ut sibi fieret inobedientis suum inferius, scilicet caro, et maxime circa membra virtuti generativæ deservientia.

CAPUT LXVI.

De Ordine Tentationis in nobis.

Ordo temptationis qui fuit in primis parentibus, etiam in nobis completetur. Nam sicut serpens ubi suggestus, mulier electata est, vir comedit; sic in nobis, secundum Gregorium², diabolus gerit serpentis officium, sensualitas vero, que in carne est, officium mulieris, et ratio tenet locum viri per consensum. Vel dicas secundum Augustinum³, quod suggestio serpentis est primus motus ex fomite; comestio vero mulieris, delectatio cogitationis, scilicet per inferiorem partem rationis; sed comestio viri est consensus superioris partis rationis. Per haec enim tria, scilicet suggestionem, delectationem, et consensum, homo in temptatione ducitur: quia tentatio per suggestionem inchoatur, sed per delectationem progreditur, per consensum autem consummatur.

Sunt autem alia tria, per quæ quis in temptatione detinetur, scilicet opus pravum, consuetudo, et desperatio. Sciendum item est quod tentatio est triplex: prima est a diabolo, vel per modum suggestionis, vel per modum afflictionis; secunda est a mundo, qui voluptate vel vanitate allicit, vel persecutione frangit; tertia est carnis, que per sensualitatem ac fomitem ad peccatum impellit (*a*), quibus ratio consentiens peccatum perficit. Duæ sunt temptationis species: prima scilicet diaboli, secunda mundi: et sunt admon. 30. — ³ Aug., *de Genes. cont. Moseh.*, lib. II, c. XIV, n. 20, 21. — (*a*) *Cat. edit.* impulit.

¹ Eccli., xxxi, 10. — ² Greg., *Pastor.*, lib. III, c. 1,

extra nos , et non habent peccatum. Unde Augustinus : « Tentatio cui non consentitur, non est peccatum, sed materia exercendæ virtutis. » Tertius modus tentandi est intra nos : et est peccatum veniale , cum primus motus est tantum ; sed mortale, si consensus advenerit. Contra predictos tentatores dedit nobis Deus tria remedia : quia contra diabolum habemus spiritus et angelos bonos , qui ad bonum nos stimulant, et contra insultus diaboli defendunt; item contra mundum habemus exempla Sanctorum , quos nec alliciebant mundi blandimenta , nec terrebant supplicia; item contra carnem habemus bona naturalia , scilicet synderesin , et vim irascibilem , quæ naturaliter nos docent non acquiescere carni , sed spiritui. Habemus etiam gratuita , scilicet charitatem , temperantiam , et hujusmodi , quibus carnis vita mortificamus. Est autem differentia inter tentationes quæ sunt a diabolo , et quæ sunt a carne. Tentationes enim quæ a diabolo sunt , sœpe oriuntur præter rationem , ut cum nuper satiatus famem paſtit , et post longam dormitionem somno gravatur. Tentationes vero quæ sunt a carne , frequenter surgunt propter necessitatem , sed interdum excrecent in superfluitatem : ut si cibus post jejunium immoderate appetitur , vel in comedendo mensura et modus non tenetur.

Tentatio autem multiplex est : quædam est probationis , et hæc est a Deo , secundum quod Dominus tentavit Abraham; quædam examinationis , et hæc est ab homine; quædam præcipitationis , et hæc est a diabolo , qui sic primos parentes tentavit; quædam delectationis , et hæc est a carne; quædam consensus , et hæc est rationis.

Tentationum quatuor sunt species. Prima est aspera : hæc autem fit de laboribus inconsuetis in principio conversionis. Secunda est vana , et oritur de spiritualibus prosperitatibus , ut cum quis de virtutum successibus gloriatur. Tertia est dubia , ut quando quis ambigit quid certum de aliquo re tenere debeat : unde accidit quod lentior quisque ad bonum redditur , quando id quod agit , bonum esse dubitatur ; et pronior fit (a) ad malum , quando malum esse nescitur.

¹ Psal. xc, 5. — ² Ibid., 6. — ³ Ibid., 13. — ⁴ Matth., a) Cœl. edit. sit. — (b) Fraudulentia. — (c) Suppl. ad.

Quarta fraudulenta (b), ut quando diabolus in angelum lucis se transfigurat , sub specie scilicet virtutum inducens (c) vitium : hæc fit quando suadendo honestatem , inducit (c) superbiam , vel suadendo discretum obsequium , inducit (c) nimium carnis commodum , vel dissuadendo justum judicium , inducit (c) crudelitatem ; vel suadendo misericordiam , inducit (c) remissionem et negligentiam; vel suadendo largitatem , inducit (c) prodigalitatem , et sic de aliis. In talibus autem periculosissimum est periculum non videre. Primam appellat Psalmista¹ timorem nocturnum : per noctem enim adversitas designatur. Secundam appellat² sagittam volantem in die , quia per diem prosperitas designatur. Tertiam appellat³ negotium perambulans in tenebris , et hæc propter dubium perplexitatis. Quartam vocat⁴ dæmonium meridianum ; unde ait : Non timebis a timore nocturno , a sagitta , etc. De his quatuor generibus tentationum , idem ait⁵ : Super aspidem , quoad primum ; et basilicum , quoad secundum ; et conculcabis leonem , quoad tertium ; et draconem , quoad quartum.

Propter prædictas tentationes vel deceptions diaboli , non sunt etiam licita facienda , et hoc in quinque casibus. Primus est , si diabolus suadet homini aliquid esse bonum faciendum , quod videtur suis consiliiis consentire : unde Christus ipso suadente noluit⁶ facere panem de lapidibus , quod tamen opus bonum fuisset. Secundus , si proponatur aliquid opus contra legem Dei , non est faciendum : unde⁷ Machabei nolebant comedere carnes , quas tempore necessitatis comedere licuisset. Tertius , quando bonum fit cum scandolio aliorum⁸ : Peccantes in fratres , etc. : et loquitur de idolothytis. Quartus est , quando bonum fit per ostentationem⁹ : Si osculatus sum manum meam , quæ est iniqüitas maxima. Quintus , cum impedit obedientiam superioris , quia licet propter mandatum prelati nunquam malum debeat fieri , potest tamen bonum aliquando propter obedientiam prætermitti. Remedia autem contra tentationes sunt memoria dominicæ passionis , mortificatio carnis , utile exercitium , declinatio occasionum , conculcatio principii tentationum.

iv, 4. — ⁵ II Mach., vii, 1 et seq. — ⁶ I Cor., viii, 12. — ⁷ Job, xxxi, 27.

LIBER TERTIUS

DE CORRUPTELA PECCATI

CAPUT PRIMUM.

De Malo in genere.

Malum triplex est, videlicet culpæ, poenæ, et damni : quod opponitur triplici bono, scilicet honesto, delectabili, et utili. Nam culpe opponitur honestum ; poenæ opponitur delectabile ; damno opponitur utile. Malum est utile multis modis : primo, propter suam ordinacionem, quia per vilificationem ponitur in loco inferiori in universitate rerum, unde bene ordinatur; sicut ordinate ponitur diabolus in inferno, et fur in patibulo. Secundo modo utile est propter suam coactionem : amaritudo enim conscientiae cogit hominem a peccato recedere¹ : *Arguet te malitia tua, et aversio tua increpabit te.* Item in eodem² : *Vide quam malum et amarum est te dereliquerisse Dominum Deum tuum.* Tertio est utile per ipsius mali considerationem : ex hoc enim quod homo malum videt, naturaliter proficit, quia sicut homo naturaliter bonum appetit, ita naturaliter horret malum et fugit.

CAPUT II.

De Peccati Diffinitione.

Post malum in genere, sequitur de malo culpe in specie. Diffinitur autem peccatum multis modis : primo sic ab Augustino³ : « Peccatum est voluntas retinendi vel consequendi quod justitia vetat. » Secundo sic ab eodem⁴ : « Peccatum est dictum, vel factum, vel concupitum contra legem Dei. » Tertio sic ab Ambrosio⁵ : « Peccatum est prævaricatio legis divinae, et celestium inobedientia preeceptorum. » Quartto sic ab Augustino⁶ : « Peccatum est, spreto incommutabili bono, rebus mutabilibus adhædere. » Prima diffinitio datur secundum causam efficientem ; secunda, secundum causam materiale ; tertia, secundum causam formalem ;

quarta, secundum causam finalem. In quarta diffinitione nota quod in peccato duo sunt, scilicet aversio a Creatore, et conversio ad creaturam : quorum primum est quasi formale, secundum quasi materiale. Et in actione non est peccatum ratione conversionis, si non sistatur in creatura; sed ratione aversionis, in qua est deformitas et contemptus. Quod autem ratione conversionis non sit peccatum principalius, patet, quia potest fieri venialiter quandoque, ut quando quis delectatur in creatura plus debito, sed tamen citra Deum ; quandoque etiam quis potest delectari in creatura sine omni peccato, ut cum delectatio naturalis est tantum, secundum quod visus delectatur in viridi, et gustus in dulci, et sic de aliis; interdum potest etiam quis delectari meritorie, quando scilicet ad Deum refertur. Unde Psalmista⁷ : *Delectasti me, Domine, in factura tua, etc.* Sed tunc sumitur delectatio pro motu, non pro passione.

CAPUT III.

Quid sit Peccatum secundum rem.

Tenendum est de peccato, quod non est substantia vel res aliqua, sed defectus et corruptela. Et dicitur peccatum *nihil* propter tria : primo, propter defectum, quia peccatum non est aliqua res naturalis, sed corruptio boni; secundo, propter effectum, quia peccatum annihilat hominem, et deficere facit a vero esse; tertio, propter despectum, quia vilem facit hominem et indignum præmio. Circa predicta temen sciendum est, quod aliud est peccati actus, aliud habitus, et aliud macula peccati, sive reatus. Actus peccati est aliquid, sed, quando amplius non fit, esse desinit etiam sine gratia; sed peccati habitus qui relinquitur malefici ex actibus, etiam aliquid est, et remanet interdum etiam cessantibus actibus, et post infusionem gratiam ac peccati remissionem. Peccati vero *Parad., c. viii, n. 39.* — ⁶ Aug., *de Lib. Arb., lib. I, c. xvi, n. 34, 35.* — ⁷ Psal. xc, 5.

¹ *Jerem., ii, 17.* — ² *ibid.* — ³ *Aug., Retract., lib. I, c. xv, n. 4;* *De duab. Anim., c. xi, n. 45.* — ⁴ *Id., coll. Faust., lib. XXII, c. xxvii.* — ⁵ *Ambros., de*

macula secundum rem nihil est, et tamen deformat animam, non per modum positionis, sed privationis, sicut truncatio membra deformat corpus et maculat. Dicit etiam Augustinus¹ quod etiam sicut abstinentia nulla est res, et tamen ex ea corpus languet, ita peccatum non est res aliqua, vel substantia aliqua, et ex eo tamen natura corrumpitur, sed deletur per gratiam. Notandum præterea, quod peccatum quandoque transit actu, et remanet reatu, sicut peccatum actuale; quandoque est e converso, cum peccatum transit reatu, et remanet actu, sicut patet in peccato originali post baptismum; quandoque transit actu simul et reatu, sicut peccatum actuale post poenitentiam perfectam; quandoque remanet actu et reatu, sicut peccatum originale ante baptismum.

CAPUT IV.

Quid sit Peccatum secundum nomen.

Peccatum habet multa nomina: vocatur enim *macula*, et hoc quia imaginem animæ deformat; item *reatus*, quoniam ad poenam æternam obligat; item *pollutio*, et hoc quantum ad contagionem contractam ex terrena delectatione; item vocatur *pœna*, in quantum respicit peccatum primi hominis, in quo natura nostra corrupta fuit; item *delictum*, secundum quod est recessus a dignitate gratiæ habitæ; item vocatur *culpa*, prout respicit poenam; item *offensa*, et hoc quia contra Deum est; item *prævaricatio*, et hoc in quantum mandatum Dei respicit; item *vitiū*, id est defectus bonorum naturalium; item *peccatum*, prout est conversio ad bonum commutabile; item vocatur *seclus* propter injuriam Dei magnam; item *nefas*, prout est illicitum personæ perpetranti; item vocatur *criter*, prout est dignum accusatione et poena.

CAPUT V.

De Origine Peccati.

Quamvis peccatum sit contrarium ipsi bono, non tamen habet esse nisi in bono, nec ortum trahit nisi a bono: quod quidem bonum est liberum arbitrium, ac voluntas, a qua peccatum est sicut a prima origine, in qua est sicut in proprio subiecto. Voluntas igitur est causa peccati: causa, dico, non efficiens, sed deficiens. Volun-

tas enim, secundum quod habet respectum ad suum principium a quo est, scilicet a i Deum, non est nata elicere ex se nisi bonum; sed secundum quod habet respectum ad principium ex quo est, quod est nihil, cum ipsa voluntas sit ex nihilo, tendit ad defectum. Si ergo volumus scire unde sit malum culpe materialiter, dicemus, quod ex nihilo; si vero volumus scire unde sit formaliter, dicemus quod ex absentia debiti boni, scilicet speciei, modi et ordinis; sed si velimus scire unde sit originaliter, dicemus quod sit a voluntate, sive a libero arbitrio.

De progressu autem peccati nota, quod peccatum initiatur in cogitatione, procedit et crescit in delectatione, perficitur in consensu.

Circa progressum peccati, sciendum, quod quædam antecedunt ipsum peccatum, quædam sequuntur, quædam circumstant. Peccatum antecedunt aliqua ex parte aversionis, aliqua ex parte conversionis. Ex parte aversionis antecedunt ipsum peccatum ista: contemptus, omissione, ingratitudo, inobedientia, prævaricatio. Illa vero quæ peccatum antecedunt ex parte conversionis, sunt hæc: cogitatio, libido, concupiscentia, delectatio, perversa intentio, consensus. Alia sunt quæ sequuntur peccatum, sicut est macula, id est, deformatio imaginis Dei; et reatus, id est obligatio ad poenam æternam. Sunt adhuc alia quæ peccatum comitantur, ut sunt peccatorum circumstantiae, quæ peccatum aggravant, aut diminuunt: quæ continentur in hoc versu:

Quis, quid, ubi, per quos, quoties, cur, quomodo,
[quando.]

Actio etiam illa per peccatum depravatur, quæ est de genere bonorum, quandoque in principio, quandoque in medio, quandoque in fine: et hoc per malam intentionem, vel per negligentiam, vel per vanam gloriam. Unum peccatum dicitur majus altero multis modis, scilicet: causalitate, ut peccatum Luciferi; vel generalitate, ut peccatum Adæ; vel deformitate, ut peccatum Judæ; vel difficultate remittendi, ut peccatum in Spiritum sanctum; vel periculositate, ut peccatum ignorantie; vel inseparabilitate, ut peccatum cupiditatis; vel pronitate, ut peccatum carnis; vel offensione, ut peccatum idolatriæ; vel expurgandi difficultate, ut peccatum superbiæ; vel mentis cecitate, ut peccatum iræ. Circa peccati gravitatem,

¹ Aug., *de Nat. et Grat.*, c. xx, n. 22.

nota quod nihil est peccatum in viro perfecto, quod non sit peccatum in imperfecto, nisi in his quæ novit (a) : nam perfectio non mutat genus peccati, sed ejus quantitatem auget.

CAPUT VI.

De Divisione Peccati.

Divisio peccatorum multiplex est. Alia enim est secundum causam efficientem secundum se, ut hæc : « Peccatorum aliud est ex impotentia, aliud ex ignorantia, aliud ex malitia. » Alia sumitur secundum causam efficientem ratione annxi, secundum quam sumitur hæc divisio : « Peccatorum aliud est ex amore male accidente; aliud ex timore male humiliante, » hoc est dicere, quod homo potius vult peccatum committere, quam amato carere, aut malum penæ, quod timet, incurtere. Sumuntur etiam peccatorum divisiones secundum causam materiale, circa quam primo sumitur hæc divisio : « Peccatorum aliud est cordis, aliud operis. » Item hæc : « Peccatorum aliud cogitationis, aliud locutionis, aliud operationis. » Secundo modo sumitur sic : Peccatorum aliud est in Deum, aliud in seipsum, aliud in proximum. In Deum dividitur sic : Aliud in Patrem, aliud in Filium, aliud in Spiritum sanctum. Aliis tribus modis peccatur in Deum, scilicet male per infidelitatem deo sentiendo; item, blasphemando; item, sacra Dei indigne tractando. Alio modo peccat quis in Deum, scilicet ipsum tentando, et hoc fit tripliciter : nam quandoque tentat quis Dei potentiam, ut cum signa petat; quandoque Dei justitiam, ut cum per candens ferrum, vel per duellum, vel similia quis iudicium petat; quandoque Dei misericordiam, ut cum quis Dei bonitatem examinans, committit se stultis periculis.

In seipsum peccat quis tripliciter, scilicet : necessaria sibi subtrahendo; item superflua sumendo, item ultra vires quippam aggrediendo.

Item in proximum peccat quis tripliciter, scilicet : proximo suo auferendo; item sua sibi in necessitate non communicando; item malo exemplo illum ad peccatum trahendo.

Sumuntur præterea divisiones peccatorum secundum causam formalem; et hoc tribus

(a) *Forsan legendum* non novit. — (b) *Cat. edit.* deest vel secundum quantitatem. — (c) *Cat. edit.* quantitatem.

modis : quandoque naturaliter secundum qualitatem, vel secundum quantitatem (b), vel secundum relationem. Secundum qualitatem sumitur hæc divisio : Peccatorum aliud est commissi, aliud delicti : quorum primum est prævaricatio præceptorum negativorum; secundum vero est prævaricatio præceptorum affirmativorum. Item predictum peccatum est duplex contra duas partes iustitie, quæ sunt declinare a malo, et facere bonum. Item alia divisio sumitur secundum qualitatem (c) sic : Peccatorum quædam sunt carnalia, quædam spiritualia; sed carnalia majoris sunt infamiae, spiritualia majoris sunt culpe. Secundum quantitatem sumitur hæc divisio : Peccatorum aliud est mortale, aliud est veniale : quorum primum dicitur perversio, secundum vero inordinatio : quoniam peccatum mortale est aversio totalis a bono incommutabili, et conversio totalis ad bonum commutabile; sed peccatum veniale est amor voluptatum in creatura, citra Deum tamen. Secundum relationem sumitur hæc divisio : Peccatorum aliud est originale, aliud actuale.

Ultima divisio est secundum causam finalem, et hoc dupliciter, quia vel secundum ipsum appetibile, vel secundum actum hominis appetitus. Secundum ipsum appetibile sumitur hæc divisio¹ : *Omne quod cst in mundo, aut est concupiscentia carnis, aut concupiscentia oculorum, aut superbia vitæ* : quorum primum est appetitus voluptatum, secundum appetitus divitiarum, tertium appetitus honorum. Secundum actum hominis appetitus dividitur peccatum in septem vitia capitalia, scilicet superbiam, invidiā, iram, acediam, avaritiam, gulam, luxuriam.

Nota quod quinque sunt genera operum. Nam quædam sunt mala in se, ut illa quæ secundum suam naturam mala sunt, possunt tamen per aliquam circumstantiam fieri bona, ut homicidium; quædam sunt mala secundum se, ut illa quæ per nullam circumstantiam possunt fieri bona, sicut odire Deum, forniciari, et hujusmodi; quædam sunt bona in se, ut quæ sunt bona ex genere, et tamen possunt fieri mala ex circumstantia, sicut est dare eleemosynam; quædam sunt bona secundum se, ut quæ per nullam circumstantiam possunt fieri mala, sicut diligere Deum ex charitate; quæ-

¹ *Joan.*, 11, 16.

dam sunt indifferentia , ut quæ nec bona , nec mala sunt , possunt tamen vel bona , vel mala fieri , sicut est mouere pedem sine deliberatione , vel quandoque comedere .

CAPUT VII.

De Effectu peccati.

Multa mala facit homini peccatum ante mortem , in morte , et post mortem . Ante mortem hæc mala operatur : naturalia vulnerat , ut significatur in illo ¹ , qui incidit in latrones ; item intellectus obscuratur in cognitione veri , et affectus tepeſcit in operatione boni . Gratuitis spoliat ² : *Dispersi sunt lapides sanctuarii* , etc . Sed ne aliquod bonum pereat , illa bona , quæ quis peccando mortificat , aliis salvandis dabuntur , sicut quando corporali morte quis moritur , fratres et propinqui in bonis ejus succedunt . Animam maculat ³ : *Denigrata est super carbones facies eorum* . Ad pœnam æternam obligat ⁴ : *Quacumque die comederis ex eo , morte morieris* . Conscientiam amaricat ⁵ : *Vide quam malum et amarum est te dereliquisse Deum tuum* . Indurat ⁶ : *Peccator cum in profundum peccatorum venerit , contemnit* . Insensibilem reddit ⁷ : *Visus est eis quasi ludens loqui* . Simile habes in cane submergendo , qui non sentit lapidem in collo , donec in aquam extra navem proicitur . Animam occidit , quia vera vita , id est Deo , privat ⁸ : *Saul irruit in gladium suum* . Sed nota quod peccatum veniale disponit ad mortem ; mortale vero infert mortem ; sed obstinatio detinet in morte . Ad alia peccata trahit : exemplum habemus de Cain , qui ⁹ egressus in agrum , occidit fratrem suum Abel . De hoc dicit Gregorius ¹⁰ : « Peccatum quod per pœnitentiam non diluitur , mox suo pondere ad aliud trahit . » Exemplum habes etiam in figura : Corvus ¹¹ egressus de arca , interceptus est aquis ; et Dina ¹² egressa , ut videret , etc. , virginitatem amisit ; et Judas ¹³ egressus , Christum tradidit ; et post adulterium David ¹⁴ , secutum est homocidium . Et si patet quod peccatum quod in se est culpa , præcedentis peccati dicitur pœna , et ita dicitur aliquid simul culpa et pœna ; sed ratione actionis dicitur culpa , pœna vero ratione

passionis , quia culpa est quod facimus , pœna vero quod patimur . Licet igitur omnis culpa sit a nobis , non tamen omnis pœna est a nobis , imo quedam est a nobis acta , quædam a Deo inficta , quedam a primis parentibus contracta . Et quia eum qui facit quod non debet , justum est pati quod debet ; ideo omnis pœna est justa , et a divina providentia ordinata . Quod autem unum peccatum nascatur ex alio , sic appetit : superbia enim , quia vult omnes excellere , dolet si aliquis ei æquetur , et sic ex ea nascitur invidia ; invidia (*a*) vero , quia de facili irascitur ei cui invidet , ideo ex ea nascitur ira ; sed ira , cum non potest se vindicare , tristatur , et ideo ex ea nascitur acedia ; acedia vero consolationem querens in exterioribus , facit avarum ; avaritia autem , quia in temporalibus abundat , potest magis exercere gulam ; gula vero , propter ventris repletionem , de facili spumat in libidine , et ita generat luxuriam . Item bona , quæ fiunt , infructuosa reddit , et quantum ad meritum , et quantum ad præmium : sicut ramus preciosus ad arbore , non profert fructum , sed arescit , et habilitatur ad incendium . De talibus dicitur ¹⁵ : *Maledictus eris ingrediens , et egrediens , scilicet ecclesiam materiale ad orandum* : quia talium oratio non est meritoria , imo dicit Augustinus , quod si tales cruce se signent , includunt potius in se diabolum , quam excludant , quia jam in eis per effectum habitat . Ex homine infernum facit , quia in peccatore est ignis avaritiae , foetor luxuriae , tenebrae ignorantiae , vermis conscientiae , sitis concupiscentiae , dæmones per effectum , et hujusmodi . Vacuum tandem hominem relinquit ¹⁶ : *Terra erat inanis et vacua* . Et merito , quia mundo adhærentes sugunt ubera arida , eo quod relinquent fontem vitae , et venam aquarum viventium , et palubribus turbidis se satiant . Item fallendo decipit , sicut lignum putridum de nocte lueens , et sicut esca in hamo latens pisces decipit . Stultum hominem demonstrat , quia peccando quis sibi onus ad se deprimentum imponit , et ligna super dorsum suum cremanda colligit , et illi servit , qui cum pro servitio torquebit . Augustinus : « Stultum est in tali statu vivere , in quo quis non audet mori . » Sequitur quod peccatum in morte gravat hominem , quia in morte privatur homo solatio visibilium , quæ dilexit , scilicet

¹ *Luc.* , x. 30. — ² *Thren.* , iv. 1. — ³ *Ibid.* , 8. — ⁴ *Gen.* , ii. 17. — ⁵ *Jerem.* , ii. 19. — ⁶ *Prov.* , xviii. 1. — ⁷ *Gen.* , xix. 14. — ⁸ *I Reg.* , xxxi. 4. — ⁹ *Gen.* , iv. 8. — ¹⁰ *Greg.* , *Moral.* , lib. XXV , c. ix. — ¹¹ *Gen.* ,

viii. 6. — ¹² *Gen.* , xxxiv. 1 et seq. — ¹³ *Matth.* , xxvi , 47. — ¹⁴ *II Reg.* , xi. 17 et seq. — ¹⁵ *Deut.* , xxviii , 19. — ¹⁶ *Gen.* , i. 2. — (*a*) *Cæt. edit.* invidus .

et illis, pede, anates, rebus, huncius, rapere et proprio corpore, quod nunquam in lati formis suscepit, tunc vellet non ledere, sed quando per diuinam pacis errationem vel a veritatis, quia stuporibus animos perirent, quando corpus resuscitandum videlicet turbulenter presentem in morte, quando videlicet humanum decomponit ad animalium¹. Quia etiam et ipsa apprehensio cum eis interficitur.

Postrem o videturum est: qualiter possum
premet hominem post mortem? Unde iuram
habebit ex malorum opere damnationis. Pro
pheta⁴: *Boscius probat haec et facit hoc Ex
predicatione Christi audierit in judicio⁵. His
iure, et non doctriue meae, alleluia et haec per
videtur⁶. Latus manus et probat, institu-
tus, etc. Unde non valdebit et illa carnis. Re-
quiam servare, etc. Nullus ergo hominem non
gaudet⁷. Forma carnis non membra, et ignis
carnis non est. In adamum per ipsitudinem
exemplum de lapide nascitur, quem Angelus in
Apocalypsi prope in terra dicens: *Hic en-
tulus mortalis Babylonias est, etc. A Deo et electis
et mundus hunc separabitur⁸. Hoc ergo es-
tis. A clavi puniti videntur⁹. Tunc etiam
puncta et membra omnia specie intercedunt per-
videtur¹⁰. Non enim ita regis ut possimus carnem
huc, nihilque charabunt, sed in celo qui habentur
parum agnos de fera, scilicet divites intercedentes
dico. *Sicut Iudeus percutitur in peccato
peccato, sic in peccato mortali, sic in quoque
multiplicitate vitium non est percutitur ipsum de
reatu, et de illo perirent, quia gloriam prius
tamen nulli compreserat et speravit. Sicut enim
corruptionis de mortis vita non est, ita etiam
posse non invenimus se non possemus gaudet
tamen nulli restabunt exempli, nam post se
nationem cultus tempore etiam electis, tamen
qui sunt in morte, super hoc dicunt: *Tunc da
nisi quis domini de cibis¹¹ et beveri-
bus tunc, quem Dominus a leprosia mundavit,
post mundationem semper vocaverit¹². Sem-
per tamen tempore que credidit dominus hunc
post de institutione patrum, nullus modo hunc et
nullus in pugnacibus tempore patrum.****

Ad temperaturam pumice oddigat unhae ¹ Atra
et ad eam datur pulvis et resurgit glabra.

Hoc legimus eodem non intrabat, donec ¹⁴
legimus. Namque, stupet, id est, posse prece-
sum tam mortaliuum quam ventilium, quo in
presenti vidua non est, super ipsum oracula.
A gloria celorum quod ligatum est in Alba-
loni, quod ¹⁵ per seipsum patet non nullum fuit, si
non magis dubius animus, quod ¹⁶ hanc ejus
non videt: quis tunc dicitur quis a gloria,
quoniam quis fuit hoc nunc nesciret, si etiam in
baptismo Tempus antea ¹⁷ et meritorum quod
sibi computare potest cum peccatis nonne
incomparabile? Quia certe ¹⁸ et id quod constitutum
non recipitur, obseruat omnium cogitationes; et
huc propter trahens quod ¹⁹ induceret, et precepit
dicitur hinc fuisse ²⁰, quod tempore excederat
et ad patet in Eddi. Puto Augustinus ²¹
hunc agere ostendere ei lux, et siest modis ex
compositionibus. Ad illum nota de quadam esse,
quoniam hunc dominus illuminaverit, non distinx
particulariter, sed videt hominem prius ²², postea
hunc ostendit. Alio clavis redditus cepit, stet
in pede voluntatis, altius in die, clandestus, et
arbori de loco summa mala, stupidi circulus amittit.
Puto dictum est homini post peccatum ²³. Spes
et tristitia ergo ²⁴ et dilectio et dilectio delirant
in corpore, per hanc ostendit. Exultationem basi
generat ²⁵. Venerabilem et sapientem esse
debet Augustinus ²⁶; Palau non sano posse
est postea, qui causa est mala. Item de
dictis postquam excepimus huius. Plus valebat
malum mortaliuum quam bonum mortaliuum. A
bono operacione impedit, utrumkath ²⁷ et propt
erius Petro, et ea ²⁸ et ea ²⁹ et ea ³⁰, quod
hunc fratrem fecit frater Iacobus ³¹. Et
cum pater, scilicet bonorum operum. Ad eum
lentum contumeliosus defecit. Namcum ³² pos-
set alioz tunicae amictu vivere, et adiu-
tare per exercitus, etiam vestis delectio. Parvo
cum magis charitatem, tunc velipsa ad di-
rectum suum fuisse, ex quod nunc fuit
per illud virtus calidissima adiutoria datur. R-
itualiter ³³ etiam, etiam vestis delectio
magis caput. Et supra calorem tam nimis
est extremitate. Balareum et Ruraleum de ex-
tempore diligenter dolorem quod in quae continet
et de peccata culpa, nescirem in me, que
me duxit ad vestis Augustinus. In vestis

temper doleat, et de dolore gaudeat, non semper doluisse se doleat. ^a Per peccatum corruptum potest liberi arbitrii dupliciter, scilicet in agendo, et suscipiendo: in agendo quidem, quia non potest semper facere quod oportet, vel vitare quod nocet; in suscipiendo autem, quia gratiam stabilem non potest suscipere in hac vita. Item corrumpitur ratio in hac vita dupliciter, scilicet quantum ad discretionem iudiciorum inter bonum et malum, et quantum ad deliberationem consilii inter expediens et inexpediens. Item corrumpitur affectus dupliciter, scilicet in ordine, et in modo, quia nec semper est ordinatus, nec semper moderatus. Peccatum multis nocet, scilicet 1. ipsi facient ^b: *Peccatum meum contra me est semper.* 2. His qui sunt in purgatorio, quos non possunt peccatores tam efficaciter juvare, sicut si essent in gratia. 3. Ipsi damnatis, et hoc per modum conjunctionis: quanto enim plures sunt in inferno, tanto major est horror et pena. Fallit enim in inferno regula illa: « Solarium est miseris socios habere puerorum. » 4. Salvatis, et hoc per modum subtractionis: nam ex consortio et societate glorificatorum habetur gaudium accidentale. 5. Denique ipsis viatoribus nocet, tum pro eo quod acies eorum contra demones minuitur in illo qui peccatum perpetravit, tum pro eo quod alios malo exemplo corruptum et scandalizat. Multa mala similiter eveniunt homini ex eo, quod in peccatum, a quo per prenitentiam surrexerat, recidivat. Primum est, quia homo fit impotenter ad resurgencem ^c: *Impossibile est eos, qui semel illuminati sunt, etc., et prolapsi sunt, iterum a renari.* Secundum, quod vitium fortificatur ad impagnandum: Augustinus, de se loquens: « Plus, inquit, valet malum inolutum, quam bonum insolitum. » Tertium est, quod culpa fit difficilior ad remittendum: in Hieremias ^d: *O quam tibi facta es nimis iterans vias tuas!* Unde etiam dicitur, quod vulnus iteratum tardius sanatur. Quartum est, quod Deus fit difficilior ad placandum: ^e *b) de Semei*, qui ad primam petitionem invenit misericordiam, eotamen pacio, quod staret in Hierusalem; sed quando secundario peccavit, sine ulla misericordia occisus est. Quintum est, quod diabolus difficilior est ad expellendum ^f: *Tunc assumpsit septem spiritus nequiores se, et ingressus habitat*

ib, et fuit novissima hominis illius pejora proribus.

Sequitur de corruptione speciei, modi, et ordinis. In le nobis quod bonitas naturalium comparata ad animam quam per nosam facit, dicitur ^g *eccl.*; sed comparata ad opus quod modificat, dicitur modus; comparata vero ad finem, scilicet Ieum, ad quem ordinat, dicitur ordo. Alio modo corruptio speciei est diminutio anime ad Ieum: nam species anime, similitudo Dei est. Corruptio vero modi est diminutio extensionis virtualis, sive infirmatio potentie, que ex hoc est, quod anime non sustentantur ^h spirituali, gustando, quam suavis est Dominus. Corruptio autem ordinis est in anima, cum aspectus ei affectus deorsum est ad creaturas extra naturalem suum. Cum enim haec, que sunt quasi caput anime, sursum sunt ad Deum, in naturali situ et ordine sunt; alioquin homo erit quasi eversus. Alter privatio speciei est deformitas sive carentia debite rectitudini voluntatis. Ita situdo autem voluntatis est, ut non declinet a suis extremis, scilicet a Deo principio, et a Deo fine, ut videat omnia, que habet a Deo principio, referat etiam ad Deum finem. Cum enim quis, quod habet, sibi attribuit, aut ponit aliun finem quam Deum, curvus est. Item privatio modi est excessus proprie voluntatis, scilicet cum vult aliquid divinam voluntati contrarium. Item privatio ordinis est aversio voluntatis a Deo, et conversio ipsius ad creaturam. Item, et alter, creatura rationalis ⁱ a summo bono est secundum triplicem habituinem, scilicet efficientis, formalis, at finalis: et ideo nata est agere opera sua a Deo, et secundum Deum, et propter Deum; et hoc secundum modum, speciem, et ordinem sibi insitum. Sed quoniam eadem rationalis creatura de nihilo facta fuit, potius desiderat in suis actionibus, ut scilicet operationes sue non essent a Deo, ac per hoc nec secundum Deum, nec propter Deum: hoc autem est peccatum ipsius speciei, et modi, et ordinis corruptum.

CAPUT VIII.

De peccato originali secundum rem.

Expedito de peccato in genere, dicendum est de peccato in specie: et primo de originali,

^(a) Vulg. rursus. — ^(b) Suppl. exemplar. — ^(c) Cest. edit. repet. alter

^a Psal. L, 5. — ^b Hebr., vi, 4. — ^c Jerem., II, 36. — ^d III Reg., II, 41. — ^e Luc., XI, 26.

et post de actuali. Licet igitur anima non sit ex traduce, tamen originalis culpa ab anima Adæ transit ad animas posteriorum, mediante carne per concupiscentiam generata : ita quod sicut ab anima peccante infecta fuit caro Adæ, et prona effecta ad libidinem ; ita seminata caro, secum trahens infectionem, viciat animam. Ex quo patet quod peccatum originale est in carne, et in anima : in carne est materialiter et originaliter; et in anima formaliter, tanquam in subjecto. Sola enim anima est susceptibilis virtutis et vitii, et tamen (sicut dictum est) ex coniunctione ad corpus contrahit illud vitium, sicut, quando cadit quis in lumen, fœdatur et maculatur. Talis autem infectio animæ non tantum est poena, sed etiam culpa. Ipsa vero culpa, quæ macula est, delectur in baptismo ; poena autem, quæ fomes appellatur, sive peccandi pronitas, remanet post baptismum. Licet enim curetur in baptismo culpa quantum ad reatum damnationis aeternæ, tamen remanet ipsa poena quantum ad actum, et motum concupiscentię, eum qua nos oportet, quandiu vivimus, pugnare : quia non extinguitur concupiscentia per gratiam communem in aliquo homine : quod dico propter beatam Mariam Virginem, in qua fuit extincta in conceptione Filii¹ per gratiam singularem. Ex prædictis patet quod persona corruptum naturam, et e contra natura corrupta corruptum personam. Nam per peccatum primi hominis corrupta est humana natura; sed natura sic corrupta corruptum alias personas. Notandum autem quod corruptio personæ est reatus mentis; corruptio vero naturæ est infectio carnis, prout est principium ad carnem alteram. Denique nullo modo debet imputari Deo infectio animæ, licet eam creando infundat, et uniat cum carne infecta : quoniam ordinatissimum fuit, ut humana natura ita conderetur, quod condita propagaretur, et pro peccato puniretur. Unde sicut in conditione servatus est ordo sapientie, et in propagatione servatus est ordo naturæ; sic in punitione servari debuit ordo justitie. Et ita patet quod non est contra divinam æquitatem, si ad posteros culpa transmititur. Dicendum igitur quod originalis culpæ transfigatio, vel transmissione, non est a Deo, nec a natura condita, sed a vitio primi hominis perpetrato. Et hoc est, quod ait Augustinus,

¹ Vid. dicta in antecessum huj. edit. tom. IV, pag. xiii.

nus, quod « peccatum originale non transmittit ad posteros propagatio, sed libido. » Sic enim conditus est homo, ut spiritus præcesset corpori, et corpus subesset spiritui, quandiu scilicet ille obediret suo Conditori; et contra, si spiritus non obediret Deo, justo Dei iudicio corpus inciperet rebellare spiritui. Sicut ergo si Adam statisset, corpus suum obediens esset, et tale ad posteros transmitteret; sic ex quo Adam peccavit, et caro ejus facta est ei rebellis, oportet quod talerum ad posteros transmittat, et quod Deus secundum institutionem primariam animam corpori infundat. Ex quo patet quod pater est causa originalis peccati in filio: sed causam hic intelligas in genere cause efficientis. Omnes per concupiscentiam generati nascimur filii iræ: propter quod incurrimus multiplicem defectum tam corporis, quam animæ, ad quos subsequitur poena mortis, et poena carentie visionis divinæ, et amissionis glorie cœlestis, non solum in adultis, verum etiam in parvulis non baptizatis, qui poena mittissima inter cœleros puniuntur, quia (a) solam poenam damni habent sine poena sensu.

Originale peccatum sic lavatur et curatur per baptismum in parente, quod nihilominus ab eo, qui curatus est et lavatus, transmittitur in prolem, sicut videmus, quod circumcisus general filium cum præputio, et granum nudum seminatum general granum cum palea: et hæc est ratio, quia homo general filium, non secundum quod curatus est in mente, sed secundum quod corruptus est in carne; non secundum quod spiritualis, sed secundum quod carnalis.

CAPUT IX.

De peccato originali secundum nomen.

Originale peccatum habet multa nomina, et hoc multiplice de causa. Secundum enim quod originale peccatum comparatur ad animam, vocatur *infirmitas*, quia reddit animam impotentem ad resistendum motibus. Item *feditas*, quia per ipsum anima fœdatur et maculatur. Item *pronitas*, propter continuam inclinationem appetitus ad malum. Item *corruptio*, quia dicit ad nihilum, id est, ad peccatum. Item *vitium*, quia est diminutio bonorum naturalium. Item *languor naturæ*, quia durat in

(a) *Cœl. edit.* qui.

natura corrupta. Sed secundum quod comparatur ad corpus, vocatur *lex carnis*, eo quod lege divina carni sit inficta. Item *lex membrorum*, quia movet organa ad opera concupiscentiae. Item *tyrannus*, propter dominationem quam habet quasi violentam in ipso concupisibili. Item *fomes*, quia sicut enīs foveat ignem, ita per ipsum foveat peccatum in carne secundum actum nutritivæ et generativæ. Item *stimulus carnis*, quia stimulat carnem ad primos motus, et animum ad consensum. Sed prout comparatur ad actus delectabiles, vocatur *concupiscentia*, quae sonat vitium in actu, prout est in adultis. Item *concupisibilitas*, quæ sonat vitium in potentia, prout est in parvulis. Secundum vero quod comparatur ad primum hominem, a quo contrahitur, vocatur *peccatum originale*, quod est carentia debite justitia.

CAPUT X.

De primis motibus.

Cum peccatorum aliud sit actum, aliud contractum, ipsum peccatum actuale frequenter a primis motibus habet ortum. Unde sciendum, quod in statu innocentia non movebatur sensualitas nisi secundum motum rationis. Ideo stante primo homine in eodem statu, non poterat in eo esse peccatum citam veniale. Primi motus, etsi particulariter et singulatim possunt declinari, tamen nullo modo omnes possunt caveri, quia sic tot sunt peccata, quod sunt etiam peccati penæ: et ideo merito dicuntur venialia, quia hoc ipso sunt digna venia. Primus motus sic describitur, quod est motus sensualitatis secundum impulsum fomitis impetuose tendens ad fruitionem creature delectabilis. Dupliciter primus motus distinguitur, quantum spectat ad præsentem materiam, scilicet primo primus, qui est naturalis, et secundo primus, qui est sensualitatis.

Cum ergo loquimur de primis motibus, quod sunt peccata, intelligendum est de secundo primis, qui sunt sensualitatis, quia primo primi non sunt peccata, cum sint naturales, et extra genus moris: quod patet per hoc, quod tales non sequuntur imaginationem, sed solummodo naturalium qualitatum actionem. Motus autem secundo primi sunt peccata, quia sunt actus inordinati in genere moris: quod patet

per hoc, quod tales motus sunt sensualitatis, quæ subjacet in talibus dominio voluntatis. Voluntas autem est principium moralium, sicut habetur libro septimo *Ethics*. Hinc est quod ibi genus moris incipit, ubi primo dominium voluntatis invenitur: hoc autem est in sensualitate. Quamvis ergo per rationem predictam sit in sensualitate peccatum, non tamen hoc erit mortale, sed tantummodo veniale, quia voluntas non habet dominium completum super primos motus, qui sunt sensualitatis, sicut in illis actibus, qui ex imperio voluntatis procedunt; sed habet in eis dominium incompletum, sicut in illis actibus, qui (a) imperium rationis precedunt, et tamen voluntas tales motus sensualitatis impedire poterat, et ideo sunt peccata venialia. Primi quoque motus ideo sensualitati ascribuntur, quia talium motuum principium sensualitas est et subjectum. Dicendum quoque quod primi motus secundum praedicta sunt peccata venialia tripli ratione: primo, quia movent ad illicitum; secundo, quia sunt quodammodo voluntarii, non secundum se, sed quia, sicut dictum est, non impediunt a voluntate, vel etiam propter præcedentem apprehensionem; tertio, propter delectationem annexam. Cum enim anima per delectationem conjungitur creature, obtemperatur, et pejoratur; sicut quando conjungitur Deo, illuminatur et melioratur. Nota quod homo prior est ad malum, quam ad bonum, et hoc multis de causis. Primo, quia, sicut dicitur¹: *Corpus, quod corrumpitur, aggrat animam*, trahens illam ad malum, et non sic erigens ad bonum. Secundo, quia, sicut dicit Augustinus, « *Plus valet malum inolutum, quam bonum insolitum.* » Tertio, quia naturaliter facilius est descendere, quam ascendere; et unus magis trahit deorsum, quam decem sursum. Quarto, quia incitans ad malum præsens est, sed finis virtutum incitans ad bonum absens est; delectabile autem apprehensum per sensum, vel imaginationem, quasi de necessitate movet concupiscentiam. Quinto, quia plures circumstantiae requiruntur ad bonum, quam ad malum. Sexto, quia tendimus ad nostrum principium, scilicet ad nihilum. Septimo, quia fomes, qui movet ad malum, semper intra nos est; gloria vero, quam querimus, extra nos est. Octavo, quia vires animæ

(a) *Cæt. edit.* qui non imperium.

¹ *Sap.*, ix, 15.

sunt activæ ad diligendum temporalia, sed passivæ et materiales ad ea quæ sunt gratiae et gloriæ, quia non possunt haberi virtutes per modum acquisitionis, sed per modum receptionis. Unde malum possumus facere per nos, sed bonum non possumus facere sine gratia adjutrice.

CAPUT XI.

De morosa delectatione, et consensu in peccatum.

Delectatio carnalis morosa peccatum est mortale. Sed nulla dicitur morosa, nisi quando ex consensu rationis est : unde non intelligitur ibi mora temporis, sed consensus. Scendum est ergo quod delectatio si sistit circa consensum, veniale peccatum est; si vero procedit ulterius, ita quod vult interius delectatione voluptuari, nec tamen vult in opus procedere, talis consensus est inter mortalia computandus, quod maxime debet intelligi in peccatis carnalibus. Verumtamen ille consensus in illecebram duplex est: quia consensus in illecebram aliquis est subitus, non per præhabitam deliberationem, sed ex sola corruptione carnis, quem (a) precedit appetitus sensualitatis in primo motu: talis autem consensus dicitur subreptio, et est peccatum veniale; alias consensus est in delectationem (b) motuum carnis, qui est eum deliberatione rationis, et iste est peccatum mortale, ut dictum est. Si autem ratio consentit eum deliberatione quæ sit (c) per rationes divinas, hoc modo: « Omne in quo transgreditur medium virtutis, est vitandum, » tunc dicitur peccatum esse in inferiori parte rationis. Et si adhuc procedit consensus ulterius, quando scilicet proponit opus consummare, tunc voluntas pro facto reputatur, etiamsi facultas desit perficiendi ipsum opus. Si vero consequitur consensus et opus in his quæ divina lego sunt prohibita, peccatum est mortale consummatum.

Ex predictis collige distinctionem, quia delectatio duplex est, scilicet naturalis, et voluntaria. In delectatione pure naturali, nec est meritum, nec demeritum. Voluntaria duplex est, quia alia est in Creatore, alia in creatura.

(a) *Cœt. edit. quasm.* — (b) *Delectatione.* — (c) *fl.*

Delectatio, quæ in Creatore est, bona est, de qua Psalmus ¹: *Memor sui Dei, et delectatus sum*, etc. Quæ autem in creatura est, duplex est: quædam enim est propter Deum, et hæc bona est; sed hie sumitur delectatio pro opere rationis, non pro passione: de qua Psalmista ²: *Delectasti me, Domine, in factura tua; quædam est contra Deum, et hæc similiter duplex est: quia quædam est non contra Deum, sed præter Deum, et hæc est peccatum veniale; quedam vero est contra Deum simpliciter, qua frangitur Dei præceptum, et hæc est peccatum mortale.*

CAPUT XII.

De peccato veniali.

Peccatum veniale minoris est culpæ. Nam in parvulis post baptismum primo surgunt venialia, postea mortalia. Veniale autem peccatum est, ut ait Augustinus, quod hominem usque ad creaturam perpetue mortis non gravat, sed poenam meretur, et facile indulgetur. Peccatum veniale semper est a voluntate ad hoc movente, vel permittente, vel non prohibente. Peccatum aliquod est veniale tribus modis: primo modo ex genere, sic verbum otiosum est veniale; secundo ex eventu, secundum quod per poenitentiam de mortali fit veniale; tertio ex causa, ut quando fiunt quædam ex infirmitate vel ignorantia, que licet quandoque sint mortalia, tamen dicuntur venialia, sive remissibilia, ex comparatione ad peccatum quod fit ex certa malitia, quod est irremissibile. Scendum quod peccatum veniale nunquam potest fieri mortale, videlicet, si intelligatur idem secundum substantiam, quod prius fuit veniale, mortale fieri nunquam potest: et hoc nec quantum ad actum, nec quantum ad maculam. Ratio hujus est, quia nulla res potest mutare suam speciem: peccatum autem veniale et mortale sunt diversæ species peccati. Verumtamen actus qui ex se est de genere venialis, potest fieri mortalis quatuor modis. Primo, ex conscientia, quia quidquid fit contra conscientiam, ædificat ad gehennam, etiamsi fiat contra conscientiam erroneam: et hæc est ratio, quia eum in peccato duo sint, scilicet aversio et conversio, penes primum judicatur peccatum, quoniam aversio a Deo est quasi formale, et conversio ad creaturam quasi materiale. Quamvis ergo levare

¹ *Psalm. Lxxvi, 4.* — ² *Psalm. xci, 5.*

festucam vel calamum dextera videatur esse leve et indifferens, tamen quando fit contra conscientiam, peccatum est mortale : quia spernit bonum incommutabile, et ita fit avercio a Creatore. Secundo, ex complacentia; unde Augustinus : « Nullum peccatum adeo est veniale, quod non fiat mortale, dum placet. »

Tertio, ex dispositione, quia frequenter per lapsum in venialia, disponitur homo ad mortalia ; et hoc secundum illud Gregorii¹ : « Vtasti saxa grandia, vide ne obruaris arena. » Et hoc ideo dicit, quia sœpe de minimis peccatis venitur ad magna, sicut de modica scintilla quandoque surgit magnus ignis² : *Qui minima spernit, paulatim decidet.* Quarto, ex progressu, quia quando insurgit veniale, si non prohiberetur, posset progredi usque ad mortale : non quia ipsum veniale in substantia posset fieri mortale, sed quia ex ipso occasionaliter fieret progressus ad mortale. Et istud patet in primis motibus, qui inter venialia computantur ; sed quando delectatio convalescit in tantum quod consensus accedit, jam peccatum est mortale.

Differentia est inter peccatum mortale et veniale, quia peccatum veniale est libido sive voluptas in creatura extra Deum ; mortale autem est libido sive voluptas in creatura supra Deum, vel aequa Deo. Rectus autem ordo est, ut bonum incommutabile preferatur bono commutabili, et honestum utili, et voluntas Dei voluntati nostræ, et ratio sensualitatí : et quando iste ordo pervertitur, tunc peccatum committitur.

Utrum aliquis possit esse, vel vivere sine peccato veniali, dum est in hac vita præsenti ? Dicendum est, quod si loquimur de tota vita hominis, qui pervenit iam ad ætatem adultam, de excellenti et speciali gratia est, quod talis sine veniali peccato sit, sicut B. Augustinus dicit³ de Beata Virgine. Si autem loquimur de aliqua particula vitæ præsenti, sic potest aliquis esse sine peccato veniali. Istud patet per exemplum : quia nauta potest singula foramina navis in numero obstruere, ne aqua intret, sed non potest simul omnia obstruere, ut aqua nusquam intret. Unde charitas etiam perfecta non facit quod peccatum veniale non adveniat, sed facit quod non duret ; quemadmodum cæminus ignis non facit ut gutta aquæ sibi non

apponatur, sed facil tamen ut apposita citius extinguitur. Perfecta enim caritas statim inflamat hominem, ut de peccato veniali doleat, et peniteat, quod non facit caritas imperfecta : unde in imperfectis aggregantur multa venialia, per quæ fit ad prostrationem major dispositio.

CAPUT XIII.

De effectu peccati venialis.

Effectus peccati venialis multiplex est. Primus, quia ad poenam obligat : non autem determinate, neque præcise obligat ad poenam æternam, vel purgatoriam, vel præsenti satisfactionis ; sed ad aliquam illarum poenarum : quoniam secundum forum Ecclesiæ præsensis satisfacit homo leniter ; sed secundum forum purgatoriū punietur gravius ; secundum vero forum inferni punietur gravissime pro veniali, quia æternaliter, si cum mortali et veniali descesserit. Exemplum habemus de hoc : quia mensura vini quea in uno loco valet sex denarios, si ducatur ulterius, valet solidum unum, et si ducatur adhuc ulterius, valet duos solidos. Poena tamen illata pro veniali in inferno, incomparabiliter minor est, quam illata pro mortali. Unde solet dici quod poena illata in inferno pro mortali est sicut soliditas, illata vero pro veniali est sicut superficies ; illata pro veniali in purgatorio est sicut linea ; illata pro veniali in præsenti est sicut punctum. Unde sicut ista quatuor sunt improportionabilia, ita inter prædictas poenas magna est differentia. Secundus effectus est, quod peccatum veniale animam maculat, et ponitur tale exemplum : aliquando enim denigratur aliqua imago picta in tantum, ut videri non possit ; aliquando vero sic obscuratur, ut videri quidem possit, sed non plene discerni : et ideo propter talem differentiam dicit Gregorius, quod veniale obscurat, mortale vero obtenebrat. De macula autem ista dicitur, quod in salvandis omne peccatum veniale deletur in præsenti a gratia finali, et hoc quantum ad culpam, et non quantum ad poenam ; imo illa solvetur in purgatorio. Delet autem gratia finalis peccatum veniale in ipsa dissolutione corporis et animæ ex virtute suæ complexionis et sui status, quamvis non sit motus contritionis ad illud directus, secundum quod intelligitur verbum Augustini, qui dicit,

n. 22. — ² Eccl., xix, 1. — ³ Aug., de Nat. et Grat., c. xxxvi, n. 42.

¹ Est apud Augustinum, Enarr. in Psal. xxxix,

quod in purgatorio potest esse absolutio a pena, et non a culpa. Hoc ab antiquis dictum est; sed nunc communiter tenetur, quod peccatum veniale cum hinc deferatur a multis, etiam quantum ad culpam in purgatorio purgatur : quia etiam hoc, quod Dominus dicit de quibusdam peccatis, quod non remittentur, neque in hoc saeculo, neque in futuro, exponit Gregorius¹, quod venialia remittentur in futuro : quod si intelligatur quantum ad penam tantum, tunc expositio Gregorii nulla est, quia etiam mortalium confessa quantum ad penam purgantur, que hic soluta non sunt. Tertius effectus est, quod minuit fervorem charitatis, sicut aqua in igne projecta, licet ignem non extinguat, fervorem tamen illius temperat. Quartus est, quod potentias animae in bonis operibus lassat, sicut, quando ponitur pondus super equum, minus erit promptus ad ambulandum. Quintus est, quod retardat a gloria, quia homo qui deceperit alioqui posset statim evolare ad celum, post mortem cogitur propter venialia ad tempus in purgatorio expectare. Nunquam enim ab aliquo facies Dei videbitur, donec solvat minimum quadranteum venialium peccatorum, scilicet per penam. Oportet enim quemlibet ita mundum esse ante introitum Paradisi, sicut fuerat in innocentia baptismali. Sextus est, quod bona gloriae celestis diminuit: non quidem illa, que jam debentur, et quae jam habemus ibi per meritum reposita, sed quae deberentur, si venialia non fierent, quia in eodem tempore possent aliqua bona fieri, quando illa fiunt. Propterea post perpetrationem venialium oportet nos opera quedam convertere ad solutionem hujusmodi debitorum, per quae nobis deberet crescere cumulus eterni premii. Septimus effectus est, quod venialia sepe sunt occasio mortalium peccatorum, et hoc quatuor modis, sicut habes supra capite proximo, ubi dicitur, quod actus qui ex se venialis est, potest fieri mortaliter quatuor modis. Hoc est etiam singulariter advertendum, quod sicut ad remissionem peccati mortalitatis exigitur deseratio actus peccandi cum voluntate in posterum abstinenti, sic quoque peccatum veniale in presenti non dimittitur, nisi actu et proposito deseratur.

¹ Greg., *Dial.*, lib. IV, c. xxxix. — ² Eccl., x, 45.

(a) *Cat. edit.* superbia.

CAPUT XIV.

De septem vitiis capitalibus in specie.

Peccatorum actualium mortalium unum est initium, duplex radix, triplex fomentum, septiforme caput. Unum initium dicimus superbiam (a), juxta illud²: *Initium omnis peccati superbia*. Duplex vero radix est, scilicet timor male humilians, et amor male accendens. Omnis autem timor ortum habet ab amore: nullus enim timet aliqui perdere, nisi quia amat illud habere. Triplex peccati fomentum sunt tria que sunt in mundo, scilicet concupiscentia carnis, concupiscentia oculorum, et superbia vite. Septiforme caput sunt superbia, invidia, ira, acedia, avaritia, gula, et luxuria: inter quae sunt duo carnalia, quinque vero spirituaria. Sufficiencia horum vitiiorum sic potest colligi. Voluntas nostra deordinatur, aut quia appetit non appetendum, aut quia refugit non refugiendum. Si primo modo, aut est interior, et sic est vana gloria; aut exterior, et sic est avaritia; aut inferius, et sic est delectabile. Sed illud delectabile, aut est ad conservationem individui, et sic est alimentum quod appetitur inordinate a gula; aut est ad conservationem speciei, et sic est coitus, qui appetitur inordinate a luxuria. Si autem voluntas nostra deordinatur quia refugit quod non est refugiendum, hoc potest esse tripliciter: aut enim refugit, quod non est refugiendum, secundum perversum instinctum rationalis, et sic est invidia; aut secundum instinctum perversum irascibilis, et sic est ira; aut secundum perversum instinctum concupisibilis, et sic est acedia. Ex his patet quod sunt quatuor appetibilia, et tres sunt vires secundum quarum instinctum est fuga: et ideo tantum sunt septem capitalia peccata.

Peccata quedam sunt, que quandoque se publice ostendunt, ut quando directe fiunt; quandoque vero sub quadam specie boni palliata decipiunt. Unde superbia quandoque dicit: « Ad hoc volo praesesse, ut possim prodesse. » Ita dicit: « Non debent illata mala tolerari, ne consuescant inferri. Invidia dicit: « Aliis bona non cupio, ne in successibus eleventur. » Acedia dicit: « Ad hoc in laboribus mihi parco, ne temeritate indiscretions arguar. » Avaritia dicit: « Ad hoc sunt multa congreganda, ne propter inopiam committatur furtum vel rapi-

na. » Gula dicit : « Ad hoc est corpus cibis et potibus delicioribus nutriendum, ut sit fortius ad Deo serviendum. » Luxuria dicit : « Ad tempus debet quisque ad libitum vivere, ut possit postea fortiter pœnitere. »

Septem vitia comparantur septem bestiis. Superbia comparatur leoni; invidia, cani; ira, lupo; acedia, asino; avaritia, ericio; gula, ursu; luxuria, porco. Alio modo comparantur septem infirmitatibus : superbia comparatur inflationi; invidia, lepre; ira, phrenesi; acedia, lethargiae; avaritia, hydropsi; gula, epilepsie; luxuria, febri. Septem vitia Christi passione curantur : capitum inclinatio in cruce curat superbiam; oratio pro inimicis, iram; apertio lateris, invidiam; portatio crucis, acediam; traditio spiritus Patri, corporis cruci, matris discipulo, vestium crucifixoribus, haec curant avaritiam; flagellatio, luxuriam; potatio fellis, gulam.

CAPUT XV.

De Superbia.

Nunc dicendum est de septem vitiis capitalibus in specie, et primo de superbia, qua est regina omnium vitiorum et mater. Est autem superbia, ut ait Augustinus¹, « perversæ celsitudinis appetitus. » Unde, sicut idem Augustinus ait², superbia omnibus invidet, scilicet superioribus, quia eis non æquatur; inferioribus, quia eis æquareti timet: paribus, quia eis æquatur.

Superbia dicitur initium omnis peccati triplice ratione. Primo, propter causam que inventur in omni peccato: quia in omni peccato inventur contemptus Dei, qui est quedam causa peccati. Iste autem contemptus est aversio a Creatore, que in omni peccato est, ubi præponitur bonum commutabile bono incommutabili: quia sicut sine charitate aliae virtutes nihil sunt, ita sine superbia alia vita nihil. Abstrahe superbiam, et habebis gratiam, quia³ superbis Deus resistit, humiliibus autem dat gratiam. Convexus enim, in quantum hujusmodi, non est receptivum; sed concavum. Secundo, quia primum peccatum fuit: hoc enim genere peccavit diabolus in celo, et primus homo in paradyso. Tertio, quia ex ea nascentur alia vita secundum prius et posterius, hoc est mediate et immediate, sicut habetur

supra⁴, capite *De effectu vitiorum*. Est autem inter superbiam et vanam gloriam differentia, quia licet utrobius sit appetitus propriæ excellentiae, tamen superbis sibi appetit magnus intus, sed vaniglorius appetit in ore aliorum per laudem apparere extra.

Diversa peccata dicuntur radices et initia, sive causæ aliorum peccatorum, sed diversis respectibus. Superbia enim dicitur initium omnis peccati propter tres causas superius enarratas. Libido etiam dicitur causa omnis peccati, sicut ait Augustinus, et hoc propter delectationem creaturæ, que inordinate trahit animam et avertit a summo bono. Est enim libido improba voluptas, qua movetur anima rationalis ad hoc quod delectetur in creatura. *Cupiditas* etiam dicitur⁵ radix omnium malorum: *quam quidam appetentes erraverunt a fide*, sicut dicit Apostolus: et hoc propter eamdem rationem, sicut libido: est enim cupiditas ex amore inordinate ad creaturam. Luxuria etiam, secundum Cassianum⁶, dicitur radix omnis peccati, quia carnales delectationes nobis sunt naturales; ad naturalia autem prompti sumus, et difficulter resistimus.

Inannis glorie septem sunt filiae secundum Gregorium⁷. Prima est inobedientia, qua vaniglorius in nullo vult videri inferior: quod fieret, si faceret mandatum. Secunda est contentio, quia vult vincere cum clamore, et per hoc apparere. Tertia est jactantia, qua quis enumera bona sua, ut laudabilis appareat. Quarta est hypocrisis, que querit in exterioribus apparere. Quinta est pertinacia, que factum suum, vel dictum, malum defendit, ne errasse videatur. Sexta est discordia, que contra omne dictum sustinet vel assumit contrarium, propter vauam gloriam. Septima est novitatum præsumptio, qua quis nova, vel dicit, vel invenit, ut laudetur.

Quatuor sunt species superbie, quas assignat Gregorius⁸. Prima est, cum homo a seipso aestimat habere bonum quod habet. Secunda, si desuper datum credit, pro suis tamen meritis accepisse se putat. Tertia, cum jactat se habere bonum, quod non habet. Quarta, quando, ceteris despectis, singulariter vult videri. Per primam et secundam speciem injuriatur homo Deo in se, quia per primam ponit se homo totam

¹ Aug., *de Cœnit. Dei*, lib. XIV, c. XIII. — ² Id., *de Gen. ad litt.*, lib. XI, c. XIII. — ³ Jac., IV, 6. — ⁴ Vid. sup., c. vii, pag. 127, col. 2. — ⁵ 1 Tim., VI, 10. — ⁶ Cassian.,

⁷ *Instit. Cœnob.*, lib. VII, c. ii. — ⁸ Greg., *Moral.*, lib. XXXI, c. xvii. — ⁹ Ibid., lib. XXIII, c. iv, non longe a princ.

causam sui boni; sed in secunda ponit se eausam principalem; in tertia vero specie injuriatur homo Deo iu proximo; in quarta autem injuriatur homo Deo in eo, quod non habet.

Gradus superbie, secundum Bernardum¹, sunt duodecim, qui sunt: euerositas, mentis levitas, inepta letitia, jactantia, singularitas, arrogantia, presumptio, peccatorum defensio, simulata confessio, rebellio, libertas, peccandi consuetudo. Numerus istorum sic accipitur. Homo per superbiam injuriatur Deo, et homini: Deo, cui debet esse inferior; homini, cui debet esse par. Sex primi gradus determinantur secundum injuriam quæ fit homini cui debet esse par; quatuor alii, secundum injuriam quæ fit homini superiori; duo ultimi determinantur proprie quantum ad injuriam quæ Deo immediate fit: hoc ideo dicimus, quia et superiores gradus in Deum redundant, sed mediante proximo. Gradus autem vocantur, quia fit a minori progressus ad majus. Primus enim manus est, secundus pejor est, et sic scandendo invenitur, quod ultimus est pessimus. Unde injuria quæ est respectu paris, est minor; illa vero quæ est respectu superioris, est major; sed illa quæ est respectu Dei, est maxima. Propter quod isti gradus taliter ordinantur. Superbia multa mala facit. Primo id, quod Dei est, usurpat, scilicet gloriam²: *Gloriam meam alteri, etc.* In bonis enim operibus, que facimus, duo sunt, scilicet honor, et utilitas: sed primum Dominus sibi reservat, aliud nobis tribuit. Unde debeamus Deo suam partem relinquere, si nostra parte nolumus spoliari. Secundo perfectos viros impugnat: superbia est enim quasi turris Babel, quæ usque ad cœlos, id est usque ad viros coelestes, debebat pertingere. Augustinus³: « Superbia etiam bonis operibus insidiatur, ut perant. » Unde superbìa inexpugnabilis est, sicut castrum in alto monte situm. Tertio gratia Dei hominem denudat⁴: *Superbis Deus resistit, etc.*⁵ Montes Gelboe, nec ros, nec pluvia veniant super eos. Unde secundum naturam convexum non est receptivum, sed concavum. Quarto hominem Deo privat; Hugo de S. Victore: « Superbia offert mihi Deum, invidia proximum, ira meipsum. » Superbia Deo est odibilis⁶: *Tria sunt quæ odit Deus: Pauperem superbum, etc.* Ueum impugnat, quia vexillum inimici sui, id est diaboli, ponit in

casiro suo, et deponit vexillum Christi, scilicet crucem, quam semper homo debet portare, juxta illud⁷: *Qui vult venire post me, etc.* Diabolo hominem assimilat: *Ipse est enim rex super omnes filios superbie.* Unde, sicut Dominus ait de charitate⁸: *In hoc cognoscunt omnes quod discipuli mei eritis, si dilectionem habueritis ad invicem;* ita potest diabolus dicere de superbia: « *In hoc cognoscent, etc.* » Ilominem stultum demonstrat, quia ancillam ornat, et dominam nudam relinquit; item, quia magna pro modico vendit, id est pro laude humana; item, quia credit se posse cum superbia illuc attingere, ubi diabolus iam existens non potuit cum superbia remanere. Ilominem dejicit, quia scandentes in altum de facili eadunt; et qui se elevant sub ostio humili, facile caput hædunt.

CAPUT XVI.

De Invidia.

Invidia est, ut ait Augustinus⁹, odium felicitatis alienae. Secundum Joannem Damascenum¹⁰, invidia est tristitia de alienis bōnis. Dicitur autem invidia a non videndo, quia non potest videre bona aliorum. Unde dispiacentia boni, quæ est invidia, potest notari per visionem interioriem et exteriorem, sicut vult Seneca, dicens: « *Quidquid mente fugimus, ingestum oculis vix videamus.* »

Invidia quinque filias habet secundum Gregorium¹¹: prima est odium, quod est velle malum alicui, et nolle bonum; secunda est exultatio in adversis proximi; tertia est afflictio in prosperis proximi; quarta est susurratio, quæ est detracatio latens; quinta est detracatio: hæc autem fit in aperto, quia intendit melior apparere illo cui detrahit.

Invidia multa mala facit. De lumine cæcatur, quia proximi bona videre non potest. Unde invidus comparatur noctue et vespertilioni. Augustinus¹²: « *Egris oculis odiosa est lux, quæ puris est amabilis.* »

De vita moritur. Gregorius: « *Panis vitani fortium roborat, parvulorum necat.* » Unde invidus comparatur febricitanti, cui etiam boni cibi sunt contrarii. Deo contrariatur, quia tam bonus est Deus, ut ait Augustinus, ut etiam de

¹ Bern., *de grad. humilit.*, § 1. — ² Isa., XLII, 8. — ³ Aug., *Rvg.*, III, c. v. — ⁴ Jac., IV, 6. — ⁵ II Reg., I, 21. — ⁶ Eccli., XXV, 4. — ⁷ Marc., VIII, 31. — ⁸ Job,

XLI, 25. — ⁹ Joan., XIII, 35. — ¹⁰ Aug., *Enarr. in Psal.* CIV, n. 17. — ¹¹ Damasc., *de Fid. Orthod.* lib. II, c. XIV. — ¹² Greg., *Moral.*, lib. XXXI, c. XI. — ¹³ Aug., *Confess.*, lib. VII, c. XVI.

malis bonum eliciat; sed e contra tam mali sunt isti, ut de bonis malum eliciant. Item divina bonitas omnia sua communicat; isti vero non. Item Deo placet bonum hominis, ac malum dispiet; isti autem et contra bonum gratia et naturae pervertunt. Unde sicut omnia munda mundis, sic istis omnia sunt immunda. Et sicut bonis mala cooperantur in bonum: ita invidis bona cooperantur in malum. Unde tales aurum convertunt in cuprum, gemmas in lutum, granum in paleam, vinum in aquam, mel in fel, diem in noctem, gaudium in mororem, rosam in paliurum, balsamum in sterquilinium, electuarium in venenum. Tales maledicunt Isaías¹: *Væ qui dicitis bonum malum, etc.* Stultum efficit: nimis errat, qui idcirco sibi vult unum oculum erui, ut alii etiam unus eruatur: sic facit invidus et diabolus, qui per hoc quod alii invidet, sibi magis nocet. Auctorem suum torquendo ludit; Seneca: Utinam invidi in omnibus civitatis oculos et aures haberent, ut, de omnium profectibus torquerentur. » Proximum fraudulenter decipit: unde invidus comparatur cani, qui blanditur in facie et mordet a tergo; item Iudea, qui osculo Christum tradidit; item homini perfido, qui lredit hominem, qui eum nunquam molestavit.

CAPUT XVII.

De Ira.

Ira est, ut ait Augustinus², ulciscendi libido, et secundum Cassianum, ira est motus animi concitatus ad poenam. Hæc est definitio iræ per vitium, non per zelum; de qua est hic agendum. Ira igitur duplex habet esse, scilicet esse naturæ, et esse moris. Prout ergo deordinat ab optimo, habet esse morale, quo vitium est, quia ira non est peccatum ratione puræ passionis, imo pena: sed cum hoc dicit quamdam actionem per quam deordinat hominem, et quantum ad Deum, et quantum ad proximum. Vult enim a se expetere vindictam, quam non debet expertere nisi a Deo, vel a judice sub Deo constituto.

Utrum autem teneatur quis remittere injuriam inimico petenti? Nota distinctionem, quia ex injuria solent oriri tria: primum est rancor in affectu; secundum est rancoris signum in effectu; tertium est actio contra injuriantem. Primum tenetur quis stolidum remittere, etiam si

non rogetur; secundum tenetur remittere veniam veraci petenti, id est parato emendare secundum facultatem suam; tertium non tenetur remittere. Si vero volueris scire utrum ille, cui facta est injuria, debeat amicitiam querere, sciendum quod duplex est debitum: primum est necessitatis, sinc quo non est salus; secundum est perfectionis. Quantum ad primum debitum, non tenetur quis reconciliationem querere, sive amicitiam; sed de secundo dicit Chrysostomus, quod debet querere reconciliationem, ut duplicum coronam consequatur: unam, quia injuriam passus est; aliam, quia prior rogavit. Dominus autem ponit tres gradus circa reatum iræ, cum dicit³: *Omnis qui irascitur fratri suo, reus erit iudicio; qui autem dixerit, racha, reus erit concilio; qui autem dixerit, fatue, reus erit gehennæ ignis.* De his dicendum est, quod ubi crevit gradus culpæ, crevit et ordo poenæ. Unde recte ira sine voce punienda est iudicio; ira cum voce, concilio; ira cum voce contumeliae gehennæ ignibus mancipatur. Secundum Augustinum enim in primo est ira tantum; in secundo, ira et sermo; in tertio ira est et certa expressio irrisio[nis].

Dicit autem Gregorius⁴, quod iudicium est cause discussio; concilium, sententia diffinitio, gehennæ ignis, sententia executio.

Notandum quod reddere malum pro malo, est fragilitatis, sicut fecit Joab⁵, quando interfecit Abner, scilicet interfactorem fratris sui Asael. Sed reddere malum pro bono, est perversitatis, sicut fecit Judas tradendo Christum. Reddere bonum pro bono, est æquitatis, sicut fecit Assurus, quando Mardochæum honoravit. Reddere bonum pro malo, est perfectionis, sicut fecit beatus Stephanus, quando pro inimicis oravit.

Filiæ iræ, secundum Gregorium⁶, sunt sex: prima est rixa, hæc est audax voluntas vindicandi injuriam factam, per se; secunda est tumor mentis, hæc est vindicandi causa fugiens adversantem, ne cum eo colloquium habeatur propter estimatas inimicitias; tertia est contumelia, quæ est voluntas se vindicans per exprobrationem malorum; quarta est clamor, quæ est voluntas se vindicans in exaltando vocem per vituperium exprobratum, ad aliorum aures perveniens; quinta est indignatio, quæ est voluntas se vindicans per signum molestæ lib. XXII, c. IV. — ⁵ II Reg., II, 27. — ⁶ Greg., Moral., lib. XXXI, c. XVII.

¹ Isa., v, 20. — ² Aug., de Civit. Dei, lib. XIV, c. XVI. — ³ Matth., v, 22. — ⁴ Greg., Moral., lib. XXXI, c. XVII.

exterius declaratum; sexta est blasphemia, quæ est voluntas se vindicans per opprobrium Deo vel sanctis illatum.

Ex ira veniunt multa mala. Hospitium Spiritus sancti turbat; Gregorius: « Dum ira animum pulsat, Spiritui sancto hospitium suum turbat. » Nam sicut ¹ in pace factus est locus Dei, si in discordia locus diaboli. Tales sunt incendiarii domus Dei; unde Psalmista²: *Incenderunt igni sanctuarium tuum, Domine; in terra polluerunt tabernaculum nominis tui.* Unde isti sunt similes draconi, qui emitit ex ore ignem. Quod Dei est, sibi usurpat, scilicet vindictam; Prophetæ³: *Mihi vindictam, et ego retribuam.* Talis se facit judicem, et Deum vult esse tortorem, sicut dicit Augustinus. Dicit enim malus in orationibus suis: « Domine, occide malum inimicum meum. » Respondet ei Dominus: « Quem vestrum? Ambo estis mali. » Imo talis vult esse actor, et judex in eadem causa. Sed stultum se demonstrat, qui per eorū suum immitti gladium, ut ledat tunicam inimici sui. Imo si sapienter ficeret, prius se de ipso vindicare deberet, iram, scilicet zelum, adversus iram suam propter vitium assumendo; sed e converso limam purgationis convertit in rubiginem depravationis. Adversitates enim quæ ipsum deberent a peccato purgare, per impatientiam magis inquinant, et fornax probationis mutat ei aurum in cuprum, et flagellum ex grano facit paleam. Unde duram sententiam talis in judicio expectabit. Cum enim Dominus improteratur sit quibusdam⁴: *Nudus fui, et non cooperiuitis me,* quid dicturus est illis, qui non solum nudos non vestiunt, sed vestitos spoliant? Bellum mundi, carnis et diaboli contra se instaurant; sed sapientes sedant minores guerras propter majores, quæ imminent. Malam faciunt commutationem, quia auferendo pallium bonæ famæ, dant tunicam innocentiae. Remedia iræ sunt: silentii observatio⁵: *Cum defecerint ligna, extinguetur ignis:* quia sicut ex collisione duorum corporum elicitor ignis, ita ex amaris verbis aliquorum ira conciliatur⁶: *Responsio mollis frangit iram, et sermo durus excitat furem.*⁷ Quasi qui apprehendit canem auribus, etc. Dominicæ passionis consideratio; Gregorius: « Si passio Domini ad memoriam revocetur, nihil adeo durum est, quod non equanimititer toleretur. » Hoc figuratum est, ubi respiciebunt ser-

pentem æneum sanabantur. Item præmii tolerantiae animadversio; unde consideratio præmii minuit vim flagelli.

CAPUT XVIII.

De Acedia.

Acedia est de virtutum laudabili exercitio utriusque hominis languida dejectio. Item acedia est diffidentia, de propriis viribus et auxilio Dei, implendi ardua. Duo nomina sunt hujus vitiæ, scilicet tristitia et acedia. Ilorum autem nominum hæc est ratio, quia in isto peccato est aversio a spirituali bono, quod estimatur grave, sicut est jejunare, et bujusmodi, et ratione hujus dicitur *tristitia;* est etiam ibi conversio ad creaturam, scilicet ad quietem, quæ restinatur levis, et ratione hujus dicitur *acedia.* Patet ergo ex his, quod hoc vitium, prout vocatur tristitia, opponitur letitiae spirituali, quæ est in exercitio spirituali; sed prout vocatur acedia, opponitur fortitudini, quæ consistit in aggrediendis arduis, et sustinendis adversis.

Acedia denominatur ab acedine, quia per eam anima tedium habet de omni spirituali difficulti.

Acedia secundum Gregorium⁸ habet sex filias. Prima vocatur malitia, quæ secundum Augustinum est voluntas machinandi malum alicui. Cum enim quis injuriatur alii, tunc irascitur, et postea tristatur. Secunda est desperatio, quia diffidentia meritorum mater est diffidentie præriorum, ex qua iterum oritur tristitia. Tertia est pusillanimitas, quæ nascitur ex diffidentia proveniente ex consideratione propriei infirmitatis, vel operis arduitatis. Quarta est rancor, qui est invenieratum odium: sicut enim ex charitate sunt opera bona, ex quibus est confirmatio charitatis, ita ex ira est acedia, ex acedia vetustas iræ. Quinta est torpor circa precepta, id est quedam insusabilitas, propter quam homo non potest induci ad executionem mandatorum Dei. Sexta est evagatio mentis circa illicita. Hæc autem evagatio quandoque est particularis, et certam habet materiam, et sic convenit omnibus vitiis; quandoque est generalis et incerta, et hæc est propriæ evagatio acedie. Qui enim est absorptus tristitia, non habens in se unde delectetur, evagatur ad omnia, querens delectationem.

¹ Psal. LXXXIII, 3. — ² Ibid. 7. — ³ Deut. XXXII, 35;

Rom., XII, 19. — ⁴ Moth., XXV, 42. — ⁵ Prov.,

XXVI, 20. — ⁶ Prov., XV, 1. — ⁷ Prov., XXVI, 17. —

⁸ Greg., Moral., lib. XXXI, c. xvii.

Ex acedia eveniunt multa mala. Praeceptum Domini negligit¹: *In sudore vultus tui*, etc. Maledictionem Dei incurrit: exemplum de fieri, cui Dominus maledixit, quia folia tantum habuit. Discrepat a ceteris creaturis: exemplum enim est in corporibus inanimatis, sicut in sole et luna, qui quotidie surgunt et perficiunt cursum suum. Item patet in corporibus animatis, sicut sunt arbores et herbae, quae licet in hyeme nudæ sint, tamen virtutem servant, et in tempore suo redeunt ad consueta. Idem ostenditur in sensibilibus²: *Vade ad formicam, o piger*. Pretiosum tempus perdit, quo nihil pretiosius est, quis brevi hora posset quis obtinere veniam, gratiam et gloriam. Et tamen, ut ait Bernardus³, nihil vilius reputatur, quia dicunt homines otiosi⁴: « Venite, deducamus tempus. » Spirituale lucrum negligit, quia qui non mercatur in nundinis, postea non habebit. *Propter frigus piger, arare non voluit, mendicabit ergo astate, et non dabitur ei*. Incitamenta vitiorum colligit⁵: *Per agrum hominis piger transivi, et ecce totum repleverant urticae, et cooperuerant superficiem ejus spinæ*.

Nota quod aqua corrumperit quiete, et ferrum contrahit rubiginem, et porcus mactandus permittitur in quiete pinguescere. Locum diabolo præparat; quia homo otiosus est quasi pulvinar diaboli; et in olla tepida libenter museæ incident, quæ ferventem fugiunt. Tentationibus patet; unde legitur in *Collationibus Patrum*⁷, quod monachum operantem dæmon unus pulsat, otiosum vero innumeri. Est enim homo acediosus quasi urbs absque murorum ambiu, et quasi signum positum ad sagittam. Mores pervertit, quia vult mettere, et nou seminare, sicut catus qui libenter pisces comedit, sed eos non libenter capit. Seneca: « *Incertum est, quo loco, quomodo mors te excipiat: et ideo tu illam in omni loco et tempore expecta*. » Furem fodientem parietem non repellit, quia mors fur est, et quotidie tollit unum asserem, id est unum diem. ⁸ *Si sciret paterfamilias, qua hora fur veniret*, etc. Receptaculum sordium se facit; Bernardus⁹: « *Omnium tentationum sentina est otium*. » Ipsum enim est occasio luxuriae¹⁰: *Factum est eo tem-*

*pore, quo solent reges ad bella procedere, etc. Item occasio est nugaram¹¹: *Athenienses ad nihil aliud vacabant*, etc. Item occasio curiositatis¹²: *Discunt circuire domos*. Stultitiam ostendit, quia tonitrua audiens non surgit: tonuit autem Christus in cruce, et in prædicacione; tonabit etiam in die judicii. Item stultus est, qui immunditas de oculo non ejicit¹³: *Hypocrita, ejice primum trahem oculo tuo*. Ad cœlestia venire negligit, quia vix ad locum quis veniet, qui unum pedem hodie movet, et post annum, alium. Sic et illi quorū motus est pes infelictus, et non pes affectus, cum tamen sit affectibus ambulandum.*

CAPUT XIX.

De Avaritia.

Avaritia, ut ait Tullius, est immoderatus amor habendi. Item secundum Bernardum¹⁴: « *Avaritia est quarumlibet rerum insatiabilis et inhonesta cupido*. » Secundum Apostolum¹⁵: *Avaritia est idolorum servitus*, quia homo avarus exhibet creature, quod debet Creatori, scilicet fidem, spem et delectationem (a): hæc enim avari exhibent pecunia. In hoc ergo specialiter reprehenduntur isti, quia rei vilissimæ amorem suum exhibit, pecunia, quæ de terra tollitur, quam natura infimam ordinavit. Dicitur in Ecclesiastico, quod¹⁶ *avarus nihil est scelestius*; hoc propter quatuor causas: primo, quia fere omnia scelera per avaritiam perpetrantur, ut furta, perjuria, homicidia, et hujusmodi; secundo, quia est contra legem naturæ¹⁷: *Quaecunque vultis, ut faciant vobis homines, etc.; tertio, quia est contra legem scriptam*¹⁸: *Estote misericordes, sicut et pater vester, etc.; quarto, quia est contra legem universalem, quia est in omnibus rebus, quæ compelluntur se dare: avarus enim quasi captivas detinet res, ne se communicare possint*.

Utrum autem cuiquam liceat thesauros congerere: notandum quod est uno modo thesaurizare ex affectu avaritiae absque intentione necessitatis propriæ vel alienæ, et hoc modo thesaurizare omnibus est prohibitum; alio modo est thesaurizare ex providentia, et hoc vel

¹ Gen., III, 19. — ² Prov., VI, 6. — ³ Bern., super Ecce nos, longe post med. — ⁴ Sap., II, 6. — ⁵ Prov., XX, 4. — ⁶ Prov., XXIV, 30, 31. — ⁷ Cassian., de Instit. Cenob., lib. X, c. XXXII. — ⁸ Matth., XXIV, 43. — ⁹ Bern., de Vit. Solit. ad Frat. de Monte Dei, longe

ante med. — ¹⁰ II Reg., XI, 1. — ¹¹ Act., XVII, 21. —

¹² I Tim., V, 13. — ¹³ Luc., VI, 42. — ¹⁴ Bern., ad Henric. Senon. Archiep., epist. XLII, post med. —

¹⁵ Ephes., V, 5. — ¹⁶ Eccl., X, 9. — ¹⁷ Luc., VI, 31. — ¹⁸ Ibid., 34 — (a) Forsan legendum dilectionem.

ex consideratione necessitatis, et sic conceditur parentibus sacerdotalibus ob necessitatem filiorum educandorum, vel filiarum conjugio tradendarum, non autem ditandarum, sed servato modo vel statu personæ, alio modo est thesanizare ex consideratione publicæ utilitatis, scilicet regni defendendi, vel cultus Dei ampliandi, et sic concessum est regibus thesanizare. Personis autem ecclesiasticis proprie nunquam thesanizare licet, nec pecuniam tenere intentione servandi. Ambrosius¹: « A nrum habet Ecclesia, non ut servet, sed ut eroget. »

Ex prædictis patet, quod duplex potest esse amor pecuniae sive temporalium, scilicet respectu necessarii, vel respectu superflui. Contra primum prohibet Dominus præfocantem sollicititudinem; contra secundum prohibet thesanizationem.

Ex avaritia sequuntur multa mala. Primo, quia a Deo maledicitur: Augustinus²: « Maledictus dispensator avarus, cuius largus est Dominus. » 2. Semper eget Hieronymus: « Avaro tam deest quod habet, quam quod non habet. » 3. Stultus mercator est qui regnum celorum, imo ipsum Christum vendit pro paucis denariis: et propter hoc saepè pejor est avarus homo, quam ipse Judas, qui veudit Christum tringita denariis; isto autem interdum pro uno denario. 4. Corpus eviscerat, quia divitiae aquiruntur cum labore, possidentur cum timore, amittuntur cum dolore. Unde ipsi laborant, et alii in labores eorum saepè intrant, scilicet furæ, raptiores, vel latrones, vel certe filii mali. Isti similes sunt araneæ, quæ faciendo telam pro capienda musca, scipsam eviscerat. 5. Menter suffocat; Augustinus: « Naufragium fugis, et plumbum amplecteris. » Unde Sorates, massam argenti projiciens in mare, dixit: « Mergam te; ne mergas me. » 6. Inquinat: « Filii Israel serviebant in luto et latere. » 7. Exercitat: exemplum de Tobia, qui fuit exercitus stercore hirundinum. 8. Cor dilacerat: unde divitiae comparantur³ spinis. 9. Insatiabilis est: unde comparatur⁴ sacco pertuso, et inferno, qui⁵ nunquam dicit: Sufficit; et mari⁶, cui omnia flumina influunt, et tamen non reddit; et hydroponico, qui quanto plus bibit, tanto plus sitit.

¹ Ambros., *de Offic.*, lib. II, c. xxviii, n. 437. — ² Hieron., *ad Paulin.*, epist. cii, prope fin. — ³ Exod., 1, 14. — ⁴ Luc., viii, 15. — ⁵ Agg., 1, 6. — ⁶ Prov.,

Filiæ avaritiæ sunt septem secundum Gregorium⁷. Prima est obduratio cordis, quæ fit omittendo elemosynam: istam filiam vocat Isidorus inhumanitatem. Secunda est violentia: hæc fit nocendo alieni palam per facta mala: quam vocat Isidorus rapacitatem. Tertia est inquietudo, hæc est appetitus lucri. Quarta est perjurium, quod saepè incidit in emptione et venditione. Quinta est fallacia, quæ fit per verba decipientis in oculo. Sexta est fraus, hæc est deceptio perfecta: et hoc in praesentia illius, qui decipitur. Septima proditio, quæ est idem quod deceptio quæ fit in absentia decepti.

CAPUT XX.

De Gula.

Gula, ut ait Augustinus, est immoderata cibi aviditas. Item gula est vorax edacitas, naturæ finibus non contenta.

Quinque modis peccatur circa gulam, ut dieit Gregorius⁸: primo, cum quis horam comedendi prævenit, et hoc fit per impatientiam expectandi tempus debitum; secundo, cum quis querit cibaria pretiosa et delicata, de quibus Ovidius:

Est virtus placitis abstinuisse bonis.

Sed contra hoc fecit dives ille⁹, qui *epulabatur quotidie splendide*. Tertio, quando quis mensuram excedit, scilicet nimis comedendo. Scendum tamen: Quod uni est medium et mensura debita, hoc alteri est excessus. Unde non consistit mensura in cibi quantitate, sed in comedentis qualitate. Verumtamen quidam jejunium suum recompensant postmodum nimietate superflua; sed hoc quid aliud est, quam dare duos obolos pro uno denario? Quarto, quando nimis ardenter ac festine quis comedit: non enim usus ciborum, sed concupiscentia in vitio est. Quinto, quando quis cibaria sua nimis studiouse preparat. Unde Bernardus¹⁰: « Nou sapor, sed famæ excitet appetitum. » In omnibus his sumenda sunt non quæ voluptas, sed quæ requirit necessitas. Contingit etiam peccatum esse circa diminutionem eis, sicut circa superfluitatem.

Filiæ gulae sunt quinque secundum Grego-

xxx, 15. — ⁷ Eccl., 1, 7. — ⁸ Greg., *Moral.*, lib. XXXI, c. xvii, post med. — ⁹ Greg., *Moral.*, lib. XXX, c. xiiii, circa med. — ¹⁰ Luc., xvi, 19. — ¹¹ Bern., *de Formul. honest. vita*.

rium¹. Prima est scurrilitas, quia gula movet ad verba scurrilia. Secunda, multiloquium, scilicet detractio, vituperia, et alia verba inania. Tertia, inepta latititia, id est lascivia carnis, sive gestus corporis inordinatus, lasciviam mentis demonstrans. Quarta, immunditia quae solet provenire ex gula, ut est vomitus, et eructationes frœtidæ, ac luxuria. Quinta est hebetudo mentis, id est subversio rationis. Gula duo complectitur, scilicet comessationem et ebrietatem: et proprio loquendo parcimonia opponitur comessationi, et ebrietati sobrietas.

Gula nocet multipliciter. 1. De paradiso ejicit hominem: exemplum in Adam. 2. Spiritualia bona perdit: exemplum in Esau, qui pro cibo vendidit primogenitaram. 3. Diabolo domum præparat²: *Si ejicis nos hinc, mitte nos in porcos.* 4. Servum contra dominum animat³: *Qui delicate nutrit servum suum, sentiet eum contumacem.* Luxuriam inducit: exemplum de Loth⁴. 5. Homicidia perficit: exemplum de Joanne Baptista, qui⁵ in convivio periiit. 6. Inducit mortem naturæ⁶: *Propter crapulam multi perierunt.* 7. Quacumque die comederis ex eo, morte morieris. 7. Inducit mortem culpe⁸: *Vidua in deliciis vivens, mortua est.* 8. Inducit mortem gehennæ: dives epulo⁹ sepultus est in inferno.

Remedia gulae sunt quatuor. Primum est spiritualium ciborum frequens sumptio¹⁰: *Non in solo pane vivit homo,* etc. Secundum, futurae carnis nostræ consideratio; Hieronymus¹¹: «Facile contemnit omnia, qui se semper cogitat moriturum.» Terrium est æternæ œcœnae meditatio¹²: *Homo quidam fecit canam magnam.* Quartum est famis Christi, et suorum pensatio¹³: *Recordare paupertatis meæ, absinthii et fellis.*

CAPUT XXI.

De Luxuria.

Luxuria est ex immundis desideriis veniens lubrica mentis et carnis prostitutio. Item luxuria est libidinosæ voluptatis appetitus: et intellegas hic appetitus qui est ex consensu rationis, quia talis appetitus est peccatum mortale; et dicitur peccatum mortale, quando ratio non cohibet hujusmodi appetitum, cum posset.

Differentiae luxuriæ sunt octo. Prima est fornicatio, quæ est soluti cum soluta. Secunda,

meretricium, quod fit dupliciter, scilicet per vagam libidinem cum diversis peccando, vel cum publice venali concubendo. Tertia est adulterium, quo conjugalis thoros vitiatur. Quarta est stuprum, quo virginis integritas corrumpitur. Quinta sacrilegium, quo contingenlia Deo dicata lœditur, ut in clericis et religiosis sacris ordinibus sublimatis, et in his qui emiserunt votum continentia. Sexta est incestus, quo vinculum consanguinitatis, vel affinitatis, vel compaternitatis corrumpitur. Septima est peccatum contra naturam, sive sodomia, quo naturalis usus pervertitur. Notandum autem quod aliud est contra naturam speciei, aliud contra naturam generis. Primo modo omne peccatum mortale est contra naturam speciei, quia in rationali creatura remurmurat syndesis contra omne peccatum. Sed secundo modo peccatum sodomie est contra naturam generis, quia non solum in homine, sed etiam in brutis diversi sexus in coitu convenient. Unde si isto modo fit, contra naturam generis est. Octava est libidinosus coitus conjugalis, qui multipliciter accipitur. Coitus enim conjugalis alias licitus est, alias fragilis, alias impetuosus. Licitus tripliciter: ut quando causa prolis fit, vel ad ampliandum cultum Dei, vel causa reddendi debitum, vel causa vitande fornicationis non in se, sed in conjugi. Primus est pietatis; secundus justitiae; tertius cautele. In his nullum dicitur peccatum esse. Fragilis est, quando fit causa delectationis, et tunc distinguitur: quia si amor illius delectationis præponitur Deo, mortale peccatum est; si vero postponitur, veniale. Impetuosus est, qui ex sola libidine proveniens, metas honestatis et rationis transcendit; quod fit quinque modis: primo, causa satiandæ libidinis per meretricias blanditias; secundo, cum fit contra naturalem modum; tertio, cum fit tempore prohibito; quarto, quando fit in loco prohibito; quinto, quando acceditur ad mulierem prægnantem et vicinam partui, vel quæ est in fluxu menstruo.

Filiae luxuriæ sunt octo secundum Gregorium¹⁴. Prima est cœcitas mentis, quia, secundum Augustinum, in opere luxurias tota ratio absorbetur. Secunda est inconsideratio, mortis scilicet et inferni. Tertia, inconstantia, scilicet

¹ Greg., *Moral.*, lib. XXXII, c. xvii. — ² Matth., viii, 31. — ³ Prov., xxix, 21. — ⁴ Gen., xix, 33, 34. — ⁵ Marc., vi, 27. — ⁶ Eccli., xxxvii, 34. — ⁷ Gen.,

ii, 47. — ⁸ I Tim., v, 6. — ⁹ Luc., xvi, 22. — ¹⁰ Matth., iv, 4. — ¹¹ Hieron., *ad Paulin.*, epist. ciii, in fin. —

¹² Luc., xiv, 16. — ¹³ Thren., iii, 19. — ¹⁴ Greg., *Moral.*, lib. XXXI, c. xvii.

ad cogitandum desiderandumque nunc istud, nunc illud. Quarta, amor sui, scilicet quo aliquis desiderat longam vitam ad hoc, ut expletat voluptatem suam. Quinta, præcipitatio, qua quis præcipitanter currit ad peccandum, exponens se periculo mortis propter luxuriam faciendam. Sexta, odium Dei, quia Deus abstrahit se ab eis, et punit eos qui sequuntur carnis delicias ad quas inclinat luxuria. Septima, affectus praesentis seculi, scilicet appetitus honorum, diviliarum, sanitatis, fortitudinis, et hujusmodi, per quæ luxuriosus finem suum consequitur. Octava est desperatio futuri seculi, que est diffidentia gloriae, vel venie consequendæ, et haec est filia luxuriae consummatæ.

Luxuria nocet multipliciter. 1. Deo est contumeliosa, quia templum ejus inquinat. 2. In demonibus placita¹: *Behemoth dormit in locis*, etc. 3. Subjecto proprio nociva²: *Qui forniciatur, in corpus*, etc. 4. Proximum scandalizat³: *Facti estis speculationi, et rete expansum super*, etc. 5. Animam propriam damnat⁴: *Non recedet gladius de domo tua*: hoc dictum fuit ad David propter peccatum^(a) Bethsabee. 6. Vilissimo domino se subjicit, scilicet carni et sensualitat⁵: *Quia obedisti voci uxoris tuæ, maledicta*, etc. 7. Mentem infatuat⁶: *Vinum et mulieres auferunt eorū*.

Remedia luxuriae sunt haec: 1. Occasiones fugere⁷: *Pepigi fædus cum oculis meis, ut ne cogitarem*, etc.⁸ *Qui tetigerit picem, inguinabitur ab ea*.⁹ *Qui tenet illam, quasi qui apprekendit scorponem*. 2. Mortis extrema cogitare¹⁰: *Memorare novissima tua, et in æternum non peccabis*. 3. De se non præsumere; quia cecidit David sanctissimus, Salomon sapientissimus, Samson fortissimus. 4. Frequenter se occupare; Ilionymus¹¹: « *Semper aliquid boni facito, ut te diabolus inveniat occupatum* ». 5. Tentationi in principio resistere¹²: *Ipsa conteret caput tuum*. 6. Carnem domare¹³: *Hoc genus dæmoniorum non ejicitur, nisi in oratione et jejuniio*.

CAPUT XXII.

Quomodo superbia sit mortale, vel veniale.

Omnia prædicta, quamvis semper sint peccata, non tamen semper sunt mortalia. Unde

¹ Job, XL, 16. — ² 1 Cor., VI, 18. — ³ Ose., V, 4. — ⁴ II Reg., XII, 10. — ⁵ Gen., III, 17. — ⁶ Ose., IV, 4. — ⁷ Job., XXXI, 1. — ⁸ Eccli., XIII, 1. — ⁹ Eccli., XXVI,

videndum est, quando unumquodque mortale sit, et quando veniale. Vana igitur gloria ex suo genere est veniale, quia genus operis sumitur ex objecto: vanum autem secundum se non est objectum peccati mortalis, sed venialis. Unde cum vana laus sit hujus peccati objectum, palet quod non semper est peccatum mortale. Erit tamen vana gloria mortalis dupliciter, scilicet ratione finis, propter quem laus appetitur: opus namque tale est, quale est id propter quod appetitur; item ratione operis in quo laus queritur.

Circa primum dicendum est, quod quadruplici fine laus appetitur: primo, ad vitandum malum infamie, sicut Samuel se laudavit¹⁴; secundo, propter aliquam utilitatem spiritualem, ut est gloria Dei, vel edificatio proximi, sicut Paulus¹⁵ se commendavit; tertio, propter lucrum avaritiae, sicut Pharisœi, qui devorabant^(b) domos viduarum, longas orationes simulantes. Quarto, propter aliquem actum venialis peccati, sicut quando quis laudari vult, eo quod venialiter in laude delectat. Primum est providentiae; secundum est charitatis; tertium est peccatum mortale: et idem intelligendum est, quandocumque mortale peccatum finis alicuius operis ponitur; quartum est veniale.

Sequitur secunda causa, quare vana gloria sit peccatum mortale, scilicet ratione operis, per quod laus queritur. Illoc autem potest fieri tripliciter, quia laus quandoque queritur per opera illicita, quandoque per opera ex se indifferentia, quandoque per opera virtutum. Si primo modo, sic tale est peccatum, quale et illud illicitum, scilicet mortale, aut veniale. Si secundo modo, sic est peccatum veniale, ut habere divitias, vel vestes pretiosas, cum abuso talium in laudem. Verutamen si talia sunt de se ordinata, ut sint occasio peccati mortalis, secundum quod mulier cum ornato meretricio preparat se ad animas capiendas, vel si factum illud est illicitum ex prohibitione superioris, ut torneamenta, et hujusmodi, cum excedunt^(c) præceptum Ecclesiæ, sic sunt peccata mortalia. Si tertio modo, id est, si laus queratur per opera virtutum, hoc est dupliciter: vel quia appetitus laudis adjungitur operi virtutis tan-

¹⁰ — ¹¹ Eccli., VII, 40. — ¹² Hieron., ad Rustic., epist. IV. — ¹³ Gen., III, 15. — ¹⁴ Marc., IX, 28. — ¹⁵ I Reg., XII, passim. — ¹⁶ II Cor., XI, passim. — (a) Suppl. cum. — (b) Cœt. edit. devorant. — (c) Excederet.

quam incidens, sicut contingit in canto vel in prædicatione quandoque, et tunc est veniale; vel laus est finis principaliter præstitutus operi virtutis et operanti, ita quod ibi constituit finem ultimum, et sic est mortale, quia tunc inheret ei, ut fini ultimo. Nota quod majus est peccatum gloriari de bonis spiritualibus, quam de temporalibus, quia minus habent motivum, eo quod minus appareant extra, quam temporalia.

CAPUT XXIII.

Quomodo invidia sit mortale, vel veniale.

Invidia ex suo genere est peccatum mortale, quia cum invidia, secundum Remigium, sit dolor de alieno bono, contrariatur directe charitati, quæ non æmulatur, sed congaudet veritati. Charitati vero nihil est contrarium, nisi peccatum mortale. Tamen illud quod ex genere est mortale, potest esse veniale, vel prout in primo motu consistit, vel extra suam rationem trahitur. Dolor autem de alieno bono est quadruplex: vel quia est primo primus motus ex natura veniens, sicut quidam naturaliter invidi sunt: et hoc nullum peccatum est, cum nullo modo sit in potestate nostra. Vel est secundo primus motus, quando scilicet appetitus sine completa deliberatione tali passione afficitur, et sic est veniale peccatum. Vel est actus voluntarius deliberative, et sic est mortale peccatum. Vel trahitur per intentionem extra suam rationem, ut quando dolor de alieno bono surgit cuiquam ex causa bona, sicut quando dolet aliquis de bono temporali alterius, quia videt illud redundare in detrimentum animæ illius, vel etiam in detrimentum communis: talis dolor bonus est, quia majus bonum magis est appetendum. Notandum vero quod per dolorem boni comprehenditur gaudium de malo, quod ex ipso causatur.

CAPUT XXIV.

Quomodo ira sit peccatum mortale, vel veniale.

Ira ex suo genere est peccatum mortale, quia, secundum Isidorum, ira est animus concitatus ad pænam provocanti inferendam. Talis autem motus contrariatur charitati, quæ¹ non irritatur, nec cogitat malum. Ira igitur vel dicit iram zeli,

que est detestatio vitii, et hæc non est peccatum, sed est perfectionis. Potest etiam quis sibi per hunc modum irasci, sicut dicit Glossa super illud Psalmi²: *Irascamini, et nolite peccare.* « Quid est, inquit, homo peccans, nisi irascens sibi? » Vel dicit remissionem affectus circa proximum, per quem homo non dolet de malo proximi, nec gaudent de bono ejus, licet etiam non doleat de bono, nec gaudeat de malo ejus, sed est indifferens ei: et sic non est mortale, sed imperfectio charitatis. Vel dicit actualem impatientiam absque appetitu vindictæ: et talis motus etiam deliberatus est peccatum veniale, quia habet incompletam rationem ira, sicut ex supradicta patet definitione. Vel dicit impatientiam cum appetitu vindictæ, et hoc est tripliciter: quandoque enim hoc a natura, sicut in melancholicis, in quibus secundum Philosophum continua mordetur natura, propter quod semper sunt turbulenti: et sic nullum est peccatum, cum sit motus naturalis; quandoque hoc est ab appetitu indeliberato, et sic est veniale, sicut alii primi motus; quandoque est a voluntate deliberativa, et tunc est peccatum mortale.

CAPUT XXV.

Quomodo acedia sit mortale, vel veniale.

Acedia ex suo genere est peccatum veniale, quia, secundum Augustinum, acedia est tedium interni boni: hoc autem non opponitur charitati, sed dicit diminutionem fervoris charitatis, in quo consistit omne veniale. Istud ergo tedium, vel est motus naturalis, et sic nullum est peccatum; vel est motus appetitus contritati de opere spirituali laborioso, et sic est veniale, quamvis etiam appetitus ille naturalis sit deliberativus, quia consensus in veniale non est nisi veniale, acedia vero ex genere et perse venialis est; vel hoc tedium redundat in omissione eorum quæ sunt necessaria saluti, ut frangere præcepta Dei vel Ecclesie sine causa rationabili, et tunc est mortale. Si autem tedium illud ex omissione boni, et difficultate aggrediendi bonum, ducit in desperationem, tunc jam accedit ad peccatum in Spiritum sanctum. Et si tedium illud crescit, quod etiam dicit in tedium vita in tantum, quod injicat sibi manus, tunc jam similis est Judæ, qui laqueo se suspendit.

¹ *I Cor.*, XIII, 5. — ² *Psal.*, IV, 5.

CAPUT XXVI.

Quomodo avaritia sit mortale, vel veniale.

Avaritia, secundum Marcum Tullium Ciceronem, est immoderatus amor habendi. Hæc igitur consistit in appetendo, vel in acquirendo, vel in retinendo.

Si primo modo, hoc est quinque modis: primo, quia appetit aliena appetitu completo, qui procederet in opus, si adesset facultas, et sic est peccatum mortale; secundo, quia appetit illicita voluntate incompleta, ut si aliquis indignus conatur beneficium ecclesiasticum adipisci, sic iterum est mortale; tertio, si appetit alia, sive sint illicita, sive aliena, cum voluntate conditionata, scilicet si posset habere sine offensa Dei ac injuria proximi, et tunc vel nullum, vel veniale est, si talem conditionem actualiter, vel habitualiter addat, vel intendat; quarto, si simpliciter appetit habere superflua, et hoc appetitu suffocante mentem, scilicet a cura sui, et consideratione divinorum, et hoc est peccatum mortale; quinto, si superfluo amore inhæret temporalibus, tamen infra Dei amorem, hoc est veniale.

Si autem avaritia consistit in acquirendo, hoc est tripliciter, quia vel acquirit injuste quemque modo, et tunc est mortale; vel acquirit res per tale opus, aut artem, aut officium, quod per se est peccatum mortale, si etiam esset sine lucro, et tunc est mortale; vel acquirit talia per operam illicitam, quæ est veniale peccatum, ut cum aliquis verba jocosa componit ad lucrum, salva tamen honestate, et hoc est veniale, nisi aliquis propter delectationem dissolutionis totaliter se dedit talibus, tunc enim mortale est. Dico autem propter delectationem, quia si quis propter necessitatem per talia sibi sustentationem acquireret, cum aliam artem lucrosam nesciret, non reputarem eum in statu damnandorum.

Si autem avaritia consistit in refinendo, hoc potest esse quinque modis: priuio, quia retinet scienter ea qua restituere tenetur, et animo retinendi, sic est peccatum mortale; secundo, quia retinet ea, quæ ad necessitatem suam et suorum pertinent, vel ad conservationem status sui, et suorum, secundum quod decet dignitatem suam, et hoc non est peccatum; tertio, quia retinet superflua respectu utriusque jam dictorum, et hoc tempore extremae necessitatis ali-

cujus, sic est peccatum mortale; quarto, quia retinet superflua, etiam citra extremam necessitatem, ex insatiabili cupiditate, sic est peccatum mortale: pricipuum autem signum talis effectus est, quod quis res potius sinit putrescere penes se, quam utiliter aliis dispensem; quinto, quia retinet superflua quædam ex inordinate amore temporalium, per quem modum deficit a medio largitatis, salvo tamen statu virtutis, et sic est veniale. Nota quod avaritia ex suo genere est mortale: quam Apostolus¹ idolatriæ comparat: non quia sit de specie illius peccati, cum non habeat actum ejus; sed quia facit aliquid simile idolatriæ, serviendo creature potius, quam Creatori.

CAPUT XXVII.

Quomodo gula sit mortale, vel veniale.

Gula ex genere suo est peccatum veniale, quia appetitus comedendi ex sua ratione non subjet dominio voluntatis, sed natura nobis inest: quod potest esse quinque modis.

Primo, si est ibi solus appetitus cibi; et hic nunquam est peccatum: nec etiam delectatio cibum consequens est peccatum, in quantum ordinatur contra defectum sibi contrarium: hæc enim sunt pure naturalia, in quibus non est meritum, nec demeritum. Secundo, si appetitus necessitatis adjungitur appetitus delectationis et voluptatis in cibo; et hoc est peccatum veniale. Tertio, si est ibi transgressio præcepti, ut cum aliquis sine necessitate solvit jejunium Ecclesiæ, vel quando religiosus comedit carnes, cum hoc in suo ordine sit prohibitum sub præcepto; sic est mortale peccatum. Quarto, si appetitus edendi est cum libidine, ut quando nimio et finali affectu inhæret delectationi cibi; et hoc est peccatum mortale. Quinto, si ducitur in consuetudinem talem, quæ facit totam vitam hominis delectationibus hujusmodi depudari; hec tam vicina sunt peccato mortali, quod ebrietas ab Apostolo² inter peccata mortalia computatur. Ebrietas tamen quandoque est peccatum veniale, ut quando ultra necessitatem quis accepit, secundum mensuram tamen imperceptibilem. Quando vero quis egreditur a mensura perceptibili secundum rationem bene ordinatam ad discernendum, et hoc in tali mensura, ex qua everfatur status mentis effrenata

¹ Ephes., v, 5. — ² Rom., xiii, 13.

libidine, quando hoc Deo præponit, tunc peccat mortaliter. Si quis autem inebriat alium, ita videlicet invitans eum ad potum, ut intendat statum mentis ejus revertore, et hoc facit in ejus nocumentum, peccat mortaliter, quia auferet ei plus, quam si auferret aliquod bonum temporale, quia usum rationis tollit ei.

CAPUT XXVIII.

Quomodo luxuria sit mortale, vel veniale.

Luxuria ex suo genere est peccatum mortale, quia est contra illud præceptum¹: *Non mœchaberis.*

Concupiscentia luxuriæ distinguitur septem modis. Primus est, cum concupiscentia consistit in primo motu tantum; et sic est peccatum veniale. Secundus est, cum sequitur consensus usque in delectationem, licet non in opus; et sic est mortale peccatum. Tertius est, cum consentitur etiam in opus; et sic est iterum mortale. Quartus est, cum concupiscentia non solum tenetur corde, sed etiam pascitur visu, et sic iterum est mortale²: *Qui viderit mulierem ad concupiscendum eam, jam mœchatus est eam in corde suo*, id est, si hoc fine et animo attendat mulierem, ut eam concupiscat: quia, secundum Augustinum³, hoc non est tantum titillari, sed plene consentire libidini. Bene autem dicitur *ad concupiscendum eam*, quia si aliquis videret mulierem ut rem pulchram, et ulterius non procederet, tunc nullum peccatum esset, vel solum peccatum curiositatis. Quintus modus est in stultiloquio, ut cum quis mulierem precatur, vel propter libidinem habet cum ea familiaria colloquia, et est mortale. Sextus modus vocatur⁴ ab Apostolo *turpitudine*; Glossa: «ut in osculis et in amplexibus: » hoc est etiam peccatum mortale, et tanto gravius præcedentibus, quanto magis libido per talia accenditur propter nimiam approximationem ad ignem. Notandum vero quod tangere mulierem præter intentionem, non est peccatum; similiter cum intentione tangere, sed ex necessitate, non est peccatum. Sed tangere ex libidine, vel osculari ad se non pertinentem, peccatum mortale est. Septimus modus est, quando concupiscentia procedit in opus, et constat esse mortale.

Nota quod differentia est inter primos motus generativæ, et nutritivæ: quia primus motus in

generativa semper est peccatum, nisi per sacramentum matrimonii excusatetur; sed non semper in nutritiva, quoniam potentia concupisibilis non tantum corrupta est in nutritiva, sicut in generativa. De hac materia require supra titulo proximo⁵, ubi agitur de speciebus luxurie.

CAPUT XXIX.

De peccato in Spiritum sanctum.

Quamvis generaliter omne peccatum sit contra Deum trinum et unum, appropriate tamen dicitur aliquod peccatum esse in Patrem, aliud in Filium, aliud in Spiritum sanctum. In Patrem enim peccatur ex impotencia; in Filium, ex ignorantia; in Spiritum sanctum, ex malitia certa, hoc est, quando voluntas potest et scit resistere alicui malo, et tamen ex sola malitia illud eligit.

Peccatum in Spiritum sanctum procedit ex libera et improba voluntate liberi arbitrii, et directe impugnat gratiam Spiritus sancti; et ideo non habet colorem excusationis, quia, quantum est de se, directe impugnatum est medici, et remedii per quod fieri habet remissio peccati. Peccatum in Spiritum sanctum dicitur irremissibile in hoc sæculo et in futuro, non quia dimitti non possit, sed quia raro aut vix dimittitur in hoc sæculo quantum ad culpam, aut in futuro quantum ad penam; item quia non legitur dimissum, propter quod dicitur irremissibile, sicut Melchisedech dicitur *sine patre*, quia non legitur de ejus patre; item quia adversatur fonti remissionis, scilicet Spiritui sancto; item propter impotentiam hominis, quia vix potest se præparare ad gratiam, quem tanta moles peccati premvit.

Sciendum autem est, quod accipitur hoc nomen *irremissibile* tripliciter, scilicet negative, ut quia nullo modo potest remitti: hoc modo peccatum angeli et damnatorum est irremissibile. Item privative, ut quia non habet congruentiam de se, ut remitti debeat, licet ex congrua bonitate Dei possit omne peccatum remitti: hoc modo omne peccatum mortale est irremissibile. Item contrarie, secundum quod habet aliqua culpa contrariam dispositionem ad remittendum (hoc modo peccatum in Spiritum sanctum est irremissibile, quia contrariatur gratiae

Serm. in Monte, lib. I, c. xxiii. — ⁴ *Ephes.*, v, 4. —

⁵ Vid. sup., c. xxi, pag. 141.

¹ *Exod.*, xx, 14. — ² *Matth.*, v, 28. — ³ *Aug.*, de

remittendi peccatum) : et per hoc desperationem, vel presumptionem, vel alias species hujus peccati.

Sex sunt species peccati in Spiritum sanctum, videlicet desperatio, præsumptio, impugnatio veritatis agnitiæ, inadvertia charitatis fraternæ, obstinatio, finalis impenitentia. Horum numerus sic accipitur. In remissione tria sunt, scilicet ipse remittens, et ille cui remittitur, ac dispositio remittendi in eo cui remittitur. In ipso remittente duo sunt, scilicet misericordia, et justitia. Contra primum est desperatio; contra secundum, præsumptio. In eo cui remittitur, duo sunt, scilicet dolor de commisso, et propositum de non committendo. Contra primum est obstinatio; contra secundum, finalis impenitentia. Præterea dispositio remittendi in eo, cui remittitur, duplex est, scilicet cognitio veri, et amor boni. Contra primum est impugnatio veritatis agnitiæ; contra secundum, inadvertia fraternæ gratiæ. De finali impenitentia, nota quod sicut dicit continuationem peccati usque in finem, sic in omni peccato, in quo quis scienter decepit, et finalis impenitentia; prout autem est una species peccati in Spiritum sanctum secundum quod hic sumitur, sic dicitur propositum non penitendi.

CAPUT XXX.

Denumeratio peccatorum cordis.

Peccata cordis sunt hec: cogitatio, delectatio, consensus, desiderium mali, voluntas perversa, infidelitas, indebetio, præsumptio, timor male humilians, amor male accendens, suspicio, ira, invidia, odium, timore serviliter, exultatio in adversis proximi, contemptus pauperum vel peccatorum, personarum acceptio, perfidia, affectus parentum carnalis, inepta letitia, saeculi tristitia, impatientia, avaritia, superbia, perplexitas, obstinatio mali, tedium boni, acedia, inconstantia, pena penitentiae, dolor quia non facit plus malum, hypocrisis, amor placendi, timor displicendi, verecundia de bono opere, amor privatus, sensus singulare, ambitio dignitatum, vana gloria de bonis naturæ, vel gratiæ, vel fortunæ, verecundia de pauperibus amicis, contemptus admonitionum, immisericordia.

CAPUT XXXI.

De peccatis oris.

Peccata oris sunt haec: crebra juratio, perjurium, blasphemia, nomen Dei irreverenter assumere, veritatem impugnare, de mendacio et vanis alias instruere, contra Deum murmurare, irreverenter horas dicere, detractio, adulatio, mendacium, vituperium, maledictio, infamatio, contentio, comminatio, impugnatio veritatis agnitiæ, impugnatio charitatis fraternæ, seminatio discordie, proditio, falsum testimonium, mala consilia, derisio, contradicatio obedientiæ, invertere facta bona, in ecclesiis placitare, ad iram hominem provocare, reprehendere proximum in aliquo quod ipse facis, vaniloquium, stolidoquium, proferre verba otiosa, vel superflua, vel curiosa, jactantia verborum, superflua politio, peccatorum defensio, clamor, risus, cachinnus, turpiloquium, lenocinium, cantare cantilenas sæculares, in canto divino magis studere vocem frangere, quam devote psallere, murmurare, verba scurilia proferre, in injusta causa advocare; malum commendare.

CAPUT XXXII.

De peccatis operis.

Peccata operis sunt haec: gula, luxuria, ebrietas, simonia, sortilegium, violatio dierum solemnium, sacrilegium, indigne communicare, votorum fractio, apostasia, dissolutio in divino officio, scandalizare suo malo exemplo, proximum corrumpere, laedere hominem vel in rebus, vel in persona, vel in fama, furtum, rapina, usura, deceptio, ludus, venditio justitiae, exactio indebita, telonea injusta, auscultare mala, joculatoribus dare, necessaria sibi subtrahere, superflua sumere, ultra vires proprias quiddam aggredi, consuetudo peccandi, recidivatio, simultatio, tenere officium ad quod non sufficit, vel quod sine peccato non agitur, choreizare, novitatem invenire, majoribus rebellare, minores opprimere, delinquere visu, auditu, odoratu, gustu, et tactu, lucta, osculis, muneribus, itineribus, nutibus, mendaciis, scripturis, circumstantias aggravantes omittere (quaesunt tempus, locus, modus, numerus, persona, mora, scientia, ætas), tentationem prævenire, seipsum ad peccatum cogere.

CAPUT XXXIV.

De peccatis omissionis.

Peccata omissionis sunt hæc : de Deo non cogitare, ipsum non timere vel amare, gratias de beneficiis non agere, opera quæ quis facit ad ipsum non referre, de peccatis sicut debet non dolere, ad gratiam recipiendam se non præparare, gratia accepta non uti, nec eam servare, ad inspirationem divinam se non convertere, voluntatem suam voluntati divinae non conformatre, ad orationes dicendas non attendere, orationes debitas omittere, ea ad quæ tenetur

ex voto, vel præcepto, vel officio, negligere, communionem et confessionem semel in anno nou expedire, parentes non honorare, seipsum non recognoscere et reprehendere, conscientiam negligere, ecclesias et prædicationes fugere, tentationibus non resistere, pœnitentias injunctas negligere, aut negligenter facere, et quæ statim facienda sunt, differre, bonis proximi non gaudere, et malis non condolere, injurias non remittere, fidem proximo non servare, et beneficiis ejus non respondere, delinquentes non corripere, lites non sedare, ignorantes non instruere, afflitos non consolari, admonitionibus non acquiescere.

LIBER QUARTUS

DE CHRISTI HUMANITATE

CAPUT PRIMUM.

De Incarnatione Christi.

Sicut Deus est rerum principium effectivum in creatione, sic est refectionum in redēptione, et perfectivum in retrōbutione : quoniam sicut Pater omnia creavit per Verbum inerēatum, sic omnia recreavit et renovavit per Verbum incarnatum. Porro circa incarnationem Christi talis fuit ordo : salutatio angelica, responsio Virginis, sanctificatio materna, concepcionē divina : de quibus nunc per ordinem est agendum.

CAPUT II.

De Salutatione Angelica.

Missus est angelus Gabriel, qui est de ordine Archangelorum, ad beatam Virginem, cui ad sensum apparuit visione corporali, quamvis ei loqueretur locutione spirituali. Ad illud nobile sacramentum nuntius debuit esse angelus propter tria : primo propter cognationem virginitatis ad naturam angelicam; secundo propter ordinem perditionis humanae, quia sicut ibi venit diabolus in serpente ad mulierem, ita hic Deus venit per angelum ad Virginem : ut sic ex opposito medicina respondeat morbo,

et reparatio lapsui, et remedium nocumento. Tertio, quia sicut illa gratia fuit reparatio naturæ humanae, sic fuit et ruinæ angelicæ : unde communi beneficio utraque natura communiter debuit ministrare, angelica scilicet, et humana.

Dividitur autem salutatio beatæ Virginis in tres partes. Primam partem incœpit Angelus, cum dixit : *Ave, gratia plena, Dominus tecum, benedicta tu in mulieribus.* Secundam subjunxit Elisabeth, cum ait : *Et benedictus fructus ventris tui.* Tertiā apposuit Ecclesia, ut in reverentia nomen Mariæ haberetur : nam *Maria* non est de textu. Ista salutatio commendabilis est propter quatuor : primo propter auctorem ; quia missus est Angelus a Deo. Secundo propter nuntium : non enim homo dignus fuit hoc nuntiare, sed angelus ; nec quilibet angelus, sed Gabriel. Tertio ab ea quæ salutatur, quia virgo ; nec quilibet virgo, sed Maria. Quarto, ab ipso modo salutandi, qui indicat innocentiam Virginis, cum dicitur : *Ave, vel gratiam conversationis, cum dicitur : gratia plena ; item excellentiam conceptionis, cum dicitur : Dominus tecum ; item privilegium prærogativæ singularis, cum dicitur : Benedicta tu in, etc.* Salutationes autem quædam inveniuntur optativæ

salutis¹ : *Salve, rex; quædam gratiae, Apostolus in pluribus locis² : Gratia vobis et pax; quædam gaudii³ : Gaudium tibi semper sit; quædam benedictionis⁴ : Benedicat tibi Dominus.* Hæc autem salutatio Angeli ex omnibus predictis confata videtur. Continet enim salutem, cum dicit : *Ave;* item gratiam, cum dicit : *gratia plena;* item gaudium, cum dicit : *Dominus tecum;* item benedictionem, cum dicit : *Benedicta tu in,* etc. Præterea in hac salutatione notatur triplex prærogativa beatæ Virginis, scilicet naturæ, cum dicitur : *Ave; gratiae,* cum dicitur : *gratia plena;* gloriæ, cum dicitur : *Benedicta tu,* etc.

Nota denique sex in angelica legatione : primo quam reverenter beatam Virginem salutavit, cum dixit : *Ave, gratia plena;* secundo, quam excellenter commendavit, ibi : *Benedicta tu in mulieribus;* tertio, quam dulciter confortavit, ibi : *Ne timeas, Maria;* quarto, quum diligenter legationem suam complevit, ibi : *Ecce concipies et paries filium;* quinto, quam eleganter modum exposuit, ibi : *Spiritus sanctus superveniet in te,* etc.; sexto, quan convenienter prolem nascituram describit, ibi : *Ideoque quod nascetur ex te sanctum, vocabitur filius Dei.*

CAPUT III.

De Responsione Virginea.

Duos legimus in Scriptura dialogos : unum inter Eam et diabolum, quo mors concludebatur ; alterum inter Mariam et Archangelum, quo vita oriebatur. Vide autem tria, quæ fecit beata Virgo in salutatione Angeli, scilicet cogitationem, seu deliberationem, quia *cogitabat qualis esset ista salutatio;* interrogationem, quia quærebat : *Quomodo fiet istud?* consensum, quia respondit : *Ecce ancilla Domini,* etc. Nec in deliberatione fuit subita, sicut Eva ; nec in interrogando dubia, sicut Zacharias ; nec in consentiendo tarda, sicut Sara. In responsione consensus beatæ Virginis quatuor verba invenies, quæ quatuor virtutes maxime redolent. Ait enim : *Ecce, quod est obedientiae prompte;* *Ancilla Domini, quod est humilitatis perfecte;* *Fiat mihi, quod est charitatis inflammæ;* *Secundum verbum tuum, quod est fidei indubitate.*

Septem verba hæc locuta est beata Virgo in

¹ *II Reg., xvi, 16.* — ² *Rom., 1, 7.* — ³ *Tob., v, 11.*
— ⁴ *Ruth., iii, 10.*

Evangelio. Primum fuit : *Vinum non habent.* Secundum : *Fili, quid fecisti nobis sic?* Tertium : *Quodcumque dixerit vobis, facite.* Quartum, quando salutavit Elisabeth. Quintum : *Quomodo fiet istud,* etc. Sextum : *Ecce ancilla Domini.* Septimum : *Magnificat anima mea Dominum.* Verbum primum fuit pietatis ; secundum, charitatis ; tertium, instructionis ; quartum, consolationis ; quintum, discretionis ; sextum, humilitatis ; septimum, orationis et gratiarum actionis. Et nota quod verba prædicta fuerunt brevia, præter ultimum.

CAPUT IV.

De Sanctificatione Materna.

Sanctificatio triplex est : quædam communis, que fuit per sacramenta ; quedam specialis, quæ fit per gratiam specialem ; quædam specialissima, quæ fit per gratiam singularem. Prima removet culpam, et confert gratiam remanet tamen fomes et pronitas ad peccandum : et talis est in baptizatis. Secunda removet culpam et pronitatem peccandi mortaliter : et talis fuit sanctificatio Joannis Baptiste, et Hieremie in utero. Tertia removet culpam originali et pronitatem ad peccandum tam venialiter, quam mortaliter : et talis fuit in beata Virgine. Et licet gratia sanctificationis in utero sit quantum ad essentiam major, quam sacramentalis ; tamen, quantum ad aliquos effectus, major est gratia sacramentalis : quia baptismus imprimet characterem, et aperit januam cœli, et habitat hominem ad alia sacramenta ; quorum nihil facit sanctificatio in utero ex se. Verumtamen gratia sanctificationis in utero præcellit in hoc gratiam baptismalem, quia taliter sanctificatus non potest mortaliter peccare, et ad veniale minus inclinat eum fomes : propter quod minora et pauciora venialia committit : et talis gratia fuit in Joanne Baptista : et ideo ne in vanum gratiam Dei reciperet, fugit hominum societatem, et arctissimam in se penitentiam tenuit,

Ne lœvi saltem maculare vitam
Famine posset.

Patet igitur quod in sanctificatione in utero confertur gratia media inter gratiam sacramentalem, et gratiam plenæ confirmationis in patria, quæ habet conjunctum sibi finem ultimum. Ad confirmationem enim perfectam tria perti-

nent : primum est inseparabilis adhaesio , et conjunctio rationis ad Deum ; secundum est indeflexibilis subiectio inferiorum potentiarum animae sub imperio rationis ; tertium est indiscontinuabilis conversio actualis totius hominis in Deum , quando homo divina dulcedine affectus , ex toto corde , et ex tota anima , et ex omnibus viribus semper actu tendit in Deum , et in quocumque aliud in quo reluet Deus . Primum horum habet gratia sanctificationis simpliciter , ut scilicet nullus , qui particeps ejus fuerit , possit peccare mortaliter . Secundum habuit beata Virgo , et ideo nec venialiter unquam peccavit , sicut dicit ¹ Augustinus . Tertium autem non potest convenire gratiae viæ , eo quod illud ex fruitione Dei causetur , quæ tantum est in patria .

Tres autem fuerunt sanctificationes matris Dei . Prima fuit sanctificatio in utero ; et haec tres habuit effectus , scilicet originalis culpe expiationem , et gratiae infusionem , et fomitis tantam restrictionem , ut non posset in aliquod mortale peccatum duci , licet tamen ipse fomes maneret secundum essentiam . Secunda sanctificatio fuit in Spiritu sancti obumbratione , et Filii Dei conceptione ; que tribus premissis duo superaddit , scilicet omnimodam fomitis extinctionem , et confirmationem in bono , ita quod quæ prius tantum poterat non peccare mortaliter , jam non posset peccare . Hos autem duos effectus expressit Angelus : *Spiritus sanctus superveniet in te* , quoad primum : *Et virtus Altissimi obumbrabit tibi* , quoad secundum . Ista confirmatione non fuit liberi arbitrii ablatio , sed ejus per gratiam completio . Præterea Spiritus sanctus supervenit in eam non solum ad sanctificandum , sed etiam ad fecundandum : cuius virtute ² *Virgo concepit* , *Virgo peperit* , et post partum *Virgo permansit* . Tertia sanctificatio fuit in Filii Dei inhabitacione , qui novem mensibus in utero ejus mansit , et his omnibus predictis duos effectus addidit . Unus fuit , quod omnes dispositiones fomitis sublate fuerunt , sicut , quando morbus est curatus , adhuc interdum remanent reliquæ curandæ . Secundus fuit dedicatio ad divina , ita quod etiam licet usibus mundanis , scilicet matrimonialibus , eam appetere esset impossibile : quia tunc non solum mens , sed etiam corpus luce divinitatis resplenduit , ut significatum est . Ex predictis collige

quod fomes et personam inficit , et naturam : personam quidem , quia ad malum pronam facit , et stimulat ad peccatum ; naturam vero , quia carnem inficit , prout est principium ad alteram carnem . Sed beata Virgo in prima sanctificatione , que fuit in utero , mundata fuit ab originali peccato , in quantum fomes respicit personam suam , quia nihil in persona sua purgandum remansit . In secunda vero sanctificatione , que fuit quando Spiritus sanctus supervenit in eam , purgata fuit a fomite , prout ipse fomes respicit naturam in comparatione ad prolem propagandam , non opere nature , sed opere Spiritus sancti . Remotus enim fuit essentialiter : propter quod pars ab ea separanda in corpus Christi , nihil habuit de fomite , sicut nec mater .

Nota similiter ex predictis , et ex sequentibus , quod beata Virgo , ex prima sanctificatione , excellebat puritate omnes baptizatos ; ex sanctificatione secunda , excellebat puritatem Adæ , quam habuit ante peccatum ; per confirmationem , excellebat puritatem angelorum : quoniam illi nec crescere possunt in præmio substantiali , sive essentiali , sicut nec decrescere ; sed beata Virgo proficere potuit in merito , et non deficere .

Puritas matris Dei fuit quadruplex , in qua nulla creatura sibi poterit comparari . Prima est puritas sanctificationis in utero . Omnis enim rationalis creaturæ puritas , vel est naturæ , ut in angelis ; vel est gratia gratis datæ , ut fuit innocentia primi status hominis ; vel est gratia gratum facientis , et ista est major alii duabus . Unde cum in illa specie gratiae sanctificationis matris Dei fuerit suprema , patet quod vincit puritatem omnis puræ creaturæ . Secunda est puritas innocentiae in vita , in qua similiter omnes excellit : quia beata Virgo vixit sine omni peccato , et hoc oportuit esse maximæ gratiæ , quæ non solum ipsis naturam perficeret , sed eam supra legem natura corruptas extolleret . Tertia est puritas virginæ castitatis , in qua excellit et angelos , et homines : angelos quidem , quia , secundum Hieronymum ³ , hoc retinuit per virtutem castitatis , quod in angelis est necessitatis naturæ ; item excellit homines in hoc , quia primum exemplar fuit hujus integratitatis ⁴ : *Adducuntur regi virgines post eam* , etc . Præterea ostenditur istud alia ratione : quia summa est Liturgiæ . — ³ Hieron. , ad Paulin. et Eustoch. , epist . x . — ⁴ Psal . XLIV , 15 .

¹ Aug. , de Nat. et Grat. , c. xxxvi . — ² Verba

haec puritas, quæ potius potest suum contrarium secum pati, quam possit violari : et talis fuit virginitas Domini nostre, quæ

Gaudium (*a*) matris habet cum virginitatis honore :

et ideo ,

Nec primam similem visa est, nec habere sequentem.

Quarta est puritas sanctificationis ex superventione Spiritus sancti, et præsentiae Dei, in qua excellit omnem creaturam. Cum enim esse matrem Dei, sit dignitas superior quæ puræ creature communicari possit, necesse est gratiam ad hoc disponentem esse majorem omnigratia pure creature. Oportet ergo privilegium sanctificationis suæ in hac parte omnem aliorum sanctificationem excedere.

CAPUT V.

De Conceptione Divina.

Mox ut Virgo beatissima assensum Angelo prebuit dicens : *Fiat mihi secundum verbum tuum*; Spiritus sanctus super eam venit, ac Filiū Dei concepit. Hæc autem tria simul fuerunt tempore, non natura. Tunc impleta sunt præambula figurarum, et documenta scripturarum, et desideria prophetarum : propter quod etiam adventus Christi dicitur ¹ plenitudo temporis.

Quare autem Christus, nec prius, nec posteriori veneri, nonnullæ sunt rationes. Prima est, ut ordinem universi non turbaret. Singula namque suis fiunt temporibus; quanto magis in maximo Dei opere, scilicet Filii Dei incarnatione? Secunda, ne fides et spes, promissa incarnatione et nimis tardata, perirent : si enim tardasset venire, quotidie decrevissent homines in fide, et tenuissent. Sed prius venire non fuit necesse, quia non prodest medicina spiritualis sine affectu recipientis. Tertia est, ut supremæ infirmitati culpæ immediate succederet melioratio, sicut summum statum acute febris sequitur crisis et sanatio. Quarta, ut homo de lege naturali et scripta prius convinceretur, sicut ait Augustinus, quia si Christus statim venisset, diceret homo quod per legem nature salvari poterat, et superfluum crederet adventum Chri-

sti : similiter dicere poterat de lege scripta. Sed comperto quod nec sic, nec sic salvari poterat, cum omnes ad inferos descenderent, tunc venit ipse, quia tunc erat tempus miserendi ejus. Quinta, ut sicut primus homo conditus fuit sexta die ad totius mundi complementum, sic Deus homo fieret in sexta ætate, ad totius creaturæ perfectionem. Sexta enim ætas apta est ad exercitium sapientiae, ad remissionem culpæ, ad meritum vitæ æternæ, ad transitum de statu miserie ad statum glorie : et ista notantur in sexta ætate ratione perfectionis senarii. Sexta, quia Christus non debuit venire in principio temporis, quia adventus ejus nimis fuisset festinus : nec in fine ultimo, quia tunc nimis fuisset tardus : sed decebat Salvatorem inter tempus morbi, et tempus judicii, introducere tempus remedii. Septima, quia decebat Ductorem perfectum tuuc se ostendere, cum esset opportunitas currendi ad bravium, hoc est in fine temporum, et tamen ante terminum, ut per timorem judicii stimulati, per spem præmii attracti, et per exempli perfectionem animati, sequi possemus efficaciter ducem nostrum. Octava, quia decebat Mediatorem quædam membrorum suorum præcedere, quædam sequi. Incarnationem Christi multæ figure præcesserunt, et prophete : de quibus aliquas assignemus. Abram descendit ² in Egyptum, ut peregrinatur ibi. Lepis ³ precius est de monte sine manus. Fluvius ⁴ egrediebatur de loco voluptatis ad irrigandum paradisum. Sapientia ⁵ edificavit sibi domum, excidit columnas septem. Thronum ⁶ fecit sibi Salomon de ebore grandem. Novum faciet ⁷ Dominus super terram : femina circumdabit virum. Jonas ⁸ in mare projicitur, et mare sedatur. Stilabunt ⁹ montes dulcedinem. Descendi ¹⁰ in hortum meum, ut viderem poma convalium. Vellus ¹¹ Gedeonis rorificatur. Manna ¹² servatur in urna aurea. Virga Aaron ¹³ floret. Flos ¹⁴ de radice ejus ascendet. Emittitur ¹⁵ columba de arca Noe. Mittitur ¹⁶ lignum in aquas Marath. Paradisus ¹⁷ plantatur. Moyses ponitur ¹⁸ in fiscellam scirpeam. Israel induit ¹⁹ Joseph tunica polymita. In sole ²⁰ posuit tabernaculum suum. Duo viri ferunt ²¹ in vete botrum de terra promissionis. Mittitur ²² Joseph in cisternam. Urbs fortitudinis nostra ²³

¹ Gal., IV, 4. — ² Gen., XII, 10. — ³ Dan., II, 45. — ⁴ Gen., I, 10. — ⁵ Prov., IX, 4. — ⁶ III Reg., X, 18. — ⁷ Jerem., XXXI, 22. — ⁸ Joan., I, 15. — ⁹ Joel., III, 18.

(a) Forsan legendum gaudia.

— ¹⁰ Cant., VI, 10. — ¹¹ Judic., VI, 38. — ¹² Exod., XVI, 32. — ¹³ Num., XVII, 8. — ¹⁴ Isa., XI, 1. — ¹⁵ Gen., VIII, 8. — ¹⁶ Exod., XV, 25. — ¹⁷ Gen., XI, 8. — ¹⁸ Exod., XI, 3. — ¹⁹ Gen., XXXIII, 3. — ²⁰ Psal. XVIII, 6. — ²¹ Num., XIII, 25. — ²² Gen., XXXVII, 22. — ²³ Isa., XXVI, 1.

Sion, Salvator ponetur in ea murus. Emitte¹ agnum, Domine. Rorate², caeli, desuper, etc. Ascendet³ Dominus super nubem levem. Misericordia⁴ et veritas obviaverunt sibi. Gemma carbunculi⁵ in ornamento auri. Simul⁶ in uum dives et pauper. Ego primus⁷ et novissimus. Charitate perpetua⁸ dilexi te. Mittitur⁹ Daniel in lacum leonum. Apparet in camino¹⁰ quartus similis Filio hominis. Umbra¹¹ descendit in horologio Achaz decem gradibus. Ignis apparet¹² in rubo non comburens. Solem¹³ nube tegam. Quid¹⁴ lucidius Sole? et hic deficiet. Psalmus¹⁵: A summo calo egressio ejus.

CAPUT VI.

De rationibus Incarnationis.

Per Verbum igitur incarnatum facta est humani generis reparatio: non quia aliter salvari non poterat, sed quia nullus aliud modus fuit ita congruus ipsi Reparatori, et reparabili, ac reparationi. Conguebat, inquam, iste modus Reparatori, quem decebat suam potentiam, sapientiam, et bonitatem ostendere. Quid autem potentius, quam conjungere extrema summe distantia, hoc est, Creatorem et creaturam? Magna potentia fuit in coniunctione disparum elementorum; major in coniunctione illorum ad spiritum creatum; maxima in coniunctione illorum omnium ad spiritum increatum, ubi et maxima disparitas est. Quid vero sapientius, quam quod ad perfectionem totius universi fieret conjunctio primi et ultimi, hoc est, Verbi Dei, quod est omnium principium, et humanae creaturæ, quæ in operibus sex dierum fuit ultima omnium creaturarum? Quid autem benevolentius, quam quod Creator rerum communicare se voluit rebus creatis? Et hæc benignitas magna fuit in communicatione sui omnibus rebus per presentiam; major, quia communicavit se bonis per gratiam; maxima, quia communicavit se homini per unionem, et per consequens generibus singulorum in unitate personæ.

Fuit etiam iste modus congruentissimus ipsi reparabili, quia homo per peccatum corruit in infirmitatem, ignorantiam et malitiam, per quæ inceptus factus est ad virtutem divinam imi-

tandam, et ad veritatem cognoscendam, et ad bonitatem diligendam. Ideo Deus factus est homo, per quod se reddit homini imitabilem, cognoscibilem, et amabilem. Fuit etiam iste modus congruentissimus nostræ reparationi, quia Dominus in forma servi procuravit salutem servi.

Sunt et aliae rationes quare conveniens fuit Deum incarnari. Prima est, quia prevaricator abstulit nobis Deum: unde conveniens fuit ut Reparator redderet nobis Deum. Secunda, quia humilitas decuit eum: sed non potuit humiliari usque ad penas in natura divina: oportuit ergo quod in alia. Tertia, ut prophetias impletet¹⁶: *Ego qui loquebar, ecce adsum.¹⁷ Apparebit in finem, et non mentietur: si moram fecerit, expecta eum, quia veniens veniet: ut scilicet doceret potius vincere per justitiam, quam per potentiam. Quarta, propter vitandum inconveniens, quia si Deus incarnari non potuisset, vel nescivisset, vel noluisse, videtur ei inesse impotens, vel ignorantia, vel invidia, quod absit. Quinta, ut tanta esset humilitas in Redemptore, quanta fuit superbia in prevaricatore: quia tanta fuit superbia, ut homo vellet esse ut Deus: unde humilitas tanta debuit esse, ut Deus fieret homo. Sexta, ut nostrum amorem excitaret, et nostram spem erigeret. Septima, ut exemplum imitandæ virtutis nobis daret in forma visibili et humana. Quamvis autem opera Trinitatis sint indivisa, ita ut (a) quod aliquid operatur una persona, operetur et alia, tamen solum Filius accepit carnem, et non Pater, vel Spiritus sanctus. Et habemus simile in tribus domicillis induentibus tertiam ipsarum, de quibus potest dici: « Quidquid facit una, facit alia; » una tamen sola induitur. Eodem modo dicendum quod incarnationis opus quandoque attribuitur Patri, ut ibi¹⁸: *At ubi venit plenitudo temporis, misit Deus filium suum.* Quandoque attribuitur Filio, ut ibi¹⁹: *Exi vi a Patre, et veni in mundum.* Quandoque attribuitur Spiritui sancto, ut in Symbolo: *Qui conceptus est de Spiritu sancto.* Sed hæc ideo dicuntur, quia opus incarnationis fuit maxime potentia, sapientia, et bonitas: quæ tribus personis attribuuntur.*

Sunt autem multæ rationes quare Filius incarnatus sit, et non Pater, vel Spiritus sanctus.

¹ Isa., XVI, 1. — ² Isa., XLV, 8. — ³ Isa., XXIX, 1. — ⁴ Psal. LXXXIV, 11. — ⁵ Eccl., XXXII, 7. — ⁶ Psal. XLVIII, 3. — ⁷ Apoc., XXII, 13. — ⁸ Jerem., XXXI, 3. — ⁹ Dan., VII, 16. — ¹⁰ Dan., VII, 13. — ¹¹ IV Reg., XX,

11. — ¹² Exod., III, 2. — ¹³ Ezech., XXXII, 7. — ¹⁴ Eccl., XVII, 36. — ¹⁵ Psal. XVIII, 7. — ¹⁶ Isa., LII, 6. — ¹⁷ Habac., II, 3. — ¹⁸ Gal., IV, 4. — ¹⁹ Joan., XVI, 23. — (a) Cœl. edit. doceat ut.

Prima, ut per eamdem sapientiam, quæ mundum condiderat, fieret reparatio. Secunda, ut qui filius est in divinitate, esset filius in humilitate. Tertia, ne idem esset pater et filius, si Pater de homine nasceretur. Quarta, quia congruentius mittebatur qui est ab alio, quam qui est a nullo. Quinta, propter confirmationem hereditatis nobis promisse, ne scilicet possemus dicere Patri: « Domine, tu habes Filium, cui competit hereditas quam homini promisiisti. » Sexta, ut Patris erga nos ostenderetur charitas¹: *Sic Deus dilexit mundum, ut Filium suum unigenitum daret.* Septima, ut ostendatur, quod Deus Pater nihil habet quod non sit nobis paratus dare, cum Filium suum unigenitum dederit. Octava, ut sicut Dei Filius factus est homo, sic homo fieret filius Dei. Apostolus ad Galatas²: *Misit Deus Filium suum, ut adoptionem filiorum reciperemus.* Nona, ut esset occasio salutis, qui dicitur occasio ruinæ, quia homo appetendo scientiam divinam, quæ Filio appropriatur, cecidit. Decima, quia imago debuit per imaginem reparari. Undecima, quia sicut verbum mentis mediante grossiori natura emittitur, scilicet per vocem, sic Verbum æternum per assumptionem naturæ. Duodecima, quia medius inter personas debuit esse mediator Dei et hominum. Decimatercia, quia sapientia Patris reparare debuit appetitorem sapientie³: *Eritis sicut dii, scientes, etc.* Quartadecima, quia decentissime conjungitur humilitas cum sapientia⁴: *Ibi humilitas, ibi et sapientia*: unde Filium Dei precipue decuit incarnatione. Quintadecima, quia ideæ non sunt nisi sapientia Dei, quæ Filio Dei appropriatur: unde cum singulæ ideæ singulorum idealitorum sint cause, tunc demum omnia perfecta et completa erunt, cum per unionem ad suum principium redierint. Sextadecima, quia si Pater fuisset incarnatus, tunc nulla persona fuisset sine principio. Decimaseptima, quia oportuit incarnatam personam tanquam sacerdotem supplicare Patri pro natura assumpta: sed magis decuit Filium supplicare Patri, quam e converso. Decimaoctava, quia si Spiritus sanctus fuisset incarnatus, tunc duo essent Fili. Decimanona, quia nullum magis decet reducere hominem ad divinam cognitionem, quam Verbum, quo Pater se declarat, quod est unibile carni, sicut et verbum voci. Vigesima, quia

nullum magis decet reducere hominem ad filiationem adoptivam, quam filium naturalem.

CAPUT VII.

De modo Incarnationis.

In communi reparatione omnium decens erat, ut fieret concursus trium de triplici hierarchia, scilicet divina, angelica, et humana: unde in mysterio incarnationis fuit concursus Angeli nuntiantis, Virginis concipientis, et Verbi Dei carnem assumptoris. Cum Filius Dei mittitur in mundum, non fit loci mutatio, sed naturæ humanae assumptio, quia ipsis mitti, est esse ubi prius fuit, sed altere ibi esse, quam prius fuit: et hæc alteritas non est ex parte ejus qui est, cum sit immutabilis; sed ex parte ejus in quo est, quia unitur nostræ carni: unde mutatio non fuit ex parte Filii, sed ex parte assumpti. Præterea in mutatione loci exigitur non esse quis ubi prius erat; sed nec hoc est in Filii missione, quia post incarnationem fuit in Patre sicut semper.

CHRISTUS assumpsit naturam nostram quinque modis, scilicet 1. misericorditer; Apostolus⁵: *Secundum suam misericordiam salvos nos fecit.* 2. Utiliter, scilicet pro salute nostra⁶: *Operatus est salutem in medio terræ.* 3. Sapienter, quia assumpsit bonum naturæ, reprobat malum culpe⁷: *Butyrum et mel comedet, ut sciat reprobare malum et eligere bonum.* 4. Fortiter, quia sic assumpsit naturam humanam, quod nunquam depositus eam: quia post mortem unita fuit divinitas carni in sepulchro, et anime in inferno. 5. Mirabiliter, quia conjuncta sunt in incarnatione summum et imum, hoc est Deus et limus.

Verbum⁸ caro factum est quinque modis, scilicet 1. secundum carnem, quia secundum veritatem carnis⁹: *Vere languores nostros ipse tulit.* 2. Præter carnem, quia præter operationem carnalem¹⁰: *Quod in ea natum est, de Spiritu sancto est.* 3. Supra carnem, quia meritis nostris nou exigitibus; Apostolus¹¹: *Non ex operibus justitiæ, que fecimus nos.* 4. Propter carnem, quia ad salvandam carnem, et hoc quantum ad fideles efficaciter, licet quantum ad omnes sufficienter¹²: *Vocabis nomen ejus Jesum, ipse enim salvum faciet populum suum.* 5. Contra carnem, quia ad majorem damnationem insi-

¹ *Joan.*, III, 16. — ² *Gal.*, IV, 4, 5. — ³ *Gen.*, III, 5.

— ⁴ *Prov.*, XI, 2. — ⁵ *Tit.*, III, 5. — ⁶ *Psal.* LXXXIII, 12.

— ⁷ *Isa.*, VII, 15. — ⁸ *Joan.*, I, 14. — ⁹ *Isa.*, LIII, 4. —

— ¹⁰ *Matth.*, I, 20. — ¹¹ *Tit.*, III, 5. — ¹² *Matth.*, I, 21.

delium¹ : *Si non venissem, et locutus eis non fuisset, peccatum non haberent.*

Opus assumptionis humanæ naturæ, non *animatio*, sed *incarnatio* nominatur, cum tamen a digniori res consueverit nominari: hoc autem est propter quatuor rationes, scilicet : 1. ut expressior fiat nominatio; et 2. ut profundior explicetur dignatio miserationis; et 3. quia nobis magis nota est pars carnis; 4. ut major humiliatio exprimatur, eo quod magis a Deo distat caro quam anima, et quia caro est a parentibus propagata, anima a Deo creata.

CAPUT VIII.

De unione et carne assumpta.

Sicut in divinitate una est essentia et tres personæ, ita in Christo est e converso una persona, et tres essentiæ, scilicet deitas, anima et caro, hoc est æternum, novum, et antiquum, quia deitas est æterna; anima est nova, quia in assumptione carnis creata; caro vero antiqua, quia ab Adam propagata: et Christus secundum naturam divinitatis est genitus, secundum animam vero creatus, et secundum carnem factus.

Unio fuit triplex in Christo, scilicet deitatis ad animam, et e converso; et deitatis ad carnem, et e converso; et animæ ad carnem, et e converso. Due prima uniones semper manserunt; tertia separata fuit in morte. Unio ergo deitatis ad humanam naturam non est in unitate naturæ, sed personæ: non dico personæ humanæ, sed divinæ; hoc est non assumpta, sed assumptis: nec personæ cuiuslibet, sed solius Verbi. Quia enim impossibile est, quod natura divina concurredat cum alia, sicut pars ad constitutionem tertii, vel quod ipsa transeat in aliam; vel alia in ipsam, propter simplicitatem et unitatem ipsius perfectissimam: propterea divinitas et humanitas non uniuntur in unitate naturæ, sed personæ; et sic intelligitur illud in Symbolo Athanasii: « Nam sicut anima rationalis et caro unus est homo, ita Deus et homo unus est Christus. » Ibi namque ponitur similitudo quantum ad unitatem personæ, et non naturæ: quia caro et anima differunt in homine quantum ad essentiam, et constituant tamen unam personam. Eodem modo inter divinitatem et humanitatem Christi est differentia, et

tamen est una persona: et quia divina natura in nullo supposito potest subsistere, præterquam in propria hypostasi, ideo unio illa non potest esse in propria persona hominis, sed Dei: et propterea Deus in una personarum suarum facit seipsum suppositum humanæ naturæ: unde tantum una est ibi personalitas, et unitas personalis, scilicet ex parte assumentis. Ad esse namque personas triplex exigunt distinctio: scilicet singularitatis, et naturalis incommunicabilitatis, ac excellentie sive dignitatis. Propter primum, nullum unibile est persona. Propter secundum, anima non est persona: sed propter tertium, Christus secundum quod est homo, non est persona. Ex his patet quæ sit vera, vel falsa, inter has quatuor propositiones. Prima: Persona assumpsit personam. Secunda: Natura assumpsit personam. Tertia: Natura assumpsit naturam. Quarta: Persona assumpsit naturam. Primo due simpliciter sunt falsæ; tertia uno modo est falsa, alio modo est vera. Si enim sumatur natura prout est communis tribus personis, sic est falsa; si vero sumatur prout est in persona Filii, sic est vera. Quarta autem propositio simpliciter est vera.

Ad intelligentiam autem horum, nota quod tres fuerunt opiniones de incarnatione Christi. Prima autem opinio dicebat quod Filius Dei assumpsit hominem; secunda dicebat, quod assumpsit humanam naturam; tertia dicebat, quod assumpsit hominem ut vestem. Prima opinio non tenetur, quia ponit quod in Christo sunt duæ personæ, quod est falsum. Secunda communis est, et vera, ac celebris: quia ponit quod Christus est unum solum, licet sit aliquid secundum quod homo. Item ponit, quod assumens non est assumptum. Item, quod ille homo divina est essentia, et e converso. Item, quod omnis proprietas Filii Dei inest ei, et e converso. Tertia opinio tanquam hæretica reprobatur: quia ponit non esse in una persona Christi duas naturas, et quod duas substantias, humanæ naturæ scilicet, et divinæ, non personalitatem Filii constituant, sed extrinsecus se habent ad ipsam. Dicimus ergo quod tanta est ibi uno, ut quidquid dicitur de Filio Dei, dicatur de Filio hominis, et e converso, his tamen exceptis in quibus exprimitur unio, aut clauditur negatio. Si enim sit vocabulum in quo aliqua repugnantia includitur, sicut est *uniri*, *incarnari*, *assumi*, *assumere*, in quibus includitur respectus

¹ *Joan.*, xv, 22.

unionis unius naturæ ad alteram, tunc non tenet predicta regula. Similiter non tenet, quando in vocabulo includitur negatio alicujus, cuius oppositum alteri competit, sicut *incipere esse, creari, etc.*

Nota quod, proprie loquendo, compositione et corporis et animæ, unio est divinæ naturæ ad humanam: tamen unum quandoque ponitur pro reliquo.

Quinque fuerunt status primi hominis, et de quolibet statu accepit Christus aliquid: primus status fuit innocentia, de quo Christus accepit peccati immunitatem; secundus gratia, de quo accepit plenitudinem gratia; tertius culpe, de quo accepit recompensationem poenæ; quartus pœnitentia, de quo accepit passionem doloris et tristitiae; quintus gloria, de quo accepit plenam fruitionem.

Corpus Christi, secundum Damascenum, formatum fuit ex sanguine beatæ Virginis, non ex carne. Nam veræ matris est, secundum Philosophum, materiam tantummodo ministrare; sed dare virtutem formativam, quæ active naturam seu materiam formet, est patris, et non matris. Cum igitur beata Virgo proprietatem veræ matris habeat, oportet quod materiam contulerit, quæ secundum naturam sit materia convenientis humano corpori, et tamen integratatem virginalem non polluat. Talis autem materia non est caro, quia dicit Philosophus, quod id quod est actu pars, non est materia generationis, cum non sit potentia totum: caro autem est actu pars: unde non est materia generationis. Talis quoque materia non fuit semen virgineum, vel femineum, quia hoc puritati Virginis non conveniebat, nec etiam, secundum Philosophum, est necessarium ad generationem, quia aliquæ mulieres conceipiunt sive seminatione. Talis ergo materia fuit sanguis, quia ipse, secundum Philosophum, est etiam in nobis materia generationis. Quod autem dicit Apostolus¹: *Qui factus es ei ex semine David*, intelligendum est originaliter, non materialiter. Virtus autem formativa in beata Virgine non fuit ex patre carnali, sed ex virtute Altissimi.

CAPUT IX.

De utilitate Incarnationis.

Amisimus per peccatum propriam excellentiam, mentis innocentiam, ac Dei amicitiam. Hæc autem recuperare oportuit per beneficium

Saluatoris. Excellentiam enim (a) recuperare non potuimus, nisi per excellentissimum recuperatorem: quia si per aliquam meram creaturam reparati essemus, tunc oporteret nos esse subjectos illi creaturæ. Innocentia etiam (b) reparari non poterat, nisi per satisfactorem sufficientissimum, qui videlicet esset Deus et homo: Deus quidem, qui pro homine satisfacere posset; homo vero, de genere Adæ qui peccaverat. Ille namque congrue satisfacit, qui potest et debet: sed non potest, nisi Deus; nec debet, nisi homo. Amicitia similiter non poterat reformari, nisi per mediatorem convenientissimum, qui scilicet utriusque parti conformis esset, et utriusque parti amicus: hoc vero Christo convenit, qui est Deo patri similis per divinitatem, et homini lapsu per humanitatem. Venit ergo Deus in carnem, tanquam Dominus ad servos, ut eos corrigeret; tanquam magister ad discipulos, ut eos instrueret; tanquam medicus ad ægrotos, ut eos sanaret. Per primum ostendit Deus potentiam; per secundum, sapientiam; per tertium, bonitatem.

Quatuor fructus incarnationis ponit Bernardus, dicens: « Manna de cœlo descendit, ut gaudcent esurientes; vincæ cœli botrus erupit, ut gaudcent sitiens; oleum effusum est, ut gaudcent ægrotantes; lapis sine manibus de monte præcisis est, ut timeant negligentes.

Christo homini plures actus convenient, nobis multum salutiferi: propter quod diversis rebus naturalibus et artificialibus comparatur. Ipse namque Christus dicitur *Caput nostrum*, propter sensum et motum spiritualem, quem suis membris influit; *Mediator*, quia participat proprietates divinae et humane nature, et ideo inter Deum et nos efficaciter potest mediare; *Fundamentum*, propter fidem, qua in nobis illuminat intellectum; *Ostium*, propter charitatem, qua perficit affectum; *Pastor*, in quantum incorporat nos Ecclesie per sacramentorum participationem; *Hostia*, quia solvit obligacionem contractam per peccatum originale, et actuale; *Sacerdos*, quia ipse se rogat, ipse se exaudit, ipse servus rogat se Dominum, et ipse Deus exaudit se hominem; *Via*, exemplo; *Vita*, in premio.

Item Bernardus² enumeral quatuor utilitates adventus Domini, dicens: « Venit Medicus ad

¹ Rom., I, 3. — ² Bern., in Vigil. Nativ., serm. III, in princ.

(a) Cœl. edit. etiam. — (b) enim.

ægrotos, Redemptor ad venditos, Via ad errantes, Vita ad mortuos. » Ostenduntur adhuc multæ utilitates incarnationis Christi: quia scilicet Deus factus est homo, ut fieret homo Deus; Dominus factus est servus, ut fieret servus dominus; Deus de cœlo ad terras descendit, ut homo de terris ad cœlos ascenderet; Deus factus est filius hominis, ut homo fieret filius Dei; immortalis factus est mortal is, ut mortales fierent immortales; dives innocens factus est pauper, ut pauperes fierent divites; obscurata est lux, ut nos illuminaret: esurivit panis, ut nos reficeret; sitiuit fons, ut nos inebriaret; tristitia est lœtitia, ut nos lœtificaret; pavebat fiducia, ut nos confortaret; lassata est via, ut iter nostrum ad cœlestia dirigeret. »

CAPUT X.

De mirabilibus circa incarnationem Domini.

Excolebat incarnatio Christi nostram conceptionem in pluribus: per quæ appareat, quod ibi natura perdidit sua jura. Inveniuntur enim multa tam ex parte matris, quam ex parte prolis, quam etiam ex parte modi, quæ non secundum viam (*a*) naturæ, sed secundum potentiam virtutis infinite, quæ solius est Dei. Mira igitur fuerunt in matre, quæ, secundum Bernardum¹, sine corruptione fœcunda, sine gravamine grava, sine dolore puerpera. Ibi portavit stella Solem, palmes vitem, rivus fontem, filia patrem, creatura Creatorem. Fuit, inquam, mater Patris, filia nati. Fuit quoque prole posterior, contento minor, mater et virgo fuit, cum Deo filium communem habuit. Maledictionem legis evasit, ubi maledictæ fuerunt virgines et conjugatae: virgines quidem, quia non genuerunt; conjugatae vero, quia in dolore peperrunt. Sed utrumque beata Virgo evasit, quia Virgo genuit, et dolorem non sensit. Augustinus: « Speculum non rumpit radius Solis: et ita integratatem Virginis ingressus aut egressus Dei vitiare non potuit. »

Mirabilia quoque fuerunt in prole, quia in instanti fuit ibi sanguinis separatio, consolidatio, figuratio, animatio, deificatio. Et quod ista non fuerint successiva, patet ex Scriptura²: *Femina circumdabit virum*. Patet etiam ex virtute agentis, scilicet Spiritus sancti, cuius est subito operari. Quamvis autem membra corpo-

ris Christi fuerint in conceptione completa et perfecta usque ad animæ susceptionem, ipsorum tamen membrorum distinctio, secundum Augustinum³, tam parva et tenuis fuit, quod humano visui vix posset subjici: quia in tanto fuit minus corpus illud, quam alius conceptus cum formatur, quantum augeri posset in utero infra quadraginta sex dies. Unde miraculosum fuit quod in tam parvo corpore recepta fuit anima: sed hoc ideo factum fuit, ut conceptio Christi quantum ad tempus manendi in utero non esset nostræ conceptioni dissimilis. Præterea ab instanti sue conceptionis scivit omnia etiam secundum quod homo. Item in fruitione perfecta fuit anima ejus: unde quantum ad hoc non solum fuit viator, sed etiam comprehensor. Item mundus fuit ab omni peccato, et plenus omni gratia et virtute. Habuit quoque Patrem in celis, et matrem in terris: sed Patrem sine Mater, et matrem sine patre. Item per incarnationem ipse Dominus factus est servus, æternus factus est temporalis, immensus factus est parvulus. Summus fit imus, incomprehensibilis fit localis, simplex fit compositus. Dicit Augustinus⁴: « Videtur invisibilis, palpatur impalpabilis, immortalis occiditur. » Item Augustinus: « Quis unquam existimare posset, ut portaretur manibus feminis portator orbis, panis angelorum aleretur, virtus cœlorum infirmaretur, vita omnium moreretur? »

Hic quoque notandum est, quod sicut in divinis est trinitas personarum in unitate essentiæ, sic in Christo est trinitas essentiarum, seu naturarum, in unitate personæ: quia sicut in divinis per diversas personas non distinguitur essentia, sic in Christo per diversas naturas non distinguitur persona. Denique Christi incarnatione fuit mirabilis ex modo, quia cum tres modi producendi hominem præcessissent, primus videlicet nec de viro, nec de muliere, sicut in Adam; secundus de viro sine muliere, sicut in Eva; tertius de viro et muliere, sicut in omnibus concupiscibili natu: ad complementum decuit universi quartum modum introduci, ut scilicet homo de muliere fieret sine viro per virtutem summi Operatoris. In conceptione ergo Filii Dei simul concurrerunt virtus innata, infusa et increata: virtus innata materiam ministravit; virtus infusa purificando ad unionem

¹ Bern., serm. ex verb. *Apoc.*, ante med. — ² Jerem., xxxi, 32. — ³ Est expositio Magistri *Sent.*, lib. III,

dist. III. Vid. tom. IV, p. 55, huj. edit. — ⁴ Similia leguntur serm. VIII de tempore, al. cxviii Append. tom. V, Oper. Augustini. — (*a*) *Ait.* vitam.

Verbi adaptavit (adaptatione dico congruentiae naturæ); virtus increata subito perficit, quod natura non potuit nisi successive.

CAPUT XI.

De nativitate Christi.

Nativitas Christi triplex est, scilicet divina, humana, gratitua: prima est ex Patre; secunda, ex matre; tertia fit in mente. De Patre nascitur eternaliter; de matre, temporaliter; in mente, spiritualiter. Et istæ tres nativitates sumuntur secundum tres substantias, quæ sunt in Christo, scilicet deitas, caro, et spiritus. Nam ex Patre nascitur Deus; ex matre, caro; in mente nascitur spiritus, scilicet per gratiam. Ex Patre nascitur semper; ex matre nascitur semel; in mente nascitur sœpe. Secundum nativitatem divinam Christus habet patrem sine matre; secundum humanam habet matrem sine patre; secundum gratuitam habet patrem et matrem, secundum illud¹: *Qui fecerit voluntatem Patris*, etc. Haec tres Christi nativitates representant Ecclesiam in die nativitatis eius. Primam, scilicet divinam, in Missa quæ cantatur in nocte; est enim hæc nativitas nobis occulta²: *Generationem ejus quis enarrabit?* Secundam, in Missa quæ cantatur in aurora; quia nativitas humana partim fuit occulta, partim manifesta: occulta quidem quantum ad modum, quia natus est de virgine; sed manifesta quantum ad factum. Tertiam, scilicet gratuitam, in Missa quæ cantatur in die; quia nativitas gratuita est manifesta, in qua Christus per effectum concipitur, per affectum nascitur, et per amorem perfectum nutritur³: *A timore tuo concepimus, et peperimus*, etc. De divina itaque generatione habetur in primo libro; sed nunc de humana prosequendum est.

Nota itaque quod, secundum verba Apostoli, ubi ait⁴: *Apparuit gratia Dei Salvatoris nostri omnibus hominibus erudiens nos*, etc., nativitas Christi fuit grata, gloria, copiosa, fructuosa: grata, id est gratis, non meritis nostris exhibita: *Apparuit enim gratia*; gloria, quia *Dei Salvatoris nostri*; copiosa, quia *omnibus hominibus*; fructuosa, quia *erudiens nos*. Iste fructus nativitatis Christi duplex est, scilicet respectu temporis presentis, et futuri. Item

respectu temporis praesentis duplex est fructus: primus est declinatio mali, ibi: *Ut abnegantes impietatem*, quoad malum quod est contra fidem; et *secularia desideria*, quoad malum quod est contra bonos mores; secundus fructus est operatio boni, ibi: *sobrie*, quoad nos; *juste*, quoad proximum; et *pie*, quoad Deum. Item respectu futuri temporis duplex est fructus: primus est spei in resurrectione, ibi: *Expectantes beatam spem*; secundus, gaudii in glorificatione, ibi: et *adventum gloriae magni-Dei*. Apparuit in nativitate Christi benignitas et humanitas Salvatoris de triplici latibulo, scilicet de sinu Patris, in quo celabatur; de umbra legis, in qua figurabatur; de ventre matris, in quo formabatur. Iste namque agnus solvit⁵ signacula libri signati.

Nativitas Christi fuit utilis, honesta, et jucunda. Quid autem utilius salute hominis? *Vocabis*, inquit⁶, *nomen ejus Jesum, quia salutem faciet populum suum*, certe a formidine timoris, ab immanitate languoris, a detentione carceris, a subjugatione hostis. Quid honestius parti Virginis, ubi Virgo est quæ generat, Deus est qui generatur, Spiritus sanctus qui operatur in generatione? Quid jucundius nativitate Dei et hominis? Gavisi sunt, qui præcesserunt, ut Abraham, qui⁷ *exultavit ut videbet diem Domini*. Item, qui sequuntur⁸: *Gaudete in*, etc. Item, qui præsentes erant, ut angeli decantantes, et pastores videntes, et Joannes cum in utero sentiens, et Simeon amplexans, sed maxime Virgo ipsum generans⁹: *Et exultavit spiritus meus in Deo salutari meo*. Protulit in navitate nobis beata Virgo fructum, qui fuit seminatus in conceptione, germinavit in nativitate, collectus in panorum involutione, ad Dominum allatus in purificatione, flagellatus in stipe, ventilatus in falsorum testimoniis accusatione, commolitus in passione, purgatus in resurrectione, comeditur in quotidiana Eucharistie susceptione et in celesti fruitione. Beata itaque Virgo est colum, quod Christum roravit; ipsa nubes, quæ Christum pluit; ipsa terra, quæ Salvatorem germinavit. In nativitate Domini fuit beata Virgo terra, de cuius limo formatus est novus Adam; terra, de qua orta est veritas; terra, de qua ortus est fructus terræ sublimis; terra bona, in qua semen cecidit; terra fluens lacte et melle; terra germinans herbam virentem; terra

¹ Matth., XII, 50. — ² Isa., LIII, 8. — ³ Isa., XXVI, 18, secundum LXX; Vulg. *Concepimus, et quasi parvivimus, et peperimus Spiritum*. — ⁴ Tit., II, 12, 13.

— ⁵ Apoc., V, 5. — ⁶ Matth., I, 21. — ⁷ Joan., VIII, 56.

— ⁸ Philip., IV, 4. — ⁹ Luc., I, 47.

de qua oriebatur fons irrigans universam superficiem terræ.

CAPUT XII.

De circumcisione Domini.

Circumcisitionem accepit Christus multiplici ratione : primo, ut legem, quam dedit aliis, ipse compleret ; secundo, ut humilitatem ostenderet, quia ceremonialibus, ad quo non tenebatur, se subjicit : ipse namque dominus legis fuit ; tertio, ut sanguinem suum pro nobis non solum in ætate virili, sed etiam infantili funderet ; quarto, ut nos circumcidendo fore spiritualiter ostenderet ; quinto, ut hæreticos confunderet, qui dixerunt eum non verum corpus, sed phantasticum habuisse ; sexto, ut Judæis satisfaceret, qui scandalizati fuissent, si circumcisionem non acceperent ; septimo, ut legem veterem approbaret, quæ usque ad ipsum observanda fuit. Legalia enim, secundum Augustinum¹, fuerunt ante passionem viva; post passionem Domini, mortua; sed postquam per mundum claruit Evangelium, sepulta.

Circumciditur Jesus non solum circumcisione legali, sed etiam circumcisione spirituali. Unde possumus Domini circumcisionem quadruplicem assignare. Primo circumcidit eum Pater cultello paupertatis in nativitate ; secundo circumciderunt eum parentes ejus octavo die cultello legis ; tertio circumcidit se ipsum in omni vita sua cultello humilitatis ; quarto circumciderunt eum Judei in passione cultello crucis, et hoc per milites Pilati. Circumciditur etiam Jesus in suis quadrupliciter : primo, per detractores, qui auferunt amicos et famam ; secundo, per raptore, qui auferunt bona temporalia ; tertio, per hæreticos, qui auferunt animam ; quarto, per tyrannos, qui auferunt corpus.

Circumcisio nostra spiritualis duplex est : prima meitis in præsenti a culpa : secunda corporis in futuro a poena. Prima figurata fuit per circumcisionem solemnum, que facta est in Ægypto : et hæc triplex est, scilicet incipientium, a vitiis, et hoc cultello justitiae; item proficientium, a superfluis, cultello misericordiae; item perfectorum, a necessariis, cultello chari-

tatis perfectæ. Secunda figurata est per circumcisionem factam in Galgalis in terra promissionis, quia in octava resurrectionis per petram Christum circumcidemur ab omnibus miseriis. Ex quo palet quod circumcisione nostra spiritualis efficacior est, quam Judeorum carnalis et legalis : quia illorum circumcisione, licet peccatum origine tulerit, tamen januam paradisi non aperuit; sed nostra utrumque facit.

In hac materia duo nobis tanguntur : primum est Christi humilitas in circumcisione, secundum ejus sublimitas in uominis impositione : *Vocatum est*, inquit², *nomen ejus Jesus*. Dignitas autem hujus nominis multiplex est. Est enim ab æterno consecratum, ut dicit sanctus Bernardus ; ab antiquis prefiguratum, scilicet in Josue ; a prophetis desideratum³ : *Nomen tuum in desiderio animæ*; a sanctis Patribus prophetatum, Bernardus : « Dulce nomen Jesu prophetatum Salomonis oraculo »; a Deo nominatum, Apostolus⁴ : *Dedit illi nomen, etc.*; ab Angelō prænuntiatum, ut dicitur⁵: *Vocabis, etc.*(a); a beata Virgine prædicatum⁶: *Sanctum nomen ejus*; ab apostolis magnificatum⁷: *Ibant apostoli gaudentes, etc.*; a martyribus testificatum quia pro nomine isto passi sunt; a confessoribus collaudatum⁸ : *Laudate, pueri, Dominum, etc.*; *A solis ortu usque ad occasum taudabile nomen Domini*; a sanctis virginibus prægustatum⁹ : *Oleum effusum nomen tuum*; Bernardus¹⁰ : « *Jesus est mel in ore, melos in aure, jubilus in corde.* » Ab omnibus sanctis exaltatum¹¹ : *Magnificate Dominum tecum, et exultate nomen ejus in idipsum*; Petrus¹² : *Non est aliud nomen sub caelo, in quo oporeat nos salvos fieri*,

In hoc nomine, Jesus (b), sunt quinque litteræ quæ possunt esse initia istarum dictiōnū : Jucunditas mœritum, Eternitas viventium, Sanitas languentium, Ubertas egentium, Satietas esurientium. Et hoc nomen, Jesus (b), CHRISTO convenit tripliciter : primo, ratione naturæ, ut qui ex divina natura erat Salvator auctoritate, ex humana natura fieret Salvator ministerio, et vendicaret sibi nomen Salvatoris; secundo, ratione decentiæ, quia decuit ut ex re nomen haberet. Unde quia salvat a peccato, diabolo, et ab inferno, merito nomen habet illi beneficio congruens. Tertio, ratione efficaciæ, quia Christus nos sua passione salvavit.

¹ Aug., *ad Hier.*, epist. xix, al. LX. XI!, n. 16. —

² Luc., II, 21. — ³ Isa., XXVI, 8. — ⁴ Philipp., II, 9. —

⁵ Luc., I, 31. — ⁶ Ibid., 49. — ⁷ Act., V, 41. — ⁸ Psal.

cxxii, 1, 3. — ⁹ Cant., I, 1. — ¹⁰ Bern., *in Cant.*, serm. I, postmodem. — ¹¹ Psal. XXXIII, 4. — ¹² Act., IV, 12. — (a) Cœl. edit. non habent *Vocabis*, etc. — (b) Cœl. edit. JESU.

CAPUT XIII.

De baptismo Christi.

In baptismo Domini notatur ipsius humilitas, et nostra utilitas. Ipsius humilitas notatur in quatuor: primo, quia venit Jesus, scilicet dator salutis, et non indigens salute; secundo, quia ad Jordanem, ubi Creator elementorum subjecit se humili elemento aquæ; tertio, quia ad hominem, id est Joannem, scilicet Dominus ad servum, Rex ad scutiferum, Sol ad luciferum; quarto, quia venit ut baptizaret ab eo, scilicet fons a rivo, plenitudo a stilla, auctor baptismi a baptismi ministro.

Utilitas nostra notatur in quatuor, quæ circa Christum baptizatum evenerunt. Primo, quia Christus confessim eum baptizatus fuit, *ascendit de aqua*: per quod notatur in nobis gratiæ infusio: homo enim per baptismum liberatus a culpa, ad virtutes statim ascendit. Secundo, *apertum est cælum*¹; per quod notatur hominis post baptismum ascendentis evolutio. Tertio, *descendit Spiritus sanctus corporali specie sicut columba in ipsum*: per quod notatur quod baptismus facit hominem Spiritus sancti templum. Quarto, *vox Patris facta est: Hic est filius meus dilectus*; in quo notatur quod per baptismum de filio ire fit filius gratiæ. In baptismo Christi notantur substantialia baptismi nostri, scilicet baptizans, baptizatus, materia, forma, et intentio. Baptizans fuit Joannes, in quo ministri sanctitas designatur. Baptizatus fuit Christus, nostrum baptismum consecrans, quia tactu sue mundissimæ carnis vim regenerativam contulit aquis. Materia fuit aqua, magis conveniens et communis cæteris liquoribus ad baptismum existens. Forma notatur per testimonium Trinitatis: fuit enim ibi Pater in voce, Filius in carne, Spiritus sanctus in columbæ specie. Intentio consequitur formam: «*Voces enim, ut ait Philosophus*², *signa sunt earum, quæ sunt in anima, passionum.*»

Per vocem Patris, quæ audita est in baptismo Christi, notantur quinque dignitates et excellentiae ejusdem Domini nostri IESU CHRISTI. Cum enim dicitur: *Hic est, commendatur Christus a vera essentia, qui solus Deus habet verum esse. Omne enim esse a forma est: Deus autem forma est sine materia, ut dicit Boetius.* Cum dicitur:

*Filius, commendatur Christus a similitudinis paternæ convenientia: ex eo namque dicitur Filius, quia sit ut ille: propter quod Filius sic dicitur *imago Patris*, potius etiam quam *Spiritus sancti*, propter rationem quam habes supra in libro primo³. Cum dicitur: *Mens, commendatur a substantia indifferentia; dicitur enim mens, id est, mihi consubstantialis.* Cum dicitur: *dilectus, commendatur ab amoris benevolentia*⁴: *Pater diligit Filium, et omnia que habet, dedit in manu ejus.* Cum dicitur: *In quo mihi complacui, commendatur a speciali complacentia.* Sed nota quod placitum est quieta voluntas: unde *complacui, id est, cum Spiritu sancto in Filio secundum naturam assumptam quievi.**

CAPUT XIV.

De plenitudine gratiæ Christi.

Post hoc considerandum est Verbum incarnatum quantum ad plenitudinem charismatum spiritualium, quæ sunt plenitudo gratiæ in effectu, plenitudo sapientiæ in intellectu, ac plenitudo meriti in opere et effectu.

Circa primum notandum est quod in Christo a sui conceptione fuit plenitudo gratiæ quantum ad gratiam personæ singularis, et quantum ad gratiam capitis, et quantum ad gratiam unionis: et hæc triplex gratia est eadæ in essentia; sed differunt in effectu. Gratia enim personæ singularis est gratia habitualis, quam habuit Christus completissime et plenissime, excepta fide et spe, quas virtutes non habuit, sed quod eis in patria succedit: quia fidei succedit cognitio, spei vero succedit comprehensio rei. Scindunt autem quod prædicta gratia personæ singularis exuberat in Christo, ita quod influit in membra corporis sui mystici sensum et motum spiritualem, secundum fontalem plenitudinem omnis gratiæ in ipso habitantis.

Dicitur gratia capitis Christo inesse; unde nota quod Christus secundum utramque naturam dicitur caput Ecclesiæ, quia non solum in quantum Deus, sed etiam in quantum homo influit sensum et motum spiritus et gratia in omnes qui adhærent ei, vel per fidem rectam, vel per fiduci sacramentum. Sed in quantum homo, influit eam per modum meriti; et meritum quod non solum ex congruo, sed etiam ex condigno meruit membris gratiam, hoc habuit

¹ *Matth.,* III, 16, 17; *Luc.,* III, 21, 22. — ² *Arist., de*

³ *Vid. sup. lib. I, c. vi.* — ⁴ *Interpr., lib. I, c. 1.* — ⁵ *Col. 2, 15.* — ⁶ *Joan., v, 20; XVI, 15.*

ex unione ad Verbum. Ex prædictis collige quod Christus, in quantum homo, dicitur caput Ecclesie triplici ratione: primo, propter influentiam gratiæ, sicut dictum est; secundo, propter conformitatem naturæ, quam habet caput ad membra, quia licet Christus excellat (*a*) membra sua quantum ad natum divinitatis, tamen conformis est illis in natura humanitatis; tertio dicitur *caput* metaphorice, quia sicut corpus Christi verum constat ex purissimis membris, ita corpus ejus mysticum ex puris fidelibus. Nam de plenitudine ejus omnes accipiunt beneficium gratiæ et spiritus, qui ad eum accedunt, vel per fidem rectam, vel per fidei sacramentum. Alia ratione Christus, secundum quod homo, dicitur caput Ecclesiæ, scilicet propter naturæ conformitatem, quam caput habet ad totum corpus. Nam sicut corpus Christi naturale constat ex purissimis membris, ita corpus ejus mysticum ex puris fidelibus. Præterea, secundum quod eadem gratia singularis personæ quæ habilitavit humanam naturam Christi ad unionem Verbi, ut videlicet digna esset unitantæ celsitudini, vocatur gratia unionis, per quam Christus ipse non tantum felicitate gloria, verum etiam adoratione latræ dignus fuit: dicendum quod verum est, secundum quod est constructio transitiva, cum dicitur gratia unionis: tunc enim aliud est gratia, aliud est unio. Sed secundum quod est constructio intransitiva, ut sit sensus, gratia unionis, id est unio humanae naturæ ad divinam, quæ gratis et sine meritis data est humanitati Christi, sic differt gratia unionis a gratia personali, et a gratia capitii, sicut unio differt a gratia habituali: proper quod dicitur in *Joanne*¹ quod Spiritus sanctus datus est ei non ad mensuram: quod duplicit exponitur: primo sic: *Non ad mensuram*, id est totaliter, non particulariter, ut quidquid potuit Deus ei de Spiritu sancto dare, dedit ei; secundo sic: *Non ad mensuram*, id est super omnem proportionem respectu aliorum hominum.

De hoc quoque, quod dicit *Joannes*² *plenum gratia et veritatis*, nota quod quintupliciter distinguitur plenitudo. Prima est sufficiens, quæ in quoilibet justo reperitur. Secunda est copia, quæ fuit in apostolis³: *Repleti sunt omnes*, etc., et in Stephano⁴: *Stephanus plenus gratia et fortitudine*. Tertia est universitatis, quæ est in Ec-

clesia, cui nullum donum deest. Quarta est excellentiæ, quæ fuit in beata Virgine, quæ omnes sanctos excedebat in gratia⁵: *In me omnis gratia*; ⁶ *Ave, gratia plena*. Quinta, superfluentia, quæ fuit in Christo⁷: *Plenum gratiæ et veritatis*.

Circa innocentiam Christi hoc sciendum est, quod habuit immunitatem omnis culpe quantum ad actum, et quantum ad posse: quia nec peccavit, nec peccare potuit, nec peccatum originale a patre traxit, quia patrem non habuit carnalem, nec a matre habuit peccatum, quam Spiritus sanctus totaliter a fomite liberavit.

CAPUT XV.

De plenitudine sapientiæ Christi.

Sicut in Christo fuit omnis plenitudo gratiæ, ita et omnis plenitudo sapientiæ, non solum quantum ad cognitionem, verum etiam quantum ad modos et differentias cognoscendi, qui sunt quinque. Primus est cognitio sempiternalis ex parte divinitatis: et hoc modo cognoscit omnia simul, scilicet finita et infinita, quia apud Deum omnis infinita est finita. Deus enim videt multa uno, scilicet seipso: unde non differt ibi quod videt, et per quod videt, quia videt se per se, et in se videt omnia, non solum quæ fecit, sed etiam quæ facere potest, quæ sunt infinita. Secundus modus est cognitio sensualitatis ex parte carnis, et iste modus est cognitio per experientiam, qua Christus non sensit omnia simul, quia sensus non est perceptivus rerum, nisi ad presentiam objecti. Tertius modus est spiritualis ex parte mentis: et iste triplex fuit, scilicet per naturam, per gratiam, et per gloriam. Per naturam est igitur tertius modus cognoscendi, quo Christus cognovit omnia, quæ spectant ad universi constitutionem, sed longe excellentius, quam Adam, etiam existens in natura instituta. Quartus modulus est per gratiam: hoc modo Christus cognovit omnia quæ spectant ad humani generis redemtionem, longe tamen excellentius, quam aliquis prophetarum, vel etiam angelorum. Non solum enim habuit Christus scientiam per habitum innatum, ut Adam et angeli, sed etiam per habitum infusum, velut sancti per gratiam illuminati. Cognitionem vero non habuit per habitum acquisitum, qui propter imperfectio-

¹ *Joan.*, III, 34. — ² *Joan.*, I, 14. — ³ *Act.*, II, 4. — ⁴ *Act.*, VI, 8. — ⁵ *Ecli.*, XXIV, 25. — ⁶ *Luc.*, I, 28. — ⁷ *Joan.*, I, 14.

(a) *Al. excedat.*

nem in ipso non fuit. Quintus modus est per gloriam : hoc modo cognovit omnia Christus : finita quidem, cognitione actuali; infinita vero, non nisi cognitione habituali vel excessiva. Anima enim Christi per gloriam comprehensio- nis capiebat quæcumque capere potest natura finita unita infinito.

Sciendum ergo quod res dupliciter habent cognoscendi in arte, scilicet vel ab ipso artifice, vel ab alio artem contemplante. Utroque modo cognovit Christus res : primo modo, per nat- turam divinitatis ; secundo modo, per gloriam comprehensionis. Patent igitur ex præmissis quinque differentiae cognitionis que erant in Christo. Per primum enim modum habuit cognitionem, ut Deus; per secundum, ut homo; per tertium, ut viator; per quartum, ut illu- minator; per quintum, ut comprehensor.

Christus secundum utramque naturam dicitur *tua*, quia secundum divinitatem illuminat intus animam, et secundum humanitatem informat exteriorum vitam : et hoc tripliciter, scilicet miraculis, prædicationibus, et exemplis. Primum est potentiae; secundum, sapientie; tertium, bonitatis. Nota praeterea, quod scientia Christi hominis limpida est inter scientias creatas, quia nihil habet admixtum de suo contrario, vel actu, vel potentia, præsertim cum non pos- sit aliquid ignorare propter sui unionem ad Verbum : et tamen, quia anima Christi creatura est, non est scientia ejus ita limpida sicut Dei, quamvis sciat omnia que scit Deus. Quod dici- tur⁴: *Jesus proficiebat sapientiam et atate coram Deo et hominibus*, non est intelligendum quod in se proficerit, quia ab instanti conceptionis sapientia plenus fuit; sed potius in aliis, qui doctrina sua et exemplo profecerunt, et hoc *coram Deo*, id est, ad gloriam Dei; et *homini- bus*, id est, ad utilitatem hominum. Proficiebat tamen Jesus etiam in se cognitione experimen- tali et sensuali, quia, secundum Apostolum⁵, *Didicit ex his, quae passus est, obedientiam.*

CAPUT XVI.

De merito Christi.

Simil fuit Christus viator et comprehensor ab instanti conceptionis suæ: ex tunc enim cœ- pit mereri et frui. Meruit autem in quantum

viator, non in quantum comprehensor. Perfec- tio autem et plenitudo meriti Christi notatur in istis.

Primo, quantum ad eum qui merebatur, quia non tantum erat homo, sed etiam Deus.

Secundo, quantum ad tempus quo merebatur, quia ab instanti conceptionis suæ usque ad horam mortis.

Tertio, quantum ad id, per quod merebatur, quia per habitum perfectissimæ charitatis, et per exercitium perfectissimæ virtutis.

Quarto, quantum ad eum cui merebatur, quia non tantum sibi, sed etiam nobis. Omnibus enim operibus suis, quæ procedebant ex libero arbitrio, meruit sibi vitam æternam jam habi- tam, et nobis habendam.

Quinto, quantum ad id quod merebatur no- bis, quia veniam, gratiam, et gloriam, stolam quoque carnis, et apertio nem januae celestis. Ante incarnationem Christi diabolus habuit manum attrahentem, et manum impellentem : attrahentem dico potenter in culpam; impel- lentem autem sine obstaculo ad limbum in pœ- nam. Sed Christus primam manum suo merito debilitavit; secundam vero penitus amputavit. Igitur in merito Christi radicata sunt omnia merita nostra, sive satisfactoria pœnæ, sive meritoria vita æterna, quia nec ab offensa Creatoris digni sumus absolví, nec immensitatē præmii, quod Deus est, digni sumus asse- qui, nisi per meritum hominis Dei.

Sexto, quantum ad id quod merebatur sibi, quia licet non merceretur glorificationem mentis, quam jam habebat, meruit tamen sibi per hu- militatem passionis accelerationem resurrectionis, glorificationem sui nominis, et dignitatem judicaria potestatis, sicut ait Apostolus⁶: *Chris- tus factus est pro nobis obediens usque ad mor- tem*, et sequitur: *Propter quod et Deus exaltavit illum, quoad primum; et dedit illi nomen, etc., quoad secundum; ut in nomine Jesu omne genu flectatur, quoad tertium.*

Septimo, quantum ad modum quo mercha- tur. Dicitur enim mereri quis tripliciter, scilicet de indebito faciendo debitum, vel de debito magis debitum, vel de debito uno modo, facien- do debitum alio modo. Primo, vel secundo modo, meruit nobis, et non sibi, quia non po- terat facere sibi de indebito debitum, vel de debito magis debitum, cum a principio fuerit sanctissimus, nec in sanctitate proficere potue- rit. Tertio vero modo meruit sibi, quia bonum

⁴ *Luc.*, 11, 52. — ⁵ *Hebr.*, v, 8. — ⁶ *Philip.*, 11, 8, 9.

gloriæ, quod sibi fuit debitum per gratiam unionis, fecit sibi debitum alio modo, scilicet per meritum bonaæ operationis: meruit enim sibi vitam æternam jam habitam, sicut nobis habendam.

CAPUT XVII.

De voluntate Christi.

Voluntas in Christo duplex fuit, scilicet creatæ, et increatae. De voluntate increata supra libro primo¹ dictum est; sed creata voluntas ejus duplex fuit, scilicet rationis, et sensualitatis. Adhuc voluntas rationis duplex est, scilicet rationis, ut ratio est; et rationis, ut natura est. Voluntate rationis, ut ratio est, conformavit se in omnibus voluntati increatae, sed voluntate rationis, ut natura est, et voluntate sensualitatis, voluit aliquid proprium, quod noluit voluntate rationis, ut ratio est, scilicet non mori: et in hoc istæ voluntates non fuerunt sibi contrariae, licet volita contraria fuerint, quoniam secundum voluntatem divinam Christus quod justum erat voluit, sed voluntati rationis justæ consensit; secundum vero voluntatem carnis penam recusavit: et sic unaquæque voluntas quod suum erat tenuit, scilicet voluntas divina justitiam, voluntas rationis obedientiam, voluntas carnis naturam, id est, penæ recusationem. Unde patet quod aliquid velle est illicitum rationi, quod non est illicitum sensualitati, sicut fuit in Christo velle non mori. Quamvis autem voluntas non moriendo fuerit causaliter a sensualitate, fuit tamen occasionaliter a ratione; quia Christus, sicut voluit, fecit aliquid horribile venire in imaginationem et aestimationem, quo facto naturaliter mortem refugit. Hoc autem voluit propter nostram instructionem: et sic ratio pro sensualitate adovacavit dicens²: *Pater, si fieri potest, transeat a me calix iste*: et haec petitio fuit tam sensualitatis, quam rationis; sed sensualitatis fuit tanquam affectantis, rationis autem tanquam propontis: et hoc Christus fieri voluit ad triplicem instructionem nostram. Prima est, ut sciamus non esse peccatum aliquid velle ex sensualitate, quod est contrarium divinas voluntati. Secunda est, ut martyres Christi non desperent, si mortem horreant, cum illam etiam Filius Dei horruerit. Tertia est, ut discamus discrete pe-

tere, scilicet supponendo voluntatem nostram voluntati divinae: et hoc notatur in conditione apposita: *Si fieri potest, et ibi: Verumtamen non sicut ego volo.*

CAPUT XVIII.

De defectibus, quos Christus assumpsit.

Non solum Christus assumpsit humanam naturam, sed etiam defectus circa naturam, quos videlicet ipsum decuit assumere: unde cum pœnæ sint exercitativæ virtutis perfectæ, et testificativæ humane nature, non simulate assumpsit pœnalites tam corporales, quam spirituales, qua respiciunt nostram naturam in communi, sicut famem et siti in absentia alimenti, tristitiam et dolorem in presentia documenti, et hujusmodi, ut est calor, frigus, lassitudo, etc. Nec omnes defectus corporales assumpsit, sicut sunt defectus ægritudinum multiformium; nec omnes defectus spirituales, sicut sunt peccatum, ignorancia, rebellio carnis ad spiritum. Praeterea, quis nullus innocens debet invitus pœnam sustinere, cum hoc esset contra ordinem divinæ justitiae, Christus sic pœnalites suscepit, ut tamen pati non posset invite, quia passio sua nec fuit contra ordinem divinæ voluntatis, nec contra ordinem rationis, licet fuerit contra voluntatem sensualitatis et carnis. Dicimus etiam quod Christus vere timuit, et vere doluit, et vere tristis fuit, prout ista notant propassionem, non secundum quod significant passionem. Differt autem propassio a passione, quia tunc affectio dicitur propassio, quando anima sic afficitur, quod oculum mentis nequaquam turbat; passio vero dicitur, quando ita fortis est, quod oculum mentis turbat, et facit a rectitudine, vel a Dei contemplatione deviare, et tunc ratio læditur et patitur: unde differunt ista duo, sicut dispositio et habitus.

CAPUT XIX.

De passione Christi.

Circa passionem Domini commendamus in opere patientiam insuperabilem, in modo humilitatem admirabilem, in causa charitatem inestimabilem. Circa opus nota quod Christus sustinuit in tactu clavorum asperitatem, in auditu opprobriorum confusione, in odoratu sputorum fœditatem, in gustu aceti et fellis

¹ Vid. sup., lib. I, c. xxxii, p. 85 et seq. — ² Matth., xxvi, 39.

amaritudinem, in oculis lacrymarum effusio-nem, in corde timorem.

De modo patiendi, hoc tenendum est, quod Christus passus est passione generali, quia se-cundum omnia membra corporis¹: *Vidimus eum non habentem speciem neque decorem.* Item passione acerba²: *O vos omnes qui transitis per viam*, etc. Fuit Christi passio maxima: tum ratione intentionis, propter optimam dispositionem ipsius patientis; tum propter innocentiam ejus; tum propter honoris ejus excellen-tiam. Honorabilis enim, si confunditur, plus læditur, et præcipue inter suos. Item gravis fuit ejus passio propter ipsius virtusitatem, quia homo vilis de morte sua dolere non debet, cum turpitudine sua tunc fincm capiat. Item propter ignominiosam passionem³: *Vidimus eum despctum*, etc. Haec autem ignominia at-tenditur in patibulo crucis, quæ fuit supplicium pessimum; et in consortio iniquorum, scilicet latronum cum quibus erat deputatus. Curat autem Christus passione generali infectionem universalem; passione acerba, libidinem; pas-sione ignominiosa, superbie presumptionem.

In causa passionis attenditur charitas maxi-ma, qua nos liberavit a peccato; (*a*) renovavit, gratiam largiendo; qua cœlum aperuit, glo-riam conferendo. Haec tria notantur in titulo crucis: nam propter primum dicitur *Jesus*; propter secundum dicitur *Nazarenus*; propter tertium, *Rex Iudeorun.*

Christus sex vicibus sanguinem suum fudit, quinques vivus, et semel mortuus, scilicet in circumcisione, in oratione, in coronatione, in flagellatione, in crucifixione, in lanceatione. Per primum docemur peccata abiecire; per se-cundum, mentis angustiam pro salute nostra tenere; per tertium, animam nostram virtuti-bus ornare; per quartum, carnem nostram domare; per quintum, membra nostra mandatis Dei ligare; per sextum, vulneratum cor Dei amore habere. Postremo, quia iste passiones non attingebant in Christo divinam naturam, sed humanam; ideo in morte Christi facta est divisio animæ sic a carne, ut tamen salva esset unio tam carnis, quam animæ, cum divinitate. Hoc etiam sciendum est, quod Christus si passus non fuisset, tamen senio defecisset,

quantum pertinebat ad conditionem humanæ naturæ in se consideratæ sine unione; sed in potestate naturæ unite fuit, vel sic deficere, vel non deficere.

CAPUT XX.

De effectu passionis Christi.

Effectus passionis Christi multiplex est, sicut patet in his versibus:

Passio debilitat, spoliat, informat, honorat,
Excitat, inflamat, reparat, pacem dat, et armat,
Sanat, vivificat, ducit, dulcorat, obumbrat,
A culpa revocat, reserat, illuminat, ornat.

Primo, passio Christi debilitat virtutem dæ-monum⁴: *Quasi in hamo capiat Leviathan.* Spoliat infernum⁵: *Voca nomen ejus : Spolia detrahe.* Informat per exemplum⁶: *Christus passus est pro nobis, vobis relinquens exemplum*: unde Christus est quasi liber positus in pulpito crucis, ut discamus obedientiam, patientiam, humili-tatem et charitatem. Disce autem specialiter quomodo se habuit in capitulo, quando tene-batur: unde Bernardus: « Stetit Jesus coram preside inclinato capite, vultu placido, ser-mone raro, voce submissa, deflexis in terram aspectibus, paratus ad opprobria, et ad verbera promptus. » Honorat imitatores suos⁷: *Sic ho-norabitus quem rex voluerit honorare.* Excitat ad pugnam spiritualem⁸: *Ostenderunt elephanticus sanguinem.* Inflammat ad diligendum; Bernar-dus: « Super omnia te mibi reddit amabilem, bone Jesu, calix quem bibisti, opus redemp-tionis nostræ. » Reparat naturam angelicam: Ipse enim Christus est⁹ lapis angularis, qui¹⁰ fecit utraque unum. Pacem dat inter Deum et hominem, et inter angelum et hominem¹¹: *In tempore tracundia factus est reconciliatio.* Armat contra mundum, carnem et diabolum: unde significatur per clypeum¹² quem levavit contra Hai. Sanat mentis vulnera¹³: *Aspicientes in serpentem æneum, sanabantur. Vivificat spiri-tualiter;* Apostolus¹⁴: *Cum essenuis mortui poccatis, convivificavit*, etc. Augustinus: « Mortuus est unicus, ne maneret unicus. » Dicit per mare hujus mundi; (*b*)¹⁵ de virga Moysi. Dulcorat; (*b*)¹⁶ de ligno missò in aquas Marath. Obumbrat¹⁷: *Sub umbra illius, quem desideraveram, sedi.* A

¹ Isa., LIII, 2. — ² Thren., I, 14. — ³ Isa., LIII, 3. —

⁴ Job, XL, 19. — ⁵ Isa., VIII, 1. — ⁶ I Petr., II, 21. —

⁷ Esth., VI, 9. — ⁸ I Mach., VI, 34. — ⁹ I Petr., II, 6.

(*a*) Suppl. qua nos. — (*b*) Suppl. I. vid.

— ¹⁰ Ephes., II, 14. — ¹¹ Eccli., XLIV, 17. — ¹² Jos., VIII, 19. — ¹³ Num., XXI, 9. — ¹⁴ Ephes., II, 5. — ¹⁵ Exod., XIV, 16. — ¹⁶ Exod., XV, 25. — ¹⁷ Cant., II, 3.

culpa revocat¹: *Attritus est propter scelera nostra. Reserat cælum²: Dabis clavem David, id est, crucem, super humerum ejus. Illuminat; unde crux est quasi candelabrum tabernaculi. Item illuminatus est³ per fel piscis. Ornat; unde dixit beata Agnes: « Et sanguis ejus ornavit genas meas. » Christus passione sua vicit dia-bolum, quem ligavit; infernum, quem spoliavit; mortem, quam superavit; mundum, quem contempsit; supplicium, quod pertulit; cælum, quod aperuit.*

Passio Christi tollit septem (*a*) vitia capitalia. Tollit enim superbiam capitatis inclinatio, per quam videbatur titulum crucis fugere, in quo scriptum erat⁴: *Rex Iudeorum*; invidiam, brachiorum extensio, quasi ad amplexum invitans; avaritiam, multorum erogatio, quæ in passione tradidit. Bernardus: « *Disce, Christiane, quantum debebas diligere Christum, qui dedit nobis carnem suam in cibum, sanguinem suum in potum, animam in pretium, aquam lateris in lavacrum, vestem crucifixoribus, corpus discipulis, matrem Joanni.* » Acediam, festinatio ad passionem; iram, mollis responsio; gulam, fellis et aceti potatio; luxuriam, lateris vulneratio.

In redemptione nostra fuit gratia mirabilis. Primo, ex parte motivi, quia charitas Dei vidit quod nec per amicos, nec per pretium poteramus nos redimere: propterea fratrem nostrum se fecit, nostram naturam assumendo; et pretium dedit, sanguinem suum pro nobis fundendo. *Redime me, Domine, et miserere mei, quia unicus, id est non habens amicos, et pauper, id est non habens pretium, sum ego.* Secundo, ex parte redimentis, qui cum liberare nos posset ex potentia, feci hoc potius ex misericordia, ut ad amorem suum nos adstringeret, et justitiae sue satisfacceret. Tertio, ex parte redempti, qui oprimebatur criminum servitute, et definiebatur in carcere. *Sed contra primum, magnum erat quod Filius servus fieret, et servus fieret liber.* Contra secundum, magnum fuit quod Dominus ad carcerem limbi descederet, ut servus exiens cælum ascenderet. Quarto, ex parte justitiae, quia nulla justitia dictabat, ut innocens puniretur pro reo. Quinto, ex parte excellentiae divinæ, quia mirum erat, quod impre-tiabile ponebatur sub prelio vilis creaturæ. Sexto, ex parte pretii dati: si enim redemisset

¹ Isa., LIII, 5. — ² Isa., XXII, 22. — ³ Tob., XI, 13. — ⁴ Matth., XXVII, 37. — ⁵ Psal. XXV, 41. — ⁶ Joan.,

nos solum, adhuc ad gratias teneremur; nunc autem redemit nos anima, corpore, et vita, ut nihil horum sibi subtraheremus.

Circa passionem Domini nota septem suavitates, scilicet: 1. capitatis inclinationem ad osculum, in signum nostra reconciliationis; 2. brachiorum extensionem ad amplexum, in signum receptionis in gratiam de peccato redeuntis; 3. lateris apertione, propter effusionem pretii nostre redemptionis et abolutionis: *Exiit enim sanguis et aqua;* 4. clavorum in manibus et pedibus infixionem, propter memoriam nostra recordationis⁷: *Nunquid oblivisci potest mulier infantem suum?* 5. corporis denudationem, in exemplum nostræ confessionis, quæ scilicet debet esse nuda; 6. crucis portationem, in exemplum nostræ imitationis; 7. coronæ spineæ impositionem, in figuram nostræ glorificationis.

De effectu passionis Domini, ait Augustinus: « Per redemptoris nostri mortem de tenebris ad lucem, de morte ad vitam, de corruptione ad incorruptionem, de exilio ad patriam, de luctu ad gaudium, de terris ad coeleste regnum vocati sumus. » Item dicit Augustinus quod Christus fuit sacerdos, per quem reconciliati sumus; fuit templum, in quo reconciliati sumus; fuit Deus, cui reconciliati sumus.

Christus fuit mediator populi iudaici et gentilis, et secundum hoc dicitur *lapis angularis*. Item hominum et angelorum; et secundum hoc dicitur *pacificus*. Item Dei et hominum; et secundum hoc dicitur *Redemptor*. Bernardus⁸: « Quid ultra debuit facere, et non fecit? Absoluit vincutum, illuminavit cæcum, reduxit erro-neum, reconciliavit reum. » Item Augustinus: « Ecce pro impio pietas flagellatur, pro stulto sapientia illuditur, pro mendace veritas negatur, pro iniquo damnatur justitia, pro crudeli misericordia affligitur, pro misero miserato repellitur, sinceritas acetō inebriatur, dulcedo felle amaricatur, pro mortuo vita moriatur.

Christus pro nostra infirmitate medicinas accepit in se. Curavit enim nos per diætam, quando⁹ *jejunavit quadraginta diebus*, etc. Per sudorem, quando¹⁰ *factus est sudor ejus sicut guttae sanguinis*. Per minutionem, quando fuit clavis et lancea vulneratus. Per potionem, quando gustavit¹¹ acetum cum felle mixtum.

xix, 34. — ⁷ Isa., XLIX, 15. — ⁸ Bern., in *Cant.*, serm. XXII, circa fin. — ⁹ Matth., IV, 2. — ¹⁰ Luc., XXII, 44. — ¹¹ Luc., XXIII, 36. — (a) *E lit. Ven.* semper.

Per emplastrum, quando ejus facies fuit sputis illita. Per electuarium, quando corpus et sanguinem dedit in cena discipulis.

CAPUT XXXI.

De cruce Domini.

In cruce Christi notantur haec : 1. supplicium, quo nullum majus¹ : *O vos omnes qui transitis per viam*, etc. Nullum majus dico ex eo quod passus est ipse² *justus pro injustis*, ab injustis, cum injustis, ex injustis causis, sub injustis judicibus, et injustis poenis. 2. Opprobrium, quo nullum vilius³ : *Morte turpissima condemnemus eum*. 3. Pretium, quo nullum convenientius, quia sicut per lignum venit culpa, sic et per lignum redemptio. 4. Mysterium, quo nullum profundius⁴ : *Ut possitis comprehendere cum omnibus sanctis*, etc.: quod exposuit Augustinus de cruce. 5. Exemplum, quo nullum perfectius⁵ : *Christus passus est pro nobis*, etc.

Crux multis rebus comparatur. Ipsa enim est clavis cœli; vectis arcæ; navis maris; arbor Danielis; palma fructuum; ferculum Salomonis; baculus Jacob, quo transvit Jordanem; speculum imitationis; scala ascensionis; hamus, quo Leviathan capit; torcular, quo Christi sanguis exprimitur; cithara, qua daemon Saulis compescitur; palus, in quo serpens aeneus suspenditur; thau, quo frontes fideliū signantur; candelabrum, quo tabernaculum illuminatur; lignum aquas Marath dulcorans; virga Moysi per Mare Rubrum populum Dei ducens; gladius impium Goliam decapitans; vexillum ad pugnam spiritualem colligens; cathedra discipulos Christi erudiens; equus Dei amicos honorans; clypeus Josue Itai impugnans; liber mysteria profunda continens; altare acceptissimam oblationem recipiens.

Septem verba Christus in cruce protulit. Primum⁶ : *Pater, ignosce (a) illis*. Secundum⁷ : *Hodie mecum eris in paradiſo*. Tertium⁸ : *Mulier, ecce filius tuus*. Quartum⁹ : *Sitio*. Quintum¹⁰ : *Eli, Eli, Lammasabuthani*. Sextum¹¹ *Pater, in manus tuas commendō spiritum meum*. Septimum¹² : *Consummatum est*. Per primum docebuntur injurias dimittere; per secundum, petentes exaudire; per tertium, parentes honorare;

per quartum, salutem nostram desiderare; per quintum, ad Deum in necessitatibus clamare; per sextum, auxilium nostrum in Deo ponere; per septimum, vitam nostram fine debito consummare.

Quatuor brachia crucis significant quatuor virtutes quibus extendi debet homo noster interior. Signat enim pars superior charitatem; inferior, humilitatem; a dextris, obedientiam; a sinistris, patientiam. Item in quatuor brachiis crucis notantur beneficia crucis: signat enim pars superior januæ cœlestis apertione; inferior, inferni destructionem; a dextris, gratiæ collationem; a sinistris, peccatorum remissionem. Quatuor ligna fuerunt in cruce, sicut dicit Magister in historia: pes namque crucis fuit de cedro; stipes, de cypresso; transversale, de palma; tabula, de oliva. Versus :

Crux Domini palma, cedrus, cypressus, oliva.

Significat enim cedrus altitudinem contemplationis; cypressus, famam bonæ opinionis; palma, fructum justitiae; oliva, lenitatem misericordie.

CAPUT XXII.

De descensu Christi ad inferos.

Anima Christi post mortem descendit ad infernum, sive ad limbum, ad liberationem eorum, qui Christi membra existentes, de hoc seculo transierunt. Diabolus enim dum manus in eum extendit, in quo nihil juris habebat, merito in aliis amisit potestatem.

Alia causa quare Christus ad inferos descendit, est ut tantus esset descensus, quantus fuerat liberandorum casus. Primus enim homo sic in statera liberi arbitrii positus fuerat, ut posset ad vitam æternam ascendere, vel ad mortem descendere, prout vellet. Sed peccato peracto sic alterum brachium stateræ per onus culpæ depresso est, ut esset in imo inferni, alterum vero in summo cœli. Non autem ascenderet brachium depresso, nisi descenderet brachium aliud. Descendit ergo Dominus usque ad infernum, ut hominem captivum elevaret usque ad cœlum.

Tertia ratio quare Christus descendit ad infernum, est ut, sicut vivus fuerat lumen mundi

¹ Thren., I, 14. — ² I Petr., III, 18. — ³ Sap., II, 20. — ⁴ Ephes., III, 16. — ⁵ I Petr., II, 21. — ⁶ Luc., XXIII, 34. — ⁷ Ibid., 43. — ⁸ Joan., XIX, 26. — ⁹ Ibid.,

¹⁰ Matth., XXVII, 46. — ¹¹ Luc., XXIII, 46. — ¹² Joan., XIX, 30.

(u) Vulg. dimittit.

per presentiam corporalem, ita mortuus esset inferni lumen per divinitatis majestatem.

Quarta ratio est, ut hoc idem Christus exqueretur per efficaciam, quod passione sua meruerat secundum sufficientiam. Duo quippe meruit per suam passionem, scilicet satisfactionem, et janue apertione: et ideo bœc duo effecti in descensu suo ad inferos: quia per satisfactionem soluta sunt vincula captivitatis; per apertione autem januae, facta est illuminatio ipsius carceris, etiam secundum lucem exteriorum.

Liberavit autem Christus omnes illos qui meriti sui capaces esse poterant, sicut fuerunt sancti patres, qui non propter reatum personæ, sed propter reatum naturæ detinebantur. Damnati autem hujus meriti capaces non sunt, neque parvuli in limbo detenti, quia de corpore Christi non sunt nec per fidem, nec per fide sacramentum.

Dicendum est quod anima Christi per triduum mortis sue cum sanctis patribus in limbo fuit; ibidem fuit et latro, cui Dominus dixit¹: *Hodie tecum eris in paradiſo*: quia nomine paradisi intelligitur Dei fructus, quia peracta Dei passio, tam ipse latro, quam alii qui erant in limbo, viderunt Deum per essentiam.

Ad quem autem infernum Christus descendit, si scire volueris, nota quod infernus sumitur duplice, scilicet pro pena, et pro loco penæ. Secundum primum modum dicitur, quod dæmones infernum secum portant semper. Item, prout infernus sumitur pro loco penæ, quadrupliciter distinguitur. Unus est infernus damnatorum, in quo est pena sensus et damni, ac tenebræ interiores et exteriores, id est, absentia gratiæ: ista semper habet luctum. Super hunc est limbis puerorum, ubi est pena damni, et non sensus: et sunt ibi tenebrae exteriores et interiores. Supra hunc locum est purgatorium, in quo est pena sensus et damni ad tempus: et sunt ibi tenebrae exteriores, et non interiores, quia per gratiam habent lucem interiorem, quia vident se esse salvandos. Supremus locus inter haec est limbus sanctorum patrum, ubi fuit pena damni, et non sensus: et fuerunt ibi tenebrae exteriores, et non tenebrae privationis gratiæ. Ad hunc locum Christus descendit, ac suos inde liberavit: et sic infernum momordit, quia partem abstulit, et partem

relinquit; mortem vero quoad electos Deus penitus destruxit, sicut dicitur²: *O mors, ero mors tua; ero mors tuus, o inferne*. Ille quoque locus sinus Abrahæ dicebatur, quia ibi Abraham fuit. Sed nunc celum empyreum dicitur sinus Abrahæ, quia jam est ibi Abraham. A nullo prædictor locorum est transitus ad alium, nisi quod olim a tertio ad quartum, hoc est, a purgatorio ad limbum sanctorum patrum. Ex jam dietis patet, quare cantamus: *Libera animas omnium fidelium defunctorum de penis inferni, et de profundo lacu*: quia infernus ibi sumitur pro purgatorio, sicut et ibi sumitur pro limbo, quando dicitur Christus ad inferos descendisse, vel infernum destruisse.

Ex predictis collige, quod Christus mortuus est in corpore, descendit ad inferos in anima, et surrexit in utroque. Dicendum est etiam quod Christus illo triduo totus fuit in sepulchro, sed non totum; totus fuit in inferno, sed non totum: quia totus dicit personam, totum vero substantiam et naturam. Similiter dicendum quod cum unio anime cum corpore faciat hominem, Christus in illo triduo non fuit homo, licet anima et caro unita tunc essent cum Verbo.

CAPUT XXIII.

De resurrectione Christi.

Christus resurrexit tercia die a mortuis, resumendo corpus non tale quale prius habuit, sed impassibile et immortale. Caro enim Christi, qua in nativitate floruit, in passione aruit, per gloriam resurrectionis refloruit, et renovata est *ut aquila*³ juventus Christi: tunc leo catulum suum suscitavit: tunc phoenix revixit: tunc, sicut dicit Hieremias⁴, figulus ex eodem luto fracti vasis fecit vas aliud, sicut placuit in oculis ejus. Tunc Jonas de ventre ceti illæsus exivit: tunc vestitum est candelabrum auro: tunc suscitatum est tabernaculum David, quod cecidit: tunc refulsit sol, qui prius erat in nubilo: tunc vivificatum est granum frumenti, quod cadens in terram mortuum fuerat: tunc cervus resumpsit cornua: tunc Samson tulit portas cum postibus: tunc Joseph eductus de carcere tendetur, et constituitur dominus Ægypti: tunc concissus saccus⁵ circumdatur lætitia. Dominus probavit resurrectionem suam esse veram per angelos, qui non mentiuntur⁶: *Respondens au-*

¹ *Luc.*, xxiii, 43. — ² *Ose*, xiii, 14. — ³ *Psal.* cii, 5.

— ⁴ *Jereu.*, xviii, 4. — ⁵ *Psal.* xxix, 12. — ⁶ *Matth.*, xxviii, 5.

tem Angelus dixit mulieribus, etc. Item per imicos, quorum validissimum est testimonium¹: Ecce quidam de custodibus venerunt in civitatem, et nuntiaverunt principibus sacerdotum, etc. Item probavit eam non arte magica factam, et hoc per comedionem. Item, non esse phantastici corporis, et hoc per tactum. Item probavit in eodem corpore, quo passus est, factam, et hoc per ostensionem cicatricum. Item probavit eam fuisse in corpore glorificato unito deitati, et hoc per ingressum in domum januis clausis. Item probavit eam multis apparitionibus: apparuit enim ipsa die resurrectionis quinque: primo, Marie Magdalena²: *Mulier, quid ploras?* Secundo, mulieribus redeunibus a monumento. Tertio, Petro; sed non invenitur modus. Quartu, duobus discipulis cunctibus Emmaus. Quinto, discipulis congregatis propter metum Iudeorum, januis clausis, quando Thomas non fuit cum eis. Item apparuit inter resurrectionem et ascensionem quinque, scilicet primo Thomae cum aliis; secundo, discipulis piscantibus ad mare Tiberiadis; tertio, discipulis in monte Tabor; quarto, in Hierusalem; quinto, quando comedit cum discipulis.

Multis de causis surrexit Dominus. 1. Ut Scripturas impleret; quando enim Dominus dixit: *Ecce ascendimus Hierosolymam*, etc., subjunxit: *Et die tertia resurget*. 2. Ut nos ad surgendum spiritualiter provocaret, quia turpe est ut sedeat servus, quando coram eo surgit Dominus. 3. Ut futuram resurrectionem esse probaret. 4. Ut potentiam sue divinitatis ostenderet, quia mortuos suscitare non est opus naturæ, sed potentie divinæ: non est enim regressus a privatione ad habitum. 5. Ut nos ad contemnenda terrena pro adipiscenda tali gloria animaret. Surrexit Christus velociter, quia tertia die. Nam sicut januis clausis ad discipulos intravit, et sicut salva virginitate de utero matris exivit, sic eum mortuum, nec petra in qua jacuit, nec militum custodia potuit retinere. 2. Integraliter, quia in corpore et anima. 3. Socialiter, quia multa corpora sanctorum, qui dormierant, surrexerunt. 4. Eternaliter; Apostolus³: *Christus resurgens ex mortuis jam non, etc.* Similiter surgendum est nobis spiritualiter, sicut eidem modis resurgemus die iudicii corporaliter. Resurrectio Christi est causa et figura nostræ resurrectionis spiritualis. Causam dico

motivam, et hoc duplicitate, quia causa motiva est 1. in comparatione nostri: dum enim consideramus gloriam resurrectionis Christi, moverum ad surgendum in novitate vite. 2. Item causa motiva est in consideratione Dei Patris: quoniam Pater dans resurrectionem Filio, moveretur ad dandam eamdem gloriam fratribus suis, sicut rex quando facit filium suum militem, moveretur amore filii, ut cum eo faciat multos milites. Figura vero fuit, quia⁴ sicut Christus surrexit in novitate vite, ita et nos in novitate vite ambulemus. Item, sicut diem resurrectionis Christi praecessit dies mortis in paraseve, et dies quietis in sabbato sequenti, ita gloriam resurrectionis nostræ precedeat in nobis mortificatio membrorum et vitiorum, et quies contemplationis æternorum. Nota quod sicut duplex est mors, scilicet anime per culpam, et corporis per extinctionem, ita duplex est resurrectio, scilicet anima per gratiam, et corporis per gloriam. Et sicut animæ mors causavit mortem corporis, sicut habetur in Genesi⁵; ita e converso resurrectio animæ causabit resurrectionem corporis gloriosam. Sciendum autem quod quidam suscitantur ficte, sicut Samuel, qui licet vere Sauli apparuerit, ut habetur in libro Regum⁶, non tamen vere resuscitatus fuit, ut quidam dicunt; quidam imperfecte, sicut Lazarus⁷ iterum moriturus; quidam perfecte, sicut Christus semper victurus. Prima resuscitatio significat conversionem sive pœnitentiam hypocritarum; secunda, recidivantium; tertia, perseverantium.

CAPUT XXIV.

De ascensione Christi.

Differentia est inter ascensionem et assumptionem, et evolutionem: quoniam ascensio pertinet ad Christum; assumptio, ad beatam Virginem; evolatio autem, ad alios sanctos. Etratio hujus est, quoniam ascensio fit propria virtute ascendentis; assumptio autem, virtute Christi assumentis, quia filius specialiter obsequitur matri; evolatio vero fit ministerio angelorum. Alia est differentia, quia locus evolantium est distinctio chororum; locus vero assumptionis Virginis est super choros angelorum; locus vero Christi ascendentis est supra vel ultra locum assumptionis Virginis.

¹ Matth., xxviii, 11.—² Joan., xx, 13.—³ Luc., xviii,
⁴ Rom., vi, 9.—⁵ Ibid., 4.—⁶ Gen., iii, 19.—
⁷ Reg., xxviii, 12.—⁸ Joan., xi, 44.

¹ Matth., xxviii, 11.—² Joan., xx, 13.—³ Luc., xviii,

Circa ascensionem Christi octo sunt consideranda, quæ circumstant ascensionem, et colliguntur ex officio de Ascensione. Primum est, quod scilicet *elevatus est videntibus*¹ omnibus discipulis, ut desiderium veniendi ad ipsum excitaretur in eis. Secundum est, quod² *nubes suscepit eum ab oculis eorum*: per umbram nubis figuratur, quod in hoc mortali corpore *Iesum* in alto videre non possumus. Tertium est, quod³ *elevatis manibus ferebatur in cælum*: elevavit autem manus propter duo, scilicet ut suos Patri offerret, et ut inimicos alte retracta manu percenteret. Quartum est, quod *benedixit eis*, ut eos contra hostem muniret, et bonis coelestibus augeret. Quintum est, quod ascendit⁴ in *jubilatione*, quod refertur ad vocem iucunditatis redemptorum asecentium cum ipso, qui prius voce lacrymabilis in portis inferni clamaverunt: Advenisti, desiderabilis, quem expectabamus in tenebris. Sextum est, quod ascendit⁵ in *voce tubæ*, quod refertur ad sonum predicationis apostolorum, qui sonus fuit eis injunctus, dicente Domino⁶: *Euntes in mundum universum, predicate Evangelium omni creature*, etc. Ex tunc enim⁷ in *omnem terram exivit sonus eorum*. Septimum est, quod⁸ *ascendens in altum captivam duxit captivitatem*, id est, captivos captitate inferni, quos secum vicit captivos eduxit. Octavum est, quod⁹ *dedit dona hominibus*: quia omnia bona nostra desursum sunt, quo Christus ascendit. Horum prima duo habentur ex *Actibus*, sed tertium et quartum ex fine *Evangelii* secundum Lucam, quintum et sextum ex Psalmista; item septimum et octavum ex *Psalmis*.

Ascendit Christus regressus ad cœlum multipliciter, scilicet: tanquam obediens completa obedientia, quoad Patrem; tanquam bonus mediator facta pace et concordia, quoad homines; tanquam strenuus propugnator, contra daemos. Ascendit Christus pluribus de causis, scilicet: ad quiescendum post labores, quibus fatigatus fuit tringita tribus annis nobis seriens; ad intercedendum pro amicis, pro quibus utiliter laboravit. Bernardus: « Securum accessum habes, o homo, ad Deum, ubi habes Filium mediatorem, et matrem interventricem. Filius ostendit Patri latus et vulnera: mater ostendit pectus et ubera. Ibi nulla potest esse

¹ *Act.*, 1, 9. — ² *Ibid.* — ³ *Luc.*, XXIV, 50. — ⁴ *Ibid.* — ⁵ *Psal.* XLVI, 6. — ⁶ *Ibid.* — ⁷ *Marc.*, XVI, 14. — ⁸ *Psal.* XVIII, 5. — ⁹ *Ephes.*, IV, 8; *Psal.* LXVII, 19. —

repulsa, ubi tot concurrunt amoris insignia. Christus ergo optimus advocatus est: quia tot habet linguis pro nobis loquentes, quot vulnera pro nobis accepit. » Ad conquerendum de inimicis, pro quibus vires suas inutiliter expendit¹⁰: *In vacuum laboravi*. Item ascendit Christus, ut nobis locum præpararet¹¹: *Vado vobis parare locum*. Ut fiduciā in ipsum sperandi nobis tribueret, ut in corporalem possessionem æternæ hereditatis nos mitteret¹²: *Si enim non abiero, Paracletus non veniet ad vos*. Ut desiderium nostrum post se traheret¹³: *Trahe me post te*. Ut viam nobis ad cœlum ostenderet, quia, sicut dicitur in Luca¹⁴, *eduxit Dominus prius discipulos suis foras civitatem in Bethaniam*, ut ipsa eductione cognoscerent se hic non habere manentem civitatem. Quod autem in Bethaniam eduxit eos prius, quæ interpretatur *domus obedientie*, significat quod per opera obedientiae transiunt essent ad cœlestia. Post hoc fecit eos transire in montem Olivaram, ut per montem intelligatur eminentia spiritus in contemplatione, per olivas autem pinguisimi pectoris devotione. Ulterius vero post ista non restat nisi saltus animæ in cœlum.

Exaltatus autem fuit Christus tripliciter, scilicet: in terra, per vitæ meritum; super terram, per crucis suspedium; super celos, per ascensionis jubilum. Ascensio Christi fuit angelis mirabilis¹⁵: *Quis est iste, qui venit de Edom, tinctis vestibus de Bosra?* Dæmonibus terribilis¹⁶: *Non fuit tantum gaudium heri et nudiustertius, vœ nobis*. Haec sunt verba Philistinorum, quando vociferabantur filii Israel, dum adduceretur arca foederis in Silo in castra, ut per eam haberent divinum adjutorium in pælio. Hominibus salutaris, sicut supra patet de multiplice fructu ascensionis Christi.

Ascendit Christus multiplicitate, scilicet: potenter, quia elevatis manibus ferebatur in cœlum; patenter, quia videntibus illis elevatus est; gaudenter, quia ascendit in jubilatione; decenter, quia cum duabus turmis regrediebatur, scilicet hominum et angelorum. Non autem dico, quod ibi fuerint angeli in adjutorium necessitatis, sed in obsequium dignitatis. Homines quoque illos dico, quos de inferis liberavit, et qui post resurrectionem usque ad ascensionem mortui sunt de numero salvandorum, nec pur-

¹⁰ *Ibid.* — ¹¹ *Isa.*, XLIX, 4. — ¹² *Joan.*, XIV, 2. — ¹³ *Joan.*, XVI, 7. — ¹⁴ *Cant.*, I, 3. — ¹⁵ *Luc.*, XXIV, 50. — ¹⁶ *Isa.*, LXIII, 1. — ¹⁷ *I Reg.*, IV, 8.

gatorio ulterius indigentes. Clementer, quia benedixit eis.

Christus non statim post resurrectionem cœlum ascendit, triplici ratione. Prima, quia differenda erat ascensio, ut multipliciter probaretur resurrectio, ut dicitur¹: *In multis argumentis apparet eis per dies quadraginta*. Secunda est, ut patientiam nostram informaret, quia mercudem debemus æquanimiter expectare, sicut agricola non statim post seminationem metit, sed fructuum maturitatem expectat. Tertia est propter discipulorum consolationem; unde dicit Glossa: « Sieut quadraginta fuerunt horæ mortis Christi, ita quadraginta diebus cum eis conversatus est post resurrectionem, quia consolatio divina excedit tristitiam humanam. »

Nota quod Christo convenit descendere de celo tantummodo secundum divinam naturam, quia Deus illuc venire dicitur, ubi speciali effectu appetet; sed ascendere proprie ei convenit secundum humanam naturam, quia secundum illam solummodo mutat locum, non secundum divinam naturam.

CAPUT XXV.

De consessu Christi ad dexteram Dei Patris.

Ascendens Christus in cœlum, sedet ad dexteram Dei Patris omnipotentis. Duo intelliguntur per dexteram. Primum est æqualitas maiestatis, ad quam Christus sedet secundum divinitatem. De hac dextera loquitur Apostolus, dicens²: *Talem habemus pontificem, qui condidit (a) in dextera maiestatis in excelso*. Secundum est, per dexteram intelliguntur potiora bona gloriæ, in quibus Christus sedet secundum humanitatem, quoniam collatum est ei a Deo quidquid conferri potuit. Et licet ab instanti

conceptionis Christus accepit bona gratiæ et gloriæ in anima, eadem tamen bona fuerunt in ascensione manifestata, et in loci congruentia completa. De hac dextera dicitur³: *Quæ sursum sunt querite, ubi Christus est in dextera Dei sedens*; ubi dicit Glossa, quod sursum, ubi sedet Christus, sunt potiora bona gratiæ, et gloriæ. Dicimus ergo quod ascensio Christi fuit tam ad locum, quam ad dignitatem. In quantum quidem fuit ad locum, sic ascendit super omnes cœlos, id est, ad dignissimum locum cœli empyrei, sive ad altissimam ejus partem, eo quod nobilissimo Christi corpori congruit locus talis. Non tamen est dicendum quod corpus suum sit obligatum ad locum illum, sed quia locus ille sit sibi secundum congruentiam deputatus. In quantum autem fuit ad dignitatem, sic sedet ad dexteram Patris; non tamen quoad situm, qui Patri non convenit, sed quoad excellentiam duplice, sicut dictum est: quia per dexteram intelligitur vel æqualitas maiestatis, que competit Christo secundum divinitatem, vel perfectio præmii, quæ sibi competit secundum humanitatem.

Prætereundum quoque non est, quod credimus Christum ad dexteram Dei Patris sedentem, Stephanus autem vidit eum stantem a dextris Dei: quia nos credimus eum regnante et quiescentem, quod notatur in sessione; sed Stephanus in tribulatione positus habuit propugnatorem et susceptorem, unde vidit eum stantem.

Merito Christus sedere dicitur *ad dexteram Dei: sedere quidem, quia laboravit*⁴: *In laboribus (b) fui a juventute mea; ad dexteram autem, quia diu fui in sinistra adversitatis*⁵: *Afflictus sum et humiliatus sum nimis*; etc. Dei vero dicitur, quia post abjectionem merito debet consequi gloriam: quia⁶ *qui se humiliat, exaltabitur*.

¹ *Act., 1, 4.* — ² *Hebr., VIII, 1.* — ³ *Coloss., III, 1.*
^(a) Cœl. edit. consedet. — ^(b) Labore.

— ⁴ *Psal. LXXXVII, 16.* — ⁵ *Psal. XXXVII, 9.* — ⁶ *Luc., XIV, 11.*

LIBER QUINTUS

DE GRATIARUM SANCTIFICATIONE

CAPUT PRIMUM.

De virtutibus, et origine gratiae.

Quemadmodum de cælis Deus non descendit per essentiam suam incommutabilem, sed per influentiam ab ipso manantem; ita spiritus rationalis non elevatur supra se per situm localem, sed per habitum deiformem: unde necesse est spiritui rationali, si debet esse dignus aeternae beatitudinis, quod particeps fiat influentie spiritualis.

CAPUT II.

De origine virtutum et gratiae.

Ad bonum gratiae non potest quis per se venire, cum hoc non sit secundum limites naturæ, sed secundum influentiam largitatis divinæ. Sicut enim creatura pro sua defectibilitate suo principio semper eget, ut sit in esse naturæ: sic idem principium pro sua bonitate influere non cessat creature rationali vitam spiritualem, ut bene sit ei in esse gratiae, quam habere non potest sine Deo largitore. Verumtamen inexcusabilis est homo, si gratiam gratum facientem non recepit: quia gratia gratis data semper præsto est liberum arbitrium excitare et commovere, cuius est huic admonitioni consentire: et hoc est quod in se est facere, quo facto potest homo gratiam gratum facientem habere, quia hoc est ad gratiam gratum facientem se præparare. Quamvis enim gratia Dei habeatur Dei dono efficiente, non tamen sine libero arbitrio consentiente (*a*): quia, sicut ait Augustinus: « Qui creavit te sine te, non justificabit te sine te. » Igitur gratia gratum faciens a tribus est, sed aliter et aliter. Est enim a Deo efficiente, a gratia gratis data liberum arbitrium excitante et movente, et a libero arbitrio consentiente. Quamvis enim liberum arbitrium non possit gratiam efficere in homine, potest se ad

hoc habilitare et præparare, ut habeat: sicut aliquis non potest illuminare domum, potest tamen aperire fenestram, quo facto sol intrat et domum illuminat. Quod autem dico de libero arbitrio consentiente, intelligo de adultis: quia in parvulis sufficit fides, et sacramentum Ecclesiæ, et meritum Christi, et excusat impotentia sui.

Sciendum etiam quod habilitatio sive præparatio ad gratiam triplex est, scilicet efficiens, formalis et materialis. Prima est a Deo; secunda, a gratia gratis data; tertia, a nobis. Anima namque habet facultatem et instrumenta cognoscendi et diligendi Deum ex natura; sed non habet cognitionem veritatis, et ordinem dilectionis, nisi ex gratia.

Ad opera bona tria nos incitant, scilicet 1. lex naturæ, que scripta est in corde homini, dicens¹: *Qua vultis, ut faciant vobis homines, ita et vos facite*, etc. 2. Ratio, que dicit ea esse delectabilia, et utilia, et honesta. 3. Gratia, que dicit serviendum esse Deo, quia summe bonus; subveniendum proximo, quia Dei filius, quia imago Dei, quia in beatitudine socius.

Gratia non datur ei, qui se non habilitat ad gratiam: et de hoc multa habes exempla, scilicet 1. in illo, qui ad largiendum manum non extendit, quia Deus, quantum in se est², dat omnibus affluerter. 2. In illo qui contra lumen oculos claudit, cum Deus³ faciat oriri solem suum super bonos et malos. 3. In illo qui fontem recipiens, fundum vasis sursum erigit, quia Deus, sicut ait Augustinus, ingenti liberalitate atque libertatis ubertate replet omnes creaturas pro captu earum. 4. In illo qui domum suam sepit spinis, ne amicus ingrediatur: ipse vero Deus⁴ semper stat ad ostium, et pulsat. 5. In illo qui zizania non extirpat de agro suo: propter quod fructus proficeret non possunt. 6. In illo qui ligna igni subtrahit, quia tunc ignis deficit. 7. In illo qui ad sumendum cibum ne-

¹ Aug., *de verb. Apost.*, serm. xv, al. CLXIX, c. xi,
² Matth., vii, 12. — ³ Jac., i, 5. — ⁴ Matth., v, 45. — ⁵ Apoc., iii, 20. — (*a*) *Cœl. edit.* consentire.

gligit os aperire, quia talis deberet merito fame mori. 8. In illo , qui tempore pugnat arma proiecit, quia talis sœpe capitur et vulneratur. 9. In illo , qui movere negligit remos tempore tempestatis, quia talis submergitur. 10. In illo qui existens in ægritudine medico contradicet.

Gratia nobis procedit a Deo , sicut radius a sole , sicut germen a radice , sicut mel a flore , sicut rivus a fonte , sicut imago ab artifice , secundum exemplar interius , et facturam exteriū.

CAPUT III.

De distinctione gratiarum.

Gratia dicitur tripliciter. Primo generaliter, et sic gratia est adjutorium divinum creaturæ gratis impensum, et indifferenter ad quemcumque actum, quia sine hujusmodi adjutorio gratiae nihil possumus facere , imo nec in esse durare.

Secundo dicitur gratia specialiter, et talis gratia dicitur gratis data , scilicet donum , quo se homo præparat ad suscipiendum donum Spiritus sancti. Hujus enim gratiae est revocare liberum arbitrium a malo , et excitare ad bonum : sine qua nullus facit sufficienter quod in se est, ut præparet se ad salutem.

Tertio dicitur gratia proprie , scilicet donum divinitus datum ad merendum : quod quidem donum gratum faciens appellatur. Sine ista gratia nullus potest mereri , nec in bono proficere , nec ad gloriam pervenire. Ista triplex gratia sumitur ex verbis Apostoli, ubi ait¹ : *Gratia Dei sum id quod sum*, ecce prima : *Et gratia ejus in me vacua non fuit*, ecce secunda : *Sed gratia ejus semper in me manet*, ecce tertia.

Præter prædicta dicitur gratia gratis dans , scilicet Deus. Item gratia gratie signum , ut est prophetia , et potestas faciendo miracula. Gratia gratum faciens distinguitur in operantem et cooperantem. Gratia operans dicitur præveniens , et incipiens , ac liberans , quia peccatum expellit. Gratia cooperans dicitur subsequens , et perficiens , ac adjuvans , quia liberum arbitrium adjuvat , et ei cooperatur in merito.

Multipliciter distinguitur bonum. Est enim bonum per essentiam , et hoc est Deus : unde² *nemo bonus, nisi solus Deus*. Est et bonum per participationem , et illud distinguitur in bonum

gratiae , et in bonum naturæ. Unde Augustinus³ : « Omne quod est, in quantum est, bonum est. » ⁴ *Vidit Deus cuncta quæ fecerat, et erant valde bona*. Item est bonum in genere, hoc est bonum in objecto , sicut est eleemosyna : nam ibi est actus in debita materia , etiamsi desit forma circumstantiarum. Item est bonum ex circumstantia : hoc autem est quando bonum ex genere vestitur debitum circumstantiis , sicut est dare eleemosynam indigentem tempore debito , et ex compassione , et hujusmodi. Item est bonum virtutis , et hoc est quando additur operi perfectio ex parte operantis , quæ est per habitum mentis bene constitutæ. Item est bonum meritiorum , quando additur ipsi operi debiti finis intentio super motum naturalem. Item est bonum gratiae , ut est ipse habitus gratum Deo faciens. Item est bonum glorie , ut bonum remunerationis æternæ.

CAPUT IV.

De effectu gratiae.

Effectus gratiae est quod excitat liberum arbitrium ab bene cogitandum, et sanat ipsum mutando affectum , ipsumque corroborat perdendo ad actum. Item gratia hominem Deo reconciliat , a peccato liberat , et pœnam æternam in temporalem commutat. Item gratia opera nostra meritoria facit , et bona per peccatum amissa restituit , ac stabulum in palatium convertit. Item per gratiam efficitur anima sponsa Christi , filia Regis æterni , et templum Spiritus sancti. Item gratia ipsam animam purgat , illuminat et perficit. Item gratia mentem elevat , Deo assimilat , et spirituali solatio cibat.

Nota quod quamvis virtus gratuita simul insit animæ cum gratia , non tamen habet effectum suum tam citio , sicut gratia : quoniam effectus gratiae est facere gratum Deo , et facere dignum vita æterna , et hic effectus statim inest puer post baptismum ; virtutis autem effectus est , elicere actum meritorium de potentia , et hic effectus non statim inest puer post baptismum. Hoc autem non est propter defectum virtutis , sed propter importunitatem nature agentis : puer enim non est aptus ad actus voluntatis. Unde sciendum quod triple est perfectio : prima est gratiae , et causat esse gratuitum ; seunda est virtutis , et causat bonum actum ;

Ver. Relig., c. xxiii, n. 44, quoad sensum. — ⁴ Gen., 1, 31.

¹ *I Cor., xv, 18. — ² Marc., x, 18. — ³ Aug., de*

tertia est operis virtutis, et causat meritum. Prima perfectio perficit animam; secunda perficit animæ potentias; tercua perficit ipsos actus.

CAPUT V.

De virtutibus, et primo quid sit virtus.

Nunc de virtutibus est agendum, et primo quid sit virtus. *Virtus* est, ut ait Augustinus¹, bona qualitas mentis, qua bene vivitur, qua nullus male utitur, quam solus Deus in homine operatur. Hæc diffinitio datur in comparatione ad agentem. Item, secundum Augustinum²: « *Virtus* est habitus mentis bene constitute; » et hæc datur in comparatione ad bonum, in quo est. Item dicit Philosophus³: « *Virtus* est habitus voluntarius, in mediocritate consistens quoad nos, determinata (a) ratione, prout sapiens determinavit. » Hæc diffinitio datur in comparatione ad actum circa quem est. Item Philosophus⁴: « *Virtus* est dispositio perfecti ad optimum: hæc datur secundum comparationem ad finem. Item Isidorus: « *Virtus* est naturæ habitus, animæ decus, vite ratio, morum pietas, cultus divinitatis, honor hominis, æternæ beatitudinis meritum: » hæc datur in comparatione ad effectum.

Diffinitio Augustini sic exponitur: *Virtus* est bona qualitas, hic ponitur qualitas pro genere; bona vero dicitur ad differentiam malarum qualitatum animæ. Dicitur quoque bona, quoniam a bono Deo datur, et bonus tantum inhabitat, et bonus facit, et ad bonum perducit. *Mentis* ponitur ad differentiam qualitatum, que sunt in corpore. *Qua bene vivitur*, ponitur ad differentiam qualitatum, quibus recte intelligitur, sicut est scientia. *Qua nullus male utitur*, ponitur ad differentiam qualitatum, quibus bene et male uti possumus. *Quam solus Deus operatur in homine*, ponitur ad differentiam virtutum cardinalium que habentur per acquisitionem.

Circa aliam diffinitionem Augustini notandum est, quod ibi ponitur *habitus mentis instituta*, et hoc ad similitudinem regni, quod tune bene instituitur, quando recte consultatur, et bene imperatur, et juste obeditur. Eodem modo bene instituta est mens, si ratio recte consulti, si vo-

luntas bene imperat, si sensualitas debito modo obtemperat.

Etymologia virtutis est: *Virtus* dicitur, quasi *vis intus*: et hec vis consistit in agressione arduorum, in tolerantia aduersorum, et in abstinentia placitorum. Item dicitur *virtus*, quasi *viror nitens*. Item dicitur *virtus*, quasi *virum tuens*. Item dicitur *virtus*, quasi *viribus nitens*. Item dicitur *virtus*, quasi *viri status*.

CAPUT VI.

De perfectione virtutum.

Cum virtus in medio consistat secundum Philosophum⁵, illud medium est in tribus, scilicet in agendis, in habendis, et in sustinendis. In agendis, scilicet intra, supra, et citra modum. Apostolus⁶: *Rationabile sit obsequium vestrum*. In habendis, scilicet inter superfluum et indigentiam⁷: *Divitias et paupertatem ne dederis mihi*. In sustinendis, scilicet inter elevari in prosperis, et dejici in adversis, unde illud⁸: *Non declinabis, neque ad dexteram, neque ad sinistram*. Multiplex est perfectio, scilicet 1. sufficientie: hanc habent omnes existentes in charitate. 2. Ordinis: hujus proprium est servare continentiam. 3. Religionis: hujus proprium est renuntiare omnibus. 4. Prælationis: ad hanc pertinet ponere animam pro oibvs suis. 5. Securitatis: hujus proprium est habere mortem in desiderio, et vitam in patientia. Ad primam perfectionem tenetur quilibet, ad ultimam vero nullus tenetur; sed ad tres medias tenentur aliqui ex causis.

Virtus comparatur multis rebus, scilicet 1. auro⁹: *Aurum probat fornax*. 2. Thesauro abscondito¹⁰: *Simile est regnum cœlorum thesauro abscondito*. 3. Gemmis¹¹: *Quasi vas auri solidum, ornatum omni lapide pretioso*. 4. Armis¹²: *Quomodo cederunt fortis in pœlio, et perierunt arma bellicia?* 5. Arboribus¹³: *Omnis arbor bona fructus bonos facit*. De hoc Hugo de S. Victore: « *Arbor sapientiae per timorem seminatur, per gratiam irrigatur, per fidem radicatur, per devotionem germinat, per desiderium crescit, per charitatem roboratur, per spem viret, per circumspecctionem frondet, per disciplinam floret, per doctrinam fructificat, per patientiam maturescit,*

¹ Colligitur ex Aug., de Lib. Arb., lib. II, c. xviii et xix. — ² Imo auctor. lib. de Spir. et Anim., c. iv, inter Oper. S. Aug., tom. VI, Append. — ³ Arist., Ethic., lib. II, c. vi. — ⁴ Id., Phys., lib. VII, text. 17.

— ⁵ Arist., Ethic., lib. II, c. vi. — ⁶ Rom., XII, 1. —

⁷ Prov., XXX, 8. — ⁸ Deut., V, 32. — ⁹ Prov., XXVII, 21.

— ¹⁰ Matth., XIII, 44. — ¹¹ Eccli., L, 10. — ¹² II Reg., I, 27. — ¹³ Matth., VII, 17. — (a) Al. terminata.

per mortem capit. » Item 6. virtus comparatur floribus¹: *Fulcite me floribus.* 7. (a)² *Fons hor- torum*, puteus aquarum viventium. 8. Semitis³: *Via ejus via pulchra*, et omnes semitæ ejus paci- ficas. 9. Vesibus⁴: *Astiit regina a dextris tuis in vestitu deaurato.* 10. Stellis⁵: *Stellæ autem dererunt lumen in custodiis suis.* 11. Pigmentis⁶: *Quæ est ista, quæ ascendit per desertum sicut vir- gula fumi ex aromatibus?* 12. Cibaris: unde Do- minus in Evangelii⁷: *Meus cibus est, ut faciam voluntatem ejus, qui misit me.* 13. Alis⁸: *Quis dabit mihi penas sicut columbae?*

Tres sunt bona conditiones virtutis, quæ sunt tentationis remotio, actuum multiplicatio, et in bono delectatio. Primum ipsam virtutem iu radice firmat; secundum quasi floribus decorat; tertium sapore fructuum delectat. Similiter di- cendum est, quod ad consummationem virtutum quatuor ista concurrunt, scilicet dispositio præparans, habitus informans, operatio pro- bans, præmium coronans.

CAPUT VII.

De æqualitate virtutum.

Virtutes omnes in homine sunt æquales, licet inter se distincte sint per proprias excellentias: et hæc æqualitas in multis consistit. Æquales namque sunt virtutes primo, quantum ad es- sentiam, quia omnis virtus simplex est; secun- do, quantum ad æqualem radicationem in ani- ma, secundum quod sunt in ipsa; tertio, quantu- m ad relationem ad eundem finem, quia omnes propter Deum operantur; quarto, quantu- m ad æqualem effectum, quia æqualiter faciunt dignum vita æterna; quinto, quantum ad æqualem facilitatem ad actus suos, quantum in ipsis est, nisi impedianter.

Sicut virtutes æquales sunt prædictis modis, ita inæquales sunt aliis modis. Primum, quantum ad usum, quia sunt sicut arma: sed sicut miles non pugnat æqualiter cum omnibus generibus armorum quæ habet, imo melius pu- gnat cum illis quæ frequenter visitavit, sic est de virtutibus. Secundo, quantum ad auctoraten- tem, quia secundum hoc major omnibus virtutibus charitas. Et quælibet virtus potest esse major alia secundum aliquam prærogativam, quam habet secundum aliquem effectum. Ter-

tio, quantum ad fervorem, quia virtus una fer- ventius operatur, quam alia.

Sciendum est, quod eadem virtus numero non est æqualis sibi semper: crescent enim virtutes multis modis, scilicet quantum ad intensionem, quantum ad radicationem, quantu- m ad potentiam virtutis, quantum ad majo- rem expressionem divinae similitudinis, et quantum ad diurniorem permanentiam. Prä- terea crescente una virtute crescent omnes: et habes exemplum in eithara, in qua si debet esse debita proportio sonorum, necesse est ut quando una corda tenditur, etiam omnes alias tendantur, ne in harmonia fiat dissonantia.

Quare autem poileat aliquis usu unius vir- tutis potius quam alterius, multæ sunt rationes. Prima est, quia Deo sic placet, qui dator est virtutis. Secunda est natura complexionis, quæ magis est consona operibus unius virtutis, quam alterius. Tertia est usitatio, quia exercitavit se quis magis circa unam virtutem, quam circa alias. Quarta est, quia minus impugnatur a vicio contrario illi virtuti. Quinta est, quia majorem habet discretionem in operibus unius virtutis, quam alterius: quælibet enim virtus habet suas proprias rationes. Sexta est difficul- tas status, quia cum de novo quis convertitur, licet habeat majorem charitatem, quam aliis qui diu fuit in charitate, non tamen est ita bene expeditus ad bene agendum, sicut ille, propter reliquias peccatorum quæ adhuc inherent.

Magnitudini scientiae respondere debet ma- gnitudo virtutis; et hoc multiplici ratione, sci- licet 1. ratione exempli divini⁹: *Plenum gratiæ et veritatis.*¹⁰ Potens in opere et sermone.¹¹ Capit Jesus facere, et docere, etc. 2. Ratione exempli angelici, qui quanto plus cognoscunt, tanto plus diligunt. 3. Ratione exempli humani¹²: *Qui autem fecerit, et docuerit, hie maior,* etc. 4. Ratione exempli naturalis, quoniam lux et calor in sole proportionantur. 5. Ratione obli- gationis¹³: *Servus sciens voluntatem domini sui, et non faciens, plagis vapulabit multis.*

CAPUT VIII.

De connexione virtutum.

Connexæ sunt sibi virtutes et coordinatæ, ita ut qui unam habet, habeat omnes. Prima ratio

¹ *Cant.*, II, 5. — ² *Cant.*, IV, 15. — ³ *Prov.*, III, 17. — ⁴ *Psal.*, XLIV, 10. — ⁵ *Bar.*, III, 34. — ⁶ *Cant.*, III, (a) *Suppl.* Aquis viventibus.

⁷ *Joan.*, IV, 34. — ⁸ *Psal.*, LIV, 7. — ⁹ *Joan.*, I, 14. — ¹⁰ *Luc.*, XXIV, 19. — ¹¹ *Act.*, I, 4. — ¹² *Math.*, V, 19. — ¹³ *Luc.*, XII, 47.

est largitas Dei dantis, quia non dat unam sine alia. Secunda ratio est, quia sicut unum membrum indiget alio, sic est in virtutibus. Tertia ratio est, quia sicut in cithara, si defuerit una corda, non erit harmonia perfecta, ita nec in anima erit spiritualis melodia, nisi adsint omnes virtutes. Quarta ratio est, quia contra singula virtus sunt aliquæ virtutes. Unde oportet omnes virtutes habere, ut omnia virtus impugnentur. Nam sicut miles mundi non est expeditus, nisi omnia sua arma habeat, ita nec miles Christi, si aliqua virtus sibi defuerit. Quinta ratio est, quia sicut stelle et planetæ semper sunt in sphæris suis, ita virtutes in anima esse debent. Sexta ratio est, quia anima est sicut vas auri solidum, ornatum lapide pretioso, id est, virtutibus. Septima ratio est, quia anima est sicut hortus nobilis, cui non deest decor alicujus floris, vel arboris. Octava, quia anima est sicut apotheca, cui deesse non debet alicujus radicis, vel pigmenti medicinae.

Ea autem, quæ de connexione virtutum dicta sunt, intelligi debent de virtutibus gratuitis, quæ omnes quoad habitus sunt connexæ, sicut quoad actus meritorios sunt æquales. Et licet similes sint virtutes, tamen aliquæ dicuntur matres virtutum, non quod habitus virtutis generet habitum, sed motus motum, sicut dicit Bernardus, ubi inquit: « Lectio parit cognitionem, cognitionem amorem, amor frequentiam, frequentia familiaritatem, familiaritas fiduciam, fiducia facilem impetrationem. »

Secundum hunc modum quatuor dicuntur esse matres virtutum, scilicet fides origine, quia ex motibus fideli surgunt motus aliarum virtutum; charitas educatione; prudentia regime; humilitas conservatione. Virtus vero non sunt connexæ sicut virtutes: cujus ratio est, quia virtus sunt in nobis ex operationibus nostris, quæ simul non sunt; virtutes autem theologæ non sunt in nobis per acquisitionem, sed per infusionem. Alia ratio est: quia virtus sunt opposita ad invicem, sicut avaritia, et prodigalitas; quod non est in virtutibus.

CAPUT IX.

De commendatione virtutum.

Virtus commendabilis est: primo, a causa efficiente, quæ est Deus. Ipsam enim, ut ait Au-

¹ Matth., v, 45. — ² Psal. XLIV, 14. — ³ Hebr., XIII, 19. — ⁴ Greg., in Evang., hom. xxvii, non longe a

gustinus, solus Deus in homine operatur. Secundo, a causa materiali, in qua est, quia non nisi in bonis inhabitat. Non est autem sic de bonis naturalibus et fortuitis, quia talia ¹ pluit Deus super justos et injustos. Tertio, a causa formalis, quæ est decor spiritualis ²: *Omnis gloria eius filiae regis*, etc. Quarto, a causa finali; Augustinus: « Præmium virtutis est ipse, qui virtutem dedit. »

Virtus est bona multipliciter. Primo in se, quia, sicut ait Augustinus, virtus est bona qualitas mentis. Nota quod bona possessio est, quæ propinquæ est civitati; haec autem est intra civitatem³, quia in anima. Secundo, in cooperazione ³: *Optimum est gratia*, etc. Tertio, in operatione, quia bonum facit hominis opus, quod non esset meritorium, nisi ex virtute procederet. Gregorius ⁴: « Nihil habet viriditatis ramus boni operis, nisi manserit in radice charitatis. » Quarto, in commutatione, quia de lupo facit agnum, et tenebras convertit in lucem. Malum enim culpe mutat in honum gratiæ, et malum peccata mutat in bonum gloriæ: quod significat aqua mutata in vinum. Quinto, in distinctione, quia per virtutes distinguuntur filii Dei a filiis diaboli ⁵: *In hoc cognoscet omnes, quod discipuli mei estis, si diligatis vos ad invicem*. Sexto, in exemplificatione, quia omnes sancti studebant virtutibus. Unde commendamus in Abel innocentiam, in Abraham obedientiam, in Joseph continentiam, in Moyse mansuetudinem, in David humilitatem, et sic de aliis.

Laudabilis est virtus propter multa. 1. Quia magna dignitatis: Christum enim Doctorem habuit; unde in Matthæo ⁶: *Discite a me, quia mitis sum et humilis corde*. 2. Quia magna sublimitatis; Tullius: « Virtus una est altissimis defixa radicibus. » 3. Quia magna iucunditatis ⁷: *Ecco quam bonum, et quam iucundum*, etc. 4. Quia magna retributionis ⁸: *In custodiendis illis retributio multa*. 5. Quia magna utilitatis; Boetius: « Nunquam sine pena sunt virtus, et nunquam sine præmio sunt virtutes. » 6. Quia magna securitatis, Tullius: « Hæc demum sapientia est, ut omnia tua in te posita esse dicas. »

Commendabilis est studium virtutis studio scientiæ. 1. Ratione exempli, quia Sancti sic fecerunt. 2. Ratione auctoritatis; Apostolus ⁹: *Non in sermone est regnum Dei, sed in virtute principiæ*. — ⁵ Joan., XIII, 35. — ⁶ Matth., XI, 29. — ⁷ Psal. CXXXII, 1. — ⁸ Psal. XVIII, 12. — ⁹ I Cor., IV, 20.

3. Ratione effectus, quia virtus peccatum expellit, scientia non. 4. Ratione originis, quia virtus a Deo infunditur, scientia per studium acquiritur. 5. Ratione finis, quia finis virtutis est gloria, et non scientiae (a). 6. Ratione objecti, quia virtutis objectum est bonum, scientiae autem verum. 7. Ratione materiæ in qua est, quia virtus non nisi in filiis Dei, scientia non semper. 8. Ratione securitatis, quia securius est esse bonum, quam esse philosophum. 9. Ratione honestatis, quia major gloria est sequi Deum, quam Aristotalem. 10. Ratione vitandi mali, quia primi parentes, si extendissent ita manum ad lignum vite, sicut ad lignum scientiæ, non incurrisserent tot mala in se et in posteris, sicut incurserunt.

CAPUT X.

De effectu virtutum.

Virtutis gaudium præcellit gaudium mundi, 1. in jugitate, seu duratione¹: Secura mens quasi juge convivium; sed gaudium hypocrita ad instar puncti. 2. In puritate conscientiæ, sicut mundus quiescit in floribus, quam in luto. 3. In dignitate; Glossa: « Elatione animi de his que digna sunt; gaudium mundi de indignis est. » 4. In salubritate²: Nihil utilius in vita hominibus (b); et contra gaudium mundi³: Extrema gaudii luctus occupat. 5. In libertate; ad Galatas⁴: Qua libertate Christus nos liberavit; et rursum: In libertatem vocati sumus. Peccator autem ligatus est⁵: Iniquitates sue capiunt impium, et farribus peccatorum suorum constringitur. 6. In divina praesentialitate; Augustinus: « Tale bonum est Deus, ut nemini eum deserenti bene sit. » Sed nota contrarium in malis.

Virtus operatur mira multipliciter, scilicet 1. in celo, cui vim facit; unde in Matthæo⁶: Regnum cœlorum vim patitur, etc. 2. In mundo, quia custodit hominem, ne comburatur igne concupiscentiæ, et ne mergatur in aquis voluntatis, ne inquinetur luto incontinentiæ, et ne laeretur spinis avaritiæ. 3. In corde humano, quia vulneratum sanat, inquinatum mundat, mortuum vivifacit, exsecutum illuminat. 4. In inferno, quia ignis infernalis non potest iadere virtuosum, sicut nec ignis materialis salamandram.

Virtus rationabilem illuminat ad cognitionem

¹ Prov., xv, 15. — ² Sap., VIII, 7. — ³ Prov., XIV, 43. — ⁴ Gal., iv, 31; v, 13. — ⁵ Prov., v, 22. — ⁶ Matth.,

veri; concupisibilem excitat ad amorem boni; irascibilem confortat ad detestationem mali. Item Deo assimilat, quia Patri per virtutis vigorrem, Filio per veritatis splendorem, Spiritui sancto per charitatis fervorem angelis conformat. Hieronymus: « In carne enim preter carnem vivere, naturæ est angelicæ, non humanae. » Mensem jucundat, ornat, sublevat, honorat, sanat, vivificat, cibat, ditat, mundat. Item virtus mala præterita expellit, præsentia impugnat, et a futuris præmunit. Item virtus mentem bene instituit, dilectum Deo hominem facit, fructum tam præmii, quam meriti adducit, temporalia discrete disponit, opera quæ in se indifferenter sunt, bona facit. Sicut ea, quæ dicta sunt, delectant nobis effectus virtutum generales, ita sunt etiam singularum virtutum effectus aliqui speciales: sicut est quod humilitas Deo subicit, pœnitentia reducit, justitia deducit, obedientia conductit, patientia perdicit, perseverantia introducit, puritas jungit, charitas Deo unit.

CAPUT XI.

De meritis virtutum.

Meritum est boni operis efficacia ad obtinendum id quod non habetur, vel ad habendum justius quod habetur. Unde per meritum de non debito fit debitum, et ipsum debitum fit magis debitum: sicut rex dat equum, quem miles non meruit, sed per usum equi meretur eumdem equum jam datum.

Ad intelligendum autem prædicta, sciendum quod triplex distinguitur meritum, scilicet congrui, digni, et condigni. Meritum congrui est per quod disponitur subjectum, ut possit recipere gratiam secundum rationem divinae justitiae. Istud vocatur dispositio materiæ, scilicet dum quis facit quod in se est. Meritum digni dicit idoneitatem operantis ad assequendum id quod meretur. Meritum condigni dicit æqualitatem meriti ad remunerationem. Dico autem æqualitatem non arithmeticam, sed geometricam, id est non quantitatis, sed proportionis. Et hoc patet, quia Deus semper remunerat supra meritum, sicut punxit citra condignum. Unde non est inter meritum et præmium æqualis quantitas, sed proportio, quia apud Deum non est justitia commutativa, cum nulli debeat aliquid,

⁷ xi, 12. — (a) Cœt. edit. scientia. — (b) Cœt. edit. hominis.

sed distributiva. Vocatur autem justitia commutativa justitia fori, qua datur unus panis pro uno denario, vel ulna panni pro solido. Justitia vero distributiva est principium quo distribuuntur dona secundum proportionem ad meritam; et ista est apud Deum. Unde Apostolus¹: *Unusquisque propriam mercedem accipiet secundum suum laborem.*

Dicendum ergo, quod nullus meretur sibi primam gratiam merito digni, vel merito condigni; sed tantummodo merito congrui. Similiter existens in charitate non potest alteri mereri primam gratiam merito condigni, sed merito digni, et merito congrui. Potest autem existens in gratia mereri sibi augmentum gratiae ex condigno, et per consequens merito digni, et merito congrui, prout superius exposita sunt. Praefati tres modi merendi generaliter habentur; unde si alii inveniuntur, ad eosdem tres reduci poterunt. Cum ergo dicitur quod beata Virgo meruit portare Christum, intelligendum est comparative, id est, meruit ipsa potius quod portare debuit, quam alia. Item mali di- cuntur mereri temporalia, quia nultum bonum irremuneratum, sicut nullum malum impunitum; sed hoc dicitur improprie, quia opera in mortali facta non sunt directe bona, cum non sint informata charitate: sed quia talia opera aliquid boni habent, Dominus interpretatur ea ut bona, et aliquid dat pro eis. Item peccator quandoque meretur occasionaliter, quia pauperes interdum obtinent benefactoribus gratiam suis precibus, quarum precum occasio sunt eleemosyna. Item satis improprie sumitur meritum, ubi dicitur²: *Felix culpa, quae talem ac tantum meruit habere redemptorem.* Ibi enim ponitur *meruit* pro *exigebat*.

CAPUT XII.

De habilitate virtutum.

Quamvis nullus sibi mereatur primam gratiam, secundum quod dictum est, potest tamen peccator se habilitare ad gratiam, faciendo quod in se est, quia nulli talium gratia dene- gatur. Hoc autem non est ex merito digni, vel condigni, sed congrui. Haec autem congruitas multo magis est ex parte Dei gratiam conferen- tis, quam ex parte hominis se ad gratiam ha- bilitantis: quia in preparatione ad gratiam, et

¹ *I Cor.*, III, 8. — ² Verba sunt liturgie in bened. cerei pasch. — ³ *II Cor.*, IX, 7. — ⁴ *Levii.*, xxvi, 26.

in infusione gratiae, habet se anima ad modum matrice, ipse vero Deus ut primum movens et efficiens. Alia ratione patet quod hujusmodi congruitas magis est a Deo, quam ab homine; quia habilitatio, quae est ex parte hominis, so- lummodo dat locum divinae misericordiae, ut salva justitia possit alicui conferri gratia: quia injuria fieret divine justitiae, si tali daretur gratia in quo esset obex, id est, voluntas pec- candi.

Sufficiens igitur habilitatio ad gratiam est, si homo facit quod in se est. Facere autem quod in se est, tria complectitur, scilicet ut homo actum peccandi et voluntatem peccandi deserat, et con- netur in bonum, prout est sibi possibile. Nota quod omne meritum, vel demeritum, acquiri- tur in hac vita. Item non bonum facere, sed bene facere, laudabile est. Non enim verbis, sed adverbialis meremur. Unde versus:

In vita meritis praesunt adverbia verbis.

CAPUT XIII.

De operibus meritoriorum.

Opera meritoria totaliter sunt a gratia, et totaliter sunt a libero arbitrio, licet principaliter a gratia: quia gratia comparatur ad liberum arbitrium, sicut sessor ad equum. Sicut enim sessor equum dirigit, ita gratia dirigit liberum arbitrium in exercitio virtutum. Per nos enim malum facere possumus, sed non bonum.

Ad efficaciam merendi tria valent: Primum est difficultas operis, quod patet in martyrio. Secundum, promptitudo voluntatis, Apostolus³: *Hilarem datorem diligit Deus.* Tertium est magni- tudo charitatis: ipsa enim charitas pondus est sanctuarii⁴, secundum quod omnia quae erant in templo, ponderabantur.

Ad hoc quod aliquod opus sit meritorium, tria requiruntur: primo, quod ipsum opus fiat in charitate, quia opera quae fiunt extra chari- tatem, mortua sunt, sicut carbo extinctus; se- cundo, quod fiat ex charitate, multa enim fiunt in charitate, quae tamen non sunt meritoria, ex eo quod non fiunt ex charitate, id est, quia non referuntur ad finem debitum; tertio, quod ipsum opus sit referibile ad bonum. Hoc ideo- dico, quia mala non possunt bona intentione fieri; alioquin sequeretur absurditas, quod idem opus esset meritorium et demeritorium.

Attenduntur autem tria in merito ex parte hominis, scilicet subjectum, hoc est anima;

item liberum arbitrium; item intentio, sive finis. His tribus respondent tria ex parte Dei, scilicet gratia, virtus, charitas. Et gratia quidem reddit subiectum Deo gratum; virtus autem habitat liberum arbitrium; charitas vero dirigit intentionem ad debitum finem. Dicit Augustinus quod « meritum consistit penes liberum arbitrium; » occasionaliter hoc dicit, quia liberum arbitrium facit ad meritum, sed non sufficit. Item « penes virtutem; » formaliter hoc dicit, quia ex virtute tanquam ex forma procedit motus, et elicitor de potentia. Item « penes motum virtutum; » essentialiter hoc dicit, quia motus essentialiter est meritum, quia penes ipsum est. Item, « penes gratiam, » efficaciter hoc dicit, quia sine gratia nullus motus est meritorius. Item « penes opus; » instrumentaliter hoc dicit, quia opus exterius est quasi causa instrumentalis ipsius meriti.

Nota generaliter, quod non meremur sine gratia, neque passionibus in quantum passiones sunt, neque motibus naturæ; dicit enim Philosophus : « Natura neque boui neque mali sumus; » neque inviti, Augustinus : « Nemo invitus bene facit, etiam si bonum est quod facit; » neque libero arbitrio ligato : quisquis enim non habet usum rationis et liberi arbitrii, non meretur, vel demeretur, sicut sunt infantes, dormientes, insani, et animalia bruta.

CAPUT XIV.

De fine actionis.

Quia meritum vel demeritum circa finem actionem attenditur, ideo nota regulas de hac materia.

Ex fine dicitur actus bonus, vel malus. Malus actus non fit ex fine bonus. Una intentio multos actus informat: unde si aliquis intendit unum solidum dare pro Deo, ita quod quotidie det unum denarium, si quandoque obliviscitur, et non refert in Deum dationem hujus denarii, tamen datio est meritoria, propter ipsam intentionem primam. Finem sub fine potest quis ponere: verbi gratia, aliquis intendit ire ad forum; et hoc intendit, ut emat medicinas; et ad hoc emit eas, ut curetur ab infirmitate; et ad hoc curari desiderat, ut melius Deo serviat. In isto ultimo praecedentes voluntates omnes sunt meritoriae, propter ultimum. Secundum enim ultimum finem, omnes praecedentes voluntates judicantur bona, vel male. Diversi

fines non sunt faciendi, quorum unus non sit ad alium referibilis: verbi gratia, aliquis intendit ire ad quamdam domum, ut luxuriatur; ad hoc vult luxuriari, ut sanior sit; ad hoc vult esse sanus, ut serviat Deo. Iste finis ultimus illam voluntatem, quæ est luxuriari, non informat; sed potius e converso illa voluntas istam intentionem deformat, quia una intentio perversa plures depravat voluntates.

Nota quod actio corporalis potest referri ad finem temporalem, dummodo postea referatur ad Deum. Actio autem spirituatis, ut predicatione, non potest referri ad finem temporalem, etiam si illud temporale referatur ad Deum. Et hoc est, quod dicit Augustinus: « Debemus manducare, ut evangelizemus; non evangelizare, ut manducemus. » Si autem in actionibus finis primus ponatur Deus, et finis ultimus aliquid temporale, perversissimum est. Bene autem licet constituere duos fines, scilicet temporalem et aeternum, ut scilicet illud, quod est aeternum, finis sit ultimus

CAPUT XV.

Quid mereamur bonis operibus.

Opera bona sunt meritoria trium, scilicet vita æternæ, augmenti gratiæ, remissionis poenæ. Primum respondet radici operis, scilicet charitatis: et hoc est præmium substantiale vita æternæ. Præmium vero accidentale respondet generi operis, sicut et augmentum gratiæ, quia operibus excellentibus et supererogatiis meremur magis augmentum gratiæ, quam aliis operibus.

Remissio autem poenæ respondet penalitatí operis, quia opera, quæ magis sunt poenalia, magis sunt meritoria remissionis poenæ. Est enim regula in theologia, quod poena poenæ est resolutoria. Nota igitur quod licet tota vis merendi vitam æternam, et etiam alia, consistit in charitate, non tamen totus effectus: quia affectus merendi consideratur etiam penes magnitudinem operis, sicut patet in merito remissionis poenæ, quod non solum consistit in charitate, sed etiam in operibus poenaliibus: et hujus exemplum habemus in Christo, qui meruit nobis apertione janue paradisi cum effectu: hoc autem meritum non erat in sola charitate, sed in charitate et excellentia operis, id est, in sua passione.

Sciendum est, quod de præmio substantiali

meretur homo tantum per unum actum, quantum per mille, manente eadem radice et non crescente. Valent tamen hujusmodi opera ad multa alia. Unde versus : *Jocundat, scilicet mentem; stabilit, scilicet virtutes; auget, scilicet meritum accidentalis præmii; peccata remittit*, quantum ad pœnam, quæ jam dimissa sunt quoad reatum per gratiam. *Debilitatem fomitem, removet acediam, exercitat hominem, id est, assuefactione boni, atque repellit tentationes diaboli.*

Nota quod primam gratiam nullus peccator potest mereri proprie ; et hoc multiplici ratione. Prima, quia talis non habet radicem merendi, id est, gratiam. Secunda, propter status indignitatem, quia peccator non est dignus pane, quo vescitur. Tertia, quia nullius hominis opus placet Deo, nisi placeat ipse prius. Unde prius respxit Deus in Abel, quam ad munera ejus, ut dicitur in Genesi¹. Quarta, quia naturaliter antecedit causa suum effectum ; sic et gratia, cum sit causa meriti, præcedit meritum. Ipsa enim, secundum Augustinum², voluntatem nostram prævenit, ut velimus, et sequitur, ne frustra velimus.

Gratia, sicut supra dictum est, per bonum usum ejus, et merito condigni, meretur augeri in via, ut aucta mereatur perfici in patria ; et hoc a Deo, cuius est gratiam infundere, augere et perficere secundum cooperationem voluntatis nostre. Nam sicut Deus est ipsius gratiae fontale principium influendi, sic ipse solus est principium augendi per modum infundentis ; gratia vero, per modum meriti et dignitatis ; sed liberum arbitrium, per modum cooperantis. Sicut liberum arbitrium per gratiam meretur merito condigni augmentum gratiae in statu viae, sic etiam meretur merito condigni ipsius complementum in statu patriæ.

Quod autem ex condigno mereamur vitam æternam, multæ sunt cause. Prima est efficacia doni Spiritus sancti cooperantis in merito ; secunda, veritas Dei promittentis ; tertia, persuasibilitas liberi arbitrii consentientis, et finaliter perseverantis ; quarta, difficultas status merendi ; quinta, dignitas Christi capitis nostri interventientis, quod glorificari debet cum membris suis ; sexta, liberalitas Dei tribuentis, quem non decet parva reddere ; septima est obsequium fideliter obtemperantis ; octava,

nobilitas operis quod ex charitate procedit, quod tantum ponderat in conspectu judicis, quantum amor ex quo procedit, et ideo non potest sufficienter nisi summo bono remunerari.

Opera quæ non fiunt in charitate, licet non valeant ad vitam æternam, valent tamen ad alia multa ; unde versus : *Aptat cor, scilicet ad susceptionem gratiæ; minuit pœnam, scilicet illam quæ deberetur, si non fieret illud opus, non autem illam quæ jam debetur; et dat bona terræ, scilicet temporalia; Occupat, scilicet ne sit homo interim otiosus, vel operi malo deditus; assuecit, scilicet ad bene operandum; delectat, scilicet mentem; mitigat, scilicet fomitem; arcit, scilicet fluxum peccati.* Ultimo sciendum quod nullum malum erit impunitum, et nullum bonum irremuneratum.

CAPUT XVI.

De diffinitionibus et differentiis virtutum.

Virtutes secundum Macrobius³ dicuntur quandoque politicae, quandoque purgatoriæ, quandoque purgati animi, quandoque exemplares. Primas docet Salomon in *Proverbis*, secundas in *Ecclesiaste*, tertias in *Canticis*, quartas in Deo legimus. Politicae namque dicuntur, secundum quod regunt vitam humanam quoad opera exteriora, et secundum quod pugnant contra vitia. Purgatoriæ dicuntur, secundum quod jam sunt in victoria vitiorum, et respiciunt partim interiora, partim exteriora. Purgati animi dicuntur, quando, viciis jam vitiis, possessori virtutum quiescit, raro insurgentibus primis motibus. Exemplares dicuntur, quæ in mente divina consistunt : nam ideæ virtutum in Deo sunt, et ipse rerum omnium est exemplar.

Aristoteles dividit⁴ virtutes in intellectuales et consuetudinales. Intellectuales dividit in sophiam, id est, sapientiam, et intelligentiam, et phronisin, id est, prudentiam spiritus. Et haec tria ordinant nos ad Deum, quia sophia regit affectum, intelligentia intellectum, sed phronis utrumque : prudentia enim spiritus regit cogitationes et affectiones. Virtutes vero consuetudinales (a) dividit in honestatem et liberalitatem. Hæc duo ordinant nos ad hominem, quia honestas ordinat hominem quoad seip-

¹ Gen., IV, 4. — ² Enchirid., c. XXXII, n. 9. —

(a) Cet. edit. consuetudines.

³ Macrob., in *Somn. Scipion.*, lib. I, c. viii. —

⁴ Arist., *Ethic.*, lib. I, c. iii.

sum, liberalitas quoad proximum. Item philosophia moralis dividitur in ethicam, oeconomicam, et politicam. Harum prima mores quoad ipsum hominem, sive quoad seipsum instruit; secunda familiam disponit; tertia urbes et regna gubernat et regit.

Circa virtutes hoc tenendum est, quod cum sit una gratia gratificans animam, septem tamen sunt virtutes quibus humana vita regitur: tres scilicet theologicæ, et quatuor cardinales. Et licet haec virtutes sint gratuitae per informantem divinam gratiam, possunt tamen informes fieri per culpam, et iterum informari per penitentiam adveniente gratia, que est habituum virtutis origo, finis et forma. De hac lege sola charitas excipitur, que informis esse non poterit sicut ceteræ virtutes, cum sit virtutum forma. Nam cum habitus aliarum virtutum habentur (a) sine gratia et charitate, in quibus consistit vita virtutum, tunc sunt informes; cum autem gratia supervenerit, tunc formantur et decorantur, et Deo fiunt acceptabiles. Unde virtutes informes sunt sicut colores in tenebris, sicut carbones extinti, et sicut rami aridi, et sicut alæ mortue, sicut aurum obscuratum, et gemmæ conversæ in silices. E converso virtutes formate sunt sicut colores in luce, visibles quidem, et aspectui complacentes; et sicut carbones ardentes; et sicut rami virentes; et sicut alæ viventes ac volantes; et sicut aurum fulgens; et sicut gemmæ vas aureum decorantes.

Differentia est inter virtutes et precepta, et dona, et fructus, et beatitudines: quia virtutes potentias disponunt, precepta opera respiciunt, dona operibus perfectionem addunt, fructus facultatem spiritui, sive gustui saporem spiritualem apponunt, beatitudines ipsis virtutibus premium, sive vitæ, sive patriæ conjungunt. Alia est differentia: quia virtutibus bene operamur, donis expedite, beatitudinibus perfecte operamur, sed fructibus fruimur Deo.

CAPUT XVII.

Differentia virtutum cardinalium, et theologicarum.

Differentia virtutum theologicarum et cardinalium, hec est, quia theologicæ movent ad finem, sed cardinales ad ea, quæ sunt ad finem. Alia differentia est, quia theologicarum virtutum finis et objectum est ipse Deus; sed virtutum cardinalium finis est ipse Deus, et non ob-

jectum proprie: quia virtutes theologicæ habentur per infusionem; cardinales vero, per acquisitionem. Item virtutes theologicæ movent ad opera ex rationibus sumptis a jure divino; sed cardinales a jure naturali. Item virtutes theologicæ attenduntur quantum ad actus interiores; cardinales vero, ad opera exteriora. Item virtutes theologicæ non habentur sine donis; cardinales vero sine donis haberi possunt. Item virtutes theologicæ sunt discretivæ actuorum in Deum; cardinales vero, in proximum. Item in theologicis sic est quod habitus generat actus; sed in cardinalibus est e contra, quia ibi actus generant (b) habitus. Unde Philosophus: « Quales, inquit, sunt actus, tales sunt et habitus. »

CAPUT XVIII.

De virtutibus theologicis in genere.

Anima, quantum ad superiore partem in qua consistit imago Trinitatis, rectificari habet per tres virtutes theologicas. Unde sicut imago Creatoris consistit in trinitate personarum et unitate essentie, sic iuago recreationis in trinitate habituum cum unitate gratiae. Per hos autem tres habitus virtutum anima fertur in summam Trinitatem secundum tria appropriata tribus personis: ita quod fides dirigit in summe verum, credendo et assentiendo; spes vero, in summe arduum, innitendo et expectando; charitas autem, in summe bonum, desiderando et amando.

Virtutes theologicæ differunt inter se multipliciter. Primo, secundum actus proprios: nam fides facit Deo assentire, spes in Deo confidere, charitas facit Deum diligere. Secundo differunt ratione subjecti, quia fides est in rationali, spes in irascibili, charitas in concupiscibili: sed ambæ sunt in voluntate, quæ, propter similitudinem actuorum accipit nomina harum potentiarum. Tertio differunt ratione objecti: nam fides est circa verum; spes, circa arduum; charitas, circa bonum. Quarto, ratione effectus differunt: nam fides in praesenti Deum sequitur; spes in celum comitantur; charitas perenniter amplectatur. Quinto differunt ratione cognitionis, quia per fidem cognoscitur Deus ut veritas, per spem habetur ut aeternitas, per charitatem dilitur ut bonitas.

(a) *Cat. edit.* habeatur.—(b) general.

CAPUT XIX.

Dc Fidei utilitate.

Fides, secundum Apostolum¹, est *substantia sperandarum rerum, argumentum non apparentium*. in hac definitione fides dicitur *substantia*, id est fundamentum substans aedificio spirituali, quod est gratia et gloria. Ipsa namque fides facit aliqualiter res sperandas in nobis subsistere per gratiam, et faciet tandem per gloriam. Vel ideo fides est fundamentum gratiae et glorie, quia ipsa est primus habitus virtutum: *primus dico non tempore, sed natura. Rerum sperandarum* dicitur, quia fides per assensum facit in nobis subsistere res sperandas. *Argumentum* dicitur, id est, arguens mentem, quia fides inclinat intellectum ad credendum ea quae non apparent: et propter hoc dicitur fides potius argumentum, quam conclusio, quia fides probat de non apparentibus quod sint, et non probatur. *Non apparentium* dicitur, quia fides sua luce et virtute manifestat ea quae non apparent, tam praeterita, quam praesentia, quam etiam futura: praeterita quidem, quia, secundum Apostolum², *fide intelligimus aptata esse saecula; praesentia vero*, sicut ait Augustinus³: «*Demus, inquit, Deo aliquid posse, et nos intelligere non posse;* » futura autem, quia per fidem credimus resurrectionem mortuorum, et hujusmodi.

Fides dicitur multipliciter, scilicet 1. habitus informatus charitate, illuminans mentem ad credendum⁴: *Fide purificans corda eorum.* 2. Quilitas informis⁵: *Fides sine operibus mortua est.* 3. Motus fidei; Augustinus⁶: «*Fides est credere quod non vides.* » 4. Facilitas credendi⁷: *Non inventi tantam fidem in Israel.* 5. Devotionis fidei⁸: *Mulier, magna est fides tua.* 6. Articulus fidei; unde in Symbolo Athanasii: «*Hoc est fides catholica, ut credamus et confiteamur,* » etc.

Sicut in aliqua scientia quædam sunt antecedentia, ut suppositiones; quædam vero consequentia, ut conclusiones; quædam quasi media, ut propositiones probantes: ita in doctrina fidei quædam sunt ibi ad modum suppositionum, ut ea quæ sunt de jure naturali

et universalis, antecedentia articulos fidei, scilicet quod Scriptura sit condita et exposita inspiratione Spiritus sancti, et quod vera sunt quæ loquuntur Dominus in Scriptura, et per sanctos suos, et hujusmodi; quedam ad modum conclusionum, ut ea quæ ad mores pertinent, scilicet non esse fornicandum, fornicationem esse mortale peccatum, et hujusmodi; quedam ad modum propositionum, ut articuli fidei.

Et nota quod fides est quasi media inter opinionem et scientiam: quia opinio se habet ad unam partem contradictionis, cum formidine alterius partis, et sine causa cognitione; scientia vero se habet ad aliam partem contradictionis sine formidine reliqua, et cum causa cognitione per media necessaria: unde scientia est necessariorum. Et ita patet quod fides participat cum utraque.

Ad fidei perfectionem septem pertinent. Primum est, quod sit prima veritati innixa, sicut fides Moysi, qui⁹ negavit se esse filium filie Pharaonis, magis eligens affligi cum populo Dei, quam temporalis peccati habere jucunditatem. Secundum est, quod sit charitate formata, sicut Maria Magdalena, quam¹⁰ fides salvam fecit, et cui dimissa sunt peccata multa, quoniam dilexit multum. Tertium est, quod sit devotione fervida, sicut illius mulieris, cui dixit Dominus¹¹: *O mulier, magna est fides tua.* Quartum, quod sit bonis operibus probata, sicut fides Cornelii¹². Quintum, quod sit fortitudine roborata, sicut fides Stephani, Laurentii et aliorum martyrum, qui¹³ per fidem fortes facti sunt in bello. Sextum, quod sit obedientia decorata, sicut fides Abrae. Septimum, quod sit humilitate subjecta, sicut fides beatae Virginis, quæ ait¹⁴: *Ecce ancilla Domini.*

Nota quod fides magis innititur auctoritati, quam rationi, quia secundum Gregorium¹⁵: «*Fides non habet meritum, cui humana ratio præbet experimentum:* » intellige, sufficiens. Quamvis enim fides rationibus firmetur, tamen nec talibus, nec experimento sensibili debet quis credere contra fidem: sicut patet in Eucharistia, ubi et visus, et gustus, et tactus, et olfactus dicit esse panem et vinum, sed fides dicit esse corpus et sanguinem Domini nostri Iesu Christi. Unde Augustinus¹⁶: «*Quod intelligimus, debemus rationi; quod credimus, debe-*

¹ *Hebr.*, xi, 4. — ² *Ibid.*, 3. — ³ *Aug.*, ad *Volut.*, epist. iii, al. cxxvii, c. ii, n. 8. — ⁴ *Act.*, xv, 9. — ⁵ *Jac.*, ii, 20. — ⁶ *Aug.*, in *Joan.*, tract. xl, n. 9. — ⁷ *Math.*, viii, 10. — ⁸ *Math.*, xv, 28. — ⁹ *Hebr.*, xi,

24-25. — ¹⁰ *Luc.*, vii, 50, 47. — ¹¹ *Math.*, xv, 28. — ¹² *Act.*, x, 4, et seq. — ¹³ *Hebr.*, xi, 34. — ¹⁴ *Luc.*, 1, 38. — ¹⁵ *Greg.*, in *Evang.*, hom. xx, non longe a princ. — ¹⁶ *Aug.*, de utilit. cred. cont. *Manich.*, c. xi.

mus auctoritati; quod opinamur, debemus errori.¹

Nota quod duplex est cognitio de Deo, scilicet naturalis, et accidentalis. Naturalis cognitio duplex est, scilicet ante peccatum, qua homo cognoscebat aperte Deum in creaturis; et post peccatum, et hoc est per speculum et in ænigmate. Accidentalis cognitio triplex est: prima est acquisita per rationes naturales, quam habuerunt philosophi, et hæc dicitur scientia; secunda est, qua habetur testimonii Scripturarum et miraculorum: et hæc cognitio dicitur fides informis. Tertia est, qua habetur per infusionem gratie gratum facientis: et hæc dicitur fides formata, et per talen cognitionem assentit anima primæ veritati propter se, et supra omnia. Unde ea adveniente perent omnes alias cogitationes accidentales, ad minus quadam actum. Cum enim aliae cognitiones veniunt in animam, tunc fides tanquam velocior præoccupat motus omnium, cum fides sit de non apparentibus, et difficile sit occulta credere.

Duo autem sunt necessaria ad hoc, ut firmiter credatur: primum est illustratio veritatis animam elevans; secundum est rectificatio auctoritatis animam firmans: quorum primum est per fidem, secundum per Scripturam authenticanam et per Spiritum sanctum editam. Auctoritas ergo praebet fulcimentum fidei, et fides assentit auctoritati. Utrumque vero per Christum est, propter quod et *Splendor*² et *Verbum*³ dicitur, quia mentem per fidem illuminat, et veritatem per doctrinam ostendit.

Hoc quoque sciendum est, quod tantum una est fides, tam in præteritis, quam in presentibus, quam etiam in futuris, licet magis clara sit in eis et explicita, qui sequuntur Christum, quam in eis qui præcesserunt ejus adventum, sicut Novum Testamentum clarius est quam Vetus. Quod enim nos credimus esse factum, antiqui patres credebant esse futurum: exceptis articulis qui adhuc restant complendi, sicut est resurrectio mortuorum, et judicium extremum, et remuneratio bonorum, et punitio reproborum.

CAPUT XX.

De effectu Fidei.

Fides multa bona facit. 1. Hominem salvat; unde dictum est Magdalene⁴: *Fides tua te salvabit*.

¹ *Hebr.*, I, 3. — ² *Joan.*, I, 1. — ³ *Luc.*, vii, 50. — ⁴ *Act.*, xv, 9. — ⁵ *Hebr.*, xi, 33. — ⁶ *Matt.*, xv, 28. —

vani fecit. 2. Mentem purgat⁶: *Fide purificans corda eorum*. 3. Contra mundum pugnat⁵: *Sancti per fidem vicerunt regna*. 4. Postulata impetrat; unde in Matthæo⁶: *O mulier, magna est fides tua, fiat tibi sicut petisti*. 5. Perseverantiam dat; *Apostolus*⁷: *Tu autem in fide (a) stas*. 6. Temporalia contemnit⁸: *Fide Moyses grandis effectus, negavit se filium esse filia Pharaonis*. 7. Justificat⁹: *Credidit Abraham Deo, et reputatum est ei ad justitiam*. 8. Beatificat¹⁰: *Quia vidisti me, Thoma, credidisti: beati qui non viderunt, etc.*

Super fundamentum fidei quidam ædificant¹¹ aurum contemplationis, quia qui contemplatur sine fide, quasi qui nititur videre solem sine oculis; quidam argentum prædicationis, quia qui prædictat sine fide, non loquitur¹² eum, qui secundum Deum est, fidem sermonem; quidam lapides pretiosos bonorum operum, quia qui bene operatur sine fide, est sicut qui facit structuram super arenam; item alii ædificant ligna, id est, amorem ardente temporalium; alii fenum, id est, fumum delectationum carnalium; alii stipulam, scilicet otiosorum verborum, et operum infirmorum: isti quidem salvantur merito fundamenti¹³, et sic tanquam quasi per ignem purgatorii, quo exuretur ædificium non idoneum tanto fundamento.

Fides habet quosdam effectus essentiales et principales, ut est facere filios Dei, et facere dignos vita æterna, et facere similes Deo, et purgare animam a tenebris peccati sive infidelitatis: et isti effectus sunt a Deo. Alios habet effectus voluntarios et secundarios, ut est credere, et dirigere opera aliarum virtutum, et imperare omnibus suo modo: et isti effectus a libero arbitrio sunt.

CAPUT XXI.

De articulis Fidei.

Si respectus habeatur ad eos qui Symbolum ediderunt, tunc articuli sunt duodecim, secundum numerum duodecim apostolorum. Si autem considereremus quæ radicaliter sunt credenda, tunc articuli sunt quatuordecim, quorum septem spectant ad divinitatem, et septem ad Christi humanitatem: et hæc signata sunt in septem stellis, et septem candelabris aureis¹⁴, in quorum medio Filius hominis ambulabat.

⁷ *Rom.*, xi, 20. — ⁸ *Hebr.*, xi, 24. — ⁹ *Rom.*, iv, 3. —

¹⁰ *Joan.*, xx, 29. — ¹¹ *1 Cor.*, iii, 12. — ¹² *Tit.*, i, 9. —

¹³ *1 Cor.*, iii, 13. — ¹⁴ *Apoc.*, ii, 1. — (a) Vulg. autem fide.

Sunt igitur septem articuli fidei, qui pertinent ad divinitatem. Primus est, unus Deum esse, qui ibi notatur: *Credo in Deum. Secundus est, Patrem Deum esse, ibi: Patrem omnipotentem. Tertius est, Deum Filium esse, ibi: Et in Iesum Christum Filium ejus. Quartus est, Deum Spiritum sanctum esse, ibi: Credo in Spiritum sanctum.* Sic patet quod prædicti quatuor articuli sunt de unitate divinæ essentie, et trinitate personarum. Quintus est credere remissionem peccatorum his qui sunt in Ecclesia, [ibi: Sanctam Ecclesiam catholicam, sanctorum communionem, remissionem peccatorum. Sextus est credere mortuorum resurrectionem. Septimus est credere bonorum remunerationem, sub quo comprehenditur et malorum punitio, ibi: Vitam aeternam. Et isti tres articuli ad divinitatem pertinent: quia virtute divinitatis fit peccatorum remissio, quae est animæ vivificatio, et corporum resurrectio, atque corporis simul et animæ glorificatio.

Alii septem sunt articuli, qui pertinent ad humanitatem Christi. Primus est credere Filium Dei esse conceptum de Spiritu sancto, ibi: Qui conceptus est de Spiritu sancto. Secundus est credere Filium Dei natum ex Maria Virgine, ibi: *Natus ex Maria Virgine. Tertius, Filium Dei pro nobis mortuum in cruce, ibi: Passus sub Pontio Pilato, crucifixus, mortuus et sepultus. Quartus est, Filium Dei descendisse ad inferos secundum animam, ibi: Descendit ad inferna. Quintus est, Filium Dei resurrexisse a mortuis, ibi: Tertia die resurrexit a mortuis. Sextus est, eumdem ascendisse ad celos et sedere ad dexteram Patris, ibi: Ascendit ad celos, sedet ad dexteram Dei Patris omnipotentis. Septimus est, Filium Dei judicatum vivos et mortuos, sive bonos, sive malos, ibi: Inde venturus est judicare vivos et mortuos.*

Isti quatuordecim articuli colliguntur ex Symbole quoq; Apostoli ediderunt. Articulum primum et secundum de divinitate posuit Petrus, tertium Andreas, Bartholomæus quartum, quintum Simon, Thaddeus sextum, septimum Matthias. Item primum articulum de humanitate Christi posuit Jacobus Major, secundum et tertium Joannes, quartum Thomas, quintum Matthæus, sextum Jacobus Minor, septimum Philippus.

Tria sunt symbola: primum Apostolorum; secundum Nicæni Concilii; tertium Athanasii. Primum factum est ad fidei instructionem; sc-

eundum, ad fidei explanationem; tertium ad fidei defensionem.

Nota quod aliud est credere Deum, aliud est credere in Deum, et aliud credere Deo: quoniam credere Deum, est credere ipsum esse; credere autem in Deum, est credendo ipsum amare, et amando in Deum ire, ac membris ejus incorporari; credere vero Deo, est credere verbis ejus.

CAPUT XXII.

De Spe.

Spes est certa expectatio futuræ beatitudinis ex Dei gratia et meritis propriis proveniens. In hac diffinitione non sumitur certitudo demonstrationis, in qua plene uni parti consentitur; sed certitudo opinionis, qua uni parti consentitur, quia ratione probari videtur, nec tamen omnino, sed cum formidine. Hujus autem expectationis causa principalis est gratia Dei, et non nostra merita: quia opera nostra non sunt meritoria, nisi ex Dei gratia. Sine meritis tamen aliquid sperare, non est spes, sicut ait Gregorius, sed presumptio. In prædicta diffinitione diffinittur motus spei, et non virtus; sed virtus spei diffinittur sic: Spes est audacia mentis, de largitate Dei concepta, habendi vitam aeternam per bona merita.

Inter fidem et spem talis est differentia: fides enim est de præteritis et futuris; spes autem, de futuris tantum. Fides est de bonis tam sibi, quam aliis, spes autem de bonis sibi tantum. Conveniunt tamen in hoc, quod tam fides, quam spes, est de invisibilibus. Certitudo spei ex tribus oritur, scilicet ex divina largitate, ex abundantia meritorum, et ex prægustatione aeternorum.

Nota quod spes, prout est viatorum, sic est cum certitudine opinionis, ut dictum est. Spes illorum qui sunt in purgatorio, et qui fuerunt in limbo, est cum certitudine scientiae, et non opinionis, ut est illa viatorum: unde declinat aliquo modo a spe proprie dicta. Spes vero quæ fuit in Stephano, quando vidit¹ celos apertos, et quæ fuit in Paulo, quando dixit²: *Scio cui credidi, etc.*, et quæ fuit in Adam ante peccatum, fuit cum certitudine visionis, tamen satis debilioris, quam in celo. Unde spes sic sumpta adhuc est minus proprie dicta.

Ex his patet quod in patria non est spes præ-

¹ Act., vii, 53. — ² 1 Tim., i, 12.

mii, quia beatitudo est omnium bonorum simul tota possessio: unde ibi nihil est futurum, quod speretur. Et licet sanctis adhuc futura sit resurrectio corporum secundum rem, tamen praesens est secundum cognitionem. Spes autem sic futurum respicit, quod privat tam praesentiam rei, quam cognitionis, prout spes proprie sumitur.

Duplex est spes, scilicet suffragii, et primæ auctoritatis. Prima posita est in sanctis, secunda in solo Deo: et haec triplex est, scilicet venia¹: *In te, Domine, speravi, non confundar in aeternum; gratia²:* *Sperantes autem in Domino misericordia circumdabit; gloriae³:* *Qui sperat in Deo, salvabitur.*

Efectus spei multiplex est. 1. A tribulatione liberat⁴: *In te speraverunt patres nostri; speraverunt, et liberasti eos.* Exemplum de Susanna et Daniel. 2. Confortat⁵: *Pereentes septem filios sub unius die tempore conspiciens mater bono animo ferebat, propter spem, quam in Deum habebat.* 3. Mentem elevat⁶: *Qui sperant in Domino, mutantur fortitudinem, et assumunt pennas, etc.* 4. Salvat⁷: *Qui salvos facit sperantes in se.* 5. Temporalia ministrat⁸: *Oculi omnium in te sperant, Domine, etc.*

Spes multis rebus comparatur: dicitur enim 1. galea⁹: *Induti galeam salutis.* 2. Anchora¹⁰: *Qui configimus ad tenendam propositam spem, quam sicut anchoram habemus aninre tutam ac firmam.* 3. Medicina¹¹: *Sperans in Domino, etc.* 4. Gemma¹²: *Gemma gratissima expectatio, etc.* 5. Solatium¹³: *Fortissimum solatium habeamus, qui configimus ad tenendam propositam nobis spem.* 6. Clavis; Glossa super illud Psalmi¹⁴, *Sperate in Domino:* « Per spem enim intratur ad illud videndum quod creditur. » 7. Lignum vite¹⁵: *Si coram hominibus tormenta passi sunt, spes illorum immortalitate plena est.*

CAPUT XXV.

De Charitate.

Charitas secundum Apostolum sic definitur¹⁶: *Charitas est finis precepti de corde puro, etc.* Et sumitur hic *finis* pro consummatione, quia charitas est consummatio sive perfectio omnis præ-

cepti. Potest etiam dici finis terminationis omnium præceptorum, quia omnia opera, quæ sunt in præcepto, tendunt ad charitatem, ut magis ac magis habeatur. *De corde puro*, id est intellectu puro, dicit Glossa; et sumitur hic intellectus pro actu intelligendi, secundum quem causatur motus charitatis. Quanto enim quis Deum magis intelligit, tanto magis diligit, nisi alias impediatur. Et hic ista præpositio, *de*, notat causam efficientem. *Et conscientia bona*, id est, spe, quia qui puram habet conscientiam, secure sperat. *Et fide non facta*, id est, *(a)* simulata vel fragili, sed inter aduersa forti. Prosper, in libro de *Vita contemplativa*, describit charitatem sic¹⁷: « Charitas, est, ut mihi videtur, recta voluntas ab omnibus terrenis, et præsentibus, ac futuris prorsus aversa, juncta Deo inseparabiliter et unita, igne quadam Spiritus sancti, a quo est, et ad quem refertur, incensa, inquinamenti omnis extranea, corrupti nescia, nulli vitio mutabilitatis obnoxia, super omnia, quæ carnaliter diliguntur, ex celsa, affectionem omnium potentissima, divinae contemplationis avida, in omnibus semper invicta, summa bonarum actionum, salus mortum, finis cœlestium præceptorum, mors criminum, vita virtutum, virtus pugnantium, palma justorum, sanctarum mentium armatura, causa meritorum bonorum, præmium perfectorum: sine qua nullus Deo placuit; cum qua aliquis Deo displicere non potuit: fructuosa in penitentibus, leta in proficentibus, gloriosa in perseverantibus, victoriosa in martyribus, operosa in omnibus omnino fidelibus, ex qua quidquid est boni operis vivit. »

Charitas quantum ad actum diffinitur quatuor modis. Primo sic in tertio libro *Sententiarum*¹⁸: « Charitas est dilectio, qua diligitor Deus propter se, et proximus propter Deum, et in Deum. » Secundo sic: « Quid est charitas? Vita copulans amantem cum amato. » Tertio sic secundum Augustinum: « Charitas est virtus qua videre Deum et perfrui desideramus. » Quarto sic secundum Augustinum: « Charitas est virtus, quæ animi nostri rectissima affectio est. » Hanc diffinitionem prima datur in comparatione ad Deum; secunda, in comparatione ad ejus possessorum; tertia, in comparatione ad ter-

¹ *Psalm. xxx, 2.* — ² *Psalm. xxxi, 10.* — ³ *Prov., xxviii, 25.* — ⁴ *Psalm. xxi, 5.* — ⁵ ⁶ *Mach., vii, 20.* — ⁷ *Isa., xl, 31.* — ⁸ *Psalm. xvi, 7.* — ⁹ *Psalm. cxliiv, 15.* — ¹⁰ *1 Thess., v, 8.* — ¹¹ *Hebr., vi, 19.* — ¹² *Psalm. xv, 1.* — ¹³ *Prov., xvii, 8.* — ¹⁴ *Hebr., vi, 18.* — ¹⁵ *Psalm. iv,*

¹⁶ — ¹⁷ *Sap., iii, 4.* — ¹⁸ *1 Tim., i, 5.* — ¹⁹ *Prosper, de Vil. Contempl., lib. IV, c. xiii.* — ²⁰ *Vid. huj. edit. tom. IV, p. 592 et seq.*

(a) Suppl. non.

minum; quarta, in comparatione dilecti ad dilectum.

CAPUT XXIV.

De differentia inter Charitatem et alios amores.

Amor triplex est, scilicet gratuitus, naturalis, et vitiosus. Amor gratuitus est laudabilis, quia virtus est, et habet finem principalem bonum incommutabile. Hic dividitur in amicitiam, et concupiscentiam. Secundum amicitiam diligit quis Deum purissime, non respiciens utilitatem suam, sed bonitatem amat: hoc modo diligit homo plus Deum quam seipsum. Secundum vero concupiscentiam diligit quis Deum, remunerationem in eo expectans.

Amor naturalis nec laudabilis est, nec virtuoperabilis: habet finem indigentiam vel utilitatem propriam. Iste similiter dividitur in amicitiam, et concupiscentiam. Secundum amicitiam diligimus Deum hoc amore, ut nostram perfectionem et nostram conservationem, sicut magis ea quæ sunt plus necessaria, ut caput pro quo totum corpus exponimus: hoc commune est nobis et brutis. Secundum concupiscentiam vero diligimus Deum, quia necessitati nostræ subvenit; quia hoc amore non diligitur res propter se, sed propter usum ejus. Unde hoc modo plus diligit homo seipsum dilectione naturali, quam Deum.

Amor vitiosus vituperabilis est, quia peccatum est, et habet finem voluptatem, sive delectationem in creatura. Hic amor dividitur etiam in amicitiam, et concupiscentiam. Secundum amicitiam diligimus hoc amore creaturam, sive delectationem creaturæ propter se, quamvis in nobis non habeatur; secundum concupiscentiam vero diligimus voluptatem creaturæ propter nos.

Amor iterum multiplex est, scilicet naturalis erga se, plus erga parentes, jucundus erga socios, justus erga amicos, violentus erga inimicos, sanctus erga Deum. Item differentia est inter amorem, dilectionem, et charitatem: quia amor propriæ est naturæ, et dicitur amor quasi animorum unio, quia quietat appetitum in re amata. Dilectio est amor proximi, et dicitur *dilectio* quasi duo ligans: sociat enim amantem cum amato in amore, ut se mutuo diligant. Charitas est amor in Deum. Hæc amicum deter-

minat et indicat omnibus cariorem: unde dicitur *charitas* quasi chara unitas, vel quasi charum faciens Deo. Alia est differentia inter prædicta: quia amamus Deum propter se, diligimus eum super omnia: charitas ulrumque complectitur, scilicet *super omnia*, et *propter se*. Diligere Deum in hoc differt a dilectione proximi, quia diligere Deum est velle ei bonum quod habet, scilicet quod sit omnipotens, et summe bonus, et bujusmodi: item diligere Deum est velle præcepta ejus servare, cum intentione fruendi eo: item diligere Deum, est eum velle possidere, et ab ipso possideri: item diligere Deum est voluntatem ejus voluntati nostræ in omnibus præferre; diligere vero proximum, est velle ei summum bonum non per essentiam, sed per gratiam: item diligere proximum, est idem velle, et idem nolle in bono: item diligere proximum, est successivum bonum ei optare, et quærere: item diligere proximum, est velle ei hoc, quod sibi. Est iterum differentia inter dilectionem Dei, et proximi: quia Deum diligimus in se, et propter se; proximum vero diligimus in Deo, et propter Deum.

Quando autem dicimus duplitem esse charitatem, scilicet Dei, et proximi, hæc duplicitas non intelligitur quantum ad habitus, sed quantum ad actus, quia uno habitu charitatis diligitur Deus et proximus. Charitas quandoque dicit habitum¹: *Charitas Dei diffusa est in*, etc. Quandoque dicit motum²: *Ordinavit in me charitatem*. Quandoque signum: unde Joannes³: *Majorem charitatem (a) nemo habet*, id est, majus signum scilicet charitatis. Quandoque tertiam personam in Trinitate³: *Deus charitas est*; et sic sumitur personaliter. Quandoque sumitur essentialiter, et sic tota Trinitas dicitur *charitas*. Quandoque sumitur pro fervore charitatis; unde in Luca⁴: *Dimissa sunt ei peccata multa, quoniam dilexit multum*.

CAPUT XXV.

De effectu Charitatis.

Charitas¹, peccatum expellit; unde de Magdalena dicitur⁵: *Dimissa sunt ei peccata multa, quoniam dilexit multum*.² Legem custodit⁶: *Qui diligit proximum suum*, etc. 3. Deum homini jungit⁷: *Qui manet in charitate, in Deo manet*, etc. 4. Mente virtutibus ornat⁸: *Charitas patiens*

¹ Rom., v, 5. — ² Cant., ii, 4. — ³ Joan., xv, 13. — ⁴ (a) Vulg. *dilectionem*.

⁵ 1 Joan., iv, 8. — ⁶ Luc., vii, 47. — ⁷ Rom., xiii, 8. — ⁷ 1 Joan., iv, 16. — ⁸ 1 Cor., xiii, 4.

est, benigna est, etc. 5. Perfectionem adducit; Apostolus¹: *Aduer excellentiorem viam vobis demonstro.* 6. Gloriam tribuit²: *Si quis diligit me, etc.; et sequitur: Ad eum veniemus, et mansio- nem apud eum faciemus.* 7. Dilectione Dei dignum facit³: *Si quis diligit me, diligeretur, etc.* Charitas in cordibus nostris diffunditur, cum ad proximum dilatatur; effunditur per prædi- cationem, et per opera misericordie; infundi- tur per illuminationem gratiæ; superfunditur per opera perfectionis et supererogationis. Per charitatem venit Deus ad homines in incarnatione, et in homines in gratia collatione. Per ipsam charitatem currunt homines ad Deum bona operatione, et pervenient ad eum in glorificatione. Amoris est 1. vulnerare, quia intima cordis penetrat⁴: *Vulnerata charitate ego sum.* 2. Languidum facere, et hoc per desiderium essendi cum amato⁵: *Nuntietis dilecto meo, quia amore langueo.* 3. Inebriare, quia sic tendit in amatum, quod sui ipsius et omnium rerum præ- ter illum obliviscitur⁶: *Comedite, amici mei, et bibite, et inebriamini, carissimi.* 4. Liquefacere, quia cor in divina dulcedine sic resolvitur, quod appetens cum appetibili mirabili amicitia unitur⁷: *Anima mea liquefacta est, ut dilectus locutus est.* Amor habet vim diffusivam in bona ope- ratione, unitivam in proximi dilectione, trans- formativam in justificatione. Item aliter hoc ostenditur, quod habet vim diffusivam, ut patet in creatione; unitivam, ut patet in Christi in- carnatione; transformativam, ut in glorifica- tione.

CAPUT XXVI.

Quibus rebus Charitas assimiletur.

Charitas est bonorum principium, quia a Deo; bonorum medium, quia secundum Deum; bonorum finis, quia propter Deum. Charitas dicitur bone operationis principium, quia mo- vet ad id; Gregorius⁸: « Charitas magna ope- ratur, si est. » Dicitur etiam medium, quia opera informat. Dicitur quoque finis, quia opera diri- git, et ad debitum finem perducit.

Quomodo autem dicatur finis: sciendum est quod triplex est finis, scilicet consumptionis, consummationis, et terminationis. Primo modo charitas est finis peccatorum, quia ea consumit; secundo modo est finis præceptorum, quia ca-

perficit; tertio modo tam vita æterna, quam ipse Deus est finis nostri laboris: sed vita æterna finis est quo quiescitur; Deus vero, terminus in quo quiescitur.

Charitas dicitur forma virtutum multipliciter.

Primo, quia movet omnes virtutes ad opera exteriora, per que perficiuntur virtutes, et me- rentur angeri. Secundo, quia omnes virtutes moventur ad finem charitatis, scilicet ad bonum. Charitas enim habet bonum pro fine et objecto; alias autem virtutes habent bonum, non pro objecto, sed pro fine tantum, et ille finis virtutum perfectionem denotat. Tertio, quia charitas auget virtutum delectationem, et tollit fastidium, et alleviat onera propter ipsius desiderium. Quarto, quia componit animam, et perficit, non quidem in esse naturæ, sed in esse gratuito et meritorio. Charitas multis rebus assimilatur, quia comparatur 1. auro⁹, quod fornax tribulationis probat; 2. aurore, quam sequitur dies æternitatis; 3. arcæ Noe, in qua qui non fuit inventus, periit; 4. arbori bonos fructus proferenti; 5. alæ ad coelestia suble- vantí; 6. bitumini animam Deo conjungenti; 7. clavi cœlum aperienti; 8. corone mentem decoranti; 9. capitî sensum et motum influenti. Charitas enim influit sensum, id est, rationem merendi, aliis virtutibus, et motum, id est, affectum movendi meritorie. 10. Deo mentem illuminanti; 11. sposte thronum Deo exhibenti; 12. funi Deo atrahenti; 13. firmamento aquas voluptatis ab aquis æternitatis dividenti; 14. fonti mentem irriganti; 15. gemmæ ani- man ornanti; 16. gladio flammæ paradisum custodiénti; 17. igni affectum accedenti; 18. jugo suaviter prementi; 19. manuæ de cœlo descendenti; 20. roseæ rubenti; 21. radici humorem gratiae, quem a summo trahit, ad virtutes transmittenti, ut sic nutrientur et conserventur in bono; 22. soli fulgenti; 23. thesauro latenti; 24. vinculo omnes rationes diligendi in dilecto colliganti; 25. vino inebrianti; 26. vesti pecca- torum turpitudinem cooperenti; 27. unguento vulnera lethalia curanti.

CAPUT XXVII.

De excellentia Charitatis.

Charitas excellit alias virtutes in multis. Primo, in Dei conformitate¹⁰: *Diligamus Deum,* hom. xxx, post princ. — ⁹ *Sap., iii, 6; I Petr., i, 7.* — ¹⁰ *I Joan., iv, 19.*

¹ *Cor.*, XII, 31. — ² *Joan.*, XIV, 23. — ³ *Ibid.*, 21. — ⁴ *Cant.*, II, 5, secundum LXX. — ⁵ *Cant.*, V, 8. — ⁶ *Ibid.*, 1. — ⁷ *Ibid.*, 6. — ⁸ Greg., in *Evang.*,

quoniam ipse prior, etc. Secundo, in speciali dignitate ; Richardus¹ : « Charitas est regina virtutum. » Tertio, in pretiositate, quia est aurum de Ophir. Quarto, in speciositate, quia est planeta Veneris, et animæ pulchritudo : quia sicut pulchritudo exterioris hominis est in deceni membrorum ordinatione, et venustate coloris, sic etiam pulchritudo animæ est ex decenti ordinatione actuum, et habitu venusto : hoc autem facit charitas in anima, cuius actus ordinatus est, et venustus habitus. Quinto, in supportatione laboris ; Augustinus² : « Omnia gravia et immania levia facit amor. » Sexto, in vigorositate³ : *Fortis est ut mors dilectio.* Septimo, in utilitate ; Augustinus⁴ : « Habe charitatem, et fac quod vis. » Octavo, in delectatione, quia charitas secundum actum suum facit nos delectari in Deo, non solum in patria, sed etiam in via.

CAPUT XXVIII.

De signis Dilectionis.

Signa dilectionis sunt hæc : quia amicus amicum libenter audit, libenter de ipso loquitur, sœpe de illo cogitat ; sine tedio illi obsequitur ; corpus et res pro illo exponit; offensam cavet, offensum placat; congaudet prosperitat, condolet adversitat ; gaudet de illius præsencia, dolet de absentia; diligit et odit hoc, quod ille; conatur ei placere, timet displicere; trahit alios ad ejus amicitiam; munera ab eo data non alienat; consiliis illius acquiescit; petit ab eo fiducialiter.

Qualiter possit quis scire utrum habeat charitatem. Nota quod quidam sciunt se non habere charitatem, ut qui sunt in actu peccandi vel in proposito. Quidam dubitant se habere charitatem, quia rationes habent pro utraque parte, ut sunt illi qui incipiunt facere quod in se est. Quidam putant se habere charitatem, sicut qui multa bona fecerunt, et diu abstinebunt a peccato, adhuc tamen sustinent motus tentationum, et imaginantur turpia. Quidam experiuntur se habere charitatem, ut illi qui gustant divinam dulcedinem, in quibus fomes fere extinctus est, et quasi semper vel bona faciunt, vel affectant. Quidam certi sunt se ha-

bere charitatem, ut quibus Deus revelavit : qualis fuit Paulus, cui Dominus dixit⁵ : *Sufficit tibi gratia mea.*

CAPUT XXIX.

De gradibus Amoris.

Gradus amoris sunt isti. Primus est, cum diliguo me propter me : iste amor non est bonus. Secundus est, cum diliguo Deum propter me : iste est mercenarius ; sed tunc est bonus, si principalis finis est Deus. Terterus est, cum diliguo Deum propter se, id est, quia bonus : hic est valde bonus, quia talis amor uno tantum oculo, id est dextero, respicit Deum. Quartus est, cum diliguo me propter Deum : hic est optimus, quia in tali amore nihil querit homo de suo etiam in se ipso, sed tantum quæ Dei sunt.

Super omnia diligendus est Deus, quia cum ipse sit principium, hoc ipso est summum ; et hoc ipso quod summum est, summe bonum est ; et hoc ipso quod summe bonum est, summe beatum est ; et hoc ipso quod summe beatum est, summe beatificum est ; et hoc ipso est summe fruendum, et propter hoc ipsum est ei summe per amorem inherendum, et in eo tanquam in fine quiescendum,

Tria generaliter diliguntur, scilicet utile, honestum, et delectabile. Propter primum diligenda est tribulatio, quia utilis. Propter secundum diligenda est virtus, quia honesta. Propter tertium diligendus maxime est Deus, quia est delectabilis ; imo propter hæc omnia diligendus est Deus, quia ipsum diligere est utile, honestum, et delectabile.

Gradus amoris vel charitatis, in quantum tollit peccatum, sunt isti. Primo tollit charitas peccatum mortale, non quantum ad habitum, sed quantum ad actum : liberat enim a peccato mortali, sed non a potestate cadendi in illud. Secundo modo charitas tollit peccatum mortale quantum ad actum, et quantum ad habitum ; sed veniale neutro modo, sicut patet in aliis quibus sanctificatis. Tertio modo charitas tollit peccatum mortale utroque modo, et veniale quoad actum, sed non quoad habitum : talis fuit charitas in beata Virgine ante conceptionem Christi. Quarto modo charitas tollit utrumque utroque modo, sicut fuit in beata Virgine in conceptione Christi, et post : tunc enim fuit in ipsa sublatius fomes peccandi totaliter.

¹ Richard. de S. Vict., in *Psal. XLIV.* — ² Aug., *de verb. Dom.*, serm. ix, al. LXX, c. III. — ³ Cant., VIII, 6. — ⁴ Aug., in *Epist. Joan.*, tract. VIII, n. 8. — ⁵ II Cor., XII, 9.

Quinto modo tollit charitas utrumque utroque modo, et insuper omnem miseriā : et hoc fiet in patria. Perfecta est charitas, quando est habitu magna, motu interiori directa, opere exteriori sollicita, radice stabilita, fervore discreta, dulcedine consolatoria. Diligendus est Deus *toto corde*, id est, intellectu sine errore; *tota anima*, id est, voluntate sine contrarietate; *tota mente*, id est, memoria sine oblivione.

CAPUT XXX.

De ordine Charitatis.

Ordo charitatis, secundum Augustinum¹, est diligere primo quod supra nos est, id est, Deum; deinde quod nos sumus; post hoc quod juxta nos est, id est, proximum; ultimo quod infra nos est, id est, corpus nostrum proprium. In eodem gradu contineri debet corpus proximi, quia utrumque tenet rationem inferioris boni respectu spiritus nostri. Secundum Ambrosium² diligendus est primo Deus, secundo parentes, deinde filii, post domestici, ultimo inimici: sed hoc de exhibitione quidam intelligunt.

Aliquis magis diligitur ab altero multipliciter, scilicet majori affectu; sic super omnia diligendus est Deus: sed inter homines magis diligendi sunt parentes, quam filii; deinde consanguinei, secundum gradus cognationis. Majori affectu diligendi sunt filii, quam parentes; sed tamen parentibus succurrentum est, prius magis indigenti. Ad majorem gratiam: sic magis diligendi sunt qui se magis ad gratiam preparant et habilitant. Ad gloriam: sic diligendi sunt secundum gradus participandi bonum gratiae. Nota quod idem est ordo dilectionis nature, et gratiae: hoc excepto³, quod homo dilectione naturali se magis diligit, quam Deum; sed e converso est in dilectione gratuita. Pratorum sciendum est quod idem ordo caritatis, qui secundum Augustinum est in via, erit etiam in patria: quia cum gloria perficiat naturam, quidquid non est imperfectio nis in natura, manebit in gloria.

CAPUT XXXI.

De Dilectione proximi.

Mutuo se debent homines diligere, quia omnes sunt membra unius corporis Christi mystici; quia uno Spiritu sancto vivificantur spiritua-

liter, et uniuntur; quia unam fidem habent; quia unum baptismum receperunt; quia unum Patrem habent et Dominum; quia ad unum regnum tendunt. Dilectionem proximi suadet 1. *jus naturae*⁴: *Omnia quæcumque vultis ut faciant vobis homines, et vos facite illis.* 2. *Jus Scripturæ*⁵: *Diligies proximum tuum sicut te ipsum.* 3. Exemplum creaturæ, quia similis simili gaudet, et omne simile diligit sibi simile.

Melius est diligere quam diligi, quadruplici ratione. Primo, quia quod diligimus, scimus; sed quod diligamus, nescimus, sed credimus. Secundo, quia diligere, propriæ virtutis est; sed diligi, aliena. Tertio, quia cum vere diligimus, alios nobis obligamus; cum vero diligimur, alii obligamur. Quarto, quia cum diligimus, meremur nobis; cum autem diligimus, alii mercentur sibi. Per dilectionem proximi efficiuntur 1. imitatores Christi⁶: *Hoc est preceptum meum, ut diligatis invicem, sicut dilexi vos.* 2. Discipuli Salvatoris⁷: *In hoc cognoscent omnes, quod discipuli meis estis,* etc. 3. Contemplatores Dei⁸: *Qui diligit fratrem suum, in lumine manet, et videt Deum.* Societas fraterna utilis est 1. ratione sublevacionis⁹: *Vox soli, quia si cederit, non habet sublevantem.* 2. Ratione consolations¹⁰: *Ecce quam bonum, et quam iucundum,* etc. 3. Ratione exhortationis; Seneca: « Semper ante oculos tuos ponendum est aliquis, cuius exemplo proficias, quia nisi ad regulam prava non (a) corrigas, a modica scintilla augetur ignis. »

CAPUT XXXII.

De Dilectione inimicorum.

Circa dilectionem inimicorum nota, quod alia est dilectio affectus, et alia dilectio effectus. Dilectio affectus duplex est, quia alia est innocentiae, et alia beneficentiae. Dilectione innocentiae tenemur diligere inimicos, quia non debemus eis optare malum in quantum malum, sed in quantum est eis expediens, vel reipublicæ. Effectus dilectionis beneficentiae duplex est, scilicet principalis, et secundarius. Effectus

¹ Aug., *de Doct. Christ.*, lib. I, c. xxiii. — ² Citatut tanquam ex Ambrosio a Magistro *Sent.*, dist. xxix (vid. huj. edit. tom. IV, p. 641), et habetur in Gloss. ordin. super *Cant.*, II. — ³ Idem habet S. Bonaventura in III *Sent.*, dist. xxix, q. II, ad 1^{um}, et q. IV, ad 4^{um} (huj. edit. tom. IV, p. 653 et 659). Contrarium tamen docet S. Thomas, 2-2, q. xxvi, art. 3, in corp. — ⁴ Matth., vii, 12. — ⁵ Matth., xix, 19. — ⁶ Joan., xv, 12. — ⁷ Joan., xiii, 35. — ⁸ I Joan., II, 10. — ⁹ Eccl., IV, 10. — ¹⁰ Psal. cxxii, 1. — (a) Forsan delend. non.

principalis est velle et optare inimicis bona spiritualia, sicut est gratia, et gloria : et ita tenemur per affectum diligere inimicos. Effectus autem dilectionis secundarius est optare inimicis bona temporalia : hoc modo non tenemur semper diligere inimicos, quia non semper expediet eis habere bona temporalia.

Eodem modo distinguendum est de dilectione effectus, quia similiter duplex est, innocentiae, et beneficentiae. Primo modo tenemur omnes diligere inimicos, quia tenemur eis non inferre mala, nisi forte propter bonum personae, vel reipublice. Secundo modo distinguenda est dilectio beneficentiae : quia si est beneficium spirituale ad salutem necessarium, tunc tenemur illud inimicis impendere, sicut orare pro eis, non quidem in speciali, sed in generali, ita scilicet, ut non excludamus eos ab orationibus communibus. Si vero est beneficium temporale, ad hoc non tenemur, nisi in casu necessitatis.

Nota tamen esse duplicum inimicum, scilicet persone nostra, et Ecclesiae. Igitur inimico persone nostra benefacere, perfectionis est, nisi in quantum ipsi vel alteri beneficium occasionaliter nocivum esset, quia in tali casu beneficium subtrahere utile est. Inimico autem Ecclesiae beneficium subtrahere perfectius est et melius, nisi in quantum per beneficium speratur reconciliandus Ecclesiae. Ex predictis patet, quod optare bona temporalia inimicis Ecclesiae, imperfectionis est, nisi per accidens, scilicet quando creduntur per hoc convertendi. Inimicis vero personae optare bona temporalia, perfectionis est, nisi per accidens, scilicet quando putantur eis vel alias nociva. Nota quod, licet amicum diligere sit magis debitum, tamen diligere inimicum magis est remissionis penae meritorium, et ad alia multa valet. Primo, quia magis accedit ad perfectionem virtutis: majoris enim perfectionis est, quia magis gratuitum. Secundo, quia motus charitatis, quo diligimus inimicum, magis meritorius est remissionis penae, et hoc ratione difficultatis; licet diligere amicum sit magis meritorium vite aeternae, ratione intentionis. Amor enim naturalis ferventiorum facit motum charitatis, sicut dispositio materialis confert formae. Tertio, quia inimicum diligere, est expressius signum charitatis, quia contra motum nature est : unde valde difficile est, nisi adsit gratia, per quam vincatur natura.

Nota quod ille cui injuria facta est, non debet reconciliationem querere ex debito necessitatis; sed si facit, compleat debitum perfectionis. Unde ait Chrysostomus, quod talis debet reconciliationem querere, ut duplicum gloriam consequatur : unam, quia injuriam passus est; alteram, quia prior rogaverit (a).

CAPUT XXXIII.

De virtutibus cardinalibus in genere.

Per virtutes cardinales anima rectificatur in suis viribus. Nam prudentia rectificat rationalem; fortitudo, irascibilem; temperantia, concupiscentib; justitia vero rectificat omnes vires, prout natura justitiae comprehendit non solum specialem justitiam, quae est in commutationibus, vel distributionibus, sed etiam legalem, quae est omnis virtus, prout ejus actus pertinet ad debitum obedientiae praecceptorum. Ipsa enim justitia generalis comprehendit virtutes ordinantes ad proximum, ut est aequitas et liberalitas; et ordinantes ad seipsum, sicut innocentia et penitentia; et ordinantes ad Deum, sicut est latria, pietas, et obedientia. Propter hoc justitia dicitur circuire omnes virtutes, et quod non tantum est virtus specialis, sed etiam generalis, comprehendens totius animae rectitudinem, cum ipsa dicatur rectitudo voluntatis. Item per virtutes cardinales instruit homo in operibus, et contra vitia armatur. Primum fit duplíciter: quia instituitur quoad se per prudentiam, et quoad proximum per justitiam. Secundum etiam fit duplíciter: quia homo armatur in prosperis per temperantiam, et in adversis per fortitudinem. Item dicit Augustinus¹, quod prudentia est in eligendis, fortitudo in tolerandis, temperantia in utendis, justitia in distribuendis. Item dicit quod prudentia est in preevendis insidiis, justitia in subveniendis miseriis, fortitudo in perferendis molestiis, temperantia in coercendis delectationibus pravis. Augustinus ait in *Musica* sua², quod succedit prudentie contemplatio, fortitudini firmitas adhaerentiae, temperantiae mensura delectationis, justitiae debita ordinatio ad Deum et proximum.

Iste quatuor virtutes appellantur *cardinales*, quia, sicut ostium vertitur in cardine, sic in his vertitur et regitur vita hominis. Vocantur etiam Oper. S. Aug., append. tom. VI. — ² Aug., de *Music.*, lib. VI, c. xvi, n. 55, quoad sensum.

¹ Imo auctor lib. de *Spir. et Anim.*, c. xx, inter (a) *Cœt. edit.* rogavit.

politice, quia ordinatur in his vita civilis, et hominem poliunt et ornant. Dicuntur etiam *humane*, quia humano studio acquiruntur, nisi divinitus infundantur. Appellantur etiam *con-suetudinales*, quia non ex uno actu, sed ex consuetudine nascuntur; vel quia honestas humana se magis exercitat in istis, sicut et sanctorum devotio se magis exercitat in virtutibus theologicis.

Nota quod prudentiae est scire quod possit; temperantie est non presumere quod non possit; justitiae est velle in omnibus quod aequum sit; fortitudinis est velle plus, quam possit. Iste virtutes habent suos gradus perfectionis, secundum quos aliter possident incipientes, aliter proficienes, aliter perfecti. Dicuntur etiam virtutes *politice* quandoque, secundum quod regunt vitam hominis quoad opera exterioria, et prout pugnant contra vitia: et hoc modo sunt incipientium. *Purgatoria* dicuntur, secundum quod jam sunt in victoria vitiorum, et consistunt partim intra, partim extra, et sic sunt proficiens. Dicuntur autem *purgati animi*, secundum quod jam devictis vitiis quiescit homo, ita quod raro primi motus insurgunt: et hoc modo pertinent ad perfectionem. *Exemplares* dicuntur, prout sunt in mente divina: nam sicut omnium rerum Deus exemplar est, ita et ideæ virtutum in ipso consistunt.

CAPUT XXXIV.

De Prudentia.

Prudentia, secundum quod est virtus politica, est, ut ait Macrobius¹, ad rationis normam, quæ cogitat, quæcumque agit, universa dirigere, ac nihil præter rectum velle, vel facere. Prudentia vero, secundum quod est virtus purgatoria, est, ut idem ait, et mundum, et omnia quae in mundo sunt, divinorum contemplatione despiciere, et omnem animæ cognitionem in sola divina erigere. Prudentia autem prout est virtus purgati animi, est sola divina noscere, et ea, tanquam nihil aliud sit, intueri. Prudentia sane exemplaris est ipsa mens divina, cui² *omnia nuda sunt et aperta*.

Partes prudentie, secundum Tullium³, sunt intelligentia, providentia, memoria. Intelligenzia vero est per quam animus prospicit ea quæ

¹ Macrobi., in *Somn. Scipion.*, lib. I. — ² *Hebr.*, IV, 13. — ³ Cic., *de Invent.*, lib. II. — ⁴ *Deut.*, XXXII, 29. — ⁵ *Prov.*, X, 19. — ⁶ *Psal. CXL*, 3. — ⁷ *Psal. XXXVI*,

sunt. Providentia autem virtus est, ut idem ait, per quam aliquid videtur futurum, antequam factum sit. Memoria, secundum eundem, est per quam repetit quis ea quæ fuerunt.

Nota quod duplex est judicium rationis, discretivum scilicet, et diffinitivum. Judicium discretivum est, quo ratio judicat aliquid esse faciendum, vel non faciendum: circa tale judicium est scientia, et non virtus. Judicium vero diffinitivum est, quo ratio imperat aliquid fieri, vel non fieri: et circa istud est virtus. Unde in primo judicio se habet scientia ad operationes bonas, ut consiliarius; in secundo vero judicio se habet virtus, ut imperator.

Prudentia habet regere cæteras virtutes in actibus suis secundum omnes partes philosophie moralis, quæ sunt Ethica sive Moralis, *Oeconomicæ* et *Politica*: quarum prima mores quoad se ipsum instruit; secunda familiam disponit; tertia urbes et regna regit. Triplex est prudentia. Prima est cordis, et hæc est in dispositione præsentium, et recognitione præteriorum, et prævisione futurorum⁴: *Utinam saperent*, scilicet præterita, et intelligerent, scilicet præsens, ac novissima præviderent, scilicet futura. Secunda est oris, et est in moderatione sermonum⁵: *Qui moderatur labia sua, prudentissimus est*.⁶ *Pone, Domine, custodiam ori [neo]*. Tertia est operis, et hæc(a) consistit, ut ait Tullius, in fuga mali, et electione boni⁷: *Declina a malo, et fac bonum*.

Nota quod alia est prudentia mundana, alia humana, alia divina. Prima est in temporibus acquirendis; secunda, in commodo carnis; tertia, in obsequiis divinis. Officium prudentie est 1. actus aliarum virtutum dirigere, sicut supra dictum est. Bernardus⁸: « Discretio non tam virtus est, quam auriga virtutum. » « Nolle enim fallere nec falli, ut dicit Seneca, est res secundum virtutem estimare. » Idem: « Tunc per rationem recte vives, si divina prius restimes, si dignitatem rerum non ex opinione multorum, sed ex earum natura constituas. » 2. Nobis commissa ad Dei gloriam et proximi ædificationem dispensare⁹: *Quis putas est fidelis servus, et prudens, quem constituit dominus super familiam suam*, etc. 3. Mutabilitatem fugere; Seneca: « Scito te in quibusdam perseverare debere, quia cepisti; quedam nec incipere. »

⁴ 29. — ⁵ Bern., in *Canl.*, serm. XLIX, circa med. — ⁶ *Luc.*, XII, 42

⁷ (a) *Cæt. edit. hoc.*

CAPUT XXXV.

De Temperantia.

Temperantia, secundum Macrobius¹, prout est virtus politica, est nihil appetere paenitendum, in nullo legem moderationis excedere, sub jugo rationis cupiditatem domare. Temperantia, prout est virtus purgatoria, est omnia relinquere, in quantum natura patitur, que corporis usus requirit. Temperantia vero, prout est virtus purgati animi, est terrenas cupiditates non solum reprimere, sed penitus oblisci. Temperantia, prout est virtus exemplaris, est quædam in se perpetua intentione conversatio.

Partes temperantiae, secundum Tullium², sunt tres, continentia, clementia seu abstinentia, et modestia. Continentia, secundum eundem Tullium, est virtus per quam cupiditas consilii gubernatione regitur. Clementia est, per quam motus animi in odium alicuius temeritate concitati, comitate vel hilaritate retinentur. Modestia est virtus, per quam pudor honestus caram (a) et stabilem auctoritatem comparat. Species temperantiae sunt tres, sobrietas, continentia, et modestia. Prima consistit circa gustum, in quo ponit modum sobrietatis; secunda est circa tactum quantum ad vim generativam, cui imponit modum castitas. Habet enim homo vehementem appetitum conservandi se in esse individui per nutrientum, et conservandi se in esse speciei per generationem: isti autem appetitus restringuntur per sobrietatem et continentiam. Tertia consistit in dictis et factis: factum autem, prout hic accipitur, pertinet ad tres sensus circa proprias eorum materias, scilicet visum, auditum, olfactum. Pertinet etiam hoc factum ad tactum, non quidem qui est in generativa, sed ad alios quorum organa sunt manus ad percutiendum, vel capiendum, et pedes ad ambulandum. In omnibus istis modum ponit modestia.

Dignitas temperantiae in hoc est, quod 1. animam decorat: quia sicut in naturis forma est decentior materia, sic et in moribus plus commendatur modus, quam ipsa actio. Proprius hoc temperantia comparatur Soli, qui medium planetarum est, et decentior inter omnes. 2. Meritum cumulat, quia

.... medium tenuere beati.

Unde dicitur quod verbis non meremur, sed

adverbiis, id est, non eo quod aliquid facimus, sed in eo quod bene facimus. Istud patet in illa vidua, qua obtulit duo minuta, et magis commendata est quam qui magna dona miserunt in gazophylacium. 3. Vitiosos appetitus refrenat, sicut supra dictum est: unde comparatur freno et remo, et limæ que superfluum rubiginis tollit de ferro. 4. Actiones informat, secundum quod Apostolus instruit, dicens³: *Rationabile obsequium vestrum*. 5. Medium servat; Bernardus⁴: « Tene medium, si non vis perdere modum. » De hoc medio dicitur:

..... medio tutissimus ibis.

Istud medium voluit Dominus nos tenere, quando fecit Eam non de capite vel de pede, sed de costa; et quando fecit hominem partim corporalem, et partim spiritualem: ut dignitate naturæ sub natura esset angelica, et super corpoream creaturam. 6. Christo assimilat, qui stetit in *medio* discipulorum, sedit in *medio* doctorum, suspensus est in *medio* latronum, locatus est in *medio* duorum animalium, visus est a Joanne in Apocalypsi⁵ in *medio* candelabrum aureorum. 7. Naturam conservat, quia natura in mediis delectatur, et per extrema corrupitur. Unde Philosophus⁶: « Excellentia sensatorum corrupitur sensus. » 8. Ferculis æternis cibat; unde temperantia comparatur ligno vite, quod erat in medio paradisi.

CAPUT XXXVI.

De Fortitudine.

Fortitudo, secundum Macrobius⁷, prout est virtus politica, est animum supra periculi metum agere, nihilque nisi turpia timere, tolerare fortiter adversa vel prospera. Fortitudinis purgatoriæ est animo non terreri a corpore receidente, nec altitudinem abhorre. Fortitudinis purgati animi est passiones ignorare, non metuere, ut nesciat irasci, et nihil cupiat inhomostenum. Fortitudinis exemplaris est esse immutabilem, quia semper idem est, nec aliquando mutatur.

Partes fortitudinis, secundum Tullium⁸, sunt quatuor: magnificentia, fiducia, patientia, et

¹ Macrobius, in *Sonni Scipionem*, lib. I, c. viii. — ² Cic., *de Invent.*, lib. II. — ³ Rom., XII, 1. — ⁴ Bern., *de Consider.*, lib. II, c. x. — ⁵ Apoc., II, 1. — ⁶ Arist., *de Animi*, lib. III, text. 144. — ⁷ Macrobius, in *Sonni Scipionem*, lib. I, c. viii. — ⁸ Cic., *de Invent.*, lib. II.

(a) *Forsan legendum claram.*

perseverantia. Magnificentia , secundum eumdem , est magnarum et excelsarum rerum cum ampla quadam animi proportione (a) cogitatio atque administratio. Fiducia est virtus per quam in magnis et honestis rebus multum ipse animus cum certa spe fiduciæ in se collocatur. Patientia est honestatis et utilitatis causa rerum arduarum atque difficilium voluntaria et diuturna perpessio. Perseverantia est virtutis (b) in ratione bene considerata stabilis et perpetua permansio.

Multi sunt effectus fortitudinis : Primus est , quia de hostibus triumphat¹: Judas Machabœus , et idem vir fortissimus. Secundus , quia homini sua bona conservat² : Cum fortis armatus , etc. Tertius , quia dicit³ : Manus fortium divitias parat. Quartus , quia regnum celorum expugnat⁴ : Regnum colorum viñ patitur , etc. Quintus , quia ornat⁵ : Fortitudo et decor , indumentum ejus. Sextus , quia in extreñis assecurat⁶ : Leo fortissimus bestiarum ad nullius pavebit occursum. Septimus , quia remunerationem expectat⁷ : Mulierem fortem quis inveniet , etc.

Fortitudo consistit in quinque , scilicet 1. in aggrégatione arduorum⁸ : Viriliter agite , et confortetur cor vestrum . 2. In contemptu terrenorum⁹ : Moyzes negavit se esse Filium Pharaonis , etc. 3. In sustinentia tribulationum¹⁰ : Fortis est ut mors dilectio . 4. In resistantia tentacionum , Apostolus¹¹ : Non coronabitur , nisi qui legitime certaverit . 5. In impugnatione vitiorum¹² : Militia est vita hominis super terram .

Multa juvant fortitudinem. Primum est exhortatio prudentium ; unde legitur de Juda Machabœo¹³ , quod armavit socios non clypeï vel hasta munitione , sed sermonibus optimis. Secundum , exempla robustorum , ut legitur de Eleazaro¹⁴ , quod elegit fortiter mori pro paternis legibus , exemplum virtutis et fortitudinis posteris relinquens. Tertium est exercitatio in pugnis ; unde legitur in libro Iudicium (c)¹⁵ , quod Dominus non delevit statim omnes hostes filiorum Israel , sed reliquit aliquos , ut per eos haberent consuetudinem præliandi. Quartum est spes remunerationis¹⁶ : Confortentur manus vestrae , et non dissolvantur : erit enim merces operi vestro. Quintum , hostium

debilitas ; Gregorius : « Debilis est hostis , qui non potest vincere nisi volenter. » Sextum , orationis adjutorium¹⁷ : Cum elevaret (d) manus Moyzes , vincebant filii Israel , etc. Septimum , armorum spiritualium apparatus ; unde Samson¹⁸ vicit Philistæos in mandibula asini , id est , temperantia et simplicitate. Octavum , memoria dominice passionis : quod significatum est in David , qui contra Goliam venit¹⁹ in baculo et funda. Nonum , cibus spiritualis²⁰ : Panis cor hominis confirmet²¹. Ambulavit Elias in fortitudine cibi illius , etc. Unde Petrus potatus Spiritus sancti gratia confortatus est , dicens²² : Oportet Deo obediare magis quam hominibus. Idem vero apostolus ante talem confortationem dicit²³ : Nescio hominem hunc.

CAPUT XXXVII.

De Justitia.

Justitiae politicæ , secundum Macrobium²⁴ , est servare unicuique quod suum est. Justitiae purgatoriæ , secundum eumdem , est ad unam cujusque propositi viam uniuersu jusque virtutis officium conservare. Justitiae autem purgati animi est ita cum superna mente sociari , ut servet cum ea fædus perpetuum imitando. Justitiae exemplaris est , quod perenni lege sempiterna operis sui continuatione non flectitur.

Partes justitiae , secundum Tullium²⁵ , sunt sex , scilicet religio , pietas , gratia , vindicatio , observantia , veritas. Religio , secundum eumdem Tullium , est virtus quæ superioris cuiusdam naturæ , quam divinam vocant , curam cæromaniæ affert. Pietas est per quam conjunctis sanguine , et benevolentia officium , et diligens tribuitur cultus. Gratia est , in qua amicitia et officiorum alterius memoria , et remunerandi voluntas continetur. Vindicatio est virtus per quam vis et injuria , et omne quod obscurum est , defendendo atque ulciscendo propulsatur. Observantia est virtus per quam homines aliqua dignitate antecedentes cultu quodam et honore dignantur. Veritas est virtus per quam immutata ea quæ sunt , aut fuerunt , aut futura sunt , dicuntur.

Nota quod justitia non tam est virtus specialis
 XVII. 9. — ²⁴ Psal. CIII. 16. — ²¹ III Reg., xix. 8. —
²⁵ Act., v. 29. — ²² Marc., xiv. 71. — ²⁶ Macrobius , in
 Somni. Scipion., lib. I. c. viii. — ²⁶ Cic., v/e Invent.,
 lib. II.

(a) Al. propositione. — (b) Cœl. edit. virtus. —
 (c) Josue , mendose. — (d) Vulg. levaret.

¹ 1 Mach., II. 66. — ² Luc., XI. 21. — ³ Prov., X. 4.
 — ⁴ Matth., XI. 12. — ⁵ Prov., XXXI, 25. — ⁶ Prov.,
 XXX. 30. — ⁷ Prov., XXXI, 10. — ⁸ Psal. XXX, 25. —
⁹ Hebr., XI. 24. — ¹⁰ Cant., VIII, 6. — ¹¹ II Tim., II. 5.
 — ¹² Job, VII, 1. — ¹³ II Mach., XV, 11. — ¹⁴ Ibid., VI,
 28, 31. — ¹⁵ Judic., III. 2. — ¹⁶ II Paral., XV, 7. —
¹⁷ Exod., XVII, 11. — ¹⁸ Judic., XV, 15. — ¹⁹ I Reg.,

quam generalis, ut habes supra de virtutibus cardinalibus in genere. Justitia, ut dicitur in libro Sapientiae¹, est perpetua multiplici ratione. Primo, quia perpetuat animam, stabiliendo eam in debito loco, scilicet sub Deo, et supra corporales creaturas. Secundo, quia manebit in patria secundum essentiam et usum. Alię autem virtutes cardinales, etsi maneat in patria secundum essentiam, non tamen secundum omnem usum: temperantia enim non refrenabit motus illicitos; prudentia non cavebit ab insidiis; fortitudo non aggredietur terribilia.

Justitia pervertitur tripliciter, scilicet 1. amore personae, vel pecuniae²: *Vix qui justificatis impium promunere.* 2. Timore³: *Nolite timere eos, etc.* 3. Rancore⁴: *Sciens quod per invidiam tradidissent eum.*

Multa movent ad rectitudinem justitiae. Primum est rectitudo humani corporis, quia indecens valde est in recto corpore curvum habere animum. Secundum est naturalis inclinatio, quia, ut ait Augustinus, « *Justitia est in corde hominis naturaliter.* » Tertium, quia bruta animalia docent multa quae pertinent ad justitiam, ut est innocentia, concordia, et huiusmodi. Quartum est Scriptura⁵: *Usque ad mortem certa pro justitia.*

Effectus justitiae sunt 1. quod beatificat⁶: *Beati quā esuriant, etc.* 7. *Si quid patimini propter justitiam, beati.* 2. Quod exaltat⁸: *Qui operatur justitiam, exaltabitur.* 3. Appetitum concupiscentiae refrenat⁹: *Erit justitia cingulum lumborum ejus.* 4. Locum Deo preparat¹⁰: *Justitia et iudicium præparatio, etc.* 5. A morte aeternae liberat¹¹: *Justitia liberabit a morte.* 6. Coronat¹²: *Reposita est mihi corona justitiae.* 7. Remunerat¹³: *Retribuet mihi Dominus secundum, etc.*

Justitia consistit 1. in fide; Apostolus¹⁴: *Creditit Abraham Deo, et reputatum, etc.* 2. Item in oratione¹⁵: *Clamaverunt justi, etc.* 3. In sancta meditatione¹⁶: *Beatus vir, qui in sapientia morabitur, etc.* 4. In humiliacione¹⁷: *Sic decet nos implore omnem justitiam;* Glossa: « *Perfecta justitia est subdere se minori.* » 5. In eruditione¹⁸: *Seminanti justitiam merces fidelis.*

¹ *Sap.*, 1, 15. — ² *Isa.*, v, 23. — ³ *Matth.*, x, 28. — ⁴ *Matth.*, xxvii, 18. — ⁵ *Ecclesi.*, iv, 33. — ⁶ *Matth.*, v, 6. — ⁷ *I Petr.*, 11, 14. — ⁸ *Ecclesi.*, xx, 30. — ⁹ *Isa.*, xi, 5. — ¹⁰ *Psal.* LXXXVIII, 15. — ¹¹ *Prov.*, xi, 4. — ¹² *II Tim.*, iv, 8. — ¹³ *Psal.* XVI, 21. — ¹⁴ *Rom.*, IV, 3. — ¹⁵ *Psal.* XXXIII, 18. — ¹⁶ *Ecclesi.*, XIV, 22. — ¹⁷ *Matth.*, III, 15. — ¹⁸ *Prov.*, xi, 18. — ¹⁹ *Isa.*, XI, 1. — ²⁰ Greg., in *Ezech.*, hom. xix, circa med.

CAPUT XXXVIII.

De Donis in communione.

Licet omnes habitus dati divinitus possint dici generaliter dona Dei, specialiter tamen et appropriate septem sunt dona Spiritus sancti, quae per ordinem enumerat¹⁹, a summo incipiens usque ad ultimum descendendo. Septem igitur sunt dona multiplici ratione: primo scilicet, ut per haec septem expellantur vitia septem, ita scilicet ut timor expellat superbiam, pietas invidiam, scientia iram, quae est quasi quædam insaniam; fortitudo acediam, consilium avaritiam, intellectus gulam, sapientia luxuriam.

Secundo dicuntur esse septem dona propter expediendas vires naturales. Nam irascibilis indiget expediti tam in prosperis quam in adversis: in prosperis, quidem per timorem, in adversis autem per fortitudinem. Concupisibilis indiget expediti quantum ad affectum respectu proximi, quod fit per pietatem; et quantum ad affectum respectu Dei, quod fit per gustum sapientiae. Rationalis quoque indiget expediti in veritatis speculacione, quod fit per donum intellectus; et in veri electione, quod fit per consilium; atque in electi executione, quod fit per donum scientiae. Per hoc enim donum recte conversamur in medio nationis pravae et perversæ.

Tertio dicuntur esse septem dona, propter regimen activas et contemplativæ vitae. Contemplativa siquidem tria dona debet habere, scilicet timorem ad reverentiam majestatis, intellectum ad intelligentiam veritatis, sapientiam ad gustum bonitatis. Activa vero vita debet habere pietatem ad agendum, fortitudinem ad sustinendum, scientiam ad directionem pietatis, consilium ad directionem fortitudinis. Plurima ergo dona sunt ad intellectum spectantia, quia lux cognitionis multum expedit ad dirigendos pedes nostros in viam rectam. Propter eamdem causam fit donorum combinatio, ubi quasi semper adjungitur unum directivum cum alio, quod spectat ad actionem vel passionem. Unde Gregorius, super *Ezechielēm*, dicit, quod sumus per sapientiam maturi, per intellectum providi, per consilium cauti, per fortitudinem animosi, per scientiam discreti, per pietatem misericordes, per timorem humiles.

CAPUT XXXIX.

De Timore in communi.

Timor est, ut ait Augustinus, fuga mali. Species timoris sunt sex: primus est naturalis, quo quilibet naturaliter timet nocumentum naturæ. Iste non est meritorius, neque demeritorius, quia non subjacet libero arbitrio; et dicitur *naturalis*, non a natura instituta, sed destituta, quia iste timor est pro peccato primorum parentum infictus: hoc timore Christus naturaliter mori timuit. Secundus est timor humanus, quo quis nimis timet pelli sue. Iste timor nascitur ex nimio amore presentis vitæ, et est quandoque mortaliter actus ejus, cum potius quis peccaret mortaliter, quam amitteret vitam suam; quandoque est venialis, ut cum quis faceret potius peccatum veniale, quam permitteret se occidi. Tertius est timor mundanus, quo quis nimis timet suis rebus spoliari. Ille nascitur ex nimio amore rerum temporalium, et est quandoque mortalis, quandoque venialis, positus eodem modo quo dictum est de humano. Quartus est timor servilis, quo quis timet peccare principaliter propter poenam. Quintus est timor initialis, quo scilicet timet quis poenam, et Dei offensam: unde quasi duos habet oculos, unum ad gehennam, aliud ad Deum, et hic est principalius. Sextus est timor filialis, quo scilicet quis timet offensam Dei, vel separationem a Deo.

Numerus prædictorum timorum sic accipitur. Aliquis timor est a Spiritu sancto et cum Spiritu sancto, sicut timor initialis et filialis (a). Aliquis a Spiritu sancto est, et non cum Spiritu sancto, sicut timor servilis. Aliquis est cum Spiritu sancto, et non a Spiritu sancto, sicut timor naturalis. Aliquis nec a Spiritu sancto, nec cum Spiritu sancto, sicut timor humanus, et mundanus, quos nec Spiritus sancti gratia secum compatitur, nec per Spiritum sanctum dantur. Est adhuc alius timor reverentie, qui solus inter omnes timores erit in patria, sicut dicit Psalmista¹: *Timor Domini sanctus*, etc. Reverentia vero est resiliatio a considerata magnitudine Dei in propriam parvitatem.

¹ *Psal.* xviii, 10. — ² *Ecclesi.*, 1, 27. — ³ *Ecclesi.*, vii, 19. — ⁴ *Ecclesi.*, xxvii, 4. — ⁵ *Psal.* xxxiii, 10. — ⁶ *Ecclesi.*, xv, 1. — ⁷ *Ecclesi.*, 1, 12. — ⁸ *Prov.*, x, 27. — ⁹ *Prov.*, xiv, 27. — ¹⁰ *Ecclesi.*, 1, 19. — ¹¹ Aug., in

Timor Domini multa bona facit: Primo, quia⁹ expellit peccatum. 2. Sapientiam gignit¹⁰: Qui timet, nihil negligit. 3. Mentem stabililit¹¹: *Nisi in timore Domini tenueris te instanter*, etc. 4. Spiritualiter ditat¹²: *Non est inopia timentibus eum*. 5. Bona opera cumulat¹³: *Qui timet Deum, faciet bona*. 6. Cor delectat¹⁴: *Timor Domini delectat cor*. 7. Vitam prolongat¹⁵: *Timor Domini apponit vitam*(b). 8. Devotionem irrigat¹⁶: *Timor Domini fons vitæ*. 9. *Externaliter remunerat*¹⁷: *Timenti Deum bene erit in extremis*.

CAPUT LX.

De Timore servili.

Timor servilis donum Spiritus sancti est, nec tamen est cum Spiritu sancto; sicut aurora est a sole, nec tamen cum sole est. Timor servilis Spiritui sancto locum præparat, ut eum, sicut seta filum, introducat. Seta namque, filum introducendo, ipsum præcedit, non tamen cum ipso permanet, sicut ait Augustinus¹¹. Timor servilis est bonum quo nemo (c) bene uitit, quia licet habitus timoris servilis bonus sit in se, secundum etiam quod donum Spiritus sancti est, tamen ejus actus quandoque peccatum est.

Timor servilis duo facit: primum est, quod præparat viam charitati; secundum est, quod retrahit a peccato motu poenæ tantum. Ratione primi bonus est; sed ratione secundi distinguitur. Unde notandum est, quod usus timoris servilis duplex est, scilicet cum quis uitit essentia habitus tantum, vel cum uitit servilitate. Primo modo usus ejus bonus est: nam ille est abhorre poenas eternas, quod bonum est cum timore initiali. Secundo modo usus ejus malus est, quia usus ejus est vitare malum, ex coactione per poenam, cuius tamen effectus habetur in voluntate, et sequetur effectus, si speraretur impunitas, ut ait Augustinus¹². Et sic intelligitur dictum ejus, qui ait quod timor servilis bonus est, non tamen qui timet serviliter, bene agit: quia agere bonum est ex voluntate facti, sed agere bene, id est meritorie, est ex voluntate agentis, qui agit ex virtute charitatis et gratiæ.

Epist. Joan., tract. ix, n. 4. — ¹² Aug., *In narr. in Psal. cxviii*, serm. xxv, n. 7.

(a) *Cœt. edit. finalis*. — (b) *Vulg. opponet dies*. — (c) *Leg. non quivis, vel quid simile*.

CAPUT XL.

De Timore initiali.

Timor initialis ideo sic dictus est, quia est incipientium primo paenitentia; unde in Isaia¹: *Domine, a timore tuo conceperimus, etc.*: qui adhuc sunt in angustia pro peccato quod commiserunt; sed haec angustia foras mittitur, quando conscientia serenatur ad plenum, quia² *perfecta caritas foras mittit timorem initialium*, in quantum habet naturam timoris servilis, secundum hoc scilicet, quod habet oculum ad paenam. Timor enim initialis habet duos oculos: unum ad gloriam, qui est ei essentialis; alterum ad paenam, qui est ei accidentalis, sed timori servili est essentialis. Præterea timor initialis abstinet a peccato veniali retrahenti a gloria propter paenam purgatorii: in quo potest convenire cum perfecto, qui etiam timet paenam purgatorii, in quantum est dilatativa gloriae, sive separativa ad tempus. Duplex est amor, scilicet filialis, quo Deum diligimus propter se tantum; et mercenarius, quo non diligimus principaliter, sed secundario, habito respectu ad mercedem. Huic duplice amori respondet duplex timor, scilicet initialis, et filialis. Nam filialis timor respondet amori filiali; initialis vero respondet amori mercenario.

CAPUT XLII.

De Timore filiali.

Timor filialis proprie timet offendere Deum, quia (a) etiamsi propter peccatum non separatur (b) a Deo, tamen a peccato abstineret, nec Deum offenderet: et in hoc timor filialis differt ab initiali, quia initialis proprie est timor separationis, quia propter conscientiam peccati timet a Deo separari; timor autem filialis tantum timet offendere Deum. Alia est differentia, quia timor initialis est imperfectorum, sed filialis perfectorum. Tertia est differentia, quia cum in timore paenae sint duo, scilicet punctio, et cautela: ipsa punctio pertinet ad timorem initialiem (talis enim punctio est ex conscientia peccati, de quo nescit an sit dimissum); cautela vero pertinet ad timorem filialem. Sicut enim perfectus cavit peccatum, quod Deum offendit, ita per consequens cavit paenam, sed tamen per acci-

¹ Isa., xxvi, 18, secundum LXX. — ² Joan., iv, 18.
— ³ Psal. xviii, 20. — ⁴ I Petr., iii, 2.

TOM. VIII.

dens. Timor etiam filialis dicitur *santus*⁵ et *castus*⁶.

CAPUT XLIII.

De dono Pietatis.

Donum pietatis in tribus consistit, scilicet in cultu Dei, in veneratione sacrae Scripturae, et in honore proximi. Cultus Dei consistit in professione divinae majestatis, et hoc est theosebia. Veneratio sacrae Scripturae consistit in hoc, ut ei firmiter credatur, sollicite custodiatur, et fideliter dispensemur. Honor proximi consistit in reverentia superiorum, in conformitate aequalium, et in subventione inferiorum.

CAPUT XLIV.

De dono Scientiae.

Scientiae donum idem est in essentia quod prudentia, quae est virtus politica; sed differunt in ratione agendi. Prudentia enim procedit ex principiis juris naturalis; scientie vero donum ex principiis fidei. Proprius actus scientiae domi est docere recte conversari in medio nationis pravae et perverse. Ad quod requiruntur tria: primum est, quod habeat rationes, quibus se defendat ab impugnantibus fidem suam; secundum est, quod a malo abstineat; tertium, quod bene et prudenter temporalia administret. Præterea scientiae doni est dirigere opera ad normam rationis, et ad conformitatem Dei. Item per scientiae donum scitur, ne sub specie boni malum lateat. Item donum scientiae regit pitatem: propter quod etiam haec duo combinantur. Item per donum scientiae scit homo quid sit, et a quo sit, et ad quid sit. Scientiae donum est scientia faciendorum: et ideo, ratione scientiae, consistit in cognitione, secundum quam non est virtus; sed ratione faciendorum, consistit in operatione, secundum quam est virtus.

CAPUT XLV.

De dono Consilii.

Consilium sumitur tribus modis: quandoque enim dicitur *consilium* deliberatio de rebus valentibus ad finem ad quem tendimus; et tale consilium pertinet ad prudentiam, vel idem est quod prudentia. Quandoque dicitur *consilium* persuasio rerum excellentium, ad quas non

(a) *Cœl. edit.* qui. — (b) *Item* separatur.

tenemur, secundum quod dicitur hoc esse consilium¹: *Si vis perfectus esse, vade, et vende, etc.* Quandoque dicitur consilium prudentia valde exercitata in medio contemplativorum et activorum donorum, et deliberatio de quibusdam operibus arduis, sive teneamur ad ea, sive non: et secundum hoc sumitur consilium donum, et ita consilium et prudentia sunt idem in essentia: tamen consilium abundat supra prudentiam in uno accidente, secundum quod ejus est imperare.

Nota quod, sicut ad scientiæ donum pertinet reprobare malum et eligere bonum, ita pertinet ad consilium cavere pericula quæ sunt in hoc exilio. Item, sicut scientiæ donum habet regere pietatem, ita donum consilii habet regere fortitudinem. In hoc autem differunt consilium et scientia, quia scientia est circa bonum et malum, sed consilium est circa difficile et arduum.

CAPUT XLVI.

De dono Sapientiæ et Intellectus.

Sapientia et intellectus differunt, quia sapientia est cognitio Dei absolute, intellectus vero collative, scilicet in comparatione ad creaturas. Item alia differentia, quia intellectus cognoscitur Deus per illuminationem de auditis in Scriptura; sapientia autem cognoscitur experimento. Item per intellectum Deum cognoscimus; per sapientiam dulcedinem ejus gustamus. Unde sapientia dicitur quasi sapore virtutum condita. Item, sicut dicit Gregorius², per intellectum sumus providi, per sapientiam maturi.

CAPUT XLVII.

De Beatitudinibus in genere.

Beatitudines sunt septem secundum distinctionem graduum, quamvis sint octo secundum essentiam: quas Salvator enumerat in sermone de monte, scilicet paupertas spiritus, mititas, luctus, esuries justitiæ, misericordia, munditia cordis, pax: quarum beatitudinum numerus accipitur secundum integratem perfectionis.

Requiruntur ad integratem perfectionis tria, scilicet recessus a malo, processus in bono, et perfectus status in optimo. Sane malum omne procedit ex tumore superbie, aut ex raucore malitiae, aut ex languore concupiscentiae. Con-

tra haec tria sunt tres beatitudines, scilicet paupertas spiritus contra malum superbie, mititas contra malum rancoris, luctus contra malum libidinis. Item processus in bono attenditur secundum divinam imitationem, quæ est secundum duas vias Domini, scilicet misericordiam, et veritatem, de quibus in Psalmis³: *Universæ viae Domini misericordia et veritas.* Item secundum has duas vias sumuntur duæ beatitudines, scilicet esuries justitiæ, et affectus misericordiæ. Præterea status in optimo attenditur in duobus, scilicet in limpida cognitione, et tranquilla affectione: et secundum hoc sumuntur duæ ultimæ beatitudines, scilicet munditia cordis ad Deum videndum, et pax mentis ad perfecte fruendum. Per has septem beatitudines excluduntur septem vitia capitalia: paupertas spiritus excludit superbiam; mititas, iram; luctus, invidiam (quoniam qui luget pro peccatis aliorum, non invidet illis); esuries justitiæ, accidiam; misericordia, avaritiam; munditia cordis, gulam, quia cordis munditia non servit ventri ad modum bruti animalis. Pax excludit luxuriam, quia, gustato spiritu, desipit omnis caro. Et sicut in enumeratione donorum est ordo artificialis, quo primo ponuntur digniora; ita in beatitudinibus est ordo naturalis, quia digniores ponuntur ultimo.

CAPUT XLVIII.

De prima Beatitudine.

Paupertas spiritus ponitur hic pro abstinentia ab amore mundi, id est, ab amore carnalium voluptatum et deliciarum, ac propriæ excellentiæ. Hæc tria complectitur amor mundi. Unde dicitur super Lucam⁴: « Pauperes sunt, qui non querunt illecebrosa. » Super Matthæum, Gregorius⁵: « Pauperes spiritu sunt humiles et Deum timentes. » Alia Glossa dicit quod « pauperes sunt, qui nihil habent, et omnia possident. »

CAPUT XLIX.

De secunda Beatitudine.

Mititas est, sicut dicit Aristoteles, qui nec patitur, nec seducit. Est autem mititas eadem cum mansuetudine; habetur enim in Glossa super Matthæum, quod mansuetus est, qui nullam circa med. —³ *Psalm. xxiv, 10.* —⁴ *Gloss. interlin. in Luc., vi.* —⁵ *Greg., Moral., lib. XXVI, c. xx.*

¹ *Matth., xix, 21.* — ² *Greg., in Ezech., hom. xix,*

amaritudinem animi sentit. Ex quo patet quod mansuetudo est purgati animi, et potest dici quod mansuetudo est species fortitudinis mediante patientia. Differunt tamen mansuetudo et patientia: quoniam patientia est in sustentia molestiarum corporalium; mansuetudo vero, in sustentia contumeliarum.

CAPUT L.

De tertia Beatitudine.

Luctus est lugere pro peccato, et ipsum odire, ita quod insurgamus ad destructionem ipsius. Lugere autem de malo ut fugiamus ipsum, in quantum avertit ab amico, sic lugere est solius charitatis. Lugere vero de quolibet malo speciali, est cujuslibet virtutis: quaelibet enim virtus luget de suo contrario.

CAPUT LI.

De quarta Beatitudine.

Esuries justitiae est vehemens desiderium iustitiae, sive summi boni. Esures autem iustitiae potius est beatitudo, quam esures aliarum virtutum cardinalium: quia per iustitiam immediate conjungimur Deo, quod non fit per alias virtutes cardinales. Justitia vero, prout hic sumitur, comprehendit fidem, spem, charitatem, que immediate conjungunt nos Deo.

CAPUT LII.

De quinta Beatitudine.

Misericordia est per quam pro terrenis coles-tia meremur. Opera misericordie sunt quatuordecim: septem scilicet corporalia, et septem spiritualia. Corporalia sunt haec: visitatio infirmorum, potatio sipientium, cibatio esurientium, redemptio captivorum, vestitio nudorum, collectio peregrinorum, sepultura mortuorum. Prima sex de istis habemus in Evangelio¹, septimum in Tobia². Opera misericordiae spiritualia sunt haec: delinquenti ignoscere, peccantem corripare, ignorantem docere, titubanti consolare, mœstum consolari, pro salute proximi orare, injurias sustinere. Et hoc ultimum propterea dicitur opus misericordiae, quia³ *responsio mollis et humilis frangit iram*, et hoc pium est, scilicet furorem irati mitigare.

¹ *Math.*, xxv, 35 et seq. — ² *Tob.*, i, 21; ii, 4, etc.

³ *Prov.*, xv, 4. — ⁴ *Math.*, v, 10.

CAPUT LIII.

De sexta Beatitudine.

Munditia cordis est, qua clarificatur cor, et mundatur ad videndum Deum, et ardentissime diligendum. Accipitur autem hic *munditia cordis* non pro virtute, sed pro statu quodam, qui est purgati animi.

CAPUT LIV.

De septima Beatitudine.

Pax est status virtutum in quo est delectatio in Deo sine contradictione carnis, mundi et diaboli, vel si est aliqua, inefficax est. Unde patet quod pax est status animi purgatissimi. Pacificis enim magis attribuitur esse filios Dei, quam aliis, quia licet misericordia maxime assimilet hominem Deo quantum ad opera exteriora, tamen, quantum ad interiora, magis assimilat pax.

CAPUT LV.

De octava Beatitudine.

Octava beatitudo est, de qua dicitur⁴: *Beati qui persecutionem patiuntur propter iustitiam, quia ipsorum est regnum cœlorum.* Haec virtus, scilicet sustentia persecutionis propter iustitiam, annexa est paci. Cum enim pacificus sit absque contradictione carnis, mundi et diaboli, patet quod idem paratus est superare mortalem, et tentationem mortis. Unde sustentia mortis pro Christo, in eodem gradu est cum pace: propter hoc diximus quod octo sunt beatitudines quantum ad essentiam, sed tantum septem quantum ad distinctionem graduum. Et sciendum quod supra pacem non est virtus alia; dicit enim Augustinus: « Pax est finis et consummatio omnium virtutum. » Octava beatitudo dicitur redire ad caput duobus modis: primo, quia idem præmium sibi promittitur, quod primæ beatitudini, scilicet regnum cœlorum; secundo, quia omnes probat a prima usque ad ultimam utrum vere sint, sicut ait Gregorius: « Qualis unusquisque apud se lateat, illata contumelia probat. » Ex prædictis colligitur quod habitus virtutum cardinalium principaliter disponunt ad exercitium activæ; habitus vero donorum disponunt ad actus contemplativæ; habitus autem beatitudinum disponunt ad perfectionem utriusque.

CAPUT LVI.

De Sensibus spiritualibus.

Per sensus spirituales percipit anima spirituale, que in sponsi sui pulchritudine percipere fas est. Sub ratione splendoris audit amoenissimam harmoniam; sub ratione verbi incarnati gnata summam dulcedinem: sub ratione sapientiae comprehendentis utrumque, scilicet verbum et splendorem, odorat summam fragrantiam; sub ratione verbi inspirati in corde tangit summam suavitatem; sub ratione verbi incarnati, et inter nos corporaliter habitantis, reddentis se nobis palpabilem et osculabilem, percipit ardentissimam charitatem. Ex praedictis patet quod sensus spirituales dicuntur conceptiones mentales circa veritatem contemplandam, que quidem contemplatio incipit a sensu, et pervenit ad imaginationem, et de imaginatione ad rationem, et de ratione ad intellectum, et de intellectu ad intelligentiam, et de intelligentia ad sapientiam, sive notitiam excessivam, que incipit hic in via, et consummatur in gloria.

CAPUT LVII.

De Fructibus spiritualibus.

Fructus duodecim spirituales non dicuntur novi habitus, sed status consolationum, quibus consolatur spiritus justorum: et iste consolationes consequuntur opera perfecta. Sunt autem isti fructus¹ *charitas, gaudium, pax, patientia, longanimitas, bonitas, benignitas, mansuetudo, fides, modestia, etc.*

CAPUT LVIII.

De Dulia, et Latria.

Latria est servitus, et reverentia Deo exhibita: unde si creature exhibetur honor Deo debitus, est idololatria. Latria autem comprehendit quinque, scilicet fidem, sapientiam, reverentiam, sacrificium, et orationem: prima duo sunt cordis; alia duo sunt operis; ultimum est oris. Dulia debetur creature, in quantum est imago Dei: unde dulia est honor, qui debetur sanctis. Unde de beata Virgine sciendum est, quod in quantum est persona sancta, debetur

ei dulia; sed in quantum mater Dei, debetur ei hyperdulia, id est, superior dulia. Sane si persona, cui debetur dulia, est in prelatione constituta, debetur ei reverentia, que consistit in obedientia mandatorum, et in exhibitione honorum. Si autem est persona simplex, debetur reverentia tantum, que consistit in exhibitione honorum. Hyperdulia autem debetur creature excellenti, sicut est caro Christi, beata Virgo, crux Christi. Unde sciendum est quod ligno veræ crucis Christi, in quo peperit, si sit configuratum signo crucifixi, debetur hyperdulia, quia fuit instrumentum nostræ redēptionis. Crucibus autem factis, in quantum sunt ligna sive res tales, nihil debetur: sed crucibus factis in signum Christi crucifixi, debetur dulia. Imaginibus enim eadem debetur adoratio, que debetur et illis, quorum sunt imagines: non quod in quantum res factæ adorantur; sed quod illa, quorum sunt imagines, adoramus.

CAPUT LIX.

De Præceptis in genere.

Præceptum est imperium faciendi aliquid, vel non faciendi. Præceptorum alia sunt affirmativa, ut: *Honora patrem;* alia negativa, ut: *Non occides.* Præcepta affirmativa, stricte sumendo dicuntur *præcepta;* sed negativa dicuntur *prohibitiones.* Præcepta affirmativa obligant semper, sed non ad semper; negativa vero obligant semper, et ad semper. Præcepta Decalogi possunt dici data, vel innata. Primo modo tantum pertinent ad populum Israeliticum; secundo modo omnes obligant: quia quidquid continet Decalogus explicite, hoc continet lex naturæ, que scripta est in corde eujuslibet, implicite. Istud enim præceptum legis naturæ: «Quod tibi non vis fieri, alii ne feceris, includit haec præcepta: *Non occides, Non furtum facies, et hujusmodi,* que Decalogus ponit explicite. Quædam præcepta ponuntur imperative, illa scilicet que sunt affirmativa; quædam indicative, scilicet negativa: et hoc ideo, quia difficilius est facere bonum, quam declinare malum; plures enim in faciendo bonum requiruntur circumstantie. In quibusdam præceptis prohibentur actus, habitus, et affectus, ut patet in his: *Non macchaberis, Non concupisces uxorem proximi tui,* quia appetitus est nimis inordinatus ad illa. In quibusdam solummodo prohibentur actus, ut

¹ Gal., v, 22.

cum dicitur: *Non occides*. Hoc dico secundum formam tradendi, non secundum veritatem intelligendi, quia omnia præcepta negativa manum et animum ligant.

Multis modis ligamur, scilicet 1. lege naturæ, ut est diligere Deum super omnia, et nulli facere quod nobis fieri nolumus. 2. Præceptis divinis, ut ligabatur Adam præceptis sibi datis, et Iudei suis. 3. Voto, quia, secundum Augustinum, vovere est voluntatis, sed reddere est necessitatis. Unde quibusdam etiam consilia sunt præcepta, sicut religiosis qui voverunt talia. 4. Decretis Patrum, ut est jejunare aliquas vigilias, et hujusmodi. 5. Consuetudine, secundum quod in Francia primogenitus succedit in regno. 6. Mandatis prælatorum; unde¹: *Super cathedram Moysi*, etc. 7. Conscientia, quia, secundum Augustinum, « Quidquid fit contra conscientiam, sedicit ad gehennam. »

Numerus præceptorum sumitur sic: quia quædam ordinant nos ad Deum, quædam ad proximum: quod Deus insinuare voluit, quando in duabus tabulis legem dedit. In prima tabula sunt tria præcepta, quæ pertinent ad Deum: quorum primum pertinet ad Patrem, quia est de divina unitate; secundum, ad Dei Filium, quia est de juramenta veritate; tertium, ad Spiritum sanctum, quia est de spirituali vacatione. In secunda tabula sunt septem præcepta ad proximum spectantia: quorum primum est de exhibendis bonis, ut est illud: *Honora patrem tuum*, etc. Reliqua sex sunt de cavendis malis, quas inferri possunt corde, vel opere, vel ore. Operæ lædimus proximum tripliciter: propter quod dantur tria præcepta: primum est: *Non occides*; secundum: *Non mæchaberis*; tertium: *Non furtum facies*. Ore quoque lædimus proximum, et est contra illud: *Non dices contra proximum tuum falsum testimonium*. Corde lædimus proximum dupliciter: quandoque respectu rei irrationalis, de hoc dicitur: *Non concupisces rem proximi tui*; quandoque respectu rei rationalis, et de hoc dicitur: *Non concupisces uxorem proximi tui*.

CAPUT LX.

De primo Præcepto.

Primum præceptum tres habet clausulas. Prima est: *Non habebis deos alienos eoram me*; ubi

prohibemur adorare creaturas spirituales, scilicet angelos. Secunda est: *Non facies tibi sculptile*, hoc est imagines fictas, quæ nullius rei naturalis sunt representative. Tertia est: *Neque omnem similitudinem*, scilicet imaginem rei naturalis; et sequitur: *Quæ est in cælo desuper, ut Solis et Lunæ: et que in terra deorsum, ut hominis, bovis, et simillim*: *Neque eorum, quæ sunt in aquis sub terra, id est, piscium. Non adorabis ea*, scilicet actu exteriori: *Neque coles*, scilicet affectu interiori. Ex his patet quod non reprehenduntur Christiani, qui faciunt imagines, non quidem ad adorandum, sed ad memorandum. Honor autem, qui exhibetur sanctis, non est latræ, sed dulie. Secundum rationem allegoricam prima hujus præcepti clausula ostendit Judæos et Saracenos esse idololatras, qui deos habent alienos: Judæi quidem, Messiam, id est, Antichristum; Saraceni, Mahometum. Contra secundam clausulam, scilicet, *Non facies tibi sculptibile*, faciunt heretici, qui non credunt de Deo, nisi quod imaginatione sua et phantasia configunt. Contra tertiam faciunt mali Christiani, quia superbi colunt similitudinem eorum quæ sunt super terram, scilicet honores: nam diligunt super omnia prælaturas; avari colunt similitudinem eorum quæ sunt in terra, scilicet pecuniam et divitias: voluptuosi colunt similitudinem eorum, quæ sunt in aquis, id est, delicias et voluptates.

CAPUT LXI.

De secundo Præcepto.

Secundum est: *Non assumes nomen Dei tui in vanum*. Hic prohibetur juramentum quod fit (*a*) sine causa, et perjurium. Uterque enim peccat, scilicet pro nihilo jurans et assumens, et falso jurans nomen Dei in vanum: quia primus sine causa nominat summam veritatem; secundus autem nominatam contemnit.

Tribus modis quis peccat in perjurio: vel jurando contra conscientiam, vel jurando illicitum, vel veniendo contra juramentum. Prætereà sciendum est quod juramenta, quæ quis ex certa scientia facit (*b*), vel sonant in blasphemiam, ut quando quis jurat per corpus Dei, intestina, et similia, vel sonant in irreverentiam, sicut quando jurat per vulnera Christi, sunt peccata mortalia, etiamsi verum est quod jura-

¹ *Matth.*, xxxii, 2.

(*a*) *Cæt. edit. sit.* — (*b*) *Suppl. quæque.*

tur. Istud præceptum non solum intelligitur secundum predictam rationem litteralem, sed secundum intentionem moralem. Assumitur enim nomen Dei in vanum multiplicitate, scilicet corde, ore, et opere. Corde, sicut mali, qui tantum nomine sine re dicuntur Christiani, qui licet sacramentum receperint baptismi, tamen rem sacramenti, id est gratiam, non habent. Ore, scilicet mala juratione, voli transgressione, predicatione quæ fit mala intentione, et inde vota oratione, de qua dicitur¹: *Populus hic labiis me honorat*, etc. Opere, secundum quod hypocrite nomen Dei assumunt in simulatione operis exterioris, non in puritate cordis. Unde sumunt illud in vanum, quia receperunt mercedem suam.

CAPUT LXII.

De tertio Præcepto.

Tertium est: *Memento ut diem sabbati sanctifices, non facies opus in eo.* In hoc præcepto quoddam est morale, ut vacatio ad Deum, orando, colendo, meditando; quoddam ceremoniale, ut assignatio diei septimæ, quæ figurabat tropologie cessationem peccati, allegorice quietem corporis Christi in sepulcro, anagogie requiem æternam in celo. Istud ergo præceptum potest tripliciter accipi: primo generaliter, ut essemus a vitiis; secundo specialiter, ut essemus ab operibus corporalibus, quæ impediunt vacationem ad Deum; tertio specialissime, ut est in viris contemplativis, qui ab omnibus mundanis se separant, ut totaliter Deo vident. Prima vacatio est necessaria; secunda, debita; tertia, perfecta. Secundum ergo quod sabbatum dicitur requies, sive vacatio ad Deum, si dies dominica potest dici dies sabbati, et quælibet dies statuta ad venerationem divinam, in quibus cessandum est ab opere servili, id est a peregrinato, et ab opere impediente vacationem ad Deum. Opera enim servilia determinantur ab Ecclesia opera mechanica, quæ sunt agri cultura, mereatum, placita, exercitia.

CAPUT LXIII.

De quarto Præcepto.

Quartum est: *Honora patrem tuum et matrem tuam.* Huic præcepto additur promissio, scilicet:

Ut longavus sis super terram: quia justum est, ut conservatio vitæ alienæ mereatur conservationem vitæ propriæ. Pater dicitur in hoc mandato qui est principium per generationem, quoad esse nature, ut pater carnalis; vel qui est principium per ministerium regenerationis, quoad esse gratiæ, ut pater spiritualis. Sumitur autem alio modo pater non secundum rationem propriam, sed secundum communem, pro sene, qui dicitur pater ætate, vel pro rege, qui dicitur pater defensione. Honor intelligitur hic dupliciter, scilicet exhibitio corporalis in sustentatione, et spiritualis in reverentia et obedientia. Sed obedientia diversificatur secundum diversitatem patrum: quia patri spirituali debimus obediens in spiritualibus; prelato sæculari, scilicet regi, in temporalibus reipublicæ; patri vero carnali, in dispositione rei familiaris.

CAPUT LXIV.

De quinto Præcepto.

Quintum est: *Non occides.* Illic explicite prohibetur homicidium, sed implicite omnis motus iræ contra proximum, sive ille sit tantum cordis, ut ira; sive oris, ut contumelia; sive operis, ut pereussio circa mortem, vel depilatio. Prohibetur hic omnis occisio injusta; quæ fit tripliciter: ex causa, ut in illo, qui occidit sine eulpa; vel ex ordine, ut eum ille, qui non est minister legis, occidit; vel ex animo, ut quando minister legis occidit non amore justitiæ, sed libidine vindictæ. Distinguitur autem homicidii genus dupliciter, scilicet verum, quod dicitur corporale, et interpretativum, quod dicitur spirituale. Homicidium spirituale fit duobus modis: uno modo, omissendo, ut cum quis videt alium in extrema necessitate, et non subvenit ei, interpretative dicitur eum occidisse; alio modo fit committendo, et hoc quandoque corde, scilicet odiendo²: *Qui odit fratrem suum, homicida est;* quandoque ore, scilicet detrahendo, quia ille cui detrahitur, occiditur in conscientia illius, qui audit detractorem, in qua prius vivebat per bonam famam; quandoque opere, scilicet malo exemplo alicui occasionem ruinæ praestando, et tune interpretative dicitur illum occidisse.

¹ Matth., xv, 8; Marc., vii, 6. — ² I Joan., iii, 15.

CAPUT LXV.

De sexto Præcepto.

Sextum est: *Non mæchabris.* In hoc præcepto, ut dicit Augustinus¹, prohibetur omnis illicitus concubitus, et omnis illegitimus usus eorum membrorum. De hac materia quære supra, libro tertio, in capite *de Luxuria*, et in capite sequenti (a)².

CAPUT LXVI.

De septimo Præcepto.

Septimum est: *Non furtum facies.* Hic, secundum Augustinum³, prohibetur omnis contrectatio rei alienæ ex cupiditate. Contrectatio rei alienæ potest fieri licite tribus modis: primo, quando fit non ex cupiditate, sed ex obedientia, sicut fecerunt filii Israel auferendo vasa Ægyptiorum; secundo, quando fit cautela, ut si aliquis furetur gladium furiosi, ne sibi vel alii noceat; tertio, quando fit ex necessitate, ut cum aliquis ad mortem esuriens furatur panem, quia in necessitate omnia communia sunt.

CAPUT LXVII.

De octavo Præcepto.

Octavum est: *Non loqueris contra proximum tuum falsum testimonium.* Hic prohibetur omne genus mendacii, sicut dicit Augustinus⁴; quod determinatur per tres differentias: est enim mendacium perniciosum, quod nocet; officiosum, quod prodest; jocosum, quod delectat. Includitur in hoc præcepto taciturnitas veritatis tempore necessitatis: tamen causa et opportunitas facit ipsam taciturnitatem veritatis esse licitam.

CAPUT LXVIII.

De nono Præcepto et decimo.

Nonum et decimum præceptum est: *Non concupisces rem proximi tui, nec desiderabis uxorem ejus, non servum, non ancillam, non bovem, nec asinum, nec omnia quæ illius sunt.* Duo prohibentur hic, scilicet concupiscentia carnis in uxore proximi, et concupiscentia oculorum in re aliena: nam ad hæc duo maxime inclinatur

¹ Aug., *Quæst. in Exod.*, q. LXXI. — ² Vid. sup., p. 145, 146. — ³ Aug., ubi supra. — ⁴ Aug., *Quæst. in Exod.*, q. LXXI.

natura corrupta: ad unum, propter conservationem sui in esse individui; ad alterum, propter conservationem sui in esse speciei. Ille non prohibetur appetitus qui est a corruptione fomitis, vel a delectatione sensualitatis, quia impossibile est quod illæ concupiscentiae non sint in nobis: sed prohibetur appetitus qui est ex consensu rationis. Quamvis istud præceptum ad duo tantum determinetur, tamen prohibetur ibi universaliter omnis concupiscentia malæ voluntatis.

CAPUT LXIX.

De Consiliis in genere.

Consilium, prout dividitur contra præceptum, est persuasio melioris boni ad quod non teneamus. Consilia in multis differunt a præceptis. Primo, quia ad præcepta tenemur, ad consilia vero non, quia præcepta servare est necessitatis, consilia vero voluntatis. Item lex vetus dat præcepta, Evangelium vero superaddit consilia. Item consilium pertinet ad perfectos, præceptum ad perficiendos; sed permissio ad imperfectos, prohibitio ad perversos. Item præcepta separant nos ab illicitis, consilia vero a concessis. Item per præcepta declinamus peccata, sed per consilia occasiones peccati. Item per præcepta maxime negativa pœnam fugimus, sed per consilia pœnum cumulamus. Item consilia servata afferunt pœnum, non servata non adducunt supplicium. Item ad præcepta constringimur ex debito, sed ad consilia non nisi ex voto. Item consilium per votum fit præceptum, sicut ait Augustinus: « Vovere est voluntatis, sed reddere necessitatis. » Item melius est esse devotum in minoribus, quam in majoribus indevotum promissionibus inveniri. Unde melius est nuda præcepta servare cum devotione, quam se ad consilia obligare, et in his negligenter esse.

Nota quod in lege mosaica fuerunt iudicia (b), cærimonialia et moralia. Lex autem evangelica iudicia (b) temperat, partem (c) auferendo: figuræ evançiat, rerum veritatem exhibendo: præcepta consummat, adjiciendo. Adjicit autem tria, scilicet instructionem documentorum, promissionem præmiorum, et perfectionem consiliorum. Et ideo dicitur lex mosaica ab evangelica differre, quia illa figurarum est, haec veritatis.

(a) Leg. capitibus sequentibus. — (b) Leg. judicialia. — (c) Leg. partim.

tatis ; illa poenæ, hæc gratiæ; illa litteralis, hæc spiritualis; illa occidens, hæc vivificans; illa timoris, hæc amoris; illa servitutis, hæc libertatis; illa oneris, hæc honoris.

CAPUT LXX.

De Consiliis Evangelicis.

Consilia que Christus adjicit præceptis, sunt ista. Primum est paupertatis, que consistit in abdicatione proprietatis; unde in Luca (a) ¹ : *Qui non renuntiaverit omnibus quæ possidet, non potest meus esse discipulus.* ² Omnis qui reliquerit domum vel fratres, etc., propter nomen meum, centuplum accipiet, et vitum æternam possebit. De hoc Hieronymus : « Monachus habens obolum, non valet obolum. »

Secundum est obedientia, unde illud ³ : *Super cathedram Moysi sederunt Scribæ et Pharisei : quæ dicunt, facite, etc.* ⁴ Si quis vult post me venire, abnegat semetipsum, et tollat crucem suam, etc. Sciendum autem quod duplex est obedientia, scilicet perfecta, quæ se extendit ad omnia quæ non sunt contra Deum, vel contra regulam quam quis professus est, et quæ dispensationi prælati non subduntur. De hac obedientia dicit Bernardus ⁵ : « Perfecta obedientia legem nescit, terminis nou arctatur, non continetur professionis angustia. » Ad hanc nullus tenetur debito necessitatibus, sed solum perfectionis, sicut teneatur semper imitari charismata meliora. Alia est obedientia imperfecta, tamen sufficiens ad salutem, qua quis obedit tantum in his quæ servare promisit, vel in illis quæ in his implicite continentur, sicut sunt illa sine quibus religionis professio non servatur, ut recipere officia, et hujusmodi : et talis obedientia necessitatis est. Cum ergo dicit beatus Benedictus in *Regula*, quod si prælatus præcipiat aliquid impossibile, tentandum est facere, loquitur de obedientia perfecta, quam dum observat subditus, in his ad quæ non obligatur, ad prælati præceptum, consilii est et magnæ perfectionis, et non necessitatis; sed si faciat ad simplicem monitionem, tale quid majoris perfectionis est.

Terrium est castitas, de qua Dominus dicit ⁶ : *Sunt eunuchi qui se castraverunt propter regnum cœlorum.* Ad idem pertinet illud Matthæi ⁷ : *Audistis, quia dictum est antiquis : Non moxhaberis.*

¹ Luc., xiv, 33. — ² Matth., xix, 29. — ³ Matth., xxiii, 2. — ⁴ Luc., ix, 23. — ⁵ Bern., de Præc. et

Ego autem dico vobis : qui viderit mulierem ad concupiscendum, etc. Ille ostenditur quod non solum damnabilis est consensus ad opus mœchationis, sed etiam consensus ad delectationem. Nota autem quod concupiscere ex subito motu, veniale est; sed concupiscere ex deliberatione perficiendi, mortale est. Prædicta tria consilia sunt specialia et substantialia omnis perfectæ religionis : quia suos observatores elongant a malo, non solum quantum ad culpam, sed etiam quantum ad causam. Omne namque malum oritur ex triplici radice, scilicet, ex concupiscentia carnis, ex concupiscentia oculorum, et ex superbia vite : predicta vero tria consilia perfecte nos elongant ab radice triplici.

Quartum consilium est charitatis : ⁸ *Diligite iūnícios vestros.* Istud autem, quantum ad dilectionem affectus, est præceptum; sed quantum ad dilectionem effectus, est consilium : quia inimico velle gratiam et gloriam, est necessitatis; sed ostendere ei signa benevolentiae, est perfectionis et consilii : unde ad hoc non omnes tenentur. Sane negare hujusmodi signa familiaritatis, quando veniam petit, vel necessitas exposcit, vindicta est; vel quando se ille, qui hostis erat, ad familiaritatem ingerit, si habeatur præsumptio quod non simulate vel irrisorie facial, tunc diligendus est, et inter amicos computandus. Sed quod aliquis ultro se ad familiaritatem inimico ingerat, hoc perfectionis est. Unde quod aliquis injuriam passus reconciliationem querat et amicitiam, non est debitum necessitatis, sine quo non est salus; sed est perfectionis et consilii, quo magnum expectatur preium.

Quintum est mansuetudinis ⁹ : *Si quis te percusserit in unam maxillam, etc.* Hoc autem sic intelligitur : « Paratus sis aliam sustinere patienter : » et istud consilium est patientiae respectu læsionis corporis. Sed ad idem pertinet aliud, quod est patientiae respectu ablationis rerum, sicut est illud, ibidem ¹⁰ : *Qui vult tecum judicio contendere et tunicam tollere, etc.* Nota quod contingit sua repetere coram judice fidei dupliciter : aut cum contentione et fraude, aut cum charitate. Primum nulli licet; secundum vero licet infirmis et imperfectis, perfectis autem non. Unde non repetere, consilium est *Dispens.*, c. xix. — ⁴ Matth., xix, 12. — ⁵ Matth., v, 27. — ⁶ Ibid., 44. — ⁷ Ibid., 39. — ¹⁰ Matth., v, 40.

(a) Cœt. edit. Unde Lucas.

infirmis; perfectis vero, præceptum. Illis autem, qui renuntiaverunt proprietati, non licet repetere sua ut sua , sed ut congregationis; non propter se, sed propter commune bonum.

Sextuni est misericordia et supererogationis, ut illud ¹: *Omni potenti te tribue;* et illud ²: *Si vis perfectus esse, vade,* etc. Nota quod dare superfluum, est necessitatis, necessitate extrema; sed dare quibus egemus, consilii. Augustinus : « Melius est minimis egere, quam plus habere. » Quod autem dicit Dominus ³: *Quaecumque vultis ut faciant vobis homines, vos eadem facite illis,* sic intelligendum est : Quaecumque vultis rationabiliter, et dictante charitate, ut faciant vobis, etc. Unde si peteremus rem aliquam, et nou viderneremus illud esse rationabile, non vellimus jam rationabiliter dari nobis.

Septimum consilium est de simplicitate verborum, ut ibi ⁴: *Sit sermo vester, est, est: non, non.* Cujus sensus est. Si affirmatio vel negatio est in ore, sit et in corde. Et ad hoc consilium reducitur illud Matthaei ⁵: *Audistis, quia dictum est antiquis, non jurralis. Ego autem dico vobis, non jurare omnino.* Nota quod jurare, quantum ad infirmatatem pertinet, permissionis est; non jurare autem, quantum ad perfectionem pertinet, consilii est. Prohibet etiam Dominus jurare per creaturas, scilicet per cœlum, vel terram, vel per capillum, propter idolatriam, ne scilicet credamus aliquid numinis esse in illis. Fiunt tamen interdum juramenta per Evangelium et cruces, id est, per eum cui hæc sunt dedicata.

Octavum est de vitanda occasione peccati. Unde dicitur ⁶: *Si oculus tuus scandalizat te, erue eum, et projice abs te.* Secundum Augustinum ⁷, nullum membrorum erui præcipitur ad litteram, sed occasio peccandi. Potest enim occasio esse ex aspectu, et tunc oculus sinister scandalizat; vel potest esse occasio ex contactu, et tunc manus dextera scandalizat; potest insuper esse occasio peccandi ex alio, et hoc a consiliario, qui dicitur oculus; vel ab adjutore, qui dicitur manus : et est dextera, qui consiliarius dicitur et est adjutor in spiritualibus; sinistra, in temporalibus : hujusmodi enim si scandalizant, abiciendi sunt, quia occasiones peccandi sunt abiciendæ.

¹ *Luc.*, vi, 30. — ² *Math.*, xix, 21. — ³ *Math.*, vii, 12. — ⁴ *Math.*, v, 37. — ⁵ *Ibid.*, 33 et seq. — ⁶ *Ibid.*, 29. — ⁷ *Aug.*, de serm. Dom. in monte, lib. I, c. xiij, n. 37. — ⁸ *Math.*, vi, 1. — ⁹ *Ibid.*, 3. — ¹⁰ *Math.*, v,

Nonum consilium est de reclitudine intentionis ac finis; unde dicitur ⁸ : *Attendite ne justitiam vestrum faciat coram hominibus, etc.* Item illud ⁹ : *Nesciat sinistra tua, quid faciat dextera tua.* Item ¹⁰ : *Sic luceant opera vestra coram hominibus, ut glorificent patrem vestrum, etc.* De his nota, quod contingit constituere duos fines, scilicet temporalem, et æternum : sed si æternus finis est ultimus, hoc bene licet; actio autem spiritualis, vel prædicatio, non potest referri ad finem temporalem, ita quod illud temporale referatur ad Deum, quia ¹¹ non sunt facienda mala ut veniant bona. Et hoc est quod dicit Augustinus ¹² : « Non debemus evangelizare, ut manducemus; sed manducare, ut evangelizemus. » Nota etiam, quod nos teneamus illos actus referre ad Deum, quorum habemus dominium ex imperio rationis, ut est manducare, cogitare, eligere, et similia; sed nou tenemus actus referre inobedientes rationi, ut est nutritiva, respirativa (a), et hujusmodi.

Decimum consilium est de conformitate operis ad doctrinam, ut ibi ¹³ : *Alligant onera gravia, et importabilia; digito autem suo nolunt ea mouere,* etc. Ad idem est illud Matthæi ¹⁴ : *Hypocrita, ejice prius trabem oculo tuo, et tunc videbis,* etc. Nota quod aliquando in predicatione assentitur intentio generaliter, scilicet de his quæ pertinent ad statum salutis; aliquando vero assentitur secundum statum perfectionis, utpote religionis : primo modo tenetur prædictator facere quod dicit, cum assentit ad hoc omnes teneri; secundo modo non tenetur, nisi perfectionem illam ipse voverit. Utrum autem malus peccet prædicando, distinguitur: quia existens in peccato notorio peccat, quando prædicat, sive ex necessitate offici hoc faciat, sive ex voluntate, quia scandalizat; existens autem in peccato occulto, si prædicat, et non studet ex dicto suo compungi, adhuc videtur peccare, quia videtur contempnere.

Undecimum consilium est de vitanda sollicitudine, ut ibi ¹⁵ : *Nolite solliciti esse, etc.* Et ibi ¹⁶ : *Nolite cogitare de crastino.* Scindum quod triplex est sollicitudo : prima est laudabilis, ut est providentia spiritualis, unde Apostolus ¹⁷ : *Qui sine uxore est, sollicitus est quæ Dei sunt,*

¹⁶. — ¹¹ *Rom.*, iii, 8. — ¹² *Aug.*, de serm. Dom. in monte, lib. II, c. XVI, n. 54. — ¹³ *Math.*, xxiii, 4. — ¹⁴ *Ibid.*, viii, 5. — ¹⁵ *Ibid.*, vi, 31. — ¹⁶ *Ibid.*, 34, quoad sensum. — ¹⁷ *I Cor.*, viii, 32.

(a) *Leg. vis nutritivæ, respirativæ.*

quomodo, etc. Item de prælatis¹: *Qui præest, in sollicitudine*. Secunda est tolerabilis, et est illa sollicitudo curæ temporalis quoad corpus²: *Martha, Martha, sollicita es, et turbaris*, etc. Tertia est vituperabilis, et ista est superflua thesaurationis quoad avaritiam³: *Peccatori autem dedit Deus afflictionem pessimam, ut addat, et congreget, et hæc vanitas cassa sollicitudo mentis*. Sollicitudo prima præcipitur; secunda toleratur; tertia prohibetur.

Duodecimum est fraternæ correctionis, ut in Matthæo⁴: *Si peccaverit in te frater tuus*, etc. Nota, quod fratrem corripere, quaudoque est consilium, ut quando corripitur super venialibus; quandoque est præceptum, ut corripere de mortalibus: et isto secundo modo ad omnes pertinet, et obligat semper, quia pro loco et tempore, scilicet quando vacat, et videt quod utilis sit correctio. Sciendum quod triplex est correctio, scilicet amoris, timoris, et pudoris.

Hunc ordinem fraternæ correctionis docet Dominus in Evangelio. Primo enim innuit fratrem revocandum esse amore, cum jubet eum singulariter corripere, dicens⁵: *Corripe eum inter te, et ipsum solum*. Sed si hoc non valet, docet eum esse revocandum timore, ubi ait: *Si te non audierit, adhibe unum, vel duos tecum*. Si hoc non valuerit, docet eum esse revocandum pudore, ubi dicit: *Si nec illos audierit, dic Ecclesiæ. Si autem Ecclesiam non audierit, sit tibi sicut ethnicus et publicanus*, id est, excommunicari debet, et sic evitari. Sane prædictus ordo fraternæ correctionis intelligitur tantum de criminalibus: quia de culpis communibus solent claustrales se in suis capitulis accusare, non premissa admonitione. Verumtamen accusans alium caveat diligenter, ne hoc faciat ad diffamandum, sed ad corrigendum: quoniam si quis ex deliberatione contrarium faceret, mortali peccaret.

LIBER SEXTUS

DE SACRAMENTORUM VIRTUTE

CAPUT PRIMUM.

De medicina Sacramentorum.

Cœlestis medicus, humani generis reparatus, tali modo sanavit ægrotum, sicut optime competebat ægrotanti, et ægritudini, et occasione ægrotandi, et ipsis ægritudinis curatio- ni. Ægrotus igitur, homo est; morbus autem, originalis culpa est; origo vero istius culpæ, licet principaliter fuerit ex consensu rationis, occasionem tamen sumpsit ex sensibus carnis. Ad hoc ergo quod medicina respondeat morbo, oportuit quod non tantum esset spiritualis, verum etiam aliquid haberet de sensibilibus signis: ut sicut sensibilia fuerunt animæ occasio labendi, ita essent ei occasio resurgendi. Et propter hoc medicina nostri vulneris consistit in ecclesiasticis sacramentis.

¹ Rom., XII, 8. — ² Luc., X, 41. — ³ Eccl., II, 26. — ⁴ Matth., XVIII, 5. — ⁵ Ibid. — ⁶ Idem habet Magister Sententiarum, lib. IV, dist. 1, ex Aug., de Doctr.

CAPUT II.

De diffinitionibus Sacramenti.

Sacramentum est, ut ait Augustinus⁶, invisibilis gratiæ visibilis forma. Hæc diffinitio generalis est, et convenit sacramentis tam novæ, quam veteris legis: quia tam illa, quam ista sunt ex similitudine repræsentativa, ex institutione significativa. Sciendum autem, quod eadem diffinitio convenit sacramentis novæ legis; sed sic supponenda est, ita ut ejus similitudinem gerat, et causa existat: quia non solum ex similitudine reprepresentant, vel ex institutione significant, sed etiam ex virtute divina sanctificant, et gratiam conferunt, per quam anima curatur ab infirmitatibus vitiorum: et hoc est quod insinuat Augustinus in alia diffinitione, dicens: « Sacramentum est illud, in quo sub tegumento rerum visibilium divina virtus se- Christ., lib. II, c. 1, n. 1. Vid. huj. edit. tom. V, p. 244.

cretius operatur. » Est et tertia diffinitio Hugo-nis de Sancto Victore, qui ait¹ : « Sacramen-tum est materiale elementum extrinsecus oculis suppositum, ex institutione significans, ex similitudine representans, ex sanctificatione aliquam gratiam invisibilem conferens. » Tria autem hic tanguntur, quae sunt de ratione Sacra-menti stricte et proprio sumptu. Primum est naturalis similitudo, ex qua habet aptitudinem significandi. Secundum est actualis institutio, ex qua habet ordinem determinatum respectu hujus significati. Tertium est spiritualis sanctifi-catio, ex qua habet virtutem efficiendi illud significatum. Item dicit Augustinus² quod Sa-cramentum est sacre rei signum; istud autem non est diffinitio, sed potius etymologia Sacra-menti.

CAPUT III.

De Sacramentis novæ legis, seu gratiæ.

Sacramento legis gratiæ Christus instituit, tanquam nove legis lator, in qua vocans ad præmia, dedit præcepta, instituit sacra-menta. Christus enim Verbum Patris, cum sit summa bonitatis et summæ veritatis, ratione summæ bonitatis promisit præmia beatificantia; ratione veritatis dedit præcepta dirigentia; ratione virtutis instituit sacramenta adjuvantia: ut sic per sacramenta reparetur virtus ad im-plenda præcepta, et per præcepta perveniantur ad præmia. Instituit autem sacramenta in verbis et elementis, ut ait Augustinus³ : « Accedit ver-bum ad elementum, et fit sacramentum: » et est ibi elementum pro materia, et forma verborum pro forma. Ad hoc vero instituta sunt sacra-menta in verbis et elementis, ut haberent evi-dentiam significandi, et efficaciam sanctifi-candi: quia dum elementa oculis, et verba au-ribus se offerunt, qui sunt duo sensus præcipue cognoscitivi, dant evidentiam significationis. Deinde verba sanctificant elementa, ut plenior fiat humanæ creationis efficacia.

Instituit autem Deus sacramenta diversimode: quadam scilicet ante adventum suum, ut Ma-trimonium, et Pœnitentiam; sed hæc duo con-firmavit et consummavit in lege evangelica, dum pœnitentiam prædicavit, et nuptias inter-fuit; alia quinque sacramenta solus Christus ini-ciavit: Confirmationem quidem, parvulis ma-num imponendo; Unctionem vero, discipulos

ad curandum mittendo, qui infirmos ungebant oleo, sicut dicitur⁴ in *Marco*; Baptismum vero, suscipiendo, deinde formam dando; Ordinem autem, potestatem ligandi et solvendi tribuen-do, et conficiendi Sacramentum altaris; Eu-charistiam autem, operando, comparando se grano sinapis, et conficiendo ac dando disci-pulis, imminente passione, Sacramentum corpo-ris et sanguinis sui. Instituta sunt etiam sacra-menta multiplici de causa: primo, propter hu-miliationem, qua homo querit salutem inferio-ribus se subjiciendo; secundo, propter erudi-tionem, qua homo per visibilia ad cognoscenda invisibilia rapitur; tertio, propter exercitatio-nem, qua homo noxiæ declinet occupationem et otium; quarto, propter congruitatem medici ad medicinam, quia cum medicus sit Deus, et homo ægrotus, congruenter medicina debet continere aliiquid divinum, scilicet invisibilem gratiam, et aliiquid humanum, scilicet visibil-lem gratiæ formam; quinto, propter congruitatem ex parte infirmi, quia cum infirmus sit homo constans ex corpore et spiritu, spiritus autem in corpore non bene capiat spiritualia, nisi in corporalibus, congruum fuit dare me-dicamenta spiritualia in rebus corporalibus, sicut pilulae in nebula dantur; sexto, propter augmentationem meriti: multum enim valet ad meritum, quando Deus creditur in his, ubi humana ratio non præbet experimentum. Patet ergo ex prædictis, quæ sit sacramentorum causa efficiens, quia divina institutio; quæ for-malis, quia gratiæ sanctificatio; quæ finalis, quia humanæ infirmitatis curatio.

CAPUT IV.

De effectu Sacramentorum novæ legis.

Effectus Sacramentorum novæ legis multiplex est; primo, a peccato mundant; secundo, in bono conservant; tertio, corpori Christi mys-tico incorporant; quarto, justificant; quinto, ad futuram vitam præparant; sexto, erudiendo illuminant; septimo, a malo præservant. Ista patent in septem sacramentis per ordinem: nam primum operatur Baptismus; secundum, Con-firmatio, et sic de aliis. Sacramenta dicuntur vasa gratiæ, et causa: non quod in eis grata substantialiter continetur, vel causaliter effi-ciatur, cum in sola anima habeat collocari, et c. II. — ² Aug., *de Civit. Dei*, lib. X, c. v. — ³ Id, in *Joan.*, tract. LXXXV, n. 3. — ⁴ *Marc.*, vi, 13.

¹ Hug. de S. Viet., *de Sacram.*, lib. I, part. IX,

a solo Deo infundi ; sed quia in illis et per illa gratiam curationis a summo medico Christo oportet oriri : licet non alligaverit potentiam suam sacramentis , quin et per alias vias gratiam conferre valeat , quando vult .

Sacra menta semper habent sanctificationem veritatis , non semper efficaciam curationis ; et hoc non propter defectum ex parte sui , sed ex parte suscipientis : quia gratia nulli datur repugnanti , et impugnanti gratiae fontem . Unde et sacramenta non sanctificant , nisi digne accedentes , et absque omni fictione . Nonnunquam tamen virtute sacramentorum fit de atrito contritus , ita quod defectus dignitatis , vel præparationis ex parte suscipientis , suppletur virtute divina in sacramentis contenta , dummodo non accedat sciens in mortali peccato , vel in proposito peccandi . Unde sciendum , quod quidam suscipiunt sacramentum tantum , ut fiele accedentes ; quidam rem tantum , ut qui per contritionem et fidei devotionem recipiunt gratiam prius , quam veniant ad sacramenta ; quidam et sacramentum et rem suscipiunt , ut digne accedentes .

Sacramentum dicitur a *Sacrandō* , et hoc potest intelligi tripliciter : aut sanctitatem efficiendo tantum ; aut sanctitatem significando tantum , aut sanctitatem significando et efficiendo simul . Primo modo convenit ratio Sacramenti rebus significatis per sacramenta tam veteris quam novae legis ; secundo modo convenit sacramentis novae legis . Hujusmodi exemplum habemus in naturis : quia medicina dicitur sanare efficiendo tantum ; sudor sanat indicando tantum ; sed (a) exercitatio sanat efficiendo et significando .

Quinque sunt quæ animam justificant , sed diversimode . Deus enim justificat auctoritate ; gratia justificat formaliter , expellendo morbum spiritualem ; impletio mandatorum justificat ut dieta ; sacramenta vero , tanquam vasa medicinalia , in quibus confertur gratia ; sacerdos autem , ministerio . Exemplum autem horum habemus in curatione morbi corporalis : Deus enim sanat corpus auctoritate , medicina effective , dieta conservative , vas medicinae contentive , unde dicitur vulgariter : « Pyxis ista sanavit me ; » medieus vero sanat ut minister .

¹ *Apoc.*, III, 7; VI, 1 et seq. — ² *Ibid.*, VIII, 2 et seq. — ³ *Ibid.*, I, 16. — ⁴ *Matth.*, XV, 36. — ⁵ *Zach.*, III, 9. — ⁶ *Nun.*, VIII, 2. — ⁷ *IV Reg.*, V, 44.

CAPUT V.

De numero Sacramentorum.

Sacramenta novæ legis sunt septem , secundum septem diversitates hominum in Ecclesia : primum est intrantium , ut Baptismus ; secundum pugnantium , ut Confirmatio ; tertium vires resumentium , ut Eucharistia ; quartum resurgentium , ut Pœnitentia ; quintum exequuntur , ut Extrema Unctio ; sextum ministrantium , ut Ordo ; septimum novos milites introducentium , ut Matrimonium .

Sacramenta figurata sunt in septem signaculis , quibus fuit Veteris Testamenti pagina sigillata , quæ Agnus¹ qui habet clavem David , qui claudit et nemo aperit , reseravit ; item in septem tubis² quibus Angeli cecinerunt ; item in septem stellis³ , quas habebat similis filio hominis in dextera sua ; item in septem panibus⁴ , quibus Dominus turbam satiavit ; item in septem oculis⁵ super unum lapidem ; item in septem luncernis⁶ tabernaculi , superpositis candelabro ; item in septem lotionibus Naaman .

Sacramenta sunt septem , que disponunt ad septem virtutes habendas : nam Baptismus est sacramentum fidei ; Confirmatio , spei ; Eucharistia , charitatis ; Pœnitentia , justitiae ; Extrema Unctio , perseverantie , que est fortitudinis complementum ; Ordo , prudentiae ; Matrimonium , temperantiae . Alia etiam ratio numeri sacramentorum est , quia ordinantur contra triplicem culpam , et contra quadruplicem pœnam : unde Baptismus ordinatur contra peccatum originale ; Pœnitentia , contra mortale ; Extrema Unctio , contra veniale ; Ordo , contra ignorantiam ; Eucharistia , contra malitiam ; Confirmatio , contra impotentiam ; Matrimonium , contra concupiscentiam , quam temperat et excusat . Alia adhuc ratio numeri , quia (b) Sacramenta sunt causa sanativa morbi spiritualis ad modum corporalium . Medicina vero corporalis quadruplex est , scilicet curativa , conservativa , preservative , et meliorativa . Simili modo et sacramenta curant : Baptismus curat simul , et totaliter ; Pœnitentia vero curat paulatim quantum ad pœnam , quounque nullius penæ homo debitor sit : Extrema Unctio curat a morbis levioribus , scilicet a venialibus , sicut Baptismus et Pœnitentia curant (c) a letalibus . Sic ergo praedita

(a) *Cœt. edit.* transtulerant sed ante sudor . — (b) *Cœt. edit.* qua . — (c) Item curat .

tria sacramenta sunt quasi medicina curativa. Confirmatio autem est medicina conservativa sanitatis spiritualis, in qua datur Spiritus sanctus ad robur et conservationem gratiae datæ in Baptismo; Matrimonium est medicina præservativa; Ordo est medicina meliorativa, in quo augmentatur gratia; Eucharistia hoc omnia simul facit: curat enim venialia, quæ sunt occasio ruine majoris; conservat etiam (a) gratiam inventam in homine, et augmentum, sicut meliorat, et nihilominus a peccato preservat.

CAPUT VI.

De potestate dispensationis Sacramentorum.

Potestas dispensationis sacramentorum regulariter spectat solum ad genus humanum. In omnibus sacramentis dispensandis, necessaria est dispensationis intentio, qua quis intendit facere quod Christus instituit ad humanam salutem, vel saltem facere quod facit Ecclesia, in quo clauditur in generali intentio prædicta: quia ipsa Ecclesia, sicut sacramenta a Christo accepit, sic ad fidelium salutem dispensat. Rursum, quia ordo dignitatis exigit, ut majora majoribus, et minora minoribus committantur: quædam respiciunt excellentiam dignitatis, ut sacramentum Confirmationis et Ordinis, unde Confirmatio et Ordo conferuntur ab episcopis; quædam respiciunt indigentiam necessitatis, ut Matrimonium et Baptismus, quorum unum generat, alterum vero regenerat, et horum dispensatio etiam personis inferioribus conceditur, maxime in articulo necessitatis, quod dico ratione Baptismi; quædam autem sacramenta sunt quasi media, ut Eucharistia, Poenitentia, et Extrema Uncio. Et istorum dispensatio ad solos pertinet sacerdotes, qui sunt quasi medii inter episcopos et minores personas constituti.

Sacramenta dispensari possunt a bonis et malis, a fidelibus et infidelibus, inter Ecclesiam, et extra: quia si dispensari possent tantum a bonis, nullus esset certus de susceptione sacramenti, cum nullus sit certus de bonitate ministri, sicut nec de propria, et semper ita oportet iterari, et malitia unius præjudicaret alienæ salutis. Idcirco sacramentorum dispensatio committitur homini non ratione sanctitatis, quæ va-

riatur, sed ratione auctoritatis divinæ, quæ semper manet, quantum est de se.

Sciendum autem, quod in sacramentis quædam sunt substantialia, quædam vero sacramentalia. Quantum ad substantialia, non plus valet operatio boni ministri, quam mali, quia Deus ibi operatur ut auctor, homo vero ut minister. Sed in sacramentalibus, ut sunt orationes, plus potest valere operatio boni ministri, quam mali: hoc est autem per accidens, non per se, id est, quantum ad alios effectus accidentiales, non quantum ad essentials.

Quamvis apud haereticos sint sacramenta vera, non tamen recipientibus sunt utilia, nisi ad Ecclesiæ unitatem redeant. Unde Augustinus¹: « Ecclesia, comparata paradiso, indicat posse Baptismum homines foris recipere, sed salutem non tenere. Nam et flumina de paradisi fonte largiter manaverunt; non tamen in Mesopotamia, nec in Aegypto, quo illa flumina pervenerunt, est felicitas vitæ, quæ de paradiiso commemoratur. »

CAPUT VII.

De triplex statu Fidelium.

Triplex est status fidelium in acie ecclesiastica hierarchie, scilicet fidei genitæ, fidei roboratæ, et fidei multiplicate. Per primum fit distinctio fidelium ab incredulis in Baptismo; per secundum fit distinctio fortium ab infirmis, et hoc in Confirmatione; per tertium fit distinctio clericorum a laicis, per sacramentum Ordinis. Hinc est quod hæc tria sacramenta characteres imprimunt, per quos indelebiliter impressos semper distinguntur: unde nullatenus iterari possunt. Character ergo baptismalis incipientium est; Confirmationis vero, proficiuntur; sed Ordinis, perfectorum.

Prædicta triplex distinctio fit ad similitudinem distinctionis alicuius exercitus. Prima est communis, scilicet totius exercitus ab alio exercitu, et hæc fit principaliter per Baptismum. Secunda est specialis, scilicet militum a popularibus, hæc autem fit per Confirmationem. Tertia est specialissima, scilicet ducum militumve ab utrisque, et hæc fit per sacramentum Ordinis. Præterea, quia character est signum distinctivum spirituale et indeleibile, ideo non confertur in sacramentis quæ solent iterari,

(a) *Cæt. edit.* enim.

¹ Aug., *de Bapt. contr. Donatist.*, lib. IV, c. I, paucis mutatis.

sicut est Pœnitentia, Matrimonium, et hujusmodi.

Notandum ergo, quod character baptismalis est omnium characterum aliorum fundamentum: et ideo, illo non habito, non possunt cæteri characteres imprimi. Unde, si quis ordinatur non baptizatus, nihil prorsus agitur.

Quamvis tria sacramenta sint, ut dictum est, quæ propter characteris impressionem non iterantur, tamen commune est hoc omnibus sacramentis, non iterari circa eamdem personam et materiam, et ex eadem causa: et hoc est ideo, ne fiat contumelia sacramento; ex hoc enim credi posset quod sacramenta prius dispensata essent inefficacia et inepta: licet quædam ex necessitate, et aliis causis, iterari possint.

Quædam sunt de sacramentorum substantia, quædam de congruentia. Si ea quæ sunt de substantia omittantur, evacuantur sacramenta, et sunt iteranda; omissione vero illorum, quæ sunt de congruentia, non evacuantur sacramenta.

CAPUT VIII.

De institutione Sacramentorum.

Ab initio instituta sunt sacramenta ad curationem hominum, et semper cum morbo cœuererunt (a). In lege enim naturæ fuerunt oblationes, sacrificia, et decimationes. In lege autem scripta introducta est circumcisio, et adjuncta est expiatio, atque superaddita oblationum et sacrificiorum multiformis distinctio. In lege autem nova statuta sunt sacramenta numero pauciora, utilitate potiora, virtute efficaciora, præminentia digniora, atque significatione evidenteriora: in quibus est impletio sinul et evacuatio omnium prædictorum, sicut ait¹ Hugo de Sancto Victore. Primi temporis sacramenta sicut umbra; medii temporis, sicut imago, sive figura; postremi vero temporis, scilicet gratia, sicut corpus, quod intra se veritatem continet et gratiam, quam significatione representant, et principaliter conferunt et promittunt. Prædicta patent, quia ejusdem mundationis similitudo est in oblatione legis naturæ, sed occulte invenitur; in circumcisione vero evidenter aliquantulum exprimitur; per baptismum au-

¹ Hug. de S. Vict., *de Sacram. fid.*, lib. I., part. VIII, c. xii. — ² Aug., *ad Hieron.*, epist. xix, al. LXXXII, u. 16.

tem manifestius declaratur. Item sacramenta veteris legis nutriebant parvulos, exercebant perfectos, et duros onerando domabant. Sed hæc saeraamenta novæ legis conferunt, quæ vetera de longinquo monstrabant. Unde priora sacramenta præparaverunt, et perduxerunt ad nova, sicut via ad terminum, sicut figura ad veritatem, et sicut imperfectum ad perfectum. Est et alia differentia: quia commune est omnibus sacramentis quod consistat in rebus sensibiliibus, invisibile tamen gratiam significantibus; sed speciale est sacramentis novæ legis, quod consistant etiam et in rebus. Item sacramenta novæ legis efficiunt quod figurant; sed hoc non faciunt sacramenta veteris legis. Item sacramenta novæ legis justificant, et quantum ad opus operatum, et quantum ad opus operans (b); sed sacramenta veteris legis justificabant (c) solum quantum ad opus operans (b), quia non valebant facientibus, nisi quantum illorum charitas et devotione fidei se extenderet. Hoc non intelligitur de circumcisione, quæ cum non fuerit in lege data, nequaquam inter legalia computatur: quia ipsa in parvulis tollebat originale peccatum, et gratiam conferebat, quod non faciebant legalia. Item in lege distinguebat populum Dei ab aliis gentibus, sicut modo distinguit character baptismatis. Item legalia, secundum Augustinum², fuerunt ante passionem Domini viva, et statim post passionem mortua, et, postquam clariuit veritas Evangelii, fuerunt omnino sepulta; nostra vero sacramenta usque ad finem semper in suo vigore manebunt.

CAPUT IX.

De sacramento Baptismi.

Baptismus est janua omnium sacramentorum, quia nulli conferunt in Ecclesia aliud sacramentum ante ipsum. De substantia Baptismi sunt quinque: primum est expressio formæ vocalis a Deo institutæ, quæ est hæc: *Ego te baptizo in nomine Patris, et Filii, et Spiritus sancti*, absque omissione vel additione dictiois, absque preposteratione ordinis, et absque commutatione nominis: his enim quatuor modis forma verborum violatur, scilicet omissione, additione, transpositione, et commutatione, id est, si ponitur loco *Patris*, et *Fili*, et *Spiritus sancti*,

(a) Forte legendum concurrerunt. — (b) Item operantibus. — (c) Cœl. edit. justificauit.

nomen *Potentis*, *Sopientis*, et *Benigni*: quia in quocumque idiomate baptizetur, non debent poni appropriata tribus personis, sed expressa nomina personarum. Similiter loco verbi *Baptizo*, non debet dici: *Immergo*, vel *Intingo*. Secundum est ablutio per elementum aquæ cuiuslibet, vel maris, vel fontis, vel fluminis, sive frigidæ, vel calidæ, in toto corpore facienda, vel saltem in digniori parte, scilicet in capite. Tertium est, quod immersio ista fiat ab uno, et in eodem tempore, quando forma verborum exprimitur, ita quod non unus puerum immerget, et alius verba proferat. Quartum est intentio, vel specialis, vel generalis: specialis autem intentio est, ut iste baptizandus mundetur; generalis autem est facere illud quod facit Ecclesia. Intentio quoque illius requiritur qui est baptizandus, si est adultus, quia qui inviti baptizantur, non recipiunt sacramentum. Quintum est fides ipsius baptizandi, quia in adultis requiritur fides propria; sed in parvulis aliena, quia parvuli in fide Ecclesie baptizantur.

Baptismus merito fit in aqua, et non in alio liquore, quia cum homo per peccatum primi parentis incurrit immunditiam, et ignorantiam, et concupiscentiam, per Baptismum ab his tribus liberatur. Et hoc notatur in proprietatibus aquæ, scilicet puritate, perspicuitate et frigideitate. Nam baptismalis aqua sua puritate nos mundat, sua perspicuitate illuminat, atque sua frigiditate ab æstu concupiscentiae nos temperat. Item baptismus fit in aqua, ne quem inopia excusaret, et ne propter defectum homines salutis periculum incurerent, si in alio aliquo liquore fieret; et ut inveniatur apud omnes communis Baptismi materia.

Triplex autem est baptismus, scilicet fluminis, flaminis, et sanguinis. Inter hos talis est differentia, quia baptismus fluminis a tota pena liberat, et a culpa, et gratiam in habitu infundit, et characterem imprimit; baptismus fluminis delet culpam non semel tantum, sed pluries, et habet gratiam in usu, in quo consistit meritum; baptismus sanguinis liberat ab omni tentatione, et confert statim præmium, quia proprium est martyrum statim evolare. Ex his patet quis sit melior inter hos baptismos, quia se habent, ut excedentia, et excessa.

In baptismo quoddam est sacramentum tantum, ut ablutio exterior; quoddam est res tan-

tum, ut gratia interior; quoddam res et sacramentum, ut character.

Octo sunt de solemnitate baptismi, quæ non sunt de substantia; unde versus :

Sal, oleum, chrisma, cereus, chrismale, saliva,
Flatus, virtutem baptismatis ista figurant:
Hæc cum patrinis non mutant esse, sed ornant.

In quatuor locis inungitur baptizandus, scilicet in fronte, ut fidem publice protestetur; in vertice, ut agenda ab eo subtilius intelligantur; inter scapulas, ut jugum Christi suavius portetur; in pectore, ut dulci corde Deus diligatur.

Baptismus fuit materialiter institutus, quando Christus¹ baptizatus fuit; formaliter, quando dixit²: *Ite (a), docete omnes gentes*, etc.; finaliter, quando dixit Nicodemo³: *Nisi quis renatus fuerit*, etc.; effective, quando Christus passus est.

Effectus baptismi multiplex est. 1. Ad alia sacramenta præparat, quia Baptismus est sacramentum intrantium. 2. A peccato mundat, quod significatum est in Mari Rubro, ubi submersi sunt Ægyptii, sed filii Israel exierunt securi. Nota, quod in baptismō deletur originalis peccati macula; fomes vero non tollitur, sed remittitur. 3. Pœnam relaxat; unde pueri induuntur veste candida. 4. Rationalem illuminat; unde ponitur sal in ore. 5. Concupiscentib[em] ad bonum inflammat; unde datur candela puerō. 6. Irascibilem confortat; unde Israel vicit Amalech post transitum Maris Rubri. 7. Gratiam tribuit: quod figuratum est per columbam, quæ sedit super Jesum baptizatum. 8. Characterem imprimit: hoc figuratur per mare vitreum in Apocalypsi. 9. Fomitem mitigat, quod significat aquæ frigiditas. 10. Communione Ecclesiæ præstat, sicut Hieremias circumcisus fuit, quamvis sanctificatus fuerit in utero. 11. A satisfactione exteriori liberat, quia non requirit gemitum neque planctum: intellige exteriorem, non interiorum; nam interior requiritur in adulto, scilicet contritio. 12. Protestatem diaboli minuit: quod significat exsuffratio. 13. Januam cœli aperit; quod significatum est, quando Christo baptizato aperi sunt cœli. Et notandum quod passio Christi aperuit januam cœli per causam meritorum et satisfactoriam generalem; baptismus autem aperit per causam efficientem singularem: facit enim iustum^(b) hominem statim^(c) evolare. 14. Os ad

^(a) Vulg. *Euntes ergo.* — ^(b) Edit. *Vat.* istum. — ^(c) *Cœl. edit.* singulare.

¹ *Matth.*, III, 16. — ² *Ibid.*, xxviii, 19. — ³ *Joan.*, III, 3.

laudandum, et aures ad audiendum aperit; unde ponitur saliva in aure pueri. 15. Templum Christi efficit; unde dicitur baptizato : *Exi, immunde spiritus, et da locum Spiritui sancto.* 16. Laudabilem coram Deo reddit; unde balsamum est in chrismate. Solent pueri baptizandi usque ad Pascha et Pentecosten, nisi urgeat necessitas, vel timeatur periculum, reservari, ad significandum quod in baptismō fit resurrectio spiritualis, et quod gratia Spiritus sancti datur. Baptismus Christi, et Joannis, conveniunt in materia, et in modo mergendi; sed differunt in forma, quia baptismus Joannis tradebatur in nomine venturi. Differunt etiam in effectu, quia baptismus Christi vivificat, Joannis autem non. Item in fine, quia baptismus Joannis ad baptismum Christi invitabat.

CAPUT X.

De Catechismo, et Exorcismo.

Catechismus, et exorcismus, tanquam præparatorii, premittuntur (*a*) baptismo, ut in ipso gratia efficacius operetur. Tribus de causis catechismus institutus est: primo propter instructionem de articulis communibus ad fidei susceptionem; secundo, propter responsionem ad fidei professionem; tertio, propter responsionem ad fidei observationem. Quia vero adulterus peccatum proprium habet, et per se respondere potest, requiruntur haec ab eo. Parvulus autem, quia non habet peccatum actuale, nec per se respondere potest, requiruntur haec ab eo per vicarium, qui pro ipso respondet de fidei observantia. Exorcismus ideo institutus est, ut a baptizando diaboli potestas repellatur. Nam propter peccatum hominis diabolus in hominem potestatem accipit, et etiam in illa quæ veniunt in usum hominis. Unde tam adulū, quam parvuli, exorcizari debent, ad expulsione diabolice potestatis.

CAPUT XI.

De Confirmatione.

Confirmatio sacramentum est pugnantium; de cuius substantia sex sunt: duo ex parte sacramenti in se, scilicet materia chrismati, et forma verborum, quæ talis est, secundum modum magis communem: *Signo te signo crucis,*

confirmo te chrismate salutis; in nomine Patris, et Filii, et Spiritus sancti; duo ex parte ministri, scilicet dignitas pontificalis, et intentio debita; duo ex parte suscipientis, scilicet frons in qua debet fieri chrismatio, et quod confirmandus sit baptizatus. Unctio chrismati triplex fit in tribus sacramentis, quorum diversitas ex fine accipitur: in Baptismo fit in vertice, ad signandum fidei susceptionem, quia vertex est locus cellulæ rationalis; in Confirmatione fit in fronte, ad significandum audaciam confessionis, cuius impedimentum est timor et verecundia, quæ specialiter manifestatur in pallore vel rubore frontis, ex propinquitate cellulæ imaginis. In Ordine fit in manibus, ad significandum potestatem consecrandi dominici corporis sacramentum.

Hujus sacramenti multiplex est utilitas, quia 1. gratiam in baptismo datam confirmat¹: *Confirma hoc, Deus, quod operatus es in nobis,* scilicet in baptismo. 2. Ad militiam spiritualem præparat; unde confirmandi, tanquam pugiles pugnaturi, inunguntur, ne ab inimicis de facili terreatur. Et quia omnes Christiani debent esse in bello Christi, propter hoc omnes debent sacramentum hoc accipere, ut faciliter possint contra mundum, carnem et diabolum pugnare. 3. Ad confessionem constantem nominis Christi animat, quoniam oportet verum Deum et verum hominem confiteri: primo, ut confiteamur eum secundum divinam naturam Patri et Spiritui sancto æqualem; secundo, ut confiteamur cum, secundum humanam naturam, crucis pertulisse supplicium. Primum appareat in forma verborum (*b*), Trinitatis expressione; secundum claret in fronte, crucis signatione. 4. Intus et extra spirituali decore nos ornat: intus quidem per conscientię puritatem; sed extra per odorem bonae famæ. Et haec duo significantur in chrismate, quod conficitur ex oleo propter primum, et ex balsamo propter secundum. 5. In bonis agendis et malis sustinendis roboret: datur enim ibi Spiritus sanctus² *ad robur.* 6. Animam et corpus armat: animam quidem per impressionem characteris contra pusillanimitatis vitium; corpus vero, per clypeum crucis contra insultus dæmonum. 7. Contra verecundiam et timorem in confessione nominis Christi audaciam præstat: primum notatur in chrismatone frontis, quæ est locus verecundiæ; secundum,

(a) *Cat. edit. add. in.* (b) *Cat. edit. add. in.*

¹ *Psal. LXVII, 26.* — ² Verba sunt Pontificalis.

in potestate ministri. 8. Pugnantem coronat: quod notatur in vita, quæ circa caput confirmati ligatur.

Quædam sunt circa confirmationem quæ non sunt de esse sacramenti, sed de bene esse; quæ sunt hæc: quod jejunis, et a jejunio detur; quod per aliquem episcopo presentetur, qui etiam patrinus officitur; quod vita capitl cūm ligetur.

Per istud sacramentum fiuit fideles pleni christiani, plenitudine dico copiæ, qui tamen in baptismō pleni facti sunt plenitudine sufficiētē.

Sacraenta se habent in dignitate, ut excedentia, et excessa: nam Eucharistia præminet in esse Baptismus, in effectu; Matrimonium, in mysterio, quia significat conjunctionem Christi et Ecclesiæ; Confirmatio in dignitate ministri, quia non confert nisi ab episcopis; Pœnitentia in frequenti peccatorum remissione, et sic de aliis sacramentis.

CAPUT XII.

De sacramento Eucharistiae.

Eucharistia est sacramentum charitatis tam diviæ, quam nostræ: quia Deus in hoc sacramento magnæ dilectionis nobis signum ostendit, et nostræ dilectionis affectum per idem sacramentum specialiter erga se inflammavit. De substantia hujus sacramenti sunt quatuor: primum *est*, quod consecrata Eucharistia sit sacerdos; secundum, species panis et vini; tertium, intentio consecrantis; quartum est forma verborum, videlicet: *Hoc est enim corpus meum*; et ista super calicem: *Hic est enim calix*, etc.

Ad plenus intelligendum ista, nota circa intentionem, quod aliud est intentio, aliud attention: quia intentio semper est necessaria, vel specialis, vel generalis, sicut dictum est de baptismō: attentio autem non est de substantia, sicut quando mens rapitur in prolatione verborum ad alia: quod quandoque contingit ex infirmitate; quandoque ex negligētia, vel incuria, et tunc est peccatum. Scendum præterea quod non solum requiritur intentio consecrantis, sed etiam intentio istud sacramentum institutus. Unde si aliquis sacerdos staret in foro, et super omnes panes formam verborum proferret, etiam cum intentione consecrandi, non fieret ibi transsubstantiatio: et hoc non esset propter defectum virtutis verborum, cum una

vice sacerdos possit consecrare tot hostias, quot toti mundo sufficienter, si esset necessarium Ecclesiæ; sed propter defectum intentionis illius qui hoc sacramentum instituit, qui non intendit quod cum tali ludibrio, vel stultitia, fieret consecratio; sed pro utilitate, vel necessitate Ecclesiæ generalis, vel particularis.

Circa formam quoque verborum sciendum, quod cum dicitur: *Hoc est enim corpus meum*, ista conjunctio *enim* non est de substantia formæ, sed de bene esse ipsius: unde omitti non debet. Aliud namque est forma necessaria, sine qua non potest transsubstantiatio fieri; alius forma debita, sine qua non debet fieri. Eodem modo dicendum est de speciebus panis et vini. Unde nota quod materia Eucharistiae alia est necessaria, alia est debita: materia necessaria Eucharistiae est panis frumentitius, quia sine illo non potest fieri confectio; materia vero debita est, quod panis ille sit azymus, quia licet fermento posset confici, tamen hoc non debet fieri, duplice de causa: prima est, quia panis azymus convenit institutioni, Christus enim dedit discipulis corpus suum confectum in tali materia; secunda est, quia talis panis convenit significato, Christus enim sine omni fermento peccati fuit. Similiter dicendum est de materia calicis, quia alia est materia necessaria, alia debita: materia necessaria calicis est vinum, quia sanguis Christi non potest in alia materia confici, quam in vino; materia vero debita est, quod aqua vino misceatur, et hoc duplice ratione: prima, quia talis materia convenit institutioni, Christus enim sanguinem suum sub tali specie dedit; secunda, quia talis materia convenit etiam significato, quia Ecclesia, quæ per aquam significatur, Christo per fidem et charitatem jungitur.

Sciendum præterea, quod in aceto et agresta non conficitur, quia acetum non est vinum, sed fuit, sicut et agresta non est vinum, sed erit. In confectione autem sanguinis tam modicum aqua debet admisceri vino, quod absorberi possit ab illo: aliquoquin impeditur consecratio, si vinum ab aqua vincitur. Istud designat, quia cum nos ad Christum convertimur, non ipse in nos, sed nos in ipsum mutamur, quia corpori ejus mystico incorporamur.

Si una gutta vini imponitur ex aliqua negligētia sanguini, non propter hoc desinit esse sanguis, nec propter admixtionem vinum in sanguinem mutatur, sed utraque species in sua

natura permanet. Sed si de vino multum ponitur ad unam guttam sanguinis, sicut quandoque fit in ablutione, tunc ibi desinit esse sanguis, quia species illius guttae, sub qua est sanguis, absorbetur a multo vino adjuncto.

Circa Eucharistiam est quoddam sacramentum tantum, ut species panis et vini; quoddam est ibi res tantum, ut corpus Christi mysticum; quoddam est ibi res et sacramentum, ut corpus Christi verum, quod traxit de Virgine: istud enim est res primi, et sacramentum secundi.

Sub utraque specie totus Christus indivisus est, scilicet corpus et anima, et Deus, ac per hoc utrobique est unum et simplicissimum sacramentum. Sub specie namque panis est corpus Christi per conversionem, et sanguis per connexionem, et anima per conjunctionem, et divinitas per unionem; ista cuim quatuor non possunt dividii, nec ab invicem separari. Eodem modo dicendum est de sanguine. Præterea Christus sic totus est in toto specie, quod est in qualibet parte ejus, sive sit integra illa species, sive divisa: ac per hoc non est ibi ut circumscriptus, vel occupans locum, vel habens situm, vel perceptibilis per aliquem sensum corporeum. Exemplum hujus habemus in speculo, quod si dividatur in multis partibus, in qualibet appareat imago, que prius apparabat in integro. Item exemplum est de sermone, quem quis multis recitat, quia quilibet auditor recipit illum totum. Unde quamvis sermo sit unus in proferente, totus tamen est in quolibet audiiente.

Hostia frangitur in tres partes, propter multis rationes: primo, propter tres personas divinas in una essentia: sic sunt tres partes in divisione hostie, unus tamen Christus est; secundo, propter tres status Ecclesiae, scilicet militantium, triumphantium, et in purgatorio ardenter; tertio, propter tres status Christi in quibus fuit, scilicet mortalis, mortuus, et immortalis; quarto, propter tres apertiones in corpore Christi tempore passionis, scilicet manuum, pedum, et lateris; quinto, propter tres substantias in Christo, scilicet divinitatis, animae, et corporis.

Sacramentum corporis Christi præfiguratum est multipliciter, scilicet 1. in oblatione Melchisedech, in qua figurare habemus formam ex-

teriorum sacramenti, et primum effectum, sciœt refectionem: ibi enim precessit figura spiritualis refectionis in pane et vino; in Eucharistia est refectionis spiritualis vite in re. 2. Item in manna, ubi figurabatur effectus gratiae. 3. Item in agno paschali, in quo figurabatur liberatio a servitute egyptiaca: ita noster agnus est signum liberationis a diabolo. 4. Item in diversis sacrificiis, de quibus habetur in *Levitiro*, quibus figurabatur oblatio passionis Christi, ut fuit *hostia* quoad reconciliacionem, et *victima* quoad satisfactionem pro peccatis nostris, et *holocaustum* quoad totius corporis sui lesionem. 5. Item in oblatione Manue, de quo legitur in libro *Judicum*¹, per quam figurabatur in quo debet fieri oblatio, et super quid, quia in fide Jesu Christi, qui per petram designatur. 6. Item in virga Jonathæ mellita², ubi figurabatur quis offerre debeat, quia Jonathas; per favum vero mellis designatur devotio offerentis. 7. Figura sanguinis Christi fuit vinum, ad designandum refectionem³: *Introduxit me Rex in cellam vinariam*. 8. Item aqua ad designandum ablutionem; unde illud⁴: *Vidi aquam egredientem*, etc. 9. Item sanguis, ad designandum redemptionem⁵: *Sine sanguinis effusione non fit remissio*.

CAPUT XIII.

De dignitate et excellentia sacramenti Eucharistiae.

Dignitas et excellentia hujus sacramenti appetat in multis: primo, quia, sicut iam dictum est, tam ante legem, quam in lege fuit præfiguratum; secundo, quia a Prophetis prænuntiatum⁶: *Panem angelorum manducavit homo*: ponitur hie præteritum pro futuro prophetali certitudine. Tertio, quia a Christo institutum; et hoc dupliciter, scilicet verbo, et facto: verbo, ut patet in Joanne⁷: *Ego sum, inquit, panis vivus, qui, etc.*; facto⁸: *Accipite et comedite: hoc est*, etc. Quarto, quia ab Apostolis observatum⁹: *Convenientibus vobis in unum*, etc. Quinto, quia a summis pontificibus solemnizatum, qui ordinaverunt eantum et orationes, locum, et tempus, et vestimenta, et vasa diversa, que omnia sunt ad decorum hujus sacramenti.

Maxima dignitas appetat in hoc sacramento,

¹ *Judic.*, XIII, 19. — ² *1 Reg.*, XIV, 27. — ³ *Canl.*, II, 4. — ⁴ *Verba Liturgia temp. pasch.*, ex *Ezech.*, LVII,

⁵ *Hebr.*, IV, 22. — ⁶ *Psal.* LXXVII, 25. — ⁷ *Joan.*, VI, 51. — ⁸ *Matth.*, XXVI, 26. — ⁹ *1 Cor.*, XI, 18.

quia cum Christus constet ex tribus substantiis, scilicet deitate, anima, et corpore, ipsa quidem deitas excellit omnia¹: *Magnus Dominus et laudabilis*, etc. Item anima ejus praeceps omnes animas, cum sit² plena gratia et veritatem, id est, perfectissima in affectiva et cognitiva. Item corpus ejus excellit omnia corpora, quod de sacerdotio corpore beatissimae Virginis fuit sumpturnum, et divinitati unitum. Ergo in Christo nobilissimum quod est in cœlo, et nobilissimum in terra unita sunt.

CAPUT XIV.

De mirabilibus, quae sunt in Eucharistia.

Mirabilia multa sunt in hoc sacramento: primum est, quod est ibi corpus Christi in tanta quantitate, sicut fuit in cruce, et sicut jam est in cœlo, nec tamen excedit terminos illius formæ; secundum, quod ibi sunt accidentia sine subiecto; tertium, quia ibi panis ita convertitur in corpus Christi, quod non fit materia corporis Christi, nec annihilatur; quartum quod corpus Christi nou augetur ex multarum hostiarum consecratione, non minuitur ex hostiarum sumptione; quintum, quod idem corpus in pluribus locis est sub omnibus hostiis consecrat; sextum, quod quando dividitur hostia, non dividitur corpus, sed sub qualibet parte totus est Christus; septimum, quod quando tenetur hostia in manibus, videtur oculis corpus Christi, nec tangitur per se, nec videtur, sed haec tantummodo circa species sunt; octavum, quia cum desinunt istæ formæ, tunc etiam desinit esse ibi corpus et sanguis Christi; nonum, quod cum non sit ibi panis vel vinum, tamen accidentia eumdem effectum habent, ut prius, scilicet satiare, ineptiare, et hujusmodi.

Nota quod Deo convenit esse ubique simpliciter et proprie; creature convenit esse in uno loco tantum; corpus vero Christi medio modo se habet. Cum enim sit creatura, non debet aequaliter Creatori in hoc, quod sit ubique; cum vero sit unitum deitati, debet in hoc excellere alia corpora, ut simul et semel possit esse in pluribus locis, sub isto videlicet sacramento.

In sacramento Eucharistiae quoddam est secundum naturam, ut hoc quod ibi accidentia sunt in loco determinato; quoddam est ibi

supra naturam, sed non supra intellectum, ut quod ibi sunt accidentia sine subiecto; quoddam est ibi supra naturam et intellectum, ut quod ibi Christus est totus, et tantus quantus fuit in cruce, nec tamen excedit terminos illius parvæ formæ.

De mirabili transsubstantiatione, nota quod triplex est mutatio: una est artificialis, ut quando fit vitrum de cineribus; alia naturalis, et haec duplex est, scilicet accidentalis, et substantialis: accidentalis est, quando idem subiectum manet sub diversis accidentibus sibi invicem succedentibus; substantialis est, quando eadem materia manet sub diversis formis substantialibus, sicut patet in transmutatione elementorum ad invicem. Tertia est mutatio supernaturalis, ut quando nec materia nec subiectum manet, sed tantum accidentia sine subiecto: et talis mutatio est in transsubstantiatione corporis Christi.

In rerum mutatione potest notari triplex difficultas: vel ex parte termini a quo; vel ex parte termini ad quem; vel ex parte distantiae terminorum ad invicem. Primo modo creatio est mirabilior omnibus mutationibus, quia est de non ente simpliciter; secundo modo conversio in corpus Christi est mirabilior omnibus, quia est in ens in actu prius existens; tertio modo incarnationis Christi est mirabilior quacumque mutatione, quia ibi est unio infinite distantium.

Guitmundus³ distinguit quadruplicem mutationem substantialiem: prima est a non ente in ens, et haec dicitur generatio; secunda est ab ente in non ens, ut corruptio; tercia est ab ente in ens, quod modo non est, sed jam erit, ut productio; quarta est ab ente in ens jam existens, et talis est conversio panis in corpus Christi. Haec mutatio non habet similitudinem in natura, sed est alterationi quasi contraria: quia hic mutatur una substantia in aliam, et manent eadem accidentia; sed in alteratione e converso est, quia ibi mutantur accidentia, et manet eadem substantia, sicut patet in corporalibus, quando de albo fit nigrum: et in spiritualibus, quando fit de justo impius, vel de ignorantie sciens.

Nota quod haec prepositio de multipliciter sumitur. Quandoque enim nota causam, ut cum Christus dicitur conceptus de Spiritu sancto; quandoque materiam, ut cum dicitur Christus natus de Virgine; quandoque identitatem substantiae, ut cum dicitur Filius natus de Patre; quandoque

¹ *Psal. XLVII, 2.* — ² *Joan., 1, 14.* — ³ *Guitm., de verit.*
Euchar., lib. I, post med.

transsubstaniationem, vel conversionem, ut cum dicitur corpus Christi fieri de pane; quandoque ordinem, ut cum dicitur creatura esse de nihilo.

CAPUT XV.

De effectu in suscipientibus corpus Christi.

Digne suscipientes corpus Christi, bonum multiplex consequuntur. Primum est Christi commemoratio¹: *Hoc facite in meam commemorationem*, scilicet dilectionis, liberationis, imitacionis. Item vivificatio interior, quia nonnunquam per virtutem hujus sacramenti fit de attrito confractus. Unde sicut in *Genesi*², lignum vite comes tum vitam prestat, sic per hanc gratiam purgantur, illuminantur, perficiuntur, reficiuntur et vivificantur. Et bene redditur vita per cibum, per quem et mors intravit. Item corporis Christi mystici incorporatio; unde dictum Augustini³, *Non tu me mutabis in te, sed tu mutaberis in me*, non intelligitur de unione corporis mystici de novo facienda, sed de augenda: non enim unit dissimilia. Item spiritualis refection⁴: *In loco pascuae*, etc. Deus enim non tantum instituit sacramentum, quod nos in esse gratiae generaret, ut Baptismum; vel quod genitos roboraret, ut Confirmationem; verum etiam quod roboratos nutrire, ut Eucharistie, propter quod haec tria sacramenta dantur omnibus, qui ad fidem accedunt. Item devotionis augmentatio⁵: *Impinguasti in oleo*, etc. Nutrimentum enim quod hic datur nobis quantum ad esse gratuitum, in tribus attenditur, scilicet in conservatione devotionis ad Deum, et dilectionis ad proximum, et delectationis intra nosmetipsos. Item fomitis mitigatio; *Psalmus ibi*⁶: *Super aquam refectionis*, etc., quia sicut aqua refrigerat, sic et istud sacramentum fervorem concupiscentiae mitigat. Item collatio gratiae⁷: *Descendente manu descendebat*, etc. Item virtutum roboratio⁸: *Panis cor hominis confirmet*. Item peccatorum remissio, quia per istum cibum semper fit reparatio desperiti. Ude quando dicitur in Oratione Dominicana: *Panem nostrum quotidianum da nobis hodie, statim sequitur: Et dimittite nobis debita nostra*. Istud intelligitur de venialibus tantum, quia sicut alimentum naturale prodest viventi, et non mortuo, sic alimentum spirituale. Item contra

¹ *I Cor.*, xi, 25. — ² *Gen.*, ii, 9. — ³ *Aug.*, *Confess.*, lib. VII, c. x, n. 46. — ⁴ *Psal.* xxii, 2. — ⁵ *Ibid.*, 5. — ⁶ *Psal.* xxxii, 2. — ⁷ *Num.*, xi, 9. — ⁸ *Psal.* ciii, 15. —

diabolum armatio⁹: *Parasti in conspectu meo mensam adversus*, etc. Item spei elevatio; unde Apostolus¹⁰: *Quomodo cum illo*, etc. Item amoris excitatio; Bernardus: « Disce, Christiane, quantum debeas diligere Christum, qui dedit nobis carnem suam in cibum, sanguinem in potum, animam in prelum, aquam lateris in lavacrum.» Item fidei commendatio, quia in hoc sacramento fides elevatur (a) supra naturam, supra sensum, et supra intellectum; Apostolus¹¹: *Captivantes omnem intellectum in obsequium Christi*. Item angelica convivatio¹²: *Panem angelorum manducavit homo*. Item regni coelestis collatio¹³: *Qui manducat meam carnem, et bibit*, etc. Item spiritualis delectatio¹⁴: *Panem de caelo præstítisti eis*, etc. Item intellectus illuminatio¹⁵: *Gustavit Jonathas de melle*, et illuminati sunt oculi ejus. De effectu Eucharistie diecit Bernardus: « Corpus Christi est ægris medicina, peregrinantibus via, debiles confortat, valentes delectat, languorem sanat, sanitatem conservat. Per hoc fit homo mansuetior ad correctionem, patientior ad laborem, ardenter ad amorem, sagacior ad cautelam, ad obedientiam promptior, ad gratiarum actiones devotior. »

Sicut recte communicantibus multa bona proveniunt, ut dictum est; sic indigne sumentibus corpus Christi multa mala occurunt. Nullius enim opus placet Deo, nisi placeat ipse prius. Indigna enim communio peccatis hominem illaqueat, damnationem preparat, proximum scandalizat, memorem excœdat, tentationi subjugat, Deum irritat, vitam temporalem breviat, gratitatis spoliat. De his per ordinem dicitur: *Fiat*, inquit (a)¹⁶, *mensa corum coram ipsis*, etc.: ecco primuum. *Et in retributionem*: ecce secundum. *Et in scandalum*: ecce tertium. *Obscurentur oculi eorum ne videant*: ecce quartum. *Et dorsum eorum semper incurva*: ecce quintum. *Effunde super eos iram tuam*: ecce sextum. *Fiat habitatio eorum deserta*: ecce septimum. *In tabernaculis eorum non sit qui inhabet*: ecce octavum.

CAPUT XVI.

De modo sumendi Eucharistiam.

Corpus Christi quatuor modis sumitur. Quidam accipiunt illud spiritualiter tantum, ut qui

⁹ *Psal.* xxii, 5. — ¹⁰ *Rom.*, viii, 32. — ¹¹ *I Cor.*, x, 5. — ¹² *Psal.* lxxvii, 25. — ¹³ *Joan.*, vi, 55. — ¹⁴ *Sap.*, xix, 20. — ¹⁵ *I Reg.*, xiv, 29. — ¹⁶ *Psal.* lxxviii, 23-25.

(a) *Forte legendum elevat*. — (b) *Suppl.* Psalmista.

accipiunt rem sacramenti, id est gratiam, et non ipsum sacramentum corporis Christi. De hoc modo sumendi dicit Augustinus¹: « Crede, et manducasti, » id est corpori Christi mystico incorporatus es. Quidam sacramentaliter tantum, ut communicantes in mortali peccato, quia licet Deus sit ubique per essentiam, non tamen per gratiam. Quidam spiritualiter et sacramentaliter, ut qui accipiunt rem, et sacramentum, ut communicantes in gratia. Quidam neutro modo, ut qui nec rem, nec sacramentum accipiunt, ut heretici, qui nihil conficiunt. Primi non manducantes manducant; secundi manducantes non manducant; tertii manducantes manducant; quarti non manducantes non manducant.

Circa communionem committitur peccatum tribus modis: primo, cum quis statuto tempore communionem dimittit²: *Nisi manducaveritis carnem filii hominis, etc.*; secundo, cum quis suo tempore communicans male accedit; Apostolus³: *Qui sumit indigne, judicium sibi manducat et bilit;* tertio, cum quis post communionem a peccatis se non custodit: et iste triplex malum incurrit: primo, quia Christum, quem suscepit, ignominiose a se expellit: nam turpis ejicitur, quam non admittitur hospes; secundo, quia talis quodammodo similitudinem Iudei gerit, qui postquam cum Christo coenavit, ipsum tradidit. Sic et Absalon fratrem suum ad convivium vocavit, et postea occidit. Tertio, quia ordinem honestatis pervertit: venturo enim reverentiam exhibet, et praesenti nullam. Unde similis est illis, qui cum ramis olivarum, et clamore festivo obviauerunt Christo, et ipsum postmodum crucifixerunt.

Qualiter autem ad communionem accedendum sit, discere possumus in esu agni paschalis. Comedebant enim Iudei accinctis renibus, calceatis pedibus, baculos habentes in manibus, cum lactucis agrestibus, et panibus azymis, et festinantor. Per primum significatur puritas castitatis⁴: *Sint lumbi vestri præcincti, et lucernæ, etc.*; per secundum, affectus devotionis⁵: *Quam pulchra es in calceamentis, filia principum!* Per tertium, memoria dominice passionis⁶: *In baculo meo transivi Jordanem istum.* Per quartum, amaritudo contritionis⁷: *Cibabis nos pane lacrymarum.* Per quintum, promptitudo

bonae voluntatis et operationis⁸: *Vidisti hominem velocem in operibus suis, coram regibus stabit.*

Item, quales debeant esse communicantes, ostenditur in vestibus sacerdotalibus. Requiruntur enim ista: judicium discretionis, munditia castitatis, mortificatio carnis, constantia fortitudinis, perseverantia longanimitatis, perfectio charitatis. Primum notatur in superhumerali; secundum, in alba; tertium in cinctura; quartum, in fanone, sive manipulo, qui portatur in brachio sicut clypeus; quintum, in stola; sextum, in casula.

Corpus Christi sumitur velatum accidentibus multiplici ratione. Primo, propter meritum quantum ad bonos, quia, secundum Gregorium⁹, « fides non habet meritum, cui humana ratio prestat experimentum. » Secundo, propter indignitatem, quoad malos: exemplum de Bethsamitis, qui percussi sunt, quia arcam Domini viderunt. Tertio, propter imbecillitatem, quantum ad omnes: non enim possemus videre claritatem corporis Christi glorificati. Exemplum de Moysi, in cuius faciem non poterant intendere filii Israel quando resplenduit. Quarto, propter vitandum horrorem crudelitatis, qui fieret, si Christi carnem dentibus atrectaremus.

Tres sunt causa quare laicus non datur istud sacramentum sub duplice specie: prima est, quia possent credere, quod totus Christus non esset sub utraque specie; secunda, propter periculum, quia de facili posset effundi sanguis; tertia, ut veritas respondeat umbræ, quia in lege non bibebant etiam offerentes de libamine.

CAPUT XVII.

De abstinentia a Communione.

Abstinent quidam a communione propter culpam propriam; et aliqui sine culpa mortali, sed propter sacramenti reverentiam, sicut qui sentiunt se minus mundos carne, vel mente, vel etiam indevotos: et isti bene faciunt, dummodo possint juste et sine aliorum scandalo supersedere. Ubi enim non instat necessitas, consulendum est talibus, ut de communione expectent, quoisque parati, et devoti, ac circumspecti possint accedere. Nulla tamen necessitas debet compellere, ut aliquis in peccato mortali existens scienter communicet.

¹ Aug., in Joan., tract. xxv, n. 12. — ² Joan., vi, 54. — ³ I Cor., XI, 29. — ⁴ Luc., XII, 35. — ⁵ Cant., VII, 4. — ⁶ Gen., XXXII, 10. — ⁷ Psal. LXXX, 6. —

⁸ Prov., XXII, 29. — ⁹ Greg., in Evang., hom. XXXVI, statim a princ.

Peccatum facit indignum communione tribus modis : aut in habitu, ut quando quis accedit non contritus de peccato præterito et inconfessus; aut in actu, ut quando quis immunita formam sacramenti, et irreverenter ipsum tractat; aut in proposito, ut quando habet voluntatem peccandi in futuro.

Polet etiam propter reverentiam sacramenti exclusio fieri a communione tripliciter : primo, propter reverentiam sacramenti exterioris, sic excludit pollutio, et immunditia corporalis; secundo, propter reverentiam rei contentæ sub formis, sic excludit defectus judicii et rationis, ut in pueris et amentibus; tertio, propter reverentiam rei significatae, id est, unitatis corporis mystici, sic excludit vinculum interdicti, vel suspensionis, vel excommunicationis etiam iniustæ. Sic igitur propter solam reverentiam sine omni culpa excluduntur multi a communione. Ille primo patet in pueris, qui tamen si sunt prope etatem adultam, scilicet decimum vel duodecimum aenum, et apparent in eis signa reverentiae et discretionis, possunt sumere, alias non. Idem patet in furiosis, qui excluduntur sine culpa, qui tamen communicare possunt, quando habent lucida intervalla. Item, cum quis habet lutosas manus, licet hoc sit sine culpa, tamen pro sola reverentia non debet tangere corpus Christi.

Tria genera hominum in lege excludebantur ab esu agni, scilicet 1. incircumcis, qui significant accidentes irreverenter ad communionem. Legitur in libro Regum, quod percussus est Oza, qui tetigit arcum Domini. Item 2. alienigenæ; hi significant infideles, de quibus in Genesi¹: *Fera pessima devoravit filium meum.* Item 3. immundi, qui significant habentes peccatum mortale. De his Propheta²: *Mundamini, qui fertis rasa Domini.* De his tribus nota, quod indigne sumit, qui non sumit reverenter, vel non catholice, vel habet mortale scienter.

Qui non communicat suo tempore, multa mala incurrit : primo, quia talis multiplici utilitate privatur, de qua supra dicitur in capitulo de effectu Eucharistie³. Si enim Raab salvata est, quia suscepit nuntios Domini, multo magis, qui ipsum suscipit. Secundo, quia constitutio nem Ecclesiæ transgreditur : statuit enim Ecclesia quod qui non communicat in Pascha, vivens ab ingressu Ecclesie arceatur, et mo-

¹ Gen., xxxvii, 20. — ² Isa., lii, 11. — ³ Vid. sup., c. xv, p. 212.

riens careat ecclesiastica sepultura. Tertio, quia maledictionem incurrit⁴ : *Væ soli*, etc. Benc solus est, qui Christum non habet. Quarto, quia vices Deo non repedit; Augustinus : « *Verecundum est illi hospitium denegare, qui solet omnem pulsantem admittere.* » Quinto, quia vires spirituales perdit : quilibet enim qui est sine mortali, est membrum corporis mystici : membrum autem debet sustentari alimento corporis Christi veri ; alioquin efficitur aridum, sicut corporeum membrum ad quod non transmittitur corporalis cibi nutrimentum.

CAPUT XVIII.

De officio Missæ.

Prærogativas plurimas habet Missa : primo, quia celebratur a jejunis; secundo, quia tantum in Ecclesia, et super altare, nisi quandoque propter necessitatem fiat sub tentorio, vel in alio loco honesto; tertio, quia oportet celebatur esse sacerdotem; quarto, quia oportet eum indutum esse sacris vestibus; quinto, quia tantummodo fit in die, et non in nocte, nisi in Nativitate Domini; sexto, quia celebratur accenso lumine, etiam mille soles lucebant super terram; septimo, quia ibi sonant verba divina, angelica, et humana : divina quidem, cum dicitur vel cantatur *Pater noster*, et leguntur verba Domini in Evangelio; angelica vero, quando dicitur *Gloria in excelsis Deo*, etc.; humana autem, ut in collectis et hymnusmodi. Octavo, quia ibi audiuntur tria idiomatica nobilissima, scilicet hebraicum, ut *Sabaoth*⁵ et *Osanna*⁶; græcum, ut *Kyrie, eleison*⁷; latinum, ut in aliis, quæ sunt ibi. Nono, quia Missa suo modo tam plena est mysteriis, sicut mare guttis, sicut sol atomis, sicut firmamentum stellis, sicut cœlum empyreum angelis. Decimo, quia sacerdotes in solemnibus ecclesiis habent in Missa sua plures ministros, diaconum, subdiaconum, et acolytos. Undecimo, quia angelis ibi existentibus sufficit in praesentia tantæ majestatis esse scholares. Duodecimo, quia ibi est Dominus colli et terre.

Officium Missæ moraliter exponitur ita. *Introitū* significat inchoationem boni operis : et duuplicatur, quia in nostra inceptione debemus declinare a malo, et facere bonum. *Kyrie, eleison*,

vi, 3. — ⁵ שָׁבָתָה, *Psal. civii*, hebr. cxviii, 25.

— ⁷ Κύριε, Θέλεσσον.

quod novem vicibus variatur, significat invocationem misericordiae Dei, qua novem modis indigemus: primis tribus modis ad peccatorum remissionem, que committimus corde, ore, et opere, quantum ad contritionem, confessionem, et satisfactionem; secundis tribus modis quantum ad gratiae collationem, scilicet fidei, spei, et charitatis; tertiiis tribus modis quantum ad glorificationem, qua gaudebimus in Deo supra nos, intra nos de nobis ipsis, et juxta nos de proximo. *Gloria in excelsis* Deo significat gratiarum actionem. *Collectæ* denotant orationem; *Epistola* et *Evangelium*, novæ et veteris legis observationem; *Graduale* et *Alleluia*, vite activæ, et contemplative perfectionem; *Offer torium*, contributati spiritus sacrificium; *Secretæ* (a) significant statum vitae; *Præfatio*, statum patriæ; *Sanctus*, *Sanctus*, elevationem angelorum præsentium; *Canon*, transitum membrorum in corpus Christi mysticum. *Pater noster* filiationem significat per gratiam; *Agnus Dei*, liberationem per misericordiam: et tripli catur, ut liberemur a malis præteritis, præsenti bus, et futuri. *Communio*, seu *Complenda*, significat boni operis consummationem,

Circa quædam alia, quæ sunt in Missa, nota significationem allegoricam. Intelligimus enim per *altare*, crucem; per *calicem*, sepulchrum; per *patenam*, lapidem superpositum; per *corporale*, sindonem in qua corpus Domini fuit involutum.

Nota etiam quod omnes Missæ sunt æque bona quantum ad opus operatum, una tamen est melior altera quantum ad opus operans. Unde melius est audire Missam boni sacerdotis, quam mali; sicut in mensa corporali eundem cibum jucundius accipimus a mundo ministro, quam ab immundo.

Nota quod periculosum est si celebrans Missam, cœcutiens vel manus tremulas habens, vel morbum habet, aut delirus, aut idiota est: unde talibus est injungendum quod abstineant a Missa. Præterea, quando aliquis bis est celebratus Missam, non debet sumere ablutionem in Missa priori, quia ad Missam secundam accederet non jejonus.

CAPUT XIX.

De negligentiis quæ fiant in Missa.

Si per negligentiam evenerit quod, perfecto canone, nec vinum, nec aqua reperiatur in ca-

lice, statim infundi debet utrumque, et sacerdos iterabit canonem sive consecrationem ab illo loco: *Simili modo*, et perficiet usque ad finem, ita tamen, ut nec dimittat duas cruces, que fieri singulariter super hostiam conveverunt. Vel melius potest dici quod aliam hostiam sumat, et canonem a principio incipiat. Quod si de simplici vino vel aqua fiat consecratio, vi num reputabitur pro consecrato, sed aqua non.

Si quid de sanguine ceciderit super corporale, vel pallam altaris, vel super album, vel casulam, pars illa rescindatur, et in loco reliquiarum reservetur, prius tamen extrahatur sacramentum, quantum poterit, et sumatur, deinde abluatur et sumatur ablutio.

Si vero super terram, lapidem, vel lignum ceciderit, lingendus, radendus, et extergendus est locus ille, et pulvis in sacro loco reponendus.

Porro si in ipsum sanguinem musca, vel aranea ceciderit, vel aliiquid aliud tale, quod vix sine vomitu, aut mortis periculo sumi potest, perfundatur, et lavetur quam cautius potest in calice, et ablutionem sumat sacerdos: sed musca sive aranea super piscinam cremetur.

Quod si corpus sive de corpore Christi super pallam altaris ceciderit, vel super aliud vestimentum, non incidatur, sed vino abluatur, et a ministro sumatur.

Si infirmus corpus Domini rejiciat, suscipitur, prout diligentius potest.

CAPUT XX.

De sacramento Pœnitentia.

Pœnitentia est, ut ait Ambrosius¹, «præterita mala plangere, et plangenda iterum non committere.» Item Gregorius²: «Pœnitentia est anteacta mala et peccata flere, et iterum flenda non committere.» Circa predictas diffinitiones nota, quod quædam diffinitiones dantur per essentiam, ut: «Homo est animal rationale mortale;» quædam per causam, ut: «Dies est sol lucens.» Diffinitio autem pœnitentiae data est per causam, et non per essentiam. Verumtamen pœnitentia diffinitur per duplicitem actum: unum qui est respectu præteriti, scilicet mala præterita plan-

¹ Serm. fer. 2, post Dom. Quadrag., inter Op. S. Ambros. — ² Greg., in *Evang.*, hom. xxxiv, post med.

(a) Cœl. edit. *Secreta.*

gere; alterum respectu futuri , scilicet plan-genda iterum non committere. Primus actus est in re; secundus, in proposito.

Pœnitentia duplex est: quædam interior tan-tum, et hæc est de jure naturali; quædam exter-nor, quæ fit ad arbitrium hominis. Prima non est sacramentum proprie; secunda vero est sa-cramentum. Non enim pœnitentia per se suscep-ta dicitur proprie sacramentum Ecclesie, cum talis etiam ante baptismum possit fieri; sed pœnitentia injuneta per ministros Ecclesie sacramentum est. Notandum quoque est, quod lugere pro propriis peccatis est actus pœnitentiae, qua est virtus justitiae; sed lugere pro malis alienis, est alterius virtutis, scilicet misericordiae; lugere vero pro bonis aeternis, est ac-tus tertiae beatitudinis, de qua dicitur¹: *Beati qui lugent*, etc.

De duratione pœnitentiae sciendum est, quod exteriorem non oportet esse perpetuam; sed de interiori distinguitur: est enim pœnitentia interior secundum habitum, et hæc debet esse per-petua; alia est secundum actum, et hanc non oportet esse perpetuam. Semper enim tenetur quis ad interiorum pœnitentiam habitualem, qua vellet non peccasse, et vult de cæstro non peccare; sed ad exteriorem pœnitentiam non semper tenetur.

Præterea alius est dolor rationalis, qui est peccati detestatio; alius sensualis, qui est pas-sio: et primus dolor semper debet esse in pœnitentia; secundus non est de necessitate. Item, quamvis homo non sit certus de peccati remis-sione, tamen non oportet propter hoc pœnitentiam exteriorem esse perpetuam: quia non exigitur in talibus certitudo scientie, sed sufficit certitudo conjecture probabilis, ut est quando homo fecit probabiliter quod erat ex parte sui dolendo, confitendo, satisfaciendo, emen-dando.

Cum in omni sacramento novæ legis sit ali-qua materia visibilis elementi, quæ est signum et causa gratiae, oportet eliam iu sacramento pœnitentia ita esse; sed tunc materia sensibilis large sumitur pro omni re, sive res illa sit ex-terior substantia, sive actio humana: unde, se-cundum hoc, iu pœnitentia, prout est sacra-men-tum, sunt res et verba: verba quippe in confessione et absolutione sunt; res autem est

ipsa actio humana. Ad intelligendum ista ple-nius, nota quod sicut in medicinis corporalibus quædam consistunt in sola passione curati, ut est sectio vulneris; quædam vero in actione ejusdem, ut est exercitatio corporis: ita in sa-cramentis quædam consistunt in passione ejus qui sanctificatur, et non in actione, nisi per acci-dens, ut baptismus, confirmatio, eucharistia, extrema unctione, ordo; quædam vero consistunt essentialiter in actu ejus qui sanctificatur, ut alia duo sacramenta, scilicet pœnitentia et ma-trimonium. In primis ergo, quæ sine actu no-stro operantur, requirunt exterior materia, quæ significat et causam et rem sacramenti; in aliis vero ipse actus noster est pro materia sen-sibili. Ex predictis patere potest quod in hoc quoddam est sacramentum tantum, ut est actus pœnitentis exterior; quoddam est res tantum, ut remissio peccatorum; quoddam res et sacra-men-tum, ut contritio interior.

CAPUT XXI.

De qualitate Pœnitentia.

Est enim pœnitentia quædam vera; Augustinus²: « Pœnitentia vera est, pœnitenda non committere, et commissa deslere. » Quædam est falsa; Isidorus³: « Irrisor est, et non pœnitens, qui adiuc agit quod pœnitent. » Quædam est coacta⁴: *Conversus sum in œcumna mea*, etc. Quædam est sera; Augustinus⁵: « Si tunc pœ-nites quando peccare non potes, peccata te dimiserunt, non tu illa. » Quædam iniqua⁶: *Judas pœnitentia ductus*, etc. Quædam desperata⁷: *Præ angustia spiritus gementes, dicentes intra se, pœnitentiam agentes*. Quædam sancta et meritoria; Bernardus: « O felix pœnitentium humilitas! o bona spes confitentium! quam potens es apud Omnipotentem! quam facile vincis invincibilem! quam cito tremendum Ju-dicem convertis in piissimum patrem!

Debet pœnitentia esse amara⁸: *Planctum uni-geniti fac tibi*. Voluntaria; Augustinus: « Cum gaudio debet facere immortalis futurus, quæcumque faceret homo pro differenda morte moriturus. » Perfecta; Augustinus: « Nulla pœnitentia est sera, dummodo sit vera. » Accele-lerata⁹: *Ne tardes converti ad Dominum*. Hieronymus: « Naviculæ hærenti in solo funem po-

¹ Matth., v. 5. — ² Imo Gennad., *de Eccles. Dagh.*, c. LIV. — ³ Isid., *de Sum. Bon.*, lib. II, c. xxvi. —

⁴ Psal. xxxi, 4. — ⁵ Aug., lib. L *Homil.*, hom. xli,

⁶ Matth., xxvii, 3. — ⁷ Sap., v. 3. —

⁸ Jerem., vi, 26. — ⁹ Eccl., v, 8.

(a) *Suppl.* per Joannem Epaphstam.

tius præcide , quam solve . » Perseverans ¹ : *Lavi pedes meos, quomodo inquinabó illós? Fortis; Hieronymus* ² : « Licit in limine jaceat pater, licet mater ubera, quibus te nutrierat, ostendat , per calcatum perge patrem , » etc. Item resurrectio spiritualis , qua est pœnitentia, debet esse cum Christo semper victoro , noui cum Lazaro iterum morituro. Pœnitentia debet esse proupta , et non diu dilata : primo , ne infructuosi simus , quia diu expectamur ; unde in Isaia ³ : *Expectavi, ut faceret uvas, et fecit labruscas.* Secundo , quia ad magna vocamur ⁴ : *Ego ero merces tua magna.* Tertio , ne ab æternis nuptiis excludamur , sicut factum est fatuis virginibus ⁵ , quæ differebant se preparare. Quarto , ne ab hostibus impediatur , sicut filii Israel a Pharaone , ne egredentur de Ægypto. Quinto , quia relinquere peccatum etiam penitus compellimus ; Gregorius ⁶ : « Contemnendum esset hic mundus , etiamsi rebus prosperis abundaret. At cum tot adversitatibus animum pulsat , cum tot calamitates ingeminat , quid aliud , quam ut non ametur , clamat ? » Sexto , ne blande seducamur , sicut avis per fistulam ancipis , et sicut pisces per escam in hamo , et sicut ursus per mel. Septimo , ne morte præveniamur ; Gregorius : « Nihil certius morte , » etc. Octavo , ne consuetudine teneamur , sicut arbor de facili non evellitur , cum bene radicatur ⁷ : *Numquid Æthiops potest mutare pellem suam,* etc.

Ad agendam pœnitentiam movent quatuor , de quibus Bernardus : « Nimis durum est cor , quod non emolliunt beneficia , nec terrent supplicia , nec alliciunt promissa , nec castigant flagella. »

Impedimenta pœnitentiae sunt 1. pusillanimitas aggrediendi : tales sunt sicut equus umbraticus , qui trunco vel umbra terretur. 2. Pudor confundendi ; sed , sicut ait Augustinus , verecundia magna pars pœnitentiae est. 3. Horror satisfaciendi ; sed , sicut dicit Apostolus ⁸ : *Hoc momentaneum et leve tribulationis,* etc. 4. Delectatio peccandi : sed temporale est , quod delectat ; æternum , quod cruciat. 5. Spes diu vivendi ; sed Dominus ait ⁹ : *Securis jam ad radicem arborum posita est.* 6. Desperatio gratiam obtinendi ; sed contra (a) dicit ¹⁰ : *Quacumque hora ingemuerit peccator,* etc. 7. Timor recidivandi ; Augustinus : « Quando cecidi , erexit

me ; quando steti , tenuit me ; quando ivi , duxit me. » Ita loquitur de Deo. 8. Exemplum delinquendi ; sed stultus est qui vidit aliquem cadentem in foveam , si non sit in eodem loco cantior. 9. Consuetudo peccandi , sicut Balaam , consuetus monstris , non curavit quod asina loqueretur. 10. Confidentialis de Dei misericordia , quod quando pœnituerit , ipsum recipiet ; sed hoc est peccare in Spiritum sanctum. Gregorius : « Misericordiam Dei debemus saltem erubescere , si justitiam ejus nolumus formidare. »

CAPUT XXII.

De effectu Pœnitentiae.

Per pœnitentiam absolvitur homo a peccato , restituitur Ecclesie , reconciliatur Deo , donis spiritualibus ditatur , de filio diaboli filius Dei efficitur , paradisus Dei aperitur. Hæc est quæ angelos laetificat , impium justificat , amissa bona revocat , vitam æternam donat , penam æternam vitat.

Item pœnitentia est secunda tabula post naufragium , ad quam potest homo recurrere , quandiu est in statu vite praesentis , quandocumque et quotiescumque divinam misericordiam voluerit implorare. Duplex est enim naufragium , scilicet peccati originalis , et actualis ; sed de primo liberamur per tabulam baptismi , quæ virtutem et efficaciam accepit a tabula crucis Christi ; de secundo autem liberamur per tabulam pœnitentiae , quam divina clementia providit homini , quia pro peccato actuali non potest iterum baptizari.

Nota quod a reatu peccati liberamur per gratiam ; a sequelis autem peccatorum , per pœnitentiam et partes pœnitentiae ; a miseria vero per gloriam. Item nota qualiter opera mortificata vivificantur : quia licet verum sit quod a privatione ad habitum non sit regressus in vita naturali , non tamen est verum in vita morali : nam a privatione ad habitum voluntarius est regressus , scilicet a morte culpæ ad vitam gratiae. Unde dicimus , quod sicut peccata actualia transeunt actu , et remanent reatu , ita bona opera transeunt actu , et remanent merito. Secundum autem quod manent , dieuntur mortificari , vel vivificantur. Bona igitur opera , quandiu

¹ Cant. , v. 3. — ² Hieron., ad Heliod., epist. I. —

³ Isa., v. 4. — ⁴ Gen. , xv. 4. — ⁵ Matth., xxv. 12. —

⁶ Greg., Dialog., lib. III, c. XXXVIII. — ⁷ Jerom., XIII,

23. — ⁸ II Cor., iv, 17. — ⁹ Luc., III, 9. — ¹⁰ Ezech., XXXIII, 12, quoad sensum.

(a) Suppl. Propheta.

sunt conjuncta radici merendi, scilicet charitati, dicuntur vivere; quando autem ab illa separantur, dicuntur mortificari; et quando revertuntur, dicuntur vivificari, quia redeunt ad statum suæ originis, videlicet gratiæ et charitatis, et quia valent ad majorem radicationem charitatis.

CAPUT XXIII.

De partibus Pœnitentiaæ.

Partes pœnitentiaæ integrales sunt tres, scilicet contritio, confessio et satisfactio. Quamvis enim complementum peccati possit esse in actu solum oris, et cordis solum, vel trium simul; tamen ad perfectionem pœnitentiaæ exigitur horum trium aggregatio, licet ad esse simplex sufficiat contritio in actu, et confessio et satisfactio in proposito. Non enim in his, quæ habent esse successivum, exigitur quod partes integrales sint simul; sed exigitur hoc in toto, quod habet esse permanens.

Quod autem tres sint partes pœnitentiaæ, sic ostenditur: Pœnitentia est quoddam spontaneum judicium, in quo contritio est quasi quedam citatio; ubi sequitur rei ante judicem spontanea confessio; deinde sequitur per judicem impositæ emendæ solutio. Sed in hoc differt judicium fori a judicio poli, quia ibi confessus a jure condemnatur, et hic absolvitur.

Alia est partium istarum sufficientia: quia cum omne peccatum committatur corde, ore, vel opere, justum est ut per contrarium curretur, scilicet ut peccator culpam animo detestetur, verbo accuset, et facto puniat. Item per peccatum offendit homo Deum, Ecclesiam et seipsum; sed per contritionem reconciliatur Deo, per confessionem Ecclesiæ, et per satisfactionem sibi. Item istæ tres pœnitentiaæ partes sunt tres diætae, quibus itur ad terram promissionis, de quibus dicitur¹: *Ibimus viam trium dierum*. Item istæ tres partes significant tres mortuos moraliter, quos Dominus suscitavit: quoniam per contritionem suscitatur puella² in domo, per confessionem juvenis³ in porta, per satisfactionem Lazarus⁴ in sepulcro.

CAPUT XXIV.

De Contritione.

Contritio est dolor voluntarie pro peccatis assumptus, cum proposito confitendi, et satis-

faciendi. Hæc diffinitio magistralis est: et ponitur hic *dolor pro genere; voluntarie assumptus* ponitur ad differentiam doloris naturalis, qui non est meritorius, cum non sit in genere moris: sed voluntas tantum ponitur in genere moris. *Pro peccatis* ponitur ibi pro materia doloris, ad differentiam doloris invidiae, qui est de bono alieno. Sic ergo diffinitur contritio, prout est actus virtutis; sed prout est pars sacramenti pœnitentiaæ, oportet quod atquid comparatione ad alias partes addatur: et ideo ponitur *cum proposito confitendi et satisfaciendi*.

Nota quod cor dicuntur *durum*, quando divina inspirationi se tangent non cedit, sed obviat, in affectu peccati demorando; *frangi* vero dicitur, quando incipit a proposito peccandi resipiscere, licet nondum totaliter convertatur; conteri autem dicitur, quando voluntas perfecte ab effectu peccandi resilit.

In contritione duplex est dolor: unus est voluntatis, qui non est aliud quam peccati disiplentia; alius est sensualis. Primus est de essentia contritionis, et de hoc dolore intelligitur illud⁵: *Luctum unigeniti fac tibi*, quia homo ex ratione debet magis velle nunquam⁶ peccasse, quam unigenitum vivere. Secundus vero dolor non requiritur de contritionis necessitate, sed de ejus perfectione, quia talis dolor non est in nostra potestate.

Nota etiam quod contritio potest tantum intendi, quod non solum culpa, sed etiam tota pena dimitatur: hoc autem potest fieri duplummodo. Uno modo, ex parte charitatis, quæ disiplentiam peccati causat: quia quandoque contingit tantum charitatem intendi in actu, quod contritio inde sequens merebitur absolutionem ab omni pena. Alio modo fit istud ex parte doloris sensuælis, quem voluntas in contritione excitat, quia ille dolor quedam pena est, quæ tantum potest intendi, quod sufficiat ad deletionem culpe et penæ.

Differentia autem est inter attritionem et contritionem, sicut inter informe et formatum, secundum quod dicitur de fide informi et formati. Utrum autem attritio fiat contrito, distinguendum est, quia contritio dicitur *cum gratia tritio*; hoc autem potest esse dupliciter: uno modo per concomitantiam, quia gratia associatur motui existenti in anima, et illum informat, quamvis non eliciat; alio modo per cau-

¹ Exod., III, 18. — ² Matth., IX, 25. — ³ Luc., VII, 15.

⁴ Joan., XI, 43. — ⁵ Jerem., VI, 26.

sam, ita quod motus a gratia eliciatur. Primo modo altritio fit contritio, quia actus ille simplex manens in anima formatur adveniente gratia, sicut color adveniente luce; secundo modo impossibile est quod altritio fiat contritio.

Sed si queritur, quandiu quis de peccato dolere debeat, respondeo, sicut dicit Hugo de sancto Victore: « Deus, quando absolvit hominem a vinculo peccati, ligat eum vinculo perpetuae detestacionis. » Sed detestatio peccati duplex est: quedam in habitu, ad quam semper tencetur homo etiam post perfectam peccati remissionem: de qua dicit Augustinus¹ loquens de penitente, quod penitens semper doleat, et de dolore gaudet, et non semper doluisse doleat. Alia detestatio est in actu: ad hanc homo non semper tencetur. Scendum autem quod beat, et damnati, et hi qui sunt in purgatorio, non habent contritionem proprie: cuius ratio est, quia in contritione proprie sumpta sunt tria, scilicet gratia, dolor, et effectus meriti satisfacientis; in beatis autem non est dolor; in damnatis vero non est gratia, et hi qui sunt in purgatorio non merentur.

CAPUT XXV.

De Confessione.

Confessio est, ut ait Augustinus, per quam morbus latens spe venie aperitur. Haec confessio sacramentalis, que est pars penitentiae, convenienter describatur per materiam, que est *peccatum*, et per actum, qui est *aperire*, et per finem, qui est *spes veniam*.

Duplex est confessio: quedam est mentalis, que fit Deo, et haec est de jure naturali; quedam est vocalis, que fit homini, et haec non est de jure naturali. Igitur ante incarnationem Christi sufficiebat confessio mentalis, quia Deus nondum erat homo; sed postquam factus est homo, debet confessio fieri homini vicario Christi. In hoc enim quod ministris sacramentorum Christus dedit potestatem ligandi atque solvendi, insinuavit confessionem eis tanquam judicibus fieri debere. Sic ergo Christus instituit confessionem tacite; sed Apostoli promulgarerunt eam expresse.

Quamvis igitur in contritione remittatur peccatum communiter, tamen confessio vocalis est

¹ Iuno auctor lib. de ver. et fals. Pænit., c. XIII, iuter Op. S. Aug., append. tom. VI. — ² Extrav.,

necessaria: vel in re, quando habetur opportunitas; vel in proposito, quando articulus necessitatis eam excludit, et non contemptus religionis. Et ista necessitas confleudi post contritionem, non est in tali case propter necessitatem remedii, cum peccatum jam sit dimisum; sed propter obligationem præcepti.

Confessio et satisfactio necessaria est non solum propter reconciliationem in iudicio Dei, sed etiam in iudicio Ecclesie.

Quas etiam circumstantias teneamus confiteri. Nota quod circumstantiarum quedam sunt trahentes in aliud genus peccati, ut coire cum muliere conjugata: et has tenetur homo confiteri. Quaedam sunt aggravantes in eadem specie, et harum quedam sunt non aggravantes notabiliter, sicut scientia, et hujusmodi: has non tenetur quis confiteri, quia sunt quasi venialis peccata. Quaedam sunt aggravantes notabiliter, et has secundum quosdam tenetur homo confiteri: non enim sufficit illi, qui accepit centum marchas de alieno, dicere: « Ego accepi alienum, » cum hoc posset verificari, si solum acceperisset unum denarium; secundum alios communius, sed non tutius opinantes, non oportet. Circumstantiae aggravantes peccatum notantur his versibus:

Aggravat ordo, locus, mora, causa, scientia, tempus,
Lucta pusilla, modus, culpa, genus, et status altus,
Conditio, numerus, artas, et scandala, sexus.

Quamvis peccata aliquis nota sint sacerdoti, tamen oportet ea confiteri, quia non sunt ei nota ut iudicii.

Quandiu possit quis differre confessionem, duæ sunt opiniones: quidam enim dicunt, quod peccator debet statim confiteri habita opportunitate sufficienti; alii communius dicunt, quod cum confessio sit inter præcepta affirmativa, non obligat nisi pro loco et tempore. Ecclesia autem determinat in *Decretalibus*², quod omnis homo confiteatur semel in anno, quia tunc quilibet de necessitate communicare tenetur. In casibus tamen quatuor tenetur quis ante hoc tempus confiteri: unus est ratione sacramenti, quando quis vult communicare, vel celebrare; alius ratione periculi, ut si est in periculo mortis; tertius est ratione conscientiae, ut si dictabili conscientia, quod statim teneat(a); quartus est ratione dubii, ut si non sperat illo anno amplius habere confessorem, quem modo habet, tit. XXXVIII, de Pænit. et Remiss., c. Omnis utriusque sextus. — (a) Cæt. edit. teneamus.

vel si habet easum de quo potest solus Papa absolvere, et modo habet copiam penitentiarii domini Papæ.

Si queratur utrum confessio facta in peccato mortali valeat, dicendum est, quod confessio est in remedium, et in præceptum: in quantum est in remedium, non valet in mortali facta: tamen absolvitur homo a præcepto, sicut facte baptismum suscipiens.

Utrum confessio sit iteranda. Nota quod regulariter nullus tenetur confessionem bona fide factam amplius iterare. Sunt tamen quatuor casus in quibus tenetur quis iterare confessionem, quorum duo sunt propter confessorem, et duo propter confitentem. Primus, si deficit confessori clavis potentiae, eo quod non habet potestatem ab illo peccato absolvere. Secundus est, si deficit ei clavis scientiae, quia nescit discernere. Tertius est, si confitens dimidiavit confessionem: oportet enim quod uni fiat confessio integre omnium, quæ habentur in memoria. Si vero aliqua exciderant a memoria, non ideo debet reputari confessio dimidiata. Quartus est, si contemptus, seu neglexit, et oblitus est satisfactionem: nam si sciret, et adimplere vellet, non oportet confessionem iterare.

Si vero aliquis cadat in peccatum postquam bona fide fecit confessionem, quæstio est, utrum teneatur confessionem prius factam iterare: et est opinio quod non in specie, sed in genere; licet aliter dicant quidam.

Nota quod confessio facta per nuntium vel per epistolam, licet sit quoddam opus bonum et meritorium, tamen in quantum est pars sacramenti penitentiae, non potest sic fieri: quia determinatam habet materiam, scilicet actum sermonis, quo conscientia hominis manifestari consuevit. Unde sine necessitate non licet aliter confiteri; in necessitate potest defectus per æquivalentem actum suppleri.

CAPUT XXVI.

De qualitate et effectu Confessionis.

Qualis debeat esse confessio, notatur his versibus:

Sit simplex, humilis confessio, pura, fidelis,
Vera, frequens, nuda, discreta, libens, verecunda,
Integra, secreta, lacrymabilis, accelerata,
Fortis, et accusans, et sit parere parata.

Ad multa valet confessio: 1. A morte liberat, quia sicut confessio in foro contentioso damnat,

sic in spirituali liberat. 2. Vulnera mentis sanat; Hieronymus: « Vulnus non intellectum tardius sanatur. » 3. Deum homini manifestat; Augustinus: « Si nollem confiteri, non me tibi absconderem, sed te mihi. » 4. Paradisum aperit; Augustinus: « O breve verbum *Peccavi*, quod portas aperit paradisi! » Exemplum in latrone dextro. 5. Peccata tegit; unde quedam Glossa: « Si homo peccatum detegit, Deus tegit. » 6. Misericordiam divinam emollit: Glossa super illud Psalmi¹: *Delictum meum cognitum tibi feci*. Si homo agnoscat, Deus ignoscit. 7. Adimum jucundat²: *In voce exultationis et confessio-nis*, etc. 8. Intercessores multiplicat: sacerdotes enim pro suis confessis orant. 9. Conscientiam mundat; Augustinus³: « Confitendo, fit homo de fœdo pulcher. » 10. Fœdus diaboli rumpit, sicut cum aliquis secretum alterius detegit. 11. Deo hominem conjungit; Augustinus: « Quid proprius auribus tuis, quam confitens cor, et vita que est ex fide? » 12. In via salutis dirigit⁴: *Qui abscondit se elera sua, non diri-getur*, etc. 13. Peccatum delet⁵: *Dixi: Confiteor adversum me*, etc. 14. Satisfactionem supplet; Glossa super Matthæum^(a): « Jubemur confiteri peccata nostra, ut erubescantiam patiamur pro poena. » 15. Malum præcavet: exemplum de dente putrido, qui extrahitur, ne alii computrescant.

CAPUT XXVII.

Cui debet fieri Confessio.

Generaliter teneas, quod confessio debet fieri sacerdoti habenti claves, que sunt scientia discernendi, et potestas ligandi atque solvendi. Scendum autem quod sicut baptismus est sacramentum necessitatis, ita et penitentia. Unde sicut baptismus duplicum habet ministrum: unum cui competit baptizare ex officio, scilicet sacerdotem; aliud cui committitur dispensatio baptismi ratione necessitatis: ita et minister penitentiae duplex est: unus est cui confessio fit ex officio, sicut est sacerdos; alius, qui audiendi confessionem vicem supplere potest sacerdotis in necessitate, ut est laicus. Dicunt tamen aliqui quod cum deest copia sacerdotis, non oportet confiteri laico, sed sufficit soli Deo.

Quamvis omnes sacerdotes claves habeant,

¹ *Psalm. XXXI, 5.* — ² *Psalm. XL, 5.* — ³ Aug., in *Psalm. XCIV, Enarr.*, n. 7. — ⁴ *Prov., XXVIII, 13.*

^(a) *Cœt. edit. Matthæo.*

non tamen possunt omnes ligare et solvere, sicut excommunicati, suspensi, haeretici, et damnati. Hoc autem non est propter defectum ordinis, sed quia non habent materialiam debitam, scilicet subditos, qui auferuntur ab eis cum excommunicantur. Possunt tamen tales baptizare, quia hoc est sacramentum necessitatis. Possunt etiam tales Eucharistiam consecrare, quia hoc substantialiter adhaeret ordini.

Dicendum etiam quod nullus potest absolvere consitentem, nisi proprius sacerdos. Proprius vero sacerdos dicitur sex modis: primo modo ipse Pastor Ecclesiae; secundo, per determinationem superioris, ut vicarius; tertio, per privilegium quibusdam indulsum, ut sunt Fratres Predicatorum, et Minores; quarto, per licentiam proprii sacerdotis, dum tamen non licentietur nisi vir discretus, et honestus, et vere sacerdos; quinto, propter necessitatem, quia instantे mortis periculo quilibet sacerdos potest absolvere, et peregrini absolvuntur ab illis, apud quos sunt. Sexto, propter defectum sui sacerdotis, quando scilicet est idiota, vel proditor confessionis, vel quando solet mulieres conscientes procari: tunc enim, si non invenit aliquem qui auctoritatem habeat, efficit ei sacerdos proprius non quilibet, sed discretus, et honestus, et notus, vel ex ordine, vel ex persona.

CAPUT XXVIII.

De sigillo Confessionis.

Ea quae geruntur exterius in sacramentis sunt signa rerum, que interius contingunt: et ideo confessio, qua quis sacerdoti se subjicit, signum est interioris, qua quis Deo subjicitur. Deus autem peccatum illius, qui se sibi per penitentiam subjicit, legit. Unde oportet de necessitate sacramenti, quod sacerdos celet confessionem. Sunt et aliae hujus celationis utilitates: quia per hoc homines magis ad confessionem alitrabuntur, et simplicius peccata confitentur. Sacerdos autem non solum debet celare peccatum quod in confessione recipit, sed etiam omnia alia signa per quae posset peccator aut peccatum comprehendi. Potest autem penitens facere, ut illud quod sacerdos per confessionem sibi factam sciebat ut Deus, sciat ut homo. Et hoc facit, dum licentia eum ad dicendum: et ideo si dicit, non frangit sigillum confessionis. Si autem queratur, utrum id quod scit sacerdos per confessionem, et scit alio modo, possit re-

velare; super hoc diversae sunt opiniones, sed haec est verior, quia sive sacerdos sciat illud peccatum ante confessionem sibi factam, sive post, non tenetur celare, quantum ad id quod scit ut homo. Nota quod iste est modus dicendi: « Dico tibi in confessione; » et non clauditur tale dictum sigillo confessionis, quia non servatur ibi modus confessionis vel ordo.

CAPUT XXIX.

De Satisfactione.

Sicut in bellis et controversiis, restituta amicitia, non statim restituitur debitum illati danni; ita post remissionem culpe in contritione, seu confessione, remanet debitum poenae satisfactionis. Injungit autem sacerdos quedam ad satisfactionis fundamentum, sicut abstinere a peccato, et restituere ablatum; quedam ad satisfactionis expeditionem, ut est vitare consortia malorum; quedam injungit ad substantiam satisfactionis, ut jejunare, vigilare, dare elemosynam, peregrinari, et hujusmodi opera penitentia; quedam injungit ad perfectionem et securitatem satisfactionis, ut sunt opera supererrogationis.

Satisfactio debet respondere culpe in tribus, scilicet 1. in numero¹: *Lavabo per singulas noctes*, etc. 2. In pondere; Augustinus: « Libenter debet facere immortalis futurus, quemcumque faceret pro differenda morte moriturus. » 3. In mensura; Gregorius: « Tanto tempore debet esse amaritudo in penitentia, quanto fuit in culpa. » Ista tria requiruntur in penitentia secundum convenientiam, non secundum necessitatem.

CAPUT XXX.

De singulis partibus Satisfactionis in communi.

Satisfactionis quedam sunt partes principales, scilicet oratio, jejunium, et elemosyna; quedam vero secundarie, quae ad has reducuntur, ut vigiliae, peregrinationes, discipline. Dicendum ergo quod omnia opera cardem affligen-
tia reducuntur ad jejunium; omnia opera vero spiritualia, ad orationem; omnia autem opera misericordiae, ad elemosynam.

Sufficientia partium principalium potest accipi respectu termini a quo est motus satisfac-

¹ *Psalm. vi, 7.*

tionis, quia per jejunium revocamur a concupiscentia carnis; per orationem, a superbia vitae; per eleemosynam, a concupiscentia ocularum. Alio modo sumitur ista sufficientia ex parte termini ad quem fit satisfactio, quia per jejunium ordinatur homo in seipso, per eleemosynam ad proximum, per orationem ad Deum. Tertio modo sumitur haec sufficientia ex parte materiae, de qua fit: per eleemosynam enim fit satisfactio de bonis exterioris substantiae; per jejunium, de bonis corporis, per orationem, de bonis mentis. Quarto modo sumitur haec sufficientia ex parte modorum satisfaciendi: fit enim satisfactio tribus modis, vel per punitionem, vel per redemptionem, vel per supplicationem. Primum facimus jejunando; secundum, eleemosynas dando; tertium, orando. Quinto sumitur haec sufficientia ex parte effectus: per satisfactionem enim tria magna bona nobis proveniunt, scilicet imprecatio gratiae, remissio penae, expurgatio reliquiarum culpe. Ad primum videtur valere eleemosyna propter multiplicationem intercessorum; ad secundum, jejunium; ad tertium, oratio.

CAPUT XXXI.

De singulis partibus Satisfactionis.

Eleemosyna dupliciter potest accipi: aut intentione sublevandi necessitatem proximi, et sic est opus misericordiae; aut intentione recompensandi pro debito offense divinae, et sic est opus justitiae. Unde primo modo proprie pertinet ad meritum vitae; secundo modo, ad meritum dimissionis penae, quia eleemosyna sic data proprie est satisfactoria.

De jejunio quoque sciendum est, quod in carne duo sunt: unum, natura, que debet sustentari; et aliud, vitium, quod debet domari. Jejunium ergo quod naturam servat, et vitium domat, bonum est, et satisfactorium; aliud vero non.

Oratio dupliciter habet fieri: aut pro imprecatione bonorum, et sic est pars vel opus contemplationis: aut pro amotione malorum, et sic est proprie pars satisfactionis.

CAPUT XXXII.

De Justificatione impii.

Justificatio impii est motus ab injustitia ad justitiam. In justificatione impii quatuor requi-

runtur, scilicet motus liberi arbitrii, contritio, infusio gratiae, et remissio culpæ. Iorum prima duo sunt ex parte suscipientis, alia vero ex parte agentis. Praedicta autem quatuor sunt simul tempore, non natura. Prioritas autem et posterioritas, que secundum ordinem naturæ est, reducitur aliquo modo ad ordiuem causæ et causati. Inter ista vero videtur hic ordo causalitatis esse. Causaliter enim motus liberi arbitrii prior aliis tribus est, quia requiritur consensus voluntatis in hujusmodi mutatione. Voluntas autem et liberum arbitrium sumuntur hic pro eodem. Preterea motus iste appellatur motus liberi arbitrii. Iste quoque motus qui per liberum arbitrium consentit Deo, ut primo motori, vocatur motus fidei, quia habet aliquid cognitionis, et aliquid affectionis, sicut fides. Dicamus ergo quod motus liberi arbitrii, sive motus fidei in Deum, causaliter est prior, quam motus quo de peccato quis convertitur: quia sicut in generatione peccati prior est conversio, quam aversio, cum conversio causet aversiōnem, ita in ejus destructione prior est conversio ad Deum per liberum arbitrium, quam aversio a creatura per contritionem de peccato. Quod enim primum est in compositione, ultimum est in resolutione. Isti vero duo motus liberi arbitrii et contritionis sunt priores, quam gratia infundatur, quia sunt causa preparatoria ut gratia detur. Quamvis enim Deus sine illa preparacione possit impium justificare, tamen requiritur preparatio ex parte nostra: quoniam sicut requiritur preparatio ex parte materie in naturali mutatione ad recipiendam formam; ita in mutatione voluntaria: et hoc non est ex impotencia agentis, sed suscipientis. Alia ratio est, quia in justificatione peccatoris fit introductio unius formæ, et expulsio contrarie: ideo requiruntur praedicta duo, scilicet motus liberi arbitrii disponens ad gratiae susceptiōnem, et contritio, id est recessus a peccato, disponens ad culpe expulsionem. Gratia vero prius infunditur, quam culpa remittitur, quia per gratiam culpa remittitur, sicut in introductione formæ prior naturaliter est forma, que expellit a parte agentis, quam illa, quæ expellenda est, removeri possit.

Qualiter autem justificatio fiat, in instanti, vel successive, nota distinctionem: potest enim justificatio dupliciter accipi, sicut et generatio: uno modo, ut dicat motum ad justitiam cum termino ejusdem, et sic fit successive, ut quando

succedit successiva preparatio; alio modo potest accipi, ut dicat solummodo mutationem sine motu: et hoc modo fit justificatio in instanti, et hoc triplici ratione: prima, quia fit virtute infinita et simplici, quae immediate operatur; secunda est, quia fit in subjecto simplici, scilicet in mente; tertia est, quia ipsa forma, tam quæ expellitur, scilicet culpa, quam quæ introducitur, scilicet gratia, omnino simplex est. Ad illud quod dicit Augustinus¹, quod majus est justificare impium, quam creare cœlum et terram, dicendum est quod majus est quantum ad id quod fit, quia melius est, sed non quoad modum faciendi. Quamvis enim in justificatione impii sit resistentia formalis, scilicet contrarii ad contrarium, non tamen est ibi resistentia quæ aliquid resistat agenti, scilicet Deo, cuius virtuti nihil resistere potest. In justificatione enim impii aliquid est ex parte Dei, et aliquid ex parte peccatoris, et aliquid ex parte Ecclesiae. Ex parte Dei sunt duo, scilicet misericordia, quæ reatum indulget; et justitia, quæ emendam aliquantulum exigit, vel hic, vel in futuro, scilicet in purgatorio: hæc significatur per binos discipulos², quos misit Dominus in omnem locum, quo erat ipse venturus; tunc quidem corporaliter, nunc autem per gratiam et spiritualiter. Ex parte peccatoris sunt etiam duo, scilicet amor, et dolor: et hi sunt duæ mola quibus peccatum conteritur, quæ secundum legem³ non debent diabolo in pignore obligari. Ex parte Ecclesiae similiter sunt duo: primum est meritum, præcipue Christi, quod est inexhaustibile, et aliorum sanctorum, qui fecerunt opera multa supererogationis, quæ omnia sub potestate clavium sunt posita, ut quod minus est in uno membro Ecclesiae, compensetur in alio: unde si aliquis non est membrum Ecclesiae, non influit in ipsum meritum predictum; secundum est indulgentia, quam dat Ecclesia per Papam et episcopos: tamen ut ipsa indulgentia tantum valeat, quantum promittitur, exigitur auctoritas et causa, scilicet communis utilitas ex parte dantis; exigitur etiam fides formata et obedientia ex parte recipientis, hoc est, ut solvat id propter quod datur.

CAPUT XXXIII.

De Pœnitentia venialium.

Pœnitentia est remedium institutum ad expiandum peccatum, cui debetur pena sensi-

bilis: quæ cum debeatur peccato non solum mortali, sed etiam veniali, patet quod pœnitentia est remedium contra utrumque, quia non est simpliciter de venialibus, sed de mortalibus, quia pœnitentia introducta est ad reconciliandum amicitiam, quam mortale peccatum tollit. Licet igitur pœnitentia non sit de venialibus simpliciter, tamen est per accidens, et hoc est tribus modis: primo, ratione dubii, ut quando creduntur esse mortalia; secundo, ratione statuti, ut quando homo, qui tenetur confiteri semel in anno, non habet nisi venialia; tertio, ratione periculi, ut quando venialis delectatio ad hoc producta est, quod nisi homo se avertat ab ea, trahit in mortale.

De remissione autem venialis peccati sciendum, quod in duobus casibus non remittitur. Primus est, si talis habeat peccatum mortale: quoniam sine mortali nunquam dimittitur veniale; licet e converso possit fieri, scilicet quod mortale dimittatur sine veniali. Cum enim peccatum mortale tollat charitatem, quæ universa delicta operit; constat quod existenti in peccato mortali nullum veniale remittitur. Secundus est, quando voluntas fixa manet in affectu aliquujus peccati venialis determinati, quoniam illud idem tolli non potest, et hoc multiplici ratione. Prima est, quoniam omne peccatum remissione indiget quoad duo, scilicet quoad culpam, et quoad poenam: sed non potest esse remissio secunda sine prima; quia quandiu homo culpam habet, debitor est poenæ: culpa autem consistit in deordinatione voluntatis: unde voluntas sic manens pertinax reordinari non potest, alioquin duo opposita simul essent in eodem. Alia ratio est, quia manente causa non potest tolli effectus: sed voluntas inordinata ad aliquid est causa venialis peccati: unde manente voluntate fixa in illo, non remittitur ipsum peccatum veniale.

Sciendum etiam quod unum peccatum veniale bene potest dimitti sine alio, quia peccatum mortale, quod majoris est adhaerentiae, potest etiam remitti sine veniali. Alia ratio est, quia peccatum mortale ita Deo displicet, quod facit ipsum peccantem Deo displicere. Sed veniale, licet Deo displiceat, cum inordinatum sit, tamen non facit peccatorem Deo displicere: quia per illud non privatur gratia, sed obnubilatur, in quantum ejus processus ad ulteriora (a)

¹ Aug., in Joan., tract. LXXII, n. 3. — ² Luc., x, 1. —

³ Deut., XXIV, 6. — (a) Cœl. edit. exteriora.

impeditur : et propter hoc unum veniale non impedit, quin aliud remitti possit. Tertia ratio est, quia venialia non habent connexionem ad invicem, nec ex parte aversionis, quia non avertunt a summo bono; nec ex parte conversionis : et ideo unum dimitti potest sine alio. Non est autem sic de mortalibus, ubi non dimittitur unum sine alio, quia connexionem habent ad invicem ex parte aversionis. Quodlibet enim mortale avertit a Deo, licet non habeant connexionem ex parte conversionis.

Ex predictis colligitur, quod aliter se habent mortalia ad invicem, et aliter venialia ad invicem, et aliter mortalia ad venialia. Mortalia enim sic se habent, quod unum non dimittitur sine altero ; venialia vero sic se habent ad invicem, quod unum potest remitti sine altero. Mortalia autem sic se habent ad venialia, quod mortale remittitur sine veniali, sed non veniale sine mortali. Cujus duplex est ratio : prima est, quia mortale et veniale se habent sicut habitus et dispositio : sed ablato habitu potest manere dispositio, et non e converso. Secunda ratio est, quia mortale opponitur charitati ; veniale autem, fervori ejus : sed sublata charitate tollitur fervor, et non e converso.

CAPUT XXXIV.

Propter quid dimittatur peccatum veniale.

Ad peccati venialis remissionem non exigitur novus charitatis habitus, sed sufficit novus motus : quia peccatum veniale non tollebat virtutis habitum, sed impediebat ipsius actum.

Notandum autem quod peccatum veniale non dimittitur contritione : cuius hæc est ratio, quia quandiu voluntas in aliquo veniali fixa manet, nunquam dimittitur : sed voluntatem ab eo avertire quod quis prius volebat, est displicere ei quod voluit : talis autem dispensatio dolor contritionis dicitur.

Sed sciendum quod contritio potest accipi tripliciter, scilicet vel in actu, vel in habitu, vel medio modo. Contritio in habitu non sufficit ad peccati venialis remissionem, quia tunc quicumque habebet pœnitentiam virtutis habitum, non posset habere veniale peccatum : et sic veniale peccatum non posset esse cum gratia. Contritio quoque in actu non semper requiritur, quia sequeretur quod peccatum quod

quis in memoria non habet, remitti non posset: propter hoc requiritur contritio medio modo, scilicet ut peccatum displiceat actualiter, vel explicite, vel implicite. Dico autem *implicite*, quia talis actus sufficit, quia displiceret explicite peccatum veniale, si cogitatio ferretur ad illud.

Notandum etiam quod tam servens potest esse motus charitatis in Deum, quod omnia peccata venialia consumat, etiam sine actuali cogitatione ipsorum : quia quando quis ferventer in Deum fertur, displicet ei quidquid a Deo retardat : et ita licet explicite de peccato veniali non cogitet, tamen in illo motu continetur implicite displicentia peccati venialis, vel unius, vel omnium.

Sciendum etiam quod in contritione de venialibus non exigitur propositum non peccandi venialiter, sicut in contritione de mortali exigitur; sed sufficit quod displiceat ei peccatum præteritum, et infirmitas qua ad peccatum veniale inclinatur, quamvis ab eo omnino immunis esse non possit : ita tamen quod voluntas non maneat fixa in uno veniali, quia illud sic retentum non dimitteretur in contritione generali, nec speciali ; et hæc est ratio : quia peccata mortalia sunt in potestate nostra, ut vitentur, non solum singula, sed etiam omnia ; venialia vero etsi singula vitari possunt, non tamen omnia : quod ex infirmitate naturæ contingit.

Multa sunt per quæ tolluntur peccata venialia, quæ per tria comprehenduntur : primo sunt omnia illa quæ gratiam conferunt, ut omnia sacramenta Ecclesiae ; secundo, illa quibus impedimenta fervoris et gratiæ tolluntur, sicut est aqua benedicta, que virtutem inimici reprimit, et episcopalis benedictio ; tertio est exercitium humilitatis ex parte nostra, sicut est tensio pectoris, Oratio Dominicalis, elemosyna, jejunium, et hujusmodi. Ratio autem horum est, quia cum venialia dimittantur per fervorem charitatis, quæ implicite vel explicite continent omnia illa, quæ nata sunt de se fervore charitatis excitare, dicuntur venialia peccata dimittere : talia vero sunt omnia, quæ praedicta sunt. Unde cum secundum quantitatem fervoris sit quantitas remissionis, patet quod prout per enumerata major vel minor excitatur fervor, qui implicite vel explicita contritionem continet, plura vel pauciora venialia dimittuntur, non tamen semper omnia.

CAPUT XXXV.

De Extrema Unctione.

Mediator Dei et hominum non solum vocatur *Jesus*, in quantum habet salvare, sed etiam *Christus*, in quantum habet unctionis gratiam in alios diffundere. Tribus vicibus inunctus fuit David: primo in domo patris sui¹, in signum regni futuri: haec significat unctionem in baptismo; secundo in Hebron² super Judam, et postea multa bella habuit: haec significat unctionem in confirmatione; tertio, iterum in Hebron super omnem Israel³, post hanc autem in pace reguavit: haec significat unctionem in extremis.

De substantia hujus sacramenti sunt quinque: primum est, quod hanc unctionem faciens sit sacerdos; secundum est intentio debita; tertium est materia debita, scilicet oleum infirmorum; quartum est forma verborum, haec scilicet: *Per istam unctionem, etc.*, quam formam dicere iojungens; quintum est locus inungendus, quia fit ad oculos, ad aures, ad nares, ad os, ad lumbos, et ad manus, etc.

In hoc sacramento forma verborum est deprecativa, quia istud sacramentum debet valere per orationem Ecclesie, et per modum suffragii: datur enim ad effectum, quem homo per propria opera posset consequi, nisi infirmitas impedit. Unde nota quod in alio (a) sacramento verborum forma non est in sola oratione, nisi in isto. Dicit enim Jacobus⁴: *Si quis infirmatur, inducat presbyteros, et orent super eum.* In quibusdam vero sacramentis consistit in sola enuntiatione verborum virtus, sicut in baptismo; dixit enim Dominus⁵: *Baptizantes eos, non faciens mentionem de oratione.* In aliquo autem sacramento, secundum quosdam, consistit forma in oratione et enuntiatione, ut in sacramento poenitentiae; consueverunt enim confessores primo orare, dicentes: *Absolutionem, remissionem, etc.*, et postea dicere: *Absolvo te.* Cum enim in peccato offendatur Deus et Ecclesia, contra primum merito fit oratio, et contra secundum absolutio. Istud autem sacramentum non datur nisi adulcis qui peccata venialia videntur habere, contra quae institutum est; nec datur aliis quam infirmis in periculo mortis constitutis. Sanis autem non datur hoc sacra-

mentum, quia habent aliud remedium param, scilicet poenitentiam; nec datur nisi postulantibus, qui devotione sursum eriguntur. Et si sepe infirmatur quis ad mortem, sepe potest inungi; sed in una infirmitate non debet quis bis inungi, nisi eadem infirmitas ultra annum protrahatur, ita quod in uno anno propter eamdem infirmitatem nemo bis inungatur.

Effectus hujus sacramenti multiplex est: unus est sanitas, quae est duplex: una est principalis, scilicet liberatio ab infirmitate spirituali, quae contrahitur per peccata venialia, quibus anima debilis efficitur ad exequendum actum gratiae et glorie; alia est secundaria sanitas, quae est quasi electus est signum prioris sanitatis, scilicet sanitas corporalis: et hoc est verum, quando sanitas corporalis expedit sanitati spirituali: tunc enim istud sacramentum causaliterumque in suscipientibus digne. Interdum enim utilis est sanitas corporalis, scilicet ad meritum gloriae cumulandum. Valet etiam ad devotionem excitandam, et velociorem transitum ad celum.

In hoc sacramento, sicut in ceteris, tria sunt: unum est sacramentum tantum, scilicet unctione exterior; aliud est res tantum, scilicet effectus duplicitis sanitatis, ut dictum est; tertium est sacramentum et res, scilicet quedam unctione spiritualis interior, id est, mentis jucunditas et solatium.

CAPUT XXXVI.

De Sacramento Ordinis.

Quinque sacramenta, de quibus dictum est, pertinent ad statum personae; sed duo, de quibus dicendum est, pertinent ad communem statum Ecclesie: quia ordo pertinet ad generationem spiritualem; matrimonium vero, ad generationem carnalem.

Ordinem precedit prima tonsura, quia in omni transitu de statu ad statum convenienter interponitur aliqua dispositio media. Unde in transitu a statu laicorum ad statum ministrorum Dei, convenienter prima tonsura interponitur. Fit etiam in hac tonsura aliquorum capillorum resecatio in modum coronae, quia in ministerium illius assumitur, cui servire, reguare est.

Est itaque duplex signum distinctivum in ordinatis, scilicet exterius tonsura, et interius character. Ad esse autem ordinis tonsura non

¹ *1 Reg., XVI, 13.* — ² *II Reg., II, 4.* — ³ *Ibid., V, 3.*
— ⁴ *Jac., V, 14.* — ⁵ *Matth., XXVIII, 19.* — (a) *Al.* aliquo.

præexistit, sed ad bene esse¹, quia dispositio congruitatis est ipsa tonsura ad ordinem, non necessitatibus.

Hugo de Sancto Victore ordinem sic describit: « Ordo est signaculum quoddam, in quo potestas spiritualis traditur ordinatis, et officium. » Hic nota quod sicut in naturalibus dedit Deus superiora corpora in regimen inferiorum, sic et in spiritualibus quosdam posuit superiores, quosdam inferiores, ut illi potestatem habeant super istos: sicut sunt clerici, qui præsunt in spiritualibus, et principes ac judices seculares, qui præsunt in temporalibus.

De substantia hujus sacramenti sunt sex: primum est potestas ordinis, quia oportet quod sit episcopus; secundum est materia, scilicet unctione in sacerdotibus, et tactus illorum quæ tangenda sunt in aliis; tertium est forma verborum; quartum est sexus virilis, quia mulier non recipit characterem ordinis; quintum est intentio recta; sextum est quod ordinandus sit baptizatus, quia baptismus est janua omnium sacramentorum.

Quoddam est hic sacramentum tantum, ut visibile signum, quo potestas traditur; quoddam est res tantum, scilicet gratia quæ confertur digne recipienti; quoddam est res et sacramentum, ut character.

Septem sunt ordines, scilicet Ostiarius, Lector, Exorcist², Acolytus, Subdiaconus, Diaconus, et Presbyter, qui omnium ordinum est perfectissimus, et terminus aliorum. Illi autem sunt quasi septem gradus, quibus ascenditur ad thronum Salomonis. Actus ostiariorum est custodire locum confectionis sacramentorum ab iis qui immundi determinati sunt, id est, excommunicatis. Actus lectorum est legere prophetias. Actus exorcistarum est arcere demones, ne dominantur in corpore nondum baptizati, scilicet per conjurations. Actus acolytorum est deferre lumen Evangelii in lumine corporali. Actus subdiaconorum est accipere oblationes offerentibus, easque offerre diacono; legere autem epistolas, non est actus eorum principalis, sed consequens. Actus diaconorum est ordinare hostias in altari; legere autem Evangelium, vel prædicare, est actus consequens. Actus presbyterorum est consecrare corpus et sanguinem Christi, et est actus principalis; alius est consequens, scilicet ligare et solvere, per

quem actum corpus mysticum præparatur, ut sit aptum et idoneum ad perceptionem corporis Christi veri.

In quolibet ordine character imprimitur; sed quando fiat, nunc dicendum est. Ostiarius quem character imprimitur, quando datur eis clavis, et dicitur: *Sic agile tanquam rationem redditum Deo de rebus, qua clavibus istis recludentur.* Lectoribus character imprimitur, cum Episcopus porrigit eis librum cum debita forma verborum; Exorcistis vero, cum dat eis librum exorcismorum cum debita forma verborum; Acolytis autem in verbis que dicit Episcopus, dum dat eis candelabrum; Subdiaconis imprimitur, quando Episcopus cum forma verborum dat eis calicem vacuum, et cætera vasa quorum usus est in confectione Eucharistie. Diaconis et Presbyteris imprimitur, quando Episcopus imponit manu capiti cum verbis ad hoc statutis.

Prædictos autem ordines Christus exercuit: ostiariatum, quando ementes et vendentes de templo ejecit; lectoratum, cum in medio seniorum librum Isaiae³ aperiens, legit in eo; exorcistatum, quando diemoniacos sanavit; acolytatum, quando dixit⁴: *Ego sum lux mundi;* subdiaconatum, quando⁵ linteo se præcinctus, et pedes discipulorum lavit; diaconatum, quando in cœna corpus et sanguinem suum ministravit discipulis, et dormientes apostolos excitavit; presbyteratum, quando se in ara crucis obtulit, et quando in cœna panem et vinum in corpus et sanguinem suum convertit.

CAPUT XXXVII.

De qualitate Ordinandorum.

Qualitas ordinandorum consistit in duobus, scilicet in faciendis, et in evitandis. Facienda sunt haec: In moribus sit pudicus (*Decret.* part. I, dist. xxxi (a), (c. vi). In habitu honestus (*Decr.* part. II, caus. xxi, quæst. iv, per totum). Cibo et potu temperatus (*Extrav.* de vit. et hon. cler., c. A *crapula*). Competenter, quamvis non eminenter literatus (*Extrav.* de elect., c. *Cum nobis*). Mansuetus, et moderatus (*Decret.* part. I, dist. xli, c. i et ii per totum). Tonsuram deferat clericalem (*Extrav.* de vit. et hon. cler., c. *Clericis* (b)). Hospitalis (*Decret.* part. I, dist. xlii, c. *Si quis et Quiescamus* (c), et part. II, caus. xvi, quæst. i, c.

(a) *Cat. edit.* dist. xlvi. — (b) *Cat. edit.* deest c. *Clericis*. — (c) Item deest c. *Si quis et Quiescamus*, etc.

¹ Vid. huj. edit. tom. VI, p. 131 et seq. — ² *Luc.*, 17, 17. — ³ *Joan.*, viii, 12. — ⁴ *Joan.*, xiii, 4.

Quoniam). Doctor in prædicatione (I, dist. xliii, c. Sit rector). Correptor vitiorum per virgam discipline (I, dist. lxxxvi, c. iii). Exemplum præbeat bona vita (I, dist. xxiii, c. His igitur). Bonæ famæ (I, dist. xxvii, c. Priorusquam). Residentiam faciat in ecclesia sua, vel beneficio (*Extrav.* de cler. non resident, per totum). Unicum sufficiat beneficium habens curam animarum (*Extrav.* de præbendis, c. De multa). Bonus sit gubernator familiae (I, dist. xlvi, in fin).

De necessitate clericis sunt hæc vitanda : Crimen mortalis peccati (*Extrav.* de tempor. ord., c. Extraordinarie). Non litigiosus (I, dist. xlvi, c. Ecce, et c. sequenti). Non cupidus (I, dist. xlvi, c. iv). Non lusor (*Extrav.* de vit. et hon. cler., c. Cum decorum et Clerici officia). Non negotiator (*Extrav.* Ne cleric, vel monachi, per totum). Non exerceat venationes clamosas (*Extrav.* de cler. venatore, per totum). Non sit incontinentis, nec mulieribus cohabitetur (*Extrav.* de cohabit. cler. et mulier., c. A nobis). Non sit in comessationibus, conviviis et fabulis (I, dist. xliv). Non intersit spectaculis (*Extrav.* de vit. ethon. clericorum). Non immisceatur se negotiis sæcularibus (*Extrav.* Ne clerici, vel monachi, c. ii). Nec joculatoribus, et histriónibus (*Extrav.* de vit. et hon. cleric). Tabernas debet evitare, nisi in itinere (*Extrav.* de vit. et hon. cleric). Horas non debet negligere (*Extrav.*, de celebr. Miss., c. i). Justum judicium non debet vendere (II, caus. xxvii, quæst. i, c. Si quis Episcopus). Ecclesiastica sacramenta non pacto, sed gratis debet dare (*Extrav.* de Simonia, c. Tuam, et per totum). Non sit excommunicatus, vel suspensus, vel irregularis (*Extrav.* de sent. exempl., c. Cum illorum). Non apostata (*Extrav.* de Apost., c. ult.). Non simoniacus in ordine, vel beneficio (caus. I, quæst. i, et *Extrav.* de Simonia, per totum). Non solemniiter pœnitens (de Pœnitentia, dist. i).

Ante ordinis susceptionem se quilibet per confessionem preparamet (dist. xxiv, c. ult.). In peccato mortali non accedat (*Extrav.* de tempor. ordin., c. Ad aures). Primam tonsuram non negligat (c. Clericis). Nullus ordinetur, nisi examinatione præcedat (I, dist. xxiv, per totum). Non accipiantur simul minores ordines cum subdiaconatu, nec etiam simul duo ordines sacri, sed gradatim (*Extrav.* de temporibus ordin., c. Litteras). Nec per saltum recipiat quis ordines (I, dist. lii, cap. i). Nec ab alieno episcopo, sed a suo (I, dist. xxx, c. Perfectis). Nec contra Episcopi

prohibitionem, et sine titulo (*Extrav.* de vit. et hon. cler., c. Cum secundum Apostolum). Nec furtive (*Extrav.* de eo qui furt. ordin. suscep., c. i et ult.) Missam, in qua ordinatur, et audiatur, et tangat omnia quæ sunt laogenda, unusquisque in susceptione sui ordinis (I, dist. xxv, c. Perfectis). Non accedat non licentiatus et præsentatus (*Extrav.* de scrutin., c. i). Jejunus a jejunio suscipiat ordines (*Extrav.* de tempor., c. Litteras). Non recipiantur ordines, nec conseruantur, nisi temporibus ab Ecclesia institutis (*Extrav.* de tempor. ordin., c. i et iii).

Multa sunt, quæ impediunt promovendum etiam sine culpa, licet non sine causa. Non debet enim promoveri ignotus (*Extrav.* de peregrin., c. i). Bigamus (I, dist. xxvi, c. A cunctis). Neophytus (I, dist. xlvi, c. Quoniam). Corpore vitius (II, caus. xvi, quæst. i, c. Legi). Qui non est de legitimo matrimonio natus (*Extrav.* de fil. preshyt., c. i). Servus (*Extrav.* de serv. non ordin., c. i et ii). Obligatus ad ratiocinia quandoque expellitur ab ordinibus.

Ex predictis patet, quod dignitas clericalis, nec ordines non conferuntur a quolibet, nec cuilibet, nec in quolibet loco, nec in quolibet tempore.

CAPUT XXXVIII.

De sacramento Matrimonii.

Matrimonium est conjunctio maris et feminæ, individuam vitæ consuetudinem retinens. Matrimonium per sponsalia initialur, per consensus animorum, expressum per verba de presenti, ratificatur, per carnalem copulam consummatur et perficitur.

Ad hoc autem, sciendum quod duplex est perfectio : prima est in esse simpliciter, secunda in esse completo, sicut patet in puerò, in quo est perfectio quantum ad esse hominis simpliciter, sed non est in eo perfectio quantum ad esse completum, secundum quantitatem et operationem hominis. Eodem modo dicendum est de matrimonio, in quo duplex est perfectio : prima est quæ facit matrimonium, scilicet consensus animorum per verba de presenti expressus : et ad hanc non exigitur copula carnalis. Secunda perfectio est quæ matrimonium consummat : et ad hanc exigitur carnalis copula.

Bonum matrimonii triplex est, scilicet fides, ut neuter alieno thoro mæculetur; proles, ut ad cultum Dei nutriatur; sacramentum, ut non

dissolvatur. Licet enim Ecclesia possit divortia propter impedimenta matrimonii facere, nunquam tamen potest nec debet matrimonium, quod legitime celebratum est, dissolvere : quia quos¹ Deus coniunxit, homo non potest, quarecumque auctoritatis sit, separare. Tamen solvit matrimonium per mortem.

Sciendum quod duplex est conjunctio in matrimonio, et duplex est mors correspondens illi. Est enim conjunctio spiritualis per consensum animorum, quæ solvitur per mortem spiritualem, qua homo moritur mundo per religionis ingressum; alia est conjunctio carnalis per commixtionem sexuum, quæ solvitur per mortem corporalem.

Est autem causa matrimonii quadruplex, scilicet efficiens, ut consensus animorum per verba de praesenti expressus; materialis, ut ipsæ personæ legitimæ; formalis, ut benedictio, annuli subarratio, et hujusmodi; finalis, duplex est: una principalis, scilicet prolijs creatio, et fornicationis evitatio, quia matrimonium non solum in officium, sed in remedium institutum fuit, licet fuerit primo solum in officium. Alia est secundaria, et illa est multiplex; unde versus:

Hostes conciliat, et eo discernitur haeres;
Bis ligat, alia nota, jus transfert, augst honorem.

Quadruplex distinguitur matrimonium: primum est carnale inter virum et mulierem; secundum est morale inter Deum et animam in Ecclesia militanti per gratiam; tertium est allegoricum inter Christum et Ecclesiam; quartum anagogicum inter Deum et animam in Ecclesia triumphantem per conjunctionem glorie.

Potest quis accedere ad uxorem suam quatuor de causis, scilicet causa prolis, causa redendi debitum, causa vitandæ incontinentiæ. Iстis tribus causis non est peccatum. Quarto

potest fieri causa explenda libidinis: et hoc modo peccatum est veniale, vel mortale, secundum quod libido est venialis, vel mortalis.

Fit autem peccatum in conjugali coitu quinque modis; unde versus:

Quinque modis peccat uxore maritus abutens,
Tempore, mente, loco, conditione, modo.

Nota quod uxor dimissa propter fornicationem, reconciliatur viro multis modis. Unde versus:

Ultimo mœchatur, retinet, nec conciliatur,
Absens prostituit, jus, fraus revocat mulierem.

Tria sunt ornamenta sponsæ, scilicet annulus in digito, monile in pectore, corona in capite. Primum significat operis puritatem, quia in manu est opus. Secundum, affectus sinceritatem, quia in pectore est affectus. Tertium, contemplationis claritatem, quia in capite est perspicacitas intellectus.

Multis de causis beala Virgo fuit desponsata viro: primo, ut designaret Ecclesiam desponsatam Christo, quæ similliter est virgo; secundo, ut Joseph testis esset integrimæ castitatis ejus; tertio, ut per Joseph origo ejus ostenderetur, quia per viros genealogia texitur; quarto, ne infamaretur, si generaret non habens maritum; quinto, ne velut incontinentis damnaretur, quia de tribu erat sacerdotiali, et tales comburebantur, aliae adulteræ lapidabantur; sexto, ut virgo virili solatio sustentaretur; septimo, ut partus diabolo celaretur; octavo, ne Judæi Christum tanquam illegitimum justè persequi viderentur; nono, ne legi, que commendat matrimonium, contrariari Dominus videretur.

Notandum, quod duodecim sunt impedimenta matrimonii. Unde versus:

Error, coiditio, volum, cognatio, crimen,
Cultus disparitas, vis, ordo, liganeus, honestas,
Si sis affluis, si forte coire nequibus:
Hæc socianda velant conjugia, juncta retractant.

¹ Matth., xix, 6.

LIBER SEPTIMUS

DE ULTIMIS TEMPORIBUS

CAPUT PRIMUM.

De fine mundi.

Finale judicium quædam sunt antecedentia, quædam concomitantia, quædam sequentia. Antecedentia judicium tria sunt, scilicet poena purgatorii, Ecclesiæ suffragia, persecutio Anti-christi. Concomitantia judicium duo sunt, scilicet conflagratio mundi, et resurrectio corporum. Consequentia judicium duo sunt, scilicet poena infernalis, et gloria coelestis. De quibus per ordinem dicendum.

CAPUT II.

De Purgatorio.

Purgatorius ignis corporeus est, per quem tantummodo spiritus justorum, qui in hac vita non impleverunt poenitentiam, neque satisfactionem condigam, affliguntur. Hi qui sunt in purgatorio, spem habent evasionis, quia sciunt se non esse in inferno; et tamen propter poenarum magnitudinem hoc aliquando non adverturnt.

Multa rationes sunt, quare oportet esse purgatorium. Prima est, quia secundum Augustinum¹ tria sunt genera hominum: quidam sunt valde mali, quibus non prosunt Ecclesiæ suffragia; quidam valde boni, quibus non sunt necessaria; quidam nec valde mali, nec valde boni, qui habent venialia, et his debetur poena purgatorii. Secunda est, quia sicut summa bonitas non patitur quod bonum remaneat irremuneratum, ita summa justitia non patitur quod malum remaneat impunitum. Tertia est, quia divinae lucis tanta est dignitas, quod can soli mundi oculi cernere possunt. Unde oportet, quod quilibet veniat ad munditiam baptismalem, antequam conspectui divino praesentetur. Quarta est, quia culpa est offensiva divinae majestatis, et damnosa Ecclesiæ, et de-

formativa in nobis imaginis divinae. Sed offensa requirit punitionem, damnum requirit satisfactionem, et deformatio expurgationem: propter quod necesse est, quod peccato poena vel hic, vel alibi respondeat. Quinta est, quia contraria contrariis curantur: sed peccatum oritur ex delectatione: unde debet per poenam deleri. Sexta est, quia nulli debet negligentia suffragari: sed si non puniretur talis, videretur in futuro commodum reportare de negligentia poenitentiae dilatae. Septima est, quia justum est, ut spiritus, qui contemptu summo subiecti se infimo, id est, peccato, subjiciatur postea inferioribus, id est, poenis.

Nota quod animæ, postquam fuerint in igne sufficienter purgatae, statim evolant ad gloriam; et hoc patet multiplici ratione: primo, quia post purgationem nulla remanet ad gloriam dissimilitudo in anima: unde merito illi debet jungi. Secundo, quia janua celi illis semper est aperta, qui nullum habent obstaculum. Tertio, quia necesse est illos spiritus, in quibus est charitas sursum elevans, et nihil retardans, sursum elevari ad gloriam. Quarto, quia cum Deus sit pronior ad miserendum, quam ad puniendum, merito debet purgatos conjungere glorie, quos purgandos subiecti poenæ. Quinto, quia non punit Deus bis in idipsum. Unde cum iste sufficienter satisficerit in poenis ignium, non amplius debet puniri in dilatione præmiorum. Sexto, quia post purgationem non debet talis esse in purgatorio; neque in limbo, quia non est de numero illorum puerorum; neque in inferno, quia non est de numero damnatorum: ergo debet esse in celo, quia post mortem non sunt alia receptacula animarum. Septimo, quia efficacior est charitas quam iniqüitas: sed iniqüitas statim ducit ad supplicia: ergo charitas statim ducit ad præmium. Octavo, quia sicut cessante impedimento corpora gravia feruntur deorsum, et levia sursum; sic malorum spiritus, remoto carnis onere, statim ferruntur ad locum suppliciorum, propter peccati

¹ Aug., *Enchirid.*, c. cx, n. 29.

gravitatem; spiritus vero bonorum, si non sit impedimentum alicujus culpæ, vel pœnæ debite, statim feruntur ad locum præriorum.

CAPUT III.

De acerbitate pœnæ Purgatorii.

In purgatorio duplex est pœna: una est damni, de carentia divine visionis; alia sensus est, de afflictione ignis: et quantum ad utrumque minima pœna purgatorii major est maxima pœna mundi. Istud patet de pœna damni: quia affectus quo desideratur summum bonum post hanc vitam ab omnibus sanctis, intensor est, quam aliquis affectus rei temporalis in vita, maxime cum jam tempus habendi advenerit: ideo carentia ejus molestius toleratur. Istud etiam patet de pœna sensus, quia cum dolor non sit essentialiter lesio, sed lesionis sensus, tanto magis dolet anima, quanto magis sentit sensitivum aliquid. Ideo ab igne in ipsam agente maxime affligitur.

Ratio acerbitatis pœne purgatorii hæc est, quia cum Deus magis querat emendam, quam pœnam, plus ponderat in pœnitentia virtutem bonæ voluntatis, quam pœnam afflictionis. Unde plus ponderat Deus modicam pœnam voluntariam in presenti, quam multo majorem non ita voluntariam in futuro, sicut plus valet modicum auri, quam multum plumbi. Unde oportet ut quod ibi deficit in voluntate, hic suppleatur in acerbitate.

De igne qui purgat animas, dupliceiter est loquendum: vel quantum ad id, quod primo animas affligit, et sic est corporeus; vel quantum ad quod proxime affligit, et immediate, sic est incorporeus. Primo modo dicitur ignis vere; secundo modo, similitudinare, sicut leo verus, et leo pictus. Utrumque tangit Gregorius, quando dicit¹: « In eo ardent, dum ardorem vident. » Ille autem ignis corporeus dupliceiter potest considerari: primo (a) est instrumentum naturæ, sic agere potest in corpus, et non in animam; secundo, prout instrumentum divinæ justitiae, sic agit in animam, imprimendo illi speciem suam, per quam affligit, quia violenter illa specie informatur. Sicut enim anima secundum ordinem naturæ unitur corpori, ut instituat vitam, sic merito secundum ordinem justitiae unitur igni, a quo suscipiat pœnam.

¹ Greg., *Dialog.*, lib. IV, c. ix. — ² Vid. sup., pag. 165. — ³ *I Cor.*, iii, 12.

Nota quod dæmones non puniunt animas in purgatorio; sed illic eas adducunt, vel etiam assistunt, ut communiter dicitur. Ex permissione tamen Dei dæmones in hac vita quandoque bonos affligunt; sed haec est ratio: quia in praesenti durat pugna inter dæmonem et hominem, quia dæmon habet in eo potestatem exerciti; sed post hanc vitam non sic. Unde aer iste caliginosus est assignatus dæmonibus magis propter tentandi officium, quam propter supplicium.

De locis pœnalibus, ubi sint et quot, require sup., lib. IV, cap. de *Descensu Christi ad inferos*². Sciendum tamen de loco purgationis, quod dupliceiter assignatur: aut secundum legem communem, et sic est in uno loco in parte inferni circa limbum-patrum; aut secundum dispensationem specialem, et sic purgantur anime aliquando in diversis locis, in quibus peccaverunt. Illoc autem fit propter aliquam suam relevacionem per suffragia eorum, quibus apparent in illis locis, vel etiam propter aliquam redificationem viventium. Ignis autem ille plus vel minus cruciat, secundum quod plus vel minus de combustibili, seu cremabili, quisque secum tulit. Oportet enim, priusquam facies Dei videatur, sicut legimus³, quod ligna, fœnum, stipula, id est, majora, minima, mediocria, et venialia totaliter per cremationem consumantur. Prædicta vero pœnæ diversitas non est ex diversitate ignis ardantis, seu agentis, sed subjecti patientis, sicut ab eodem sole unus plus æstuat, alter minus, ut dicit Gregorius. Necesse est autem, ut dicit Augustinus, quod tantum urat dolor, quantum hæserat amor: tanto enim quisque torquebitur diutius, quanto affectus ejus venialibus adhærebat fortius.

CAPUT IV.

De suffragiis Ecclesie.

Sicut pertinet ad divinæ justitiae severitatem bonos propter venialia puniri, ita pertinet ad bonitatem divinae misericordiae eosdem per suffragia relevari. Prosunt ergo suffragia defunctionis, non ad meritum vite æterne, sed ad solutionem pœnæ; et hoc, vel ad pœnarum mitigationem, vel ad cleriorem liberationem.

Sunt autem quatuor modi suffragiorum generales, ad quos omnes alii reducuntur, sci-

(a) *Suppl.* prout.

licet oratio, jejunium, eleemosyna, et sacramentum altaris. Quorum numerus sic accipitur: quoniam defuncti a poena absolvunt duobus modis, scilicet per viam gratiae, et per viam justitiae. Per viam gratiae duplíciter: primo per intercessionem publicam capitii, quae est in oblatione sacramenti altaris; secundo per intercessionem quasi privatam membrorum, scilicet per orationes justorum. Similiter per viam justitiae duplíciter: primo per modum redēptionis pœnæ, scilicet in eleemosynarum largitione; secundo per modum solutionis pœnæ, scilicet in jejuniorum afflictione. Si autem queritur, quando incipiat valere defuncto id quod pro se fieri mandavit; dicendum quod opus operans, id est, meritum auctoris statim consequitur mortuum de bonis, quae præcepit pro anima sua fieri; sed non opus operatum, id est fructus ipsius operis, usquequo fiat (a): quia primum valet ex merito absoluto, sed secundum ex merito conditio-nali.

CAPUT V.

Quorum suffragia prosint, et quibus.

Ad hoc quod valeant suffragia, requiritur aliquid ex parte agentis, et aliquid ex parte mortui recipientis. Ex parte agentis requiritur quod sit in charitate, et quod intentionem suam dirigat ad illos, quibus vult ut opera sua proficiant. Distinguendum est tamen quod suffragia per malum possunt fieri duplíciter: vel ut per auctorem, et sic non prosunt nisi forte per accidens, scilicet in quantum per eleemosynas mali hominis excitant boni pauperes ad ordinandum pro defunctis; vel ut per ministrum, et hoc duplíciter, quia vel facit ea ut (b) minister publicus Dei et Ecclesiæ, sicut quando sacerdos malus celebrat Missam, vel agit exequias mortuorum, et talia semper prosunt, quia malitia ministri non nocet operi boni auctoris: sicut patet in domino justo dante eleemosynam per servum malum. Si vero facit ea ut minister private personæ, existentis tamen in charitate, sive defuncti, sive alterius, etiam talia prosunt, quia opus illud, licet sit mortuum quoad ministrum, non tamen quoad auctorem. Si vero malus minister facit aliqua de mandato ejus qui non est in charitate, non prosunt.

(a) *Cœt. edit.* fiant. — (b) *Al. deest ut.* — (c) valet.

Aliquid etiam exigitur ex parte accidentis ad hoc ut suffragia prosint illi. Primum est, quod ipse sit in charitate. Unde non valent (c) his, qui sunt in inferno, quia sunt a corpore Christi mystico separati: unde nulla spiritualis influentia pervenit ad eos, sicut nec influentia corporalis valet membris a corpore amputatis. Secundum est indigentia: unde non valent beatis, qui non sunt amplius in via, sed in termino, nec possunt ad altiora ascendere; sed potius e converso illorum suffragia prosunt nobis. Utrumque autem est in his qui sunt in purgatorio, scilicet charitas et indigentia: unde sicut potest homo satisfacere pro altero vivente, qui per se non valet, ita potest etiam pro defuncto.

Nota quod suffragia prosunt defunctis, sed magis aut minus pro diversitate meritorum in mortuis, vel pro charitate vivorum, qui magis sollicitantur pro aliquibus, quam pro aliis. Illa enim suffragia, quae specialiter flunt pro aliquibus, plus valent illis, quam aliis, licet etiam aliis aliquo modo communicentur. Suffragia vero, quae communiter pro defunctis flunt, quamvis pro modulo suo omnibus prosint, illis tamen amplius, qui, dum essent in via, magis meruerunt ut sibi proderent. Quamvis autem, ut dictum est, suffragia non prosint iis qui sunt in celo, nec illis qui sunt in inferno, tamen aliquo modo prosunt etiam illis. Unde nota quod valent illis qui sunt in purgatorio, per modum purgationis; valent salvatis qui sunt in celo, per modum conjunctionis, quia multiplicatio salvandorum augmentat gloriam accidentalem. Valens et damnatis in inferno per modum diminutionis: quanto enim plures salvantur per meritum Ecclesiæ, tanto pauciores damnabuntur, et ita minor erit poena per subtractionem consortii illorum: valent etiam impiis facientibus per modum meriti, quia cum pro parvulis defunctis celebrantur Missæ mortuorum, hoc non fit propter illorum indigentiam, cum statim evolent ad gloriam, sed propter gratiarum actionem.

CAPUT VI.

Utrum Indulgientiæ prosint defunctis.

Papales indulgentiæ prosunt defunctis in purgatorio: quod patet, quia crux aliquando datur pro duabus, vel tribus, vel quatuor, vel decem animabus. In Ecclesia enim est thesaurus meritorum tam Christi, quam perfecto-

rum, de quo solus Papa, qui habet claves hujus thesauri, pro necessitate Ecclesie potest accipere et dispensare. Alii autem, sicut Episcopi, non habent in his potestatem generalem, sed limitatam, et non nisi per summi Pontificis dispensationem. Dicendum ergo quod Papa proprie non absolvit defunctos a pena, sed quasi pro eis de communi thesauro Ecclesie solvit: sicut aliter creditor liberat debitorem, dum eum a debito absolvit, et aliter amicus debitoris, dum pro eo debitum solvit: sed viventes utroque modo absolvit Papa. Illi autem quibus datur indulgentia, non possunt eam ulterius dare, neque vivis, neque defunctis: et hoc duplice ratione. Primo, quia indulgentia non est donum collativum gratiae, sed privativum, penæ: privatio cum nihil sit, aliis communicari non potest. Secundo, quia dare indulgentiam auctoritatis est et jurisdictionis, quam non habent laici, ex eo quod indulgentiam ab aliis recipiunt: unde non possunt defunctis impendere indulgentiam per auctoritatem, sed solum boni operis sui suffragium per charitatem: Papa vero potest utrumque.

CAPUT VII.

De adventu Antichristi.

Antequam Dominus veniat ad judicium, regni Romani fiet destructio. Nam, sicut dicit Glossa¹ super Apostolum: « Prius erit discessio ab utroque imperio, qua completa aderit Antichristus. » Hic ex parentum seminibus concipiatur; sed post conceptum descendet spiritus malignus in matris uterum, cuius virtute et operatione deinceps puer nascetur, aletur, adolescat: propter quod et filius perditionis vocabitur. Nascetur autem in Babylonia de tribu Dan, sicut dicit Glossa super Apostolum. Post hoc veniet in Iherusalem, et circumcidet se, dicens Iudeis se esse Christum illis promissum: unde plebs iudea specialiter ei adhaerabit, sicut dicit Baymo super Apocalypsi, donec Enoch et Elia praedicantibus, qui ex illis fuerint salvandi, ad Christum revertantur. Angelus bonus deputabitur primo Antichristo ad custodiām; sed quando ita obstinabitur in peccato, quod dicet se esse Deum, et extollat se super omne id quod dicitur Deus aut colitur, sicut dicit² Apostolus, tunc primo deseret eum an-

¹ II Thess., II, 3. — ² Ibid., I. — ³ Dan., XI, 37. — ⁴ Dan., VIII, 25. — ⁵ Gloss. in Dan., VIII. — ⁶ Psal. IX,

gelus ex toto, nec habebit eum postmodum ad promotionem, sed ad accusationem.

CAPUT VIII.

De vita Antichristi.

Antichristus erit luxuriosus, et in concupiscentiis feminarum³, ut habetur in Daniele; in aperto tamen per hypocrisim simulabit sanctitatem, ut facilius decipere possit. Cor suum per superbiam magnificabitur, sicut dicit Daniel⁴: *Contra principem principum consurget*, id est, contra Deum. Et ut dicit Glossa super Daniēlem⁵, « in tantam elevabitur superbiam, quod leges et ceremonias mutare conabitur, vel cursum temporum. » Tante quoque presumptionis erit, quod non putabit se a Deo puiendum, propter hoc quod judicium differetur⁶: *Auferentur iudicia tua a facie ejus*. Erit etiam blasphemus, sicut in Apocalypsi⁷ dicitur. Unde Daniel⁸: *Adversus Deum deorum loquetur magnifica*. Item ad majorem Dci contumeliam faciet imaginem suam adorari, et omnes suo charactere signari in manu dextera et frontibus suis, sicut habetur in Apocalypsi⁹. Confitebitur enim se verum filium Dei, et filium hominis¹⁰, ita ut in templo Dei sedeat tanquam ipse sit Deus, et se faciet adorari. Iudei namque templum, quod Romani destruxerunt, rediscibunt. Affirmabit ante se nullum fuisse Christum, sed Antichristos fuisse, ut dicitur in Glossa, quia sicut in Christo¹¹ *omnis plenitudo divinitatis habitat*, ita et in Antichristo plenitudo omnis iniuritatis: quia in ipso erit caput omnium malorum diabolus.

CAPUT IX.

De quatuor modis quibus decipiet.

Merito comparatur Antichristus cerasi¹², qui est serpens cornutus, quia quatuor cornibus armabitur, scilicet callida persuasione, miraculorum operatione, donorum largitione, et tormentorum exhibitione.

Primus ergo modus subvertendi homines erit callida persuasio. Praedicabit enim legem novam pravam esse, et legem Christi pro posse destruet. Praedicatores enim sui discurrent per universas partes mundi. Impedit quoque

27. — ⁷ Apoc., XVI, 9 et seq. — ⁸ Dan., XI, 36. — ⁹ Apoc., XIII, 16. — ¹⁰ II Thess., II, 1. — ¹¹ Coloss., II, 9. — ¹² Gen., XLIX, 17.

apostoli Antichristi, ne Scriptura secundum veritatem exponatur a catholicis doctoribus, vel a (a) fidelibus audiatur; ipsi autem bonos se simulabunt, et tamen mala suadent.

Secundus modus subvertendi erit per fallacia miracula, quia per artem magicam illa faciet. Unde Glossa super Apocalypsi: « Magica arte statuam faciet loqui et futura predicare, et faciet, sicut dicitur in Apocalypsi¹, ignem de celo descendere in terram. » Glossa: « Id est, malignum spiritum faciet super eos descendere, ut loquantur variis linguis. » Spiritus enim malignus descendet in eos in conspectu hominum, sicut Spiritus sanctus descendit in apostolos Christi. Unde jactabunt se esse meliores apostolis Christi, qui Spiritum acceperunt in conciliis. Item per artem magicam simulabit se mortuum, et feretur a demonibus in aera, quasi ascendat in cœlum: et sic putabitur ab hominibus resurrexisse, qui prius mortuus putabatur: et tunc mirabuntur populi, et adorabunt eum, atque laudabunt. Ecclesia vero non faciet tunc miracula. De hoc modo decipiendi dicitur in Psalmo²: *Insidiatur in abscondito, quasi leo in spelunca sua.* Glossa: « Reete Antichristus comparatur leoni existenti in spelunca, quia in eo vis et dolus operatur: vis enim per leonem, dolus per speluncam intelligitur. » Gregorius³: « Pensemus quæ erit humanae mentis illa tentatio, quando pius martyris corpus tormentis subjiciet, et tamen tortor ante ejus oculos miracula faciet. Sicut enim Antichristus finget se a mortuis resurgere, ita etiam finget se ad cœlum ascendere. »⁴ *Et plaga mortis ejus curata est;* Glossa: « Arte magica ascendet Antichristus in aera, ferentibus eum dæmonibus. Faciet arbores cito florere, arescere, mare turbari, naturas in diversas figuris mutari: mortuos etiam in conspectu hominum suscitabit. »

Tertio decipiet per munera. Ipse namque Antichristus inveniet thesauros absconditos, per quos ad sequendum se inclinabit plurimos: ditabit enim bonis divites hujus sæculi, et tunc eorum falsam felicitatem ad decipiendum alios ostendet.

Quarto compellet per minas et tormenta, quos aliter vincere non poterit. Tanta vero, sicut ait Dominus⁵, tunc erit tribulatio, ut in erro-

rem ducentur, si fieri potest, etiam electi. Et hoc innuitur in Apocalypsi, ubi dicitur⁶: *Pe des eius similes aurichalco, sicut in camino ardenti.* Per pedes ultima Christi membra, per caminum vero vehemens tribulatio designatur. Exhibebit enim cuncta, quæ in praecedentibus martyribus impleta sunt genera tormentorum; sed in illis regionibus, tunc fideles maxime sunt vexandi, et vehementius, ubi Dominus fuit crucifixus. Et dicit Haymo super Apocalypsi: « illa tentatio non per partes, sed simul totum examinabit mundum. » Solventur enim dæmones, qui modo ligati sunt ne possint nocere quantum vellent. Fideles quoque illo tempore non prædicabunt, quia tanquam excommunicati habebuntur tunc boni. Nihil vendetur eis, nec emetur ab eis, nisi habeant charactrem, id est, signum aliquod, ad litteram, ut adhærentes sibi cognoscantur, et alii interficiantur: aut nomen bestiæ, id est, confessionem oris; aut numerum nominis ejus, id est, multiplicationem operum, ut habetur in Apocalypsi. Antichristus autem sicut erit crudelior omnibus persecutoribus, ita sancti tunc temporis fortiores erunt omnibus retro martyribus.

CAPUT X.

De sequentibus Antichristum.

Predictis quatuor modis Antichristus multos ad se attrahet; unde in Apocalypsi⁷: *Cauda eius trahebat tertiam partem stellarum cœli, et misit eas in terram.* Attrahet autem malos per munera, bonos per tormenta, simplices per prædicationem et miracula. Qui enim sancti et justi credebantur, adhærebunt ei pro sua arbitrio voluntatis. Habebit secum magos et maleficos, reges quoque et principes. Unde in Apocalypsi⁸: *Vidi de mari bestiam ascendenter, etc.*; Glossa: « Id est, Antichristum; » *habentem capita septem*, id est, principes universos; *cornua decem*, id est, eos qui impugnant decalogum. Nota igitur, quod Antichristus primo venientibz benignitate, et miraculorum operatione, et tunc a Iudeis suscipietur, qui ei specialiter adhærebunt: ad quorum conversionem venient⁹ Elias et Enoch, et tunc Antichristus in apertam persecutionem consurget.

¹ Apoc., XIII, 43. — ² Psal. x, 9. — ³ Greg., Moral., lib. XXXII, c. XII. — ⁴ Apoc., XIII, 3. — ⁵ Matth.,

XXIV, 24. — ⁶ Apoc., I, 15. — ⁷ Apoc., XII, 4. — ⁸ Apoc., XIII, I. — ⁹ Apoc., XI, 3. — (a) Al. deest a,

CAPUT XI.

De Gog et Magog.

De Gog et Magog dicunt quidam, quod sunt decem tribus intra Montes Caspios clause: non ita tamen quin exire possent, si permitterentur, sed non permittuntur a regina Amazonum, sub cuius regno et ditione vivunt. Has dicunt *Iudei* in fine saeculi exituras, et venturas in Hierusalem, et cum suo Messia ecclesias destructuras. Alii dicunt, quod per Gog et Magog intelligitur exercitus Antichristi, qui in fine saeculi veniet ad expugnandam Ecclesiam. Per Gog enim, secundum Glossam, illi per quos latenter diabolus persequetur fideles, designantur; per Magog, illi per quos aperte Ecclesia opprimetur, vel illi qui tempore Antichristi prius occulterunt, et postmodum aperte Ecclesiam persequentur. Secundum Augustinum, Gog referatur ad gentes, Magog ad diabolum, quia *Gog* interpretatur occultatio, et *Magog* dejectio vel destitutio.

CAPUT XII.

De Elia et Enoch.

Inter occultum adventum Antichrisli, qui est per nativitatem, et manifestum ejus adventum, qui est per predicationem et apertam persecutionem, venient Elias et Enoch, et convertent, sicut dicit Malachias¹, *corda patrum in filios*; Glossa: « Ad instructionem præteriorum de fide Salvatoris, in quantum et ipsi crediderunt: et eorum filiorum ad patres eorum; » Glossa: « Quia suscipient fidem, quam illi habuerunt. » Unde et Christiani et *Judei* tunc in Christum pari religione consentient. De eorum prædicationem et sancta conversatione dicitur in Apocalypsi²: *Dabo duobus testibus meis, scilicet Eliæ et Enoch, et prophetabunt, id est, prædicabunt, dielus (a) mille ducentis et sexaginta, id est, tribus annis, sicut ipse Christus prædicavit, amicti saccis;* Glossa: « Prædicatorum pœnitentiam, et exemplum ostendentes. » *Hi sunt duæ olivæ, et duo candelabra;* Glossa: « Id est, lumen dantes alii. » Tandem Antichristus occidet eos in Hierusalem: et *iacebunt corpora eorum in plateis* tribus diebus et tribus noctibus cum dimidio, quia nullus audebit corpora eorum sepelire, propter me-

tum Antichristi. Occisores autem eorum erunt valde leti propter mortem eorum; *post dies autem tres et dimidium resurgent*, et eorum occisores audient vocem talen: « Elias et Enoch, ascendite huc: » et ascendent in cœlum in nube. Antichristus vero quindecim diebus post mortem illorum regnabit.

CAPUT XIII.

De duratione hujus Persecutionis.

Regnabit Antichristus, sicut dicit Glossa super Apostolum³, tribus annis cum dimidio. Unde Daniel⁴: *Juravit angelus per viventem in æternum, quod in tempus, scilicet unius anni, et tempora, scilicet duorum annorum, et dimidium temporis, id est, dimidii anni;* Glossa: « Hoc spatium dicitur duratura desolatio sub Antichristo. » *Nisi autem, ut dicitur in Matthæo⁵, breviati fuissent dies illi, non fuisset salva omnis caro.* Gregorius⁶: « Quia enim et superbos nos et infirmos aspicit Deus, dies quos singulariter malos intulit, misericorditer breviando dicit. » Et Glossa super Matthæo: « Ilæc tribulatio quanto ceteris gravior, tanto brevitate moderationis. »

CAPUT XIV.

De morte Antichristi.

Potestate sua Dominus occidet Antichristum, sicut dicit Glossa⁷ super Apostolum, sive per se, sive per Michaelem. Occidetur autem in monte Oliveti, in papilione et solio suo, in loco circa quem Dominus ascendit in cœlum. Interfecto autem Antichristo, non statim veniet Dominus ad judicium, secundum Glossam⁸ super Danielem; concedentur quadraginta quinque dies ad refrigerium sanctorum, et ad conversionem et pœnitentiam subversorum. Quantum autem spatium sit inter illos quadraginta quinque dies, et finem mundi, nemo scit. Ministri vero Antichristi post mortem illius gaudebunt, ducentes uxores, et dicentes: « Licet princeps noster mortuus sit, habemus tamen potestatem, pacem, et securitatem. » Et cum talia dixerint, repentinus eis⁹ superveniet interitus. *Judei* vero tunc convertentur ad fidem, et sancta Ecclesia usque ad finem pacificata quiesceret, quia tunc

¹ *Malac.*, iv, 16. — ² *Apoc.*, xi, 3 et seq. — ³ Gloss. in *I Thess.*, v. — ⁴ *Dan.*, xii, 7. — ⁵ *Matth.*, xxiv, 22. — ⁶ *Greg., Moral.*, lib. XXXII, c. xii, ante med. —

⁷ Gloss. in *I Thess.*, v. — ⁸ Gloss. in *Dan.*, xii, — ⁹ *I Thess.*, v, 3.

(a) Cæt. edil. deest diebus.

fraudulentia et sævitia diaboli penitus ubique deficiet.

CAPUT XV.

De Conflagratione mundi.

Ignis ¹ *maximus præcedet faciem judicis, quia virtute divina non solum ignis qui est in sphera sua, sed etiam omnes ignes qui in terra et super terram sunt, concurrent ad mundi conflagrationem.* Ignis autem iste habebit officium quatuor ignium, scilicet ignis infernalis, reprobos puniendo; et ignis purgatorii, bonos a venialibus purgando; et ignis terrestris, vegetabilia et sensibilia consumendo, et omnium hominum corpora incinerando; et ignis elementaris, elementa subiliando, et ad innovationem disponendo. Per illum igitur ita facies terræ exuretur, quod figura hujus mundi perihit, sicut olim factum fuit per diluvium. Et merito primum Dei judicium fuit per aquam, contra ardorem luxuriae, qui tunc viguit; ultimum vero judicium per ignem erit, contra torporem charitatis, quæ tunc ² quasi senescente mundo *refrigescet*. Istius autem ignis actio erit successiva: habebit enim initium, medium, et finem. Primo namque judicis adventum præveniet, et quasi simul per illum fiet purgatio justorum, punitio malorum, et incineratio corporum cum consumptione terre nascentium, sicut dictum est. Quo facto, statim erit resurrectio corporum cum adventu judicis ad judicium, et tunc inflammabitur totus mundus per circuitum. Terminato autem judicio, tota caliditas illius ignis exequetur sententiam judicis: involvet enim peccatores, et trahet in infernum. Et ita patet, quod ignis ille adventum judicis præveniet et præcedet, et comitabitur, et sequetur.

Post prædicta fiet mundi innovatio; sed inter purgationem et innovationem multiplex est differentia: primo, quia purgatio erit qualitatum pœnalium detractio, sed innovatio erit pulchrioris formæ inductio; secundo, quia purgatio est elementorum ab impuritate, quam habent ex conjunctione, ad puritatem mutatio, innovatio vero est cœlorum a statu veteri in statum novum commutatio, et hoc per cessationem a motu. In celis enim, propter impermixtionem, nulla impuritas est, sed tantum

imperfeccio motus: unde non erit in eis purgatio per ignem, sed a motu cessatio. Ita autem purgabuntur elementa, quod præcidetur ab igne vis combustibilis, ab aere obscuritas, ab aqua glacialis frigiditas, a terra vero gravitas et opacitas.

CAPUT XVI.

De Resurrectione generali.

Deus sicut est potentissimus in constitutione naturarum, ita est clementissimus in collatione gratiarum, et justissimus in retributione stipendiiorum. Quoniam igitur homo, vel meruit, vel demeruit in anima simul et corpore, puniatur vel præmiabitur in utroque. Unde in eisdem oportet eum resurgere.

Ad vocem autem tubæ resurgent mortui, sicut dicit ³ Apostolus. Dupliciter autem intelligitur illa vox. Secundum enim quosdam vox tubæ est imperium Christi resurgere imperantis; secundum alios vox tubæ est manifesta Christi apparitio. Unde Gregorius: « *Tubam sonare, nihil aliud est, quam mundo Dei Filium judicem demonstrare.* » Resurgent igitur omnes, nulla in eis existente differentia quantum ad ordinem temporis, sed magna quantum ad ordinem dignitatis. Nam mali resurgent deformes et passibles; in bonis autem natura servabitur, et virtus detrahentur. Omnes vero, tam boni, quam mali, resurgent integri corpore, debita statura secundum ætatem plenitudinis Christi.

Resurreccio igitur tria corriget in natura, scilicet defectum, sicut in pueris et mutilatis, sive in diminuta natura membrorum; superfluum, scilicet unguium, crinum, et hujusmodi; errorem, sicut in monstruositate membrorum. Resurgent quoque corpora eadem natura, qua (a) prius erant, et eodem numero, ex eodem pulvere in quem reducta fuerant: ita quod in quascumque auras vel sinus pulvis ille dispersus fuerit, ad eamdem animam redeat, quæ ipsum primitus, ut viveret et cresceret, animavit. Nec solum resurgent corpora quantum ad membra principalia, sed etiam salvis capillis ⁴ et cœteris membris, quæ faciunt ad decorum. Resurgent etiam homines quantum ad esse, et quantum ad integrum esse, et quantum ad decorum (b) esse; et resurget unumquodque corpus in optimo suo esse.

Et quia duplex est mors, animæ scilicet per

¹ *Psal. xcvi*, 3. — ² *Matth.*, xxiv, 12. — ³ *1 Cor.*, xv, 52; *1 Thess.*, iv, 15. — ⁴ *Luc.*, xii, 7; *xxi*, 18.

(a) *Al. quæ.* — (b) *Al. decorum.*

culpam, et corporis, per pœnam; his respondet duplex resurrectio, scilicet animæ per gratiam, et corporis per gloriam. Et sicut in primis parentibus mors culpæ intuitu mortem pœnam, ita resurrectio animæ per gratiam causabit resurrectionem corporis per gloriam. In resurrectione concurrent quatuor cause, scilicet efficiens, ipse Deus; materialis, scilicet pulvres; formalis, scilicet conjunctio corporis et animæ; finalis, scilicet¹ ut recipiat unusquisque prout gessit, sive bonum, sive malum. Resurgent tunc homines velociter, integraliter, socialiter, æternaliter. Et erit ista resurrectio justa quantum ad Deum; perfecta quantum ad resurgentibus; miraculosa quantum ad ipsam resurrectionem.

C A P U T X V I I .

De Judicio extremo.

Post resurrectionem statim erit judicium. Ipsum vero judicium prececedet trina citatio. Prima fuit per prophetas; unde illud²: *Vocavi, et renuiſtis.* Secunda, per apostolos et predicatores³: *Misit servos suos hora cœnæ dicere invitatis,* etc. Tertia erit per ultimam vocem tubæ, et haec citatio erit peremptoria.

Secundum Richardum triplex est judicium. Primum est uniforme, hoc est judicium praesentis Ecclesiæ, quæ non judicat, nisi de sola qualitate retributionum, et in genere tantum, secundum quod bona bonis, et malis mala reddentur: sed numerum et quantitatem retributionum nescit (*a*). Secundum dicitur multiforme, scilicet quod quilibet experitur in morte, accipiendo sententiam de omnibus bonis et malis quæ gessit; sed non omnia bona, vel mala, statim recipit, quia in anima tantum, et non iu corpore. Tertium dicitur omniforme, id est, ultimum judicium, quando recipit unusquisque secundum numerum et quantitatem sive bona, sive mala, in corpore et in anima.

Ultimum judicium est horribile ex omni parte, quia supra erit judex austerus et iratus; subitus, pateus infernus; intus, conscientia remordens; extra, mundus ardens; a dextris, peccata accusantia; a sinistris dæmonia terrentia; circa illa boni angeli in inferna propell-

¹ *II Cor.*, v., 10. — ² *Prov.*, i., 21. — ³ *Luc.*, xiv., 17. — ⁴ *Luc.*, xxii., 26. — ⁵ *Job.*, xiv., 13. — ⁶ *II Cor.*, v., 10. — ⁷ *I Thess.*, v., 2. — ⁸ *Prov.*, vi., 34. — ⁹ *Rom.*, vi., 21. — ¹⁰ *Dan.*, xiv., 35. — ¹¹ *Nah.*, iii., 5.

lentes; ibidem omnes sancti judicis sententiam approbantes, et omnes mali cum bonis peccata damnatorum cognoscentes.

De qualitate autem judicii nota quod erit horribile⁴: *Virtutes calorum movebuntur. Intolerabile⁵ : Quis mihi tribuat, ut in inferno protegas me?* etc. Inevitabile; Apostolus⁶: *Omnis nos oportet manifestari ante tribunal Christi. Inopinabile, quia⁷ dies Domini, sicut fur in nocte, ita veniet. Inexorabile⁸ : Zelus et furor viri non parcer in die vindictæ. Erubescibile; Apostolus⁹: *Quem fructum habuistis tunc in illis, in quibus nunc erubescitis?* Predicta vero erubescencia erit in duobus: primo, in veniendo ad judicium, quia mali cum babeant corpora ponderosa, oportet eos illuc portari ab angelis, sicut Habacuc¹⁰ portatus fuit ad lacum leonum in Babylonem; secundo, in stando coram judge, quia peccata eorum omnibus erunt manifesta. Unde illud¹¹: *Revelabo pudenda tua in facie tua,* etc.*

Locus judicii erit in valle Josaphat, et hoc multiplici ratione. Primo, quia locum judicii oportet esse communem: sed Hierusalem et terra adjacens videtur esse coniugis, cum sit quasi medius nostræ habitationis locus. Secundo, quia debet esse publicus: sed locus predictus est famosissimus propter opera nostra redēptionis, quæ ibidem gesta sunt. Tertio competit locus ille ratione negotii, quia tractandum est ibi opus misericordie et justitiae. Mons Oliveti, qui est apud illam vallem, designat misericordiam; *Josaphat* autem, quod interpretatur judicium, designat justitiam.

C A P U T X V I I I .

De Judicantibus.

Non solum secundum potestatem divinam, sed etiam in forma humana Christus judicabil: quia in jurisdictione ordinaria judicabit, ut Deus, cum tota Trinitate; sed in jurisdictione delegata judicabit, ut homo.

Unde nota, quod quinque sunt modi judicandi. Primus modus est primæ auctoritatis, quo judicabit tota Trinitas. Secundus modus est secundæ auctoritatis, quo judicabit Christus, ut homo. Tertius est accessoriæ dignitatis, quo judicabunt apostoli et viri perfecti, qui cum judge eminentius residebunt vel judicabunt, tanquam melius scientes leges et consuetudines

(a) *Cæt. edit.* scit.

regni Dei, quibus implendis et sciendis operam dederunt. Quartus est approbationis, quo iudicabunt omnes sancti, et etiam angeli. Quintus modus iudicandi est culpam iudicandorum manifestare: sic etiam mali iudicabunt.

In iudicando Christus habebit duos actus oppositos: unum passive, et aliud active. Primus vero est infirmitatis, et aliud potestatis. In primo enim advento Christus venit ad iudicium passive; in secundo veniet ad iudicium active. In primo venit in forma infirma; in secundo apparet in forma gloria. Ille est quod Christum in iudicio videbunt justi tam in natura divinitatis, quam humanitatis; a malis autem nullo modo videri poterit in forma divinitatis: et hoc dupli ratione. Primo propter defectum dispositionis in ipso vidente, quia natura sine gratia non sufficit ad Dei visionem. Secundo, propter demeritum delectationis, que est in visione divinitatis: quia videre Deum, secundum Joannem¹, vita aeterna est: quae non potest communicari reprobis.

Ex predictis patet, quod Christus apparet blandus iustis, et terribilis in iustis, sicut dicit Gregorius. Quod figuratum est in columna nubis in die, et ignis in nocte. Videbunt mali humanitatem Christi, ut timeant; et non divinitatem, ne gaudeant. Boni autem utramque Christi naturam videbunt. Stigmata quoque Christus monstrabit, et insignia passionis suae, scilicet crucem, clavos, etc. Sedebit quoque Christus supra in eminentiori loco cum sanctis; mali vero, sublus in terra, quam dilexerunt. Et merito tunc Christus iudicium exercabit, tum quia vere scit merita singulorum², in quo sunt omnes thesauri scientiae et sapientiae Dei absconditi; tum quia non est reus de aliquo illorum, de quibus iudicabit: Non enim³ fecit peccatum, nec inventus est dolus in ore ejus: et haec duo praecipue decent iudicem.

CAPUT XIX.

De Judicandis

Ordines quatuor erunt in iudicio. Quidam enim iudicabunt et damnabuntur, ut quorum merita damnabilia permixta sunt aliquibus bonis, sicut illorum, qui habuerunt fidem sine operibus. Quidam iudicabunt et salvabuntur,

¹ Joan., xvii, 3. — ² Coloss., ii, 3. — ³ I Petr., ii, 22. — ⁴ Matth., xix, 28. — ⁵ Matth., xxv, 34. — ⁶ Ibid., 41.

ut quorum merita bona permixta sunt aliquibus venialibus malis. Quidam non iudicabuntur et damnabuntur, ut quorum mala merita omnino impermixta sunt bonis, ut qui carcerunt fundamento fidei. Quidam vero non iudicabuntur, sed iudicabunt et salvabuntur, ut quorum merita bona impermixta sunt malis, sicut perfectorum pauperum Christi, de quibus in Mattheo⁴: *Vos qui reliquistis omnia, et secuti estis me, etc.*

De predictis quatuor ordinibus nota, quod omnes homines iudicabuntur iudicio retributionis, sed non iudicio disceptationis. Infideles enim, quia non fuerunt cives civitatis Dei, tanquam hostes, sine ulla meritorum discussione et auditentia punientur. Fideles vero mali, tanquam cives, cum meritorum discussione et auditentia punientur. Justi vero non iudicabuntur ut eorum merita de novo disculantur, an bona vel mala sint; sed ut bonorum præminentia omnibus manifestetur, et ut contra malos appareat justa sententia damnationis.

Duae sententiae ferentur in iudicio: una pro bonis, alia contra malos. Sententia pro bonis continet septem clausulas. Prima est amabilis vocatio, ibi⁵: *Venite.* Secunda, divina benedictio, ibi: *Benedicti.* Tertia, paterna dilectio, ibi: *Patris mei.* Quarta est remunerationis retributio, ibi: *Percipite (a).* Quinta est regni assignatio, ibi: *Regnum.* Sexta est glorie præparatio, ibi: *Quod vobis paratum est.* Septima est æterna prædestinatio, ibi: *Ab origine mundi.*

Item sententia contra malos continet in ipsa sex clausulas. Primo, a Deo separationem, cum dicitur⁶: *Ite.* Secundo, maledictionem, ibi: *Maledicti.* Tertio, incarcerationem, per hanc præpositionem, *In*, designatam. Quarto, penæ acerbilatem, ibi: *Infernem.* Quinto, liberationis desperationem, ibi: *Æternum.* Sexto, dæmonum associationem, ibi: *Qui paratus est diabolo, et angelis ejus.*

CAPUT XX.

De innovatione mundi.

Terminato iudicio, statim erit innovatio mundi, que non complebitur quandiu peccator est in mundo, id est, quousque detrudatur in infernum. Sicut enim ille maximus ignis elementa purgabit, cum habeat virtutem expul-

(a) Vulg. possidete.

sivam formæ extrinsecas ; sic mundum innovabit, cum habeat virtutem subtiliativam.

Mundum autem innovari, id est, pulchriorem formam accipere, ostenditur multiplici ratione : primo, quia sicut dignum fuit, quod elementa purgarentur, pro eo quod infecta erant propter peccatum hominis, ita dignum est ut mundus innovetur, propter glorificationem hominis. Secundo, ut creature remunerentur pro labore, quo homini servirunt. Tertio, ut totus mundus, prout est possibile, conformetur homini glorificato. Quarto, quia mundus faetus est, ut homo nunc per speculum creature Deum cognosceret, quem in sua natura videre non potuit. Unde in futuro oportet speculum meliorari, et purgari, ut in pulchritudine creaturarum amplius resuleat species Creatoris : hoc autem non erit ad necessitatem, quasi Deus aliter videri non possit, sicut modo; sed ad jucunditatem, ut scilicet delectationi visionis intellectualis addatur delectatio visionis sensualis.

Orbes autem colestes et sidera, propter impermixtionem, nulla indigebunt purgatione, sicut elementa; sed tantummodo motus cessatione : et ideo innovabuntur, sed non purgabuntur. Innovatio autem in illis duo requirit, scilicet motus cessationem, et claritatem splendoris ampliorem, quando stabit Sol in Oriente, et Luna in Occidente, ubi creati sunt. Ita quod dicti haec est ratio, quia corpora superiora facta sunt ad usum hominis dupliciter : uno modo, propter necessitatem corporis, scilicet statum generationis et corruptionis, et ideo cessante illo cessabit motus; alio modo, propter delectationem in pulchritudine creaturae, et propter cognitionem Dei in illis : ideo lux illorum non cessabit, sed magis augebitur.

Circa elementa autem nota, quod terra erit sicut crystallus, et complanabitur. Aer erit clarior, nec habebit impressiones quas modo habet, quia non erunt nubes, neque venti, neque pluviae, neque ros, neque nix, neque tonitrua, neque fulgura. Ignis etiam et aqua fiuent puriores, et manebunt non solum secundum substantiam, sed etiam secundum suas qualitates, quas habebunt quantum ad habitum, sed non quantum ad usum : quia cum in his duabus elementis magis vigeant qualitates activae, scilicet frigiditas in aqua, et caliditas in igne, magis sunt generationis et corruptionis principium : et talis effectus illorum non erit amplius : propter hoc dicuntur interire. Vel

ideo secundum aliquos dicuntur haec duo elementa interire, quia Dominus ea intercidet in illis, teste Basilio super Psalmos¹ : *Vox Domini intercedens flammam ignis*, ita quod calidum ustivum et frigidum glaciale tendent inferius, perspicuum autem in aqua, et lux in igne manebunt : quia de omnibus elementis ignobilis tendet deorsum, sicut grossum, et terrenum, et opacum, ac tenebrosum, et hujusmodi.

Patet ergo quod cœlum et terra transibunt quantum ad formam; sed non quantum ad substantiam. Patet etiam ex praedictis terminari transmutationes elementorum, et generationes animalium et plantarum, quia cause illorum cessabunt : et propter ista dicuntur elementa interire, non quantum ad substantiam, sed quantum ad actionem et passionem. Corpora vero cœlestia, habita quiete et lumine clariori, dicuntur renovari. Verumtamen illa, que, sicut dictum est, intereunt, in hominie salvabuntur, qui similitudinem habet cum omni genere creature, et propter haec in hominis innovatione et glorificatione possunt dici omnia renovari.

CAPUT XXI.

De pœnis Inferni.

Sicut patet divina potentia in creando, sapientia in gubernando, clementia in reparando, sic patebit divina justitia in puniendo. Digum est enim, ut non remaneat dedecus culpe sine decoro justitiae.

Licit autem peccatum sit transitorium, tamen erit poena perpetua multiplici ratione. Prima, quia homo peccavit in suo æterno, ideo punietur in æterno Dei. Secunda, quia materia ignis infernalis est æterna, sic et peccati macula : ideo et poena. Tertia, quia peccatum est contra illum, qui est infinitus : unde et poena debet ei esse infinita, non quidem acerbitate, sed duratio. Quarta, quia homo per peccatum perimit in se bonum, quod posset esse æternum bonum : et ideo merito perpetuum incurrit malum. Quinta, quia mala voluntas reproborum æternæ est: vellet enim in peccato, si possent, perpetuo delectari : et ideo perpetuo debent puniri. Sexta, quia in infinitum errat rationabilis, cum præponit finitum infinito in judicando; similiter concupiscibilis in appetendo, et irascibilis in adhærendo : unde et merito poena erit

¹ *Psalm. xxviii, 7.*

infinita. Septima, quia damnatus de peccato perpetrato nunquam habebit veram penitentiam: ideo Deus nunquam mutabit punitiois illius sententiam. Octava, quia peccatum a vita perpetua separat, scilicet a Deo: ideo mortem perpetuam peccator incurrit.

Post rationes inducam exempla de eadem materia. Videmus enim quod emptio momentanea dat jus possidendi perpetuum. Item vulneratio momentanea dat mortem perpetuam. Item casus in foveam temporalis est, detentio perpetua. Item crimen læse majestatis temporale est, servitus perpetua. Item plaga temporalis est, livor perpetuus.

Quoniam in peccato est delectatio cum contemptu Dei, merito precipitatur peccator in locum infimum et despectum, et maxime a statu glorie Dei elongatum, scilicet in infernum, ubi a despectis rebus puniatur, scilicet a facibus corporum mundanorum, quia in innovatione mundi quidquid est ignobile in mundo, ad locum pœnarum desfluet, et ibi horrorem carceris multiplicabit.

CAPUT XXII.

De diversitate Pœnarum.

Cum in damnatis sit diversitas peccatorum, erit et diversitas pœnarum. Unde cum in peccato sit aversio a Creatore, et conversio ad bonum commutabile, et deordinatio voluntatis contra dictamen rationis, merito pena variabitur propter ista. Unde propter aversionem erit carentia visionis divinæ, sed propter conversionem erit pena materialis incendi; propter deordinacionem autem rationis et voluntatis erit pena universalis, quæ consistit in afflictione varia, acerba, et æterna.

Ignis autem infernalis non omnes æqualiter cruciabit, sed ab eodem igne alii plus, alii minus torquebuntur, secundum quod plus aut minus peccaverunt, sicut ab eodem igne aliter uritur palea, et aliter lignum.

Quamvis autem ignis ille sit corporeus, nec possit agere in spiritum, ipsum calefaciendo; agit tamen in ipsum¹, ut instrumentum divinæ justitiae, ipsum lædendo: et ille dolor est maximus, tum propter potentiam divinæ manus ip-

sum ignem moventis, tum propter sensibilitatem patientis, tum propter immediationem conjunctionis.

Infernum est locus tenebrosus, cum sit locus justitiae. Lumen autem, cum sit delectabile, tamen ingerit tristitiam per accidens, scilicet in quantum ostendit aliiquid triste. Unde in inferno est aliiquid obscuri luminis, quo damnati videre possint unde doleant, et non unde lœtentur.

Reprobi vident² usque ad diem judicii gloriam beatorum in universali, non in particuliari, quia vident eos in magna gloria, sed non in quali. De hujusmodi autem visione non latantur, sed tristantur, tum propter invidiam alienæ felicitatis, tum propter carentiam propriae beatitudinis. Post judicium vero ad proprias pœnas ita deflectetur eorum consideratio, quod de sanctorum gloria non cogitabant.

In damnatis erit fletus³ spiritualis, scilicet dolor interior, et non fletus corporalis, qui est cum resolutione lacrymarum, quia cessante cœli motu, nulla jam erit generatio vel corruptio. Vermis autem, quem Dominus in Isaia⁴ comminatur, nequaquam materialis est, quia nullum animal præter hominem remanebit. Erit autem ibi vermis conscientiæ, rodens animam, et non corpus. In summo loco sola est lætitia; in loco infimo sola est tristitia; in medio, hoc est, in mundo, haec sunt modo permixta.

Post diem judicii tria tantummodo loca erunt habitata, scilicet cœlum, infernum, et limbus. Quot sint loca pœnarum, require in libro quarto, *De Descensu Christi ad inferos*⁵.

Octo genera pœnarum in legibus esse scripsit Tullius, scilicet damnum, vincula, verbera, talionem, ignominiam, exilium, mortem, servitutem. Haec omnia possunt pœnis infernalibus adaptari. Primum palet, quia damnati amiserunt Deum, et omnia bona tam gratiæ, quam gloriæ, non solum in re, sed etiam in spe. Non remanebit⁶ testa, ut hauriatur parum aquæ de fovea, scilicet divinæ misericordiæ, aut deportetur igniculus^(a) de incendio, scilicet charitatis: quia, secundum Jeremiam⁷, transit æstas, consummata est messis^(b). De secundo⁸: *Ligatis manubibus et pedibus*, etc. De tertio⁹: *Mallei percussientes impiorum corporibus*. Istud autem non intelligitur de malleis materialibus, sed de di-

(a) Vulg. portetur ignis. — (b) Vulg. transit messis, finita est æstas.

¹ *Luc.*, *xvi*, 21. — ² *Ibid.*, *23*. — ³ *Matth.*, *xiii*, 42.
— ⁴ *Isa.*, *lxvi*, 24. — ⁵ *Vid. sup.*, *lib. IV*, *c. xxii*,
p. 165. — ⁶ *Isa.*, *xxx*, 14. — ⁷ *Jerem.*, *viii*, 20. —
⁸ *Matth.*, *xiii*, 43. — ⁹ *Prov.*, *xii*, 29.

versitate poenarum , quibus impii malleantur. De quarto¹: *Quantum glorificavit se, et in deliciis fuit*, etc. De quinto²: *Facies combustæ vultus eorum*. Imo tam ignominiosum erit corpus peccatoris, quod anima resumens ipsum stuperbit, quando tam terrible illud videbit, et vellet habere tale , sicut fuit quando dimidium comestum fuit a vermis. De sexto³: *Projicit (a) eum in tenebras*, etc. De septimo, Gregorius: « Ibi mors semper vivit : » et hæc, sicut dicitur in Apocalypsi⁴, erit mors secunda. De octavo⁵: *Princeps provinciarum facta est sub tributo*.

Nota , quod damnati sub tributo poenarum semper servient, et tamen nunquam persolvent. Ex prædictis collige, quod erit ibi calor ignis, rigor frigoris^(b), tenebrae, fumus, lacryme, mœrores, aspectus dæmonum, clamor improperii, ariditas, sitis, fætor sulphuris, vermis conscientiae, vinecula, carcer, timor, dolor, pudor, invidia, rancor, carentia visionis divinae, ablatio spei omnis salutis. Ipsum etiam esse, quod omnis creatura appetit, erit eis pœna, quia^(c) querent mortem naturalem, et non convenient. Ibi erit, sicut ait Dionysius, proterva phantasia, demens concupiscentia, et furor irasibilis.

CAPUT XXIII.

De Gloria Sanctorum.

Unumquodque tanto perfectius est, quanto magis conjungitur essendi principio. Homo autem, qui perfectum esse expectat, duplicum habet finem ultimum : unum extrinsecum , qui est beatitudo creata, quæ nos in patria beatificabit formaliter; alium habet finem intrinsecum , qui est beatitudo increata, quæ nos beatificabit effectice, scilicet ipsum Deum. Prima , scilicet beatitudo creata, est tanquam finis quo ; secunda vero , scilicet increata, tanquam finis in quo quiescitur.

Alio modo judicabant philosophi de beatitudine; sed male. Dicebant enim Stoici beatitudinem in virtute animi consistere; Peripatetici vero, in cognitione veritatis; Epicurei autem , in voluptate. Nos autem dicimus duplicum esse beatitudinem, sicut dictum est : Deus enim remunerat suos secundum merita; Apostolus⁷ : *Unusquisque propriam mercedem accipiet* , etc.

¹ *Apoc.*, XVIII, 7. — ² *Isa.*, XIII, 8. — ³ *Math.*, XXII, 13. — ⁴ *Apoc.*, XX, 14. — ⁵ *Thren.*, I, 1. — ⁶ *Apoc.*, IX,

Propter merita⁸ : *Gratiam pro gratia.*⁹ *Ite et vos in vineam meam*, etc. Supra merita; unde illud¹⁰ : *Mensuram bonam, et confertam, et coagitatam*, etc.

CAPUT XXIV.

De Dotibus in communi.

Dos in patria est illud, quod immediate animam Deo conjungit, ut est visio, dilectio, et comprehensio. Sunt enim dona quædam patriciae, sicut est sapientia et intellectus, que licet Deo animam conjungant, non tamen sine babitu medio : et propter hoc non dicuntur dotes, sed animæ premiationes. Dotes enim non appellantur dona quælibet, quæ dantur animæ in introductione sui in gloriam; sed dona præcipua, per quæ ad actum vitæ gloriose disponiturn : sicut in præsenti non appellatur proprie dos quodcumque donum datum sponsæ in sua traductione, sed donum præcipuum de quo sustentari debet.

Dotes sunt duplices : quædam enim sunt a parte animæ, quibus Deo, tanquam principio vite sue, sine babitu medio conjungitur, et per quas introducitur in amplexus sponsi sui indissolubiles , et fruitionem ejusdem ; quædam vero dotes sunt ex parte corporis, quibus ipsum corpus subjicitur animæ sue , tanquam principio vite sue , ne per ipsum anima ab actu glorie retardetur.

Notandum autem quod dotes animæ sunt de præmio substantiali, dotes autem corporis de præmio accidentalali. Christus dotes non habet, quia¹¹ sponsus est : sed anima sponsa : et est dos possessio sponsæ, quæ usum ejus habebit post mortem viri. Similiter, nec angeli dicuntur habere dotes, quia cum in nuptiis sit consensus animorum et unio corporum, secundum non est in angelis, licet primum habeant. Unde angeli non possunt dici sponsæ, ut homo : ergo nec dotes proprie habebunt.

Sponsis carnalibus dantur tria, scilicet dos, donatio propter nuptias , et parapherna. Dos autem est donatio facta sponsæ ex parte patris, et hoc ad usum sponsi propter onera matrimoniī , sed ad possessionem sponsæ. In divinis autem Deus Pater dat sponsæ dotem ad possidendum , sed sponso Christo ad gloriam et

6. — ⁷ *1 Cor.*, III, 8. — ⁸ *Joan.*, I, 16. — ⁹ *Math.*, XX, 7. — ¹⁰ *Luc.*, VI, 38. — ¹¹ *Joan.*, III, 29. — (a) *Vulg.* *millile*, seu *(xxv, 38)*, *ejicite*. — (b) *Al.* *stridor rigoris*.

honorem, et non ad usum, quia ¹ bonorum nostrorum non eget. Donatio autem propter nuptias est, quæ a sposo datur sponsæ : et hoc erit in futuro gaudium quod habebit anima in visione Christi hominis. Parapherna sunt, quod habet sponsa præter dotem, sicut sunt munera, quæ ei dantur ab amicis, et hujusmodi : istud erit in patria per gaudium quod habebit anima de societate beatorum, et de congratulatione felicitatis eorum.

CAPUT XXV.

De Dotibus animæ in generali.

Dotes animæ sunt tres, scilicet cognitio, dilectio, et inhesione sive tentio, quæ a quibusdam appellatur comprehensio, a quibusdam vero fruitio. Harum dotium numerus multipliciter accipitur: primo ex parte virtutum theologiarum, quia cognitio succedit fidei, dilectioni vero charitati, comprehensio autem spei. Accipitur alio modo ex parte potentiarum animæ. Cognitio autem potest appropriari intelligentiae, dilectioni voluntati, comprehensio memorie. Appropriantur etiam a quibusdam aliis tribus potentiarum, scilicet rationali, concupiscibili, et irascibili. Sensitiva non possunt intelligi, quia Deus non est objectum potentiarum sensitivæ, sed intellectivæ. Possunt etiam praedictæ dotes accipi secundum tria, quæ tribus personis appropriantur: ita ut comprehensio respiciat Patris potentiam; cognitio, Filii sapientiam; et dilectionis, bonitatem Spiritus sancti. Circa istas dotes nota, quod cognitio rei visæ in se ponit præsentiam, comprehensio ponit rei contingentiam, dilectionis ponit amantis ad rem amatam colligantiam.

CAPUT XXVI.

De Dotibus animæ in speciali.

Prima dos animæ est cognitio, qua divina essentia videbitur tota ab omnibus, sed non totaliter prout est infinita. Videbitur tamen divina essentia limpidius ab uno, quam ab alio: et iste defectus erit ex parte videntis, non visi, quia idem erit visum. Beatitudo autem consistit in perfecta operatione potentiarum altissimæ, scilicet intellectivæ, et circa objectum altissimum, scilicet Deum. Ex parte igitur objecti, cum sit

¹ Psal. xv, 2. — ² I Joan., iii, 2. — ³ I Cor., xiii, 12.

unum simplicissimum, nulla potest esse diversitas; sed ex parte potentiarum: nam in quantum una potentia magis erit perfecta lumine gloriae, quam altera, tanto perfectius operabitur circa unum et idem subjectum, sive objectum, sicut idem sol diversimode a diversis aspicitur, vel eadem littera a diversis legentibus, secundum quod oculus est magis, vel minus dispositus.

Tribus modis cognoscitur aliquid: vel (*a*) secundum quod est, vel sicut est, vel quantum est (*b*). Primo modo cognoscitur Deus in via etiam a malis; secundo modo videbitur in patria a bonis. Unde Joannes ³: *Similes ei erimus, quoniam videbimus eum sicuti est*, id est, suam maiestatem, claritatem, et bonitatem. Tertio modo nec a bonis videbitur, nec a malis, nec in via, nec in patria, quia finitum nunquam capiet infinitum. Videbimus tamen Deum in se, et Deum in nobis, et nos in Deo, et Deum in creaturis, et creaturas in Deo.

Cognoscere autem Deum in sua essentia, est visio meridiana; cognoscere vero creaturas in Verbo, est visio matutina; sed cognoscere creaturas in se, hoc est, in proprio genere, appellatur visio vespertina. Videbit enim unusquisque cogitationes alterius, prout vult ipse cogitans manifestare. Unde Gregorius: « Uniuscunque mentem ab alterius oculis corpulentia non abscondet. » Videbunt itaque justi Deum, ut gaudeant; videbunt gloriam sanctorum, ut congaudeant; videbunt quoque pœnas reproborum, ut de evasione periculorum gratias agant.

Ad sciendum autem qualiter Deus sine medio videatur, nota quod triplex est medium, scilicet differens, obnubilans, et disponens. Sime medio igitur differente videbitur Deus, quia Dei visio non est per distantiam, sed per præsentiam, cum ipse sit essentialiter ubique. Videbitur etiam sine medio obnubilante, quia tolletur ³ speculum et ænigma, quæ ambo sunt in via. Cum enim visus noster in præsenti non possit propter debitatem in excellentem lucem figi, necesse est habere medium, scilicet speculum creature. Quia vero infinita est distantia inter speculum, et rem visam; propter hoc obscure reluet ibi similitudo: unde videamus in ænigmate, id est, obscure. Videbitur quoque sine medio similari, quia Deus cognoscetur in seipso, et non per aliquam abstractam similitudinem: alias creature esset terminus,

(*a*) *Cœt. edit. deest vel.* — (*b*) *Item vel quantum est.*

et Deus non esset vere finis omnium. Non autem videbitur Deus sine medio disponente, quod est gratia et gloria. Oportet enim proportionem esse inter videntem et visum : hec autem dispositio erit ex parte videntis, et non rei visae.

Sciendum autem quod multiplex est medium. Primum est medium peccati¹: *Peccata vestra divisorunt inter vos et Deum vestrum* : istud est medium impiorum. Secundum est medium creaturæ; Apostolus²: *Invisibilia Dei a creatura mundi, per ea, quæ facta sunt, intellecta, etc.* : hoc est medium philosophorum. Tertium est medium figuræ; Apostolus³: *Omnia in figura contingebant illis*: hoc est medium prophetarum et patriarcharum. Quartum est medium scripturae⁴: *Declaratio sermonum tuorum illuminat, et intellectum dat parvulis*: hoc est medium theologorum. Quintum est medium fidei⁵: *Esto fidelis usque ad mortem, et dabo tibi, etc.* : hoc est medium fidelium, quo tanquam in ænigmate vident Deum.

Secunda dos animæ est dilectio; sed inter dilectionem et virtutem differentia est duplex: una est secundum habitum, quia virtus est proprie illud, quod transuit de statu gratiae ad statum glorie; dos autem est id, quod supra meritum datur in inductione response. Alia est differentia, ut penes objectum, quia licet objectum utrobique erit Deus, non tamen secundum quod Deus: sed erit objectum virtutis in quantum est summa bonitas; objectum autem dotis, in quantum unibilis in unum spiritum.

Nota quod fides et spes secundum rem evanescuntur⁶ in patria; charitas vero neque secundum rem, neque secundum actum ejus evanescit, sed solum secundum modum, quia imperfectio ejus tolletur. Dicit autem Augustinus, quod fidei succedit spes, quam videbimus; spei vero succedit beatitudo, ad quam perventuri sumus; sed charitati nihil succedit, sed potius augebitur.

Tertia dos animæ est comprehensio, que est tentio visi et amati, vel tentio veri boni et præmii: et istud verum est, prout comprehendere sumitur pro attingere, et non pro circumplete divinam immensitatem.

CAPUT XXVII.

De Dotibus corporis in generali.

Unaquæque pars perfectius habet esse in suo toto, quam in se. Unde sicut anima nunc a cor-

pore corruptibili separata perfectius habet esse, quam ei conjuncta, sic in futuro reconjuncta corpori incorruptibili perfectius esse habebit, quam modo separata: maxime cum non impediat tunc a corpore, sicut modo; qui potius de glorificatione corporis habebit tunc gaudium speciale.

Dotes corporis sunt quatuor, quarum numerus sic habetur. Nam ad hoc quod corpus perfecte subjectum sit animæ, nec impeditat eam in operibus gloriæ, qualuor requiruntur, quorum duo pertinent ad sensum, alia duo pertinent ad motum. Quoad sensum duo requiruntur: unum, ut sit facile receptibile specierum sensibilium, ad quod disponit claritas; alterum, ut non sit receptibile passionum ignobilium, ad quod disponit impassibilitas. Quoad motum etiam duo requiruntur: unum est, ut per contrariam inclinationem non resistat suo motori, ad quod disponit agilitas, aliud, ut corpora, per que mouentur, non resistant ei, ad quod disponit subtilitas.

Alia sufficientia talis est, quia in homine quadruplex est compositio. Prima est qualitatum contrariarum: hæc compositio tunc erit perfecta, quando qualitates ita æquabuntur, ut nulla sit pugna unius contra aliam: et hoc faciet impassibilitas. Secunda est compositio materiae cum forma: hæc autem compositio tunc erit perfecta, quando materia vincetur a forma: penes hanc perfectionem sumitur subtilitas. Tertia est compositio corporis organici cum anima: perfectio istius compositionis est, quod omnia organa sine impedimento sint mobilia ab anima: penes hanc perfectionem sumitur agilitas. Quarta compositio est corporis cum spiritibus lucidis, quibus mouetur corpus ab anima: et huic compositioni secundum perfectum statum respondet claritas.

Tertio sumitur predictarum dotum numeros secundum proprietates, que sunt in clementis. Nam penes aquæ transparentiam sumitur claritas; penes terræ soliditatem sumitur impassibilitas; penes tenuitatem ignis sumitur subtilitas; penes mobilitatem aeris sumitur agilitas.

Quarto sumuntur istæ dotes secundum quatuor defectus, quos habet corpus humanum a quatuor elementis, de quibus componitur. Habet enim corpus humanum ab igne caliditas,

¹ Isa., LIX, 2. — ² Rom., I, 20. — ³ I Cor., X, 6. —

⁴ Psal. CXVIII, 130. — ⁵ Apoc., II, 10. — ⁶ I Cor., XIII, 13.

tem, 'et inde nigredinem; a terra grossitatem; ab aere passibilitatem; ab aqua frigiditatem, et inde tarditatem. Sed tolluntur per quatuor dotes corporis.

Christus assumpsit quatuor dotes ante passionem suam, sicut dicit Ilugo de Sancto Victore: claritatem, in transfiguratione; agilitatem, quando ambulavit supra mare; subtilitatem, in nativitate, quia salva virginali integritate matris natus fuit; impassibilitatem, in cena, quando corpus suum discipulis suis manducandum dedit.

CAPUT XXVIII.

De Dotibus corporis in speciali.

Prima dos corporis est claritas. Sed nota quod aliquid dicitur clarum dupliciter: aut quia pervium, sicut dicitur vitrum *clarum*; aut quia lucidum, sicut dicitur stella *clara*. Corpus autem glorificatum erit et pervium et lucidum: unde utroque modo erunt corpora clara. Duo enim sunt, quae nunc causant obscuritatem in humano corpore: unum est materia impuritas; alterum, luminis paucitas. Tunc vero tolletur utrumque, scilicet illa impura densitas, et obscuritas quae ex modicitate luminis est: et ideo erunt corpora clarissima.

Nota quod corpora glorificata, septies tunc erunt clariora, quam sol sit modo, sicut Dominus ait: *Quia justi fulgebunt sicut sol*. Sed teste Isaia²: *Erit lux luna sicut lux solis, et lux solis septempliciter sicut lux septem dierum.*

Sciendum quoque quod corpora sanctorum non erunt aequaliter clara, quia melior anima habebit corpus lucidius. Unde licet corpus Christi supra modum excedat claritatem aliorum; tamen, in comparatione sanctorum, potest claritas ejus assimilari claritati solis, secundum illud Malachiae³: *Vobis timentibus nomen meum orientur Sol justitiae*, id est, Christus. Claritas sanctorum potest respectu Christi comparari claritatibus stellarum; unde Apostolus⁴: *Stella differt a stella in claritate*, hoc est, quod sancti plus vel minus lucent, secundum differentiam meritorum. Claritas vero puerorum, qui post baptismum moriuntur, antequam veniant ad annos discretionis, comparari potest lumini lunae, quia, sicut luna non habet lumen a se, sed a sole, ita isti non habent gloriam ex me-

rito proprio, sed ex merito Christi: baptismus enim ex passione Christi habet efficaciam.

Secunda dos corporis est impassibilitas, quae resultat ex virtute animae corpus suum potenter continentis, ita ut a nullo exteriore agente valeat immutari. Præterea, quamvis corpora sanctorum sint composita ex contrariis, illa tamen contrarietas erit ad omnimodam aequalitatem et concordiam redacta.

Dixerunt quidam, quod impassibilitas sanctorum corporum resultabit ex natura quinti corporis, id est, quintæ essentiæ. Sed hoc non est verum, quia nihil de quinto corpore venit in compositionem materiale corporum inferiorum.

Differentia est inter impassibilitatem sanctorum, et Adæ in statu innocentiae, et puerorum, quia impassibilitas sanctorum erit non posse pati; impassibilitas Adæ fuit posse non pati; impassibilitas puerorum in limbo erit nihil pati: et hoc, non ex (a) potentia resistendi lesionis (b) extrinsecæ, quam non habebunt, sed ex ordinatione divinæ misericordiae, quæ non permittit aliquid eis adhiberi per quod possint laedi. Ex quo patet, quod si tales pueri penerentur ad ignem post resurrectionem, laederentur ab eo, nisi obstaret divina misericordia. Secus est de corporibus glorificatis, quæ etiam si penerentur in inferno, non sentirent aliquam lesionem.

Subtilitas est tertia dos, quæ aufert grossitatem corporis causatam ex materialitate elementi, et compositione elementarium qualitatum. Nota ergo, quod duplex est subtilitas: una ex raritate partium stantium non propinqua, sed ex tali subtilitate efficitur corpus facile divisibile, et ea non erit in corporibus glorificatis; alia est ex perfecta victoria formæ super materiam: et hujusmodi subtilitas est unita substantiæ, sicut dicitur cœlum subtile: et hoc modo erunt corpora sanctorum subtilia.

Et est sciendum, quod sicut duo corpora non glorificata non possunt esse simul in eodem loco, sic nec duo glorificata. Alioquin sequeretur inconveniens, scilicet quod in unoquoque corpore glorificato esset potentia agendi ac intrandi partes alterius corporis; in alio vero esset potentia resistendi: corpus vero glorificatum potest esse simul in eodem loco cum corpore non glorioso. Nam sicut in cor-

¹ *Math.*, XIII, 43. — ² *Isa.*, XXX, 20. — ³ *Malac.*, IV, 2. — ⁴ *Cor.*, XV, 41.

(a) *Cat. edit.* est. — (b) *lesionis.*

poribus non gloriōsis ipsa grossities impedit, ne duo corpora possint esse in eodem loco, quia unum alteri resistit; ita grossities ista per glorię subtilitatem tollentur, adeo quod corpus non gloriōsum non possit resistere gloriōso: ita quod corpora gloriōsa penetrabunt alia corpora, non ea dividendo, sed subinfrando, manente distinctione dimensionum utriusque corporis.

Quarta dos corporis est agilitas, quæ tanta erit, sicut dicit Augustinus¹, quod protinus, ubi volet spiritus, ibi erit et corpus. Verumtamen sicut melior anima habebit corpus lucidius, (a) ita et agilius: ita tamen quod voluntas Sanctorum erit omnino conjuncta rationi. Unde voluntas eorum nunquam appetet, quod non debet. Sed enim voluntas animæ melioris volet rationabiliter citius moveri corpus suum, quam alterius; et spiritus minoris glorie non volet corpus suum tam cito moveri, sicut alterius. Unde patet quod in omnibus verificabitur dictum Augustini, quod ubi volet spiritus, protinus erit et corpus. Quare corpora modo sunt tarda, et tunc agilia, hæc est ratio, quia tunc in corpore duplex est motor, scilicet natura elementi prædominans, quæ movet ad medium locum, et voluntas animæ, quæ movet indifferenter ad quilibet locum. Nunc autem corpora tarda sunt ex contraria inclinatione natura ad voluntatem, quia terra prædominans naturaliter deorsum trahit; in futuro autem natura erit totaliter subjecta voluntati: unde et tunc corpus movebitur ad imperium spiritus.

CAPUT XXIX.

De Aureolis in genere.

Aureola est mentis speciale gaudium, veniens ex opere præcellenti et privilegiato. Sciendum autem quod sicut ex gaudio præmii essentialis, quod est aurea, redundant in corpore quidam decor, qui est gloria corporis; ita et ex aureole gaudio resultat aliquid speciale in corpore, ut sic aureola non tantum principaliter sit in mente, sed per quamdam redundantiam fulgeat etiam in carne.

Sciendum autem quod decor cicatricum, qui in martyrum corporibus apparebit, non potest dici aureola, quia martyres aliqui cicatrices non habebunt, utpote qui submersi sunt, vel

¹ Aug., *de Civit. Dei*, lib. XXII, c. xxx. — ² Exod., xxvii, 1 et seq.; xxxv, 12 et seq.

famis inedia, vel squalore careeris interempti; et tamen isti aureolam habebunt.

Tribus generibus hominum debetur aureola: quod patet multiplici ratione. Primo ex operibus excellentissimis trium animæ potentiarum: excellentissimum aulem opus concupisibilis, est observatio castitatis virginalis; excellentissimum vero opus rationalis, est prædicatio veritatis; excellentissimum opus irascibilis, est perpassio mortis. Unde patet quod virginibus, prædicatoribus, et martyribus debetur aureola.

Secundo patet horum numerus et sufficientia ex hostibus, quos per pugnas magnificas vincimus, qui sunt mundus, caro, dæmonia. Martyres enim vineunt mundum; virgines, carnem; prædicatores, diabolum, quem non solum de se, sed etiam de cordibus aliorum expellunt.

Tertio patet id per victoriam triplicium passionum. Sunt enim passiones innatae, illatae, et in cordibus alienis inflictæ (b). Sed passiones innatas superant virgines; illatas, martyres; illas autem quæ sunt in cordibus alienis, prædicatores.

Quarto distinguuntur aureole secundum ea quibus Christo nobilissime conformamur. Christus enim fuit docter, veritatem mundo manifestando; martyr, a mundo passionem et mortem sustinendo; virgo, puritatem servando.

Quinto sumuntur aureole secundum præfigurationem in Veteri Testamento. Tria namque habebant aureolas, ut legitur²: scilicet altare incensi, arca foederis, et mensa propositionis. Prima significat aureolam martyrum, qui corpora sua super altare passionis immolaverunt. Secunda significat aureolam virginum, quia sicut arca foederis fuit intus et extra auro decorata, ita virginitas mentem et corpus decorat et ornat. Tertia significat aureolam prædicatorum, qui sunt in mensa propositionis ministrantes panes prædicationis et doctrinæ.

Aureola diminutiva dicitur, et hoc in comparatione ad *auream*. Unde nota, quod inter auream, et aureolam, et palman est differentia. Aurea enim præmium est substantiale, quod metaphorice dicitur corona: tum ex parte meriti, quia non respondet generi operis, sed radici charitatis; tum ex parte præmii, quia per hoc efficitur homo particeps divinitatis, et

(a) Cat. edit. add. et. — (b) Forte leg. insculptæ vel inuolitæ.

per consequens regiae potestatis; tum etiam ratione perfectionis, quod significat figura circularis. Aureola vero est primum accidentale, non tamen quodlibet accidentale, sed illud quod respondet operi excellenti et privilegiato, scilicet virginitati, martyrio, et predicationi. Palma est premium accidentale, quod nec radici, nec operi debetur, sed voluntati. Tale primum habuit sanctus Martinus, eo quod martyrium desideravit, licet opus non fuerit subsecutum: unde de ipso cantatur¹: *Quam, scilicet animam, etsi gladius persecutoris non abstulit, tamen palnam martyrii non amisit.* Hec autem palma nec aurea, nec aureola debet dici.

CAPUT XXX.

De Aureolis in specie.

Aureola prima debetur martyribus, in quibus est perfectissima Victoria de impugnatione exteriori; et haec perfectio victoriae consideratur ex duobus: primo, ex magnitudine passionis, quia inter omnes passiones illatas exteriorius, mors supremum tenet locum. Et praeterea dolor tactus omnibus aliis doloribus preminet: et ideo in hoc gloriosior Victoria est. Secundo consideratur ex causa pugnæ, quæ ipse Christus est. « Martyrem enim² non facit poena, sed causa, » id est, mors propter Christum suscepta.

Sciendum autem quod martyrio non debetur primum secundum quod ab exteriori, sed secundum quod voluntarie pro Christi nomine sustinetur: quia non meremur nisi per ea quæ sunt intra nos, noui per ea quæ sunt extra nos, sicut nee demeremur nisi per ea quæ sunt intra nos. Quanto autem id quod quis voluntarie sustinet, difficultius est voluntari sustinere, tanto voluntas, quæ propter Christum id sustinet, ostenditur firmius in Christo fixa: et ideo excellentius ei primum debetur.

Aureola secunda debetur virginibus, propter singularem victoriam, quam de carne obtinent, contra quam quotidie bellum geritur. Quamvis autem et viduae pugnant contra carnem, perfectius tamen virgines triumphant, quia nobilissimum genus victoriae est nunquam hosti cessisse. Illis autem virginibus tantummodo debetur aureola, qui vel quæ habuerunt

propositum servandi virginitatem, quamvis hoe propositum sit interruptum, integritate tamen carnis manente: dummodo in fine vite inveniantur ad primum propositum rediisse, quia virginitas mentis reparari potest, sed non virginitas corporis, sive carnis. Si aliqua sit carne virgo, etiamsi propositum non habuit perpetuo servandi virginitatem, non est tamen dubium quin habitura sit speciale gaudium de incorruptione carnis, et superessentiale gaudium: sicut etiam innocentiae de hoc gaudent, quod immunes a peccato fuerunt, quamvis peccati opportunitatem non habuerunt.

Nota quod aliqua potest corrumpi carne, nec tamen aureolam amittit: sicut illa, quæ violenter opprimitur. Unde sancta Lucia dixit: « Si invitamus me corrumpas, merces mihi duplicabitur ad coronam. » Quod non est intelligendum de aureola duplicita, sed quia duplex primum reportabit: unum pro integritate servata; aliud pro injuria, quam passa est.

Insuper sciendum est, quod virginibus debetur fructus centesimus³: et hoc, quia coelestem vitam ducunt, quæ significatur per C, quia numerus ille de lava transit ad dexteram. Videlicet debetur fructus sexagesimus, quia tales exercere se debent in operibus misericordiæ, quæ significantur per LX. Conjugatis autem debetur fructus tricesimus (XXX), quia talibus sufficit implere decalogum in fide Trinitatis: ex ductu enim ternarii in denarium fiunt triginta.

Aureola tertia est pugnantium, seu prædicatorum, quia perfectissima Victoria contra diabolum obtinetur, quando aliquis non solum diabolo impugnanti non eedit, sed etiam ipsum de regno ejus expellit, et non solum a se, sed etiam ab aliis. Nec est dicendum, ut quidam voluerint, quod haec aureola debeat tantummodo illis quibus competit prædicare ex officio, et docere; sed quibuscumque⁴ exercentibus licite actum istum. Prælatis autem non debetur haec aureola, quamvis habeant officium prædicandi, nisi et actu prædicent, quia aureola non debetur habitui, sed actu pugnæ, secundum illud Apostoli⁵: *Non coronabitur, nisi qui legitime (a) certaverit.* Prædicare et docere, cum sint actus misericordiæ, inter spirituales eleemosynas computantur.

alias passim. —³ *Matth.*, XIII, 23. —⁴ *Dan.*, XII, 3. —

² *Aug., ad Fest., epist. CLXVII, al. LXXXIX, n. 2,* et

⁵ *II Tim., II, 5.* — (a) *Vulg. Non coronatur, nisi legitime.*

CAPUT XXXI.

Enumeratio caelestium gaudiorum.

Ultimo cœlorum gaudia sub epilogi enumeramus, non quidem singula generum, sed genera singulorum. Tot enim sunt gaudia particularia, quæ quilibet habet in se vel in aliis, quot ea solius Dei notitia comprehendit, et illi quos summa sapientia voluerit ea scire. Tantum namque gaudebit quisque de bono alterius, quantum de bono proprio: quod tamen non est intelligendum de intentione gaudii, sed de numero gaudiorum. Tot igitur et tanta sunt ibi gaudia, quot omnes arithmetici hujus mundi non possent ea numerare, nec geometrici mensurare, nec grammatici, dialectici, rhetorici aut theologi explicare: quia¹ nec oculus vidit, nec auris audivit, nec in cor, etc. Gaudebunt sancti supra se de Dei visione, infra se de cœli et aliarum creaturarum corporalium pulchritudine, intra se de corporis glorificatione, extra se de angelorum et hominum associatione. Deus enim omnes sensus spirituales ineffabili delectatione reficiet, cum ipse sit objectum omnium sensuum spiritualium futurus. Erit namque Deus speculum visui, cithara auditui, mel gustui, balsamum olfactui, flos tactui. Ibi erit candor lucis aestuus, amœnitas vernalis, abundantia annualis, requies hyemalis. Ibi, teste Augustino², fulget quod non capit locus, sonat quod non capit tempus, olet quod non spargit fatus, sapit quod non minuit edacitas, non erit quod divellat satietas. Ibi, sicut ait Augustinus, Deus sine fine videbitur, sine fastidio amabitur, sine fatigatione laudabitur. Ibi videbitur stultitia sapientia Salomonis; ibi erit deformitas pulchritudo Absalonis; ibi erit tarditas velocitas Asaelis; ibi judicabitur infirmitas fortitudo Samsonis; ibi erit mortalitas longa vita Mathusalem; ibi erit paupertas regnum Augusti. Ibi, secundum Augustinum, nihil obest, nihil deest, nihil affluit; nihil est extra, quod appetatur; nihil intra, quod fastidiatur. Ibi, secundum Bernardum³: « Deus erit rationi plenitudo lucis, voluntati multitudine pacis, me-

moriæ continuatio æternitatis. » Item Augustinus de corporis et animæ misera vita: « O caro, illam vitam amplecti debuisti, ubi vita sine morte, ubi juventus sine senectute, ubi lux sine tenebris, ubi gaudium sine tristitia, ubi pax sine discordia, ubi voluntas sine injuria, ubi regnum sine mutatione. » Bernardus: « Merces sanctorum tam magna est, quod non potest mensurari; tam multa, quod non potest numerari; tam copiosa, quod non potest finiri; tam pretiosa, quod non potest aestimari. » Item Augustinus: « Illud quod promittit Deus, fide non capitur, spe non attingitur, charitate non comprehenditur, desideria et vota transcendit, acquiri potest, aestimari non potest. » Ibi, secundum Augustinum, carmina non desunt, præmia non deficiunt: ibi nihil, quod amabitur, deerit: ibi nihil desiderabitur, quod non adsit. Illa beatitudo, sicut ait Augustinus⁴, in duobus consistit, scilicet in necessaria præsentia omnis boni, et in necessaria absentia omnis mali. Item Augustinus: « O vita vitalis, dulcis et amabilis, et semper memorabilis, ubi summa securitas, secura tranquillitas, tranquilla jucunditas, jucunda felicitas, felix æternitas, ubi æterna beatitudo, ubi beata certitudo, ubi certa visio, et sine fine laudatio. Ibi affluentia divitiarum, influentia deliciarum, et confluentia bonorum. »

Denique de gaudiis cœlestibus nota hos versus:

Meus cognoscendo latitur (a), amando, fruendo.
Est subtile, citum, clarum corpus, patiens nil.
Corpora Sanctorum citi, libera, fortia, sanas,
Pulchra, voluptatis plena, sed absque pali, puta
poenas (b).
Sensus amicitie (c), concordia, plena potestas,
Pax secura, decus, et gaudia sunt animabus.
Gaudia, pax, requies libera ac secura juventus
Non peccat, sapiensque senex, cunctis resonat (d)
laus.
Aureolam Martyr, Doctor, Virgoque meretur.
Fructus centenus, sexagenusque tricenus
Virginibus, viduis et conjugibus tribuetur.

Ex omnibus predictis collige, spectare quoddam gaudium solum ad animam, quoddam ad corpus, quoddam ad totum conjunctum, quæ cum felici fine quisque beatus secundum merita recipiet sine fine. Amen.

(a) Cæt. edit. datur. — (b) Cæt. edit. pati pena, deinceps puta. — (c) Cæt. edit. Sensus amicitias. — (d) Cæt. edit. sapiens, sanus, duris, redolens.

¹ Isa., LXIV, 4; 1 Cor., XI, 9. — ² Aug., de Civil. Dei, lib. XXVI, c. xxx, n. 5. — ³ Beru., in Cant., serm. XI, post med. — ⁴ Imo auctor, quicunque sit, Manual., c. v, inter Op. S. Aug., append. tom. VI.

OPUSCULUM DIÆTA SALUTIS¹

ARGUMENTUM

(Ex edit. Vatic.)

Diætae nomen significaciones varias sortitur : nam habitationem in hortis amœnitatis et voluptatis causa extrectam significat, et cœnaculum in ædibus. Unde quidam *diætas* affirmant dietas, eo quod in eis per diem ederetur, idque Varronis auctoritate fulciunt. *Diæta* quoque vocatur victus ratio; et illa pars medicinæ, quæ victui (*a*) medetur, *diætetica* nuncupatur. Postremo *diæta* unius diei iter significat, ut legitur in capite *Nonnulli*, de Rescr., et in c. *Quamvis*, tit. xvi, de offic. ord., in sexto. Ex hac significazione S. Bonaventura huic opusculo nomen dedit *Diæta salutis*, *diætamque* pro via usurpat, ut ex ipso proœmio patet. Dividitur autem hoc Opusculum in novem diætas, et decem titulos cum appendice quadam. Ratio autem quare plures sint tituli, quam *diæta*, hæc est : quia novem viis ab Auctore constitutis ad ultimum terminum pervenitur, extra quem non est ulterius progrediendum : ideoque tituli novem sunt pro diætarum ratione, de peccatis, de pœnitentia, etc.; titulus vero decimus de gloria paradisi et de pœnis inferni tractat, quia post judicium generale, electi ad cœlestem paradisi patriam æternis afficiendi præmiis convolabunt; reprobi vero in inferni baratrum æternis affligendi cruciatibus detrudentur. Has omnes vias sanctissimus David complexus est brevi illo versu Ps. xxxvi²: *Declina a malo, et fac bonum*. Nam primæ diætae initium seu terminus, a quo ad pœnitentiam pervenitur, peccatum est, ab eoque statim declinare oportet, nihilque in eo immorari. *Beatus enim vir* ille est, ut idem propheta, Ps. 1, testatur, *qui in via peccatorum non stetit*. Itaque statim hac via declinata, per alias diætas sive vias, quæ ad bonum faciendum spectant, progrediendum est, quousque ad æternam patriam perveniamus. Appendix vero applicationem materiarum *Dietæ salutis* continet, quibus in dominicis et festivitatibus Sanctorum per annum occurribus, quodam tibi proposito themate, concionatores utantur. Est sane Opusculum hoc miro artificio compositum, sacræ Scripturæ locis totum refertum, pulchris etiam similitudinibus ornatum : quibus res, de qua agitur, confirmari, et veluti imago ad vivum expressa ob oculos ponit possit. Ideoque omnibus legentibus non mediocrem utilitatem præstat ; iis vero maximam, qui in prædicationis verbi Dei munere versantur.

¹ Cf. Edit. Vatic., an. 1596, tom. VI, pag. 285; edit. Ven., an. 1611, tom. II; edit. Lugd., an. 1647, tom. I, pag. 283; edit. Ven., an. 1734, tom. XII, pag. 248. — ² *Psal. xxxvi*, 29.

(a) Edit. Vat. *victu*.

PROCEMUM

Hæc est via : ambulate in ea, et non declinetis ad dexteram neque ad sinistram¹, ait Isaías. Magnam misericordiam facit, qui erranti viam ostendit, maxime de nocte, in terra hostium, et tempore guerrarum. Errantes sunt peccatores, juxta illud quod dicitur² : *Omnes enim peccaverunt, et egerint gratia Dei.* Et Joannes dicit³ : *Si dixerimus, quod peccatum non habemus, ipsi nos seducimus, et veritas in nobis non est.* Cum igitur omnes simus peccatores, omnes sumus errantes, sicut dicitur⁴ : *Omnis nos quasi oves erravimus, unusquisque in viam suam declinavit.* Nox est peccatum, instar nivis frigidum, id est infrigidans dilectionem; obscurum, id est obscurus rationem, inepsum faciens ad bonam operationem. Venit, inquit⁵, nox, quando nemo poterit operari. Terra hostium est mundus, in quo principatur diabolus, ut testatur Dominus, dicens⁶ : *Nunc princeps mundi hujus ejicet viras.* Tempus guerræ est tempus præsentis vita, quia nunc⁷ caro concupiscit adversus spiritum, et spiritus adversus carnem, ut dicit Apostolus. Quia igitur omnes peccatores et errantes sumus, per consequens extra viam veritatis imus, et in nocte, et in terra hostili, et in tempore guerre mortales sumus et existimus : ideo prædictor verbi divini maximam misericordiam facit errantibus, in tantis periculis constitutis, quando viam salutis eis ostendit : unde magnum meritum apud Deum et coronam acquirit. Ideo dicitur⁸ : *Qui converti fecerit peccatorem ab errore viæ sue, salvabit animam ejus a morte, et operiet (a) multitudinem peccatorum.* Officium predicatoris. Officium enim predicatoris verbum Dei est proprium errantibus dirigere, et ad viam salutis revocare. In cuius persona verbum Dei, promissum peccatoribus errantibus, est authenticum proclamatum, cum dicitur : *Hæc est via, ambulate in ea.*

Peccatores tripliciter possunt errare, scilicet malam viam eligendo, et in via errando, et a via divertendo; ideo prædictor possunt.

¹ Isa., xxx, 21. — ² Rom., iii, 23. — ³ I Joan., i, 8. — ⁴ Isa., LIII, 6. — ⁵ Joan., IX, 4. — ⁶ Joan., XII, 31. — ⁷ Gal., v, 17. — ⁸ Jac., V, 20.

in verbis istis propositis, docet nos specialiter tria de via ista salutis, scilicet salubriter eligere, viriliter incedere, et viæ salutis insistere. Primo igitur docet nos viam salutis subtiliter eligere, cum dicit : *Hæc est via, scilicet hæc (b)*, et nulla alia ad salutem eligenda. Secundo docet nos per viam salutis viriliter incedere, cum dicit : *Ambulate in ea;* quasi diceret : Studete remanere in illa. Tertio docet nos viæ salutis insistere, cum interfur : *Nec ad dexteram, nec ad sinistram;* quasi diceret : Nolite divertere ali ea. Primo ergo docet nos prædictor viam salutis eligere, cum dicit : *Hæc est via, id est, non erroris, sed veritatis; non peritonitatis, sed salutis; non ad infernum, sed ad cœlum.* Etnota, quod hæc via salutis habet specialiter novem dietas. Prima est a peccato ad poenitentiam, tanquam ad medicinam et remedium peccatorum; secunda, a poenitentia ad præcepta; tertia est a præceptis ad consilia; quarta est a consiliis ad virtutes, tanquam ad instrumenta que docent operari recte; quinta est a virtutibus ad dona Spiritus sancti, que docent operari faciliter et expedite; sexta est a donis ad beatitudines, que docent operari perfecte; septima est a beatitudinibus ad fructus spiritus, qui docent operari delectabiliter et deliciose; octava est a fructibus ad judicium; nona est a judicio ad cœlum. Et secundum hoc in praesenti opere, quod dicitur *Via vel Dietæ salutis*, sunt decem tituli.

In priuo agitur de vitiis, a quibus est removendum, et recessendum; in secundo agitur de poenitentia; in tertio, de præceptis moralibus, a Deo hominibus datis; in quarto, de consiliis evangelicis; in quinto, de virtutibus theologicis et cardinalibus; in sexto, de septem donis Spiritus sancti; in septimo, de beatitudinibus evangelicis; in octavo, de duodecim fructibus spiritus; in nono, de judicio generali; in decimo de inferno et poenis, neenon et de gloria paradisi.

(a) Cœl. edit. operit. — (b) Cœl. edit. deest hæc.

TITULUS PRIMUS

DE PECCATIS

CAPUT PRIMUM.

De Peccato in communi.

Diffinitio peccati. Primo igitur nota de peccato, vel vitio in communi. Et est sciendum, quod « peccatum est dictum, vel factum, vel concupitum contra legem Dei, » ut dicit Augustinus¹. Et est sciendum, quod est vitandum specialiter et præcipue propter tria : primo, quia est deformitas, quam Deus detestatur ; 2º iniquitas, quam dæmon amplexatur ; et 3º infirmitas, qua mundus dissipatur. Primo, peccatum est detestandum, quia est deformitas, quam Deus summe detestatur. Unde nota, quod nihil posset cogitari, quin Deus fecerit propter odium peccati : ipse enim propter peccatum semel fere dissipavit omnia opera sua, scilicet totum mundum per diluvium, ut patet in *Genesi*. Alii autem reges et potentes in prejudicium inimicorum depopulantur terras eorum ; Deus autem dissipavit terram propriam, quia peccatum intraverat terram suam. Item non solum habet peccatum odio, sed et quidquid peccatum tangit. Alii autem homines, propter vinum corruptum, non projiciunt in mari vasa aurea, vel argentea ; sed servant vasa, et vinum effundunt : Deus autem non solum peccatum, sed etiam vasa peccati, id est, creaturas rationales, scilicet animas ad suam imaginem factas, et suo pretioso sanguine redemptas, in oceano interfecit. Unde dicitur² : *Propter scelus populi mei percussi eum*. Et ipsem Dei Filius, ut peccatum interficeret, vel occideret, tradidit in mortem animam suam, ut dicitur similiter ibidem³. Nullus autem invenitur, qui tam odiat inimicum, quod in ejus odium vellet interficere unigenitum proprium, vel etiam semetipsum. Item Deus persecutus est peccatum

ab initio in tantum, quod projectit ipsum de cœlo, et videns quod remanserat in mundo, ipse in propria persona descendit in muudum, ut de ipso fugaret peccatum, et tandem in iudicio projectet, et includet ipsum in inferno, quia dicitur⁴ : *Projicet in profundum maris omnia peccata nostra*.

Secundo peccatum est iniquitas, quam dæmon amplexatur. Et nota quod triplex est signum, quod peccatum placet diabolo. Primum signum est, quia in nullo alio delectatur, quia ipse non vult aliud bonum (*a*), non querit aurum, non amat argentum, quia in persona ejus dicitur⁵ : *Da mihi animas, cætera tolle tibi*. Sicut enim avis rapax amat cor prædæ, sic ipse cor hominis : ut patet de illo qui interrogavit diabolum quid plus amabat ; et diabolus respondit, quod tria præcipue, scilicet lunam primam, rotam solis, et ferrum molle : hoc est cor⁶, quod componitur ex tribus litteris, quæ habent illas tres figuræ. Secundum signum quod Diabolus amat peccatum, est, quia in procurando peccatum nunquam fatigatur. Etenim sex millia annorum sunt, et amplius, quod nihil aliud fecit, quam procurare peccata. Unde, quando Dominus interrogavit eum⁷ : *Unde venis?* respondit : *Circuivi terram, et perambulavi eam*, etc. Non licet enim sibi capere cibum nec somnum, tantum est occupatus in negotio peccatorum, juxta illud⁸ : *Qui me comedunt, non dormiunt*. Tertiū signum quod diabolus amat peccatum, est, quia nunquam potuit nec poterit peccato saturari. Jam enim non possunt numerari illa infinita millia hominum peccatorum, quos absorbuit et devoravit ; et tamen est adhuc famelicus, et *sicut leo circuit querens quem devoret*, ut habetur in prima Petri⁹. Adhuc etiam est insatiable peccato, non solum famelicus, sed etiam sitibundus. Unde dicitur¹⁰ : *Absorbebit fluvium, et non mirabitur, et habet fiduciam, quod influat*

¹ Aug., *cont. Faust.* lib. XXII, c. xxvii. — ² Sap., xiv, 9. — ³ Isa., LIII, 8. — ⁴ Ibid., 12. — ⁵ Mich., VII,

(a) *Cat. edit. balneum.*

⁶ Gen., xiv, 21. — ⁷ Scilicet c, o et r. — ⁸ Job, I, 7. — ⁹ Job, XXX, 17. — ¹⁰ Petr., v, 8. — ¹¹ Job, XL, 18.

Jordanis in os ejus. Peccatores cum impetu currentes in os ejus, id est, in infernum, vocantur hie fluvius quem absorbet diabolus, et non miratur; justi vero quieti et pacifici dicuntur *Jordanis*, qui interpretatur humilis descensus, et tales summe diabolus desiderat absorbere. Exemplum in *Vitis Patrum* de capitulo dæmonum, et singulis dæmonibus de peccatis et malis, quæ procuraverant, redditibus rationem, et de illo qui specialiter fuit laudatus et honoratus a principe eorum, et in cathedra collocatus, quia fecerat fornicari unum monachum, quem in quadraginta annis vix traxerat ad peccatum.

Tertio peccatum est infirmitas, qua mundus dissipatur. Et nota, quod peccatum est febris tertiana propter triplicem concupiscentiam, scilicet divitiarum, deliciarum, et honorum, de qua dicitur¹: *Omne quod est in mundo aut est concupiscentia carnis, aut concupiscentia oculorum, aut superbia vitæ.* Quartana etiam est propter quadruplicem gradum peccati, scilicet cordis, oris, operis, et consuetudinis, contra quæ dicitur²: *Revertere, revertere, Sunamitis (a),* id est, anima misera: quater dicit: *Revertere, propter illa quatuor predia.* Est etiam febris quotidiana propter peccatum superbie, quod est in omni peccato; et continue, vel continua est, quia est valde periculosa. Nam sicut febris continua aliquando auferit vitam temporalem, vel corporalem, et confert mortem corporalem; sic peccati infirmitas auferit vitam, non solum temporalem, sed et aliquando spiritualem, quia confert mortem infernalem, vel aeternalem. Podagra pedum vel gutta est, propter peccatum aciedæ; paralysis manuum est, propter peccatum invidie, vel iræ; hydropsis est propter peccatum avaritie; dolor viscerum vel tortiones, propter peccatum iracundie; squintia, propter peccatum gulæ; lepra, propter peccatum luxuriae. Et propter haec omnia dicitur de peccatore³: *A planta pedis usque ad verticem capitis, non est in eo sanitas.*

CAPUT II.

De Peccato in speciali.

Secundo, nota de vitiis in speciali. Et est sciendum, quod septem sunt vicia principalia et capitalia: quinque dicuntur spiritualia, sci-

(a) *Vulg. Sulamitis.* — (b) *Cæt. edit. Emor,* et sic deinceps.

licet superbia, invidia, avaritia, ira, et acedia; duo vero dicuntur carnalia, scilicet luxuria, et gula. Unde versus:

Dat septem vicia dictio *saligia:*

In qua scilicet sunt tot litteræ, quot sunt varia capitalia, licet non sit in vitiis et litteris idem ordo. De quolibet vicio nota præcipue tria, scilicet typum, quem præfert; fætum, quem profert; et damnum, quod infert.

Primo enim notanda sunt adaptations peccati in communi. Et nota, quod peccatum est sicut putredo in pomo. Sicut enim putredo auferit pomo decorem, valorem, colore, odorrem et saporem; sic peccatum auferit anime decorem vitiæ, et odorem famæ, valorem gratiae, et saporem gloriae. Unde dicitur⁴: *Quasi putredo consumendus sum.*

Secundo peccatum est sicut vulnus in corpore humano: nam recenter vulneratus permittit se tangi, et vulnus premi et investigari; sed post tertium diem non sine magno dolore tangitur in vulneri: sic peccatum in sua recentia cito curatur, et post tertium diem est gravissimus dolor vulnerum. Unde dicitur⁵: *Die tertio, quando gravissimus dolor vulnerum erat, acceptis gladiis duo filii Jacob Simeon et Levi, fratres Dina, ingressi sunt urbem confidenter, et Hemon (a) et Sichem pariter necaverunt:* quia scilicet quasi intolerabilis est correctio, vel sanatio peccati post tres dies. Tres dies isti sunt peccati perpetratio, peccandi consuetudo, et peccati obstinatio. Nam post istum tertium diem, peccator non permittit se tangi per correctionem, juxta illud⁶: *Peccator cum in profundum peccatorum venerit, conternit.* Dicunt enim illud⁷: *Loquimini nobis placentia, videte nobis errores:* ⁸ *Excavavit enim eos malitia eorum.* Unde etiam odio habuerunt corripientem in porta, ut habetur in Amos⁹.

Tertio peccatum est sicut falsitas in panno. Nam sicut mercator de falso panno non ostendit emptori medium, neque finem, sed tautum caput; sic diabolus, qui est mercator peccati, ostendit fatuo emptori solum caput panni, id est, delectationem culpeæ, non medium, id est, remorsum conscientie, vel finem, id est pœnam gehennæ. De hac mercantia dicitur¹⁰: Si-

¹ *Joan.*, II, 16. — ² *Cant.*, VI, 12. — ³ *Isa.*, I, 6. — ⁴ *Job.*, XIII, 28. — ⁵ *Gen.*, XXXIV, 25. — ⁶ *Prov.*, XVIII, 1. — ⁷ *Isa.*, XXX, 10. — ⁸ *Sap.*, II, 21. — ⁹ *Amos.*, V, 10. — ¹⁰ *Isa.*, XXIV, 2.

Simili-
tudines
peccati
in com-
muni.

cut emens, sic ille qui vendit; quia scilicet tam peccator quam diabolus in mercatura peccati est deceptus.

Quarto peccatum est sicut taberna diaboli, in qua vendit vinum voluptatis in mundo pro pretio animæ: et sicut tabernarius ponit tres taxillos in taberna, quibus occupantur ribaldi; sic diabolus in taberna peccati ponit pro ribaldis, id est, pro amatoribus voluptatis, tres taxillos, id est, tres concupiscentias mundanas, de quibus habetur in Joanne¹: *Concupiscentia carnis, concupiscentia oculorum, et superbia vitae.*

Quinto peccatum est sicut ludus aleatoris, qui vulgo dicitur ludus corrigæ. Nam sicut ille falsus aleator, id est, corrigiator permittit illos homines in principio aliquid lucrari, et finaliter aufert et recuperat totum quod amiserat, et cum hoc lucratur ab eis quidquid habent, etiam quandoque vestes; sic diabolus, tanquam falsus aleator, permittit peccatorem in aliquo temporali prosperari, sed finaliter aufert animam et corpus, gratiam, et gloriam temporalem, et substantiam. Contra quod Sara gloriabatur, dicens²: *Nunquam cum ludentibus miscui me, id est, cum dæmonibus sive aleatoribus.*

Sexto peccatum est sicut rete, et sicut virga inviscata; nam sicut piscis in retibus, se agitando, se plus involvit, et avis plus ambulans per virgam inviscatam fortius se capit, sic peccator magis elongatur a Deo, et strictius illaqueatur a Diabolo, quia de tali dicitur³: *Tenebit planta illius laqueo.*

Septimo peccatum est sicut vinculum, quo ducitur porcus ad macellum, et bos ad victimam, et quo ligatur falco ad perticam, et simia ad trunceum. Sicut enim carnifex, dicens porcum, non stringit nimis pedem ejus, ne claret; sic diabolus non stringit nimis peccatorem per temporalem adversitatem, ne claret per confessionem vel orationem, ut sic ducatur liberius ad macellum infernale. Unde dicitur⁴: *Ignorat, quod ad vincula stultus trahitur (b).* Item, sicut bos ligatus non sentit se esse ligatum, quando ducitur ad macellum, nisi quando vult fugere: item, sicut simia non sentit se esse ligatam, nisi cum vult pilotam a se removere; nec falco, nisi cum vult de pertica volare: sic peccator non sentit vinculum peccati, dum perpetrat et in peccato perseverat;

¹ *Joan.*, II, 16. — ² *Tob.*, III, 17. — ³ *Job*, XVIII, 9.
— ⁴ *Prov.*, VII, 2. — ^a *Ex Aug.*, de Gen. ad litt.

sed tunc vincula sentit, cum anima infelix a corpore recedit.

CAPUT III.

De Superbia.

Superbia est^b libido dominandi, vel appetitus proprieæ excellentiæ. De qua nota tria: typum, quem præfert; fœtum, quem profert; et damnum, quod infert. Superbia igitur, quæ est primum et principale, ac capitale vitium, habet multiplicem typum in natura, et in Scriptura, cui congrue comparatur.

Comparatur primo vento propter tria, quia Novem compara-
ventus extinguit lucem, et exsiccat rorem, et rationes super-
exsufflat pulverem: sic superbia extinguit lu-
cem sapientiæ, exsiccat rorem gratiæ, exsiccat
vel exsufflat pulverem vanitatis mundanæ; et bim.
ideo cum homo sit pulvis ex sua conditione,
juxta illud^c: *Pulvis es, et in pulverem reverteris:* magis timendus est ventus superbiæ in alto
quam in basso, id est, in statu prælationis,
quam subjectionis: quia ventus, si in alto pul-
verem inveniret, citius exsufflet, quia per-
flant altissima venti, ut dicit Poeta.

Secundo comparatur superbia fumo, quia, si-
cūt fumus magis ascendet deficit, sic super-
bus, plus exaltatus, plus evanescit, juxta illud^d: *Mox ut honorificati fuerint et exaltati, de-
ficientes quemadmodum fumus deficient.*

Tertio comparatur paleæ propter levitatem,
et inconstantiam, et defectum valoris, quia si-
cūt torrens trahit paleas et ista levia ad Oceanum,
sic torrens tentationis trahit secum vanos,
non humiles, ad oceanum inferni.

Quarto comparatur stillæ aquosæ, quæ inflat,
et statim adnihilatur, et vesicæ, quæ mox de-
ficit, dum tamen acu pungatur: sic superbus
mox inflando deficit, et punctus modica febre,
vel tribulatione, adnihilatur.

Quinto comparatur araneæ, quia sicut aranea se evicerat texendo telam, ut muscas capiat;
sic superbus perdit animam, ut capiat laudem humanam. Unde dicitur^e: *Telas araneæ
texuerunt.*

Sexto comparatur feretro, quia sicut feretrum
tunc solum ornatur, cum mortuus in eo ponitur;
sic viri, et mulieres præcipue, tunc ornant
feretrum corporis sui per exteriorum vestium
lib. VIII, c. xiv, n. 31; de Civit. Dei, lib. XIV, c. xiii.
— ^f Gen., III, 19. — ^g Psal. XXXVI, 20. — ^h Isa., LIX, 5.
(a) Vulg. trahatur.

paraturam, cum anima intus est mortua per superbiam.

Septimo comparatur superbus luctatori incauto : nam sicut (*a*), si in lucta unus de luctatoribus possit levare pedem alterius, dejicit ipsum; sic si dæmon possit levare pedem, id est, hominis affectionem per superbiam, dejicit eum in damnationem æternam. Unde dicitur¹ : *Dejecisti eos, dum allevarentur.*

Octavo comparatur gallinæ, quia, sicut gallina statim cantat, cum posuerit ovum; sic superbus statim vult videri, cum fecerit aliquod opus superbæ.

Nono comparatur lupo : dicitur enim quod lupus uno mense vivit de vento; sic superbus uno mense, id est mensura vite sue, vivit, vel pascitur vento glorie mundanæ, juxta illud² : *Ephraim pascit ventum, id est, gloriam mundanam; sequitur æstum tota die, id est, superbus est semper famelicus laudis humanae.*

Superbia
dama
quincue
hominis
invent. Dammæ vero, quæ superbia facit in homine, sunt specialiter quinque. Primum enim homini nre aerefit, ut melius accendatur, id est, illum sine humore gratiae et sine compassione efficit. Unde dicitur³ : *Non te extollas in cogitatione animæ tue, et sequitur: ut non derelinquis ut lignum aridum in eremo, id est, in inferno, ubi concremabuntur arbores infructuosæ, id est, peccatores. Secundo hominem consumit, id est, omne bonum hominis adnihilat et perdit, juxta illud⁴: *Consumit brachia ipsius, id est, hominis superbi, primogenita mors, id est, superbia, quæ est primogenita filia peccati, vel diaboli. Tertio homines infatuat et decipit: cuius signum est, quia superbæ pretiosa vilipendit, id est, gloriam et gloriam, et vilia care emit, id est, gloriam transitoriam, juxta illud⁵: *Arrogantia et superbæ cordis tui decepit te.* Quarto hominem præcipitat, et ideo hominem ad alta levat, ut major et gravior sit ruina, de qua dicitur⁶: *Qui se exaltat, humiliabitur.* Quinto hominem penitus facit infelicem: superbus enim ab eo est infelix, quia de bono semine malam messem colligit: quæ enim sunt bona alii, in malum convertit. De sanitate enim infirmatur; de vita moritur; de medicamine vulneratur; a victo vincitur; a mortuo superatur atque occiditur. Hæc omnia eveniunt superbæ, quia de domo suo gloriantur, et sic de bono efficitur ma-**

lus, et de virtute efficitur vitiosus juxta illud⁷: *Contritio et infelicitas in viis eorum, id est, superborum.*

Filie vero superbæ sunt septem, scilicet præsumptio, ambitio, inobedientia, irreverentia, erubescensia boni, et irrisio bonorum, vel simplicium, vana gloria et hypocrisis. Hæc autem peccata, quæ a superbæ nascentur, figurantur per septem annos, quibus filii Israel servierunt Chusan Rasathaim regi Mesopotamie⁸: *Chusan Rasathaim* interpretatur tenebrosa iniqüitas, per quam figuratur diabolus, qui ex iniquitate tenebrosus est, qui bene dicitur rex Mesopotamie, quia ipse est *rex super omnes filios superbæ*, ut dicitur in Job⁹.

C A P U T I V.

De Invidia.

Invidia est¹⁰ tristitia alienæ felicitatis, et in adversitate lætitia. De invidia nota specialiter tria, scilicet typum quem gerit, actum quem facit, et factum quem parit.

Invidia enim habet multas similitudines odiosas: est enim sicut vermis in ligno, rubigo in ferro, tinea in vestimento. Nam sicut ista rodunt proprium subiectum, et consumunt illud plusquam alia; sic invidia rodit invidum, et plus invidus nocet sibi quam aliis.

Secundo, est sicut draco; sicut enim draco insidiatur elephantis partui, ut ipsum pungat, et mordet, vel comedat, sic invidus bono alieno insidiatur judicio pravae suspicionis, et postea mordet vel pungit aeuleo murmurationis, et inficit veneno detractionis. Unde de invido dicitur¹¹ : *Frater fui draconum, et socius struthionum.*

Tertio, similis est leproso, Judæ proditori, et diabolo. Leprosus enim vellet quod nullus esset sanus; et diabolus, quod nullus esset bonus. Unde dicitur¹² : *Invidia diaboli, mors intravit in orbem terrarum.* Judas contristatus fuit de effusione unguenti super Christum, ut habetur in Matthæo¹³: sic invidus, instar leprosi et diaboli, dolet de bono proximi; etiam ad modum Judæ proditori, tristatur de bona fama fratris, et odore virtutis. Unde magnam injuriam faceret Dominus invido, si eum poneret in para-

Novem
similitu-
dines in-
vidiae ap-
partantur.

¹ *Psal. LXXII, 18.* — ² *Ose., XII, 1.* — ³ *Ecclesi., VI, 2.*
— ⁴ *Job, XVIII, 13.* — ⁵ *Jerem., XLIX, 16.* — ⁶ *Luc., XIV, 11.* — ⁷ *Psal. XIII, 3.* — ⁸ *Judic., III, 8.* — ⁹ *Job,*

¹⁰ *XI, 25.* — ¹¹ *Ex Aug., Enarr. in Psal. civ, n. 17.*
— ¹² *Job, XXX, 29.* — ¹³ *Sap., XI, 21.* — ¹⁴ *Matth., XXVI, 8.* — ^(a) *Cœt. edit. deest sicut.*

diso; moreretur enim pre dolore, ubi videret alios gaudere.

Quarto, similis est invidus oculo menstruatæ. Nam sicut illa inficit speculum, cum respicit eum; sic invidus inficit proximum, cum respicit eum bonum, quoniam omni studio laborat ponere aliquam maculam in proximo. Unde dicitur¹: *Bona in mala convertit insidiator, et in electis ponit maculam.*

Quinto, similis est invidus noctuae et igni greco. Noctua enim de nocte videt, de die excæcatur; et ignis græcus in aqua fortius inardescit, sive succenditur: sic invidia in aquis gratiarum fortius exardescit, unde deberet extingui, et ad modum noctuae a luce excæcatur, unde deberet illuminari: sicut Heli, qui non poterat videre lucernam, donec extingueretur, ut dicitur in libro *Regum*².

Sexto, invidus similis est aquæ, et navi, et candelæ serpentinae. Nam in aqua virga recta appetat tortuosa; et in navi existentibus, cum ipsi fortiter descendunt, videtur quod montes currant velociter; et ad lucem candelæ serpentinae, omnes paleæ videntur esse serpentes. Fit autem cedula serpentina de cera temperata in aqua, in qua serpens coctus est, et post, cum cedula illa facta de tali cera ardet, videtur hominibus quod omnes paleæ et omnes aliae candelæ que ibi ardent, sint serpentes: sic invidus ad modum aquæ recta facit tortuosa: et instar existentium in navi, quia cum ipsi invidi ad infernum descendunt, videtur eis quod montes, id est, viri sancti et stabiles ad damnationem currant: et ad lucem candelæ serpentinae, scilicet invidiæ, innocentes et bonos existimant serpentinos. Omnia enim in malum convertunt, ut dicitur in Ecclesiastico³: *Bonum in malum concertit insidiator.*

Septimo, comparatur invidus Cain, de quo dicitur⁴: *Quicumque invenerit me, occidet me:* sic invidum interficit omnis homo, quia aut videt bonum in homine, et tunc dolet; aut malum, et sic gaudet: et sic in omni homine peccat, vel moritur per peccatum.

Octavo, invidus comparatur acrisiæ Sodomorum, id est, cæcitatæ, qua percussit Dominus Sodomitas, ut dicitur in Genesi. Acrisia autem est passio, quæ aufert judicium, et dicitur ab a,

quod est *sine*, et *crisis* (*χρίσις*), quod est *judicium*, quia invidus non judicat illa, quæ oportet videare et judicare.

Nono, invidus similis est nihilo, pro eo, quod dissimilis est tam Creatori, quam omni creaturæ, sive bono creato: Creator enim communicat bona sua liberaliter, et creatura similiter. Nam videmus in sole, quod lumen suum communicat omnibus creaturis, et ignis calorem suum, et sic de aliis; sed invidus non solum non communicat bona sua, sed etiam, quantum in se est, adnihilat aliena, quia sibi valde dispicit, et etiam cum solus invidus sit nihil, ita vellet, quod nihil nisi invidia esset.

Damna invidiæ sunt specialiter quinque. Primum est, quia claudit viam salutis, et aditum paradisi: est enim blasphemie in Spiritum sanctum, quæ non remittitur in hoc sæculo, neque in futuro, ut dicitur in Matthæo⁵.

Sunt autem sex peccata in Spiritum sanctum, quorum invidia est unum: Peccata in Spiritum sanctum.

Scilicet invidentia fraternalis gratiæ, impugnatio veritatis agnitiæ, præsumptio de imputitate, obstinatio mentis, desperatio, et finalis impenitentia. Dicuntur enim peccata in Spiritum sanctum, scilicet quia impugnant gratiam Spiritus sancti. Secundum est, quod implet hominem omni malo: unde, ut plenum dolium vino, quod vulgo dicitur, est plenum usque ad oculum; sic invidus, cuius signum est, quia malitia invidi per oculum exit. Nam dicitur in Ecclesiastico⁶: *Nequam est oculus invidi* (a); et in Matthæo⁷: *An oculus tuus nequam est, quia ego bonus sum?* Tertium est, quod spoliat hominem omni bono: et causa est, quia odit et impugnat omne bonum. Alia namque vitia opponuntur uni virtuti, ut superbia humilitati, luxuria castitati, avaritia largitati, et sic de aliis; invidia vero, ut dictum est, opponitur omni bono: unde non tantum dicitur mala, sed pessima. Hæc est enim fera pessima, quæ devoravit Joseph, sicut dicitur in Genesi⁸. Quartum est, quia facit hominem penitus immisericordem; sicut patet in Cain, qui ex invidia non peperit Abel fratri suo innocentem; sicut patuit etiam in filiis Jacob, qui, invidia stimulante, non pepercérunt Joseph innocentem; sicut patuit etiam in Iudeis, qui non pepercérunt Christo innocentissimo, imo innocentiam Domino: cujus causa fuit invidia, ut patet in Matthæo; quia Pilatus⁹

¹ Eccli., xi, 33. — ² Liber Regum I, III, 2-3, sic habet: *Heli... oculi ejus caligaverant, nec poterat videare: lucerna antequam extingueretur, etc.* — ³ Eccli., xi, 33. — ⁴ Gen., iv, 14. — ⁵ Matth., xxii, 18.

⁶ Eccli., xiv, 8. — ⁷ Matth., xx, 15. — ⁸ Gen., xxxvii, 20. — ⁹ Matth., xxvii, 18.

(a) Vulg. *lividæ*.

Invidiæ
damna
quiæque.

sciebat, quod per invidiam tradidissent eum. Quintum est, quia facit hominem penitus infelicem: invidus enim de bonis aliorum affligitur, et de melioratione deterioratur, de profectu deficit, de pinguedine macrescit, de sanitate infirmatur, de vita moritur, et ipse amittere se putat, quod alii lucrantur. Et sicut¹ *diligentibus Deum omnia cooperantur in bonum*, ita iuvido omnia cooperantur in malum. Unde quidam pulcherime describens invidum, ait²:

Pallor in ore sedet; macies in corpore toto;
Nusquam recta aries; livent rubigine dentes.
Pectora felle vident, lingua est suffusa veneno.
Risus abest, nisi quem visi movere dolores.
Nec fructus somno, vigilautibus excita curis;
Sed videt ingratos, intabescitque videndo
Successus hominum: carpitque, et carpit una,
Suppliciumque suum est.

Filiae invidiae duae. Due sunt filiae invidiae, scilicet tristitia in prosperis proximi, et exultatio in adversis: que contrariantur specialiter charitati, cuius officium est³ *gaudere cum gaudientibus, et flere cum flentibus*, ut dicitur ad Romanos. Istae due filiae figurantur per Oola et Ooliba⁴, quod interpretatur tabernaculum meum, quia in persona diaboli dicitur, quod⁵ *assumpsit septem spiritus nequiores se, et ingressi habitant ibi*, scilicet in invidio. De istis filiabus dicitur alibi⁶: *Due mulieres filiae unius matris fuerunt, scilicet invidiae, quæ ipsas ex diabolo concepit.* Unde illæ duas filias possunt valde proprie dici diabolicæ; imitantur enim diabolum patrem suum, qui de bono dolet, et de malo gaudet. Ideo dicitur⁷: *Invidia diaboli, mors intravit in orbem terrarum: imitantur autem illum, quia (a) sunt ex parte illius.*

C A P U T V.

De Ira.

Ira est libido vel appetitus vindictæ. De ira nota specialiter tria, scilicet odiosam ejus effigiem, ejus ruinosam perniciem, ejus vitiosam propaginem.

Octo similitudines, quibus ira significatur. Ira plures habet adaptationses et figuræ, inter quas primo comparatur igni: nam sicut ignis domum ligneam, et omnem materiam aridam accendit, sic ira accedit præcipue aridos, id est, homines iracundos, qui carent humore gratiae. Unde homo iracundus est sicut homo

¹ Rom., VIII, 28. — ² Ovid., *Metamorph.*, lib. II, fab. 12. — ³ Rom., XII, 15. — ⁴ Ezech., XXIII, 4. — ⁵ Matth., XII, 45. — ⁶ Ezech., XXIII, 2. — ⁷ Sap., II, 24. — ⁸ Prov., XV, 2. — ⁹ Prov., I, 16. — ¹⁰ Greg., de

habens domum ligneam, qui mane est dives, et in vespera nihil habet: quia ignis iræ combussit sibi domum, id est, conscientiam, et per consequens abstulit sibi quidquid habebat.

Secundo, iracundus est similis olla bullienti: sicut enim olla bulliendo emittit aquam, et omnia alia; sic iracundus, ebulliendo per iram, emittit stultitiam et verba inordinata, juxta il lud⁹: *Os futuorum ebullit stultitiam.*

Tertio, iracundus similis est apro: nam, sicut aper ex furore impingit, et currit contra gladium; sic iracundus currit ad peccatum, scilicet contentionem, injuriam, et homicidium. De talibus dicitur¹⁰: *Pedes corum ad malum currunt.* Et Gregorius in *Pastorali*¹¹: *Mentem impellit furor, quo non trahit desiderium; et agit incommoda, velut nesciens, quæ postea dolet sciens.* »

Quarto, iracundus similis est insano, vel arreptito, qui præcipitat se in ignem vel aquam: sic iracundus in quamecumque malitiam. Unde dicitur de illo arreptito, quod¹² *ubicumque apprehendit eum, alludit eum*: sic ira iracundum alludit, per impatientiam molestando: et spumat, per clamores contendendo vel contemnendo: et stridet dentibus, malitiam machinando: et arescit, odium et rancorem concipiendo. Hæc enim sunt signa iræ, et opera iracundie.

Quinto, iracundus similis est calculo emittenti ignem. Nam sicut calculus, percussus malleo, emittit scintillam; sic iracundus, tactus verbo, ostendit impatientiam suam. Et sicut calculus non emittit ignem, nisi tangatur aliquo duro; sic multi reputantur patientes, qui tamen exardescunt in iram, tacli aliquo verbo contumelioso. Dicitur enim¹³ *quod lapisc alores latus, in æs convertitur.* Lapis, animus durus et lapideus, qui, quando solvitur calore iracundia, statim ad modum æris reddit sonum indignationis et contumelie.

Sexto, iracundus similis est rhamno. Rhamnus enim est quidam frutex spinosissimus, habens ita duras spinas, quod ad impetum venti emittit scintillas, ut dicit Josephus¹⁴; sic iratus propter ventum indignationis emittit scintillas spinosissimæ contentionis. Unde dicitur¹⁵: *Egre-*

Cur. Pastor., lib. III, c. 1, adm. 10, statim a princ.—
¹¹ Marc., IX, 18. — ¹² Job, XXVIII, 2. — ¹³ Joseph., Antiq. Jud., lib. V, c. IX, non longe a princ. —

¹⁴ Judic., IX, 15.

¹⁵ (a) Vulg. qui.

diatur ignis de rhanno, et devoret cedros Libani, id est, superbos et potentes hujus saeculi, quia specialiter consueverunt esse iracundi.

Septimo, iracundus similis est vasi vacuo, posito juxta ignem. Videmus enim quod si vas vacuum et terreum ponatur ad ignem, frangitur; si autem sit plenum aquae, in nullo laeditur: sic homo, qui est de sua conditione terrenus, si ponatur ad ignem adversitatis, vel tribulationis, statim frangitur per impatientiam, si sit gratia vacuus; si autem sit gratia plenus, non laeditur. Et ideo dicitur¹: *Vasa fragili probat fornax, et homines justos tentatio tribulationis.*

Damna irae sunt specialiter quinque. Primo

enim excœcat rationis oculum, nam dicitur²:

Turbatus est a furore oculus meus, id est rationis:

et per consequens non potest videre iratus quid

justum, vel injustum. Unde dicitur³: Ira enim

viri justitiam Dei non operatur. Et Seneca dicit,

quod duo impediunt consilium, scilicet festin

antia, et ira. Secundo, ira facit hominem pro

nun ad quodcumque peccatum. Vulgo namque

dicitur de homine valde irato vel accenso, quod

omnia faceret. Et ideo dicitur⁴: Qui ad indi

gnandum facilis est, crit ad peccandum proclivior.

Tertio reddit hominem stultum et quasi rabidi

um. Unde eo tempore, quo homo est iratus,

perit ratio et humanitas in homine, et sic per

consequens mutatur homo, et efficitur bestia.

Nam homo est animal mansuetum natura, ut

dicit Philosophus. De stultitia hominis iracundi

dicitur⁵: Virum stultum interficit iracundia.

Quarto, aufert homini seipsum, sicut vulgo di

citur, quod homo turbatus vel iratus non est in

seipso. Satis autem damnificatur, qui perdit

seipsum. De tali damno dicitur⁶: Qui impatiens

est, sustinebit damnum, scilicet sui ipsius. Sic e

contrario patientia servat hominem sibi ipsi.

Nam dicitur⁷: In patientia vestra possidebitis

animas vestras. Quinto aufert homini omnem

misericordiam et compassionem. Ideo dicitur⁸:

Ira non habet misericordiam, nec erumpens furor.

Unde homo iratus fugiendus est, sicut canis ra

bidus, et leo concitatus.

Filiae sunt sex, scilicet odium, lis, guerra, incendi

endum, homicidium, et rapina. Ista sex figurantur

in Ezechiele, cum dicit⁹: Ecce sex viri veniebant de via porta superioris, id est de superbia,

qua est porta ad iram; que respicit ad aquilonem.

2. — ¹⁰ Eccl., xxvii, 6. — ² Psal. vi, 8. — ³ Jac., i, 20. —

4 Prov., xxix, 22. — ⁵ Job.; v, 2. — ⁶ Prov., xix, 19.

— ⁷ Luc., xxi, 19. — ⁸ Prov., xxvii, 4. — ⁹ Ezech., ix,

nem, id est, adversitatem, qua (a) generat iram, vel turbationem; et uniuscujusque (b) vas interitus in manu ejus, quia isti filii et filiae iracundiae sunt quasi sex vasa interitus, vel mortis aeternæ.

CAPUT VI.

De Avaritia.

Avaritia est immoderatus amor pecuniae acquirendæ vel retinendæ. De qua nota specialiter tria, scilicet typum ridiculosum, et damnum periculosum, et partum perniciosum.

Avaritia multas habet comparationes. Primo enim comparatur avaritia mari, morti, et inferno. Nam sicut *mare nunquam (c) redudat*, ut dicitur in *Ecclesiaste*¹⁰; sic avarus nunquam redundat dando elemosynam, vel faciendo resstitutionem, licet ad modum maris omnes fluvios mundi bibat, id est, absorbeat omnes divitias per cupiditatem. Unde ratione hujus insatiabilitatis comparatur mari, et eodem modo morti, vel inferno, quia nunquam satiatur illa occidendo, et ille deglutiendo. Unde de avaro dicitur¹¹: *Dilatavit quasi infernus animam suam, et ipse quasi mors, et non adimpliebitur.*

Secundo, avarus similis est talpæ in quatuor: avarus enim ad modum talpæ est niger per nequitiam; cæcus per ignorantiam; quot habet possessiones, tot habet tumulos in quibus sepe lit seipsum per continuam sollicitudinem; quidquid fodiit, ponit supra se, quia de omnibus facit Deum.

Tercio, comparatur sterquilinio, quia, sicut sterquilinium congregatum corrumpit et fecitet, dispersum vero facit agros fructificare; sic divitiae avari, quandiu sunt congregatae, animam corrumpunt, sed dispersæ pauperibus, ipsis nutrunt, et divitiam peccata redimunt, juxta illud¹²: *Facite vobis amicos de mammona iniquitatis. De hoc sterquilinio dicitur¹³: Aurum eorum in sterquilinum erit.*

Quarto, avarus similis est rota molendini; quantumcumque enim, et quotiescumque vertatur, semper tamen in eodem loco invenitur; sic avarus, qui nudus in mundum venit, quantumcumque labore, nudus tamen de mundo recessit solum. Unde dicitur¹⁴: *Nudus egressus sum de utero matris meæ, et nudus revertar illuc.*

2. — ¹⁰ Eccl., i, 7. — ¹¹ Habac., ii, 5. — ¹² Luc., xvi, 9. — ¹³ Ezech., vii, 19. — ¹⁴ Job, i, 21.

(a) *Cat. edit.* qui. — (b) *Item unusquisque.* — (c) *Vulg. non.*

Novem
similitu
dinibus
avaritis
ostendit
tur.

Quinto, avarus similis est porco : porcus enim nihil valet, dum vivit; sed quando moritur, valere incipit : sic avarus non valet aliquid in vita, quia vivens non vult restituere, nec elemosynam dare ; sed moriens quandoque incipit liberalis esse de hoc quod non potest secum portare, quia diaboli habent animam, vermes corpus, amici divitias, quia divitiae deserunt eum, non ipse divitias. Sicut canis, sequens duos homines, in capite viarum ostendit quis sit dominus ejus, quia tunc sequitur dominum suum proprium, et dimittit extraneum ; sic divitiae in capite mortis sequuntur mundum, et dimittunt avarum. Nam dicit Apostolus¹ : *Nihil enim intulimus in hunc mundum : nec dubium, quia (a) nec auferre quid possumus.*

Sexto, similis est avarus pyxidi perforata superius, que recipit pecuniam, quam nunquam potest reddere, nisi frangatur : sic avarus, et præcipue usurarius, pecunias et divitias haurit et congregat, sed nunquam, nisi morte frangatur, eas restituere curat. Ideo dicitur de avaro² : *Comminuetur, sicut conteritur logena figuli, contritione percalida.*

Septimo, avarus similis est trunco arboris. Nam sicut dominus, qui habet truncum in horto, potest inferro ramum cujuscumque generis voluerit; sic diabolus, quando potest in corde hominis inserere avaritiam vel cupiditatem, omnia vita inserit, quia jam habet omnium malorum radicem et principium, juxta illud Apostoli³ : *Radix omnium malorum est cupiditas.*

Octavo, avarus similis est gallina : nam gallina naturaliter surda est in augusto vel æstate; sic avarus in æstate, id est, in statu meriti, vel in tempore gracie, quando debet colligere bonorum operum messem, ad modum gallinae surdus est, quia non vult audire prædicatores. Unde avarus dicitur in persona Domini⁴ : *Vocavi, et renuistis, etc.*

Nono, avarus similis est apostemati quod est proximum cordi, et rei quæ ponitur immediate super pupillam oculi. Apostema enim tunc est periculoso, quando est juxta cor ; sic divitiae tunc sunt mortiferæ, quando diliguntur nimio amore. Unde dicitur in Psalmo⁵ : *Divitiae si affluent, nolite cor apponere.* Per camdem etiam rationem comparatur rei quæ ponitur immediate super pupillam oculi. Nunquam enim res

bene potest videri, quæ nimis est propinquæ oculo; ideo avarus male videt divitias, quia nimis prope apponit mentis oculum, et nimis diligit eas. Ideo dicit idem Psalmista⁶ : *Oculos suis statuerunt declinare in terram.*

Damna avaritiae sunt præcipue novem. Primo enim facit hominem nudum; unde dicitur in Apocalypsi⁷ : *Dicis, quia dives sum et locupletatus, et nullus ego : et nescis quia tu es miser et miserabilis, et pauper, et cœcus, et nudus.* Nota hic quinque infortunia avari. Est enim miser, quia divitias cum labore acquirit; miserabilis, quia cum timore custodit; pauper, quia cum dolore perdit; cœucus, quia nihil aliud respicit; et nudus, quia nullum aliud bonum facit. Secundo avaritia facit hominem servum : nam divitiae non sunt avarorum, sed sunt avari divitiarum. Ideo signanter dicit Prophet in Psalmo⁸ : *Viri divitiarum, non virorum divitiae.* Tertio avaritia facit hominem stultum : nam stultus non preebat periculo, quamvis sit propinquum; sic avarus non fugit periculum inferni, cum sit etiam morti propinquus. Ideo dicitur avaro in Luca⁹ : *Stulte, hac nocte animam tuam repetant a te, scilicet dæmones. Hæc cutem quæ parasti, id est, congregasti, evijs erunt? quia¹⁰ thesaurizat impius, et ignorat cui congregabit ea.* Quarto avaritia facit hominem abominabilem; unde dicitur in Osea¹¹ : *Facti sunt abominabiles, sicut ea quæ dilexerunt.* Non enim mirum est, si Deus abominatur avarum, cum ipse tantum Deum contemnat, quis plus diligit nummum, vel obolum, quam Deum. Cujus signum est, quia pro obolo aliquando non veretur mentiri, nec vult dare obolum pauperi pro amore Dei. Quinto facit insatiabilem; unde avarus comparatur hydroperico, qui bibit et nunquam satiatur. Unde dicit Ecclesiastes¹² : *Avarus non impletur pecunia.* Sexto facit hominem insatiabilem, vel solitarium : sicut rapaces volant non congregatim, sed solitariae; sic avarus semper est solitarius, quia nunquam vult socium in pecunia. Unde de avaro dicitur in Ecclesiaste¹³ : *Unus est, et secundum non habet.* Et ideo sua est hec maledictio, quæ ibidem scribitur : *Væ soli, quia si ceciderit, etc.* Septimo facit hominem obliviousum propriæ salutis; et in signum hujus Manasses et Ephraim fuerunt fratres, ut habeatur in Genesi. Manasses interpretatur *oblivio :*

¹ *I Tim., vi, 7.* — ² *Isa., xxx, 14.* — ³ *I Tim., vi, 10.* — ⁴ *Prov., i, 24.* — ⁵ *Psal. LXI, 11.* — ⁶ *Psal. LXVI, 11.* — ⁷ *Apoc., III, 17.* — ⁸ *Psal. LXXV, 6.* — ⁹ *Luc., XII,*

¹⁰ *Psul. XXXVIII, 7.* — ¹¹ *Ose., IX, 10.* — ¹² *Eccle., V, 9.* — ¹³ *Eccle., IV, 8, 10.* — (a) *Vulg. hand dubium, quod.*

Ephraim *fructificans*, vel *crescens*, et figurat avarum, qui est crescens (*Ephraim*), id est, in divitiis; et est *Manasses*, quia scilicet obliviscitur proprie^t salutis. Octavo facit hominem angustiosum, nam dicitur in Ecclesiaste ¹: *Labor stultorum affligens eos*. Ideo divitiae dicuntur spinae in *Luca* ², quia cruciant possidentes, sicut videmus quod spina in pede non sinit hominem quiete dormire. Nono facit hominem tempestuosum; nunquam enim cupidus, vel avarus potest habere, nec in conscientia, nec in domo propria pacem. Unde dicitur in Proverbiis ³: *Conturbat dominum suam, qui sectatur avaritiam*. Est enim talis sicut canis, qui dum rodit os, irascitur omni appropinquantи sibi, sive sit extraneus, sive notus: quia vulgo dicitur, quod canis non vult socium in coquina.

Filiæ autem avaritiae sunt duodecim, scilicet usura, rapina, latrocinium, talliae injustæ, fraus negotiatorum, deceptio advocatorum, acceptio munerum, simonia pro promotione consanguineorum, peccata anachoritarum, id est, illorum qui promoventur favore et potentia principum, fraus mercatorum, avaritia scientiæ, et iniquitas lusorum. Ista enim peccata, quæ generat avaritiam, figurantur per duodecim duces ⁴, quos Ismael generavit. Ismael enim erat idololatra, et figurat avarum, de quo dicitur ad Ephesios ⁵: *Avaritia est idolorum servitus*. Filii ejus recte dicuntur duces, quia fere totus mundus regitur et dicitur istis duodecim peccatis, quæ ex avaritia nascuntur. Nam dicit Isaías ⁶: *Omnes in viam suam declinaverunt, unusquisque ad avaritiam, a summo usque ad novissimum*. Et in Hieremias dicitur ⁷, quod *a minori usque ad maiorem omnes avaritiae student*.

CAPUT VII.

De Acedia.

Acedia est parvus amor boni, cum tedium et inordinata animi tristitia, et impatientia rei divinæ. De acedia nota specialiter tria, scilicet typum turpissimum, damnum gravissimum, et partum vilissimum.

Acedia habet multas figuræ, et similitudines detestandas. Primo comparatur acedia salicibus, quæ sunt arbores infructuose, et solum

Sex acc-
dis com-
paratio-
nes.

faciunt umbram: sic acediosi et olosi nullum faciunt fructum, sed solum umbram diabolo et refrigerium. Unde dicitur de diabolo in Job ⁸: *Circundant eum, scilicet diabolum, salices infructuosa*. Secundo comparatur acedia febri hectice, vel phthisica, vel lassæ, vel paralysi. Febris hectica vel phthisica, fit ex consumptione humoris naturalis: sic acedia fit, quia deficit humor divinæ dilectionis, et devotionis. Similiter febri lassæ comparatur; nam febris hujusmodi vix aut nunquam curatur; sic piger, vel otiosus, cum sit semimortuus, vix corrigitur. Est enim languor, de quo dicitur in Ecclesiastico ⁹: *Langor prolixior gravat medicum*. Comparatur etiam paralysi, quæ facit membra arida et impotentia; sic acedia facit pedes impotentes ad ambulandum, manus ad operandum, et membra omnia ad laborem pœnitentiae sustinendum. Unde de talibus dicitur in Psalmo ¹⁰: *Manus habet, et non palpabunt; pedes habent, et non ambulabunt*. Tertio comparatur Adonibezech, de quo dicitur ¹¹, quod amputavit manus et pedes septuaginta regibus. Adonibezech enim interpretatur *dominator egestatis*, et significat acediam, que facit subditos suos egentes et inopes: nam dicitur in Proverbiis ¹²: *Egestatem operata est manus remissa*, id est pigra. Iste Adonibezech amputat manus et pedes regibus, quia, ad litteram, reges et prælati volunt vive-re nunc otiosi. Vel *reges* dicuntur viri religiosi, juxta illud Ecclesiastici ¹³: *Qui ungis reges ad panitentiam*. Religiosi quidem deberent se et alios regere per vitam et doctrinam; sed aliqui habent manus et pedes amputatos per acediam. Quarto comparatur otiosus cani famelico: hujusmodi enim piger et otiosus ad modum canis esurit, et omnes sensus universalem famem patientur, juxta illud Psalmi ¹⁴: *Famem patientur ut canes*: os enim ejus esurit cibaria delicata, lingua verba vana, manus vilia, cor honores, auris rumores, et oculi vanitates. Ideo dicitur in Proverbiis ¹⁵: *Desideria occidunt pigrum*. Quinto comparatur otiosus vel piger ferro, terre, et aquæ, et vesti, scholari negligenti, homini stanti et non ambulanti: istis enim sex eadem ratione adaptatur. Ferrum quidem, quod non tractatur, cito rubiginatur. Terra quæ non colitur, malas herbas generat. Aqua quæ non moveatur, cito corrumpitur. Vestis quæ non portatur, de facilis

¹ *Eccle.*, x., 15. — ² *Luc.*, VIII, 15. — ³ *Prov.*, XV, 27. — ⁴ *Gen.*, XVII, 20. — ⁵ *Ephes.*, V, 3. — ⁶ *Isa.*, LXI, 11. — ⁷ *Jerem.*, VI, 43. — ⁸ *Job*, XL, 17. — ⁹ *Ecclesi.*, X,

¹⁰ *Psal.*, CXIII, 7. — ¹¹ *Judic.*, I, 7. — ¹² *Prov.*, X, 4. — ¹³ *Eccli.*, XLVIII, 8. — ¹⁴ *Psal.*, LVIII, 7. — ¹⁵ *Prov.*, XXI, 25.

a tinea corroditur. Scholaris negligens, qui non addiscit, de necessitate nihil scit. Homo stans qui non vadit, facilius cadit, quam ille qui semper incedit. Sic acediosus, quia non exercet se in aliquo bono opere, ideo succumbit vitæ, et vincitur tentatione. Unde dicit Hieronymus ad Rusticum monachum¹: « Semper aliquid boni facito, ut te diabolus non inveniat otiosum. » Facilius enim diabolus occupat illos, quos in bono opere non invenit occupatos. Nam² *immundus spiritus cum invenit domum vacantem*, scilicet per acediam, *assumit alios septem spiritus nequiores se*, id est universa vitia, et *ingressi habitant ibi*, ut dicitur in *Matthæo*. Sexto comparatur otiosus et piger lethargico, qui moritur dormiendo, sicut Sisara, de quo dicitur³, quod *soporem morti socians, defecit, et mortuus est*. Et sicut vulgo dicitur, quod nimis fortiter et profunde dormit, qui culcitram sibi furari permittit; sic piger nimis oppressus est somno acedia, qui permittit sibi furari culcitrā, id est quietem bone conscientię.

Damina, Damna acedia sunt specialiter septem. Primum est paupertas, quæ facit hominem egenum tam corporaliter, quam spiritualiter. Ideo dicitur in Proverbiis⁴: *Egestatem operata est manus remissa*. Et in *Mattheo*⁵ dicitur de servo pigrō: *Tollite ab eo talentum*; quia vere talentum gratiae mercutio amittere, qui illud negligit multiplicare. Secundum est vilitas, facit enim acedia hominem vilem; unde dicitur in *Ecclesiasto*⁶: *In lapide luteo lapidabitur piger*. Lapis luteus potest dici peccatum immundum, ad quod acedia facit hominem pronum. Tertium est timor, vel pusillanimitas: facit enim hominem pavidum et pusillanimen ad modum leporis. Unde dicitur in Proverbiis⁷: *Timor dejicit pigrum*, scilicet de cœcumine virtutis. Quartum est spiritualis corruptio: corruptitur enim ad instar aquæ nou motæ. Ideo dicit Hieremias⁸: *Moab non est transfusus de vase in vas*. Moab interpretatur acediosus, qui de vase in vas non est transfusus, quia in bonis operibus non est occupatus. Quintum est vitiorum accumulatio: replet enim acedia hominem universis vitii. Nam dicitur in Proverbiis⁹: *Per ogram homini's pigri transivi; et ecce totum repleverunt urticæ*. Urtica recte figurat acediam: nam

¹ Hieron. ad Rustic. Monach., c̄pist. iv, c̄rca med.

² Matth., XII, 43 et seq. — ³ Judic., IV, 21. —

⁴ Prov., X, 4. — ⁵ Matth., XXV, 28. — ⁶ Eccli., XIII, 1.

⁷ Prov., XVIII, 8. — ⁸ Jerem., XLVIII, 11. — ⁹ Prov.,

urtica habet molle folium, sed in folio habet aculeum pungitivum: sic acedia, ad modum urticæ, habet in molitie remissionis aculeum pungitivæ tentationis. Sieut asinus libenter pascitur hujusmodi pungitivis, id est cardonibus; sic piger libenter pascitur hujusmodi pungitivis, id est delectationibus perversis, quasi aculeatis. Sextum est exprobabilis accusatio: facit enim acedia hominem exprobratione dignum. Unde dicitur in Proverbiis¹⁰: *Usquequo, piger, dormies?* Et ideo ad confusionem suæ negligentie, immittitur otiosus in scholam (a) formicæ ad discendum, justa illud quod scribitur in Proverbiis¹¹: *Vade ad formicam, o piger*. Et satis est homini magna confusio, quod oporteat eum addiscere a tam parvo et despecto magistro.

Et nota, quod pigritia vel negligentia est præcipue reprehensibilis in decem casibus. Primo, quando est magnum iter, et tempus breve: sic nos habemus magnum iter, scilicet usque ad eccl̄am, juxta quod dictum est Eliæ¹²: *Grandis enim restat tibi via*; et tempus est valde breve, scilicet vita (b) nostra quæ est¹³ *quasi transitus umbræ*, ut dicitur in libro *Sophientæ*. Secundo est reprehensibilis negligentia, quando quis expectatur a magistris, et pigritat venire: sic nos periculose pigritamus, qui expectamur ab angelis et sanctis. Tertio, quando quis vocatur ad magna; sic pigritari est periculosum, quia vocamur ad magna, scilicet ad regnum celorum. Quarto, quando multa impedimenta sunt in via: sic nos nullo modo debemus pigrī esse, quia viam nostram impedirent tentationes diverse. Quinto, quando res impignorata non redimuntur in termino: sic nobis periculosum est si negligamus animam redimere, quæ est impignorata diabolo per peccati delectationem. Sexto, quando prescriptio est prope terminum suum: sic nobis est valde periculosum, cum diabolus præscriperit hominem seu animam per peccata multo tempore, si non inquiratur ejus præscriptio, scilicet lacryma, confessione et oratione, et hoc ante terminum præscriptionis, scilicet ante diem mortis, quia dicitur in Ecclesiastico¹⁴: *Ante mortem confitere*. Et iterum: *Vivus et sanus confitebris*. Septimo, quando quis cecidit in turpem locum: turpis enim locus in quem cecidimus est peccatum, quod est quid

¹⁰ Ibid., VI, 9. — ¹¹ Ibid., 6. — ¹² III Reg.,

XIX, 7. — ¹³ Sap., II, 5. — ¹⁴ Eccli., XVII, 26, 27.

(a) Cœt. edit. schola. — (b) Item via.

Pigritia
in decem
casibus
est re-
prehensibile.

turpissimum , et ideo non debemus esse pigri ad surgendum. Octavo , quando magnum donum offertur : hoc donum est divina gratia ; et si illud negligimus accipere , hec negligentia est valde periculosa. Nono , quando quis est in magno periculo ; nisi ei succurratur , est valde periculoso ei : sic negligentia valde periculosa est homini pigro , nisi cito animæ succurrat , quaæ est in periculo infernalis præcipiti. Decimo , quando tempus est plantandi arbores , et non plantantur ; putandi vineas , et non putantur ; seminandi agros , et non seminantur ; metendi messes , et non metuntur ; domandi animalia , et non domantur ; curandi vulnera , et non curantur ; lavandi vestes , et non lavantur ; saliendi carnes , et non saliuntur. In omnibus istis valde periculosa pigri negligentia , et merito sunt reprehensibiles , qui in istis specialiter sunt negligentes : est enim modo tempus ad omnia prædicta specialiter facienda : nunc enim est tempus plantandi per charitatis radicationem ; putandi per peccatorum confessionem ; serendi per eleemosynarum largitionem ; metendi per bonorum operum accumulationem ; domandi animalia per carnis mortificationem ; curandi vulnera per pœnitentiae medicationem , lavandi vestes per lacrymarum effusionem ; saliendi carnes per contumientiae satisfactionem. Hæc enim decem prædicta sunt¹ quæ oportet fieri cito , ut dicitur in *Apocalypsi*.

Filiæ acedia sunt quindecim : tepidas , molilites , somnolentia , otiositas , dilatio , tarditas , negligentia , imperseverantia , remissio , dissolutio , ignavia , indevotio , tristitia , tedium vitæ , desperatio. Hæc quindecim peccata , quæ nascentur ex acedia , figurantur per quindecim cubitos , quibus ascendit aqua diluvii super montes universos. Sicut enim aqua diluvii submersit mundum , sic acedia suffocat otiosum. Et sicut tunc quindecim cubitis super omnes montes effluxit aqua ; sic ex acedia quindecim generantur peccata. Ideo nota quod contra prædicta peccata , sumnum remedium est diversitas occupationum.

CAPUT VIII.

De Gula.

Gula est immoderatus appetitus edendi et portandi. De gula nota specialiter tria , scilicet ty-

pum reprobandum , damnum lamentandum , et partum detestandum.

Gula multis rebus detestabilibus comparatur.

Primo est squiniantæ similis ; nam squiniantia est morbus gutturis , et cito suffocat hominem ; sic gula , que ad litteram est gutturus vitium , faciliter strangulat hominem per peccatum.

Unde dicitur in *Ecclesiastico*² : *Propter eruplam multi obierunt* : morte quadruplici , scilicet morte naturæ , culpæ , infamie , et gehennæ. Secundo comparatur morbo regio ; nam ille morbus requirit magnas expensas , et inde dicitur regius , quia soli reges et homines potentes possunt specialiter sufficere ad expensas tam grandes : sic gula vitium est tam magnarum expensarum , quod vix potest ei aliquid sufficere. Nam dicitur in *Ecclesiaste*³ : *Omnis labor hominis est in ore suo* , id est , quidquid ex labore acquiritur , ore suo gulose consumit. Tertio comparatur holismus ; nam holismus est caninus appetitus , qui interficit hominem gulosum , quia non potest satiari : sic gula maledicta , ad modum appetitus canini , interficit gulosum , qui nunquam potest satiari. Unde dicitur in *Proverbis*⁴ : *Venter impiorum insativalis*. Quarto comparatur gulosus sacco pertuso vel perforato in fundo , qui quantumcumque ex una parte accipit , tantum ex altera parte perdit : talis saccus est gulosus homo , qui ex una parte habet coquinam ad implendum ventrem , et ex altera latrinam ad evacuandum. Et satis miser est homo , qui semper est deditus tam vili officio. Unde dicitur⁵ : *Qui mercedes congregavit , et misit eas in saccum pertusum* (*a*). Quinto gulosus comparatur porco ; nam porcus est animal deditum gulae ; diabolus autem nutrit et impinguat porcos et bachones suos , scilicet gulosos , et postea ad fumum inferni ponit eos , ut in tēternum devoret et pascatur. Unde dicitur in *Matthæo*⁶ : *Si ejecis nos hinc , mitte nos in porcos* , id est in gulosos. Sexto comparatur gula freno : nam sicut sessor ducit equum quo cumque voluerit , postquam ipsum infrenavit ; sic gula ducit gulosum ad omne peccatum , ex quo homo vitio gulae infrenari se permittit : ideo de gulo dicitur in *Psalmo*⁷ : *In camo et freno maxillas eorum constringe*. Septimo gulosus comparatur lsaui , qui pro cibo lenticulæ vendidit primogenita

¹ *Apoc.*, 1, 19. — ² *Ecli.*, XXXVII, 31. — ³ *Eccle.*, VI, 7. — ⁴ *Prov.*, XIII, 25. — ⁵ *Agg.*, I, 6. — ⁶ *Matt.*, VIII, 31. — ⁷ *Psal.* XXXI, 9.

(o) Cæt. edit. *sacco pertuso*.

Gula
comparationes
octo.

sua : sic gulosi pro gula vendunt præmia æterna. Nam dicitur in *Threnis*¹ : *Dederunt quæque pretiosa pro ciba*. Octavo comparatur pisci et avi ; nam sicut pisces per guttur capitur cum hamo, et avis per collum cum laqueo tenetur ; sic gulosis per guttur et collum captur gula vitio. Et præcipue inter aves gulosis similis est avibus pinguisibus propter tria specialet : primo quippe , quia avis pinguis non potest multum alte volare ; sic gulosis nec cœlestia desiderare. Item avis pinguis, sicut sunt coturnices in vindemiis, quando sunt bene pingues, de facili capiuntur ab accipitre ; sic homines dediti gula facile vincuntur a tentatione. Item sicut avis pinguis, scilicet accipiter, quando est bene satur, non vult venire ad manum domini , quantumcumque sibi ostendantur carnes ; sic gulosis fugiunt manus Dei , quantumcumque ostendat eis carnes rubeas, scilicet benedictæ passionis Christi. Nam in *Deuteronomio* dicitur de guloso² : *Incrassatus, impinguatus, dilatatus, dereliquit Deum factorem suum*. Comparatur gulosis cani, qui dicit cœcum in lutum. Nam canis dueens cœcum, propter id quod videt in luto, dicit cœcum in lutum : sic gula dicit gulosum in lutum, scilicet in immunditiam peccati. Et ideo suadet Sapiens³ : *Post concupiscentias tuas non eas*.

Damna gula sex Damna gula sunt specialiter sex. Primum est mentis brutalitas quantum ad rationis defecatum ; nam dicit Petrus⁴ : *Hi, scilicet gulosi, sunt velut irrationalitatem pecora* : et etiam quantum ad defectum compassionis ; nulla enim compassionem movetur gulosis ad pauperem et afflictum , ac si esset animal brutum. Unde dicitur in *Amos*⁵ : *Bibentes vinum in phiala, nihil compatiebantur super contrione Joseph* , id est pauperis. Exemplum de divite epulone⁶, qui non est compassus Lazaro, cui tamen compatiabantur canes, ejus uleera lingendo. Secundum est corporis infirmitas ; nam dicitur in *Ecclesiastico*⁷ : *In multis escis non deerit infirmitas* ; et etiam mors triplex, scilicet naturæ , culpeæ, et gehennæ. Tertium est oris loquacitas, sicut patet de Herode, qui⁸ in convivio temera promisit et juravit saltatrici puelle, se daturum quidquid petret, et ad petitionem ejus præcepit amputari caput Joannis Baptiste, ut dicitur in *Marcio*. Quartum est inopia rerum : exem-

plum de filio prodigo , qui dissipavit omnia bona sua , quoque fuit ita pauper, quod cupebat de siliquis porcorum satiare, quæ idem sunt, quod furfur secundum aliquos, et secundum alios, cortices fabarum. Quintum est carnis luxuria , nam ex vicinitate membrorum, scilicet ventris et genitalium, intelligitur confederatio viitorum. Ideo dicit *Jeremias*⁹ : *Saturavi eos, et mœchati sunt*. Sextum est cordis stultitia ; unde dicitur in *Proverbiis*¹⁰ : *Quicumque his (a) delectatur, non erit sapiens* ; et *Oseas* dicit¹¹ , quod *vinum et ebrietas auferunt cor*.

Filiae gulae sunt duæ, scilicet gastrimargia, et ebrietas. Gastrimargia est excessus in cibo : et dicitur a *Castro et Mergo*, ideo quod omnia mergit in castro ventris. Ebrietas est excessus in potu : et dicitur ebrietas quasi *extra briam*. Nam *bria* dicebatur antiquitus calix vel poculum, qui erat mensura potus : nam vinum dabatur ad mensuram. Et istæ duæ filiae sunt illæ filiae, de quibus dicitur in *Proverbiis*¹² : *Sanguisuga due sunt filia, dicentes: Affer, affer. Sanguisuga dicitur venter, quia ad modum sanguisuga citius obruitur quam satiatur, ut dicit Bernardus¹³. Hujusmodi ergo sanguisuga, scilicet ventris, duæ sunt filiae, scilicet gastrimargia et ebrietas , dicentes : *Affer. Nam gastrimargia dicit : Affer cibum : ebrietas dicit : Affer potum*. Una vult aliquantulum comedere post potum ; et alia aliquantulum bibere post cibum. Et sic in infinitum.*

CAPUT IX.

De Luxuria.

Luxuria est immoderatus appetitus secundum tactum. De luxuria nota specialiter tria , scilicet quod habet typum odiosum, damnum remorsivum, partum perniciosum.

Luxuria habet multas figuræ detestabiles, et similitudines odiosas. Primo enim comparatur gehennæ : nam in gehenna sunt specialiter tria, scilicet ignis ardens, vermis rodens, et sulphur fœtens : sic in peccato luxuria est ignis concupiscentiæ, vermis, scilicet remorsus conscientiæ, et sulphur, scilicet fumus infamiae. Et ideo qui est in peccato luxuriæ, jam quodammodo est in supplicio gehennæ. Unde dicitur in *Mat-*

Luxuria
compa-
rationes
novem.

¹ *Thren.*, I, 11. — ² *Deut.*, XXXII, 15. — ³ *Ecli.*, XVIII, 30. — ⁴ *Il Petr.*, II, 12. — ⁵ *Amos.*, VI, 6. — ⁶ *Luc.*, XVI, 21. — ⁷ *Ecli.*, XXXVII, 33. — ⁸ *Marc.*, VI,

⁹ *Prov.*, XX, 1. — ¹⁰ *Prov.*, XXIX, 15. — ¹¹ *Ose.*, IV, 11. — ¹² *Prov.*, XXX, 15. — ¹³ *Bern.*, *Apolog.* ad *Güll.* abb., post. med.

(a) Item *bis*.

thœ¹ : *Expedit tibi*, scilicet o luxuriose , ut periret unum membrum, scilicet illud vilissimum et innominandum, quam totum corpus tuum mittatur in gehennam. Secundo comparatur luxuriosus fatuo mercatori, qui rem pretiosam dat pro vili pretio : sic luxuriosus dat pro vili pretio, scilicet pro peccato. Unde dicitur in *Proverbiis²* : *Pretium scorti vix est unius panis*, mulier autem pretiosam animam viri rapit : et facit magnam injuriam iste fatuus mercator Christo, qui carissime emerat animam ejus. Debuissest enim dixisse diabolo, qui emit animas ad tam vile pretium : « Non possum tibi vendere animam meam, quia alius, scilicet Christus, satis majori pretio emit eam. » Juxta illud quod dicit Apostolus³ : *Empti enim estis pretio magno*. Iste enim fatuus mercator, scilicet luxuriosus, qui tam magnum forum fecit de mercibus suis, non est mirum si cito amisit capitale suum. Et ideo inter omnes peccatores, luxuriosus veniet ad iudicium pauperrimus. Nam ipse vendidit et destruxit quidquid habebat; scilicet Deum et sanctos, animam, famam, gloriam, substantiam, et gratiam. Tercio comparatur luxuriosus corvo, qui cadaveribus adhaesit, ut dicitur in *Genesi⁴* : sic facit luxuriosus, quia dimissa arca continentiae et castitatis, adhaeret cadaveribus, id est delectationibus immundis. Quarto luxuriosus comparatur fatuo bellatori, scilicet inferni, qui vix cavit hostem suum, quando ipsum melius videt armatum. Arma namque diaboli sunt mulieres; illæ enim sunt baliste diaboli de longe infigentes. Tunc enim fatuus est luxuriosus, qui non curat hostem suum fugere, sed attendit pulchritudinem balistæ. Similiter mulier compta et pulchra cum suis ornamentis, est gladius diaboli bene scindens et bene limatus. Luxuriosus est tantum infatuatus et attensus circa pulchritudinem istius gladii, quod non curat fugere ictum inimici sui. Similiter mulieres sunt castra in quibus diabolus ponit vexilla, id est diversa paramenta. Luxuriosus nimis appropinquat ad castrum, ubi videt arma diaboli; quia non cavit, percutitur et jaculatur, tantum tactus est pulchritudine vexillorum. Unde bene figuratur luxuriosus per Abimelech, de quo dicitur, quod⁵ veniens ad oppidum Abimelech appropinquavit ad turrim, et ecce uua mulier fragmen mole desuper caput ejus jaciens, confregit caput ejus, cerebrumque

¹ *Math.*, v, 29. — ² *Prov.*, vi, 26. — ³ *I Cor.*, vi, 20.
— ⁴ *Gen.*, viii, 6. — ⁵ *Judic.*, ix, 52 et seq. — ⁶ *Ilabac.*

effudit. Abimelech iste nimis appropinquans ad turrim, est homo luxuriosus, ineaute appropinquans ad mulierem. Fragmen mole quod mulier jecit, et Abimelech interfecit, est tentatio quæ a muliere procedit, et miserum luxuriosum interficit. Quinto comparatur luxuria sagene ; nam sagena omne genus piscium capit, nec facit aliquam differentiam, sed quidquid invenit, apprehendit : sic peccatum luxurie fere totum mundum involvit. Nam dicitur de diabolo, qui pisces cum hac sagena⁶ : *Totum in hano sublevavit, totum traxit in sagena sua*. Sexto comparatur luxuria igni græco : ignis enim græcus horribiliter ardet et aquas comburit, et vix potest extingui; sic ignis luxuriae etiam in frigidis et mortificatis ardet, et fere omnia devorat. Nam dicitur de luxuria⁷ : *Ignis est usque ad consumptionem (a) devorans*. Et in *Joel⁸* : *Ignis*, scilicet luxuriae, comedit speciosa deserti, id est pulchros viros et mulieres hujus mundi. Et nota, quod ignis iste græcus consuevit extingui cum duobus, scilicet cum arena, et cum acetō : quia luxuria habet ista duo magna remedia, arenam, id est, considerationem infructuositatis hujus mundi, et acetum, id est, acrimoniam et austrietatem pœnitentiae. Septimo comparatur luxuriosus equo : nam equus nihil valet sine calcaribus et freno; sic homo, nisi habeat frenum continentiae cum calcaribus pœnitentiae, efficitur inutilis ad modum equi non frenati, propter luxuriae lasciviam. Ideo dicitur in *Psalmo⁹* : *Nolite fieri sicut equus et mulus*, etc. Octavo comparatur luxuriosus navi, quæ a nauta sine ulla gubernatore ducitur, sed solum aquæ fluxum sequi permittitur, juxta illud quod vulgo dicitur : « Qui vadit ad votum suum, vadit ad dolorem suum. » Navis enim numquam per se ad portum ducitur, nisi recte a nauta ducatur, vel regatur. Caro nostra est navis, et spiritus est nauta; sed nunquam caro veniet ad portum salutis, nisi a spiritu ducatur gubernaculo virtutis; imo sequeretur fluxum aquæ, id est, impetum luxuriae, et tandem præcipitaret hominem in mare oceanum damnationis æternæ. In figura hujus dicitur in *Mattheo*, quod¹⁰ *navicula operiebatur fluctibus*, quia vere caro nostra mergeretur fluctibus temptationis, nisi adasset auxilium divinæ virtutis.

1, 13. — ⁷ *Job*, xxxi, 12. — ⁸ *Joel.*, 1, 19. — ⁹ *Psal.* xxxi, 8. — ¹⁰ *Matth.*, viii, 24.

(a) *Vulg. perditionem.*

Nono comparatur luxuria sterco et luto propter vilitatem : nam sicut porcus fovetur in luto, et equus jacet in proprio fimo, sic luxuriosi perseverantes interdum moriuntur in proprio peccato. Et ideo dicitur in *Joel*¹: *Computruerunt jumenta in stercore suo*. Super quo dicit beatus Gregorius²: « *Jumenta in stercore suo putrescere, est luxuriosum in fætore luxuriae vitam finire.* »

Damna luxuriae sunt sex. Primo enim hominem ducit ad maximam paupertatem ; ausert siquidem gloriam et gratiam, et propriam substantiam. Unde dicitur³, quod filius prodigus, per quem luxuriosus figuratur, *dissipavit substantiam suam in meretricibus, vivendo luxuriose*. Secundo dejicit in pessimam servitatem ; facit enim quod turpior et vilior pars quam est in homine, dominatur ei. *Hoc servitus figuratur per servitatem Aegypti, que erat servitus⁴ lutis et lateris*, ut dicitur in *Exodo* : per quam bene intelligitur luxuria, que est servitus lutosæ delectationis. Tertio projicit hominem in maximam vilitatem, quia hominem, qui similis est Deo et angelis, facit esse parem brutis. Unde dicitur in *Psalmo*⁵: *Homo cum in honore esset, non intellexit (a), scilicet quod ad imaginem Dei creatus sit; comparatus est jumentis insipientibus, et similis factus est illis*. Quarto luxuria privat hominem omni ratione, sicut animalia bruta turpiter infatuat; sicut patet in *Salomone*, qui tanta fuit sapientiae; et tamen de ipso dicitur⁶, quod *depravatum est cor ejus propter mulieres*. Quinto hominem acriter mortificat: occidit enim triplici morte, scilicet morte culpe, morte infamiae, morte gehennæ. Et ideo dicitur in *E-*

*clesiaste*⁷: *Inveni amariorem morte mulierem*. Mors enim naturæ simplex est et transitoria; sed mors luxuriae multiplex est et sempiterna. Sexto hominem fortius illaqueat; unde dicitur etiam in *Ecclesiaste de muliere*⁸: *Laqueus venorum est, id est dæmonum, qui venantur animas peccatorum: sagena cor ejus, vincula sunt manus illius*. Et nota hic de muliere triplex genus capture, scilicet *laqueum* quo capiuntur volatilia, *sagenam* qua capiuntur natatilia, et *vincula* quibus capiuntur animalia silvestria et terrestria. Luxuria vero capit volatilia, id est superbos; natatilia, id est deliciosos; et animalia terrestria, id est avaros: et sic fere nihil sibi evadit.

Filiæ luxuriae sunt quinque, scilicet fornicatio; qua est cum muliere soluta; adulterium, quod fit cum conjugata; stuprum, quod est cum virginie, vel religiosa; et incestus, qui est cum affine, vel consanguinea; et peccata contra naturam. De istis quinque filiabus habetur in figura in quarto *Regum*, ubi dicitur⁹ quod *quarta pars cabi stercoris columbarum quinque argenteis vendebatur*. Stercus columbae, que est avis luxuriosa, figurat immunditiam luxuriae. Quinque argentei, quibus stercus emitur, vel venditur, sunt ista quinque peccata, quibus delectatio luxuriae procreatur. Et bene quarta pars stercoris emitur quinque argenteis, quia cum quatuor sint in peccato luxuriae, scilicet cogitatio, delectatio, consensus, et operatio, unum solidum de istis, scilicet delectationem, id est, quartam peccati precipue emit, et procurat luxuriosus. Ab his omnibus vitiis supradictis nos clementer absolvat et potenter eripiat Pater, et Filius, et Spiritus sanctus. Amen.

¹ *Joel*, 1, 17. — ² Greg., in *Evang.*, hom. 33, post med.; in *Psal. L* *Punitio*, ad hæc verba: *Benigne fac, etc.* — ³ *Luc.*, xv, 30. — ⁴ *Exod*, 1, 14. — ⁵ *Psal.*

ALVIII, 21. — ⁶ *III Reg.*, XI, 4. — ⁷ *Ecclesiast.*, VII, 27. —

⁸ *Ibid.* — ⁹ *IV Reg.*, vi, 25.

(a) Edit. Ven. *intellexerit*.

TITULUS SECUNDUS

DE POENITENTIA, ET EJUS PARTIBUS

CAPUT PRIMUM.

De Pœnitentia in genere.

Post tractatum de vitiis, sequitur tractatus de pœnitentia, quæ est prima diæta salutis, scilicet ad peccatis ad pœnitentiam pervenire. Et nota primo de pœnitentia specialiter tria, scilicet laudes multifariae, partes necessariae, et partes meritoriae; vel per alia verba, laudes ejus figurales, ejus partes integrales, et virtuales. Laudes ejus monstrat multiplex ejus figura et comparatio; partes ejus integrales sunt contritio, confessio et satisfactio; partes ejus virtuales sunt jejunium, eleemosyna et oratio.

Pœnitentiae
landes,
et triplex
eius
compara-
ratio. Habet igitur pœnitentia landes multiplices, secundum diversas ipsius figuræ et comparationes. Comparatur autem primo specialiter tribus. Est enim pœnitentia sicut aqua calida contra canes, sicut clamor contra fures, sicut arma contra hostes. Est itaque pœnitentia sicut aqua calida contra canes, et maxime quantum ad contritionem. Sicut enim aqua calida ejicitur canis de coquina; sic cum aqua lacrymarum ferventium, ejicitur diabolus et peccatum de anima. Cujus figura dicitur in Genesi¹: *Anna (a) invenit aquas calidas primo in deserto (b).* Anna, qui interpretatur *donatus*, vel *sancificatus*, signat pœnitentem; *aqua calide*, id est lacrymæ, monstrant pœnitentiam contritionem; *solitudo* vero in qua aquæ calidæ inveniuntur, designat vitam solitariam pœnitentis seu mundificationem, vel meditationem. De qua Ambrosius²: «Lacrymæ lavant delictum, quod voce pudor est confiteri.» Iste est Anna, qui invenit aquam calidam, cum pasceret asinos patris sui sacerdotis. Comparatur autem pœnitens arbori, eius radix est contritio, frondes confessio, et flores sancta devotione, fructus bona opera, humor gratiae diffusio. Vel dicuntur pœnitentes radicati in Christo per humilitatem, extensi per

charitatem, operti cortice per austерitatem, dantes umbram aliis per bona exempla, et consilia. Unde dicitur in Apocalypsi³: *Notite nocere terræ et mari, neque arboribus.* Itæ arbores sunt oliva, vitis, et ficus. Oliva, activi misericordes; ficus, contemplativi claustrales; vitis, sancti prædicatores. Et in libro *Judicum* dicitur⁴, quod ficus noluit regnare super ligna silvarum, id est super homines infructuosos. Est etiam pœnitentia sicut clamor contra fures quantum ad confessionem: nam sicut ad clamorem fugiunt fures, sic pœnitentis clamosa confessio, vel oratio, fugat dæmones. Unde in figura hujus dicitur in libro primo *Machabæorum*⁵, quod timore Judeæ, qui interpretatur confessio, repulsi sunt inimici ejus. Est insuper pœnitentia sicut arma contra hostes, maxime quantum ad satisfactionem: nam satisfactio pœnitentis, sicut jejunium et eleemosyna, sunt quedam pœnitentis arma. Nam dicit Apostolus⁶: *Arma militia nostre non sunt carnalia, sed... supple, carnem macerantia.* De eleemosyna dicitur in *Ecclesiastico*⁷: *Super scutum potenter, et super lanceam pugnabit (c) adversus inimicum tuum.* Item pœnitentia est turbativa instar maris, accensiva instar ignis, et conclusiva instar sepis. Est itaque pœnitentia sicut quedam maris turbatio. Nam sicut mare non emitit immundicias, nisi sit turbatum; sic anima mea non emitit peccatum, nisi in se habeat pœnitentiam et contritionis conturbationem et motum. Unde de pœnitentia dicitur in *Threnis*⁸: *Magna est velut mare contritio tua.* Est etiam pœnitentia sicut quedam ignis accensio. Nam sicut ignis producit fumum de viridibus lignis, sic virtus pœnitentiæ de peccatoribus educit fumum contritionis: et sicut ligna viridia reddunt aliquem humorum per virtutem ignis, sic peccatorum oculi eructant virtute pœnitentiæ humorum lacrymō-

— ¹ *Judic.*, ix, 10. — ² *I Mach.*, iv, 22. — ⁴ *U Cor.*, x, 7. — ⁷ *Ecclesi.*, xxix, 18. — ⁵ *T'oren.*, ii, 43.

^(a) *Vulg. Ana.* — ^(b) *Vulg. calidus in solitudine.* — ^(c) *Ita Vulg.; cæt. edit. pugnabis.*

¹ *Gen.*, xxxvi, 24. — ² Ambros., *in Luc.*, lib. X, n. 89; et apud Ambros., *serm. in fer.* iii, *hebdom. Sanctæ*; qui est *XLVIII de Tempore*. — ³ *Apoc.*, vii, 3.

sæ compunctionis. Nam dicitur in Psalmo¹: *Exitus aquarum deduxerunt oculi mei*. Et sicut ligna viridia, quæ sunt bene accensa, fortius ardent, vel calefiunt; sic peccatores pœnitentes, qui sunt igne pœnitentiae vehementer accensi, fortius diligunt, sicut patet in *Luca*, ubi dicit Salvator²: *Cui multum dimittitur, multum (a) diligit*. Sed sunt multi qui non inveniunt ignem, sed *quam crassam*, ut dicitur in secundo *Machabœorum*³. Tales sunt qui cogitant vitam suam præteritam, non ad contritionem, sed ad delectationem. Est item pœnitentia sicut quedam sepis conclusio: nam agricola cum eisdem spinis quas extrahit de vinea, claudit vineam contra porcos et bestias; sic pœnitens cogitando peccata sua, debet claudere et munire eorū suum contra tentationes bestiales et immundas. Haec est spes, de qua dicit Sapiens⁴: *Ubi non est sepes, diripietur possessio*. Quia vere ubi non est sepes pœnitentiae, quæ animam claudit contra recidivum, facile dirumpitur possessio virtutum.

Pœnitentia discrete imponenda, devote assumenda et perfecte adimplenda. Est enim pœnitentia discrete imponenda: nam sicut virus serpenti vitam conservat, sed homini mortem propinat; et sicut ignis aurum probat, et virgula incinerat; et sicut talpa moritur in luce, et sub terra vivit; et sicut ignis, quem cetera animalia timent, salamandram nutrit; et sicut homo sub aqua moritur, ubi piscis delectatur: sic eadem pœnitentia non omnibus est imponenda, vel injungenda, nec contra omnia peccata, sed diversis diversa. Nam sacerdos debet discernere inter pœnitentiam et pœnitentiam, et culpam et culpam: sicut in (b) lege Domini debebat sacerdos, ex mandato Domini⁵, discernere *inter lepram et lepram*, ut dicitur in *Levitico*. Est etiam pœnitentia devote assumenda. Sicut enim miles non recusat onus, vel pondus armorum; sic pœnitens non debet recusare onus pœnitentiarum. Et sicut avis non recusat onus pennarum, nec peregrinus onus baculi, nec equus onus quadrigæ; sic pœnitens non debet recusare onus pœnitentiae. Unde ille bonus pœnitens David comparat se jumento, cum dicit in Psalmo⁶: *Ut jumentum factus sum apud te*. Est insuper pœnitentia perfecte adim-

¹ *Psal. cxviii.*, 136. — ² *Luc.*, vii, 47. — ³ *Hl Mach.*, i, 20. — ⁴ *Ecccl.*, xxxvi, 27. — ⁵ *Levit.*, xiii, et xiv. — ⁶ *Psal. lxxii.*, 23. — ⁷ Imo Gennad., *de Eccles. Dogm.*, c. liv, inter Oper. S. Aug., append. tom. VIII.

plenda, ut non solum pœnitens peccatum vitet⁸ sed peccati recidivum, et importunitates omnes, quasi quasdam radices et germina peccatorum. Sicut enim herba falcata reviviscit, sed eradica non; ita peccata de facili pullulant, si non fuerint radicus evulsa. Ideo dicit Augustinus⁹: « Pœnitentia est causas peccatorum excidere, et eis adiutum non indulgere. » Item bonus et perfectus pœnitens fugit diabolum, sequitur Christum, spernit mundum, et appetit cœlum. Pœnitens itaque perfectus fugit diabolum, et currit ad latibulum pœnitentiae: sicut enim avicula ponit se inter spinas, ut possit accipitrem evadere; et eadem ratione, sicut lilyum inter spinas crescit valde bene, ut dicitur in *Canticis*¹⁰: *Sicut lilyum inter spinas, sic amica mea inter filias*: spine siquidem quibus lilyum clauditur, prohibent ne lilyum tangatur: per hunc modum spine pœnitentie custodiunt animam instar aviculae a prædali accipitre, instar lilyi ab omni tactu delectationis immundæ. Bonus pœnitens sequitur Christum, et imitatur. Nam certe pœnitentia fuit via, qua Christus ambulavit. Unde post baptismum statim intravit desertum, ut dicitur in *Luca*¹¹. Pœnitentia ejam fuit prima doctrina, quam Christus predicavit, ut habetur in *Matthæo*¹². Pœnitens igitur, si est bonus discipulus, libenter intrat cum Christo pœnitentia desertum, contra simulatos pœnitentes, qui ad modum usurrii volunt esse discipuli Christi. Sicut enim usurarius vult esse illius socius, cui mutuat pecuniam, in lucro, et non in damno; sic multi vellent sequi Christum in prosperis, et non in adversis: vellent cum Christo regnare in cœlo, sicut filii Zebedæi, et non cum ipso certare in stadio. Unde dictum est eis illud¹³: *Nescitis quid petatis*. Pœnitens nihilominus spernit mundi prospera, contra aliquos, qui sunt quasi simia: quando invenit nucem novas et recentes, propter exterioris corticis amaritudinem, judicat nucem esse amaram, et spernit nucleum interiorem; sic a multis repudiatur pœnitentia, quia videtur carni amara. Ideo dicitur¹⁴: *Omnis disciplina in præsenti non est gaudii, sed maroris*. Pœnitens insuper appetit cœlum: et sicut puer rumpit vestem veterem, ut citius habeat novam, sic bonus pœnitens lacerat secum carnes, ut citius anime sue acquirat sto-

— ⁸ *Cant.*, ii, 2. — ⁹ *Luc.*, iv, 1. — ¹⁰ *Math.*, iv, 17.
— ¹¹ *Math.*, xx, 22. — ¹² *Hebr.*, xi, 11.

(a) Vulg. minus dimittitur, minus. — (b) Cœl. edit. ex.

lam felicitatis æternæ. Unde dicitur¹: *Conscisti saccum meum, et circumdedisti me latitia.*

CAPUT II.

De Contritione.

Nota partes pœnitentie integrales, et nota quod pœnitentia habet tres partes ipsam virtualliter integrantes, scilicet contritionem cordis, confessionem oris, et satisfactionem operis.

Condi-
tiones
septem
vera
contri-
tutionis.

Nota de pœnitentia primo quantum ad contritionem, quæ est pars prima pœnitentie. Nota quod contritio de peccatis specialiter debet esse septiformis: nam debet esse morosa et intenta, non perfuntoria; solitaria, non publica; integra, non diminuta; ordinata, non confusa; propria, non aliena; gemebunda, non deliciosa; et justa, non simulata. Et haec septem sunt in versu²: *Recogitabo tibi omnes annos meos in amaritudine anime mee.* Et iste versiculus debet esse perpetuae memorie illorum septem, quæ vera contritio debet habere.

Primo enim, ut dictum est, debet esse intenta, non perfuntoria: ideo dicit: *Recogitabo*, contra illos, qui veniunt ad confessionem incogitati de peccatis, quia nullam vel modicam videntur habere sollicitudinem, cum tamen haec sint majo- rora debita et majora negotia quæ homo habet, vel habere possit in hac vita. Ista enim debita sunt decem millium talentorum, ut dicitur in Matthæo³: *Ista enim sunt negotia, pro quibus Filius Dei mortuus est, et pro quibus congregabit angelos de celo, et sanctos etiam homines de mundo, et omnes dæmones de inferno, ut dicitur in Matthæo⁴.* Bene autem est fatus, qui de his maximis debitis et negotiis nunquam est sollicitus, ut dicit bonus penitens David⁵: *Cogitabo pro peccato meo; non dicit pro numero, ut avarus; nec de cibo, ut gulosus; nec de luto, ut immundus; nec de vento, ut superbus; nec de mendacio, ut verbosus: sed: « De peccatis meis ero dolens et sollicitus, » quia vulgo dicitur :*

Quo dolor est dentis, versatur lingua dolentis.

Secundo, contritio debet esse solitaria, non publica: ideo dicit, *Tibi*, quia debet esse solum in conspectu Dei, juxta illud⁶: *Meditatio cordis mei in conspectu tuo semper. Infirmus non con-*

suevit stare in platea, sed in camera clausa; et consilia ardui negotii non tractantur in publico, sed in loco secreto. Ideo dicitur⁷: Tu autem cum oraveris pro peccatis tuis, intra cubiculum, scilicet cordis tui.

Tertio debet esse integra, non dimidia. Ideo dicitur: *Omnes; modicum enim de liquore corrupto inficerat vas, si remaneret in illo. Ideo dicitur⁸: Effunde sicut aquam cor tuum. Bene autem dicit sicut aquam, quia aliud liquor vix potest bene effundi, quin ibi remaneat aliquid de colore, vel de odore, vel sapore. Videmus enim quod post effusionem lactis remanet in vase color; post effusionem vini, odor; post effusionem mellis, sapor. Debet igitur penitens effundere non sicut lac, ne scilicet maneat color pristine conversationis; nec sicut vinum, ne remaneat odor pravæ imaginationis; nec sicut mel, ne remaneat sapor immundæ delectationis: sed sicut aquam perfectæ et integræ contritionis.*

Quarto debet esse contritio ordinata, non confusa. Ideo dicit: *Annos*: annus namque distinguitur per quatuor tempora, scilicet hiemem, ver, aestatem, et autumnum. Debet igitur penitens annos, vel circulum vite sue distinguere per tempora, ut sua melius possit invenire peccata; et præcipue debet investigare peccator, si in vita sua inveniat hiemem et frigiditatem temporis, id est, torporis et acediae; ver autem, id est, humiditatem corporalis lasciviae; et aestatem, id est, caliditatem indignationis et iracundie; et autumnum, id est, siccitatem cupiditatis et avaritiae. Haec sunt tempora, quibus distinguuntur anni peccatorum, de quibus dicitur⁹: *Anni nostri sicut aranea meditabuntur. Aranea si quidem meditatur, et totum studium suum ponit, ut ordinat telam vilem et fragilem ad capiendum muscas: talis est vita hominis fragilis et vilis, et solum muscas capit, id est, delectationes immundas.* Unde dicitur¹⁰: *Ipsi telas oraneæ texuerunt.*

Quinto, debet esse contritio propria, non aliena, id est, de peccatis propriis, non alienis; propter hoc dicit: *Meos.* Vix enim homo prosperatur, qui dimissis negotiis propriis, sollicitus est de alienis. Unde dicit Salvator¹¹: *Filiae Hierusalem, nolite flere super me; sed super vos ipsas flete.* Et sic vult Christus, quod nunquam fleamus, vel plangamus, mortem suam benedictam, — ¹ *Psal. xxix, 42. — 2 Isa., xxxviii, 15. — 3 Matth., xviii, 24. — 4 Matth., xxv, 32. — 5 Psal. xxxvii, 19. — 6 Psal. xviii, 45. — 7 Matth., vi, 6. — 8 Thren., ii, 19.*

¹ *Psal. xxix, 42. — 2 Isa., xxxviii, 15. — 3 Matth., xviii, 24. — 4 Matth., xxv, 32. — 5 Psal. xxxvii, 19. — 6 Psal. xviii, 45. — 7 Matth., vi, 6. — 8 Thren., ii, 19.*

⁹ *Psal. LXXXIX, 40. — 10 Isa., LIX, 5. — 11 Luc., xxiii, 28.*

quonque luxerimus culpam propriam. Nihilominus non habet gratum, quod nos judicemus culpam alienam; sed, sicut vulgo dicitur: « Qui libet plangit telam suam, » id est, damnum proprium, juxta illud Apostoli¹: *Unusquisque onus suum portabit.*

Sexto, debet esse contritio gemebunda. Ideo dicit: *In amaritudine; non in risu.* Ritus signum est mortis, quando infirmus ridet fervore infirmitatis, et maxime quando ægrotus affligitur et anxiatur, et vivaciter sentit ægritudinem, sicut crismi et terminum subsequentem. Unde dicitur²: *Ecce in pace amaritudo mea amarissima.* Contritio namque amara pro incurso divinæ offendæ; amarior, pro damno supernæ patriæ; amarissima, pro reatu poenæ æternæ. Facit infirmum quiescere, et cruciatum terminare, et ægrotantem facit animam crelicare.

Septimo, et ultimo, contritio debet esse intima, non ficta, vel simulata. Ideo dicit: *Animæ meæ.* Emplastrum enim debet ponи super locum doloris infirmi, sicut collyrium ponitur super oculum, non in calcaneo: et ideo, quia peccatum est morbus animæ, ipsa præcipue debet contritionem peccati sentire. Unde dicitur³: *Scindite corda vestra, et non vestimenta vestra,* contra illos, quorum pœnitentia est in vulto, non in spiritu; in ueste, non in corde; cum Hypocrates noster, medicus Christus animalium nostrarum, doceat⁴ pœnitentem faciem lavare, uestes componere, caput ungere, et cor pungere, ut dicitur in *Matthæo*.

CAPUT III.

De Confessione.

Secundo, nota de pœnitentia quantum ad confessionem, que est secunda pars, eam virtualiter iutegrans.

^{Sep'ct. 1.} Et est sciendum, quod septem sunt in confessione attendenda. Primo enim debet esse festina, non tarda, contra aliquos, qui quanto plus possunt, differunt confiteri, nisi in infirmitate gravissima; et tales sunt similes latronibus, quorum confessio aculeo et questionibus extorquetur, quia talium confessionem torqueat Deus per aculeum febris acutæ, vel gravis infirmitatis, cum tamen dicat Propheta⁵: *Præoccupamus faciem ejus in confessione*, sicut ille, qui diffidit de jure suo, debet ante judicium de

¹ Gal., vi, 5. — ² Isa., XXXVIII, 17. — ³ Joel., II, 13.
— ⁴ Matth., VI, 17. — ⁵ Psal. XCIV, 2. — ⁶ Rom., VI,

pace et compositione tractare, et diem suum prævenire.

Secundo, confessio debet esse humili et verrecunda, juxta illud Apostoli⁶: *Quem fructum habuistis tunc in illis, in quibus nunc erubescitis?* Latrones enim demiso capite, et rubore perfusi, sceleris confitentur, contra aliquos, quorum sunt horrenda facinora, qui nec timent Deum, nec homines verentur. Latrones timent patibulum, cum sit tamen breve supplicium et transitorium; et tales non timent infernum, et interminabilem cruciatum. Latrones verecundantur, et tamen parum aut nihil prodest eorum verecundia; isti autem non erubescunt, cum tamen pars pœnitentie sit ipsa erubescencia. De talibus dicitur⁷: *Confusi sunt, quia abominationem Deo fecerunt*, qui post confessionem non sunt confusi, et erubescere nescierunt; quia tales habent utique erubescientie causam et meritum, et tamen non habent utique erubescientie signum.

Tertio, confessio debet esse aperta, non palliata: et dicitur aperta confessio in qua peccator se accusat, exprimendo omnes peccati differentias, et præcipue aggravantes circumstantias, quia dicitur⁸: *Justus prior est accusator sui.* Sic confitebatur David, qui dicebat⁹: *Dixi: Confitebor adversum me injustitiam meam Domino;* non dicit: *Pro me, se laudo, vel adulando, sicut faciebat Phariseus;* sed: *Adversum me, se accusando, sicut faciebat Publicanus, sicut dicitur in Luca¹⁰.*

Quarto, debet esse confessio vera, non ficta; et dicitur vera confessio, que est cum proposito emendandi, non solum oris, sed etiam cordis. De qua dicit David¹¹: *Confitebor tibi Domine, in toto corde meo:* contra aliquos, quorum confessio est lupi, de quo narrat fabula, quod semel confitebatur iniquitates suas, et interim erat nultum sollicitus, quia videbat oves recedentes, unde dixit confessor suo quod cito eum absolveret, ut scilicet posset sequi oves: sic confitentur aliqui in Quadragesima, proponentes ad peccatum redire post Pascha.

Quinto, debet esse confessio integra, non dividia: parum enim valeret, si infirmus medico febrem revelaret, et pestem febris claret; et si nauta aliqua navis foramina obstrueret, et aliqua non. Debet igitur pœnitens Deo integrum offerre confessionem. Deus enim est rex nobilis,

⁶ Jerem., VI, 15. — ⁷ Prov., XVIII, 17. — ⁸ Psal. XXXI, 5. — ⁹ Luc., XVII, 13. — ¹⁰ Psal. CX, 1.

et in mensa regia poni debent panes integri, non fragmenta. Deus enim non consuevit dimidiare veniam. Ideo totum hominem sanum facit in sabbato, ut dicitur in *Joanne*¹. Et sicut magni mercatores in grossō, non obolatam, non denariatam vendunt, sicut pauperes mercatores; prae ceteris, quia mercatura Dei, scilicet gratia et venia, est res indivisibilis, cum ipse sit summus mercator, ista duo erunt indivisibilia, instar margaritarum, vel alterius lapidis pretiosi, qui totus emitur, vel totus dimittitur. Ipse autem est negotiator margaritarum, qui querit bonas margaritas, ut dicitur in *Mattheo*².

Sexto, confessio debet esse flebilis et lacrymosa, sicut Petri et Magdalene, quia misericordia et lacrymæ ad invicem sunt valde amicæ; et ideo ubi est lacryma, ibi est statim amica sua misericordia. Haec est enim aqua, quam Christus valde sicut; et nullus fons tantum eum delectat, quantum putens lacrymarum. In cuius figura quievit iuxta puteum Samariæ, et petuit aquam Samaritanæ, scilicet lacrymarum, a muliere Samaritana, id est, a peccatrice anima, ut habetur in *Joanne*³.

Septimo, et ultimo, confessio debet esse obediens et prompta, ut scilicet poenitens studeat suscipere et observare sacerdotis mandata. Infirmitus, qui nihil vult facere pro medico, vix aut nunquam curatur a morbo. Unde obediens debet poenitens, non contendere, sicut David, qui dicebat⁴: *Ut jumentum factus sum apud te*: ad jumentum namque non perfundet sibi onera taxare, vel imponere, sed taxata et imposita portare.

Nota quod triplex est confessio. Prima est confessio peccati. De qua dicitur⁵: *Dixi: Confitebor adversum me injustitiam meam Domino*. In hoc autem verbo tanguntur sex, quæ debet vera confessio habere. Primum est premeditatio, quod notatur cum dicitur: *Dixi*. Secundum est compunctio cordis et oris, ut ore simul et corde fiat, quod notatur per *Confitebor*. Tertium est, quod sit accusans, non excusans; quod notatur per *Adversum me*. Quartum, quod de malis, non de bonis; quod notatur per *Injustitiam*. Quintum, quod sit propria, id est, de peccatis propriis, non alienis; quod notatur per *Meam*. Sextum, quod sit ad honorem Dei, et honestatem sui; quod notatur per *Domino*:

¹ *Joan.*, vii, 23. — ² *Matth.*, XIII, 45. — ³ *Joan.*, iv, 7. — ⁴ *Psal.* LXXII, 23. — ⁵ *Psal.* XXXI, 5. — ⁶ *Ecli.*,

et talis confessio est utilis. Unde sequitur: *Et tu remisisti impietatem peccati mei*. Secunda est confessio laudis, de qua in *Ecclesiastico* dicitur⁶: *Confitebor tibi, Domine rex, et collaudabo*; et de his duobus dicit Psalmista⁷: *Confitebimur tibi, Deus, confitebinur tibi*. Tertia est confessio fidei, de qua dicit *Apostolus*⁸: *Corde creditur ad justitiam*, etc. Et nota, quod confessio in qua sunt septem conditiones praedictæ, comparatur vielæ, in qua sunt septem chordæ. Unde viela confessionis, quæ habet istam septuplicem chordam, reddit in auribus Dei suavissimam et dulcissimam melodiam: nec est aliquod organum musicum quod ita libenter Deus audiat, sicut veram confessionem peccatorum: et ideo manus quæ sic tangit vielam confessionis coram Deo, statim reportat salarium, id est veniam de omnibus peccatis. Unde dicitur⁹: *Narra si quod habes, ut justificeris*. Et David consultit omnibus nimis, id est peccatoribus poenitentibus, qui volunt in curiam regis æterni introire, ut tangant eo modo vielam confessionis, ut supra dictum est. Dicit enim Psalmista¹⁰: *Introite portas ejus in confessione*.

CAPUT IV.

De Satisfactione.

Tertio nota de poenitentia, quantum ad satisfactionem. Et sunt præcipue septem notanda ad hoc necessaria, ut sit perfecta poenitentia, et peccati medicina.

Primo enim ad satisfactionem requiritur abstinentia a peccato. Sicut enim prima lex quam medicus ponit infirmo, est abstinentia a cibo; ita primum, quod est necessarium poenitenti, est dieta, scilicet abstinentia a peccato. Hanc legem imponebat Hippocrates noster Christus ægrotis suis, quos habebat in cura, sicut patet in adultera, cui Christus dixit¹¹: *Vade, et amplius noli peccare*.

Secundo requiritur ad satisfactionem poenitentiae, restitutio rei alienæ: et haec est sicut quedam minutio, vel phlebotomia (a): minutum enim sanguinis substantiam, sed aufert febris materiam et conservat vitam. Sic qui aliena restituunt, pecuniam minutum; sed aufert cupiditatis et mortis æternae materiam, et conservat gratiam, et anime vitam. Et siue sunt que-

Satisfac-
tionis
condi-
tiones sep-
tem.

¹ *L.*, I. — ² *Psal.* LXIV, 2. — ³ *Rom.*, x, 10. — ⁴ *Isa.*, XLIII, 20. — ⁵ *Psal.* XCIV, 2. — ⁶ *Joan.*, VIII, 44.

(a) *Cœt. edit. flebotomia; et sic deinceps.*

dam infirmitates, quæ non possunt sine phlebotomia curari; sic quædam sunt peccata, a quibus non potest quis sine restituzione curari, aut justificari, sicut furtum, uura, simonia, rapina, et hujusmodi, quia « non dimittitur peccatum, nisi restituatur ablatum, » ut dicit Augustinus¹. Hanc phlebotomiam faciebat sibi Zachæus, qui dicebat²: *Si quid aliquem defrauavi, reddo quadruplum*. Sed utinam usurarii modo redderent simpulum!

Tertio requiritur ad satisfactionem cinis humilitatis: cinis enim et aqua calida faciunt bonum lixivium; sic cinis vere humilitatis, et aqua calida lacrymorum faciunt pœnitentiam purgativam. Et sicut aqua, quantumcumque calida, nisi transeat per cinerem, non bene purgat sordes vestium, sic lacrymæ quamvis calidæ, nisi transeant per cinerem humilitatis, non lavant sordes vitiiorum. Ideo dicebat Job³: *Ago pœnitentium in favilla et cinere: in favilla devotionis, et cinere humilitatis.*

Quarto requiritur ad satisfactionem pœnitentis, cilicium mortificationis. Hoc est proprium et speciale malagma, et emplastrum carnalis repressivum luxuriæ, et carnalis lascivie; et sicut emplastrum temperat et reprimit dolorem lateris, sic cilicium mortificationis reprimit libidinem. Illoc emplastrum ponebat directe super locum doloris Judith, de qua dicitur⁴, quod *habens supra lumbos suos cilicum, jejunabat: cilicum, contra luxuriam, et jejunium contra gulam*.

Quinto requiritur ad satisfactionem pœnitentis, jejuniū afflictivum: quia ad litteram panis et aqua est cibus et vita infirmi, et præcipue prohibetur vinum intirmis. Unde ille bonus medicus Paulus dicit⁵: *Nolite inebriari vino, in quo est luxuria*. Sed nota, quod omnia conceduntur infirmis de quorum salute dubitatur et desperatur; sed aliis, de quibus habetur spes quod curentur, substrahuntur nociva, quantumcumque delectabilia, ut dicitur in Joel⁶: *Convertimini ad me in toto corde vestro, in jejunio, et fletu, et planctu*. Et sequitur ibi⁷: *Quis scit si convertatur, et ignoscat Deus?* quasi diceret: Ex quo Deus, qui est summus medicus, jejunare nos præcipit, nequaquam de nostra salute diffidit.

Sexto requiritur ad satisfactionem pœnitentis,

¹ Aug., ad Mace., epist. LV, post med. — ² Luc., xix, 8. — ³ Job., XLII, 6. — ⁴ Judith., VIII, 6. — ⁵ Ephes., v, 18. — ⁶ Joel., II, 12. — ⁷ Ibid., 14. —

eleemosyna: et hoc est quasi salarium medici: fidelius enim laborat medicus, quando sperat bene se remunerari. Et nota quod salarium est taxandum medico, secundum quod plus vel minus laboravit circa infirmum, et quanto a majori et periculosiori morbo liberavit ægrotum. Bene est igitur remunerandus medicus noster Christus, qui tantum circa nos laboravit, imo propter infirmitatem nostram⁸ animam suam morti tradidit, ut dicitur in Isaia; et etiam qui a tam gravi et multiplici infirmitate nos liberavit. Ipse enim, qui sanat omnes infirmitates nostras, et redimit de interitu vitam nostram, ut dicitur in Psalmo⁹. Si enim bene remuneretur iste medicus, nequaquam de morte timeat ægrotus. Debet enim remunerari, non in se, quia¹⁰ honorum nostrorum non eget, sed in hæreditibus suis, scilicet pauperibus. Reputat enim sibi met factum, quod fit pauperibus amore ipsius. Unde ipsa veritas dicit¹¹: *Quod uni ex minimis meis fecistis, mihi fecistis*. De isto salario eleemosynæ dicitur in Tobia¹²: *Eleemosyna ab omni peccato, et a morte liberalat, et non patietur amorem in tenebris.*

Septimo et ultimo requiritur ad satisfactionem pœnitentis, oratio devota. Siue enim mater pro filio ægrotante facit candelam, et emitit votum, cum nullum consilium, vel auxilium superest medicorum; sic quando videmus spiritum nostrum periclitari gravi morbo peccati, debemus Deo facere candelam bone operationis, juxta illud¹³: *Lucerne ardentes in manibus vestris, et emittere volum devote orationis*. Et hoc genus dæmoniorum¹⁴, scilicet peccatum, non ejicuntur, nisi in oratione, et jejunio, ut dicunt in Mattheo. Oratio namque pestes mentis curat, et jejunium pestes corporis.

C A P U T V.

De Oratione.

Tertio nota partes pœnitentiae virtuales, quæ sunt tres, scilicet oratio, jejuniū, et eleemosyna. Primo specialiter de oratione est dicendum, quid est. Oratio est petitio decentium, in Deo, vel a Deo; vel oratio est mentis elevatio in Deum¹⁵, Damasceno auctore.

De oratione nota specialiter quinque: scilicet

⁸ Isa., LIII, 12. — ⁹ Psal. CII, 3-4. — ¹⁰ Psal. xv, 2. — ¹¹ Matth., XXV, 10. — ¹² Tob., IV, 11. — ¹³ Luc., XII, 33. — ¹⁴ Matth., XVII, 20. — ¹⁵ Damase., de Fid. Orthodox., lib. II, c. XXXIV.

typus decens, virtus ingens, modus competens, locus congruens, et tempus conveniens. Habet igitur oratio typum decentem, et figuram elegantem. Comparatur autem specialiter tribus : est enim oratio sicut incensum divinæ miserationis offerendum, sicut scutum divinæ indignationi opponendum, sicut tributum divine dominationi persolvendum. Est ergo oratio primo similis thuri vel incenso, quod divinæ miserationi debemus offerre. Sicut enim thus vel incensum, super carbones positum, spirat suavem et redolentem odorem, vel fumum; sic oratio incensa super carbone devotionis multum fragrat in conspectu divinae majestatis. Et ideo dicitur¹ : *Dirigatur oratio mea sicut incensum in conspectu tuo.* Secundo, est oratio similis scuto, quod divinæ indignationi debemus opponere : nam sicut scutum prohibet ictum lanceæ, vel sagittæ; sic oratio servat hominem a lancea vel a sagitta sententiae et iræ Dei. Unde dicitur de Aaron², quod *profcerens scutum orationis (a), restituit ira.* Tertio, oratio est similis tributo, quod divinae dominationi debemus persolvere : sicut enim emphyteuta, vel feudatarius, solvit tributum regi pro emphyteusi vel feudo, quod tenet ab ipso, sic tributum laudis et orationis solvendum est Deo pro emphyteusi corporis et animæ quam accepimus in feudo, juxta illud³ : *Reddite quæ sunt Cœsaris Cœsari, et quæ sunt Dei Deo.*

Item oratio habet triplicem figuram aliam valde pulchram. Est enim vir orans sicut homo regi portans encenium, sicut a rege petens iudicium, sicut a rege petens succursum. Est itaque homo qui orat, sicut ille qui præsentat regi magnum encenium et nobile, ut homo magnus, vel nobilis domicillus : sic oratio est encenium adeo nobile et magnum, quod solum debet præsentari Deo per hominem magnum, scilicet justum. Hoc est enim officium Christi hominis et mediatoris nostri, qui orationes nostras et opera nostra præsentat Deo Patri. Quod figurat diaconus in ecclesia, vel in missa, cum offert thuribulum sacerdoti. Hoc est officium angeli, qui nostras orationes similiiter offert in conspectu Dei, sicut dixit Angelus ad Tobiam⁴ : *Quando orabas cum lacrymis, et sequitur ibidein : Ego orationem tuam offerebam Domino.* Et sicut regi non offert, qui sibi ministrat, ferculum cooptum cum muscis; sic qui orat,

Ritus. Ritus. Quod figurat diaconus in ecclesia, vel in missa, cum offert thuribulum sacerdoti. Hoc est officium angeli, qui nostras orationes similiiter offert in conspectu Dei, sicut dixit Angelus ad Tobiam⁴ : *Quando orabas cum lacrymis, et sequitur ibidein : Ego orationem tuam offerebam Domino.* Et sicut regi non offert, qui sibi ministrat, ferculum cooptum cum muscis; sic qui orat,

non debet Regi regum offerre ferculum cum muscis, id est cogitationibus vanis et immunidis. Est etiam homo qui orat, sicut ille qui a rege petit iudicium : sicut enim ille qui in iudicio loquitur, debet habere testes de his quæ proponit, alioquin non crederetur sibi, vel audiaret, imo a judice puniretur; sic oratio vocalis debet habere testimonium cordis. Sed tamen cavendum est, ne eorū orantis sit falsus vel corruptus testis, corruptione scilicet iniquitatis, quia dicitur⁵ : *Iniquitatem si aspexi in corde meo*, etc. Sed si conscientia bona, et testimonium fidele ferat, orans iudicium pro se reportat. Nam dicit Apostolus⁶ : *Gloria nostra haec est, testimonium conscientiae nostræ.* Est insuper orans, sicut ille, qui a rege in obsidione querit vel petit succursum. Nam sicut ille qui tenet castrum regis, si obsideretur ab inimicis, repudaret infidelis, nisi castrum regi denuntiaret obsecsum, vel peteret succursum, vel nisi expectaret a rege auxilium, vel si post auxilium redderet hostibus castrum; sic cum hostes visibles et invisibles obsident animam tentationibus, statim debemus Regi regum nuntium orationis mittere, et obsidionem denuntiare, sicut Propheta, qui dicebat⁷ : *Concilium malignantium obedit me.* Deus enim non differt auxilium mittere, quia fidelis⁸, et statim faciet succursum, cum ad tentationem fuerit perventum, ut dicit Apostolus ad Corinthios.

Item, qui orat, debet clamare sicut clamat parvulus, qui vult ubera; sicut clamat catulus, cum sentit verbera; et sicut clamat populus, cum videt pericula. Est itaque homo qui orat, sicut parvulus volens ubera : nam sicut parvulus clamat pro desiderio lactis; sic viri spirituales debent emittere ululatum orationis devotæ pro ubebris consolationis divinæ, juxta illud quod dicitur⁹ : *Meliora sunt ubera tua vino.* Est etiam homo qui orat, sicut catulus sentiens verbera : nam sicut catulus, sentiens verbera, clamat plus, cum plus percuditur; sic plus debet clamare orando, qui a Domino tribulationis verbera castigatur; nam dicitur¹⁰ : *Ad Dominum, cum tribularer,* etc. Est insuper homo qui orat, sicut populus videns pericula : sicut enim consuevit populus clamare præcipue propter tria, scilicet contra aquam, ignem, et hostes; sic homo debet emittere clamorem contra triplex

¹ Psal. cxl., 2. — ² Sap., xviii., 21. — ³ Matth., xxii., 21. — ⁴ Tob., xii., 42. — ⁵ Psal. lxi., 18. —

⁶ Cor., i., 12. — ⁷ Psal. xxi., 47. — ⁸ Cor., x., 13. —

⁹ Cant., i., 1. — ¹⁰ Psal. cxix., 1.

(a) Vulg. *servitutis sua scutum, orationem.*

genus tentationis, scilicet contra carnalem concupiscentiam, quæ per ignem figuratur; contra concupiscentiam terrenam seu mundanam, quæ per aquam effluentem intelligitur; contra diabolam guerram, qua proprie hostis appellatur. Hec pericula timebat David, qui dicebat¹: *Pericula inferni invenerunt me.*

Item in oratione debemus os cordis aperire, sicut rheumaticus (a) aeri, sicut pulliculus (b) matri, et sicut infantulus nutrici. Est itaque orans sicut homo rheumaticus, qui nares habet strictas, necessaria est enim ad respirandum apertio oris; sic qui habet imperfectum odoratum, scilicet desiderii celestis, debet aperire os, et mittere vocem orationis. Nam dicit Propheta²: *Os meum aperui, et altraxi spiritum.* Est etiam os aperiendum orationi, sicut infans aperit nutriti. Sicut enim nutrix pascere infantem non posset, si puer os non aperiret; sic si volumus nutrimentum vite suspicere, orando aperiamus os nostrum ad nutrimentum vita æterna, scilicet gratiae divine, ut dicitur in libro *Sapientia*³. Est insuper homo qui orat, sicut pulliculus, qui quando sentit venire matrem, aperit rostrum versus cœlum; sic cum frequenter visitet nos Deus per inspirationem suam, quasi semper debemus habere os apertum per orationem devotam, sicut dicit Apostolus⁴: *Sine intermissione orate.* Et de viro justo dicitur⁵: *Aperiet os suum in oratione, et pro delictis suis deprecabitur.*

Item oratio est sicut armatura militem ornans, sicut lucerna viam demonstrans, et sicut columba olivam portans. Est itaque oratio sicut armature: nam sicut miles non exit sine armis ad bellum, ita sine armis orationis nullo modo debemus intrare tentationis conflictum. In cuius figura dicitur⁶, quod Moyse elevante manus ad orationem, vincebat Israel; et cum remittebat (c) manus, superabat Amalech, id est diabolus. Est autem oratio sicut lucerna viam demonstrans: nam sicut lucerna est necessaria in tenebris, sic oratio in rebus dubiis. In cuius figura mulier illa evangelica⁷, id est anima devota, accedit lucernam, et inventum drachmam, ut dicitur in *Luca*. Lucerna est orationis instantia; drachma vero est gratia divina, quæ quasi perdita fuerit, reperitur cum oratione devota. Et

sicut lucerna dirigit gressus, sic oratio dirigit omne bonum opus. Unde dicit Hieronymus *ad Paulam*⁸: «In principio cuiuslibet operis boni, præmitte signum crucis in fronte cum Oratione Dominica.» Est insuper oratio sicut columba, quæ⁹ reversa est ad arcum cum oliva, ut habetur in *Genesi*. Nam sicut illa denuntiavit pacem, et jam cessasse diluvium; sic oratio denuntiat prænentiam, reconciliationem, et veniam peccatorum. Ei sicut columba illa portavit ramum olivæ, sic oratio ramum divinæ gratiae. Et sicut columba habet duplice alam, sic oratio habet duplices alas, scilicet jejuniū et eleemosynam. Unde dicitur¹⁰: *Quis dabit mihi pennas sicut columbae, et volabo per orationem, et requiescam per devotionem?*

CAPUT VI.

Dc Jejunio.

De jejuniū nota specialiter tria: quibus jejunium comparatur; quid in jejunio reprobatur; et quale jejunium commendatur.

Primo enim comparatur jejunium pluribus, et specialiter tribus: est enī sicut parcitas ignis vel lignorum sub olla; sicut agilitas in navicula; et sicut concavitas in viela. Est itaque jejunium sicut parcitas ignis vel liguorum sub olla: sicut enim subtrahendo ligna vel ignem de sub olla, cessat ejus ebullitione; sic corpori subtrahendo cibaria, cessat tentatio carnis. Unde versus:

Luxuriat raro non bene pasta caro.

Unde nota, quod ancilla provida tripliciter impedit ebullitionem ollæ, scilicet ligna subtrahendo, aquam infundendo, et que sunt in olla movendo: sic anima penitens, instar ancillæ, contra ebullitionem carnalis concupiscentiæ, debet ligna subtrahere parce comedendo; unde versus:

Subtrahere ligna foco, si vis extinguere flammam.

Debet aquam infundere, ad litteram aquam, bibendo vinum bene lymphatum. Debet ollam movere, se utiliter occupando; unde dicit Apostolus¹¹: *In laboribus, in jejunis, in vigiliis,*

epist. xxii, post med. — ⁹ Gen., viii, 11. — ¹⁰ Psal. LIV, 7. — ¹¹ II Cor., xi, 23.

(a) Cæt. edit, rheumaticus, et sic deinceps. — (b) Item pulliculus. — (c) Vulg. Cumque levaret Moyses... sin autem paululum remisisset.

¹ *Psal. cxiv*, 3. — ² *Psal. cxviii*, 131. — ³ *Sap.*, XVI, 15: *Omnium nutrici gratia*, etc. — ⁴ *I Thess.*, v, 17. — ⁵ *Ecclesi.*, xxxix, 7. — ⁶ *Exod.*, xvii, 11. — ⁷ *Luc.*, xv, 8. — ⁸ Est simile apud Hieron., *ad Eustoch.*,

scilicet occupemus nos. Nam caro nostra ad flatum diaboli, sicut carbo ignis, accenditur, et sicut olla succense atque ferventes. Unde dicitur¹: *Haltitus ejus prunos ardere facit.* Est etiam jejunium sicut agilitas in avicula. Nam sicut avis macilenta est agilis ad fugiendum accipitrem, ad volatum sublimem; sic mens hominis jejunantis et abstinentis est habilis ad fugiendum accipitrem, id est hostis tentationem, ad sublimem volatum contemplationis. De tali dicitur²: *Volavit super pennas ventorum.* Volavit fugiendo temptationem, et volavit se elevando ad contemplationem. E contrario vero est de gravi et pingui, sicut de eoturnice tempore vindemiarum, quæ non potest accipitrem fngere, nec alte volare: sic homines carni detiti, nec bene possunt temptationem diaboli vitare, nec bene cœlestia contemplari. Unde in figura istorum Elias³ *jejunavit quadraginta diebus et quadraginta noctibus*, ut scilicet persecutionem Jezabel evaderet, et ad montem Dei Horeb^(a) celeriter perveniret, ut legitur in libris *Regum*. Elias in figura signat animam hominis abstinentis; persecutio Jezabel designat temptationem caruis; et mons Dei Horeb significat sublimitatem contemplationis. Est etiam jejunium, sicut concavitas in viela: nam sicut viela, nisi esset concava, et chordæ superextensæ, non esset sonosa; sic homo, nisi vacuus per abstinentiam, et extensus per rigidam pœnitentiam, non reddit sonorosam divinæ laudis melodiam. Unde in figura hujus dixit Dominus Moysi⁴, quod faceret *altare concavum, non solidum, sed inane*^(b). Concavum altare est cor pœnitentis, ubi debet immolari sacrificium contritionis et sacrificium laudis; quod quidem non debet esse solidum, id est, deliciis plenum, sed iuane, et concavum, id est pœnitentia et jejuno attenuatum.

Est etiam jejunium remedium ad expiandum morbum, bonum consilium ad effugiendum lupum, et certum ingenium ad impugnandum castrum. Est itaque jejunium remedium valde sanum ad curandum morbum: nam sicut lex prima medicorum infirmantibus corporaliter est dieta, sic primum auxillium vexati febribus temptationis, est jejunium et abstinentia. Unde

jejunium ponitur primo inter opera pœnitentie, quæ suadet summus ille Hippocrates Deus in suis aphorismis, dicens⁵: *Convertimini ad me in toto corde vestro, in jejunio, etc.* Est etiam jejunium valde bonum consilium ad fugandum lupum; sicut enim vulgo dicitur: « Fames ejicit lupum de nemore; » sic abstinentia et jejunium fugant diaholum ab homine. Unde dicitur⁶: *Hoc genus dæmoniorum non ejicitur, nisi in jejunio et oratione.* Nam oratio fugat pestes cordis, et jejunium pestes corporis, ut dicit Augustinus. In figura etiam hujus Judith jejunans occidit Holofernem, ut dicitur in *Judith*⁷. Judith, quæ *confitens* interpretatur, signat pœnitentem, qui peccata sua confitetur. Holofernes, quem Judith jejunans occidit, signat diabolum, qui confessione et abstinentia superatur. Est insuper jejunium valde certum ingenium ad expugnandum castrum: sicut enim non est adeo forte castrum, quod non possit expugnari, si possent ei virtus subtrahi; sic non est adeo rebellis caro spiritui, quin, subtrahendo cibaria, non valeat a spiritu subjugari. Caro siquidem nostra castrum diaboli est, quæ semper rebellat se contra spiritum. De hoc castro dicitur⁸: *Cum fortis armatus scilicet custodit atrium suum: atrium diaboli est castrum corporis immundi; tunc in pace sunt omnia quæ possidet, habens scilicet turres superbisæ, fossatum avaritiae, rupes invidiae, habens pro muro defensionem culpe propriæ, habens etiam portas conversationis indisciplinatae, habens pacem perversam intrinsecus delectationis immundæ; sed tamen, quantumcumque muniatur, per jejunium, ut dictum est, subtrahendo cibaria, expugnatur.*

Idem nota quod quatuor in jejunio reprobantur, scilicet cum jejunans vacat culpe, cum jejunans inhiat famæ; cum jejunans parcit proboscis, et cum jejunans servit gule. Est igitur reprobandum in jejunio, cum jejunans vacat peccato. Qui enim jejunat a cibo et non abstinet a peccato, similis est diabolo, cui esca non est, et malitia semper inest, ut dicit Isidorus⁹. De hoc jejunio dicitur¹⁰: *Hoc est jejunium, quod elegit: Dissolve colligations impietatis, solve fasciculos deprimentes.* Sed in eodem capitulo dicitur¹¹: *Ecce ad lites et contentiones jejunatis.* Est etiam in jejunio reprobandum, quando je-

Quatuor
in jejuno
reprobantur.

(a) *Cœl. edit.* Oreb, et sic deinceps. — (b) *Vulg.* *Altare non erat solidum, sed cavum ex tabulis, et intus vacuum.*

¹ *Job*, xli, 12. — ² *Psal.* xvii, 11. — ³ *III Reg.*, xix, 8. — ⁴ *Exod.*, xxxviii, 7. — ⁵ *Joel*, ii, 12. — ⁶ *Matth.*, xvii, 20. — ⁷ *Judith*, viii, 6; xiii, 10. — ⁸ *Luc.*, xi, 21. — ⁹ *Isid.*, *de Sum. Bon.*, lib. II, c. XLIV, sent. 8. — ¹⁰ *Isa.*, LVIII, 6. — ¹¹ *Ibid.*, 4.

junans querit ex hoc laudem humanam, et gloriæ transitoriae famam : nam qui jejunat propter humanam laudem, de hoc, quod subtrahit uni hosti, pascit duplicum hostem : quod enim unico adversario, scilicet carni, subtrahitur per jejunium, de hoc pascit alios duos, scilicet diabolum et mundum. Tale erat jejunium Pharisaeorum, de quibus dicitur¹: *Cum jejunatis, nolite fieri sicut hypocrita tristes; exterminant enim facies suas, ut appareant hominibus jejunantes*, etc. Est tertio reprobandum valde in jejunio, quando jejunans ideo jejunat, ut parcat bursæ; talis enim nihil aliud videtur facere, nisi quod subtrahit sibi, et ponit in ore diaboli, id est in bursa, quæ est os diaboli. Unde avarus videtur multum diligere diabolum, quando subtrahit ori proprio, unde pascat et impinguet ipsum. Tale jejunium reputat Sapiens infelicissimum, dicens²: *Vir cui dederit Deus divitias, substantiam et honorem, et nihil deest anima sua ex omnibus quæ desiderat; nec tribuit ei Deus potestatem, ut comedat ex eo; sed homo extraneus vorabit illud; hoc vanitas et magna miseria est.* Est insuper reprobandum in jejunio, quando jejunans ideo jejunat, ut Deo suo, scilicet gule serviat et ventri, quod fit præcipue tribus modis. Quidam enim sunt, qui ideo jejunant, ut postea melius comedant : tales nihil aliud faciunt, nisi quod solemnitatem Dei sui, scilicet ventris, præveniunt vigilia jejunii destabilis. Sunt etiam alii, qui tempore jejunii, querunt magis delicata cibaria, et tunc volunt comedere splendidius et laetus, et tantum una vice comedunt, quantum in duabus, quando non jejunant : et tales talem gratiam solum faciunt Deo, scilicet quod duos obolos dent sibi pro uno denario, et eamdem gratiam facerent Iudeo vel Saraceno. Sunt nihilominus aliqui, qui tribus diebus plus manducant pro uno misserrimo jejunio, quod jejunant. Nam dic præcedenti dicunt : « *Cras jejunabimus.* » Die sequenti dicunt : « *Heri jejunavimus.* » Die ipsius jejunii dicunt : « *Hodie jejunamus.* » Et ita defraudant Deum, quia pro tribus obolis non solvunt, nisi unum denarium. De talibus conqueritur Dominus³ : *Circumveuit me in negotiatione sua (a) Ephraim.* De tali jejunio potest intelligi illud⁴ : *Nolite jejunare, sicut ad hanc diem.*

Item triplex jejunium in sacro eloquio com-

Jeju-
nium tri-

¹ Matth., vi, 16. — ² Eccles., vi, 2. — ³ Ose., xi, 12.

— ⁴ Isa., LVIII, 4. — ⁵ 1 Cor., XIII, 3. — ⁶ Rom., XII, 1. — ⁷ Matth., vi, 17. — ⁸ Isid., de Sum. Bon., lib. II,

mendatur, scilicet bonum, melius, et optimum. Bonum est, quando quis jejunat pro satisfactione peccati; melius, quando quis jejunat ad honorem Dei; optimum, quando quis jejunat cum exercitio boni operis. Bonum igitur dicitur, quando quis jam, post mortem peccati, per contritionem et confessionem resurrexit, et in charitate existit, et jejunat pro peccatis quæ fecit; si autem charitatem non habet, bonum amittit quod habet, quia dicitur⁵ : *Si tradidero corpus meum, ita ut ardeam, charitatem autem non habeam, nihil mihi prodest;* et offert quasi cadaver mortuum Deo, qui jejunat in peccato mortali, cum debeamus Deo offerre⁶ *corpora nostra hostias viventes*, ut dicit Apostolus ad Romanos. Melius vero jejunium vocatur, quod ad Dei honorem et sanctorum suorum gratis et cum devotione celebratur. De quo intelligitur illud⁷ : *Tu autem cum jejunas, unge caput tuum, scilicet oleo unctuoso compassionis, et faciem tuam lava aqua lacrymose contritionis*, ut dicit Glossa. Deo jejunat, qui pro ejus amore se macerat, et qui, quod sibi subtrahit, pauperibus elargitur. Optimun jejunium dicitur, quando homo exterior jejunat, et homo interior orat, ut dicit Isidorus⁸; et quando qui (b) jejunat, ex una parte jejunando macerat corpus, et ex altera parte bona agere non cessat, contra aliquos, qui nihil possunt facere, cum jejunant; imo tunc ludunt ad scacos, ut jejunium non sentiant; et sic otiendo, otium vitant, contra hoc, quod dicit Boetius, quod pro otio vitando, otia sectari ridiculosum est. Jejunium bonum significatur per jejunium Mosyi⁹, ut habetur in *Exodo*; jejunium melius significatur per jejunium Eliae¹⁰, sicut dicitur in libris *Regum*; jejunium optimum significatur per jejunium Christi¹¹, ut habetur in *Matthæo*.

CAPUT VII.

De Eleemosyna.

De eleemosyna quatuor suut specialiter notanda, scilicet typus elegans, motus stimulans, modus regulans, et fructus abundans.

Habet ergo eleemosyna typum vel similitudinem elegantem, et specialiter triplicem : est enim eleemosyna sicut lumen radiosum, sicut

Eleemo-
syna si-
milia.

c. XLIV, sent. 1. — ⁹ Exod., xxiv, 18. — ¹⁰ III Reg., XIX, 8. — ¹¹ Matth., iv, 2.

(a) Vulg. *Circumdedi me in negatione.* Hebr. שָׁמְךָ, id est, in mendacio. — (b) Cat. edit. quis.

flumen copiosum, et sicut semen fructuosum. Est itaque eleemosyna sicut lumen radiosum : nam sicut lumen serenat aeren, sic eleemosyna serenat mentem ; et sicut lumen fugat omnem tenebram, sic eleemosyna fugat omnem culpam ; et sicut lumen debet portari non post, sed ante hominem, sic homo prudens facit eleemosynam in vita sua, non post mortem. Qui autem eleemosynam non facit in vita sua, sed post mortem suam, similis est homini, qui post tergum vestrum portare lumen, id est lucernam. Dicit enim Sapiens¹ : *Ante mortem benefac amico tuo*, id est animæ tue, vel Christo in suis membris. Est etiam eleemosyna sicut flumen : nam sicut flumen manat ex influentia fontis, sic eleemosyna ex influentia pietatis. Et sicut fons, unde manat fluvius, per occultos meatus procedit a mari; sic pietas hominis, unde manat eleemosyna, per occultam inspirationem venit ex gratia Dei : et sic eleemosyna venit a Deo, et datur Deo. Nam dicit Sapiens² : *Ad locum unde exeunt, flumina revertuntur, ut iterum fluant*. Et sicut flumen quandoque exit extra ripas, nec est contentum propriis alveis ; ita interdum eleemosyna danda est bonis indifferenter et malis, maxime tempore necessitatis, sicut Pater celestis³, qui solem suum oriri facit super bonos et malos, et pluit super justos et injustos, ut dicitur in Mattheo. Est insuper eleemosyna sicut semen ; et nota quod sex sunt quibus eleemosyna bene semini comparatur : primo, quia sicut semen debet abscondi, ita eleemosyna debet occulte dari : nam dicitur⁴ : *Concluse eleemosynam in sinu pauperis*. Secundo, quia sicut semen videatur perdi, cum tamen potius renovetur ; sic eleemosyna videatur amitti, cum datur, que tamen tunc optime servatur, et thesaurizatur in thesauro Paradisi. Unde dicitur sic⁵ : *Perde pecuniam propter fratrem*. Tertio, semen cum foedere surgit : sic qui dat eleemosynam, a Deo centuplum accipiet. Unde super illud⁶ : *Fæneratur Domino, qui miseretur proximo*, dicit Glossa : « Centuplum accepturus. » Quarto, semen quod est pretiosum, sicut triticum, in uno anno seritur, et in alio metitur ; vile vero, sicut hordeum et milium, in eodem anno metitur et seminatur : sic eleemosyna pretiosa est, que hic in anno gratiae seritur, sed fructus ejus in alio anno, scilicet gloriae, expectatur. Vilis

vero respectu hujus videtur eleemosyna illa, quæ in presenti remuneratur, quia dicit Salvator⁷ : *Amen dico vobis, reepperunt mercedem suam*. Pretiosa vero non solum in presenti et temporaliter, sed etiam remuneratur aeternali-
ter, quia dicit Apostolus⁸, *quod pietas ad omnia utilis est, promissionem habens vitæ, que nunc est, et future*. Quinto, sicut semen gelu pressum et retardatum profert uberiorem fructum ; sic eleemosyna quam quis facit dum sustinet tribulationem, uberiorem est habitura repromotionem, seu fructum, vel remunerationem. Unde dicitur⁹ : *Euntes ibant et flebant, mittentes semina sua. Venientes autem, etc.* Sexto, semen sustinet molestias multas, sicut gelu, grandines et pluvias ; sic homo, qui libens eleemosynam dat, cum cor habeat compas-
sione plenum, talis sustinet omnes necessitates pauperum, et miseras afflictorum. In cuius persona dicit Apostolus¹⁰ : *Quis infirmatur, et ego non infirmor ? Item eleemosynarius est sicut arbor, quæ fructum facit ; sicut nutrix, quæ puerum nutrit, et sicut mercator, qui merces vendit. Est itaque bonus eleemosynarius ut arbor : sicut enim arbor melius crescit et fructificat, cum ab ea resecantur superflua ; sic di-
vites melius proficiunt in gratia, resecantes divitias suas, scilicet dando eleemosynam, quæ est de superfluis danda, vel facienda, sicut dicitur¹¹ : *Quod superest, date eleemosynam*. Et sicut agricola tolerat in vinea aliquas infructuosaes arbores, quæ sustinent vites ; sic summus agricola Deus in vinea sua, scilicet in Ecclesia tolerat multos divites, qui cum eorum eleemosyna sustentant pauperes. Unde dicitur¹² : *Vineam pastinavit homo*. In vinea siquidem non solum sunt vites, quæ fructificant, imo et paxilli aridi : sic in Ecclesia Dei sunt peccatores et in-
justi, qui vites fructificant, id est justos, suis eleemosynas sustentant. Homo etiam eleemosynarius est sicut nutrix, quæ lactat puerum : nam sicut nutrices consueverunt impinguari, ut abundant in lacte, et bene nutriant pueros ; sic Dominus impinguat divites bonis temporibus, ut abundant in lacte compassionis, et nutrient filios, id est pauperes suos. Unde dicitur¹³ : *Impinguasti in oleo caput meum*. Tunc enim Dominus oleo caput impinguat, quando mentem ad pauperes oleo compassionis hu-*

¹ Eccli., xiv, 13. — ² Eccl., 1, 7. — ³ Matth., v, 45.

— ⁴ Eccli., xxix, 15. — ⁵ Eccli., xxix, 13. — ⁶ Prov.,

xix, 17. — ⁷ Matth., vi, 2. — ⁸ 1 Tim., iv, 8. — ⁹ Psal. cxxv, 6, 7. — ¹⁰ II Cor., xi, 29. — ¹¹ Luc., xi, 41. — ¹² Marc., xii, 4. — ¹³ Psal. xxii, 5.

mectat. Est insuper homo eleemosynari sicut mercator industrius. Nam sicut mercatores pecuniam suam non tradunt eis qui reddere non possunt, vel eis qui ad nundinas venturi non sunt; sic homo prudens non dat eleemosynam histrionibus, qui nihil habent, scilicet de gratia Dei, et qui venturi non sunt ad nundinas paradisi. Ideo dicitur¹: *Benefac humili, et ne deridis impio.* Hoc vero in duobus casibus intelligitur: unus, quando datur bistrionibus non intuitu pietatis, sed ratione histrionatus; alius est, si credas quod, propter eleemosynam tuam, impius negligat justitiam. Et sicut pedagium non petitur ab illis qui transeunt vacui, sed ab aliis qui sunt onerali; sic dominus pedagium eleemosynarum petit a pauperibus, qui sunt vacui rebus transitoriori; sed a divitiibus, qui sunt onerati divitiis, et pleni temporalibus bonis. Unde dicit apostolus²: *Divitiibus hujus sæculi præcipe, facile tribuere, communicare, thesaurizare sibi fundamentum in futurum.* Et sicut dominus terrenus mercatoribus, qui furantur pedagium, aufert quandoque totum capitale; sic illis divitiibus, qui pedagio eleemosynarum defraudent pauperem, aufert dominus non solum gratiam, imo interdum temporalem substantiam. De tali dicitur³: *Tollite ab eo talentum, et date illi qui decem talenta habet.* Avaro siquidem tollenda est temporalis substantia, et danda illi qui, miserando pauperibus, implet mandata domini.

Secundo eleemosyna habet motum stimulantem, et specialiter triplicem. Unde nota, quod ille, a quo petitur eleemosyna, debet præcipue considerare tria, scilicet: quis petit; pro quo petit; et ad quid petit. Primo igitur, quando pauper petit eleemosynam, debet dives considerare quis eam petit: quia dominus, pro eius amore petit eam mendicus. Debet enim adeo diligere pauperes, quod quidquid fit eis propter amorem suum, reputat sibi factum. Nam dicitur⁴: *Quod uni ex minimis meis fecistis, mihi fecistis.* Petit ergo eleemosynam per pauperem suum ille, a quo dives petit quandoque regnum: et ideo cum pauperi negat dives modicum fructum panis, timere debet, quod Deus non audiat eum, cum petit ab eo regnum æternæ felicitatis, quia dicitur⁵: *Qui obturat aures suas ad clamorem pauperis, clamabit ipse, et non audietur.* Debet secundo considerare dives,

quid petit Deus, quando eleemosynam petit in suis pauperibus: petit enim Deus non nostrum, sed suum. Ideo valde ingratus est Deo, qui pauperi negat modicam eleemosynam, cum de bonis Dei habeat abundantier ad mensam suam. Hoc consideravit David, qui dicit⁶: *Tua sunt, Domine, omnia, et quæ de tua manu accepimus, dedimus tibi.* Tertio, debet considerare dives homo, ad quid petit Deus. Deus enim petit non ad dandum, sed ad mutuandum; nec tantum ad triplas, imo ad centuplas usuras. Unde dicit Augustinus: « *Homo, quod fœneras homini, fœnerare Deo, et centuplum accipies, et vitam æternam possidebis.* » Et ideo nimis ingratus est, qui ad tales usuras non vult commodare Deo, ad quales mutuaret Judæo, vel Saraceno.

Tertio, eleemosyna habet modum regulatem, et specialiter triplicem. Unde nota, quod in dando eleemosynam, debet esse modus justus, modus gratus, et modus pius: justus, sine injuria; gratus, sine tristitia; et pius, sine superbia. Primo igitur, qui dat eleemosynam, debet habere modum justum, ut scilicet det suum, et non alienum. Sicut enim aqua munda lavat, et imunda coquinat; sic eleemosyna munda, quæ scilicet est sine peccato usura, vel rapina, dantem mundat, pauperem lavat, et Deum placat. Unde dicitur⁷: *Honora dominum de tua substantia, non de alieno: quia eleemosyna de alieno, ut de rapina, usura, vel de furto, dantem inficit, proximum laedit, et Deum offendit.* Unde in figura hujus dicitur⁸: *Omnis oblatio quæ offertur domino, absque fermento erit, scilicet usura, furti, vel rapina, vel cuiuscumque acquisitionis injustæ.* Secundo, qui dat eleemosynam, debet habere modum gratum, ut scilicet ostendat pauperi latum vultum, dulce verbum et promptam manum. Nam de læto vultu dicit apostolus⁹: *Hilarum enim datorem diligit Deus.* De dulci verbo, dicitur¹⁰: *Responde illi, scilicet pauperi, pacifice in mansuetudine.* De prompta manu dicitur¹¹: *Ne dicas amico tuo: Vade et revertere, cras dabo tibi, cum statim possis dare.* Tertio, qui dat eleemosynam, debet habere modum pius, et sine omni superbia vel præsumptione, ut scilicet, dando eleemosynam, laudem non querat, pauperem ne despiciat, seipsum sine eleemosyna non dimittat. Qui

¹ Eccli., xii, 6. — ² I Tim., vi, 17. — ³ Matth., xxv, 28. — ⁴ Ibid., 40. — ⁵ Prov., xxi, 13. — ⁶ I Paral.,

⁷ Prov., III, 9. — ⁸ Levit., II, 11. — ⁹ II Cor., IX, 7. — ¹⁰ Eccli., IV, 8. — ¹¹ Prov., III, 28.

(a) Vulg. pacifice.

enim dat eleemosynam, laudem vitet humanam : nam dicitur ¹ : *Te autem faciente eleemosynam, nesciat*, etc. Debet etiam, qui dat eleemosynam, non propter hoc pauperem despicer, quia dicitur ² : *Et carnem tuam ne despexeris*. Nec debet seipsum sine eleemosyna dimittere, qui vult alios misericors esse. Dicitur enim ³ : *Miserere animæ tuae, placens Deo*. Et Augustinus in *Enchiridio* (a) ⁴ : « Qui vult eleemosynam ordi-

nate dare, a seipso debet incipere. » Sicut enim non deberat dici misericors, qui extraneis faceret misericordiam, et matre proprie crudelis et immisericore esset; sic multo minus dicenda est misericordia, vel eleemosyna, quam quis faceret aliis, anima sua neglecta, et in peccato dimissa. Unde dicitur ⁵ : *Qui sibi nequam est, cui bonus?* Et Augustinus : « Quid est miserius misero non miserante sibi ipsi? »

TITULUS TERTIUS

DE PRÆCEPTIS DIVINIS

CAPUT PRIMUM.

De præceptis in communi.

Triade postquam dictum est de poenitentia, dicendum est de præceptis, quia haec est secunda conditæ salutis, scilicet a poenitentia venire ad præcepta. Et ideo nota de præceptis divinis specialiter tria, scilicet: qualiter sunt descripta iudelebiliter; distincta rationabiliter; edita universaliter.

Circa præceptorum descriptionem est notandum, quod ad observandum præcepta divina, debet nos monere præceptorum scriptura tripli-citer, si attendamus quis scripsit, ubi scripsit, et quo modo scripsit. Primo enim si queris, quis scripsit? dicitur quod digitus Dei, scilicet Spiritus sanctus. Scriptura enim magis est authentica et plus observanda, quando per magnum publici tabellionis est confecta. Iste tabellio est Spiritus sanctus, scilicet qui ex nihilo fecit cœlum et terram, et omnia elementa, et corpus Christi formavit in virginali utero, et de pulvere formavit corpora nostra. Item idem scripsit decem præcepta: ille enim est notarius publicus, qui fecit instrumentum de matrimonio quod conjunxit Dei Filium in virgine Ecclesia, et in nostra carne. Et ipse scripsit testamentum, quod condidit Christus in cruce, in quo legavit spiritum Deo Patri, matrem Joanni, et Para-

disum latroni. Iste tabellio scribet in die judicii æquitatem divina sententia. Iste scribet electos in libro vite. Et breviter, iste scribet omnes chartas et scripturas, et instrumenta divina. Bene igitur observanda est præceptorum scriptura. Unde dicitur ⁶ : *Deus dedit Moysi tabulas scriptas, utrasque digito Dei vivi.*

Secundo, si queras ubi scripsit; dico, quod in tribus locis, scilicet in lapidibus marmoreis, in profundo pectoris, et in pergameno humani cordis. De scriptura marmoris, nota quod duo fuerunt paria tabularum: primæ post scripturam fuerunt fractæ; instar illarum fuerunt aliæ renovatae. Primæ significant innocentiam, secundæ poenitentiam. Et ideo si contingat tabulas innocentiae frangi, debent saltem præcepta in tabulis poenitentie transscribi. Est enim mire cautum, quod si instrumenta vetustate vel aliquo casu consumpta sunt, per manum notarii exemplanda, eamdem auctoritatem cum originalibus habitura sint: quia poenitentia reducit in gradum pristinum, et omnes defectus revocat ad perfectum, ut dicit Augustinus ⁷ in *Hypognostico* (b). Unde dicit Dominus Moysi ⁸: *Præcide duas tabulas lapideas instar priorum, et scribam super eas, que habuerunt tabulæ quas fregisti.* De scriptura præceptorum in corde, nota, quod in hac scriptura scriptor, ut diximus, est digitus

libri cui tit. *Hypognosticon*, sive *Hypomnesticon*, lib. III, paulo post med., inter Oper. S. Aug., append. tom. X. — ⁸ *Exod.*, xxxiv, 1.

(a) Cœt. edit. *Enchiridion*.—(b) Item *Hypognosticon*:

¹ *Matth.*, vi, 3. — ² *Isa.*, LVIII, 7. — ³ *Ecli.*, XXX, 24. — ⁴ Aug., *Enchirid.*, c. LXXVI. — ⁵ *Ecli.*, XIV, 5. — ⁶ *Dsut.*, IX, 10. — ⁷ Vel auctor, quisquis ille sit,

Dei scribentis; calamus, lingua prædicantis, juxta illud¹: *Lingua mea calamus scribæ*; et Spiritus sanctus scribens. Pergamenum est munditia cordis: nam in pergamo luto vel immundo littera non bene formatur, nec apparet scriptura, imo oportet quod sit album et mundum. Unde dicebat Prophetæ²: *Cor mundum crea in me, Deus*. Incaustum hujus scripturæ est gratia Spiritus sancti. Rubrica ornans totam scripturam, est sanguis Christi. Continentia scriptura est dilectio Dei et proximi, quia³ *finis præcepti est charitas*, ut dicit Apostolus scribens ad Timotheum. Hæc scriptura, quia tam chara fuit, ideo intima et secreta est. Ideo sicut jocalia carta et pretiosa reponuntur cum magno studio in loco secreto et scrinio pretioso, ideo, etc. Et de hac scriptura chara et intima dicitur⁴: *Dabo legem meam in visceribus eorum, et in corde eorum scribam eam*. De scriptura præceptorum in corde, nota, quod in triplici parte corporis nostri quodam modo scripta sunt præcepta Dei, quasi pro sempiterno et continuo memoriali. Scripta enim sunt in manibus, ubi sunt decem digitæ; in pedibus, ubi sunt decem articuli; et in quinque sensibus, ubi sunt organa: sicut duo oculi ad videndum, due aures ad audiendum, due nares ad odorandum, due fances ad gustandum, due manus ad tangendum. Per quod patet, quod præcepta divina debent in nobis dirigere gressus affectionis: ideo sunt decem articuli pedum, quasi memoriale decem præceptorum. Debent etiam regere sensus affectionis, actus operationis: propter quod sunt decem digitæ manuum ad designandum decem præcepta, seu præceptorum mandata. Debent nihilominus moderari sensus nostræ conversationis; propter hoc in sensibus sunt decem organa ad designandum decem præcepta. Hic est liber scriptus intus et foris, ut dicitur in Ezechiele⁵, quia præcepta, ut dictum est, debent esse scripta intus, scilicet in corde per dilectionem, et foris per operationem, scilicet in corpore.

Tertio, si quæras quo modo scripsit; dico: Indelebiliter. Et nota quod tria sunt, quæ consueverunt delere scripturam, aqua scilicet, ignis (a), et vetustas: sic spiritualiter aqua transitoriae delectationis, ignis afflictivæ persecutionis, vetustas defecit conversationis. In

¹ *Psal. XLIV, 2.* — ² *Psal. L, 12.* — ³ *1 Tm., I, 5.* — ⁴ *Jerem., XXXI, 33.* — ⁵ *Ezech., II, 9.* — ⁶ *Matth., XXIV, 35.* — ⁷ *Baruch, IV, 4.* — ⁸ *Matth., XIX, 47.* —

aqua significatur tentatio carnis inficientis; in igne, tentatio hostis decipientis; in vetustate, tentatio mundi deficientis. In quibusdam enim delet præcepta aqua, vel liquor carnalis delectationis; in quibusdam ignis, vel fervor hostilis persecutionis; in quibusdam vetustas mundialis conversationis. Et ideo, contra ista tria, Deus voluit præcepta sua indelebiliter in lapide scribere, ut nunquam delerentur, nec carnali bestialitate, nec mundiali prosperitate, nec hostili adversitate. Unde dicitur⁶: *Calum et terra transibunt, verba autem mea non transibunt*. Item nota, quod tres scripturæ sunt specialiter indelcibilis, et immobiles, scilicet leges imperatorum, donatio inter vivos, et ultimum testamentum. Præcepta autem Dei sunt leges Imperatoris summi, editæ in consistorio Trinitatis: que leguntur a Doctrinibus per catholicam prædicationem, repetuntur a scholaribus per bonam operationem. Unde dicitur⁷: *Hic est liber mandatorum Dei, et lex quæ est in æternum*. Sunt enim præcepta divina æterna sicut donatio inter vivos; et irrevocabiliter donatur vita eterna illis, qui inter vivos, id est in statu gracie observant mandata divina. Ideo dicitur⁸: *Si ris ad vitam ingredi, serva mandata*. Bene autem dicitur donatio inter vivos, et non inter mortuos, quia in statu culpæ non potest quis divina præcepta observare. Sunt nihilominus præcepta divina sicut ultimum testamentum. Nam primum testamentum fuit Judeorum, qui præcepta observabant ex timore: et illud fuit revocatum. Secundum testamentum fuit Christi, scilicet tempore gratiae, in quo observantur præcepta ex charitate: et illud fuit in morte Christi confirmatum. Unde Christus dixit in suo ultimo testamento⁹: *Hoc est præceptum meum, ut habetur in Joanne*.

CAPUT II.

De præceptis primæ tabula.

Circa præceptorum secundam distinctionem, notandum est primo in generali de omnibus. Et nota secundum Josephum¹⁰, qui fuit doctor historicus, quod præcepta divina fuerunt per sequas partes in duas tabulas distincta, quia quinque fuerunt in una tabula, et quinque in alia. Sed secundum Origenem¹¹, et beatum

¹⁰ *Joan., XV, 11.* — ¹¹ *Joseph., Antiq. Jud., lib. III, c. IV.* — ¹² *Orig., in Exod., XX, hom. VIII.*

(a) *Cæl. edit.* aqua, ignis, scilicet.

Augustinum¹, et alios doctores mysticos et morales, prima tabula dicitur continere tantum illa præcepta, quæ ordinant hominem ad Deum, vel ad vitam contemplativam, quæ sunt tria, scilicet : *Non habebis deos alienos*, etc. Secunda autem tabula continet tantum illa præcepta, quæ ordinant hominem ad proximum, quæ sunt septem, scilicet : *Honora patrem tuum et matrem tuam*, etc. Et hæc breviter fuerunt, sicut Josephus narrat ad litteram. Et nota hic, quod Deus habitat in cœlo, et proximus in mundo. Peccator igitur, qui non observat præcepta primæ tabulæ, quæ ordinant ad Deum, non meretur habitare in cœlo, ubi Deus est : et qui non observat præcepta secundæ tabulæ, que ordinant ad proximum, non est dignus habitare in terra vel in mundo, ubi est proximus : et sic per consequens relinquitur, quod habitet in inferno, ubi est diabolus, juxta illud² : *Ligatis manibus et pedibus, projicite (a) eum in tenebras exteriores*. Prima tabula dicitur tantum continere illa præcepta, quæ ordianunt hominem ad Deum, vel ad vitam contemplativam ; secunda, quæ ordinant hominem ad proximum, vel ad vitam activam.

Prima tabula præcepta tria. Secundo notandum est in speciali, quod in primæ tabula sunt tria præcepta, hominem ad Deum ordinantia in vitam contemplativam. Primum est : *Non habebis Deos alienos*. Secundum est : *Non assumes nomen Dei in vanum*. Et tertium est : *Memento, ut diem sabbati sanctifices*.

Præcep-tum I. Primum igitur præceptum primæ tabulæ est : *Non habebis Deos alienos*, sed unum solum, scilicet Deum vivum et verum, juxta illud³ : *Audi, Israel, Dominus Deus vester Deus unus est*. In hoc igitur præcepto prohibetur omnis idololatria ; et contra hoc faciunt, non solum infideles, pagani et hæretici, verum etiam omnis homo qui amorem præcipuum, quem debet ponere in Deo, ponit in quocumque bono creato ; sicut ambitiosus, qui summe diligit nummum ; et gulosus, qui summe diligit ventrem suum. Et ideo nota, quod triplex est idololatria, scilicet paganorum, avarorum, et gulosorum. Idololatria paganorum est mala, quia colunt aurum et argentum, juxta illud⁴ : *Simulacra gentium argentum et aurum*. Idololatria avarorum est pejor, quia quasi Deum adorant nummum : nam avaritia est *idolorum servitus*⁵, secundum Apostolum. Idololatria gulosorum est pessima, quia

(a) Vulg. *mittite*. — (b) *Cæt. edit. deest se.*

gulosi colunt Deum vilissimum, scilicet ventrem suum, qui est latrina et immunditia, de quibus dicit Apostolus⁶ : *Quorum Deus venter est, et gloria in confusione ipsorum*. Pagani comparant Deum auro pretioso; avari, nummo rubiginoso ; gulosi, ventri ignominioso.

Præcep-tum II. Secundum præceptum est : *Non assumes nomen Dei in vanum*. In quo prohibetur perjurium et blasphemia, et omne peccatum vel inordinatio linguae, maxime contra Deum. Et nota tria hic specialiter de perjurio, vel blasphemia. Primo, quia perjurus, vel blasphemus pessimus destruit animam suam : provocat enim contra se tres personas, quarum favor valde est necessarius in iudicio ad sententiam obtainendam, scilicet judicem, testes et advocatos. Qui enim false jurat per Deum, habet contra se judicem, scilicet Deum, qui est *justus*⁷, ut dicitur in Psalmo. Qui jurat false per Sanctos, habet contra se advocatos, scilicet Sanctos, qui sunt advocati nostri, et specialiter qui jurat per Virginem matrem Dei : nam de illa cantat Ecclesia⁸ : *Eia ergo, advocata nostra*, etc. Summum advocationum provocat contra se, qui false jurat per Christum, vel per corpus suum, vel altare sacram, quia ipse est precipuus advocationis noster, juxta illud⁹ : *Advocationem habemus apud Patrem Jesum*, etc. Qui vero false jurat per sancta Dei Evangelia, fidem vel conscientiam suam, habet contra se (b) testes : nam sancta Dei Evangelia sunt testimonia veritatis ; et fides et conscientia nostra sunt testes nostri, juxta illud¹⁰ : *Gloria nostra haec est*, etc. Quomodo ergo blasphemus vel perjurus faciet, qui veritatem, judicem, advocationem et testes contra se habet ? Per quam viam incedet in extremo et justo iudicio Dei, ubi vix justus salvabitur, qui quando credit pro se sententiam habere, habet contra se ? De talibus conqueritur Dominus, dicens¹¹ : *Jugiter tota die nomen meum blasphematur*. Non mireris ergo si perjurus et blasphemus damnentur, qui nomen Dei gloriosum assumunt in vanum, Virginem gloriosam, fidem suam, et conscientiam suam, sancta Evangelia, et Christum, et omnes Sanctos, et omne bonum assumunt in vanum, et omnia, ut videtur, habent pro nihilo. Non erit, inquam, mirum, si a Deo, et Virgine, et

¹ Aug., in *Exod.*, lib. II, q. LXXI. — ² Matth., XXII, 43. — ³ Deut., XI, 5. — ⁴ Psal. CXIII, 4. — ⁵ Ephes., V, 5. — ⁶ Philip., III, 19. — ⁷ Psal. X, 8. — ⁸ Antiph. *Salve Regina*. — ⁹ I Joan., II, 1. — ¹⁰ II Cor., I, 12. — ¹¹ Isa., LII, 5.

Sanctis omnibus in judicio illo tremendo procul repellentur.

Præceptum III. Tertium præceptum est: *Memento ut diem sabbati sanctifices.* Et nota, quod transgressores hujus præcepti videntur specialiter memoriam amisisse. Unde istis solum dicitur: *Memento, etc.* Primo igitur, tales videntur memoriam amisisse, quia non reminiscuntur eorum que vident in natura, nec eorum que legunt vel audiunt in Scriptura. Videmus enim in natura quod omnia quietem appetunt post laborem. Herbae namque et plantæ, segetes et arbores fructificant, et suo modo laborant, scilicet in vere, autumno, et æstate, et quiescent in hieme, et quodammodo somniant. Legimus autem in Scriptura, quod Deus fecit cœlum, terram, et omnia, quæ in eis sunt, in sex diebus; tamen in die septima requievit. Apostoli et martyres, et alii sancti, laboraverunt in hoc mundo, et tamen nunc requiescent in cœlo. Solus vero diabolus nunquam quiescit, nec illi qui sunt in inferno. Transgressores ergo hujus præcepti sunt illi, qui laborant per totam illam septimanam, nec quiescent, nec cessant in diebus dominicis, nec in aliis festis. Non enim sunt, ut patet, similes Deo, qui requievit septima die; nec creaturis, quæ requiescent in hieme; nec Sanctis, qui requiescent in cœlo: sed sunt similes diabolo et damnatis, quia nunquam requiescent, sed semper laborant, et laborabunt in inferno. Nam de damnato dicitur¹: *Laborabit in æternum, et vivet adiuc in finem.* Secundo tales videntur memoriam amisisse, quia intentio fuit Dei, ut in die festo vacaremus divino cultui: tales autem faciunt totum contrarium. Nam diebus festis vadunt ad mercata, et nundinas, et similia, et dimittunt sermones et missas, et fugiunt a Deo, et vacant mundo, et quod pejus est, peccato. Tales enim sunt similes canceri, qui semper vadit et serpit ex transverso retrogradiendo. Tercio tales videntur perdidisse memoriam, quia Dominus mandat sanctificari sabbatum; et illi polluant sabbatum: et quod pejus est, quasi sanctificant septimanam, vacant enim in septimana operibus licitis; in sabbato, vel die festo, ebrietatis et immunditiis, sordibus et peccatis: per totam septimanam dant corpus victui misceri, et in die festo dant animam diabolo. De his conqueritur Dominus, dicens²: *Sanctuaria mea sprevistis, et sabbata mea polluistis.*

¹ *Psal. XLVIII, 9.* — ² *Ezech., XXII, 8.* — ³ *Eccli., VII, 29.* — ⁴ *Prov., I, 8.* — ⁵ *Eccli., III, 41.*

CAPUT III.

De præceptis secundæ tabulæ, et primo de honore parentum.

De præceptis secundæ tabulæ est notandum, Secondæ tabulæ præcepta septem. quod septem sunt in universo. Primum est: *Honora patrem tuum et matrem tuam.* Secundum: *Non occides.* Tertium: *Non mæchaberis.* Quartum: *Non furturn facies.* Quintum: *Non falsum testimoniū dices.* Sextum: *Non concupisces rem proximi tui.* Septimum: *Non desiderabis uxorem proximi tui.* Et de istis septem primum est affirmativum, et alia sunt negativa. Præcepta autem affirmativa ligant semper, sed non ad semper, sed pro loco, et tempore; negativa vero ligant semper et pro semper.

Primum ergo præceptum secundæ tabulæ est: *Honora patrem tuum et matrem tuam,* et est affirmativum. Præceptum I. Et nota, quod triplex est ratio, quare honorandi sunt parentes, scilicet quia nos genuerunt, nutrierunt, et instruxerunt. Quia per ipsos sumus geniti, debemus eis corporale obsequium; quia per ipsos sumus nutriti, debemus eis temporale nutrimentum, vel subsidium; et quia per ipsos sumus instructi, debemus eis imitationis exemplum. Prima ergo ratio honorandi parentes, est, quia ipsi nos genuerunt. Unde dicitur³: *Honora patrem tuum, et gemitus matris tue ne obliviscaris, meditando quia nisi per illos non fuisses.* Et propter hoc, ut dictum est, debemus eis corporale obsequium, scilicet: corde debemus eos diligere, contra illos qui eos contemnunt, et desiderant mortem eorum, maxime quando senescunt; lingua debemus eis reverenter loqui et benedicere, contra illos, qui non benedicunt, sed maledicunt; auribus debemus eis obedire, contra illos, qui eorum præcepta parvipendunt; manibus debemus eis servire, contra illos qui eos percutiunt.

Secunda ratio honorandi parentes est, quia ipsi nos nutrierunt, et propter hoc debemus eis temporale nutrimentum, vel subsidium.

Tertia ratio honorandi parentes est, quia ipsi nos instruxerunt. Unde debemus eis imitationis exemplum, scilicet in bonum, quia dicitur⁴: *Audi, fili mi, disciplinam patris tui, et ne dimittas legem matris tue.* Unde vide salarium: Filius bonus est⁵ *benedictio patris et matris,* quia in eo benedicuntur pater et mater; sicut vulgo di-

Triplex ratio, ob quam sunt honorandi parentes

citur (a) bono filio : « Benedicatur pater tuus, et mater tua. » Sicut illa bona mulier dixit Salvatori nostro ¹: *Beatus venter qui te portavit, et ubera quæ suristi.* Et e converso pro salario mali filii, patris, et matris, dicuntur (a) malo filio : « Maledicatur pater qui te genuit, et mater quæ te lactavit. » Exemplum de Linecio, de quo narrat Boetius in libro *de Disciplina Scholarium*.

Triplex poena eorum, qui parentes suorum inobedientia, nam eandem salsam dabant eis filii sui, quam ipsi dederunt parentibus, juxta illud ²: *Eadem quippe mensura qua mensi fueritis, remetietur vobis.* Secunda poena est infamia : nam secundum canonicas et legitimas sanctiones, maligni parentibus infames sunt, et ex eorum malignitate potest testamentum et donatio revocari, et possunt omni facultate et hereditate privari paterna, et ultra hoc tales frequenter mala morte moriuntur in hæc vita, et interdum horribiliter puniuntur vel perimuntur. Tertia poena est brevis vita, sicut præmium honorantium est vita longa, ut dicitur ³: *Honora patrem tuum et matrem tuam, ut sis longævus super terram.* Nec est mirum si tales reputantur indigni vita æterna, qui etiam reputantur indigni, vel judicantur (b) haec vita misera transitoria; et istis vita subtrahatur, cum aliis peccatoribus conceditur ad pœnitentiam faciendam.

CAPUT IV.

De non lædendo proximo, vel occidendo.

Præceptum 11. Secundum præceptum secundæ tabulae est : *Non occides,* scilicet injuste. Nam istis tribus modis : vel actu mortem inferendo, vel lingua mortem procurando, vel corde proximum odiendo, homicidium perpetratur. De ultimo enim, de quo minus videtur, dicitur ⁴: *Omnis qui odit fratrem suum, homicida est.*

Item nota specialiter quod tria sunt homicidiarum genera. Sunt enim quidam qui interficiunt seipsos pro peccatis, et secundum Augustinum ⁵ illi inter omnes sceleratissimi homicidæ sunt. De his dicitur ⁶: *Qui facit peccatum et iniquitatem, hostis est animæ sue.* Sunt alii qui spiritualiter interficiunt proximum per scandalum et malum exemplum, quod figuratur in morte primogenitorum Ægypti, ut habetur in *Exodo*.

¹ *Luc.*, xi, 27. — ² *Luc.*, vi, 38. — ³ *Exod.*, xx, 12. — ⁴ *1 Joan.*, iii, 15. — ⁵ *Aug.*, de Civit. Dei, lib. I.

Tunc enim moriuntur primogenita in Ægypto, quando majores præstant minoribus materiam peccati vel ruinae, suo malo exemplo. Sunt etiam alii qui procurant abortum, scilicet quando bonum propositum in se extinguant, quod eis misericorditer inspiratur, ex quo per gratiam impregnantur, sicut in persona ipsorum dicitur ⁷: *A facie tua, Domine, concepimus, et peperimus spiritum salutis.* Mali vero concipiunt, sed non parturunt, quia suffocant conceptum. De his dicitur ⁸: *Venerunt filii usque ad partum, et virtus non est pariendi.*

Item nota, quod triplex est homicidarum poena, scilicet exilium, patibulum, et irregularitatis impedimentum. Homicidæ enim exulantrunt; quando autem possunt capi, suspenduntur: sic qui occidunt se vel alios per peccatum, exiles sunt a gratia, et patria. Homicidæ autem suspenduntur, quando possunt tangi, in patibulo judicis : sic spiritualiter homicida suspenderit in patibulo inferni, quando moritur. Homicidæ etiam non possunt ad sacros ordines promoveri: sic animæ homicidarum non promovebuntur ad ordines angelorum, sed erunt in inferno, *ubi nullus ordo, sed semipernus horror inhabitat*, ut habetur in *Job* ⁹.

Poena
triplex
homicidiarum.

CAPUT V.

De prohibitione concubitus illiciti.

Tertium præceptum secundæ tabulae est : *Non mœchaberis;* ubi prohibetur omnis concubitus illicitus, et actus carnis inordinatus, tam contra ordinem naturæ, quam contra ordinem Scripturæ et gratiae.

Et notandum quod triplex est ratio, quare Luxuria prohibetur mœchia vel luxuria. Primo igitur ob tripli- mœchia est hujusmodi mundi quasi vilis infirmitas, quia fere totus mundus tabescit et ægrotat, vel moritur in peccato, et est morbus ita contagiosus, quod solo aspectu inficit hominem. Unde Salvator noster prohibuit aspectum illicitum dicens ¹⁰: *Qui viderit mulierem ad concupiscentiam eam, jam mœchatus est in corde suo.* Mulier namque adultera, sicut basilicus, solo aspectu interficit hominem: propter quod nos non debemus nimis propinquare, vel familiares esse eis, sicut nec infirmis qui laborant morbo

c. xvii. — ⁶ *Tob.*, xii, 10. — ⁷ *Isa.*, xxvi, 18. — ⁸ *Isa.*, xxxvii, 3. — ⁹ *Job*, x, 22. — ¹⁰ *Matth.*, v, 28.

(a) *Cat. edit. add. de.* — (b) *Cat. edit. add. in.*

contagioso; quia dicitur¹: *De vestimentis pro-
cedit linea, et a muliere iniquitas viri.*

Secundo, quia mechia est major mercatura diaboli. In aliis enim peccatis lucratur diabolus unum peccatorem pro uno peccato; sed in mechia, ut vulgo dicitur, lucratur pro peccato duos, imo tres, et interdum plures, scilicet adulterum, et adulteram, et vetulam quæ procurat peccatum. Quia etiam diabolus in hoc magis multiplicat usuras suas, ideo huic mercaturæ vel negotio plus intendit, imo non curat dormire, vel comedere, tantum est intentus huic pessima mercaturæ. Dicitur enim²: *Qui me comedunt, scilicet, tentando, non dormiunt, scilicet a tentatione cessando.*

Terio, quia etiam moechia est communior via inferni, hoc est strata publica magis lata, quia plures ambulant per eam. Alia peccata vendicant sibi specialia hominum genera; sed luxuria nulli parcit, et fere ad omne genus hominum se extendit. Exemplum de diabolo, qui secundum fabulam habuit uxorem, et ex illa habuit septem filias, et maritavit eas. Superbiā dedit mulieribus quæ totum studium suum ponunt in vanitate et speculo, pectine et crinibus, et monilibus, et ornatu capitum, etc.; usuram dedit burgensibus; rapinam militibus et magnatis; simoniam clericis et prelatis; hypocrisim religiosis, et luxuriam universis. De hac via dicitur³: *Lata est porta et spatiosa via, quæ dicit ad perditionem, et multi sunt, qui intrant per eam.*

CAPUT VI.

De prohibitione furti.

Præceptum IV. Quartum præceptum secundæ tabule est: Non furtum facies, in quo prohibetur furtum, rapina, et simonia, et omnis illicita contractio rei alienae.

Furtum est contra triplicem legem. Est enim primo contra legem naturae, secundum quam omnia debent esse communia; fures autem et sui comites non solum refinunt sua propria, imo usurpat aliena, contra illud praeceptum naturae, quod scriptum est⁴: *Quod ab alio oderis tibi fieri, vide ne tu alteri aliquando facias.* Est contra legem scripturæ, ut dicitur⁵: *Non furtum facies.* Est etiam

contra legem gratiae : nam charitas quae est secundum preceptum legis gratiae⁶, non queritur sua, sed aliena. Charitas precipit dare, dicens⁷: Date, et dabitis vobis, communicando ; haec autem potius nititur auferre. Charitas autem communicata facit nos similes Deo, qui non solum, et sua, et æterna, sed etiam seipsum pro nobis dedit, ut habetur ad Ephesios⁸. Fures, raptore et usurarii, auferendo aliis, sunt similes morti et diabolo : nam mors nititur furari et auferre corpus; diabolus autem, animam. De talibus dicitur⁹: Percussimus fædus cum morte, et cum inferno, id est diabolo, fecimus pactum, qui furatur animam. Et præcipue usurarii, fures vel raptore, qui auferunt sua pauperibus, sunt similes morti, quia (a) auferunt pauperibus victimum suum necessarium, et per consequens vitam suam. Nam dicitur¹⁰: Panis egentium vita pauperis est; qui defraudat illum, homo sanguinis est.

CAPITULUM VII.

*De non dicendo falso testimonio, et de peccatis
linquæ.*

Quintum præceptum secundæ tabulæ est : Præcep-
tum V.
Non falsum testimonium dicet; in quo prohibetur
omne peccatum et omnis inordinatio linguae, et
specialiter contra proximum.

Sunt autem, secundum Doctores, viginti duo peccata vel deordinationes lingue; et omnes prohibentur: scilicet blasphemia, murmur, defensio peccati, perjurium, mendacium, detracatio, accusatio, multiloquium, verbum otiosum, securritas que ad rem non pertinet, indiscretio, convicium, contentio, bonorum derisio, pravum consilium, seminarie discordias, maledictio, adulatio, peccatum bilinguium, rumor, jactantia, et secreti revelatio specialiter.

Et nota, quod falsus testis tribus personis est obnoxius, ut dicit Isidorus¹¹ (*de Summo Bono*): est enim obnoxius beo, quem contemnit; et judici, quem decipit; et proximo, quem lèdit. Mendax est sicut denarius falsus, vel potius sicut falsus monetarius, qui fabricat falsam monetam; et talis de jure punitur morte æterna, juxta illud¹²: *Perdes omnes qui loquuntur mendacium.* Detractor similis est cani, qui lambit in homine non carnem suam, sed ulcera et sañiem. Murmurans autem similis est rotæ dete-

¹ Eccl., xlii, 13. — ² Job, xxx, 17. — ³ Malth., viii, 13. — ⁴ Tob., iv, 16. — ⁵ Exod., xx, 13. — ⁶ 1 Cor., xiii, 5. — ⁷ Luc., vi, 38. — ⁸ Ephes., v, 2; Tradidit

riori carri, que plus est quam alias garrulosa, quia scilicet non est uncta oleo : sic isti deficit unctio Spiritus sancti. Jactans similis est cculo, qui nescit nuntiare nisi de seipso. Adulatores similes sunt canibus, qui, cum obviant sibi invicem, osculantur se in loco immundo. Bilin-guis, vel reportator verborum, similis est ser-penti, qui habet lingua bifurcatam ; sic tales loquuntur ad duas partes. Qui stulte promittit, similis est arboři qua habet lata folia, sicut vi-tis, que cito folia defluit, ut dicitur in Psalmo¹. Qui loquitur scurriliter, similis est porco, qui ubicumque ponit pedem, non veretur ponere os. Qui peccatum defendit vel excusat, similis est Adœ, qui retorsit culpam suam in Deum, dicens² : *Mulier quam dedisti mihi sociam, dedit mihi de ligno, et comedì, etc.* Qui maledicit, similiſt histrionii viliori; imo vilissimus est in-ter omnes, qui vulgo dicitur joculator : sic de maledicente, qui multiſt odiosus. Qui multum loquitur, est sicut fatuus mercator, qui sine nu-mero, pondere et mensura vendit merces suas; et ideo non est mirum si interdum defraudetur. Qui indiscretē comminatur, similis est cani, qui plus latrat et minus facit; nobilis enim canis, sicut leporarius, vix latrat. Qui convitatur, est sicut canis macelli, qui semper os portat san-guineolum. Qui contendit, vel contentionem incipit, est sicut ille qui a diabolo mutuum re-cipit; qui in contentione recontendit, diabolo usuras solvit. Qui prave consulit, est sicut ser-pens, qui inficit quidquid lingua ejus tangit. Qui rumores multos narrat, similis est lupo, qui, ut dicunt, uno mense vivit de vento. Qui loquitur verba otiosa, est sicut ulmus et aliæ arbores, que nullum fructum ferunt, sed folia tantum. Qui bonos deridet, est sicut cæcus, qui spuit, et nescit ubi; sed spuit aliquando super vultum alieuij, quando credit spuere super terram vel lutum. Qui seminat discordias, est sicut serpens ignitus (*a*), quia talis vomit ignem et incendit rancorem. Qui secreta revelat, est sicut saceus sine fundo, et sicut vas sine oper-torio. De blasphemō et perjurō dictum est su-pra³. Et propter hoc per talia, que a lingua procedunt, vocatur *universitas iniuitatum*⁴ in Jacobo (*b*).

¹ *Psal. 1, 3.* — ² *Gen., iii, 12.* — ³ *Sup., huic lit. c. II, pag. 277, col. 2.* — ⁴ *Jac., III, 6.* — ⁵ *Psal. XVII, 13.* — ⁶ *Job, XXXI, 12.* — ⁷ *Psal. I, 4.* — ⁸ *Prov., XXX, 15.* — ⁹ *Agg., I, 6.*

(*a*) *Cæt. edit. ignominiosus.* — (*b*) *Cæt. edit. Za-*

CAPUT VIII.

De prohibitione concupiscentiae.

Sextum præceptum secundæ tabulæ est : *Non concupisces rem proximū tui.* Septimum præceptum ^{Præcep-tum VI et VII.} est : *Non desiderabis uxorem ejus.* In primo prohibetur concupiscentia oculorum; in secundo concupiscentia carnis.

El nota quod triplex est ratio, quare specialis ista concupiscentia (*c*) duplex prohibetur : tum quia est quædam animæ labes, que cito macu-lat, et vix potest tergi; tum quia est quidam animæ ignis, qui subito inflammat, et vix potest extingui; tum quia est quædam animæ sitis, que semper cruciat, et vix potest satiari. Primo igitur haec duplex concupiscentia est animæ labes, que vix potest tergi : una istorum, id est, concupiscentia carnis, est sicut aqua propter labilitatem transitoriae delectationis; altera, scilicet concupiscentia oculorum, est sicut terra propter ariditatem terrenæ affectionis. Sicut ergo ex aqua et terra fit lumen materiale, ita ex hac duplice concupiscentia fit lumen spirituale, quo anima sordidatur, et per consequens fetet, et displicet in conspectu Dei ad modum vilissimi lutii. Unde dicitur in Psalmo⁵ : *Ut lu-tum platearum delebo eos.*

Secundo ista duplex concupiscentia est ani-mæ ignis, qui (*d*) vix potest extingui. De quo dicitur in Job⁶ : *Ignis est usque ad perditionem devo-rans.* Inflammatus enim animam, et inflammando incinerat; et tunc tercia soror earum, scilicet superbia⁷ vitæ, que est sicut ventus, insufflat in animam sic redactam in cineres, et dispergit eam in ventum, et per consequens annihilat. Et ideo dicitur in Psalmo⁷, quod impius est *sicut pulvis, quem projicit ventus a facie terræ.*

Tertio ista duplex concupiscentia est animæ sitis, que vix potest satiari; cuius due sunt sanguisugæ filie, dicentes⁸ : *Affer, affer,* sicut dicitur in *Proverbiis.* Concupiscentia oculorum dicit : *Affer divitias;* concupiscentia carnis di-cit : *Affer delicias.* Una non cessat congregare; alia non cessat effundere. Unde dicit Aggeus⁹ : *Qui mercedes congregavit, misit eas in saccum per-tutsum.* Homo mundanus, divitiarum et delicia-rum sitibundus, saceus dicitur pertusus; et ideo non est mirum si nunquam potest satiari, quia charia. — (*c*) *Cæt. edit. add. carnis.* — (*d*) *Cæt. edit. que.*

*Triplex ratio, ob quam duplex concupiscentia (*c*) prohibetur.*

nunquam potest impleri, ad modum sacci pertusi.

CAPUT IX.

De præceptorum editione ac promulgatione.

De præceptorum editione, vel promulgatione, notandum, quod sunt utiliter edita, et sub tripli poena. Et primo sub poena corporis et animæ: lex enim imperatoris editur sub poena corporis tantum; sed lex Creatoris sub poena animæ et corporis, ut dicitur in Matthæo¹: *Nolite timere eos, qui occidunt corpus, animam autem non possunt occidere*, etc. Secundo, præcepta divina edicuntur, vel mandantur, sub poena bonorum mobilium et immobilium. Bona mobilia dicuntur bona gratiæ, quia possunt perdi et recuperari; bona immobilia dicuntur bona gloriæ, quia semel habita nunquam possunt amitti. Transgressores ergo præceptorum divinorum, bonis gratiæ et gloriæ privantur. Ideo observantibus datur gratia in praesenti, et gloria in futuro, juxta illud Psalmi²: *Gratiam et gloriam dabit nobis Dominus*. Tertio, præcepta divina edicuntur sub pena patibuli infernalis; transgressor ergo divini præcepti jam est in via, qua ducitur a diabolo ad patibulum inferni. Et nota, quod tria sunt quæ fiunt latroni, quando ducitur ad patibulum: oculis velatur, manibus ligatur, et veste nudatur; sic peccatori qui ducitur ad infernum, velantur oculi rationis, ligantur manus bona operationis, denudatur veste honestæ conversationis. Sic ergo præcepta divina edicuntur sub multiplici poena. Ideo dicitur in Psalmo³: *Tu mandasti mandata tua custodiri nimis*.

CAPUT X.

Quod transgressores præceptorum, instar Pharaonis, decem multantur.

Trans-
gresso-
res de-
cologi de-
cem. Nota, quod sicut decalogus est decem præcep-
torum Dei, sic sunt decem transgressores
de decalogi, qui figurantur per decem plagas
cem.

¹ Matth., x, 28. — ² Psal. LXXXIII, 12. — ³ Psal. CXVIII, 4. — ⁴ Eccl., VIII, 5.

Egypti, quæ fuerunt sanguis, rana, cinifes et muscae, animalium pestis, et vesica, grando, et locusta, tenebre, et mors primogenitorum. Et per istas decem plagas *Egypti* figurantur, ut dictum est, transgressores decalogi: nam sicut plagæ illæ vastaverunt *Egyptum*, sic plagæ peccatorum corruptunt mundum istum. Prima ergo plaga *Egypti* fuit sanguis: omnes enim aquæ *Egypti* versus fuerunt in sanguinem; et hoc signat sanguinem et corruptionem luxuriæ. Secunda plaga fuit rana: tota enim *Egyptus* bullivit ranis; et significat loquacitatem et peccata lingue. Tertia plaga fuit cinifes, cuius aculeus amarus quasi invisibiliter pungit; et significat aculeum invidiæ. Quarta plaga fuit musca gravissima; et hæc significat indignationem, et peccatum iræ. Quinta plaga fuit pestis animalium; et hæc significat languorem, vel peccatum acedie. Sexta plaga fuit vesica turgens et ampulosa, et hæc significat inflationem, et peccatum superbie. Septima fuit grando; et hæc significat persecutionem, et peccatum injuria, quia ex superfluitate (a) nascitur injuria vel malitia. Octava fuit locusta, quæ devoravit quidquid residuum fuit in grandine; et significat voracitatem, et peccatum gulae. Nona plaga fuit palpabilis tenebra; et hæc significat cætitatem ignorantie. Decima et ultima fuit mors primogenitorum; et hæc significat scandalum, vel notam infamiae, quando scilicet majores præbent occasionem peccandi, vel materiam ruineæ. Haec fuerunt plaga *Egyptiorum* ad littoram, et istæ sunt mysticae plaga peccatorum transgressionis decem præceptorum. Unde sicut *Egyptii* post plagas istas fuerunt submersi in Mari Rubro; sic homines mundani, post plagas istorum peccatorum, si non fuerint per penitentiam loti, vel sanati, submergentur in inferno cum Pharaone et suis curribus, id est, cum diabolo et angelis suis. Qui autem fuerit transgressor divini præcepti, non erit immunis a plagiis peccatorum, et a gutture tormentorum, quia dicitur in Ecclesiaste⁴: *Qui custodit præcepta, non experietur quidquam mali*.

(a) *Suppl. verborum.*

TITULUS QUARTUS

DE CONSILIIS EVANGELICIS

CAPUT PRIMUM.

De Religione.

Post tractatum de præceptis, dicendum est de consiliis evangelicis. Hæc est enim tertia diæta salutis, scilicet de præceptis ad consilia evangelica, sicut a minus perfectis ad magis perfecta pervenire. Et quoniam istam diætam ambulant viri perfecti, sicut religiosi, ideo dicendum est hic de religione in communि.

Tria de religione notanda. Unde in nomine Domini de religione, vel congregatione, nota specialiter tria, scilicet typum cui comparatur, ortum unde derivatur, votum quo ligatur. Habet ergo religio typum multiplicem, qui ipsam reddit commendabilem. Unde nota, quod tria commendantur in religione vel religiosis, scilicet pondus maturitatis, amor communitat̄, et fuga proprietatis. Religiosus ergo debet habere pondus maturitatis. Sicut verus trapezita, vel campor, cognoscit meliores denarios ad pondus, sic absque dubio in pondere maturitatis cognoscitur religiosus. Nam in Psalmo dicitur¹: *In populo gravi laudabo te.* Religiosus debet amare communitat̄, et hoc multiplici exemplo: videmus enim quod plures homines, quando sunt congregati, incedunt securius, resistunt fortius, solatiantur jucundius. Unde dicitur in Ecclesiaste²: *Melius est duos esse simul quam unum.* Videmus insuper e contrario, quod avis sola singularis, vel est rapax, ut accipiter, vel amisit socium, ut turtur; sic religiosus singularis, vel est rapax detrahendo, vel judicando patrem vel proximum, vel amisit socium, id est, Christum; quia dicitur etiam in Ecclesiaste³: *Vix soli.* Ideo in oblatione Domini in templo, fuit par turtarum⁴, non sola turtur, ut dicitur in Luca. Videmus enim quod sola candela per ventum extinguitur, sed non ita de facili, quando cum aliis ardet: sic plures congregati, vinculo charitatis

juncti, melius lucent per exemplum, v̄chementius ardent per desiderium divinum. Unde dicitur in Psalmo⁵: *Congregate illi sanctos ejus.* Videmus enim præterea, quod non solus denarius, sed plures faciunt thesaurum; non unus miles, sed plures faciunt exercitum; non unus scholaris, sed plures faciunt studium; non unus bos, sed plures trahunt jugum; non unum membrum, sed plura faciunt corpus unum; non una apis, sed plures componunt favum; non unum granum, sed plura faciunt acervum; non una species, sed plures faciunt electuarium: sic cum plures sunt uniti per amoris vinculum, est in eis absque dubio major abundancia meritorum. Unde in figura hujus non unus solus discipulus, sed plures⁶ discipuli receperunt Spiritum sanctum, ut dicitur in *Actis*. Religiosus debet insuper fugere et cavere proprietatem: sicut enim vespertilio bibit oleum in Ecclesia, ubi laudant alii Deum; sic religiosus proprietarius, instar vespertilionis, bibit et furatur bona monasterii, ubi alii vacant laudibus (a) et Dei servitio, sicut Judas, qui solus inter Apostolos pecuniam furatus est, ut dicitur in *Joanne*⁷.

Item nota, quod tria sunt reprobata specialiter in quolibet religioso, scilicet indevotio, dissolutio, et vagatio. Nam religiosus indevotus est sicut scirpus, vel juncus, aut mergus, qui interius est aridus, quod tamen stat in aqua vel loco aquoso. Item sicut pisces, qui semper bibit aquam, et cum aperitur venter, invenitur vacuus; talis juxta panem moritur fame, juxta fontem moritur siti, juxta ignem moritur frigore. Et de talibus dicitur in Psalmo⁸: *Divites egurunt, et esurierunt.* Est etiam reprobanda in religione dissolutio vitæ, et inhonestas in conversatione. Nam sacerdotalis inhoneste vivens, solum infamat seipsum; religiosus vero inhonestus et dissolutus infamat totum monasterium et ordinem suum. Nam sicut quando vinum

¹ *Psal. xxxiv, 18.* — ² *Eccle., iv, 9.* — ³ *Ibid., 10.*

— ⁴ *Luc., ii, 24.* — ⁵ *Psal. xlix, 5.* — ⁶ *Act., ii, 1.* — ⁷ *Joan., xii, 6.* — ⁸ *Psal. xxxiii, 11.*

(a) *Edit. Vatic. laudibus, et Dei servitio.*

proclamatur in villa, per vinum quod portatur in scypho judicant homines de toto vino, quod est in dolio; sic mundus per conversationem, quam videt in uno religioso, judicat omnes alios qui sunt in monasterio, vel in ordine suo, et hoc tam in bono, quam in malo. Unde dicit Apostolus¹: *Spectaculum factum sumus mundo. Est insuper in religioso valde reprobanda vagatio: sicut enim piscis non diu vivit extra aquam, sic religiosus vagabundus cito moritur per culpam.* Unde dicit Hieronymus: « *Otium mihi carcer est, et solitudo paradisus.* »

Tria
præstan-
da reli-
giose.

Item nota, quod religiosus debet se castigare, non interficere; prælato obedire, non contradicere; et semper in bono proficere, non retrocedere. Religiosus itaque debet corpus proprium non occidere, sed disciplinare; et disciplinam cum ratione regulare, et interdum disciplinam remitttere. Sicut aquila retrahit alas, ut melius extendat, et balistarius remittit, vel distendit arcum, ut fortius postmodum trahat; sic interdum remittenda et temperanda est disciplina, ut postea convaleseat. Nam dicit Apostolus²: *Rationabile sit obsequium vestrum.* Religiosus etiam suo prælato debet obedire humiliter, et non resistere. Sicut enim membra judicantur paralytica, que non moventur ad imperium capitis; sic perversus est religiosus subditus, qui non sentit motum et imperium patris spiritualis. De talibus dicitur in *Exodo*³: *Fiant immobiles quasi lapis.* Et sicut omne humandum, sicut dicit Philosphorus⁴, male terminatur termino proprio, et bene alieno; sic religiosus bene regitur, si obseruat prælati præceptum, male vero, si sequatur propria voluntatis votum. Nam dicit Bernardus⁵: « *Tolle propriam voluntatem, et infernus non erit tibi.* » Religiosus insuper debet semper proficere, et non retrocedere; et ideo a latioribus incipere debet, ut proficiendo ad altiora valeat pervenire. Nam dicit Gregorius: « *In via Dei non proficere, deficere est.* » Sicut enim ædificium in fundamento fit latius, et postmodum construendo fit strictius; sic religiosus taliter perfectionem debet accipere, quod ad illam valeat addere, et in ea perseverare, ne dicatur illud evangelicum verbum contra ipsum⁶: *Hic homo cepit ædificare, et non potuit consummare, ut dicitur in Luca.*

¹ *1 Cor.*, iv, 9. — ² *Rom.*, xii, 1. — ³ *Exod.*, xv, 16. — ⁴ Arist., *de Generat.*, lib. II. — ⁵ Bern., *de resurr. Dom.*, serm. iii, ante med. — ⁶ *Luc.*, xiv, 30. —

Debet autem super omnia in religione persevere, quia dicit Salvator⁷: *Nemo mittens manum ad aratum, et aspiciens retro, aptus est regno Dei.* Sicut enim stultus est, qui tempore tempestatis exit de navi, et projicit se in mare (*a*); ita summa stultitia est, tempore tentationis navem religionis dimittere, et ad submergendum se in mare seculi precipitare. De talibus autem dicitur in *Actis*⁸: *Nisi in navi menseritis, peribitis.*

Item nota, quod religiosus debet in disciplina nutritri et informari tripliciter, scilicet sicut parvulus in domo, sicut plantula in horto, et sicut virgula in virgulo. Debet itaque religiosus ad modum pueri in disciplina diligenter nutritri et educari. Unde nota, quod debet habere duas obstetrices in processu, duas nutrices in progressu, et duas consiliatrices in perfectione, vel statu. Debet igitur habere duas obstetrices, scilicet: obediens, que liget sibi manus et pedes, et involvat eum in panniculo pauperatis; et humilitatem, que inclinet eum in praesepio et in cunabulo claustrorum, cum freno temperantie et capistro ciliciorum. Iste sunt due obstetrices Hebreorum, id est, Religiosorum, que conservabant mares, id est perfectos religiosos et perfecte vivere volentes, ut habetur in *Exodo*. Debet etiam habere duas nutrices in progressu, scilicet: veritatem, que doceat eum loqui, juxta illud Petri¹⁰: *Si quis loquitur, quasi sermones Dei;* et honestatem, que doceat eum ambulare, juxta illud quod dicit Apostolus ad Thessalonenses¹¹: *Præcipimus vobis, ut honeste ambuletis ad eos qui foris sunt.* Debet nihilominus habere duas consiliatrices in perfectione et statu, scilicet charitatem ad Deum et ad proximum; nam dicit Apostolus¹²: *Charitas fraternalis maneat in vobis;* et austерitatem ad seipsum, juxta illud ejusdem apostoli¹³: *Castigo corpus meum, et in servitatem redigo.* Religiosus instar plantula debet nutritri in disciplina, vel in religione. Unde notandum est, quod hortulanus fudit saepè circa plantulas que sunt in horto suo: que spiritualiter debent fieri novo religiosi. Plantulae vero de uno loco eradicatorum, et in alio transplantatorum, clauduntur, rigantur, purgantur, foduntur, et coluntur: sic novitus debet, instar plantulae, de mundo radicitus evelli, et in religione transplantari, et in sancto

⁷ *Luc.*, ix, 62. — ⁸ *Act.*, xxvii, 31. — ⁹ *Exod.*, i, 17. — ¹⁰ *1 Petr.*, iv, 11. — ¹¹ *1 Thessal.*, iv, 14. — ¹² *Hebr.*, xiii, 1. — ¹³ *1 Cor.*, ix, 27.

(a) Cœl. edit. mari.

Religio-
sus ins-
tar plan-
tae novel-
lae nu-
trientius.

proposito radicari, circumspectione claudi, devotione rigari, confessione purgari, exercitio et occupatione fodi et excoli; et tales sunt¹ sicut novelle plantations in juventute sua, ut dicitur in Psalmo. Religiosus insuper, sicut virgula in virgulto, debet educari in disciplina. Unde nota, quod agricola, quando habet virgulam vel surculum generosæ vel fructuose arboris, providet ei in multis, scilicet quod habeat radicem, stipitem, frondes et folia, flores et fructus: sic virgula spiritualiter, scilicet neophyti, vel novitius in virgulto religionis, debet habere ista sex, scilicet radicem profundæ humilitatis, stipitem recte intentionis, frondes sincere dilectionis, folia honestæ locutio[n]is, flores pulchrae conversatio[n]is, et tandem super omnia fructus bona operationis: quia per fructus coram cognoscit eos Deus, sicut dicit Salvator in *Matthæo*². De talibus virgulis generosis et fructuosis dicitur in Psalmo³: *Filiū tui sicut novelle olivarum in circuitu mensa tua*, id est, religionis sanctæ.

Religio-
nis ortus Illebet etiam religio ortum primordiale valde laudabilem. Unde nota, quod omnis religio et omnis spiritualis congregatio, vel fraternitas, habuit primo ortum a Samuele, qui congregavit⁴ cuneum prophetarum, ut dicitur in primo *Regum*. Et ita dicit ibidem Magister historiarum. Secundo habuit ortum ab Heliseo, cum quo habitaverunt⁵ filii prophetarum, ut dicitur in quarto *Regum*. Tertio habuit ortum a Joanne Baptista, qui congregavit⁶ discipulos, ut dicitur in Joanne. Quarto habuit ortum a Christo, qui congregavit discipulos et apostolos, ut dicitur in *Matthæo*⁷. Quinto habuit ortum ab apostolis, quibus adhaeserunt multi discipuli simul habitantes post missionem Spiritus sancti, sicut dicitur in *Actis*⁸, quia nemo quidquam eorum, quæ possidebant, aliquid suum esse dicebat, sed omnia illis erant communia. Sexto habuit ortum a Marco Evangelista, quia apud Alexandriam discipulos vita mirabilis habuit, ut habetur in Ecclesiastica Historia. Inde processerunt monachi, quorum fuerunt tria genera, scilicet Canobitarum, qui in communi vivebant; aliorum, qui dicebantur Remoboth, qui bini et trini habitabant; et Anachoretarum, qui soli in deserto vivebant, quorum auctor fuit Paulus, illustrator Antonius, princeps Joannes Baptista, ut dicit Hieronymus⁹.

¹ *Psal. cxliii*, 12. — ² *Matth.*, vii, 16. — ³ *Psal. cxxvii*, 3. — ⁴ *I Reg.*, x, 10. — ⁵ *IV Reg.*, iv, 38. — ⁶ *Joan.*, i, 35. — ⁷ *Matth.*, iv, 19 et seq. — ⁸ *Act.*, iv,

Habet insuper religio nodum regulantem Nodus
valde notabilem, qui ipsum facit valde lauda- sive vo-
bilem. Est enim in ipsa triplex nodus valde laudabilis, scilicet nomen religionis obedien- tum quo
tiae subjugantis, paupertatis alleviantis, et cas- religio-
titatis decorantis. Obedientia aufert religioso propria voluntatem, et per consequens infernum, juxta illud Bernardi¹⁰: *Tolle propriam voluntatem, et infernus non erit tibi*. Paupertas aufert ipsi terrenam cupiditatem, et per consequens omne malum, juxta illud verbum Apostoli¹¹: *Radix omnium malorum est cupiditas*. Castitas aufert homini carnalem fœditatem, et per consequens facit eum angelum, juxta illud *Matthei*¹²: *Neque nubent, neque nubentur, sed erunt sicut angeli Dei in cælo*. De hoc triplici nodo per ordinem est dicendum. Et primo de obedientia.

CAPUT II.

De Obedientia.

De obedientia nota specialiter tria, scilicet De obe-
praenonia quibus commendatur, auxilia quibus dien-
adjuvatur, et officia quibus occupatur. **De obe-**
dientia
tria pra-
cipice no-
tanda.

Habet ergo obedientia multa præconia, que ipsam laudant. Unde nota, quod obedientia est schola Salvatoris, nobile genus martyrii, palma triumphalis, et scala paradisi. Primo ergo obedientia est schola Salvatoris: unde nota, quod Salvator exemplo suo docuit obedientiam tripliciter, scilicet ad mundum veniens, in mundo manens, et de mundo transiens. Ad mundum veniens obedientiam docuit, ut dicitur in *Joanne*¹³: *Descendi de cælo, non ut facerem voluntatem meam, sed voluntatem ejus, qui misit me, Patris*. Obedientiam docuit in mundo manens, ut dicit Paulus¹⁴: *Factus est obediens usque ad mortem*. Obedientiam docuit de mundo transiens: nam in passione dixit Patri¹⁵: *Non sicut ego volo, sed sicut tu*. Est etiam obedientia quadam nobile genus martyrii et palma triumphalis, quia decollat hominem, et amputat ei propriæ voluntatis caput. De hoc martyrio dicitur in primo *Regum*¹⁶: *Melior est obedientia, quam victimæ*. Est autem obedientia scala paradisi, cuius septem sunt gradus, quos assignat Bernardus¹⁷. Primus gradus obedientiæ, est

¹⁰ Hieron., ad Eustoch., epist. xlii. — ¹¹ Bern., loc. jam. cit. — ¹² Tim., vi, 10. — ¹³ Matth., xxii, 30. — ¹⁴ Joan., vi, 38. — ¹⁵ Philip., ii, 9. — ¹⁶ Matth., xxvi, 39. — ¹⁷ I Reg., xv, 22. — ¹⁸ Bern., serm. de Virt. obed. et ejus grad.

obedire libenter sine recalcitratione; exemplum de Paulo, qui dicit in *Actis*¹: *Domine, quid meis facere?* Secundus gradus est obedire simpliciter sine simulatione; exemplum de David, qui dixit in *Psalmo*²: *Ut jumentum factus sum apud te.* Tertius gradus, obedire hilariter sine murmuratione; exemplum de Simone Cyrenæo, qui portavit in angaria, id est, in dolore crucem Christi, ut habetur in *Matthæo*³. Quartus gradus est obedire velociter, sine recraslinatione; exemplum de Petro et Andrea, qui ad unam Domini vocem, relictis rebus omnibus, secuti sunt eum, sicut etiam dicitur in eodem *Matthæo*⁴. Quintus gradus est obedire viriliter, sine hæsitatione (*a*); exemplum de Petro, qui dixit⁵: *Domine, paratus sum tecum in carcere, et in mortem ire.* Sextus gradus est obedire humiliter, sine elatione; exemplum de discipulis, quibus dixit Salvator⁶: *Cum (*b*) feceritis omnia quæ præcepta sunt vobis, dicite, quia servi inutiles sumus, in eodem Luca.* Septimus gradus est obedire perseveranter, sine discontinuatione; exemplum de Christo, de quo dicit Apostolus⁷: *Factus est obediens usque ad mortem.* Iste septem gradus erant spiritualiter in scala Jacob, de qua habetur in *Genesi*⁸: quæ significat obedientiam, tum quia angeli descendebant et ascendebant per illam, per quod intelligitur, quod obedientia est vita angelica; tum quia scala ista tangebat cœlos, in quo innuitur, quod vera obedientia est cœlestis vita. Item nota, quod obedientia est navis ad cœlum transvehens (*c*) clavis cœlum aperiens, et avis ad cœlum ascendens. Est itaque obedientia sicut navis: nam sicut qui est in navi semper procedit, et tamen ipse quiescit; sie qui est in navi obedientis, semper proficit in mundo, dormiendo, vigilando, comedendo, abstinendo, ambulando, quiescendo: quia instar naute non movetur motu proprio, sed alieno. De hac navi habetur in *Proverbiis*⁹: *Facta est quasi navis institoris, id est, mercatoris.* Per eandem rationem obediens comparatur equitanti: nam sicut equitans quiescendo procedit, quia non movetur motu proprio, sed equi; sie bonus obediens quando pausat, meretur, quia non innititur motui voluntatis suæ, sed majoris sui. Unde

¹ *Act.*, ix, 6. — ² *Psal.*, lxxii, 23. — ³ *Matth.*, xxvii, 32. — ⁴ *Matth.*, iv, 20. — ⁵ *Luc.*, xxii, 33. — ⁶ *Luc.*, xvii, 10. — ⁷ *Philip.*, ii, 9. — ⁸ *Gen.*, xxviii, 12. — ⁹ *Prov.*, xxxi, 14. — ¹⁰ *Cant.*, i, 8. — ¹¹ *Matth.*, xvi,

dicitur in *Canticis*¹⁰: *Equitatui meo assimilavi te, amica mea.* Est etiam obedientia sicut clavis paradisi: sicut enim inobedientia clausit paradisum, ut habetur ex *Genesi*; sic obedientia paradisum aperuit. Et in figura hujus, Christus dedit¹¹ Simoni, qui interpretatur obediens, *claves regni cœlorum*, ut dicitur in *Matthæo*. Et sicut Dominus maledixit primo homini inobedienti, dicens¹²: *Maledicta terra in opere tuo;* sic benedixit obedienti Simoni Dominus, dicens¹³: *Beatus es, Simon Barjona.* Est etiam obedientia sicut avis ad cœlum ascendens: nam sicut avis cum duabus alis volat ad sublimia, sic obediens cum duabus alis, scilicet cum ala paupertatis, et cum ala castitatis, seandit ad cœlestia. Hoc est quod dicitur in *Apocalypsi*¹⁴: *Data sunt mulieri duas alas, ut volaret in desertum locum.* Mulier ista potest dici obedientia. Duæ alas possunt dici duo illa vota simul conjuncta, scilicet castitatis, et paupertatis voluntarie. Item nota, quod obedientia est summa in merito, vicina Deo, et proxima cœlo. Est itaque obedientia in merito suprema; et in figura hujus, Christus apostolis præposuit Simonem obedientem. Vult enim Creator, quod omnia obdiant obediens; nec mirum, si vult quod obedienti obdiant ceteræ creature, quia etiam ipse Deus voluit obedienti obediens. Exemplum de Josue, de quo dicitur¹⁵: *Non fuit ante et postea tam longa dies, obediente Domino voci hominis.* Est etiam obedientia Deo vicina, in cuius figura Dominus¹⁶ recubuit (*d*) in domo Simonis, ut dicitur in *Luca*. Et omnes qui erant in Bethania diligebat, ut dicitur in *Joanne*¹⁷: *Bethania quippe domus obedientiæ dicitur.* Est etiam obedientia scala cœli, et Deo proxima; et in figura hujus, Dominus ascendit in cœlum de Bethania, sicut habetur in *Luca*.

Itabet etiam obedientia auxilia, quæ ipsam juvant. Unde notandum est, quod sex sunt, quæ juvant obedientiam, scilicet humilitas flectens, consuetudo frequens, dilectio fervens, affectus terrena contempnens, gratia interioris ungens, et prælatus modeste præcipiens. Humilitas (*e*) igitur juval, et facit hominem obedientiæ. Humilitas reddit hominem flexibilem: sicut enim gracilitas et subtilitas virgæ

Auxilia
obedi-
tiam ju-
vantia.

19. — ¹² *Gen.*, iii, 17. — ¹³ *Matth.*, xvi, 17. — ¹⁴ *Apoc.*, xii, 14. — ¹⁵ *Jos.*, x, 14. — ¹⁶ *Luc.*, vii, 38. — ¹⁷ *Joan.*, xi, 5. — ¹⁸ *Luc.*, xxiv, 50. — ^(a) *Cæl. edit.* aestimatione. — ^(b) Item *Dum.* — ^(c) *Item transiens.* — ^(d) *Vulg. discubuit.* — ^(e) *Cæl. edit.* Obedientia.

facit virgam faciliter inclinare, sic gracilitas humilitatis facit homines faciliter obedire. Ideo dicit Apostolus de Christo ⁴: *Humiliavit semet ipsum, factus obediens usque ad mortem.* Juvat etiam obedientiam consuetudo; nam sicut equus assuevit circumvolutionibus, ut sciat se ad omnem partem flectere; sic assuefactio obedientiae facit homines ad nutum obedire. De tali equo bene ductibili dicitur in *Proverbis*²: *Equis paralur ad diem belli: Dominus autem salutem tribuit.* Juvat tertio obedientiam dilectio Dei: nam sicut ignis facit ceram mollem et tractabilem, sic amor Dei ignitus facit hominem obedire. Unde dicitur in *Luce*³: *Ignem veni mittere in terram*, id est, animam devotam. Juvat nihilominus obedientiam contemptus mundi, et separatio voluntatis ab omnire corporali. Sicut enim pellis est tractabilis a ligno separata, quæ tamen est rigida, quandiu est ligno affixa; sic anima, cum instar pellis a terrenis sejungitur, ad obedientiam facile inclinatur, in cuius persona dicit Psalmista⁴: *Pateratus sun, et non sum turbatus.* Juvat etiam obedientiam unctionis gratiae interius: sicut enim corium unctum fit molle et tractabile, quod tamen ante unctionem erat durum et rebelle; sic homo facilis est ad obedientiam, quando anima intus est uncta per gratiam. Hæc est unctionis, de qua dicit Joannes⁵: *Unctionem quam accipistis, maneat in vobis.* Tandem juvat obedientiam modestia præcipiens; exemplum de Deo, qui unum solum lignum prohibuit, et omnia alia concessit, dicens⁶: *De omni ligno paradisi comedere; de ligno autem scientia boni et mali ne comedas.*

Officia, que ipsam occupant obdien- tiam. Habet etiam obedientia officia, que ipsam occupant, scilicet tria genera præceptorum. Unde nota, quod debet quilibet obedire præceptis iudicis^(a) per naturam, quæ scripta sunt a Tobia dicente⁷: *Quod ab alio oderis tibi fieri, vide ne tu aliquando alteri facias;* et in Matthæo⁸: *Omnia quæcumque vultis ne faciant vobis homines, ea nolite facere eis.* Vel debemus obedire præceptis injunctis per scripturam, quæ scripta sunt in *Exodo*⁹, ubi ponuntur decem præcepta: *Non habebis deos alienos*, etc. Debemus etiam obedire præceptis inspiratis per gratiam, ut de dilectione Dei et proximi, quæ scripta sunt in

*Matthæo*¹⁰. Ilorum expositionem quære supra in materia de præceptis, et in materia de charitate.

CAPUT III.

De Paupertate.

De paupertate nota specialiter tria, scilicet Da pau- pertale nota tria. quod paupertas est cœlestis præmium, cum quo pauperes mercantur; cœlestis prandium, ad quod pauperes invitantur, et cœlestis solium, in quo pauperes locantur.

Primo igitur paupertas est cœlestis præmium, quo a (b) pauperibus emitur cœlum, sicut dicit Augustinus¹¹: « Regnum, inquit, cœlorum paupertate emitur. » Et nota quod regnum cœlorum jure emptionis convenit pauperibus, quia ipsi proprie solvunt præmium, quod taxavit Christus dicens¹²: *Omnis qui reliquerit domum aut agros, etc.*

Secondo paupertas est cœlestis prandium, quo pauperes reficiuntur. Sicut enim videmus, quod quando clamatur ad eleemosynam, vel prandium (c), soli pauperes veniunt et accelerant; sic ad prandium cœli, ad quod Christus invitat, soli pauperes intrant: quod figuratur in *Luca*, ubi dicitur¹³, quod *homo quidam fecit cœnam magnam*, etc. Et nota quod tria genera hominum ad illam cœnam venire noluerunt; sed excusationes frivolas allegaverunt, scilicet avari divitis incrassati, immundi, impinguati, superbi, dilatati honoribus, juxta illud *Deuteronomii*¹⁴: *Incrassatus, impinguatus, dilatatus, dereliquit Deum factorem suum.* Avari figurantur per illum, qui quinque juga boum emerat; immundi, per illum qui uxorem duxerat; superbi, per illum qui villam comparaverat. Et ideo omnes isti a cœna illa proprie sunt exclusi, et sotii pauperes intromissi. Nam dicitur ibidem¹⁵: *Voca pauperes et debiles, et introduc, etc.*

Tertio, paupertas est cœlestis solium, in quo pauperes sedent, sicut dicitur in *Matthæo*¹⁶: *Vos qui reliquistis omnia, et secuti estis me, etc.;* et sequitur: *Sedebitis et vos super sedes, judicantes duodecim tribus Israel.* Sed nota, quod sicut qui esset supra cœlum, totam terram reputaret quasi punctum (d); sic pauperes totam terram re-

*Pauper-
tas cœ-
lestis
pran-
diūm.*

¹¹ Simile aliiquid reperitur apud Aug., *de verb. Dom.* serm. XXVIII. — ¹² *Matth.*, xix, 29. — ¹³ *Luc.*, XIV, 16.

— ¹⁴ *Deut.*, XXXII, 15. — ¹⁵ *Luc.*, XIV, 21. — ¹⁶ *Matth.*, xix, 29. — (a) *Cat. edit. judicis.* — (b) *Item a quo.* — (c) *Item paradisum.* — (d) *Item centrum.*

putant rem minimam et vilem, quia in cœlo, ut dictum est, habent sedem et mansionem suam. Nam dicit Apostolus in persona eorum¹: *Nostra conversatio in cœlis est.*

Pauper-
talis tria
bona.

Item nota, quod pauper habet tria bona, scilicet vitam securissimam, mentem quietissimam, et vestem nobilissimam. Primo igitur pauperes sunt in vita securissima securi, quia propter (a) paupertatem non moventur lites, non timentur fures, non forfuidantur rerum tempes-tates; sed divites hujus mundi sustinent omnes istas tribulationes. Unde in figura hujus, Cain, qui interpretatur *possessio*, habebat caput tremulum, et significat divitium curam, et sollicitudinem avarorum. Secundo pauperes mente sunt quieti, et a spinis divitiarum minime la-cerati, et ab earum pondere liberi, et ab ea-rum inquisitione mundi. Nam divitiae faciunt ista tria mala: bona siquidem temporalia pos-sessa onerant, amata inquinant, et amissa cru-ant, ut dicit² Bernardus. Unde in figura spi-ritualis quietis, quam habent pauperes, et anxie-tatis, quæ concomitat (b) divitias, Israel a Deo accepit sabbatum, id est, quietem, et Ægyptii anxietates et curas, ut dicit Gregorius³. Prop-ter hoc dicitur ad Hebreos⁴: *Relinquitur sab-bathismus populi Dei.* Tertio sunt pauperes veste decori, id est, honestate conspicui. Ideo Sa-piens jungit ista duo: *Paupertas*, inquit⁵, et ho-nestas a Deo sunt: quia in semitis pauperum relucet spiritualiter Christi signum, de quo di-citur in *Luca*⁶: *Et in signum cui contradicetur.* Et nota, quod triplex fuit signum Christi, cui contradicunt a diversis amatoribus mundi. Pri-mum fuit paupertas, cui contradicunt ab avar-is; secundum fuit castitas, cui contradicunt ab immundis; et tertium fuit humilitas, cui con-tradicunt a superbis.

Tria alia
pauper-
talis
bona.

Item nota, quod paupertas alia tria bona ha-bet; est enim paupertas summe Christo copu-lata, bonis summe cumulata, et cœlis summe coæquata. Primo ergo paupertas est summe Christo copulata; habet enim Deus pauperes quasi familiares et domesticos, et divites quasi ignotos et extraneos. Unde in figura hujus, Chri-stus in ortu suo prius vocavit pauperes quam divites, piscatores quam mercatores, pastores

¹ Philip., III, 20. — ² Bern., serm. de Conver, ad Cleric., c. XII, et serm. de quinque negotiis, et quinque re-gionis, ante med. — ³ Greg., Moral., lib. XVIII, c. XXV, ante med. — ⁴ Hebr., IV, 9. — ⁵ Eccli., XI, 14. — ⁶ Luc., II, 34. — ⁷ Deut., XI, 24. — ⁸ Isa., LXV, 25. — ⁹ Gen., XXXV, 5, 6. — ¹⁰ Cant., II, 2. — ¹¹ Hieron.,

quam reges, pauperes de prope, et divites ma-gos ab Oriente. Secundo paupertas est summe coæquata cœlo: et causa est, quia est summe elongata a mundo: pauper enim summe cœlum appropinquat, quia omnia mundana conculcat. Siec videmus, quod ille qui vult alte attingere, scabellum consuevit sub pedibus locare; sic pauper manu tangit cœlum, quia de omnibus terre-nis, contemnendo et conculeando, facit sibi qua-si sub pedibus scabellum, juxta illud Deuteronomiū⁷: *Omnis locus quem calcaverit pes vester, vester erit.* Tertio paupertas est summe cumulata omni-bono; optime enim scit thesaurizare: propterea enim dimittit terram talpis, id est avaris, fi-mum porcis, id est immundis, pulvrem ser-pentibus, id est, superbis, juxta illud *Isaiae*⁸: *Serpenti pulvis panis ejus.* Ipsa enim dedignatur fiumum stabuli habere loco thesauri. Eimus sta-buli sunt divitiae hujus mundi; quia mundus est stabulum, id est locus jumentorum, et ho-minum bestialium. Ipsa enim bona immobilia retinet, id est cœlestia; et dispergit bona mo-bilia, id est, omnia terrena: quod figuratur in *Genesi*, ubi dicitur⁹, quod Abraham dedit Isaac omnia qua possidebat, et filiis concubinarum largitus est munera.

CAPUT IV.

De Castitate.

De castitate nota specialiter tria: castitas enim est florens sicut lily inter spinas; habet lily incorruptibile, habet pretium imprestabile, ha-bet folium insuperabile, habet pretium inter gemmas, et tenet solium super stellas.

Primo ergo castitas est florens sicut lily; nau dicuntur in *Canticis*¹⁰: *Sicut lily inter spi-nas, sic amica mea inter filias.* Et nota, quod in lilio sunt sex folia nivei coloris, et sex grana aurei coloris: sex folia nivea significant carnis pudicitiam; et sex grana aurea significant men-tis munditiam. Primo ergo in lilio sunt sex fo lia, in quibus figurantur sex ad pudicitiam ne-cessaria. Primum folium est cibi et potus so-brietas, unde dicit Hieronymus¹¹: « Virgo fu-giat vinum, ut venenum. » Nam vinum et ad-olescentia est duplex incendium voluptatis. Unde in *Proverbis* dicitur¹²: *Luxuriosa res est vinum;* et in *Euseb.* dicitur¹³, quod Loth proper ad Eustoch., epist. xxii, longe ante med. — ¹² Prov., XX, 1. — ¹³ Gen., XIX, 33.

(a) Cœt. edit. per. — (b) anxietates quæ communicant.

De cas-ti-tate tria-notanda
paci-
pue.

Sex ad
pudici-
tiam ue-
cessaria.

vinum perpetravit inestum. Secundum folium est habitus asperitas; unde dicit Bernardus: « Memento, quod asperior cardo pannum facit leniorem, sicut asper habitus facit carnem castiorem. » Et per contrarium filii Israel fornicati sunt cum mulieribus Moab, quia ornatae erant vestibus delicatis, ut dicitur in *Numeris*. Tertium folium est laboris strenuitas; et per contrarium ignavia et otium sunt summmum luxurie nutrimentum, quia, ut dicitur in *Ezechie*¹: *Hæc fuit Sodomæ iniquitas sororis tuæ, superbia, saturitas, abundantia panis, et otium*. David in domo otians, commisit adulterium, ut habetur in secundo *Regum*. Quartum folium est custodia sensuum, et maxime quoad visum et auditum; quia curiositas videndi, et audiendi, via est ad peccatum. Cujus exemplum patet in Dina, filia Jacob, quæ ad videntem mulieres regionis illius egressa, a Sichem filio Emor fuit corrupta, ut dicitur in *Genesi*. Quintum folium est modestia verborum, et maxime immundorum; quia maxime excitatur luxuria per verba dissoluta et inhonesta. Nam dicit Apostolus²: *Nolite seduci inanibus verbis: corrumpunt enim bonos mores colloquia prava*. « Sit, inquit Hieronymus³, sermo virginis pudens, modestus, et tardus vel rarus, nec tam eloquentia pretiosus, quam pudore. » Idem⁴: « Sit vita novæ gravitas, honestas admirabilis, et stupenda verecundia, mira patientia, virginalis incessus, et veræ pudicitias habitus, sermo semper modestus, et suo in tempore proferendum. » Hæc ille. Sextum folium est fuga occasionum, opportunitatum, et maxime mulierum. Dicitur enim in *Genesi*⁵: *Ne stes in omni loco circa regionem*. Videmus enim, quod animalia silvestria pulchriorem pellent, quam domestica. Legimus etiam (a) in secundo *Regum*, quod Thamar ab Amon (b) fratre suo fuit corrupta, quia in thalamo fuit sola cum solo. Unde Bernardus dicit⁶: Virgines quæ vere virgines sunt, semper debent esse pavidae, et nunquam securæ, ut et non timenda securæ etiam pertimescant. »

Sunt etiam in lilio sex grana aurea, in quibus figuratur triplex modus diligendi Deum, et triplex causa dilectionis. Primo ergo est triplex modus dilectionis, quem debet habere

animus castus: est enim diligendus Deus prædilectus, ne decepti ab amore ejus discedamus; dulciter, ne elati ab amore ejus abscondamur; fortiter, ne oppressi ab amore Dei evellamur, ut dicit Bernardus⁷. Sunt autem tres cause præcipuae, in quibus debemus Deum diligere: est enim diligendus *toto corde*, quia Creator; *tota anima*, quia Redemptor; *tota mente*, quia remunerator, ut dicitur in *Matthæo*⁸.

Secundo castitas habet ingens preium super omnes gemmas, quia dicitur⁹: *Non est dignatio pondratio continentis animæ*. Et nota, quod castitas est thesaurus cum valore charitatis; ideo summe amandus, et ideo dicitur¹⁰: *Simile est regnum celorum thesauro abscondito*, etc. Est thesaurus in vase fragilissimo; et ideo summe conservandus: nam dicit Apostolus¹¹: *Haeretis thesaurum istum in vasis fictilibus*. Unde majoris virtutis est in carne corruptibili servare castitatem. Est thesaurus cum malignissimo hoste; et ideo summe timendus, sicut videmus quod valde est laudabile castrum debile defendere contra hostem fortissimum.

Tertio, castitas habet excellens solium super omnes stellas, quod figuratur per *thronum de ebore grandem*, ut dicitur in libris *Regum*¹². Et nota quod ebur est frigidum, et solidum, et candidum: frigidum, contra concupiscentiam; solidum, per firmam perseverantiam; candidum, per meram innocentiam. Item nota, quod quando ebur in uno panno lineo mundo involvitur, servat pannum ne incendatur: in quo signatur, quod interior castitas mentis servat corpus exterioris ab incendio libidinis.

Item nota, quod castitas habet fructum uberrimum, cursum celerrimum, et serum pulcherrimum. Primo ergo castitas habet uberrimum fructum; et nota quod triplex est fructus evangelicus, scilicet tricesimus, quem habet castitas conjugalis; sexagesimus, quem habet castitas viridalis; centesimus, quem habet castitas virginalis, ut dicitur in *Matthæo*¹³. Secundo castitas habet celerrimum motum: castitas enim consequitur Deum tripliciter, scilicet currendo, natando, et volando. Currit enim castus per bonam operationem; natat per internam devotionem; volat per supernam contemplationem:

¹ Bern., sup. *Cantic.*, serm. xx, ante med. — ² Matth., xxii, 37. — ³ Eccli., xxvi, 20. — ⁴ Matth., XIII, 44. — ⁵ II Cor., iv, 7. — ⁶ III Reg., x, 18. — ⁷ Matth., XIII, 8.

(a) *Cœt. edit.* enim. — (b) *Vulg. Ammon.*

et sic sequitur agnum quocumque ierit, ut dicitur in *Apocalypsi*¹. Tertio, castitas habet pulcherrimum sertum: non enim solum habet aureolam præmii accidentalis, sed etiam aureolam præmii essentialis.

Aureola
triplex.

Et nota, quod triplex est aureola, scilicet virginum, martyrum et doctorum: virginum florea; martyrum gemmea; doctorum aurea. Aureola igitur virginum est florea, de qua dicitur²: *Veni de Libano, sponsa mea; veni, corona beris*, scilicet aureola castitatis: quia in Scriptura castitas flos dicitur, merito castis corona de floribus datur. Et nota quod castitas instar floris solo tactu marcescit, quia tactus impudicæ delectationis castitatem omnino corruptit. Sicut enim flos, sole præsente, decorum suum ostendit (nam flos, ut videmus, de nocte clauditur, et oriente sole rursus expanditur), sic homo vere castus de castitate tantum coram Deo, non coram hominibus, gloriatur, dicente Apostolo³: *Gloria nostra haec est, testimonium conscientiae nostre*. Aureola vero martyrum est gemmea; nam dicitur⁴: *Posuisti super caput ejus coronam de lapide pretioso*. Aureola doctorum est aurea, de qua dicitur⁵: *Corona aurea super caput ejus*. Item nota, quod castitas indiget studiosas clausuras; castitatem decet pretiosa cinctura; et in ea luet speciosa pictura. Primo ergo castitas debet habere clausuram studiosam; nam dicitur⁶: *Hortus conclusus, soror mea sponsa*. Et nota, quod in horto bene clauso non potest quis intrare, nisi de alto:

sic in homine casto, qui habet clausuram continentiae, nullum desiderium debet intrare, nisi coeleste tantum. Si tamen hortus conclusus bestiæ esset plenus, clausura parum proficeret; immo plus noceret, quam prodesset: ita quando bestiales motus libidinis strepunt in mente, parum aut nihil valet clausura castitatis in carne. Et ideo sponsa dicitur non solum *hortus conclusus*, sed *fons signatus*: *Hortus conclusus*, propter castitatem carnis; *fons signatus*, propter puritatem mentis.

Secundo castitas debet habere cincturam pretiosam, quia dicitur⁷: *Sint lumbi vestri præcincti, et lucernæ ardentes in manibus vestris*. Et nota, quod Daniel vidit⁸ virum accinctum renibus auro obrizo, quod est aurum pretiosum valde, ut dicitur in *Daniele*, et Joannes vidit⁹ filium hominis præcinctum ad mamillas zona aurea, ut dicitur in *Apocalypsi*, quod scilicet ad duplice castitatem refertur. Nam zona aurea, vel cinctura renum, significat corpus castum; zona vero aurea inter mamillas, significat cor mundum; quia, ut dicit Philosophus, libro de *Animalibus*¹⁰, cor hominis est inter mamillas, aliquantulum decligans ad partem sinistram.

Tertio castitas debet habere picturam speciosam. Sicut enim candor materialis, vel albedo, est caput et fundamentum aliorum colorum, ut dicit Philosophus; sic castitas est quasi caput et fundamentum aliarum virtutum, et bonorum operum. Unde dicit Gregorius¹¹, quod « non est opus bonum sine castitate. »

TITULUS QUINTUS

DE VIRTUTIBUS THEOLOGICIS ET CARDINALIBUS

CAPUT PRIMUM.

De Virtute in communione.

Post tractatum de præceptis et consiliis, dicendum est de virtutibus, donis, beatitudinibus et fructibus. Ista quatuor sunt quedam specialia incentiva ad operandum divina præcepta,

¹ *Apoc.*, XIV, 4. — ² *Cant.*, IV, 8. — ³ *II Cor.*, I, 12. — ⁴ *Psalm.*, XX, 4. — ⁵ *Ecli.*, XLV, 14. — ⁶ *Cant.*, IV, 12.

et consilia evangelica. Differunt autem ista quatuor per hunc modum: quia virtutes faciunt operari recte; dona faciunt operari fidcliter, et faciliter expedire; beatitudines faciunt operari perfecte; fructus faciunt operari delectabiliter, seu deliciose.

— ⁷ *Luc.*, XII, 35. — ⁸ *Dan.*, X, 5. — ⁹ *Apoc.*, I, 13. —

¹⁰ *Arist., Hist. Animal.*, lib. I, c. xv. — ¹¹ *Greg., in Evang.*, hom. XIII, ante med.

Et nota, quod virtutes sunt septem, scilicet quatuor cardinales, et tres theologicae. Theologicae sunt fides, spes et charitas. Cardinales sunt prudentia, fortitudo, temperantia et iustitia. Differunt autem, quia theologicae habent Deum, vel bonum in reatum, pro fine vel pro objecto; virtutes cardinales habent bonum creatum pro objecto. Præterea virtutes theologicae respiciunt magis vitam contemplativam, et ordinant hominem ad Deum; cardinales vero pertinent ad vitam activam, et ordinant hominem ad proximum: et ideo illæ dicuntur *theologicae*, id est, divinae, a *Theos* (Θεός), quod est Deus, et *Logos* (λόγος), quod est sermo, quia principaliter sunt ad Deum; sed cardinales dicuntur a *cardine* in quo vertitur ostium, quia principaliter respiciunt vitam activam, que tota est mobilis super cardinales virtutes. Unde tres virtutes theologicae pertinent ad Mariam; que intendit circa unum, id est, circa bonum in reatum, quod non afferunt ab ea, nee mutatur; quatuor vero cardinales pertinent ad Martham, que intendit circa multa, et turbatur erga plurima, scilicet bona creata. Sunt vero loca Scriptura, ubi reperiuntur virtutes, dona, beatitudines, et fructus. Virtutes theologicae ponuntur juxta illud¹: *Nunc autem manent fides, spes, charitas, tria haec.* Quatuor vero virtutes cardinales ponuntur secundum illud²: *Sobrietatem, prudentiam, justitiam et fortitudinem: quibus nihil utilius est in hac vita hominibus.* Dona vero Spiritus sancti sunt septem, scilicet donum sapientie, intellectus, consilii, fortitudinis, pietatis, scientie, et donum timoris. Ista autem dona ponuntur juxta illud³: *Et requiescat super eum spiritus sapientie et intellectus, spiritus fortitudinis et consilii, spiritus scientie et pietatis, et replebit cum spiritus timoris Domini.* Beatitudines autem sunt octo, scilicet paupertas, misitas vel mansuetudo, luctus, esurias, misericordia, munditia cordis, pax, et iustitia. Iste ponuntur in Matthæo. Fructus Spiritus sancti sunt duodecim, scilicet *charitas, gaudium, pax, patientia, longanimitas, bonitas, benignitas, mansuetudo, fides, modestia, continentia et castitas.* Isti ponuntur ad Galatas⁴.

Virtus sic diffinitur in libro de Spiritu et Anima⁵: «Virtus est habitus mentis bene insitute. » De virtute in communis nota specialiter tria, scilicet, ejus pretiosam comparationem,

virtuosam operationem, et gratiosam procreationem. Comparatur ergo virtus tribus specialiter, scilicet ligno fructuoso, lapidi pretioso, et cœlesti paradiso. Primo comparatur ligno fructuoso: homo enim absque virtute, est sicut arbor silvestris, vel vinea, qua profert labruscas, id est, delectationes carnales, vel glandes, quæ sunt cibaria pororum, id est, hominum immundorum. Sed si ramus virtutis tali arbori fuerit insertus, tolam arborem trahit ad natum suum, et facit eam ferre fructus optimos, quæ laetificant Deum et angelos Dei, juxta illud⁷: *Gaudium est angelis Dei super uno peccatore, etc.* Hæc est illa arbor pulcherrima, cuius fructus nimius et esca universorum in ea, ut habetur in Daniele.

Secundo comparatur lapidi pretioso. Virtus enim que est in viro justo, facit eum prævalere multis peccatoribus; nam dicitur⁸: *Melior est unus timens Deum, quam milles filii impii.* De hoc lapide pretioso dicitur⁹: *Quasi lapidis virtus probatio erit in eis*, scilicet operibus bonis: tamen hodie multum vilipenditur, in tantum, quod si esset venalis, a paucis emeretur. Sicut gallus, qui invenit in sterquilino margaritam et granum putridum, inspecta margarita, elegit granum putridum; sic homo mundanus, spreta virtute, appetit bonum temporale transitorium. Et ratio est, quare vilipenditur virtus, quia nescit homo pretium ejus, ut dicitur in Job¹¹. Et propter hoc dicit Salvator¹²: *Ne mittatis margaritas ante porcos*, id est, homines immundos et mundanos, quia plus volunt furfur carnalis et immunda delectationis, quam margaritas gratae, vel virtutis.

Tertio comparatur paradiiso, tam cœlesti, quam terrestri. Terrestri comparatur in tribus, scilicet in situ eminentia, in fructus opulentia, et in fontis affluentia. Est enim primo paradisus locus altissimus, ita quod aquæ diluvii usque ad illum locum non pervenerunt: sic viri religiosi, vel virtuosi, vitam habent eminentem instar paradi, ita quod nunquam submerguntur diluvio peccati. Unde dicit Sapiens in persona viri justi¹³: *Exaltasti super terram habitationem meam.* Est secundo paradisus locus fructibus opulentus: producit enim omne lignum pulchrum visu, et ad vescendum suave, ut dicitur in Genesi¹⁴. Sic vir justus, vel virtuosus, omne lignum pulchrum

¹ Cor., xiii, 13. — ² Sap., viii, 7. — ³ Isa., xi, 2.

— ⁴ Matth., v, 3 et seq. — ⁵ Gal., v, 22-23. — ⁶ De Spir. et Anim., c. iv, inter Oper. S. Aug., append. tom. VI.

— ⁷ Luc., xv, 10. — ⁸ Dan., iv, 9. — ⁹ Eccli., xvi, 3.

— ¹⁰ Eccli., vi, 22. — ¹¹ Job, xxviii, 13. — ¹² Matth., vii, 6. — ¹³ Eccli., li, 13. — ¹⁴ Gen., ii, 9.

visu producit, per honestam conversationem; ad vescendum suave, per bonam operationem et internam devotionem. Unde dicitur in persona viri virtuosi¹: *Flores mei fructus honoris et honestatis*. Est nihilominus paradisus terrestris locus aquis irriguu: nam dicitur², quod *fluvius egrediebatur de loco voluptatis ad irrigandum paradisum, qui inde dividitur in quatuor capita*. Paradisi fluvius virtus est, vel gratia, quia de fonte divinitatis oritur. Quatuor capita sunt quatuor principales virtutes, vel cardinales, que a gratia derivantur, scilicet justitia, temperantia, prudenter, et fortitudo. Justitia habet locum in rebus certis, non enim potest esse justitia, vel justa sententia, nisi in rebus certis; prudentia habet locum in dubiis; temperantia habet locum in prosperis; et fortitudo in adversis. Comparatur autem virtus paradiso coelesti in quatuor; est enim paradisus coelestis habitatio Dei, locus gaudii, locus lucis, et locus ordinati amoris. Talis est anima viri justi et virtuosi: nam ibi est habitatio divinae gratiae; ibi est gaudium bonae conscientiae; ibi est lux veritatis; ibi est amor charitatis. De tali paradise diciatur³: *Gratia sicut paradisus in benedictionibus*. E converso anima peccatoris non dicitur paradise, sed potius infernus: habet enim quatuor mala opposita bonis supradictis. Ipsa enim est habitatio, non Dei, sed dæmonum; ipsa namque loco gaudii habet remorsum conscientiae; loco lucis, habet tenebras ignorantiae; loco amoris ordinati, habet ignem concupiscentiae. Unde de tali inferno dicitur⁴: *Quia non infernus confiterbitur tibi*, id est, anima peccatoris, que est quasi locus infernal.

Item virtus vel gratia comparatur aliis tribus, scilicet signo vel characteri, pretio vel pignori, oleo vel unctioni. Virtus enim est signum vel character prædestinationis. Sicut enim pastor signat oves signo, quo distinguit oves proprias ab extraneis; sic Deus, qui est *pastor animarum nostrarum*, ut habetur in *Joanne*⁵, ponit in ovi- bus suis signum gratiae et virtutis, quo distinguit oves ab haedis. De hoc signo dicitur⁶: *No- lite contristare Spiritum sanctum Dei, in quo si- gnati estis in die redemptionis*, scilicet gratiae, virtutis et veritatis.

Et debemus considerare quatuor signa, quibus electos suos signat Deus. Est enim virtus

Signa
quibus
Deus

¹ Eccl., xxiv, 23. — ² Gen., ii, 10. — ³ Eccl., xl, 17. — ⁴ Isa., xxxviii, 18. — ⁵ Joan., x, 11 et seq. — ⁶ Ephes., iv, 30. — ⁷ Ibid., i, 13. — ⁸ 1 Joan., ii, 20.

pignus vel pretium salvationis. Sicut enim qui habet pretium, rem potest emere; et sicut qui habet arrham vel pignus sufficiens, certus est de solutione: sic qui habet virtutem, vel gratiam gratuitam, securus est de æterna salva- tione. De hoc pignore habetur⁷: *Signati estis spiritu promissionis sancto, scilicet gratiae, qui est pignus hereditatis nostre*. Est nihilominus virtus gratuita unctio regalis promotionis. Sieut enim reges qui promoventur ad regna terrena unguntur, sic Deus electos suos ungit unctione gratiae ad obtinenda regna coelestia et terrena. De hac unctione dicitur⁸: *Unctionem habetis a Sancto, et nostis omnia*. Nota, quod electi, qui habent unctionem virtutis, vel gratiae, reges de- bent dici triplici ratione: tum quia Deus regnat in eis per gratiam; tum quia futuri sunt reges per gloriam; tum quia eis in hoc mundo ser- viunt omnia per obedientiam. *Omnia*⁹ namque eis cooperantur in bonum, scilicet tam bona, quam adversa, vel perversa, ut dicit Apos- tolus.

Item virtus, vel gratia, tribus aliis compa- tur, scilicet armature forti, præbendæ nobili, et optimæ possessioni. Virtus enim est armatura tam forti, quod omnia vincit, et nunquam vin- citur, vel superatur. Homo autem sine virtute est sieut homo inermis in medio hostium suo- rum, id est, inter prospera et adversa, et ab utrisque lœditur et superatur: nam ipsum decipiunt prospera et adversa. Propter quod monet Apostolus, dicens¹⁰: *Induamur arma lucis*, id est, arma virtutis, ut dicit Glossa. Virtus est præ- benda nobilis; quod patet ex duobus, scilicet ex parte dantum, et ex parte recipientium; seu ex parte dantis, et ex parte recipientis. Sieut autem Papa et alii prelati consueverunt sibi retinere collationem pingue, vel præbendam nobilem vel nobilium; ita Deus collationem hujus nobilis præbendæ, scilicet virtutis vel gratiae, retinuit ad manum suam, juxta illud¹¹: *Gratiam et gloriam dabit Dominus*; nullus enim alius habet duas præbendas conferre. Ex parte recipientis patet nobilitas hujus nobilis præben- dae, quia præbendæ virtutis vel gratiae nun- quam conferuntur nisi amicis et caris. Alia namque bona naturalia et temporalia, quasi viles præbendæ, vel communes, dantur indiffe- renter inimicis et amicis. Unde dicit Augustinus, de Civitate Dei¹²: « Interdum abundant plus in

⁷ Rom., viii, 28. — ⁸ Rom., xiii, 42. — ⁹ Psal. LXXXIII, 12. — ¹⁰ Aug., de Civit. Dei, lib. I, c. viii.

talibus inimici quam amici, id est, peccatores, quam justi. » Et nihilominus virtus vel gratia quasi possessio optima. Sicut enim bene sedet possessio, quae est prope civitatem; melius, quae est juxta muros civitatis; sed optime, quae est intra muros, proper securitatem clausuræ, vel habitationis: sic peroptime sedet virtus, quae est in secreto cordis. Unde narrat Seneca de quodam philosopho, quod uxore capta et liberis, cum solus ex incendio evasisset, interrogatus a tyranno, quid amisisset: « Nihil, inquit, perdi: nam bona mea mecum sunt. » Bonâ namque interiora, sicut sunt virtutes vel gratia, non possunt auferri, ut vulgo dicitur, nec vento, nec gelo; et ideo dicitur in *Psalmo*¹: *Omnis gloria ejus filie regis ab intus*. Filia regis est anima fidelis, cuius tota gloria est de interiori possessione virtutis.

CAPUT II.

De Charitate.

Charitas est dilectio, qua diligitur Deus proper se, et proximus propter Deum, vel in Deo, ut habetur in libro tertio *Sententiarum*². De charitate nota specialiter tria, scilicet ejus typum figuralem, ejus actum virtualem, ejus fructum fialem.

Circa primum sciendum, quod multiplex est typus, vel figura, cui charitas comparatur. Primo enim comparatur auro probato, ferro ignito, et vino condito. Nam sicut aurum in valore excedit omnia metalla, sic charitas excedit omnes virtutes et omnia bona opera³: *Major autem horum est charitas*. De hoc autem auro pretiosissimo dicitur⁴: *Suadeo tibi emere aurum ignitum et probatum, ut locuples fias*. Charitas autem est sicut ferrum ignitum, quod est molle et ductile; frigidum vero, durum et rebelle: sic anima sine charitate est dura et rebellis per malitiam; ignita vero charitate, est ductilis per obedientiam, et mollis per misericordiam. Unde charitas de corde lapideo facit cor carneum, id est, dulce et pium, ut dicitur in *Ezechiele*⁵. Charitas nihilominus est sicut vinum conditum, quod dicitur nectar: nam vinum nectaricun vel conditum est dulce, acutum et forte. In his tribus, quae habet vinum conditum, innuitur triplex modus diligendi Deum. Diligendus est enim

fortiter, prudenter, et perseveranter, ut dicit Bernardus⁶. In hoc autem excedit charitas vinum, quantumcumque dulce, vel conditum, quia charitas est adeo dulcis, quod omne amarum dulcescit cum vino charitatis: hoc est vinum, de quo dicitur⁷: *Dabo tibi poculum ex vino condito*. Deus enim potat animam condito vino charitatis, et inebriat eam nectare sui dulcis amoris. Item charitas comparatur aliis tribus, scilicet avi praedam rapienti, navi in mari naviganti, et morti carnem perimenti. Charitas enim est sicut avis generosa, quae vivit de preda, sicut accipiter, et falco, et aquila. Iste namque aves nobiles vix vel nunquam tangunt terram, nisi quando rapiunt praedam: sic homines charitatem habentes bona ista transitoria non tangunt, vel terrena, per affectum, nisi querendo solummodo simplicem victimum. In quorum persona dicit Apostolus⁸: *Habentes alimenta, et quibus tegamur, his contenti simus*. Sicut etiam aquilam nulla avis effugit, sic charitatem nullum bonum opus evadit. Hec est aquila grandis magnarum alarum, de qua dicitur in *Ezechiele*⁹: *Aiae ejus sunt due*, scilicet dilectio Dei et proximi. Charitas etiam est sicut navis maris: nam sicut illa non vadit, nisi quo ducit eam flatus venti; sic qui habet charitatem, navigando per mare huius mundi, solum ducitur flatu Spiritus sancti, sicut illa celestia animalia de quibus dicitur¹⁰, quod *ubi erat impetus spiritus, illuc gradiebantur*. Hec est navis de qua dicitur¹¹: *Facta est quasi navis institoris*, id est, mercatoris, ut dicit Papias. Charitas nihilominus est sicut mors, ut dicitur¹²: *Fortis est ut mors dilectio*. Nam sicut mors perimit carnem, sic charitas carnalitatem. Et sicut mors auferit sensum mortuo, sic charitas facit hominem insensibilem mundo. Et sicut mors facit ut *pulvis*¹³, id est, corpus, revertatur in terram suam, et *spiritus redeat ad Dominum suum, qui fecit illum*, ut dicitur in *Ecclesiaste*: sic charitas facit considerare proprie carnis fragilitatem, et facit desiderare semperternam spiritus felicitatem.

Item nota quod charitas tribus aliis comparatur. Est enim charitas sicut funis bene tortus, sicut canis bene doctus, et sicut later bene coctus. Charitas comparatur funi bene torto: nam sicut funis bene tortus est valde fortis, sic charitas est indissolubilis, quia dicit Apostol-

¹ *Psal. XLIV, 14.* — ² *Sent.*, lib. III, dist. xxvii, huj. edit. tom. IV, pag. 592. — ³ *I Cor.*, XII, 13. — ⁴ *Apoc.*, III, 18. — ⁵ *Ezech.*, XXXVI, 26. — ⁶ Bern., in *Cant.*, serm. I, 1.

ante med. — ⁷ *Cant.*, VIII, 2. — ⁸ *I Tim.*, VI, 8.

⁹ *Ezech.*, I, 23. — ¹⁰ *Ezech.*, I, 12. — ¹¹ *Prov.*, XXXI, 14. — ¹² *Cant.*, VIII, 6. — ¹³ *Eccle.*, XII, 7.

lus¹: *Quis nos separabit a charitate Dei?* quasi dicat: Nihil. Et haec caritas fortior est omni fune: non est enim aliquis alius funis, quem non valeat rumpere ignis, vel gladius: caritas autem nunquam potest rumpi, nec igne tribulationis, nec gladio mortis. Iste funis charitatis indissolubilis componitur ex tribus funiculis, scilicet² *de corde puro, et conscientia bona, et fide non facta*, ut dicitur ad Timotheum. Hic est enim ille³ *funiculus triplex*, qui difficile rumpitur, ut dicitur in Ecclesiaste. Charitas etiam comparatur cani bene docto ad venationem: sicut enim canis sequens prædam, non sentit spinam; sic qui charitatem habet, et sentit odorem paradisi, quasi non sentit spinam, id est, tribulationem hujus mundi. In persona talis potest dici illud Proverbiorum⁴: *Verberare runt me, sed non dolui; traxerunt me, et ego non sensi.* Comparatur nihilominus lateri bene coeto: sicut enim later bene coetus, facit solidum fundamentum, et si male sit coetus, facit ruinosum: sic homo bene coetus per charitatis incendium habet optimum et virtuosum fundamentum, de quo dicit Apostolus⁵: *In charitate radicati et fundati.* Sed later male coetus, id est, homo tepidus et charitatis modice, cito dissolvitur, et convertitur in lutum carnalis concupiscentiae: tales lateres male coeti sunt lateres Aegypti, qui sola palea dicuntur esse coeti, ut legitur in Exodo⁶.

Item charitas aliis tribus comparatur, scilicet arbori vel ligno, oneri vel jugo, glutino vel cimento. Charitas enim est sicut arbor vel lignum fructuosum, in quo pendent fructus pietatis, flores honestatis, folia veritatis. Et sicut de arbore resecantur ramusculi, ut arbor melius creseat et proficiat; sic resecandi sunt amores inordinati, ut amor Dei fortius invaleseat. Unde bonus agricola, vel hortulanus, purgat palmitem ferentem fructum⁷, ut fructum plus offerat, ut habetur in Joanne. Charitas etiam est sicut onus leve, et jugum suave. Est enim onus leve et allevians, sicut in avibus ala, et sicut in equis quadriga. Nam sicut avis cum onere alarum volat velocius, et equus cum onere quadrige portat duplum facilius; sic onus penitentiae et tribulationis facilius est, et per duplum portatur, cum alleviator in onere charitatis. Ipsa enim est jugum suave:

et causa hujus suavitatis est, quia Christus in cruce subiit illud jugum, et adhuc sub eo vult esse nobiscum. Unde ipse portat quasi totum pondus, vel majorem partem ponderis; et ideo non est mirum, si jugum charitatis est suave. Propter quod dicitur⁸: *Jugum enim meum suave est, et onus meum leve.* Charitas nihilominus est sicut glutinum, vel cæmentum: nam sicut glutino junguntur aseres, vel cæmento lapides, sic charitatem uniuntur fideles. Hoc glutino vel bitumine linita fuit specialiter area Noe, ut habetur in Genesi⁹: unde si area Ecclesie non uniretur virtute hujus glutinis, esset in periculo submergendi. Hoc enim virtuoso cæmento uniuntur lapides in spirituali aedificio, et cum isto cæmento fit murus Ecclesie fortissimus, sine quo esset Ecclesia quasi acervus lapidum, ruinas propinquas, sicut dicitur¹⁰: *Hierusalem in acervum lapidum erit.* Item charitas eleganter et proprie tribus aliis comparatur, scilicet fonti naturali, vesti nupciali, igni virtuali. Charitas quidem est sicut fons naturalis: sicut enim aqua fontis naturalis in hyeme est calida, sic charitas fervet in tribulatione. Et sicut aqua fontis est frigida, vel frigescit interius, cum calor invalescit exterius; sic etiam interius trespicit amor Dei, cum invalescit exterius amor mundi. De hac aqua fontis mundani dicitur¹¹: *Omnis qui bibet ex aqua hac, sicut iterum, quia, ut vulgo dicitur, talis aqua inflat et non satiat; sed de aqua fountis divini dicitur ibidem¹²:* *Aqua quam ego dabo, fiet in eo fons aquæ salientis in vitam æternam.* Charitas enim est sicut vestis nupcialis, de qua habetur¹³, quod ille, qui ea caruit, fuit ejectus de nuptiis: sic qui non habet charitatis tunicam, non venit ad cenam æternam. Et nota, quod charitas dicitur vestis nupcialis, quia tegit turpitudinem peccatorum, quia protegit a frigore tentationum, quia ornat munere donorum, juxta illud¹⁴: *Astitit Regina a deo truis tuis in vestitu deaurato, etc.* Quia in malitia sadiati sunt, vidit hominem, id est, totum eorum malorum, non vestitum ueste nupciali, id est, fidem non habentem, sive charitatem.

Et nota, quod vestis charitatis a quatuor præcipue commendatur, a quibus consuevit commendari vestis nupcialis, scilicet ab artificiis, a materia, a colore, a fragrantia. Commen-

¹ Rom., VIII, 35. — ² 1 Tim., I, 5. — ³ Eccl., IV, 12. — ⁴ Prov., XXIII, 35. — ⁵ Ephes., IIII, 17. — ⁶ Exod., V, 7. — ⁷ Joan., XV, 2. — ⁸ Matth., XI, 30. — ⁹ Gen.,

vi, 14. — ¹⁰ Jerem., XXVI, 18. — ¹¹ Joan., IV, 33. — ¹² Ibid., II, 14. — ¹³ Matth., XXII, 13. — ¹⁴ Psal. XLIV, 10.

datur ergo vestis charitatis ab artificio, quia magno studio componitur a Deo, juxta illud¹: *Annuntiate inter gentes studia ejus.* Itæc enim sunt studia divina, ut componat in nobis charitatis indumenta. Commendatur etiam hæc vestis a materia: nam aliae vestes sunt vel de velleribus animalium, ut vestis lanea; vel de corticibus herbarum, ut vestis linea; vel de visceribus vermium, ut vestis serica. Vestis autem charitatis fit ex gratia Spiritus sancti, et de visceribus Christi. Unde signanter dicit Apostolus²: *Induimus Dominum Iesum Christum.* Commendatur autem hæc vestis a colore: est autem duplex color hujus vestis, scilicet byssinus, et purpureus. Et sicut rubeus color optime sedet super byssinum, vel candidum; sic charitas optime stat super hominem castum. Unde dicitur³: *Byssus et purpura indumentum ejus.* Commendatur autem hæc vestis a fragrantia, juxta illud⁴: *Odor vestimentorum tuorum, sicut odor thuris;* et ideo qui portat hanc vestem, meretur benedictionem, sicut Jacob. Unde dicitur⁵: *Statim, ut Isaac sensit vestimentorum ejus fragrantiam, benedicens ait: Ecce odor filii mei, sicut odor agri pleni.*⁶ *Charitas patiens est, benigna est, non æmulatur, non agit perperam, non inflatur, non est ambitiosa, non querit quæ sua sunt, non irritatur, non cogitat malum, non gaudet super iniuriam, congaudet autem veritati. Omnia suffert, omnia credit, omnia sperat, omnia sustinet. Charitas nunquam excidit,* ut dicit Apostolus.

Charitas igni comparatur. Item vestis charitatis habet duas petias, quatuor sagittas, et sexdecim fimbrias vel crepas. Est enim partita sicut tunica nobilis domicelli, duas petias ejus sunt dilectio Dei et proximi, in parte dextera est petia dilectionis Dei; in parte sinistra, est petia dilectionis proximi: una est de byso, alia de purpura. In indumento ejus quatuor sagittas ponuntur, juxta illud: *Diligens Dominum Deum tuum ex toto corde, etc.* Sexdecim fimbriae, vel crepes ponuntur, sicut supra dictum est: *Charitas patiens est, etc.*

Charitas comparatur igni in decem: nam primo ignis est virtuosior omnibus elementis: sic inter omnes virtutes efficacior est virtus charitatis. Unde dicitur⁷: *Ignem veni mittere in terram.* In hoc autem charitas excellit ignem,

quia aqua extinguit ignem naturalem; sed⁸ aqua multa non poterunt extingui charitatem, ut dicitur in *Canticis*. Secundo ignis ardet et lucet: sic charitas in homine ardet per affectionem, et lucet per exemplum, sicut Joannes Baptista de quo dicitur⁹: *Ille enim erat tunc ardens et lucens.* Tertio ignis frigidum ferrum accendit, et etiam carbonem extinctum: sic incendium charitatis expellit ab homine gelu avaritiae, et etiam mortem culpæ, et facit vivere sicut carbonem extinctum, ut dicitur¹⁰: *Translati sumus de morte ad vitam, quoniam diligimus fratres.* Quarto ignis incinerat: sic virtus et incendium charitatis redigit hominem in cinerem humilitatis. Unde dicebat Abraham¹¹: *Loquar ad Deum meum, cum sim pulvis, et cinis?* Quinto ignis semper tendit sursum: sic charitas facit ascendere sursum vel ad celum per desiderium. Unde dicebat Apostolus¹²: *Cupio dissolvi, et esse cum Christo.* Sexto ignis semper in motu: sic charitas semper est in aliquo bono actu. Nam, sicut dicit Gregorius¹³: « Amor Dei nunquam est otiosus. Operatur enim magna, si est; si autem operari renuerit, amor non est. » Septimo ignis aufert rubiginem a ferro: sic charitas tollit rubiginem peccati. Unde dicitur¹⁴: *Deus autem ignis est usque ad consummationem devorans, scilicet peccati rubiginem, per suam ignitam dilectionem.* Octavo ignis scintillas emittit; sic charitas mentem devotam scintillas celestium desideriorum emittere facit, sicut legitur in *Daniele*¹⁵: *Vir desideriorum es.* Nono ignis facit ollam fervore, et ollæ ferventi non incident muscae: sic mens que per charitatem fervet, muscas tentationis non timet. Diabolus autem propter infestationem temptationum, inter alia nomina sua vocatur Beelzebub, qui interpretatur *Deus vel pater muscarum*, ut habetur in *Luca*¹⁶. Decimo ignis servat lampades a mure: mus namque, cum lampadem extinctam conspicit, mox bibit oleum; sed ipsum non audet fugere, quandiu conspicit lampadem ardere: sic charitas ardens in animo, oleum gratiae custodit a spiritu maligno. Hoc oleum volunt prudentes virgines in suis lampadibus habere, ut cum sponso valeant ad nuptias intrare, sicut dicitur in *Matthæo*¹⁷.

¹ *Psal.*, IX, 12. — ² *Rom.*, XIII, 14. — ³ *Prov.*, XXXI, 22. — ⁴ *Cant.*, IV, 11. — ⁵ *Gen.*, XXVII, 27. — ⁶ *1 Cor.*, XIII, 4-8. — ⁷ *Luc.*, XII, 19. — ⁸ *Cant.*, VIII, 7. — ⁹ *Joan.*, V, 35. — ¹⁰ *1 Joan.*, III, 14. — ¹¹ *Gen.*, XVIII, 27. — ¹² *Philip.*, I, 23. — ¹³ *Greg.*, in *Evang.*, hom. XXX, ante med. — ¹⁴ *Deut.*, IV, 24. — ¹⁵ *Dan.*, IX, 23. — ¹⁶ *Luc.*, XI, 15. — ¹⁷ *Matth.*, XXV, 4.

CAPUT III.

De Fide.

Fides est virtus, qua ea quæ ad fundamentum religionis pertinent firmiter creduntur, ut habeatur in tertio Sententiarum¹. De fide nota specia-liter tria, scilicet ejus typum speciosum, ejus actum virtuosum, et ejus fructum generosum.

Primo dico, quod fides habet typum specio-sum, vel figuram multiplicem, cui eleganter, vel strenue, vel congrue comparatur. Et primo

Fides
multis
compar-
ratur.

comparatur tribus, scilicet arcæ testamenti, stella firmamenti, et petræ fundamenti. Fides quidem est sicut arca testamenti. Nam dicitur² : « Propitiatorium non excedit aream, sed arca propitiatorium : » sic per fidem, et nunquam sine fide habetur propitiatio peccatorum. Fides etiam est sicut stella firmamenti (a), et præcipue dicitur stella maris, quia navigantibus ostendit portum gratiæ sive salutis. Dicitur etiam stella matutinalis, quia prævenit Solem justitiae. Dicitur nihilominus stella orientalis, quia dicit reges spirituales, et facit eos Christum adorare, sicut illa de qua scribit Matthæus. Fides etiam est sicut petra fundamenti. Nam sicut edificium est solidum, quod est supra petram fundatum, vel locatum; sic structura virtutum et omne spirituale ædificium optimo locatur supra fiduci fundamentum. Unde dicit Dominus Petro³ : *Super hanc petram ædificabo Ecclesiam meam*.

Item fides aliis tribus bene et congrue comparatur. Figuratur enim per mundum speculum, per dexterum oculum, et per personæ annulum. Fides namque comparatur speculo mundo, quia sicut turris magna in modico speculo cernitur, sic majestas et magnitudo divina in speculo fidei representatur. Bene ipsa est⁴ *speculum sine macula*, ut dicitur in libro Sapientiæ. Fides etiam comparatur oculo dextero. Sinister oculus est ratio, quæ solum de naturalibus judicat : dexter vero fides, que omnia tam naturalia, quam miracula, determinat, et intellectum in obsequium Christi captivat, ut dicit Apostolus⁵. Et sicut qui amisit oculum dextrum, inutilis est ad bella, quia scutum operit sinistrum, et sic nullum habet oculum, quo videat ferire vel cavere adver-

sarium : sic qui non habet fidem, inutilis est ad pugnam spiritualem. Unde Naas dicit homini-bus vel viris Jabez Galaad : *In hoc feriam vobis-cum fædus, ut eruam omnium oculos dextros*, ut habetur in libriss Regum⁶. Naas interpretatur serpens, vel coluber, et signal serpentem anti-quum, id est, diabolum, qui nuditur eruere oculum dextrum, id est, fidem, ut ad bellum spirituale hominem reddat inutilem. Ipse enim est corvus infernalis, qui cum cadavera inventit, primum oculum invadit. Fides insuper compa-ratur annulo, quia sicut in subbarbatione spon-sæ, annulus in digito ponitur ad ornationem; sic fides ornat rationem, quæ per digitum intel-ligitur, quia discernit, et sic a Deo spiritualiter desponsatur. Nam dicitur⁷ : *Sponsabo te mihi in fide*. Annulus iste argenteus potest dici, eo quod fides, instar argenti, luceat per veram cognitionem, et resonet per perfectam confes-sionem : quia dicit Apostolus⁸ : *Corde creditur ad justitiam, ore autem confessio fit ad salutem*.

Item fides comparatur aliis tribus, scilicet signo vexillari, scuto militari, et radio solari. Fides enim est sicut vexillum regis : nam sicut vexillum regis monstrat, quod rex (b) est præ-sens in acie, maxime ut terreatur hostes; sic fides est signum, quod Rex regum, scilicet Deus præsens est in pugna, vel tentatione, ut fugiant demones. Et ideo dicitur⁹ : *Cui resistite fortes in fide* : sicut enim vexillum regis in signum dominii (c) ponitur in arce (d) urbis, sic fides locatur in arce mentis, id est, in eminentia rationis. De hoc vexillari signo dicitur¹⁰ : *Leva-rit Dominus signum in nationes*, id est fidem su-per (e) credentes. Fides etiam est sicut militare scutum : nam sicut scutum ponitur ad sinistram partem, sic fides præcipue armat hominem contra adversitatem; et sicut scutum portatur a parte cordis, quod est in sinistra parte hominis, sic fides est armatura mentis; et sicut scutum est triangulum, ita fides credit Deum tri-num et unum. De scuto dicit Apostolus¹¹ : *In omnibus sumentes scutum fidei*. Fides nihilominus est sicut sol, vel solis radius. Nam sicut sol videtur solum propriis radiis, non torchis vel candelis; sic Deus videtur solum radio fidei, qui solum innititur luci prime veritatis, non

¹ *Sent.*, lib. III., dist. xxiii., § *Fides est virtus*. — ² *Exod.*, xxv, 10, 17, quoad sensum. — ³ *Math.*, xvi, 18. — ⁴ *Sap.*, vii, 26. — ⁵ *II Cor.*, x, 5. — ⁶ *I Reg.*, xi,

⁷ *Ose.*, ii, 19. — ⁸ *Rom.*, x, 10. — ⁹ *I Petr.*, v, 9. — ¹⁰ *Isa.*, xi, 12. — ¹¹ *Ephes.*, vi, 16.

(a) *Cæt. edit. armamenti*. — (b) *Cæt. edit. res.* — (c) *Item Domini*. — (d) *Item arcem*. — (e) *Cæt. edit. sub.*

torchis, id est, lumine naturalis rationis. Unde dicit Ambrosius ¹: « In his quæ fidei sunt, piscatoribus creditur, non dialecticis. » De hoc lumine, vel radio fidei, potest intelligi quod dicitur ²: *Dulce lumen, et delectabile est oculis videre solem.* Tamen nota, quod sol non videtur in propria rota, nisi ab aquila : sic Deus non videtur in propria essentia, nisi ab anima valde devota, et pennis contemplationis elevata. Item cœcus non videt solem, sed tamen credit vi-denti ; non videt viam, et tamen credit cani ducenti ; nec videt locum profundum, et tamen credit baculo fangenti, et tentanti : ita simplices, quia per se sacramenta non vident, videntibus, id est, prælatis et pastoribus suis se committere debent, sicut cœcus commitit se ductori, et sicut ovis committit se pastori. Tamen sumnum periculum est, quando ipsi pastores vel ductores cœci sunt et ignorantes, quia dicit veritas ³: *Si cœcus cœco ducatum præstet, ambo in foream cadunt.*

Item fides tribus aliis comparatur, scilicet columnæ sacramentali, aurore spirituali et luci primordiali. Fides namque est sicut columna illa, quæ præcedebat populum Israel in exitu de Agypto. Nam illa ex parte Israel erat lucida, et ex parte Agyptiorum tenebrosa ; sic fides creditibus lucet, et infidelibus est obscura : quia *ipsi sunt rebelles lumini*, ut dicitur in Job ⁴. Fides etiam est sicut aurora : nam sicut illa est exosa latronibus, sic fides odiosa est demonibus, qui sunt latrones animalium. De ipsis enim dicitur ⁵: *Si subito apparuerit aurora, arbitrantur umbram mortis.* Fides autem nihilominus est sicut lux primo creata : nam sicut illa primum opus in majori mundo, sic fides prima virtus in minori mundo, hoc est in corde humano : et ideo cum sit primogenita, specialiter benedici meretur, sicut antiqui primogenita benedicebant. Unde dicitur de talibus ⁶: *Qui ex fide sunt, benedicentur cum fideli Abraham.*

Item nota, quod fides ad hoc, quod sit commendabilis, debet habere tria, scilicet veridicam confessionem, magnificam devotionem, et catholicam professionem (a). Primo ergo fides debet habere veridicam confessionem, scilicet, ut verum dicat, ne aliud dicat, aliud credat, aliter vivat : ut scilicet fides sit viva, non mortua ; vera, non ficta. Res enim mortua proprie non

est res, nisi æquivoce ; sicut homo mortuus non est homo. Res etiam ficta non est proprie di-cenda res, sicut leo pictus non est leo verus, nec denarius falsus ; sicut ille qui est de aurichaleo, qui debet esse de auro, non est verus denarius ; tales sunt falsi et facti christiani, de quibus dicitur ⁷: *Confiduntur se nosse Deum, factis aulem negant.* Tales sunt sicut chimera, quæ est res tantum ficta, et tamen nihil est in rerum natura. Fides veridica est, quæ verum dicit, sic vivendo sicut credit, sic credendo sicut dicit. Talis est moneta vera ad producendum para-disum, et vera arbor et generosa ad producendum frondes divine dilectionis, folia salu-tiferæ confessionis, flores honestæ conversa-tionis, et fructus bonaे operationis.

Secundo debet habere devotionem magnifi-cam ; et est notandum, quod fides ostenditur esse magnifica in tribus. Primo, ut in solo Deo confidat, etiamsi naturalis ratio contradicat.

Talem fidem habuit Abraham, qui vetulus de vetula et sterili, contra omnem rationem, cre-didit Deo promittenti quod haberet semen, in quo benedicerentur omnes gentes, ut dicitur ⁸: *Credidit Abraham Deo, et reputatum est ei ad justitiam.* Talem fidem non habuit Thomas, qui noluit credere quod Christus resurrexisset a mortuis, nisi oculis videret et manibus contrectaret. Tales sunt illi, qui nolunt credere vel mutuare, nisi sub bono pignore. De tali modica fide dicit Gregorius ⁹: *Fides non habet mer-itum, cui humana ratio præbet experimentum.* Secundo fides est magna, si in adversitate non deficiat, sed tunc plus invalescat, de qua dicit Salvator ¹⁰: *Si habueritis fidem sicut granum si-na-pis, etc.* Granum sinapis, quanto plus teritur, tanto fortius viget : talis fuit fides martyrum, qui ¹¹ per fidem vicerunt regna, ludibriæ, verbora, insuper vincula et carceres. De hac fide dicitur ¹²: *Hæc est victoria, quæ vincit mundum, fides vestra.* Talem fidem non habuit Petrus, qui videns ventum validum timuit, et statim veritus fuit, cui dixit Salvator ¹³: *Modica fidei, quare dubi-tasti ? Sic multi infideles ventum validum tribu-lationis videntes, statim titubant, et merguntur in mari tentationis, vel desperationis, quod est mare mortuum, in quo nihil potest vivere.* Tertio fides est magna, si homo propter dilatio-nem petere non desistat, quounque obtineat.

Fides in
tribus
magis-
ca osten-
ditur.

¹ Ambros., de *Fid.*, lib. I, c. v. — ² *Eccle.*, xi, 7. — ³ *Math.*, xv, 14. — ⁴ *Job.*, xxiv, 13. — ⁵ *Ibid.*, 17. — ⁶ *Gal.*, iii, 7. — ⁷ *Tit.*, i, 16. — ⁸ *Gen.*, xv, 6. —

⁹ Greg., in *Evang.*, hom. xx, non longe a princ.

¹⁰ *Math.*, xvii, 19. — ¹¹ *Hebr.*, xi, 33, 36. — ¹² *I Joan.*, v, 4. — ¹³ *Math.*, xiv, 31. — (a) *Al. probationem.*

Talem fidem habuit mulier Chananaea, quæ quantumeumque fuisset a Christo repulsa, non quiebat a prece, quoque fuit exaudita. Unde dicit ei Salvator¹: *Mulier, magna est fides tua, fiat tibi sicut petisti*, quia, ut vulgo dicitur, quod differtur, non auferunt.

Item fides debet habere professionem catholicam. Et notandum, quod catholica professio christiana continet duodecim articulos fidei, qui in Symbolo apostolico continentur, scilicet: *Credo in Deum*, etc. Sunt autem duodecim articuli, quia duodecim sunt apostoli. Quilibet autem duodecim apostolorum posuit in Symbolo suum articulum.

PETRUS autem² dixit: *Credo in Deum Patrem*, etc. Iste articulus pertinet ad Patrem. Et est sciendum, quod aliud est credere in Deum, et aliud credere Deo. Credere Deo, est credere quod vera sunt, quæ dicuntur de Deo; et sic possumus credere, et credimus Petro et Paulo. Sed credere in Deum, ut dicit Augustinus, est credendo amare, credendo in eum per amorem ire, in eo (a) vel ejus membris incorporari. Nota de isto articulo: eum dicunt: *Patrem omnipotentem*, quia ipse est Deus Pater, non deest sibi bona voluntas: quia *omnipotens*, non deest sibi potestas implendi quod promittit, quia dicitur³: *Omnia quæcumque voluit, fecit*.

ANDREAS dixit: *Et in Iesum Christum filium ejus unicum Dominum nostrum*. Iste articulus pertinet ad divinitatem Filii. Et nota quod specialiter Christus dicitur Dominus noster, quia proprie dominatur nobis duplii jure, scilicet jure creationis, quia nos creavit et fecit; et jure redēptionis, quia nos magno pretio, scilicet sanguine suo redemit, ut ait Apostolus⁴: *Empti enim estis pretio magno*.

JACOBUS Major dixit: *Qui conceptus est de Spiritu sancto, natus ex Maria Virgine*. Iste articulus est primus, qui pertinet ad humanitatem. Et nota, quod Maria mater Dei caruit in conceptione culpa: et ideo dicitur Christus de Spiritu sancto conceptus, quia sine culpa fuit, quod Spiritus sanctus fecit in nativitate Filii. Caruit etiam pœna: et ideo dicitur Christus de Virgine natus, quia nullam pœnam sensit, nec damnum sustinuit; quia virgo peperit, et post partum virgo permanxit. Et in hoc Christus dedit exem-

plum filiis omnibus, ut nullum damnum nutritibus, vel progenitoribus suis inferrent.

JOANNES dixit: *Passus sub Pontio Pilato, crucifixus, mortuus, et sepultus*. Iste articulus pertinet ad humanitatem. Et nota quatuor in hoc articulo, pro quibus et in quibus non solum grati esse debemus Redemptori nostro, sed etiam specialiter in his quatuor ipsum imitari. Christus enim est passus, ut nos patiamur, scilicet habendo patientiam in adversitatibus et tribulationibus nostris. Christus etiam crucifixus est, ut nos per penitentiam crucifigamus carnem nostram cum vitiis et concupiscentiis. Christus etiam mortuus est, scilicet in cruce, ut in cruce penitentia usque ad mortem perseveremus. Christus nihilominus sepultus est, ut nos terram nostræ mortalitatis consideremus, et cum cinere nostræ mortalitatis ad modum carnis salsa superbiam condiamus: quia carnes cito putrescant et corrumpuntur, nisi sale condiantur.

THOMAS dixit: *Descendit ad inferna*. Iste enim articulus est (b) tertius pertinens (c) ad humanitatem. Descendit autem Christus ad inferos secundum animam, ut extraheret suos de limbo. Nota etiam magnam perversitatem nostram, quia nos vix volumus sequi Christum ad celum, quantumcumque sciamus quod Christus secutus est hominem usque ad infernum, scilicet ad eum liberandum.

JACOBUS Minor dixit: *Tertia die resurrexit a mortuis*. Iste est quartus articulus pertinens ad humanitatem. Et nota quod Christus resurrexit tercia die, ut nos a peccato resurgamus in tercia die, scilicet penitentiae (d): confessione, contritione et satisfactione.

PHILIPPUS dixit: *Ascendit ad celos, sedet ad dexteram Dei Patris omnipotentis, inde venturus est judicare vivos et mortuos*. Iste articulus est quintus pertinens ad humanitatem. Et nota, quod haec duo que sunt in isto articulo, scilicet ascensus Christi ad celos et adventus ad judicium, magnam fiduciam nobis ingerunt, quia scimus quod causam nostram frater noster judicabit.

BARTHOLOMEUS dixit: *Credo in Spiritum sanctum, et sanctam Ecclesiam*. Id est: Credo quod Spiritus sanctus est in se, et in electis suis; et quod non solum est sanctus, sed etiam Eccle-

¹ *Math.*, xv, 28. — ² Idem habetur in *Hexæmer.*, serm. viii, tom. prox. seq., tom. VII, pag. 407; et in *Centiloq.*, part. III, sect. 38; et quidem mutuatum ex

S. Aug., *de Tempore*, serm. cxv. Facit etiam pro hoc Leo Magnus, epist. xcvi. — ³ *Psal.* cxiii, 3. — ⁴ *1 Cor.*, vi, 30. — (a) *Cert. edit. eum.* — (b) *Item et.* — (c) *Item pertinent.* — (d) *Item pecunienlia.*

siam facit sanctam. Et iste est primus articulus qui pertinet ad Spiritum sanctum. Et sunt tria in presenti pertinentia ad Spiritum sanctum, et duo in futuro. Primum, quod ad ipsum pertinet in presenti, est sanctificatio. Nam primus ejus articulus, ut diximus, *Credo in Spiritum sanctum, et sanctam Ecclesiam*. Credo, quod Spiritus sanctus, qui in se sanctus est, ipse sanctificat Ecclesiam, per gratiam et bonitatem suam, quia ipse bonitas est.

MATTHEUS dixit: *Sanctorum communionem*. Iste articulus pertinet in praesenti ad Spiritum sanctum: quia Spiritus sanctus pertinet ad Sanctorum communionem, id est, unionem membrorum in corpore Ecclesiae ad caput, scilicet ad Christum, et alia membra in corpore naturali, id est, fidelium ad invicem. Sicut spiritus bonus unit membra in corpore naturali: sic Spiritus sanctus unit membra spiritualia, scilicet fideles in corpore mystico, quod est Ecclesia. Unde sensus hujus articuli est: *Credo Sanctorum communionem*, id est, credo quod sancti, id est fideles, tanquam unius corporis Ecclesiae membra, communicant, id est, uniuersit sibi, et capiti suo, et hoc per Spiritum sanctum. Et nota quod triplex est communio, quam fideles debent habere ad invicem, scilicet: communionem unius corporis, quia faciunt unum corpus; et communionem societatis, ex qua societas venit, quod quilibet, qui est de corpore Ecclesiae, partem habet in omnibus bonis, quae fiunt in Ecclesia; tertia communio est mutua supportationis, quia unus debet supportare onus alterius, scilicet mala, per patientiam, et bona communicare per eleemosynam largitionem. Unde dicitur¹: *Alter alterius onera portare*.

SIMON dixit: *Remissionem peccatorum*, scilicet credo. Iste est tertius articulus pertinens ad Spiritum sanctum. Per Spiritum sanctum enim, qui est benignitas ipsa, in baptismo et in poenitentia remittuntur peccata. Et nota, quod peccata remittuntur, lavantur et tolluntur: remittuntur quantum ad culpam; lavantur quantum ad maculam; tolluntur quantum ad poenam.

JUDAS THADDEUS dixit: *Carnis resurrectionem*. Iste est quartus articulus pertinens ad Spiritum sanctum in futuro, quantum ad remuneracionem corporis. Et nota, quod in servitio regis,

qui potest reddere, vel restituere equum, si continget eum mori in bello, potest miles secure exponere eum pro ipso rege et duce suo: sic nos equum nostrum, id est, corpus proprium, secure possumus exponere pro Christo, quia ipse potest equum reddere, id est, corpus restituere, id est, resuscitare.

MATTHIAS dixit: *Vitam aeternam*. Amen. Iste enim est quintus et ultimus articulus, pertinens ad Spiritum sanctum in futuro, quantum ad remuneracionem animae, vel etiam utriusque. Et nota, quod quia si sollicitus est homo ad providendum huic miserae vitae transitoriae, multo magis debet esse sollicitus ad providendum illi vita, quae nunquam poterit finem habere. Unde sciendum est, quod tribus modis providetur huic temporali vita, scilicet mendicando, laborando, et mutuum accipiendo. Ibi enim non est locus mendicandi, sicut patet de divite epulone, qui voluit mendicare guttam aquae, et non potuit obtinere, ut habetur in *Luca*². Ibi etiam non est locus laborandi. Ideo dicitur³: *Venit nox, quando nemo potest operari*. Ibi nihilominus non est locus mutuum accipendi, vel emendi, ut patet de fatus virginibus⁴, quae voluerunt mutuo habere, vel emere oleum, et non potuerunt habere. Et ita, qui non vult hic providere per bona opera, egestatem aeternam patiatur in illa vita aeterna. Ideo dicit Salvator⁵: *Primum querite regnum Dei, et justitiam ejus, et haec omnia adjicientur vobis*, etc.

CAPUT IV.

De Spe.

Spes est futura beatitudinis certa expectatio, ex Dei gratia et ex meritis proveniens, ut habetur in libro tertio *Sententiarum*⁶. De spe nota praeципue tria, scilicet typum comparationis, foetum generationis, et fructum operationis.

Primo ergo spes comparatur tribus: est enim sicut columna domum firmans, sicut galea caput armans, et sicut anchora navem servans. Spes itaque est sicut columna, quae domum sustentat: nam columna debet esse solida et de forti ligno, non fragilis et vacua, ut arundo; sic spes, qua est in Deo, quia est solida, est quasi de forti ligno, et facit aedificium solidum. Sed spes, qua est in mundo, est fragilis et va-

Spei
comparationes.

¹ Gal., vi, 2. — ² Luc., xvi, 21. — ³ Joan., ix, 4. — ⁴ Matth., xxv, 8 et seq. — ⁵ Matth., vi, 33. —

⁶ Sent., lib. III, dist. xxvi, in princ. Vid. huj. edit. tom. IV, pag. 561.

cua , et quasi de arundine : et ideo facit ædificium ruinosum ; nam dicitur¹ : *Qui confit in divitiis suis, corruet.* Sic supervacua et fragilis spes et fiducia annorum et amicorum , quia dicitur² : *Maledictus homo, qui confidit in homine, et ponit carnem suam, id est, carnalem hominem, brachium suum, id est, fiduciam vel auxilium, quod est in solo Deo collocandum.* Spes etiam est sicut galea : nam sicut galea est munimentum capitis , sic spes est armatura intentionis. Unde dicit Apostolus³ : *Induite galeam spem salutis.* Spes nihilominus est sicut anchora : nam sicut anchora servat navem contra procellas fluctuum , sic spes mentem contra tentationis impulsu. Et ideo dicitur⁴ : *Confugiamus ad tenendam propositam spem, quam sicut anchoram animæ habemus tutam et firmam.*

Item spes tribus aliis comparatur : est enim sicut arbor fructuosa , sicut gemma pretiosa , et sicut mola virtuosa. Spes ergo est sicut arbor fructuosa : nam sicut arbor profert uberes fructus , quæ habet irriguum aquarum viventium ; sic spes profert fructus bonorum operum , quæ sita est et plantata juxta irriguum aquarum. Unde dicitur⁵ : *Ego autem sicut oliva fructifera in domo Dei, speravi in misericordia Dei mei.* Spes enim est sicut margarita , vel gemma : nam sicut gemma est grata , sicut spes est Deo placita; sicut gemma habet valorem magnum , sicut spes facit hominem pretiosum ; et sicut gemma est perlucida , sicut spes est quodammodo diaphana , quia per eam videntur et sperantur loca cœlestia. De ipsa dicitur⁶ : *Gemma gratissima expectatio prestolantis.* Spes nihilominus est sicut mola : et nota , quod duas sunt mole spirituales , scilicet timor supplicii , et spes præmii : timor est mola superior , quæ premit animam , ne evanescat per elationem ; spes est mola inferior , quæ animam sustinet , ne deficit per desperationem. Ista duas molas debet pœnitens conjungere , sicut David , qui dicebat⁷ : *Ab altitude diei, scilicet a die judicii, timebo, ecce mola superior; Ego vero in te sperabo, ecce mola inferior.* Unde una sine altera non valet. Et ideo in figura hujus dicitur⁸ : *Non accipies loco pignoris inferiorem et superiore molam, id est, spem et timorem non substrahas peccatori; et inter istas duas molas sit optima molitura tritici, id est perfecta contritio peccati.*

¹ Prov., xi, 28. — ² Jerem., xvii, 5. — ³ I Thess., v, 8. — ⁴ Hebr., vi, 19. — ⁵ Psal. li, 10. — ⁶ Prov., xvii, 8. — ⁷ Psal. lv, 4. — ⁸ Deut., xxiv, 6. — ⁹ Prov.,

CAPUT V.

De Prudentia.

Prudentia est appetendarum rerum , fugiendarumque scientia , ut dicit Tallius in libro *de Officiis*. De prudentia nota specialiter tria , scilicet typum decentissimum , actum utilissimum , partum nobilissimum.

Habet autem prudentia typum multiplicem et elegantem. Comparatur autem specialiter tribus , scilicet assessori judicis , quatuor etiam minimis , et astutie serpentis. Prudentia quidem est sicut assessor judicis , vel regis : nam sicut assessor judicando dirigit judicem , vel regem , sic prudentia rationem. Sicut , assessore absente , interdum pervertitur judicium regis ; sic , cum abest prudentia , pervertitur judicium rationis. Unde dicitur in Proverbii⁹ : *Dux indigenis prudentia, multos opprimet per calumniam.* Prudentia etiam comparatur quatuor minimis terra , de quibus dicitur¹⁰ : *Quatuor sunt minima terra, et ipsa sunt sapientiora sapientibus, scilicet formica, lepusculus, stellio, vel lacertus, et locusta.* Nam et prudens dicitur formica rationale prudentie. Et nota , quod formica habet decem laudabilia , et a viris prudentibus imitanda. Formica est prudens animal parvum , vel modicum : in quo laudatur humilitas. Grano pascitur : in quo docetur honestas. Socios adjuvat : in quo laudatur charitas. Sollicita est : in quo laudatur prudentia. Nunquam est otiosa : in quo commendatur occupatio. Grana detruncat , ne germinent , vel putrescant : in quo monstratur carnis afflictio. Tempore imbris grana abscondit : in quo docetur fuga tentationis. Tempore sereno granum soli exponit : in quo laudatur virtus orationis. Pondus portat majus quam ipsa sit : in quo monstratur zelus compassionis. De ipsa dicitur proverbium¹¹ : *O piger, vad ad formicam, et disce sapientiam, que cum non habet ducem, nec preceptorem, nec principem, parat in œstate, et congregat in messe cibum sibi, scilicet in messe gratiarum, cibum gloriae sempiterne.* Item prudentia comparatur lepusculo , ratione confidentiae quam homo prudens habet solum in Deo. Sicut lepusculus¹² *locat in petra cubile suum*, ut dicitur in Proverbii , ita homo in Christo. *Petra autem erat Christus*, ut dicit Apostolus¹³. Prudentia etiam comparatur stellionis : nam stellio , vel lacertus ,

Pruden-
tia tribus
compa-
ratur.

Formicæ
pruden-
tia.

⁹ Prov., xxx, 24-28. — ¹⁰ Prov., vi, 6-8.

¹¹ Prov., xxx, 26. — ¹² I Cor., x, 4.

quia alas non habet, unguibus vel¹ manibus utitur, qui (a) diligentia operationis laudatur. Nam in viro prudente, diligentia in operatione supplet defectum nature. Prudens nihilominus comparatur locuste: nam sicut locusta habet volatum recidivum (volat enim ad alta, et statim cadit in ima), sic prudens volat ad alta per desiderium patriæ colestis, et cadit ad ima per considerationem propriæ fragilitatis, juxta illud²: *Ascendit usque ad celos, et descendit usque ad abyssos.* Prudentia tertio comparatur astutiae serpentis. Et nota, quod quinque astutias utitur serpentes, quas vir prudens imitatur. Prima astutia sapientis, est custodia capitis: nam caput summe custodit, pro quo servando, totum corpus exponit; sic sancti Christum, qui est caput nostrum, summe custodiunt, et pro ipso omnia alia exponunt, sicut Apostolus, qui dicebat³: *Qua mali fuerunt lucra, hæc arbitratus sum propter Christum detrimenta.* Secunda astutia serpentis est depositio pellis; ponit enim se in arco foramine, ubi renovatur, deposita veteri pelle: sic sancti in arco penitentie seipso incarcerant, ut veterem conversationem deponant, sicut monet Apostolus⁴: *Deponite vos secundum pristinam conversationem veterem hominem, qui corrumperit secundum desideria erroris.* Tertia astutia serpentis, est delusio incantatoris: deludit enim incantatorem, obturando unam aurem cum terra, et aliam cum cauda, ut dicitur⁵: *Sicut aspidis surdae, et obturantis aures suas: sic viri sancti et prudentes deludunt incantatorem,* id est, tentationem diaboli, quia unam aurem obturant cauda, id est, memoria mortis, juxta illud⁶: *Memorare novissima tua, et in æternum non peccabis;* et aliam obturant terra, id est, consideratione proprie fragilitatis, quia dicitur⁷: *Pulvis es, et in pulvrem reverteris.* Quarta astutia serpentis est insidiatio pedis: insidiatur enim calcaneo, non capiti: sic viri sancti superant desideria carnis, attentes quis finis delectationis, scilicet mors immortalis, vel infernalis, juxta illud⁸: *Finis illorum mors.* Quinta astutia serpentis est fuga mulieris: nam sicut propter inimicities ejus fugit et latitat sub spinis; sic etiam viri sancti, propter inimicities fornicationis, fugiunt consortium mulierum, et latitant sub spinis penitentie, secundum consilium Apostoli⁹: *Fugite fornicationem.* Ad imi-

tandas istas serpentis astutias dicit Salvator¹⁰: *Estate prudentes sicut serpentes;* quas habent, cum mulierem fugient et latitant. Et ne serpentis astutia fiat virulenta, temperat eam simplicitas columbina; unde addit¹¹: *Et simplices sicut columbae.*

C A P U T VI.

De Temperantia.

Temperantia est nihil appetere unde sit poteritendum, in nullo modum vel legem excedere, sub jugo rationis cupiditatem domare, ut ait Macrobius¹². De temperantia nota specialiter tria, scilicet ejus typum nobilem, ejus partum fertillem, et ejus actum utilem.

Habet autem temperantia typum multiplicem, vel figuram. Comparatur autem temperantia specialiter tribus, scilicet freno quo equus regitur, byso quo caro legitur, et muro quo castrum cingitur. Est itaque temperantia sicut frenum equum regens: nam sicut a sessore, mediante freno, ducitur equus; sic caro a spiritu, freno temperantiae, gubernatur. Maxime enim frenandus est equus juxta aquam, juxta ignem, juxta præcipitum; frenum temperantiae necessarium est carni contra aquam transitoriae delectationis, contra ignem concupiscentie carnalis, et contra præcipitum æternæ damnationis. De hoc freno dicit Apostolus¹³: *Sobrie et juste et pie vivamus in hoc sæculo.* Nam quilibet debet vivere sobrie quantum ad seipsum, juste quantum ad proximum, pie quantum ad Deum. Est etiam temperantia sicut byssus carnem tegens: nam byssus, ut dicit Papias, est genus lini candidissimi, quod crescit in Ægypto; et inde fit tela, quæ vulgo dicitur serica. De hac tela byssina fit camisia nobilis et delicata, per quam figuratur castitas et temperantia. Et sicut ista camisia nobilis est immediate carni contingua et conjuncta; sic castitas et temperantia est carni præcipue necessaria, et ei inseparabiliter conjuganda. Etideo dicitur de muliere forti¹⁴: *Byssus et purpura indumentum ejus.* In byso figuratur castitas, quæ est præcipuum ornatum mentis; in purpura figuratur temperantia, quæ est sicut auriphrygium vesti appositum ad decorum. Est nihilominus temperantia, sicut murus castrum cingens: nam sicut castrum

Simili-
ludines
tempe-
rantiae.

¹ Prov., xxx, 28. — ² Psal. cvi, 26. — ³ Philip., iii, 7. — ⁴ Ephes., iv, 22. — ⁵ Psal. lvii, 5. — ⁶ Eccli., vii, 40. — ⁷ Gen., iii, 19. — ⁸ Rom., vi, 21. — ⁹ I Cor., vii, 18. — ¹⁰ Matth., x, 16. — ¹¹ Ibid. — ¹² Macrob., in Somn. Scip., lib. i, c. viii. — ¹³ Tit., ii, 12. — ¹⁴ Prov., xxxi, 52. — (a) Edit. Lugd. quia.

mratur præcipue ab ea parte, quæ magis est infirma; sic temperantia munit castrum hominis ex parte magis infirma, scilicet ex parte corporis. Dicit enim¹: *Spiritus quidem promptus est, caro autem infirma.* Item temperantia est quidam honor Deo assimilans, quidam valor mentem magnificans, et quidam dolor hostem mortificans. Est enim temperantia honor quidam Deo assimilans: *Deus enim est spiritus, ut dicitur in Joanne².* Temperantia vero est quasi nutrix spiritualis, que ablactat filios Dei, et facit de carnalibus spirituales, et sie assimilat Deo, juxta illud³: *Incorrumpio facit proximum Deo.* Est enim temperantia valor quidam, mentem magnificans: nam sicut valor magnificat aurum, sic temperantia magnificat et impreiabilem facit hominem temperatum et castum, quia dicitur⁴: *Non est digna ponderatio animæ continentis.* Est igitur temperantia dolor quidam hostem mortificans: diabolus enim liberenter quiescit et dormit in locis humentibus, id est, voluptuosis hominibus, ut dicitur in Job⁵. Temperantia vero ponit ipsum in arido paenitentiae, ubi non invenit requiem: et sic interficit vel fugat hostem, quia dicitur⁶: *Cum immundus spiritus exierit ab homine, ambulat per loca arida, querens requiem, et non invenit.* Loca arida sunt homines sobrii, in quibus requiem non invenit, quia in talibus non steruit lectum voluptuosum peccati.

CAPUT VII.

De Fortitudine.

Fortitudo est firmitas animi contra molestas eculi, ut dicit Glossa super Matthæum. De fortitudine nota specialiter tria, scilicet typum valde pulchrum, partum valde dignum, et fructum valde bonum.

Primo igitur virtus fortitudinis habet typum multiplicem, et similitudinem elegantem. Comparatur autem specialiter tribus, scilicet fornaci, que probat aurum; radici, que portat lignum; et loricæ, que vetat ictum. Est itaque fortitudo sicut fornax, aurum probans: nam sicut fornax reddit aurum lucidum, sic fortitudinis virtus facit hominem honestum et decorum. Nam de talibus dicitur⁷: *Fortitudo et decor indumentum ejus.* Et sicut fornax quedam

metalla reddit solida, et quedam liquida; sic virtus fortitudinis corda facit nunc solida contra tentationem, nunc liquida per compassionem, nunc rorida per devotionem. Nam dicitur⁸: *Animæ meæ liquefacta est, ut dilectus meus locutus est.* Et sicut in fornace magnum fatus folium est (a) magnum ignis incendium; sic ignis fortitudinis solum est in illis, in quibus est fatus divinae inspirationis, et vehemens incendium charitatis. Et in figura hujus adventus Spiritus sancti super Apostolos, ubi fuit eis datum ad robur spiritualis virtutis, fuit⁹ tanquam aduenientis (b) spiritus vehemens, ut dicitur in Actibus Apostolorum. Est etiam fortitudo sicut radix, lignum vel arborem portans: nam sicut radix portat pondus arboris, et frondes, flores, fructus et folia; sic virtus fortitudinis sustinet omnia bona opera et merita nostra. Unde dicitur¹⁰: *Confortare, et esto robustus.* Est nibilominus fortitudo sicut thorax, vel lorica ictum vetans: nam sicut thorax, vel lorica, servat corpus ab ictu gladii; sic virtus fortitudinis custodit animam a tentatione diaboli, et ejuscumque adversarii. Totus enim mundus non consternat (c) unum hominem, in quo est fortitudo Dei, sicut patet, quoque pueræ virgines, puta, Catharina, Cecilia, Agnes, Lucia, Agatha, Barbara, beata Clara, et cæteræ virgines, reges et tyrannos, et omnia tormentorum genera superabant. Nec mirum, quia fortitudo illa non hominis, sed Dei erat. Unde dicitur¹¹: *De cælo fortitudo est.*

Item fortitudo tribus aliis comparatur, scilicet virga, que non incurvatur; ferro, quod non superatur; et petre, que non perforatur. Est itaque fortitudo similis virge inflexibili: et talis virga, vel bæculus, est valde necessarius ambulantibus, et certantibus, et laborantibus: sic fortitudo est quasi baculus et virga inflexibilis, que valde est necessaria: quia locus in quo sumus est locus certaminis, locus itineris, et locus laboris; et haec tria hominum genera indigent specialiter baculo vel virga. Ideo dicitur¹²: *Virga tua et baculus tuus ipsa me consolata sunt.* Est etiam fortitudo similis ferro indomabili: nam sicut ferrum non domatur, sed comminuit et donat omnia metalla, ut dicitur in Danièle¹³; sic viri fortes mori possunt, vinci vero non possunt, imo ipsi omnia aduersa et

¹ Matth., xxvi, 41. — ² Joan., iv, 24. — ³ Sap., vi, 20. — ⁴ Eccli., xxvi, 20. — ⁵ Job, xl, 16. — ⁶ Matth., xii, 43. — ⁷ Prov., xxxi, 25. — ⁸ Cant., v, 6. — ⁹ Act.,

ii, 2. — ¹⁰ Jas., i, 6. — ¹¹ I Machab., iii, 19. — ¹² Psal. xlii, 4. — ¹³ Dan., ii, 40. — (a) Cœl. edit. el. — (b) Cœl. edit. adueniens. — (c) Item concuerit.

prospera vineunt, et quod plus est, regnum colorum violenter rapiunt. Nam¹ *violentia rapunt illūl*, ut dieitur in *Mattheo*. Est nihilominus fortitudo similis petre infrangibili, qualis est adamas. Nam sicut qui adamantem percutiut, ipse magis percutitur; sic qui virum fortem molestat, magis leditur, quam ludit. Et sicut adamas non frangitur violentia, ita vir fortis nulla frangitur impunitia. Et sicut adamas scinditur sanguine hirci, sic vir fortis memoria passionis Christi. Propter ista de viro forti dicitur²: *Ut adamantem et ut silicem dedi faciem tuam*.

CAPUT VIII.

De Justitia.

Justitia est virtus sua unicuique tribuens, ut dicit Augustinus³, *de Libero Arbitrio*. Justitia est rectitudo voluntatis propter se servata, ut ait Anselmus⁴. De justitia nota specialiter tria, scilicet typi figuralis elegantiam, partus filialis abundantiam, et actus virtualis efficaciam.

Primo ergo justitia typum habet multiplicem, et figuram valde elegantem. Comparatur enim tribus specialiter: sicut recta semita, sicut recta regula, et sicut recta linea. Est autem justitia sicut recta semita: nam sicut illa est brevissima (*a*) viarum, sic per viam justitiae citius pervenitur ad bravium sempiternum, imo omnis alia via est devium: nam dicitur in Psalmo⁵: *Errare fecit eos in invio, et non in via*. Unde dicitur ibi de justis⁶: *Deduxit eos in viam, ut irent in civitatem habitationis*. De injustis vero dicitur aliibi⁷: *In circuitu impii ambulant*. Est etiam justitia sicut recta regula: nam sicut recta regula est fidissima mensurarum, sic justitia est optima mensurarum, et certissima mensura ad (*b*) bonum operandum. Hec est enim regula divina, quae dirigit opera nostra: unde dicitur⁸: *Dominus diligit (*c*) justos*. Et Sapiens ait⁹: *Qui sequitur justitiam, diligitor a Domino*. Est nihilominus justitia sicut recta linea: sicut enim recta linea est pulcherrima linearum, ut dicit Philosophus; sic justitiae rectitudo facit hominem in intentione et conversatione pulcherrimum et decorum. Nam sicut statura humani corporis est

pulchrior inter omnes, quia est recta ad cœlum; sic statura cordis est pulcherrima, eum per justitiam est recta ad Deum. Unde sponse dicitur¹⁰: *Statura tua assimilata est palma*. De hac rectitudine dicitur¹¹: *Solummodo hoc inveni, quod Deus fecit hominem rectum*.

Item justitia multum proprie tribus aliis comparatur. Nota, quod triplex est justitia: generalis, quæ dirigit hominem in omni bono, a qua dicitur homo factus bonus; judicialis, quæ corrigit, vel coeret ab omni malo, et ista corrigit delicta propria vel aliena; cardinalis, vel moralis, quæ reddit unicuique proprium bonum. Est itaque justitia sicut gemma in seruo aureo, sicut stella in polo arctico, et sicut dea in nostro microeosmo. Est igitur justitia sicut gemma in seruo aureo: nam sicut gemma seruo aurei est ornamentum, quia totum seruum ornat, et facit pretiosum; sic etiam seruum aureum dicitur gratia, eo quod in illa et per illam coronantur opera nostra bona. Nam etiam opera bona, quæ fierent extra gratiam, nunquam coronam mererentur. In hac corona aurea, vel seruo aureo, insertæ sunt quatuor gemme valde pretiosæ, vel quatuor virtutes principales, scilicet prudentia, temperantia, fortitudo, et justitia. Gemma prudentiæ ponitur in anteriori parte coronæ, quia ad prudentiam pertinet non solum presentia disponere, imo et futura prævidere. Gemma temperantiæ locatur a dextris, quia temperantia facit hominem justum et sobrium in dextera prosperitatis. Gemma fortitudinis inseritur a sinistris, quia fortitudo facit hominem robustum in sinistra adversitatis. Gemma vero justitiæ incastatur in posteriori parte, sicut episcopus in fine processionis, sicut rex in fine aciei, sicut nauta vel gubernator in cauda navis, sicut sententia justa profertur in fine causæ, sicut etiam post laborem certaminis, datur victori corona triumphalis. Unde ab ista, tanquam a principali gemma, denominatur corona. Dicit enim Apostolus¹²: *Reposita est mihi corona justitiae*. Aurifex in cuius aurificeina fabricatur hæc prætiosa corona, est sapientia increata, de qua dicitur¹³: *Sobrietatem et prudentiam docet, et justitiam, et virtutem*, id est, fortitudinem, quibus nihil utilius est in vita hominibus. Iste quatuor vir-

¹ *Matth.*, xi, 12. — ² *Ezech.*, ix, 3. — ³ *Aug.*, ae *Lib. Arb.*, lib. i, c. XII. — ⁴ *Anselm.*, *de Verit.* *Dialog.*, c. XIII. — ⁵ *Psal.* cvi, 40. — ⁶ *Ibid.*, 7. — *Psal.* xi, 9. — ⁸ *Psal.* cxlv, 8. — ⁹ *Prov.*, xv, 9. —

¹⁰ *Cant.*, vii, 7. — ¹¹ *Eccle.*, vii, 30. — ¹² *II Tim.*, iv, 8. — ¹³ *Sap.*, viii, 7.

(a) *Cæt. edit.* rectissima. — (b) *Item donum*. — (c) *Forsitan legendum dirigit ex Psal.* viii, 10.

tutes, ut dictum est, tanquam quatuor gemmæ pretiosæ, in aureo certo gratiae sunt incastratæ.

Est etiam justitia sicut stella Arcticæ poli : nam sicut circa ipsam volvitur cœlum, et (a) ipsa non mutat locum ; sic volubilitas vite nostræ mira volubilitate vertitur, justitia vero nullo accidente mutatur. Siquidem vita nostra tota est volubilis, sicut rota : quandoque (b) enim hominem elevat honore, quem paulo post humiliando occultat, juxta illud ¹ : *Ascendunt usque ad cœlos*, etc; interdum e converso hominem humilitate deprimit, quem postea ad honores attollit, quia dicitur ² : *Suscitans a terra inopem, et de stercore*, etc. Quandoque hominem a levata in dexteram, scilicet ab adversis in prospera; interdum a dexteris in levam, id est, a prosperis in adversa, juxta illud quod Abraham dixit ad Loth ³ : *Si ad sinistram ieris, ego*

dexteram tenebo; si tu dexteram elegeris, ego ad sinistram pergam. Sed vir justus in omnibus his semper manet immobilis : nam ipsum humilitas non deprimit; ipsum honor non ambit; ipsum adversitas non frangit. Unde dicitur ⁴ : *Qui facit hæc, non movebitur in æternum.*

Est nihilominus justitia sicut dea nostri microcosmi, id est, minoris et inferioris mundi. Sieut enim Deus, in suo megacosmo vel majori mundo, *disponit omnia in numero, pondere et mensura*, ut dicitur in libro Sapientiæ ⁵; sic justitia in suo microcosmo præsidiens tanquam deus, facit ut in omnibus meritis et operibus nostris sit numerus bone operationis, pondus sanctæ affectionis, et mensura intentionis. Unde isti deæ nobilissimæ sacrificium justitiae debemus offerre, sicut dicitur in Psalmo ⁶ : *Sacrificate sacrificium justitiae.*

TITULUS SEXTUS

DE SEPTEM DONIS SPIRITUS SANCTI

CAPUT PRIMUM.

De Dono Timoris.

Post tractatum de virtutibus, sequitur de donis Spiritus sancti. Et hec est quinta dieæ salutis, scilicet a virtutibus ad dona Spiritus sancti pervenire : quia, sicut diximus, virtutes docent recte operari, sed dona expedite. Cum autem sint septem dona Spiritus sancti, quæ scilicet enumerantur ⁷, scilicet *spiritus sapientiæ et intellectus, consilii et fortitudinis, scientiæ et pictatis, et timoris Domini*; a sapientia autem non pervenitur ad timorem Domini, sed potius a timore ad sapientiam, tanquam ab inferiori gradu ad superioriem, juxta illud quod dicitur ⁸ : *Initium sapientiæ timor Domini* : ideo de timore Domini nota specialiter tria, scilicet quam multipliciter figuratur, quam virtualiter operatur, et quam rationabiliter mereatur.

Timoris Domini Primo ergo timor Domini habet multiplices figuræ elegantes, et comparationes convenien-

tes. Comparatur autem specialiter tribus : est ^{similius.} _{dides.} enim timor Domini sicut ostiarius custodiens ingressum ; sicut justitiarius puniens maleficium; sicut terrarius vel speculator evigilans exercitum. Primo ergo timor Domini est sicut bonus ostiarius, qui diligenter custodit ostium cordis, ne intret inimicus, id est, diabolus. Et sicut ostiarius tendit baculum, vel gladium ad timorem intrantium ; sic timor Dei, ne permittamus diabolum ad cor intrare, portat clavem penas æternæ, gladium ex utraque parte acutum, scilicet aquitatem divinæ sententiæ, quæ condemnabit improbos in anima et corpore. Unde dicitur ⁹ : *Timete eum, qui potest corpus et animam perdere in gehennam.* Secundo timor Domini est sicut bonus justitiarius, qui permit malificos, et suspendit : nam sicut illi, qui tenent justitiam, ponunt in montibus et locis patentiibus patibulum vel furcas ad expaventaculum latronum ; ita timor Domini ponitur in corde hominis, propter expaventaculum peccatorum.

¹ *Psal. cxvi, 26.* — ² *Psal. cxii, 7.* — ³ *Gen. xiii, 9.*
— ⁴ *Psal. xiv, 5.* — ⁵ *Sop., xi, 21.* — ⁶ *Psal. iv, 6.* —

⁷ *Isa., ix, 2.* — ⁸ *Psal. cx, 10.* — ⁹ *Matth., x, 28.*
(a) *Cæt. edit.* nam circa... et sicut.— (b) *Item tunc.*

Et sicut iste justitiarius crucifigit latronem; sic timor Domini nititur crucifigere carnem, tanquam pessimum anime latronem. Unde dicitur¹: *Conige timore tuo carnes meas.* Tertio timor Domini est sicut bonus terrarius, vel speculator, qui evigilat exercitum: nam sicut speculator, tempore belli maxime, non sinit dormire milites; sic timor Domini, cum sit modo tempus belli et guerra mortalis contra carnem, mundum et diabolum, non permittit dormire spiritum per delectationem vel consensem. Unde dicitur²: *Beatus est homo, qui semper est pavidus.* Non solum autem tempore belli debet homo esse pavidus; imo etiam tempore pacis debet esse timorosus, sicut videmus quod magni reges et sapientes, quamvis actu non sit guerra, muniunt tamen et custodiunt castra sua. De incaulis dicit Apostolus³: *Cum dixerint: Pax et securitas, tunc repentinus eis superveniet interitus.* Et Ecclesiastes⁴: *Qui timet Deum, nihil neglit,* quia nec bonum, nec malum: quia per timorem Domini malum evitat, tanquam nocivum; et bonum formidat, et nescit si est gratum. Unde dicit Job⁵: *Verebar omnia opera, sciens quia non parces delinquenti, maxime autem tempore guerræ.* Iste vigil vel speculator mandat custodiri portas sensuum, quia ibi est quasi totum periculum. Sicut ad litteram illi qui sunt in munitione, summe custodiunt portas, cum vident castrum ab hostibus obsessum; sic spirituales viri, qui habent timorem Dei, custodiunt portas, scilicet quinque sensuum, ne intrent inimici, timentes quod dicitur⁶: *Ascendit mors per fenestras nostras.*

Item timor Domini aliis tribus comparatur; est enim sicut medicina infirmorum, sicut disciplina puerorum, et sicut officina religiosorum. Primo igitur, timor Domini est sicut infirmorum medicina: nam sicut medicina bene temperata repellit omnes morbos nocivos, et omnes nocivos humores; sic timor Dei omne peccatum et omnes peccati occasiones expellit, sanguinem luxuriae, phlegma (a) acediae, et melancholiam irae, et choleram superbie. Unde dicitur⁷: *Timor Domini expellit peccatum.* Secundo timor Domini est sicut puerorum disciplina: nam sicut virga disciplinae castigatur puer, instruitur et informatur; sic per timorem Domini omnis motus sensualis et puerilis sub

isto pedagogo ad rationem reducitur, et puerilis extirpatur, juxta illud quod dicit Sapiens⁸: *Stultitia colligata est in corde pueri, et virga disciplinae fugabit eam.*

Et nota quod secundum Bedam quatuor mala sunt propter peccatum nobis injuncta et nobis colligata, quae sunt omnis mali et peccati materia, scilicet impotentialia, ignorantia, concupiscentia, et malitia. Unde quidam peccant ex impotentialia; et isti parum peccant, et maximam habent excusationem, nisi illa impotentialia per culpan eorum sit introducta. Alii peccant ex ignorantia; et isti plus peccant, et minorem habent excusationem, quia ex ignorantia non excusantur a toto, sed a tanto: maxime si sit ignorantia affectata, quae non excusat, sed peccatum aggravat et augmentat. Unde de hoc dicit Ambrosius: « Si ignoras, gravissime peccas. » Alii sunt qui peccant ex concupiscentia; et isti plus peccant, et quasi nullam habent excusationem, maxime si sit deliberata. Alii sunt, qui peccant ex malitia et certa scientia; et isti maxime peccant et nullam habent excusationem: imo tales dicuntur peccare in Spiritum sanctum, quia Spiritui sancto bonitas, quae est malitiae contraria, appropriatur.

Sciendum est autem, vel notandum diligenter, quod sex sunt peccata in Spiritum sanctum, scilicet impugnatio veritatis agnitæ, inadvertitia fraternali gratiae, presumptio de impunitate, obstinatio, desperatio, et finalis impoenitentia. Et iste sunt sex blasphemiae in Spiritum sanctum, quae non remittuntur in hoc saeculo, nec in futuro, ut dicitur in Matthæo⁹.

Tertio timor Domini est sicut officina religiosorum; maxime est sicut quoddam capitulum, quod est factum præcipue ad culparum correctionem. Nam sicut in capitulo incipratur, et recognoscitur, et ponitur culpa; ita in hoc capitulo timoris Dei corriguntur peccata, quia, ut dicitur in Proverbiis¹⁰: *Timor Domini odit malum.* Et sicut religio nulla esset, si correctio capituli deficeret; sic si timor in capitulo cordis non esset, totum veritatis ædificium deperiret, quia dicitur in Ecclesiastico¹¹: *Si non in timore Domini tenueris te (b) instanter, cito subvertetur domus tua.* Et nota, quod in Dei capitulo, culpabilis quatuor facit: primo genu flectit; secundo culpam recognoscit; tertio spoliat se et vestem

¹ *Psal. CXVIII*, 120. — ² *Prov.*, XXVIII, 14. — ³ *I Thess.*, V, 3. — ⁴ *Eccle.*, VII, 19. — ⁵ *Job*, IX, 28. — ⁶ *Jerem.*, IX, 21. — ⁷ *Eccle.*, I, 27. — ⁸ *Prov.*,

^{xxii}, 15. — ⁹ *Matth.*, XII, 32. — ¹⁰ *Prov.*, VIII, 13. — ¹¹ *Eccle.*, XXVII, 4.

(a) *Cæt. edit. fleumæ.* — (b) *Cæt. edit. deest te.*

deponit; quarto disciplinam accipit: sic timor Domini facit primo hominem penitentem humiliter genuflectere, quia dicitur in Isaia¹: *Mibi curvabitur omne genu*. Secundo facit humiliter culpam propriam recognoscere, sicut David qui dicebat²: *Quoniam iniquitatem meam ego cognosco*. Tertio facit hominem veterem, sicut vestem turpem, spoliare, sicut Apostolus dicit³: *Expoliantes vos veterem hominem cum actibus suis*, veterem conversationem cum vitiis et concupiscentiis. Quarto facit hominem disciplinam accipere, id est, carnem lascivam macerare et castigare, sicut Apostolus faciebat, qui dicebat⁴: *Castigo corpus meum, et in servitutem redigo*.

Item timor Domini est speciosus sicut hortus, virtuosus sicut ventus, et pretiosus sicut thesaurus. Primo timor Domini est valde pretiosus, instar horti paradisi: habet enim amoenitatem sicut paradisus, dulcedinem et delectationem. Unde in Psalmo⁵: *Quam magna multitudo dulcedinis tue, Domine, quam abscondisti timentibus te!* Habet fertilitatem et ubertatem sicut paradisus, sicut dicit idem Psalmista⁶: *Non est inopia timentibus eum. Ilabet nihilominus securitatem sicut paradisus*; unde dicitur in Ecclesiastico⁷: *Qui timet Deum, nihil trepidabit*. Et Philosophus: «*Qui timet Deum, omnia timet eum; qui vero non timet Deum, timet omnia.*» Unde Cain, perpetrato homicidio fratris, statim habuit caput tremulum, et ait⁸: *Omnis qui viderit me, occidet me*, ut dicitur in Genesi. Igitur timor Domini propter amoenitatem, ubertatem et securitatem, est sicut *hortus conclusus*, ut dicitur in Canticis⁹. Est etiam sicut *paradisus*, ut dicitur in Ecclesiastico¹⁰: *Timor Domini sicut paradisus benedictionis*.

Secundo timor Domini est sicut ventus virtuosus, et specialiter sicut ventus aquilonaris. Nam sicut ventus aquilonaris pluvias dissipat, nubes fugat, acrem serenat, reptilia exterminat, et aquam congelat; ita timor Domini dissipat pluvias carnarium delectationum, fugat nubes carnarium imaginationum, serenat mentem per amorem puritatis; exterminat reptilia, id est mortificat vitia carnis; congelat aquas, id est, restringit fluxum mundanæ prosperitatis, ita ut possit

homo timens Deum ambulare super aquam, sicut Petrus, de quo legitur in Matthæo¹¹. Iste est ventus de quo dicitur in Daniele¹²: *Angelus Domini fecit medium fornacis, quasi ventum roris flantem*: quia fornax omnium desideriorum carnarium temperatur et refrigeratur per Dei timorem.

Tertio timor Domini est pretiosus sicut thesaurus. Nam sicut thesaurus, qui est res pretiosa, facit hominem semper sollicitum de custodia; sic timor Dei de se et virtutibus semper est sollicitus, et de Dei gratia cum habetur, de perdita ut recuperetur, et de recuperata ut a recidivo conservetur. Unde dicit Bernardus, super Cantica¹³: «*Cum adest gralia, time ne indigne opereris ex ea. Amplius time subtracta gratia, quod relinquat te custodia tua. Si redierit gratia, multo amplius timendum, ne forte contingat pati recidivum.*» Recidivare enim quam cadere pejus est, quia dicitur in Joanne¹⁴: *Ecce jam sanus factus es, noli amplius peccare, ne deterius aliquid tibi contingat.* Iste igitur thesaurus est pretiosus, et ideo summe custodiendus. Unde dicitur in Isaia¹⁵: *Timor Domini ipse thesaurus ejus*.

Secundo timor Domini virtualiter operatur. Septem effectus timoris Domini. Unde nota quod timor Domini habet septem nobiles effectus. Primo namque timor Domini curat hominem a culpa perpetrata: est enim sufficiens medicina contra peccata. Et nota, quod sicut medicus sapiens volens purgare ægrotum, primo dat sirupum preparativum, postea potionem, vel antidotum purgativum; sic timor Domini, instar siripi, preparat peccatorem generando attritionem, juxta illud Ecclesiastici¹⁶: *Qui timet Deum, præparabunt corda sua*. Secundo, instar antidoli, purgat omnes peccati fæces, generando perfectam contritionem, quia dicitur in Ecclesiastico¹⁷: *Timor Domini expellit peccatum*. Et est differentia inter contritionem, et attritionem: quia attritio est dolor de peccato, non tamen perfectus, quia adhuc est in proposito peccandi de futuro.

Secundo timor Dei custodit hominem a culpa futura. Sicut enim sapiens medicus infirmo, quem habet in cura, non solum dat antidotum ad expellendum morbum, sed etiam ministrat curato aliquod electuarium contra recidivum: sic timor Dei, instar electuarii conservativi,

¹ Isa., XLV, 24. — ² Psal. L, 5. — ³ Coloss., III, 9. — ⁴ 1 Cor., IX, 21. — ⁵ Psal. XXX, 20. — ⁶ Psal. XXXIII, 10. — ⁷ Eccli., XXXIV, 16. — ⁸ Gen., IV, 14. — ⁹ Cant., IV, 12. — ¹⁰ Eccli., XL, 17. — ¹¹ Matth., XIV, 29. —

¹² Dan., III, 50. — ¹³ Bern., in Cant., serm. LIV, post med. — ¹⁴ Joan., V, 14. — ¹⁵ Isa., XXXIII, 6. — ¹⁶ Eccli., II, 20. — ¹⁷ Ibid., I, 27.

custodit hominem ab omni peccato recidivo. Unde dicitur in *Exodo*¹: *Ut probaret vos venit Dominus, et ut timor illius esset in vobis, et non peccaretis.*

Tertio timor Domini abjicit temporalia, vel terrena, que sunt s^epe peccandi materia. Sicut enim videmus quod nautae videntes naufragium imminere, merces que sunt in navi projiciunt in mare (*a*), ut evadant periculum naufragii; sic timor Domini bona temporalia facit abjicere, ut possit ab *eterno* naufragio liberare. Et propterea dicebat *Job*²: *Semper quasi tumentes super me fluctus timui Deum, et pondus ejus ferre non potui.*

Quarto timor Domini contemnit et sustinet temporalia mala, ut evadat *eterna*. Nam sicut infirmus sustinet cauterium et adustionem, ut possit evadere mortem; ita timor Domini facit sustinere cauterium temporalis vitæ, ut possit homo evadere mortem, vel supplicium mortis *eternæ*. Unde in *Ecclesiastico* dicitur³: *Timenti Dominum, non occurunt mala, etc.*

Quinto timor Domini gratiam et bona opera introducit. Sicut enim seta introducit filum, sic timor Domini gratiam et omne bonum, juxta illud⁴: *Initium sapientiae timor Domini.*

Sexto timor Domini super omnia facit fugere et evadere supplicium gehennæ. Vadit enim ad infernum in dimidio dierum, ut non vadat in fine dierum, sicut Ezechias, qui dicebat⁵: *Ego dixi. In dimidio dierum meorum vadam ad portas inferi. Facit etiam alas ad melius fugiendum,* ut dicit Poeta:

Pedibus timor addit alas;

sicut videmus, quod lepus fugiens leporarium, præ timore videtur volare, et alas habere. Timor etiam facit hominem montes et colles transire, ut possit diabolum fugere, et inferni precipitum cavere, quia dicitur in *Isaia*⁶: *Tunc saliet sicut cervus claudus.*

Septimo timor Domini meretur stipendium vitæ *eternæ*: hominem namque humiliat, et sic, secundum regulam Salvatoris, ad gloriam exaltat; quia⁷ *qui se humiliat, exaltabitur.* Et ideo dicitur in *Proverbiis*⁸: *Humilem spiritum (*b*) suscipiet gloria.*

Timor Domini multipliciter variatur; unde nota, quod sunt sex species timoris, scilicet

timor naturalis, mundanus, humanus, servilis, initialis, et filialis. Primus igitur est naturalis, scilicet quando homo naturaliter timet mortem, et omne quod est sibi nocivum. Iste timor naturæ non est meritorius, nec demeritorius, quia non subest libero arbitrio. Hoc timore Christus timuit mori, sicut dicitur in *Marcus*⁹: *Cœpit Jesus pavere, et tædere.*

Secundus timor dicitur mundanus, scilicet quando aliquis nimis timet de rebus transitoriis, vel de rebus mundanis, vel temporalibus perdendis. Isto timore timuerunt *Judei*, qui occiderunt Christum, ne perderent locum suum, ut dicitur in *Joanne*¹⁰: *Si dimittimus eum sic, omnes credent in eum, et venient Romani, et tollent locum nostrum, et gentem nostram.*

Tertius timor dicitur humanus, scilicet cum aliquis plus debito timet de corpore suo. Iste timor prohibetur in *Matthæo*¹¹: *Nolite timere eos qui occidunt corpus, animam autem non possunt occidere.* Iste timor aliquando est veniale peccatum, ut quando est circa Deum; aliquando mortale peccatum, ut quando est supra Deum, qualis fuit in *Petro*, quando negavit Christum, ne perderet corpus suum.

Quartus timor est servilis, cum aliquis timet peccare et abstinet se a peccato timore gehennæ; habet tamen voluntatem peccandi, si peccatum posset impune fieri, et, in quantum in se est, vellet non esse justitiam, ut posset perpetrare culpam. Iste timor est quasi vestis de sacco, cum qua nullus ingreditur regnum celorum, sicut figuratur in *Esther*, ut dicitur¹²: *Indutum sacco non intrare aulam Assueri.* De hoc timore dicit *Apostolus*¹³: *Non accepistis spiritum servitutis iterum in timore, etc.*

Quintus timor initialis dicitur, de quo in *Psalmo*¹⁴: *Initium sapientiae timor Domini.* Iste timor duo facit; timet enim puniri, et timet a Deo separari; sed principaliter timet separari. Iste licet timeat malum incurrire, plus timet bonus perdere, et ita quodam modo incipit bonus amare. Et ideo dicitur initialis proprie, quia sicut seta introducit filum, et filo introducto exit seta, sic iste timor initialis charitatem introducit, et, charitate introducta, timorem foras mittit.

Sextus timor dicitur filialis. Nam sicut filius

¹ *Exod.*, xx, 20. — ² *Job*, xxxi, 23. — ³ *Ecli.*, xxxiii, 1. — ⁴ *Ecli.*, i, 16. — ⁵ *Isa.*, xxxviii, 10. — ⁶ *Isa.*, xxxv, 6. — ⁷ *Luc.*, xiv, 11. — ⁸ *Prov.*, xxix.

⁹ *Marc.*, xiv, 33. — ¹⁰ *Joan.*, xi, 48. — ¹¹ *Matth.*, x, 28. — ¹² *Esth.*, iv, 2. — ¹³ *Rom.*, viii, 15. — ¹⁴ *Psal.*, cx, 10.

(a) *Cœt. edit. mari.* — (b) *Vulg. spiritu.*

super omnia timet offensam patris, etiamsi pater non intenderet eum percutere; sic qui habet timorem Domini filiale, instar boni filii, timet et cavit offensam Patris celestis, etiamsi ex offensa illa nihil (a) mali deberet sibi accidere. De hoc etiam timore dicitur in Psalmo¹: *Timor Domini sanctus, permanet in sæculum sæculi*. Iste timor a sanetis doctoribus vocatur castus timor, qualis famulorum Susannæ, qui secundum Danielem² verecundantur specialiter, et timent in turpi facto. Sine hoc timore verecundia nihil rectum esse potest, nihil honestum, ut dicit Tullius. De hoc timore verecundo dicit Bernardus mirabilia, super *Canticum*³: « Timor, inquit, verecundus et castus est omnium ætatum ornatus, sed in juvenili ætate amplius enitescit. Quid enim amabilius verecundo adolescentem? Quam pulchra bæc et splendida gemma morum in vultu adolescentis! Quam vera et minime dubia bona nuntia spei! Bonæ indolis index, soror continentia est. Nullum æque manifestum signum columbinæ simplicitatis: testis innocentiae, lampas pudicæ mentis, specialis gloria conscientiae, famæ custos, vita deus, virtutis sedes, virtutum primitia, naturæ laus, insigne totius honestatis. Merito igitur iste timor *castus* dicitur, quia qui timorem istum habet instar virginis Mariæ, ante partum suorum operum, et post partum, semper manet incorruptus. Et siue mater Dei est virgo, et decor virginum; sic timor iste castus decor est, et virgo virtutum anime. »

Item post donum timoris dicendum esset de dono pietatis: sed quia pietas idem est, vel quasi idem eum misericordia, ideo infra, cum dicemus de beatitudinibus, in materia de *Misericordia*, cap. iv, titulo VII, de pietate dicemus. Item post donum pietatis esset dicendum de dono scientiae; sed quia scientia ad prudentiam potest reduci, ideo illa que in materia de *Virtutibus* supra dicta sunt de prudentia, cap. v, titulo V⁴, applicari possunt ad ea, quæ de dono scientiae sunt dicenda. Et post donum scientiae, esset dicendum de fortitudine; sed quia fortitudo non tantum est donum, sed virtus, ideo de fortitudine sufficienter que dicta sunt in capitulo de *Virtute*, et specialiter in materia de *Fortitudine*, cap. vii, tit. V⁵.

¹ *Psalm. xviii, 40.* — ² *Dan., xi, 27.* — ³ *Bern., in Cantic., serm. LXXXVI, statim a princ.* — ⁴ *Pag. 300-301.* — ⁵ *Pag. 302-303.* — ⁶ *Ecclesiasticus, xxxii, 24.* — ⁷ *Prov., xi, 14.*

CAPUT II.

De dono Consilii.

Post donum fortitudinis, esset dicendum de dono consilii; sed pauca de dono consilii sunt dicenda, et hoc quia ad donum consilii pertinent fere omnia, quæ superius in capitulo de *Virtutibus* et de *Virtute Prudentie* sunt dicta, cap. vii, tit. V⁶. Nam prudentia et consilium in hoc differunt, quod consilium dicit utrum aliquid sit agendum; prudentia vero ostendit quo fine, et quibus circumstantiis adhibebitis, ut quo tempore, et qualiter aliquid sit agendum: siue alterius est scientiae cognoscere an expediatur aliquem salvare, alterius vero scire qualiter aliquid sit salvandum, quia primum pertinet ad theologiaem, secundum ad medicinam. Item donum consilii excellentius est, quam virtus prudentiae, quia consilium contra omne precipitum virtutem prudentiae rectificat, ne post factum poniteat: et hic proprie est actus et opus consilii, scilicet prohibere præcipitum, et cavere. Siue nam videmus, quod frenum est contra præcipitum equis (b); sic bonum consilii contra communem præcipitationem operis bonis. Et ideo dicitur in *Ecclesiastico*⁷: *Sine consilio nihil facias, post cuius (c) factum non paenitetis*. Itis suppositis, inter illa panca quæ de dono consilii sunt dicenda, sunt hæc consilia notanda.

Nunc de consilio specialiter nota tria, scilicet quæ sunt in consilio necessaria, quæ sunt in consilio laudabilia, et quæ sit consiliorum differentia. Primo ergo dicendum est quæ sunt in consilio necessaria. Et nota, quod in consilio quatuor sunt necessario observanda, scilicet expediens, facile, certum et securum. Contraria istorum vitanda, scilicet damnosum, difficile, incertum, et periculosum. Unde ille qui dat consilium, ceteris paribus, debet preponere expediens damnosum, facile difficulti, certum incerto, securum periculosum. Propter omnia illa, dicitur in *Proverbiis*⁸: *Erit salus (d), ubi multa consilia*.

Secundo videndum est, quæ sunt in consilio laudabilia. Et nota, quod in consilio quatuor sunt laudabilia, scilicet gratia consilium requiringendi, gratia consilium eligendi, gratia consilium exhibendi, et gratia consilium acquirendi.

(a) *Cart. edit. illud.* — (b) *Al. equi.* — (c) *Vulg. et post.* — (d) *Vulg. Salus autem.*

Pruden-
tia et
consil-
rium in
quo di-
ferunt

Quesita
laudabili-
tas in
cessans

Quali
laudabili-
ta in
consilii

Primo igitur est valde laudabile, scilicet consilium in omnibus libenter requirere. Ideo dicitur in *Tobia*¹: *Consilium semper a sapiente (a) require.* Secundo in consilio est laudabile consiliarium bonum eligere. Unde nota, quod secundum doctrinam sacrae Scripturae, Deus consiliarius est eligendus prae omnibus. Nam in consilio et pro consilio requirendo, primo eligendus est Deus, non diabolus; unde dicitur in eodem *Tobia*²: *Omnia consilia tua in ipso,* scilicet in Deo, maneant. Secundo eligendus est justus, non impius; unde dicitur in *Ecclesiastico*³: *Cor boni consilii statue tecum;* quia dicitur in *Proverbiis*⁴: *Consilia impiorum fraudulenta,* quia vix scit aliis consilium dare, qui sibi nescit accipere. Et ideo dicitur in *Genesi*⁵: *In consilio eorum, scilicet impiorum, non veniat anima mea.* Tertio eligendus est sapiens consiliarius, non fatuus; ideo dictum est in *Tobia*⁶: *Consilium semper a sapiente require,* non a fatuo, quia dicitur in *Ecclesiastico*⁷: *Cum fatuis non habeas consilium: non enim possunt diligere, nisi quæ eis placeant.* Quarto eligendus est senex et expertus, ut dicitur in *Ecclesiastico*⁸: *Quam speciosa veteranis sapientia, et glorirosis intellectus et consilium!* Non est pro consilio eligendus juvenis lascivius: ideo Roboam pro magna parte amisit regnum suum, quia, relicto consilio seniorum, adhesit consilio juvenum, ut dicitur in tertio *Regum*⁹.

Tertio videndum est, quæ sit consiliorum differentia. Et nota, quod sicut sponsus jocalia consuevit portare sponsæ, cum qua de novo contraxit; ita Christus, qui tanquam sponsus de thalamo procedens, novæ sponsæ sue Ecclesie, cum qua naturam nostram cum sua uniendo in unitate personæ matrimonium sacramentale contraxit, nova jocalia, id est, tria evangelica consilia apportavit. Primum consilium est castitas, contra concupiscentiam carnis. De hoc consilio habetur in *Matthæo*¹⁰: *Non omnes capiunt verbum istud, sed quibus datum est.* Tales sunt enim eunuchi, qui se castrant propter regnum cœlorum. Secundum consilium est voluntariae paupertatis, contra concupiscentiam oculorum. De quo consilio habetur in *Matthæo*¹¹: *Si vis perfectus esse, vade et vende omnia quæ habes, et*

da pauperibus. Et Seneca dicit, quod quietissime viverent homines, si haec duo pronomina tollerentur de mundo, scilicet *meum*, et *tuum*. Tertium consilium est obedientiae et humilitatis, contra superbiam vite, de quo dicitur in *Matthaeo*¹²: *Qui vult venire post me, abneget semetipsum, et tollat crucem suam, et sequatur me.* Semetipsum abnegare, est propriam voluntatem relinquere. Optimum consilium. Unde dicit Bernardus¹³: « Tolle propriam voluntatem, et infernus non erit. » Exemplum de fratre orante, et diabolo insultante. Et quin superius, in tractatu de *Consiliis*¹⁴, plene dictum est de his tribus consiliis; ideo que dicta sunt de dono consilii modo sufficientia.

CAPUT III.

De dono Intellectus.

Post donum consilii dicenda sunt pauca de dono intellectus et dono sapientie; quia hic possunt dici fere omnia, que dicta sunt supra tractatum de *Virtute prudentiae*. Unde notandum, quod virtus prudentiae, et donum consilii, differunt a dono intellectus et sapientiae, quia consilium et prudentia pertinent ad vitam activam, et sunt de activis; intellectus et sapientia pertinent ad vitam contemplativam, et sunt de contemplativis. Differunt autem intellectus et sapientia, quia intellectus est cognitio speculativa, et quasi cognitio per visum; sapientia vero est cognitio experimentalis et practica, et quasi cognitio per gustum. Et ideo superior est sapientia, quia intellectus tantum dicit cognitionem, vel visionem; sapientia supra cognitionem dicit delectationem. Et nota, quod intellectus foris stat; sapientia per affectum intrat, et ipsa delicias suggerit. Unde dicitur in Psalmo¹⁴: *Gustate et videte, quoniam suavis est Dominus. Gustare ad sapientiam pertinet; sed videre ad intellectum : quia quod intellectus acute inventit, sapientia mature disponit, et ad spiritualem delectationem convertit, ut dicit Gregorius¹⁵.* Summa hujus differentiae est, quod donum intellectus est proprie penetrativum: sed donum sapientiae est proprie saporativum.

His propositis, de dono intellectus notanda sunt pauca, et specialiter tria. Debemus enim

Domini, serm. III, ante med. — ¹⁵ Sup., tit. IV.
— ¹⁵ Psat. XXXIII, 9. — ¹⁶ Greg., in *Ezech.*, hom. XIX,
ante med.

(a) Cæt. edit. *scientibus.*

¹ Tob., iv, 19. — ² Ibid., 20. — ³ Eccl., xxxvii, 47.
 — ⁴ Prov., XII, 5. — ⁵ Gen., XLIX, 6. — ⁶ Tob., IV, 19.
 — ⁷ Eccl., VIII, 20. — ⁸ Eccl., XXV, 7. — ⁹ III Reg.,
 XII, 14. — ¹⁰ Matth., XIX, 14. — ¹¹ Ibid., 21.—
¹² Matth., XVI, 24. — ¹³ Bern., de resurrectione

per donum intellectus subtiliter penetrare et intelligere quæ sunt supra nos, ut Deum; quæ sunt juxta nos, ut proximum; et quæ sunt infra nos, ut corpus nostrum. Primo igitur debemus intelligere superiora, juxta illud quod dicit Apostolus¹: *Invisibilia Dei, per ea quæ facta sunt, intellectu conspicuntur, sempiterna quoque*

Duplex liber le-
virtus ejus, et divinitas. Et nota, quod duplex
genitus.
Scripturæ, et hunc librum dedit Salvator disci-
pulis suis post resurrectionem, ut scilicet in
figuris legalibus et canticis prophetalibus in-
telligerent mysteria gratiæ, quæ operatus est
Christus, id est, ut per ea quæ facta sunt et
dicta in Veteri Testamento, intelligent ea quæ
completa sunt in novo. Unde dicitur in Luca²:
Tunc aperuit eis sensum, ut intelligerent Scriptu-
ras. Alius est liber creature, in quo intellectus
fidelium debet Deum querere, quia potest eum
invenire: sicut in magnitudine creaturarum,
omnipotentiam Dei; in pulchritudine et ordine,
sapientiam; in utilitate et fructu, bonitatem Dei
summam; quia dicitur in libro Sapientiæ³: A
magnitudine speciei creature, cognoscibiliter potest
eorum Creator videri. Hunc intellectum non ha-
buerunt philosophi, quia intellectus eorum ne-
sciunt ascendere a magnitudine creature ad
magnitudinem Dei. Et ideo fuerunt similes pueri,
qui cum legunt litteras pulchras et deauratas,
attente respiciunt; sed quid litteræ signifi-
cant, non intendunt. Item notandum diligenter,
quod creature duplex est, scilicet naturalis, et
artificialis: et sic omnis creatura significat suum
Creatorem dupliciter. In creatura est signum
naturale, et positivum: signum naturale dicitur
in creaturis, quas condidit per se divina sa-
pientia; signum positivum dicitur in fabricis et
operibus sacramentalibus, quæ constituit Ecclesias,
ut sunt formæ Ecclesiarum, et vestes et orna-
tus ministrorum: que omnia sunt instituta,
ut intelligamus Deum, quia in altitudine ecclesiarum,
sublimitatem vel infinitatem; in quadratura,
soliditatem; in longitudine, aeternitatem,
et similitudine aliis. In ministris similiiter et
ornamentis eorum intelligo Deum: ut in veste
candida, munditia et puritatem; in veste ru-
bea, Dei clementiam et charitatem; in veste
aurea, Dei sapientiam et claritatem, et sic de
aliis. Iste intellectus proprie vocatur donum

Dei, ut dicit Apostolus⁴: *Dabit tibi Dominus in omnibus intellectum.*

Secundo debemus intelligere quæ sunt juxta nos, scilicet proximum, juxta illud quod dicitur in *Ecclesiastico*⁵: *Intellige quæ sunt proximi tui ex te ipso. Nam in frigore meo, debeo intelligere pauperis nuditatem; in fame et siti, pauperis sitim et esuriem; et in dolore meo, pauperis infirmitatem, et sic de aliis. Et sicut homines bene intelligentes consueverunt ad honores et dignitates promoveri; ita qui intelligunt necessitatem proximi, promoventur et quasi episcopantur ad beatitudinem paradisi. Unde dicitur in *Psalmo*⁶: *Beatus qui intelligit super egenum et pauperem.**

Tertio debemus intelligere, quæ sunt infra nos, sicut animam nostram et corpus nostrum. Sicut enim oculus noster dirigit manum in opere et motu exteriori; sic intellectus regulat affectum in omni opere et motu interiori. Unde intellectus dicitur *interior locus*, quia animam informat, animam tranquillat et quietat, sicut corpus in lecto pausat. Dicitur etiam *interior locus*, quia siue focus continet et conservat locatum, sic intellectus stabilitatem et conservat liberum arbitrium, et omnem interiore motum. Ideo dicitur in *Psalmo*⁷: *Intellectus bonus omnibus facientibus eum: quia si homo non faciat quod intellectus et conscientia dicunt, nec Deus, nec angelus, nec homo, quia ista tria habent intellectum, dici meretur, sed potius iumento comparatur. Unde dicitur in *Psalmo*⁸: Homo cum in honore esset, non intellexit Creatorem suum; sed jumentis comparatus, et similis factus est illis.*

CAPUT IV.

De dono Sapientiæ.

Post donum intellectus, pauca debemus dicere de dono sapientiæ, quod multum convenit cum virtute prudentiæ, et aliis virtutibus seu donis, quæ informant cognitivam: tamen quia sapientia non tantum informat cognitivam, sed etiam affectivam, ideo dicenda sunt de sapientia pauca, scilicet tantum tria. Unde notandum, quod sapientia est donum splendidissimum instar lucis, donum sapidissimum instar mellis, et donum profundissimum instar maris.

— ⁴ *II Tim.*, 11, 7. — ⁵ *Ecli.*, XXXI, 18. — ⁶ *Psal.* XL,
1. — ⁷ *Psal.* CX, 10. — ⁸ *Psal.* XLVIII, 14, 21.

¹ *Ram.*, 1, 20. — ² *Luc.*, XXIV, 45. — ³ *Sap.*, XII, 5.

Primo ergo donum sapientie est donum splendidissimum, non solum sicut sol, sed et (a) plusquam sol. Sol enim iste non ostendit nobis nisi que sunt supra terram, et infra cœlum; sapientia autem Dei facit nos cognoscere omnia, scilicet infernum, ut timeamus; mundum, ut contemnamus; cœlum, ut appetamus; Deum, ut laudemus, et istud est ultimum doni (b) *Sapientiae*, et ab isto donatur, scilicet cognitio divinorum, ut dicit Augustinus. Et propterea dicitur in libro *Sapientiae*¹: *Hæc, scilicet sapientia, est speciosior sole, et super omnem dispositionem stellarum; luci comparata, (c) inventum prior*: quia per lucem visibilia videntur tantum, per sapientiam vero etiam invisibilia cognoscuntur.

Secundo sapientia est donum sapidissimum instar mellis, non solum sicut mel, sed etiam plusquam mel. Unde dicit Sapientia in *Ecclesiastico*²: *Spiritus meus super mel dulcis, et hereditas mea super mel et favum*. Mel namque unum habet saporem, et illo gustato desipiunt alia etiam meliora; sicut vinum, quod post mellis gustum, non appareat sapidum. Sed sapientia divina omnem habet saporem, quia sibi sapiunt omnia ut debent: scilicet tam mala quam bona temporalia, ut vilia et insipida; bona spiritualia, ut cara; bona æterna; ut fructuosa et summe nobilia. Unde dicitur in *Ecclesiastico*³: *Sapientia secundum nomen suum*

est, scilicet sapida scientia, et non multis est manifesta. Ideo dicit Bernardus⁴: *a Invenisti plene sapientiam, si prioris vite peccata defleas; si hujus saeculi desideria parvi pendas; si æternam beatitudinem toto desiderio concupiscas. Invenisti sapientiam, si tibi singula horum sapientia prout sunt.* »

Tertio sapientia est donum profundissimum instar maris; non solum sicut mare, sed etiam plusquam mare: quia mare habet fundum; sapientia divina nullum habet fundum, ut dicitur in Job⁵: *Longior est terra mensura ejus, et latior mari*. Et propterea dicit Apostolus⁶: *O altitudo, id est, profunditas, divitiarum sapientiae, et scientie Dei, quam incomprehensibilia sunt iudicia ejus, et investigabiles via ejus!* quia nimis longe sunt sapientiae divine iudicia, quibus dispositi omnia investigabilia, quam guttae maris valeant numerari. Exemplum de patre et filio volentibus haurire totum mare cum cochleari parvo, ut narrat Hieronymus. Ideo dicitur donum, quia nunquam per studium acquiritur, nisi per inspirationem divinam habeatur. Et ideo dicit Jacobus⁷: *Si quis vestrum indiget sapientia, postulet a Deo, qui dat omnibus affluenter, et non improferat, et dabitur ei*. Et in *Sapientia*⁸: *Da mihi, Domine, sedium tuarum assistricem sapientiam: ut mecum sit, et mecum labore, ut sciām quid acceptum sit coram te omni tempore. Amen.*

TITULUS SEPTIMUS

DE BEATITUDINIBUS EVANGELICIS

CAPUT PRIMUM.

De Humilitate.

Post tractatum de donis Spiritus sancti, diendum est de beatitudinibus: hæc est sexta diæta salutis, scilicet a dono Spiritus sancti, ad beatitudinem pervenire. De humilitate enim quatuor sunt præcipue notanda, scilicet typus

figurativus, motus incitativum, signum demonstrativum, et gradus distributivus.

Habet ergo humilitas in sacra Scriptura typum, et multiplicem figuram. Nota igitur, quod humilitas est brevis scala devotionis, brevis schola perfectionis, et brevis via salvationis. Brevis, inquam, scala, si vis ascendere; brevis schola, si vis addiscere; et brevis via, si vis incedere. Est igitur humilitas brevis scala. Et

*Simili-
tudines,
quibus
humili-
tas figu-
ratur.*

¹ *Sap.*, vii, 29. — ² *Eccli.*, xxiv, 27. — ³ *Ibid.*, vi, 23. — ⁴ *Bern.*, *Sentent.* — ⁵ *Job*, xi, 9. — ⁶ *Rom.*, xi, 23. — ⁷ *Jac.*, i, 5. — ⁸ *Sap.*, ix, 10.

(a) *Cæt. edit. est.* — (b) *Item libri.* — (c) *Cæt. edit. add. et.*

nota tria in scala humilitatis, scilicet scalæ extrellum, imum et supremum; scalæ latera, dextrum et sinistrum; scalæ spatia, scilicet triplicem gradum. Habet enim scala humilitatis duo extrema, imum, et supremum. Imum vel pes hujus scalæ, est timor supplicii; supremum vero est amor præmii. Unde Psalmista ait¹: *Si ascendero in celum, tu illic es; si descendero ad infernum, etc.* Item habet scala duo latera, scilicet dextrum et sinistrum: dextrum est tempestantia in prosperis; sinistrum patientia in adversis. Unde Apostolus²: *Per armas justitiae, a dextris et a sinistris.* Item ex scala habet tria spatia, vel tres gradus, inter quos primus est contemptus mundi, secundus est humilius abjectio sui, tertius est humilius amor Dei. Ille est scala Jacob, de qua dicitur in *Genesi*³. Item est humilitas brevis schola; est enim compendium totius justitiae: unde ipsa dicitur *omnis justitia in Matthæo*⁴: *Sic enim decet nos implere omnem justitiam;* glossa: « Id est, humilitatem. » Ideo Salvator, et Magister optimus, in sua schola prolixitatem totius legis reduxit ad quamdam summam, id est, ad methodum humilitatis, dicens⁵: *Discite a me, quia misericordia sum et humilius corde.* Humilitas autem sic describitur: Humilitas est, ex intuitu proprie conditionis, vel cognitione (a), voluntaria mentis inelatinio. Est insuper humilitas sicut brevis via; quia cum humilitas petat centrum, per consequens vetat circulum et specialem circumatum, et facit diametrum, et diametaliter pertransit spatiū, et ita rectissime venit ad terminum. Ideo dicit Isaías⁶: *Hæc est via, ambulate in ea.*

Item humilitas se attenuat, ut ametur a honore; se adnibilat, ut creetur de novo; et se evacuat, ut impleatur a Deo. Humilitas itaque se attenuat, et sic facit seipsum gracilem, ad domicellæ modum. Unde humilitas est gracilitas sponsæ, que sponsum incitat ad ejus amorem. Et causa hujus est: quia gracilitas significat vel attestatur incorruptionem, sicut e contrario tumor significat corruptum esse mulierem et prægnantem. Unde nota, quod quidam tument et inflantur de genere et nobilitate, et tales imprægnantur a proprio patre, sicut filie Loth, ut habetur in *Genesi*⁷. Quidam inflantur de subditorum multitudine, et potes-

¹ *Psal. cxxxviii*, 8. — ² *II Cor.*, vi, 7. — ³ *Gen.*, xxvii, 42, 43. — ⁴ *Matth.*, iii, 15. — ⁵ *Ibid.*, xi, 29. — ⁶ *Isa.*, xxx, 21. — ⁷ *Gen.*, xix, 33, 35. — ⁸ *II Reg.*,

tate, et tales imprægnantur a toto populo: sicut David, qui fecit murmurare populum, ut dicitur in secundo *Regum*⁸. Quidam etiam tument et inflantur de incorruptione corporis, et per consequens, quod detestabile, imprægnantur a virginitate, sicut fatae virgines, de quibus dicitur in *Matthæo*⁹. Item humilitas se adnihilat, ut de novo creetur: ipsa enim est illud nihilum, super quod Deus fundavit terram, ut dicit Job¹⁰: *Qui appendit terram super nihilum,* id est, animam super humilitatis fundamentum. Humilitas insuper se evacuat ut impleatur, id est, vacuam et inanem se reputat. Unde figuratur per altare tabernacula, de quo dicitur in *Exodo*¹¹, quod erat ita concavum, ut posset recipere ignem, ligna, et victimas. Sic humilitas est vacua, ut capiat ista tria, scilicet ignem dilectionis, ligna compassionis, et victimam devotionis.

Item nota quod humilitas est quidquid in valore est pretiosius, quidquid in odore est deliciosius, et quidquid in decoro est gratiosius. Primo igitur dico, quod humilitas in valore est summe pretiosa; et propter hoc comparatur auro et balsamo, quæ sunt duo valde pretiosæ: balsamum, super omnes liquores; aurum, super omnia metalla. Et sicut ista duo sunt valde rara, et ideo pretiosa; sic rarissima est humilitas vera, ideo summe cara. Et sicut aurum est valde ponderosum, et naturaliter petit centrum, et balsamum semper petit fundum; sic vera humilitas, instar auri et balsami, semper appetit inferiorem locum. Et propterea de valore humilitatis dicitur in libro *Sapientia*¹²: *Omne aurum, in comparatione illius, arena est exigua.* Est etiam humilitas in odore multum deliciosa; et propter hoc comparatur in Scriptura tribus quæ sunt valde odorifera, scilicet: thuri, quod est granum modicum, et tamen fragrantissimum; ideo dicitur in *Ecclesiastico*¹³: *Quasi thus redolens in diebus aestatis.* Comparatur etiam nardo, quæ est arbor parva, et valde odorifera. Unde dicitur in *Canticis*¹⁴: *Nardus mea dedit odorem suum.* Comparatur etiam cynamomo, quod est cinerei coloris, et, cum frangitur, spirat quemdam visibilem et fragrantissimum odorem, id est, vaporem ad modum cineris: sic verus humilius, quia cinerem se reputat,

⁸ *xxiv*, 15. — ⁹ *Matth.*, xxv, 3. — ¹⁰ *Job*, xxvi, 7. — ¹¹ *Exod.*, XXXVIII, 7. — ¹² *Sap.*, vii, 9. — ¹³ *Ecccl.*, L, 8. — ¹⁴ *Cant.*, i, 11.

(a) *Cæt. edit. conditione.*

emittit spiramina fragrantissima virtutis. Et ideo dicitur in *Ecclesiastico*¹: *Sicut cynamomum et balsamum aromatizans, odorem dedi.* Est insuper humilitas in decoro mentis valde speciosa; et propter hoc comparatur virori, et colori viridi, qui super omnes colores est proportionabilis oculis, et delectabilis ad videndum. Unde dicitur in *Ecclesiastico*²: *Gratiā et speciem desiderabit oculus, et super omnes virides sationes, vel segetes, satior viridiorque est virtus humiliatis.*

Item nota, quod humilitas se humiliat ut ascendat, se incinerat ut redoleat, se mortificat ut resurgat. Humilitas itaque se humiliat et semper ineliat. Sicut enim ramus in quo pendet fructus, et sicut spica plena grano, respicit et declinat versus terram; sic anima humiliata, que instar rami^(a) est onusta fructibus bonorum operum, et ad modum spicæ granatæ est plena grani virtutum, respicit terram, id est, propriam fragilitatem, et carnis vel corporis conditionem terrenam. E contrario ramus erectus monstrat quod in eo est nullus fructus, et spica erecta, quod est gracilis et vacua: ita homo per superbiam erectus est ad modum rami sterilis et infructuosi. Et ideo dicit Salvator in *Matthæo*³: *A fructibus eorum cognoscetis eos.* Humilitas etiam se incinerat et pulverizat, et sic suavius fragrat, sicut herbæ et species aromaticæ plus redolent, quanto sunt minutius trite et pulverizate. Unde dicitur in *Canticis*⁴: *Quæ est ista, quæ ascendit per desertum, sicut virgula fumi ex aromatibus myrræ et thuris, et universi pulveris pigmentarii?* Et notandum, quod omnis homo debet se pulverizare et cinerem reputare ex parte carnis, de qua certus est, quod efficietur pulvis, ut dicitur in *Genesi*⁵: *Pulvis es, et in pulvrem reverteris.* Ex parte animæ, debet se quilibet pulverem et cinerem reputare, præcipue propter tria: primo, propter utilitatem: sicut enim cinis est vilis, quantumcumque fuerit de pretiosa materia, sic anima valde vilis est ex culpa, quamvis sit valde nobilis ex natura. Ideo dicit *Psalmista*⁶: *Ad nihilum deductus est in conspectu ejus malignus.* Secundo, propter resistendi difficultatem, quia sicut cinis statim dispergitur, et non potest resistere modico statui, sic homo non potest resistere modice tentationi, immo frequenter cadit ad sibulum modici

verbi. Unde dicitur in *Psalmo*⁷: *Non sic impii, non sic: sed tanquam pulvis,* etc. Tertio, propter resurgendi impossibilitatem: nam sicut cinis non potest redire ad statum sue materie, sic homo peccator non potest redire ad statum gratiae, nisi sola Dei virtute, quia dicit *Ecclesiastes*⁸: *Nemo potest corrigerem, quem Deus despexit*, et in *Psalmo*⁹: *Nisi Dominus axilicaverit domum,* etc. Humilitas insuper se mortificat, ut resurgat, quia humiliata quasi semper considerat mortem propriam, ut resurgat ad vitam.

Et nota, quod memoria mortis facit in homine Memoria mortis sex bona facit in homine. præcipue sex bona. Primo facit peccata vel vitia fugere: nam sicut latrones timent et fugiunt faciem judicis, sic vitia memoriam^(b) mortis. Et sicut jumentum cum cauda se defendit a muscis, sic homo a tentatione vitorum ex consideratione mortis. Nam de peccatore dicitur in *Threnis*¹⁰: *Sordes ejus in pedibus,* id est, in affectionibus. Et subdit causam: *Quia non recordatus est finis sui.* Secundo facit mundum contemnere; unde dicit Hieronymus¹¹: *Facile contemnit omnia, qui se semper cogitat moriturum.* »Nam concupiscentia oculorum contemnitur, quando quis cogitat se in terram reversurum; concupiscentia carnis deprimitur, quando quis cogitat, quod corpus in deliciis nutritum, erit cibus vermium; superbia vite contemnitur, quando quis cogitat, quod ille qui vult esse super alios, ponetur sub terra, quæ est infimum elementorum. Tertio facit seipsum desplicere, et propter resolutionem ad terram, in sui ipsius cognitionem venire. Qui modus cognoscendi, secundum Philosophum, est certissimus inter omnes. Propterea dicitur in *Psalmo*¹²: *Sciant gentes, quoniam homines sunt,* id est, de humo. Quarto facit vitam praesentem recte regere: sicut enim gubernator navis se ponit in cauda, ut rectius gubernet navem; sic qui in mari hujus mundi vult recte et securè navigare, novissima sua debet cogitare vel recordari. Nam dicitur in *Ecclesiastico*¹³: *Memorare novissima, et in æternum non peccabis.* Quinto facit recte temperare praesentem lætitiam: Sicut enim fatua est esca sine sale, sic præsens lætitia est inepta sine mortis consideratione, instar salis. Dulcedo lætitiae temporalis, miscetur cum amaritudine mortis; unde dicitur in *Ecclesiastico*¹⁴: *O mors, quam, amara est*

¹ *Ecli.*, xxiv, 20. — ² *Ibid.*, xl, 22. — ³ *Matth.*, vii, 16. — ⁴ *Cant.*, iii, 6. — ⁵ *Gen.*, iii, 19. — ⁶ *Psal.* xiv, 4. — ⁷ *Psal.* i, 4. — ⁸ *Eccl.*, vii, 14. — ⁹ *Psal.* cxxvi, 1.

— ¹⁰ *Thren.*, 1, 9. — ¹¹ *Hieron.*, *de regini. Monach.*, tit. *de timendo ult. Judic.* — ¹² *Psal.* ix, 21. — ¹³ *Ecli.*, vii, 1. — ¹⁴ *Ecli.*, xli, 1.

(a) *Cæt. edit. add.* quæ. — (b) *Cæt. edit. memoria.*

memoria tua homini injusto! Sexto facit recte dividere præsentem, et futuram vitam: qui enim ponit se in articulo mortis, et eam diligenter considerat, quasi in medio præsentis et futurae vite se collocat; et ideo recte videt, quid spernere, et quid eligere debeat. Ideo dicitur in *Ecclesiastico*¹: *In die bonorum, ne immemor sis malorum.*

Item humilitas est gratiosa instar floris speciosi, luminosa instar sideris radiosi, et virtuosa instar lapidis pretiosi. Est itaque humilitas gratiosa instar floris speciosi: comparatur autem inter flores præcipue violæ, que est flos modicus, et valde pretiosus. Et nota: viola est forma instar aviculae parvæ; habet enim quoddam rostrum parvum, et quasdam parvulas alas, et quamdam caudam parvulam: ita humilitas habet ad modum violæ ista tria diminutiva per propriam reputationem: habet namque rostrum ad laudandum Deum; habet etiam alulas vel pennas, ad contemplandum cœlum; habet caudam, ad cogitandum finem proprium. Ille est viola pretiosa, de qua dicitur in *Canticis*²: *Ego flos campi, etc.* Est etiam humilitas luminosa instar sideris radiosi: nam sicut sidus vel stella est modica in apparentia, cum tamen sidus in veritate, ut tradunt mathematici, sit major tota terra; sic humilis, cum sit parvus in veritate, est apud Deum maximus, ex sua tamen et hominum reputatione vult esse quasi nullus. Ideo dicitur in *Ecclesiastico*³: *Quanto major es, humili teipsum in omnibus.* Ipsa enim est instar lunæ; nam sicut luna est *luminare quod minuitur ex consummatione*, ut dicitur in *Ecclesiastico*⁴; sic humilis se minorare nittitur, cum a Deo per gratiam consummatur; sicut virgo Maria, ut habetur in *Luca*⁵, quia reputavit se ancillam humilem, cum salutaretur venerabiliter per archangelum Gabrielem, et a Filio Dei eligeretur in matrem. Est etiam humilitas iustar lapidis pretiosi virtuosa: nam lapides pretiosi sunt ut plurimum quantitate modici, et virtute magni.

Et nota, quod humilitas comparatur specialiter et proprie quinque lapidibus pretiosis. Primo amethysto, qui reprimit ebrietatem; sic humilitas superbiam, que se inebriat per ambitionem. Unde superbia est ebria, et non a vino, ut dicit *Joel*⁶: *Expergiscimini, ebriet, et non a*

vino, sed a vento, scilicet superbie. Secundo, jaspidi, qui fugat phantasmata: sic humilitas honores transitorios, qui sunt quasi phantasie vel somnia, quia dicitur de superbo in *Ecclesiastico*⁷: *Cor tuum phantasias patitur.* Tertio humilitas est sicut sapphirus: nam sicut sapphirus reprimit humores, seu tumores corporales; ita humilitas superbias et ampulloosas inflationes. Ipsa enim *non inflatur, non est ambitiosa*, sicut de charitate dicit *Apostolus*⁸. Quarto humilitas est sicut onychinus: nam sicut onychinus dicitur hominem reddere invictum, sic humilitas reddit invictum hominem, et facit de hostibus triumphare. In eius figura dicitur, quod David, qui dicitur humilis, cum lapidibus fundæ Goliam interfecit, ut dicitur in libris *Regum*. Quinto humilitas est sicut adamus: nam sicut adamus est lapis qui reddit hominem gratiosum, sic humilitas hominem Deo et hominibus facit esse placentem et gratum. Unde dicitur de humilitate in *Deuteronomio*⁹: *Sit placens (a) fratribus suis.* Et sicut *coram Deo et hominibus est superbia odiosa*, ut dicitur in *Ecclesiastico*¹⁰; ita humilitas est Deo et hominibus gratiosa.

Item humilitas cum Deo quasi de pari contendit (b), cum divina liberalitate, ejus gratiam semper recipiendo; superbiam circumvenit (c), meliorem partem eligendo; diabolum despicit, ejus laqueos evadendo. Humilitas igitur quasi de pari contendit cum divina liberalitate, quia quanto divina liberalitas animæ plura tribuit, tanto ipsa ad recipiendum fit capacior; et hoc triclini arte, scilicet se dilatando per gratiarum actionem, incurvando per devotam orationem, et evacuando per modicam sui reputationem. Primo enim humilitas, cum recipit Dei beneficia, gratias agendo se dilatat; et sic recipiendo parat semper locum, ut Deus amplius infundat. Unde ipsa est *vas admirabile opus Excelsi*, ut dicitur in *Ecclesiastico*¹¹. Et bene humilis *vas admirabile* dicitur, quia, dum impletur, de impletione capacior efficitur. Secundo humilitas per orationem se incurvat, et sic ad magis hauriendum se preparat: nam sicut hydria curvatur ut hauriat aquam, sic humilitas se incurvat ut hauriat, et hoc orando, gratiam divinam; et quanto Deus amplius donat, tanto ipsa amplius postulat, imo nunquam petere cessat; et ideo in ea impletur, quod dicitur in

—¹ *Eccl.*, xi, 27. —² *Cant.*, II, 4. —³ *Eccl.*, III, 20. —⁴ *Ibid.*, XLIII, 7. —⁵ *Luc.*, I, 38. —⁶ *Joel*, I, 5. —⁷ *Eccl.*, XXXIV, 6. —⁸ *1 Cor.*, XIII, 4.

—⁹ *Deut.*, XXXIII, 24. —¹⁰ *Eccl.*, I, 7. —¹¹ *Ibid.*, XLIII, 2. — (a) *Cœt. edit. add. de.* — (b) *Suppl. scilicet.* — (c) *Cœt. edit. add. et.*

libro *Ecclesiastici*¹: *Cum consummaverit homo, tunc incipiet*. Tertio humilitas per propriam reputationem se evacuat, et quodam modo se exinanit, et per consequens ad recipiendum capacior fit. Et hoc triplici arte existit, quia dum gratiam Dei in plenitudine recipit, scipsum tamen vacuum recognoscit. Ideo in persona Dei dicitur de humili in *Ecclesiastico*²: *Qui bibunt me, adhuc sient*.

Humili-
tas in de-
cem me-
liorem
partem
eligit
respectu
super-
bium.

Item humilitas etiam superbiam circumvenit, meliorem partem eligendo. Et nota specialiter decem, in quibus humilitas respectu superbiae eligit meliorem partem. Superbia enim eligit quod est extra; humilitas, quod est intra. De primo dicitur in *Matthæo*³: *Omnia vero opera sua faciunt, ut videantur ab hominibus*. De humilibus vero dicit *Apostolus*⁴: *Gloria nostra hæc est, testimonium conscientie nostræ*. Superbia eligit sarpillas, humilitas tortillas. Superbia eligit corticem, humilitas nucleus. Superbia eligit paleam, humilitas granum. Superbia demum eligit flores, humilitas vero fructum, juxta illud⁵: *Fructus ejus dulcis gutturi meo*. Superbia eligit montes, humilitas valles. Et nota, quod in montibus sunt quatuor mala, scilicet ariditas indevolutionis, durities incompassionis, sterilitas operationis, et præcipitum damnationis. Humilitas vero eligit valles, in quibus sunt quatuor bona, illis malis opposita: nam sicut valles contra ariditatem sunt irrigue, contra duritiam sunt molles, contra sterilitatem sunt fructiferæ, contra præcipitum sunt securæ; sic humiles, ad modum vallis, sunt irrigui per devotionem, et molles per compassionem, fructiferi per bonam operationem, securi per divinam protectionem, quia in inferno non oportet timere præcipitum. Superbia eligit pulchrum, humilitas bonum. Superbia eligit imaginem, humilitas veritatem. Superbia eligit contentiōnem, id est, locum superiorem, pro quo contendunt ambitionis; humilitas, pacem, scilicet locum inferiorem, pro quo nullus contendit. Ideo dicit *Salvator*⁶: *Recumbe in novissimo loco*. Et sic⁷ *in pace factus est locus ejus*, ut dicitur in *Psalmo*. Superbia eligit esse in ore hominum, et ideo non est mirum si sentit aliquando mortus detractionis; humilitas vero eligit esse in iudicio Dei, per quem solum vult judicari, sicut dicit *Apostolus*⁸: *Qui autem iudicat me, Domi-*

¹ *Ecli.*, xviii, 6. — ² *Ecli.*, xxiv, 29. — ³ *Matth.*, xxiii, 5. — ⁴ *II Cor.*, 1, 12. — ⁵ *Cant.*, 11, 3. — ⁶ *Luc.*, xiv, 10. — ⁷ *Psal.* LXXV, 3. — ⁸ *I Cor.*, IV, 4. —

nus est. Humilitas insuper despicit et parvipendit diabolum, ejus scilicet laqueos evadendo. Nam sicut pisciculi evadunt sagenam, sic humiles rete, id est, tentationes diabolicas. In cuius figura rex Chaldaeorum transtulit in Babyloniam et captivavit nobiles et potentes, et dimisit pauperes, id est, agricolas et vinitores, ut dicitur in libris *Regum*⁹.

Humilitas insuper habet motum incitatum, id est, causas multas, quæ hominem movere debent ad se humiliandum. Unde nota, quod sunt quinque cause præcipuae, ex quarum consideratione debet homo seipsum humiliare: si consideret, quæ sunt infra; quæ sunt intra; quæ sunt juxta; quæ sunt contra; et quæ sunt supra. Prima igitur causa humilitatis est consideratio creaturæ corporalis, quæ in homine est. Debet igitur creaturas corporales diligenter considerare, et ex illis humilitatem haurire. Si enim consideret terram, videt proprium sepulcrum; si attendat ignem super terram, videt supplicium peccatorum; si consideret quadrupedia, videt ea fortiora; si volatilia, videt ea leviora et agiliora; si terre nascentia, videt meliora, sicut fructus, et pulchriora, sicut flores. Ultimo, si consideret proprium subjectum, videt quod in principio est semen immundum, in medio saccus stercorum, et in fine cibus vermium, ut dicit *Bernardus*¹⁰. Et iterum vide unde veneris, et erubescit ubi es, et ingemisce quo vadis, et contremisce. Et ita cum homo diligenter considerat proprias vilitates, tunc humilitas resumit vires. Sicut enim muscus in locis foetentibus recuperat odorem, sic humilitas fragrantior efficitur, cum quis considerat propriam utilitatem. Et ideo dicebat Abraham¹¹: *Loquar ad Dominum meum, cum sim pulvis et cinis?*

Secunda causa humilitatis, est consideratio status interioris. Omnis autem homo, aut scit se esse peccatorem, aut justum: si sciat se esse peccatorem, multum debet humiliari, quia quantum ad hoc deterior est cane vel bufone: quia peccator est debitor temporalis et æternæ mortis; illa vero solum temporalis. Et in illis solum est miseria poenæ; in peccatoribus vero poenæ et culpæ; et in hoc sunt similes diabolo. Si autem fuerit peccator aliquando, nescit utrum justificatus est a peccato, quia dicitur in *Ecclesiaste*¹²: *Nescit homo utrum amore, an odio*

⁹ *IV Reg.*, xxix, 14. — ¹⁰ *Bern.*, *Medit.*, c. ix, ante med. — ¹¹ *Gen.*, xviii, 27. — ¹² *Ecli.*, ix, 4.

Causa
quinque
que ho-
minem
ad se hu-
milian-
dum in-
citant.

dignus sit, sed omnia in futurum (a) *servantur in- certa.* Si autem sciat aliquis se esse in gratia, tamen se humiliare debet propter quatuor, que interdum etiam viris justis et perfectis nocent : scilicet negligentia proficiendi, difficultas standi vel perseverandi (b), facilitas cadendi etiam ad sibilum unius modo (e) verbi, difficultas vel impossibilitas resurgendi. Homo enim potest per se ire ad culpam; sed per se non potest redire ad gratiam, quia dicitur in Psalmo¹ : *Spiritus vadens, et non rediens.*

Tertia causa humilitatis est considerare saepe de proximis nostris. Videmus enim multos de fratribus et proximiis nostris in scientia et virtutibus profecisse, et nos in peccato vel ignorantia remansisse, unde debemus erubescere. Videmus etiam multos fratres et proximos coœcos, mendicos, et diversis miseriis afflictos; et ideo debemus compati, timere, et Deo grati et humiles esse, et laudare eum, qui nobis potuit et potest similia ex sua aequitate infligere, et nos ex sua pietate custodire, et propter hanc causam humilitatis dicitur in Job² : *Visitans speciem tuam non peccabis. Visitans speciem tuam, scilicet proximum, qui est species tua, vel species una tecum.*

Quarta causa humilitatis, est consideratio hostis adversantis, cui sine Dei adjutorio non possumus resistere; imo si comparati fuerimus ei, ipse quasi gigas, et nos quasi locustæ, ut dicitur in Numeris³. Cujus etiam tanta est crudelitas, quod nos omni hora translugiret, nisi etiam divina protectio nos custodiret: quia dicitur in Threnis⁴ : *Misericordia Domini, quia non sumus consumpti: cui debemus totam virutem ascribere.*

Quinta cause humilitatis, est consideratio divine magnitudinis, cui tenemur humiliiter subesse propter beneficium creationis, juxta illud Psalmi⁵ : *Ipse fecit nos, et non ipsi nos; et propter beneficium redemptionis, juxta illud Ecclesiastico⁶ : Gratiam fidei jussoris tui ne obliviscoris. Humiliare etiam debemus nos Deo, cuius potentiam evadere non possumus, cuius sapientiam latere non possumus, cuius justitiam corrumperemus non possumus. Unde notandum juxta hoc, quod tribus de causis debet se quis inclinare et demittere. Primo, quando videt capiti*

suo gladium imminere; sic nos debemus humiliari, et timere quod videmus super caput nostrum gladium divinæ sententiae vibrari. Unde dicitur ab apostolo Petro⁷ : *Humiliamini sub potenti manu Dei.* Secundo inclinat se aliquis, quando oportet ipsum transire per ostium bassum: sic nos debemus humiliari, qui ad vitam transiuntur sumus per ostium bassum et humile, quod est Christus, quia dicitur in Joanne⁸ : *Ego sum ostium; per me si quis introierit, salvabitur.* Tertio consuevit quis inclinare se, quando videt superiorem se in inferiori loco sedere: non enim est decens militem sedere in scafano, si rex sedaret in pavimento: sic nos humiliari est necessarium, cum videamus Regem glorias propter nos in tantum humiliatum. Unde dicitur in Mattheo⁹ : *Sufficit servo, si sit sicut dominus ejus.*

Item habet humilitas multiplex signum demonstrativum. Et nota, quod quinque sunt signa, inter alia, humiliatis demonstrativa. Primum est humiliam amare, exemplo creaturarum, quae diligunt sibi similes; quia dicitur in Ecclesiastico¹⁰ : *Omnis animal diligit sibi simile.* Secundum est, honores et laudes fugere, sicut mel veuenatum, et sicut sagittas limatas et venenatas, exemplo Christi, qui *fugit cum turbæ vellet cum facere regem*, ut dicitur in Joanne¹¹. Tertium signum est opprobria et contumelias æquanimiter tolerare, exemplo David, qui cum Semei malediceret ei, dixit Abisa regem vindicare volenti¹² : *Dimitte eum, ut maledicat mihi;* ut in libris Regum reperitur; et exemplo apostolorum, de quibus dicitur in Actibus¹³, quod *ibant gaudentes a conserto concilio, quoniam digni habiti sunt pro nomine Jesu contumeliam pati.* Ideo dicitur de humiliitate in Threnis¹⁴ : *Saturabitur opprobriis.* Quartum signum est vilia officia non recusare, exemplo Abigail, quam cum David vellet ducere in uxorem, respondit¹⁵ : *Ecce famula tua sit in ancillam, ut lavet pedes servorum domini mei,* ut habetur in libris Regum. Quintum signum est libenter obedire, exemplo Christi, qui *humiliavit semetipsum, factus obediens usque ad mortem*, ut ait Apostolus¹⁶.

Habet etiam humilitas multiplicem gradum distributivum. Unde nota, quod tres sunt gradus humiliatis, sicut dicitur in glossa super Mattheum¹⁷: primus est subesse majori, nec

Quinque
præci-
pus si-
gnis
humiliatis.

¹ *Psal. LXXVII, 39. — 2 Job, v, 24. — 3 Num., XIII, 31. — 4 Thren., III, 22. — 5 Psal. XCIX, 3. — 6 Eccli., XXIX, 20. — 7 I Petr., v, 6. — 8 Joan., x, 9. — 9 Matth., x, 25. — 10 Eccli., XIII, 19. — 11 Joan., VI, 15.*

¹² II Reg., XVI, 10. — ¹³ Act., V, 31. — ¹⁴ Thren., III, 30. — ¹⁵ I Reg., XXV, 41. — ¹⁶ Philip., II, 8. — ¹⁷ Gloss. sup. Matth., c. III. — (a) *Cat. edit. futuro.*

Humili-
tatis
gradus
tres.

— (b) *Item præservandi.* — (c) *Cat. edit. uiuissimodi-*

præferre se æquali, et hæc est sufficiens et necessaria; secundus gradus est subesse pari, nec se præferre minori, nec velle præferri, et est humilitas copiosa; tertius gradus est subesse minori, et nemini præferri, et hæc est humilitas excellens et perfecta. Et ideo humilitas, cum his gradibus suis, eleganter figuratur per altare tabernaculi, quod habebat tres cubitos in altitudine, ut dicitur in *Exodo*¹.

Item, secundum alios, gradus humilitatis sunt quatuor: primus est spernere mundum; secundus, spernere nullum; tertius est spernere scipsum; quartus est contempnere se semper, vel non curare sui contemptum. Ideo humilitas per istum quadruplicem gradum figuratur satis aperte per rationale, in quo erant quatuor versus vel ordines gemmarum, ut habetur in *Exodo*².

CAPUT II.

De Mansuetudine, vel Mititate.

De mansuetudine vel mititate, quæ est secunda, beatitudo, specialiter sunt tria notanda: habet enim mansuetudo, vel mititas, pacem et societatem cum proximo, gratiam et familiaritatem cum Deo, et regnum et hereditatem in celo.

Signum triplex hominis mitis cum Deo familiariteratatem habebitis

Habet namque homo mitis et mansuetus cum proximo pacem et societatem, et cum his qui oderunt pacem, scilicet esse pacificos. Sicut enim contra lapidem machine opponitur aliquid molle, per quod frangitur impetus violentie suæ; sic et vir mitis frangit iram, et impetum dignationis, opponendo molitiem responsionis, ut in *Proverbis* patet³: *Responsio mollis frangit iram.*

Habet etiam homo mitis cum Deo familiaritatem. Et nota, quod signum triplex est, quod homo mitis Deo sit familiaris. Primum est, quod Deus mitis libenter exaudit, sicut videimus quod a rege obtinent, quod volunt, qui ei familiares existunt. Unde dicitur in libro *Judith*⁴: *Humilium et mansuetorum tibi semper placuit deprecatio.* Secundum signum est, quod Deus in anima miti libenter pausat et dormit: mansuetudo enim est sicut culcitra mollis in lecto florido continentiae, de quo dicitur in *Canticis*⁵: *Lectulus noster floridus.* Tertium signum est, quod Deus ad videndum et loquen-

¹ *Exod.*, xxvii, 1. — ² *Exod.*, xxxix, 10. — ³ *Prov.*, xv, 1. — ⁴ *Judith*, ix, 16. — ⁵ *Cant.*, i, 16. — ⁶ *Exod.*,

dum se ostendit mitem, vel exhibet: sicut videntur quod illi, qui sunt familiares prælatis, quando volunt, ad eos intrant, et loquuntur pro voluntate cum eis; sic homo mitis loquitur cum Deo, ut in *Exodo*⁶ legitur de Moyse, *qui loquebatur cum Deo facie ad faciem, sicut solet loqui amicus ad amicum suum.* Causa inter alias erat, quia homo mitissimus erat, ut dicitur in *Numeris*⁷.

Habet insuper homo mitis hereditatem in celo, ut dicitur in *Matthæo*⁸: *Beati mites, quoniam ipsi possidebunt terram,* scilicet viventium. Et nota quod triplex est ratio, quare mites possident cælum. Prima est, quia ipsi possidentur a Deo, et ideo lege vicissitudinis possidebunt Deum in celo; quia dicit *Augustinus*⁹: « Nullius erit Dei possessio, nisi ejus, quem ipse prius posse derit. » Secunda ratio est, quia mites possident corda sua, et dominantur sibi ipsis; quod non faciunt iracundi, imo ira dominatur eis. Ideo dicit *Sapiens*¹⁰: *Melior est qui dominatur animo, expugnatore ubrium.* Tertia ratio est, quia mites possident hic bona sua. Mites autem sciunt hic bona spiritualia optime possidere, quia nulla adversitas potest eis ipsa auferre: quod iracundi facere nesciunt; imo bona spiritualia, si quæ habent, per impatientiam perdunt, ut dicitur in *Proverbis*¹¹: *Qui impatiens est, sustinebit damnum,* scilicet non solum boni exterioris, quod perdit in via; sed etiam boni interioris, quod ipse effundit. Mites etiam bona temporalia possidere sciunt, quia sibi non permittunt dominari: quod nesciunt facere avari et cupidi, quia divitiarum suarum nesciunt esse domini, sed potius servi; quia dicitur in *Psalmo*¹²: *Viri divitiarum;* non divitiae virorum. Quia igitur mites, ut dictum est, se et sua possidere sciunt, merito terram viventium possidebunt.

Et nota, quod mititatem vel mansuetudinem hominis natura ministrat, corporis figura demonstrat, et canonis scriptura commendat. Mititas igitur a natura ministratur, et cum homine a natura copulatur, vel concreatur: nam dicit *Philosophus*, quod homo est animal natura mansuetum. Sicut leoni a natura inest crudelitas, sic homini mansuetudo vel mititas. Mansuetus enim dicitur quasi *manu assuetus*:

⁸ *Matth.*, v, 4. — ⁹ *Num.*, xii, 3. — ¹⁰ *Prov.*, xix, 19. — ¹¹ *Psalm.*, c. x, quoad sensum, inter Oper. Aug., append. tom. VI. — ¹² *Prov.*, xvi, 32. — ¹³ *Prov.*, xix, 19. — ¹⁴ *Psal.* lxxv, 6.

et ideo homo qui, relicta mansuetudine, agit (a) crudeliter, non homo, sed bestia silvestris. Mititas etiam figura humana demonstratur. Figura enim hominis exterior quamdam dulcedinem et affabilitatem demonstrat, et militatem interiorem. In omni siquidem animalis specie, figura corporis exterioris signum est naturae interioris: sicut enim videmus, quod unguis magis fortes et acuti, et magna et ampla labia, significant rabiem et crudelitatem leonis et canis; sic naturaliter homo habens faciem venustam, et carnem mollem, et cutem levem, et unguis breves, et modicitatem oris, et gratiam in oculis, mansuetudinem significat: et multa alia testimonia militatis, quæ possent dari: et e converso videmus, quod homo iratus habet tortam et hirsutam faciem, et exuit humanam naturam, et induit furiam; et quodammodo exterior effigies monstrat, quod homo iratus jam non est homo, sed incipit esse bestia, juxta illud Psalmi¹: *Comparatus est jumentis*, etc. Mansuetudo insuper vel mititas in Scriptura valde commendatur: dicitur enim de Mediatore nostro in *Jeremia*²: *Ego sicut agnus mansuetus qui portatur ad victimam*. Et iterum dicitur in *Psalmo*³: *Propter veritatem et mansuetudinem, et justitiam*, etc. Unde nota tria, quæ recte hominem deducunt, quæ sunt mansuetudo cordis, veritas oris et justitia operis.

CAPUT III.

De Fletu.

Fletus De fletu, quæ est tertia beatitudo, nota specialiter tria, scilicet quod est fletus compunctionis, fletus compassionis, et fletus devotionis.

Primus fletus, scilicet compunctionis, est sicut collyrium medicativum. Unde in *Apocalypsi* legitur⁴: *Collyrio inunge oculos tuos*. Sicut enim collyrium, purgando oculos, turbat visum, et in turbando purificat; sic fletus compunctionis animam turbat per penitentiam, sed medicat per gratiam. De hoc fletu dicitur in *Psalmo*⁵: *Exitus aquarum deduxerunt*, etc.

Secundus fletus est compassionis, et est sicut unguentum lenificativum: nam sicut unguentum ungendo sanat membra paralytica, sic hu-

¹ *Psal.* XLVIII, 14. — ² *Jerem.*, XI, 19. — ³ *Psal.* XLIV, 5. — ⁴ *Apoc.*, III, 18. — ⁵ *Psal.* CXVIII, 136. — ⁶ *Job*, XXI, 25. — ⁷ *Prov.*, XIV, 10. — ⁸ *Psal.* CXVIII,

mor compassionis sanat cupidos a paralysi, id est, ab avaritia. Et nota, quod ad unguendum et sanandum membra infirma, præcipue tria sunt necessaria, scilicet ignis, unguentum, et confricatio manuum: sic ad opus misericordiae requiritur ignis dilectionis, unguentum compassionis, et manus subventionis. De hoc fletu dicitur in *Job*⁶: *Flebam quondam super eo, qui afflictus erat, et compatiebatur anima mea pauperi*.

Tertius fletus, scilicet devotionis, est sicut balneum delectativum. Unde anima, in qua sunt lacrymæ devotionis, nata in dævotione et lacrymis, sicut pisces in flumine. Nam dicitur in *Proverbis*⁷: *Cor quod novit amaritudinem animæ suæ, in gaudio illius non miscebitur extraneus*.

Item nota, quod sex sunt fletus incitamenta, et sex fletus impedimenta, et sex fletus emolumenta.

Fletus igitur incitamenta sunt sex. Primum est recognitio propriæ culpæ: nam dicitur in *Psalmo*⁸: *Exitus aquarum deduxerunt oculi mei*. Secundum est incolatus præsentis vite, ut dicitur similiter in *Psalmo*⁹: *Heu mihi, quia incolatus meus prolongatus est*. Tertium est timor gehennæ; nam dicitur in libro *Threnorum*¹⁰: *Plorans ploravit in nocte*, id est, in peccato. Quartum est recordatio passionis dominice, ut legitur in *Psalmo*¹¹: *Fuerunt mihi lacrymæ meæ panes die ac nocte*. Quintum est compassio humanae misericordie, ut dicit *Apostolus*¹²: *Flere cum flentibus*. Sextum est desiderium cœlestis patriæ, ut dicitur in *Psalmo*¹³: *Super flumina Babylonis*, id est, calcando delectationem transitoriam, *sedimus* per quietam meditationem, et *flevimus* propter cœlestis patriæ delectationem. Unde sequitur: *Dum recordaremur tui, Sion*: sicut interdum peregrinus lacrymari cogitur, cum sue patriæ recordatur.

Sex sunt etiam fletus impedimenta. Primum est superbæ elatio. Sicut videmus, quod montes et alta loca consueverunt esse arida, sic mons elationis et superbæ est aridus. Unde dicitur in *Josue*¹¹: *Terram arenem dedisti mihi, junge et irrignam*. Sic e converso humiles abundant lacrymis, sicut videmus quod valles abundant aquis: nam humilitas est vallis lacry-

Sex in-
citan ed
fletum.

Fletus
imperi-
menta
sex.

⁶ *Psal.* CXIX, 5. — ¹⁰ *Thren.*, I, 2. — ¹¹ *Psal.* XL, 4. — ¹² *Rom.*, XII, 15. — ¹³ *Psal.* CXXXVI, 1. — ¹⁴ *Jos.*, XV, 19.

a) *Cat. edit.* regitur.

marum. Secundum impedimentum est terrenorum affectio, sicut videmus quod terra insipissat aquam, et turbat et redigit in eam (a). Unde dicitur in figura hujus in libro *Genesis*¹, quod Cain interfecit Abel. Cain interpretatur possessio, Abel *justus*. Cain igitur Abel interfecit, quando possessio et affectio terrenorum lacrymarum irriguum interficit et interrumpit. Ideo dicitur in figura hujus in *Genesi*², quod *omnes puteos, quos fecerunt (b) servi Isaac, obstruxerint Philistium*, implentes terrenorum affectione puteos devotionis. Tertium impedimentum est cordis incompassio, sicut videmus, quod de rupe non scaturit aqua, nisi miraculose. Unde dicitur in libro *Genesis*, quod³ os putei *grandi lapide cludebatur*. Per os putei irriguum devotionis intelligitur; et tunc grandi lapide clauditur, quando fletus propter cordis duritiam impeditur. Quartum impedimentum est nimia occupatio, sicut videmus quod in *estate*, quando est tempus occupatum valde, fontes et putei exsiccantur. Contra hoc dicitur in *Isaia*⁴: *Recedite a me, amare flebo*. Quintum impedimentum est ignorantiae excusatio; sicut videmus, quod phreneticus et fatuus non potest fovere, sed ridere, quia non cognoscit morbum suum. Hoc impedimentum tangit Dominus dicens⁵: *Si cognovisses et tu, fleres, etc.* Sextum impedimentum est peccati multitudine: sicut enim videmus quod nimium frigus congelat aquas, ita magnum gelu peccati impedit lacrymas. Ideo dicitur in *Matthæo*⁶: *Quoniam abundabit iniquitas, refrigescat charitas multorum*; et per consequens cessabit irriguum lacrymarum, quia, ut dicit Gregorius in *Moralibus*, «vis amoris per lacrymas emanat, et ideo ubi amor non est, lacryma cessat.»

Fletus emolumenata sex. Sunt etiam fletus emolumenta vel utilitates. Unde nota, quod lacryma spiritum contritum lavat, ipsum devotum levat, spiritum malignum necat, terram cordis irrigat, sitim sedat, orando efficaciter impetrat. Primo ergo lacryma spiritum contritum lavat; unde figuratur per mare *aeneum*⁷ in tertio *Regum*, in quo ingressuri tabernaculum lavabant manus et pedes, id est, opera et affectiones. Secundo levat animam devotam, scilicet per contempla-

tionem: quod figuratur per diluvium, ut habetur in *Genesi*⁸: *Multiplicata sunt aquæ, et elevaverunt aream in sublime a terra*, id est, conscientiam ad sublimia contemplationis. Tertio, spiritum malignum lacrymæ necant; quod figuratur per Mare Rubrum, ut legitur in *Exodo*⁹, ubi submersus est Pharaon et exercitus ejus, id est, diabolus et omnis malignus spiritus. Nam dicitur in *Psalmo*¹⁰: *Contribulasti capita draconum in aquis*, id est, tentationes dæmonum in flutibus lacrymosis. Quarto lacryma terram cordis irrigat et fœundat; quod figuratur per fontem Paradisi, ut habetur in *Genesi*¹¹: *Fons ascendebat de terra*, scilicet irriguum lacrymarum, irrigans universam superficiem terræ ad producendum fructus bonorum operum. Nam dicitur in *Psalmo*¹²: *Qui seminant in lacrymis, in exultatione metent*. Quinto lacryma sitim et ardorem concupiscentiæ sedat. Sicut contra sitim currit ad fontem, et contra ignem currit ad aquam; sic contra concupiscentia ignem et incendium, currendum est ad fontem lacrymarum. Unde dicit Gregorius in *Moralibus*, quod flammarum suggestionis extinguit citius aqua lacrymarum. Sexto, lacryma efficaciter orando impetrat. Et nota, quod de hoc sunt novem exempla precipua in Scriptura. Primum Annae, de qua dicitur in primo *Regum*¹³, quod *cum esset Anna amaro animo, oravit ad Dominum flens largiter*, quæ a Deo exaudita est. Secundum Ezechiae, cui dictum est ab Isaia¹⁴: *Vidi lacrynam tuam, et ecce sanavi te*. Tertium est Tobie; quartum est Saræ; de his duobus dicitur in *Tobia*¹⁵, quod *oravit Tobias cum lacrymis, et Sara similiiter, et exaudiens sunt preces amborum*. Quintum est Judith, que dixit¹⁶: *Indulgientiam ipsius fusis lacrymis postulemus; quod et fecit, et Deus eam exaudiavit*. Sextum David, de quo dicitur in *Psalmo*¹⁷: *Posuisti lacrymas meas in conspectu tuo*. Septimum est Mariae Magdalenæ, quæ pedes Salvatoris lavit lacrymis, et misericordiam impetravit, ut dicitur in *Luca*¹⁸. Octavum est Petri, de quo dicitur in *Matthæo*¹⁹, quod post trinam negationem *flevit amare*, et obtinuit remissionem. Nonum est Christi, de quo dicit Apostolus²⁰, quod *eum clamore valido et lacrymis offensus exauditus est pro sua reverentia*, scilicet Christus.

¹ *Gen.*, IV, 8. — ² *Gen.*, XXVI, 15. — ³ *Gen.*, XXIX, 2. — ⁴ *Isa.*, XXII, 4. — ⁵ *Luc.*, XIX, 42. — ⁶ *Matth.*, XXIV, 12. — ⁷ *III Reg.*, VII, 23. — ⁸ *Gen.*, VII, 17. — ⁹ *Exod.*, XV, 4. — ¹⁰ *Psal.*, LXXXIII, 13. — ¹¹ *Gen.*, II, 6. — ¹² *Psal.*, CXXV, 5. — ¹³ *I Reg.*, I, 10. — ¹⁴ *Isa.*

¹⁵ *XXXVIII*, 5. — ¹⁶ *Tob.*, III, 1; II, 21. — ¹⁷ *Judith.*, VIII, 14. — ¹⁸ *Psal.*, LV, 9. — ¹⁹ *Luc.*, VII, 38-50. — ²⁰ *Math.*, LXVI, 75. — ²¹ *Hebr.*, V, 7.

(a) *Cæt. edit.* ea. — (b) *Vulg. foderant.* — (c) *Cæt. edit. puteus.*

Propter hanc efficaciam lacrymarum dicit Augustinus, quod lacrymæ violentæ sunt in precibus. Et Glossa¹ dicit, quod oratio Deum lenit, et lacryma cogit.

De esurie et siti justitiae, quæ est quarta beatitudo, nihil ad præsens aliud est dicendum, quam quod in tractatu de *Virtute Justitiae*² superius dictum est.

CAPUT IV.

De Misericordia.

De Misericordia, que est quinta beatitudo, sunt specialiter tria notanda, scilicet comparationes quibus figuratur, meditationes cum quibus adjuvatur, operationes cum quibus occupatur.

Primo ergo notanda sunt ejus figurales comparationes. Unde nota, quod misericordia est interna Christi passio, prima Christi lectio, et optima Christi unctio. Primo ergo misericordia est interna Christi passio, id est, compassio, quæ melior est et major fuit, quam aliqua passio. Unde nota, quod duplex fuit crux Christi, scilicet exterior, qua fuit lignea; et interior, qua fuit aurea. Exterior fuit passionis et pœnitentiæ, interior fuit compassionis et misericordiæ. Ideo Christus dicitur³ pro nobis animam posuisse, prius quam carnem. Unde dicitur in Joanne⁴: *Christus pro nobis animam suam posuit, et nos debemus pro fratribus animam ponere.* Et siue dolor passionis Christi non habuit parem, ita dolor compassionis non habuit similem, ut patet in Threnis⁵: *O vos omnes, qui transitis per viam, attendite et videte,* etc. Secundo, misericordia est summa Christi lectio, ut dicit Ambrosius. In signum hujus, Christus in hac lectione præ cæteris examinabit scholares suos in die districti judicii, dicens⁶: *Esurivi, et non dedistis mihi manducare,* etc. Dyscoli, qui nesciunt hujus lectionis, scilicet misericordia versiculum, in eternum sentient sine pietate flagellum, quia dicit Jacobus⁷: *Judicium sine misericordia fecilli, qui non fecit misericordiam.* Tertio, misericordia est optima Christi unctio. Nam cum sit triplex unguentum, scilicet contritionis, et devotionis, et compassionis; unguentum compassionis optimum est, ut dicit Bernardus⁸: *a Bonum est, inquit, unguentum, quod de recorda-*

tione peccatorum nascitur; melius, quod ex devotione conficitur; porro utrumque vincit compassio charitatis vel pietatis.⁹ Et nota, quod isto unguento deberent tria perungui, scilicet caput, id est, intentio; pedes, id est, affectio; manus, id est, operatio: quia in his tribus, scilicet intentione, affectione et operatione, debet præcipue relucere. De unctione capitis dicitur in Matthæo¹⁰: *Ung caput tuum.* De unctione pedum dicitur in Luca¹¹, quod Maria *unxit pedes* Jesu. De unctione manuum dicitur in *Conticis*¹²: *Manus meæ stillaverunt myrrham, et digitæ mei pleni myrra probatissima.*

Item nota, quod misericordia decenter conservatur, prudenter negotiatur, et abundanter remuneratur. Primo, misericordia facit hominem decenter conversari: nam vir pius et misericors benedicitur a Deo, placet proximo, et natat in oleo: benedicitur a Deo per gratiæ effusionem; placet proximo per justam conversationem; natat in oleo per internam devotionem. Ille simul figurantur in *Deuteronomio*¹³: *Benedictus filius Aser;* quantum ad primum: *Sit placens fratribus;* quantum ad secundum: *Intingat in oleo pedem sùm;* quantum ad tertium: *Ferrum et œs sit calceamentum ejus.* Secundo misericordia prudenter operatur: nam de malis aliorum melioratur, de sordibus lavatur, de paupertate ditatur, de infirmitate sanatur, de onere alleviatur. Ipsa enim omnibus compatitur, omnium onera portare nititur; et quanto plus onera assumit, tanto plus lucratur, et velocius currit. Ideo dicit Apostolus¹⁴: *Alter alterius onera portate,* etc. Et nota, quod misericors homo instar prudentis mercatoris considerat tria: nam mutualiter regi, qui potest sibi capitale reddere, et dannum resarcire, et usuras et lucrum solvere. Talis rex liberalis est Deus, qui mercatoribus suis consuevit capitale custodiare, conservando gratiam; dannum resarcire, remittendo culpam; usuras solvere, scilicet largiendo gloriam et eternam vitam. De ista mercatura dicit Matthæus¹⁵: *Prudentes virginæ acceperunt oleum in vasis suis cum lampadibus,* id est, oleum misericordiæ et compassionis, in vasis suis, id est, in interioribus vasis cordis: quia siue ignis sine oleo non ardet in lampade, sic ignis charitatis sine oleo misericordiæ non ardet in corde. Hanc negotiationem docuit sum-

¹ Gloss. in *Tob.*, iv. — ² Sup., lit. v, pag. 303-304.

— ³ *Joan.*, x, 13. — ⁴ *1 Joan.*, iii, 16. — ⁵ *Thren.*, i, 12. — ⁶ *Malth.*, xxv, 42. — ⁷ *Jac.*, ii, 13. — ⁸ *Bern.*, in

Cant., serm. xi, post med. — ⁹ *Matth.*, vi, 17. —

¹⁰ *Luc.*, viii, 46. — ¹¹ *Cant.*, v, 5. — ¹² *Deut.*, xxxiii, 24, 25. — ¹³ *Gal.*, vi, 2. — ¹⁴ *Matth.*, xxv, 4.

mus mercator, scilicet Christus¹: *Vade et vende omnia quæ possides, et da pauperibus.* Homo etiam misericors, ad modum boni et industrii mercatoris, innovat et renovat veteres merces in novas, et viles in pretiosas, et quodam modo eum venit Deum in sua negotiatione, quia pro calice aque frigidæ recepit torrentem voluptatis æternæ. Unde dicit Augustinus: « Præbe tectum, et accipe cœlum. » Et ideo dicitur in *Osea*²: *Circundedit me in negotiatione (a) sua Ephraim.* Tertio, misericordia abundanter remuneratur. Unde nota, quod duæ virtutes valde copiosæ et plene veniunt ad judicium, propter quod recipiunt salarium valde copiosum, scilicet charitas et misericordia. Charitas enim aliena bona facit sua, juxta illud *Psalmi*³: *Particeps ego sum omnium timentium te, etc.* Misericordia facit aliena mala sua, juxta illud⁴: *Sicut socii estis passionum, ita et consolationum.* Haec est enim lex fidei- lium mereatorum, scilicet, sicut sunt socii in damno, ita sunt socii in luero.

Item nota, quod misericordia est virtus que eunetas superat, modus^(b) qui reum liberat, et clavis que cœlum reserat. Primo igitur misericordia est virtus inter ceteras virtutes superantes; et specialiter excedit tres virtutes inter alias excellentes, scilicet pœnitentiam, quia pœnitentia immolat corpus, misericordia vero animam. Ideo dicit Apostolus⁵: *Corporalis exercitatio, id est pœnitentia, ad modicum (c) utilis est, scilicet respective. Pietas autem ad omnia valet, promissionem habens vitæ, quæ nunc est, et futura.* Misericordia autem superat eharitatem in eo, quod eharitas est fluvius divine pietatis, et currit eum alveis suis, et non exit extra ripas, quia solum bonum diligit, et sua communieat; pietas vero et misericordia extra ripas inundat, et sua bonis et malis communieat, et ideo non solum bona proximorum, sed etiam male libentissime portat, juxta Apostolum⁶: *Quis infirmatur, et ego non infirmor? Quis scandalizatur, et ego non uror?* Misericordia nihilominus superat justitiam; et in signum hujus de euria justitiae, si est a peccatore suspecta, licet ad consistorium misericordiae appellare. Nam dicit Jacobus⁷: *Misericordia superelevat iudicium.* Et de haec excellencia misericordiae respectu aliarum virtutum,

dicitur in *Psalmo*⁸: *Miserationes ejus super omnia opera ejus.* Secundo, misericordia est modus absolutio[n]is optimus, liberans reum, et Deum obligans. Reum itaque liberat a delicto, vel debito deem illium talentorum. Et nota, quod homo misericordie de remissione peccatorum suorum habet spiritualiter tria paria littoralium, id est tria testimonia evangelica, quæ homini pie denuntiant peccata remissa. Primum est in *Matthæo*⁹: *Beati misericordes, quoniam ipsi misericordiam consequentur.* Secundum est in eodem *Matthæo*¹⁰: *Si dimiseritis hominibus peccata eorum, et Pater vester cœlestis peccata vestra dimittet.* Tertium est in *Luca*¹¹: *Dimittite, et dimittent. Et non solum misericordia a delicto liberat, verum etiam ad sanandum hominem Deum obligat.* Nam dicitur in *Proverbis*¹²: *Fœneratur Domino, qui miseretur proximo.* Tertio, misericordia est clavis cœlum reserans. Unde in figura hujus dicitur, quod Christus ascendit in cœlum de monte Oliveti, quo figuratur eminentia misericordie. Christus, qui dicitur *unctio*, est homo misericors, unetus unctione pietatis: talis ascendiit in cœlum, quia homini pio reseratur aula celestis glorie. Et nota, quod duo ostia facit pietas in cœlo, eum homo misericors intus compatilit, et proximo extra subvenit: quod optime figuratur in tertio *Regum*, ubi dicitur¹³, quod Salomon fecit in ingressu oraculi duo ostiola de olivis, quæ quidem sunt duplex misericordia, scilicet corporalis, et spiritualis: corporalis, subveniendo; spiritualis, compatiendo.

Secundo notanda sunt meditationes, in quibus adjuvatur misericordia, et homo misericordia ad miseraudum movetur. Unde nota, quod tria sunt, quæ movent hominem ad misericordiam. Primum est naturalis conformatio[n]s: omnes enim unum habemus principium, et ex uno patre sumus geniti, et omnes sumus filii Dei: et ideo debemus invicem compati, sicut si essemus fratres germani. Unde dicitur in *Matthæo*¹⁴: *Omnes enim vos fratres estis.* Et ideo dicitur in *Isaia*¹⁵: *Cum videris nudum, operi eum, et carnem tuam ne despixeris.* Secundum motivum misericordiae est propria indigentia vel necessitas, quia homo qui bene considerat propriam miseriariam, faciliter et libenter relevat alienam. Nam

Meditationes,
quibus
ad misericordiam
moveantur.

¹ *Math.*, xix, 21. — ² *Ose.*, xi, 12. — ³ *Psal.*, cxviii, 63. — ⁴ *II Cor.*, 1, 7. — ⁵ *I Tim.*, iv, 8. — ⁶ *II Cor.*, xi, 29. — ⁷ *Jac.*, ii, 13. — ⁸ *Psal.*, cxliv, 9. — ⁹ *Math.*, v, 7. — ¹⁰ *Ibid.*, vi, 14. — ¹¹ *Luc.*, vi, 37.

— ¹² *Prov.*, xix, 17. — ¹³ *III Reg.*, vi, 31. — ¹⁴ *Matth.*, xxiii, 8. — ¹⁵ *Isa.*, lviii, 7.

(a) *Vulg. negatione* Vid., tit. II, c. 6, pag. 272, not. 3. — (b) *Suppl. absolutio[n]is.* — (c) *Cœl. edit. admodum.*

dicitur in *Ecclesiastico*¹: *Ex te ipso intellige, quæ sunt proximi tui*. Tertium motivum pietatis est Christi et membrorum suorum, scilicet pauperum, amor et unitas: adeo namque Christus afficitur ad amorem pauperum, quod quidquid fit eis, reputat sibi factum; quia dicitur in *Mattheo*²: *Quod unius ex minimiis meis fecisti, etc.*

Operæ
quibus
miseri-
cordia
occep-
tur. Tertio notandæ sunt operationes, quibus misericordia occupatur. Et notandum, quod septem sunt opera misericordiae corporalia, et septem spiritualia. Corporalia sunt ista: nempe esurientem pascere, sitiensem potare, nudum vestire, hospitem colligere, infirmum visitare, vincutum liberare, et mortuum sepelire. Septem spiritualia sunt peccata dimittere, peccantem corriger, pro peccante orare, ignorantem instruere, hæsitantem consulere vel confirmare, lugentibus consolationem præbere, et ad onnes afflictos cordis compassionem habere. Sex de istis numerantur in *Mattheo*; septima in *Tobia*. Et in figura horum dicitur in *Apocalypsi*³, quod similis filio hominis erat in medio septem candelabrorum aureorum, et habebat in dextera sua septem stellas. *Filius hominis* dicitur homo pii cordis, quia, secundum Philosophum, pietas est proprium hominis, sicut crudelitas leonis. *Candelabra aurea* signant septem opera misericordiae corporalia, quæ sunt ut aurum pretiosa. *Septem stellæ*, quæ sunt in dextera, sunt septem opera misericordiae spiritualia, in cordis hemisphaerio lucentia tanquam sidera radiosa.

CAPUT V.

De Munditia cordis.

Tria fa-
ciunt
mundi-
tiam cor-
dis. De munditia cordis, quæ est sexta beatitudo, est notandum, quod tria sunt quæ cordis munditiam faciunt, scilicet lectio Scripturarum, largitio eleemosynarum, et effusio lacrymarum. Primo lectio Scripturarum efficit cor mundum, quia dicitur in *Joanne*⁴: *Juncti vos mundi estis propter sermonem, quem locutus sum vobis*. Quod figuratur eleganter per lavatorium talernaculi, ut legitur in *Exodo*⁵. Et nota, quod duo erant in lavatorio, scilicet speculum, et aqua munda: et hæc duo sunt mystice in sacra pagina: est enim speculum, quia peccati maculas ostendit; et est aqua, quia maculas tergit. Secundo facit cor mundum effusio lacrymarum, quia dici-

tur⁶: *Lavabo per singulas noctes lectum meum, scilicet conscientiæ. Et nota, quod lacryma, ad hoc quod cor sit bene mundum, debet habere tria, scilicet quod debet esse calida per devotionem, amara per contritionem, et cinerea per mortis recordationem. Sicut enim aqua transiens per cines, facit lixivium, quod optime sordium est mundativum; sic talis lacryma est cordis mundativa. Tertio fit cor mundum per eleemosynarum largitionem, quia dicitur⁷: Date eleemosynam, et ecce omnia munda sunt vobis. Videmus enim, quod ad sanandum vel purgandum vulnus, non solum adhibentur cauteria, imo apponuntur emplastra. Cauterium est correctio justitiae, et emplastrum est largitio eleemosyne.*

Item nota, quod sunt alia tria, quæ ad cordis munditiam disponunt, id est, scopa confessionis, lima correctionis, et fornax affectionis. Primo igitur facit munditiam cordis scopa confessionis, id est, frequenter conteri, quia dicitur⁸: *Lavare septies in Jordane*. Lavatur autem seplies, qui septem titia mortalia, vel capitalia, humiliiter confitetur, quia tunc cor mundatur et sanctificatur. Nam dicitur⁹: *Facta est Iudea sanctificatio ejus*. Judea interpretatur confessio; ipsa enim est cordis sanctificatio. Et nota quod in sacro eloquio valde sœpe adjungitur decor et pulchritudo; et in figura hujus, quod scopa confessionum summe disponit ad munditiam cordis, dicitur¹⁰: *Confessionem et decorum induisti*; et iterum¹¹: *Confessio et pulchritudo in conspectu ejus*, et sic de aliis. Secundo multum disponit ad munditiam cordis lima correctionis: nam sicut lima mundat ferrum a rubigine, sic correctio cor a labe. Unde ait Gregorius: « Ille solus amicus erit, qui in adventum districti judicis, maculas sue mentis tergit. » Sed nota, quod quidam sunt adeo miseri, quod unde deberent mundari, sordidantur. De talibus dicitur¹²: *Destruxisti eum ab emundatione*. Tertio, munditiam cordis facit fornax tribulationis: nam sicut fornax reddit aurum purum, sic tribulatio facit cordis munditiam, juxta illud¹³: *Probasti cor meum tecum*. Sed sunt quidam, qui ab igne tribulationis non mundantur, sed uruntur: tales non sunt aurum, sed scoria; non granum, sed palea; non oleum, sed amurea. Unde multum possunt formidare de illo verbo

¹ *Eccl.*, xxxi, 18. — ² *Matth.*, xxv, 40. — ³ *Apoc.*,

1, 13, 16. — ⁴ *Joan.*, xv, 3. — ⁵ *Exod.*, xxxviii, 8. —

⁶ *Psal.* vi, 7. — ⁷ *Luc.*, xi, 41. — ⁸ *IV Reg.*, v, 10. —

⁹ *Psal.* cxiii, 2. — ¹⁰ *Psal.* cii, 1. — ¹¹ *Psal.* xciv, 6.

¹² *Psal.* lxxxviii, 45. — ¹³ *Jerem.*, xi, 3.

Evangelii¹: *Paleas autem comburet igni inextinguibili*. Sicut enim videmus, quia confricatio panni asperi facit et conservat munditiam scyphii; sic tribulatio et carnis maceratio facit munditiam animi. Exemplum de Joanne Baptista, qui habebat vestimentum de pilis camelorum, ut habetur in *Matthæo*²: sciebat enim, quod aspera faciebant cor mundum.

Item nota, quod cor efficitur mundum ab omni peccato, specialiter et præcipue triplici baptismo, scilicet fluminis, flaminis, et sanguinis. Baptismo fluminis mundantur infantes; baptismo flaminis mundantur poenitentes; baptismo sanguinis mundantur martyres, quando scilicet sacramentum volunt, et non possunt habere. Et iste triplices modus mundandi figuratur per illa tria quibus fiebat munditia in veteri lege. Fiebat enim per tria, scilicet per aquam expiationis, ut dicitur in *Exodo*³: per effusionem sanguinis, ut dicitur ad *Hebreos*⁴; per unguentum unctionis, ut dicitur in *Exodo*⁵. Ablutio vero quæ fiebat per aquas, significat mundationem quæ fit per solam gratiam. Expiatio quæ fiebat per sanguinem, significat martyrium, vel carnis mortificationem. Sanctificatio quæ fiebat per unguenti unctionem, figurat martyrum perfectionem. Et nota, quod in illo tertio modo, sanctificabatur solus Aaron et filii eius: in quo intelligitur, quod clerici et religiosi debent esse mundificati excellenter unctione Spiritus sancti.

Item nota, quod quinque erant ex quibus conficiebatur unguentum unctionis, ut dicitur in *Exodo*⁶, scilicet myrra electa, cinnamomo, cassia, calamo, et oleo olivarum. Prima ergo species illius unguenti erat myrra pura et electa, sicut illa quæ sponte manat ab arbore; et est pretiosior, quam illa quæ ex arboris incisione. Ista significat penitentiam quæ fit in juventute; quæ gratiosior est Deo, quam illa quæ fit in senectute. Nam caro myrra prius conienda est, ut sit purissima, antequam vermis sit consumpta: contra fatuitatem multorum, qui myrra penitentiae nolunt se ungere, donec toti putruerunt vermis peccatorum vel vitiorum. Secunda species illius unguenti erat cinnamomum, quod est cinerei coloris, et, cum frangitur, emittit quamdam nebulam spiramenti redolentis etiam visibilis, ut dicit

¹ *Matth.*, III, 42. — ² *Matth.*, III, 4. — ³ *Exod.*, XXIX, 36. — ⁴ *Hebr.*, IX, 7. — ⁵ *Exod.*, XXX, 23. — ⁶ *Ibid.* — ⁷ Gloss. in *Exod.*, XXX. — ⁸ Ambros., de

Glossa⁷: quod figurat humilitatem, quæ debet esse in clericis et religiosis, de quibus manare debet visibiliter spiramentum odoris, id est, redolentia humilitatis, per exemplum ædificationis. Tertia species illius unguenti erat cassia, quæ erescit in aquis; et figurat fidem Ecclesiæ, quæ ex aqua sacra Scripturæ proficit. In quo intelligitur, quod fides innititur Scripturæ, non rationi humanae, quia, ut dicit Ambrosius⁸: « In his que fidei sunt, piscatoribus creditur, non dialecticis. » Quarta species illius unguenti erat calamus. Est autem calamus, ut dicit *Glossa*⁹, arbor aromaticæ, crescens in Libano, cuius cortex facit quemdam sonum, et significat in clericis et religiosis officium ecclesiasticum, quod, instar calami, debet esse aromaticum per devotionem, et sonorum per divinæ laudis expressionem. Quinta species illius unguenti erat oleum olivarum; et significat dulcedinem compassionis, quæ debet abundare in clericis et religiosis: quia sicut oculus est lacrymabilior et tenerior, et passibilior ceteris membris; sic prelati, et clerici, et religiosi, qui sunt oculi Ecclesiæ, debent esse pro ceteris teneri compassione, lacrymabiles pietate. De hoc habemus exemplum in Christo, qui valde pronus erat ad lacrymandum, et quem misericordia traxit de cœlis in mundum. Unde dicitur¹⁰: *Propterea unxit te Deus oleo lætitiae, præ consortibus tuis.*

CAPUT VI.

De Pace.

De pace, quæ est septima beatitudo, notanda sunt tria, scilicet quæ sunt pacis præconia, quæ sunt pacis subsidia, et quæ sunt pacis contraria.

Primo notanda sunt pacis præconia. Unde nota, quod tria sunt præconia pacis: nam pax est cœli linguagium, Christi encænum, et Dei vestigium. Est igitur pax cœli linguagium; cuius signum est triplices, quia Christus illud idioma loquebatur, qui venit de cœlo. Dixit enim Apostolis¹¹: *Pax vobis*, post resurrectionem, quando erat immortalis, ut habetur in Joanne. Tale linguagium etiam locuti sunt angelii, qui sunt cœli cives; dixerunt enim in ortho Christi¹²: *Gloria in excelsis Deo, et in terra pax*. Tale etiam idioma loquebantur discipuli, *Fid.*, lib. I, c. v. — ⁹ Gloss. in *Exod.*, XXX. — ¹⁰ *Psal.* XLIV, 6. — ¹¹ *Joan.*, XX, 21. — ¹² *Luc.*, XI, 14.

quia dictum erat eis a Christo¹: *In quaecumque domum intraveritis, dicit e: Pax huic domui.* Secundo pax est encænum Christi, et pretiosius inter omnia alia jocalia. Cujus causa est, quia istud pretiosum jocale legavit Christus apostolis in morte. Amici namque amicis dant et elegant magis pretiosa in fine.

Et nota, quod Christus dedit pacem discipulis suis et amicis, triplici jure, scilicet jure donationis inter vivos, jure ultimi testamenti, jure codicillorum. Jure donationis et testamenti dedit pacem, quando dixit²: *Pacem meam do vobis, pacem relinquo vobis;* jure codicillorum, quando post resurrectionem, quasi firmando testamentum, dixit³: *Pax vobis.* Tertio pax est vestigium Dei, et certissima semita, de qua dicitur⁴: *Omnes semita illius pacificæ.* Et nota, quod hujusmodi viæ divinæ sunt tres dicætae, vel semite, scilicet pax interna, quæ dicitur pax pectoris; pax externa, quæ dicitur pax temporis; et pax superna, quæ dicitur pax æternitatis. De diæta pacis interrae dicitur⁵: *Pax Christi exultet in cordibus vestris.* De diæta pacis externæ dicitur⁶: *Si fieri potest, quantum ex vobis est, cum omnibus pacem habentes.* De diæta pacis supernæ dicitur⁷: *Sedebit populus meus in pulchritudine pacis.*

Unde nota tria pacis subsidia, ad pacem ducentia, vel inducentia, scilicet conformitas, humilitas et tranquillitas: conformitas cum Deo, humilitas cum proximo, et tranquillitas in seipso. Primo ergo juvat ad pacem habendam, conformitas voluntatis nostræ ad voluntatem divinam. Sicut enim semper est in guerra, qui nittitur regi resistere, cui non potest aliquatenus prævalere; sic continua pace gaudet, qui voluntatem suam voluntati divinae conformare studet, cui nihil valet resistere. Ideo dicitur⁸: *Quis restitut ei, et pacem habuit?* quasi diceret: Nullus. Secundo juvat ad pacem habendam, cum quis habet veram humilitatem; nam vulgo dicitur: Duo grossi in uno sacco non possunt bene capi; et per contrarium humilitas facit mentes modicas et graciles, et per consequens ad invicem capaces. Unde dicit Apostolus⁹: *Solliciti servare unitatem spiritus in vinculo pacis.*

¹ *Luc.*, 5. — ² *Joan.*, XIV, 27. — ³ *Joan.*, XX, 21. — ⁴ *Prov.*, III, 47. — ⁵ *Coloss.*, III, 15. — ⁶ *Rom.*, XII, 18. — ⁷ *Isa.*, XXXII, 18. — ⁸ *Job.*, IX, 4. — ⁹ *Ephes.*, IV, 3. — ¹⁰ *Psal.* IV, 9. — ¹¹ *Psal.* LXXXV, 3. — ¹² *Psal.*

Tertio juvat bonum pacis tranquillitas mentis. Sicut in lecto spinoso nullus potest bene pausare, sic cor inquietum non potest veram pacem habere. Et e converso sicut homo bene pausat in molli culcitra, sic Deus quiescit in mente tranquilla. Unde dicitur¹⁰: *In pace in id ipsum dormiam, et requiescam.* Et rursus¹¹: *In pace factus est locus ejus.* Et iterum¹²: *Mansueti hæreditabunt terram.* Et ibidem in multis locis patet.

Tertio notanda sunt paci (a) contraria. Unde nota, quod triplices est pax mala, quæ est veræ paci contraria, scilicet pax inquinata, pax simulata, et pax inordinata. Primo ergo est veræ paci contraria pax inquinata; et dicitur pax inquinata, quando corda sunt ad malum concordia; talem pacem habuit Pilatus cum Herode, qui cum essent ante inimici, facti sunt in morte Christi amici, ut dicitur in *Luca*¹³. De tali pace dicitur¹⁴: *Zelavi super iniquos, pacem peccatorum ridens.* Secundo est veræ paci adversa pax simulata, qualis fuit simulatoris Judæi, qui osculatus est Christum in signum pacis, et tradidit ipsum Judæis, ut dicitur in *Matthæo*¹⁵. De tali pace dicitur¹⁶: *Qui loquuntur pacem cum proximo suo, mala autem in cordibus eorum.* Tertio et ultimo est pax inordinata, quando major obedit minori, ut prælatus inferiori, vel ratio sensualitati: talis pax est deterior, quam guerra. Talem pacem habuit Adam cum Eva uxore sua; qui obediuit uxori sue, quæ erat sibi potius ad obediendum, et (b) ad regendum commissa: noluit enim contrastare delicias suas, ut dicit Magister historiarum. De tali pace dicit Salvator¹⁷: *Non veni pacem mittere in terram, sed gladium.* Item nota, quod quadruplex bellum in Scriptura distinguitur, quod paci adversatur, et per pacem sedatur. Bellum enim est inter carnem et spiritum, quod pacificat penitentia. Bellum est inter hominem et Deum, quod pacificat justitia. Bellum etiam fuit inter hominem et angelum, quod pacificavit Filii incarnatione benedicta. Et bellum est inter hominem et proximum suum, quod pacificat patientia. Et quia pax est ita fructuosa et necessaria, ideo ad eam obtinendam docet nos orare Propheta, dicens¹⁸: *Rogate quæ ad pacem sunt Hierusalem.*

¹⁰ *XXXVI*, 12. — ¹¹ *Luc.*, XXIII, 12. — ¹² *Psal.* LXXXII, 3. — ¹³ *Matth.*, XXVI, 48, 49. — ¹⁴ *Psal.* XXVII, 3. — ¹⁵ *Matth.*, X, 34. — ¹⁶ *Psal.* CXXI, 6.

(a) *Cæt. edit.* pacis. — (b) *Forte legend.* quam.

CAPUT VII.

De Patientia.

De patientia, quæ est octava et ultima beatitudine, notanda sunt specialiter quatuor, scilicet patientiae testimonia, patientiæ beneficia, patientiæ exercitia, et patientiæ adjutoria.

Circa patientiæ igitur testimonia, et laudes ejus, primo sunt tria notanda, scilicet quia est prudentissima, strenuissima, et nobilissima: prudentissima ad regendum; strenuissima ad bellandum; et nobilissima ad regnandum.

Primo igitur patientia est ad regendum prudentissima. Et nota, quod in tribus patet hominis patientia prudentis, scilicet acquirendo, conservando, et multiplicando. Prudens enim facit solvere omnia debita sua de his, quæ nihil videntur valere, scilicet de malis poenæ, quæ sustinet ut Deus remittat sibi debitum culpe; et solvendo nihil expendit de suo, imo de his, quæ accepit ab initio, sicut de opprobriis et contumelias, solvit quaecumque et quidquid debet Deo, et cum alienis se retinendo, scit acquirere gratiam in presenti, et gloriam in futuro. Et ideo dicitur¹: *Ab Aquilone aurum venit*, quod patiens acquirit in tribulatione. Item patientis prudentia patet in conservando, quia cum perdit bona temporalia, retinet et claudit bona spiritualia. E contrario facit, qui patientiam non habet: qui cum amittit bona exteriora, effundit eterna, et bona interiora, et sic augel capitale diaboli, respondendo ad verba et ad contumelias inimici, et associat hostem suum, ne forte vadat solus in infernum. Male igitur qui impatiens est custodit divitias suas, qui cum aliquid perdit, etiam residuum effundit. Ideo dicitur²: *Qui impatiens est, sustinebit damnum*. Prudentia etiam patientis patet in multiplicando, quia sputa et opprobria scit mutare in aurum et argentum, et lapides pretiosos. Ipse enim ad modum ursi verberibus impinguatur, et instar salamandrarë igne tribulationis foveatur; et sicut asinus pungitivis pascitur, sicut struthio comedit ferrum et omnia dura, sicut pisces marinus crescit in aqua salsa et amara, id est, tribulationibus et passionibus, et tantam scit in negotio habere industriam, ut per hostes suos faciat sibi fabricare coronam, dicente Psalmista³: *Supra dorsum meum fabricaverunt peccatores*.

¹ Job, xxxvii, 24. — ² Prov., xiv, 29. — ³ Psal. cxlviii, 3. — ⁴ Prov., xvi, 32. — ⁵ Gal., vi, 17. —

Magna est igitur prudentia patientis, quod tam prudenter scit acquirere, conservare et multiplicare bona sua.

Secundo patientia est ad bellandum strenuus. Patien-simæ, quia ait Sapiens⁴: *Melior est patiens viro forti*. Et nota, quod strenuitas patientis patet in tribus, scilicet si attendas pugnantis animum, pugnandi modum, et pugnandi scutum. Primo ergo patiens habet animum valde strenuum, quia plus vult pugnare, quam patiare. Gloriosius et generosius est militi stare in bello, quam in balneo; esse in campo cum rege, quam in lecto cum muliere; certare in pugna, quam delectari in mensa; et portare arma regis, quam fimbrias mulieris. Unde dicit Apostolus⁵: *Ego enim stigmata Domini Jesu in corpore meo porto*. Secundo patiens habet in pugnando modum valde strenuum. Ipse enim sine fuga evadit, sine ictu teli recedit, sine repercusione vincit, et adeo est in pugnando strenuus, quod contra hostem non levat festucam de terra, ut ait Psalmista⁶: *Confregit potentias arcuum (a), scutum, gladium, et bellum*. Tertio patiens in pugna habet nobilissimum scutum. Et nota, quod scutum patientiæ debet esse triangulum: in inferiori enim angulo debet esse timor supplicii; in dextro amor proximi; in sinistro passio Christi, juxta illud⁷: *Dubis eis scutum cordis laborenum tuum*. Et juxta illud⁸: *Christo igitur in carne passo, et vos eadem cogitatione armamini*. Et hoc scutum sustinet omnia tela, et specialiter tria, scilicet damnum rerum, molestias corporum, et contumelias verborum. Cum hoc scuto homo se conformat voluntati Domini, correctiones ejus sustinendo; vincit diabolum, ejus tentationes evadendo, sanctificat semetipsum, carnis afflictiones, et passiones corporis tolerando. De strenuitate patientis dicit Apostolus⁹: *Per patientiam curramus ad propositum nobis terminum (b)*.

Tertio patientis est ad regnandum nobilissima, quia dicitur¹⁰: *Beuti qui persecutionem patientur propter justitiam, quoniam ipsorum est regnum celorum*. Et nota, quod homo pacificus potest dici rex præcipue propter tria, scilicet quia regali dominio omnibus dominatur, quia ad regale prandium invitatur, et quia sibi regale fereculum ministratur. Primo enim homo patiens rex dicitur, quia habet regale dominium in omnibus: nam patienti servient omnia, quæ

⁴ Psal. LXXXV, 4. — ⁷ Thren., III, 65. — ⁸ I Petr., IV, 1. — ⁹ Hebr., XII, 1. — ¹⁰ Matth., V, 10.

(a) Cœt. edit. arcum. — (b) Vulg. certamen.

Patiens strenuitas in tribus apparat.

Patiens scutum qualia esse debet.

Homo pacificus propriæ tria rex dici possunt.

aliis sunt nociva, ut sterilitas agrorum quæ implet sibi cellarium; hostes fabricant sibi coronam; febres parant et medicinam; mors aperit sibi carcerem ad evadendum miseriam; ignis, qui domos incendit aliis, sibi confert pabulum, vel constituit in cœlis palatum; et sic verificatur illud Apostoli¹: *Scimus quoniam diligentibus Deum omnia cooperantur in bonum.*

Secundo patiens invitatur a Deo ad regale prandium: et non solum invitatur, sed etiam trahitur: nec solum trahitur, imo vestis ejus, ut veniat, laceratur. Unde nota, quod triplex est signum, quod invitans ex corde invitet amicum, scilicet trahendo, vocando, et rumpendo. Magnum signum est, quando efficaciter cum invitat sive vocat per predicatoris verbum, alios per tactum inspirationis; sed patientes, quos summa diligit, per rupturam tribulationis. Unde dicit²: *Compelle eos intrare, scilicet patientes vocando, trahendo, et rumpendo.*

Tertio, patienti ministratur regale prandium,

vel ferculum. Talia namque fercula gustavit Christus, qui est rex regum, scilicet tribulationes, persecutio[n]es, perjuria, paupertates, dolores, et passionem, et mortem. Unde dicit filius Zebedei³: *Potestis bibere calicem quem ego bibiturus sum*, etc. Et sicut magna incurialitas reputatur, cum quis respuit scyphum, quem rex mittit ad bibendum post ipsum; sic magna ingratitudine est calicem tribulationis respuere, quem amore nostri Christus voluit primo gustare; imo sicut vinum, quod de se est forte et durum, transundo per gariophilos et species aromaticas, efficitur nectar dulcissimum; sic tribulationes mundi dulcescunt, si per memoriam passionis Christi transcant. Unde dicit sponsa⁴: *Dabo tibi poculum ex vino condito.* Vinum conditum ad litteram dicitur nectar, et significat vinum mundanæ tribulationis, conditum dulciter dulci memoria passionis Christi, quod nobis concedat ipse Dei Filius, qui est benedictus in secula.

TITULUS OCTAVUS

DE DUODECIM FRUCTIBUS SPIRITUS

CAPUT PRIMUM.

De Gaudio spirituali.

Post tractatum de beatitudinibus, sequitur tractatus de fructibus spiritus, et ista est octava dieta salutis, scilicet a beatitudinibus ad fructus spiritus pervenire: quia beatitudines faciunt operari, vel ambulare simpliciter et perfecte; fructus autem, suaviter et deliciose. Sunt isti fructus spiritus duodecim, quos enumera[nt] Apostolus⁵: *Fructus autem spiritus est charitas, gaudium, pax, patientia, longanimitas, bonitas, benignitas, mansuetudo, fides, modestia, continentia, et castitas.* Primo igitur inter istos fructus, dicendum esset de charitate: sed quia in tractatu de *Virtutibus* de ipsa dictum est, ideo hic nihil ad præscens est dicendum.

Secundo loco post fructum charitatis, dieen-

dum est de fructu gaudii spiritualis. De quo dicenda sunt pauca, et specialiter tria: primo qualiter spirituale gaudium est a mundi gaudio separatum; secundo, qualiter est a cœli gaudio derivatum; tertio, qualiter est a cœlesti gaudio pigmentatum.

Primo igitur gaudium spirituale est a mundi gaudio separatum et distinctum. Unde sciendum est, quod quatuor sunt differentiae inter spirituale gaudium et mundanum. Prima differentia est puritas et impuritas: gaudium enim spirituale est purissimum, et ideo fortius est ad ineibriandum ad diligendum Deum, sicut videamus quod vinum purum citius inebriat, quam lymphatum. Istud viuum spirituale gaudii fit de botro Cypri, id est de sanguine Christi, expresso in crucis torculari, sicut dicitur⁶: *Botrus Cyprī dilectus meus mihi.* Gaudium vero mun-

Quatuor
differen-
tiae inter
spiritua-
le gau-
dium, et
mundan-
um.

¹ Rom., viii, 28. — ² Luc., xiv, 21. — ³ Matth., xx,

22. — ⁴ Cant., viii, 2. — ⁵ Gal., v, 22-23. — ⁶ Cant., 1, 14.

danum, sicut vinum cum aqua mixtum, ad inebrandum debilissimum, et insipidum; de quo dicitur¹: « *Vinum tuum mixtum est aqua: quia, ut dicit Boetius², « dulcedo felicitatis humanae, multis amaritudinibus est respersa. » Et notandum, quod gaudium humanum cum duobus est admixtum, scilicet eum remorsu conscientiae, et sollicitudine cruciante. Remorsus conscientiae est sicut infirmitas, quae dicitur regius morbus, qui rodit carnem, et est magnarum expensarum. Unde dicitur regius, quia oportet quod ex gallinis et aliis delicatis carnis morbus ille pascatur, quae super locum morbi ponuntur, ne caro totaliter consumatur; quantumeumque tamen caro pascatur, tamen plus consumitur a morbo quam sustentetur a fomento. Ita in gudio mundi, plus cruciat remorsus conscientiae, quam delectet dulcedo iucunditatis transitoriae et mundanæ. Secundo^(a) gaudium mundanum est mixtum cum sollicitudine cruciante. Sollicitudo enim auget cronicatum, quia, ut dicit Bernardus³, « divitiae mundane cum labore acquiruntur, cum timore possidentur, et cum dolore amittuntur. » Unde versus :*

Dives divitias non congregat absque labore,
Non tenet absque metu, non desinit absque dolore.

Secunda differentia spiritualis gaudii est continuitas et discontinuitas. Spirituale gaudium est continuum et securum; unde dicitur⁴: *Secura mens quasi juge convivium*. Gaudium vero mundanum est breve et transitorium, quia, ut dicitur⁵, *gaudium hypocrita instar puncti*. *Hypocrita* dicitur iste mundus, quia hypocrita licet interius sit corruptus, exterius tamen appetet bonus et mundus; in veritate malus, et fecundus interius, exterius tamen est floridus et venustus. Et ideo gaudium ejus est solum quasi punctus; instar puncti, non habens longitudinem perseverantiae, nec latitudinem amicitiae, nec profunditatem bonae conscientiae: sicut punctus qui caret longitudine, quam habet linea; et latitudine, quam habet superficies; et profunditate, quam habet corpus. Tertia differentia spiritualis gaudii, et mundani, est dignitas et indignitas. Gaudium enim spirituale est de rebus valde di-

gnis, quia de Deo præcipue, et de rebus divinis. Unde dicit Apostolus⁶: *Gaudete in Domino semper*, etc. Gaudium vero mundi est de rebus indignis, et præcipue, sicut de voluptate carnis, de qua dicit Seneca⁷: « *Voluptas est membrorum vilium et turpium ministratio veniens ex exitu foetido*. » Et Augustinus dicit⁸, quod saeculi est impunita nequitia, videlicet luxurianti, in spectaculum vagari, ebriositate impinguari, turpitudine fectere, et mali mihi nihil pati^(b). De quo gaudio turpissimo dicitur⁹: *Stultorum exultatio (c) ignominia*. Quarta differentia spiritualis gaudii et mundani, est salubritas et noxietas: gaudium enim spirituale est salubre et studiosum tripliciter, quia facit carnem despiciere. Fugato enim spiritu desipit omnis caro, ut ait Augustinus. Secundo facit diabolum vincere, quia, ut dicebat sanctus Antonius¹⁰, unica ratio vincendi diabolum est laetitia spiritualis. Tertio facit mundum contempnere, quia¹¹ *nemo potest duobus dominis servire*, ut habetur in *Luca*. Ideo qui gaudet de Deo, tristatur de mundo.

Secundo spirituale gaudium est a cœlesti gaudio derivatum, id est a donis cœlestibus. Unde notandum est quod quinque sunt bona cœlestia, a quibus est spirituale gaudium derivatum, scilicet spiritualis puritas, spiritualis tranquillitas, spiritualis sanitas, spiritualis libertas, et spiritualis conformitas. Primum a quo causatur spirituale gaudium est spiritualis puritas: animus enim generosus libenter quiescit in lecto conscientiae, quando est mundus, quam quando est immundus. Nam naturaliter homo appetit munditiam, et abhorret immunditiam. Propterea dicit sponsa¹²: *Letactus noster floridus*. Secundum a quo causatur spirituale gaudium, est spiritualis sanitas; sicut videmus, quod naturaliter non est gaudium, si corpus est infirmum. Unde dicitur¹³: *Dulcedo anime est sanitas ossium*, id est virium animee. Et alibi¹⁴: *Non est census super census salutis corporis: non est oblectamentum, super cordis gaudium*. Terrium a quo derivatur spirituale gaudium, est spiritualis libertas: peccator enim est sicut homo captus et ligatus, ad bene operandum ineptus. Unde dicitur¹⁵:

Bona
coelestia,
a quibus
deriva-
tur gau-
dium
spiritua-
le, quin-
que sunt.

¹ *Isa.*, 1, 22. — ² *Boet.*, *de Consol. philos.*, lib. II, pros. 4, post med. — ³ *Bern.*, *de Convers. ad Cleric.*, c. XII. — ⁴ *Prov.*, xv, 15. — ⁵ *Job*, xx, 5. — ⁶ *Philip.*, III, 1. — ⁷ *Senec.*, *de Benef.*, lib. VI, c. II. — ⁸ *Aug.*, *de verb. Dom.*, serm. III, al. CLXXI, n. 4. — ⁹ *Prov.*, III, 35. — ¹⁰ *Vit. Ant.* ex Athanas. — ¹¹ *Luc.*, XVI, 13. — ¹² *Cawl.*, I, 16. — ¹³ *Prov.*, XVI, 24. — ¹⁴ *Ecli.*, XXX, 16. — ¹⁵ *Prov.*, v, 22. — (a) *Catl. edit.* secundum. — (b) *Aug. habet*: Luxuriantur homines, forniciantur, in spectaculis nugentur, ebriositate ingurgitentur, turpitudine fecudentur, nihil mali patiantur. — (c) *Vulg. exultatio*. Septag. οἱ δὲ ἀσεβεῖς; ὑποστῶν ἄτριψαν. Hebr. כִּסְלִים מִרְמָם קָלֹן

Iniquitates suæ copiunt impium. Sed adveniente Spiritu sancto, libertas causatur in anima, juxta illud Apostoli¹: *Ubi spiritus Domini, ibi libertas.* Quartum a quo spirituale gaudium causatur, est spiritialis tranquillitas. Itaque in hoc mundo gaudio sunt diversarum cogitationum tumultus, et diversarum affectionum cruciatus, et conscientiae remorsus. Quidam vero cruciantur cupiditate in acquirendo; quidam timore in custodiendo; quidam dolore in amittendo isto gaudio humano; quidam cruciantur ira, quidam invidia. Sed animus spirituali gaudio plenus quietus est, et jucundus, et quasi quidam lectus mollissimus. Videamus enim quod in lecto molli et quieto libentius homo quiescit, quam in lecto spinoso. *Iste est lectus floridus*, in quo quiescit sponsus et sponsa, ut dicitur in *Canticis*. De ista quiete gaudii spiritualis dicit Gregorius²: «Sancti nihil hujus mundi appetunt, nullis corde tumultibus comprimiruntur.» Et Augustinus dicit, quod qui biberit de flumine paradisi, cuius una gutta est major Oceano, restat quod in eo sitis hujus mundi extineta sit. Quintum a quo causatur spirituale gaudium, est spiritualis conformitas, scilicet cum voluntate Dei, quia cum voluntas humana voluntati divinae conformatur, nihil ei repugnat, et sic voluntas Dei in omnibus impletur, juxta illud³: *Omnia quaecunque voluit, fecit.* Ille autem major dilectio et majus gaudium est, quod possit esse, omnia ad nutum habere, et nihil ei repugnare. Etiam ignis gehennae facilis esset, si voluntas illum acceptaret. Qui igitur sunt voluntati divinae conformes, sunt quasi dei, sue voluntatis compotes^(a). Exemplum de quadam sancto patre, qui sciebat flere, quandocumque volebat.

Spirituale gaudium a celesti gaudio quomodo pigmentatum sit.

Tertio et ultimo, spirituale gaudium est a coelesti gaudio pigmentatum: conficitur enim instar nectaris, speciebus coelestibus et gariophilis. Unde notandum est devote et diligenter, quod triplex est genus nectaris, scilicet nectar dominice passionis, nectar virtuosæ operationis, et nectar æterne fruitionis, vel felicitatis. Primum est nectar dominice passionis, quod est dulcissimum, et anime devote inebriatum. Et notandum quod in hoc nectar bene dicto quatuor apponuntur, scilicet vinum illud myrratum, quo Christus fuit potatus. Pro ga-

riophilis sunt clavi positi, quibus Christus fuit confossum. Pro cinnamomo est lignum crucis, in quo fuit suspensus. Pro saccaro^(b) est ibi dulcissima charitas et misericordia, quia pro nobis mactatus^(c) fuit, passus et mortuus. De isto nectare dicit sponsa^(d): *Dabo tibi poculum ex vino condito.* Secundum nectar est virtuosæ operationis: habet pro vino charitatem Dei et proximi, et pro gariophilis, clavos pungitivos confessionis peccati; pro cinnamomo, planctum ostensivum recognitionis peccati; pro saccaro^(b), habet dulcedinem pietatis, et boni operis. De isto nectare dicit sponsa^(e): *Bibi vinum meum cum lacte meo.* Vinum est dulce, et lac est mundum, quia bona voluntas habet ista duo, scilicet dulcedinem veritatis, vel pietatis et gratiae, et munditiam conscientie. De isto gaudio dicitur^(f): *Non est oblectamentum super cordis gaudium.* Tertium est nectar æterne fruitionis, vel felicitatis, quod angelicum et jucundissimum est, et ideo facit beatos continue cantare: *Sanctus, Sanctus, Sanctus, Dominus Deus Sabaoth*, etc.; sicut videmus quod nectar in conviviis facit convivas choreas ducent et cantare^(g). Istud nectar conficitur ex quatuor: habet enim pro vino, puritatem divinae visionis; pro gariophilis, habet venustatem dominice passionis; pro cinnamomo habet firmitatem æterne donationis, vel fruitionis; pro saccaro^(b), vel pro melle, habet dulcedinem vel suavitatem æterne fruitionis. De isto nectar dicitur^(h): *Bibite et inebriamini, amici mei carissimi.* Istud est spirituale gaudium, a coelesti gaudio pigmentatum, de quo dicitur⁽ⁱ⁾: *Intra in gaudium Domini tui*, etc.

Terminus fructus est fructus pacis; sed quia de isto fructu tractatum est in beatitudine septima^(k), ideo de ipso nihil amplius est hic dicendum. Quaratus fructus est patientia; de qua similiter dictum est in tractatu de beatitudinibus, cum dicebatur de octava beatitudine^(l).

CAPUT II.

De Longanimitate.

Quintus fructus est longanimitas, vel perseverantia. De qua etiam notanda sunt tria: primum est, quam laudabiliter commendatur; secundum

¹ *II Cor.*, III, 17. — ² *Greg., Moral.*, lib. IV, c. XXVIII, circa med. — ³ *Psal. CXIII*, 8. — ⁴ *Cant.*, VIII, 2. — ⁵ *Cant.*, V, 1. — ⁶ *Ecli.*, XXX, 16. —

⁷ *Cant.*, V, 1. — ⁸ *Matth.*, XXV, 23. — ⁹ *Sup.*, tit. VII, c. VI, pag. 324. — ¹⁰ *Sup.*, *Ibid.* c. VII, pag. 325.

^(a) *Cœl. edit.* competentes. — ^(b) Item zucaro. —

^(c) Item tractalus. — ^(d) *Cœl. edit.* add. sic, etc.

est, quam efficaciter operatur; et tertium est, quam singulariter coronatur.

Primo igitur commendatur perseverantia, quia Deus perseveravit, quoque fecit opus sue creationis, juxta illud¹: *Complevit Deus die septimo opus quod fecerat.* Christus perseveravit, quoque perfecte fecit opus nostrae redempcionis, quia dicitur²: *Opus consummavi, quod dedisti mihi ut faciam.* Sancti perseveraverunt, quoque perfecte fecerunt opus sue perfectionis. In quorum persona dicit Apostolus³: *Bonum certamen certavi, cursum consummavi, fidem servavi.*

Perse-
verantia
effectus
triplex. Secundo perseverantia operatur efficaciter. Unde notandum, quod triplex est perseverantiae effectus: nam perseverantia perficit inchoata, impletat postulata, et stabilitatem acquisita. Primo igitur perseverantia perficit inchoata, et nihil imperfectum relinquit, etiamsi robur deficit; sicut videmus, quod mulierculæ quantumcumque senilis etatis, laborando, et perseverando, et continuando, perficiunt laborem suæ peregrinationis; et sicut videmus, quod natura continue operando, ex modica radice, vel nuce, facit arborē mirā celsitudinis; et sicut videamus, quod gutta aquæ, quamvis sit res valde mollis, continue cadendo, cavat lapidem robuste soliditatis. Et ideo dicitur⁴: *Nolite negligere, nolite cessare.* Secundo perseverantia impetrat postulata, sicut Maria Magdalena perseveraverit videnter resurrectionem Christi; sicut apostoli perseverando in oratione accepérunt donum Spiritus sancti, ut dicitur in *Actis Apostolorum*. Et propterea dicitur⁵: *Si perseveraverit pulsans, etsi non dabit ei surgens, eo quod amicus ejus sit, propter improbatam tamen ejus surget, et dabit ei quotquot habet necessarios.* Tertio, perseverantia servat acquisita. Sic videmus, quod ignis servetur, continue ministrando ligna. Et propterea dicit Augustinus⁶: « Perseverantia est magnum donum Dei, quo cætera dona conservantur. »

Tertio perseverantia coronatur singulariter; unde ait Bernardus⁷, quod aliae virtutes coronam merentur, sed sola perseverantia coronatur. Et notandum, quod in Scriptura quadruplex

Corona
quadru-
plex in inventitur et laudatur corona. Est enim corona pudicitia virginalis; et hæc est florea, et debe-

tur virginibus. Unde dicitur⁸: *Gloria et honore Scriptura coronasti eum: quod dicitur de sposo virginum.*^{ris.} Secunda corona sapientiae magistralis; et hæc aurea est, quæ debetur doctoribus, juxta illud⁹: *Corona aurea super mitram ejus.* Tertia corona est perseverantia triumphalis, et hæc est gemmea, quæ debetur martyribus, et omnibus perseverantibus, secundum illud¹⁰: *Posuisti, Domine, in capite ejus coronam de lapide pretioso.* Et Apostolus ait¹¹: *Omnis enim qui in agone contendit, ab omnibus se abstinet; et illi quidem, ut corruptibilem coronam accipiant, nos autem incorruptum.* Quarta corona est gloriæ immortalis; et hæc est stellea, quæ debetur felicibus, juxta illud¹²: *In capite ejus corona duodecim stellarum.* Corona stellea (a) est felicitas æterna, de qua dicetur infra in ultima diæta, ubi tangetur de gloria paradisi. Hac corona coronantur perseverantes, quia, ut dicit Salvator¹³: *Qui perseveraverit usque in finem, salvus erit.* Sextus fructus est fructus bonitatis. De isto fructu actum est in tractatu de *Beatitudinibus*¹⁴: ideo de ipso nihil est dicendum, nisi quod quatuor sunt, de quibus bonitas predicatorum. Est enim bonitas naturæ congregantis, fortuna adornantis, gratia reformati, et glorie quietantis. De quibus dicitur¹⁵: *Vidit Deus cuncta quæ fecerat, scilicet bona naturæ, bona fortunæ, bona gratiæ, bona gloriæ; et erant valde bona.*

C A P U T III.

De Benignitate.

Septimus fructus est fructus benignitatis. De isto fructu similiter dictum est in tractatu de *Beatitudinibus*, in capitulo de *Misericordia*¹⁶. Et ideo nihil ad præsens dicendum est de ipso, nisi quod quatuor sunt quæ ad benignitatem nos inducent, scilicet præceptum, quod inducit vel imponit; exemplum, quod propinquit; supplicium, quod evaditur; et stipendium vel præmium, quod acquiritur. Primo debet nos movere ad benignitatem præceptum, quod a Christo inducit, vel imponit. Unde dicitur¹⁷: *Estote misericordes, sicut Pater vester misericors est.* Secundo debet nos movere exemplum, quod ab ipso proponitur de Samaritano¹⁸. Tertio debet nos movere supplicium inferni, quod evaditur, quia¹⁹ *judicium sine misericordia* 1, 31. — ¹⁶ Sup., lit. vii, c. iv, pag. 322. — ¹⁷ *Luc.*, vi, 36. — ¹⁸ *Luc.*, x, 33 et seq. — ¹⁹ *Jac.*, ii, 13.

Quatuor
nos in-
ducunt
ad beni-
gnita-
tem.

(a) *Cœt. edit. stellæ.*

¹ *Gen.*, II, 2. — ² *Joan.*, XVII, 4. — ³ *II Tim.*, IV, 7.
— ⁴ *Judic.*, XVIII, 9. — ⁵ *Luc.*, XI, 8. — ⁶ *Aug.*, de *Don.*
Persever., c. II, n. 4. — ⁷ *Bern.*, *Epist.*, XXXII, et CIX.
— ⁸ *Psal.*, VIII, 6. — ⁹ *Ecclesi.*, XLV, 14. — ¹⁰ *Psal.*, XX,
4. — ¹¹ *I Cor.*, IX, 25. — ¹² *Apoc.*, XII, 1. — ¹³ *Matth.*,
x, 22. — ¹⁴ *Sup.*, lit. vii, c. iv, pag. 322. — ¹⁵ *Gen.*,

fet illi, qui non fecerit misericordiam. Quarto movet nos præmium, quod in cœlo acquiritur; unde dicitur¹: *Beati misericordes, quoniam, etc.*

C A P U T I V .

De Mansuetudine.

Octavus fructus est fructus mansuetudinis, de quo supra dictum est in tractatu *de Beatitudinibus*, in cap. *de Mitiitate*². Ideo de ipsa parum est hic dicendum; et breviter est notandum, quod mansueti clarus (*a*) informantur, rarius impugnantur, altius elevantur, et amplius venerantur. Primo igitur mansueti clarus (*a*) informantur: exemplum de discipulis; unde Jacobus in canonica dicit³: *In mansuetudine suscipe insitum verbum.* Secundo mansueti rarius impugnantur: sicut enim videmus communiter, quod non impugnantur nisi castra alta, et altius elevata; sic etiam videmus, quod leo et canis non invadunt hominem, si inveniant ipsum jacentem, vel sedentem super terram. Unde dicitur⁴: *Mansueti hæreditabunt terram, et delectabuntur in multitudine pacis.* Tertio altius elevantur, sicut patet de Christo, qui⁵ *venit ad nos mansuetus*; sicut patet de B. Virgine, et multis aliis. Unde dicitur⁶: *Exurget in iudicio Deus, ut salvet omnes mansuetos terræ.* Quarto mansueti amplius honorantur: exemplum habemus a Christo, qui ait⁷: *Recumbe in novissimo, etc.* Et David⁸: *Suscipiens Dominus mansuetos, etc.*

C A P U T V .

De Fide.

Nonus fructus est fides, de qua dictum est in tractatu *de Virtutibus*, in capite *de Fide*⁹. Et ideo nihil aliud est hic dicendum, nisi quod fides est sicut fundamentum ad sustinendum, sicut armatura ad evadendum, sicut argumentum ad concludendum, et sicut instrumentum ad ascendendum.

Primo igitur fides est sicut fundamentum ad sustinendum. Sicut enim videmus quod natura, quando vult producere plantam, primo ponit radicem; similiter quando dominicator facit domum, primo ponit fundamentum: similiter in moralibus, si aliquis vellet ædificare bona

opera, debet supponere fidem, quæ est ut petra durissima, et totius spiritualis ædificii fundamentum. Et ideo dixit Dominus Petro¹⁰: *Super hanc petram ædificabo Ecclesiam meam.* Et nota, quod dixit super hanc, quia¹¹ *fundamentum aliud nemo potest ponere, nisi illud quod possum est, quod est Christus Jesus*, ut dicitur *ad Corinthios*. Et ideo si quis ædificat, super illud fundamentum ædificet, quia ait Apostolus¹²: *Sine fide impossibile est placere Deo.*

Secundo fides est armamentum ad evadendum: est enim sicut scutum militare: scutum autem militare habet superficiem et tres angulos, et portatur a parte sinistra contra adversarium, et a parte cordis ad protegendum ipsum; et ratione signi habet representare Deum: sic vera fides catholica est ad repellendum adversarium, cum tribus catervis; ad protegendum animum, cum tribus potentis; ad confundendum Deum in tribus personis. Unde ait Apostolus¹³: *In omnibus sumentes scutum fidei, etc.*

Tertio fides est sicut argumentum ad concludendum: nou sicut argumentum dialecticum, quod procedit ex probabilibus; aut sicut argumentum tentativum, quod procedit ex his quæ videntur probabilia, et non sunt; sed argumentum apodicium, id est, faciens scire. Numquam enim aliquis sapieos per suam scientiam potuit pervenire ad tantam scientiam de Deo et creaturis, ad quam venit simplex pescator Petrus, cum dixit¹⁴: *Tu es Christus, filius Dei vivi.* Unde per istud argumentum probatur unitas divinæ essentiæ, trinitas personarum, unitas primæ cause, et multiplicitas creaturarum, pietas misericordiae, multiplicitas gratiarum, et multa alia Christus et ejus discipuli per istud argumentum demonstrabant. Nam per istud argumentum probatus demonstrative illuminatio cœorum, rectificatio claudorum, auditus surdorum, locutio mutorum, erectio sive extensio aridorum, et suscitatio mortuorum. Et ideo dicebat Christus¹⁵: *Si opera non fecisset in eis, que nemo alias fecit, peccatum non haberent.* Et ideo volens Apostolus diffinire fidem, ait¹⁶: *Fides est substantia rerum sperandarum, argumentum non apparentium.*

Quarto, fides est sicut instrumentum ad scandendum. Videmus enim quod naturaliter omnis res habet locum proprium ad quem naturaliter

¹ *Matth.*, v, 7. — ² *Sup.*, tit. vii, c. ii, pag. 317. —

³ *Jac.*, i, 21. — ⁴ *Psal.*, xxxvi, 12. — ⁵ *Matth.*, xxii, 5. —

⁶ *Psal.*, lxx, 10. — ⁷ *Luc.*, xiv, 10. — ⁸ *Psal.*, cxlvii, 6. —

⁹ *Sup.*, tit. v, c. iii, pag. 290 et seq. — ¹⁰ *Matth.*, xvi,

18. — ¹¹ *1 Cor.*, iii, 11. — ¹² *Hebr.*, xi, 5. — ¹³ *Ephes.*, vii, 16. — ¹⁴ *Matth.*, xvii, 16. — ¹⁵ *Joan.*, xv, 22. —

¹⁶ *Hebr.*, xi, 1. — ^(a) *Forte legendum charius.*

tendit per suam naturam; sicut gravia habent locum deorsum, ad quem per naturam gravitatis naturaliter descendunt; levia autem habent locum sursum, ad quem per naturam levitatis naturaliter ascendunt. Homo, cum sit omnium creaturarum corporalium nobilior, habet locum super omnia corpora, ad quem locum ante peccatum poterat per gratiam ascendere, quamvis non posset per naturam totaliter. Sed propter peccatum gratia fuit sibi ablata, et natura totaliter sauciata: et ideo ad hoc, quod possit ad locum proprium remeare, indiget instrumento quodam. Quod instrumentum nullus per suam sapientiam vel vitam, potuit fabricare, praeter Christum, qui ¹ *fabricatus est auroram et solem.* Ideo omnes qui salvati sunt, per ministerium ipsius Christi, scilicet per fidem salvati sunt: quæ quidem est velut una scala, per quam ad cœlum ascendiuntur, continens duodecim gradus, id est, duodecim articulos per apostolos declaratos, juxta numerum duodecim celorum, incipiendo ex aere, qui colum dicitur, usque ad cœlum empyreum, in quo duodenarius numerus terminatur. Latera autem istius scala sunt divinitas, et humanitas. Ista autem scala fuit per Christum Deum et hominem fabricata, sed nobis fuit per duodecim apostolos revelata. Ista est scala, quam vidit Jacob Patriarcha, cuius cacumen pertinebat ad cœlum, cui etiam Dominus erat

innixus, per quam ascendebant angeli, et descendebant. De ista scala dicit Augustinus in sermone Ascensionis ²: « Ascendamus interim corde, id est fide, ut cum dies promissus advenierit, sequamur et corpore. »

CAPUT VI.

De Modestia.

Decimus fructus est Modestia. De isto fructu in tractatu *de Temperantia* ³ dictum est, et ideo ad præsens nihil est dicendum.

CAPUT VII.

De Continentia.

Undecimus fructus est Continentia. De isto fructu in tractatu *de Consiliis*, in capitulo *de Castitate* ⁴ similiter dictum est.

CAPUT VIII.

De Castitate.

Duodecimus fructus est Castitas. De isto fructu similiter in tractatu *de Consiliis* dictum est, in capitulo *de Castitate* ⁵, et ideo non est amplius dicendum.

TITULUS NONUS

DE GENERALI JUDICIO.

CAPUT UNICUM.

De his, quæ ante ipsum, et in ipso judicio agentur.

Post tractatum de fructibus Spiritus sancti, de generali et ultimo judicio est dicendum. Ista est octava Dieṭa, scilicet a fructibus honorum operum venire ad judicium extremum. De generali judicio quatuor specialiter sunt notanda, scilicet signa quæ præmittentur, scripta quæ

aperientur, verba quæ dicentur, et facta quæ sequentur. Signa quæ præmittentur erunt sicut quædam peremptoria citatio. Scripta, scilicet libri quæ aperientur, erunt sicut quædam acta, et processus recitatio, et testium publicatio. Verba quæ dicentur erunt sicut quædam sententiae promulgatio. Facta quæ sequentur, erunt sicut quædam latæ et promulgatae sententiae executio.

serm. II, al. CCLXIII, n. 2. — ³ Sup., tit. v, c. vi, p. 304 et seq. — ⁴ Sup., tit. iv, c. iv, p. 288 et seq. — ⁵ Ibid.

¹ *Psal. LXXXIII, 16.* — ² *Aug., in Ascens. Dom.,*

**Sig-
na ju-
dicum
uniuersale
pre-
cedentia,** Primo igitur præcedent illud judicium, ut dicitur in *Marcus*¹, *signa* sicut quedam citatio peremptoria; que signa dicit Hieronymus se reperisse in historiis Hebraeorum. Prima die eriget se mare quindecim cubitis super altitudinem montium, stans in loco suo quasi murus. Secunda die descendet, ita quod vix poterit videri. Tertia die, pisces et marinæ belluae apparentes super mare, dabunt mugitus usque ad cœlum. Quartæ die, ardebit mare et aqua. Quinta die, herbæ et arbores dabunt florem sanguineum. Sexta die, ruent ædificia. Septima die, petræ ad invicem collidentur, et in octo partes scindentur, et unaquæque pars collidet aliam, et non sciet homo sonum illum, sed tantum Deus. Octava (a) die, fiet generalis terræ motus, qui tanus erit, ut dicitur, quod nullus homo vel animal aliquod stare poterit, et in terram omnia prosterrentur. Nona die, æquabitur tota terra, et omnes moutes et colles in pulverem redigentur. Decima die, exibunt homines de cavernis terra, et ibunt velut amenites, nec poterunt sibi mutuo loqui. Undecima dic resurgent omnia ossa mortuorum, et stabunt super sepulcra. Omnia enim sepulcra aperientur, ut mortui exire valeant. Duodecima die, cadent stellæ de cœlo. In hac enim duodecima die dicitur, quod animalia cuncta venient ad campos mugientia, non gustantia, nec bibeantia. Tertiadecima die, morientur homines viventes, ut cum mortuis resurgent. Quartadecima die, ardebit cœlum et terra, et superficies terræ et aeris. Quintadecima die fiet cœlum novum, et terra nova, et resurgent mortui secundum virtutes, merita et demerita. Ista enim signa erunt, sicut dictum est, quedam peremptoria citatio, et terribilis, cum executione sententia sine omni excusatione, ad judicium vocatio et præconizatio. Unde dicit Apostolus ²: *Ipsæ Dominus in jussu, et in voce Archangeli, et in tuba Dei descendet de cœlo.* De illa terribili citatione dicit Hieronymus: « Sive bibam, sive aliiquid aliud faciam, semper vindetur sonare illa terribilis tuba in auribus meis: *Surgite, mortui, venite ad judicium.* Quid faciam, cum resurgam ad judicium? »

**In judi-
cio tria
scripta
aperien-
tia.** Secundo, in illo judicio tremendo aperientur scripta, sicut quedam acta. Et nota, quod ibi aperientur tria scripta solemnia et authentica,

et sine omni calumnia, scilicet liber passionis dominicæ, liber conscientiæ, liber vitæ. Primo aperientur quasi quedam acta, scilicet liber passionis dominicæ, in quo sunt, scilicet crux, clavi, lancea, corona spinea, et in carne Christi cicatrices, et Christi vulnera, ut dicit Chrysostomus, et non erit tunc necessitas accusationis, cum viderit quilibet crucem, et ipsum Christum habentem in corpore suo testimonia passionis. Unde dicitur ³: *Tunc apparebit filius (b) hominis in cœlo.* Secundo aperientur libri conscientiæ, et nota, quod liber conscientiarum continebit tria capitula, scilicet cogitationes, quia, ut dicitur ⁴, *in cogitationibus impi interrogatio erit.* Continebit etiam verba et locutiones otiosas; unde dicitur ⁵: *De omni verbo otioso quod locutus fuerit homo, reddet rationem in die judicij.* Continebit etiam liber ille facta et operationes, juxta illud ⁶: *Cuncta quæ fiunt, adducet Dominus in iudicio, pro omni errato, sive bonum, sive malum sit:* bonum scilicet omissum, et malum commissum. Tertio aperietur liber vitæ, id est, Christus, cuius virtute manifestabuntur secreta conscientiarum unius ad alterum, sicut dicit Apostolus ⁷: *Nolite ante tempus iudicare, quounque veniat dies Domini (c), etc.* De istis libris dicitur ⁸: *Judicati sunt mortui ex his, quæ scripta sunt in libro secundum opera ipsorum.*

Tertio, in illo tremendo iudicio verba iudicis promulgabuntur, sicut sententia definitiva. **Senten-
tia iudici-
cia in die
ultima.** Unde nota in ista sententia specialiter tria: primo cause magnitudinem, sive immensitatem, de qua erit illa sententia; quia non erit pecuniae, vel possessionis terrenæ, sed damnationis, vel salvationis æternæ. Illi vero qui obtinebunt, mutabuntur ad possessionem hereditatis, quia dicitur ⁹: *Et ibunt hi in supplicium æternum, illi vero in vitam æternam.* Secundo, nota in isto iudicio auditorum multitudinem, vel curiæ solemnitatem, in cuius conspectu reprobri confundentur ^(d): totus euum mundus congregabitur, omnes angeli de cœlo, omnes homines de mundo, omnes diaboli de inferno, ut dicitur ¹⁰: *Congregabuntur ante eum omnes gentes.* Et ideo est bonum consilium cum homine, qui de jure suo diffidit, ante diem sententiae periculose coram sacerdote de compositione tractare. Unde dicit Sapiens ¹¹: *Ante iudicium,*

¹ *Marc., XIII, 4.* — ² *I Thess., IV, 15.* — ³ *Math., XIV, 30.* — ⁴ *Sap., I, 9.* — ⁵ *Math., XII, 36.* — ⁶ *Eccle., XII, 14.* — ⁷ *I Cor., IV, 4.* — ⁸ *Apoc., XX, 12.* — ⁹ *Matth., XXV, 46.* — ¹⁰ *Ibid., 32.* — ¹¹ *Ecli., XVII, 19.* — (a) *Cat. edit. Octavo.* — (b) *Vulg. signum filii.* — (c) *Vulg. quoquaque veniat Dominus.* — (d) *Cat. edit. confundantur.*

para justitiam. Tertio in illo judicio tam tremendo, vel sententia tremenda judieis, nota severitatem, vel inflexibilitatem; unde dicitur¹: *Et quis poterit cogitare diem adventus eius, aut quis stabit ad videndum eum?* Tanta namque erit tunc judieis severitas et inflexibilitas, quod si beata Virgo et omnes angeli, et sancti et sanctar genua fleterent, et eum lacrymis orarent pro aliquo, qui esset in mortali peccato, iudex non exaudiret eos, quia dicitur²: *Zelus et furor viri non parcat in die iudicii, nec acquiescat ejususcumque precibus, nec suscipiet pro redemptione dona plurima.*

Executione sententiae finalis iudiciorum. Quarto et ultimo, in isto tremendo iudicio acta (a) statim executione dabuntur. De executione illius sententiae nota specialiter tria. Primo multitudinem et potentiam ministrorum, qui parati erunt ad verbum iudicis exequendum, quia dicitur³: *In consummatione saeculi exhibent angeli, et separabunt malos de medio iustorum, et mittent eos in caminum ignis; ibi erit fletus, et stridor dentium.* Secundo, in ista executione nota impotentiam et angustiam reproborum, quia nulla erit via ad evadendum. Unde dicit

Augustinus: « O quam angustæ erunt undique reproborum viæ! Superioris erit tunc iudex iratus; inferius, chaos inferni horrendum; a dextris, accusantia peccata; a sinistris, infinita dæmonia ad supplicium trahentia; intus, conscientia urens; foris, mundus ardens: miser peccator sic deprehensus quo effugiet? Latere erit impossibile, apparere intolerabile; et ideo dicitur⁴, quod desiderabunt homines mortem, et fugient mors ab eis. » Tertio nota in ista executione defectum et parentiam omnium auxiliiorum. Tunc enim Christus, qui tantum misericors est, quod pro peccatoribus tradidit semetipsum, ridebit in damnatione eorum; in cuius persona dicitur⁵: *Ego quoque in interitu vestro ridebo. Sancti etiam, qui se pro salute omnium morti exposuerunt, non compatientur tunc miserie reproborum; sed potius gaudebunt in damnatione eorum, juxta illud⁶: Lætabitur iustus, cum viderit viudictam, etc.* Sicut enim nunc est tempus elementiæ, sic erit tunc tempus ultionis et vindictæ, dicente Dominu⁷: *Cum accepero tempus, ego iusticias iudicabo.* Et hæc de iudicio ultimo dicta sufficiant.

TITULUS DECIMUS

DE POENIS INFERNI, ATQUE GLORIA PARADISI

CAPUT PRIMUM.

De Pœnis Inferni.

Post tractatum generalis iudicis, sequitur videre de pœnis inferni, et gloria paradisi. Isla est enim ultima Diæta, scilicet a iudicio ad infernum, vel ad cœlum. Nam reprobri faciunt pessimam diætam de iudicio ad æternum supplicium; justi vero faciunt optimam diætam a iudicio ad regnum æternum.

Primo igitur dicendum est de pœnis et suppliciis reproborum: de quibus notanda sunt quinque, scilicet primo pœnarum acerbitas, secundo pœnarum diversitas, tertio pœnarum sunt.

¹ *Malac.*, III, 2. — ² *Prov.*, VI, 34. — ³ *Matth.*, XIII, 40-42. — ⁴ *Apoc.*, IX, 6. — ⁵ *Prov.*, I, 26. — ⁶ *Psal.* LVII, 11. — ⁷ *Psal.* LXXIV, 3. — ⁸ *Aug.*, Ennarr. in

diuturnitas, quarto pœnarum universitas, quinto pœnarum inutilitas.

Primo igitur pœnas reproborum erunt acerbissimæ et intolerabiles. Gravissima enim pœna, quæ in hoc mundo potest tolerari, minor est pœna purgatoriæ, ut dicit Augustinus in quadam sermone⁸: quanto magis pœna inferni? In signum hujus vehementis doloris dicit Salvator in Evangelio⁹: *Ibi erit fletus, et stridor dentium.*

Secundo, pœnas inferni erunt diverse; unde nota, quod in sacra scriptura inveniuntur novem pœnae. Prima est pœna ignis; secunda pœna est vermis: ignis ardebit carnem; vermis ardebit mentem. De istis duobus simul dicitur¹⁰: *Vermis eorum non morietur, et ignis Psal.* XXXVII, n. 3. — ⁹ *Matth.*, XIII, 42. — ¹⁰ *Isa.*, LXVI, 24. — (a) *Cœt. edit.* facta.

Acerbi-
tas æter-
ni cru-
ciatus.

Diver-
sitas pœ-
narum
inferni.

non extinguetur. Tertia poena est fector, ut dicitur¹: *Ignis, sulphur et spiritus procellarum, pars calicis eorum*, id est poenæ eorum. Quarta poena est frigus, quia dicitur²: *Transibunt ab aquis nivium ad calorem nimium*, qui erit maxima poena, mutatio subita, quia natura mutationes non patitur repentinae, ut dicit Hippocrates. Quinta poena erit famæ maxima, juxta illud³: *Servi mei comedent, et vos esurietis.* Ibi namque est tanta inopia, quod neque guttam aquæ poterunt habere, ut legitur de divite epulone sepulto in inferno⁴. Unde Gregorius⁵: « Guttam aquæ petiit, qui mieam panis Lazaro negavit. » Maxima poena erit famæ, quæ ibi erit, et magis immortalis est carentia visionis divinæ. Unde Gregorius⁶: « Immortalis ibi famæ interficit, quia faciem suam Salvator eis abscondit. » Sexta poena est tortor, vel potius tortores, quia dicitur⁷: *Tradidit eum tortoribus, donec redderet universum debitum.* Septima poena est horror; unde⁸: *Ubi nullus ordo, sed sempiternus horror inhabitat.* Et ista erit maxima poena, quia videmus si nunc appareret nobis unus solus diabolus, magnus horror et quasi intolerabilis esset: quid ergo erit tunc, cum tot horribiles apparebunt? Octava poena erit tenebra in qua incarceraabuntur et ligabuntur reprobæ, quia dicitur⁹: *Ligatis pedibus et manibus ejus, projicie eum in tenebras exteriores.* Et Gregorius dicit in *Moralibus*¹⁰: « Ignis infernalis concremationem habet, et non lucem. » Nona poena, et quasi principalis erit dolor, quia in illis penis non solum erit acerbitas, sed contrarietas. Unde dicit Gregorius in *Moralibus*, libro nono¹¹: « Horrendum enim erit reprobis, ibi dolor cum formidine, flamma cum obscuritate, mors sine morte, finis sine fine, defectus sine defectu, quia et mors vivit, et finis semper incipit, et defectus deficere nescit. Mors perimit, et non extinguit; et dolor cruciat, et pavorem non fugat. Et ratio est, quia cum peccator et diabolus in culpa consentiant, justum est ut creature in reproborum pena convenient. »

Dolor
inest
damna-
tis ex
quaor
causis.

¹ *Psal. x, 7.* — ² *Job, xxiv, 19.* — ³ *Isa, LXV, 13.*
— ⁴ *Luc, XVI, 22 et seq.* — ⁵ Greg., in *Evang.*, serm. XXXIX, ante med. — ⁶ Greg., *Moral.*, lib. VI, c. XVI. — ⁷ *Matth., XVIII, 34.* — ⁸ *Job, x, 22.* — ⁹ *Matth., XXII, 13.* — ¹⁰ Greg., *Moral.*, lib. IX, c. XXVIII. — ¹¹ *Ibid.*, c. XXXIX, circa med. — ¹² *Psal.*

interierit homo, non sumet omnia, nec descendet cum eo gloria ejus. Secunda causa est, quia tempus perdiderunt; unde¹³: *Transit astas, et facta est messis, et non salvati sumus.* Damnavi namque darent libenter tolum mundum pro uno momento temporis, si possent habere ad penitendum. Tertia causa est, quia visionem et gloriam Dei perdiderunt; unde dicit Chrysostomus, quod omnes gehennæ cruciatus sunt carentia visionis Dei. Quarta causa est, quia inferni vilitatem et miseriam acquisierunt; est enim locus infernalis tenebrosus, et penitiosus: quod erit maxima poena divitibus et hominibus voluptuosis et magnatibus, quia in vita habuerunt domos sine fumo, et ibi erit fumus continuus, quia dicitur¹⁴: *Fumus ejus in furore meo.* De ipsis peenis dicit Bernardus in sermone de negotio spirituali¹⁵: « O gehennalis regio fujienda, ubi ignis ardens, frigus rigens, vermis immortalis, fector intolerabilis, mallei percutientes, tenebre palpabiles, confusio peccatorum, innodatio vincularum, horribiles facies dæmonum! Totus trepido ad hujusmodi regionis memoriam. »

Tertio est ibidem poenarum diuturnitas. Poenæ enim infernales erant diuturnæ, imo sempiterne, quia dicitur¹⁶: *Quis ex vobis poterit habitare cum ardoribus sempiternis?*¹⁷ *Discelit a me, maledicti, in ignem eternum.* Dicit Gregorius¹⁸, quod « ad magnam justitiam judicis pertinet, ut nunquam careant supplicio, qui nunquam, dum viverent, voluerunt carere peccato. » Et illud est summe horrendum in ista poena, quod sit maxima et æterna. Si enim damnavi singulis diebus ferent, et in fletu emitterent modicam lacrymam, plus de aqua per processum temporis de oculis unius damnavi exirebant, quam sit aqua totius mundi. Cujus probatio est, quia illa aqua est infinita; aqua autem totius mundi est finita.

Quarto est in inferno poenarum universitas. Sunt enim quidam dicere volentes, quod in inferno universæ partes hominis, tam corporis, quam animæ, post diem judicij erunt in igne, quia dicitur¹⁹: *Timete eum, qui postquam occiderit, potest corpus et animam perdere in gehennam ignis.* Nunc autem videmus, quod homo non

Poenæ
rom in-
fernali-
diuturnis.

Universi-
tas pa-
narum in
ferno.

¹³ *XLVIII, 18.* — ¹⁴ *Jerem., XVIII, 20.* — ¹⁵ *Isa., LXV, 5.*
— ¹⁶ Bern., serm. de Quing. Region., post med., et serm. in fest. S. Nicol., circa fin. — ¹⁷ *Isa., XXXIII, 14.* — ¹⁸ *Matth., XXV, 41.* — ¹⁹ Greg., *Dialog.*, lib. IV, c. XLIV, ante med. — ²⁰ *Matth., x, 28.*

possit sine maximo tormento ignem in parte unius digiti sustinere per unam horam; quantum ergo erit dolor, quando totus homo ardebit in igne? Unde in signum istius maximi doloris dicit Salvator frequenter in Evangelio¹: *Ibi erit fletus, et stridor dentium.*

Poenae inferni quomodo inutilis et infruentia. Quinto et ultimo, istae poenae infernales erunt inutiles et infruentes. Poena enim presentis vita brevis est, levis et fructuosa; sed futura est longissima, et gravissima, et infruentia, quia si damnatus flendo tantum de lacrymis emitteret, quantum est de aqua in mari, non sufficeret ad lavandum maculam unius peccati mortalis. Erunt tamen intra se paenitentiam agentes, et pra angustia spiritus gementes, ut dicitur²; et tamen infruentes, quia in inferno erit stimulus paenitentis, nulla tamen erit correctio voluntatis. Exemplum de sancto patre, qui oravit pro diabolo, et responsione Domini, et obstinatione diaboli. Et haec de poenis inferni dicta sufficient.

CAPUT II.

De Gloria Paradisi.

Post tractatum de poenis inferni sequitur ultimo videre de gloria Paradisi. Hoc enim est finis ultime Dietae, quia finis est omnium desideriorum. De qua ad praesens tria sunt dicenda, scilicet valor impreiabilis, decor inæstimabilis, honor infrangibilis.

Primo igitur istius glorie coelestis est valor impreiabilis, quia dicitur³: *Oculus non vidit, Deus, absque te, quæ præparasti diligentibus te.* Et illud⁴: *Oculus non vidit, nec auris audivit, nec in cor hominis ascendit, quæ præparavit Deus diligentibus se.* Valor autem istius gloriae coelestis attenditur in hoc, quod ita care Deus vendit eam suis amicis: constituit enim Petro martyrium crucis; Paulo constituit decollationem capitatis. Est autem verissimum et certum, quod Deus non decipiet unum amicorum suorum. Et quod plus est, ipse Christus emit gloriam illam pro amicis sub tormento et ignominia crucis: est enim certissimum, quod Deus Pater non decipiet unigenitum filium suum, in emendo illud regnum. Cum ergo illud regnum tantum constituerit Filio Dei et aliis ejus amicis,

certum est, quod res maxima est et impreiabilis valoris. Unde dicitur⁵: *Empti enim estis pretio magno; glorificate et portate Deum in corpore vestro.*

Secundo, gloria illa coelestis est decoris inæstimabilis. Unde dicitur⁶: *Pulchritudinem coloris (a) ejus admirabitur sensus.* Ex duobus potest colligi decor illius regni. Primo ex decoro rerum naturalium inferiorum, quas Deus vult ita decorare sicut videmus, quod lumen in hieme appareat vile, et postea decoratur in vere et aestate. Unde dicitur⁷: *Considerate lilia agri, etc.* Secundo apparet decor illius gloriae ex rebus artificialibus, sicut videmus, quod ligna, lapides et metalla per se videntur vilia, et quasi terrea; sed efficiuntur per artificem pulchra et splendida, quando sunt polita et dearata. Quantum igitur faciet summaus artifex, cuius sapientia est infinita in decorandis amicis suis beatis in illa caelesti gloria? Ideo dicitur⁸: *Si fænum agri quod hodie est, et cras in elianum mittitur, sic Deus vestit; quanto magis vos modice fidei?*

Tertio, gloria coelestis est honoris insuperabilis; quod probatur ex quatuor. Primo, quia omnes Sancti erunt reges, suæ voluntatis omnipotentes, ut dicit Anselmus⁹. Ideo dicitur¹⁰: *Venite, benedicti Patris mei, percipite regnum quod vobis paratum est, etc.* Secundo, quia omnes erunt filii carissimi et¹¹ *heredes Dei, et coheredes Christi,* ut dicit Paulus. Tertio, quia erunt omnes quasi domini. Christus etiam in propria persona honorabit eos, quia dicit¹²: *Præcinctus se, scilicet Christus, et transiens ministrabat illis, et faciet illos discubere: sicut filius regis consuevit in propria persona servire, quando vult multum suos nobiles honorare.* Quarto, quia omnes erunt dñi, sicut dicitur in Psalmo¹³: *Ego dixi, dñi estis et filii Excelsi omnes.* Et hoc, quia divinitas erit in Sanctis ex^(b) multitudine vel magnitudine dilectionis, qua transformat amantem in amatum, ut dicit Philosophus. Et Augustinus dicit¹⁴: « Unusquisque talis est, quale est dilectum. Si autem terram diligis, terra es; si autem Deum diligis, quid dicam? Deus eris? Non audeo dicere ex me, sed per Scripturam quæ dicit¹⁵: *Ego dixi, dñi estis, et filii Excelsi omnes.* »

¹ Matth., VIII, 42; XIII, 42; XXIV, XXII, 13, 51; XXV, 30; Luc., XXIII, 28. — ² Sap., V, 3. — ³ Isa., LXIV, 5. — ⁴ I Cor., XI, 9. — ⁵ Ibid., VI, 20. — ⁶ Eccli., XLIII, 20. — ⁷ Matth., VI, 28. — ⁸ Ibid., 30. —

⁹ Anselm., de Similitud., c. LXVIII. — ¹⁰ Matth., XXV, 34. — ¹¹ Rom., VIII, 17. — ¹² Luc., XII, 37. — ¹³ Psal. LXXXI, 6. — ¹⁴ Aug., in I Joan., hom. II, n. 14. — ^(a) Vulg. candoris. Septuag. λευκότητος. — ^(b) Cœt. edit. et.

Item in illa cœlesti curia considero alia tria, scilicet locum summe gloriosum, sertum summe speciosum, et fructum summe speciosum. Primo igitur in illo cœlesti regno erit locus summe gloriosus, quia quilibet sanctus erit in loco, in quo est ipse Dei Filius, quia dicitur¹: *Ubi sum ego, illic et minister meus erit*. Secundo in illo cœlesti regno est sertum speciosum, vel corona, quia dicitur in Psalmo de quolibet sancto²: *Posuisti in capite ejus coronam de lapide pretiosa*. Iste lapis est margarita illa, quam qui invenit, vendit omnia, et emit eam, ut dicit Matthæus³.

*Corona
Sanctorum
duo-
plex.*

Et nota, quod duplex est corona Sanctorum, scilicet aurea et aureola. Aurea dicitur præmium substantiale, quod consistit in tribus, scilicet in visione Dei clarissima, in fruitione suavissima, et in intentione securissima, de qua dicitur⁴: *Corona aurea super mitram ejus, quæ est ornatus pontificum*. Quia omnes sancti non solum erunt reges omnipotentes suæ voluntatis, sed etiam erunt sacerdotes et pontifices, offrentes Deo semper sacrificium laudis. Et ideo dicitur⁵: *Fecisti nos Deo nostro regnum et sacerdotes*. Alia corona dicitur aureola, id est corona parva; et ista aureola secundum Doctores dicitur quedam gloria accidentalis, quæ debetur sanctis ratione operis excellentis. Datur enim tribus generibus operum: datur enim Virginibus, et hæc est florea; datur Martyribus, et hæc est gemmea; Doctoribus, et hæc est stellata. Aureola florea datur virginibus, quia honore virginitatis floruerunt. Unde dicitur in Psalmo de virgine virginium Christo et Agno, quem⁶ virgines sequuntur⁷: *Gloria et honore coronasti eum*. Aureola gemmea datur martyribus, quia instar lapidis fortissimi et pretiosi fuerunt. Unde dicitur⁸: *Posuisti in capite ejus coronam de lapide pretiosa*. Aureolastellata doctoribus, quia cœlestia docuerunt. Unde dicitur⁹: *Qui docti fuerint, fulgebunt quasi splendor firmamenti; et qui ad justitiam erudiant (a) multos, quasi stellæ in perpetuas æternitates*. Et de muliere gloriosa dicitur, quod erat¹⁰ amicta sole, et luna sub pedibus ejus, et in capite ejus corona stellarum duodecim. Mulier amicta sole est anima doctoris justitiae et sapientiae divinæ, quæ per pedes figurantur; habet plenam pietatem, quæ per lunam intelligitur, quæ est valde humida. Co-

rona stellarum significat aureolam doctorum. Unde et erant stellæ duodecim in corona, quia duodenarius numerus abundans est: in quo intelligitur, quod doctrina sacra Scripturæ est abundantissima omnis justitiae: sicut fuit doctrina Christi, qui fuit doctor doctorum, de cuius doctrina dicitur¹¹: *Nisi abundaverit justitia vestra plusquam scribarum et pharisæorum, non intrabitis in regnum celorum*. Peccatores autem et reprobri, qui nec^(b) munditia castitatis abundant, ut virgines, nec fortis, nec perseverantes fuerunt in amore Christi, sicut martyres, nec veritatem portaverunt in ore, ut doctores, aureolam non habent. Et quia gratiam Dei hic non habuerunt, idcirco auream gloriam^(c) substantialis præmii non habebunt. Et si omni corona aurea et aureola carebunt, quid aliud erit, nisi quod pro loco coronæ æternæ calamitatis, juxta illud quod dicitur¹²: *Coronans coronabit te tribulatione?* Tertio in illa cœlesti gloria benedicta, erunt fructus optimi et uberrimi. Unde nota¹³, quod in sacra Scriptura inveniuntur tres fructus differentiæ, scilicet, fructus crucis triumphalis, fructus gratiae spiritualis, et fructus gloriae immortalis, et quilibet est in quadruplici numero.

CAPUT III.

De duodecim fructibus crucis, et passionis Christi Domini.

Primo igitur sunt duodecim fructus crucis et passionis Christi. Primus fructus est diemonum expugnatio, quia abstulit eis totum mundi principatum, juxta illud quod dicitur¹³: *Nunc principes mundi hujus ejicientur (d) foras*. Secundus fructus est carceris inferni confractio; unde Psalmista¹⁴: *Attollite portas, principes, vestras, et elevamini*, etc. Tertius fructus est mortuorum et peccatorum suscitatio, nam dicitur¹⁵: *Sicut in Adam omnes moriuntur, ita et in Christo omnes vivificabuntur*. Quartus fructus est captivorum redemptio, dicente Paulo¹⁶: *Empti enim estis pretio magno, glorificate*, etc. Quintus fructus est inquinatorium mundatio¹⁷: *Dilexit enim nos, et lavit nos in sanguine suo*. Sextus fructus

¹ *Joan.*, XII, 26. — ² *Psal.* XX, 4. — ³ *Matth.*, XIII, 44. — ⁴ *Ecli.*, XLV, 14. — ⁵ *Apoc.*, V, 10. — ⁶ *Ibid.*, XIV, 3. — ⁷ *Psal.* VIII, 6. — ⁸ *Psal.* XX, 4. — ⁹ *Dan.*, XII, 3. — ¹⁰ *Apoc.*, XII, 1. — ¹¹ *Matth.*, V, 20. —

¹² *Isa.*, XXII, 18. — ¹³ *Joan.*, XII, 31. — ¹⁴ *Psal.* XXIII, 7. — ¹⁵ *I Cor.*, XV, 22. — ¹⁶ *I Cor.*, VI, 20. — ¹⁷ *Apoc.*, I, 5. — ^(a) Cœt. edit. erudierunt. — ^(b) Cœt. edit. deest nec. — ^(c) Forte leg. gloriosos. — ^(d) Vulg. princeps.... ejicietur.

est cæcorum illuminatio ; unde dicitur¹ : *Tunc aperientur oculi cæcorum.* Septimus fructus est tepidorum et frigidorum calefactio ; unde dicitur² : *Non est qui se abscondat a calore ejus.* Octavus fructus est deformium et turpium decoratio ; unde in Psalmo dicitur³ : *Asperges me, Domine, hyssopo, et mundabor; lavabis me, et super nivem deulabor.* Nonus fructus est sitibundorum vel sifientium potatio et recreatio⁴ : *Sanguis meus vere est potus.* Decimus fructus est Patris placatio , unde dicitur⁵ : *Accessistis ad sanguinis aspersiōnēm mēlius clamantem, quam Abel clamavit vindictam,* juxta quod dicitur⁶ : *Ecce vox sanguinis fratris tui Abel clamat ad me de terra, scilicet justitiam et vindictam peccati;* sed sanguis Christi clamavit melius , scilicet misericordiam , quia peccatores Deo Patri reconciliavit. Undecimus fructus est januæ paradisi apertio ; unde dicitur⁷ : *Non est hic aliud nisi domus Dei, et porta cœli,* quæ scilicet facta est aperta in aperiōne lateris Christi. Eodem namque tempore aperta est porta paradisi , Dominu scilicet moriente , quæ clausa fuerat, Adam prævaricante in hora nona. Duodecimus fructus est hereditatis cœli acquisitio et confirmatio , quia, ut dicitur⁸ , *Hic est sanguis novi testamenti.* In veteri testamēti (a) sanguine conferebantur terrena ; in sanguine autem novi testamēti, id est passionis , confertur hereditas æterna. De isto fructu multiplici dicitur in Psalmo⁹ : *Et erit, scilicet crux Christi, tanquam lignum quod plantatum est secus decursus aquarum,* id est gratiarum abundantiam, quæ sine mensura fuerunt in Christo, *quod fructum suum dabit in tempore mortis suæ sacratissimæ et benedictæ.* Secundo sunt duodecim fructus gratiae spiritualis, de quibus dicitur¹⁰ : *Fructus autem spiritus sunt charitas, gaudium, pax, patientia, longanimitas, bonitas, benignitas, mansuetudo, fides, modestia, continentia, castitas.* Et de istis duodecim fructibus dictum est superius in tractatu de fructibus Spiritus sancti , titulo octavo ; ideo nihil ad præsens addemus.

CAPUT IV.

De duodecim Fructibus Gloriæ immortalis.

Tertio sunt duodecim fructus gloriæ immortalis. Primus fructus est sanitas absque infirmi-

¹ Isa., XXXV, 5. — ² Psal. XVIII, 7. — ³ Psal. L, 9. — ⁴ Joan., VI, 56. — ⁵ Hebr., XII, 24. — ⁶ Gen., IV, 10. — ⁷ Gen., XXVIII, 17. — ⁸ Matth., XXVI, 28. —

tate¹¹ : *Qui sanat omnes infirmitates tuas.* Secundus fructus est juventus sine senectute ; unde in Psalmo dicitur¹² : *Renovabitur ut aquila juventus tua,* id est Christi, quia in ætate Christi tringinta trium annorum semper manebunt Sancti, ut dicit Apostolus¹³ : *Donec occurramus omnes in virum perfectum, in mensuram ætatis plenitudinis Christi.* Tertius fructus est satias sine fastidio ; unde ait Psalmista¹⁴ : *Satiabor, cum apparuerit gloria tua.* Quartus est libertas sine servitute ; unde dicitur¹⁵ : *Creatura liberabitur a servitute corruptionis in libertatem gloriæ filiorum Dei.* Quintus fructus est pulchritudo absque deformitate ; unde Apostolus¹⁶ : *Reformabit corpus humilitatis nostræ, configuratum corpori claritatis suæ.* Sextus erit impossibilitas vel immortalitas ; unde dicitur¹⁷ : *Præcipitabit Dominus mortem in sempiternum.* Septimus erit abundans sine indigentia, juxta illud¹⁸ : *Rerum omnium abundantia perfrueris.* Octavus est pax sine perturbatione ; nonus erit securitas absque timore : de his duobus dicitur¹⁹ : *Sedebit populus meus in pulchritudine pacis, et in tabernaculis fiduciae, in requie opulenta.* Decimus erit cognitio absque ignorantia ; unde Apostolus²⁰ : *Videmus nunc per speculum in ænigmate, tunc autem facie ad faciem.* Undecimus est gloria sine ignominia, teste Paulo qui ait²¹ : *Cum Christus apparuerit vita vestra, tunc et vos apparebitis cum ipso in gloria.* Duodecimus est gaudium sine tristitia, sed de isto gaudio nota, quod sunt sex causæ præcipuae, quare Sancti gaudebunt, scilicet loci amoenitas, quam possidebunt; jucunda societas, in qua regnabunt; corporis glorificatio , quam habebunt; mundus, quem contempserunt; infernus, quem evaserunt. Isti enim fructus figurantur per duodecim fructus ligni vitæ , quod erat in medio paradisi, ut legitur in Apocalypsi²². Fructus summe bonos det nobis Christus, qui crevit, in cœlo.

CAPUT V.

De amoenitate et pulcherrima structura supernæ civitatis Hierusalem.

Item in illa coelesti gloria consideranda sunt alia tria multis suspiriis affectanda, scilicet

⁹ Psal. I, 3. — ¹⁰ Gal., V, 22-23. — ¹¹ Psal. CII, 3. — ¹² Ibid., 5. — ¹³ Ephes., IV, 13. — ¹⁴ Psal. XVI, 5. — ¹⁵ Rom., VIII, 21. — ¹⁶ Philip., III, 21. — ¹⁷ Isa., XXV, 8. — ¹⁸ Deut., VIII, 9. — ¹⁹ Isa., XXXII, 18. — ²⁰ I Cor., XIII, 12. — ²¹ Coloss., III, 4. — ²² Apoc., XIII, 2.

(a) *Cœl. edit.* veteri testamento.

amœnissima civitas, amantissima societas, et amplissima felicitas. Primo ergo cœlestis gloria habet amœnissimam civitatem; unde in Psalmo¹: *Gloriosa dicta sunt de te civitas Dei.* Unde nota, quod civitas ista est gloriosissima specialiter in tribus: habet enim figuram valde speciosam, mensuram spatiösam, et structuram valde pretiosam.

Primo igitur ista civitas beata est in figura valde speciosa; est enim *in quadrum disposita* et formata, ut dicitur in *Apocalypsi*². Civitas in quadrum posita, et quadrata, figurat soliditatem et securitatem illius regni cœlestis. Sicut videmus quod figura quadrata est solidior quam alia figura, unde lapides consueverunt quadrari, et postea in ædificio collocari; ita etiam summus artifex Deus lapides suos, id est, viros suos et electos, consuevit quadrare quadratura virtutum, scilicet prudentia, temperantia, fortitudine et justitia, et sic locare in ædificio regni cœlestis.

Secundo civitas ista est in mensura valde spatiosa. Unde dicit Bernardus, quod ad littoram quilibet sanctus in cœlo empyreо habebit locum suum, sibi assignatum proprium et specialeм, magis spatiōsum, quam sit ab oriente usque ad occidentem. De mensura istius civitatis dicitur in *Apocalypsi*³, quod habet stadia duodecim millia. Stadium est mensura quinquaginta passuum: quinquagenarius vero numerus, in sacra Scriptura, remissionem peccatorum significat. Quinquagesimo anno, qui dicitur jubilæus, secundum legem fiebat remissio debitorum, et revertebatur quilibet ad possessiones suas et ad terram patrum suorum, ut dicitur in *Levitico*⁴. Beata civitas ista bene mensuratur per stadia, que continent, ut dictum est, passus quinquaginta, quia instar jubilæi quinquagesimi anni, omnibus istius civitatis civibus primitus peccata dimittuntur, et sic remissis peccatis, ad possessionem suam ei hereditatem æternam, ad quam erant vel sunt prædestinati, faciliter revertuntur. Et ideo quilibet homo debet esse sollicitus de peccatis suis per præventionem delendis, quia alias non possit esse civis regni cœlestis; quia ibidem dicitur⁵, scilicet, quod non intrabit in eam aliquid continguum, et faciens abominationem et iniquitatem. Sed valde notandum est, quod stadia sunt duodecim millia. Per numerum duodenarium,

qui est numerus abundans, designatur abundantia meritorum et bonorum operum, sine qua non est alius concivis civium supernorum, quia guretur. dicit Salvator⁶: *Nisi abundaverit justitia vestra plusquam Scribarum et Pharisæorum, non intrabis in regnum cœlorum.* Justitia Pharisæorum erat in opere exteriori, non interiori virtute; quae ex timore erat, non amore, et ideo erat nimis stricta, sicut videmus quod timor habet cor hominis valde constringere, et amor dilatare. Unde in Psalmo dicitur de virtute charitatis⁷: *Latum mandatum tuum nimis.* Per millennium autem numerum, qui est ultimus limes et terminus numerorum, figuratur eleganter illud cœleste præmium quod est finis et quies omnium desideriorum, ut dicit Augustinus⁸; et in Psalmo⁹: *Satiabor, cum apparuerit gloria tua.*

Tertio, illa civitas beatissima est structura pretiosissima, quia dicitur in *Apocalypsi*¹⁰, quod fundamenta muri civitatis sunt *omni lapide pretioso ornata*. Ubi notandum est, quod duodecim lapides pretiosi nominantur, et ponuntur in ædificio hujus civitatis, scilicet jaspis, sapphyrus, chaledonius, smaragdus, sardoniax, sardius, chrysolithus, beryllus, topazius, chrysoprasus, hyacinthus, et amethystus. Isti duodecim lapides pretiosi et fundamentales sunt civitatis cœlestis, significare possunt duodecim articulos fidei, quod est fundamentum omnis boni, et præmii futuri, ut dicit Apostolus¹¹: *Fides est sperandarum verum substantia, id est fundamentum æternorum bonorum.* Vel isti duodecim lapides fundamentales signant virtutum perfectiones, quibus anima per gratiam hic perficitur, quibus etiam cœlestis præmium fabricatur. Et sicut sunt quatuor ternarii pretiosorum lapidum, sic respondent eis quatuor triuitates perfectionum.

Prima trinitas lapidum est jaspis, sapphyrus et chaledonius, qui significant fidem, quæ debet habere pretiosam et nobilem trinitatem. Fides namque debet esse vivens, non mortua; et hoc significat jaspis, qui est viridis coloris: color enim viridis in herba, vel planta, vel arbore, signum est vitæ, et e converso signum est, quod vita plantæ deficit, quando viror eius marcescit: sic quando in homine est viror honestatis, et bone operationis, tunc est maxi-

¹ *Psalm. LXXXVI, 3.* — ² *Apoc., XXI, 16.* — ³ *Ibid.* — ⁴ *Levit., XXV, 10.* — ⁵ *Apoc., XXI, 27.* — ⁶ *Matth., V,*

rus do-
deca-
deca-
deca-
deca-

Mille-
narius
umerus
quid si-
gnat.

Fides.

mum signum cordis viventis; alias enim fides mortua est et informis, nec est fundamentum ædificii ecclesie. Et sicut jaspis fugat phantasmatum, sic fides vivens, et vivens per bona opera, vitat omnia diaboli machinamenta. Fides etiam debet esse celestis, non terrena; id est de ecclesiis bonis, non de operibus terrænis anxiæ; celestis, id est divine, non humanae rationi innixa, quia dicit Gregorius¹: «Fides non habet meritum, ubi humana ratio probet experimentum.» Et hoc signat sapphyrus, qui habet cœlestem colorem, sicut cœlum serenum. Et sicut nobilis sapphyrus fugat venenosa, et mortificat araneam; sic vera fides venenosis suggestionibus resistit, et culpam in corde occidit, ac de corde expellit. Unde dicitur²: *Fide purificans corda corum.* Tertio fides debet esse fortis, non infirma, contra persecutions et pericula universa, et diabolica nocuimenta, quia dicitur de diabolo³: *Cui resistite fortis in fide.* Et hoc signat chalcedonius, qui in colore est pallidus, et omnis sculptura repulsivus; omni namque sculptura resistit, et nullam recipit: sic qui habet veram fidem, utique per poenitentiam est pallidus et mortificatus; sed nullam sculpturam extraneam peccati recipit, sed secum conservat solam imaginem Dei, ad quam est creatus. Unde nota, quod diabolus, in quibus non invenit fidem catholicam, vel fortem, in illis sculpit et format figuram leonis, id est peccatum superbitæ; in quibusdam figuram draconis, id est peccatum invidiæ; in quibusdam figuram canis, id est peccatum iræ; in quibusdam figuram talpæ, id est peccatum avaritiae; in quibusdam figuram asini, id est peccatum acedie; in quibusdam figuram lupi, id est peccatum gulæ; in quibusdam figuram ursi, id est peccatum luxuriae. Contra quod monet Apostolus, dicens⁴: *Nolite conformari huic sæculo, id est peccatis, quæ sunt in hoc sæculo.*

Secunda trinitas lapidum est smaragdus, sardonyx et sardius. Et isti tres lapides pretiosi signant spem, quæ habet similiter nobilem trinitatem (a). Est enim spes venie, spes gratiae, et spes glorie. Spes venie figuratur per smaragdum, qui colorem habet viridem et gratiosum, et curat diversas infirmitates, et specialiter morbum cadueum. Color viridis et gratio-

Spes triplex.

¹ Greg., in *Evang.*, hom. xxvi, non longe a prime. — ² Act., xv, 9. — ³ 1 Petr., v, 9. — ⁴ Rom., xii, 2. — ⁵ Luc., xv, 10. — ⁶ Psal. xxxiii, 23. — ⁷ Prov., xxiv,

sus in smaragdo signat virtutem gratiae, quæ incipit per spem venie reviviscere in viro poenitenti et contrito. Et sicut color smaragdi est valde gratiosus, sic conversio peccatoris per poenitentiam reviviscentis, est grata Deo et angelis. Unde dicitur⁸: *Gaudium est angelis Dei super uno peccatore pœnitentem agente.* Et sicut smaragdus fugat febres et curat morbum cadueum; sic spes venie fugat tentationes, et sanat omne peccatum, quia, ut dicitur in *Psalmo*⁹: *Non delinquent omnes qui sperant in eo.* Et in *Proverbiis* dicitur¹⁰: *Septies in die cadit justus, et resurget.* Septies in die cadit per ruinam septiformis culpeæ, scilicet superbitæ, iræ, avaritiae, aciditæ, gule, invidiæ et luxuriæ; et tamen resurget in virtute et in efficacia septiformis gratiae. Spes autem gratiae est qua quis non confidit de viribus propriis, nec de divitiis, sed solum de gratia Dei, ut dicitur¹¹: *Maledictus homo qui confidit in homine, et ponit carnem brachium, id est, carnalem hominem, fortitudinem.* Et sequitur¹²: *Beatus qui confidit in Domino, et est Dominus fiduciae ejus.* Talis qui non solum sperat in omnibus bonis, et in malis nisi de sola gratia Dei, recte figuratur per sardonyxem, nam sardonyx est tricolor, in imo niger, in medio candidus, in supremo rubicundus, quia spes gratiae facit tria bona in sperante. Facit enim ima, id est, terrena nigrescere et contempnere, et ima inferni timere. Facit in medio, id est, in corde candidum, id est, castum esse, iuxta illud *Psalmi*¹³: *Cor mundum crea in me, Deus.* Facit etiam in supremo, id est, in Deo, rubescere per charitatem, et in vino dilectionis Dei et proximi odoriferum esse. Dicitur¹⁴: *Super vinum, id est plusquam vinum, diligunt te.* Et sicut sardonyx facit hominem humilem et pudicum, et charitativum; sic spes divinae gratiae facit hominem descendere, et de propriis meritis non superbire, et in solo Deo sperare, quia specialiter de præsumentibus de se dicitur in *Psalmo*¹⁵: *Ecce homo, qui non posuit Deum adjutorem suum, sed speravit in multitudine divitiarum suarum, et prevaluit in vanitate sua.* Spes gloriae est certa et secura expectatio futuri et æterni boni, ex gratia et meritis proveniens, ut dicit Magister Sententiarum¹⁶. Ista gloria figuratur per sardium, qui est rubei coloris, eo

⁸ Jerom., xvii, 5. — ⁹ Ibid., 7. — ¹⁰ Psal. L, 12. — ¹¹ Cant., I, 4. — ¹² Psal. LI, 9. — ¹³ Sent., lib. III, dist. xxvi. Vid. huj. edit. tom. IV, pag. 561.

(a) Cæt. edit. claritatem.

quod spes regni coelestis fuit martyribus causa effusionis proprii sanguinis. De quibus dicitur¹: *Isti sunt qui venerunt ex magna tribulatione, et laverunt stolas suas in sanguine Agni*, id est Christi, passionis sanguine rubicundi, juxta illud quod dicitur²: *Quare rubrum est vestimentum tuum?* dicitur in persona Dei Patris, id est: Quare corpus tuum, per innocentiam candidum, est passionis sanguine cruentatum? Et sicut sardius gaudium accedit, et timorem expellit, hominem audacem reddit, ita ad litteram spes gloriae accedit in homine gaudium spirituale et cœleste, et expellit timorem mundanum, et humanum, et servilem, quia, ut dicitur³: *Perfecta caritas foras mittit timorem*, et tandem hominem reddit audacem, scilicet contra hostium tribulationem et persecutionem de Domino præsumentem, ut dicitur⁴: *Non derelinquis præsumentes de te, et de sua virtute gloriantes humilios.*

Tertia trinitas lapidum est chrysolithus, beryllus et topazius. Isti tres lapides significant charitatem, quæ habet similiter suam nobilissimam trinitatem. Debet enim charitas habere tria, scilicet speciosam puritatem, fructuosam bonitatem, et radiosam veritatem. Debet enim charitas esse puritate speciosa, ut non sit immunda; bonitate fructuosa, ut non sit dilectione vana; et veritate radiosa, ut non sit dilectione ficta. Istan trinitatem nobilem charitatis describit Apostolus, dicens⁵: *Finis praæcepti est charitas de corde puro, et conscientia bona, et fide non ficta.* Virtus enim charitatis, ut dictum est, est speciosissimæ trinitatis, ideo dicitur: *De corde puro;* est fructuosisimæ bonitatis, ideo dicitur: *De conscientia bona;* est radiosissimæ veritatis, ideo dicitur: *De fide non ficta.* Primo igitur charitas debet esse puritate speciosa, et de corde puro, ut non solum sit dilectione impura, vel immunda, vel coquinata, sive luto cupiditalis, qualis est amor divitiarum temporaliarum, sive fumo vanitatis, qualis est amor pomparum sæcularium. Talis charitas figuratur in chrysolitho, qui est gemma valde nobilis, scintillas emittens, et ignis capacissima: quia si juncta ignem ponatur, citissime inflammatur. Cerum est enim quod ignis est purissimæ virtutis. Est enim virtus ignea charitatis instar

ignis: quia sicut ignis auferit omnem rubiginem et impuritatem de auro et argento, et omni metallo, et reddit ipsum purum et lucidum; sic charitatis incendium tollit de corpore humano omnem foetorem peccati, et facit ipsum mundum. Sicut enim chrysolithus est amatus et cipax ignis, quia juxta ignem positus ad se trahit et rapit ignem: sic cor purum, cum appropinquat ad Deum, qui est *ignis consumens* secundum Apostolum⁶; sentiens ignem divinum, statim ardenter desiderio, instar chrysolithi, rapit et trahit in se divinam dilectionem. *Incorrumpit enim facit esse proximum Deo*, ut dicitur⁷. Appropinquatio ad Deum facit ignem divinum rapere et trahere ad se ipsum. Et ideo Salvator noster, ut nos posset igne sure charitatis incendere, dignatus est nobis appropinquare. Unde dicitur⁸: *Ignem veni mittere in terram, et quid volo, nisi ut ardeat (a)?* Secundo, charitas debet esse in bonitate fructuosa, et conscientia bona, ut non sit dilectio inutilis et vacua, quia dicitur⁹: *Non diligamus verbo, neque lingua, sed opere et veritate.* Et Gregorius in *Moralibus*¹⁰: *Amor Dei nunquam est otiosus.* Operatur enim magna, si est: si autem operari renuit, amor non est, quia probatio dilectionis exhibito est operis. » Iste amor signatur per beryllum, qui est lapis viridis et aliquantulum pallidus, et in figura sex angulorum est politus: quia qui habet charitatem, debet ad proximum virere per honestam conversationem; debet pallescere ad seipsum, per carnis mortificationem; debet etiam sex angulos habere ad pauperem et egenum, per compassionem, et operum misericordia exhibitionem, quæ sunt in numero septenario, ut dicit (b) Salvator noster, qui de ipsis in iudicio habet querere rationem, et diceret¹¹: *Esurivi, et destisisti mihi manducare; siti, et dedistis mihi bibere; nudus eram, et cooperiavistis me; hospes eram, et receperistis me; infirmus fui, et visitastis me; in carcere fui, et venistis ad me.* Tertio, charitas debet esse veritate radiosa, et fide non ficta, ut non sit dilectio simulata, aut palliata, sed luminosa, quia dicitur¹²: *Qui diligit fratrem suum, in lumine manet:* quia qui charitatem habet, per exemplum bonæ conversationis et honest-

¹ *Apoc.*, vii, 14. — ² *Isa.*, LXIII, 2. — ³ *I Joan.*, IV, 16. — ⁴ *Judith.*, VI, 15. — ⁵ *I Tim.*, I, 5. — ⁶ *Hebr.*, XII, 29. — ⁷ *Sap.*, VI, 20. — ⁸ *Luc.*, XII, 49. — ⁹ *I Joan.*, III, 18. — ¹⁰ Est apud Greg., in *Evang.*,

hom. xxx, ante med. — ¹¹ *Matth.*, XXV, 35 et seq. Revera hoc in loco enuntiorum sex tantum opera misericordiae; at septimum supplet Tobias, qui *mortuis sepulturam dabat.* — ¹² *I Joan.*, II, 10.

(a) Vulg. accendatur. — (b) *Cat. edit.* dicitur.

tatis luet. Hanc figurat topazius, qui in duobus coloribus, scilicet aureo et æthereo splendet, et omnium gemmarum superat claritatem, et in conspectu (a) sui provocat aspiciens. Duo colores topazii signant dilectionem Dei et proximi. Æthereus color signat dilectionem Dei, et aureus dilectionem proximi; quia unus est color coelestis, et alias terrenus, quia in his duobus tota lex pendet. Et sicut topazius superat omnem claritatem omnium gemmarum, ita caritas est major omnium virtutum, ut dicit Apostolus¹. Et sicut topazius recipit in se qualitatem omnium gemmarum, sic caritas facit omnium opera virtutum, quia dicitur²: *Charitas patiens est, et ita exercet opus patientiae; benigna est, et ita exercet opus benignitatis et misericordiae.* El sequitur: *Omnia suffert, omnia credit, omnia sustinet.* Unde Prosper dicit in libro de Vita contemplativa³, quod caritas est mens et anima omnium virtutum: quia ipsa est sicut anima, et virtutes animae sunt potentia, sive mentis: quia sicut anima facit oculum videre, aurem audire, pedes ambulare, et sic de aliis; et ita caritas facit oculum mentis ad pauperes aperire, aures divinae præcepta audire, et manus opera justitiae exercere: et ita de omnibus aliis bonis, quæ caritas tanquam sibi propria vult omnia adimplere.

Quarta trinitas lapidum pretiosorum est chrysoprasus, hyacinthus, et amethystus. Ista trinitas lapidum signat justitiam et æquitatem generalem, que splendor est omnis virtutis, ex qua omnes viri boni omnia bona nominantur, ut dicit Tullius de Officiis⁴. Ista similiiter habet quamdam nobilitatem: cum enim justitia sit virtus uniuersique reddens quod suum est, ut ait Ambrosius libro de Officiis⁵, justitia est virtus uniuersique quod suum est reddens. Reddit igitur omnis homo per justitiam sibi ipsi continentiam, proximo amicitiam, et Deo honorificentiam. Primo justitia reddens homini continentiam significatur per chrysoprasum, qui est lapis igneus de nocte, et aureus de die: in quo significatur continentia viri justi, qui semper est splendens, sive in adversitate temptationum, quæ figuratur per noctem, sive in prosperitate deliciarum, quæ significatur per diem. Nam istis duobus precipue continentia vel castitas impugnatur, scilicet temptationibus hostis, et fomen-

tatione carnis. Nam plures vincuntur in prosperitate deliciarum, quam in adversitate temptationum, juxta quod dicitur in Psalmo⁶: *Cadent a latere tuo mille, et decem millia a dextris tuis.* Latus autem sinistrum signat tentationes diaconi; dextrum vero significat delicias mundi. Pauciores igitur sunt, qui cadunt in adversitate temptationum; et plures, qui labuntur in temporalibus abundantis. Bene autem est justitia instar chrysoprasii ignea et aurea, quia ad custodiā castitatis occurrit justitia duobus modis, scilicet recte ascendendo ad cœlum sicut ignis, considerando bona coelestia et æterna, ne forte illa per momentaneam luxuriam delectationem amittat. In persona talium dicitur in Psalmo⁷: *Domine, quis habitabit in tabernaculo tuo, aut quis requiesceret in monte sancto tuo?* Et respondeat: *Qui ingreditur sine macula, et operatur justitiam.* Nullum opus videtur majus esse justitia, quæ delectationi momentaneæ bona coelestia et æterna præfert. Occurrit etiam vir justus custodia castitatis instar auri, quod est ponderosissimum, quando rectissime et velociter descendit ad centrum, id est, ad infernum, considerando ne forte, delectatione momentanea et modica, incurrat æterna supplicia, quia dicit Gregorius: « Momentaneum est quod delectat; sed æternum quod cruciat. » Ita descendebat ad infernum Ezechias, ut dicitur in Isaia⁸: *Ego dixi: In dimidio dierum meorum vadam ad portas inferi.* Optime namque consuluit pro dimidio dierum suorum, quod vadat homo ad infernum in dimidio vite (b) sue, id est, dum est juvenis et sanus, et hoc per diligenter considerationem, ut postea non descendat in fine vita sue per æternam damnationem. Secundo justitia reddens proximo amicitiam signatur per hyacinthum, qui est lapis pretiosus, habens colorem cœruleum, quasi cœlum. Iste lapis conformatus aeri; unde in nubilo est nubilus, in sereno est serenus. Color cœlicus vel cœruleus in hyacintho significat divinum amorem cœlestem per desiderium in viro justo, quia amicitia quæ impenditur proximo, debet radicari in cœlo, id est in amore divino, juxta quod dicit Apostolus⁹: *In charitate radicati et fundati:* quia, ut ait Gregorius¹⁰, « ille charitatem veraciter habet, qui amicum diligit in Deo (c), et inimici-

¹ *I Cor.*, XIII, 43. — ² *Ibid.*, 4, 7. — ³ *Prosop.*, de *Vit. contempl.*, lib. III, c. XIII. — ⁴ *Cic.*, de *Offic.*, lib. III. — ⁵ *Ambros.*, de *Offic.*, lib. II, c. IX. —

⁶ *Psal.* xc, 7. — ⁷ *Psal.* xiv, 1, 2. — ⁸ *Isa.*, xxxviii, 10. — ⁹ *Ephes.*, III, 17. — ¹⁰ *Greg.*, in *Luang.*, hom. ix.

(a) *Cœl. edit. conspectu.* — (b) *vite.* — (c) *Item Deum.*

cum diligit propter Deum. » Bene autem hyacinthus est in nubilo nubilus, et in sereno serenus, quia vir justus semper vult gaudere cum gaudentibus, et flere cum flentibus, ut ait Paulus¹. Tertio, iustitia reddens honorificentiam Deo, signatur per amethystum, qui inter omnes gemmas pureas obtinet principatum: sic et iustitia est præclarissima virtutum, ut ait Philosophus in *Ethicis*². Amethystus est etiam ex colore purpureo et violaceo permixtus, et flamas ex se emittit; quia vir justus qui vult Deum honoreare, debet habere tria: debet esse instar amethysti purpureus, sicut rosa, id est juncundus in laude divina, quia rectos decet collaudatio, ut dicit Psalmista³. Debet etiam esse violaceus, scilicet sentire modica de seipso, et magna de Deo, ut dicit Salvator in *Luca*⁴: *Cum omnia bene feceritis, dicite: Servi inutiles sumus; quod debuimus facere, fecimus.* Debet etiam vir justus esse flammeus sicut Elias⁵, qui erat quasi ignis, cuius verbum sicut facula ardebat, ut dicitur in *Ecclesiastico*; de ejus zelo flammeo dicitur⁶: *Zelo zelatus sum pro Domino Deo exercituum;* et hoc est proprium opus iustitiae, scilicet pro divino amore zelare.

CAPUT VI.

De jucundissima societate, et tripudio cœlestis civitatis Hierusalem.

Secundo illa gloria cœlestis habet amantissimam societatem, quia Sancti coram Deo semper faciunt choream omni jucunditate plenam. Unde nota, quod in illa coelesti chorea, vel ballata, sunt tria devotissime consideranda, scilicet innumerabilis cœtus, interminabilis circuitus, et inæstimabilis cantus. Vere beata est illa chorea, cuius cœlus infinitus, cuius circuitus æternus, cuius cantus felicitas.

Cœtus, Primo igitur in illa coelesti chorea est cœtus, vel exercitus infinitus, id est non nobis, sed soli Deo cognitus. Ibi enim est Christus tanquam Monarcha præcipuus. Ibi enim est regina cum pueris, id est virgo virginum, scilicet Maria cum virginibus sanctis. Ibi sunt angeli tanquam nobilissimi Regis domicelli. Ibi sunt patriarchæ et prophetae, sicut collaterales et regis consiliarii, quibus tanquam senioribus expertis revelat ministerium consistorii sui. Ibi sunt apostoli tanquam regis senescali, habentes plenitudinem

¹ *Rom.*, XII, 15. — ² *Arist.*, *Ethic.*, lib. V, c. I. — ³ *Psal.*, XXXII, 1. — ⁴ *Luc.*, XVII, 10. — ⁵ *Ecli.*, XLVIII, 1. — ⁶ *III Reg.*, XIX, 10. — ⁷ *Apoc.*, VII, 9. — ⁸ *II Tim.*,

potestatis: quia rex reputat factum, quod ipsi faciunt, sibi factum. Ibi sunt martyres, sicut strenuissimi Regis milites, qui per fidem vice-runt tria regna, scilicet mundi, carnis et dia-boli. Ibi sunt sancti pontifices, confessores, et doctores. Sicut videmus quod rex nobilis et il-lustris, qualis est Rex regum et Dominus domi-nantium, non solum habet milites in aula, sed clericos in capella celebrantes, prædicantes et orantes. Ad celebrandum habet sanctos pontifi-ces, ad prædicandum et scribendum sanctos doctores, ad orandum et psallendum habet sanctos anachoretas, et alios confessores. Ul-timo sunt ibi alii sancti et fideles innumerabi-les, de quibus omnibus dicitur⁷: *Vidi turbam magnam, quam dinumerare nemo poterat, ex omnibus gentibus, populis et linguis, stantes ante thronum agni, amicti stolis albis, et palmae in manibus eorum.* Ubi per ordinem notatur quinque lau-des et privilegia beatorum, scilicet prædesti-natio ab æterno, justificatio a peccato, contem-platio devota, conuersatio honesta, et operatio fructuosa. Prædestinatio sempiterna vel æterna innuitur in numero infinito, quia turbam illam magnam nemo dinumerare poterat. Electorum namque numerus est nobis ignotus, et soli Deo agnitus, quia ipse solus scit numerum: quia, ut dicit Apostolus⁸, *novit Dominus, qui sunt ejus.* Secundo notatur justificatio interna in illis qua-tuor, scilicet gentibus, tribubus, populis, et lin-guis, de quibus electi sunt vocati: in quibus monstrantur quatuor peccatorum differentie, a quibus sunt per Dei gratiam justificati; ita quod per gentes designatur peccatum luxurie, quod in gentibus idololatria regnavit præcipue, ut ait Apostolus⁹; per tribus designatur peccatum avariæ, quod in tribubus Jacob regnavit valde, quod patet, quia pro terrenis servierunt, et ter-reна in promissione acceperunt, ut dicitur in Isaia¹⁰: *Si volueritis et audieritis me, bona terra comedetis,* et, quod plus est, tantum cupidi et avari fuerunt, quod ne terrena perderent, Chris-tum occiderunt, ut patet in *Joanne*¹¹. Per populos designatur peccatum superbie, quia populus, ut dicit Augustinus¹², est collectio civitatis, que juxta sententiam Christi monstrat superbiam, ut patet de illo, qui noluit venire vocatus ad cœ-nam, quia (a) emerat villam, ut dicitur in *Luca*¹³.

¹¹, 19. — ¹⁰ *Rom.*, I, 26. — ¹¹ *Isa.*, I, 19. — ¹² *Joan.*, XI, 18. — ¹³ *Aug.*, de Civit. Dei, lib. IX, c. XXIV. — ¹³ *Luc.*, XIV, 18.

(a) *Cat. edit.* qui.

Quinque
privilegia
beatorum.

Prædes-
tria o
æterna.

Justifi-
cacio in-
terna.

Et videmus quod populus, id est habitatores civitatis populosæ, melius conueverunt resistere, melius acquirere, et magis esse superbi et pomposi. Per *linguas* signatur peccatum linguae.

Cootem-
platio de-
voia. Contemplatio devota monstratur in hoc, quod stant ante thronum, quia contemplantur ante

Deum cogitantes assidue, qualiter oportet venire ad judicium suum, juxta quod dicit Apostolus¹: *Omnes nos manifestari oportet ante tribu-*

Conver-
satio ho-
nesta. *nal Christi.* Conversatio honesta notatur per hoc, quod amicti sunt stolis albis, id est vestibus candidæ conversationis, juxta quod dicitur in *Canticis*²: *Dilectus natus candidus et rubicundus: candidus honestate, rubicundus charitate.*

Opera-
tio fruc-
tuosa. Operatio fructuosa signatur per hoc, quod *palmæ erant in manibus eorum.* Palmae namque, quæ portantur in manibus electorum, signant fructus honorum operum, secundum quod dicitur in *Canticis*³: *Ascendam in palmam, et apprehendam fructum ejus.*

Circui-
tos inter-
minabili-
lis cho-
reæ co-
lestis. Secundo, in illa cœlesti chorea est considerandus interminabilis circuitus, quia supererit in beatis ingressus, egressus et regressus: ingressus, ad intuitum divinitatis; egressus, ad aspectum humanitatis nostri Salvatoris, ut habetur in *Joanne*⁴. Et sicut in aliis choreis est unus dicens totam choream, ita Christus est et erit ille chorealis ductor, dicens ac præcedens illam societatem beatissimam. Et ideo dicitur quod⁵ *agnus, qui in medio throni est, reget eos, et alii sequentur agnum quocunque iterit.* Sed sciendum est, quod illa beata chorea non vadit ad sinistram partem, sicut chorea mundi in signum quod est et vadit ad sinistram inferni; sed ista supervadit ad dexteram partem, in signum quod est ad dexteram Dei, quia ad sinistram ponentur reprobi, et ad dexteram ponentur electi, ut dicitur in *Matthæo*⁶. Propter quod dicitur in *Proverbis*⁷: *Vias qua a dextris sunt, novit, id est, approbat Deus: qua autem a sinistris sunt, perversæ sunt.*

Cantus
admira-
bilis con-
lestis. Tertio, in illa cœlesti chorea est considerandus inestimabilis cantus et admirabilis. Et ideo nota, quod sicut Christus præcedit gressu, ita præcedet canto. Et primo cantabit suæ virginis matri, dicens⁸: *Quid mihi et tibi, mulier? quasi diceret: Mihi est divinitas, et humanitas: et tibi est virginitas, et fecunditas. Mihi divinitas et humanitas, quia Deus sum et homo; et tibi fe-*

cunditas et virginitas, quia mater es et virgo. Mihi divinitas ex virginे patre, et humanitas ex virginе matre: tibi virginitas sine labe, et fecunditas sine semine. Ad hæc Maria tanquam dulcis tympanistria respondebit dulcissimam cantilenam⁹: *Magnificat anima mea Dominum, et exultavit spiritus meus, etc.*

Secundo Christus cantabit angelicis spiritibus cantum, qui scribitur in *Psalmo*¹⁰: *Benedicite, angeli, potentes virtute, facientes verbum ejus, ad annuntiandum (a) vocem sermonum ejus.* Vos qui estis angeli, id est nuntii discurrentes; vos qui estis potentes, id est mirabilia operantes; qui facitis verbum meum, id est meis imperiis^(b) obedientes, et alios obedire facientes. Ad hunc cantum Christi respondebunt sancti angeli cantilenam quam scribitur in *Apocalypsi*¹¹: *Benedictio, et claritas, et sapientia, et gratiarum actio, honor, virtus et fortitudo Dei nostro in sæcula sæculorum. Amen.* Tibi, Christe, sit *benedictio* in incarnatione, *claritas* in nativitate, *sapientia* in prædicatione, *gratiarum actio* in redemptione, *passione et morte*; *honor* in resurrectione, *virtus* in ascensione, *fortitudo* in judicii consummatione.

Tertio, Christus cantabit patriarchis et prophetis cantilenam, quam cantavit Moysi in visione rubi¹²: *Deus Abraham, Deus Isaac, et Deus Jacob, Deus patrum nostrorum misit me ad vos. Hoc nomen est mihi in æternum, et hoc memoriale meum in generatione et generationem.* Christus enim ad sanctos patres et patriarchas, et prophetas, specialiter fuit missus, quia de semine electo, scilicet sanctorum patriarcharum, et Spiritus sancti operatione, ex Maria Virgine natus, et quia sanctis prophetis ejus adventus fuit singulariter revelatus. Vel potius canet nascendo eis cantum illum gratiosum, qui scriptus est¹³: *Vos ipsi vidistis, quid fecerim Ægyptiis, quomodo portaverim vos super alas aquilarum.* Et sequitur¹⁴: *Vos eritis mihi regnum sacerdotale, et gens sancta.* Vos enim, submersis Ægyptiis, id est mundi amatoribus in Mari Rubro, id est in peccato, et tandem in inferno, ad terram promissionis, id est ad hanc terram viventium promissam adduxi. Et super alas aquilarum vos portavi, id est in pennis contemplationis angelicæ vos elevavi ad speculandum adventum meum, et om-

¹ *II Cor.*, v. 10. — ² *Cant.*, v. 10. — ³ *Ibid.*, vii, 8.
— ⁴ *Joan.*, xvi, 17. — ⁵ *Apoc.*, vii, 17. — ⁶ *Ibid.*, xiv, 1. — ⁷ *Matth.*, xxv, 33. — ⁸ *Prov.*, iv, 27. — ⁹ *Joan.*,

¹⁰ *Luc.*, i, 46. — ¹¹ *Psal.*, cu, 20. — ¹² *Apoc.*, vii, 12. — ¹³ *Exod.*, iii, 13, 15. — ¹⁴ *Ibid.*, xix, 4. — ¹⁵ *Ibid.*, 6.

^(a) Vag. audiendam. — ^(b) Cæt. edit. mei imperiis.

nia mysteria gratiæ; et haec cantilena est specialiter prophetarum. Et eritis mihi in regnum sacerdotale, quia a patribus Christus descendit in Virginem Mariam (a), quæ fuit de tribu sacerdotali et regia, quia pater Domina nostræ, scilicet Joachim, fuit de tribu Juda, et mater ejus Anna fuit de tribu Levitica, ut patet in historia: et haec est cantilena communis patriarcharum. Et quia patriarchæ fuerunt reges et duces, sicut paletin David et filii suis, prophetæ vero fuerunt sacerdotes, sicut Samuel, Zacharias et Joannes Baptista; ad istud canticum gratiosum et gloriosum respondebunt sancti patriarchæ et prophete illud canticum, quod est scriptum in *Apocalypst*, ubi dicitur¹, quod *quatuor animalia, et viginti quatuor seniores cantabant canticum novum dicentes: Dignus es, Domine, accipere librum, et solvere signacula ejus, quoniam occisus es, et redemisti nos in sanguine tuo. Et sequitur*²: *Et fecisti nos Deo nostro regnum et sacerdotes. Tu, Domine, solus dignus es aperire librum Dei Patris*, scriptum per Spiritum sanctum in pergameno virgineo tua carnis. Tu enim aperuisti septem signacula libri, de virginе carnem assumendo, et de virginе nascendo, et in cruce pro nobis moriendo, et ad infernum descendendo, et a mortuis resurgendo, et ad celum ascendendo, et ad judicium veniendo. De istis septem articulis tue humanitatis manifestasti nobis arcanum tuæ divinae miserationis, scilicet mysterium humanae redēptionis. Et ideo sequitur cantilena: *Quoniam occisus es, et fecisti nos Deo nostro regnum et sacerdotes: regnum, quia fecisti nos obediēre preceptis tuis, sicut regnum observat dictum regis; et sacerdotes, quia in mundo fecisti nos offerre sacrificium spiritus tribulati, et tunc in cœlo sacrificium perpetuae laudis pro beneficiis tuis immolamus tibi.*

Quarto Salvator cantabit sanctis Apostolis dulcissimam cantilenam, quæ scripta est³: *Vos estis qui permanensis tecum in tentationibus meis, et ego dispono vobis regnum, sicut Pater meus disposuit mihi regnum, ut edatis et bibatis super mensam meam in regno meo, et sedebitis (b) super sedes duodecim, iudicantes duodecim tribus Israel. Vos estis non servi, sed amici mei, et ego vester socius. Vos discipuli mei estis, et ego magister et paedagogus. Vos fratres mei, et ego vester charitate germanus. Quia fuitis participes tri-*

bulationis meæ, do vobis triplicem dignitatem gloriæ supernæ. Facio enim vos reges, omnipotentes, cœlestes, (et hoc est quod dicit: *Dispono vobis regnum, sicut disposuit mihi Pater meus regnum*). Vos per gratiam, non per naturam, facio vos convivas cœlestis mensæ, ubi humanitas est cibus, et deitas est potus; (et hoc est quod dicit: *Ut edatis et bibatis super mensam meam in regno meo*). Facio vos nihilominus iudiccs cœlestis curiæ. Unde sequitur: *Sedebitis super sedes duodecim, iudicantes, etc., id est, divinum iudicium approbantes, sicut æterni consistorii assessorcs; iudicantes duodecim tribus Israel, id est, universalem multitudinem fidelium, quia infideles jam iudicati sunt, ut dicitur in *Joanne*⁴; qui signantur hodie per numerum duodecim tribuum Israel, quæ (c) solum coluerunt unum Deum. Ad hanc cantilenam respondebunt sancti Apostoli cantilenam, quæ scripta est, quam pro omnibus cantavit Petrum, dicens⁵: *Domine, ad quem ibimus? verba vita æterna habes; et nos credimus et cognovimus, quia tu es Christus filius Dei vivi. Credimus in verbo et radio, fidei merito, et cognoscimus claritatem in cœlo, quia tu es Christus, id est, unctus oleo divinæ miserationis, balsamo odoriferæ conversationis, christmale dignissima consecrationis, regiae scilicet et sacerdotalis, filius Dei, potestate, æternitate et majestate Deo Patri æqualis.**

Quinto Christus rex noster cantabit sanctis martyribus cantilenam illam, quæ scripta est⁶: *Beati qui persecutionem patiuntur propter justitiam, quoniam ipsorum est regnum cœlorum; quasi diceret sanctis martyribus: Grave fuit martyrii pondus, quo persecutionem passi estis. Dignus fuit martyrii titulus, quia propter justitiam, non propter culpam sustinuitis. Et ideo magnus fuit martyrii fructus, quoniam vestrum est regnum cœlorum. Ad hanc cantilenam respondebunt martyres gloriosi, et dicent cantilenam, quam in persona ipsorum martyrum dicit Apostolus⁷: *Et si immortalis sumus, et convivemus; si sustinuimus, et cum eo regnabimus; quasi diceret: Labor noster est modicæ passionis, sed magnus est fructus divinæ fruitionis, quia non sunt condigne passiones hujus temporis ad futuram gloriam, quæ revelabitur in nobis, ut dicit Apostolus.**

Sexto, Christus cantabit sanctis pontificibus,

(a) *Cœt. edit.* Virgine Maria. — (b) *Vulg. sedcatis.*
— (c) *Cœt. edit.* qui.

¹ *Apoc.*, v, 8, 9. — ² *Ibid.*, 10. — ³ *Luc.*, xxii, 28-30.
— ⁴ *Joan.*, iii, 18. — ⁵ *Ibid.*, vi, 69-70. — ⁶ *Matth.*, v, 10. — ⁷ *II Tim.*, ii, 11. — ⁸ *Rom.*, viii, 18.

et doctoribus, et aliis confessoribus : et primo sanctis pontificibus cantilenam quæ scripta est¹ : *Vos autem genus electum, regale sacerdotium, gens sancta, populus acquisitionis.* Genus electum, per prædestinationem; regale sacerdotium, per subditorum protectionem; gens sancta, per virtutum perfectionem; populus acquisitionis, per exemplorum ædificationem, et diligentiam pastoralem. Postea sanctis doctoribus Christus cantabit illud quod scriptum est² : *Vos estis sal terræ.* Nam sicut sal est sapor omnium saporum, sic expositio catholica doctorum est quasi condimentum sacrorum eloquiorum. Et sicut omnia cibaria sine sale sunt insipida, sic verba sacrae Scripturæ, maxime legalia sacramenta, sine catholica expositione doctorum, videntur simplicibus non esse multum fructuosa. Et sicut sal conservat carnes a putrefactione vermium, sic doctrina et expositio doctorum conservat carnales homines a corruptione peccatorum. Unde propter ista dicitur³ : *Sermo vester semper sit sale conditus.*

Septimo, Christus cantabit omnibus sanctis monachis et anachoretis, id est solitariis, et omnibus aliis confessoribus cantum illum, qui scriptus est in *Matthæo*⁴ : *Vos estis lux mundi.* Sol dicitur lux mundi ad litteram, et sancti confessores dicuntur lux mundi per figuram, scilicet, instar solis, mundum illuminantes splendore honestatis, instar solis mundum inflammandes fervore charitatis, instar solis mundum superantes quantitate virtutis. Nam secundum astrologos, Sol est octies major quam Terra : sic sancti viri mundanos excedunt octies virtute et gratia, id est octo beatitudinibus vel virtutibus, quas Christus docuit in schola sua tanquam in sua prima lectione, dicens⁵ : *Beati pauperes spiritu.* Iste namque octo beatitudines sunt quædam gratiæ præsentes, in quibus viri sancti superant homines mundanos et carnales. Ad istam beatam cantilenam omnes unanimiter pontifices et alii doctores Christo respondebunt cantum illum dulcissimum, qui scriptus est in *Psalmo*⁶ : *Transivimus per ignem et aquam :* per ignem, fortis in adversis; per aquam, humiles in prosperis : *Et eduxisti nos in refrigerium felicitatis,* scilicet per miserias. Unde Salvator ait⁷ : *Venite ad me omnes qui laboratis et oneratis estis,*

jugo præceptorum meorum, et ego reficiam vos plenitudine cœlestium gaudiorum.

Octavo cantabit Christus virginibus cantilenam illam⁸ : *O quam pulchra est casta generatio cum claritate!* Casta generatio dicitur pudicitia virginalis, et continentia virginalis, et temperantia conjugalis. Iстis tribus triplex claritas correspondet : nam virgines habent claritatem incorruptionis et aureolæ; viduæ, claritatem devotionis internæ; conjuges, claritatem successionis benignæ : et omnes pariter habent claritatem odoriferae famæ et opinionis bonæ. Ad hanc cantilenam virgines et continentes respondebunt illud canticum dulcissimum, quod est in *Canticis*⁹ : *Oleum effusum nomen tuum; ideo adolescentula dilexerunt te nimis.* Nimis dicitur propter ariditatem continentiarum, quia dicitur¹⁰ : *Scio quoniam aliter non possum esse continentis, nisi Deus det.* Et ideo dicitur¹¹, quia nemo poterat dicere canticum illud, scilicet virginale, nisi illa centum quadraginta quatuor millia, qui empti sunt de terra. Numerus centenarius competit virginibus, quibus datur fructus centesimus, ut dicitur in *Matthæo*¹². Quadragenarius competit viuis, quia quadraginta signat statutam pœnitentiam. Ideo tam Moyses, quam Elias, quam Christus quadraginta diebus et quadraginta noctibus jejunaverunt. Quaternarius competit conjugatis castitatem amantibus; quia secundum doctrinam quatuor evangelistarum observare conantur conjugalem thorium. Unde dicit Apostolus¹³ : *Honorabile connubium in omnibus, et torus immaculatus.* Millennium vero competit continentibus, quia per millenarium, qui est limes et terminus omnium numerorum, signatur cœlestè gaudium, quod est finis omnium desideriorum. Unde dicitur in *Psalmo*¹⁴ : *Satabor, cum apparuerit gloria tua.*

Ultimo Christus cantabit communiter omnibus sanctis illius dulcissimam cantilenam, scilicet¹⁵ : *Venite, benedicti Patris mei, percipite regnum, quod vobis paratum est ab origine mundi.* Venite, benedicti patris mei per gratiam adoptionis (a), per quam estis filii et fratres mei; quia, ut ait Apostolus¹⁶, *si filii, et heredes; heredes quidem Dei, cohæredes autem Christi.* Quod vobis paratum est ab origine mundi, per æternam prædestinationem, per quam estis eterna præscientia electi. Ad istam cantilenam Christi respon-

¹ *1 Petr.*, 11, 9. — ² *Math.*, v, 13. — ³ *Coloss.*, iv, 6. — ⁴ *Math.*, v, 14. — ⁵ *Ibid.*, 3. — ⁶ *Psal.* LXV, 12.

— ⁷ *Math.*, xi, 28. — ⁸ *Sap.*, iv, 1. — ⁹ *Cont.*, 1, 1.

— ¹⁰ *Sap.*, viii, 21. — ¹¹ *Apoc.*, xiv, 3. — ¹² *Math.*,

xiii, 23. — ¹³ *Hebr.*, XIII, 4. — ¹⁴ *Psal.* XVI, 45. —

¹⁵ *Math.*, xxv, 34. — ¹⁶ *Rom.*, VIII, 17.

(a) Cœl edit. gratiæ adoptionem.

debit altissime totus chorus, vel chorea, vel balata sanctorum illum cantum, qui rescribitur in Paulo¹: *Regi sacerorum immortalis, invisibili, soli Deo honor et gloria in secula sacerorum*. Tibi, inquam, Domine, qui es Rex (a) omnium sacerorum, pro nobis tantum humiliatus; tu *immortalis*, qui pro nobis in cruce es mortuus; tu *invisibilis*, qui tamen nobis visibilis; tu *solus sanctus* in majestate, nobis tamen misericorditer associatus; tu es omnipotens, pro nobis autem homo factus es. Tibi, inquam, *honor ex creatione, gloria ex redēptione, in secula sacerorum ex aeterna salutione; Amen*, ex omnium promissorū tuorum certissima adimpletione.

Tandem omnes sancti dicent, alter ad alterum, illum sacratissimum hymnum et trisagium gloriosum, quod scribitur in Isaia²: *Sanctus, Sanctus, Sanctus, Dominus Deus Sabaoth*, vel exercituum, pleni sunt cœli et terra gloria ejus. Cujus est tanta virtus, quod qui dicit illum, a morte subitanea, et fulgere, et omnibus tribulationibus est securus, ut ait Damascenus³. Propter

Virtus
Trisagii.

¹ I Tim., 1, 17. — ² Isa., vi, 3. — ³ Damasc., de Fid. Orthod., lib. III, c. x. — ⁴ Rom., III, 23.

quod statuit sancta synodus Chalcedonensis quarta hoc trisagium sanctæ Trinitatis a fidelibus diei contra omnes stellionatus, id est ministras divinas, ut ait Damascenus ibidem, scilicet: *Agios o Theos, Sanctus Deus : Agios Ischyros, Sanctus fortis : Agios athanatos, eleison imas, Sanctus et immortalis, miserere nobis*. In quo trisagio sancti faciunt specialiter tria: scilicet Trinitatem confiteantur in una essentia, unde dicit Isaías: *Sanctus, Sanctus, Sanctus*; potestatem et judicia admirantur, dicentes: *Dominus Deus exercituum; pietatem et beneficia venerantur, addeute: Plena est omnis terra, tam viventium, quam morientium, gloria ejus*, id est misericordia ejus, in qua Deus præcipue ostenditur gloriosus, ut exponit Glossa. Unde dicit Apostolus⁴: *Omnes enim peccaverunt, et egerit gloria Dei, quae est infinita*. Ad quam gloriam nos perducat, et participes efficiat ductor illius choreæ Jesus Virginis filius, cui cum Deo Patre, et Spiritu sancto, uni soli Deo vivo et vero, est honor, et imperium majestatis, per infinita secula seculorum. Amen.

(a) Cœl. edit. deest Rex.

APPENDIX DIÆTÆ SALUTIS

QUÆ APPLICATIONEM MATERIARUM IPSIUS DIÆTÆ CONTINET AD USUM CONCIONATORUM IN DIEBUS DOMINICIS
ET FESTIVITATIBUS PER ANNUM.

Dominica I in Adventu Domini.

*Abjiciamus opera tenebrarum, et induamur arma lucis*¹, etc. In adventu magni Regis et Principis, expiantur sordes et parantur vestes: et ideo Apostolus in his verbis per hunc modum, propter summi regis adventum, ad faciendum haec duo specialiter nos invitat: primo ad viatorum sordes expurgandas, cum dicit: *Abjiciamus opera tenebrarum; secundo, ad virtutum vestes præparandas*, cum addit: *Et induamur arma lucis*. Primo igitur debemus expurgare sordes viatorum, et propter tria, que sunt in peccato: require in materia de *peccato in communione*². Secundo, debemus vestes virtutum præparare, et specialiter vestem charitatis (*a*), sicut videmus quod vestis nobilior portatur in festis præcipuis. De hac veste quære in materia de *Charitate*³.

Dominica II Adventus.

*Deus autem spei repleat vos omni gaudio*⁴. Quoniam a viris spiritualibus sunt debiles sustinendi, et tristes consolandi; idcirco Apostolus in verbis propositis duo facit. Primo enim promittit debilibus sustentationem, cum dicit: *Deus autem spei; secundo, tristibus consolacionem*, cum addit: *Repleat vos omni gaudio*, et in Psalmo⁵: *Spera in Domino, sequitur: Et pasceris in divitis ejus*. Primo dico, quod spiritualis sustentatio est in virtute spei: quære in materia de *Spe*⁶. Secundo, spiritualis consolatio est in gaudio virtutis; unde virtus comparatur paradiso. Quære in materia de *Virtute in communione*⁷.

¹ Rom., xiii, 12. — ² Sup., tit. i, c. i, pag. 249-250. — ³ Sup., tit. v, c. ii, pag. 293 et s. — ⁴ Rom., xv, 13. — ⁵ Psal. xxxvi, 3. — ⁶ Sup., tit. v, c. iv, pag. 299-300. — ⁷ Ibid., c. i, pag. 290 et s. — ⁸ Philip., iv, 5. — ⁹ Sup., tit. vii, c. ii, pag. 317-318. — ¹⁰ Sup., tit. iv, c. v, pag. 289-290;

Dominica III Adventus.

*Modestia vestra nota sit omnibus hominibus: Dominus prope est*⁸. Rege presente, consueverunt domicelli et milites multum alacriter et honeste incedere: ideo Apostolus prævidens Regis æterni præsentiam propinquam, ad conversationem honestam in verbis propositis nos hortatur. Et secundum hoc in verbis istis duo facit: primo enim hortatur nos ad conversationis honestatem, cum dicit: *Modestia vestra nota sit omnibus hominibus*; secundo ostendit conversationis causam, cum addit: *Dominus prope est*. Primo igitur forma conversationis consistit specialiter in mansuetudine vel mititate: require in materia de *Mititate et Mansuetudine*⁹. Secundo virtus spiritualis conversationis, et orationis, castitatis, et pietatis, faciunt propinquam Dei præsentiam: require in materia de *Castitate, Oratione, et Pietate*¹⁰.

Dominica IV Adventus.

*Nolite ante tempus judicare, quoadusque veniat Dominus*¹¹. Dicit lex Imperatoris, quod adveniente præsente, cessat junior potestas. Ideo Apostolus considerans adventum æterni Judicis, duo facit in his verbis. Primo namque reprimit invidiam iniquam, dicens: *Nolite ante tempus judicare*. Secundo prædictit Salvatoris justitiam futuram, cum dicit: *Quoadusque veniat Dominus*. Primo igitur reprimitur invidia propter tria: require in materia de *Invidia*¹². Secundo prædicit causa, judicis sententia: require in materia de *Judicio futuro*¹³.

⁸ Tit. vi, c. v, pag. 268 et s.; tit. vii, c. iv, p. 320 et s. — ¹¹ I Cor., iv, 5. — ¹² Sup., tit. i, c. iv, p. 232 et s. — ¹³ Sup., tit. ix, p. 331 et s.

⁹ (a) *Cat. edit. add.* et.

Dominica infra octavam Nativitatis.

*Itaque jam non est servus, sed filius : quod si filius, et heres per Deum*¹. Magnus debet magna donare. Unde Apostolus in his verbis describit Salvatoris magnificientiam ; et secundum hoc tria facit. Primo enim describit culpæ subjectionem, a qua sumus liberati, cum dicit : *Itaque jam non est servus*. Secundo, gratiae cooperationem, per quam sumus liberati et justificati, addens : *Sed filius*. Tertio, gloriæ possessionem, ad quam sumus prædestinati, subdens : *Quod si filius, et heres per Deum*. Primo igitur, subjicitur homo per culpam, specialiter propter gulam, luxuriam, et avaritiam : quære in materia de Gula, de Luxuria, et de Avaritia². Secundo justificatur homo per gratiam penitentie; quære in materia de Paenitentia³. Tertio beatificatur homo per gloriam; quære in materia de Gloria paradisi⁴.

Dominica secunda.

*Non plus sapere quam oportet sapere, sed sapere ad sobrietatem*⁵. Omnis cibus, quantumcumque pretiosus, insipidus est, nisi sit sale conditus ; ideo Apostolus hortatur nos in verbis propositionis, ut cibum prudentie condamus sale discretionis ; et secundum hoc duo facit. Primo prohibet sapientiam temerariam, dicens : *Non plus sapere quam oportet sapere*. Secundo suadet temperantiam necessariam, addens : *Sed sapere ad sobrietatem*. Primo igitur cavenda est prudential vel sapientia inordinata : quære in materia de Prudentia⁶. Secundo querenda est sobrietas modesta : quære in materia de Temperantia⁷.

Dominica prima post Octavam Epiphaniae.

*Odientes malum, adhærentes bono*⁸. Naturaliter gustus bene dispositus respuit amaritudinem, et appetit dulcedinem. Ideo Apostolus in his verbis monet nos ad duo, videlicet ad detestacionem culpæ, dicens : *Odientes malum*. Secundo monet nos ad dilectionem gratiæ, ibi : *Adhærentes bono*. Primo igitur detestanda est culpa : quære in materia de Peccato in communi⁹. Secundo, diligenda est virtus, vel gratia : quære in materia de Virtute in communi¹⁰.

¹ Gal., iv, 7. — ² Sup., lit. i, c. viii, ix, vi, pag. 254 et s., 259, 260 et s. — ³ Sup., tit. ii, pag. 263-275. — ⁴ Sup., tit. x, c. ii, pag. 335 et s. — ⁵ Rom., xii, 3. — ⁶ Sup., tit. v, c. v, pag. 500 et s. — ⁷ Ibid., c. vi, pag. 301 et s. — ⁸ Rom., xii, 9. — ⁹ Sup., tit. i, c. i, pag. 249 et s. — ¹⁰ Sup., tit. v, c. i, pag. 290 et s. — ¹¹ Rom., xii, 19.

Dominica secunda.

*Non vosmetipsos defendantes, carissimi, sed date locum iræ*¹². Non est tutum militum sine armis intrare locum certaminis : ideo Apostolus in his verbis specialiter nos instruens, duo facit. Primo docet esse sumendum scutum patientie, dicens : *Non vosmetipsos defendantes*. Secundo docet cavendum ictum iracundiæ, addens : *Sed date locum iræ*. Primo debemus assumere patientiam tanquam scutum : quære in materia de Fortitudine et de Patientia¹³. Secundo, debemus cadere iracundiam tanquam ictum : quære in materia de Ira¹⁴.

Dominica tertia.

*Qui diligit proximum suum, legem implevit*¹⁵. Mercatores facientes computum, prius ipsum in pecias et partes dividunt, et postea in summam reducunt; sic et Apostolus in his verbis divinæ legis sumimam reducit in charitatem. Et secundum hoc monet nos Apostolus ad duo, vide-licet ad dilectionem proximorum, dicens : *Qui diligit proximum*. Ad impletionem mandatorum, addens : *Implevit legem*. Primo igitur debemus proximum diligere : quære in materia de Charitate¹⁶. Secundo, debemus præcepta adimplere : quære in materia de Praeceptis¹⁷.

Dominica quarta.

*Pax igitur Christi exultet in cordibus vestris*¹⁸. Mundus iste consuevit duo multum desiderare, scilicet concordiam pacis, et letitiam cordis. Ideo Apostolus in his verbis optat nobis haec duo, que naturaliter desiderat omnis homo, scilicet proximi concordiam amicabilem, cum dicit : *Pax igitur Christi*; secundo, animi letitiam delectabilem, cum addit : *Exultet in cordibus vestris*. Primo igitur affectanda est concordia pacis : quære in materia de Pace¹⁹. Secundo letitia cordis est optanda : quære in materia de Charitate¹⁸, et in materia de Gaudio²⁰.

Dominica in Septuagesima.

*Sic currite, ut comprehendatis*²¹. Quoniam non incipientibus, sed proficiens regnum cœlestis promittitur; ideo Apostolus in verbis istis

— ¹² Sup., lit. v, c. vii, pag. 302 et s.; lit. vii, c. vii, pag. 325 et s. — ¹³ Sup., tit. i, c. v, pag. 254 et s. — ¹⁴ Rom., xii, 8. — ¹⁵ Sup., tit. v, c. i. — ¹⁶ Sup., tit. iii, per totum, p. 293-295. — ¹⁷ Coloss., iii, 15. — ¹⁸ Sup., tit. vii, c. vi, p. 273-282. — ¹⁹ Sup., tit. v, c. ii, p. 323 et s. — ²⁰ Sup., tit. viii, c. i, p. 293-295, 326 et s. — ²¹ Cor., ix, 24.

ad duo specialiter nos hortatur: primo ad fructuosam operationem, eum dicit: *Sic currite; secundo ostendit fructuosa operationis rationem, cum addit: Ut comprehendatis.* Primo igitur debemus eursum præceptorum perficere, quære in materia de *Præceptis*¹; secundo, fructum premiorum appetere, quære in materia de *Gloria paradisi*².

Dominica in Sexagesima.

*Libenter gloriabor in infirmitatibus meis, ut inhabitet in me virtus Christi*³. Infirmus, si prudens est, libenter sustinet sudorem propter sequentem (*o*) sanitatem. Ideo Apostolus in his verbis duo docet: scilicet afflictionem carnis, quam debemus libenter portare, dicens: *Libenter gloriabor in infirmitatibus meis;* secundo possessionem virtutis, quam debemus ferventer amare, cum addit: *Ut inhabitet in me virtus Christi.* Primo igitur afflictio carnis est libenter portanda, quære in materia de *Fortitudine*⁴; secundo, possessio virtutum est amanda, quære in materia de *Virtute in communi*⁵.

Dominica in Quinqnagesima.

*Charitas patiens est*⁶. Decet reginam habere regium apparatus: ideo Apostolus in his verbis describit specialiter ista duo, scilicet: charitatem, sicut virginum reginam, dicens: *Charitas;* secundo patientiam, sicut reginæ armaturam, addens: *Patiens est.* Primo igitur, charitas est virtutum regina, quære in materia de *Charitate*⁷; secundo, patientia est reginae armatura, quære in materia de *Fortitudine*⁸ et in materia de *Patientia*⁹.

Dominica prima in Quadragesima.

*Ut castigati, et non mortificati*¹⁰. Filius, si peccaverit, castigandus est, et non mactandus; corrigendus, et non occidendum. Et secundum hoc Apostolus in isto verbo specialiter ostendit duo: primo, quod peccator debet se corriger eum flagello pœnitentiae, cum dicit: *Ut castigati;* secundo, quod non debet se occidere cum gladio culpæ, addens: *Non mortificati.* Primo igitur castigandus est peccator flagello pœnitentiae, quære in materia de *Pœnitentia*¹¹; se-

¹ Sup., tit. III, per totum, p. 275-282. — ² Sup., tit. V, c. II, p. 335 et seq. — ³ II Cor., XII, 9. — ⁴ Sup., tit. V, c. VII, p. 303 et s. — ⁵ Ibid., c. I, pag. 290 et s. — ⁶ I Cor., XIII, 4. — ⁷ Sup., tit. V, c. II, p. 293 et s. — ⁸ Ibid., c. VII, p. 302 et s. — ⁹ Sup., tit. VII, c. VII,

cundo, non est occidendum gladio culpæ, quære in materia de *Peccato in communi*¹².

Dominica secunda in Quadragesima.

*Hæc est voluntas Dei, sanctificatio vestra*¹³. Tunc regnum bene regitur, quando populus voluntatem regis observat, et quando rex plebis utilitatem procerat. Unde Apostolus in his verbis hæc duo facit. De scribit enim quid summe observandum, quia voluntas divina, dicens: *Hæc est voluntas Dei;* secundo, quid summe affectandum, quia sanctitas propria, addens: *Sanctificatio vestra.* Primo igitur debemus divinam voluntatem observare implendo præcepta, quære in materia de *Præceptis*¹⁴; secundo, debemus per munditiam propriam castitatem servare, quære in materia de *Castitate*¹⁵.

Dominica tertia in Quadragesima.

*Ambulate in dilectione, sicut et Christus dilexit vos*¹⁶. Uniuersus experto in sua scientia erendum: et ideo, quia Apostolus summe fuit expertus in præceptis et scientia, audire debemus lectionem suam, quam nobis proponit in his verbis, de schola divinae lectionis. Hæc autem lectio continet duo capitalia dilectionis, scilicet: viam regulantem, et ideo dicitur: *Ambulate in dilectione;* et dilectionis formam exemplarem, et ideo subdit: *Sicut et Christus dilexit vos.* Primo igitur sequenda est dilectionis via, quære in materia de *Dilectione et Charitate*¹⁷; secundo attendenda est dilectionis forma, quære in eadem materia.

Dominica quarta in Quadragesima.

*Ejice ancillam et filium ejus*¹⁸. Vulgo dicitur, quod bonum opus facit, qui de stulto se expedit. Et ideo Apostolus in hoc verbo monet nos ad expellendum peccatum de cordis hospitio, et hoc quantum ad duo: scilicet quantum ad affectionem qua peccatum concupiscitur, dicens: *Ejice ancillam, id est voluntatem malam;* et quantum ad operationem qua peccatum perpetratur, addens: *Et filium ejus.* Primo igitur per pœnitentiam expellenda est affectio mala, et fit præcipue per contritionem et per confessionem, quære in materia de *Pœnitentia*¹⁹; se-

p. 325 et s. — ¹⁰ II Cor., VI, 9. — ¹¹ Sup., tit. II, per totum, p. 263-275. — ¹² Sup., tit. I, c. I, p. 249 et s. — ¹³ I Thess., IV, 3. — ¹⁴ Sup., tit. III, per totum, p. 275-282. — ¹⁵ Sup., tit. IV, c. IV, p. 288 et s. — ¹⁶ Ephes., v. 2. — ¹⁷ Sup., tit. V, c. II, p. 293 et s. — ¹⁸ Gal., IV, 30. — ¹⁹ Sup., tit. II, c. II et III, p. 265-267.

(a) Cœl. edit. frequentem.

cundo expellenda est operatio prava; et sit per satisfactionem, quære in eadem materia¹.

Dominica in Passione Domini.

*Per proprium sanguinem introivit semel in sancta*². Religiosi consueverunt se minuere, quando volunt infirmariam intrare, et recreationem suscipere; sic Dominus in passione sua fecit se minui, et sic intravit infirmariam, et recreationem paradisi recepit. Et sic Apostolus in verbis istis duo ostendit, scilicet passionis Christi minutionem, dicens: *Per proprium sanguinem*; secundo resurrectionis recreationem, addens: *Introivit semel in sancta*, scilicet in cœlum. Primo igitur passio Christi est jugitur meditanda, quære in materia de *Contemplatione et de Gaulio*³; secundo, bona coelestia sunt ferventer desideranda, quære in materia de *Spe et Gloria Paradisi*⁴.

Dominica in ramis Palmarum.

Humiliavit semet ipsum, factus obediens usque ad mortem, mortem autem crucis⁵. Qui vult librum scribere vel corrigere, super omnia de exemplari veraci debet curare: et ideo Apostolus in his verbis proponit nobis pro libro exemplum vitæ Christi ad transcribendum, et corrigendum librum cordis nostri. Proponit autem hic nobis quatuor capitula hujus libri, in cordis nostri codice transcribenda: primum, scilicet humiliatis inclinantis, cum dicit: *Humiliavit semet ipsum*; secundum, obediens subjugantis, cum dicitur: *Factus obediens*; tertium, perseverantie coronantis, cum subditur: *Usque ad mortem*; quartum, pœnitentia crucifigentis, cum subinfertur: *Mortem autem crucis*. Primo igitur debemus nos humiliter inclinare, quære in materia de *Humilitate*⁶; secundo, debemus nos obediens subjugare, quære in materia de *Obedientia*⁷; tertio debemus nos perseverantie coronare, quære in materia de *Fortitudine*⁸; quarto, debemus nos pœnitentia cruciare, quære in materia de *Pœnitentia*⁹.

Dominica prima post Pascha.

*Hæc est victoria quæ vincit mundum, fides nostra*¹⁰. Multum gloriatur miles in gladio,

¹ Sup., tit. II, c. IV, p. 267 et s. — ² Hebr., IX, 12. — ³ Sup., tit. VIII, c. I, p. 326 et s. — ⁴ Sup., tit. V, c. IV, p. 299-300. — ⁵ Sup., tit. X, c. II, p. 335 et s. — ⁶ Philip., II, 8. — ⁷ Sup., tit. VII, c. I, p. 311 et s. — ⁸ Sup., tit. IV, c. II, p. 285 et s. — ⁹ Sup., tit. V, c. VII, p. 302 et s.

quando cum illo triumphavit in omni bello: ideo Joannes apostolus ostendit in his verbis Christi militibus specialiter duo: scilicet triumphum viisorum, dicens: *Hæc est victoria quæ vincit mundum*; secundo, genus armorum securissimum: *Fides nostra*. Primo igitur debemus perseverantie triumphare, quære in materia de *Fortitudine*¹²; secundo, debemus nos armis fidei armare, quære in materia de *Fide*¹³.

Dominica secunda post Pascha.

Christus passus est pro nobis, vobis relinquens exemplum, ut sequamini vestigia ejus¹⁴. Sequi debet miles ducem, proles patrem, scholaris doctorem: et ideo Apostolus ostendit nobis tria in his verbis, quæ sunt necessaria, et facienda nobis. Primo est nobis cum Christo militantum, et ideo dicitur: *Christus passus est pro nobis*. Secundo, cum Christo conversandum, et ideo subditur: *Vobis relinquens exemplum*. Tertio, per Christum ambulandum, et ideo subinfertur: *Ut sequamini vestigia ejus*. Primo igitur debemus laborare cum Christo per pœnitentiam dignam, quære in materia de *Pœnitentia*¹⁵; secundo, debemus conversari iu Christo per vitam honestam, quære in materia de *Castitate*¹⁶, et *Temperantia*¹⁷; tertio, debemus post Christum ambulare per mandatorum semitam rectam, quære in materia de *Præceptis*¹⁸.

Dominica tertia post Pascha.

*Obsecro vos, tanquam advenas et peregrinos, abstinere vos a carnalibus desideriis, quæ militant adversus animam*¹⁹. Qui bene dirigit in via, predicit omnia diverticula et pericula: et secundum hoc, Apostolus monet nos in his verbis ad tria, scilicet: ad babendam mortis memoriā, dicens: *Obsecro vos tanquam advenas et peregrinos*; secundo, ad domandam carnis lasciviam, dum dicit: *Abstinere vos a carnalibus desideriis*; tertio, ad frangendam hostis malitiam, subdens: *Quæ militant adversus animam*. Primo igitur habenda est mortis memoria, et hoc est humiliatis, quære in materia de *Humilitate*²⁰; secundo, domanda est carnis lascivia, quod est opus castitatis, quære in materia de

— ¹⁰ Sup., tit. II, per totum, p. 263-275. — ¹¹ Joan., V, 4. — ¹² Sup., tit. V, c. VII, p. 303 et s. — ¹³ Ibid., c. III, p. 296 et s. — ¹⁴ I Petr., II, 21. — ¹⁵ Sup., tit. II, per totum, p. 263-275. — ¹⁶ Sup., tit. IV, c. IV, p. 288 et s. — ¹⁷ Sup., tit. V, c. VI, p. 307 et s. — ¹⁸ Sup., tit. III, per totum, p. 275-282. — ¹⁹ I Petr., II, II. — ²⁰ Sup., tit. VII, c. I, p. 311 et seq.

Castitate¹ et Temperantia²; tertio, fugienda est hostis malitia, et hoc opus fortitudinis, quære in materia de Fortitudine³ et Continentia⁴.

Dominica quarta post Pascha.

*Sit omnis homovelox ad audiendum, tardus autem ad loquendum, et tardus ad iram⁵. Vulgo dicitur: Qui non est prudens, sit saltem bene credens. Et ideo beatus Jacobus apostolus mouet nos specialiter ad tria. Primum est velocitas, contra contemptum obedientiae, dicens: *Sit omnis homo velox ad audiendum*. Secundum est taciturnitas, contra peccatum linguae, ideo addit: *Tardus ad loquendum*. Tertium est militas, contra peccatum iræ, ideo dicit: *Tardus ad iram*. Primo igitur debemus acquiescere, et hoc est opus obedientiae, quære in materia de Obedientia⁶. Secundo debemus libenter tacere, contra vitium linguae, quære in materia de Præceptis⁷. Tertio debemus esse quieti contra peccatum iræ, quære in materia de Ira⁸.*

Dominica quinta post Pascha.

*Religio munda et immaculata apud Deum Patrem hæc est, visitare pupilos et viduas in tribulatione eorum, et immaculatum se custodire ad hoc sæculo⁹. Boni pictoris industria appetet in bona pictura; et secundum hoc Apostolus pingit bonam picturam quantum ad tria, quæ sunt ad bonam vitam necessaria, scilicet: decor conversationis, et ideo dicitur: *Religio munda et immaculata apud Deum et patrem hæc est; secundo, dolor miserationis, cum additur: Visitare pupilos et viduas in tribulatione eorum; tertio, fuga inquisitionis, cum subditur: Et immaculatum se custodi ab hoc sæculo*. Primo ergo debemus pie conversari, quod est opus honestatis, quære in materia de Honestate, vel Castitate¹⁰. Secundo debemus pie misereri, et hoc est opus pietatis, quære in materia de Pietate et Misericordia¹¹. Tertio debemus inquisitionem detestari, et hoc est opus virtutis, et hoc quantum ad triplicem concupiscentiam, scilicet mundi, carnis, et hostis: quære in materia de Præceptis¹² et Oratione¹³.*

¹ Sup., tit. iv, c. iv, p. 288 et s. — ² Sup., tit. v, c. vi, p. 301 et s. — ³ Ibid., c. viii, p. 302 et s. — ⁴ Sup., tit. viii, c. vii, p. 331. — ⁵ Jac., i, 19. — ⁶ Sup., tit. iv, c. ii, p. 285 et s. — ⁷ Sup., tit. iii, per totum, p. 275-282. — ⁸ Sup., tit. i, c. v, p. 254 et s. — ⁹ Jac., i, 27. — ¹⁰ Sup., tit. iv, c. iv, p. 288 et s. — ¹¹ Sup., tit. vii, c. iv, p. 320 et s. — ¹² Sup., tit. iii, per totum, p. 275-282. — ¹³ Sup., tit. ii, c. v, p. 268 et s. — ¹⁴ I Petr., iv,

Dominica infra octavam Ascensionis.

*Si quis ministrat, tanquam ex virtute quam administrat Deus¹⁵. Omnis bonus operarius utitur regula ad dirigendum opus: et secundum hoc beatus Petrus apostolus ostendit in his verbis duo nobis necessaria, scilicet obsequium exterioris operis, dicens: *Si quis ministrat*; secundo judicium interioris virtutis, addens: *Quam administrat Deus*. Primo debemus bonum opus exercere, et specialiter triplex, scilicet: opus iustitiae in observando mandata, quære in materia de Præceptis¹⁶; secundo, opus penitentie in emendando peccata, quære in materia de Penitentia¹⁶; tertio, opus misericordiae in sublevendo proximi incommoda, quære in materia de Misericordia¹⁷.*

Dominica prima post Pentecosten.

*Hoc mandatum habemus a Deo, ut qui diligit Deum, diligat et fratrem suum¹⁸. Duplicem nodum (a) consuevit facere, qui rem vult bene ligare; et secundum hoc Joannes Apostolus ostendit nobis duo de vinculo charitatis: injunctionem, qua injungitur sub discreto præcepto, et ideo dicitur: *Hoc mandatum habemus a Deo*; charitatis perfectionem, qua perficitur duplci modo, et ideo subditur: *Ut qui diligit Deum, diligat et fratrem suum*. Primo igitur charitatem debemus servare tanquam præceptum, quære in materia de Præceptis¹⁹; secundo debemus charitatem nodare tanquam vinculum, quære in materia de Charitate²⁰.*

Dominica secunda post Pentecosten.

*Qui odit fratrem suum, homicida est²¹. Secundum leges sæculares, non solum reputatur homicida qui interficit iuctu gladii, sed qui parat potionem veneni. Et secundum hoc Apostolus in his verbis ostendit nobis duo, scilicet odium expellendum ad modum veneni, dicens: *Qui odit fratrem suum; secundo homicidium abhorrendum instar gladii*, addens: *Homicida est*. Primo igitur debemus odium fratris vitare, quod est invidiae corruptio, quære in materia de Invidia²²; secundo debemus homicidium ab-*

¹¹. — ¹⁵ Sup., tit. iii, per totum, p. 275-282. — ¹⁶ Sup., tit. ii, c. iv, p. 267 et s. — ¹⁷ Sup., tit. vii, c. iv, p. 320 et s. — ¹⁸ I Joan., iv, 21. — ¹⁹ Sup., tit. iii, p. 275-282. — ²⁰ Sup., tit. v, c. ii, p. 293 et s. — ²¹ I Joan., iii, 15. — ²² Sup., tit. i, c. iv, p. 252 et seq.

(a) Cœt. edit. modum.

horrere, quod est præcepti transgressio: quære in materia de *Præceptis*¹.

Dominica tertia post Pentecosten.

*Humiliamini sub potenti manu Dei, ut exalte vos in die visitationis*², etc. Saltatores consueverunt se curvare, ut melius possint ad alta saltare. Et secundum hoc Apostolus ostendit nobis duo, scilicet: humiliatis inclinationem profundam, dicens: *Humiliamini sub potenti manu Dei*; secundo humiliatis elevationem jucundam, addens: *Ut exalte vos in die visitationis*. Primo igitur debemus nos ipsos humiliare, quære in materia de *Humilitate*³, et *Superbia* per contrarium⁴. Secundo debemus nos per contemplationem ad gloriam levare, quære in materia de *Gloria Paradisi*⁵.

Dominica quarta post Pentecosten.

*Existimo enim quod non sunt condignæ passiones hujus temporis, ad futuram gloriam, quæ reuelabitur in nobis*⁶, etc. Consuevit homo accipere pro parte sua, quod plus ponderat in statera; et secundum hoc Apostolus quasi in statera proponit nobis duo verba in proposito, scilicet præsentem tribulationem ad suscipiendum, dicens: *Existimo, quod non sunt condignæ passiones hujus temporis*; secundo æternam remunerationem ad eligendum, addens: *Ad futuram gloriam*. Primo igitur debemus præsentem tribulationem sustinere patienter, quære in materia de *Patientia*⁷, et *Acedia*⁸ per contrarium; secundo æternam remunerationem expectare, quære in materia de *Spe*⁹ et *Gloria Paradisi*¹⁰.

Dominica quinta post Pentecosten.

*Si quid patimini propter justitiam, beati*¹¹, etc. Vix acquiruntur magne divitiae sine magno labore. Et secundum hoc in verbis propositis ponuntur specialiter tria, scilicet: virtus laborem sustinens, cum dicitur: *Si quid patimini; justitia laborem decorans*, cum additur: *Propter justitiam*; fructus laborem remunerans, cum subditur: *Beati*. Primo enim debemus laborem præsentem patienter portare: quære in materia

¹ Sup., tit. III, c. IV, pag. 279. — ² Tit. Petr., v, 6. — ³ Sup., tit. VII, c. I, p. 311 et s. — ⁴ Sup., tit. I, c. III, p. 251 et s. — ⁵ Sup., tit. X, c. II, p. 335 et s. — ⁶ Rom., VIII, 18. — ⁷ Sup., tit. VII, c. VII, p. 325 et s. — ⁸ Sup., tit. I, c. VII, p. 257 et s. — ⁹ Sup., tit. V, c. IV, p. 299 300. — ¹⁰ Sup., tit. X, c. II, p. 335. — ¹¹ Tit. Petr., III, 14. — ¹² Sup., tit. V, c. VII, p. 302 et s. — ¹³ Tit. I, c. VII, p. 251 et s.

de *Fortitudine*¹², et *Acedia*¹³ (a) per contrarium. Secundo debemus præsentem laborem titulo *justitiae* decorare, quære in materia de *Justitia*¹⁴. Tertio debemus laborem fructu felicitatis coronare, quære in materia de *Spe*¹⁵ et *Gloria Paradisi*¹⁶.

Dominica sexta post Pentecosten.

*Si autem mortui sumus cum Christo, credimus quod simul vivemus cum eo*¹⁷, etc. Consueverunt pueri rumpere vestes antiquas, ut citius habent novas. Et secundum hoc Apostolus in hoc verbo specialiter ostendit nobis duo, scilicet; vestem carnis mortificandam, cum dicatur: *Si autem mortui sumus cum Christo; stolam glorie desiderandum, cum additur: Quod simul vivimus in eo*. Primo igitur debemus vestem carnis rumpere per penitentiam, quære in materia de *Penitentia*¹⁸, *Acedia*, *Luxuria*, et *Gula*¹⁹ per contrarium. Secundo debemus stolam gloriae æternæ frequenter appetere; quære in materia de *Spe*²⁰, et *Gloria Paradisi*²¹.

Dominica septima post Pentecosten.

*Habetis fructum in sanctificationem, finem vero vitam æternam*²². Qui prudens est, considerat fructum laboris et finem operis; et secundum hoc Apostolus in omni hora docet nos considerare duo, scilicet fructum justificantem, dicens: *Habetis fructum in sanctificationem; et desiderare finem justificantem*, addens: *Finem vero vitam æternam*. Primo, fructus boni operis consistit in opere *justitiae*, quære in materia de *Præceptis*²³. Secundo finis operis consistit in consummatione perseverantiae, quære in materia de *Perseverantia*²⁴. Tertio, in expectatione future gloriae, quære in materia de *Spe*²⁵, et *Gloria Paradisi*²⁶.

Dominica octava post Pentecosten.

*Si secundum carnem vixeritis, moriemini*²⁷, etc. Infirmus, si semper bibit secundum situm febris, de facili incurrit periculum mortis; et secundum hoc, Apostolus ostendit nobis duo, scilicet: febrem vel situm carnis omnino reprehendam: *Si secundum carnem vixeritis; et ge-*

— ¹⁴ Tit. v, c. VIII, p. 303 et s. — ¹⁵ Tit. v, c. IV, p. 299 et s. — ¹⁶ Tit. x, c. II, p. 335 et s. — ¹⁷ Rom., VI, 8. —

¹⁸ Sup., tit. II, per totum. — ¹⁹ Sup., tit. I, c. VII, VIII, IX, p. 257-262. — ²⁰ Tit. v, c. IV, p. 299 et s. — ²¹ Tit. X, c. II. — ²² Rom., VI, 22. — ²³ Sup., tit. III, per totum p. 275-282. — ²⁴ Tit. VIII, c. II, p. 328 et s. — ²⁵ Tit. V, c. IV, p. 299 et s. — ²⁶ Tit. X, c. II. — ²⁷ Rom., XII, 13.

(a) Cæl. edit. *superbia*, *luxuria* et *avaritia*.

hennalem pœnam mortis omnino fugiendam , addens : *Mortemini*. Primo igitur debemus desideria carnis reprimere , quære in materia de *Temperantia*⁴ , et *Gula*⁵ per contrarium. Secundo debemus mortis supplicia formidare , quære in materia de *Timore*⁶ , et *Superbia*⁷ per contrarium.

Dominica nona post Pentecosten.

*Non simus concupiscentes malorum*⁸. Qui equitati lascivum equum , debet ipsum refrænare specialiter juxta periculum. Et secundum hoc Apostolus ostendit nobis duo , scilicet : concupiscentia vitium caute refrenandum , cum dicit : *Non simus concupiscentes* ; et concupiscentia periculum formidandum , addens : *Malorum*. Primo igitur concupiscentiae vitium refrenandum , quære in materia de *Præceptis*⁹ ; secundo debemus concupiscentiae periculum formidare quantum ad gulam , luxuriam , avaritiam , quære in materia istorum¹⁰.

Dominica decima post Pentecosten.

Divisiones ministracionum sunt , idem autem *Dominus*¹¹. Multum decorat honorem regium multiformis varietas et distributio ministeriorum. Et secundum hoc in his verbis duo specialiter describuntur , scilicet : obsequi divini distributio salutaris , cum dicitur : *Divisiones ministeriorum sunt* ; dispensationis Dei dominatio singularis , cum additur : *Idem autem Deus*. Primo igitur debemus nos occupare , quantum ad opera misericordiae , et justitiae , et penitentiae , quære in materia eorum¹². Secundo debemus unum Deum adorare , quære in materia de *Præceptis*¹³.

Dominica undecima post Pentecosten.

Gratia Dei sum id quod sum , et *gratia ejus in me vacua non fuit*¹⁴. Naturaliter arbor prius nitiatur radices figere , et postea fructus proferre. Et secundum hoc Apostolus in his verbis de quolibet viro justo ostendit nobis duo , scilicet : veritatis stabilitatem , dicens : *Gratia Dei sum id quod sum* ; et operis fecunditatem , addens : *Et gratia ejus in me vacua non fuit*. Primo igitur

¹ Sup. , tit. v. c. vi. , p. 391 et s. — ² Tit. i. c. viii. , p. 239 et s. — ³ Tit. vi. c. i. , p. 304 et s. — ⁴ Tit. i. c. iii. , p. 251. — ⁵ Cor. x. 6. — ⁶ Sup. , tit. iii. c. viii. , p. 281. — ⁷ Tit. i. c. vi. , VIII. , IX. , p. 259. 260. 255. — ⁸ Cor. XII. , 5. — ⁹ Sup. , tit. vii. c. IV. , p. 320; tit. v. c. viii. , p. 303. et tit. II. per totum , p. 263-275. — ¹⁰ Tit. III. c. II. , p. 276. — ¹¹ Cor. xv. , 10. — ¹² Sup. , tit. v. c. I. , II. , III. , IV.

debemus esse virtutibus fixi , quære in materia de *Fide* , *Spe* , *Charitate* , et *Veritate in communi*¹⁵. Secundo debemus esse in bonis secundi , quære in materia de *Misericordia*¹⁶ , et *Avaritia* et *Acedia*¹⁷ , per contrarium.

Dominica duodecima post Pentecosten.

*Sufficientia nostra ex Deo est*¹⁸. Sicut Luna recipit lumen suum a Sole , ita creatura donum suum a Creatore ; et ad hoc quod Luna plene lumen suum recipiat , oportet ut Solem (a) directe respiciat. Et secundum hoc duo specialiter in verbis istis ostenduntur , scilicet integralis justi perfectio , cum dicitur : *Sufficientia nostra* ; secundo , justi spiritualis contemplatio , cum additur : *ex Deo est*. Primo igitur debemus perfectionem virtutis habere , quære in materia de *Virtute in communi*¹⁹. Secundo debemus ad Deum per contemplationem respicere , quære in materia de *Oratione et Contemplatione*²⁰.

Dominica decimateria post Pentecosten.

*Lex propter transgressiones posita est*²¹. Sicut enim principis equus indiget fræno , sic prona-
tas ex concupiscentia nostra justitiae præcepto. Et secundum hoc Apostolus in his verbis os-
tendit nobis duo , scilicet : aquitatem divini præ-
cepti , cum dicit : *Lex* ; et prona-tem peccati ,
cum dicit : *Propter transgressiones posita est*. Primo igitur aequitas præcepti est observanda , quære in materia de *Præceptis*²² ; secundo peccati prona-
tas moderanda , quære in materia de *Penitentia*²³ , *Temperantia*²⁴ , *Gula* et *Luxuria*²⁵ per contrarium.

Dominica decimaquarta post Pentecosten.

*Caro concupiscit adversus spiritum , et spiritus aduersus carnem*²⁶. Tempus guerra est valde periculorum , et maxime quando est continuum et infestivum. Idecirco milites consueverunt incedere armati. Et secundum hoc in verbo isto duo nobis ostenduntur , scilicet : carnis hostilitas domanda præ omnibus , cum dicitur : *Caro concupiscit adversus spiritum* ; et mentis since-
ritas armanda virtutibus , cum additur : *Spi-
ritus adversus carnem*. Primo igitur debemus hostilitatem carnis domare , et specialiter quan-
p. 290-300. — ¹⁹ Tit. VII. c. IV. , p. 320. — ¹⁴ Tit. I. c. VI. et VII. , p. 255-259. — ¹⁶ II Cor. III. , 5. — ¹⁵ Sup. , tit. v. c. I. , p. 290. — ¹⁷ Tit. II. c. V. , p. 268. — ¹⁸ Gal. III. , 19. — ¹⁹ Sup. , tit. III. , p. 275-282. — ²⁰ Tit. II. , p. 263-275. — ²¹ Tit. V. c. VI. , p. 301. — ²² Tit. I. c. VIII. et IX. , p. 259-262. — ²³ Gal. V. , 17. — (a) Cœt. edit. Sol.

tum ad gulam et luxuriam, quære in materia de *Gula et Luxuria*¹. Secundo debemus mentis sinceritatem amare, quære in materia de *Pœnitentia*².

Dominica decimaquinta post Pentecosten.

*Alter alterius onera portate, et sic adimplebitis legem Christi*³. Boves junguntur, ut facilius trahant jugum; et equi combinantur, ut facilius trahant currum. Et secundum hoc, Apostolus in hoc verbo ponens nos sub dilectionis jugo, docet specialiter duo: portare scilicet proximorum partem laboris, cum dicit: *Alter alterius onera portate; secundo, conservare legem amoris*, addens: *Et sic adimplebitis legem Christi*. Primo ergo est necessitas proximorum supportanda, quære in materia de *Pietate et Misericordia*⁴. Secundo est Dei et proximi charitas admplenda, quære in materia de *Præceptis*⁵ et *Charitate*⁶.

Dominica decimasexta post Pentecosten.

*Solliciti servare unitatem spiritus in vinculo pacis*⁷. Sicut opus glutini est fortiter conjungere, et sicut vinculi est ligare, sic opus charitatis est fortiter amare. Et secundum hoc Apostolus in verbo proposito monet nos ad duo, scilicet: ad habendum charitatis glutinum in unitate mentis, ibi: *Solliciti servare unitatem spiritus*; et ad habendum charitatis vinculum in unitate pacis, addens: *In vinculo pacis*. Primo igitur charitas loco glutini habet mentium unitatem, quære in materia de *Charitate*⁸, et *Invidia*⁹ per contrarium. Secundo charitas loco vinculi habet necessariam pacem, quære in materia de *Pace*¹⁰, et *Ira*¹¹ per contrarium.

Dominica decimaseptima post Pentecosten.

*In charitate radicati et fundati*¹². Sicut radix arborem portat, et sicut fundamentum redi-
ficium sustinet; sic charitas bonum inchoat et conservat. Et secundum hoc, in verbis propositis de charitate duo proponuntur: quoniam ipsa est radix, a qua generatur fructus boni operis, et ideo dicitur: *In charitate radicati*; ipsa est fundamentum, in quo situatur omnis

structura veritatis, et ideo subdit: *Fundati*. Primo igitur, charitas est radix respectu operis boni, quære in materia de *Charitate*¹³. Secundo, charitas est fundamentum respectu virtutis, quære in eadem materia¹⁴.

Dominica decimaoctava post Pentecosten.

*Confirmabit vos usque in finem sine crimen*¹⁵. Vulgo dicitur, quod finis, non pugna coronatur. Unde incaute et in vanum laudatur nauta antequam acceperit portum, et miles antequam acquisierit triumphum. Et secundum hoc, Apostolushortatur nos specialiter ad duo, scilicet: *Confirmabit ros*; ad puritatem innocentiae, addens: *Sine crimen*. Primo igitur debemus in bono perseverare, quære in materia de *Perseverantia*¹⁶. Secundo debemus peccatum odire, quære in materia de *Peccatis in communi*¹⁷.

Dominica decimanona post Pentecosten.

*Qui furabatur jam non furctur, magis autem laboret operando manibus suis*¹⁸. Mercatores consueverunt mercaturam illam eligere, quam cognoscunt ad lucrum utiliorem esse. Et secundum hoc, Apostolus in verbo proposito facit specialiter duo: prohibet acquisitionem furtivam, cum dicit: *Qui furabatur, jam non furetur*; suadet occupationem, addens: *Magis autem laboret*, etc. Primo igitur debemus furtum et rapinam detestari, quære in materia de *Præceptis*¹⁹ et *Avaritia*²⁰. Secundo debemus bonis operationibus occupari, et specialiter in operibus justitiæ; quære in materia de *Præceptis*²¹, de *Pœnitentia*²², et *Misericordia*²³.

Dominica vigesima post Pentecosten.

*Nolite inebriari vino, in quo est luxuria*²⁴. Medici summe prohibent vinum infirmis, quia summe accendit materiam febris. Et secundum hoc in verbo isto Apostolus duo facit: primo enim prohibet vinum gula, dicens: *Nolite inebriari vino*; secundo predicit febrem luxuriæ, addens: *In quo est luxuria*. Debemus igitur gulanum et luxuriam cavere, quære in materia de *Luxuria et Gula*²⁵.

c. II, p. 293. — ¹⁴ Ibid. — ¹⁵ I Cor., I, 8. — ¹⁶ Sup., tit. VIII, c. II, p. 328. — ¹⁷ Tit. I, c. I, p. 249. — ¹⁸ Ephes., IV, 28. — ¹⁹ Sup., tit. III, c. VI, p. 280. — ²⁰ Tit. I, c. VI, p. 255. — ²¹ Tit. III, per totum, p. 275-282. — ²² Tit. II, per totum, p. 263-275. — ²³ Tit. VII, c. IV, p. 320. — ²⁴ Ephes., V, 18. — ²⁵ Sup., tit. I, c. VIII et IX, pag. 259-262.

¹ Tit. I, c. VIII et IX, p. 259-262. — ² Tit. I, per totum, p. 320. — ³ Gal., VI, 2. — ⁴ Sup., tit. VII, c. IV, p. 263-275. — ⁵ Tit. III, p. 293. — ⁶ Tit. V, c. II, p. 275-282. — ⁷ Ephes., IV, 3. — ⁸ Sup., tit. V, c. II, p. 252. — ⁹ Tit. I, c. IV. — ¹⁰ Tit. VII, c. VI, p. 323. — ¹¹ Tit. I, c. V, p. 234. — ¹² Ephes., III, 17. — ¹³ Sup., tit. V,

Dominica vigesimaprima post Pentecosten.

*State succincti lumbis vestris (a) in veritate, et induiti lorica (b) justitiae*¹. Consueverunt antiqui et probati milites, docere pugnare, et armare minores. Et secundum hoc, Apostolus docet nos in his verbis tria, scilicet : corporis castitatem, dicens : *State succincti lumbis vestris; oris veritatem, addens : In veritate; et aequitatem, subdicens : Induti lorica justitiae.* Primo igitur debet esse caro munda, quære in materia de *Castitate*², et *Luxuria*³ per contrarium. Secundo debet esse lingua vera, quære in materia de *Veritate*, et *Mendacio* per contrarium, et quære in materia de *Præceptis*⁴. Tertio debet esse operatio justa, quære in materia de *Justitia*⁵.

Dominica vigesimasecunda post Pentecosten.

*Repleti fructus justitiae per Jesum Christum in gloriam et laudem Dei*⁶. Mercatores socii consueverunt primo lucro intendere, et postmodum lucrum dividere. In omni opere bono sunt socii Deus et homo : et honor est portio Dei, qui gratiam largitur ; fructus vero est portio hominis, qui bonum opus exequitur. Et secundum hoc Apostolus in verbo proposito monet nos quantum ad duo, scilicet : ad fructum boni operis cumulandum, quæ est portio nostra, dicens : *Repleti fructu justitiae per Jesum Christum; ad laudem et honorem Deo persolvendum, quæ est portio sua*, addens : *In gloriam et laudem Dei.* Primo igitur debemus bonis operibus insistere, et specialiter operibus misericordiæ, quære in materia de *Misericordia*⁷; vel operibus penitentiæ, quære in materia de *Penitentia*⁸; secundo debemus in omnibus Deum laudare, quære in materia de *Bonitate*, et *Superbia*⁹ per contrarium.

Dominica vigesimatertia post Pentecosten.

*Quorum Deus venter est, et gloria in confusione ipsorum, qui terrena sapiunt*¹⁰. Consuevit nutrix in conspectu pueri contra immunditiam spuere, ut puer addiscat immunditias non tractare : et secundum hoc Apostolus in verbis istis describit nobis tria vitia detestanda, scilicet immundorum

¹ Ephes., vi, 14. — ² Sup., tit. IV, c. iv, p. 288. — ³ Tit. I, c. ix, p. 261. — ⁴ Tit. III, c. VII, p. 280. — ⁵ Tit. V, c. VIII, p. 303. — ⁶ Philip., I, 11. — ⁷ Sup., tit. VII, c. IV, p. 320. — ⁸ Tit. II, c. VII, p. 272. — ⁹ Tit. I, c. III, p. 251. — ¹⁰ Philip., III, 19. — ¹¹ Sup., tit. I, c. VII, et IX, p. 259-262. — ¹² Tit. I, c. III, p. 251. — ¹³ Tit. VII, c. I, p. 311. — ¹⁴ Tit. I, c. VI, p. 255. —

idolatriam detestabilem, dicens : *Quorum Deus venter est; superborum vanam gloriam confusibilem, addens : Et gloria in confusione ipsorum; cupidorum avaritiam inexplicabilem, subdens : Qui terrena sapiunt.* Primo igitur debemus immunditudinem fugere, et specialiter gulam et luxuriam, quære in materia eorum¹¹; secundo debemus superbiam calcare, quære in materia de *Superbia*¹² et *Humilitate*¹³. Tertio debemus aviditatem cupidorum relegare, quære in materia de *Avaritia*¹⁴ et *Paupertate*¹⁵.

Dominica vigesimaquarta post Pentecosten.

*In omni opere (c) bono fructificantes, et crescentes in scientia Dei*¹⁶. Arbor novella facit naturaliter duo : nam crescendo fructificat, et fructificando crescere non cessat. Et secundum hoc Apostolus in verbo isto monet nos ad duo, scilicet : ad fructum bonorum operum, dicens : *In omni opere bono fructificantes; et ad augmentum virtutum, addens : Et crescentes in scientia Dei.* Primo igitur debemus bonis operibus insistere, et specialiter tribus, scilicet justitiae, etc., quære in materia de *Præceptis*¹⁷, de *Penitentia*¹⁸, et *Misericordia*¹⁹. Secundo debemus in virtutibus proficere, quære in materia de *Virtutibus in communi*²⁰, et de *Acedia*²¹ per contrarium.

In Visitatione Praelatorum ad Subditos.

*Faciet iudicium et justitiam in terra*²². Bonus paterfamilias prius servis suis predicit misericordias, quam inferat plagas; et hoc est quod dicit Dominus per Jeremiam prophetam, et in verbo isto proponit duo, scilicet : Christi iudicium, quod debemus summe formidare, dicens : *Faciet iudicium; et secundo Christi justitiam, quam debemus observare*, addens : *Et justitiam in terra.* Primo igitur proponitur Christi iudicium ad formidandum, quære in materia de *Timore*²³ et *Judicio*²⁴; secundo proponitur justitia ad observandum, quære in materia de *Justitia*²⁵ et *Præceptis*²⁶.

De Apostolis.

Majorem hac dilectionem nemo habet, ut animam

¹⁵ Tit. IV, c. III, p. 287. — ¹⁶ Coloss., I, 10. — ¹⁷ Sup., tit. III, c. IV-VII, p. 279-280. — ¹⁸ Tit. II, c. V-VII, p. 268-275. — ¹⁹ Tit. VII, c. IV, p. 320. — ²⁰ Sup., tit. V, c. I, p. 290. — ²¹ Tit. I, c. VII, p. 251. — ²² Jer., XXIII, 5. — ²³ Sup., tit. VI, c. I, p. 304. — ²⁴ Tit. IX, p. 331. — ²⁵ Tit. V, c. VIII, p. 303. — ²⁶ Tit. III, c. IV-VII, p. 279-281. — (a) Vulg. *lumbos vestros.* — (b) Item *locum.* — (c) Item *tempore.*

*suam ponat quis pro amicis suis*¹. Consuetum est in Ecclesia, quod in magna solemnitate pulsatur major campana: ita et in festo Apostolorum recitantur magnalia charitatis, quae est maxima virtutum, et secundum hoc in verbis istis Salvator in laudem hujus apostoli nobis proponit de charitate duo, scilicet: charitatis gaudium, quod non potest altius esse, dicens: *Majorem hac dilectionem nemo habet; charitatis signum, quod non potest certius esse, addens: Ut animam suam ponat quis pro amicis suis.* Primo igitur debemus, exemplo hujus apostoli, dilectionis gradus ascendere, quare in materia de *Charitate*², et *Acedia*³ per contrarium. Secundo debemus signum dilectionis ostendere, quare in materia de *Charitate*⁴, et *Acedia*⁵ per contrarium.

Item de eisdem Apostolis.

*Estote prudentes sicut serpentes, et simplices sicut columbae*⁶. Miles debet esse præcipue armatus contra illa tela, quibus uitio inimicus. Et ideo, quia mundus habet duo tela præcipua, scilicet fraudulentiam et violentiam, quia per fraudulentiam decipit, per violentiam opprimit; ideo Salvator in his verbis armat milites suos specialiter duobus armis, scilicet: serpentina sagacitate, contra mundi fraudulentiam, dicens: *Estote prudentes sicut serpentes; columbina simplicitate, contra mundi violentiam,* addens: *Et simplices sicut columbae.* Primo igitur debemus habere, exemplo hujus apostoli, prudentiam serpentinam, quare in materia de *Prudentia*⁷; secundo debemus habere mititatem columbinam, quare in materia de *Mansuetudine*⁸, et *Ira*⁹, per contrarium.

De eisdem Apostolis.

*Ecce ego mitto vos sicut oves in medio luporum*¹⁰. Consuevit luparius lupo exponere agnum, ut cum agno capiat lupum. Isto modo novo venerationis usus est Christus, qui principibus mundanis exposuit apostolos, et per apostolos cepit principes et reges mundanos. Et secundum hoc in verbo isto ad laudem hujus apostoli describit duo, scilicet: divinam auctoritatem, dicens: *Ecce ego mitto vos; ovinam simplicitatem,* addens: *Sicut oves in medio luporum.* Primo igitur,

¹ *Joan.*, xv, 13. — ² *Sup.*, tit. v, c. II, p. 293. — ³ *Tit.*, c. VII, p. 251. — ⁴ *Ut sup.*, p. 293. — ⁵ *Ut sup.*, p. 251. — ⁶ *Matth.*, x, 16. — ⁷ *Sup.*, tit. v, c. v, p. 300. — ⁸ *Tit.*, VII, c. II, p. 317. — ⁹ *Tit.*, I, c. v, p. 254. — ¹⁰ *Matth.*, x, 16. — ¹¹ *Sup.*,

apostoli fuerunt missi ad prædicandum Dei Verbum, quere in materia de *Prædicatione*¹¹; secundo, fuerunt missi ad ædificandum per exemplum, quere in materia de *Religione*¹². Propter primum est apostolorum dignitas honoranda, quare in materia de *Humilitate*¹³; propter secundum, est eorum humilitas imitanda, præcipue quantum ad paupertatem, obedientiam, et charitatem; quare in materia de *Paupertate*¹⁴, et *Charitate*¹⁵, et *Obedientia*¹⁶.

De eisdem Apostolis.

*Hoc est præceptum meum, ut diligatis invicem, sicut dilexi vos*¹⁷. Consuevit magister, quando vult scholares bene instruere, exempla sensibilia in lectione proponere, ut scholares possint facilius retinere. Et ideo Salvator legens scholaribus suis, id est, apostolis, lectionem charitatis, proponit seipsum tanquam exemplum lectionis. Et secundum hoc charitas, que fuit lectio apostolorum, describitur hic tripliciter, scilicet: ut mandatum intransgressibile, cum dicitur: *Hoc est præceptum meum; ut vinculum indissolubile, cum additur: Ut diligatis invicem;* ut exemplum intelligibile, cum dicitur: *Sicut dilexi vos.* Primo igitur debemus charitatem sicut præceptum servare, quare in materia de *Præceptis*¹⁸. Secundo debemus charitatem sicut vinculum nodare, quare in materia de *Charitate*¹⁹. Tertio debemus charitatem Christi sicut exemplum palpare, quare in materia de *Charitate*²⁰.

De uno Martyre.

*Justus ut palma florebit*²¹. Consuevit agricola arbores generosus eligere, ut eas possit in suo virgilio plantare; sic Dominus noster Jesus Christus elegit arbores nobilissimas in virgilio paradisi plantandas: inter quas elegit hujus venerandi martyris victoriam, sicut palmam fructuosam et speciosam. Et secundum hoc martyr iste gloriosus in isto verbo tripliciter commendatur, scilicet: ut justus in opere, cum dicitur: *Justus; ut fortis in tribulatione, cum additur: Ut palma; ut pulcher in conversatione,* cum subditur: *Florebit.* Primo igitur debemus exemplo hujus martyris habere justitiae rectitudinem, quare in materia de *Justitia*²²; se-

in Proœm., c. I, p. 218. — ¹² *Tit.*, c. I, p. 283. — ¹³ *Tit.*, VII, c. I, p. 314. — ¹⁴ *Tit.*, IV, c. III, p. 287. — ¹⁵ *Tit.*, V, c. II, p. 293. — ¹⁶ *Tit.*, IV, c. II, p. 285. — ¹⁷ *Joan.*, XV, 12. — ¹⁸ *Sup.*, tit. III, p. 275-282. — ¹⁹ *Tit.*, V, c. II, p. 293. — ²⁰ *Ibid.* — ²¹ *Psal.*, xcI, 13. — ²² *Sup.*, tit. V, c. VIII, p. 303.

cundo, patientiæ fortitudinem, quære in materia de fortitudine¹. Tertio, munditiæ pulchritudinem, quære in materia de Castitate².

Idem de eodem Martyre.

*Posuisti, Domine, in capite ejus coronam de lapide pretioso*³. Magnus honor est, quando imperator promovet aliquem in militem; et major, cum coronat servum regem. Talem honorem isti martyri gloriose exhibuit Dominus: quoniam non solum in strenuum militem ipsum promovit, sed coelesti diademate coronavit. Et secundum hoc a Prophetâ in laudem sua coronare duo specialiter proponuntur, scilicet: majestas imperialis, cum dicitur: *Posuisti, Domine, super caput ejus; valor martyrialis*, cum dicitur: *De lapide pretioso*. Primo igitur, exemplo hujus martyris, corona meritorum nostrorum debet esse in virtutibus speciose formata, quære in materia de Continentia⁴. Secundo, debet esse pretiose fabricata, quære in materia de Virtute⁵ et Humilitate⁶.

De pluribus Martyribus.

*Sancti per fidem vicerunt regna*⁷. Bene debent reputari strenui milites, quando paucissimi vincunt plures. Tales fuerunt isti sancti martyres, qui superaverunt mundanos principes et reges. Et secundum hoc Apostolus in verbis istis describit tria martyrum præconia gloria, scilicet: vitæ munditiæ, dicens: *Sancti; mentis justitiæ*, addens: *Per fidem; mortis victoriam*, subdens: *Vicerunt regna*. Primo igitur, exemplo sanctorum martyrum, debemus habere castitatem pro lorica, quære in materia de Castitate⁸; secundo, fidem pro lancea, quære in materia de Fide⁹; tertio, perseverantiam pro corona, quære in materia de Fortitudine¹⁰.

De eisdem Martyribus.

*Justorum animæ in manu Dei sunt*¹¹. Consueverunt incolæ steriles terras et tyrannorum regna dimittere, et ad fertiles terras et ad regna pacifica se transferre: sic fecerunt sancti martyres, qui dimiserunt terras steriles hujus saeculi, et tyrannidem diaboli, et transtulerunt se ad pacificum regnum Christi. Et secundum hoc in

verbis istis duo martyrum præconia proponuntur, scilicet: plena perfectio respectu sui, cum dicitur: *Justorum animæ; plena subiectio respectu Dei*, cum subditur: *In manu Dei sunt*. Primo igitur, exemplo martyrum, debemus esse virtute justitiae perfecti, quære in materia de Justitia¹². Secundo debemus obedientia esse subiecti, quære in materia de Obedientia¹³.

De uno Confessore Pontifice.

*Assimilatus Filio Dei manet sacerdos in æternum*¹⁴. Satis res commendatur de candore, quando comparatur nivi; et res de calore, quando comparatur igni. Sic commendantur merita hujus confessoris et pontificis gloriosi, cum comparantur Christo. Et secundum hoc in verbis istis iste confessor commendatur de duobus, scilicet: de sanctitate perfecta, cum dicitur: *Assimilatus Filio Dei*; et de dignitate præcelsa, cum dicitur: *Manet sacerdos in æternum*. Primo igitur, exemplo hujus confessoris, est Christi sanctitas imitanda, quære in materia de Mitiitate¹⁵, vel *Virtute in Communi*¹⁶, et de Humilitate¹⁷, *Misericordia*¹⁸, et *Fortitudine*¹⁹. Secundo est non terrena, sed coelestis dignitas appetenda, quære in materia de Spe²⁰, et Humilitate²¹.

De uno Doctore.

*Os justi meditabitur sapientiam, et lingua ejus loquetur iudicium*²². Naturaliter os hominis facit duo, scilicet gustando probat cibum, et loquendo format verbum. Et secundum hoc gloriosus iste doctor habuit duo bona, ex quibus extollitur in his verbis, scilicet: gustum sapientiae in contemplatione, ideo dicitur: *Os justi meditabitur sapientiam; verbum cloquentiae in prædicatione, et ideo additur: Et lingua ejus loquetur iudicium*. Primo igitur, exemplo hujus sancti doctoris, debemus imitari sapientiam qua (a) ipse consideravit, et præcipue mortis miseriæ ad humiliandum, et coeli gloriam ad (b) desiderandum. Quære in materia de Humilitate²³ quantum ad primum, et de Spe²⁴ quantum ad secundum. Secundo debemus formidare iudicia que ipse formidavit, quære in materia de Timore²⁵.

¹ Sup., tit. v, c. vii, p. 202. — ² Tit. iv, c. iv, p. 288. — ³ Psal. xx, 4. — ⁴ Sup., tit. iv, c. iv, p. 288. — ⁵ Tit. v, c. i, p. 290. — ⁶ Tit. vii, c. i, p. 311. — ⁷ Hebr., xi, 33. — ⁸ Sup., tit. iv, c. iv, p. 288. — ⁹ Tit. v, c. iii, p. 296. — ¹⁰ Ibid., c. viii, p. 302. — ¹¹ Sap., ii, 3. — ¹² Sup., tit. v, c. viii, p. 303. — ¹³ Tit. iv, c. ii, p. 285. — ¹⁴ Hebr., vii, 3. — ¹⁵ Sup., tit. vii, c. ii, p. 317. — ¹⁶ Tit. v, c. i, p. 290. — ¹⁷ Tit. vii, c. i, p. 311. — ¹⁸ Ibid., c. iv, 320. — ¹⁹ Tit. v, c. vi, p. 301. — ²⁰ Tit. v, c. iv, p. 299. — ²¹ Tit. vii, c. i, p. 311. — ²² Psal. xxxvi, 30. — ²³ Sup., tit. vii, c. i, p. 311. — ²⁴ Tit. v, c. iv, p. 299. — ²⁵ Tit. vi, c. i, p. 304.

(a) *Cat. edit. quam.* — (b) *Item deest ad.*

De uno Confessore non Pontifice.

*Justum deduxit Dominus per vias rectas, et ostendit illi regnum Dei*¹. Multum letatur peregrinus, quando de aliquo vertice montis ostendit ci terminus sua diæta: sic fecit Dominus huic sanctissimo confessori, cum in vertice contemplationis ostendit ei regnum æternæ felicitatis. Et secundum hoc, sapiens in verbis istis proponit duo præconia hujus confessoris, scilicet: suæ peregrinationis progressum certissimum, dicens: *Justum deduxit Dominus per vias rectas; et suæ glorificationis visum rectissimum*, addens: *Et ostendit illi regnum Dei*. Primo igitur, exemplo hujus sancti confessoris, debemus per iter præceptorum incedere, quære in materia de *Præceptis*²; secundo debemus ad finem præmiorum recte ascendere, quære in materia de *Gaudio Paradisi*³.

De Virgine martyre.

*Sicut lilyum inter spinas, sic amica mea inter filias*⁴, etc. Consueverunt amatores laudibus amicas extollere, et cantionibus laudare: sic amator virginum Christus, in laudibus hujus gloriosæ virginis et martyris sponsæ suæ, cantat per sapientiam cantilenam hujus dulcissime melodie. Et secundum hoc in verbis istis commendat eam quadrupliciter, scilicet: ut decoratam candore floreo, dum dicit: *Sicut lilyum*; ut laurealam cruce roseo, cum additur: *Inter spinas*, scilicet martyrii; ut liquefactam amore flammeo, cum subdit: *Sic amica mea*; ut exaltatam honore stelleo, cum concludit: *Inter filias*, id est, inter animas beatas. Primo igitur, exemplo hujus virginis, debemus incorruptionis florem diligere, quære in materia de *Castitate*⁵, et *Luxuria*⁶ per contrarium. Secundo debemus tribulationis spinas sustinere, quære in materia de *Fortitudine*⁷, de *Penitentia*⁸, et de *Acedia*⁹

per contrarium. Tertio debemus igne charitatis ardere, quære in materia de *Charitate*¹⁰. Quarto debemus consortium cœleste desiderare, quære in materia de *Spe*¹¹, et *Timore*¹² per contrarium.

De Virgine non martyre.

*Quæramus domino nostro regi adolescentulam virginem*¹³. Sicut de prato colliguntur flores pulchiores, sic Christus de mundo per angelos suos colligit virgines. Proponuntur duo in verbis istis, scilicet: regale connubium ad quod fuit assumpta, cum dicitur: *Quæramus Domino nostro regi; virginale præconium, ad quod fuit electa*, cum dicitur: *Adolescentulam virginem*. Primo igitur, exemplo hujus virginis, anima fidelis debet esse Christo despontata, quære in materia de *Fide*¹⁴ et *Charitate*¹⁵. Secundo debet esse castitatis privilegio decorata, quære in materia de *Castitate*, et de *Luxuria*¹⁶ per contrarium.

Idem de Virgine non martyre.

*O quam pulchra est casta generatio cum claritate*¹⁷! Consuevit homo mirari specialiter propter tria: miratur enim homo in re multum pulchra, in re multum nova, et in re multum clara. Et secundum hoc hujus sancte Christi sponsæ tria miranda præconia proponuntur, scilicet: decor conversationis, cum dicitur: *O quam pulchra est*; candor incorruptionis, cum additur: *Castæ generatio*; et splendor contemplationis, cum subdit: *Cum claritate*. Primo igitur, exemplo hujus virginis, debemus esse pulchri, quære in materia de *Virtute in communione*¹⁸, et *Temperantia*¹⁹. Secundo debemus esse decori incorruptionis, quære in materia de *Castitate*²⁰, et *Luxuria*²¹, per contrarium. Tertio debemus esse radiosi per contemplationem, quære in materia de *Contemplatione*²².

¹ *Sap.*, x, 10. — ² *Sup.*, tit. II, per totum, p. 275-282.
— ³ *Tit.* X, c. II, p. 335. — ⁴ *Cant.*, I, 2. — ⁵ *Sup.*, tit. IV, c. IV, p. 281. — ⁶ *Tit.* I, c. IX, p. 260. — ⁷ *Tit.* V, c. VII, p. 302. — ⁸ *Tit.* II, per totum, p. 263-273.
— ⁹ *Tit.* I, c. VII, p. 251. — ¹⁰ *Tit.* V, c. II, p. 293. — ¹¹ *Tit.* V,

c. IV, p. 290. — ¹² *Tit.* VI, c. I, p. 304. — ¹³ *III Reg.*, I, 2. — ¹⁴ *Sup.*, tit. V, c. II et III, p. 293-299. — ¹⁵ *Tit.* IV, c. IV, p. 288. — ¹⁶ *Tit.* I, c. IX, p. 260. — ¹⁷ *Sap.*, IV, I. — ¹⁸ *Sup.*, tit. V, c. I, p. 290. — ¹⁹ *Ibid.*, c. VI, p. 301. — ²⁰ *Tit.* IV, c. IV, p. 288. — ²¹ *Tit.* I, c. IX, p. 260. — ²² *Tit.* II, c. V, p. 268.

OPUSCULUM

QUOD INSCRIBITUR

CONFESSORALE¹

ARGUMENTUM

(Ex edit. Vatic.)

Est hoc opusculum, quod Confessionale inscribitur, utilitate præcipuum: in quo S. Bonaventura tam confessorem, quam confitentem copiose dirigit ad ea, quæ confessioni prævia, quæque in confessione agenda dicendave sunt, et quæ ipsam confessionem consequuntur, annexis canonibus pœnitentialibus, quorum cognitio valde est necessaria.

PRÆFATIO

In Dei tabernaculo, id est, in sancta Ecclesia positus, etsi per doctrinæ sapientiam phialas exuberantis doctrinæ, ad ineibriandum mentes legentium, ministrare non potui; in quantum pro divina largitate suffeci, cyathum parvæ, atque angustæ, vel, ut verius dicam, pene nullius scientiæ, præsens videbat opusculum de informatione simplicium sacerdotum, in confessionibus audiendis, compulsa per obedientiam compilavi. Cum secundum beatum Gregorium, circa principium *Curae (a) pastoralis*², sit ars artium regimen animalium, et occultiora sunt vulnera cogitationum, quam viscerum; horrendum profecto est videre quosdam sacerdotes nostri temporis, qui sacram Scripturam, in qua prefati regimini ars sufficientissime traditur, et jura canonica, et scripta doctorum, in quibus plenissime declaratur, vel per torporem legere negligunt, vel per ignorantiam nesciunt, et tamen cordis medicos in audiendis confessionibus se profiteri

impudenter non metuunt, quando qui pigmentorum vim nesciunt, videri carnis medici erubescunt. Talium ergo Deo odibili ignorantiae, per obedientiam, ut dixi, compulus subscripta informatione simplici studui, sicut potui, quamvis non ut debui, subvenire. In primo autem hujus opusculi tituli capitulorum, et singularum particularum eorumdem continentie præmittuntur, quibus ad legentis animam quasi quibusdam passibus facilius gradiatur. Porro particularum quinti capituli continentie non prænotantur, quia sicut insipienti patet, per se possunt satis faciliter inveniri. Cæterum simplex simplicibus simplicia scribens simpliciter, particulas presentis opusculi, secundum quod occurserunt memorie, magis quam secundum naturalem ad invicem cohærentiam ordinavi, omni qua possum humilitate ac devotione supplicans, quatenus

Sis mihi corrector resecando superflua lector,
Veraque digneris, quæ desunt, juugere, veris.
Omne defectum partim studio brevitatis
Scribendi tribus, partim vitio ruditalis.

Mira
modestia
ac humi-
litas
Auctoris.

¹ Cf. Edit. Argent. au. 1495; edit. Vatic. an. 1596, tom. VII, parl. III, p. 48; edit. Ven. au. 1611, tom. I; edit. Lugd. an. 1617, tom. II, p. 48; edit. Veu. an. 1754, tom. IX, p. 52. — ² Greg., *Pastor.*, p. I, c. I.

(a) Cæt. edit. Cura.

CAPUT PRIMUM.

*Qualiter sacerdos confessor habere se debeat
in confessione.*

PARTICULA I.

De loco confessionis.

¹ Qui facit veritatem venit ad lucem, ut manifestetur ejus opera, quia in Deo sunt facta. Ex hoc verbo sacerdos, qui ² angelus Domini exercitum dicitur, intelligat ut non tenebrarum, sed lucis angelum se ostendat, sedens pro confessionibus audiendi in loco manifesto, et omni suspicione carente, ubi videri possit ab omnibus, et non audiri. Quærendo enim latibula tenebrarum, male agere se ostenderit, dicente Christo ³: *Omnis enim qui male agit, odit lucem;* qui est in intentione mali, et cui placet malum, hæc Glossa: *Et non venit ad lucem, ut non arguit opera ejus.* « Caveo, ait Hieronymus ⁴, omnes suspiciones, et quidquid probabiliter fingi potest, ne singatur, ante devita. » Apostolus ⁵ ab omni specie mala, id est, non solum ab eo quod est malum, sed etiam ab omni quod specimen mali pretendit, nos admonet abstineat. Et quia secundum Augustinum, libro de Singularitate Clericorum ⁶, pene post principium, pejus est quam moëchia continentiam ducere criminosa, et infamem facere sanctimoniam; sacerdos audiens confessionem, sedeat, ut dictum est, in loco publico et honesto, ne, quod absit, adulterum se ostendat. Nam dicitur ⁷: *Oculus adulteri observat caliginem.* Veniens igitur ad manifestationem lucem *facil veritatem*, ut dicitur in Joanne ⁸; ibi Glossa: « Id est, bona opera, quæ veritas jubet. »

PARTICULA II.

Qualiter sacerdos cavere debeat ab illicita delectatione.

Sollicitus etiam sit sacerdos, ne dum confidentem foris a sordibus purgat, ipse ex his, quæ audit, per voluntariam delectationem interiorum sordidetur. Debet enim esse ut nobilis manus, quæ alium lavans, lavatur, mundans mundatur, non ut lixivia vilis, quæ alia mun-

dificans inquinatur. Caveat ergo ne per voluntariam delectationem ⁹ caput aspidis sugat(a), et occidat eum lingua viperæ. Glossa: « Aspis est parvus serpens; viperæ prolixioris est corporis, et sic nascitur, ut violenter exeat. Caput itaque aspidis sugit, et occidit eum lingua viperæ, quia cum initium suggestionis occultæ libenter suscipit, violentis postmodum se tentationibus devictus tradit; vel quia venenum aspidis concite, viperæ tardius occidit, per aspidem violenta et subita, per viperam tentatio tardior significatur. » Hæc Glossa.

PARTICULA III.

Quod confessor non respiciat faciem pénitentis.

Debet etiam cavere sacerdos, ne vultum sibi confidentis, maxime mulieris, respiciat, ne confitens confundatur, et ne ipse delectatione illicitæ captiatur; unde debet semper mulier sedere a latere confessoris, quia, ut dicit Habacuc ¹⁰, *facies ejus ventus urens;* et Glossa Gregorii super illo verbo Genesis ¹¹, *Vidit igitur mulier* ¹², etc.: « Ne lubrica in cogitatione versemur, non debemus intueri, quod non licet concupisci. Ut enim munda mens in cogitatione servetur, a lascivia voluptatis reprimendi sunt oculi, quasi quidam raptore ad culpam. Non enim Eva lignum contigisset, nisi prius incaute respexisset. Pensandum ergo quantum ad illicitis debeamus visum restringere, qui mortaliter vivimus, si et maler viventium per oculos ad mortem venit. » Hæc Glossa.

PARTICULA IV.

Quod confessor peccata pénitentium non abhorreat.

Non debet etiam confessor pénitentis horre peccata, quantunquecumque enormia, turpia, magna, inaudita, vel inusitata sint; quia, ut dicit Joannes ¹³: *Qui sine peccato est vestrum, primus in illam mittat.* Aut enim confessor fuit, vel est, vel erit, aut esse potuit in similibus peccatis, vel majoribus. Unde præcipit Deus ¹⁴: *Non abominatus Idumæum*, id est, peccatorem rubore confusionis dignum, quia frater tuus est; *vel Ægyptum*, id est, peccatorem peccatorum angustiis tribulatum. *Idumæus* namque rufus vel rubens interpretatur; *Ægyptius* angustia, sive tribulatio.

¹ Joan., III, 21. — ² Malach.,⁶ II, 7. — ³ Joan., III, 20. — ⁴ Hieron., ad Nepotian., epist. II, ante med. — ⁵ 1 Thess., V, 22. — ⁶ Est inter opera S. Cypriani. — ⁷ Job, XXIV, 15. — ⁸ Joan., III, 21. — ⁹ Job, XX, 16.

¹⁰ Hab., I, 9. — ¹¹ Gen., III, 6. — ¹² Greg., Moral., lib. XXI, c. II, ante med. — ¹³ Joan., VIII, 7. — ¹⁴ Deut., XXII, 7.

(a) Edit. Ven. surgat.

PARTICULA V.

Qualiter sacerdos alloqui debeat pénitentem.

Exinde debet confessor pio ac suavi alloquio, ipsum confidentem ad veram compunctionem, et ad nudam et expressam confessionem inducere, non statim ex abrupto, si tempus sufficit, inferre : « Die peccata tua ; » sed dulciter ei proponere aliqua de confessionis utilitate, quæ valet ad septem. Valet enim ad peccati cognitionem propter instructionem sacerdotis; unde dicitur in *Deuteronomio*¹ : *Si difficile et ambiguum iudicium apud te esse perspexeris inter sanguinem et sanguinem, causam ei causam, lepram et non lepram, et infra parum : Surge et ascende ad locum, quem elegerit Dominus Deus tuus, et venies ad sacerdotes levitici generis, quæresque ab eis.* Psalmista² : *Dixi : Confitebor, etc.* Si propositum valet, quanto magis ipsa confessio? Ad cogniti et contriti satisfactionem; unde dicitur in *Ecclesiastico*³ : *Est confusio adducens gloriam et gratiam.* Ad pœne diminutionem, vi clavium; de hoc apud *Mathæum* (a)⁴ : *Quodcumque solveris super terram, etc.* Ad Dei glorificationem; unde *Josue*⁵ : *Da gloriam Domino Deo Israel, et confitere, atque indica mihi quid feceris.* Ad intercessorum multiplicationem, dicente *Jacobo*⁶ : *Confitemini alterutrum peccata vestra, et orate pro invicem ut salvemini.* Ad conscientię assecurationem; unde *David*, statim cum dixit⁷ : *Peccavi, audivit : Dominus quoque transfluit peccatum tuum : non morieris.* Et hoc est magnum bonum, ut dicit *Paulus*⁸ : *Gloria nostra hæc est, testimonium conscientię nostræ.* Proponat etiam ei de peccatorum venia, de Dei misericordia, et suadeat ei quod non verecundetur confiteri, sed nude, et expresse omnia confiteatur, quia non homini confitetur, sed Deo scienti omnia: qui si nude confiteatur, pro absoluto habetur; si vero scienter aliquid occultaverit, confessio nihil valebit, quia⁹ *qui in hoc uno offendit, factus est omnium reus*, inquit *Jacobus*. Si vero non vult confiteri, proponat ei terrores judicii, pœnas inferni, et quod multo melius est erubescere hoc coram uno homine, quam in die judicii coram Deo, et omnibus angelis, hominibus et dæmonibus.

¹ *Deut.*, xvii, 8, 9. — ² *Psal.* xxxi, 5. — ³ *Ecclesiastico*, iv, 25. — ⁴ *Matth.*, xvi, 19. — ⁵ *Jos.*, vii, 19. — ⁶ *Jac.*, v, 16. — ⁷ *II Reg.*, xi, 13. — ⁸ *II Cor.*, i, 12. — ⁹ *Jac.*, ii, 10. — ¹⁰ *Levit.*, xix, 15. — ¹¹ *Deut.*, xvi, 19. — ¹² *Ibid.*, i, 17. — ¹³ *Isa.*, v, 23.

(a) *Cæt. edit.* de hoc *Matthæus*.

PARTICULA VI.

Quod confessor in iudicio pénitentie personam non accipiat.

Studeat etiam confessor evare ab acceptione personarum, quæ sic describuntur a magistris: « Acceptio personæ est injustitia, qua præfertur persona personæ propter causam indebitam. » Attende diligenter, o judex penitentialis, quod tibi dicitur¹⁰: *Non facies quod iniquum est, nec injuste judicabis. Non consideres personam pauperis, nec honores vultum potenteris: ne videlicet declines a via justitiae propter pauperis compassionem, vel propter potenteris adulacionem.* Attende præterea tibi dictum¹¹: *Non accipias personam, nec munera, quia munera exceperant oculos sapientum, et mutant verba justorum.* Attende nihilominus diligenter, et considera universaliter omnibus confessoribus esse dictum¹²: *Audite illos, et quod justum est, iudicate; sive civis ille, sive peregrinus, nulla erit distantia personarum : ita parvum audietis, ut magnum; non accipietis cujusquam personum, quia Dei iudicium est. Audite, inquam, id est, diligenter intendite peccata, et peccatorum circumstantias examinando : et quod justum est iudicate, justos videlicet, sive divites, sive pauperes absolvendo; et impios, quamvis etiam potentes et divites, condemnando : nec accipietis personam cuiusquam, pauperes indebet exasperando, et divitibus et potenteribus aduindo.* Non, inquam, accipias personam, ne maledictione prophætica feriaris, qua dicitur¹³: *Væ qui justificatis impium pro munib⁹, et justitiam justi aufertis ab eo.*

CAPUT II.

De interrogationibus faciendis in confessione.

PARTICULA I.

Qualiter interrogations sint facienda in generali.

Post hæc sacerdos incipiat audire confessionem ipsius, interrogando, si peccator nesciat confiteri; et adjuvando per inquisitionem, discrete tamen, ita quod sollicitus sit usitata peccata singillatim requirere, inusitata vero per circumstantias generales et valde remotas caute investigare; ne inexpertis detur materia, vel occasio, quod ante nesciverant perpetrandi, sicut aliquoties contingit ex quorundam insipientium confessorum interrogationibus. Taliter autem

indiscrete interrogantes, non sunt vitiorum evulsores et destructores, sed potius ædificatores, et plantatores. Ideo, ut dictum est, non debent de peccatis inuisitatis expresse interrogare, sed nec ad circumstantias speciales descendere; sed tantummodo in universalibus stare, et sapienter valde a longe et a remotis generalibus circumstantiis incipere quærere, ita ut si fecit, confitens statim cognoscat; si non fecit, nesciat quid confessor dicat. Verbigratia, si de incontinentia querat, et velit scire, an in turpi vitio peccavit, dicere potest: « Habuisti unquam pollutionem dormiendo? » Si dicat quod sic; quærat, si vigilando, quia omnis pollutionis voluntaria procuratio, excepto fædere matrimoniali, peccatum mortale est. Si adhuc dicat, quod sic, posset querere quomodo; caveat tamen, ne unquam querat utrum illo, vel illo modo speciali, sed querendo generaliter modum, exspectet ab illo determinationem. In quo casu potest intelligi, quod precipit Dominus confessori sub typo creditoris in *Deuteronomio*¹: *Cum repetes a proximo tuo rem aliquam, quam debet tibi, non ingredieris domum ejus, id est eorū vel conscientiam ejus, ut pignus auferas; sed stabis foris, et ille tibi proferet quod habuerit.* Si vero dicat, quod non, faceat sacerdos: cavere enim debet ne lupum excitet dormientem, ne videlicet peccata nova in animo hominis repræsentet. Similiter faciendum est de aliis peccatis inconsuetis. Si autem confitens etiam peccata consuela nesciat confiteri, ut fere communiter omnes rurenses, potest et debet confessor interrogare, secundum illud *Ezechielis*²: *Fili hominis, fode parietem.* Augustinus³ de *vera et falsa Pœnitentia*, circa lineam: « Diligens igitur inquisitor et subtilis investigator sapienter et quasi astute interroget a peccatore, quod forsitan ignorat, vel verecunde velit occulare. Cognito itaque criminis, varietates ejus non dubitet investigare, et locum et tempus, etc., quæ supra diximus in exponendo eorum qualitates; quibus cognitis, adsit benevolus, paratus erigere, et secum onus portare. Habeat dulcedinem in affectione, pietatem in alterius criminis, discretionem in varietate personarum. » Et infra: « Semper eum juvet leniendo, spem promittendo, consolando, et cum opus fuerit, etiam increpando. » Ille Augustinus. Et introducitur haec auctoritas, et multa de ista materia, *de Pœnitentia*, d. vi⁴, per totum.

¹ *Deut.*, xxiv, 10. — ² *Ezech.*, viii, 8. — ³ Imo auctor, quisquis ille sit, libri *de ver. et fals. Pœnit.*,

PARTICULA II.

Qualiter et de quibus interrogandum sit; et primo de superbia.

Taliter autem sacerdos potest incedere: interrogando primo de superbia; et primo, si ex timore cordis cum deliberatione superbivit de bonis naturæ, alios contemnendo, utpote de ingenii naturalis subtilitate, de corporis fortitudine, pulchritudine, agilitate, et similibus, de omnibus donis, scilicet gratiæ gratis datae, sicut de bona voce, de affabilitate, eloquentia, et similibus, appetendo pro his inordinate placere; vel eadem, si non adfuerint, culpabiliter affectando. Secundo, de bonis fortunæ, si se extulit de divitiis, de parentum multitudine, nobilitate, et de propria dignitate, potestate, de acquisita scientia, industria, experientia, de consilii excellentia, et similibus, vel si defuerunt, ea culpabiliter affectavit. Quæreret etiam si de præmissis omnibus, vel aliquibus, aliquando se jactavit, forte etiam mendaciter, et de quatuor speciebus superbie, quæ continetur in hoc versu:

Et (a) se pro meritis falso plus omnibus inflat.

Tertio, de bonis gratiæ gratum facientis, utpote de devotione, oratione, de lacrymis, jejunio, silentio, obedientia, humilitate, et similibus omnibus exercitiis, quoquo modo ad gratiam gratum facientem pertinentibus. Quarto, si extulit se de peccatis, utpote de luxuria, vel aliis quibuscumque, quia secundum beatum Gregorium⁵: « Omni culpa gravius est, quando de commissio vitio superbitur. »

PARTICULA III.

De Invidia.

Quærerat etiam de invidia: si lætatus est de proximi adversitate, qui eum læsil, vel contristatus de prosperitate, quod est primus gradus invidiæ; vel qui non læsil, quod est secundus; vel qui bene sibi fecit, quod est tertius. Hic descendere poterit de diversis adversitatibus in speciali, scilicet infirmitate corporis, labore, et dolore, vel cordis tribulatione, vel confusione, et similibus, secundum quod pro varietate personarum viderit expedire.

c. xx, n. 36. — ⁴ Vid. *Decreti part. II*, caus. xxxiii.
— ⁵ *Greg.*, *Moral.*, lib. VII, c. xxi.

(a) *Cœl. edit.* A.

PARTICULA IV.

De Ira.

Postea quærat de ira, secundum tres gradus ire. Primus est, quando homo irascitur et maledicit, vel malefacit convittianti sibi, vel malefaciens. Secundus gradus est, quando ex amaritudine cordis sibi maledicit, vel malefacit se percutiendo, vel aliquid hujusmodi. Tertius gradus est, quando homo ex nimio furore, in ludo, vel alibi, maledicit Deo benedicto: ubi etiam quærat de peccatis, que proveniunt ex ira, scilicet de bellis, homicidiis, incendiis, et hujusmodi.

PARTICULA V.

De Acedia.

Deinde quærat de acedia. Primo si per tedium boni, ex consuetudine, et pravitate, et desiderio mali, quocumque malum faciendo letatur, et bonum quocumque faciendo tristatur; ubi poterit descendere ad diversa bona et mala, secundum quod exigit diversitas personarum. Secundo, quod si non solum in bono tristatur, et malo letatur, sed etiam aliquos deridendo a bono retraxit, vel ad malum attraxit, verbis, gestibus et exemplis. Tertio, si desperando, vel de misericordia Dei nimium presumendo, omni stultitiae et impudicitiae se tradidit per otium, a bona cogitatione, locutione et operatione cessando; concupiscentiae carnis, oculorum, et superbiae vite insistendo; aut amore mali, aut tedium boni, malo per negligentiam non resistendo; in dissolutione spectacula vana videndo; in fractione vocis, in levitate mentis, in gestibus corporis lasciviendo inepte, et nimis ridendo, alios ad risum movendo, fabulosa et vana loquendo, vagus et inconstans existendo, quod modo non vult, modo vult; quod nunc laudat, nunc vituperat; gravis ad bona, levis ad mala; gratiam Dei repellendo, et si receperit, expellendo, tempus, horas, dies et menses et annos inutiliter expendendo, paenitentias injunctas indevote perficiendo, vel imperfectas relinquendo, vel tota- liter omittendo.

PARTICULA VI.

De Avaritia.

Quærat etiam de avaritia, et tribus gradibus. Primus, si sua non communicavit ut debuit; ubi quærat de operibus misericordiae, si omisit; et hoc tam de spiritualibus, quam de corpora-

libus. Spiritualia sunt hæc: doctrina, consilium, injuriarum remissio, correctio, consolatio, supportatio, et oratio, quæ præter primum continentur in hoc versu:

Consule, castiga, solare, remitte, fer, ora.

Corporalia continentur in hoc versu:

Visito, polo, cibo, redimo, tego, colligo, condo.

Secundus gradus est, quando per fraudem acquirit; ubi querat de diversis modis illicite acquirendi, de quibus postea tangetur. Tertius gradus est, si non restituit illicite acquisita, nec etiam operarios, vel servientes sibi remuneravit, ut debuit.

PARTICULA VII.

De Gula.

Quærat etiam de gula, secundum tres gradus gulæ: primus, si se replevit frequenter, et præposuit epulas dilectioni vel delectationi Dei, ita quod non delectaret eum quidquam boni agere. Secundus gradus est, quando quasi nullum vel paucos dies vult jejunare; et si jejunat, immunde jejunat, bibendo vinum ante prandium in quadragesima, vel alii diebus jejuniorum. Tertius gradus est, si comedat, aut bibat, ut fortior sit ad peccandum. Quærat etiam de speciebus gulæ subscriptis: prima, si nimis sœpe sumpsit cibum; secunda, si variis ferculis usus sit; tercia, si nova cibaria requirat, et inconsueta: quarta, si pretiosa et sumptuosa requirat, non habita etiam respectu quod magis sint saporosa. Quærat etiam si propter delectationem comediat nociva corpori, et in infirmitate positus morbum potius confortavit, quam naturam.

PARTICULA VIII.

De Luxuria.

Quærat etiam de luxuria, de tribus gradibus ejus: primus, si peccavit solitus cum soluta, vel e contrario; secundus, si conjugatus cum conjugata, vel e contrario; tertius, si vitio sodomitico, ubi cautissime procedat, sicut superius est expressum. Quærat etiam si cum consanguinea vel affini.

PARTICULA IX.

De primo præcepto Decalogi, de sacramentis (*a*), et articulis fidei.

Postea procedere potest confessor, si volue-

(a) Forte legendum symbolis.

rit, de decem præceptis, quæ continentur his versibus :

Sperne deos, vita perjuria, sabbata serva,
Sit tibi patris honor, sit tibi matris amor.
Non sis occisor, moechus, fur, testis iniquus.
Nullius nuptam, vel rem cupias atienam.

Circa primum præceptum sic quærat : si aliquando quatuordecim articulos fidici non credidit, tam de divinitate, quam de humanitate Christi. Septem autem articuli pertinentes ad divinitatem sic distinguuntur. Primus est de unitate essentiæ, scilicet : *Credo in Deum*, singulariter, non Deos, ut notet unitatem essentiæ. Unde in majori Symbolo dicitur : *Credo in unum Deum*. Iste primus articulus, scilicet : *Credo in Deum*, debet retorqueri ad tres sequentes, qui sunt de tribus personis : primus de Patre, cum dicitur : *Patrem omnipotentem*. Secundus de Filio, cum dicitur : *Et in Jesum Christum Filium ejus unicum Dominum nostrum*. Tertius de Spiritu sancto, cum dicitur : *Credo in Spiritum sanctum*. Est ergo sensus : credo in Patrem omnipotentem Deum; credo in Filium unicum Dominum nostrum Deum; credo in Spiritum sanctum Deum. Ecce habemus quatuor articulos pertinentes ad divinitatem in se. Tres alii pertinent ad effectus. Primus indicat effectum creationis, scilicet : *Creatorem cali et terræ*. Secundus, effectum recreationis, scilicet : *Sanctam Ecclesiam Catholicam, sanctorum communionem, remissionem peccatorum*. Tertiarius, effectum resurrectionis, scilicet : *Carnis resurrectionem, et vitam æternam*. Carnis resurrectio pertinet ad corpus; vita æterna, ad animam. Ecce tres articuli pertinentes ad effectus divinitatis, quatuor ad divinitatem in se consideratam, et sunt simul septem. Septem pertinentes ad humanitatem sunt isti. Primus, scilicet : *Conceptus de Spiritu sancto*. Secundus : *Natus ex Maria Virgine*. Terterius : *Crucifixus, mortuus, et sepultus*. Quartus : *Descendit ad inferos*. Quintus : *Resurrexit a mortuis*. Sextus : *Ascendit ad cœlos, sedet ad dexteram Dei Patris omnipotentis*. Septimus : *Inde venturus est judicare vivos et mortuos*. Quærat etiam circa ecclesiastica sacramenta, quæ continentur in hoc versu :

Abluo, firmo, cibo, dolo (a), ungo, ordino (b), jungo.

Quærat etiam, si aliquando voluntarie, et forte ex deliberatione, circa prædicta dubitavit;

(a) *Cœt. edit. dolet.* — (b) *Item ordinet.*

tertio, si sortilegiis et divinationibus corde credidit, vel ore docuit, vel talia in opere perpetravit.

PARTICULA X.

De secundo præcepto.

Quærat etiam de secundo mandato : si aliquando nomen Dei sumpsit in vanum, sine causa jurando, juramentum violando, votum transgrediendo, falsa juratione affirmando, vel negando, inutiliter jurando, consuetudinem incurrindo.

PARTICULA XI.

De tertio præcepto.

Quærat etiam de tertio mandato : si solemnitates præcipuas, et dies dominicos et festivos violavit, opera servilia faciendo, choreas ducentendo, vel eas ducentibus intendendo, vel aliquos gestibus vel ornatu ad libidinem provocando, peccata luxuria vel alia committendo. In quibus omnibus poterit descendere ad multa specialia et singularia, secundum varias circumstantias personarum.

PARTICULA XII.

De quarto præcepto.

Circa quartum præceptum quærat, si spiritualem patrem, vel prelatum inhonoravit, ejus præcepta contemnendo, excommunicationem incurriendo, vel quam incurrerat non curando; vel, in ea existens, divinis officiis se ingerendo; vel prælato detrahendo; vel contentiose contradicendo; vel corde vel ore maledicendo, vel debita subtrahendo. Similiter de parentibus carnalibus multa hujusmodi querere poterit, juxta quod viderit expedire.

PARTICULA XIII.

De quinto præcepto.

Circa quintum præceptum quærat, si occidit aliquid omitendo, ut si in extrema vel notabili necessitate posito non subvenit. Item, si occidit committendo, utpote corde odiendo, ore detrahendo, malum consulendo, opera vel malo exemplo animam alicuius interficiendo. Item, si corporaliter occidit, et hoc tripliciter, casu, necessitate, vel voluntate. Item etiam quærat, si circumstantia personæ exegerit, si occidit, conceptum præpediendo, vel abortum procurando, licet fortassis effectus in hujusmodi non fuerit subsecutus.

PARTICULA XIV.

De sexto præcepto.

Circa sextum præceptum quærat secundum septem differentias luxuriæ, fornicationem, meretricium, adulterium, stuprum, sacrilegium, quod est concubitus, prout hic sumitur, quo continentia Deo sacra tñreditur, vel violatur, incestum, et peccatum sodomiticum. Potest etiam addi octava differentia, scilicet libidinosus coitus conjugalis, qui aliquando provenit ex fragilitate, aliquando ex impetuositate metas honestatis et rationis transcedens, et ideo semper (a) est mortale peccatum; quod fit quinque modis: primus causa satiandas libidinis, et hoc per meretricias blanditiis; secundus, quando fit contra naturalem usum; terius, cum fit in tempore prohibito; quartus, cum in loco prohibito; quintus, cum accedit ad vicinam, vel quæ est in fluxu menstruo. Hæc sunt verba magistri Alexandri. De quibus omnibus confessor interrogando cautissime procedat, ne efficiatur eis causa mortis, quibus ostendere debuerat viam vitæ.

PARTICULA XV.

De septimo præcepto.

Circa septimum præceptum quærat de quinque differentiis contrectationis rei alienæ, quæ sunt beneficii subtractio, rapina, furtum, usura, simonia.

PARTICULA XVI.

De octavo præcepto.

Circa octavum præceptum quærat de octo generibus mendacii, quorum quinque sunt mortalia, et tria venialia, et continentur in his versibus:

Perversus doctor, detractor, testis iniucus,
Mentiriq[ue] libens, et qui mentitur adulans,
Res, corpus, florem (b) si quis fallendo tuetur.
Hæc tria sunt veniae, sunt mortis cetera quinque.

PARTICULA XVII.

De nono præcepto.

Circa nonum præceptum quærat, si libenter aliquando habuisset rem proximi, etiam injuste, sed sine conatu exteriori auferendi; vel aliquando cum conatu exteriori, sed sine effectu.

¹ Imo auctor istius libri, quisquis ille sit. — ² Vid. sup., tom. V, p. 620. — (a) *Profecto legendum* non semper. — (b) *Item famam.*

PARTICULA XVIII.

De decimo præcepto.

Circa decimum præceptum quærat, si morosas cogitationes luxuriæ volverbat in corde, et sine consensu operis, vel aliquando cum consensu, sed sine conatu exteriori, directe vel indirecte, signis, nutibus, gestibus, per se, vel per alios, personas alias sollicitando; vel etiam si concupisci voluit cum conatu exteriori, vel sine, ut prius. Hic similiter exprime diversos conatus, quibus tam mulieres quam viri provocant personas, a quibus desiderant concupisci.

PARTICULA XIX.

De novem modis currendi cum fure.

Quærat etiam de novean modis currendi cum fure. Quos ad multa alia præcepta poterit adaptare, qui continentur in his versibus:

Jussio, consilium, consensus, palpo, recursus, Mutus, participans, non obstans, non manifestans.

Ista possunt applicari ad eos, qui tenent Judæos, meretrices, lusores in domibus, et ad multa alia peccata.

PARTICULA XX.

De Circumstantiis.

Quærat etiam de circumstantiis peccatorum, quæ continentur in hoc versu:

Quis, quid, ubi, per quos, quoties, cur, quomodo, [quando].

De quibus circumstantiis loquitur Augustinus¹, in libro *de vera et falsa Pœnitentia*, cap. xx, et ponuntur, *de Pœnitentia*, dist. v, c. *Consideret*, et in IV libro *Sententiarum*, dist. xvi, circa principium². Post igitur illa tria, quæ præ omnibus convenit queri, scilicet si fidem sanctam firmiter teneat, Extrav. de *Pœnitentiis* et *Remissionibus*, c. *Deus qui Ecclesiam*, in fine. Si Orationem Dominicam sciat; si omnes homines in Ecclesia diligat: ac de prædictis circumstantiis taliter querat. Primo, quis ipse fuerit, cum peccavit, cuius scilicet conditionis, cuius gradus: eodem enim genere peccati peccat gravius sacerdos quam diaconus, diaconus quam subdiaconus, subdiaconus quam acolytus, acolytus quam laicus, religiosus quam sæcularis. Quærat etiam quid fecit, scilicet perjurium, fraudem, et hujusmodi.

Quærat ubi peccavit, in loco sacro, vel publico. Quærat etiam cum quo, vel per quos; non de personis, sed de conditionibus personarum, utrum scilicet ferint conjugatae vel solute, cognatae vel affines, clerici vel laici. Quærat etiam quoties, ut, si sciat numerum peccatorum, dicat secundum veritatem, vel saltem secundum estimationem. Dicat etiam cum quot, et quandiu in peccato permanerint. Quærat etiam cur, quia si graviter Deum offenderit qui ex timore vel coactione peccavit, gravius tamen qui ex crassa vel supina ignoratio, gravissime qui ex pura malitia. Item, si multum peccavit qui ab aliis cogitur, multo plus qui se cogit peccare, ut quidam luxuriosi, gulosi, malitiosi, desperati. Quærat etiam quomodo, utrum tali vel tali modo. Ilanc tamen circumstantiam non querat de peccato luxurie, nisi a remotis, ut prædicti. Quærat etiam quando, utrum in tempore festivo, vel non festivo. Item cum queratur quis fuerit, potest querere de circumstantiis sui officii; verbi gratia, si est regularis, interrogetur de inobedientia, de proprietate, incontinentia, de simonia, et aliis pertinentibus ad observantiam regularem; si est clericus, de simonia in ordinibus, et beneficiis, et hujusmodi nullis. Præmissæ etiam circumstantiæ, et quædam aliae, continentur in præscriptis:

Aggravat ordo, locus, persona, scientia, tempus, Ætas, conditio, numerus, mors, copia, causa, Et modus in culpa, status altus, lucta pusilla.

Super omnia autem attendat confessor, ut confidentem peccato faciat abrenuntiare, non tamen juramento, propter periculum perjurii, nisi in casibus expressis in jure. Primus, quando quis excommunicatus pro enormi crimen veniam postulat (caus. xi, quest. ult., c. *Cum aliquis*, et *Extra. de sent. Excom.*, c. *Ex tenore*). Secundus, quando ab heretico revertente requirit (*a*) iuramentum (caus. i, quest. vii, c. *Quoties cordis*). Tertius, ab incendiario, ut caus. xxxiii, quest. ult., c. *Pessimam*. Similiter in quolibet horrendo crimen, jurabit pœnitentes se nunquam simile commissum (caus. xii, quest. ii, c. *De viro*). Non tamen id faciendum est de quolibet mortali, nec etiam de quolibet enormi, cum periculum timetur perjurii (*b*) (*Extra. de Cohabit. Cler. et mulie.*, c. *Clericos*).

Quærat etiam de quinque sensibus, et affectionibus septem, que sunt, spes, timor, gaudium, mœror, et amor, et pudor, et odium.

Poterit etiam querere, cum opportunum fue-

rit, de vigintiquatuor peccatis linguae, quæ sunt hæc: blasphemia, peccatum murmuris, peccati defensio, perjurium, mendacium, detracatio, adulatio, maledictio, convitium, contentio, honorum derisio, pravum consilium, peccatum seminantium discordias, peccatum bilinguium, rumor, secreti revelatio, jactantia, indiscreta communatio, promissio, otiosum verbum, multiloquium, turpiloquium, surritis, indiscreta taciturnitas. Attende tamen, quod non omnia quæ dicta sunt de quolibet confiteente sunt inquirenda, sed variis varia morbis debes dare curas, juxta doctrinam Hieronymi in *Glossa super verba Marci: Hoc genus in nullo potest ejici nisi in oratione et jejuniis*, ubi ait: Medicina cuiuslibet vulneris adhibenda est ei. Non sanat oculum quod calcaneum; jejunio passiones corporis, oratione sanantur pestes mentis. » Hæc glossa.

Peccata linguae.

C A P U T III.

De Pœnitentiis injungendis secundum Canones pœnitentiales.

PARTICULA I.

Quod pœnitentiae sunt arbitriæ, et utrum sacerdos teneatur scire Canones pœnitentiales¹.

Circa pœnitentias injungendas hoc teneas, quod omnes pœnitentiae arbitriæ sunt, et arbitrio pœnitentialis judicis relinquuntur. Et hoc probat Leo Papa (caus. xxvi, q. vii, c. *Tempora*), et Nicolaus Papa (ead., c. *De his vero*), et Concilium Carthag. (ead., c. *Pœnitentibus*), et Hieronymus (de Pœn. d. i, c. *Mensuram*). Et haec opinionem approbat consuetudo, quia generaliter hoc servatur. Nec obstat quod dicit Gregorius (de Pœnit., dist. v): « Falsas pœnitentias dicimus, quæ non secundum auctoritatem sanctorum Patrum, pro qualitate criminis imponuntur; » quia hoc verum est, nisi ex causa, consideratis circumstantiis, pœnitentia temperetur. Nec illud Gregorii, quod « prolixior debeat esse pœnitentia quam fuerit culpa » (de Pœnit., dist. iii. *Productior*); quia hoc intelligendum est de interiori pœnitentia: vel potest intelligi de pena, quam palinur propter peccatum primi parentis. Quamvis autem pœnitentiae sint arbitriæ, semper tamen pro quolibet mortali peccato septennis pœnitentia est impoñenda (caus. xxxiii, q. n, c. *Hoc ipsum*, et caus.

¹ De hac materia legendus est auctor, iu librum *Sententiarum*, IV, dist. xx, q. iii. — (*a*) *Lg. requiriatur.* — (*b*) *Cœl. edit. add. Arg.*

xxii, q. i, c. Prædicandum,) nisi major vel minor inveniatur a canone expressa, in quo quidem casu, si crimen publicum sit, publica non minor vel major, quam scripta sit, pœnitentia est imponenda (Extra., de Pœnitent. et Remiss. c. *Qui sint?*) Si occultum, tunc indistincte arbitrarie imponuntur, sicut probant concordantiae jam signatae. Certum est etiam, quod major causa dispensandi in pœnitentia requiritur in publico, quam in occulto. In utroque tamen, ex causa minor pœnitentia potest imponi, consideratis criminis quantitate et qualitate, et personæ dignitate, conditione, sexu, officio, paupertate, debilitate, consuetudine, complexione, societate, conditione loci, religionis et temporis, qualitate, causa, animo, voluntate, et aliis circumstantiis, quas ponit Augustinus¹, in libro *de vera et falsa Pœnitentia* (et introducitur, de Pœnit. dist. v, cap. i). Supradictis igitur consideratis, alleviabit, vel aggraverbit sacerdos discretus penas peccantium (de Pœnit. dist. i, c. *In actione, et cap. Judicet*); quia apud Deum plus valet mortificatione vitiorum, quam abstinentia ciborum (ut in præallegato cap. *Mensuram.*) Ut autem sacerdos circa pœnitentias dispensando cautius arbitretur, nota causas in quibus per canones ceræ pœnæ seu pœnitentiae imponuntur. Nam canones pœnitentiales tenetur scire sacerdos (dist. xxxviii, Cœlestinus Papa omnibus orthodoxis Episcopis: *Nulli sacerdoti licet canones ignorare, etc., etc. sequenti, Augustinus.*) Quæ ipsis sacerdotibus necessaria sunt ad discendum, id est, sacramentorum liber, hoc est Missale, Lectionarius, Antiphonarius, Baptisterium, Computus, Canones pœnitentiales, Psalterium, Homelia per circulum anni diebus dominicis et singulis festivitatibus apta. Ex quibus omnibus si unum defuerit, sacerdotis nomen vix in eo constare poterit, quia valde periculosæ evangelicæ minæ sunt, quibus dicitur²: *Sic cœcus cœco ducatum præstet, ambo in foream cadunt.*

PARTICULA II.

De pœnitentia presbyteri forniciantis.

Primus Canon ex Concilio Gangr., dist. LXXXII: « Presbyter si fornicationem fecerit quamquam, secundum canones Apostolorum debeat deponi: tamen juxta auctoritatem beati Silvestri Papæ, si non in vitio perduret, si sua sponte

¹ Imo auctor, quisquis sit, lib. *de ver. et fals. Pœnit.*, c. xx.—² Matth., xv, 14.—³ Scilicet secunda,

confessus adjecit ut resurgeret, decem annis in hunc modum pœniteat. Tribus quidem mensibus privato loco a ceteris remotus, pane et aqua a vespera in vesperam utatur: tantum autem diebus dominicis et præcipuis festis, modo vino, et pisiculis, atque leguminibus recreetur, sine carne, et sagimine, et ovis et caseo, et sacco indutus, humo adhæreat, die ac nocte jugiter misericordiam Dei omnipotens imploret. Finitis tribus mensibus continuis exeat; tamen in publicum non procedat, ne grex fidelis in eo scandalum patiatur. Nec enim debet sacerdos publice pœnitere sicut laicus. Postea aliquantisper resumptis viribus, annum unum et dimidium in pane et aqua expletat, exceptis dominicis diebus, et præcipuis festivitatibus, in quibus vino, et sagimine, ovis, et caseo, juxta canonicam mensuram uti poterit. Finito primo anno, et dimidio, corporis et sanguinis Domini nostri, ne indurescat, participes fiat, et ad pacem veniat, psalmos cum fratribus ultimus in choro canat, ad cornu altaris non accedat; juxta beati Clementis vocem, minora gerat officia. Deinde vero usque ad expunctionem septimi anni, omni quidem tempore, exceptis tribus paschalibus diebus, tres legitimas³ ferias in unaquaque hebdomada, in pane et aqua jejunet. Expledo anni septimi circulo, si fratres apud quos pœnituit ejus condignam pœnitentiam laudaverint, Episcopus in pristinum honorem, juxta beati Calixti Papæ auctoritatem, eum poterit revocare. Sane sciendum est, quod secundam feriam unum psalterium canendo, aut unum denarium pauperibus dando, si opus est, redimere potest. Finitis septem annis deinde usque ad finem decimi anni, sextam feriam, nulla interveniente redemptione, observet in pane et aqua. Eadem quoque pœnitentia erit sacerdoti de omnibus aliis peccatis et criminibus, que eum in depositionem adducunt. Neque hoc cuilibet videatur onerosum, si sacerdos post lapsum, digne, ut supra dictum est, pœnitens ad pristinos redeat honores. » Hæc canon.

PARTICULA III.

De pœnitentia sacerdotis forniciantis cum filia spirituali.

Secundus canon est Cœlestini Papæ (caus. xxx, q. 1): « Si quis sacerdos cum filia spirituali forqua, et sexta feria. De secunda feria, n. q. n. *De illis;* de quarta et sexta feria, de consecr. dist. III, Jejuna. Vid. infra, ad finem hujus capituli.

nictus fuerit, sciat se grave adulterium commisso. Idcirco femina, si laica est, omnia relinquit, et res suas pauperibus tribuat, et conversa, in monasterio, iugis pœnitentiae Deo usque ad mortem serviat. Sacerdos autem, qui malum exemplum dedit hominibus, ab omni officio deponatur, et peregrinando quindecim annis pœnitentia. Postea vero ad monasterium vadat, ibique diebus omnibus vita sue Deo serviat. » Hæc canon. Idem : « Non debet episcopus, aut presbyter commisceri cum mulieribus, quæ ei sua confessæ fuerint peccata. Si forte, quod absit, hoc contingit, sic pœnitiat, quomodo de filia spirituali, episcopus quindecim annis, presbyter duodecim annis, et deponatur, si tamen in conscientiam (a) populi devenierit. » Hæc canon.

PARTICULA IV.

De pœnitentia ejus, qui peccavit contra naturam.

Tertius canon est Concilii Lateranensis (Extra., de excess. Prelator, c. Clerici), ut (b) infra : « Quicunque illa incontinentia, quæ contra naturam est, propter quam ¹ ira Dei venit in filios diffidentiarum, et quinque civitates igne consumpsit, deprehensi furint laborare, si clerici fuerint, dejiciantur a clero, vel ad agendum pœnitentiam in monasteriis detrudantur; si laici, excommunicationi subdantur, et a cœtu fidelium sint vel sicut penitus alieni. » Ilæc canon. Hoc autem vitium majus est, quam si matrem quis cognosceret (caus. XXXII, q. vi, c. Adulterii).

PARTICULA V.

De pœnitentia sacerdotum clandestinas desponsationes non prohibentium, aut eisdem interesse presumptuum.

Quartus canon est Innocentii Terti, in Concilio generali (Extra. de clandest. desp.): « Cum inhibitio copulae conjugalis sit in ultimis tribus gradibus revocata, eam in aliis volumus districte servari. Unde prædecessorum nostrorum vestigiis inherendo, clandestina conjugia penitus inhibemus, prohibentes etiam, ne quis sacerdos talibus interesse præsumat. Quare speciali quorundam locorum consueludinem ad alia ² generaliter prorogando, statuimus ut cum matrimonia fuerint contrahenda, in ecclesiis per presbyteros publice proponantur, competenti termino prefinito, ut infra illua, qui voluerit et valuerit, legitimum impedimentum

opponat, et ipsi presbyteri nihilominus investigent, utrum aliquod impedimentum obsistat. Cum autem apparuerit probabilis conjectura contra copulam contrahendam, contractus interdictetur expresse, donec, quod fieri debeat super eo, manifestis constiterit documentis. Si quis vero hujusmodi clandestina vel interdicta conjugia inire præsumperit in gradu prohibito etiam ignoranter, soboles de tali conjunctione suscepta prorsus illegitima censeatur, de parentum ignorantia nullum habitura subsidium, cum illi taliter contrahendo non expertes scientia, vel saltem affectatores ignorantiae videantur. Pari modo proles illegitima censeatur, si ambo parentes impedimentum scientes legitimum, præter omne interdictum, etiam in conspectu Ecclesiæ contrahere præsumperint. Sane si parochialis sacerdos tales conjunctiones prohibere contempserit, aut quilibet etiam regularis qui ei præsumperit interesse, per triennium ab officio suspendatur, gravius puniendus, si culpe qualitas postulaverit. Sed his, qui taliter præsumperint etiam in gradu concessio copulari, condigna pœnitentia injungatur. Si quis autem ad impediendum legitimam copulam, malitiose impedimentum objecerit, canonicam non effugiet ultiorem. » Ilæc canon.

PARTICULA VI.

De pœnitentia ejus, qui post votum simplex contrahit.

Quintus canon est Theodori ³ (dist. XXVI): « Si vir, simplex votum virginitatis habens, adjungitur uxori, postea non dimittat uxorem, sed tribus annis pœnitiat. »

PARTICULA VII.

De pœnitentia sacerdotum in excommunicatione celebrantium.

Sextus canon est Joannis Octavi (caus. XI, q. III): « De illis presbyteris, qui tempore sanctissimi prædecessoris nostri domini Papæ Nicolai, excommunicati sacrum mysterium contingere præsumperunt, ipsi in se damnationis, sicut sacri canones statuerunt, sententiam intulerunt. Tamen quia miseratione apostolica veniam solet præstare correctis, ob multitudinem misericordiarum illis hanc indulgentiam exhibemus, ut sancta communione saginati ⁴, studeant tribus continuis annis per hebdomadam, omni secunda,

¹ Ephes., v, 6. — ² Scilicet loca. — ³ Theodor. Cant., Pœnitential. — ⁴ Id est, refecti.

(a) Cœt. edit. conscientia. — (b) Item et.

quarta, et sexta feria, a vino et a carne penitus jejunare, et ultra lugenda nequaquam committere. » Hæc canon.

PARTICULA VIII.

De pœnitentia ejus, qui accusat alium ad mortem.

Septimus canon ex Burchardo, lib. XLIV (Ext., de Accus.): « Accusasti aliquem, et per tuam accusationem occisus est: nisi pro pace¹ hoc feceris, quadraginta dies in pane et aqua, quod carina^(a) vocatur, cum septem sequentibus annis pœnitias. Si autem per tuam delatarum debilitatis² est, per tres debes quadragesimas pœnitere. » Hæc canon.

PARTICULA IX.

De pœnitentia ejus, qui filiam suam spiritualem carnali filio tradit.

Octavus canon Zacharie et Deudsedit (xxx, q. iii): « Non oportet filiam, quam de sacro fonte suscepit, aliquando filio suo in matrimonium tradere, quia in divina sententia germani esse inveniuntur. Si quis tali facinore commixtus, minime restrinxerit frena luxuriæ, ab Ecclesia catholica abominabitur. Sed si conversus fuerit, post separationem septem annis pœnitiam gerat. Conscis simul cum auctore sit ista conditio, id est, simul cum cooperatoribus et consentientibus pœnitiat. » Hæc canon.

PARTICULA X.

De pœnitentia ejus, qui contrahit cum sponsa alterius.

Nonus canon (Extra. de Sponsa duorum), ex Burchardo, lib. XXX: « Accepisti illam in uxorem tibi, quam alter habuerat sibi despontam; illam dimitte, quia nunquam potest tibi legitima fieri, et quadraginta dies in pane et aqua, quod carinam vocant, cum septem sequentibus annis pœnitias. » Hæc canon.

PARTICULA XI.

De pœnitentia patris et filii, vel duorum fratrum cum una muliere concubentium, aut si quis cum matre et filia, aut cum duabus sororibus, aut cum duabus communib[us] concubuerit.

Decimus canon est ex Concilio Chalcedon.³ (xxx, q. iv): « Si pater et filius, aut duo fratres cum una muliere, aut si cum matre et filia, aut cum duabus sororibus, aut cum duabus com-

¹ Scilicet, ut boni quiete vivant. — ² Id est, mutilatus. — ³ In Actis quæ supersunt concilii Chalcedo-

mtribus aliquis concubuerit, secundum antiquam et humaniorem diffinitionem, octo annis pœnitiat. » Hæc canon.

PARTICULA XII.

De pœnitentia sacerdotis homicidae.

Undecimus canon (dist. I), Joannis VIII: « Miror minus doctam scientiam tuam sacerdotem putare, post perpetratum homicidium, posse in sacerdotio ministrare, imo quod est ineptius, nobis sudere velle, ut ipsi tali presumptioni preberemus assensum. Quis enim tam dicens tamque perversi sensus, tale quid existimaret, vel post quantamcumque pœnitentiam concedendum, cum omni sit canonice discipline contrarium? Debet ergo, sacerdotio privatus, lachrymarum fonte flagitium tam immane diluere, ut talibus saltem remediis curatus, salutis possit invenire suffragium. » Hæc canon.

PARTICULA XIII.

De pœnitentia mulieris, quæ occidit ancillam, et de pœnitentia homicida voluntarii.

Duodecimus canon (dist. I), ex Concilio Eliberitano⁴: « Si qua femina, furore zeli accensa, flagellis verberaverit ancillam suam, ita ut infra tertium diem eum cruciatu animam emittat: eo quod incertum sit an voluntate, an casu occiderit; si voluntate, post septem annos; si casu, post quinque annorum tempora, acta pœnitentia legitima, ad communionem placuit admissi. Quod si infra tempora constituta fuerit infirmata, accipiat communionem. » Hæc canon. De eodem (capit. seq.), ex capitulis Martini Bracharen, c. LXXXVIII. « Si quis voluntate^(b) homicidium commiserit, ad januam catholice Ecclesie semper jaceat, et communionem in exitu vitæ sua suscipiat. Si autem non voluntate^(b), sed casu aliquo homicidium fecerit, prior canon septem annis pœnitentiam agere jussit; secundus canon quinque mandavit. » Hæc canon.

PARTICULA XIV.

De pœnitentia pro homicidio necessitatis evitabilis, et de pœnitentia ejus, qui occidit latronem, et de pœnitentia intiu[m] discipline occidentis, vel ligatum latronem interficiens.

Tertius decimus canon (dist. I), ex llerdensi Concilio⁵: « De his clericis, qui in obsidionis necessitate positi fuerint, id statutum est, ut qui nensis nihil hujusmodi extat tractatum, — ⁴ Conc. Eliberit., can. 5. — ⁵ Conc. Iherd., c. I. — (a) Al. carena. — (b) Al. voluntarie.

altario serviunt vel ministrant, et Christi corpus et sanguinem tradunt, vel vasa sacro officio deputata contrectant, ab omnihumano sanguine etiam hostili se abstineant. Quod si in hoc incidint, tam officio quam communione corporis Domini duobus annis priventur, ita ut bis duabus annis, jejuniis, vigiliis, orationibus et elemosynis, pro viribus quas Dominus donaverit, expientur, et ita demum officio et communioni reddantur : ea tamen ratione, ne ulterius ad officia potiora promoveantur. Quod si indefinito tempore negligenter circa suam salutem existirint, protelandae ipsius penitentiae tempus in potestate sacerdotis maneat. » Ille canon. Sed si esset inevitabilis necessitas, in nullo imputatur (dist. L, c. *Quia te.*) Quod verum est quoad peccatum; sed quoad cautelam et innocentiam suam Ecclesia ostendandam, bonum est portinere (Extra, de homie., c. II), ex Poenitentiali Romano : « Interfecisti furem aut latronem, ubi comprehendendi poterat absque occisione : quia ad imaginem Dei creatus est, quadraginta dies non intres ecclesiam; et lanae ueste indutus, ab escis et potibus, qui interdicti sunt¹, et a toro et gladio, et equitatu illos supradictos dies abstineas. In tertia autem et quinta feria, et sabato, aliquo genere leguminum, vel oleribus, pomis, et parvis pisciculis, cum medioieri cervisia, utere temperate. Si autem sine odio meditatione, te tuaque liberando, hujusmodi diaboli membra interfecisti, secundum indulgentiam dico, propter imaginem Dei, si aliquid jejunare potueris, bonum est tibi, et elemosynam fac largiter. Si presbyter eadem fecerit, non deponatur : tamen quandiu vivit, poenitentiam agat. » Ille canon.

Si quis autem per insaniam committit homicidium, non imputatur (III, q. ix, c. *Indicas*). Qui vero etiam intuitu disciplinae, incaute percutiendo occidit, deponatur (Extra, de homicidio presbyterorum). Item qui ligatum latronem interfecit, deponatur (Extra, de homie., c. *Suscepimus*).

PARTICULA XV.

De poenitentia matricidæ.

Quartus decimus canon (xxxiii, quest. II), Nicolai Papæ (a) : « Latorem presentium matricidam esse cognovimus, cui præcipimus, ut sub jugo poenitentiae permaneat, ita ut per annum

integrum ecclesiam non ingrediatur, sed ante fines basilice stans, orans, deprecans Denum, perseveret, qualiter tanto eripiatur piaculo. Completo vero anni circulo, introiundi ecclesiastiam licentiam habeat, tamen inter audientes² stet et nondum communicet. Completis autem trium annorum circulis, sacrae communionis illi gratia concedatur. Oblationes vero non offerat, nisi prius aliorum septem annorum curricula compleantur. In his autem omnibus annis, atque temporibus, carnem non manducet, et nec vinum bibere presumat, exceptis festis diebus atque dominicis, et a Pascha usque Pentecosten, et quocumque ire voluerit, nullo vehiculo deducatur, sed pedibus proficiscatur, arma non sumat nisi contra paganos. Jejunet autem tribus diebus per hebdomadam usque ad vesperam. A propria ac legitima conjugi ne separetur, ne in fornitionis voraginem corruat : quod ne fiat optamus. Si autem ante annorum trium cursum, finis vite illius appropinquaverit, corporis et sanguinis Domini nostri Iesu Christi particeps fiat; sin autem, ut supra statuimus, efficiatur. Tamen si illius conversationem et lacrymarum fontem, in omnibus videritis floridis actionibus et bonis operibus pullulare, humanius circa eum sollicitudo pervigil apparent, mitisque omnibus demonstretur. » Ille canon.

PARTICULA XVI.

De poenitentia uxoricidæ.

Stephanus Papa V Astulpho (xxxiii, quest. II) : « Admonere te cum lacrymis, et multo gemitu cordis curavimus, fili Astulphe, sed non filius dici debes, qui tam crudeliter infelix homicidium perpetrasti. Nam occidisti uxorem tuam, partem corporis tui, legitimo tibi matrimonio sociatam, sine causa mortis, non tibi resistente, non insidiantem quoquo modo vite tuae. Non invenisti eam cum alio viro nefarium rei facientem; sed concitatus a diabolo, impio furore inflammatuſ, more latronum atrocium eam gladio tuo, crudelior omni bestia interemisti, et nunc post mortem ejus, addis iniquitatem super iniquitatem filiorum tuorum improbe predo, qui non pepercisti matri, et filios tuos orphanos fecisti, inducere vis super eam causam mortis post mortem, per unum hominem homicidam et reprobum testem incusare vis

¹ Id est, a carnibus, et ab omnibus que sementiā trahunt originem carnis, lacte videlicet, et caseo, et ovis, quia, ut dicit sapiens quidam, ovum

est liquida carnis substantia, lac autem sanguis colore mutata, caseus autem lac coagulatum. — ² Id est, inter laicos. — (a) Al. Nicolaus Papa.

mortuam. Quoniam nec Evangelium, nec ulla divina et humana lex, unius testimonio etiam idoneo quempiam condemnat, vel justificat; quanto magis per istum flagitosissimum et scelestum, nec illa viva debuit condemnari, nec a te post mortem ejus accusari? Prius causa criminis subtiliter investiganda erat; et tunc, si ita fuisset inventa, secundum legum tramitem debuit vindictam accipere ultiōnis. Nam si verum, quod absit, fuisset, sicut adulteri mentitus est, post septem annos pœnitentia peracta, dimittere eam per approbatam causam poteras, si voluisses, occidere tamen eam nullatenus debuisti. Non enim ¹ vult Deus mortem peccatoris, sed ut convertatur ad pœnitentiam et vivat. Idcirco placeat tibi consilium nostrum, et facias hoc, quod melius et levius videri tibi potest. Misericordia animæ tuae, ut non sis tu tibimet homicida. Relinque, quapropter te rogamus, hoc malum sæculum, quod te traxit ad tam immannissimum peccati facinus. Ingredere monasterium, humiliare sub manu albatis, multorum fratrum precibus adjutus, observa cuncta simplici animo quæ tibi fuerint imperata, si forte ignoscat infinita Dei bonitas peccatis tuis, et refrigeret animam tuam, priusquam crucieris perpetuis flammis. Hoc melius et levius tibi esse certissime scias. Sin autem publicam pœnitentiam, permanens in domo tua, vel in hoc mundo vis agere, quod tibi pejus et gravius esse non dubites, ita ut agere debeas exhortamur. Omnibus diebus quibus pœnitere debes, vinum et siceram non bibas, carnem nunquam comedas ullo tempore, præterquam in Pascha, et in die Natalis Domini: in pane et aqua et sale pœnitentiam age, in vigiliis, et jejunis, orationibus, eleemosynis omni tempore persevera, armis nunquam cingere, nec in loco quolibet litigare præsumas; uxorem nunquam ducere, concubinam non habere, nec adulterium committere audeas, in balneo nunquam laveris, in conviviis latantum nunquam te misceas, in ecclesia segregatus ab aliis Christianis, post ostium et postes humiliante te repone, ingredientium et egredientium suppliciter orationibus commenda te, et communione corporis et sanguinis Domini, cunctis diebus vita tuae indignum te existimes, in ultimo tamen exitus vita tuae die, si merueris, pro viatico, si sit qui tibi tribuat, tantummodo venialiter, ut accipias, tibi concedimus. Sunt et

alia multa quæ tibi nimis durius et satis acerius erant juxta magnum pondus peccati, o infelix, adjicienda. Sed si haec omnia, quæ tibi misericorditer supradicta sunt, perfecto corde, Domino auxiliante feceris et custodieris, confidimus de immensa Dei clementia, remissionem tuorum te habiturum peccatorum, et secundum dictum justi bonique pastoris, resolvet te saneta Ecclesia ab hoc vineculo peccati in terris, ut per ipsius gratiam, qui eam sanguine suo acquisivit, solutus sis in celis. Si autem aliter feceris, et sanctæ matris Ecclesie tam salubrem admonitionem despixeris, ipse sis tibi judex, et in laqueo diaboli, quo irretitus teneris, permanebis, sanguis tuus super caput tuum. Nos alieni a consortio tuo, pro aliorum Dei filiorum salute, ipso opitulante, omni sollicititudine nitimus desudare, et Domini misericordiam quotidie atten-tius implorare. » Haec canon.

PARTICULA XVII.

De pœnitentia eorum, qui occidunt filios.

Illijs sceleris pœna secundum leges haec est, ut parcida virgis sanguineis verberatus, in culeo, id est in sacco corii insuatur, cum cane, et gallo gallinaceo, et viperæ, et simia, deinde in profundum maris jactetur, vel in amnem, ut et cœlum superstiti, et terra mortua auferatur, sicut in *Institutis*, de publicis judiciis, § *Alia deinde lex*. Sed secundum canones non sic, sed imponitur pœna inclusionis in monasterium, Extra, de his qui fil. occiderunt, quod est Alexandri III: « Veniens ad nos M. mulier lacrymabili nobis confessione monstravit, quod cum de quodam filium genuisset, et iste sibi sœpe turgido vultu improperasset, quod filius ejus non esset, ipsa iracundia calore ducta, eumdem filium interfecit. » Et infra: « Mandamus quatenus eam labores inducere, ut ad aliquod monasterium transeat, in quo peccata sua perpetua pœnitentia deploret. Si autem repugnante carnis sue fragilitate, ad hoc induci noluerit, ei licentiam in Domino nubendi tribuas: quia tutius nobis videtur ut in Dominio nubat uni soli, quam in honeste multos admittat. » Haec canon. Hanc tamen pœnitentiam injungendam intelligas, si is qui filium occidit, coniugem et filios alios non habet; alias secus, ut in proximo capitulo sequenti. Cum vero in lectis parentum filii inveniuntur oppressi, pœnitentia imponatur, quæ continetur in eodem titulo, capite ultimo, cuius verba sunt haec: « De infan-

¹ Ezech., xviii, 32; xxxiii, 11.

tibus autem, qui mortui reperiuntur cum patre et matre, et non apparet utrum a patre, vel matre oppressus sit ipse, vel suffocatus, vel propria morte defunctus, non debent inde securi esse parentes, nec etiam sine pena : sed tamen consideratio debet esse pictatis, ubi non voluntas, sed eventus mortis causa fuerit. Si autem eos non latet ipsos interfectores esse, scire debent se graviter delinquisse. Quidam autem poenitentiam trium annorum judicant esse debere, quorum unum peragant in pane et aqua. » Ille canon.

PARTICULA XVIII.

De poenitentia perjurii.

(Causa) vi, quæstione prima, Fabianus Papa : « Quicumque sciens perjuraverit, quadraginta dies in pane et aqua, et septem sequentes annos poeniteat, et nunquam sit sine poenitentia, et nunquam in testimonium recipiatur; communionem tamen post hæc recipiat. » Ille canon.

PARTICULA XIX.

De poenitentia ejus, qui per capillum Dei juraverit, vel hujusmodi.

Vigesima secunda, quæst. i, Pius Papa : « Si quis per capillum Dei, vel caput juraverit, vel alio modo blasphemia contra Deum nus fuerit, si in ecclesiastico ordine est, deponatur; si laicus, anathematizetur; et si quis per creaturam juraverit, acerrius castigetur, et juxta hoc, quod synodus dijudicaverit, poeniteat. Si quis autem talen hominem non manifestaverit, non est dubium, quin divina condemnatione coercetur; et si episcopus ista emendare neglexerit, acerrius corripiatur. » Ille canon.

PARTICULA XX.

De poenitentia pro falsa mensura.

Extra., de Empt. et Vendit., ex Concilio Magoniticensi : « Ut mensura et pondera justa fiant; » et infra : « Si quis justas mensuras, et justa pondera, causa lucri, mutare presumpserit, triginta dies in pane et aqua poeniteat. » Ille canon. Tales etiam variis penis puniuntur secundum leges. Nam aliquando interdicuntur negotiatio, interdum relegantur, et humiliores ad opus publicum dantur, et insuper lege Cornelio de Falis puniri debent, in it. de ordinariis criminibus, *Annonam*, circa finem.

¹ Conc. Nic., can. t^o. — ² Scilicet ad negotiationem, vel ad usuram. — ³ Supple, fovendo eam in errore.

PARTICULA XXI.

De poenitentia ejus, qui post solemnam poenitentiam ad vomitum redit.

De Poenitentia, distinct. v, ex Niceno Concilio ¹: « Si qui vero per Dei gratiam vocati, primo quidem ostenderunt fidem suam, deposito militiae cingulo, post brevem autem ad proprium vomitum sunt reversi, ut et pecunias darent², et ambirent redire rursus ad militiam; isti decem annis sint inter poenitentes, post primum triennium, quo fuerint inter audientes extra ecclesiam. Ab omnibus vero illud præcipue obseruat, ut animus eorum et fructus poenitentiae attendatur. Quicumque enim cum omni timore, et lacrymis perseverantibus, et operibus bonis conversionem suam non verbis solum, sed opere et veritate demonstrant, eum tempus statutum ab his fuerit impletum, et orationibus jam cœperint communicare, licet episcopo humanius etiam circa eos aliquid cogitare. Qui vero indifferenter habuerint lapsum, et sufficiere sibi quod Ecclesiam introierint, arbitrantur, isti omnimodo statuta tempora implentur. » Ille canon.

PARTICULA XXII.

De poenitentia ejus, qui devotam seu monialem cognoscit.

Vigesima septima, quæst. i, ex Concilio Martini Bracharcensis, c. xxx. « De filia episcopi, vel presbyteri, sive diaconi, si devota fuerit, et maritum duxerit, si eam pater vel mater in affectu receperint ³, a communione habeantur alieni. Pater vero in concilio causas ⁴ se noverit præstaturum. Mulier vero non admittatur ad communionem, nisi marito defuncto egerit poenitentiam. Si autem vivente eo secesserit, et poenitentiam egerit, et petierit communionem, in ultimo fine vite sue deficiens eam accipiat. » Ille canon. Item, c. sequenti, ex Concilio Toletoano ⁵: « Devotam peccantem ⁶ non recipiendum esse in Ecclesia, nisi peccare desierit, et si desinens egerit poenitentiam decem annis, recipiat communionem. Prius autem quam in ecclesia admittatur ad orationem, ad nullius convivium christiane mulieris accedat. Quod si admissa fuerit, et haec que eam acceperit, habeatur absenta (a) ⁶, corruptorem etiam par pena constringat. Que autem maritum acceperit, non ad-

— ⁴ Id est, peccatas. — ⁵ Id est, fornicantem. — ⁶ Id est, excommunicata minori excommunicatione.

(a) Cœt. edit. in absentia.

mittatur ad poenitentiam, nisi aut vivente marito, vivere caste cœperit, aut postquam ipse decesserit. » Hæc canon.

PARTICULA XXIII.

De pœnitentia ejus, qui cantat Missam et non communicat.

De Consecratione, distinct. II, ex Concilio Toletano XII: « Relatum nobis est quosdam de sacerdotibus, non tot vicibus communionis sanctæ gratiam sumere, quo sacrificia in uno die videntur offerre. Sed si in uno die plurima per se Deo offerant sacrificia, in omnibus se oblationibus a communione suspendunt (a), et in sola tantum extrema sacrificii oblatione, communionis sanctæ gratiam sumunt (b), quasi non sit toties illi vero et singulari sacrificio participandum, quoties corporis et sanguinis Domini nostri Iesu Christi immolatio facta constiterit. Nam ecce Apostolus dicit²: *Nonne qui edunt hostias, particeps sunt altaris?* Certeum est, quod hi qui sacrificantes non edunt, rei sunt dominici sacramenti. Quicumque ergo sacerdotum deinceps divina altaria sacrificium oblaturus accesserit, et se a communione suspenderit, ab ipsa qua se indecenter privavit gratia communionis, anno uno repulsum se noverit. Nam quale erit illud sacrificium, cui nec ipse sacrificans particeps esse dignoscitur? Ergo modis omnibus tenendum est, ut quotiescumque sacrificans corpus et sanguinem Domini nostri Iesu Christi in altari immolat, toties perceptio- nis corporis et sanguinis Domini nostri Iesu Christi participem se præbeat. » Hæc canon.

PARTICULA XXIV.

De pœnitentia sacerdotis, qui mortuum clericum involvit in palla altaris.

De Consecratione, distinctione prima, Clemens Papa: « Nemo per ignorantiam³ clericum mortuum credat obvolvendum, aut ejus scapulas operire velit palla quæ fuit in altari, aut certe quæ diacono data est in mensa Domini. Qui hæc fecerit, vel leviter, vel quasi nihil, et negligenter habuerit, diaconus triennio sexque mensibus a dominico erit remotus altari, gravi percussus anathemate, eo quod clericum non admonuerit; presbyter deceam annis et quinque mensibus excommunicatus sit, propter quod de dominicis sacramentis, subiecta⁴ sibi non

admonuerit ministeria, et postea cum grandi humilitate, matri reconcilietur Ecclesie. » Hæc canon.

PARTICULA XXV.

De pœnitentia ejus, qui committit sacrilegium violando ecclesiam, vel aliquid enormiter committendo in ecclesia.

Duodecima quæstione secunda, Nicolaus Papa: « De viro nefando Burgando nomine, qui rabie insana commotus, diabolicis se laqueis irretire non dubitavit, atque gentilium more, per abrupta⁵ itinera et compita⁶, insidians vobis in vestræ ecclesiæ villa, una cum clericis vestris manentibus, et populum salubribus instruere dogmatum monitis decertantibus, paneque spiritualis verbi vacue hominum corda reficientibus, atque laudabile salutis propriæ desiderium habentibus, sanctorum apostolorum Petri et Pauli limina visitare, collectis malitiæ sue sequacibus⁷, et iniquitatibus complicibus, nefarias invasiones, ac deprædationes violentas inferre, dæmoniaco ausu præsumpsit, et ut epistola vestræ textus eloquitor, sacrum altare sacraque dominici corporis et sanguinis vasa, insuper et sanctum chrisma polluti arripere manibus, quasi vilia et ad usum communem apta præsumpsit, dilectio nos vestra consulti, si ipse vel qui cum eo in tam impio et iniquo scelere fuerunt, ad pœnitentiam quandoque gratia attracti divina, venire voluerint, quo eos pœnitentiae vinculo constringatis, nostræ institutionis censuram exposcere curastis. De quibus, si tamen ita est, jubemus, cum ad pœnitentiam acceleraverint, uno anno extra ecclesiam Dei consistere, cuius sanctissima vasa extra ritum fidei Christianæ diripiendo, auferre non dubitaverunt. Secundo vero anno, ante fortes ecclesie sine communione maneant. Tertio vero anno, ecclesiam Dei ingrediantur, et inter audientes⁷ astent sine oblatione: non manducantes carnem, neque bibentes vinum, præter Natalis et Resurrectionis Dominicæ dies. Quarto præterea anno, si his prioribus tribus eorum fructuosus fuerit pœnitentia labor, communioni fidelium restituantur, totaque mentis intentione spondentes talia se ulterius nunquam facturos, corpus et sanguinem Domini suscipere mereantur, et usque ad septimum annum, tribus in hebdomada diebus,

³ Scilicet juris. — ⁴ Id est, subiectos ministros. — ⁵ Id est, occulta. — ⁶ Id est, concursus viajuni. — ⁷ Id est, laicos. — (a) Cœt. edit. suspendant. — (b) Item sumunt.

¹ Conc. Tolet. XII, can. 5. — ² I Cor., x, 28. —

sine esu carnium et vini potione pœnitentes
maneant. » Hæc canon.

PARTICULA XXVI.

De pœnitentia parentum, qui frangunt sponsalia
fliorum post septem annos.

Trigesima prima, quæst. iii, ex Eliberitano
Concilio¹: « Si qui parentes fidem fregerint
sponsaliorum², trienni tempore a communione
abstineant. Si vero idem sponsus vel
sponsa, in illo gravi crimine³ non fuerint (*a*)
deprehensi, excusati erunt⁴ parentes. Si vero in
eodem vitio fuerint, et polluerint se consentiendo,
superior sententia servelur. » Hæc canon.

PARTICULA XXVII.

De pœnitentia ejus, qui duci in matrimonium quam
polluit per adulterium.

Trigesima prima, quæst. i, ex Concilio Eliberitano³: « Si qua vidua fuerit mœchata, et cum
dem postea habuerit maritum, post quinquennii
tempus acta legitima pœnitentia, placuit eam
ad communionem reconciliari. » Hæc canon.

PARTICULA XXVIII.

De pœnitentia maledici.

Extra., de Maledicis, Gregorius Nonus: « Sta-
tuimus, ut si quis contra Deum vel aliquem
Sanctorum suorum, et maxime beatam Virginem,
linguam in blasphemiam publice relaxare
præsumperit, per episcopum pœnae subdatur
inferius annotate, ut videlicet septem diebus
dominicis, pro foribus ecclesie in manifesto,
dum aguntur missarum solemnia, blasphemus
existens, ultimo illorum die dominico, pallium
et calcementa non habeat, ligatus corrigia circa
collum, septemque præcedentibus sextis feriis,
jejunet in pane et aqua, ecclesiam nullatenus
ingressurus. Quolibet quoque predictorum dic-
rum, tres si poterit, aliquoquin duos reficiat pau-
peres, sive unum, et si nec ad hoc facultates
ejus suppetant, id in poenam commutetur aliam:
cui etiam, si renuerit recipere ac peragere pœ-
nitentiam supradictam, ecclesia interdicatur in-
gressus, et in obitu ecclesiastica careat sepul-
tura, per temporalem præterea potestatem coac-
tione, si necesse fuerit, episcopi diocesanis ad-

¹ Conc. Eliberit., can. 51. — ² Non copulando filios,
sicut juraverunt, de consensu corum. — ³ Scilicet quia
copulari volunt inter se, non obstante voluntate
parentum. — ⁴ Revera quoad pœnam Ecclesiæ, sed

hibita contra eum. Blasphemus, si dives fuerit,
quadraginta solidorum, alioqui triconta, sive
viginti, et si ad id non sufficiat, quinque soli-
dorum usualis monete pœna mulctetur, nullam
in hoc misericordiam habiturus; quod etiam
inter alia communitatum statuta ponatur. »
Hæc canon.

PARTICULA XXIX.

De pœnitentia sacerdotis revelantis confessionem.

De Pœnitentia, distinctione vi, Gregorius Papa:
« Sacerdos ante omnia caveat, ne de his qui
confiterent ei peccata sua alicui recitet, non
propinquis, non extraneis, neque, quod absit,
pro aliquo scandalo. Nam si hoc fecerit, depo-
natur, et omnibus diebus, vite sue ignominio-
sus peregrinando perget. » Hæc canon.

PARTICULA XXX.

De pœnitentia ejus, qui compulsus conditionaliter
perjurat.

Vigesima secunda, questione quinta, Pius
Papa: « Qui compulsus a domino sciens perju-
rat, utrique perjur, et dominus, et miles: do-
minus, quia præcepit; miles, quia plus domi-
num, quam animam dilexit. Si liber est, qua-
draginta dies in pane et aqua pœnitiat, et sep-
tem sequentes annos; si servus ejusdem, tres
quadragesimas, et legitimas ferias pœnitiat. »
Hæc canon.

PARTICULA XXXI.

De pœnitentia ejus, qui perjurat in manibus episcopi,
vel in cruce sacra.

Vigesima secunda, quest. quinta: « Qui per-
jurat in manu episcopi, vel in cruce consecrata,
tres annos pœnitiat. Qui autem coactus fuerit,
et iguorans se perjuraverit, et postea cognoscit,
tres quadragesimas pœnitiat. » Hæc canon.

PARTICULA XXXII.

De pœnitentia ejus, qui coactus perjurat pro vita
redimenda.

Capitulo sequenti, ex *Pœnitentiali* Theodori:
« Si quis coactus pro vita redimenda, vel pro
qualibet causa, vel necessitate perjurat, quia
plus corpus quam animam dilexit, tres quadra-
gesimas pœnitiat; alii judicant tres annos, unum
ex his in pane et aqua. » Hæc canon.

non quoad reatum: ex quo enim operam dederunt,
ne filii copularentur, peccaverunt mortaliter. — ⁵ Conc.
Eliberit., can. 72. — ^(a) At, in gravi criminie fuerint,

PARTICULA XXXIII.

De pœnitentia ejus, qui scienter falsum jurat, vel alium jurare competit.

Vigesima secunda, questione quinta: « Si quis convictus fuerit alios ad falsa testimonia, vel ad perjuria attraxisse, vel quacumque corruptione sollicitasse, ipse quidem usque ad exitum vite non communiciet. Hi vero, qui ei in perjurio consensisse probantur, postea ab omni testimonio sunt removendi¹, et secundum legem infamia notabuntur. » Hæc canon.

PARTICULA XXXIV.

De pœnitentia ejus, qui in dicendis horis vel officiis divinis a metropolitanae consuetudine discrepat ecclesiæ.

Duodecima distinctione, ex Concilio Toletano xi²: « De his, qui contra voluntatem Apostoli circumferuntur omni vento doctrinæ, placuit huic sancto concilio, ut metropolitanæ sedis auctoritate coacti, uniuscujusque provinciæ cives, rectoresque ecclesiarum unum eundemque in psallendo teneant modum, quem in metropolitana sede cognoverint institutum, nec aliqua diversitate ejusque ordinis vel officii a metropolitana sede patientur se disjungi. Sic enim justum est, ut inde unusquisque sumat regulas magisterii, unde honoris consecrationem accipit, ut juxta majorum decreta, sedes, quæ unicuique sacerdotalis dignitatis est mater, ecclesiastice dignitatis vel rationis sit magistra. Abbatibus sane indulxit officiis, quæ juxta voluntatem sui episcopi regulariter illis implenda sunt, cetera officia publica³, id est, vesperas, matutinas, sive missam aliter quam in principali ecclesia celebrare non liceat. Quisque autem horum decretorum violator extiterit, sex mensibus a communione privatus apud metropolitanum sub pœnitentia censura maneat corrigendus, quatenus apud illum et præterita transgressionis culpam lacrymæ diluat, et necessariam officiorum doctrinam studiose addiscat. Sub ista ergo regula disciplinæ, non solum metropolitanus totius provinciæ sue pontifices vel sacerdotes astringat, sed etiam ceteri episcopi subjectos sibi ecclesiarum rectores obtenerare his institutionibus cogant. » Hæc canon.

¹ Etiam post pœnitentiam privatam, secundum quodam, quest. I, *Quicunque*. — ² *Cone. Tolet. xi*, can. 3. — ³ Scilicet clericorum sacerdularium, quorum officia publica sunt. — ¹ *Cone. Tolet. xi*, can. 8. —

PARTICULA XXXV.

De pœnitentia episcopi, qui correctionem de simoniacâ venditione dissimulat.

Prima, quæstione prima, ex concilio Toletano xi⁴: « Quidquid invisibilis gratiæ consolatione tribuitur, nunquam questibus, vel qui buslibet premiis venundari penitus debet, dicente Domino⁵: *Quod gratis accepistis, gratis date*; et ideo quicumque deinceps in ecclesiastico ordine constitutus, aut pro baptizandis consignandisque fidelibus, aut collatione chrysostomatis, vel promotionibus graduum, præmia quælibet vel pretia, nisi voluntarie oblata, pro hujusmodi ambitione suscepit, equidem si sciente loci episcopo, tale quodcumque a subditis perpetratum fuerit, idem episcopus duobus mensibus excommunicationi subjaceat, pro eo quod scita mala contexit, et correctionem necessariam non adhibuit. Si autem suorum quispiam, eodem nesciente, pro supradictis quodcumque capitulis accipendum sibi esse crediderit, si presbyter est, quatuor mensium excommunicatione plectatur; si diaconus, trium; subdiaconus vero vel clericus his cupiditatibus serviens, competenti pœna, et debita excommunicatione plectendus est. » Hæc canon.

PARTICULA XXXVI.

De pœnitentia episcopi qui ordinat clericum invitum.

Septuagesimaquarta distinctione, ex concilio Aurelianensi⁶: « Episcopus qui invitum, aut reclamantem⁷ ordinare presumpserit, annuali pœnitentie subditus, Missas facere non presumat. » Hæc canon.

PARTICULA XXXVII.

De pœnitentia sortilegorum.

Extra, de Sortileg., ex *Penitentiali Theodosii*: « In tabulis vel codicibus, aut aliis, sorte fulta non sunt requirenda, nec divinationes aliquias in aliquibus rebus quis observare presumat. Qui autem contra fecerit, quadraginta dies pœniteat. » Hæc canon.

PARTICULA XXXVIII.

De pœnitentia ejus qui videt in astrolabio.

Extra., de Sortileg., Alexander III, Gradensi

⁴ *Matth.*, x, 8. — ⁵ *Cone. Aurelian.* — ⁷ Scilicet vel aliquo atio indicio, quam voce, contrariam voluntatem ostendentem.

patriarchæ : « Ex tuarum tenore litterarum acceptimus, quod V. presbyter cum quodam infami ad privatum locum accessit non ea intentione, ut invocaret dæmonium, sed ut inspectione astrolabii, furtum cuiusdam ecclesie posset recuperari. Verum licet hoc ex hono zelo, et simplicitate se fecisse proponat, id tam gravissimum fuit, et non modicam inde peccati maculam contraxit. » Et infra : « Mandamus, quatenus talem ei pro expiatione illius delicti pœnitentiam imponas, quod per annum et amplius, si tibi visum fuerit, eum ab altaris ministerio præcipias abstinere, et ex tunc liberum sit ei exercere officium sacerdotis. » Hæc canon.

PARTICULA XXXIX.

De pœnitentia ejus cui per negligentiam aliquid de sanguine distillaverit.

De Consecra., distinctione II, ex decreto Pii Papæ : « Si per negligentiam aliquid de sanguine Domini stillaverit in terram, lingua lambetur, et labula radetur. Si non fuerit tabula, ut non conculcetur, locus corradetur, et igne consumetur, et cinis intra altare recondetur, et sacerdos quadraginta diebus pœniteat ². Si super altare stillaverit calix, sorbeat minister stillam, et tribus diebus pœniteat. Si super linteum altaris, et ad illud stilla pervenerit, tribus pœniteat. Si usque ad tertium, novem diebus. Si usque ad quartum, viginti diebus pœniteat; et linteamina quæ tetigerit stilla, tribus vicibus minister abluat, calice subter positio, et aqua ablutionis sumatur, et juxta altare recondatur. » Hæc canon.

PARTICULA XL.

De pœnitentia ejus, qui sacrificium evomit.

De Consecr., d. II, ex *Pœnitentiali* Bedæ presbyteri : « Si per ebrietatem, vel voracitatem Eucharistiam evomuerit, quadraginta diebus pœniteat, si laicus est. Clerici vel monachi, seu diaconi, et presbyteri, septuaginta diebus pœniteant; episcopi nonaginta. Si pro infirmitatis causa evomuerit, septem diebus pœniteat. » Hæc canon.

PARTICULA XLI.

De pœnitentia ejus, qui presbyterum interfecit.

Extra., de Pœn. et Remiss., ex concilio Mo-

¹ Hoc intellige dictum ex dispensatione, nam de jure communii debuit remanere privatus, et episcopus

guntino : « Qui presbyterum occiderit, duodecim annorum pœnitentia ei secundum canones imponatur. » Et infra : « Convictus usque ad ultimum tempus vitæ sue militiæ cingulo carreat, et absque spe conjugii maneat. » Hæc canon.

PARTICULA XLII.

De pœnitentia beneficiari ab ecclesia, qui reclorem, vel clericum alium ipsius ecclesie interfecit.

Extra., de Pœnis, Innocentius III, in concilio generali (hæc decretalis secundum quosdam incipit ibi : *In quibusdam*, et pro una computatur) : « Sacri nihilominus concilii approbatione statuimus, quatenus si patroni, vel advocati, seu feudatarii, seu vicedomini, aut alii beneficiari alicujus ecclesie rectorem, vel clericum alium ipsius ecclesie, per se, vel per alios occidere, vel mutilare ausu nefando præsumpserint, patronijus patronatus, advocati advocationem, feudatarii feendum, vicedomini vicedominationum, et beneficiari beneficium prorsus amittant. et ne minus vindictę quam excessus memoria prorogetur, non solum de præmissis nihil perveniat ad hæredes, sed etiam usque ad quartam generationem, posteritates talium in clericorum collegium nullatenus admittantur, nec in dominibus regularibus alicujus prælationis assequantur honorem, nisi cum eis fuerit misericorditer dispensatum ³. » Hæc cauon.

PARTICULA XLIII.

De pœnitentia iucendiariorum.

Extra., de Iuuriis, ex *Pœnitentiali Romano* : « Si quis domum vel aream eujusque voluntarie incenderit, sublata et incensa omnia restituat, et tres annos pœniteat. » Hæc canon.

Item aliud canon, de eod. (xxiii, q. viii), Innocentii II, in universali concilio : « Fessinam siquidem et depopulatricem, et horrendam iucendiariorum malitiam, auctoritate Dei et beatorum apostolorum Petri et Pauli omnino detestamur et interdicim̄s. Si quis igitur post hujus nostræ prohibitionis promulgationem, malo studio, sive pro odio, sive pro vindicta, ignem apposuerit, vel apponi fecerit, aut appositoribus consilium vel auxilium scienter tribuerit, excommunicetur; et si mortuus fuerit

jure contra illum processit (26, q. v, *Non oportet; Si quis episcopus*). — ² Hæc pœnitentia erit, ut tot diebus jejunet, et tot diebus abstineat a perceptione sacra-

mentorum (dist. 45, c. *Quidam enim de episcopis*). — ³ Scilicet ab episcopo, licet honestum esset, quo l

feret de licentia Papæ.

incendiarius, Christianorum careat sepultura; nec absolvatur, nisi prius damno, cui intulerit, secundum facultatem suam resarcito: et juret se ignem de cætero non appositorum. Poenitentia autem ei detur, ut Hierosolymis, aut in Hispania, in servitio Dei per annum integrum permaneat. Si quis autem archiepiscopus vel episcopus hoc relaxaverit, damnum restituat, et per annum ab episcopalii officio abstineat. Sane regibus, et principibus, facienda justitia facultatem, consultis archiepiscopis et episcopis, non negamus. » Hæc canon.

Hodie postquam publicati sunt, non possunt absolviri citra sedem Apostolicam Extra., de sent. Excom., c. *Tua nos.* » Appar.: « Quia hæc non distinguitur, de omnibus intelligas. Tamen non credo, quod omnes incendiarii generaliter sunt ipso jure excommunicati, nisi de incendiariis ecclesiarum, cum de aliis non inveniam, et per hanc decretalem probatur, quod ipso jure sunt excommunicati; sed illis primo excommunicatis ab episcopis subsecuta publicatione et denuntiatione, Papa per hanc decretalem sibi reservat eorum absolutionem ad terrorem. » Hæc Appar. Raymundus, et Redon. tantum intelligent de incendiariis sacramentorum locorum. Ganfredus dicit, quod Episcopus potest incendiarium excommunicare, sed non absolvere, postquam fuerit denuo iudicatus: cum quo concordat textus. Hæc Decretalis et Apparatus, et copiose, et ideo magis ei credo.

PARTICULA XLIV.

De poenitentia communicantis cum hæretico.

Vigesima quarta, questione prima, Julius Papa: « Si quis dederit, vel acceperit communionem de manu hæretici, et nescit quod Ecclesia catholica contradicit, postea intelligens, annum integrum poeniteat. Si autem scit, et neglexit, et postea poenitentiam egerit, decem annos poeniteat. Alii judicant septem, et quidem humanius, ut quinque annos poeniteat. Si quis permisit hæreticum Missam suam celebrare in Ecclesia catholica, et nescit¹, quadragesima dies poeniteat. Si pro reverentia ejus, annum integrum poeniteat. Si pro damnatione Ecclesiæ catholicae, et consuetudinis Romanorum, propiciatur ab Ecclesia sicut hæreticus, nisi habeat poenitentiam; si habuerit poenitentiam, decem annos poeniteat. Si recesserit ab Ecclesia

¹ Scilicet ignorantia juris, vel ignorantia facti crassa.

² Scilicet catechumenos, qui olim audiebant Mis-

catholica in congregationem hæreticorum, et alios persuaserit, et postea poenitentiam egerit, duodecim annis poeniteat, tres extra ecclesiastiam, septem inter audientes³, et duos adhuc extra communionem. De his ita in canone dicuntur, ut duodecimo anno, communionem sine oblatione percipient. » Hæc canon.

PARTICULA XLV.

De poenitentia ejus, qui cognoscit duas sorores, vel matrem et filiam, amitam, vel neptem.

Trigesimasecunda, q. vii, ex Moguntinensi concilio: « Si quis viduam uxorem duxerit, et postea cum filiastra sua fornicatus fuerit, seu cum duabus sororibus, aut si qua cum duobus fratribus, seu cum patre et filio, si quis reliquit fratris, si quis novercam aut neptem, aut nurum, aut consobrinam, aut filiam avunculi, aut ejus relictam, aut privignam polluerit, eos disjungi, et ulterius nunquam conjugio copulari præcipimus. » Hæc canon.

PARTICULA XLVI.

De poenitentia ejus, qui cum brutis coierit, ubi rationem septennis poenitentie.

Trigesimateria, q. ii, Isidorus *ad Massonem Episcopum*: « Hoc ipsum, quod canonum censura, post septem annos removere poenitentem in statum pristinum præcipit, non electione proprii arbitrii sancti patres, sed potius ex sententia divini judicis sanxerunt. Nam legitur³, quod Maria soror Aaron prophetissa, dum detractionis aduersus Moysem incurrit delictum, illico stigmate lepræ percussa est. Cumque petret Moyses ut emundaretur, præcepit eam Dominus extra castra septem diebus egredi, et post emundationem rursus eam in castra admitti. Maria vero soror Aaron, caro intelligitur sacerdotis, quæ dum superbiæ dedita sordidis simis cogitationum maculatur contagii, extra castra, septem diebus, id est, extra collegium sanctæ Ecclesiæ septem annis projicitur, ubi post emendationem v. iorum, loci, vel pristinæ dignitatis recipiat meritum. » Et post pauca: « In fine autem epistolæ hoc adjiciendum putavi, ut quoliescumque in gestis conciliorum discors sententia invenitur, illius magis sententia teneatur, cujus antiquior, et potior extat auctoritas. » Hæc canon.

sam usque ad secretam Missæ, et postea expellebant (de Consecrat., distin. 4, c. *Episcopus nullum*). Ita Appar. — ³ Num., xii, 10.

«¹ Hoc quanquam de sacerdotibus videatur specialiter dictum, generaliter tamen de omnibus penitentibus oportet intelligi. Ad imitationem namque illius divinæ sententiae, David de adulterio et homicidio reprehensus, unius hebdomadae jejunium in satisfactionem admissi sceleris, Deo legitur obtulisse. Illic etiam ecclesiastica consuetudine est usurpatum, ut majorum criminum penitentia septem annorum spatio concludatur, nisi vel officii excellentia, vel criminum magnitudo, vulgarem consuetudinem exceedens, veluti dum contra naturam humanæ societatis, parentibus vel liberis, vel aliis ejusmodi personis impudice adhaeremus: vel dum relicto naturali usu, contra naturam, more sodomitico, forniciamur, vel usque ad coitum brutorum animalium prolabimur, premissum spatium transcendere cogat. » Hæc Gratianus.

PARTICULA XLVII.

De penitentia patroni, qui dilapidat res Ecclesiæ.

Sedecima, quæst. vii²: « Filiis vel nepotibus ac honestioribus propinquis ejus, qui construxit vel ditavit ecclesiam, licitum sit hanc habere solertiam, ut si sacerdotem, seu ministerium aliquid ex collatis rebus defraudare præviderint, aut commonitionis honeste conventione compescant, aut episcopo vel judici corrigeant denuntient. Quod si episcopus talia agere tentet, metropolitano ejus hæc insinuare procurent. Si autem metropolitanus talia gerat, regis hæc auribus intimare non differant. Ipsi tamen hereditibus in eisdem rebus non licet quasi proprii juris potestatem preferre, non rapinam, non fraudem ingerere, non violentiam quamecumque præsumere, sed hoc solum in salutarem sollicitudinem adhibere, quod aut nullam noxam operatio nocens attingat, aut multam, vel aliquam partem salutaris mercedis assumat. Si quis vero deinceps hæc monita temerare præsumperit, et male raptæ cum confessione restituet, et excommunicationis annuæ sententiam sustinebit. » Hæc canon.

PARTICULA XLVIII.

De penitentia ejus, qui domum suam cum magicis et iucantationibus lustrat.

Vigesimasexta, quæstio. v, ex Ancirano concilio³: « Qui divinationes expelunt, etiam mo-

rem gentilium subsequuntur, vel in domos suas hujusmodi homines introducunt⁴, exquirendi aliquid arte malefica, aut expiandi⁵ causa, sub regula quinquenni jaceant, secundum gradus penitentiae diffinitos. » Hæc canon.

PARTICULA XLIX.

De penitentia episcopi vel clerici magos vel aruspices consulentis.

Vigesimasexta, q. v, ex Concilio Toletano IV, cap. xxx. « Si quis episcopus, aut presbyter, aut diaconus, aut quilibet ex ordine clericorum, magos, aut aruspices, aut incantatores, aut ariolos, aut certe augures, vel sortilegos, vel qui præfertur artem magicam, aut aliquos eorum similia exercentes, consuluisse deprehensus fuerit, ab honore dignitatis sue suspensus, monasterii curam suscipiat, ibique penitentiae perpetuae deditus, scelus admissum sacrilegii solvat. » Hæc canon.

PARTICULA L.

De penitentia sacerdotis, cuius negligenter sacrificium a bruto comeditur.

De Consecratione, dist. ii, ex Concilio Aurelianensi: « Qui bene non custodierit sacrificium, et ius vel aliud aliquod animal illud comederit, quadraginta dies peniteat. Qui autem perdididerit illud in ecclesia, aut pars ejus ceciderit, et non inventa fuerit, triginta dies penitentat. » Hæc canon.

PARTICULA LI.

De penitentia sacerdotis, qui incaute Eucharistiam dimisit.

Extra., de eust. Euchar., Innoc. III, in Concilio generali: « Statuimus ut in cunctis ecclesiis et eucharistia sub fidei custodia clavis adhibitis conserventur, ne possit ad illa temeraria manus extendi, ad aliqua horribilia, vel nefaria exercenda. Si vero is, ad quem spectat custodia, ea incaute reliquerit, tribus mensibus ab officio suspendatur, et si per ejus incuriam aliquid nefandi inde contigerit, graviori subjaceat ultioni. » Hæc canon.

¹ Hæc quæ sequuntur, sunt verba Gratiani. — ² Conc. Tolet. ix, c. i. — ³ Ex Conc. Aneyr., can. 23, al. 21. — ⁴ Secundum leges isti concrementur, sed ille in cuius domo hæc fiunt, post publicationem hominum in exilium mittitur, ut de Maleficiis, c. Nullus. — ⁵ Id est, infirmitatis purgandæ.

PARTICULA LII.

De pœnitentia jurantis non facere pacem cum proximo.

Vigesima secunda, quæst. IV, ex Concilio Ilerdensi¹: « Qui sacramento se obligaverit, ut litigans cum quolibet ad pacem nullo modo redeat, pro perjurio, uno anno a communione corporis et sanguinis Domini segregatus, reatum summæ eleemosynæ, fletibus, et quantis potuerit jejuniis absolvat, ad charitatem vero, que operit multititudinem peccatorum celeriter venire festinet. » Hæc canon.

PARTICULA LIII.

De pœnitentia scienter rebaptizati, et bis confirmati.

Extra., de Apostatis, Alexander Tertius: « Ex litterarum tuarum tenore perpendimus, quod quidam ægritudine longa confectus, insano sortilegarum mulierum credens consilio, ut sanaretur, per iterationem fecit injuriam baptismatis sacramento. » Et infra: « Quia ergo nos tua duxit prudentia consulendos, qualiter puniri debeat acolytus, quem minor ætas, et intentio fraternæ salutis excusare videtur, discrezioni tamen præsentibus litteris respondemus, quod ad superiores ordines promoveri, si publicum est, quod proponitur, non valebit, nisi ad religionem transire voluerit, ut favore religionis ipsius, circa eum valeat dispensari. Si vero occultum est, promoveri poterit, et excessum suum dignis pœnitentiae fructibus expiare. » Hæc canon.

Item de eod., de Conse., dist. V, ex Concilio Tarraconen., cap. VI: « Dictum est nobis, quod quidam de plebe bis, vel ter, vel co amplius episcopis ignorantibus, tamen ab eisdem episcopis confirmantur. Unde nobis visum est, eamdem confirmationem sicut nec bapt'sum iterare minime debere: quia bis, vel ter, vel amplius baptizatos, aut confirmatos, non sæculo, sed Deo soli, sub habitu regulari, vel clericali religiosissime famulari decretum est. » Hæc canon.

PARTICULA LIV.

De pœnitentia raptoris.

Extra., de Raptoribus, Eugenius Tertius: « Statim ut quicunque ex his, qui violenter surrexerint in rapinam, sive in ecclesiaram

¹ Conc. Ilerd., can. 7. — ² Scilicet quantum ad pœnam temporalem. Ita Appar. — ³ Inno Innocentius III.

violationes, manifeste deprehensus fuerit, nisi prius ablata restituat, si poterit, vel emendandi firmam et plenam securitatem fecerit, pœnitentiae beneficium ei penitus denegetur. Si vero usque ad obitum in contumacia sua duraverit, et in extremis positus remedium pœnitentiae humiliter postulaverit, si emendationem, vel emendandi securitatem præstiterit, ei pœnitentia, et ecclesiastica sepultura concedantur. Qui autem in sanitate obstinata mente non pœnituerit, vel emendaverit, et in morte securitatem præstare nequiverit, solemnitas pœnitentiae parum prodesse² videtur, sicut credimus. Sed de peccato contrito viaticum non negetur, ita tamen ut nullus clericorum sepultura illius interterit, nec ejus eleemosynam accipere presumat. Quod si qui presbyterorum vel clericorum, contra hoc in vita, vel in morte pœnitentias dare, aut sepulture interesse, vel eorum eleemosynas accipere attentaverint, seu hujusmodi rapinæ participes inventi fuerint, ordinis sui damnum irre recuperabiliter patiantur, et ecclesiastico beneficio careant. » Hæc canon.

Secundum Raymundum dicere potes, quod haec decretalis est localis, vel quando illi non pœnituerant. Videtur enim, quod si aliquis esset etiam pro hujusmodi criminibus excommunicatus, et dum in extremis ageret pœnitentiam, juxta formam Ecclesiæ absolutus, non debet ei cœmeterium, vel alia Ecclesiæ suffragia denegari, sed ejus heredes, et propinqui, ad quos bona pervenerint ipsius, ut pro eo satisfaciant, sunt censura ecclesiastica compellendi (Extra., de Sepulturis, c. Parochianos.)

PARTICULA LV.

De pœnitentia propter necessitatem famis furtum committentis.

Extra., de Furtis, ex Pœnitentiali Theodori: « Si quis propter necessitatem famis, aut nuditatis, furatus fuerit cibaria, vestem, vel pecus, pœnitiat hebdomadas tres. Et si reddiderit, non cogatur jejunare. » Hæc canon.

PARTICULA LVI.

De pœnitentia ejus, qui stupravit virginem.

Extra., de Adulteriis, Gregorius³: « Pervenit ad nos, quod Felix quamdam virginem decepit stupro. Quod si verum est, quamvis esset de lege pœna plectendus, nos aliquatenus legis duritiam mollientes, hoc modo disponimus, ut aut quam stupravit uxorem habeat, aut si re-

nuendum putaverit, corporaliter castigatus ex-communicatusque, in monasterio, in quo agat penitentiam, retrudatur, de quo nulla sit ei egrediendi sine præceptione licentia. » Hæc canon.

PARTICULA LVII.

De pœnitentia adulteri vel adulteræ.

Extra., de Adulteriis, Alexander III : « Significasti nobis, quemdam presbyterum cum alterius conjugi intra ecclesiam dormivisse, quæ se et illum cuidam sacerdoti hujusmodi delictum confessos fuisse publice tibi detexit, et hoc ipsum idem sacerdos nomen adulteri celans in tua presentia dixit. Super quo quid fieri debet, cum, negante adultero, mulier in confessione persistat, consilium requisisti. Ideo que mandamus, quatenus condignam pœnitentiam præfatae imponens adultera, ecclesiastiam per aspersionem aquæ benedictæ reconciliare procures. Prædicto autem sacerdoti, ne, contra Apostolum¹, infirmorum corda mala fama ipsius persecutantur, et ne vituperet ministerium nostrum, neque presbyteri, securiores existentes, in peccatum licentibus probabantur; cum vicinis presbyteris, quos se pejorare nolle cognoveris, juxta arbitrium tuum, purgationem indicas; quem si purgare poteris, in officio suo ministrare permittas; alioquin ipsum ab officio suo suspendere non postponas. » Hæc canon.

Pœna autem pro adulterio imponitur mortis, quasi pro sacrilegio. Nam sacrilegos nuppiarum gladio puniri oportet, ut C. de Adulteriis, l. *Quamvis*. Femina autem, jure authenticorum, verberata in monasterium retruditur, quam intra biennium viro recipere licet; biennio transacto, vel viro mortuo antequam uxorem de monasterio educat, adultera tonsa, monastico habitu suscepto, ibi, dum vivit, permaneat, duabus partibus propriæ substantiæ liberis applicandis, tercia monasterio. Si liberos non habeat, parentibus extantibus, hujusmodi iniquitatæ non consentientibus, tercia pars applicatur, duæ monasterio; quibus predictis non extantibus, tota substantia monasterio queritur, pactis dotaliis instrumentorum omni casu servandis, ut in auth. *Ut nulli judicum*. Hæc sunt verba Gantfredi.

PARTICULA LVIII.

De pœnitentia medicorum corporum, medicos animarum non vocantium.

Extrav., de Pœnitentia et Remiss., Innocentius III : « Cum infirmitas corporalis non nunquam proveniat ex peccato, dicente Domino languido, quem sanaverat²: *Vade, et amplius noli peccare, ne deterius aliquid tibi contingat*; præsenti decreto statuimus, ut districte præcipimus medicis corporum, ut cum eos ad infirmos vocari contigerit, ipsos ante omnia movent, et inducant, ut medicos advocent animarum, ut postquam fuerit infirmo de spirituali salute provisum, ad corporalis medicinæ remedium salubrius procedatur, cum causa cessante cesseret effectus. Hoc quidem inter alia huic causam dedit edictio, quod quidam in ægritudinis lecto jacentes, cum eis a medicis suadetur ut de animarum salute disponant, in desperationis articulum incident, unde facilius mortis periculum incurunt. Si quis autem medicorum bujus nostræ constitutionis, postquam per prælatos locorum fuerit publicata, transgressor extiterit, tamdiu ab ingressu ecclesiæ arceatur, donec pro transgressione hujusmodi satisficerit competenter. Celerum cum anima sit multo pretiosior corpore, sub interminatione analheticis prohibemus, ne quis medicorum pro corporali salute aliquid ægroto suadeat, quod in periculum anime convertatur. » Ille canon.

PARTICULA LIX.

De pœnitentia et pœna negligientium confessionem et communionem, et peccata in confessione detecta revelantium.

Extrav., de Pœnitent. et Remiss., Innocentius III : « Omnis utriusque sexus fidelis, postquam ad annos discretionis pervenerit, omnia sua solus peccata, saltem semel in anno fideliter confiteatur proprio sacerdoti, et injunctam sibi pœnitentiam, propriis viribus studeat adimplere, suscipiens reverenter ad minus in Pascha Eucharistiae sacramentum, nisi forte de proprii sacerdotis consilio, ob aliquam rationabilem causam, ad tempus ab hujusmodi perceptione duxerit abstinentiam. Alioquin, vivens ab ingressu Ecclesiæ arceatur, et moriens christiana caret sepultura. Unde hoc salutare statutum frequenter in ecclesiis publicetur, ne quisquam ex ignorantiae cœcitate, velamen excusationis assumat. Si quis autem alieno sacerdoti

¹ Cor., viii, 12. — ² Joan., v, 14.

vulnererit justa de causa sua confiteri peccata, licentiam prius postulet, et obtineat a proprio sacerdote, cum aliter ipse illum non possit absolvere vel ligare. Sacerdos autem sit discretus et caelus, ut more periti medici, superinfundat vinum et oleum vulneribus sauciatis, diligenter inquires et peccatoris circumstantias et peccati, quibus prudenter intelligat quale debeat ei præbere consilium, et cuiusmodi remedium adhibere, diversis experimentis utendo, ad sanandum ægrotum. Caveat autem omnino ne verbo, aut signo, aut alio quovis modo, aliquatenus prodat peccatorem. Sed si prudentiori consilio indigerit, illud absque ulla expressione personæ caute requirat: quoniam qui peccatum in penitentiali judicio sibi detectum presumperit revelare, non solum sacerdotali officio deponendum decernimus, verum etiam ad agendum perpetuam penitentiam in arctum monasterium detrudendum. » Hæc canon.

CAPUT IV.

De usu clavium.

PARTICULA I.

De quatuor casibus, in quibus sacerdos non potest absolvere, et quod sex modis falsa penitentia dicuntur, et proprius sacerdos sex modis dicitur.

Quatuor modis dicuntur quis non vere contritus. Primus casus, in quo sacerdos non potest confitentem absolvere, est, cum quis non est vere contritus. Talis enim nec a summo Pontifice posset absolvī a peccatis. Quatuor autem modis dicuntur et est aliquis non vere contritus, sed false: qui notantur (tit.) de Pœnitentia, dist. v, et sunt verba Gregorii¹: « Falsas pœnitentias dicimus, que non secundum auctoritatem sanc-torum patrum pro qualitate criminum impununtur. Ideoque quicumque miles, vel negotiator, vel aliqui officio deditus, quod sine peccato exerceri non possit, si gravioribus culpis irretitus ad pœnitentiam venerit, vel qui bona alterius injuste detinet, vel qui odium in corde gerit: recognoscat se veram pœnitentiam non posse peragere, per quam ad vitam æternam valeat pervenire, nisi negotiationem relinquit, vel officium deserat, bona quidem, quea inusta abstulit, restituat, et odium ex corde dimittat, arma deponat, ulteriusque non ferat, nisi consilio religiosorum episcoporum, pro defen-

denda justitia. » Quintus modus notatur eadem distinctione ex verbis Innocentii II: « Fratres nostros episcopos et presbyteros admonemus, ne falsis pœnitentiis laicorum animas decipi, et in infernum pertrahi patientur: falsam autem pœnitentiam esse constat, cum, spretis pluribus, de uno solo pœnitentia agitur, aut cum sic agitur de uno, ut non discedatur ab alio. Unde scriptum est²: Qui totam legem observaverit, offendat autem in uno, factus est omnium reus, scilicet quantum ad vitam æternam. Sicut enim, si peccatis omnibus esset involutus, ita etsi in uno tantum maneat, vita æternæ januam non intrabit. Falsa est etiam pœnitentia, cum penitentes ab officio vel curiali, vel negotiali non recedit, quod sine peccatis agi nullatenus prævalet, aut si odium in corde gesserit, ant si offensio culibet non satisfaciat, aut si offendenti offensus non indulget, aut si arma quis contra justitiam ferat. » Hæc canon.

Ex his duobus capitulis colligitur, quod quinq-
que modis falsa pœnitentia dicuntur: primus est,
si confitens, ex contemptu et sine rationabili
causa, pœnitentias secundum auctoritatem Pa-
trum taxatas subire noluerit; secundus, si offi-
cium, de quo vivit, non justificaverit, vel si sine
peccato exerceri non possit, non dimiserit;
tertius, si odium in corde tenerit; quartus, si
ablata non restituerit; quintus, si in voluntate
peccandi remanserit; sextus addi potest, si de
peccatis præteritis sufficienter non doluerit; et
hic sextus modus tangitur ab Augustino³, cuius
verba sunt hæc: « Continue enim dolendum
est de peccato, quod declarat ipsa dictionis
virtus. Pœnitere enim est pœnam tenere; qua-
propter pœnitentia talium dicitur attritio, non
contritio. »

Secundus casus est, quando tam gravia quis commisit peccata, quod ad superiorem debeat confitens transmitti: quea autem sint illa, pos-tea disseretur. Tertius, si majori excommunicatione sit confitens innodatus, a qua non potest absolvī, nisi per proprium sacerdotem. Quartus, si confitens non est subditus confessoris, et con-fessor non sit ejus sacerdos proprius; quia, ut dicit canon vi, quæst. iii: « Scriptum ex Deuteronomio⁴: Nemo debet faleam in messem alterius mittere. » Et ix, quæst. ii: « Nullus parochianum alterius judicare præsumat. » Et (de Pœn., d. vi, in fine), dicit Urbanus II: « Qui contra hæc sta-
et fals. Pœnit., c. xxvii, in append. tom. VI, Oper.
S. Aug. — ⁴ Deut., xxiii, 25.

Pœnitentia falsa
sexmo-
dis dici-
tur.

¹ Greg. VII, in *Syn. Rom.*, an. 1078, c. vi. — ² Jac., ii, 10. — ³ Imo auctore, quisquis ille sit, libri de ver.

tuta facerit tentaverit, gradus sui periculo subjacebit, » ut dicit Calixtus Papa (caus. ix, q. ii, c. 1.) Talis judicatio nullas habet vires, quoniam nullus (*a*) alterius judicis nisi sui sententiam tenebit. Si autem cogitas, quia tota die contrarium fieri videmus; respondeo: Tanto pejus; et qui hos canones non servant, gravissime peccant.

Sacerdos Scindendum tamen, quod proprius sacerdos aliquibus sex modis efficitur: uno modo per determinationem superioris, prout determinantur pastores vel vicarii ab illis, quibus licet habere vicarios ex dispensatione superioris; secundo modo per privilegium aliquorum, ut quidam religiosi sunt: sed talibus confessi, nisi legitimum impedimentum habeant, debent iterum sacerdoti proprio confiteri. Tertio, per licentiam proprii sacerdotis, cum militi subditos ad aliquos discretos: illa tamen licentia non debet fieri generaliter ad omnes, sed ad illos, vel ad illum, quem scit esse discretum et notum. Quartto, cum quis est vagabundus, et pervenit ad sacerdotem discretum et notum. Quinto, cum quis est in articulo extreme necessitatis: in illa enim potest quilibet sacerdos quemlibet vere (*b*) contritum absolvere ab omni excommunicatione et ab omni peccato, quantumcumque sit grave. Unde Julius Papa (caus. xxvi, q. vi): « Si presbyter abnegaverit poenitentiam mortuorum, reus est animarum. » Sexto, propter nimium defectum sacerdotis.

Quinque autem faciunt nimium defectum in sacerdotibus. Unum est, si sunt confessionis proditoris: per hoc enim non solum damnantur eternaliter, sed, ut dicitur in canone, etiam in praesenti puniuntur per B. Gregorium depositione et perpetua peregrinatione (de Pœn., dist. vi, c. *Sacerdos*); per Innocentium III, non solum depositione, sed insuper areta monasterii intrusione (Extrav., de Pœn. et Remiss., *Omnis utriusque sexus*.) Item alias canon (caus. v, q. vi, c. v): « Delatori aut lingua capuletur, aut convicto caput damnetur, vel amputetur. » Ille canon. Capuletur, id est, suspendatur caput, scilicet civile, non naturale, quod dicitur status hominis (*Instit.*, de capit. diminut.) Secundum, si sunt notorii juris, et, ut credo, facti fornicatores. Tertium, si sunt judicii confessionis perversores, eo quod sunt de quibus

dicit Isaías¹: *Vae qui justificatis impiūm pro mulieribus, et justitiam justi aufcris ab eo.* Quartum, si sunt aliquarum personarum sollicitatores. Quintum, si gravem et cæcam patiuntur ignorantiam, ne² si cæcus cæcum ducat, etc. Nam, ut dicitur in *Sentent.* lib. IV, dist. xxi, c. ult., et de Pœn., dist. vi, c. *Quod autem dicitur*, « aliud est favore vel odio sacerdotem proprium contemnere, quod canones probinent; aliud cæcum vitare, quod Urbanus facere monet, ne si cæcus cæcum, » etc. Et illis casibus tunc efficitur subito alius sacerdos proprius, non quilibet tamen, sed discretus, et notus ex ordine vel persona. Dico autem *notus* (*c*), ne detur occasio declinandi ad hereticos. Si vero prædictorum quatuor nihil impedit, potest confessor confitemt ab omnibus absolvere eum distinctione predicta, videlicet, quod confitens sit bene contritus, quod non sit gravioribus criminibus irrestitutus, quod non majori excommunicatione innodatus, quod confessoris subditus uno prædictorum sex modorum.

PARTICULA II.

Quibus saerdos possit, vel non possit injungere penitentias utiles ad salutem, et de penitentia solemni.

Attendendum igitur, cum sint tria genera confitentium, quod secundum omnes doctores primis nulla potest injungi penitentia utilis ad salutem, nec per majorem videlicet, nec per minorem. Horum autem sunt sex genera: primi, raptiores; secundi, usurarii; tertii, incendiarii; quarti, fures; quinti, simoniaici; sexti, dolosi circumventores, ut sunt perversi judices, advocati iniqui, testes falsi, negotiatores fraudulenti, et hujusmodi, quibus omnibus non potest alia a quocumque injungi penitentia, nisi illa evangelica³: *Redde quod debes*: et illa apostolica⁴: *Redde omnibus debita*: et illud Ecclesiastici⁵: *Redde debitum tuum*. Quod si hanc acceptare noluerit confitens, nulla alia injungi potest, quæ sibi valeat ad salutem; quia, ut dicit Augustinus in Epistola ad *Macedonium*⁶; et legitur caus. xiv, q. vi: « Si res aliena, propter quam peccatum est, possit reddi, et non redditur, penitentia non agitur, sed simulatur. Si vero penitentia veraciter agitur, non dimittitur peccatum, nisi restituatur ablatum. » Septimi sunt, quibus etiam a nullo injungi potest

¹ Isa., v, 23. — ² Matth., xv, 14. — ³ Matth., xviii, 28. — ⁴ Rom., xiii, 7. — ⁵ Eccli., iv, 8. — ⁶ Aug., ad *Maced.*, epist. LIV, al. CLIII, n. 20.

(a) *Cæt. edit.* nullius. — (b) *Item verum.* (c) *Item notas.*

pœnitentia, quicumque mortale peccatum dimittere nolunt, de quibus tactum est supra: potest tamen eis dari consilium Beati Gregorii dicentis (de Pœnit., dist. v, c. *Falsas pœnitentias dicimus*, etc.): « Nec tamen desparet, sed faciat interim quidquid boni potest, ut Dominus illuminet cor ejus ad pœnitentiam. »

Secundi vero sunt, quibus tantum a majore injungi potest pœnitentia; quorum sunt quinque genera. Primi, quibus solemnis pœnitentia est injungenda, non dico publica, sed solemnis, que fit in capite Quadragesimæ cum solemnitate illa, que traditur dist. l, c. *In capite*, et est decretum illud Agathensis concilii, cuius verba sunt haec: « In capite quadragesimæ, omnes pœnitentes, qui publicam suscipiunt aut suscepserunt pœnitentiam, ante fores ecclesiæ se representent episcopo civitatis, sacco indui, nudis pedibus, vultibus in terram demissis, reos se esse ipso habitu et vultu protestantes. Ibi adesse debent decani, id est archipresbyteri parochiarum, et presbyteri pœnitentium, qui eorum conversationem diligenter inspicere debent, et secundum modum culpæ, pœnitentiam per prefatos gradus injungere. Post hoc eos in ecclesiam introducant, et cum omni clero, septem pœnitentie psalmos in terra pontifex prostratus cum lacrymis pro eorum absolutione decantet. Tunc surgens ab oratione, juxta quod canones jubent, manus eis imponat, aquam benedictam super eos spargat, cinerem prius mittat, deinde cilicio capita eorum cooperiat, et cum gemitu et crebris suspiriis denuntiet eis, quod sicut Adam projectus est a paradiſo, ita et ipsi pro peccatis ab ecclesia abiciuntur. Postea jubeat ministris, quod eos extra januam ecclesie expellant, clerus vero prosequatur eos cum responsorio²: *In sudore vultus tui*, etc., ut videntes sanctam Ecclesiam pro facinoribus suis tremefactam atque commotam, non parviperdant pœnitentiam. In sacra autem Domini cena rursus ab eorum decanis, et eorum presbyteris, ecclesiæ liminibus represententur. » Hæc canon.

Secundi, quando quis est excommunicatus a jure, vel a judice: qui non debet absolvi nisi a majore, salva distinctione juris.

Tertii, quando quis est in quacumque irre-

¹ Greg. vii, in *Syn. Rom.*, 4078, c. vi. — ² Gen., iii, 19. — ³ Jac., v, 16. — ⁴ Imo auctor libri *de ver. et fals. Pœnit.*, c. xi. Vide eliam, *de verb. Dom.*, serm. xvi, al. LXXXII. — ⁵ Deut., xxv, 2, 3.

gularitate, quia propter illam debet pœnitentem mittere ad episcopum, vel ad alium qui possit dispensare.

Quarti sunt incendiarii satisfacere volentes, de quibus (caus. xxiii, q. ult.) Eutychianus Papa, c. *Si quis*, et Innocentius II, c. seq. *Pessimam*. Nam talia majoribus reservantur, et proper quorundam sacerdotum simplicitatem, juxta verbum quod clixi potest ex Glossa Bedæ super illud³: *Confitemini alterutrum*, etc., majora majoribus, minora minoribus confitenda sunt.

Quintus casus, si sit consuetudo in aliquo episcopatu, quod aliqua certa et gravia criminis ad episcopum deferantur, que sibi singulariter reservavit, puta in quibusdam ecclesiis homicidia, sacrilegia, peccata contra naturam notorie facta, peccata falsariorum, et hujusmodi talia, si sit consuetudinis ut majoribus reserventur. Pro omnibus aliis potest injungi pœnitentia vere contrito etiam a minori, cum distinctione prædicta.

PARTICULA III.

De quatuor regulis observandis in pœnitentia injungendis.

Post hoc notande sunt quatuor regule, in injunctione pœnitentie strictissime observande.

Prima est, ut secundum qualitatem culpe, imponat qualitatem pœnitentie, videlicet pro occultis peccatis occultam, pro manifestis vero manifestam injungat pœnitentiam, ut ait, super *Marcii c. vi*, magna Glossa Bedæ, que sic incipit: *Christus tres mortuos*: « Notandum quoque, quod publica noxa publico eget medicamento, levia autem et secreta possunt deleri pœnitentia levi et secreta. » Hæc Glossa. Augustinus⁴: « Qui enim multos offendit peccando, multos oportet placare satisfaciendo. » Item in homilia de *Pœnitentia*, et habetur caus. ii, q. i, c. *Si peccaverit*: « Ubi contigit malum, ibi moriatur malum. »

Secunda regula, ut secundum quantitatem peccati, major vel minor pœnitentia injungatur, consideratis tamen diversis statibus personarum, et circumstantiis, de quibus tactum est in c. iii, partic. i. Sic enim præcipit Dominus⁵: *Juxta mensuram peccati, erit et modus plagarum; ita tamen (a) quod quadragenarium numerum non excedat*, id est, vires pœnitentis: status enim

(a) Vulg. *duntaxat*.

pœnitentia per quadragenarium numerum figuratur. Item¹ : *In mensura contra mensuram, cum abjecta fuerit, judicabis (a) eam, scilicet culpam.* Attendendum tamen, quod si minorem condigno injungat sacerdos pœnitentiam, non est propter hoc pœnitens a pena absolutus, sed quidquid purgandum remanserit, si decedit, procul dubio in igne purgatorii purgabitur, quia dicit Gregorius² (et habetur, de Pœnitentia, dist. I, c. Si peccatum David) : « Aut Deus punxit, aut homo. » Et infra : « Nequaquam igitur peccatori parcitur, quia nullatenus sine vindicta culpa laxatur. » Hæc canon. Qualiter autem se habere debebat sacerdos circa infirmos, docetur in *Pœnitentiali* a Theodoro, episcopo Cantuariensi (et habetur, caus. xxvi, q. vii, c. i, § Ab infirmis, et libro Sententiarum IV, dist. xx, c. Solet queri) : « Ab intimis in periculo mortis positis, pura est peccatorum confessio inquirendā; non tamen illis est imponenda quantitas pœnitentie, sed innotescenda, et cum amicorum orationibus, et elemosynarum studiis, pondus pœnitentie sublevandū, si forte migraverint, ne obligati, et communione, et consortio veniae fiant alieni. A quo periculo si divinitus eruptus convaluerit, pœnitentie modum a sacerdote sibi impositum diligenter observet. Et ideo secundum auctoritatē canoniam, ne illis janua pietatis clausa videatur, orationibus et consolationibus ecclesiasticis, sacra olei inunctione inuncti, secundum statuta sanctorum Patrum communione viatici reficiantur. » Hæc canon.

Tertia regula est, ut injungat toto tempore vita sua de peccatis præteritis pœnitere, et propositum habeat in futuris semper abstinenti : quia quamvis pœnitentia exterior injungatur alicui ad tempus, debet tamen usque ad finem vitæ sue dolere, secundum quod dicit Augustinus in libro *de Vera et falsa pœnitentia*; et introducitur, de Pœnitentia, distinct. III, cap. iv, et superius³ tactum est : « Continue dolendum est de peccato, quod declarat eiam ipsa dictio nis virtus. Pœnitere enim est pœnam tenere, ut semper puniat in se ulciscendo, quod commisit peccando. Ille pœnam tenet, qui semper vindicat, quod commissose se dolet. » Et c. v : « Ubi dolor finitur, deficit et pœnitentia. » Hæc canon.

Quarta regula est, ut sibi injungat illud quod ait ipse Salvator⁴ : *Vade, et amplius noli pec-*

care. Unde Augustinus⁵ : « Non dixit : Nec pecces; sed : Nec voluntas peccandi in te oriatur. Quod quomodo servabitur, nisi dolor in pœnitentia continue custodiatur? Sic igitur semper doleat, et de dolore gaudeat, et non semper doluisse doleat. » Hæc Augustinus. Qui ergo in uno vel in pluribus offendere vult, non debet tali, sive sano, sive infirmo, sive litterato, sive illitterato, religioso, vel seculari veniam peccatorum sacerdos promittere, nec corpus Domini aliquatenus dare, vel licentiare, nisi semper de cetero desistere voluerit ab omni mortali, etiamsi sit sacerdos, et instet festum quocumque, etiamsi vestitus missalibus indumentis, etiamsi expectaret Papa, et Imperator, et totus mundus sacerdotem sic indutum, etiamsi post annum pœccare vellet, et tibi confiteretur. Talis enim confessio est istorum, qualis erat confessio presbyterorum, de quibus legitur⁶, quod ad invicem confessi sunt concupiscentiam suam de Susanna; et quia tamen desistere noluerunt, propter iniquitatem suam perierunt. Similiter et isti peribunt in voluntate peccandi permanentes, quia, ut Apostolus ait⁷ : *Voluntarie nobis peccantibus, jam non relinquitur hostia pro peccato:* Glossa : « In voluntate peccandi permanentibus. » Quotiescumque autem sacerdos in voluntate peccandi mortaliter permanentibus licentiat corpus Christi, peccat mortaliter, quia Christum cum Juda tradit, ut secundario crucifigatur. Imo dicit Augustinus in glossa super illud Psalmi⁸ : *Et dederunt in escam meam fel,* quod gravius peccat qui contemnit regnante in cœlo, quam qui crucifixunt ambulantes in terra. Hoc quidam pestiferi et idiotæ non attendentes, dant largam licentiam communicandi luxuriosis, exactoribus, usurariis, concubinariis, et hujusmodi monstruosis, ira et odio plenis. O magna et infelix præsumptio, licentiare alii tam ingens flagitium, quod sibi nullus hominum licentiare posset! Magna vero præsumptio simplicis sacerdotis, licentiare alii, quod nec papa, nec angelus, nec Petrus, nec omnes angelorum exercitus possent licentiare, cum sententiam judicis Paulus voce præconia proclamaverit⁹ : *Quicumque manducaverit panem hunc, vel biberit calicem Domini indigne, reus erit (b) corporis et sanguinis Domini;* Glossa : « Indignus est, qui aliter celebrat mysterium Eucharistiæ, quam a Christo tradi-

¹ *Ista*, XXVII, 8. — ² Greg., *Moral.*, lib. IX, c. x. — ³ Huij. cap. partic. I, p. 381. — ⁴ *Ioan.*, VII, 14. — ⁵ Imo auctor lib. de ver. et fals. *Pœnit.*, c. XIII. —

⁶ *Dan.*, XIII, 14. — ⁷ *Hebr.*, x, 26. — ⁸ *Psal.* LXVIII, 22. — ⁹ *I Cor.*, XI, 27.

(a) Cœl. edit. *judicavit.* — (b) Item est.

tum est, et qui non devota mente accedit ad Eucharistiam, vel in voluntate peccandi manens : et iste talis est reus corporis et sanguinis Domini, id est, mortis Christi poenam dabit, id est, ac si Christum occiderit, punietur. Hæc Glossa. Continua : Tam grave peccatum est Christum indiguis licentiendo tradere, ut ipse Iudex per se elamet¹ : *Vt autem homini illi, per quem filius hominis tradetur. Bonum erat ei, si natus non fuisset, homo ille;* Glossa : « Multo melius esset omnino non esse, quam male esse. Ac si aperte dicat : Melius esset tali homini, quod Christus nunquam fuisset incarnatus, nunquam natus, nunquam passus, nunquam a morte resuscitatus, licet per hoc multos liberaverit, infernum spoliaverit, cœlos ditaverit, quia omnia hæc talia non proficiunt ad salutem, sed ad acerbiorrem damnationem ; quia gravius peccant qui contemnunt regnamentum in celo, quam qui crucifixerunt ambulante in terra, ut dictum est. Unde in nullo casu sanis, nec infirmis, nec sacerdotibus, nec aliis peccare volentibus, debet sacerdos corpus Christi licentiare vel indulgere, quia præcipit Dominus² : *Nolite sanctum dare canibus, id est, ad vomitum peccatorum redire volentibus.* Sciat ergo confessor studiosus, quod si discrete in omnibus prædictis se circa confidentem habuerit, non tantum salvat ipsum confidentem, sed etiam seipsum; insuper et operit multitudinem peccatorum, ac ampliora gaudia vite cœlestis sibi conquirit, sicut beatus Jacobus dicit, qui cum disseruisset de sacerdotibus et confessione, statim subintulit dicens³ : *Scire debet quoniam qui converterit peccatorem ab errore viæ sue, salvabit animam suam a morte, et operiet (a) multitudinem peccatorum.*

CAPUT V.

De Irregularitatibus et Dispensationibus.

PARTICULA I.

Summa irregularitatum ipso jure injunctarum. Qui adulterus causa mortis baptizatur, non debet promoveri, ut distinct. LVII, c. Si quis. Potest tamen episcopus dispensare cum eo propter raritatem clericorum, si meruerit ejus vita, ut dist. cit. c. Si quis.

PARTICULA II.

Qui scienter bis baptizatur (de Consec., dist.

¹ *Math., xxvi, 24.* — ² *Math., vii, 6.* — ³ *Jac., v, 20.*

TOM. VIII.

iv, c. *Qui bis.*), vel bis confirmatur (de Consec., dist. v, c. *Dictum*, et dist. L, c. *Presbyteros*), cum his non dispensatur. Si vero ignoranter, episcopus potest dispensare, ut in dist. cit. c. *Qui bis*, et caus. I, q. iv, c. *Placuit.*

PARTICULA III.

Qui sine baptismō ordinatur, talem potest episcopus baptizare, et iterum ordinare (Extra., b) de Presbitero non baptizato, c. *Si quis*, et cap. *Veniens*.

PARTICULA IV.

Qui bis ordinatur (caus. I, quæst. III, c. *Saluberrimum*,) cum hoc dispensat episcopus, si ignoranter, ut ibidem Alexander Papa.

PARTICULA V.

Qui per saltum ascendit ad ordinem prætermisso aliquo, potest ab episcopo ordinari, interim ab executione suspensus, donec prætermisso suscipiat (dist. XLIII, c. *Sicut*, et dist. LII, c. *Sollicitudo*; Extra., de Clerico per saltum promoto, cap. unico.

PARTICULA VI.

Qui furtive ab episcopo suo ordinem recepit (Extra., eodem tit., c. *Veniens*, et c. *Cum H. Lator.*), si talis intraverit religionem, episcopus vel praefatus suus potest cum eo dispensare. Hoc intellige, si sententia excommunicationis lata non fuit, ut in dictis capp. et in App.

PARTICULA VII.

Qui ab alieno episcopo, præter sui episcopi licentiam, ordinatur (caus. VII, q. I, c. *Episcopus in diæcesim*), cum hoc potest episcopus dispensare (caus. IX, q. II, c. *Lugdunensis*).

PARTICULA VIII.

Qui extra tempora statuta ordinatur (Extra., de Temporibus Ordin., c. *Cum quidam*), cum hoc solus Papa dispensat, ut dicitur ibid.

PARTICULA IX.

Qui ab episcopo, qui cessit loco et ordini, ordinatur (Extra., de Ordinatis ab Episcopo qui resignavit episcopatu, vel excommunicato, c. *Requisitus*), sed (c) ignoranter ad majores ordines a tali promovetur, episcopus suus cum

(a) *Cæt. edit. operit.* — (b) *Cæt. edit. add. cod.* — (c) *Edit. Ven. add. si.*

eo poterit dispensare, nisi crassa fuerit ignorantia, ut in dicto c. *Requisivit*. Apparatus tamen dicit, quod etiamsi probabilis sit ignorantia, necessaria est dispensatio.

PARTICULA X.

Qui ab excommunicato vel suspenso ordinatur (Extra., de Ordinatis ab Episcopo qui resignavit episcopatui, vel excommunicato, c. *Cum clericis*). Sed episcopus potest cum eo dispensare, ut ibidem dicitur, si ignoranter recipit; quia si scienter, non dispensaretur cum eo (caus. ix, quest. i, c. *Ordinationes*).

PARTICULA XI.

Qui suspensus vel excommunicatus ordinem recipit (Arg. Extra., de aetate et qualitate Ordinandorum, c. *Cum bona*; Extra., de Clerico excommunicato ministrante, c. *Postulasti*, cum hoc solus Papa dispensat (Extra., eod. tit., c. *Clerici*, in Appar.).

PARTICULA XII.

Qui rejicit religionis habitum, et in seculo in apostasia fuerit ordinatus (Extra., eod. tit., c. *Consultationi*), cum hoc solum Papa dispensat, ut ibidem dicitur. Ubi nota quosdam speciales casus, in quibus Papa dispensat, in Apparat.

PARTICULA XIII.

Qui in quolibet mortali ordinatur (Arg. Extra., de Cohabitatione Clericorum et Mulier, c. *Qui sint*; dist. xxv, c. *Primum*, et caus. xi, quest. ii, c. *Audi*). Et licet talis indigeat dispensatione secundum Raymundum Rodonen, tamen dicit haec verba: « Non credo quod indigeat dispensatione post poenitentiam, si sit occultum. (Arg. Extra., de Temp. Ord., c. *Qui sint*). » Cui concordat Bernardus, in Appar., ibid. Item Rodonen. dicit, quod talis large dicitur suspensus, non per modum sententiae, sed per modum simplicis prohibitionis, contra quam prohibitionem qui celebrat, non incurrit irregularitatem, sicut incurrit qui celebrat suspensus per sententiam. De hac maleria multa invenies in Summa Raymundi, titulo *de Lapsis*, et c. *Is § Contra praedictas tres regulas*.

PARTICULA XIV.

Qui duos sacros ordines, vel minores cum subdiaconatu, aut diaconatu recipit una die (Extra., de Temporibus Ordin., c. *Litteras*; Extra., eod. tit., c. *Dilcctus*; Extra., de eo, qui furtive

suscepit ordines. *Cum H. Lator*, et c. *Innotuit*), cum hujusmodi potest episcopus dispensare in minoribus et majoribus, si intraverit religionem; vel prelatus suus potest, ut in dicta decretali *Innotuit*.

PARTICULA XV.

Qui non habens ordines, divinum exercet officium, vel habens aliquem ordinem, et alterius ordinis, quem non habet, officium exercet, hic per dispensationem Papae in ordine, quem habet, toleratur, sed ad alium non promovetur, ut caus. xiv, quest. iii, c. *Privilegium*; caus. xxv, quest. ii, c. *Sic docet*; Extra., eod. tit., c. *Si quis*, et c. *Ex litteris*.

PARTICULA XVI.

Qui excommunicatus vel suspensus celebatur, ut Extra., de Cleri. excommunic. ministrante, c. *Clerici*, et cap. *Latores*, et cap. *sequen.*, et *Fraternitati*, et *Apostolice*, et *Si celebrat minori*.

PARTICULA XVII.

Qui in loco interdicto celebavit (Extra., de Cleri. excomm. min., c. *Postulasti*), in hoc casu, et in praecedentia, dispensat Papa, ut dicitur in cap. *dicitis*, maxime c. *Clerici*, ubi hoc salis dicitur in Appa.

PARTICULA XVIII.

Qui in haeresim lapsus, ab ea revertitur (caus. i, quest. vii, c. *Saluberrimum*, et c. *Convenientibus*), hic ad maiores ordines non promovetur, sed in susceptis potest episcopus dispensare cum eo, ut in dicto cap. *Saluberrimum*.

PARTICULA XIX.

Qui haereticis ecclesiastica sacramenta distribuerit, vel eos sepulture tradiderit, vel oblationes eorum receperit (Extra., cod. tit., c. *Excommunicamus*; caus. i, §. *Si vero clericus*); cum his dispensat solus Papa, ut ibidem dicitur.

PARTICULA XX.

Qui haereticis, credentibus, fautoribus, et defensoribus eorum in aliquo praestiterit auxilium, consilium et favorem, et qui eis in causis, vel factis, vel aliis litigationibus sub eorum examinatione patrocinium praebuerit, et pro eis publica instrumenta, vel scripta fecerit, perpetuo est ab officio suspensus (Extra., eod. tit., c. *Si adversus nos*.)

PARTICULA XXI.

Qui duas uxores simul, vel successive habuit (dist. xxxiv, c. *Christiano*; caus. xxx, quæst. i, c. *Quomodo*; Extra., de Divort., c. *Gaudemus*).

PARTICULA XXII.

Qui contrahit cum corrupta, vel vidua (dist. xxxii, c. *Scrialim*, et dist. xxxiv, c. *Carandum*, et cap. *Præcipimus*, et Extra., de Bigamis, c. i et ii). Secundum Raymundum, non potest Episcopus cum bigamo dispensare (Extra., de Bigamis, *Nuper*). Ad idem facit Extra., de Bigam., c. *Super eo*; distinct. L, c. *Si quis viduam*. Sed hoc non tenet illud c., dist. xxxiv, *Lector*, nisi forte quad minores ordines, in quibus credo quod episcopus potest dispensare propter necessitatem (arg. dist. xxxiv, c. *Subdiaconus*, et in d. c. *Lector*, et dist. L, c. *Placuit*). Si tamen clericus in sacris ordinibus constitutus, qui nullum ante susceptiōnem ordinum habuit uxorem, contraheret de facto matrimonium, et postea transiret ad religionem, in qua conversaretur honeste, posset suus episcopus dispensare (Extra., c. *Qui clerici, vel vo. Hucusque Raymun.*)

PARTICULA XXIII.

Qui duxit viduam a primo viro intactam, vel qui duas uxores habuit prima incognita, si mortua fuerit, non est bigamus (Extra., eod. tit., c. *Debitum*, et dist. xxxiv, cap. ultimo).

PARTICULA XXIV.

Qui cum virgine contraxit, sed postea alteram (a) cognovit (dist., xxxiv, *Si cuius uxorem*, et c. seq.)

PARTICULA XXV.

Qui infra sacros ordines consistens, de facto contraxit (Extra., de Bigamis, c. *A nobis fuit*).

PARTICULA XXVI.

Qui post volum castitatis emissum, professione regulari contempta, de facto contraxit matrimonium (caus. xxvii, quæst. i, c. *Quotquot*). In istis casibus quinque bigamie, potest episcopus dispensare in minoribus tantum propter necessitatem (Arg., dist. xxxiv, c. *Lector*, et cap. *Subdiaconus*, et distinct. L, c. *Placuit*).

PARTICULA XXVII.

Qui claustra egrediens, physicam vel leges (a) *Cæt. edit.* alterum,

audit (Extra., Ne cler. vel mon., c. *Super specula*), cum hoc solus Papa dispensat, ut dicitur ibid.

PARTICULA XXVIII.

Qui duxit levem personam, utputa ancillam joculatricem, licet virginem, a promotione repellitur (dist., xxxiv, c. *Si quis viduam*).

PARTICULA XXIX.

Qui in duello pugnavit (Extra., eod. tit., c. *Porro*), cum hoc episcopus dispensat, si mors, vel decisio membrorum non sit secuta, ut in dicto c. *Porro*.

PARTICULA XXX.

Qui solemnem egit penitentiam (dist. L, c. *Ex paenitentibus*; dist. xxxvi, c. *Illiteratos*; Extra., de Bigamis, cap. i), cum his dispensat episcopus tantum in minoribus propter necessitatem Ecclesiæ, vel utilitatem (dist. L, c. *Placuit*; Extra., de sent. excommunicationis, c. *Nuper*.)

PARTICULA XXXI.

Qui illegitime natus est (Extra., de fil. presbyter., c. i, Extra., de Elect., c. *Innotuit*; Extra., Qui fil. sint legit., c. *Per venerabilem*), si intraverit religionem, poterit promoveri, quia religio tollit hanc irregularitatem ad omnes ordines. Si remanserit in sæculo, potest episcopus cum eo dispensare ad omnes ordines (Extra., eod. tit., c. *Veniens*). Solus autem Papa dispensat, ut habeat curam animarum vel prælacionem habeat (Extra., eodem tit., c. *Nimis in provincia tua*, ubi de hoc bene dicitur in Apparat.).

PARTICULA XXXII.

Qui contempto ecclesiastico judicio in eas non lito vadiit ad sæcularem judicem (caus. iii, q. v, c. *Si quis Episcopus*; caus. xi, quæst. i, c. *Continua* in Auth. *Quomodo Apostolus*, § Non aliter.)

PARTICULA XXXIII.

Qui mutilatus est sponte sine causa, vel justa causa, vel magno, vel parvo membro, repellitur a promotione, et dejicitur jam promotus (Extra., de corpore viciat., c. *Significavit*, et dist. xv, c. *Si quis abscedit partem*, et dist. xxxiii, c. *Maritum*).

PARTICULA XXXIV.

Qui justa causa, vel propter lepræ periculum, amputare facit virilia, vel aliud parvum membra, non repellitur, vel rejicitur. Idem intelligitur, si sit casu fortuito mutilatus, vel in infantia

sectus , nisi fuerit magnum membrum , quod deformitatem generet vel scandalum (dist. **lv**, c. *Si quis a medicis*, et c. *Si quis per ægritudinem*, et c. *Lator*; *Extra*, eod. tit., *Ex parte M.*, et c. *Ex parte B.*).

PARTICULA XXXV.

Si membrum amisit , quod generet deformitatem , vel si amisit oculum , non potest sine dispensatione Papæ promoveri.

PARTICULA XXXVI.

Debilitatus si sine baculo stare non poterit , ab altari repellitur (Arg., de Consecr., dist. **I**, c. *Nullus*; dist. **XLIV**, c. *Disciplina*); si manum aridam habet , si maculam in oculo , quae generet deformitatem (*Extra*, eod. tit., c. *Quoniam tua*); si leprosus efficitur (*Extra*, de clerico ægrotante, c. *de Rectoribus*, et cap. *Tua nos*); si morbum caducum patiatur (caus. **vii**, q. **I**, c. *Illud*, et quest. **II**, c. *Nuper*, et dist. **XXXIII**, c. *Maritum*, et cap. *Communiter*, et cap. *Clerici*); idem est de furiosis , ut cap. *Maritum*: tales non ad administrationem , vel ordinem admittuntur , et suspensi sunt sine culpa , sed non sine causa; tamen a beneficio non removentur (dist. **lv**, c. *Si Ecclesiastica*; caus. **vii**, quest. **I**, c. *Cum percussio*.)

PARTICULA XXXVII.

Qui homicidium fecerit sine causa justa , cum hoc non dispensatur. Si causa justitiae , cum hoc non dispensatur ut possit promoveri; sed si sit promotus in ipsis ordinibus , cum ipso potest per Papam dispensari (dist. **LI**, c. *Aliquantas*.) Alias , si sponte fecerit homicidium , sine spe recuperationis et dispensationis deponatur (dist. **L**, c. *Clerici*, et cap. *Si quis viduam*). Si necessitate evitabili , similiter ad superiores ordines non potest ascendere , sed in susceptis cum eo potest dispensari , licet non facile dispensatur , et per Papam. Si inevitabili , datur consilium ut non ministret homicida etiam in susceptis ordinibus (dist. **L**, *De his clericis*) , non tamen deponitur , sed in suo ordine toleratur , de jure absque dispensatione , secundum L. et Raymundum (*Extra*, de homicid., c. **II**, et secundum Bernardum in Appar. super illud cap., *Extra*, eod. tit., c. *Sicut dignum*.) Si casu , cum culpa et negligientia , ab ordine suscepto perpetuo cessabit (dist. **L**, c. *Hi qui arborem*, et *Extra*, eod. tit., *Presbyterum*). Episcopus tamen potest in minoribus et in subdiaconatu jam suscepto dispensare (*Extra*, eod. tit., c. *Continebatur*). Si diaconus velsacerdos

fuerit , ad Papam pertinet ut in ipsis ordinibus vel ministret , vel promoveatur ad ipsos , ut in dicto cap. *Continetur* , et cap. *Lator præsentium*. Secundum Raymundum tamen non potest dispensare episcopus (dist. **l**, c. *Miror*): «Quod intelligunt quidam indistincte , scilicet tam de voluntario , quam de casuali ; alii de homicida voluntario.» Haec Raymundus. Si sine culpa et negligientia , in ordine suscepto poterit ministrare , et ad maiores promoveri (*Extra*., eod. tit., c. *Litteris significasti* , c. *Dilectus*, et c. *Ex litteris*). Et dicunt quidam , quod non oportet cum eo dispensari , ut in dictis capitulis appareat. Sed securius et tutius est , ut vel saltem episcopus cum eo dispensem (dist. **L**, c. *Clerico*.)

PARTICULA XXXVIII.

Sunt et alii casus , in quibus tenetur reatu sanguinis , licet non occidat , utpote qui homini vel mulieri aliquid fecerit , vel ad potandum dederit , ut non possit generare , vel concipere , vel nasci soboles.

PARTICULA XXXIX.

Qui hominem ceperit , vel capi fecerit , vel consilium dederit , vel in pressionem miscerit , si ex pressione vel captione mors subsecuta fuerit (*Extra*., eodem tit., c. *Sicut dignum*).

PARTICULA XL.

Qui consilium , vel mandatum , vel studium dederit , ut homo occidatur (*Extra*., eodem tit., c. *Significasti*; dist. **L**, *Si quis viduam*; de Pœnit., dist. **I**, c. *Periculose*).

PARTICULA XLI.

Quicumque in causa sanguinis est judex , assessor , procurator , advocatus , officialis , testis , notarius , scribens sententiam , vel dictans (distinct. **LI**, c. *Aliquantas*, et cap. *Clericis*).

PARTICULA XLII.

Qui chirurgie curam adhibuerit , vel potionem dederit , unde mors fuerit secuta , si per cupiditatem fecit , et in arte eadem expertus non extitit , nec diligentiam , quam debuit , adhibuit , tenetur , ut de casuali homicidio cum culpa , et negligientia (*Extra*., eodem tit., c. *Tua nos*).

PARTICULA XLIII.

Qui interest ubi vindicta sanguinis exercetur (*Extra*., Ne clerici vel monachi , c. *Sententiam san-*

guinis). Bernardus in Appar.: « Si tantum interest, propter hoc non videtur irregularis effici, vel debere deponi, sed alias debet puniri, quia interfuit contra praeceptum dicti canonis. »

PARTICULA XLIV.

Si hi qui retinent beneficium, vel feudum, de ecclesia, ipsi ecclesie personam occiderint, filii eorum usque in quartam generationem in clericos non debent promoveri (Extra., de Poenit., c. *In quibusdam.*) Bernardus in Appara. dicit secundum Joannem, quod episcopus potest cum talibus dispensare; honestum tamen esset, quod nullus episcopus in hoc casu dispensaret, ut supra dictum est.

PARTICULA XLV.

Qui pro ordinatione sua promissum, vel juramentum fecerit ordinatori, vel presentatori, quod eos super provisione sua non inquietabit, cum eo non dispensat, nisi Papa (Extra., de Simonia, c. *Si quis ordinavit.*)

PARTICULA XLVI.

Qui a simoniaco ordinatur episcopo, sive tunc sciat esse simoniacum, sive non (Caus. I., quæst. I., c. *Si qui a simoniacis.*) Sed in primo casu sine misericordia deponitur (caus. I., quæst. I., c. *De cætero*, nisi violenter attrahatur (caus. I., quæst. I., c. *Constat*). In secundo casu dispensatio toleratur, ut in cap. *Si qui a simoniacis.*

PARTICULA XLVII.

Qui ordinem vel beneficium aliquod spirituale aliquo dato, vel promisso, vel retento, vel in pactionem deducto, vel precibus carnaлиbus vel alienis, receperit (Caus. I., quæst. I., c. *Ordinationes*, *Sunt nonnulli, Statiuimus decre-tum, Si qui a simoniacis.*)

PARTICULA XLVIII.

Nota quod simoniacus in ordine, sive sit occultum, sive manifestum, suspensus est quoad se, et quoad alios. Similiter simoniacus in beneficio dando, vel recipiendo, vel in ordine confirmando, vel conferendo, si sit notorium (Extra., eod. tit., c. *Tanta*). Si occultum quoad se tantum (Extra., eod. tit., c. *Ex tua fraternitatis*), de hoc dicitur in Appa. (Extra., eod., supra illud c. *Accusatum*): « Tales sine spe dispensationis oportet renuntiare ordini et beneficio sic suscepto. » (Caus. I., q. I., c. *Erga simoniacos*; Extra., eod., c. *Ex*

tua fraternitatis), etc. Matthæus: « Potest tamen Papa cum eis ex plenitudine potestatis dispensare, quamvis non sit in jure expressum. » Episcopus vero dispensare non potest, nisi in casu, scilicet si crimen nescientibus ordinato et ordinatore commissum sit, et postquam simpliciter renuntiavit ordini vel beneficio sic suscepto (Extra., cod. tit., c. *De simoniace ordinatis*).

PARTICULA XLIX.

Qui decanatum, vel archidiaconatum, vel aliquam jurisdictionem ad agendas vices episcoporum, sub anno censu receperit, ut simoniacus est suspensus, (caus. prima, quæst. tertia, c. *Ex multis*; Extra., Ne prelati vices suas sub anno censu, c. *Quoniam in quibusdam.*)

PARTICULA L.

Sunt et alii casus, in quibus suspenditur aliquis ipso jure, sed ipso facto non efficitur irregularis. Monitione competenti non præmissa, prælatus excommunicans aliquem, suspenditur ipso jure per unum mensem ab introitu ecclesie (Extra., de sententia excommunicationis, c. *Sacro approbante*, et in nova constitutione *Cum medicinalis*). Quando dicitur monitione competens, intelligitur trina (caus. xxiv, q. tertia, c. *De illicita*).

PARTICULA LI.

Rector ecclesiæ, qui pro alienis debitis gravæ ecclesiam sibi commissam, vel literas alicui concedit, vel sigilla quibus Ecclesia possit obligari, suspenditur ipso jure, donec cum ipso dispensemetur (Extra., de solutionibus, c. *Si quorundam*).

PARTICULA LII.

Adulter manifestus, fornicator, vel testis falsus, si crimina ipsa sint notoria, suspensi sunt quo-usque poenitentiam egerint (Extra., de temporibus ordi. et qualitate ordin., c. *Quæsum est de sacerdotibus*; Extra., de cohabitatione clericorum, c. *Quæsum.*)

PARTICULA LIII.

Si ordinator ab ordinato acceperit juramentum, vel promissionem, quod super provisione eum non inquietet a collatione ordinum, per triennium est suspensus (Extra., de simoniacis, c. *Si quis ordinaverit.*)

PARTICULA LIV.

Usurarium manifestum, et in hoc decedente, qui tradiderit sepulturæ ecclesiasticæ, vel

recepit oblationes ejus, suspensus est usque ad arbitrium episcopi (Extra., de nsuris, c. *Quia in omnibus*).

PARTICULA LV.

Qui eligunt in episcopum personam patientem defectum in natalibus, aetate et scientia, id est illegitime natam, et infra trigesimum annum aetatis, vel non competentis litteraturae, triennio a beneficiis suspenduntur (Extra., de electione).

PARTICULA LVI.

Nota quod capitulum quandoque dispensat secundum Raymundum (Extra., de simon., c. *Ex insinuatione*; Extra., de præben., c. *Cum non ignores*); ubi Bernar. in Appar. videtur sentire contrarium.

PARTICULA LVII.

Ad pleniorum autem intelligentiam omnium in hoc ultimo capitulo preditorum, nota verba Augustini scribentis ad Bonifacium¹, que introduceuntur dist. I, c. *Ut constitueretur*, et sunt haec: « Ut constitueretur in Ecclesia, ne quisquam post alicujus criminis poenitentiam, clericatum accipiat, vel ad clericatum redeat, vel in clericatu maneat: non desperatione indulgentiae, sed rigore factum est disciplinae. Alioqui contra claves Ecclesie datas disputabitur, de quibus dictum est²: *Quæ solveritis in terra, soluta crunt et in cœlo*. Sed ne forte etiam de tectis criminibus (a), spe honoris ecclesiastici, animus intumescens superbe ageret poenitentiam, severissime placuit, ut post actam poenitentiam de damnabili crimen, nemo sit clericus, ut desperatione temporalis altitudinis, medicina major et verior esset humilitatis. Nam et sanctus David de criminibus mortis erit egit poenitentiam, et tamen in honore suo perstitit, et beatum Petrum, quando amarissimas lacrymas fudit, utique Dominum negasse poenituit, et tamen apostolus mansit. Sed non ideo putanda est supervacua posteriorum diligentia, qui ubi saluti nihil detrahebatur, humilitati addiderunt aliquid, quo salus tutius muniretur, experti, credo, aliquorū fictas poenitentias per affectas honorum potentias. Cogunt enim multas invenire medicinas multorum experimenta morborum. Verum in hujusmodi causis ubi per-

¹ Aug., *ad Bonif.*, epist. L, al. CLVXXXV, n. 45. — ² Matth., VIII, 18. — (a) *Cact. edit.* etiam de criminibus exterritis.

graves dissensionum scissuras non hujus aut illius hominis periculum, sed populorum strages jacent, detrahendum est aliquid severitati, ut majoribus malis sanandis charitas sincera subveniat. » Hæc Augustinus.

PARTICULA LVIII.

Ex his verbis Augustini colliguntur tres regulæ. Prima: Qui peccavit post baptismum, non potest promoveri.

Secunda est: Promotus qui mortale crimen committit, dejicitur.

Tertia est: Qui ab ordine deponitur, non potest restituui; ubicumque mitius agitur, dispensatio est.

Contra predictas tres regulas potest Papa dispensare in omni casu ex plenitudine potestatis, licet plures casus sint in quibus nullo modo dispensat, ut in homicidio voluntario (dist. L, c. *Miror*); in quatuor casibus, qui continentur in his versibus:

Sive bis ordo datur, sive baptismus repeatatur.
Sive, ut evertatur fidei status, ordo petatur,
Vel si prestat ut utriusque Simoni operetur,
Ut dispensetur spes irrita prorsus habetur.

Baptismus repeatatur, sive ignoranter, sive scienter. Secus tamen est, si aliquis ad cautelam sibi conditione se faciat baptizari, quia talis non incurrit irregularitatem. *Evertatur*, quando sciilicet aliquis, cum possit ordinari a catholicō episcopo, se facit ab heretico ordinari. *Utrisque Simon*, id est si simonia interveniat ex parte ordinati et ordinatoris. Sed circa episcopos inferiores duplex est solemnis opinio: una dicit, quod episcopus potest dispensare contra duas regulas primas in adulterio et minoribus criminibus; in majoribus adulterio nequaquam, nisi in casibus a jure expressis, quod in eis possit episcopus dispensare. Alia opinio dicit, quod potest episcopus dispensare in omni crimen contra duas regulas primas, nisi expresse sibi prohibetur a jure. *Hoc probatur* dist. LXXXII, c. *Presbyter*, et de Poenit. dist. VI, c. I, in fine, verbo: « Itaque Pontifex jutus atque discretus non cogit sacerdotes suos semper abjicere, nec max restituere, nisi a Romano Pontifice fuerit statutum. » Hanc secundam opinionem tenent Laurentius, Vincentius, Tancred., Joannes, Raymundus; et Bernardus, ut notatur in Appar. illius c., Extra., de Judic., c. *At si clerici*. Quibus consentiendo, dicatur quod episcopus contra

primas regulas duas, nisi expresse sibi prohibetur a jure, potest in omni crimen dispensare.

Unde sciendum, quod episcopis in viginti quinque casibus dispensare prohibetur.

Primus de homicidio (distinct. I, c. *Miror*), quod intelligent quidam indistincte, tam de voluntario, quam de casuali, quod etiam generali Ecclesiæ consuetudine roboratur; alii de homicidio voluntario.

Secundus casus de simoniaco, cum distinctionibus, quas require supra, c. eod., partic. XLVIII.

Tertius casus de eo, qui excommunicatus majori excommunicatione vel per judicium suspensus ab officio, celebrat officiando (caus. vii, q. I, c. *Si quis Presbyter*; caus. xi, quest. iii, c. *Si quis Episcopus*, primo; Extra., de sententiæ excommunicationis, c. *Cum illorum absolutio*). Quidam dicunt contrarium in hoc casu, scilicet, quod posset episcopus dispensare (Arg. caus. ii, quest. iv, c. *Quæ de causa*). Sed non tatum, nec consuetum, nisi in casu, scilicet si eos redderet ignorantia facti probabiliter excusatos (Extra., de clericis excommunicatis, c. *Minist. apostolica*.)

Quartus casus est de clericis excommunicatis in concilio, qui accedit ad judicium principis in casu non concesso, contempto judice ecclesiastico (caus. XXVI, quest. v, c. *Si quis episcopus*.)

Quintus casus est de bigamo (Extra., de Bigamis, c. *Super eo*, c. *Nuper*, et require supra, c. eod., de Bigamis¹.)

Sextus casus est de duobus presbyteris, ut præsent uni ecclesiæ æqualiter (Caus. XXI, q. II, c. penult.).

Septimus casus est de habendis duobus vel pluribus beneficiis curam animarum habentibus (Extra., de Cler., c. *Dudum*).

Octavus casus est de eo, qui constitutus est infra vigesimum quintum annum, quia non potest cum eo episcopus dispensare, ut promoveatur ad honores (Extra., de elect., c. *Cum in cunctis*; Extra., de ætate et qualitate ordin., c. *Eam te, ubi præcipit Papa*, quod nullus promoveatur, nisi sit ætatis legitime; Extra., de elect., c. *Nihil est*).

Nonus casus est de illegitime nato, cum quo non potest episcopus dispensare, ut promoveatur ad honores (Extra., de filiis presbyt., c. penult. et ult., ubi dicit, quod cum illegitime

natis solus Papa dispensat). Quod autem tales prohibentur ab honoribus, dicitur in concilio Pictavion. (Extra., de filiis presbyteror., cap. i).

Decimus casus est de eo, qui recipit ordinem scienter ab episcopo, qui resignavit episcopatu; cum quo non dispensatur nisi a Papa.

Undecimus casus est de eo, qui recipit ordinem scienter ab episcopo excommunicato (Extra., eod. tit., c. 2.)

Duodecimus casus est de tertia regula supradicta, contra quam non potest episcopus, nec aliquis alius a Papa dispensare (dist. I, cap. I et II, et caus. II, quest. VI, *Ideo* I et 2.) Et intelligas hoc de solemniter degradato. Bernardus in Appar. illius cap. (Extra., de clericis excommunicatis ministrante, c. *Clerici*), dicit, quod si episcopus cum aliis episcopis ipsum a sacerdotio tantum depositus, potest eum recipere in inferioribus ordinibus, et sic de aliis ordinibus (Arg. caus. XV, quest. VIII, c. *Qui admiserit*, et c. *Si quis presbyter*). Si vero despositus est ab omni ordine, tunc solus Papa restituit. Hæc Appar., et sunt verba hæc: « Quidam tamen dicunt, et male, quod episcopus potest depositum restituere. Pro eis est caus. XI, quest. III, c. *Episcopus, presbyter*; sed illud potest intelligi, cum constabat depositionem nullam esse. Item pro eis esse videtur distinct. XLVI, c. *Clericus maledicus*. Sed ibi expone degradetur, id est, suspendatur.

Tredicimus, et decimusquartus, decimusquintus, et decimussextus, continentur in his versibus:

Sive bis ordo datur, sive baptismus repetatur,
Sive, ut evertatur fidei status, ordo petatur,
Vel si præstetur, ut utrinque Simon operetur,
Ut dispensemetur, etc.

De primo require hujus capituli particulam IV. De secundo require, eod. c., partic. II. De tertio, habes, caus. I, quest. VII, c. *Convenientibus*, § *Item Tharasius patriarcha*, vers. (a) *Constantinus episcopus dixit*. De quarto require ejusdem cap. partic. XLVI et XLVIII.

Decimusseptimus casus est de eo qui extra tempora statuta ordinatur, de quo require hujus c. partic. VIII.

Decimom{octavum} casum require partic. VIII.

Decimum nonum require particula XI.

Vigesimum require particula XII.

Vigesimumquintum require particula XV.

Vigesimumsecundum require particula XVII.

Vigesimumtertium require particula XIX.

Vigesimumquartum require particula XXVII.

¹ Partic. XXI et seqq.

(a) *Suppl.* fineum, post §.

Vigesimumquintum require particula **xxxx.**

Fortassis apparebunt et alii casus; sed de istis dixisse sufficiat, qui ad præsens memorie occurserunt. Et quoniam

Rebus in humanis, nihil omni parte beatum,
Quod Deus unus habet, cui subjacet omne creatum:
Plura quidem dictu bona, cum reor, esse relicta,
Hæc quoque cognoso; merito veniam mihi posco.
Christe, reum purga, fac dignum vera Sophia.
Lux, dux, vita, via, fer opem prece, Virgo Maria.
Fac precibus gratum, culpæ solvendo reatum.
Fac cruce dannatum quondam, nunc clarificatum,
Virgo, tuum natum sine fine videre beatum,
Quem dilexisti, molli gremio tenuisti,
Ubere nutristi, cui lac sacrum tribuisti,
Fac faciem Christi cognoscere, quem genuisti.

De qua facie loquitur Apostolus, cum dicit¹:
Videmus nunc per speculum, et in ænigmate, tunc autem facie ad faciem. Nunc cognosco ex parte,

*tunc autem cognoscam sicut et cognitus sum. Hæc facies summe luminosa est finis omnium studiorum; summe gratiosa, finis omnium desideriorum; summe virtuosa, finis omnium sacramentorum; sufficientissime copiosa, est finis omnium laborum et dolorum. De hac facie Augustinus ait: « Facies Dei manifestatio ejus intelligenda est. » Hanc optabat cognoscere ille mitissimus Moses, dicens²: *Si inveni gratiam in conspectu tuo, ostende mihi faciem tuam, ut sciam te.* Ad hanc faciem pervenire est finis sine fine. Ad quam finem, omnia finientem, nos perducat bonitas infinita, Pater, et Filius, et Spiritus sanctus, Beata Trinitas unus Deus. Qui est benedictus in sæcula sæculorum. Amen.*

¹ *I Cor.*, XIII, 12. — ² *Exod.*, XXXIII, 13.

OPUSCULUM

QUOD INSCRIBITUR

DE SEPTEM ITINERIBUS AETERNITATIS

ARGUMENTUM

(*Ex edit. Vatic.*)

In prologo summatim explicat Auctor, quis sit ejus scopus, et argumentum circa quod versatur iste tractatus, doctrina, et eruditione plenus : qui devotas mentes dirigit per itinera septem ad ingrediendum intrinsecum secretum et aeternum, quod est animae patria. Hoc autem opusculum suo pristino splendori restitutum est ex Codice manuscripto, cuius liberalissime copiam fecit Revendissimus D. F. Augustinus Fivianus ordinis Eremitarum S. Augustini, S. D. N. CLEMENTIS VIII Sacrista et Archihospitalis, S. Spiritus in Saxia, ejusque Ordinis Generalis Commendatarius. Nam multa quæ deerant, quæque depravata legebantur, hujus M. S. Codicis beneficio expleta sunt, et restituta, ita ut opusculum hoc auctius nunc et integrius, quam antea, in lucem prodeat.

PROLOGUS

*Eum, qui venit ad me, non ejiciam foras, inquit² Salvator. S. Augustinus³, de Cognitione veræ vitæ, dicit in principio : « Cum Christus, veritas et vita, dicat⁴ : *Hæc est vita æterna, ut cognoscant te verum Deum solum; constat profectam, naturam rationalem ad hoc solum esse factam, ut factorem suum verum Deum intelligat; intelligendo, diligat; diligendo, in eo qui est æterna vita æternaliter permaneat, et beate vivat.* » Ex quo concludit dicens : Divinitatis ergo essentiam rationabiliter investigare, ut est possibile, est ad vitam æternam festinare. Hanc ergo negligendo ignorare, est utique ad mortem indeficientem damnabiliter properare. » In his verbis ostendit B. Augustinus⁵ generaliter æternitatis*

esse duo maneria : unum, quod est vita æterna; alterum, quod est mors amarissima. Innuuit etiam Augustinus⁶ hic in his verbis, istorum æternorum maneriorum duo itinera : quia ad primum pervenitur per rationabilem investigationem cum amore; ad secundum, per damnablem omissionem cum dolore. Dominus autem Jesus Christus, qui est⁷ *vía* in qua imus, *veritas* ad quam pervenimus, et *vita* in qua permanebimus, in verbis propositis ostendit specialiter et principaliter utrumque manerium, et eorum itinera : unum intrinsecum, et quasi secretum, et aeternum in se, quia ipse est animæ patria et habitatione, ut dicitur in libro⁸ *de Spiritu et Anima*;

vi, 37. — ² Imo auctor, quisquis ille sit, libri *de Cognit. ver. vit.*, c. 1, inter Oper. Aug., append. tom. VI.

¹ Cf. Edit. Argentini., an. 1495, part. II; edit. Vatic., an. 1596, tom. VII, pag. 145; edit. Ven., an. 1611, tom. II; edit. Lugdun., an. 1617, tom. II, pag. 410; edit. Venet., an. 1754, tom. XII, pag. 99. — ³ Joan.,

⁴ Joan., XVII, 3. — ⁵ Joan., XIV, 6. — ⁶ *De Spir. et Anim.*, c. LX, inter Oper. S. Aug., append. tom. VI.

aliud ostendit manerium extrinsecum et extra se, quod est aeternum animae exilium, in quo, secundum Matthaeum¹, est fletus et stridor dentium. Itinera autem ad primum manerium, et intrinsecum, dicit Dominus esse secundum multiplicem accessum ad se. Itinera vero ad secundum manerium, et extrinsecum, dicit secundum multiplicem recessum a se. Unde Augustinus, in libro *Soliloquiorum* primo, dicit²: « Deus est, a quo averti est cadere, in quem converti est surgere (a), in quo manere est consistere. » De isto ergo intrinseco secreto et aeternali manerio, primo videndum est; postea de itineribus, quibus acceditur ad illud.

DE INTRINSECO SECRETO,

ET AETERNALI MANERIO IN CHRISTO.

Circa primum igitur, scilicet circa intrinsecum secretum, et aeternale manerium, sunt septem per ordinem nctanda, que sunt necessaria ad dicendorum cognitionem.

Notandum est igitur primo, quid illud intrinsecum secretum in Christo dicatur; secundo, qualiter in illo intrinseco secreto varie mansiones distinguantur; tertio, secundum quid homo ad illud intrinsecum secretum admittatur; quarto, quibus pedibus spiritus noster illud intrinsecum secretum ingredietur; quinto, qualiter spiritus noster in illo intrinseco multipliciter esse dicatur; sexto, qualiter spiritus noster in illo intrinseco stabilitur et perpetuetur (b); septimo, quae et quot sint (c) itinera, per quae ad illud intrinsecum pervenitur et intratur.

DISTINCTIO I.

Quid intrinsecum secretum in Christo dicatur.

Primo notandum est, quid sit illud intrinsecum secretum, et aeternale manerium in Christo. De quo sciendum, quod cum in Christo sit duplex natura, humana et divina; divina autem sit omni creature maxime intrinseca, ut ait Augustinus, et Hugo³: ideo intrinsecum illud in Christo est divina persona in humanitate ejus abscondita, ita quod Christi humanitas est via

ad divinitatem. Unde Augustinus exponens illud Joannis: *Ego sum via*, dicit⁴: « Verbum assumens humanitatem, factum est via. Ambula per hominem, si vis venire ad humanitatem, et pervenies ad Deum, » scilicet personam Verbi, in quo sunt absconditi omnes thesauri sapientiae, et scientiae Dei. Procul dubio, si non esset aliquod intrinsecum in Christo secretum, ad quod intrandum invitaret nos, non dixisset ipse⁵: *Ego sum ostium* (etc. usque *invenerit*). Ego sum ostium sensui, per corporale objectum: *Videte, inquit*⁶, *manus meas et pedes meos, quia ego ipse sum*. Ego sum ostium intellectui per fidem reseratum. Unde in Isaia dicitur⁷: *Nisi credideritis, non intelligetis*. Ego sum ostium voluntati per charitatem apertum. Charitas non vult scire medium inter se, et dilectum; immo, ut dicit Hugo⁸: « Amor sive charitas suo acumine omnia penetrat, donec ad dilectum veniat. » Per me ergo ostium si quis introierit, per fidem et charitatem, ad meam intrinsecam et absconditam divinitatem, salvabitur: quia sive ingrediatur ad meam divinitatem contemplandam, sive egrediatur ad meam humanitatem imitandam, pascua utrobius invenient aeternae viriditatis et salutis. Et de pascuis humanitatis intratur ad pascua divinitatis. Quod ostendit Hugo bene in prologo suo *super Angelicam Hierarchiam*, ubi dicit sic⁹: « Propterea Jesus carnem assumptam in edulium nobis proposuit, ut per cibum carnis, invitaret nos ad gustum divinitatis. » In his pascuis sponsa constituta dixit¹⁰: *Comedi favum cum melle meo*. Favus, sicut dicit Origenes, est cera virginica, loculis vel cellulis distincta, que sunt melle replete. Quid ergo aliud est, *Comedi favum meum cum melle meo*, nisi: Gustavi dulcissimam divinitatem in cera virginice humanitatis absconditam cum ipso abscondito? De isto intrinseco Augustinus loquens super Joannem, quasi admirando exclamat dicens¹¹: « O magnum penetrale, et secretum dulce! O secretum sine tedio, sine amaritudine malorum cogitationum, sine interpolatione tentationum et dolorum! Ille est gaudium, de quo dicit Salvator¹²: *Intra in gaudium Domini tui*. » Hec Augustinus; et sic patet intrinsecum Domini Jesu Christi.

¹ *Matt.*, VIII, 12; XIII, 42, 50. — ² *Aug.*, *Solil.*, lib. I, c. 1, n. 3. — ³ *Hug.*, *super Angelic. Hier.*, lib. VI, post med. — ⁴ *Aug.*, *de verb. Dom.*, serm. LV, al. CXLI, n. 4. — ⁵ *Joan.*, x, 9. — ⁶ *Luc.*, XXIV, 39.

— ⁷ *Isa.*, VII, 9, juxta LXX; Vulg. *Si non credideritis, non permanebitis*. — ⁸ *Hug.*, ubi sup. prox. ante med.

— ⁹ *Ibid.*, lib. II, in c. 1, versus fin.

— ¹⁰ *Cant.*, v, 1.

— ¹¹ *Aug.*, in *Joan.*, tract. XXV, n. 14. — ¹² *Matt.*, XV, 21, 21.

(a) *Ad. resurgere*. — (b) *Cat. edit.* stabilitur et per-

petualitur. — (c) *Item sunt*.

DISTINCTIO II.

Qualiter in intrinseco Christi secreto variae mansiones distinguantur.

Secundo videndum est, qualiter in illo intrinseco Christi variae mansiones, vel maneria distinguantur. De quo notandum est, quod per ostium intrantes ad interiora domus, non omnes æqualiter locantur, sed secundum majora merita vel minora personarum. Unde Bernardus in *Canticis* dicit¹: « Unaquæque anima devota inveniet sibi secretum cum sponso, ut dicat illud Isaie²: *Secretum meum mihi, secretum meum mihi*: quia non omnibus uno loco datur frui gratia, et secreta sponsi presentia, sed ut cuique paratum est a Patre. Non enim³ nos ipsum elegimus, sed ipse nos elegit, et posuit nos, et ubi a Deo unusquisque positus est, ibi est. » Hæc Bernardus. Unde notandum, quod quidam ex ingredientibus intrinsecum secretum Domini Jesu, recipiuntur in domum sanctæ compunctionis, ut Maria Magdalena⁴ in domo Simonis; in palatium continuæ meditationis, ut David qui dicit⁵: *Meditatio cordis mei in conspectu tuo semper; in mensam dulcis refectionis, ut Petrus, qui dicit⁶: Si tamen gustastis (a), quoniam dulcis est Dominus; in cubiculum solitariae contemplationis, ut Joannes⁷ quiescens in pectore Domini; in amplexus amorosæ unionis, ut de sponso dicitur⁸: *Levercij sub capite meo, et dextera illius amplexbabitur me*: spiritus tamen sponsæ jam omnes istas mansiones visitaverat. Sed Bernardus aliter distinguit istas mansiones, dicens⁹: « Denique una mulier compuncta secus pedes Domini Jesu sortita est locum hujus secreti; sed altera suæ devotionis fructum, sive secretum, ad caput invenit, si tamen altera. Porro Thomas in latere, Joannes in pectore, Petrus in sinu Patris, Paulus in tertio cœlo secretæ hujus gratiam sunt assecuti. » Et sequitur: « Porro mulier stravit sibi in tuto humilitatis; posterior, in solido spei; Thomas, in solido fidei; Joannes, in lato charitatis; Paulus, in intimo sapientiae; Petrus, in veritatis luce: et sic apud sponsum mansiones multæ sunt. » Hæc sunt verba sancti Bernardi. Sed Gregorius in *Evangelium* (b),*

¹ Bern., in *Cant.*, scrin. xxv, post med. — ² Isa., xxiv, 16. — ³ Joan., xv, 16. — ⁴ Lue., vii, 37. — ⁵ Psal. xviii, 15. — ⁶ 1 Petr., ii, 3. — ⁷ Joan., xii, 23. — ⁸ Cant., ii, 6; viii, 3. — ⁹ Bern., ubi sup.

*Erant appropinquantes ad Jesum, et Hugo de Sancto Victore, libro quarto de *Claustrum Animæ*, cap. xxvi, videtur has mansiones distinguere; quasi ad modum distinctionis angelicarum mansionum. Unde, super primum Angelicæ Hierarchiæ, dicit Hugo¹⁰: « Secundum illam namque proportionem, qua nunc dona gratiarum differenter percipimus, merito postea vel hic per mentis contemplationem, vel illic per retributionem, in numerum, id est, in mansiones, transimus angelorum, et etiam secundum differentiam progressionum, et incrementa illuminationum, et secundum gradus spiritualium profectuum in nobis differenter transimus in numerum angelorum. » Et tam Gregorius, quam Hugo hæc explicant, dicentes¹¹: « Oportet, et in hac vita manentes, conformare se cœlestibus mansionibus per aliquam imitationem, qui volunt ascendere ad illas. » Unde dicit uterque: « Sunt nonnulli qui parva capiunt, sed tamen illa pie fratribus nuntiare non desistunt. Illi itaque in numerum, id est, mansiones Angelorum currunt. Et sunt nonnulli qui, divina largitate refecti, secretorum cœlestium summa cœpere valent, et nuntiare: quo ergo isti, nisi inter Archangelorum mansiones deputantur? Et sunt alii qui mira faciunt, signa valenter operantur: quo ergo isti, nisi ad supernarum Virtutum sortem et mansionem congruunt? Et sunt nonnulli qui etiam de obsesis corporibus dæmones fugant, et virtute orationis ejiciunt: itaque isti mansionem suam inter Prostestates sortiuntur. Et sunt nonnulli qui, acceptis virtutibus, etiam electorum hominum merita transcendunt, ideo electis fratribus principiantur: ubi ergo isti, nisi in mansionibus Principatuum sortem accipiunt? Et sunt nonnulli qui sic, in seipsis, cunctis vitiis et desideriis dominantur, ut ex vitæ munditia dii inter homines vocentur: quo isti, nisi inter Dominationes currunt? Et sunt nonnulli qui, dum sibimetipsis vigilanter dominantur, et se discutunt, semper inhærentes, hoc in munere accipiunt, ut recte alios judicent, in his, veluti throno, Deus residens, cuncta mirabiliter examinat et dispensat: quid ergo isti, nisi Throni Conditoris sui sunt, et ad supernorum sedilium mansiones adscribuntur? Et sunt*

prox. — ¹⁰ Hug., in prim. cap. *Angel. Hier.*, lib. I.

— ¹¹ Greg., in *Evang.*, hom. xxxiv, post med.; Hugo, de *Claustr. Anim.*, lib. IV, c. xxvi.

(a) Cœl. edit. *gustatis*. — (b) Cœl. edit. *Evangelio*.

nonnulli qui plenitudinem scientie accipiunt, ut Cherubim jure nominentur, qui dilectione Dei et proximi pleni sunt: hi sortem mansionis sue inter Cherubim percipiunt. Et sunt nonnulli qui, superne contemplationis facibus accensi, in sole Conditoris sui desiderio anhelant, nihil jam in hoc mundo sapiunt, sed solo æternitatis amore pascuntur, terrena quæque abjiciunt, cuncta temporalia mente transcendunt, amant et ardent, atque in suo ardore requiescent, amando ardent, loquendo alios accendunt, et quos loquendo tangunt, ardore protinus in Dei amore faciunt: quid ergo istos nisi Seraphim dixerim, et quo, nisi inter Seraphim, mansionis sue sortem accipiunt? » Sequitur¹: « Ad hos ergo vicos, ut in eis sine fine permaneant, venient, qui modum, quem prædictimus, in hoc sæculo pro posse suo tenent. » Ilæc ille. Et his concordat Hieronymus, qui dicit²: « Parata sunt in celo diverse mansiones diversis virtutibus, quia non personæ acceptantur, sed opera, » etc.

DISTINCTIO III.

Secundum quid homo ad illud intrinsecum secretum admittatur.

Tertio videndum est, secundum quid homo in illud intrinsecum et secretum Domini admittatur et introducatur, vel intromittatur. Circa quod notandum, quod cum in homino sit corpus, et anima, et spiritus, ut dicit Origenes super *Canticum*, oportet videre secundum quod istorum trium homo ad illud intrinsecum admittatur, et introducatur. De quo sciendum, quod cum Christus dicat³: *Spiritus est Deus, et eos qui adorant (a) eum in spiritu et veritate, id est in devotione et cognitione, oportet adorare*; hæc autem convenient spiritui humano: ergo secundum spiritum oportet adorare, et intrare. Item cum Deo maxime assimilemur secundum spiritum, secundum quem etiam sumus ad imaginem et similitudinem Dei, et secundum hoc sumus capaces Dei, ut dicit Augustinus, libro quartodecimo de *Trinitate*; ergo secundum spiritum ingredimur, qui est supremum et optimum in homine. Item secundum corpus non possumus ingredi illud intrinsecum, cum

corpus non possit locari nisi in loco corporali. Item cum anima, ut corpus animet, necessario insit ei ut forma, nec sic possit se extenderet extra corpus ad æterna, cum Apostolus dicat⁴: *Nostra conversatio in celis est*, non secundum corpus, sed secundum mentem, nec secundum animam ut animat corpus, ut patet ex *Glossa*: ideo necesse est, ut per spiritum nostrum, tanquam optimum in nobis, accedamus ad illud speciale intrinsecum secretum Domini Jesu: quia ipse misit spiritum suum, ut spiritum nostrum levaret post ipsum, ut ait⁵ Richardus. Et quia ipse Richardus alibi⁶ dicit: « Oportet introire liceat in illud intimum secretum quietis, et supremæ tranquillitatis arcanum, ut fiat ista valde mirabilis divisio, non corporis et animæ dissolutio, sed alia ac multo mirabilior, multoque gloriatoris divisio, videlicet animæ et spiritus, quam in nobis operari solet, sicut testatur Apostolus, dicens⁷: *Vivus est sermo Dei, et efficax, et omni gladio anticipi penetrabilior, et pertingens usque ad divisionem animæ et spiritus.* » Ilæc ille. Ex quo oportet videre, qualiter iste spiritus ab anima dividitur^(b), ut ab omnibus exoneratus, ascendat ad illud intrinsecum et secretum quietis. De quo nota Richardus⁸, et auctor libri *de Spiritu et Anima*⁹, ubi uterque exponens prædictum verbum Apostoli dicentis, quod sermo Dei pertinet usque ad divisionem spiritus et animæ, concordant per omnia, dicentes sic: « Nihil in creaturis hac divisione mirabilius cernitur, ubi illud, quod essentialiter unum est atque individuum in se ipso, quamdam divisionem patiatur; neque enim in homine uno alia est essentia ejus spiritus, atque ejus animæ, sed una eademque substantia simplicis naturæ. Non enim in hoc gemino vocabulo gemina substantia intelligitur: sed cum ad distinctionem ponitur gemina nominatio ejusdem essentiae, una superior per spiritum, alia inferior designatur, et hæc per animam. Sequitur: « In hac itaque divisione, anima, et quod animale est, in uno remanet. Spiritus autem, et quod spirituale est, ad suprema evolat, et ab infimis dividitur, ut ad supremam elevetur; ab anima scinditur, ut Dominum jungatur. Quoniam¹⁰ qui adhæret Domino, unus spiritus est cum illo. O quam felix divisio,

¹ Apud Illeg., ibid., in flu. — ² Hieron., in *Matth.*, c. iii. — ³ *John.*, iv, 21. — ⁴ *Philip.*, vii, 20. — ⁵ Richard., *de Trinit.*, Prolog., circa med. — ⁶ Id., *de Extermin. Malii*, tract. iii, cap. ult. — ⁷ *Hebr.*, iv,

¹². — ⁸ Richard., ubi sup. prox. — ⁹ *De Spir. et Anim.*, c. xxxiv, inter Oper. S. Aug., append. tom. VI.

— ¹⁰ *I Cor.*, vi, 17.

^(a) Cœl. edit. et qui adorat. — ^(b) Leg. dividatur.

Nota de
divisione
humani
spiritus
ac corporis
et anima.

et mirabilis separatio, ubi quod corpulentum est et fæculentum, deorsum remanet; quod spirituale et subtile est, usque ad speculacionem divinae gloriae sublimatur, et in eaudem iuiginem transformatur! Pars inferior componitur ad sunniam pacem et tranquillitatem, dum pars superior sublimatur ad gloriam et jucunditatem. » Hoe uterque ponit. Ex quo apparere potest, quot quanto spiritus noster ab omnibus temporalibus, et etiam ab ipsa anima, vel etiam a seipso dividitur, quot tanto facilius et perfectius illud spirituale intrinsecum, et æternale manerium perfectius accedit et ingreditur. Et ideo notandum est, quod spiritus noster aliquando in tantum a corpore et anima dividitur, ut spiritus in spiritu esse asseratur; et quandoque ut spiritus supra spiritum esse dicatur, et quandoque spiritus sine spiritu credatur. Primo dico, quod spiritus humanus quandoque a corpore in tantum alienatur, et ab anima distrahitur, vel dividitur, ut spiritus merito in spiritu esse dicatur. Quod ostendit Richardus, loquens de Joanne Evangelista, ubi dicit¹: « Nonne spiritus in spiritu esse tunc recte asseritur, quando exteriorum omnium obliviscitur, pariter et ignarus est omnium eorum, que in corpore corporaliter aguntur, et illa solum intelligit per memoriam vel intellectum, que in spiritu et circa spiritum actitantur? » Quare Joannes in Apocalypsi bene dicit²: *Fui in spiritu in dominico die*. Vel, sicut ibidem Richardus dicit: « An hoc est spiritum in spiritu esse, semetipsum intrare, et intra semetipsum totum colligere, et ea que circa carnem, seu etiam in carne geruntur, interior penitus ignorare? » Sed Haymo, super Apocalypsim, sic exponit, dicens: « Joannes sic fuit in spiritu, quod tamen ipsam carnem funditus non deseruit, sed spiritui æternitatis adhesit mens ejus, et a spiritu docente assumptus fuit spiritus docendus: video tam mirabilia et profunda vidit. » Secundo dico quod spiritus humanus quandoque in tantum amoris fervore supra se rapitur, ut merito spiritus supra spiritum esse dicatur. Unde Hugo dicit³: « Acumen amoris est, cum omnia transcendentia despiciat. Superfervidum autem amoris est, cum etiam semetipsum contemndo relinquat, et in comparatione dilecti

¹ Richard, *de Contempl.*, lib. V, c. XII, circa fin.
² Apoc., I, 10. — ³ Hug., in sept. cap. *Angel. Hier.*, lib. VI, circa. med. — ⁴ Act., XIII, II. — ⁵ Richard, de

se despiciat; et modo miro fit, ut per dilectionis ignem in illum sustollatur, qui est supra se, et per vim amoris expellatur, et exeat etiam a se, nec se cogitat, dum Deum solum amat. » Haec ille. Hoc modo Petrus fertur raptus fuisse supra se; quare in *Actibus* dicitur⁴: *Et Petrus ad se reversus dixit*, etc. Quod Richardus expónens, dixit⁵: « Hoc sane non imprudenter dicitur, quod Petrus longe super hominem fuit, quia longe a semetipso, et supra semetipsum recessit; alioquin non erat a quo ad se reverteretur. » Tertio dico, quod spiritus humanus in tantum a seipso quasi dividitur, ut spiritus sine spiritu esse dicatur: unde in libro *Regum* legitur⁶, quod videns regina Saba sapientiam Salomonis, et domum, et habitacula, etc., non habebat ultra spiritum. Quod expónens Richardus, dicit⁷: « Nonne recte dicitur spiritum semetipsum non habere, quando incipit a semetipso omnino deficere, et a suo esse in supermundanum quemdam, et vere plusquam mundanum vel humanum statum transire, et mirabili transfiguratione spiritus ille ab humano videtur in divinum deficere, ita ut ipse jam non ipse, eo dumtaxat tempore, quo incipit Domino altius inhæcere? Qui autem adhæret Deo unus spiritus est⁸; et sic totus illud divinitatis arcanum intrat, clamans cum Psalmista⁹: *Deficit in salutare tuum anima mea*. » Haec ille.

DISTINCTIO IV.

Quibus pedibus spiritus noster illud intrinsecum secretum ingrediatur.

Quarto videndum est quibus pedibus et gressibus spiritus noster in illud intrinsecum secretum, et spirituale manerium iugrediatur. De quo notandum, quod, sicut dicit Vercellensis super *Cantic*, « pedes nostri spiritus sunt intellectus et affectus, quibus frequenter anima devota carpit itinera æternitatis. » Ratio autem hujus est, quod spiritus noster per intellectum et affectum se ad æterna extendit, et eo attingit aliquid. Unde Hugo, libro primo *de Area Noe*, dicit¹⁰: « Hoc est ad Deum tendere, et ad ipsum pertingere, semper eum per desiderium quærere, per cogitationem invenire, et per gustum tangere. » Et Commentator

Pedes
nostri
spiritus
sunt in
intellectus
et affec-
tus.

Contempl. lib. v, c. XIII, circa fin. — ⁶ III Reg., x, 5.
— ⁷ Richard., ubi sup., c. XII, in fin. — ⁸ I Cor., vi, 17. — ⁹ Psal. CXXVIII, 81. — ¹⁰ Hugo, *de Arc. Noe*, lib. I, c. IV, circa med.

Hugo, super septimum Angelicæ hierarchiæ, dicit¹: « Mentes cœlestes sive spiritus rationales ad interiora mentis cognitione et dilectione accedunt, et proximi fiunt secundum excellentissimam collocationem, quam habent juxta Deum, » ubi est intrinsecum spiritus nostri, ut supra dictum est. Sed notandum, quod pedes spiritus nostri oportet esse mundos et puros, quia nihil inquinatum intrabit intra secretum Domini Jesu. Et cum pedes spiritus humani quandoque tangent terram mediante sensualitate, et etiam ne pulvis terrenus eis adhaerat, ideo indigent frequenti lotione et mundatione; ut ostendit Dominus, quando dixit²: *Qui lotus est, non indiget nisi ut pedes lavet*: id est, qui sine peccato mortali est, non indiget capitis lotione. Cujus ratio est, quia caput nostri spiritus est intelligentia, quæ in viris sanctis immediate conjungitur Deo, ut dicit beatus Augustinus³ in suo libro *de Spiritu et Anima*: ideo lotione non indiget. Nec tales indigent lotione manuum, quia opera eorum munda sunt, propter munditiam capitum ea in Deum ordinantis; sed indigent lotione pedum. Cujus ratio est, secundum Augustinum⁴ et Origenem, quia impossibile est hominem aliquando non pecare venialiter, et non habere aliquam inordinationem in sua sensualitate, propter continuam conversationem in terris, ex qua contrahitur aliqua macula impuritatis in affectu, et ex hoc raga obscuritatis in intellectu. Unde Origenes dicit: « Ego impossibile puto non contaminari extrema animæ, et infima ejus, quanquam quis perfectus quoad homines reputetur. » Ideo carissimi discipuli Domini sunt, qui solum pedum indigent lotione. Ilos pedes bene lotos timuit coquinari sponsa, quando dixit⁵: *Lavi pedes meos*; Glossa: « Id est, cogitationes meas, quibus aliquando terram tangere solebam, quos secretis fictibus compunctionis ablui, ut intrare merear cœlestem patriam. » Quomodo ergo iterum coquinabó illos? Vercellensis dicit: « Quomodo coquinabó illos iterum umbris et imaginibus temporalium, cum etiam intellectualis operationes et formæ in hoc loco, in superintellectuali exercitio, repudientur maculæ et offendicula? » Hæc ille.

¹ Id, sup. sept. cap. *Angel.* *Hier.*, lib. VII, post med. — ² Joan., XIII, 10. — ³ Imo auctor, quisquis ille sit, lib. *De Spir. et Anim.*, c. XI. — ⁴ Aug., in *Joan.*, tract. LVI et seq. — ⁵ Cant., v, 3. — ⁶ Dion., de *Angel.* *Hier.*, c. xv, ante med. — ⁷ Psal. XVII, 34. —

Secundo notandum est, quod quia multa offendicula et diversa in istis itineribus aeternitatis sunt, quibus spiritus noster impeditur et retardatur ab ingressu illius intrusæ secreti, ideo oportet ut spiritus noster non solum habeat pedes ab imuunditiis lotos, sed etiam ad ambulandum exercitatos, et agilitate veloces. Unde Dionysius dicit⁸, quod « pedes in Scriptura significant virtutem motivam, acute penetrantem, et velocem, id est, semper tendentem in divina. » Et sequitur: « Propter quod alatos Theologia figuravit pedes sanctorum intellectuum, quod significat pedes reducivam velocitatem, et supernis inventivam, ab omni terrestri deprimentem. » Hæc Dionysius. Horum pedum velocem agilitatem habuit propheta David, cum dixit⁹: *Qui perfecit pedes meos quasi cervorum*. Quod Gregorius exponens, dicit¹⁰: « Cervus, cum juga montium ascendiit, quæcumq[ue] aspera et objecta transgreditur, donec ad superiora eleverit; non solum currat, sed etiam saltat: ita etiam electorum mentes, quæcumq[ue] sibi obvia respiciunt, contemplationis saltu transcendunt, donec se ad superna evchunt. »

Tertio notandum, quod oportet quod pedes spiritus nostri non solum ad ambulandum sint expediti, sed etiam per amorem ad penetrandum acuti, ut spiritus potenter omnia transire possit, dicens cum Psalmista¹¹: *In Deo meo transgrediar murum*. Quod Gregorius exponens, ubi supra, dicit: « Murus est omne quod itineri nostro objicitur, cum ad dilectum transitur: quem transgredimur, cum, præ amore supernæ patris, omnia hujus mundi objecta calcamus. » Hæc ille. Et sicut dicit Augustinus¹²: « Ite ad Deum tanto nobis melius est, quanto magis ad illum imus, quo nihil melius est. Imus autem non ambulando, sed amando. Quem tanto habebimus præsentiorem, quanto amorem, quo in eum tendimus, habebimus puriorem. » Hæc Augustinus. Gressus ergo mentales, et pedes spiritus, non sunt corporales, sed spirituales. Et ideo Gregorius dicit¹³: « Ad se quippe venire precipit Deus, non gressibus corporis, sed profectibus amoris et spiritus, veritate dicente¹⁴: *Venite ad me omnes, qui laboratis.* » Et Augustinus¹⁵: « Iter tuum voluntas tua est. Amando

⁸ Greg., *Moral.*, lib. XXVI, c. i. — ⁹ *Psal.* XVII, 30. —

¹⁰ Aug., *ad Maced.*, epist. LII, al. CLV, n. 13. —

¹¹ Greg., *Moral.*, lib. XXI, c. iv, ante med. —

¹² Matth., XI, 28. — ¹³ Aug., *in Psal.* LXXXV, Euarr., n. 6.

ascendis, negligendo descendis : stans in terra, in celo es, si diligis Deum. » Et sic patet de passibus spiritualibus.

DISTINCTIO V.

Qualiter spiritus noster in illo intrinseco multipliciter esse dicatur.

Quinto videndum est, qualiter spiritus noster in illo intrinseco manerio multipliciter esse dicatur. Circa quod notandum est, quod cum Apostolus dicat¹, quod *in Domino Iesu sunt omnes thesauri sapientiae et scientiae Dei absconditi*, quis potest investigare et enarrare magnitudinem et multitudinem divitiarum et deliciarum istius intrinseci secreti cubiculi, nisi quantum quilibet per fidem illuminatus, et per charitatem inflamatus, in illo habitare consueverit, et per aliqualem experientiam didicerit? Unde dicit Bernardus²: « In hoc arcanum, in hoc sanctuarium Dei, si quem forte vestrum aliqua hora sic rapi et sic abscondi contigerit, ut nemo eum avocet aut perturbet, vel sensus egens, vel cura pungens, vel culpa mordens, vel ea certe, que difficilis amoventur, irruentia imaginum corporalium phantasmata, poterit quidem hic, cum ad nos reducitur, gloriari dicens³: *Introduxit me rex in cubiculum suum* (a). » Et ibidem, quasi admirando, exclamat dicens: « O vere quietus locus est, quem non immerito nomine cubiculi censuerim, in quo Deus non turbatus ira, nec velut distractus cura prospicitur, sed probatur voluntas ejus bona, et beneplacens, et perfecta! Visio ista non terret, sed mulcet: inquietam curiositatem non excitat, sed sedat; nec fatigat sensus, sed tranquillat. Hic vere quietus Dominus quiescit, Deus tranquillus, qui tranquillat omnia, et quietum aspicere quiescere est. » Hæc Bernardus. Hi qui secreta istius cubiculi ingrediuntur, sive gazophylaci秘密 inhabitant, per veram fidem et charitatem, magni sunt: quia magna audiunt, et percipiunt magna, introducti in plenitudinem aeternorum et divinorum thesaurorum in illo absconditorum. Et ideo Bernardus dicit⁴, quod « hi, qui magni sunt fide et charitate, digni inveniuntur, ut inducantur in omnem plenitudinem Dei, nec est omnino in omnibus apothecis sapientiae aliquid, a quo Deus

scientiarum Dominus arcendos censeat cupidos veritatis, non conscientios vanitatis. » Et infra sic dicit: « Istiusmodi sapientibus spiritibus magnus occurrit sponsus, et magnificabit facere cum eis, emittens lucem suam et veritatem suam, eosque adducens et deducens in montem sanctum suum, in tabernacula sua. Regem in decoro suo videbunt, praesuntem se ad speciosa deserti, et ad flores rosarum, ad lilia convallium, ad amœna hortorum, ad irrigua fontium, ad delicias cellariorum, ad odoramenta aromatum, postremo ad ipsa secreta cubiculi. Iste sunt thesauri sapientiae et scientiae Dei, absconditi penes sponsum. Hæc sunt pascua vite, præparata in refectionem animarum sanctorum. Beatus vir, qui implevit desiderium suum ex ipsis. » Hæc Bernardus. Sed procul dubio si spiritus humanus quasi ab anima divisus, et corpore, quandoque illud intrinsecum lucis manerium ingrediatur solus, et intus recipiat, rediens de regione lucis illius intrinseci ad animam et corpus, ipse enaret quales divitias acceperit, quæ verba audiverit, et quales delicias gustaverit, si tamen enarrare potest, quia Gregorius dicit⁵: « Sæpe amantis animus tantæ contemplationis munere impletur, ut videre valeat quod omnino loqui non valeat. » Si autem enarrare non poterit, saltem ut alter Moyses, descendens a consortio Domini in anima et corpore, aliqua signa et testimonia secum ferat, testificantia quod in regione lucis fuerat. Dicit enim Hugo⁶: « Ecce dum de illo divino interiore contemplationis secreto revertimur, quid nobiscum afferre poterimus, nisi lucem? Lucem de regione lucis venientes portamus. Hoc enim decens et necessarium est, ut cum a lucis regione venimus, ad fugandas nostras tenebras, nobiscum lucem apportemus. Et quis scire poterit quod ibi fuerimus, si illuminati non redimus? Sed si vidimus Patris potentiam, apportemus lucem divini timoris. Si vidimus Filii sapientiam, apportemus lucem veritatis. Si vidimus Spiritus sancti clementiam, apportemus lucem dilectionis. Potentia torpentes excitet ad timorem. Sapientia ignorantie tenebris exæcatos illuminet. Clementia calore charitatis frigidos inflammet. » Hæc ille.

serm. xxxi, post med. — ⁵ Greg., *Moral.*, lib. XV, c. xvii. — ⁶ Hug., *de Trib. Diæt.*, circa fin.

(a) Vulg. *cellaria sua*.

¹ Coloss., II, 3. — ² Bern., in *Cant.*, serm. xxiii, circa fin. — ³ *Cant.*, I, 4. — ⁴ Bern., in *Cant.*,

DISTINCTIO VI.

Qualiter spiritus noster in illo intrinseco stabilisatur, et perpetetur (a).

Sexto videndum est, qualiter spiritus noster cum in illud intrinsecum manerium aeternale fuerit introductus, in illo stabilisatur et perpetetur, ita tamen quod ad imperium regis egrediatur, et ingredietur ad naturam humanam initandam, et contemplandam divinam. De quo sciendum est, quod spiritus noster in illo arcano secreto per veram fidem collocatur et stabilisatur, et per sanctam charitatem in eodem perpetuantur. De fidei collocazione et stabilitione dicit Dionysius¹: « Quod circa veritatem vere existentem et non errantem versatur fides divina, quae est stabilis collocaatio credentium, collocans illos in veritate, et firmans simplicem veritatem, in transmutabili identitate in ipsis credentibus, habentibus cognitionem veritatis: et ideo credentem in veritate, teste Scriptura, nihil movebit a laetitia, que est secundum veram fidem, sed habebit in ea permanentiam immobilis et intransmutabilis identitatis. » Sequitur: « Qui enim veritati unitus est, ipsa unione bene novit quod bene sentit. Quamvis multi corripiant ipsum, tanquam mentis excessum passum, sive furiosum; ipse tamen bene novit seipsum non furarentem, ut errantes ei imponunt, sed per simplicem veritatem, semper eamdem et eodem modo se habentem, liberatum ab instabili et variabili divisione contra errorem. » Haec Dionysius. Ex his apparere potest, quomodo fides spiritum nostrum in illo intrinseco manerio Iesu collocat et stabilitat. Unde dicit Isaías²: *Si non credideritis, non permanebitis, scilicet in Deo.* Et Eusebius in glossa super illud Lucæ³: *Ubi thesaurus vester est, ibi et cor vestrum erit,* dicit sic: « Qui mentem applicaverit ad cœlestia, ibi mentem habebit, ut videatur solo corpore cum hominibus conversari, animo vero jam sit aggressus mansiones cœlestes. » Haec ille. De charitatis autem perpetuatione, id est qualiter spiritus noster in intrinseco Domini Iesu perpetetur, notandum, quod cum Joannes dicat⁴: *Deus caritas est, et qui manet in charitate, in Dō manet*, ergo quandiu spiritus manet in charitate, tandiu manet in Deo, sive in intrin-

secu Domini Iesu : sed spiritus noster in aeternum potest in charitate manere cum adjutorio Dei : ergo in aeternum potest manere in Deo. Unde, in libro de *Spiritu et Anima*, dicitur⁵, quod anima habet in se amorem, quo semper potest stare cum Deo. » Quod autem spiritus noster in aeternum possit stare cum Deo, et manere in charitate, ostendit Apostolus ad Romanos, ubi dicit⁶: *Quis potest nos separare a charitate Christi?* quasi dicat: Nemo, imo nulla creatura, sicut ipse postea probat. Ergo nulla creatura potest nos ejicere ab illo intrinseco, nec ipse Deus vult ejicere, ut ipse⁷ dicit in Joanne. Quandiu enim sumus charitate vestiti, licet nos ipsos per peccatum ejicere possimus, non tamen distanta locali, cum Deus sit ubique, sed distanta dissimilitudini. Dicit enim Augustinus: « Non locorum intervallis, sed similitudine acceditur ad Deum, et dissimilitudine disceditur ab eo. » Quod autem nulla creatura possit nos separare a charitate Dei, quae nobis in Christo datur, ostendit Apostolus ibidem, dicens⁸: *Certus sum quod neque mors, scilicet quam minantur, separabit nos a charitate Dei.* Cujus rationem assignat Augustinus, de *Moribus Ecclesie*, dicens⁹: « Licet corpus nostrum possit mori, tamen ipsum quo diligimus Deum, scilicet anima, mori non potest, nisi dum non diligit Deum: cui mors est non diligere Deum, quod nihil aliud est, quam ei in diligendo aliquid preponere. » Alia est ratio secundum Ambrosium¹⁰: « Quia mors erat sanctis occasio eundi ad premium promissum, et quasi janua; ergo mors non potest nos separare a charitate Christi: ergo non potest abjecere ab eo. »

Secundo neque vita, inquit Apostolus, scilicet promissa, potest nos separare a charitate. Cujus rationem assignat Augustinus in libro de *Moribus Ecclesie*, dicens¹¹: *Quia Deus fons vite:* sicut ergo « nemo separat a fonte aquæ, promittendo aquam; » ita nemo separat a fonte vite, promittendo vitam. Unde Dominus dicit in Joanne¹²: *Qui credit in me, habebit vitam aeternam.*

Tertio inquit Apostolus: *Neque Angeli, neque Principatus, neque Virtutes, neque inferiores, neque mediæ, neque superiores, poterunt nos separare a charitate Dei.* Cujus ratio est secundum

¹ Dion., de *Div. Nomin.*, c. vii, circa fin. — ² Isa., vii, 9. — ³ Luc., xii, 34. — ⁴ I Joan., iv, 16. — ⁵ De *Spir. et. Anim.*, c. xxxvi. — ⁶ Rom., viii, 35. —

⁷ Joan., vi, 37. — ⁸ Rom., viii, 39. — ⁹ Aug., de *Morib. Eccles.*, n. 49. — ¹⁰ Invo Ambrosiastrum, in *Epist. ad Rom.*, c. VIII. — ¹¹ Aug., ubi sup. proxim. — ¹² Joan., v, 47. — (a) *Cat. edit.* stabilisatur, et perpetuator.

Augustinum¹, quia Angeli, eum inheremus Deo, non sunt mente nostra potentiores, imo toto mundo superior est mens inherens Deo, ut at Augustinus, *de Moribus Ecclesiæ*². Quomodo ergo separabunt nos a charitate Christi, ad quam nos etiam hortantur? Ergo nec nos ejicient.

Quarto inquit Apostolus: *Neque instantia*, id est instantes molestiae, nos a Deo separabunt; quia eo ipso eas leviores sentimus, quo ei, a quo nos separare moluntur, arctius inheremus: *charitas enim omnia sustinet*, et «est vita morientium», ait Augustinus *de Laude Charitatis*: ergo non separat, sed unit.

Quinto inquit Apostolus: *Neque futura*, id est promissio futurorum nos a charitate separabunt. Cujus ratio est secundum Augustinum, *de Moribus Ecclesiæ*, «quia quidquid boni futurum (a) est, certius promittit Deus, et nihil est ipso Deo melius, qui perfecte inhærentibus sibi jam præsens est: » ergo nec talia separant a charitate; ergo nec ejiciunt a Deo.

Sexto inquit Apostolus: *Neque fortitudo*, id est violentia alicuius, poterit nos separare a charitate Dei, *neque altitudo*, id est prosperitas, *neque profundum*, id est adversitas poterunt nos separare a charitate Christi, *neque alia creatura*. Cujus rationem innuit Apostolus in eodem capite, dicens³, quia bonis omnia cooperantur in bonum: ergo non separant, nisi nos velimus. Per charitatem ergo, que, ut dicit Apostolus⁴, *omnia potest, omnia sustinet, et nunquam excidit*, spiritus noster in illo intrinseco, ubi est fons vite et charitas, potest manere semper, maxime cum charitas voluntates nostras ad Deum, quasi ad centrum suum proprium, inclinet, et nos sibi incorporet, et voluntas perfecte concordet, que maxime amantium refectionem consummant et perpetuant. Unde dicit Dominus⁵: *Eum qui venit ad me, non ejiciat foras*. Quod Augustinus exponit, dicens: «Veniamus ad Deum, intremus ad Deum, et incorporemur ei, ut nos non faciamus voluntatem nostram, sed voluntatem Dei; et non ejiciet nos foras, scilicet in exilium tenebrarum æternarum; sed sive ingrediamur, sive egrediamur, pascua inveniemus nostram nutritiæ charitatem, que nos perpetuat in Christo, quia qui manet in charitate, in Deo manet, sicut dixit Joannes⁶.

¹ Aug., ibid. — ² Ibid. — ³ 1 Cor., xiii, 7. — ⁴ Rom., viii, 28. — ⁵ 1 Cor., xiii, 7, 8. — ⁶ Joan., v, 47. — ⁷ 1 Joan., iv, 16. — ⁸ De Spir. et Anim., c. vi. —

DISTINCTIO VII.

Quæ et quot sint (a) itinera, per quæ ad illud intrinsecum pervenitur et intratur.

Septimo, postquam visum est, quid sit illud intrinsecum secretum, et æternale manerium in Christo, et qualiter in illo intrinseco varie mansiones distinguantur (c), et secundum quid homo in illud intromittatur; viso etiam quid spiritus in homine dicatur, et quibus pedibus illud intrinsecum ingrediatur, et qualiter humanus spiritus in illo dicatur, stabiiliatur et perpetueretur (d); videndum est, quæ et quot sint (b) itinera, per quæ ad illud intrinsecum secretum, et æternale manerium, spiritus humanus accedat et ingrediatur. Circum quod sciendum est, quod, sicut dicitur in libro *de Spiritu et Anima*⁹, duo sunt loca inter quæ spiritus humanus existens, ad utrumque se mouere potest, sive itinerare. Deus enim est in summo, mundus vero in imo. Ille, scilicet Deus, in eodem statu æternitatis suæ immobilitis existit; ideo ipse solus est æternitate mensurabilis. Cujus ratio est, quia, sicut Boetius in libro *de Consolatione* dicit⁸: «Æternitas est interminabilis vita tota simul et perfecta possessio: » quæ nulli creaturen convenit, sed soli Deo, ut patet consideranti hujus diffinitionis partes. Iste autem mundus cursu mutabilitatis suæ semper instabilis fuit, et ideo tempore mensuratur, quia tempus est mensura motus mutabilium rerum, non permanentium, sed succendentium, ut fit, et ideo talia dicuntur temporalia. Rationalis autem spiritus quasi in quodam medio est constitutus: sed medium oportet participare naturam extermorum, propter connexionem universi: et ideo oportet, quod spiritus noster in aliquo conveniat eum æternis, et in aliquo cum temporalibus. Cum æternis convenit in hoc, quod secundum substantiam omnino est stabilis perpetuo, in æternum manens; et ideo quoad hoc non mensuratur tempore transeunte, quia illo corruptibilia mensurantur; nec mensuratur æternitate, quia illa soli Deo convenit: ergo necessario mensuratur mensura media, scilicet ævo, quod est quædam participatio æternitatis. Unde Dionysius, *de Divinis Nominibus*, dicit¹⁰, quod ævum dicitur quie-

Triplex
mensura
ætum,
scilicet
tempus,
ævum et
æternum.

⁸ Boet., *de Consol. Philos.*, lib. V, pros. 6. — ⁹ Dion., *de Div. Nom.*, c. v et x. — (a) Cæt. edit. futurorum. — (b) Cæt. edit. sunt. — (c) Cæt. edit. distinguantur. — (d) Item stabilitur et perpetuatur.

ta et tota simul vita. Et Damascenus dicit¹, quod ævum non est tempus nec pars temporis, sed quod simul protenditur cum æternis, scilicet secundum perpetuationem. Idem dicit Augustinus², libro duodecimo *Confessionum*. Unde in libro *de Spiritu et Anima* dicitur³: «Spiritus humanus quadam conditionis sua excellentia, huic mutabilitati, quæ deorsum est, supereminet, quasi creatus in horizonte æternitatis, et ideo ad illam, quæ est apud Deum, immutabilitatem nondum pervenit, » quamvis pertingere possit cum Angelis. Spiritus enim noster convenit cum temporalibus in hoc, quod secundum operationes alias est mutabilis, et in eis successiones patitur. Unde in libro *de Spiritu et Anima* dicitur: «Si spiritus noster in his quæ (a) deorsum transeunt se per cupiditatem immerserit, statim per infinitas distractiones sive itinera rapietur, et a (b) seipso quodammodo divisus dissipabitur: » et ideo quoad istas operationes temporalis efficitur, quia tempore mensuratur.

De hac instabilitate et mutabilitate dicit Hugo, *de Arca Noe*, sic⁴: «Dum cor nostrum, sive spiritus noster, per desideria fluere coperit, quasi in tot divisum est, quot sunt ea quæ concupiscit. Hinc nascitur motus sine stabilitate, labor sine requie, cursus sine perventione, ita ut semper sit inquietus spiritus noster, donec illuc inhaerere coperit, ubi desiderio suo nihil deesse gaudeat, et ea quæ diligit semper mansura confidat et credat. » Haec ille. Ex quo concluditur, quod necesse est quod spiritus humanus habeat alias operationes, quæ maneant secundum suam substantiam, licet una alteri succedat. Quod accidit, ubi sunt operationes intrinsecæ intellectus et affectus, maxime quando in æternis figuratur, quas operationes exercere posset spiritus humanus, etiam si cœlum stare, vel si nullum esset tempus, ut patet per Augustinum⁵: nec mirum, cum sit spiritus humanus supra tempus existens in carne temporali. Dicit enim Gregorius in *Moralibus*: «Sublevata mens, id est, spiritus, extra terminos temporum ducitur, etiam cum a carne in tempore tenetur. » Et in libro *de Spiritu et Anima*⁶: «Si spiritus humanus ab hæ infima distractione, quæ deorsum est, creixerit se, et

bæ infima deserens, atque paulatim se in unum colligens, secum esse didicerit, tanto amplius in unum colligetur, quanto magis desiderio et cognitione sursum elevabitur, donec tandem omnino immutabilis sit, et ad illam veram et unicam, quæ apud Deum est, immutabilitatem perveniat, ut perpetuo sine omni mutabilitatis vicissitudine requiescat, » jam in intrinseco Domini perfecte collocatus (c). Haec ille. Ex his patet, quod sicut spiritus humanus ex inordinato amore temporalium aggravatus, descendit ab æternis per aliqua itinera iniquitatibus deorsum ad temporalia; sic spiritus humanus ex ordinato amore æternorum alleviatus ascendit sursum, per itinera rectæ æquitatis, ad æterna. Et sicut ille per septem itinera obliqua descendit ad temporalia; ita iste per septem itinera recta ascendit ad æterna: propter quod itinera æternitatis nuncupantur.

Itinera ergo æternitatis ducentia ad intrinsecum secretum et æternale manerium Domini, sunt haec, scilicet æternorum rectæ intentio, æternorum studiosa meditatio, æternorum limpida contemplatio, æternorum charitativa affectio, æternorum secreta revelatio, æternorum experimentalis prægustatio, æternorum deiformis operatio.

Ad itinerandum autem in his septem itineras æternitatis, Dominus amoroze invitat spiritum humanum, ostendens et promittens ei septem adminicula, cooperantia ad ambulandum in itineras æternitatis. Istam autem invitationem mens humana diligenter advertat, quia, sicut dicit Vercellensis super *Canticum*: «Nihil est quod ad continuos sponsæ profectus eam promoveat efficacius, quam Deum imitari, et ab eo invitari effective. » Hoc quidem exercitio continuo uniformiter proficiunt coelestes substantiae, quæ non cessant post sponsum ingredi. Totus enim cursus amoris in assidua et continua hujusmodi invitatione consistit, ut in fine libri *Canticorum* patet; dicit ergo⁷: *Surge, propera, amica mea, et columba mea, formosa mea, et veni. Amica, quia amans et amata: Ego enim dilo diligentes me. Columba mea, quia spiritu simplificata, sicut scriptum est in Matthæo⁸: Estote simplices sicut columbæ. Formosa mea, quia ad imaginem et similitudinem Dei facta, ut dicitur⁹ in Genesi.*

ubi sup. proxim. — ⁷ *Cant.*, II, 10. — ⁸ *Prov.*, VIII, 17. — ⁹ *Matth.*, X, 16. — ¹⁰ *Gen.*, I, 28.

(a) *Cœl. edit.* qui. — (b) *Cœl. edit.* deest a. — (c) *Cœl. edit.* collocatur.

¹ Damasc., *de Fid. Orthod.*, lib. II, c. I. — ² Aug., *Conf.*, lib. XII, c. XI. — ³ *De Spir. et Anim.*, c. XLVII. — ⁴ Hug., *de Arc. Noe*, lib. I, prolog. circa fin. — ⁵ Aug., *Conf.*, lib. XII, c. XI. — ⁶ *De Spir. et Anim.*,

Surge igitur a temporalibus ad æterna tendendo; et propera, æterna investigando, et veni, æternitatem meam ingrediendo. Hujus petitio-nis reddit causam, dicens: *veni, surge, propera, amica mea, et veni*, quia jam est itinerandi op-portunitas temporanea, quia *jam hiems transit* peccati infrigidantis, et itinera ambulantium obliquantis, quia jam est itinerum optata facil-itas, quia *jam imber abiit et recessit* cura dis-trahentis et itinerantes impeditientis; quia jam est itinerantium amoena jucunditas, quia *jam flores opparuerunt in terra nostra*; quia *jam tempus vernalis venit*, ex presenta divini solis in terra nostra carnis; quia jam est perambulan-tium alleviata agilitas, quia *jam tempus putatio-nis advenit*, quo spiritus noster exoneratur ab omnibus superfluis et vanis; quia jam est via-rum revelata veritas, quia *vox turturis audit a est in terra nostra*, Verbi incarnati, omnem ve-ritatem docentes; quia jam est viatici desiderati-sietas, quia *ficus protulit grossos suos*, scilicet Pater, fons dulcedinis, Filium panem omnis suavitatis, et Spiritum sanctum potum sobriæ ebrietatis; quia jam est medii odorifera suavi-tas, quia *vineæ florentes odorem suum dederunt*, id est, potentie fœcundæ dederunt odorem bone famae ex operibus odoriferis, quia ¹ *bonus odor Christi sunt*. Igitur *surge, propera, amica mea, et veni*. Unde dicit Origenes: « Quis jam non surgat (a)? quis non properet? aut quis

non veniat ubi tot utilitatum insignia concur-runt? » Singula istorum adminiculorum appli-cabuntur singulis itineribus, ut patebit infra, et *hac itinera ² abscondita sunt a sapientibus et prudentibus hujus mundi*, et *revelata sunt parvulis*, id est, humiliibus. Unde dicit Habacuc ³: *Incurvati sunt colles mundi*, id est, sapientes, *ab itineribus æternitatis ejus*, id est, obliquati sunt a viis rectis æterni Dei: quia qui a recta via declinant, quanto plus vadunt, tanto plus a termino recte viæ recedunt, et quanto plus se sapientes mundi ab æterna veritate avertunt, tanto plus stulti facti in temporalibus evanue-runt, dicentes illud Sapientiae ⁴: *Sol intelligentiæ non est ortus nobis, lassati sumus in via ini-quitatis, viam Domini ignoravimus*. Cum ergo Augustinus, xiv et xv de Trinitate, dicit quod spiritus noster ad imaginem et similitudinem Dei æterni sit, et ex hoc æternitatis capax sit, et ex hoc sortiatur quamdam jam participatio-nem, cum (b) etiam secundum substantiam et secundum alias operationes intrinsecas sit supra tempus, quia in ævo, quod est quedam æternitatis participatio, ut supra dictum est; ideo spiritus noster humiliatus et contritus, et a Deo amorose invitatus ad veniendum per iti-nera æternitatis ad suum intrinsecum secretum et æternale manerium, secure et gaudens cum Psalmista petat, dicens ⁵: *Deduc me, Domine, in via æterna*.

DE ITINERIBUS

QUIBUS AD ILLUD INTRINSECUM SECRETUM ET ÆTERNALE MANERIUM IN CHRISTO ACCEDITUR

DE PRIMO ITINERE ÆTERNITATIS,

QUOD EST ÆTERNORUM RECTA INTENTIO (c).

Primum igitur iter æternitatis, quod est æter-norum recta intentio, spiritus humanus desi-derio æternorum ab omnibus alleviatus, et ad perambulandum incitat et expeditus, primo aggrediatum unum æternum intendendo, unum

æternum attendendo, unum æternum ingre-diendo, in uno æterno permanendo, propter unum æternum, quod est optimum et unum necessarium, et finis quietans, et consummans multitudinem omnium desideriorum in unum, quod non auferetur ab eo in æternum, ut patet in Luca ⁶. Sed quia nemo caute itinerat, qui vias itineris ignorat, ideo ad cognitionem is-

(a) Cæt. edit. surget.—(b) Cæt. edit. dum.—(c) Cæt. edit. non habent quod est æternorum recta intentio.

¹ II Cor., II, 15. — ² Matth., XI, 25. — ³ Habac., III, 6. — ⁴ Sap., V, 7. — ⁵ Psal. CXXXVIII, 24. — ⁶ Luc., x, 42.

tius vice, sive itineris, quod est aeternorum recta intentio, oportet sex considerare per ordinem.

Primum est, quæ sit necessitas istius itineris, et quare aliis itineribus premitatur.

Secundum est, quid sit intentio, et a qua potentia animæ oriatur.

Tertium est, qualiter intentio nostra rectificetur, et deiformis, et aeterna efficiatur.

Quartum est, per quæ signa intentio recta, simplex et perfecta cognoscatur.

Quintum est, qualiter per intentionem rectam spiritus humanus ad intrinsecum et aeternale manerium Domini Jesu accedat et ingrediatur.

Sextum, qualiter spiritus humanus, ad venientum per illud ad intrinsecum aeternum Jesu, dulciter et amanter ab eo invitetur (a).

DISTINCTIO I.

Quæ sit necessitas istius itineris, et quare aliis itineribus premitatur.

Primo igitur videndum est, quæ sit necessitas istius itineris, quod est aeternorum recta intentio, et quare alia itinera praecedat. Circa quod notandum est, quod cum intentio finem actionis et itineris nobis praestendat, ut dicit Gregorius, xxviii *Moralium*, ubi sic dicit¹: « Intentio priusquam se in actione exerceat, hoc jam quod appetit, contemplatur. » Item cum intentio actionem dirigat nostram in operatione, ut dicit Gregorius ibidem, unaquaque actio intentionem suam quasi intuentem oculum sequitur. Item cum intentio operi nostro quasi fundamentum finale præstuitar, ut dicit Gregorius, xxviii *Moralium*, ubi dicit²: « Sicut fabrica columnis, columnæ autem basibus fulciuntur, ita vita nostra virtutibus, virtutes vero intima intentione subsistunt. » Ideo rationabiliter iter intentionis alia itinera praecedere debet. Unde Gregorius ibidem dicit: « Vigilanti cura per cuncta opera intentio nostra nobis pensanda est, ut nihil temporale in his, que agit, appetat; sed totam (b) se in soliditatem aeternitatis figat: ne si extra fundamentum nostræ actionis fabrica ponatur, totum opus in nihilum solvantur: quia etiam summa opera ianiter fiunt, si intentiones cordium extra aeternitatis rectitudinem deflentur. » Haec ille. Et ibidem dicit:

¹ Greg., *Moral.*, lib. XXVIII, c. vi, post med.—
² Ibid., paulo post. — ³ Anselm., *de Conc. Præsc.* et

« Si recta intentio in operatione non tenetur, totum opus amittitur et deturpatur. Si autem recte intendimus, bonum opus efficitur, etiam si minus bonum extra videatur. » Plane ergo patere potest istius itineris necessitas in ordine respectu aliorum.

DISTINCTIO II.

Quid sit intentio, et a qua potentia animæ oriatur.

Secundo videndum est, quid sit intentio, et a qua potentia animæ oriatur. De quo notandum est, quod, sicut dicit Anselmus, libro *de Concordia præscientiæ et liberi arbitrii*³, « Voluntas est instrumentum seipsum movens, et omnia alia instrumenta, quibus sponte utimur et quæ sunt in nobis, ut manum, linguam, visum, et cetera hujusmodi, et quæ sunt extra nos, ut stylum, securim, et cetera hujusmodi, et facit omnes voluntarios motus: ipsa vero se suis affectionibus movet » in finem desideratum; et ideo sola voluntas elicit actum intentionis proprie dicta et principaliter, sed a ratione sive intellectu dirigente, sive dictante. Et nota, quod haec intentio non fit sine amoris desiderio: quia quanto major est amor finis, tanto vehementius est motus intentionis finem, ita quod amor movet in finem desideratum, sed intentio omnia per quæ amor potest consequi hunc finem desideratum, ordinat et disponit ad illius finis consecutionem. Unde Glossa, super illud Psalmi⁴: *In laqueo isto quem absconderunt*, dicit, quod pes animæ est amor, et eo moveatur anima ad locum, quasi ad terminum ad quem tendit, id est ad dilectionem bonam vel malam, quo se pervenisse ad amorem legitatur: amor autem est actus voluntatis.

Ex quo patet, quod intentio proprie et principaliter est actus voluntatis, ut elicientis, et a libero ordinantis, et moventis in finem, et a ratione directus. Et nota, quod ista intentio, ut est a voluntate per gratiam formata, non solum actualis, sed et habitualis facit actum et opus meritorium. Cujus ratio est, quia præter naturalem bonitatem, quæ est in actu voluntatis, eo ipso quo est ens, tota alia bonitas ipsius est ex ejus sufficienti ordine intentionis ad debitum finem. Tunc autem debiti finis est sufficiens ordo, quando ex parte agentis per intentio
nus descriptio.
Lib. Arb., c. xi, al. xxi, in fin. — ⁴ Psal. ix, 16.
(a) Cœt. edit. invitatur. — (b) Item totum.

tentionem bonam, fit ordinatio actus sui in debitum finem, et quando ex parte actus est, quod sit ordinabilis ad illum finem, ut per ipsum possit finis acquiri, id est, quod actus sit de genere bonorum: talis enim ordo includit bonitatem esse in actu, quae sibi debetur ex objecto debito, et ex forma debita, quae est charitas, et ex circumstantia, et ex debito fine. Deficiente autem altero istorum, actus vitiosus est. Ex quo patet, quod etiam actus indifferens per ordinationem debitam in debitum finem fit meritorius, quia intentio recta, si sit actualiter a voluntate elicita mediante gratia, addit aliquam bonitatem supra habitum, cui debetur præmium substantiale. Per actus enim voluntatis elicitos ex gratia, meremur vitam æternam. Ex his etiam patet, quod intentio actualis est perfectior et magis meritoria habituali, quia addit aliquam bonitatem supra habitualem. Unde Gregorius, xxviii *Moralium*¹, dicit: « Sicut lucerna corporis est oculus carinalis lucens toti corpori, ita per radium intentionis illustrantur itinera actionis. » Nam dicit Dominus²: (Intentio) *sicut lucerna fulgoris iluminabit te.*

DISTINCTIO III.

Qualiter intentio nostra rectificetur, et ex hoc deiformis et æterna efficiatur.

Tertio videndum est, qualiter intentio rectificetur, et ex hoc deiformis et quasi æterna efficiatur. De quo notandum est, quod, sicut dicit Hugo, libro primo *de Arcu Noe*³: « Cor hominis, quod prius amore divino stabile et fixum in æternitate persistit, quia, unum amando, unum permanit, postquam per desideria terrena defluere coepit, quasi in tot divisum est, quot ea sunt quæ concupiscit. » Ergo, secundum diversitatem concupiscentie sive amoris, erit diversitas intentionis. Unde Bernardus, super *Cantica*, ostendit⁴, quod si amans turpia appetit, etiam intentio turpis erit, et fœdans faciem animæ vel spiritus; et si honesta, etiam intentio honesta erit. Unde Bernardus ibidem describit diversas intentiones, secundum diversas affectiones.

Primo ergo, secundum Bernardum, est quædam intentio perversa et iniqua, ut illa quæ procedit ex voluntate affectata carnaliter, sive ex

amore carnali, tendens ad finem qui contrarius est ultimo fini et æterno, ut est intentio illorum⁵ *qui terrena sapiunt, quorum Deus venter est*, qui intendunt gulæ, ut magis possint exercere actus luxuriæ. Talis intentio est obstinatiorum in temporalium amore. Unde Bernardus ibidem dicit: « Teudere non in Deum, sed in seculum, sæcularis animæ est, ut dictum est, et habet talis faciem fœtidissimam fœtore peccati. »

Secundo est intentio quædam facta et falsa, ut que procedit ex voluntate affectata, mendaciter tendens in Deum, apparetur ei false, et non vere, quia propter favorem hominum; de qua dicit Bernardus ibidem: « Tendere quasi in Deum, sed non propter Deum, hypocrite plane animæ est, omnem decorem animæ exterminantis, et totam illam fœdantis propter turpitudinem hypocrisis. »

Tertio intentio quædam est obliqua et mercenaria, ut quæ procedit ex voluntate affectata, pusillanimitatibus tendens in Deum, non propter Deum, sed propter præsentis vite necessaria, ex qua recurvatur ad se. Unde mercenaria est, quia veris filiis non convenit, ut patet per Ambrosium, qui dicit in *Glossa Luc.*, xv, sic: « Filius qui habet sancti Spiritus pignus, in corde sæcularis mercedis lucra non querit, sed servat jus heredis. » De hac intentione dicit Bernardus ibidem⁶: « Si autem intentio solum, vel maxime, ob vita præsentis necessaria se ad Deum convertit, non quidem face hypocrisis fœtidam, pusillanimitatis tamen vitio dicimus obscuram et minus acceptam, eo quod non querit Deum propter se. » Ideo predicta tria itinera sunt obliqua et temporalia, non æterna.

Quarto quædam intentio est recta, quæ est et propter Deum principaliter, et propter ipsum directa; quæ est actuum bonorum: et haec procedit ex voluntate affectata spiritualiter, id est æstu divini amoris calefacta. Quæ voluntas sic æstuans, intentionem ad consecrationem æterni finis desiderari operando impellit, liquefaciendo in Deum dirigit, nec eam sistere, nisi in Deo æterno sinit. Unde Origenes, super *Cantica*, dicit: « Qui sancto desiderio intus æstuat, ad quoddlibet opus bonum habilis invenitur, quia nihil duri in corde, id est in intentione portat, quod non fervore æstuans desiderii in Deum liquefaciat. » Hæc Origenes. Hæc tamen intentio perfectum decorum non habet per omnia, quia

¹ Greg., *Moral.*, lib. XXVIII, c. vi, post med. — ² *Luc.*, xi, 36. — ³ Hug., *de Arc. Noe*, lib. I, in prolog.—

⁴ Bern., *in Cant.*, serm. XL. — ⁵ *Philip.*, III, 19. —

⁶ Bern., ubi sup. proxime.

Intentionis
actualis
majoris
est me-
riti,
quamha-
bitualis.

Diversi-
ficantur
inten-
tio-
nes juxta
diversi-
tatem
affection-
num.

adhuc circa multa est occupata, licet propter Deum. Unde Bernardus, ubi supra, dicit: « Porro in aliud tendere quam in Deum, et tamen propter Deum, non otium Mariæ, sed Marthæ negotium est. Absit autem, ut que hujusmodi est, quidquam dixerim illam habere deforme, nec tamen ad perfectum affirmaverim pervenisse decoris, quippe quia adhuc *solicite est*, et turbatur *erga plurima*, et non potest terrenorum actuum vel tenui pulvere non aspergi: quem tamen facile citoque deterget in hora sancte devotionis, vel dormitionis, casta intentio, et bone conscientia interrogatio ad Deum. » Hæc Bernardus super Cantica.

Quinto intentio quædam est recta, simplex, et magis immediata, et odore suis æterni dulciter allecta, quæ est contemplativorum, et illa procedit ex voluntate finis æterni affectiva experimentaliter. Experimentalis enim odor ultimi finis omnia alia aliquo modo contemnere facit: ex quo intentionem in nullo alio fine quiescere facit, sed eam, quantum potest, ultimo fini immediate unit. Dicit enim Hugo¹, quod experientia est mater vel magistra intelligentiae, et quod ille optime veritatem novit, qui eam non cupiendo solum, sed etiam gustando et faciendo didicit. In tali enim experientia intentio non ambulat, sed quasi currit. In odorem, inquit Sponsa², curremus unguentorum tuorum. Hæc intentio tendit in Dominum solum immediate, quantum potest, et propter ipsum; sed ut plures non totaliter propter ipsum solum, sed etiam querer propter se delectari et consolari, refinens adhuc aliquid de proprio, ut dicit Bernardus: et ideo talis intentio divisa est. Talis clamat cum Petro³: Ecce nos reliquimus omnia, et secuti sumus te; quid ergo erit nobis? Et cum Psalmista⁴: Inclinavi cor meum ad facandas justificationes tuas in æternum, propter retributio-nem. Quam tamen intentionem Dominus non reprehendit, quia non principaliter quærebatur mercedem, sed Domini voluntatem, cum multi tales sint in æterna domo⁵ Patris.

Sexto intentio quædam est immediata, simplificata, et deifieata, et amore finis æterni tollatiter attracta. Et hec est beatorum iu patria, et inde intentio fit intentio æterna, et elicitor a voluntate affectata deiformiter. Deificatio autem, ut dicit Bernardus⁶, nihil relinquit in voluntate

admixtum vel proprium, sed totum per intentionem dirigit in Deum. Unde dicit ibidem sic: « O pura et defacata intentio voluntatis, eo certe defecatio et purior, quo in ea de proprio nihil jam admixtum relinquitur; eo suavior et dulcior, quo totum divinum est quod sentitur! » Sic affici deificari est: sic omnem tunc in sanctis, qui sunt in patria, humanam affectionem quodam ineffabili modo necesse est quiescere, et a semel ipsa liquefcere, atque in Dei penitus transformari voluntatem; aliquo quomodo omnia in omnibus erit Deus, si in homine aliquid de homine supererit? Manebit quidem substantia, sed in alia forma, in alia gloria, aliaque potentia. Et videtur sentire Bernardus hoc impossibile fieri, nisi post resumptionem corporum, « cum beati adhuc, ante resumptionem corporum, desiderio naturali appetant unionem corporum suorum. » Hæc Bernardus. Idem sentit Augustinus de appetitu corporum, ut patet libro duodecimo *super Genesim*⁷.

DISTINCTIO IV.

Per quæ signa, recta et simplex intentio cognoscatur.

Quarto videndum est per quæ signa recta et simplex intentio cognoscatur. Circa quod notandum est, quod hujus intentionis aliqua signa sunt quasi exteriora, et quoad homines; et quædam interiora, et quoad conscientiam. Signa ergo exteriora recte et simplicis intentionis, secundum Origenem exponentem illud⁸: *Quan pulchri sunt gressus tui, etc., sunt quinque.* Loquens ergo de multa pulchritudine gressuum intentionalium, dicit: « Sponsa calceata pulcherrime incedit quasi rectissima intentione. Post sanctorum exempla incedit calceata; sed hypocrita nudo pede incedit, quia Deum sequitur corrupta intentione: caret enim exemplari pelle: utraque tamen ex fructibus suis cognoscitur. » Et ponit ibi quinque signa recte et simplicis intentionis, per quæ illi ab istis distinguuntur.

Primum signum est humanae laudis detestatio, et Dei glorificatio. Unde Salvator⁹: *Cum facis eleemosynam, noli tuba canere ante te, sicut hypocrite faciunt.* De hoc dicit Chrysostomus¹⁰:

med. — ² Aug., *de Genes. ad litt.*, lib. XII, c. XXXV.

¹ Hug., super cap. septl. *Angel.* Hier., lib. VII.

² Cant., I, 1. — ³ Matth., xix, 27. — ⁴ Psal. cxviii, 112. — ⁵ Luc., xv, 17. — ⁶ Bern., *de dilig. Deo*, post

⁷ Cant., vii, 4. — ⁸ Matth., vi, 2. — ⁹ Chrysost., in Matth., hom. xix.

« Tuba est omnis actus, per quem operis jactantia demonstratur. »

Secundum signum, est sobria tristitia et exultatio mentis. Unde Christus dicit¹: *Cum jejunatis, nolite fieri, etc.*; ubi Origenes dicit: « Non inveni verius signum boni cordis, quam si erumpat foras dulcedine mentis, et frequentia sobrie exultationis et tristitiae. »

Tertium signum est ordo correctionis, ut primo a teipso incipias, et post, alios corripas. Unde in Matthæo dicuntur²: *Hypocrita, ejice primum trabem de oculo tuo, et tunc videbis ejicere festucam de oculo fratris tui.* Et Origenes ibidem: « Nisi fallar, nihil aliud appetis, nisi apparere iustus, dum me corripis, et te negligis; aut si me et te corripis, quare a me incipis, et non a te? »

Quartum signum est benignitas compassionis. Unde Salvator dicit³: *Væ vobis, scribæ hypocritæ, qui altis clauditis regnum calorum, et imponitis eis gravia onera, etc.* Gregorius: « Qui bonus est corde, benignus est compassione. »

Quintum signum est immobilitas mentis, tam in adversis, quam in prosperis, quæ, ut alter Job, anima æqualiter acceptat, dicens⁴: *Si bona accepimus de manu Domini, cur non similiter et mala?* Unde Gregorius exponens illud Job, primo: *Erat simplex et rectus*, dicit: « Simplex et rectus est ille, qui in adversis non frangitur, qui ad temporalia non inclinatur vel incurvatur, qui ad superiora totus exigitur, qui Domini voluntati humiliiter subjicitur. » Hæc Gregorius. Hæc Origenes breviter enumerat dicens: « Quam pulchri sunt gressus tui in calcaneo tuo, filia principis, si in operibus, quæ agis, laudem humanam vitas; si sobrie exultas; si primo te corripas; si aliis benignitatem exhibeas; si patientiam in adversis ostendas! » Hæc sunt signa exteriora.

Post haec primo videndum est de signis interioribus rectæ et simplicis intentionis. De hoc nota, quod Bernardus, libro *de Præcepto et Dispensatione*⁵, dicit sic: « Ut interior oculus intentionis vere (a) sit simplex, duo arbitror illi necessaria esse, scilicet charitatem in intentione, et veritatem in electione. » Primo necessaria est charitas in intentione. Cujus ratio est, quia charitas intentione ad omnia illa, quæ ad finem sunt principaliter intenta, dirigit et extendit, et per hoc arctius unit, cum in omnibus unum

intendit, et ad unum tendit, et omnia, quantum potest, cum illo unire querit. Unde Gregorius in *Pastorali* dicit: « Charitas divisa unire consuevit, et cor justi non dividit per multa compellit: quod tanto arctius in Deo colligit, quanto illud latius per sancta desideria spargit. »

Secundo, ad hoc quod oculus intentionis sit rectus et vere simplex, requiritur veritas in electione, quia illa non sinit errare circa finem intentum. Unde Bernardus ibidem dicit: « Quomodo denique simplex erit oculus intentionalis, cum ignorantia veritatis, etiam qui bonum diligat, et malum nescius agit? Sed illius non imerito oculum simplicem duxerim, cui neutrum bonum desit, quia ista duo oculum intentionis faciunt simplicem, scilicet amor boni, et cognitione veri. » Hæc Bernardus. Sic igitur nec charitas intentionem sinit ante finem intentum stare, nec veritas sinit eam circa finem errare. Veritas enim non amat angulos, nec ei diversoria placent, ait⁶ Bernardus. Igitur opus per intentionem bonam agitur, quando illa charitate et veritate munitur. *Spiritum igitur rectum innova in visceribus meis.*

DISTINCTIO V.

Qualiter per intentionem rectam et simplificatam spiritus humanus ad intrinsecum et æternale manerium Domini Jesu accedit, et ingredietur.

Quinto videndum est, qualiter, per intentionem rectam et simplificatam, spiritus humanus ad intrinsecum et æternale manerium Domini Jesu accedit, et ingredietur. De hoc nota, quod cum recta et simplex intentio sit quædam tendentia recta sine obliquitate, et simplex sine admixtione, in æternitatem a voluntate desideratam, et a ratione dictatam, consequens est, quod intentionis tendentia continua est æternitatis consideratæ approximatio, et attingentia continua. Unde Hugo, libro primo *de Arca Noe*, dicit sic⁸: « Hoc est ad Deum tendere, semper eum per desiderium querere, per cognitionem inventire, et per gustum tangere. » Intentio charitatis et veritate munita, omnia temporalia derelinquit, et ad æterna redeat, donec intentio tentio fiat, ut dicere possit⁹: *Inveni quem diligit anima mea; tenui eum, nec dimittam, donec eum introducam in omnes mentis capacitates, tam com-*

¹ *Matth.*, vi, 16. — ² *Ibid.*, vii, 5. — ³ *Ibid.*, xxii, 13 et 4, quoad sensum. — ⁴ *Job*, ii, 10. — ⁵ *Bern. de Præc. et Dispens.*, c. xvii. — ⁶ *Id.*, in *Ascens. Dom.*,

⁷ *Psal. L*, 12. — ⁸ *Hug. de Arc. Noe*, lib. I, c. iv, circa med. — ⁹ *Cant.*, iii, 4.

(a) *Cœl. edit. veræ.*

mundus quam singulares, ubi intentio omnibus inferioribus superfertur, extra mundum constituitur, in aeternis collocatur et quietatur. Unde Gregorius, vigesimo quinto *Moralium*, dicit sic: Si semel in appetitione coelestis patrie forti stabilitate animus pro intentione figitur, minus rerum temporalium perturbatione vexatur. A cunctis quippe exterioribus motibus eamdem intentionem suam, quasi quendam secretum secessum petit, ibique incommutabili inherens, et mutabilia cuncta transcendens, jam ipsa tranquillitate quietis sua in domo, scilicet in mundo, extra mundum est. Excedit quippe omnia imma, intentione summorum; et cunctis rebus, quas non appetit, libertate quadam superesse se sentit, nec tempestatem rerum temporalium intus sustinet, quam intuetur foris: quia terrena omnia, quae concupita opprimere mentem poterant, despacta sublatis jacent. Unde per Prophetam dicitur¹: *Statue tibi speculam*, quia dum quisque speculator summa, supereminet infinitis. » Ille Gregorius. Si igitur spiritus noster, in se bene ordinatus, cum omnibus actionibus in unum se colligat, sursum ad aeterna tendat, et licet quoad aliqua instabilis permaneat, intentione tamen in aeternitate stabilis persistit, quae non nisi in aeternis stabilitur. Dicit Gregorius, et Hugo, libro quarto² de *Arca Noe*: « Quandiu homo ordinem sue naturae tenuit, quamvis per actionem variaretur, interius tamen per intentionem et amorem stabilis permansit, quia unum intendebat, et propter unum omnia faciebat, unum diligebat, et omnium voluntatum atque actionum suarum finem ad unum referebat Creatorem suum, qui solus sufficiebat. » Ille illius. Et Basilius, exponens illud *Lucæ*³: *Porro unum est necessarium*, dicit: « Uniformis est vita christiana, ad unam tendens intentionem, scilicet gloriam Dei; multiformis vero et varia est vita eorum qui (a) deforis sunt, pro libitu suo variata. »

DISTINCTIO VI.

Qualiter spiritus ad veniendum per iter rectæ et simplicis intentionis ad aeternum intrinsecum Domini Iesu dulciter ab eo invitetur (b).

Sexto videndum est, qualiter spiritus ad veniendum per iter rectæ et simplicis intentionis ad aeternum intrinsecum Domini Iesu, dulciter

¹ *Jerem.*, xxxi, 21. — ² *Hug.*, de *Arca Noe*, lib. IV, c. III, statim a princ. — ³ *Luc.*, x, 42. — ⁴ *Cant.*, II, 10. — ⁵ *Psal.* xxvi, 8. — ⁶ *Cant.*, vi, 8. — ⁷ *Malh.*,

ab eo invitetur (b), dicente sponso in *Canticis*⁴: *O amica mea*, propter intentionis tuae simplicitatem, tam in quiete interioris contemplationis, quam in exercilio exterioris actionis, et in consolatione angelica allocutionis, me solum intendebas, cum me in lectulo quæsisti, civitates circuisti, vicos perambulasti, custodes angelicos sustinuisti: quare pertransitis his omnibus, singulariter me singulariter invenisti et tenuisti. *Surge*: si enim amica mea es, surgendum est tibi, per tuae intentionis stabilitatem, ad me incessanter tendendo, quia etsi me ut amicum invenisti, nondum tamen ad plenum cognovisti. Quære ergo faciem meam semper cum Psalmista⁵; quia qui sine fine est amandus, sine fine est querendus, ait Augustinus in *Glossa*. *O columba mea*, propter intentionis simplicitatem et unitatem. *Una enim*⁶ *est columba mea*, quæ, ut dicit Vercellensis ibidem, unica simplicem habens intuitum; unde signat puram intelligentiam, contemplans divinam simplicem essentiam, ex quo simplificata magis fuit, sicut scriptum est⁷: *Estate simplices sicut columbae. Propera*⁸, propter intentionis tuae agilitatem mihi continue approximando, quia per continuam desiderati finis intentionem, consequeris continuam approximationem ad me, qui sum⁹ *principium et finis*: principium te liberaliter creans, finis te finaliter quietans. *O formosa mea*¹⁰, propter intentionis tuae deiformitatem. Ipsa enim intentio, ait Dominus¹¹, *quasi lucerna fulgoris illuminabit te*, ut jam nihil proprium in te reliquens, quod in me amoroze non ordinaveris, propter quod¹² *tota pulchra es, amica mea, et macula non est in te*. *Veni*¹³ igitur ad meam divinitatem, quia intentionis tuae tendentia non quiescit nisi in mea aeternitate, quæ est secretum meum intrinsecum et aeternale manerium. *Veni* autem, quia jam est itinerandi temporaria opportunitas, quia *jam*¹⁴ *hiems transiit*. Quod Vercellensis exponens ait: « Hiems multiplici intemperie itinerantes prepedit. » Unde Dominus ait¹⁵: *Orate, ne fuga vestra fiat hieme vel sabbato*. « Hiems igitur nomine, inquit Vercellensis, intelliguntur quælibet impedimenta, vel offendicula itinerum aeternitatis. Ilorum autem itinerum offendicula sunt concupiscentia carnis,¹⁶ et concupiscentia oculorum, et superbia vitae, cum omnibus familiis suis; sed

x, 46. — ⁹ *Cant.*, II, 10. — ⁸ *Apoc.*, XXII, 13.

¹⁰ *Cant.*, II, 10. — ¹¹ *Luc.*, XI, 36. — ¹² *Cant.*, IV, 7. —

¹³ *Ibid.*, II, 10. — ¹⁴ *Cant.*, II, 11. — ¹⁵ *Math.*, XXIV, 20.

(a) *Cœl. edit.* quæ. — (b) *Item invitatur.*

hæc omnia jam sunt diminuta, quia jam hiems transiit. » Hæc ille. Et æstas Solis æterni, incarnati Verbi, jam in terra nostra apparuit, et ideo jam temporanea itinerandi est opportunitas. Ideo dicit Vercellensis: Hæc itinera sibi carpit Sponsa per totam seriem Canticorum, Sponso vocante, illuminante, adjuvante, supportante et amplexante, cœlestibus paranympnis obsequia sua impendentibus. » Hæc ille. *Veni ergo, o amica mea*, quia *jam hiems peccati, intentionis fuae ascensum retrahentis, transiit. Veni, columba mea, quia jam hiems peccati, intentionis tua agilitatem retardantis, abiit. Veni formosa mea, quia jam hiems peccati, intentionem pulchritudinis tue deturpantis, recessit. Veni autem, amica mea*, per intentionis tua singularitatem, ut me æternaliter amplexeris. *Veni, columba mea*, per intentionis tuae deiformitatem, ut me æternaliter fruaris. Ego enim *perpetua dilectione dilexi te*. Ad quam fruitionem æternam nos perducat, qui in æternum regnat æternus Deus, in æternum benedictus. Amen.

DE SECUNDO ITINERE ÆTERNITATIS,

QUOD EST ÆTERNORUM STUDIOSA MEDITATIO (a).

Secundum iter æternitatis per quod spiritus humanus tendit ad intrinsecum secretum, et æternale manerium Domini Jesu, id est, ad æternam ejus divinitatem, est æternorum studiosa meditatio. De quo itinere sunt septem per ordinem notanda.

Primum est, qualiter iter studiosæ meditationis immediate iter rectæ intentionis sequatur.

Secundum est, quid sit meditatio, et qualiter a cogitatione distinguatur.

Tertium est, qualiter in itinere meditationis Deus spiritum humanum illuminet, et confabuletur.

Quartum est, qualiter spiritus humanus in itinere meditationis Deum alloquatur.

Quintum est, qualiter allocutio divina intrinseca a nostra meditatione distinguatur.

Sextum est, qualiter spiritus humanus, per iter meditationis æternitatem Domini Jesu ingrediatur.

Septimum est, qualiter spiritus humanus, adveniendum per iter meditationis ad æternitatem, a Jesu invitetur (b).

(a) Cæt. edit. non habent *quod est æternorum studiosa meditatione*. — (b) Cæt. edit. invitatur. — (c) Item spiritu.

DISTINCTIO I.

Qualiter iter studiosæ meditationis iter rectæ intentionis sequatur, et de necessitate hujus itineris.

Primo igitur notandum est qualiter iter studiosæ meditationis, iter rectæ intentionis sequatur, et quæ istius itineris sit necessitas. De quo notandum est, quod cum radius rectæ et simplicis intentionis, spiritui (c) humano, æternum et beatificum finem omnis consolationis vel consummationis, quasi speculative praestendat, quod necessarium est, quia nisi spiritus humanus finem illum aliqualiter præcognosceret, nesciret quo tenderet, vel ubi quiesceret, et nisi illum finem aliqualiter desideraret et inveniret, nunquam quærere curaret, sed *vagus et profugus super terram*, ut alter Cain^a a facie Domini projectus, nunquam stabilis permaneret, ut dicit Hugo, libro primo *de Arca Noe*: meditatio studiosa, per omnia discurrendo, ad hunc finem intentum investigando, quasi practice quærat, et inveniat; et spiritum ad illum cum animi ratione et exultatione non desistat adducere: ideo rationabiliter, imo necessario, iter meditationis immediate sequitur iter intentionis. Unde Richardus^b dicit: « Meditationis studium est semper quovis industria labore, qualibet animi difficultate, ardua quæque apprehendere, obscura irrumpere, occulta penetrare, donec veritatem diu quæsitam inveniat, et animam sive spiritum ad veritatis contemplationem cum admiratione et exultatione adducat. » Hæc ille. Hæc etiam duo itinera mutuo se juvant. Intentioni duo sunt necessaria, scilicet amor boni, et cognitio veri, ut supra dictum est: sed meditatio hæc duo augmentat et confortat suo fervore, quia secundum Psalmistam^c: *In meditatione mea exardescet ignis*; quia intentionem ad cognitionem veri illuminat, et quoad desiderium boni finis inflammat, ex quo intentio meditationem in finem intentum et desideratum rectius dirigit, et vehementer impellit. Item intentio finem itineris ostendit; meditatio vero viam ad summa et æterna pandit, et quæ sint necessaria itineri provide disponit, ait^d Bernardus. Ex his patet, quare iter meditationis sequatur iter intentionis, et ejus necessitas.

^a *Jerem.*, XXVI, 3. — ^b *Gen.*, IV, 12. — ^c *Richard., de Arc. Myst.*, c. IV. — ^d *Psal.* XXXVIII, 4. — ^e *Bern., de S. Andrea*, serm. 1.

DISTINCTIO II.

Quid sit meditatio, et qualiter a cogitatione distinguatur.

Secundo videndum est, quid sit cogitatio, ne spiritus humanus per viam cogitationis, pro via meditationis, iter arripiat. Oportet scire quid sit cogitatio, et quid sit meditatio, et qualiter inter se distinguantur. De quo nota quod Richardus dicit sic¹: « Scendum, quod unam eamdemque materiam habentia, aliter per cogitationem intuemur, aliter per meditationem rimamur. » Multum enim a se invicem differunt hæc, quamvis quandoque in materia convenient. Et ideo dicit Richardus ibidem, « quod cogitatio est ipsius animi aspectus, ad evagationem pronus. » Ipsa enim singulis pene momentis consuevit se ad inepta et frivola relaxare, et sine ullo discretionis freno ad omnia se ingenerere, vel præcipitem dare. Meditatio vero, ut dicit idem, « est studiosa mentis intentio, ad investigandum diligenter intendens, et est providus animi intuitus, ad veritatis inquisitionem vehementer occupatus. » Ex his patet multiplex istorum differentia, ut ostendit Richardus ibidem dicens: « Prius differunt, quia cogitatio per diversa quæque lento pede graditur, sine respectu perventionis, passim huc illueque vagatur. Meditatio vero sœpe per ardua et aspera ad directionis finem cum magna animi iudicia pervenire nititur. Secundo differunt, quia cogitatio serpit; meditatio incedit, et ut plurimum currit. Tertio differunt, quia cogitatio est sine labore et fructu; meditatio vero, cum labore et fructu. Quarto differunt, quia cogitatio semper vagis motibus de uno in aliud transit; meditatio autem semper circa unum aliquod incessanter incedit. Quinto differunt, quia cogitatio oritur ex imaginatione, et ideo quandoque est sine ratione. » Ad cuius intellectum nota, quod, sicut dicit Richardus², duplex est imaginatio: una est bestialis, alia rationalis: bestialis sine utilitate et deliberatione huc illueque discurrat, quod et bestia facere potest; rationalis autem est illa qua imaginatur diversa, componendo vel dividendo prout volumus, quod bruta non pos-

sunt sic facere. Meditatio enim oritur ex ratione: unde quandoque transit in contemplationem per admirationem, et exultationem. » Hæc ille. Et sic apparet, quid sit cogitatio, et quid meditatio, et qualiter inter se differant et convenient (a): unum tamen pro altero frequenter ponitur, quia cogitatio in meditationem convertitur, ut dicit Richardus³.

DISTINCTIO III.

Qualiter in itinere meditationis Deus spiritum humanum illuminet, et alloquatur.

Tertio, quia allocutio divina, illuminans mirabiliter a montibus æternis, mentem hominum ad ambulandum ad æterna inducit, et alleviat viam; ideo notandum est, qualiter in itinere meditationis Deus spiritum humanum alloquatur, et de æternis quandoque quasi confabuletur, ne, sicut dicit Bernardus⁴, itinerantes laboribus fatigentur, sermonibus delectati. Dicit namque Bernardus super *Canticum* sic: « Deus, quasi viator quispiam, itinerantibus sese associans, jucundis confabulationibus suis, a labore via omnem hominem relevat et commutat, ita ut, eo discende, loquantur⁵: Nonne cor nostrum ardens erat in nobis, dum loqueretur nobis in via? » Hæc ille.

Primo ergo videndum est, qualiter Deus in meditationibus nostris cum spiritu nostro loquatur et confabuletur. De quo notandum est, quod Dionysius in principio *Angelicae Hierarchiae* dicit: « Pater æternus lumen generat simplicissimum in essentia, et ipsum universale lumen ab ipso Patre prodiens, ad communandum sui cognitionem et participationem, non solum admittit celestes mentes, sed et ad nos per distributionem bonitatis suæ venit, ut nos, ab infimis separatos, suscitet ad sui desiderium et cognitionem, et remota mentis distractione, convertit nos ad congregantis Patris visionem æternam. » Itæ ille. Et hoc est⁶ lumen, quod illuminat omnem hominem venientem in hunc mundum, quantum in se est: sed divina illuminatio, est inspirata Dei locutio. Unde Gregorius, secundo *Moralium*⁷, dicit: « Quasi enim audientibus dicitur, quod videntibus inspiratur. » Et Augustinus⁸, de *triplici habitaculo*,

lib. II, c. IV, ante med. — ¹ Imo auctor, quisquis ille sit, libri de *Triplici Habitac.*, c. V, inter Oper. S. Aug., append. tom. VI.

(a) Cæt. edit. differunt et convenient.

¹ Richard., de *Arc. Myst.*, lib. I, c. III. — ² Richard., *Benj. min.*, c. XVI. — ³ Id., *Benj. maj. de Contempl.*, lib. I, c. IV. — ⁴ Bern., in *Cant.*, serm. XXXI. — ⁵ *Luc.*, XXIV, 32. — ⁶ *Joan.*, 1, 9. — ⁷ Greg., *Moral.*,

dicit sic : « Dei locutio est occulta inspiratio , qua mentibus suam voluntatem , et suam veritatem ostendit visibiliter . » Sic et Gregorius , secundo *Moralium*¹ ostendit , quod Deus nos alloquitur per inspirationem mentis intrinsecam . Unde et trigesimo quinto *Moralium*² dicit sic : « Loquitur quippe Deus intrinsecus silenter , sonans invisibili lingua compunctionis , et quanto plenius intus auditur , tanto ab exteriorum desideriorum strepitu perfectius audiens avertitur , ut cum Propheta David dicat³ : *Audiam quid loquatur in me Dominus Deus , etc. , in his qui convertuntur ad cor , id est , mentem , in qua Deus , tanquam in imagine sua , habitare dignatur*. Quomodo autem ibi habitaret *Eternus* , et non loqueretur de *eternis* ?

Secundo nota quis divinam allocutionem audiat . Ad hoc respondit Dominus , dicens⁴ : *Qui habet aures audiendi , audiat*. Et in *Apocalypsi*⁵ : *Qui habet aures audiendi , audiat quid Spiritus dicit Ecclesiis*. Quod exponens Richardus ibidem dicit : « Aures audiendi habet ille , qui spiritum habet intelligendi , et affectum diligendi , et promerendi ea quae dicuntur vel promittuntur . » Unde Dominus loquens Judeis surdis quantum ad auditum interiorum , sive sensum spiritualis , dixit⁶ : *Quare non cognoscitis loquaciam meam ? Quia non potestis audire sermonem meum , quia ex Deo non estis , sed ex patre diabolo estis , qui in veritate non stetit , et ideo mendax est : sed qui ex Deo est , verba Dei audit , et si quis sermonem meum servaverit , mortem non gustabit in eternum*. Sed qui vivit , habet sensus interiores spirituales vivaces ; sed tamen non omnes habent eos exercitatos et apertos ad audiendum verbum Dei . Nisi enim sensus auditus interior excitetur , et a Jesu aperiatur , spiritus noster surdus et mutus ad audiendum efficitur , ut de talibus dicitur illud *Psalmi*⁷ : *Aures habent , et non audient Deum intus loquentem : nec enim est spiritus in ore ipsorum ad Deum alloquendun*. His concordat Gregorius , vigesimo septimo *Moralium*⁸ , ubi dicit sic : « Vox Domini auditur , cum gratiae ejus aspiratio mente concipiatur : cum sensualitas occulte nostrae surditatis rumpitur , tunc auditus reparatur . » De hoc nota infra , in sexto itinere , distinct . iv .

¹ Grex , ubi sup . prox . — ² Ibid . , lib . XXXV , c . III , et lib . XXVII , c . XIII , post med . , in sensu . — ³ *Psal . LXXXIV , 9 .* — ⁴ *Matth . , XI , 15 .* — ⁵ *Apoc . , II , 11 .* — ⁶ *Joan . , VIII , 43 et seq .* — ⁷ *Psal . CXIII , 6 .* — ⁸ Greg . , *Moral .* , lib . XXVII , c . XIII , paulo post princi . —

Sed qualiter sensus interiores reparantur et excitantur ? Docet Apostolus ad *Romanos* , ubi dicit⁹ : *Si spiritu facta carnis mortificaveritis , vivetis , scilicet secundum spiritum . Qui autem secundum spiritum vivunt (a) , quae spiritus sunt , sentiunt , id est , spiritualia ejus sapiunt . Cujus ratio est , quia , vivificato spiritu , vivificatur et sensus spiritus , ut in spiritualibus exercitentur , et delectentur in eis , scilicet in spiritualibus : quod non solum verum est de sensu interiori auditus , sed etiam de omnibus sensibus interioribus . Quod etiam probatur in libro de *Spiritu et Anima* , ubi dicitur sic¹⁰ : « Cum exterior sensus carnis bono suo utitur , interior sensus quasi obdormit . Non enim cognoscit bona interioris sensus , qui jucunditate exteriorum honorum capit . Nam qui in carne vivit , in carne sentit , et dolores carnis fugit , quantum potest , et consolations querit carnis ; sed talis vulnera animæ prorsus ignorat : ideo nec medicinam querit eis . Cum autem mortuus fuerit sensus animæ , quo vivit in carne , nunc vivificari incipiet sensus interior , quo sentit semetipsum , et tunc sciet dolores suos spiritus , sentire incipiet sua vulnera , et etiam oblectamenta sua , et tanto perfectius , quanto intimius . » Haec ille . Tales ergo , cum jam habent interiorum auditum apertum , audiunt Deum in se loquentem , ut dicant illud *Psalmi*¹¹ : *Ignitum eloquium tuum vehementer , et servus tuus dilexit illud*. Et de hoc infra , in sexto itinere , dist . III .*

Tertio etiam nota , quod sicut patet per Gregorium , secundo *Moralium*¹² , « Deus non omnes æqualiter alloquitur in meditationibus suis , nec unumquemque hominem omni tempore æqualiter alloquitur , sed prout unicuique opus est . » Quare et Dominus discipulis dixit¹³ : *Multa habeo vobis dicere , sed non potestis portare modo* .

Item sciendum est , quod Dominus multipli- citer loquitur nobis : primo , aliquando acriter arguendo , dicens¹⁴ : *Quos amo , arguo et castigo* . Quod Richardus et Haymo exponentes , dicunt : « Ut ad illud , quod Dominus suadet , nos perducat , proponit arguere et castigare quos amat ; ideo libenter toleranda sunt jus verba et verbera . » Secundo , terribiliter com-

⁹ *Rom . , VIII , 13 .* — ¹⁰ *De Spir . et Anim . , c . IX .* — ¹¹ *Psal . CXVII , 140 .* — ¹² Greg . , *Moral .* , lib . II , c . IV . — ¹³ *Joan . , XVI , 12 .* — ¹⁴ *Apoc . , III , 19 .*

(a) Vulg . qui vero sec . sp . sunt .

minando , dicit¹ : *Si quis in me non manserit , mittetur foras sicut palmes , et arescet , et in ignem mittetur , et ardet.* Tertio, prudenter docendo , dicit² : *Vos dixi amicos , quare ? Quia omnia , quae a Patre meo audivi , nota feci vobis , scilicet quae necessaria ad salutem fuerunt , ait Chrysostomus³.* In Matthæo⁴ : *Aperiens os suum docebat eos , dicens : Beati pauperes spiritu , quoniam ipsorum est regnum colorum.* Quarto , utiliter suadendo , dicens⁵ : *Suadeo tibi emere aurum ignitum probatum , ut locuples fias.* « *Per aurum , ut dicit Richardus ibidem , signatur charitas , quæ ut aurum fulget , quæ dilectione fervet , quæ in tribulatione fornacem examinationis sustinet.* » Hæc ille. Quinto , veraciter promittendo , unde ait Dominus⁶ : *Qui diligit me , sermonem meum servabit , et Pater meus diligit eum , et ad eum veniemus , et mansionem apud eum faciemus.* Hic tria promittit , scilicet dilectionem , visitationem et mansionem. Quid majus his ? Sexto , dulciter consolando , dicens⁷ : *Come-dite , amici mei , et inebriamini , carissimi. Comedit corpus meum , bibite sanguinem meum , et inebriamini divinitate mea.* « *Verbum caro factum est , ut cibus Angelorum fieret cibus hominum ,* » ait Gregorius. Septimo , familiariter susurrando ; unde in Job dicitur⁸ : *Porro dictum est ad me verbum absconditum , et quasi furtive suscepit auris mea venas susurri (a) ejus.* Quod Gregorius exponens , quinto *Moralium* , dicit⁹ , quod « *per verbum absconditum allocutio intima aspirationis intelligitur , que mentem sive spiritum contingens sublevat , et temporales cogitationes deprimens , hanc æternis desideris inflammat , ut nihil nisi superna cogitare libeat , et cuncta inferiora contemnat.* Absconditum igitur verbum audire , est locutiones sancti Spiritus in corde concipere , quem mundus audire non potest , quia Spiritum Sanctum accipere non potest , qui ad diligenda invisibilia non assurgit. » Hæc Gregorius. Sequitur : *Et quasi furtive suscepit auris mea venas susurri (a) ejus , ubi dicit Gregorius :* « *Susurrium occulti verbi est ipsa locutio aspirationis interne. Venæ autem susurrii , dicuntur earum cogitationes , quibus hæc ipsa aspiratio ad mentem ducitur. Venas igitur superni susurrii auris cordis furtive suscipit , quando subtilita-*

tem locutionis intime afflata mens raptim et occulte cognoscit. Nisi enim ab exterioribus desideris se abscondat , interna non penetrat , et occultatur ut audiat , et audit ut occultetur. » Hæc ille. Verba hujus divini susurri quandoque sic sunt abscondita et occulta , ut in intimis audit , extra dici non possint. Unde dicit Gregorius , vigesimo quinto *Moralium*¹⁰ : « *Rivuli spiritualium donorum , in amantis mente , ita de cœlestibus subtiliter currunt , ut per os earnis explicari non possunt.* » Hæc ergo *nemo* scit , nisi qui accipit , ait Dominus in *Apocalypsi*¹¹ , ubi dicit Haymo : *Qui ad hoc prædestinatus est ,* » vel , ut dicit Augustinus ibidem : « *Qui accepit per experientiam , vel per revelationem.* » Et hujus allocationis habuit experientiam , qui dixit¹² : *Anima mea liquefacta est , ut dilectus locutus est.* Sic igitur appetat , qualiter Deus spiritum nostrum in meditationibus alloquatur.

DISTINCTIO IV.

Qualiter spiritus humanus in itinere meditationis Deum alloquatur.

Quarto videndum est , qualiter spiritus noster , sive mens nostra , in meditationibus suis Deum se alloquentem alloquatur. Cum enim Deus , ut jam supra dictum est , spiritum sive mentem nostram in meditationibus quandoque tam amicabiliter et dulciter alloquatur , ut spiritus noster quasi admirando cum Propheta claret¹³ : *Quam dulcia fauicibus meis eloqua tua ! super mcl ori meo : condescens et necesse est , ut spiritus noster Deum , alloquentem se , humilietur et dulciter cum reverentia et cum gradiarum actione alloquatur , dicens cum Psalmista¹⁴ : Si immaculatus ero , erunt , ut complaceant , eloquia oris mei , quantum ad allocutionem exteriorem ; et meditationis cordis mei in conspectu tuo semper , quantum ad allocutionem interiorem.* De hac allocutione dicit Bernardus¹⁵ : « *Sicut quondam Moyses quasi amicus ad amicum cum Domino loquebatur , et Dominus respondebat , ita et nunc inter Verbum et animam , ac si inter duos vicinos , familiaris admodum celebratur allocutio. Nec mirum : ex uno enim fonte amoris unicui-*

¹ *Joan.*, xv. 6. — ² *Ibid.*, 15. — ³ *Chrys.*, in *Joan.*, hom. LXXVI, al. LXXXVII, n. 1. — ⁴ *Matth.*, v. 2, 3. —

⁵ *Apoc.*, III, 48. — ⁶ *Joan.*, XIV, 23. — ⁷ *Cant.*, v. 1. — ⁸ *Job*, IV, 12. — ⁹ *Greg.*, *Moral.*, lib. V, c. XVI,

statim a princ. — ¹⁰ *Ibid.*, lib. XV, c. XI. — ¹¹ *Apoc.*, II, 17. — ¹² *Cant.*, v. 6. — ¹³ *Psal.* CXVIII, 103. — ¹⁴ *Psal.* XVIII, 15, 16. — ¹⁵ *Bern.*, in *Cant.*, serm. XLV, in princ.

(a) *Vulg.* *susurrit*.

que influit diligere invicem, et confoveri pariter. Dulciora ergo melle volant hinc inde totius in se verba suavitatis, et mutui feruntur aspectus, sancti indices amoris, cum dicat alter in Canticis¹: *Ecce tu pulchra es, amica mea; et statim altera dicat: Ecce tu pulcher es, dilecte mi.* Ibidem: *Lectulus noster floridus.* » Ille illud.

Primo igitur de ista allocutione notandum est, quod Deus summe affabilis, ut spiritum sive animam ad hanc allocutionem animet et incitent, ipse prior alloquitur eam, dulciter invitando se ad alloquendum, dicens²: *Sonet vox tua in auribus meis, id est, desiderium tuum.* Et reddit illius rationem, dicens³: *Vox enim tua dulcis;* quia procedit a fonte dulcedinis inspiratae charitatis, et ex fonte candide et sapidae veritatis, ideo in spiritu et veritate sonent in auribus meis. Et quia verba tua exteriora dulcescunt ex dulcedine verborum interiorum, ideo⁴ *falus distillans sunt labia tua, quantum ad verba exteriora,* quia mel dulcis charitatis, et lac carentis veritatis sub lingua tua abscondita sunt quantum ad verba interiora; ideo dicit⁵: *Eloquium tuum dulce.*

Secundo de ista allocutione nota, quid sit os animae vel spiritus, et quid lingua quibus Deum alloquimur. Gregorius, quinto decimo *Moralium*⁶, dicit, quod os cordis, id est, animae, est meditatio sive cogitatio; alias Propheta non diceret⁷: *Labia dolosa, in corde et corde locuti sunt. Ex abundantia enim⁸ cordis os (a) loquitur,* tam spirituale, quam corporale, sive bonum, sive malum. Lingua vero spiritus, sive animae, quid sit, ostendit Bernardus dicens⁹: « Verbum Dei est spiritus, et anima est spiritus, et habent linguas suas, quibus sibi se alterutrum alloquantur, praesentesque indicent. Et Verbi divini lingua, est favor dignationis. Animae vero lingua, est fervor devotionis. » El sequitur ibidem: « Elinguis est anima atque infans, quem hanc non habet, et nullatenus potest illi esse sermocinatio cum Verbo Dei. Ideo cum Verbum hujusmodi linguam movet, volens ad animam loqui, non potest anima non scire, vel sentire ejus sermonem. Vivus est enim¹⁰ sermo Dei, et efficax, et penetrabilior omni gladio ancipiendi, pertingens usque ad divisionem spiritus et animae.

¹ *Cant.*, I, 14, 45. — ² Ibid., II, 14. — ³ Ibid., 14. — ⁴ Ibid., IV, 11. — ⁵ Ibid., 3. — ⁶ Greg., *Moral.*, lib. XV, c. v, post med. — ⁷ *Psal.* XI, 3. — ⁸ *Math.*, XII, 37. — ⁹ Bern., in *Cant.*, serm. XLV, post med. — ¹⁰ *Hebr.*, IV, 12. — ¹¹ Greg., *Moral.*, lib. II, c. iv,

Et rursus, cum sua verba movet anima, Verbum Dei multo minus potest latere, non propter hoc quia ubique praesens, sed magis propter hoc quod, nisi ipso stimulante, devotionis lingua minime ad loquendum moveretur. » Hæc omnia Bernardus, et Gregorius.

Tertio necessarium puto, circa istam allocutionem spiritualem, scire quid sint verba spiritus et animae, et qualiter diversimode Deum alloquatur (*b*) anima. De hoc dicit Gregorius, secundo *Moralium*¹¹, sic: « *Animarum verba sunt ipsa desideria. Nam si desiderium sermo non esset, Propheta non diceret*¹²: *Desiderium cordis eorum audivit auris tua.* Magnum desiderium est magnus clamor. Tanto ergo minus clamat quis, quanto minus desiderat; et tanto majorem vocem in aure circumscripsi spiritus exprimit, quanto se in ejus desiderio plenius fundit. » Inde dicit Augustinus, decimo libro *Confessionum*¹³, quod « *nihil corporale in spirituali allocutione imaginandum est.* » Unde Bernardus dicit¹⁴: « *Quoties legis vel auditus Verbum æternum et animam pariter colloqui, et se invicem intueri, noli imaginari corporeas voces, vel apparere corporeas imagines, quia hæc locutio Verbi est infusio doni, et responsio animæ est admiratio cum gratiarum actione.* » Hæc Bernardus. Sed Gregorius, secundo *Moralium*¹⁵, dicit: « *Vox animæ per distincta verba se explicat, dum se per innumeros modos admirationis format.* » Ideo notandum est, quod anima, sive spiritus humanus, secundum diversa desideria et diversos modos admirationis, diversimode Deum alloquitur in suis meditationibus; qui licet sint infiniti, tamen ad septem reducuntur. Quandoque enim eum animus alloquitur ut Deum, fideliter adorando, ut quando in meditationibus suis desideria sua in vera fide et sincera charitate soli Deo exhibet quod soli Deo debetur, quia *scriptum est*¹⁶: *Dominum Deum tuum adorabis, et illi soli servies.* Veri adoratores sunt¹⁷, qui eum *in spiritu et veritate* adorant, ita quod concordat cultus exterior interior. Soli autem Deo servitur, cum totus homo in Deum per intentionem ordinatur.

Secundo, ut Creatorem, vehementer admirando, ut quando cum stupore mentis divino-

ante med. — ¹² *Psal.* X, 17. — ¹³ Aug., *Conf.*, lib. X, c. II, in sensu. — ¹⁴ Bern., ubi sup. proxim. — ¹⁵ Greg., *Moral.*, lib. II, c. IV, ante med. — ¹⁶ *Math.*, IV, 10; *Deut.*, VI, 13. — ¹⁷ *Joan.*, IV, 24.

(a) *Cæt. edit. deest os.* — (b) *Cæt. edit. alloquitur.*

Animæ
in oratio-
ne mal-
tipliciter
loquitur
cum
Deo.

rum operum et factorum magnitudinem rimamur, per gradus admirationis ascendendo usque ad mentis excessum, ait Richardus¹, ut clamet cum Apostolo²: *O altitudo divitiarum sapientiae et scientiae Dei*, etc. Et Psalmista³: *Quam magnifica sunt opera tua, Domine!*

Tertio, ut Patrem, confidenter deprecando, ut quando desideria filialis necessitatibus ad paternam elementiam humiliter clamant, dicendo: *Pater noster, qui es in celis*, etc., in quo omnes petitiones nobis necessariae includuntur. Gregorius, vigesimo secundo *Moralium*⁴, dicit: «Vera postulatio non est in vocibus oris, sed in cogitationibus cordis. Valentiores voces apud secretissimas aures Dei non faciunt verba nostra, sed desideria petitoria.»

Quarto, ut Dominum, humiliter honorando, ut quando se inutilem reputans servum, nihil boni sibi ascribit, sed omnia a Domino, largitore omnium, se gratis recipere cognoscit. Unde Gregorius, sexto decimo *Moralium*⁵, dicit, sic recitans illud Psalmi⁶: *Dixi Domino; Deus meus es tu: quoniam bonorum meorum non eges*, et dicit: «Talis vere nobis Dominus est, qui homo servi non indiget, sed bona conferit.»

Quinto, ut judicem, horribiliter timendo, ut quando trepidis desideriis reatum et infirmitatem propriam cum confidentia infinitae misericordie insinuat, dicens illud Job⁷: *Loquar in amaritudine animae meae; ubi dicit Gregorius⁸: «Amaritudo praesentis poenitentiae extinguit supplicia sequentiæ iræ.» Quare confidenter dicit: *Noli me condemnare. (Si autem dicas: Non (a) condemnabo te; ergo) indica mihi cur me ita judices. Respondet dicens per Apostolum⁹: Cum a Domino judicanur, corripimur, ut non cum hoc saeculo dannemur.**

Sexto, ut socium, familiariter confabulando, ut quando anima, divina allocutione refecta, e converso seipsum cum gratiarum actione in fervore desideriorum socialiter se exhibet, et familiariter se alloquenter alloquitur. Quod autem societas possit esse inter Deum et animam, dicit Apostolus¹⁰: *Fidelis Deus per quem (b) vocati estis in societatem Filii ejus. Et Joannes¹¹: Si in luce ambulamus, sicut et ipse in luce est, societatem habebimus ad invicem. Quod autem*

mutuo se et socialiter alloquantur, patet supra¹², ubi dicitur, quod Deus quasi viator itineribus sese associat, et jucundissimis confabulationibus suis a labore vie relevat omnem hominem, et commutat, etc.

Septimo, ut sponsum, dulciter susurrando, ut quando, præ magnitudine amoris, occulta et intima desideria nec ad plenum formare valet, nec plene exprimere. Cum enim Dominus Deus cum anima susurrat (c), ut supra¹³ dictum est, necesse est ut anima cum Deo susurreat. Susurrium autem divinum, ut ait Gregorius, quinto *Moralium*¹⁴, est cum animam tam intima inspiratione alloquitur, ut per os carnis exprimi non possit. Sic et susurrium animæ est, ut cum ad intima sua reducta fuerit per divinum susurrium, concipiatur verba, quæ per os carnis exprimer non potest. Hoc autem susurrium non fit, nisi in silentio et in solitudine. Ideo dicit Dominus per Prophetam Oseam¹⁵: *Ducam eam in solitudinem, et ibi loquar ad cor ejus. Dicit autem in solitudinem, vocando eam ad sua intima, ut sola cum solo loquatur, in nullo impedita. Unde Canticorum ultimo dicit¹⁶: Fac me audire vocem tuam: ac si dicat: Ego intimus menti sum, tu autem exterius adhuc quasi longe distas, ait Vercellensis: et ideo vox tua, quasi exterior, minus audibilis; tanquam frigida, et adeo minus grata: et ideo fac me audire vocem tuam in intimis ardentissimorum desideriorum. Unde Vercellensis, expponens idem verbum, dicit: «Sponsus trahens se ad interiora supernarum allocutionum, ut animam ad interiora desideriorum provocet, et eo ferventiora desideria in ea suscitet, dicit: Fac me audire vocem tuam in intimis tuis. Non enim est sponso vox audibilior, quam fervens desiderium sui.» Hee ille. «Ex quo palet, ait Vercellensis, quod Dominus ostendit nihil nobis esse salubrius, nihil in nobis esse Deo iucundius, nihil in portione Mariæ esse perfectius, quam in fervore desideriorum ecstaticorum, in divinum radium extendorum, incessanter exerceri, semper in supernis jucundando in intima Dei allocutione.» Ibi audit verba arcana, quæ non licet homini loqui, ait Ilugo¹⁷, super *Angelam hierarchiam*.*

dist. III, huj. itin., pag. 410. — ¹³ Vid. ibid., per totum, pag. 410-412. — ¹⁴ Greg., *Moral.*, lib. V, c. xix et xx. — ¹⁵ Ose., II, 14. — ¹⁶ Cant., VII, 13. — ¹⁷ Hug., in cap. sept. *Angel. Hierarch.*, lib. VI, ante med. — (a) *Delend. Non.* — (b) *Cæt. edit. Fides est per quam.* — (c) *Item susurrexit.*

¹ Richard., de *Contempl.*, lib. II, c. 1, in princ. — ² Rom., XI, 33. — ³ Psal., CII, 24. — ⁴ Greg., *Moral.*, lib. XXII, c. XIII, ante med. — ⁵ Ibid., lib. XVI, c. 1. — ⁶ Psal., XV, 2. — ⁷ Job, X, 1. — ⁸ Greg., *Moral.*, lib. IX, c. XXIV, statim a princ. — ⁹ I Cor., XI, 32. — ¹⁰ Ibid., I, 9. — ¹¹ I Joan., I, 7. — ¹² Vid. sup.,

DISTINCTIO V.

Qualiter allocutio divina a nostra meditatione distinguatur.

Quinto, quia simillima sunt cogitata nostræ mentis sermonibus veritatis, ideo necesse est, ut arbitror, scire qualiter allocutio divina a nostra meditatione distinguatur. De quo notandum est, quod cum secundum Augustinum¹, de *Triptici Habitaculo*, allocutio Dei sit « divina inspiratio , qua mentibus nostris suam voluntatem et suam veritatem invisibiliter ostendit; » meditatio autem humana sit « studiosa mentis intentio ad investigandum veritatem, diligenter insistens cum labore, » ait Richardus², plenum est, quod meditatio humana ab allocutione divina multipliciter distinguatur.

Primo distinguuntur in hoc, quia allocutio divina praecedit et inchoato meditationem humanam. Dicit enim Apostolus, quod³ non sumus sufficientes cogitare aliquid ex nobis tanquam ex nobis: quanto minus sumus sufficientes aliquid meditari ex nobis, tanquam ex nobis! cum meditatio perfectior sit cogitatione, sicut dicit Richardus, libro primo, capite tertio. *Sufficientia autem nostra ex Deo est.* Unde Sapiens⁴: *Cor hominis phantasias patitur, nisi ab Omnipotente juvetur et illustretur.* Cui concordat Bernardus, sermone quadragesimo sexto⁵ super *Canticum*, ubi loquens de spirituali locutione, quæ fit in meditatione, dicit: « Lingua animæ est fervor devotionis. Et elinguis est anima, et infans, que hanc non habet, et non potest illi esse sermocinatio cum Verbo, et, nisi ipso Verbo divino stimulante, devotionis lingua nunquam ad loquendum movetur. » Nisi ergo allocutio divina, sive inspiratio, mentem ad meditandum excitet, et inspiret spiritui quid, qualiter, et quando de divinis sit meditandum, humana meditatio vana et inutilis remanet, quia in ea non exardescit ignis devotionis, sed ignis vanitatis et cupiditatis.

Secundo distinguitur, quia allocutio divina meditationem humanam instruit, et verificat. Allocutio enim divina ex inspiratione divina procedit a veritate infallibili, docens loqui et

meditari cœlestia, et supernatura ostendit, ut supra dictum est; meditatio autem oritur ex ratione humana, ut dicit Richardus, libro primo, capite tertio. Qualiter ergo ratio meditationem de cœlestibus instruet vel verificabit, cum ipsa sine inspiratione et unetione, quæ de omnibus docet, ut dicit⁷ Joannes, non possit se extendere ad supernaturales veritates, et ideo, circa talia, cœca et muta est? Qui enim⁸ de terra est, de terra loquitur. Super quibus verbis dicit Augustinus⁹, quod homini secundum se considerato, non convenit loqui nisi terrena. Talis enim ex propriis loquitur, et¹⁰ animalis homo non percipit ea, quæ Dei sunt. Talis¹¹ iniquitatem meditatus est in cubili suo, ait Psalmista, id est, in corde suo, de quo¹² exeunt furtæ, homicidia, etc. Divina autem allocutione adveniente et auditæ in interiori inspiratione, tota meditatio instruitur et verificatur. In inspiratione enim idem est dicere, et illuminare; audire, et videre: quia, sicut dicit Gregorius, secundo *Moralium*¹³, « quasi audiiri dicitur, quod videntibus inspiratur. Loquendo, veritas docetur; illuminando, veritas videtur. » Hæc ille. Experientia prædictorum palet, quia cum ex abundantia cordis os loquatur, tam cordis, quam corporis; de corde sic inspiratio non exeat cogitationes male, furtæ, homicidia, et cætera talia, sed meditationes odoriferæ, verba dulcia, ut talis anima dicere possit illud *Canticorum*¹⁴: *Fasciculus myrræ dilectus meus mihi, inter ubera mea commorabitur.* Dilectus *inter ubera*, id est in mea memoria, ait *Glossa*, commoratur per continuum meditationem, ut fasciculus myrræ, quæ corpora a putredine conservat, et vermes mortificat, ait *Vercellensis*: et ideo fasciculus myrræ signat suavissimam fragrantiam sanctorum meditationum de Deo, quæ mentem a putredine et corruptione mortalium preservat, et vermes, id est, offendicula meditationum mortificat. Talis meditationis eloquium est¹⁵ dulce.

Tertio patet distinctio inter allocutionem divinam et meditationem, quia allocutio divina meditationem humanam perficit et consummat. Dicit namque Dionysius¹⁶, quod bona naturalia perficiuntur per bona supernatura. De bonis autem naturalibus animæ dicit *Glossa* super

¹ Imo auctorem, quisquis ille sit, libri *de Tripl. Habit.*, c. v, statim a princ., inter Oper. S. Aug., append. tom. VI. — ² Richard., *de Contempl.*, lib. II, c. III. — ³ II Cor., III, 5. — ⁴ Ibid. — ⁵ Eccl., XXXIV, 6. — ⁶ Bern., in *Cant.*, serm. XLVI, post med. —

⁷ I Joan., II, 27. — ⁸ Joan., III, 31. — ⁹ Aug., in *Joan.*, tract. XIV, n. 8. — ¹⁰ I Cor., II, 14. — ¹¹ Psal. XXXV, 5. — ¹² Matth., XV, 19. — ¹³ Greg., *Moral.*, lib. XXII, c. IV, ante med. — ¹⁴ Cant., I, 12. — ¹⁵ Ibid., IV, 3. — ¹⁶ Dion., de *Cal. Hier.*, c. I.

principium *Canticorum* sic : « Omnes animæ motiones universitatis Conditor creavit ad bonum, scilicet æternum, ad quod tantum per se pervenire non poterant, nisi supernaturalibus bonis supernaturaliter perficerentur. » Unde dicitur ibidem : « Disce motus animæ tue et naturalis amoris incendium ad meliores transferre, » scilicet ad supernaturales perfectiones. Motus enim animæ tam intellectuales quam affectuales, inter Deum et animam, in meditationibus quasi quidam nuntii discurrunt, qui inutiles et indigni erunt in conspectu Dei, nisi lumine veritatis et fervore charitatis per divinum allocutum preveniantur; alioquin, si homo ex propriis loquatur, mendax invenitur. Hæc enim dona supernaturalia faciunt motus mentis, tam intellectuales, quam affectuales, dignos et acceptos in conspectu Dei, tanquam filias Iude et Hierusalem regem suum in decore suo viventes. De istis nuntiis loquens Richardus dicit sic : « Quotidie, ni fallor, qui meditationi et locutioni insistitis, Dei nuntios suscipitis. Quoties enim, ex abditis Scriptura recessibus, novos intellectus eriuimus, quid aliud quam quodam dilecti nostri nuntios recipimus? Illic sane negotio subservit omnis sacra lectio, sagaxque meditatio. Alii namque legentibus, alii meditationibus, divinorum secretorum internuntii occurunt, qui dilecti nostri ad nos mandata perferunt, et de singulis instruunt. Non enim decet amantes mutua studia, mutuaque in alterum desideria nescire, neque sufficit restuanti animæ ardente desiderio (a) scmel audire dilectum. Obsecro ergo : *Manda, remanda.*

Qualiter cognosci Nuntius mediis inter nos discurrat, qui me de posuit an aliquo singulis instruat, doceat me non solum super motio sit statum meum, sed et de statu tuo doceat, quomodo apud te sit, vel quid tibi de me placuerit. » Hæc ille.

Sed qualis differentia inter nuntios veros, et falsos sit, et quomodo cognoscamus, docet Richardus dicens sic : « Divinus nuntius procul dubio est, per quem divine voluntatis beneplacitum cognoscimus, per quem ad æternorum cognitionem illuminamur, per quem ad æternorum desiderium inflammamur. » Hæc ille. Ex quo patet istorum nuntiorum differentia. Nuntiantes enim nobis quæ sunt contra Dei vo-

luntatem, vel de mundanis, vel de his quæ sunt carnis, sunt falsi nuntii, quæ carnis sunt sentientes, quia caro et sanguis revelavit eis. Alii vero sapiunt quæ Dei sunt, quia Pater revelavit eis : ergo ⁵ ex fructibus eorum cognoscetis eos. ⁶ *Aqua frigida animæ sittenti, bonus nuntius de terra longinquæ.*

Sed Bernardus aliter distinguit inter allocutionem divinam, et meditationem humanam, dicens ⁷ : « Sunt quedam verba nostri sponsi ad nos, nostra meditationes de ipso et de ejus gloria, elegantia, potentia et majestate : et non solum hæc; sed et cum versamus avida mente testimonia ejus, et judicia oris ejus⁸, et in lege eis meditamus die ac nocte, sciamus pro certo adesse Sponsum, atque alloqui nos, ut non fatigemur laboribus, sermonibus delectati. Tu ergo cum tibi talia volvi animo sentis, non tuam putes cogitationem, sed illum agnosce loquentem, qui apud Prophetam dicit ⁹ : *Ego qui loquor justitiam.* » Sequitur : « Similia enim sunt cogitata nostræ mentis sermonibus veritatis in nobis loquentis, nec facile quis discernit, quid intus cor suum portet (b), quidvde intus audit, nisi qui prudenter advertit Dominum in Evangelio loquentem, quia ¹⁰ de corde exeunt cogitationes mala, et illud ¹¹ : *Quid cogitatis mala in cordibus vestris?* et : Loquitur mendacium ¹², qui de propriis loquitur. Apostolus autem ¹³ : *Non sumus sufficientes, inquit, cogitare aliquid ex nobis tanquam ex nobis, subaudi, bonus, sed sufficientia nostra ex Deo est.* » Sequitur : « Cum ergo mala in corde versamus, nostra cogitatio est; si bona, sermo Dei est. Illa cor nostrum dicit; haec audit, si bona sunt. *Audiam, ait Propheta* ¹⁴, *quid loquatur in me Dominus Deus, quoniam loquetur pacem in plebe suam.* Itaque pacem, piетatem, justitiam Deus in nobis loquitur, nec talia nos cogitamus ex nobis, sed in nobis audiimus. Cæterum homicidia, adulteria, furtæ, blasphemiae, et his similia, de corde exeunt, nec illa audiimus, sed ea dicimus. » Sequitur : « Fiant tameñ quandoque in cordibus ¹⁵ immisiones per angelos malos, ut in cor Iude ¹⁶ misit diabolus, etc.; nec talia de corde exeunt, sed ei immittuntur. Quid autem in his tribuatur cordi, vel quid hosti, et quando, incertum est

¹ Richard., *de Contempl.*, lib. IV, c. XIV, ante med.

² Ibid., c. XIII, ante med. — ³ Isa., XXVIII, 10. —

⁴ Richard., ibid., lib. V, c. XIII, ante med. — ⁵ Matth., VII, 16. — ⁶ Prov., XXV, 25. — ⁷ Bern., *in Cant.*, serm.

XXXII, ante med. — ⁸ Isa., LXIII, 1. — ⁹ Matth., XV, 19.

— ¹⁰ Ibid., IX, 4. — ¹¹ Joan., VIII, 44. — ¹² II Cor., III, 5. — ¹³ Psal. LXXXIV, 9. — ¹⁴ Psal. LXXVII, 49. —

¹⁵ Joan., XIII, 2.

(a) *Cæt. edit.* desideria. — (b) *Cæt. edit.* portat.

mihi; sed hoc quidem sine periculo est. » Sequitur: « Sed sane aliud est, ubi periculose, imo damnabiliter erratur, atque ubi certa regula praesigitur, ne quod Dei est in nobis, demus nobis, putantes Verbi visitationem, nostram cogitationem. Quantum ergo distat bonum a malo, tantum distant ista duo a se: quoniam nec de Verbo malum, nec de corde exit bonum, nisi forte quod prius de Verbo concepit. Sciant enim inimici gratiae, absque gratia nec ad cogitandum bonum sufficere cor humanum: sed sufficientia ejus ex Deo est. Et sciant qui cogitant bonum, vocem Dei esse, non cordis problem existere. Vide autem quoniam verbum Dei quod egreditur de ore Dei, non revertatur ad eum vacuum, sed prosperatur, et facit omnia ad quae misit illud, ut dicere possis et tu¹: *Gratia Dei in me vacua non fuit.* » Sequitur: « Felix mens cui individuus comes ubique se affabiliem praebet, cuius indesinenter oblectata suavitate facundiae, a carnis molestiis et vitiis sese vendicat, omni hora redimendo tempus a diebus malis, quoniam talis non conturbabitur, siue dicit Scriptura², *quidquid acciderit ei.* » Hæc omnia Bernardus.

DISTINCTIO VI.

Qualiter spiritus humanus per iter meditationis aeternitatem Domini ingrediatur.

Sexto videndum est, qualiter spiritus noster in itinere studiosæ meditationis intrinsecum secretum, aeternum manerium Domini Iesu ingredi conetur (a). Circa quod notandum est, quod cum Verbum aeternum se spiritui nostro in meditatione sua, quasi quendam viatorem, jucundissimis confabulationibus associet ipsum de temporalibus abstrahendo, de aeternis instruendo, ad aeterna invitando, ut ex predictis patere potest, ideo necesse est, ut spiritus noster temporalia fugiat, quia ex hoc aeternis appropinquat, et ad interiora deserli cum Moyse intrat, ut de aeternis audiat, in solitudine meditationis assidua permaneat, in aeterna introeatur, et cum Apostolo Paulo *conversationem*³ *in celis* habeat, ut cum Psalmista dicere possit⁴: *Ecce elongavi fugiens, et mansi in solitudine.* Quod verbum exponens Bernardus, super *Cantica*, dicit sic⁵: « Non fuit contentus exire, nisi et longe se

faceret, ut quiescere posset. Et si transilisti carnis oblectamenta, ut minime jam obedias concupiscentiis ejus, nec tenearis illecebris et curis, perfecisti et separasti te, sed nondum te elongasti; nisi et irruentia undique phantasmata corporearum similitudinum, transvolare mentis puritate prævaleas. Hucusque noli tibi promittere requiem. Erras, si circa te invenire aestimas locum secretum quietis et solitudinis, secretum luminis et habitaculum pacis. » Hæc Bernardus.

Sed nota, quod hæc solitudo meditationis in mente est humana, ut dicit Gregorius, quarto *Moralium*, dicit enim⁶: « In solitudine manere, est a secreto cordis terrenorum desideriorum tumultus expellere, et in una intentione aeternæ patriæ, amorem intimæ quietis anheлare. » Sequitur: « A tumultu rerum temporaliū magnum quemdam secessum petierat, quietam mentem, in qua tanto verius Deum cerneret, quanto hunc cum se solo solum inventiret. » Hæc ille. Unde Psalmista manens in solitudine illa, ait⁷: *Expectabam eum, qui salvum me fecit a pusillanimitate spiritus et tempestate.* In quibus verbis dicit Propheta se a duobus malis liberatum in solitudine, quæ consueverunt impeditre ambulantes in tenebris aeternitatis, scilicet a pusillanimitate spiritus, et tempestate. Primum est interius, secundum est exteriorius. Primum, scilicet pusillanimitas, est ex defectu fidei: ex quo omnia interiora impedimenta oriuntur, quia spiritus sine fide infirmus est usque ad mortem. Ab hac pusillanimitate in solitudine tantum salvatus fuit, ut dicat⁸: *Quoniam in te eripiar a tentatione, et in Deo meo transgrediar murum.* Quod Gregorius exponens, vigesimo sexto *Moralium*⁹, dicit: « Murus est omne quod itineri nostro objicitur ne ad Deum, quem diligimus, transeamus: sed murum transgredimur, cum prae amore illius omnia muudi delectamenta calcamus. »

Secundum, scilicet tempestas, est ex defectu charitatis, ex quo oriuntur impedimenta itinerantium ab exteriori, quia omnis tempestas exterior frequenter generat interiore, nisi adsit charitas, quæ omnia suffert. Ab hac tempestate in solitudine Psalmista tantum liberatus fuit, ut diceret¹⁰: (Quoniam in solitudine expectabam), perfecit pedes meos tanquam cervorum.

med. — ¹ *Cor.*, xv, 10. — ² *Prov.*, XII, 21. — ³ *Philip.*, III, 20. — ⁴ *Psal.* LIV, 8. — ⁵ Bern., in *Cant.*, serm. LI, circa med. — ⁶ Greg., *Moral.*, lib. IV, c. XXVIII, circa

(a) *Cœl. edit.* conatur.

Quod Gregorius, vigesimo sexto *Moralium*¹, exponens dicit: « Electorum mentes cervi dicuntur, dum quæque, que in hoc mundo obviantia, obsistere sibi conspicunt, contemplationis saltu transcendunt, et more cervorum, despctis terrenarum rerum sentibus, in superna, id est aeterna, se evehunt. » Hæc ille. Igitur in hac meditatione solitaria, sola cum solo secure manet, a temporalibus abscondita, aeternis veritatis, meditatione fidei et charitatis fervore vivificata et stabilita. Quod etiam Hugo, lib. secundo de *Area Noe*, ostendit, dicens²: « Si per studium meditationis assidue cor nostrum inhabitare coeperimus, jam quodammodo temporales esse desistimus, et quasi mortui mundo facti, intus cum Deo vivimus; tunc quidquid fortuna extra molitur, facile contemnimus, quia ibi fixum est nostrum desiderium, ubi mutabilitati non subjacemus. » Ecejam studiosa mentis meditatio in tantum se exercuit et perfecit, quod in contemplationem transivit. Et hoc est, quod dicit Richardus³: « Veritatem per meditationem diu quæsitam, tandem inventam, mens solet cum aviditate suscipere, mirarique eum exultatione, ejusdem quoque admirationi diutius iuhæret: et hoc est jam meditando meditationem excdere, et per meditationem in contemplationem transire, siue etiam cogitatio quandoque in meditationem transit. » Hæc ille. Ex his apparet, quomodo spiritus humanus per meditationem aeternorum a temporalibus recepit, et aeternis iuhæret, ut dicit eum Apostolo⁴: *Nostra conversatio in cælis est*; et cum Psalmista⁵: *Transivimus per ignem et aquam, et eduxisti nos in refrigerium.*

DISTINCTIO VII.

Qualiter spiritus humanus, ad veniendum per iter meditationis ad aeternitatem, a Jesu invitetur (a).

Septimo videndum est qualiter spiritus humanus, ad veniendum per iter studiosæ meditationis, ad intrinsecum et aeternum Domini Jesu secretum, ab ipso dulciter invitetur (a), dicente (b) Sponse in Canticis⁶: *Sarge, propera,*

¹ Greg., ubi sup. proxim. — ² Hug., de *Arc. Noe*, lib. II, c. i, ante med. — ³ Richard., ubi sup., lib. I, c. iv. — ⁴ Philip., III, 20. — ⁵ Psal. LXV, 12. — ⁶ Cant., II, 10. — ⁷ Ibid., II. — ⁸ Psal. XXXVIII, 4. — ⁹ Hug., de *Arc. Noe*, lib. IV, c. iv, post med. —

amica mea, columba mea, formosa mea, et veni. Cujus invitationis subjungit affectivum, dicens: *Veni*, quia jam est itinerandi optata facilitas. Jam enim¹⁰ *inber* curæ temporalis distrahit et impeditis ambulantes in itinere meditationis *abiit et recessit*, et quia pluvia aestivalis descendit, et venit in vellus virgineum, colligendo dispersiones meditationum, ad congregantis Patris unitatem, et simplicatam aeternitatem. Dicit ergo animam invitando: *O amica mea*, propter meditationis tuae amorosam assiduitatem, que est incentiva amoris, quia in ea *exadscit ignis*, ait¹¹ Psalmista. Quod Hugo, libro quarto de *Area Noe*⁹, exponens dicit: « Sieut ligna ignem nutrunt, sic cogitationes sive meditationes desideria paseunt. » Quare in *Canticis* dixit Sponsa meditatrix aeternorum¹⁰: *Faseiulus myrræ, dilectus meus mihi: inter ubera mea commorabitur*; id est, in memoria mea, ait Glossa, sive meditatione (c). Surge per meditationis tuæ extensionem a temporalibus in aeternitatem, ut primo egrediaris cum Isaiae¹¹ in agrum ad meditandum; secundo extendas te in cælum cum Apostolo¹² ad conversandum. *O columba mea*, propter meditationis tuae columbinam simplicitatem: ait Isaías¹³: *Meditabor ut columba*. Vercellensis dicit, quod columba habet simplicem intuitum, et signat puram et simplicem intelligentiam. Ex pura autem et simplici intelligentia oriuntur pure et simplices meditationes, que sunt Deo gratissimæ. *Propera*, per meditationis tuae agilitatem: quam agilitatem desiderabat, qui dixit¹⁴: *Quis dabit mihi pennas sicut columbae, et volabo, et requiescam?* Quam agilitatem obtinuit, cum dixit¹⁵: *Si ascendero in cælum, tu illuc es; si descendero ad infernum, ades. Si sumpsero pennas meas diuiculo*, etc. *O formosa mea*, propter meditationis tuae pulchritudinam puritatem. Meditationis enim sedula exercitatio circa aeterna, mentem purificat, a temporalibus abstrahendo, et eam pulchritudinat, et formosam facit, ad aeterna extendendo, ut eum Psalmista dicit¹⁶: *Meditatus sum in nocte, scilicet temporalium: exercitabar, me ad aeterna extendendo: et scopebam spiritum meum, non solum a temporalibus fugiendo, sed etiam umbras temporalium similitudinum et imaginum*

¹⁰ *Cant.*, I, 12. — ¹¹ *Gen.*, XXIV, 63. — ¹² *Philip.*, III, 20. — ¹³ *Isa.*, XXVIII, 14. — ¹⁴ *Psal.* LIV, 7. — ¹⁵ *Psal.* CXXXVIII, 8. — ¹⁶ *Psal.* LXXVI, 7.

(a) *Cæt. edit. invitatur.* — (b) *Item dicens.* — (c) *Item meditationum.*

omnino abstergendo. De hac extensione ad æternitatem dicit Augustinus¹: « Mens quanto magis se extendit ad illud quod æternum est, tanto magis se extendit ad illud quod formatur ad imaginem Dei, et ideo querenda est facies Dei semper, ut imago magis reformetur, donec, secundum Apostolum², in eamdem imaginem transformetur, ut dicat illi Deus illud Cantorum³: *Quam pulchra es, etc.* *Veni* igitur ad meum intrinsecum, et⁴ *intra in gaudium Domini tui; veni* jam ingressa, ut amplius ingrediaris, quia post me ingredi non cessabis. Et hujus amorosæ invitationis subjungit amoro-
qua⁵ allæctivum, dicens: *Surge* velociter et *veni*, exponens abiit et recessit. Quod Vercellensis corlo fugiens, et Imber est aqua hiemalis a-
cians, et in multas guttæ⁶ corrucns, frigefac-
generans, et itinerantes impedit dividens, lutum
affectum curæ temporalis, quia in⁷ et signat
et deorsum trahit, et quasi justa nece⁸sum
mentem retrahit a suspendio spirituali in æterna
spectacula, et ad sollicite tractanda negotia ter-
rena velenenter urget: unde spiritualis mentis
fervorem sepe tepefecit, vel etiam totaliter extinguit, licet quidam perfectissimi inter majores
exemplo angelico præcedant, et incedant rec-
ti (c), inferius agant (d) sursum eructi, scilicet
per rectam et devotam intentionem. Iste imber
est vitandus in usu et intentione. » Hæc ille. Sed
quia iste imber, sive aqua hiemalis, abiit et
recessit, et imber æstivalis, sive aqua sapientiae
salutaris, advenit, quæ iter meditationis nostra
ab æternis non impedit, sed promovet, dirigit
et perficit, ideo *veni*. Nam hæc aqua æstivalis
spiritum tuum in meditationibus ad veniendum
ad meam æternitatem sursum erigit, ad meam
æternitatem salire facit, ad meam æternitatem
introducit. Unde dicit Jesus, *sol aestivus*⁹: *Aqua*
quam dabo ei(e) fiet in eo fons aquæ salientis in vitam
æternam. In his verbis veritas innuit, quod aqua
æstivalis a fonte vite oritur, quia¹⁰ apud Deum
est *fons* vite, ut ait Psalmista, et ideo meditationem
nostram sursum trahit per desiderium
æternorum. Quare Psalmista dicit¹¹: *Sitivit anima*
mea ad Deum fontem (f) vivum. Secundo in-
nuit, quod aqua æstivalis spiritui nostro ad ve-
lociter veniendum per meditationem multipli-

citer cooperatur, tum quia situm spiritus, itinerantis ad æterna, quoad temporalia extinguit: quia aqua illa fiet in eo sive aquæ fluentis per omnes vales animæ. Qui autem intra se habet fontem, sitire non potest, ait Chrysostomus *. Ille spiritui itineranti ad æterna vigorem tribuit, quia est aqua saltare faciens. Tertio aqua hoc æstivalis spiritum itinerantem reformat et perficit, quia ad vitam æternam introducit, quia non saltat ad temporalia, sed salit in vitam æternam, ut dicitur hic. Ad quam vitam nos perducat Pater et Filius, et Spiritus sanctus, unus Deus benedictus in sæcula seculorum. Amen.

DE TERTIO ITINERE ÆTERNITATIS.

QUOD EST ÆTERNORUM LIMPIA CONTEMPLATIO (a).

Tertium iter aeternitatis, per quod spiritus humanus venit ad intrinsecum et aeternum manerium Jesu, est aeternorum limpida contemplatio. Ad ejus itineris maiorem potissimum sep-

Primum ordinem sunt notanda.

quare iter meus sit istius itineris necessitas, et

Secundum est, quæ immedie sequatur (*h*).
liter descriptio eius intelligentia et qua-

Tertium est , qualiter contemp-
tione , meditatione , speculatione et cogita-
visione distinguitur.

Quatum est, qualiter contemplatio secundum diversos gradus diversimode a diversis dividatur.

Quintum est, quantum jucunditatem spiritus humanus in itinere contemplationis exercitum.

Sextum est, qualiter per iter contemplationis
eminitur status.

Septimum est, qualiter spiritus humanus, ad

DISTINCTIO I.

*Quæ sit necessitas itineris contemplationis, et quare
immediate sequatur iter meditationis.*

Primo igitur videndum est, quæ sit necessitas istius itineris, scilicet contemplationis æternæ plati-

(a) *Cæt. edit.* significet.—(b) *Cæt. edit. deest*, in.—
 (c) *Cæt. edit. crecti*.—(d) *Item agunt*.—(e) *Item ego do*.—(f) *Vulg. forteum*.—(g) *Cæt. edit. non habent quod est æternorum limpida contemplatio*.
 —(h) *Cæt. edit. sequitur*.—(i) *Cæt. edit. invitatur*.

meditationis. norum , et quare immediate iter meditationis sequatur. De quo sciendum , quod cum meditatione aeternorum sit quedam investigatio et inquisitio , cum magna animi industria , veritatis aeternorum , nec ab inquisitione desistat , donec quod queritur , inveniat quantum potest ; planum est , quod spiritus humanus per ipsam meditationem in aeternis non figitur nec quietatur , donec per contemplationem ei ostendatur , quod per meditationem queretur . Sed quam cito quae situm invenitur , et spiritus illi quasi acquiescendo cum admiratione inhaerere coepirit , tam cito meditatio esse desinit , et in contemplationem transit . Ait Richardus ¹ : « Per meditationem veritatem diu quesitam , tandem inventam , mens solet cum aviditate suscipere , mirari cum exultatione , ejusdem quoque admirationi diutius inhaerere : et hoc est jam meditationem meditando excedere , et per meditationem in contemplationem transire . Proprium est enim contemplationi , jucunditatis sue spectaculo ² admiratione inhaerere ; meditationi posteriora prius est , sua promotione semper patre potest tendere . » Haec ille . Ex his ³ motus meditationis itineris necessarius utilis permaneret sine nis imperfectorie contemplationis , cum meditermino . Atque et transeat in contemplationem , talium in illud quod perfectius est . Ex his etiam patet ordo istius itineris contemplationis ad iter meditationis : ex quo studio meditationis , spiritus hamanus surgit in iter contemplationis , ut ait Richardus ; et per veritatis contemplationem homo convertitur ad justitiam , et confirmatur ad gloriam : et sic patet primum .

DISTINCTIO II.

Quid sit contemplatio , et qualiter descriptio ejus intelligatur .

Contemplationis diffinitio. Secundo videndum est , quid sit (a) contemplatio , et qualiter descriptio ejus intelligatur . De quo notandum est , quod contemplatio , secundum potissimum statum , est actus intellectus non impediti , gratia sanati , in aeterna spectacula directi , cum admiratione suspensi . Sic videtur Richardus contemplationem describere , dicens sic ⁴ : « Contemplatio est libera mentis perspicacia , in sapientiae spectacula admiratione suspense (b) .

(a) *Cat. edit.* est . — (b) *Item* cum admiratione suspensa . — (c) *Vulg.* facit peccatum .

In hac descriptione innuantur quatuor , quae Cont. plar. bas. t. inor. nece. ris. contemplantibus sunt necessaria . Primum est liber contemplationis motus , ab omnibus exoneratus , et in nullo impeditus , ut Richardus ibidem dicit : « Contemplatio libero quadam motu , et secundum spontaneum nutum , huc illucque circumfertur , et nullo difficultatis obstaculo a discussionis sue impetu impeditur , quin contemplanda contempletur , quantum potest . » Ex hoc appareat , quod spiritus contemplativus debet esse sine peccato , quia ⁵ qui peccat (c) , servus est peccati , et vinculis eius ligatur , ne sursum feratur . Debet etiam esse ⁶ iuga a desiderio et cura temporalium , quod dimittitur , dure servitus . Liber autem spiritus , ab appetitione quando , calcatis terrenis , certitate mentis exonationis temporalium ⁷ , tertio *Moralium* . ratus . Haec ⁸ , quod necessarium est contemplatio .

Secundum , quod hic ponitur in descriptione , est quod oculus contemplationis sit perspicax , id est , gratia sanatus . Dicit enim Hugo ⁹ commentator super *Angelicam Hierarchiam* , quod triplex est oculus . « Est enim oculus carnis , quo videt homo ea que sunt extra se ; et oculus rationis , quo videt homo ea que sunt intrase ; et oculus contemplationis , quo videt homo ea que sunt supra se . Oculus carnis apertus est ; oculus rationis lippus , et oculus contemplationis clausus est . » Haec ille . Igitur necesse est , ut oculus contemplationis perspicax sit , et sanetur . Oportet igitur scire quatuor : primo , quid oculus contemplationis dicatur ; secundo , qualiter oculus sanetur ; tertio , quid sit aspectus ejus ; quarto , quid sit visio ejus . Haec quatuor dicit auctor de *Spiritu et Anima* ¹⁰ , omni animae necessaria esse , et ostendit quodlibet eorum , dicens : « Spiritus dicitur mens rationalis , ubi est quedam scintilla tanquam oculus animae , ad quam pertinet imago et cognitio Dei . » Sequitur : « Oculus ergo animae est mens ; et haec ab omni labe corporis debet esse pura , et tunc est sana . Mentalis autem aspectus est ratio ; intellectus vero , visio . Haec omni animae necessaria sunt , id est , ut oculos habeat , et sanos , ut aspiciat et videat . » Sequitur : « Sanos oculos habet , cum ab amore talium cupiditatum purgata est atque remota , scilicet ab imaginibus . Aspicit , cum in Dei lumine oculos figit ; sed videt , cum in ista

¹ Richard. , *de Arc. Myst.* , lib. I , c. iv . — ² Ibid .

³ Joan. , VIII , 34 . — ⁴ Hug. , in cap. sept. *Angel Hier.* , lib. III , post med . — ⁵ *De Spir. et Anim.* , c. x .

contemplatione conspicit, quanta sint gaudia, quanta letitia, quanta serenitas, quanta jucunditas. Sanitas facit illam securam; aspectus, rectam; visio, beatam, qui (a) est finis aspectus. » Hæc ille. Iste est oculus contemplationis, de quo dicit Sponsus¹: *Vulnerasti cor meum in uno oculorum tuorum*, id est, tua intelligentia simplificata penetrasti omnia pertingendo ad cor meum, et propter te vulneratum fuit ex amore intimo quo dilexi te.

Tertium, quod ponitur in descriptione contemplationis, est quod oculus contemplationis in spectacula sapientie eternæ sit directus: quod notatur per hoc quod dicitur, *in sapientia spectacula*. Ex hoc autem patet, quod Richardus hic non accipit contemplationem ut est actus intellectus precise, sed etiam ut saporosam dilectionem includit. Nam sapientia a *sapore* dicitur, ut dicit Bernardus², et objectum sapientiae principale et primarium est ipse Deus, sub ratione qua verum est excitativum voluntatis ad ejus saporosam dilectionem: et actus sapientiae est contemplari Deum, non quocumque modo, sed ex dilectione, cum quadam experimentali suavitate in affectu. Igitur spectacula sapientiae sunt cognitio veri, et amor sive sapor boni. Dicit enim Linconiensis, quod «sapientia oritur ex amore, quæ prorumpit in lumen cognitionis et saporem gustationis, sicut ex calore prorumpit lux et flamma. » Hæc ille. Actus igitur contemplationis duo includit, scilicet cognitionem, et saporosam dilectionem: et dilectio adjuvat cognitionem. Unde secundum mensuram dilectionis, dispensatur et modus manifestationis, ait Richardus.

Quartum, quod ponitur in descriptione contemplationis, est mentalis suspensio ex admiratione causata: et notatur in hoc quod dicit, *admiratione suspensa* (b). De hæc admiratione dicit Richardus, libro quinto *de Arca mystica*, cap. nono³: «Ex novitate rei quæ est supra spem et nostram estimationem oritur admiratio, ex admiratione autem accessit attentio, et ex attentione cognitionis, et ex his mentis suspensiō; » quia, sicut dicit ibidem: «Dum humana intelligentia, divino lumine irradiata, intelligentium contemplatione suspenditur, dum in eorum admiratione, ad modum auroræ, distenditur, quanto semper ad altiora vel ad mirabi-

liora ducitur, tanto amplius tantoque copiosius ad modum auroræ dilatatur. Unde quanto ab insimis fit remotior, tanto semetipsa purior, et ad sublimia subtilior invenitur. Ex quo sequitur, quod tanto in superioribus diutius suspenditur, quanto a retrahentibus dilatatur et elongatur. » De hoc suspensio dicit Job⁴: *Suspenditum elegit anima mea*. Quod Vercellensis expōnens, dicit sic: «Suspenditum illud est extensio mentis in eterna spectacula, ut, cum fieri potest, nunquam ex intentione voluntatis, sed sola interpellatione necessitatis, acies inde flecat, ut dicit Psalmista⁵: *Oculi mei semper ad Dominum*,

DISTINCTIO III.

Qualiter contemplatio differat a cogitatione, meditatione, speculatione, et ab intuitiva visione.

Tertio videndum est qualiter contemplatio differat (c) a cogitatione, meditatione, speculatione, et ab intuitiva cognitione: hæc enim quemdam ordinem et gradum habent inter se. Nam cogitatio, quæ oritur ex imaginatione, transit et terminatur in meditationem. Meditatio, quæ oritur ex ratione, transit et terminatur in speculationem. Speculatio, quæ partim oritur ex ratione, et partim ex intelligentia, transit et terminatur in contemplationem. Contemplatio autem, quæ oritur ex intelligentia, transit et consummatur in intuitivam cognitionem. Hæc enim omnia in hoc conveniunt, cum fuerint ordinata, quod dirigunt in divinum aspectum, sed tamen differenter: et hæc differentia prædictorum quatuor a contemplatione, potest cognosci per quatuor, quæ in contemplationis distinctione ponuntur, quam Richardus ponit in libro primo, capite quarto.

Primo differt contemplatio a cognitione per hoc, quod in descriptione contemplationis ponitur, quod sit libera. Unde Richardus, libro primo *de Arca mystica*, capite tertio, dicit sic: «Contemplatio libero volatu, quocumque eam fert impetus, mira agilitate circumfertur. Cogitatio autem per devia quæque lento pede, sine respectu perventionis, passim hue illuc vagatur. » Et quia cogitatio ex imagiuatione oritur, ideo quandoque sine ratione movetur, ut dicit Richardus: et ideo minus libera est, quam con-

¹ Cant., iv, 9. — ² Bern., de Jass. Dom., c. XLV, circ. med. — ³ Richard., de Contempl., lib. V, c. IX; hi enim libri Benjamin. majoris, vel de Contempl.

⁴ Job, vii, 15. — ⁵ Psal. XXIV, 15. — (a) Cœl. edit. quæ. — (b) Item sus- pensa. — (c) Item differt.

templatio, quæ ex intelligentia procedit et oritur; immo cogitatio rationi subjicitur, quæ est infra intelligentiam, et per eam regitur. Unde Gregorius, libro primo *Moralium*¹, sic dicit: « Cogitationes ad modum ancillarum rationi subjiciuntur: quia si a domo mentis ad momentum ratio discedat, quasi absente domina, cogitationum se clamor, velut garrula ancillarum turba, multiplicabit: ut autem ratio ad mentem redierit, mox se confusio tumultuosa compescit, et quasi ancillæ ad junctum opus se tacito reprimunt, dum cogitationes protinus se causis propriis ad utilitatem subdunt. » Hæc Gregorius. Et sicut Richardus libro primo, capite quarto, dicit: « Si cogitatio quandoque ratione moveatur, ut ad cognoscendum aliquid ambiat, et ad hoc vehementer et fortiter insistat, jam non est cogitatio; sed modum cogitationis cogitando excedit, et cogitatio in meditationem transit. »

Secundo igitur sciendum est, quod contemplatio etiam differt a meditatione per hoc, quod in descriptione contemplationis ponitur, quod ipsa est mentis perspicacia. De quo sciendum est, quod perspicacia est actus intelligentiae. Intelligentia autem, ut dicit auctor libri de *Spiritu et Anima*², « est ea vis animæ, que supponitur Deo immediate, qua de divinis, quantum homini possibile est, cognoscitur. » Sed, sicut dicit Richardus³, ex intelligentia oritur contemplatio, ex ratione autem oritur meditatio; » et ex hoc ipse ostendit, quantum contemplatio excedat meditationem: ex quo patet etiam differentia eorum. Unde Richardus dicit sic: « Ecce tria, imaginatio, ratio, intelligentia. Inter hæc intelligentia obtinet supremum locum, imaginatio infimum, ratio medium: et omnia quæ subjacent sensui inferiori, necesse est ea subjacere sensui superiori; sed non e converso. Unde constat, quod enuncta que imaginatio vel ratio comprehendit, sub intelligentia cadunt, et etiam illa, que nec imaginatio vel ratio comprehendit. » Sequitur: « Vide quam late contemplationis radius se expandat, qui omnia illustrat, et quomodo contemplatio sub uno visionis radio, ad innumerâ se extendit. » Sequitur: « Per intelligentiam siquidem sinus mentis in immensum expanditur, et contemplantis animi acies acutur, ut capax sit ad multa com-

prehendenda, et perspicax ad subtilia penetranda. » Hæc ille. Et propter hoc dicit Richardus ibidem, quod meditatio in contemplatione transit, tanquam in illud quod perfectus est, id est, in aliquem gradum contemplationis, qui dicitur speculatio, qui non est perfectus gradus contemplationis, licet unum pro alio ponatur, ut patet.

Tertio sciendum est, quod contemplatio differt a speculatione per hoc, quia in descriptione contemplationis ponitur, quod fertur in sapientiæ spectacula. De quo nota, quod secundum Augustinum⁴, libro quinto decimo de *Trinitate*, speculatio dicitur, cum aliquid non in se, sed per imaginationem suum videtur, et in ænigmate, id est, obscuræ. Richardus, libro quinto de *Arca mystica*⁵, dicit: « Quamvis contemplatio et speculatio pro invicem soleant poni, et in hoc sœpe Scriptura sententiae proprietatem obnubilant et involvant; aptius tamen et expressius speculationem dicimus, quando per speculum cernimus; contemplationem vero, quando veritatem sine aliquo involuero umbrarumque velamine in sui puritate videmus. » Unde Hugo, in septimum *Angelicae Hierarchiæ*, dicit⁶: « Dionysius vocat simplices fulgores, puras illuminationes devenientes ad primas contemplationes. Pura illuminatio est, quando veritas per se ipsam concipitur. Pura contemplatio est, quando veritas in seipsa, non per subjectam imaginem videtur. » Hæc ille. Ex quo apparet, quod contemplatio, in speculationem sapientiæ, clariorem aspectum habet, quam speculatio, et gustum sapidiorem. Unde Richardus, ibidem exponens illud⁷: *Montes exultaverunt ut arictes, et colles sicut agni ovium*, dicit: « Colles ad agnorū similitudinem exulant, quando immensu illa intime solemnitatibus tripudia eos usque supra semetipsos levant, ut celestium secretorum arcana, saltem per speculum in ænigmate, videre valeant; montes vero quasi ad instar arietum exulant, quando majores in jucunditatis sua excessibus, in pura et in simplici veritate vident, et minores, ut jam dictum est, vix per speculum in ænigmate videre valent. » Hæc ille. Expedit etiam scire, quod Linconiensis commentator Dionysii, loquens de speculis spiritualibus, super tertium *Angelicae Hierarchiæ*, dicit, quod specula spi-

¹ Greg., *Moral.*, lib. III, c. xi. — ² *De Spir. et Anim.*, c. xi. — ³ Richard., *de Arc. Myst.*, lib. I, c. iii. — ⁴ Aug., *de Trinit.*, lib. XV, c. XIII. —

⁵ Richard., *de Arc. Myst.*, lib. V, c. XIV, circa fin. — ⁶ Hugo, in cap. sept. *Cal. Hier.*, lib. VII, longe post med. — ⁷ *Psal. cxiii*, 4.

ritualia pura, clara et plana, spiritualiter primo recipiunt radios solares , sibi incidentes immediate a fonte luminis, et tale dicitur lumen contemplationis , contemporatum tamen in oculo contemplantis, ut infra patebit ; et secundario lumen receptum specula refundunt in eos , qui luminis sunt capaces, non tamen secundum claritatem illam, qua ipsi recipiunt, sed secundum eujuslibet capacitatem , et hoc dicitur lumen speculationis , quia mediante speculo spirituali recipitur, vel per scripturam, vel doctrinam , vel per exempla ab illuminatis speculis procedentia , quemadmodum speculum materiale primo a lucido suscipit radios sibi incidentes , quos reflectit in oculos consipientis , quos oculus tanquam sibi jam mediante speculo proportionatos recipit, quos tamen in fonte luminis propter nimiam refugientiam oculus debilis immediate videre non potuit, ut patet ad sensum. Nec lumen speculare ita efficaciter representat lucidum oculo videntis, sicut lumen immediate receptum a lucido, ut patet in perspectiva , et in epistola Jacobi , ubi dicitur, quod¹ considerans *vultum suum in speculo*, *statum oblitus est*, etc.

Quarto sciendum est, quod contemplatio differt ab intuitiva cognitione per hoc, quod in descriptione contemplationis ponitur, *admiratione suspensæ* (a). Suspensio enim dicit quasi quamdam violentam elevationem, dum anima naturæ suæ possibilitatis supergreditur terminos. Unde Richardus dicit²: « Procul dubio, cum anima sancta de interno quodam tripudii sui applausu a semelipsa exultatur, dum supra semelipsam ire mentis alienatione urgetur, dum in coelestibus tota suspenditur, dum angelicis spectaculis tota immagravit, nativæ possibilitatis terminos supergressa videtur, propter quod anima contemplativa frequenter ad inferiora dilabitur. » Unde sequitur ibidem : « Nonne velut terra a terra suspenditur, quando homo super hominem ducitur, cui per exprobrationem a Domino dicitur³ : *Terra es, et in terram ibis?* » Sequitur : « Terra recte dici potest, quandiu lutes inhabitat domos, et terrenum habet fundamenum. » Sed Gregorius, decimo *Moralium*⁴, dicit: « Anima (b) contemplativa infirmitatis sue pondere victa lassatur, et tanto celerius labitur,

quanto carnis claustra transgrediens , supra semelipsam ire conatur. » Sed anima intuitive cognoscens Deum nunquam ad inferiora relabitur, sed sine intermissione et fatigatio Deum in aeternum dulciter intuetur, quod in corpore corruptibili fieri non potest. De quo plenius notatur in quinto itinere. Unde dicit Dionysius, in secundo *Anglicæ Hierarchiæ*, secundum Commentatorem : « Deus, quia semper uniformiter et aequaliter bonus et pulcher est, et quia habet in se simplicissime omnem speciem desiderabilem, et secundum omnia est totus desiderabilis, ideo plenarie, intime et irrevocabiliter in se trahit omnium suorum comprehensorum desideria. » Haec ille. Omnes igitur istæ differentiæ sunt secundum clariorem, et minus clarum aspectum ad Deum; et quodlibet praedictorum terminatur in sequens se, tanquam in perfectius eo : sic etiam contemplatio proficiendo terminatur in intuitivam cognitionem, tanquam in suam perfectionem. Unde Glossa *Lucæ*, capite decimo , dicit : « Vita contemplativa hic incipit, et in coelesti patria perficitur, quia amor est ignis, qui hic ardere incipit; sed cum ipsum quem amat videbit, amplius amore ignescet (c). Et Gregorius in *Moralibus*, expponens illud Luca⁵ : *Maria optimam partem elegit, quæ non auferetur ab ea*, dicit : « Activæ vitæ opera cum corpore transeunt; contemplativæ autem vitæ gaudia melius ex fine curvalescent. » Et sic patet differentia praedictorum.

DISTINCTIO IV.

Qualiter contemplatio secundum diversos gradus diversimode a multis dividatur.

ARTICULUS I.

De gradibus contemplationis secundum Vercellensem (b).

Quarto videndum est, qualiter contemplatio nis iter per diversos gradus vel modos, secundum varias considerationes sanctorum , et diversas traditiones doctorum, distinguatur, ut per hoc verius, brevius et securius iter contemplationis eligamus, et per hoc ad aeternum intrinsecum Domini Jesu verius perveniamus. Sed ad intellectum istorum, hoc prae notandum est , quod aliud sunt gradus contemplationis , et aliud sunt gradus pervenienti per diversas edit. suspensa.— (b) *Cæl. edit. add. a.*— (c) *Cæl. edit. ignescit.*— (d) *Cæl. edit. deest titulus ille particularis.*

¹ *Jac.*, i, 23. — ² *Richard.*, *de Arc. Myst.*, lib. V, c. xiv, circa med. — ³ *Gen.*, iii, 19. — ⁴ *Greg., Moral.*, lib. X, c. xi, versus fin. — ⁵ *Luc.*, x, 42. — ⁶ *Greg., Moral.*, lib. VI, c. ult, ante med.— (a) *Cæl.*

dispositiones ad contemplationem. Gradus contemplationis sunt quidam progressus et profectus intellectualis cognitionis, et saporosæ dilectionis, ad contemplandum Deum sub ratione veri et boni. Unde Gregorius, vigesimo secundo *Moralium*¹, dicit: « Gradus dicuntur mensura crescentium virtutum. Tales autem gradus profectuum sunt innumerabiles. Gradus autem ad contemplationem disponentes, sunt illa quæ adjuvant et disponunt gradatim intellectum et affectum ad contemplandum, et sic omnis creatura est quasi quædam scala, per quam gradatim ascenditur ad contemplandum Deum, cum creature sint creatae propter electos. Loquendo tamen secundum consuetum modum, gradus contemplationis dicuntur illa incrementa contemplationis, et illæ dispositiones quæ magis intellectum et affectum coadiuvant ad contemplandum, et quæ distincta sunt et tradita a sanctis doctoribus. Unde Gregorius, vigesimosecundo *Moralium*², dicit: « Gradus vocantur incrementa virtutum, distincte tradita a Sanctis.» Necessitatem autem istorum graduum contemplationis ostendit Gregorius, vigesimosecundo *Moralium*³, dicens sic: « Nemo infima deserens, repente fit summus: quia ad obtinendum perfectionis meritum, oportet ut mens quotidie in altum quasi quibusdam ascensionis gradibus perveniat.» Unde et recte Psalmista dicit⁴: *Ibunt de virtute in virtutem*, donec videatur (a) Deus Deorum in Sion. Et idem⁵: *Deus in gradibus (b) ejus cognoscetur*, scilicet contemplatio, cum suscipiet eam contemplator. Similiter Linconiensis, super *Angelicam Hierarchiam*, ostendit necessitatem istorum graduum per exemplum, dicens sic: « Sicut oculi carnis infirmiores prius suscipiunt lumen solis obscurum, et magis coloribus superfusum; deinde magis confortati, suscipiunt illud a coloratis mediis coloribus, et postea visu robato, plus suscipiunt illud superfulgidum coloribus albis; deinde vero plus aucta sanitate, suscipiunt illud fulgentibus coloribus superfusum, ut speculis; tandem oculis perfecte sanatis, suscipiunt solarem radium, non autem alicui superfusum, sed in se purum ipsum solem in ipso puro solari lumine irreverberante consipientes: sic etiam oportet, mentis oculum

infirmiorem prius assuefieri ad conspicendum lumen solis intelligentiae (c) in grossioribus, deinde in subtilioribus, donec tandem ex ipsa lumini datione multis multipliciter superfusa, extendamus, et restituamus in simplicem ipsius radium.» Haec ille.

Ex praedictis apparet, quod tam in radios lunine contemplationis speculativæ, quam in saporoso gusto contemplationis practica, oportet paulatim, et gradatim proficiendo, clarius cognoscere Deum: quia, sicut dicit Hugo super *Angelicam Hierarchiam*⁶: « Quanto magis crescit ascensio, tanto magis crescit cognitio, donec oculus intellectualis magis ac magis illuminetur et confortetur, et affectus mentalis magis purificetur et inflammetur, et totus homo, exterior et interior, in Deum ordinetur: » et hoc verius et perfectius videtur fieri per gradus illos, qui mentem ad similitudinem coelestis hierarchiarum purgant, illuminant et perficiunt. Ait enim Hugo commentator super tertium *Angelica Hierarchia*⁷: « Et oportet quod mens quæ Deum vult contemplari, primum purgetur, postea illuminetur, et deinde perficiatur, quia nisi præcederet purgatio, non sequeretur illuminatio; et nisi esset illuminatio, non veniret consummatio sive perfectio: et tales quanto magis ascendunt, tanto magis appropinquant divinitati; quanto autem magis appropinquant, tanto verius contemplantur.» Tales autem gradus Dionysius in *Angelica Hierarchia* dicit esse tan in mente angelica, quam in mente humana bene ordinata. Unde secundum commentatorem Linconiensem, et Hugonem, et Vercellensem, dicit Dionysius: « Addau ego, et ex abundantia non inconveniente, quod unaqueque mens, angelica vel humana, bene ordinata, habet in sua singulari persona primas, medias et ultimas ordinationes et virtutes, et sursum actiones, hierarchiarum illuminationes manifeste distinctas.» Haec Dionysius. Haec verba exponesse commentator Vercellensis, dicit sic⁸: « Qualiter in singulis mentibus hierarchicis disponantur tres hierarchiae, et in singulis earum tres ordines juxta angelicam dispositionem, videlicet in infima Angeli, Archangei et Principatus, videndum est. Per hos enim mens bene ordinatur ad exteriora, vel respectu exteriorum. In media autem mentis

¹ Greg., *Moral.*, lib. XXII, c. xiv, ante med. —

² Ibid., circa fin. — ³ Ibid., ante med. — ⁴ *Psal.* LXXXIII, 8. — ⁵ *Psal.* XLVII, 4, secundum LXX. — ⁶ Hug., in sept. cap. *Cœl. Hier.*, lib. IX, circa fin. —

⁷ Ibid., in tert. cap. lib. VIII, post med. — ⁸ Vercell., sup. *Isa.*, c. vi, et in Prolog. sup. *Cant.*

(a) *Vulg. v. debitur.* — (b) *LXX βάπτεσθαι;* *Vulg. do-*
mibus. — (c) *Cœl. edit.* intelligentia.

la contemplatione tres possunt distinguiri hierarchie, et in qualibet tres gradus instar celestis hierarchie.

hierarchia sunt Potestates, Virtutes et Dominationes : per hos ordinatur respectu interiorum. In summa mentis hierarchia sunt Throni, Cherubim et Seraphim : per hos ordinatur respectu superiorum. » Et has novem ordinationes vocat Vercellensis novem gradus contemplationis, quibus reducimur in divinam monadem. Et prosequitur ibi de singulis gradibus, præmitens, quod infima mentis hierarchia consistit in ejus natura; media, in industria; tertia, in gratia, que incomparabiliter excedit utramque. In prima operatur natura; in summa sola gratia; in media, industria et gratia. Et sequitur : « Infimus ordo infime hierarchie, qui dicitur Angelicus, continet primas et simplices apprehensiones naturales, tam intellectus, quam affectus, sine aliqua dictatione commodi vel incommodi, quæ tanquam Angeli, scilicet nuntii, aliquid simpliciter annuntiant. »

Ecce Vercellensis subtiliter incipit ab infimo gradu intellectualis operationis et affectionis, que sunt primæ et simplices apprehensiones; et ascendit paulatim et gradatim, per cacumina collum aeternorum, usque ad summos apices intellectus et affectus, ut patebit infra.

« Medius ordo infimæ hierarchie continet naturales dictationes apprehensorum, utrum videantur commoda vel incommoda : ex his fit annuntiatio principalior, quam sit prima.

« Tertius ordo vel gradus infimæ hierarchie continet appetitus, vel fugas apprehensorum, secundum dictationes commodi, vel incommodi. Fuga autem est mali, et appetitus boni : et ita iste ordo præbet ducatum inferioribus in divina, quod signatur nomine Principatum. » Hæc Vercellensis. Ece per hos tres ordines et gradus infimæ hierarchie mentis humanae, fit homo bene ordinatus respectu interiorum, id est ad seipsum, ita ut totum regnum animæ pacificetur, dum primo per gradum infimum potestate ordinata, viriliter repelluntur omnia offendicula mentis bene ordinatae, et Deo conformiter operantis (a), ut sine ulla ordinis confusione et perturbatione tendat ad finem ultimum, ad quem creata est, et dum secundo per gradum medium mens in virtute valida et inconcussa exequitur omnes operationes intellectus, et voluntatis sive affectus, Deo conformiter operantis (a), ad Deum seu finem intentum consequendum, quantum potest, juxta gratiam et virtutes a Deo acceptas : et dum tertio per gradum summum mediæ hierarchie plena libertate et in nullo impedita, et Deo conformiter operante, ut possibile est, intellectus et affectus cum omni familia sua liberi in æterna extenduntur : ergo ordinatio interioris hominis est necessaria, quia, sicut dicit Hugo¹ : « Sicut sine gratia operari vanum est, ita præter ordinem

ratione rationis examinantis et ordinantis mentem, quantum est in ipsis, per diffinitivam sententiam, ad petendum et querendum totis viribus intellectus et affectus summum bonum, et ad repellendum omnia obstacula. Nomen autem Potestatis signat ordinem, secundum Dionysium.

« Quintus ordo, qui est medius mediæ hierarchie mentis, continet robora virtutum valida, naturalium et gratuitarum, ad exequendum fortiter quod a Potestatibus recte decretum est, quod notatur nomine Virtutum.

« Sextus ordo, qui summus est in media hierarchia mentis, continet authentica imperia liberi arbitrii, quibus apices intellectus et affectus tota virtute suspenduntur ad suscipiendum divinos superadventus, quantum possibile est libero arbitrio adjuto a gratia. Et hujusmodi suspendii, et imperii ac libertatis sublimitas, vocatur nomine Dominationum. In isto autem ordine mens adhuc sobria extenditur ad radium superiorem usque summos naturæ terminos. » Et infra : « Mens itaque contemplativa, decursus seriatim quinque gradibus contemplationis predictis, in culmine sexti aciem figens, in ordine Dominationum mentis, nititur in theoricos excessus, cupiens in ordinem Thronorum mentis assumi. » Hæc Vercellensis.

Ece per hos tres gradus mediæ hierarchie mentis humanae, fit homo bene ordinatus respectu interiorum, id est ad seipsum, ita ut totum regnum animæ pacificetur, dum primo per gradum infimum potestate ordinata, viriliter repelluntur omnia offendicula mentis bene ordinatae, et Deo conformiter operantis (a), ut sine ulla ordinis confusione et perturbatione tendat ad finem ultimum, ad quem creata est, et dum secundo per gradum medium mens in virtute valida et inconcussa exequitur omnes operationes intellectus, et voluntatis sive affectus, Deo conformiter operantis (a), ad Deum seu finem intentum consequendum, quantum potest, juxta gratiam et virtutes a Deo acceptas : et dum tertio per gradum summum mediæ hierarchie plena libertate et in nullo impedita, et Deo conformiter operante, ut possibile est, intellectus et affectus cum omni familia sua liberi in æterna extenduntur : ergo ordinatio interioris hominis est necessaria, quia, sicut dicit Hugo¹ : « Sicut sine gratia operari vanum est, ita præter ordinem

¹ Hug., sup. tert. cap. *Cœl. Hier.*, lib. IV, ante med.

(a) *Cœl. edit.* operante.

operari, ac contra ordinem, perversum est. » Et quia, sicut dicit Linconiensis ibidem : « Ordo dicitur potestas a Deo tradita ad disponendum sacra omnia potestati sue subiecta, » ideo homo interior ordinatus per istos tres gradus, fit etiam ordinatus respectu interiorum.

« Septimus ordo, qui est infimus in suprema vel summa hierarchia mentis, per mentis excessus susceptivus est divini superadventus. Unde Thronorum nomine censemur, et quot sunt sinus mentis, sive capacitates illius supersubstantialis solaris radii, supersimplicis in essentia, et multiplicis in efficacia, tot sunt throni nientis. Throni autem inconcussi collocantur stabiliter, et sunt susceptivi divini superadventus, et sunt deiformes, et familiariter aperti ad Deum in se suscipiendum. » Haec Vercellensis. Hugo vero idem dicit¹ : « Subsellia Dei, id est, sedilia sublevantur per dignitatem, collocantur per stabilitatem, Deum avenientem in se suscipiunt et ferunt, quia fiunt ad susceptiones aperti. » Haec ille.

« Octavus ordo, sive gradus, qui est medius in summa hierarchia mentis, sicut dicit Vercellensis, continet omnimodam cognitionem intellectus, et affectionem affectus (*a*) intellectus attracti divina dignatione, quo non valet ascendere per se; et attracti affectus, tamen (*b*) summatacm intellectus attracti non extendentis: simul enim attrahuntur, et quasi coambulant ipse affectus et intellectus, usque ad novissimum defecutum intellectus, qui est in summitate hujus ordinis Cherubim, quem intellectuales etiam attractus non excedunt, sed ibi habet sue cognitionis et sui luminis consummationem. Unde ordo sive gradus ille Cherubim vocatur. » Haec ille, et iterum dicit sic², quod manifestatio interpretationis hujus nominis Cherubim signat, quod substantia hujus ordinis, sive gradus, habent virtutem excellenter cognitivam, et divinorum mysteriorum inspectivam, et supremae inflationis lumeninum divinorum post Seraphim susceptivam principaliter, contemplativam divinas pulchritudinis, quam etiam communicant inferioribus.

« Nonus ordo sive gradus, qui est summus in summa hierarchia mentis, continet principaliter in Deum pura suspiria, superintellectuales extensiones et immissiones, servidos fulgores, et fulgidos fervores, ad quorum omnium sublimes

excessus, et excedentes sublimitates, intelligentia trahi non potest, sed solus affectus principalis Deo unibilis. » Sequitur : « In hoc ordine offeruntur Deo orationes castissimæ, quibus Deo assimilamur. Iste ordo Sponsum amplexatur, et Sponsi amplexibus admittitur, speculum nescit, Mariæ partem percepit³, que non auferetur ab ea. De isto ordine sive gradu contemplativo in inferiores ordines et gradus seriatim, id est, ordinate fluit divini luminis inundatio. » Haec ille. Ecce per hos tres gradus supernæ hierarchiae mentis humanæ, fit homo creatus et bene ordinatus respectu supernorum, scilicet respectu Dei : dum primo per gradum infimum omnes throni sive mentis capacitates Deo aperiuntur, et ab ipso inhabitantur; et dum secundo per medium gradum omnes intellectuales actiones ad Deum contemplandum intime, quantum possibile est, et veraceiter diriguntur; et dum tertio per supremum gradum, omnis voluntatis affectiones ad Deum diligendum totaliter et finaliter reducuntur, ut Deum in omnibus, et omnia in Deo ordinate diligent. In hoc gradu fuit anima contemplativa constituta, quando dixit ipsa⁴ : *Ordinavit in me charitatem*. Quod exponens Vercellensis dicit : « Per ordinem seraphicum omnes inferiores ordines sive gradus participant lumina divina, et hierarchie disponuntur, id est inferiora et exteriora, per media inferiora, reducuntur ad superiora, scilicet in Deum ordinata charitate. Unde bene dicit : *Ordinavit in me charitatem*. »

ARTICULUS II.

De gradibus contemplationis secundum Richardum.

Richardus autem⁵ ponit sex gradus, vel species contemplationis, quasi quasdam dispositiones et itinera ad aeternitatem. Et sicut Commentator Dionysii infimum gradum contemplationis ab infimo gradu intellectualis et affectualis operationis, que sunt simplices apprehensiones, incipit et instituit, et ascendere gradatim docet, per cacumina collium aeternorum, usque ad summos apices intellectus et affectus, ut supra patuit; ita Richardus, ponendo sex gradus contemplationis, instituit primum gradum et infimum in imaginatione, que non est aliquis gradus intellectualis operationis, sed longe inferior est intellectu et affectu; et ab illa ascendit gradatim usque ad cognitionem increatae veritatis,

Sex sunt gradus contemplationis.

Contempl., lib. II, c. vi. — (*a*) *Cat. edit.* et affectus. — (*b*) *Item affectus, affectionem tamen et.*

¹ Hug., sup. sept. cap. *Cat. Hier.*, lib. VII, longe ante medi. — ² Vercell., sup. cap. sept. *Cat. Hier.* — ³ *Luc.*, x, 42. — ⁴ *Cant.*, ii, 4. — ⁵ Richard., de

omnem humanum intellectum excedentis, et etiam usque ad excessum humanae mentis. Unde idem Richardus dicit¹: « Nos debemus a novissimis incipere, et scientiae nostre promotionem paulatim sublevare, et per exteriorum notitiam ad invisibilium cognitionem ascendere. Cum enim exteriorum scientiam apprehenderis, et in eorum doctrina exercitatos sensus habueris, debes ad ulteriora ascendere, et spiritualium creaturarum scientiam comparare. » Hæc ille.

Primum ergo gradum, sive infimum, Richardus dicit esse imaginationem, et secundum² solam imaginationem. Unde dicit³: « Tunc contemplatio nostra in gradu imaginationis versatur, et secundum solam imaginationem formatur, quando nihil arguendo querimus et ratiocinando investigamus; sed libere mens nostra hoc illueque discurrit, quo eam in hoc genere speculationis admiratio rapit, quæ oritur ex his quæ sensu corporeo hauriuntur, dum imaginamur quam sunt multa et varia, et pulchra, et jucunda: talium enim forma et imaginatio, in considerationem adducta, inferunt stuporem et admirationem. » Sed necessarium est hoc scire, quod duplex est imaginatio, ut supra dictum est. Dicit namque Richardus⁴, quod « imaginatio alia est bestialis, ut illa quando circa ea, quæ ante vidimus, vel fecimus, sine utilitate, et absque omni deliberatione, huc illueque vaga mente discurrimus. Utique hæc bestialis est, et ideo ad contemplationem non pertinet. Aliæ est imaginatio rationalis, ut quando aliqua imaginamur rationabiliter ex his quæ videmus, et illis sœpe utimur in contemplatione. » Hæc ille. Et licet imaginatio non sit aliquis gradus intellectus, est tamen ordinata dispositio ad intellectum, quia, sicut dicit Richardus, imaginatio rationi famulatur; et ideo aliqualiter gradus contemplationis dicitur.

Secundus gradus contemplationis, secundum Richardum⁵ est qui in imaginatione consistit, tamen secundum rationem formatur alque procedit, ratiocinando circa ea quæ imaginatione præsentantur: quod fit, quando ea, quæ in imaginatione versamus, et ad primum gradum contemplationis pertinent, ratione querimus et invenimus, et inventa in considerationem cum

¹ Richard., *de Contempl.*, lib. IV, c. iii. — ² *Il est, penes.* — ³ *Ibid.*, c. vi. — ⁴ *Id*, lib. *Bonj. min.*, c. XVI. — ⁵ *Ibid.*, lib. I, c. vi. — ⁶ *De Spir. et Anim.*, c. XII. inter Oper. S. Aug., append. tom. VI. — ⁷ Richard., *de Contempl.*, lib. I, c. vi. — ⁸ *Id*, *Bonj. min.*, lib. I c. V. — ⁹ *Rom.*, i, 20.

admiratione adducimus. In primo itaque gradu res istas imaginamur; in secundo autem gradu rerum utilitatem, rationem et ordinem, et ceteras conditions rimamur, speculamur et miramur. Hæc itaque contemplatio in imaginatione consistit secundum talēm (a) rationem, quia circa eam (b) ratiocinando procedit. » Hæc ille. Illic gradus est superior praecedenti gradu, eo quod ratio in eo operatur, licet cum imaginatione quæ rationi subjicitur. Dicitur enim in libro *de Spiritu et Anima*⁶: « Et imaginatio (c) ad rationem non ascendit (d), sed infra remanens (e), eam aliqualiter deducere potest (f), et quasi a longe quedam ostendit (g), ad quæ non potest (h) pervenire. » Et ideo bene ponitur gradus contemplationis, quia per ipsum spiritus humanus magis appropinquat, et ascendit ad cognitionem veræ contemplationis, quam praecedens gradus. Multa enim ratio concludit ex imaginatione, occasione assumpta, que continua assistit rationi famulando, etiam sensu absente, sive quiescente.

» Tertius gradus contemplationis, ut dicit Richardus⁷, est, qui in ratione secundum imaginationem formatur. Isto autem gradu contemplationis tunc veraciter utimur, ut inquit Richardus, quando rerum visibilium similitudine multifaria in rerum invisibilium speculationem sublevamur. » Sequitur: « Hæc vero speculatio in ratione consistit, quia in his solum, quæ imaginationem excedunt, per intuitionem et investigationem insistit, ut quæ sunt invisibilia. Dicitur autem secundum imaginationem formari, quia ex rerum visibilium imaginatione in hac speculazione similitudo trahitur, unde in rerum invisibilium investigatione animus adiuvetur. Et hic gradus perfectior est praecedentibus, ex eo quod iste se extendit ad contemplationem invisibilium et spiritualium, licet ex imaginatione visibilium similitudinem trahant in sui adjutorium. » Unde Richardus dicit⁸: « Cum scriptum sit⁹, quia *invisibilia Dei a creature mundi, per ea, quæ facta sunt, intellectu conspicuntur*; manifeste ex hoc colligi potest, quod ad invisibilium cognitionem nunquam ratio consurgit, nisi ei ancilla sua, videlicet imaginatio, rationi visibilium formam representaret. Per rerum enim visibilium speciem,

(a) *Leg. aliqualem.* — (b) *Cœt. edit.* ea. — (c) In libro ipso de *Spir.* et *Anim.* legitur: « *Sensus et imaginatio.* — (d) *Item ascendunt.* — (e) *Item remanentes.* — (f) *Item possunt.* — (g) *Ostendunt.* — (h) *Non possunt.*

surgit ratio ad invisibilium cognitionem, quotiens his adjuta, illa trahit ad quamdam similitudinem. Sed constat quia, sine imaginatione, corpore a nesciret, sine quorum cognitione ad cœlestium cognitionem, vel contemplationem, non ascenderet. »

« Quartus gradus, secundum Richardum¹, est, qui in ratione et secundum rationem formatur: quod utique fit, cum, semoto omni officio imaginationis, solum illis animus intendit, quæ imaginatio non novit, sed qua mens ex ratiocinatione colligit, vel per rationem apprehendit. Tali enim speculationi tunc insistimus, quando invisibilia nostra, que per experientiam novimus, et ex intelligentia capimus, in considerationem ducimus, et ex eorum consideratione in cœlestium animorum, et supermundanorum intellectuum contemplationem assurgimus. » Sequitur: « Ilæc autem contemplatio in ratione consistit, quia, sensibilius semolis, solum intelligibilibus intendit. Et hec quidem contemplatio ab illis utique invisibilibus nostris videtur initium sumere, et fundamentum capere, quæ humanum animum constat per experientiam intellectuali nosse, et per communem intelligentiam comprehendere. Sed tamen pro hac parte hæc contemplatio etiam in ratione recte dicitur consistere, quia ipsa invisibilia nostra a ratione comprehenduntur, et in eo ipso ratiocinationis modum minime supergreditur. » Hæc ille. Ilie gradus contemplationis perfectior est præecedentibus, eo quod tam a corporalibus, quam a temporibus, magis elongatur, et spiritus magis in eo purificatur, et æternis unitur. Unde Richardus ibidem dicit, quod « in hac contemplatione animus humanus primum pura intelligentia utitur, quia (a), semoto omni (b) imaginationis officio, ipsa intelligentia nostra in hoc primum negotio seipsam per seipsam ingerere videtur. Hæc enim per seipsam operatur, et quasi per speciem contemplatur. » Hæc ille.

« Quintus gradus contemplationis esse dicitur, qui est supra rationem, sed non præter rationem. In hanc autem contemplationis speculationem, mentis sublevatione ascendimus, quando ex divina revelatione cognoscimus, quæ nulli ratione humana plene comprehendere valemus, et nulla ratiocinatione nostra

intelligere et investigare sufficimus. Talia sunt illa, quæ de divinitatis natura in illa simplici essentia credimus, et scripturarum divinarum auctoritate probamus. » Sequitur²: « Ergo contemplatio nostra tunc veraciter supra rationem ascendit, quando id animus per mentis sublevationem credit, quod humanae capacitatis metas transcendent; et supra rationem, nec tamen præter rationem censenda est, quando ei quod per intelligentiæ aciem cernitur, humana ratio contraire non potest: quin potius facile acquiescit, et sua attestatione alludit. » Hæc ille. Et hic gradus est perfectior, et sublimior præcedentibus gradibus, eo quod ista contemplatio est supra rationem. Circa quod nota, quod, siue dieit idem Richardus³: « Quedam sunt infra rationem, ut quæ sensu corporeo percipimus; quædam secundum solam rationem sunt, ut quæ ratione investigamus; quædam supra rationem sunt, ut quæ vel per revelationem, vel quæ nullus sensus corporeus potest attingere, et nulla ratio humana penetrare, sed tamen veraciter ea esse credimus, licet nec experimento, nec intellectu comprehendere possimus. »

« Sextus gradus contemplationis est, que in his versatur, quæ sunt supra rationem, et videntur esse præter rationem, seu etiam contra rationem. In hæc utique suprema omnique dignissima contemplationis specula, tunc animus veraciter exultat atque tripudiat, quando illa ex divini luminis irradiatione cognoscit atque considerat, quibus omnis humana ratio rellamat. Talia sunt pene omnia, quæ de personarum Trinitate credere jubemur, de quibus cum humana ratio consultur, nihil aliud quam contraire videtur. » Iste gradus contemplationis perfectior est omnibus præcedentibus, eo quod in eo pura intelligentia operatur, quæ ad contemplationem divinae majestatis admittitur. Unde idem Richardus dicit: « Quantum, queso, est, quod intelligentia humana quotidie ad illos supereclestium animorum theoricos excessus nititur, et quandoque etiam pro divina dignationis beneplacito, ad illa summae majestatis magnalia contemplando sublevatur! » Hæc autem sublevatio, quæ quandoque extenditur usque ad mentis elevationem, fit ex tribus: quandoque ex magnitudine devotionis; quandoque ex magnitudine admirationis; quandoque

¹ Richard., *de Contempl.*, lib. I, c. vi. — ² Richard., ubi sup. prox. — ³ Id., *ibid.*, lib. IV, c. II. — ⁴ Ibid., lib. V, c. v.

(a) *Cœl. edit.* quæ.— (b) *Item omnis.*

que ex magnitudine exultationis : ut semetipsam omnino non capiat, sed supra semetipsam elevata in alienationem transeat magnitudine devotionis mens supra ~~semetipsam~~ elevatur, quando tanto desiderii igne succendit, ut amorem intimi flamma ultra humanum modum exrescat, qua animam humanam, ad similitudinem liquefactam, a pristino statu penitus resolvat, et ad instar fumi attenuatam, in superna elevet, et ad summa emittat. Magnitudine admirationis anima humana supra semetipsam ducitur, quando divino lumine iradiata, et summæ pulchritudinis admiratione suspensa, tam vehementi stupore concutitur, ut a suo statu funditus concurtiatur, et in modum fulgoris coruscantis quanto profundius ex despctu sui ad ima deicitur, tanto sublimius et celerius per summorum desiderium reverberata, et supra semetipsam rapta, in sublimia elevatur. Magnitudine vero exultationis et jucunditatis mens humana supra semetipsam raptur, et a se alienatur, quando intima illa æternæ suavitatis abundantia potata, imo plene inebriata, quid sit, quid fuerit, penitus obliviscitur, et in alienationis excessum tripudii sui nimietate traducitur, et in supermundanum affectum quemdam sub quodam miræ felicitatis statu raptim transformatur. » Ili sunt igitur gradus contemplationis secundum Richardum.

ARTICULUS III.

De gradibus contemplationis secundum auctorem de *Spiritu et Anima*.

Sed auctor libri *de Spiritu et Anima*, considerans, quod etiam Dionysius dicit, in epistola ad Titum, quod homo ex duabus naturis constat, anima scilicet et corpore : anima rationali, qua simplex est in essentia; et ex corpore composito : ut juxta utriusque naturæ proprietatem illuminetur divinis cognitionibus; et ut mens ejus puras et simplices et intimas sensibilium signorum intelligentias, segregata ab ipsis signis, conspiciat; et ut sensualitas ejusdem per naturæ proprietatem cooperetur mentali cognitioni, ut sic ad divina extendatur; et ideo in contemplatione oportet uti sensibiliibus formis, in quibus divina invisibilitas immundis, id est, carnalibus abscondantur, et spiritualibus manifestentur : ideo auctor prædictus primum gradum ascendendi in Deum dicit¹ esse in

sensuum operatione, per quam concipiuntur res corporales; secundum, in imaginatione, per quam concipiuntur corporalium similitudines; tertium, in ratione, per quam percipiuntur rerum naturæ sive rationes; quartum in intellectu, per quem percipiuntur spiritus creati; quintum in intelligentia, per quam percipitur spiritus increatus; sextum in sapientia, per quam aperitur spiritualis gustus. Et auctor prædictus addit ibidem : « Quidquid sensus percipit, imaginatio representat, ratio investigat, intellectus judicat, memoria servat, intelligentia comprehendit, et ad contemplationem adducit, sed sapientia gustare facit. » Sequitur : « Sic fit ascensus ab inferioribus ad superiora, et a summis dependent ima. Et cum ab inferioribus ad superios, id est a temporalibus ad æterna ascendere volumus, prius occurrit nobis sensus, tanquam primum iter; deinde imaginatio; postea ratio, intellectus, intelligentia, et in summo est sapientia. » Et statim subdit diffinitiones prædictorum, dicens : « Sensus est ea vis animæ, qua rerum corporarum corporeas percipit formas praesentes, que variae et multipliciter ostendunt suum Creatorem. » Unde Bernardus, *super Cantica*, dicit : « Quid est, quod hic est tanta formarum varietas, atque numerositas specierum in rebus conditis, nisi quidam radii divinitatis, monstrantes quidem quia vere est, a quo sunt, non tamen quid sit prorsus diffinientes? Itaque de ipso vero verum vides, sed non ipsum verum. Unde hoc genus videndi commune est : in promptu enim est, juxta Apostolum, omni utenti ratione, *invisibilia Dei per ea, que facta sunt, intellecta conspicere*. » Hæc ille. Et hæc est a temporalibus ad æterna ingressio, ait Augustinus³, *de Vera Religione*.

Secundum gradum dicit esse imaginationem. *Imagina-*
tio quid. Est autem imaginatio, secundum eum, ea vis animæ qua rerum corporearum incorporeas recipit formas absentium, presentium, praeteritorum et futrorum, quandoque ut sic ipsa inter sensum et rationem, quasi ancilla inter dominum et servum discurrat, et quidquid exterius haurit per sensum carnis, intellectui representet ad obsequium rationis. Ex hoc appareat, quod imaginatio simplicior est et nobilior potentis sensitivis, cum ipsa sola similitudines objectorum omnium sensuum in se recolligat, et quoad aliquid quasi ab hoc loco et hoc tempore abstrahat, ut patet per Richar-

¹ *De Spir. et Anim.*, c. xi. — ² Bern., *in Cant.*, serm. xxxi, ante med. — ³ Aug., *de Ver. Rel.*, c. xxix.

dum : quare imaginatio animam magis ~~ratio~~ appropinquare aeternis, quam sensus exterioris. Unde Richardus dicit¹, quod ratio ad invisibilium cognitionem nunquam assurget, nisi ei ancilla sua imaginatio visibilium formas representaret, sine quarum cognitione, ad celestium contemplationem nunquam ascenderet. Merito ergo gradus contemplationis potest dici, dispositio saltem.

Ratio
quid.

Tertius gradus ascendendi ad Deum, sive contemplandi, dicitur esse in ratione. Ratio autem, secundum eum, « est ea vis animæ, quæ rerum corporearum naturas, formas, differentias et propria accidentia percipit, omnia incorporea, sed non extra corpora. Abstrahit enim a corporibus, quæ fundantur in corporibus, non actione, sed consideratione. Natura nempe ipsius corporis, secundum quam omne corpus est, nullum corpus est. Hæc ratio sensum mentis acuit, veraque a falsis distinguit, et imaginem Dei in se conservat. » Hæc illæ. Ex quo apparet, quod ratio sensum et imaginationem incomparabiliter excellit dignitate, et excedit opere. Unde anima per rationem non solum Deum esse cognoscit, sed etiam ejus capax fit, ut patet per Augustinum, quarto decimo et quinto decimo de *Trinitate*. Nam per rationem anima de Deo meditatur, meditando contemplatur, Deus contemplatus amatitur, et vere amatus habetur; imo, sicut dicit Augustinus in originali : « Hæc est vis nature divinitatis, ut creatura rationali, jam ratione utenti, non omnino ac penitus possit abscondi » : unde est vere gradus contemplationis ratio.

Intellec-
tus quid.

Quartus gradus, secundum eum, est in intellectu. Intellectus autem, secundum eum, est ea vis animæ, quæ invisibilia percipit, sicut angelos, animam et omnem creatum spiritum : et sic intellectus acceptus ad contemplationem cooperatur, quia importat quamdam intimam contemplationem. Dicitur enim intellectus, quasi intus legens : penetrat enim usque ad essentiam rei, quia objectum intellectus est quidquid est : quod etiam asserit Philosophus². Accipitur etiam intellectus quandoque, ut est virtus intellectualis, sive ut est habitus princi-

Intellic-
tus quid.

piorum naturalium, quæ sub lumine sunt naturalia et sic intellectus ostendit veritatem infallibiliter. ³ Hæc namque in libro *de Spiritu et Anima*³, quæ in intellectuali visione nunquam fallitur anima : « enim (a) intelligit, et verum est; aut si verum non est, non intelligit : » et ideo intellectus sic acceptus dicit aspectum manifestum et infallibilem circa ⁴ pœcipia : et sic acceptus intellectus etiam cooperatur ad contemplationem. Accipitur enim (b) aliquando, intellectus ut est donum Spiritus sancti, et sic intellectus est habitus supernaturalis principiorum supernaturalium, quæ sunt articuli fidei, et sic nominant quamdam excellentiam cognitionis, penetrandi ad intima cognoscibilium. Unde Gregorius, libro primo *Moralium*⁴, dicit: « Intellectus in die suo convivium parat in mente, quia in eo quod audita penetrat, reficiendo cor, tenebras ejus illustrat. » Nam lumen intellectus sic acceptum, ita se habet ad principia, quæ nobis naturaliter (c) innotescunt, sicut se habet lumen naturale ad ea principia, quæ primordialiter cognoscimus. Sed sicut lumen naturale infallibiliter veritates principiorum naturales ostendit; ita et donum intellectus supernaturales veritates infallibiliter ostendit. Unde intellectus sic acceptus est verus et necessarius contemplationis gradus.

Quintus gradus ascendendi ad aeterna, sive contemplandi, secundum eum, est intelligentia : « Est autem intelligentia, ut ibidem ⁵ dicitur, ea vis animæ, quæ immediate supponitur Deo, cernit quippe ipsum supremum verum et incommutabile. Et infra dicit sic⁶ : « Intelligentia est vis animæ, qua de divinis, quantum homini possibile est, cognoscitur. » Ad coelestia (d) areana penetranda (e), quæ, ut dicit Boetius, paucorum est hominum. Ex quo patet quod intelligentia excellit rationem (^f) in sua actione, et ab ea differt, et quod est perfectior gradus contemplationis. Qued etiam Richardus videtur sentire, dicens⁷ : « Per intelligentiam siquidem sinus mentis in immensum extenditur, et contemplantis animi acies acutior, ut capax sit ad intelligibilia comprehendenda, et perspicax ad subtilia penetranda. Et nunquam contemplatio

¹ Richard., *de Patriarch.*, c. v, qui liber Benjamin minor vulgo inscribitur. — ² Arist., *de Anima*, lib. II, text. 37. — ³ *De Spir. et Anim.*, c. xxiv. — ⁴ Greg., *Moral.*, lib. I, c. x. — ⁵ *De Spir. et Anim.*, c. v. — ⁶ Ibid., c. xxxvii. — ⁷ Richard., *de Contempl.*, lib. I, c. III. — (a) *Cat. edit. add. tantum.* — (b) *Leg. etiam.* — (c) *Leg. supernaturaliter.* (d) *Suppl. enim.*

— (e) *Suppl.* ratio per se non sufficit, nisi a Deo adjuta fuerit. Tunc finis ejus, si bene viget, cum ad notitiam secretorum, quæ diu investigando quassavit, pervenerit, intellectus seu intelligentia nuncupatur. Boetius tamen dicit intelligentiam solius Dei esse et admundum paucorum hominum. — (f) *Cat. edit.* intellectum.

potest esse sine vivacitate intelligentiae. » Sequitur : « Eliam quotiens contemplantis animus dilatatur ad ima, quotiens elevatur ad summa, quotiens acutior ad inscrutabilia, quotiens agilitate mira et pene absque timore rapitur per innumera, ex quadam vi intelligentiae hoc esse non dubitatur. » Haec ille.

Sextus gradus contemplationis, sive ascendendi ad aeterna, secundum praedictum, est in sapientia, quae sequitur intelligentiam, quia, sicut dicit idem¹ : « Ut visio mentis est intelligentia, sic mentis gustus est sapientia. Illa contemplatur; ista gustat et delectatur. » Sed hic primo notandum est, quod sapientia quaedam est, quae acquisita est per studium humanum, quae est virtus intellectualis, de qua loquitur Philosophus in *Metaphysica* sua. Et hec per rationis investigationem inquirit rectum judicium de divinis, et actus intellectualis et omnes operationes anime perficit secundum eum, quantum potest. Quia, sicut dicit Seneca² : « Sapiens ad omnem incursum munitus et intentus, non si paupertas, non si luctus, non si ignominia, non si dolor impetum faciat, pedem referet. Interitus, et contra illa ibit, et inter illa. Et infra : « Sapiens plenus est gaudio et inconcessu: cum diis ex pari vivit. » Haec ille. Ideo potest dici aliquis gradus contemplationis. Alia est³ sapientia quae desursum est infusa : et hoc est donum Spiritus sancti, et ad istam non solum pertinet secundum judicium rectum contemplari divina, sed gustare et regulare humanos actus excellentiori modo, quam sapientia, quae est virtus intellectualis, utpote magis de propinquo Deum attinens, et experiens per quadam unionem spiritus et animas ad ipsum, ut directa per regulas legis aeternae. De ista sapientia loquens Bernardus, libro de *Amore Dei*, dicit sic⁴ : « Sapientia a sapore dicuntur; sapor autem iste in gusto quodam est. Gustum autem illum nemo exprimere potest, nec etiam ille, qui meretur gustare; sed dicere potest⁵ : Gustate et videte, quoniam suavis est Dominus. Hoc gusto, secundum Apostolum⁶, gustatur Dei verbum, gustantur etiam divitiae saeculi venturi. » Et sequitur : « Hic gustus si defuerit solus, omnes alii sensus, scilicet spirituales quatuor languescunt.

¹ *De Spir. et Anim.*, c. xi. — ² *Senec.*, epist. lix, circa med. — ³ *Jac.*, 1, 17. — ⁴ *Bern.*, *de Nat. et dign. div. Amor.*, c. x, fere in princ. — ⁵ *Psal.* xxxiii, 9. — ⁶ *I Petr.*, ii, 3. — ⁷ *Orig.*, sup. *Cant.*, c. ii. —

Gustum autem sequitur quaedam saporis dulcedo, quam in interiori suo sentiens anima, quodam modo singulari, quae suscipit, cuncta discernit et dijudicat, seque et omnes sensus vegetat et confirmat, scilicet interiores. » Illi sunt gradus contemplationis secundum illum.

ARTICULUS IV.

De gradibus contemplationis secundum Origenem.

Ad hos gradus sive species contemplationis supradictorum Doctorum, quasi omnium aliorum doctorum gradus et species contemplationis immediate vel immediate possunt reduci, ut patet de sex gradibus contemplationis Origenis, quos declarat, dicens⁷ : « Contemplatorem verum, et jubilatorem certum te judico, si primo perficiat te actio. » Hic Origenes subtiliter considerat, quod ubi vita activa terminatur et perficitur, ibi vita contemplativa ordinata inchoatur, et gradatim sursum tendit et proficit, donec in visionem intuitivam consumetur (a). Unde proprio loquendo de contemplatione, perfectio actionis non est gradus contemplationis, sed potest dici status quidam resultans a summa perfectione vite activae, quae necessario precedit, tanquam disponens potentias contemplativas ad actus suos non impeditos, sed perfectos. Gregorius, sexto *Moralium*, dicit sic⁸ : « Qui arem contemplationis ascendere desiderant, prius necesse est, ut in opere actionis perfecte se exerceant. » Et pro tanto dicitur gradus contemplationis.

Secundo, secundum Originem, verus contemplator es, si in te est sensum exteriorum retentio, sive retractio ad interiora, et collectio eorum in unum. Hoc enim, iuxta Vercellensem, est *greges*⁹, id est, sensus bestiales, minare ad interiora deserti per itineraria aeternitatis. Hoc fit, quando¹⁰ *invisibilia Dei a creatura mundi, per ea, quae facta sunt, intellecta conspicuntur, et semper terna virtus ejus, et divinitas*. Hoc est, sicut dicit Augustinus¹¹, libro *de Vera Religione*, a temporibus ad aeterna regressio, et ex vita veteris hominis in novum hominem reformatio, ut supra patuit.

Tertio, verus contemplator es, quando est in te omnium imaginabilium transitus, quando mente omnia imaginabilia transcendis. « Talis

⁷ *Greg.*, *Moral.*, lib. VI, c. xvii, post med. — ⁸ *Ego.*, III, 1. — ¹⁰ *Rom.*, 1, 20. — ¹¹ *Aug.*, *de Ver. Relig.*, c. xxix.

(a) *Cat. edit. consummatur.*

DE SEPTEM ITINERIBUS AETERNITATIS.

contemplator, sicut dicit Bernardus¹, fuit qui dixit²: *Elongavi fugiens, et mansi in solidudine*. Non enim fuit contentus exire, nisi longe se faceret, ut posset quiescere. » Sequitur: « *Transsilisti carnis oblectamenta, ut minime jam obedias concupiscentiis ejus, nec tenearis illecebris; perfecisti, et superasti te: sed nondum elongasti, nisi et irruentis undique phantasmata corporearum similiitudinum transvolare mentis puritate prævales.* » Hæc ille. De quo vide supra, dist. vi³.

Quarto, verus contemplator es, si transcendisti omnia rationalia, propter phantasmata et alia impedimenta retardantia animam ad superiora properantem. De hoc dicit Richardus⁴: « *Contemplatio nostra tune veraciter supra rationem ascendit, quando id animus per mentis sublevationem cernit, quod humanae capacitatibus metas transcendit, ut sunt illa, quæ de divinitatis natura, et de simplici ejus essentia credimus.* Et licet illa contemplatio supra rationem sit, non tamen præter rationem censenda est, quando ei, quod per intelligentiam aciem cernitur, humana ratio contraire non potest, quin potius ei facile acquiescit, et sua aftestatione alludit. » Hæc ille.

Quinto, verus contemplator es, si sursum tractus es super omnia intelligibilia in caliginem ignorantiae. Et hic gradus contemplationis est de quo loquitur Dionysius, dicens⁵: « *Adhuc restat principaliori Dei cognitio, quæ figuratur in eo, quod Moyses⁶ separatur ab his, qui locum Dei secum viderant, et subtrahitur illis visus, et intrat in caliginem ignorantiae, et unitur incomprehensibilitati divinae, quam non penetrat intelligentia, quæ vero est omnium clarissima, et in se claudit et secretissime celat omnes cognitiones comprehensivas tanquam in causa prima omnium: et per eam omnis unitus Deo, qui est supra omnia, constitutur in excellentia, quam neque ratio investigat, nec intellectus speculatur, et ab omnibus, et quasi a seipso segregatur, et per unionem dilectionis, quæ affectiva est versus cognitionis, unitur Deo intellectualiter ignoto, cognitione multo meliori, quam sit cognitio intellectualis, in eo quod intellectualem cognitionem dereliquit, et super intellectum et mentem Deum*

cognoscit. » Hæc Dionysius secundum Commentatorem Vercellensem dicit. Hæc require plenius supra⁷.

Sexto, verus contemplator es, si in te est unicolor fixio intelligentiae puræ, et ab omnibus omnino denudata, et conformis affectio voluntivæ potentie per omnia, in nullo impedita, in uno fontali principio cœlestium gaudiorum, quod est Deus trinus et unus. Unde Origenes ibidem prædicta in unum recolligens, dicit: « *Contemplatorem verum, et jubilatorem certum te judico, si primum te perficiat actio, si sensum ab exterioribus revokes, si imaginabilia felici motu pertranscas, si rationabilia eccleri motu percurras, si intelligibilia felici et illuminata fide cognoscas, si in primo vero et in summo bono intelligentiam et voluntatem tuam ponas sugens, unde teneritudinem tuam nutrias; bibas, unde gaudeas; haurias, unde nunquam deficias.* » Ili sunt gradus contemplationis secundum Origenem.

DISTINCTIO V.

Quantam utilitatem spiritus in itinere vitae contemplativa experiarunt.

Quinto videndum est, quantam jucunditatem et utilitatem spiritus humanus in itinere vite contemplativæ experiarunt. Nam Deo per totum illud iter associatur continue. Primo ergo videamus, qualiter spiritus in hoc itinere dulciter a Domino consoletur (a). De quo illud *Luce⁸* de vita duarum mulierum, scilicet Marthæ et Marie, de quibus dicit Gregorius, libro sexto *Moralium*⁹: « *Quid per Martham exterioribus obsequiis occupatam, nisi activa vita figuratur?* » Quæ stetit, quia, sicut (b) dicit Glossa: « *Vita activa in laborioso desudat certamine;* » quæ et querulabatur de sorore, quia turbata circa plurima vitæ activæ. Unde Bernardus dicit¹⁰: « *Cum anima in actione sua in aliud tendit, quam in Deum, quamvis hoc faciat propter Deum, tamen non hoc est Mariæ otium, sed Marthæ negotium, quæ adhuc sollicita est, et turbatur erga plurima, et non potest terrenorum actuum vel tenui pulvere non respergi, quem tamen cito facileque deterget in hora sanctæ devotionis vel dormitionis casta inten-*

Vite
contem-
plativa
utilitates

¹ Bern., in *Cant.*, serm. LV, post med. — ² *Psal.* LIV, 8. — ³ Scilicet de secund. itin., dist. vi, pag. 417. —

⁴ Richard., de *Contempl.*, lib. I, c. vi, circa fin. —

⁵ Dion., de *Myst. Theol.*, c. i. — ⁶ *Exod.*, xxiv, 15-18.

— ⁷ Vid. sup., *Myst. Theol.*, fere per totum. — ⁸ *Luc.*, x, 39-40. — ⁹ Greg., *Moral.*, lib. VI, c. xviii, ante med. — ¹⁰ Bern., in *Cant.*, serm. XL, circa med.

(a) *Cœl. cdil.* consolatori. — (b) *Item sic.*

tio, quæ est intendere et querere solum Deum propter ipsum solum, quod proprium est sponsæ, » etc., ut dictum est supra, in primo itinere, distinct. tercia¹.

Ex quo patet, quod itinerantes in vita activa frequeuer turbantur; sed spiritus ambulans in itineribus vita contemplativæ, a Deo dulciter consolatur post activam. Unde Gregorius, libro sexto *Moralium*², dicit: « Quid per Mariam, quæ ad pedes Domini residencebat, audiens verbum Domini, nisi vita contemplativa exprimitur, quæ ex hoc a Domino commendata fuit, quia optimam partem elegit, quæ non auferetur ab ea? » Quæ autem illa optima pars fuit, querit Richardus dicens³: « Quæ est pars optima, quam elegit Maria, nisi vacare, et videre quam suavis est Dominus? Nam Maria sedens secus pedes Domini, audivit verbum illius. Summam itaque sapientiam Dei in carne latitantem, quæ oculus carnis videre non poterat, audiendo intelligebat, et intelligendo videbat, quia credebat: ei in hunc modum sedendo et audiendo, summae veritatis contemplationi vacabat. » Sequitur: « Hæc est pars, quæ electis et perfectis nunquam auferitur, et sane est negotium, quod nullo fine terminatur. Nam veritatis contemplatio in hac vita inchoatur, sed in futura vita jugi perpetuitate celebratur. Per veritatis sane contemplationem homo eruditur ad justitiam, et consummatur ad gloriam. » Hæc ille.

Secundo videamus qualiter humanus spiritus ambulans per itinera vita contemplativa, Deo familiaris amicitia unitur. In Joanne enim legitur⁴, quod Dominus dixit Petro: *Sic volo eum manere donec veniam. Tu me sequere*. Ubi dicit Augustinus⁵, quod per hos duos apostolos signantur duas vitæ: una activa, per Petrum; altera contemplativa, quæ signatur per Joannem Evangelistam: De Petro, per quem significatur activa vita, dixit Dominus: *Tu me sequere per imitationem, preferendo mala temporalia. Vita igitur activa Petri est in labore; altera, scilicet contemplativa Joannis, in requie. Una est in opere actionis, altera in mercede contemplationis. Prima agitur, dum facit bonum et declinat a malo, quæ tamen finitur: altera vero finitur bono, quod non finitur, Christi scilicet gloria. De Joanne vero dixit*

Dominus: *Sic eum volo manere, donec veniam.* Ubi dicit Glossa: « Nolo eum per martyrium consummare; sed expectabit placidam absolutionem carnis sue, quando ego veniens, recipiam eum in æternam beatitudinem. » Unde hæc vita contemplativa hic inchoatur, et in futura vita consummatur. Hanc vitam Dominus in Joanne inchoavit, quando volentem nubere, sibi familiariter associavit, quam multis familiaribus signis amicitie continuavit, donec eum invitando dulciter in æterna beatitudine consummavit. Hæc vita contemplativa est summum beneficium, quod conferri potest animæ. Habet enim sibi annexas perfectissimas, et supremas, et ultimas delectationes, consequentes virtutes, dona, beatitudines, et fructus, magnificativas, et contentivas, et unitivas spiritus creati rationalis, et Dei increati, tanto felicius, quanto immediatus, sicut dicit Origenes, super *Canticum*. Signa familiaritatis patent in Evangelio.

Tertio videamus, qualiter spiritus humanus ambulans per itinera vita contemplativa vigili somno quietetur et illuminetur (a) post luctam vite activæ, sicut patet de Jacob, qui post luctam et somnum contemplationis, didicit videre spiritualia, ut diceret⁶: *Vidi Dominum facie ad faciem, et salva facta est anima mea.* Unde Hugo dicit⁷: « Tunc ex Jacob fit Israel, quando post sudationes bonæ operationis, pervenitur ad lucem contemplationis. Tunc⁸ exultabit Jacob, et letabitur Israel. » Igitur per Jacob luctantem, signatur vita activa, quæ contra vitia luctatur. In quo luctamine, etsi spiritus non mortificatur, ut plurimum tamen infirmatur et fatigatur, ut clamet cum Psalmista⁹: *Afflictus sum, et humiliatus sum nimis.* Per Israel vero videntem, signatur vita contemplativa, quia in via dormiens, coelestia contemplatur. « Quid namque est dormire in via, ait Glossa, nisi, in presenti vita transitu, a rerum temporalium amore labentium, oculos mentis claudere? Hos oculos concupiscentiae aperuit diabolus, quos innocentia clausos tenuit. » Hæc Glossa. Iste somnus tantum placet Deo, ut cum contestatione juriamenti prohibeat tales excitari a somno tali et pausatione, dicens (b) contemplativa¹⁰: *Adjuro*

De quiete
te vita
contemplativa.

¹ Vid. sup., pag. 403. — ² Greg., ubi sup. prox. — ³ Richard., *de Contempl.*, lib. I, c. 1, post med. — ⁴ Joan., xxi, 21. — ⁵ Aug., in *Joan.*, tract. cxxiv, n. 5. — ⁶ Gen., xxxii, 30. — ⁷ Hug., *de Claust.*

⁸ Psal. xlii, in fin. — ⁹ Psal. xiii, 7. — ¹⁰ Psal. xxxvii, 9. — ¹¹ Cantic., II, 7; III, 5.

(a) *Cat. edit.* quietatur et illuminatur. — (b) *Suppl.* de, nisi transferas hoc modo: pausatione contemplativa, dicens.

vos, filia Jerusalem, ne excitetis, neque evigilate, etc.
Quod exponens Origenes dicit: «Conjurationem tuam audivi, Domine, quam, ni fallor, sponse tute actus et status causabat, status optimus, actus praecellentissimus, tibi incumbens sine medio, te videns sine nubilo, in te quiescens sine tedio, de te hilarescens sine modo, a te permanentiam accipiens sine termino. » Ille illud.

Quarto videndum est, qualiter spiritus hum-
manus ambulans per itinera vitæ contemplati-
væ facie pulchrificetur, et visu clarificetur (a). Richardus dicit¹: « Ducas, ut legimus, uxores
Jacob habuisse cogebatur. Una Lia, altera Ra-
chel vocabatur. Lia fuit fœcundior, Rachel fuit
formosior. Lia fœcunda, sed lippa; Rachel ste-
rili, sed formosa singularis. Per Liam signatur
vita activa, per Rachel vita contemplativa. Ad
Liam pertinet flere, dolere, gemere, et suspi-
rare : et ideo recte talis uxor *Lia*, hoc est
laboriosa, vocatur, et minus videns. Sed ad
Rachel, quæ interpretatur *visum principiū*, vel
otium, pertinet meditari et contemplari, dis-
cernere et intelligere. » Sequitur: « Sed quid
dulcins, quidque jucundius potest esse, quam
oculum mentis ad summæ contemplationem
sapientie erigere? Ad hanc itaque contempla-
tionem cum ratio dilatatur, merito Rachel no-
mine honoratur. » Haec ille. Ex hac autem con-
templatione summæ sapientie, facies mentis
pulchrificatur. Exemplum habemus de Moyse²,
cujus facies splendida fuit facta ex consortio
sermonis Domini, ut Iudei non possent inten-
dere in eam. Similiter ex hac contemplatione
visus mentis clarificatur. Exemplum de S. Be-
nedito, de quo narrat B. Gregorius, libro
secundo *Dialogorum*³, quod cum in oratione
constitus, quemdam radium divini solis as-
perceret, totus mundus ante oculos suos adductus
videbatur, ubi vidiit etiam animam Germani
Episcopi Capuani, in sphera ignea in cœlum
ferri ab angelis. Et Gregorius dicit ibidem:
« Quid mirum, quod mundum ante se collec-
tum vidi, qui sublevatus in mentis lumine,
et contemplatione, extra mundum fuit? » Haec
ille. Spiritus igitur in itinere contemplationis
facie pulchrificatur, visu clarificatur. De hac
contemplatione purificate, dicit Hugo⁴:

« Contemplatio est deifica similitudo , quia dum per eam illuminati lucentes sunt, quodam modo ipsius lumen lucentis similitudinem accipiunt. » Hec ille. Et Gregorius , libro sexto *Moralium*⁵ : « Vita contemplativa speciosa est in anima contemplantis. Propterea quod dicitur animae contemplative⁶ : *Tota pulchra es, amica mea.*

Quinto, spiritus humanus ambulans in itinere vita contemplativa, dulciter et multipliciter reficitur. Nam cibatur primo, ut fortificetur. Comedere autem animæ spirituale est supernæ lucis contemplationibus pasci, ait Gregorius⁷, quinto *Moralium*. De hac refectione dicit Gregorius, *super Ezechielem*⁸: « Contemplativa vita amabilis valde dulcedo est, quæ supra semetipsam animam rapit, cœlestia appetit, terrena autem debere esse contemptui ostendit, spiritualia oculis mentis patescit, corporalia abscondit, ut talis contemplatrix dicat illud *Canticorum*⁹: *Ego dormio, et cor meum vigilat*. Vigilanti enim corde dormit per hoc, quod dum interius contemplando proficit, ab inquieto corporis opere foris quiescit. Neque adhuc tamen præsens Deus in sua claritate conspicitur, sed quædam sub ipsa speculator anima, unde refecta proficiat, et post ad visionis gloriam pertingat. » Itæ ille. Hanc refectionem anima contemplativa gloriatur se esse expertam, dicens¹⁰: *Fructus ejus dulcis gutturi meo*. Ubi Origenes sic dicit: « Da mihi, Domine, fructum dulcem, fructum vite anime mee: altus es, attolle desiderium: benedictus es, sanctifica obsequium: imputribilis es, purifica affectum: suavis es, letifica animam. » Item in hoc itinere vite contemplativa spiritus reficitur potu inebriantis gratiæ. Unde anima contemplativa in *Canticis* ostendit se hanc potationem inebriantem expertam esse, cum dixit¹¹: *Introduxit me Rex in cellam vinarium*; ubi Glossa dicit: « Quam cito guttur meum dulcedinem gratiae ejus attingit! Ita me recreat spiritu, et ab amore terrenorum in suprema translatam sentio, ac si in cellam vinariam introducta novo sui (b) meri odore, et poculo inebriata sim. » Sed hanc refectionem spiritus ambulans in viis vite activas vix et raro expe-

Anima
contem-
plativa
multipli-
citer resi-
citer.

¹ Richard., *de Duod. Patriarch.*, sive Benj. min., c. I. — ² *Exod.*, XXXIV, 30. — ³ Greg., *Dial.*, lib. II, c. XXXV. — ⁴ Hug., in sept. cap. *Cat. Hier.*, lib. VII, ante med. — ⁵ Greg. hoc dicit, in *Ezech.*, hom. XIV,

post med. — ⁶ *Cant.*, iv, 7. — ⁷ *Greg., Moral.*, lib. V, c. vi, in princi. — ⁸ *Id.*, in *Ezech.*, hom. xxvi, post med. — ⁹ *Cant.*, v, 2. — ¹⁰ *Ibid.*, ii, 3. — ¹¹ *Ibid.*, 4.

(a) *Cæt. edit. pulchrificatur...* clarificatur. — (b) *Cæt. edit. sua.*

ritur. Unde Augustinus, in Epistolam (*a*) ad *Hebreos*, dicit : « Contemplati, non activi, amare et gustare possunt sincerum bonum, ad quod gustandum, necesse est cessare a tumultu mundi : propter quod esuriunt et sitiunt modo activi, quia non habent gustus sensum exercitatum.

Sexto, spiritus humanus ambulans in itineribus vita contemplativa, a labore viae relevatur per divinam allocutionem. Unde in *Luca* dicitur ¹ : *Nonne cor nostrum ardens erat in nobis, dum loqueretur nobis in via?* Quod exponens Gregorius, dicit sic ² : « Ex auditu sermone inardescit animus, torporis frigus recedit, fit mens in superno desiderio anxia, audi libet præcepta cœlestia, et quod mandatis instruitur, quasi tot facibus inflammatur. » Et idem Gregorius, libro secundo *Moralium*, dicit : « Cum in itinere comes jungitur, via quidem non subtrahitur, sed de societate comilis labor itineris levatur. » Item, eum spiritu illo in itinere ambulante quandoque Deus confabulatur, ut supra ³ patuit, ubi dicit Bernardus ⁴ : « Deus, quasi viator quispiam, itinerantibus sese associans, jucundissimis confabulationibus suis a labore viae omnem relevat comitem. » Quam plura ibi de hoc. Item, eum spiritu ambulante in hoc itinere contemplationis Deus habet dulcia susurria. Unde Origenes, exponens illud *Canticorum* ⁵ : *Vox dilecti, etc.*, dicit sic : « Quando ad eor reduco, quod cum contemplantibus sua susurria habet Deus, quibus tanto fortius clamat, quanto efficacius susurrat, non sine admiratione commendatam te habeo, quod hanc vocem, et tenuisti mente, et commendasti ore, dicens : *Vox dilecti, etc.* » Ubi dicit Glossa : « Gaudeo consolatoriā vocem ejus audiens, et dum ejus faciem nondum video, tamen sublevato ad cœlum animo, aliquam suavitatem futuræ beatitudinis prægusto. Tali igitur allocutione spiritus a labore viae sic relevatur.

Septimo, spiritus humanus ambulans in itineribus vita contemplativa, ultra omnia inferiora mentaliter elevatur, et in sancta Trinitate ineffabiliter jueundatur. Unde Hugo dicit ⁶ : « Contemplatio claustrum animæ dicitur, in cuius sinu dum se recepit animus, sola ecclœlia meditatur, a terrenis separatur, a turba carnalium cogita-

tionum longe ponitur, dulces carnis refugit affectus, vagos sensum astringit motus, in Domino delectatur, angelica dulcedine fruitur, legit in libro vita, pro silentio pacem tenet, in choro virtutum servat concordiam morum, summi Patris potentiam considerat, sapientiam Filii investigat, Spiritus sancti benignitatem amat. *Uum haec tria contemplatur, tribus modis consolatur.* » Ille illa. Hos autem tres modos consolandi potest experiri pro vero, qui in itinere contemplationis ambulans, experitur in memoria Patrem admonentem, et trahentem ad Verbum suum Jesum Christum audiendum ; quia, sicut dicitur in Joanne ⁷ : *Nemo venit ad me, nisi Pater meus traxerit eum per internam inspirationem.* Item consolator, qui experitur in intelligentia Filium Patris illuminantem ad Patrem suum cognoscendum, quia, sicut dicitur in Matthæo ⁸ : *Nemo novit Patrem nisi Filius, et cui voluerit Filius revelare.* Item consolator, qui experitur in voluntate Spiritum sanctum allicien tem (*b*) ad Patrem et Filium amplexandum et tenendum. Quare in amore, qui appropriatur Spiritui sancto, Pater et Filius tenentur et amplexantur; quod ostendit Augustinus ⁹. Spiritus ambulans in itineribus vitaे activae, sœpe ab hujusmodi consolationibus impeditur, et amaritudinibus repletur. Unde Origenes, super *Cantica*, dicit : « Qui terrenis inhæret, invenire non potest, nisi quod in terrenis latet, scilicet amaritudinem et dissipationem. » Sunt et aliae multæ utilitates contemplationis.

DISTINCTIO VI.

Qualiter per iter contemplationis spiritus aeternum manerium Christi ingrediatur.

Sexto videndum est quomodo per iter contemplationis spiritus noster ad intrinsecum secretum Domini Jesu ingrediatur, et ab exterioribus abscondatur. Et quamvis ex prædictis gradibus contemplationis satis patere posset, qualiter spiritus humanus contemplando ingreditur in aeternum manerium Jesu, cum Hugo, super *primum Angelicæ Hierarchiæ*, dicat, quod quanto magis crescit a seipso ascensio, tanto magis crescit cognitio, donec oculus intellectualis magis ac magis illuminetur et confortetur, et affectus mentalis magis purificetur et

Spiritus contemplatus debet prius mundo mori, ut Deum in oratione videare possit.

¹ *Luc.*, xxiv, 33. — ² *Greg.*, in *Evang.*, hom. xxx, post med. — ³ *Sup.*, de sec. itin., dist. iii, pag. 410. — ⁴ *Bern.*, in *Cant.*, serm. xxxi. — ⁵ *Cant.*, ii, 8. — ⁶ *Hug.*, de *Claust.* *Anim.*, lib. iii, c. 1, in princ. —

⁷ *Joan.*, vi, 44. — ⁸ *Math.*, xi, 27. — ⁹ *Aug.*, de *Trinit.*, lib. vi, c. v, n. 7.

(a) *Cœt. edit.* *Epistola.* — (b) *Item afficien tem.*

inflammetur, et totus in Deo quietetur, et istum ascensum doceant prædicti gradus contemplationis: planum est, quod per eos potest cognosci, qualiter spiritus contemplativus in illud secretum intrinsecum Domini Jesu ingrediatur et abscondatur: tamen, propter istius manerii utilitatem, notandum, quod cum Dominus dicat¹: *Non videt me homo, et vivet*, necesse est ut spiritus contemplativus mundo prius moriatur, et mundus sibi moriatur, et ex tunc in eterna ingrediatur, et in eis abscondatur. Quid est autem spiritum per contemplationem illud intrinsecum secretum intrare, nisi ab omnibus temporalibus absolvi et elongari, et in eterna extendi, et in eis abscondi continuis profectibus, donec totus homo, exterior et interior, in Deum ordinetur, prout possibile est statui via? Unde Gregorius, libro quarto decimo *Moralium*, dicit: « Contemplationis penna nos sublevat, atque a nobis ad illum erigimur intuendum raptim, et intentione cordis, et dulcedine contemplationis, aliquo modo a nobis imus in ipsum, et hoc ire est requiescere. » Dissimiliter tamen requiei divinæ assimilamur, et imitamur requiem Dei: nam sequitur ibidem: « Namque ut beati simus et æterni, æternum imitabitur in æternum, et magna nobis est æternitas, imitatio æternitatis, nec expertes sumus ejus quam imitari possumus. » Hæc Gregorius. Oportet enim verum contemplatorem mori mundo, ut mundus sibi moriatur, ut in nullo contemplatio ejus impediatur. Dicit enim Gregorius, libro duodevigesimo *Moralium*²: « Quisquis sapientiam, quæ Deus est, videt, huic vitæ funditus moritur, ne jam amore ejus teneatur. » Talis fuit ille verus contemplator Paulus, quando dixit³: *Mihī mundus crucifixus est, et ego mundo*. Quod Gregorius exponens, libro quinto *Moralium*, dicit⁴: « Mundus quidem ei crucifixus fuerat, quia hunc cordi suo jam mortuum non amabat. Sed seipsum mundo crucifixarat, quia taleni se exhibere studuit, ut ab eo quasi mortuus concupisci non posset. » Et sequitur⁵: « Sancti igitur viri ab importunitate desideriorum temporalium, a tumultu inutilium curarum, a clamore perstrepenientium turbationum semetipsos sacri verbi gladio mortificare non desinunt, atque intus ante Dei faciem in sinu mentis abs-

conduntur. Unde recte per Psalmistam dicitur⁶: *Abscondes eos in abscondito vultus tui, a perturbatione hominum*. Quod quamvis perfecte postmodum fiat, etiamnunc ex magna parte agitur, cum a temporalibus tumultibus, et eorum delectatione, in interiora rapiuntur: ut mens eorum, dum in amore Dei tota tenditur, nulla mundi perturbatione laceretur. Hinc est, quod Paulus contemplatione mortuos, quasi in sepulchro absconditos discipulos viderat, quibus dicebat⁷: *Mortui enim estis, et vita vestra abscondita est cum Christo in Deo.* » Hæc ille.

DISTINCTIO VII.

Qualiter spiritus humanus ad veniendum per iter contemplationis ad secretum JESU invitetur (a).

Septimo videndum est, qualiter spiritus humanus, ad veniendum per iter jucundæ contemplationis ad intrinsecum secretum Domini Iesu, ab eo invitetur, Sponso in *Canticis* dicente⁸: *Surge, propera, amica mea, columba mea, formosa mea, et veni*. Cujus invitationis subjungit affectum, dicens: *Veni*, quia jam est itinerandi amoena jucunditas, quia flores apparuerunt in terra nostra. Jam enim tempus vernalis advenit, ex praesentia divini Solis incarnati. Unde Origenes, *super Cantica*, dicit: « Ipso sole justitiae oriente, hiems transiit, et ver tidei calore Spiritus sancti terram solvit, et flores virtutum producit. » Ergo, o *amica mea*, propter contemplationis tuæ amorosum affectum, vulnerasti cor meum, *Sponsa mea*, penetrando dulcissimam dulcedinem in uno oculorum tuorum, sicut exponit Vercellensis, id est, intelligentia tua attracta et simplificata in contemplatione pulchritudinis mee. *Surge mentaliter per amorosæ contemplationis sursum actionem*, ut, sicut dicit Glossa super illud Matthœi⁹: *Respicite volatilia cœli*, sola contemplatione jam in cœlo degas, quasi avis cœlica, non terrena. O *columba mea*, propter contemplationis tuæ radiosum aspectum, quia¹⁰ *oculi tui columbarum*, ubi dicit Glossa: « Sensus tui spirituales contemplatione spiritualium rerum excellentes reverendi sunt et simplificati; ideo magis confortati: propterea ait Isaías¹¹: *Assument pennas ut aquilæ, volabunt, et non deficien-*

Invitatur
spiritus
homo-
rus ad
jucun-
darem
contem-
platio-
nis.

¹ *Exod.*, xxxiii, 20. — ² *Greg., Moral.*, lib. XXIII, c. ult., ante med. — ³ *Gal.*, vi, 14. — ⁴ *Greg., Moral.*, lib. V, c. III, circa med. — ⁵ *Ibid.*, c. v, post

med. — ⁶ *Psal.* xxx, 21. — ⁷ *Coloss.*, iii, 3. — ⁸ *Cant.*, II, 10. — ⁹ *Math.*, vi, 26. — ¹⁰ *Cant.*, IV, 1. — ¹¹ *Isa.*, XL, 31.

(a) Cœt. edit. invitatur.

Aquila, sicut dicit Hugo¹, super quintum decimum Angelicæ Hierarchiæ, avis est altifera, et cito volans, et significat agilitatem spiritus, » etc. *O formosa mea*, proper contemplationis tua speciosum objectum. Ex pulchritudine enim objecti beatifici, mentes contemplatrices beatificantur, et pulchritificantur. Unde Dionysius, in Angelicæ Hierarchiæ, dicit: « Deus pulchros facit suos contemplatores et amatores, juxta illud ad Corinthios²: *Nos autem revelata facie gloriam Domini speculantes, in eamdem imaginem transformabimur*, etc. Tali contemplatrix dicitur³: *Ostende mihi faciem tuam. Facies enim tua decora*, non decore corporali, sed decore vero, et spirituali, et interiori. *Veni ergo de labore ad requiem*, de dolore ad consolacionem, de languore ad impossibilitatem. *Veni ad interiores theorias uitivitæ contemplationis*, tanquam ad interiora deserti, ubi jam apparent flores, id est splendores coelestis sapientie, qui ibi apparent in contemplatione clara, qui prius te latebant in prima desideriorum extensione. Unde in Job dicitur⁴: *Audita auris audi te, nunc autem oculus meus videt te. Veni*, aperta sunt prata, apparuerunt herbae florentes, varios flores, et odoriferos, et spirituales in Ecclesia producentes. Unde Gregorius exponens illud Genesis⁵: *Odor filii mei sicut odor agri pleni*, dicit⁶: « Aliter redoleat flos uvæ, per quem signantur praedictores doctrinis inebriati; aliter flos olei, id est misericordes, qui lucent, et refovent debiles; aliter flos rosæ, id est, martyres exemplis fragrantes; aliter flos lili, id est, virgines candidam famam spirantes; aliter flos violæ, id est, humiles purpuram coelestis vitæ servantes; aliter spica nardi, id est perfecti et maturi, opera bona fructificantes, » dicit Gregorius. Et Origenes: « Quis jam non surgat, quis non properet, aut quis non veniat, ubi tot utilitatis insignia concurrunt? » Per illud iter floridæ contemplationis fideliter et amorose ambulare tribuat nobis, qui est æternorum via, veritas et vita. Amen.

DE QUARTO ITINERE ÆTERNITATIS,

QUOD EST ÆTERNORUM CHARITATIVA AFFECTIO (a).

Quarum iter æternitatis (b), per quod spiritus humanus venit ad intrinsecum secretum, ei

¹ Hug., in cap. quintum. *Cæl. Hier.*, lib. X, post med. — ² II Cor., III, 18. — ³ Cant., II, 4. — ⁴ Job,

æternum manerium Jesu, est æternorum charitativa affectio. Ad cuius itineris majorem cognitionem, septem sunt notanda.

Primo, quare iter charitativa affectio iter contemplationis immediate sequatur.

Secundo, quid sit charitativa affectio, et quomodo sit iter ad æterna, ut verius cognoscatur.

Tertio, qualiter charitativa affectio a naturali affectione, vel acquisita dilectione distinguatur.

Quarto, quibus signis et conjecturis charitativa affectio qualitercumque manifestetur.

Quinto, qualiter charitativa affectio a sanctis Doctoribus per gradus dividatur.

Sexto, qualiter spiritus noster, per iter charitativa affectio, æternum manerium ingreditur.

Septimo, qualiter spiritus noster ad venendum per iter charitativa affectio ad æterna, a Domino invitetur (c).

DISTINCTIO I.

Quare iter charitativa affectio iter contemplationis immediate sequatur.

Primo igitur videndum est, qualiter iter charitativa affectio iter contemplationis immediate sequatur. De hoc nota, quod quia affectio charitativa tanquam posterior perficit contemplationem (dicit enim Augustinus⁷, quod quanto flagrantius Deum diligimus, tanto certius seruiamusque eum videmus): ideo charitativa affectio debet immediate sequi contemplationem, tanquam excellentior, et perfectior, et perficiens intellectum contemplativum. Voluntas enim, tanquam posterior in ordine, aperit intellectui suam perfectionem. Cujus signum est, quia voluntas imperat intellectui quærere et inventire notitiam, qua est perfectio intellectus, et partus mentis, sicut ostendit Augustinus⁸. Et Hugo, super septimum Angelicæ Hierarchiæ, dicit⁹: « Dilectio supereminet scientię, et major est quam intelligentia. Plus enim diligitur Deus, quam intelligatur; et dilectio intrat et appropinquat, ubi scientia foris stat. » Et istius dicti reddit rationem dicens: « Nec mirum, quia dilectio semper amplius præsumit et confidit, semper acutum habet penetrans omnia, et sequensim

⁷ Gen., xxvii, 27. — ⁸ Greg., in Ezech., hom. vi, ante med. — ⁹ Aug., de Trinit., lib. VIII, c. ix, n. 13. —

⁸ Ibid., lib. IX, c. XII, n. 18. — ⁹ Hug., in cap. sept.

Cæl. Hier., lib. VI, ante med. — (a) *Cæl. edit.* non

habent quod est æternorum charitativa affectio. —

(b) *Cæl. edit. add.* est. — (c) *Cæl. edit.* invitatur.

petum ardantis desiderii, nec dissimulare valet, donec ad amatum perveniat.» Hæc ille. His concordat Gilbertus Porretanus, ubi dicit¹: « Scientia inflat, charitas perflat. Charitas intimior est, quam scientia, et ad secretiora pertingit. Omnia enim interiora perflat spiritus amoris, quo et scrutatur profunda Dei.» Hæc ille. Nullum etiam bonum perfecte noscitur, quod non perfecte amatur, sicut Augustinus dicit². Unde in *Ecclesiastico* dicitur³: *Qui timetis Deum, diligite illum, et illuminabit (a) corda vestra.* Rationabiliter igitur charitativa affectio sequitur contemplationem, tanquam perficiens eam, quamvis incognita amari omnino non possint, secundum Augustinum.

DISTINCTIO II.

Quid sit charitativa affectio, et quomodo sit iter ad eterna, ut verius cognoscatur.

Charitas quid sit. Secundo videndum est, quid sit charitativa affectio, ut ex hoc spiritus cognoscatur, qualiter ipse sit iter ad eterna. De quo primo sciendum est, quod amor, dilectio, et charitas, in Scriptura frequenter pro eodem accipiuntur, ut dicit Dionysius, quarto de *Divinis Nomibus*, ubi dicit: « Communiter et uniformiter utendum est in divinis nomine amoris, nomine dilectionis, sive etiam charitatis.» Et Augustinus, octavo de *Trinitate*, dicit⁴, quod « nihil aliud est charitas, nisi amor boni.» Est igitur sciendum, sicut dicit Dionysius ubi supra, quod unus est amor inveniens, qui sua supersubstantiali et universalis appetibilitate ingnitus amorem creatum omnibus rebus; qui amor creatus est quedam inclinatio et coordinatio amantis ad bonum amatum: et ideo Dionysius distinguit ibidem diversos amores, secundum diversas inclinationes ad bonum appetibile, dicens: « Quando anorem nominamus, sive divinum, sive angelicum, sive intellectuale, sive animalem, sive naturale, designamus, nomine amoris, quamdam virtutem unitivam.» Ubi dicit Commentator: « Amor est connexio et vinculum, quo omnium rerum universitas ineffabili amicitia insolubilique unione copulatur.» Et Commentator exponit et declarat istos amores ibidem. Ex quibus magis, quid amor sive charitas sit, apparebit. Amorem

naturalem vocant inclinationem ad bonum, quæ *Amoris naturalis*. non presupponit cognitionem aliquam, quæ interest omnibus rebus a Creatore indita, qua inclinatur ad conservationem sui esse, quod est bonum eis. Unde dicitur in Job⁵: *Frumentum desiderat nubes*, id est naturalem habet inclinationem ad hoc bonum. Amorem animalem vocat inclinationem ad bonum, quæ presupponit cognitionem sensitivam; et hic tantum est in his, in quibus est sensibilis appetitus, ut in homine, et in brutis. Amorem intellectualem vocat inclinationem ad bonum, quæ presupponit cognitionem rationis, ut Commentator ait, quæ est in homine: et hic amor distinguitur: quia quedam est inclinatio ad bonum, quæ non presupponit nisi naturalem cognitionem boni absolute, et est a voluntate non deliberata; quedam est inclinatio in bonum, quæ presupponit cognitionem deliberatam respectu boni relati ad aliud ut ad finem, vel circumstantias, vel ad aliquid aliud: tunc est amor electivus, qui propriè dicitur dilectio. Si autem ille amor sit^(b) per aliquem habitum supernaturalem, per quem homo sit acceptus Deo, et dignus remunerari in eterna vita, amor charitatis est sive gratuitus, et hic necessarius est, ut sicut intellectus per fidem, quod est lumen supernaturale, elevatur ad beatifici objecti supernaturalem cognitionem; ita et affectus, sive voluntas, per supernaturalem habitum charitatis elevatur ad beatifici objecti supernaturalem affectionem, ut infra patet.

Amorem autem angelicum vocat inclinationem in bonum, quæ^(c) presupponit altiorem cognitionem, quam sit cognitio humana: et ideo Angelus fortius inclinatur in bonum cognitum, et perfectius. Unde Lineoniensis Commentator super quintum *Angelicæ Hierarchie* dicit: « Angeli ex rationis abundantia scientes id, quod appetunt, esse vere desiderabile, et vehementissime, et intime, et totis viribus desiderandum et amandum amore puro, et non in aliud tendente; illud intendunt ita fortiter et inavertibiliter, quod illa intentio a nulla potestate et potentia intercipi potest, vel impeditur: et sic amor intellectuum tendit in eis in visum bonum, quod est verum et summum bonum.» Hæc ille.

Amorem vero divinum Dionysius, ubi supra, ponit « præexistentem supersubstantialiter in bono ad existentiam emanantem^(d), qui et rursus

¹ Gilb. Porrci, *sup. Cant.*, serm. xxxix, circa fin., inter Bern. Opera. — ² Aug., lib. LXXXIII Quæst., q. XXXV, n. 1. — ³ Eccl., 11, 10. — ⁴ Aug., de Trinit., lib. VII, c. x, n. 11. — ⁵ Job, XXXVII, 11.

^(a) Vulg. *illuminabuntur*. — ^(b) Edit. Ven. fit. — ^(c) Edit. Lugd. in qua; cœl. edit. qua. — ^(d) At. emanantem.

ad bonum convertitur : in quo divinus amor monstratur sicut quidam eternus circulus, habens finis interminabilitatem , et principii carentiam, circumambulantis propter bonum ex bono, et in bonum, per quamdam circulationem non errantem, et ipse amor in codem et secundum idem procedens, semper in se manet, et ad se restituitur. » Hec ille. De isto amore dicit idem sic : « Audeo autem pro vero dicere, quia ipse Deus omnium tam pulchro et bono amore omnium per abundantiam amativæ bonitatis, quasi extra seipsum sit, providinge omnibus existentibus, et per amorem et bonitatem trahitur, et ex eo, quod est super omnia, ad id, quod est in omnibus, deducitur secundum virtutem supersubstantialem facientem ecstasim, sed a se inegressibilem. Propter quod Deum zelotum vocant, tanquam abundanter amantem existentia, et excitantem mentes ad fervens desiderium ipsius : unde amabilis et diligibilis dicitur, in quantum est plenitudo bonitatis et pulchritudinis euntes appetentibus. Dicitur Deus amor et dilectio, in quantum ipse est virtus movens, et quasi sursum agens omnia ad se naturaliter appetendum, quemadmodum adamas, quiescens, facit ferrum moveri. » Hœc Dionysius. Ex his omnibus concludit, dicens : « Quando ergo amorem nominamus, sive divinum, sive angelicum, sive intellectualem, sive animalem, sive naturalem, designamus nomine amoris quamdam virtutem unitivam et concretivam, moventem superiora ad providentiam inferiorum, et coordinatam ad continuam et mutuam habitudinem inferiorum, ad conversionem ad superiora. » Ex quibus omnibus apparere potest, quod amor est virtus unitiva amantis cum amato.

DISTINCTIO III.

Qualiter charitativa affectio a naturali affectione, vel acquisita dilectione distinguatur.

Affectio
charitati-
va qual-
iter ab af-
fectione
naturali,
et acqui-
sita diffe-
rat.

Tertio, ne spiritus humanus arripiat iter naturalis affectionis, vel acquisite dilectionis, pro itinere charitativa affectio, expedit videre qualiter affectio charitativa, sive gratuita, a naturali affectione, et acquisita dilectione vel amore, differat, vel distinguatur. De quo notandum est, quod, sicut dicit Hugo de Sancto Victore in libro qui incipit : *Accipe, frater charissime, affectus est spontanea quedam ac dulcis ipsius*

¹ Hug., ubi sup. prox. — ² Ephes., v, 29. — ³ Isa., xlxi, 13. — ⁴ I Tim., v, 8. — ⁵ Joan., xlii, 25. —

animi ad aliquid inclinatio. Et quia, sicut ipse dicit ibidem, secundum variam inclinationem affectionum et motum variantur nostri amores, ideo, ut de omnibus affectionibus et motibus quibus amor noster multipliciter variatur, quis illorum maxime sequendus sit, et quantum, et qualiter, ut competenter fiat, et quis respondebit sit, vel etiam reprimendus, subtilius est inquirendum. Per hoc patebit in quo amores isti convenient, et differunt.

Sunt autem, sicut ipse ostendit ibidem, quinque amores, et affectiones quibus inclinamur ad aliquem vel aliquid.

Primus est affectus naturalis, de quo dicit Hugo ibidem sic ¹ : « Naturalis affectus est eujuslibet ad carnem suam : nemo enim ² carnem suam odio habuit. Item matris ad filium : non enim ³ potest mater olivisci infans uterī sui. Item hominis ad domesticum suum : Qui enim ⁴ curam domesticorum non habet, fidem negavit, et est deterior infidelis. Hunc sane affectum, sicut non admittere impossibile est, ita non sequi summæ virtutis est, nisi ratione reguletur. Semper enim iste affectus mollia suggerit, et suave, et jucundum, quod torrenum, quod voluptuosum, et quod delicatum, libenter amplectitur; quod vero asperum, quod voluntati contrarium, omni horrore refutat : quo circéa hujus affectionis executio amor perversus est. Hic amor a Salvatore interdicitur, cum dicit ⁵ : Qui amat animam suam, perdet eam. Proinde sanctus Augustinus dicit ⁶ : « Si male amas, lumen odisti; si bene oderis, tunc amat. » Sequitur : « Qui enim amat secundum talēm affectum, utique odit, quia ⁷ qui diligit iniquitatem, odit animam suam; qui vero odit secundum illum affectum, secundum rationem diligit. Naturale quidem est, quod homo erga se et suos affectum habeat; sed amorem secundum affectum habere non debet. » Hœc ille. Quod ab (a) isto affectu naturali affectio charitativa differat, patet, quia iste (b) cum homine nascitur, illa vero a Deo inducitur, dicit idem Hugo.

Secundus est affectus carnalis, de quo dicit idem sic : « Carnalis affectus duplex est. Plurumque enim neque virtus, neque vitium est; sed est quedam exterioris hominis habitudo, animalium intuentis sibi inclinans facile. Quippe cum alicuius forma est elegantior, et sermo sua-

⁶ Aug., in Joan. Evang., tract. L, n. 10. — ⁷ Psal. x, 6.

(a) Cœt. edit. in. — (b) Item ista.

vior, venustus aspectus, etiam ignorantis qualis ipse sit, provocat et perstringit ipsum affectum. Hoc in puerō Moyse apparuit, quod propter eleganter formam tribus mensibus contra praeceptum Pharaonis absecondebatur, et a filia ipsius Pharaonis in filium fuit adopiatus. Porro et qui ad noxiā voluntatem in qualibet specie suavitatis male blanda compungit, motum carnalis affectus nemo sani capitū dubitavit. Hic carnalis affectus fuit, qui David¹ ad speciem Bethsabee preevenit incautum, præventum dissolvi, dissolutum obruit. Hic affectus sapientiam Salomonis² absorbit, et carnali libidino dissolutum, in spiritualis fornicationis barathrum, et nefandissimam idolorum culturam dejicit. » Hæc ille. Talis affectus non meretur habere nomen amoris veri; sed, ut dicit Dionysius³, est longinquum idolum veri amoris, et plenus anxietate. Affectio autem charitativa plena est jucunditate. Unde Richardus, *de Trinitate*⁴: « Sicut charitate nihil est melius, ita et nihil est jucundius. »

Tertius affectus est officialis, de quo Hugo sic dicit: « Officiale affectum dieimus, qui meritorum vel obsequiorum exhibitorum quorumdam (*a*) animos inclinat; qui quamvis sit periculosis, tamen admittendus est, ne sis ignarus vel ingratius in officio: cavendum est ne tam homini imperiatur, quam vitio. Quid magis cavendum est, quam ne obsequiis vel muneribus illectus, aut foveas vitia, aut vitiosa? Proinde in muneribus vel obsequiis suscipiendis, magna habenda est discretio. Et attendendum est ad personæ dignitatem, ut si forte tanti meriti sit, ut affectus officialis transeat in rationalem, ut quem cœpimus diligere, quia nobis gratus diligiri incipiatur, quia virtutibus adornatus, et retributio secundum rationem, non secundum affectum impendatur, sed et desiderium quo amati presentia desideratur, vel actus quo ipsa presentia comparatur, rationem sequatur, non affectum. Iste quoque affectus, qui hominem sine alterius causæ respectu sponte complectitur, per omnia temperetur. Ab isto affectu multum differt affectio charitativa, quia iste querit quæ sua sunt, per charitatem autem singula sunt omnium, et omnia singulorum, quia⁵ non querit quæ sua sunt, ut ait Gregorius in *Moralibus*⁶.

¹ *Il Reg.*, xi. — ² *III Reg.*, xi. — ³ *Dion.*, *de Cœl. Hier.*, c. ii, et *de Div. Nomi.*, c. iv. — ⁴ *Richard.*, *de Trinit.*, lib. iii, c. iii, statim post princ. — ⁵ *I Cor.*,

Quartus est affectus rationalis, de quo Hugo sic dicit: « Rationalis affectus hic est, qui ex consideratione alienæ virtutis oboritur, videlicet cum oculis nostris cuiuslibet virtus vel sanctitas explorata, vel fama divulgata, mentem nostram dulcedinis suavitate perfundit. » Sequitur: « Hic est affectus qui nos, audita triumphali martyrum passione, suavissima compungit devotione, ac memorabiles actus præcedentium quasi sub oculis delectabili meditatione depingit, et ad proximi dilectionem contemplantis ejus virtutibus (*b*) accedit: propter quod constat hunc affectum esse perfectiorem. Etenim non modicum virtutis indicium est ipse amor virtutis, ex quo ad actum virtutis excitatitur. » Hæc ille. Ab isto affectu differt affectio charitativa, quia ista, ratione mediante, ab exemplis exterioribus oritur et exercitatur; affectio vero charitativa a spiritu sancto ad amandum etiam peccatores inflammatur, et bonorum exemplis multo dulcius afficitur, ut palet per Apostolum, vel per alios sanctos.

Quintus est affectus spiritualis, sic dictus, quia vel a spiritu immittitur, vel a spiritu oritur, vel a spiritu inspiratur. Et hic affectus est *Affectus triplex* triplex, quia quandoque immittitur a spiritu maligno; quandoque oritur a spiritu humano, et quandoque inspiratur a spiritu divino et sancto. A spiritu maligno affectus immittitur, ut dicit Hugo, quando inclinat aliquem ad vitia. Illo affectu maligno filius David⁷ improbe in sororis exarsit amplexus. Istumque affectum misit in cor Iuda⁸, ut Dominum traderet. Illo affectu inclinat ad quæque turpia. Unde Osee⁹: *Spiritus*, inquit, *fornicationis* decepit eos. Quod autem affectio charitativa differat ab illo, placitum est, quia illi contrariatur. A spiritu autem humano, tam ex innata ingenuitate, quam ex studiosa, et ex cretata exquisitione, oriuntur quandoque affectus amorosi ad summum bonum diligendum, quod est summe appetibile, et sunt simillimi affectioni charitativa, sive gratitudo. Nam si accipiat gradus maximus charitatis, qui, testante veritate in Evangelio, est¹⁰ *ut animam suam ponat quis pro amicis suis*, similem gradum ex puris naturalibus inveniuntur multi ascindisse. Unde Augustinus narrat¹¹, quod

XIII, 5. — ⁸ *Greg.*, *Moral.*, lib. X, c. iv, vers. fin.

⁹ *Il Reg.*, XIII, 5. — ¹⁰ *Joan.*, XIII, 2. — ¹¹ *Ose.*, IV, 12.

— ¹⁰ *Joan.*, XV, 13. — ¹¹ *Aug.*, *de Civit. Dei*, lib. I, c. viii.

(a) *Suppl.* gratia. — (b) *Forte leg.* virtutes cor.

multi utilitatem Reipublicæ proprie^e vite preponebant; et exemplificat de hoc. Et Tullius, *de Officiis*, dicit¹, quod duo erant precepta Platoni volentibus Reipublicæ prodesse: primum, ut utilitatem civium sic tueantur, ut quæcumque agant, ad eam referant, oblii^t commodorum suorum; secundum preceptum fuit, ut totum corpus Reipublicæ carent principaliter, ne dum aliquam partem tuerantur, reliquas deserant. A spiritu autem divino affectus charitatis infunditur, ut patebit, qui licet in multis differat a predictis, in multis tamen convenit cum eis: propter quod difficile est distinguere inter istas affectiones, scilicet charitativam, naturalem, et acquisitam, propter similitudinem actuum suorum.

Charitas
gratuita
ab aliis
affectu-
bus di-
lectionis
multipli-
citer
differt.

Et tamen isti habitus differunt: quod certum est, primo, quantum ad originem, quia charitas gratuita a solo Deo supernaturaliter infunditur. Unde dicit Apostolus²: *Charitas Dei diffusa est in cordibus nostris per inhabitantem Spiritum sanctum*. Illa autem, scilicet naturalis, per naturam cum homine nascitur, et altera per exercitum acquiritur. Secundo differunt quantum ad substantialitatem, quia charitas gratuita est vivificativa, purior et ferventior, quia nunquam est sine Spiritu sancto, qui datur in ea; neutra autem aliarum vivificat. Tertio differunt quantum ad formalitatem, quia charitas gratuita alias virtutes, vel habitus informat et perficit, ut dicit Ambrosius, utrique autem illorum manent informes et imperfecti sine ista. Quarto differunt quantum ad finis capacitatem, quia charitas gratuita spiritum humanum a culpa educit, in gratiam conducit, et Deo unit, et gaudio perenni et jubilatione consummat et perficit. Unde Rabanus in quodam sermone dicit sic: « Charitas sive amor divinus est ignis in meditatione, mentem purificans a sordibus vitiorum; lux est in oratione, mentem irradians claritate virtutum; mel est in gratiarum actione, mentem dulcorans dulcedine divinorum beneficiorum; vinum est in contemplatione, mentem inebrians jucunda delectatione; sol est in æterna beatitudine, mentem clarificans serenissimo lumine et suavissimo calore, exhilarans ineffabili gaudio, in perenni jubilatione. » Hæc ille. Nullum istorum potest perficere sine charitate, nec naturalis amor, nec acquisita dilectio. Bernardus, super

Canticum, sermone quinquagesimo, sic distinguit, dicens³: « Est affectio, quam caro, sive natura gignit; est affectio, quam studiosa exercitatio acquirit, sive quam ratio regit; et affectio, quam sapientia condit. Hæc ultima primam illuminat, secundam remunerat: prima quidem est dulcis, sed turpis; secunda est sicca, sed fortis; tercia suavis et pinguis, quæ gustat, quoniam suavis est Dominus. » Hæc ille. Certa tamen differentia in his non potest haberi.

DISTINCTIO IV.

Quibus signis et conjecturis charitativa affectio qualitercumque manifestetur.

ARTICULUS I.

De signis charitatis jam genitæ.

Quarto igitur videndum est, quibus signis vel conjecturis charitativa affectio, ut a Deo inspirata est, qualitercumque cognoscatur. Circa quod sciendum, quod quamvis Magister in *Sententiis* notificare natum habitum charitatis, dicens: « Charitas est virtus gratuita, voluntatem in esse secundo perficiens, in ordine ad actum diligendi prompte et faciliter, propter se et supra omnia, summum bonum; » et licet habitus notificantur per eorum actus: tamen, ut supra patuit, quia actus charitatis, et actus amoris naturalis, et acquisite dilectionis sunt similimi, ideo non possumus certitudinaliter scire, utrum habeamus habitum charitativæ affectionis: quod non absque rationabili causa a Deo ordinatum est: et ideo oportet nos esse contentos aliquibus signis et conjecturis, quibus aliqualiter confidamus (*a*) nos habere charitatem gratuitam. Et quia ista signa et conjecturae oriuntur ex actibus charitatis, quorum aliqui ex ipsa charitate elicuntur, aliqui ex ipsa imperantur, et horum aliqui sunt charitatis incipientium, et alii charitatis proficientium, et alii charitatis perfectorum: propter quod Sancti et Doctores aliqui dicunt aliqua signa esse charitatis genitæ, aliqua roboratae, et aliqua esse charitatis signa jam perfectæ. Et signa charitatis jam genitæ, seu infuse, sicut dicit Bernardus, sunt quatuor, quæ ibi numerat, dicens sic⁴:

Primum signum charitatis genitæ sive infusæ, est dolor de culpa preterita. Ratio hujus est: charitas et culpa mortalis opponuntur, et ideo in *Cant.*, serm. L, ante med. — ⁴ Bern., serm. *de Omnib. Sanct.* — (*a*) *Ali. confidimus.*

Quibus
conjectu-
ris co-
gnosci
possit
quis non
sit in
gratia.

¹ Cic., *de Offic.*, lib. I. — ² Rom., v, 5. — ³ Bern.,

simul stare non possunt in eadem voluntate : ideo quando charitas est in voluntate, expellit culpam per dolorem contritionis. Unde Augustinus¹ dicit sic : « Radix omnium bonorum est charitas, et radix omnium malorum est cupiditas, et simul ambae non possunt esse, quia nisi una radicibus evulsa fuerit, alia plantari non potest. » Ergo dolor contritionis signum est habite charitatis, cum ultraque simul in voluntate esse possit.

Secundum signum charitatis genitæ, secundum Bernardum, est firmum propositum cavendi futura peccata cum effectu. Cujus ratio est, quia habere propositum cavendi omnia peccata mortalia cum effectu, nec per amorem naturalem, nec per acquisitam dilectionem potest diu quis habere sine gratia, sive charitate adjuvante. Unde Augustinus dicit², quod « voluntas ipsa nisi gratia Dei liberetur a servitute, qua facta est serva peccati, et ut vitia superet per gratiam adjuvetur, recte pieque vivi a mortalibus non potest : » licet enim propter libertatem posset vitare quodlibet peccatum mortale signatum, non tamen propter infirmitatem potest diu omnia in communi vitare, quin in aliquod incidat. Ergo diu esse sine mortali peccato signum est charitatis jam habite sine mortali, id est sine conscientia mortalis.

Tertium signum charitatis genitæ, secundum Bernardum, est delectatio in auditu divini sermonis. Ratio hujus est, quia amantes delectantur in sermonibus mutuis, sive sint sermones inspirati, sive scripti, sive exterius auditii, ut ex illis capiant experimentum mutuorum affectuum, quos charitas silentio tegere non potest. Mos enim amantium est, ait Chrysostomus, ut amorem suum silentio regere nouequeant. Unde et Gilbertus Porretanus idem dicit³. Ideo charitas inspiratione, id est, interna locutione non est contenta; sed sacri sermonis institutio-nes, velut clypeos, undique memoriter apprehendit; sed nec his contenta, quasi vociferando etiamat⁴: *Nuntiate dilecto, quia amore langueo*, ubi dicit Glossa : « Illis volentibus docere, ista flagrans amore prior alloquitur. » Ex his apparet, quod delectatio in auditu verbi Dei, est signum charitatis genitæ.

¹ Vel auctor, quisquis ille sit, hom. viii inter L, al. hom. CCLXX, in append. tom. v, Oper. S. Aug. — ² Aug., Retract., lib. I, c. ix, n. 4. — ³ Gilb. Porret., in Cant., serm. XXVI, post med. — ⁴ Cant., II, 5. — ⁵ Joan., XIV, 23. — ⁶ Greg., in Joan., hom. XXX, in

Quartum signum charitatis genitæ est promptitudo boni operis. Ratio hujus signi est, quia charitas maxime est operativa, quia ipsa est amor finis, et ideo imperat omnem actum ordinatum, vel ordinabilem in hunc finem. Unde Gregorius, in homilia super Joannem⁶ : *Si quis diligit me*, dicit⁶ : « Nunquam amor est otiosus : operatus enim magna, si est ; si autem operari renuerit, amor non est. » Et ibidem : « Probatio dilectionis est exhibitio operis. » Et Bernardus, super *Canticum*⁷ : « Magna res est amor, si ad suum recurrit principium, si sue origini reducitur, si refusus suo fonti, semper ex eo summat, unde jugiter fluat. » Igitur operatio bonorum operum signum est charitatis habite.

Quintum signum charitatis jam genitæ ponit Anselmus in libro *de Similitudinibus*, ubi dicit, quod quando aliquis de defectu alicujus tristatur spirituali, et de profectu aliorum spirituali letatur, signum est charitatis. Et Augustinus, in una epistola ad Hipponeenses, dicens⁸ : « Qui non dolet de malo proximi, non est in eo charitas Christi. » Ratio hujus signi est, quia cum secundum Dionysium charitatis ardor sit virtus unitiva, ideo nititur omnia liquecere (a), et in unum conflare, ut ipsa uniantur. Unde Gregorius, super *Ezechielem*, dicit sic⁹ : « Ecce qualis est charitas, quæ diversitates mentium accedit, conceremat, conflat, et quasi in unam speciem reformat. » Sed hanc conflationem unilivam defectus spiritualium impedit, et profectus perficit : ideo charitas facit de uno tristari, et de altero letari. Unde Apostolus dicit¹⁰, quod charitas non congaudet iniquitati, sed magis congaudet veritati : igitur tristari de defectu spiritualium, et gaudere de corum profectu, signum est charitatis.

ARTICULUS II.

De signis charitatis jam roboralę.

Secundo quidam tradunt aliqua signa charitatis jam roborate, sive proficientis. Et licet multa siut signa istius charitatis, tamen quinque sufficient magis utiliora. Primum igitur signum jam roboralę et proficientis charitatis, est frequens et justa conscientiae examinatio, non solum de peccatis mortalibus, sed etiam

Signa
charita-
tis pro-
ficiens.

princip. — ⁷ Beru., in *Cant.*, serm. XXXIII, circa med.

— ⁸ Aug., ad cler. et pleb. *Hipp.*, epist. CXXXVII, al. LXXXVIII, n. 2 — ⁹ Greg., in *Ezech.*, hom. XIV, longe ante med. — ¹⁰ I Cor., XIII, 6.

(a) Leg. liquefacere.

de venialibus. Ratio hujus signi est, quia sicut charitas opponitur peccato mortali, ita fervor charitatis opponitur veniali, ut ipsum expellat ab anima, ne Spiritui sancto displiceat, qui omnes officinas mentis visitat et mundat. Unde Gregorius, in *Moralibus*, et Bernardus, in sermone de *Pentecoste*¹, dicunt: « Spiritus sanctus profecto monet, movet, et docet. Monet memoriam, movet voluntatem, et docet rationem, nec minimam peccati paleam intra (a) cordis, quod possidet, habitaculum, patitur residere, sed statim igne subtilissima circumspetionis exurit. » Hæc ille. De quo igne Ambrosius, super illud²: *Veni ignem mittere*, dicit sic³: « Dicit ignem, quia aurea vasa dominice domus meliorat, foenum vero consumit et stipulam. » Aurea vasa sunt anime ad imaginem Dei facta secundum tres potentias, secundum quas capaces Dei sunt, ut dicit Augustinus xiv et xv de *Trinitate*, quas ignis charitatis innovat et perficit, et peccata deformantia, tam majora, quam minora, liquecendo (b) consumit. Cum igitur frequens examinatio conscientiae sit a Spiritu sancto per fervorem charitatis, planum est quia ipsa est signum roboretur charitatis, quæ operit multitudinem peccatorum.

Secundum signum proficiens charitatis roboretur, est concupiscentie diminutio. Ratio hujus signi est, quia quanto charitas diligens Deum magis augmentatur, tanto magis homo a concupiscentia temporalium elongatur, ex quo ipsa concupiscentia in tantum diminuitur. Unde Augustinus in *Enchiridio* dicit⁴, quod « minuitur concupiscentia, crescente charitate, donec veniat ad magnitudinem, qua major esse non possit. » Ubi autem non est charitas, ibi regnat cupiditas: regnat autem cupiditas, quando desiderium veri et boni expellit, et saporem.

Tertium signum charitatis proficiens est sensuum interiorum, sive spiritualium, vitalis exercitatio. Ratio istius signi est, quia sicut exercitatio sensuum corporalium signum est corporalis vite, ita exercitatio sensuum spiritualium signum est spiritualis vite. Sunt namque quinque sensus interiores in mente, sicut sunt quinque sensus exteriorum in corpore, sicut dicitur in libro de *Spiritu et Anima*⁵, et Grego-

rius in *Moralibus* dicit: « Habitare in corpore animam, probant vitales sensus: ita habitat in anima spiritum, probat vita spiritualis. Illud ex visu et auditu dignoscitur; istud ex charitate et aliis virtutibus probatur. » Bernardus, sermone de *Pascha*, dicit⁶: « Fidei vitam opera testantur. Siec enim corporis vitam ex motu suo scimus; ita fidei vitam ex bonis operibus cognoscimus: quia, sicut vita corporis est anima, per quam movetur et sentit; ita vita fidei est charitas, per quam operatur actus virtutum et Spiritus sancti. » Igitur ex charitate, sive dilectione, quæ est vita anime, secundum Hugo-nem de *Arrha Animæ*, sensus interiores vivificantur et exercitantur: ideo prefectus interioris, sive spiritualis exercitationis, signum est augmentata dilectionis, quæ omnia exercet in finem, id est, ordinat.

Quartum signum charitatis est studiosa mandatorum Dei observatio. Ratio hujus signi est, quia observatio mandatorum vera sine charitate fieri non potest. Unde Dominus dicit sic⁷: *Qui diligit me, sermonem meum servabit, et Pater meus diligit eum*, etc. Quod expponens Gregorius in homilia dicit sic⁸: « In quorundam corda venit, et mansionem non facit, quia tempore temptationis ab eo recedunt. In quorundam corda venit, et mansionem facit, quia sic amor sive charitas Dei eos penetrat, ut ab amore tempore temptationis non recedant. » Qualiter autem charitate non proficeret, qui fontem dilectionis in se haberet, et jam aliquahiter gustaret? Unde Augustinus dicit: « Tu qui veram requiem, quæ post hanc vitam promittitur, quæris, etiam hanc, inter amarissimas vite hujus molestias, suavem jucundamque gustabis, si ejus, qui eam promisit, præcepta servando, dilexeris. » Et sic patet quartum signum charitatis proficiens.

Quintum signum charitatis proficiens est divinarum veritatum manifestatio. Ratio hujus signi est, quia amor est signum communicationis: et ideo amicus revelat et communicaet amico suo secreta sua, quasi non credens ea ponere extra se, sed in eo, qui est sicut ipse. Amicus enim meus est quasi alter ego, ait quidam. Unde Richardus dicit⁹: « Si vis noscere quia sublimitas divinarum revelationum sit

¹ Bern., de *Pentec.*, serm. 1, post med. — ² Luc., XII, 49. — ³ Ambros., in *Luc.*, lib. VII, n. 132. — ⁴ Aug., *Enchir.*, c. CXVI, n. 32. — ⁵ De *Spir. et Anim.*, c. XLIX. — ⁶ Bern., de *Resurr.*, serm. II, in princ. —

⁷ Joan., XIV, 23. — ⁸ Greg., in *Evang.*, hom. XXX, non longe a princ. — ⁹ Richard., de *Contempl.*, lib. IV, c. XVI, post med.

(a) *Cat. edit.*, infra. — (b) *Leg. liquefaciendo.*

manifestum divinæ dilectionis indicium, audi¹: *Jam non dicum vos servos, inquit Dominus, sed amicos, quia omnia nota feci vobis, quae audivi a Patre*, quia ex magnitudine divinæ dilectionis pendet modus divinæ revelationis. Et idem dicit sic²: « *Certum igitur signum tibi sit, quod dilectio tuum minus diligis, et ab illo minus diligenter, si ad theoricos excessus, nondum vocantem, sequi merueris.* » Ex quo patet, quod crescente revelatione, crescit et dilectio. Et signum quintum charitatis proficiens patet sic.

ARTICULUS III.

De signis extrinsecis charitatis jam perfectæ.

Tertio quidam tradunt quedam signa charitatis jam perfectæ, prout potest perfici in via, quia³ *justorum semita quasi lux splendens procedit, et crescit usque ad perfectam diem, scilicet perfectæ charitatis.* Et ideo sciendum est, quod in viatoribus duplex est perfectio charitatis: una est necessitatibus et sufficientiæ; alia est privilegia sanctitatis et excellentiæ. His perfectiones tangit Prosper, *de Vita Contemplativa*, ubi dicit sic⁴: « In hac vita perfecti sunt illi, qui perfecte Deum diligunt, qui volendo quod vult Deus, nullis peccatis, quibus offenditur Deus, acquiescent, et semper ad virtutes habendas se extundunt. » *Perfectionem necessitatis tangit, cum dicit: Qui volendo quod vult Deus: et hanc habet quicunque manet in charitate; et ad hanc perfectionem invitat Dominus, dicens: Perfectus eris et absque macula coram Domino Deo tuo: « absque macula, nempe criminali, » ut ait Glossa. *Perfectionem autem excellentiæ tangit Prosper, cum dicit: Semper ad virtutes habendas se extundent.* » Unde bene in epistola quadam dicit sic: « Indesessum proficiendi studium, et jugis conatus ad perfectionem, reputatur perfectio. » Sed quia Apostolus dicit⁵: *Velle mihi adjacet, perficere autem non invenio: ideo plena charitas, qualis erit in patria, nullo modo in via haberi potest.* Proppter quod signa talis perfectæ charitatis in his non queruntur; sed signa perfectæ charitatis, prout in via haberi potest, queruntur.*

Est igitur notandum, quod signa charitatis perfectæ duplice considerari possunt: quia quedam habentur quasi ex actibus exteriori-

bus, et quedam quasi ex actibus interioribus: et licet de utrisque multa assignari possint, tamen de utrisque quinque ad præsens sufficiant.

Primum igitur signum extrinsecum charitatis perfectæ est, si quis pro salute proximi moratur est. Ratio istius signi est, quia, sicut dicit Augustinus, libro *de Gratia et Libero Arbitrio*⁶, parva charitas non sufficit ad implenda magna mandata, ut sunt mori pro Christo, vel pro fratribus, et cetera hujusmodi; sed requiritur ad hoc charitas magna, id est, perfecta. Unde, super epistolam Joannis, dicit Augustinus⁷: « *Perfecta charitas haec est, ut quis pro fratribus sit mori paratus.* » Sicut et Origenes etiam exponit illud Canticorum⁸: *Ascendam ad palmarum*, dicens: « *Voluntas patienti probavit, quia veraciter amavit, et tanto erat amor altior, quanto patienti pro Ecclesia voluntas erat paratior.* » Itæ ille. Et Dominus dicit⁹: *Moorem hac dilectionem, etc.* Signum igitur perfectæ charitatis est, si aliquis paratus est mori pro salute proximi.

Secundum signum extrinsecum perfectæ charitatis est, si inimicos diligit, et eis propter Deum benefacit. Ratio hujus signi est, quia, sicut dicit Hugo, *de Arrha Animæ*: « *Amor transformat amantem in similitudinem amati, in quantum potest, non solum quantum ad substantiam, sed etiam quantum ad operationes arduas et difficiles.* » Cum ergo Deus ametur (*a*) ab eo qui diligit inimicos et bene facit eis, sibi assimilatur, ut ipse ostendit, dicens¹⁰: *Dilecite inimicos vestros, et benefacite eis, ut sitis perfecti, sicut et Pater vester perfectus est;* et hoc non possit fieri per quamlibet dilectionem, sed per perfectam, quia dicit Augustinus in Enchiridio¹¹, quod talis dilectio perfectorum est, et Origenes super *Cantica* dicit: « *In exhibitione pietatis probatur magnitudo amoris:* » ideo illud verum est signum, diligere inimicos propter Deum dilectum.

Tertium signum charitatis perfectæ extrinsecum est, si omnia adversantia gaudenter suscipit, et patienter sustinet. Ratio hujus signi est, quia charitas perfectam mentem ab amore hujus vitæ quasi totaliter avertit, et occidendo quasi insensibilem reddit, quia pœnas tempo-

¹ *Joan.*, xv, 15. — ² *Richard.*, *ibid.* — ³ *Prov.*, iv, 18. — ⁴ *Prospr.*, *de Vit. Contempl.*, lib. V, c. xv, circa fin. — ⁵ *Deut.*, xviii, 43. — ⁶ *Rom.*, vii, 18. —

⁷ Aug., *de Grat. et lib. Arb.*, c. xvii, n. 33. — ⁸ *Id.*, in *Epist. Joan.*, tract. v, n. 4. — ⁹ *Cant.*, vii, 8. — ¹⁰ *Joan.*, xv, 13. — ¹¹ *Matth.*, v, 44, 45. — ¹² Aug., *Enchir.*, c. LXXXIII. — (*a*) *Al.* amatetur.

rales et mortem contempnere facit. Unde Gregorius, in homilia dicit¹: « Fortis est ut mors dilectio; quia sicut mors corpus interimit, sic charitas vite æternæ ab amore temporalium mentem avertit et occidit. Nam mentem, quam perfecta charitas absorberit, ad terrena foris desideria velut insensibilem reddit, neque sanctus quilibet mori pro Domino potuisset in corpore, nisi prius a terrenis desideriis in mente mortuus fuisset. » Hæc ille. *Charitas enim² omnia sustinet*, ait Apostolus. Unde Apostoli³ ibant gaudentes a conspectu concilii, etc. Ex quo patet veritas istius signi.

Quatum signum perfectæ charitatis extrinsecum est, si omnibus renuntiare paratus sit, et sequi Christum. Ratio hujus signi est, quia perfecta charitas omnia renuit, quæ ejus officium impeditum. Unde Apostolus omnia arbitratus est⁴ ut stercus, ut dilectum lucrifacret. Sed temporalium concupiscentia maxime impedit officium charitatis. Dicit enim Augustinus⁵ quod « charitatis venenum est spes adipiscendorum temporalium; et nutrimentum charitatis, imminutio cupiditatis: perfectio vero charitatis est, ubi nulla est cupiditas. » De hoc dicit Gregorius⁶: « Sunt nonnulli justorum, qui ad contemplandum culmen perfectionis, dum ad alliora interius appetunt, exterius cuncta derelinquent, qui rebus habitis se nudant, gloria honoris se expoliant, qui desideriorum interiorum assiduitate se affligunt, de exterioribus habere consolationem nolunt, quibus Paulus dicit⁷: *Mortui estis, et vita vestra abscondita est in Deo.* » Hæc ille. Et sic patet, quod renuntiare omnibus, et sequi Christum, ejus voluntatem faciendo, signum est perfectæ charitatis. Unde Joannes dicit⁸: *Qui servat verbum Dei, vere in eo charitas Dei perfecta est.*

Quintum signum perfectæ charitatis extrinsecum est, si nihil aliud quam solum Deum timuerit. Ratio hujus signi est, quia, sicut dicit Joannes⁹: *Perfecta charitas foras mittit timorem.* Quod exponens Gilbertus Porretanus, sermone XVII, dicit: « Charitas proximi caret livore, sed charitas Christi caret timore. Hæc enim nihil pœnale habet; timor autem pœnam habet: ergo in Christi charitate non erit timor

¹ Greg., in *Evang.*, hom. xi, paulo post princ. —

² 1 Cor., XIII, 7. — ³ Act., v, 41. — ⁴ Philip., III, 8.

— ⁵ Aug., de *Div. LXXXIII Quest.*, q. XXXVI, n. 1.

— ⁶ Greg., *Moral.*, lib. VIII, c. xv, sub init. — ⁷ Coloss., III, 3. — ⁸ 1 Joon., II, 5. — ⁹ 1 Joon., IV, 18. —

¹⁰ 1 Petr., IV, 8. — ¹¹ Cant., VIII, 6. — ¹² Hug., in

nisi filialis. Quid enim timebit charitas veteres offensas? quia¹⁰ *multitudinem peccatorum operit charitas.* Quid infirmitatem proprie conscientiae timebit, ne decidat? quia¹¹ *fortis ut mors dilectio.* Quid temporales pro Christo timebit moles-tias finibiles, cum nec quidem si æternae fuerint, defatigari aut nec evanescere poterit dilectio consummata, id est perfecta? Non ideo amat charitas ut pereat; sed magis vult foris in æternum perire penaliter, quam privari usu amoris interni æternaliter. » Hæc ille. Ex his patere potest, quod timorem expellit charitas perfecta. Quidam etiam ponunt signa istius amoris corporalia, ut faciei pallorem, corporis languorem, actionis torporem, et cetera hujusmodi. Sed illa sunt signa tam amoris carnalis, quam spiritualis, ut communiter patet.

ARTICULUS IV.

De signis intrinsecis charitatis perfectæ.

Ultimo videndum est de signis intrinsecis charitatis perfectæ. Sunt enim quædam actiones charitatis perfectæ quasi intus manentes, a charitate elicite vel imperatæ; et tanto sunt veriora, quanto interiora. Quanto enim charitas perfectior, tanto acutior, et ad intima pertingens, ut patet per Hugonem¹²: ideo intimiores et perfectiores elicunt actus.

Primum igitur signum intrinsecum charitatis perfectæ, sunt profunda et intima suspiria mentis. Ratio hujus signi potest esse talis, quia quando memoria rei amatae intima mentis amantis tangit, statim suspiria amorosa quasi quosdam nuntios amoris expellit, donec eam præsentia dilecti visitet, et visu reficiat. Unde Gregorius, quinto libro *Moralium*, adducens illud Job¹³: *Antequam comedam, suspiro*, dicit¹⁴: « Mens ad inspirationem fulgoris intimi, suspiris vegetata, convalescit, quia eam amor veritatis afficit, et refectio contemplationis pascit. Tepidus autem amor hoc non facere potest, sed amor perfectus. » Patet ergo, quod intima suspiria sunt signum charitatis perfectæ, ut idem et Richardus¹⁵ dicit.

Secundum signum charitatis perfectæ, sunt alta desideria. Ratio istius signi est, quia Augustinus, libro tertio decimo *Confessionum*, dicit¹⁶: « Omnia ponderibus suis aguntur, et

cap. sept. *Angel. Hier.*, lib. VII. — ¹³ Job, III, 24. —

¹⁴ Greg., *Moral.*, lib. V, c. viii. — ¹⁵ Richard., de *Grad. Charit. Viol.*, non longe a princ. — ¹⁶ Aug.,

Conf., lib. XIII, c. ix.

loca sua petunt : gravia deorsum, ut lapis; sursum levia, ut ignis. Haec extra loca sua exent quasi inquieta : sed quod est pondus in corporalibus, est amor in spiritualibus. » Unde dicit idem : « Amor meus, pondus meum; eo feror, quo cumque feror. Dono tuo accendimur, et sursum ferimur. » Ergo quanto amor magis accenditur, tanto desideria amorosa perfectius sursum feruntur, nec quiescent, donec ad locum suum, scilicet ad amatum Deum perveniant. Unde sequitur : « Inardescimus, et imus, et ascendimus ascensiones in corde ad pacem in Hierusalem. » Simile dicit Linconiensis, super tertio *Angelica Hierarchiae*. Et Gregorius, libro septimo *Moralium*, dicit sic¹ : « Sancti viri cum desiderium aeternitatis anhelant, in tanta altitudine vitae se sublevant, ut audire jam que mundi sunt, grave sibi ac deprimens pondus credant. Valde enim intolerabile testimont, quidquid id non sonat, quod intus amant. » Sequitur infra² : « Et multiplicata charitate, majoribus desideriis astant, et jam pervenire ad vitam spiritus, etiam per cruciatum corporis, anhelant. » Ex quo patet, quod alta desideria, que in summum desiderabile tendunt, signa perfecte charitatis sunt. Idem dicit Richardus in tractatu de *Charitate*.

Tertium signum et intrinsecum perfecte charitatis, sunt cogitationes languide. Ratio istius signi est ista. Fulgentius in quadam sermone dicit³ : « Necesse est, ut quo precessit dilectionis thesaurus, id est, amatum, illuc sequatur cogitationis affectus, id est, desiderium amorosum. Ideo veritas ait⁴ : *Ubi enim thesaurus tuus est, ibi et cor tuum erit.* » Sequitur : « Ut ergo coelestia thesaurizemus, coelestia diligamus. Vis ergo nosse ubi thesaurizas? attende quid amas, attende et quid cogitas, et ita fiet, ut thesaurum tuum ex tuo amore recognoscas, et amorem tuum judicio tue cogitationis intelligas. » Haec ille. Si ergo cogitationis affectus est ubi est thesaurus amoris, id est, amatum, planum est, quod cogitatio fastidit omne aliud ab amato. Unde Glossa, super illud *Canticorum*⁵ : *Adjuro vos, filia Hierusalem, ut annuntietis dilecto, quia amore langueo;* dicit sic : « Prae magnitudine amoris, omnia temporalia sunt nihili fastidium : unde langueo. » Languor au-

tem iste causatur ex amore perfecto. Unde Origenes ibidem distinguit inter amorem simplicem, et ardorem, et languorem : « Amant, inquit, incipientes; ardentes proficienes; languent perfecti. » Ergo cogitationes languide sunt signum amoris perfecti. Simile ostendit Richardus infra.

Quartum signum intrinsecum amoris perfecti, sunt expectationes tediose. Ratio hujus signi est, quia, sicut dicit Linconiensis⁶ : « Amore tendente in rem amatam, nihil velocius, nihil acutius, nihil subtilius, aut penetrabilius, quia sua natura non quiescit, donec substantialiter totam penetraverit profunditatem, et pertransierit amabilis totalitatem, quantum potest. » Et idem : « Quando cursus istius amoris impeditur, vel retardatur qualiterunque, tota mens turbatur, et expectatione altieatur. » Quia, sicut dicit Richardus⁷ : « Amanti omnis mora nimis longa videtur, expectatio onerosa; clamat cum sancto Job⁸ : *Tolle animam meam vitae meae.* » Quod expônens Gregorius, nono *Moralium*, dicit⁹ : « Præsens vita vilescre, id est, niedere incipit, dum divinus amor dulcescere cœpit, id est, perfici. » Unde amans perfecte, cum tedium quodam fastidit omne, quod cursus amoris impedit. Ideo Gilbertus Porretanus, sermone undecimo, dicit sic¹⁰ : « Amor terrenarum occupationum impatiens est, suis satis habens inservire negotiis; otio gaudet, quiete foveatur, ad internam dilectionem libera tempora habere volens. » Sequitur : « O quam durum est amanti animum dimidiare cum Christo et mundo. Et quam durum est in dilectionis via peregrinas admittere curas, et coeleste secretum sæcularibus infestari turbis! » Sequitur : « Amor nihil magis vult quam amare. » Haec ille. Et sic patet quartum signum charitatis perfecte.

Quintum signum intrinsecum perfectæ charitatis, sunt affectiones ecstastice. Ecstasis autem est excessus mentis, ait Papias. Ratio hujus signi est, quia, sicut dicit Dionysius¹¹ : « Amor in Deum tendens, est faciens ecstasim spiritus. » Et reddit rationem ibidem, dicens : « Quia amor non permittit amatores esse sui ipsorum per mentis sobrietatem, sed eorum qui aman-

¹ Greg., *Moral.*, lib. VII, c. v, circa fin. — ² Ibid., c. viii, statim a princ. — ³ Fulgent., serm. de *Confessoribus*, longe post med. — ⁴ Matth., vi, 21. — ⁵ Cant., ii, 5. — ⁶ Lincon., sup. cap. sept. *Angel.*

Hier. — ⁷ Richard., *de Contempl.*, lib. IV, c. xxv, in princ. — ⁸ Job, x, 1. — ⁹ Greg., *Moral.*, lib. IX, c. xxiii, in princ. — ¹⁰ Gilb. Porret., in *Cant.*, serm. xi, inter Bern. Opera. — ¹¹ Dion., *de Div. Nomin.*, c. iv.

tur per mentis excessum : sed illi, qui sunt aliorum, extra se sunt. » Quia, sicut dicit Bernardus¹ : « Non est presentior noster spiritus ubi animat, quam ubi amat. » Quod lamen intelligendum est, quantum ad conatum affectionis. Ilunc autem excessum non potest facere nisi charitas perfecta, quæ, per fortē inclinationem, causat tendentiam vehementem in rem amatam : quod ostendit Dionysius ibidem per exemplum, dicens sic : « Unde beatus Paulus in amore Dei magnifice excellens dicit² : Vivo ego, jam non ego, vivit autem in me Christus. » Sequitur : « Hoc autem dicit verus amator, et ecstasim passus, vivens Deo, et non sibi. » Haec exponens Vercellensis dicit³ : « Vivo ego vita naturali, jam non ego, per imitationem excessivam ad æternitatem immensitatem, quasi absorpta et suo officio suspensa ; dirigor, moveor, doceor, et regor vita supersubstantiali, cui unior, qua repleor ; vivit autem in me Christus, id est, sicut anima sobria me regit naturaliter, et disponit ad omnem actum interiorem, sic virtus Christi, cui unior gratuita, me vivificat et ad omnia disponit. » Sequitur : « Haec dixit, sicut verus amator. Verus amator est, qui in solum, et summe, et vere diligibile, et desiderabile, immediate, et propter ipsum, superintellectualiter tendit. » Haec ille. Et sic patet quantum signum charitatis perfectæ. Sunt tamen plura alia signa charitatis perfectæ ; sed haec propter brevitatem ad presens sufficient.

DISTINCTIO V.

Qualiter charitativa affectio a sanctis Doctoribus per gradus dividatur.

ARTICULUS I.

De gradibus amoris gratuitæ.

Quinto videtur est, qualiter charitativa affectio a sanctis Doctoribus distinguitur per gradus. Dicit enim Augustinus sic⁴ : « Numquid mox ut nascitur charitas, jam prorsus perfecta est? Imo, ut perficiatur, nascitur ; cum fuerit nata, nutritur; cum fuerit nutrita, robatur; cum fuerit roburata, perficitur; et cum ad perfectum venerit, dicit⁵ : *Cupio dissolvi, et esse cum Christo.* » Ex quo patet, quod in charitate sunt diversi gradus. Et quia Augustinus

nus alibi dicit⁶ : « Tanto nobis melius, quanto magis ad Deum imus, quo nihil melius est : imus autem non ambulando, sed amando, quem tanto habebimus presentiorem, quanto eundem amorem, quo in eum tendimus, poterimus habere puriorem. » Haec ille. Et quoniam major et minor puritas in gradibus inventur charitatis, ideo de gradibus ejus videndum est, quomodo ab infimis ascendamus ad medios, et per medios veniamus ad summos : quia, ut ait Gregorius⁷ : « Nemo repente fit summus, sed per gradus ad summum pervenitur. »

Propter quod notandum est, quod quidam distinguendo gradus charitatis, sive amoris gratuitæ, incipiunt ab infimo gradu amoris, ascendendo usque ad gradus amoris violenti. Et quidam alii docent ascendere ultra per gradus amoris violenti, usque ad gradus amoris seraphici.

Primo igitur notandum, quod quidam doctor, scilicet Cantuariensis, super *Cantica*, incipit rationabiliter ab infimo gradu charitatis, sive amoris gratuitæ, ascendendo per sex gradus, usque ad gradus amoris violenti sive vehemens, dicens : « Non omnis amor inducit languorem, sive vulnerat; sed vehemens amor, qui habet sex gradus præcedentes. » Quos enumerat ibi dicens : « Primus amoris gradus dicitur amor incomparabilis, et iste est communis omnium electorum. Secundus gradus, est amor incontaminabilis, et iste est mundi contemporum et religiosorum. Tertius gradus est amor infatigabilis, et iste amor est jugiter proficiens et confessorum. Quartus gradus est amor inseparabilis, et iste est bonorum contemplativorum. Quintus gradus est amor insuperabilis, et iste est Christi martyrum sive victorum. Sextus gradus est amor insatiabilis, et iste est jugiter desiderantium, ut solitarius. »

Ihis sex gradibus decursis, sequitur amor ^{sex gradus auctoris gratiæ} inducens languorem.

Primus gradus charitatis sive amoris, et infimus, est amor incomparabilis (*a*), qui est communis omnibus electis, qui est tante virtutis, quod omne peccatum mortale ab anima expellit, et Deum super omnem creaturam diligit. Et hic gradus est necessitatis, ut ostendit Dominus in Evangelio Matthœi, ubi dicit⁸ :

¹ Bern., *de Præv. et Dispens.*, c. vii. — ² Gal., II, 20. — ³ Vercell., in Prolog. sup. *Cantica*. — ⁴ Aug., in *Epist. Joan.*, hom. v. — ⁵ Philip., i, 23. — ⁶ Aug.,

ad Muced., epist. lii, al. clv, n. 13. — ⁷ Greg., *Moral.*, lib. XXII, c. xiv, non longe a princ.

⁸ Matth., x, 37. — (*a*) *Edit. Ven. intemporalis.*

Qui diligit (a) patrem, et matrem, etc., non est me dignus. Ergo super omnia diligendus est Deus. Unde Anselmus dicit, quod creatura rationalis nihil debet diligere, nisi summam essentiam, aut propter illam. Ratio istius est, quia in quo est summa diligibilitas, summe debet diligi : hoc autem est Deus.

Secundus gradus amoris charitativi est amor incontaminabilis, et hic gradus est mundi contemptum, qui tantæ est virtutis, ut hominem a mundana conversatione abstrahat, ne mens polluatur, et ne charitas ab opere impediatur. Unde Joannes dicit¹ : *Si quis diligit mundum, non est charitas Patris in eo, quoniam omne quod in mundo est, aut est concupiscentia carnis, aut concupiscentia oculorum, aut superbia vita.* Ratio istius est, quia ignis amoris, ut dicit Linco-niensis in *Angelica Hierarchiam* (b), separat heterogenea, et unit homogenea : separat enim omne inconveniens ab amato.

Tertius gradus charitativi amoris est amor infatigabilis, et iste est jugiter proficiens et Christi confessorum, qui est tanta virtus, ut animam non sinat quiescere, donec inveniat quem diligit. Unde in *Canticis* dicitur² : *In lectulo meo quiesci per noctem, etc. Surgam, et circuibo civitatem per vicos et plateas, querens quem diligit anima mea.* Quod exponens Origenes dicit : « Querendus es, Domine, cum frequentia laboris, nunc in lectulo lumine veritatis, nunc per noctes fervore charitatis, abjecta superstitione naturalis rationis. » Sequitur : « Solus amor te invenit, quia qui te amat, te habet ut amet, amat ut habeat, et ne te in aeternum perdat. » Ille ille.

Quartus gradus amoris charitativi est amor inseparabilis, et hic est assidue contemplatum, et hic gradus tanta virtutis est, ut continuus stimulis agitat mentem contemplatoris ad comprehendendum dilectum, donec tandem dicat³ : *Inveni quem diligit anima mea.* Et dicit Bernardus⁴ : « Quis te non teneat, Domine Jesu, qui tenentem te spe fortificas, perfectione decoras, perseverantia conducis, remuneracione perducis? Ego autem non dimittam te, nisi benedixeris mihi; et nunquam dimittam te, quia non benedicis nisi tenentem te. » Iustum

gradum videtur habuisse Apostolus, cum dixit⁵ : *Quis separabit nos a charitate Christi?* etc.

Quintus gradus amoris gratuiti est amor insuperabilis, et hic est Christi martyrum et adversitatibus non cedentium, qui est tanta fortitudinis, ut in libro de *Moribus Ecclesie* dicat Augustinus⁶ : « Nihil tam durum atque ferreum, quod non igne amoris vincatur. » Et Hieronymus in quadam sermone dicit⁷ : « Nihil amantis durum est, nullus labor difficilis. » Sequitur : « Amemus et nos Christum, et facile videbitur esse omne difficile. » Ratio hujus est, quia, sicut dicit Augustinus, de *Sancta Viduitate*⁸ : « Nullo modo onerosi sunt labores amantium; sed ipsi delectant, sicut venantium, auecupantium et piscantium labores. In eo enim quod amat, aut non laboratur, aut labor amat. Amor autem reddit minus sensibilem, » ait Augustinus.

Sextus gradus amoris gratuiti est amor insatiabilis, et hic est jugiter desiderantium et solitariorum. Hic gradus tanta fortitudinis est, ut nihil sibi sufficiat praeter unum solum quod amat, et ad ipsum semper amplius in hac vita sit et desiderat. Ratio hujus est, quia, sicut dicit Richardus, libro de *Charitate*⁹ : « Charitas ita semper invenit, quod adhuc concupiscere potest, quia quidquid agit, desiderium ardenti animæ non satiat; silit, et bibit; bibendo, sitim non extinguit; sed quo amplius bibit, eo amplius sitit. Avide enim, imo et insatiabilis anime sitis, vel esuries; non sedatur, sed irritatur. » Sequitur : « Quid, queso, amore molestus, quidve acerbius, cum sitim suam nec resistendo temperare, nec ineibriando possit extinguere. » Hece ille. Ecce quod iste gradus amoris jam se extendit ad violentiam quamdam amantis, ut clamet cum Psalmista¹⁰ : *Sicut anima mea ad Deum fontem (c) vivum.* Unde Cantuariensis ibidem dicit : « Iстis sex gradibus cursus, sequitur amor inducens languorem, qui est gradus amoris violenti. » Et ideo nunc de illo dicendum est.

ARTICULUS II.

De gradibus amoris violenti.

De gradibus igitur amoris violenti loquens Richardus in tractatu de *Charitate*, dicit¹¹ :

Charit., ante med. — 10 Psal. xli, 3. — 11 Richard., ubi sup., statim a princ.

(a) Vulg. *amat.* — (b) Cet. edit. *Angelica Hierarchia.* — (c) Vulg. *Fortem.*

¹ *I Joan.*, II, 15, 16. — ² *Cant.*, III, 1, 2. — ³ *Ibid.*, III, 4. — ⁴ *Bern.*, ubi sup. — ⁵ *Rom.*, VIII, 35. — ⁶ *Aug.*, de *Mor. Eccel.*, c. xxii. — ⁷ *Hieron.*, ad *Eustoch.*, epist. xxii, vers. fin. — ⁸ *Aug.*, de *Bon. Viduit.*, c. xxi. — ⁹ *Richard.*, de *quat. grad. viol.*

« Vis magna dilectionis, magna virtus charitatis, multi gradus in ea, et in illis magna differentia; et quis eos distingue, vel saltem dinumerare sufficit? » Et dinumeralis aliquibus gradibus, idem dicit¹: « Supra tamen omnes gradus dilectionis, est amor iste ardens et fervens, qui cor necessitat, et medullitus transfigit, ut veraciter dicat²: *Vulnerata claritate ego sum.* » Et sequitur: Cogitemus ergo, qua sit supereminentia charitatis Christi, quæ dilectionem parentum vincit, amorem proliis superat, affectum carnis transcendit, vel extinguit, insuper et animam suam in odium verit. O vehementia dilectionis! o violentia charitatis Christi! o excellentia, et supereminentia charitatis Christi! Hoc est de quo loqui volumus, de vehementia charitatis, de supereminentia perfectæ æmulationis, ascendendo ad opera violentæ charitatis: et invenio quod charitas vulnerat, charitas ligat, charitas languidum facit, charitas defectum inducit. Quid horum non violentum? quid horum non validum? » Hæc omnia Richardus. Et post hoc prosequitur dicens³:

« Primus igitur gradus violenti amoris est, quando mens desiderio suo resistere non potest, quin vulneretur. Nonne tibi cor percussum videtur, quando ille igneus amoris aculeus mentem hominis medullitus penetrat, affectumque transverberat in tantum, ut desiderium sive aestum cohære animo non valeat? Desiderio ardet, affectu fervet, aestuat, anhelat profunde ingemiscens, et longa suspiria trahens, ut dicat: *Vulnerata charitate ego sum.* » Sed nota, quod amor violentus non solum vulnerat amatrices animas, sed etiam coelestes substantias, imo etiam ipsum fontem amoris Deum vulnerat. Unde Vercellensis exponus illud Cantorum⁴: *Fili matris meæ pugnaverunt contra me,* dicit: « Filii sunt substantiae superne civitatis, ex qua ipsa assidue spiritualia percipit alimenta, pugnauerunt contra me. Pugnantes corporaliter, spiculis acutis mutuo se feriunt et pungunt; sic mentes contemplatiæ speculations volatiles, ferventia desideria, subtilia et acute penetrativa immittunt, primo quidem in paronymos. Prorsus eisdem pertransiti, in sponsum dirigunt sagittas acutas volatiles, violenti scilicet amoris, ut dicat⁵: *Vulnerasti cor meum, soror mea Sponsa,* sicut dicitur in Canticis. » El

Sequitur: « Ex quo⁶ a diebus Joannis regnum calorum vim patitur, ex tunc enim regnum colorum quasi violenter rapitur ab his, qui stimulo violenti amoris aguntur: mentes enim coelestes, ad similitudinem pugnantium, his speculationibus et desideriis occurrentes, luminibus fervidis et penetrativis illos perfundunt, et ad sui ipsarum excessum, quasi ad quandam spiritualem mortem provocant, quam eligunt ossa, ut vivant vita Sponsi. » Hæc Vercellensis. De signo hujus amoris Richardus, ubi supra, dicit: « Hæc tibi animæ vulnerata certa sunt signa, gemitus et suspiria, vultus pallens atque tabescens, quæ omnia operatur amor vehemens. » Sed post subjungit utilitates istius gradus, dicens: « In primo isto gradu spiritus iste intrat super mel dulcis ad animam, et inebriat eam in tantum, ut habere dicatur mel et lac sub lingua. » Et parum post dicit sic: « Hic est ille cibus coelestis, qui egredientes de Ægypto solet reficeret, et per solitudinemducere et pascere; hoc est illud⁷ *manna absconditum, quod nemo scit, nisi qui accipit,* non per doctrinam, sed per experientiam: et hic est ille dulcor suavitatis spiritualis, et tenera suavitatis, quæ solet lactare et alere, et ad maturitatem paulatim perducere. » Et infra: « Hoc ergo, aestimo, per dilectionis gradum agitur, ut dum mens sepe visitatur, sepe reficitur, sepe inebriatur, quandoque ad majora audienda provocatur, et ad secundum gradum charitatis disponitur. » Hæc ille.

« Secundum gradum amoris violenti, inquit Richardus, diximus illum qui ligat, sicut primum dimiximus, qui vulnerat. Nonne, inquit, sine omni contradictione animus ligatus est, quando omnium obliviscitur, ut aliud meditari non possit? Quia quidquid agat, quidquid dicat, semper hoc mente revolvit, perennique memoria retinet; hoc dormiens somniat, hoc vigilans omni hora tractat. Unde facile est pendere, ut arbitror, quomodo hic gradus priorem gradum transcendent, qui mentem hominis nec ad horam quietam esse permittit. » Sequitur: « Recte itaque dictum est, quod prior gradus sit qui vulnerat, secundus sit iste qui ligat. Licet ergo ligari minus sit quandoque, quam vulnerari, tamen major violentia videtur esse, si postquam aliquis percussus dejectus, dejectus reprehenditur, reprehensus abducitur, ablonge a principe. » ⁴ *Cant., 1, 5.* — ⁵ *Ibid., iv, 9.* — ⁶ *Math., xi, 12.* — ⁷ *Apoc., ii, 17.*

¹ Richard., ubi sup., paulo post, princ. — ² *Cant., ii, 5.* juxta LXX. — ³ Richard., ubi sup. prox., non

ductus incarceratur, incarceratus catenatur atque ligatur, et jam omnino captivus tenetur. Quid horum, quæso, majus et violentius? Ille liber est; iste autem a loco, in quo detinetur, recedere non potest. Sic utique qui a secundo gradu violentæ charitatis absorptus est, quidquid agat, quoemque se vertat, ab illa una et inlîma sollicitudinî sua cura avelli non potest, quia ligatus est. » Hæc ille. Sed que sunt vincula, quibus spiritus sive animus sic ligari potest? Respondet idem, dicens: « Si vultis audire de charitate ligante, propheta Osea dicit¹: *In funiculis Adam traham eos, in vinculis charitatis.* Sed qui sunt isti funiculi Adam primi parentis nostri, nisi munera Dei? In magna enim gloria creatus fuit. Quid igitur sunt ista charitatis vincula, nisi Dei beneficia, bona naturæ, bona gratiæ, et bona gloriæ? Hujus enim beneficentiae vinculis debitores obnoxios nos fecit, quia naturam condidit, gratiam contulit, et gloriam repromisit. Ecce funiculus triplex. *Funiculus*, autem² *triplex difficile rumpitur*. Seneca dicit: « Qui beneficium accipit, libertatem vendidit. » Sequitur³: « Adiect autem Dominus adhuc nova vincula charitatis, quæ manu valida multiplicat super nos, ut nos sibi arctius astringat, quæ enumerari non possunt. » Hæc ille. Cum his concordat Vercellensis, qui expōnens eamdem auctoritatem, dicit: « *In funiculis Adam traham eos*, id est, *in vinculis charitatis*. Ipse siquidem Deus mentem mouet in se suo amore, adducitque suis participationibus, quibus solum cognoscitur; quantæ autem illæ sint, quis novit? » Richardus igitur quasi concludendo dicit: « Sicut in priori gradu degustata suavitas satiat animum transfigitque affectum; sic in hoc secundo gradu, inspecta claritas cogitationem ligat, ut illius oblisci, vel aliud cogitare non possit. » *Vincula illius, alligatura salutis*, dicitur in *Ecclesiastico*⁴.

Ad tertium itaque gradum violenti amoris ascendit, quando omnem alium amorem excludit, quando nihil preter unum, vel nisi propter unum diligit. Sequitur: « In hoc itaque tertio gradu violentæ charitatis, nihil omnino satisfacere potest preter unum, sicut et nihil sapere potest, nisi propter unum. Unum amat, unum diligit, unum sitit, unum concupiscit, ad unum

¹ *Osee.*, xi, 4. — ² *Eccle.*, iv, 12. — ³ Richard., ibid. — ⁴ *Eccle.*, vi, 21. — ⁵ *Cant.*, v, 8. — ⁶ *Apoc.*, viii, 1. — ⁷ *Cant.*, ii, 5. — ⁸ *Gen.*, xxxii, 25.

(a) *Cat. edit.* seipsum penitus exurit.

anhelat, in unum suspirat, et in uno inardescit, in uno requiescit, unum solum est in quo reficitur, unum solum ex quo satiatur; nil dulcescit, nil sapit, nisi hoc uno condiatur. » Sequitur: « Quidquid ultro se offerat, quidquid sponte occurrat, cito rejicitur, cito conculcatur, quod suo affectui non militat, vel ejus desiderio non deserbit. Sed quis hujus affectus tyrannideum digne describat? quoniam omne desiderium expellit, omne studium excludit, omne exercitium violenter opprimit, quod suæ concupiscentiæ deservire non concupiscit. Quidquid agat, quidquid dicat, quidquid cogitet, inutile, imo intolerabile videtur, nisi in unum sui desiderii finem concurrat. Cum autem frui potest eo quod diligit, omnia pariter se habere credit; sine illo autem horret omnia, corpore deficit, corde tabescit ac languescit, consilium non accipit, rationi non acquiescit, nullam consolationem admittit; sed clamat cum Sponsa⁹: *Nuntiate dilecto, quia amore languo*. Ubi ait Glossa: « Pre amoris magnitudine, omnia temporalia sunt mihi fastidio. » Sequitur: « Tertius itaque gradus amoris est, quando mens rapitur in Deum luminis abyssum, ita ut humanus animus in hoc statu omnium exteriorum oblitus, penitus nesciat seipsum, totusque transeat in Deum suum. In hoc itaque gradu, compescitur plene carnalium desideriorum turba, et¹⁰ *fit in celo silentium quasi dimidia hora*. In hoc namque gradu, dum mens a seipsa alienatur, dum in illud divinum secretarium rapitur, dum ab illo divini amoris incendio circumdatur, intime penetratur et inflammatur, seipsum penitus exxit (a), et divinum quemdam affectum induit, et inspecta pulchritudini configurata, tota in aliam gloriam transit. In hoc statu anima in illum, quem diligit, liquevit, et in seipsa tota languescit, ut dicit¹¹: *Fulcite me floribus, stipate me malis, quia amore languo*. » Hæc ille.

Sed nota, quod triplex est languor. Primus est defectus corporis, ex intensione fervoris amoris, vel charitatis. Unde Glossa dicit: « Jam anima supradictis confortata, ita in amore Dei ardet, ut, præ nimio ardore, languor carnis immineat. » Crescente enim virtute mentis, decrescit fortitudo corporis, ait Glossa super illud Genesis¹²: *Angelus Domini tetigit nervum*, etc.

Item est alius languor charitatis respectu temporalium. Unde Glossa ibidem: « Quanto, inquit, ad amorem Sponsi se accedit mens, tanto ab amore temporalium languescit. »

Item est aliis languor respectu tribulacionum: habet enim amor plagas suas, secundum Augustinum, quae quandoque amarissime infliguntur. De his tribus dicit Origenes: « O si sic languescat servus Christi in spe aeternae visionis, ut caro pressa non lasciviat, mundus fallax non involvat, tribulatio utilis eum (*a*) custodiat, cum quo suis in tribulationibus est ipse Deus, ut dicit Psalmista¹: *Cum ipso sum in tribulatione, etc.* » Et Richardus concludens in fine dicit: « Sicut primus gradus affectum sauciatur, sic secundus sauciatum ligat, sic tertius actionem implicat, ut animus circa aliqua occupari non possit, nisi quo eam voluntatis divinae nutus trahit vel impellit. Et sic qui ad hunc tertium gradum amoris profecerunt, nil jam propria voluntate agunt, nihil omnino suo arbitrio relinquunt, sed divinas dispensationi omnia committunt. » Haec ille. Sed hic caute intellegas, ut non cooperationem totaliter excludas creature. Unde Richardus ibidem addit, dicens: « Sicut artifex liquefactis metallis formam, quamecumque voluerit, imprimat, sic anima in illo statu ad omnem divinam voluntatem nutum se facile applicat, imo spontaneo quodam desiderio ad omne ejus arbitrium seipsam accommodat, et juxta divini beneplaciti modum, omnem voluntatem suam informat, ut obediat cum Christo usque ad mortem. Iuic exemplari quilibet se debet conformare, qui vult summam charitatis gradum attingere. »

« Quartus gradus violentiae charitatis est, ut ait Richardus ibidem, quando aestuantis animi desiderio jam omnino nihil satisfacere potest, et ideo ad defectum ducit. » Sequitur: « Quis hujus supremi gradus violentiam digne pensare sufficiat? quid, queso, cor hominis profundius penetrat, vehementius exagitat, cum situm suum nec resistendo temperare, nec inebriendo extinguere possit? In hoc quarto gradu est amor insuperabilis, quia alii affectui etiam majori non credit. Inseparabilis est, quia a memoria nunquam recedit. Singularis est, quia socium non recipit. Insatiabilis est, quia ei satisfieri non poterit. » Sequitur: « Quanta est excellentia ipsius amoris, qui omnem alium affectum exceedit! quanta, quæso, vehementia, quæ mentem quiescere non sinit? quanta, obsecro, violentia charitatis, quæ omnem alium affectum violenter expellit? quanta supereminencia, cui om-

nino nihil sufficit? O excellentia amoris! o violentia dilectionis! o charitatis vehementia! o emulationis supereminencia! » Et infra dicit: « In primo gradu², aquæ multæ non potuerunt extinguere charitatem, eo quod insuperabilis sit. In secundo gradu, anima³ ponit dilectum suum super cor suum sicut signaculum, eo quod illum omnino oblisci non potest. In tertio gradu⁴, si dederit homo omnem substantiam suam pro dilectione, quasi nihil despiciet eam, eo quod in re alia delectari non possit. In quarto gradu⁵, fortis est ut mors dilectio, et dura ut infernus emulationis, eo quod ei sit dulce, quidquid pro Deo facere, vel sustinere possit: hic enim omnem alium affectum expellit et vincit. Si enim ad aliquid affectum habemus, quod propter Deum non diligimus, profecto adulterinus affectus est, qui summam charitatis constantiam frangit, irresque ejus minuit, in quantum ad aliena animam trahit vel impellit. » Sequitur: « In primo igitur gradu diligitur Deus ex corde; in secundo, ex toto corde; in tertio, ex tota anima; in quarto autem, ex tota virtute. » Et infra dicit: « Secundum aliquem modum anima in hoc gradu efficitur immortalis et impassibilis: immortalis, quia a vita separari non potest⁶: Certus sum, inquit Apostolus, quod neque mors, neque vita, neque aliqua creatura, etc. Nonne impassibilis secundum aliquem modum videtur, qui illa damna non sentit, qui in omni injuria hilarescit, et quidquid infertur ei ad pœnam, totum presunit ad gloriam, ut cum Apostolo dicit⁷: *Libenter gloriabor in infirmitatibus meis*, etc. Et⁸ : (Apostoli) ibant gaudentes, etc. Nonne hic gradus amoris violenti videtur animum hominis quasi in amentiam vel in sanctam insaniam vertere, dum non sinit eum in emulatione modum vel mensuram tenere? Nonne summa amentiae videtur esse, veram vitam repellere, summam sapientiam arguere, et omnipotentiae resistere? Nonne vitam repellit, qui pro fratribus a Christo separari cupit, sicut ille, qui dixit⁹: *Aut dimitte illis hanc noxam, aut dele me de libro, in quo me scriptisti*? Nonne sapientiam arguere voluit vel docere, qui ad Deum loquitur, dicens¹⁰ : *Absit a te, Domine, ut rem hanc facias, et occidas justum cum impio, fiatque justus sicut impius?* Non est hoc tuum facere? Nonne omnipotentiae resistere tentavit, qui iram ejus mitigare homo præsumpsit,

¹ *Psal. xc, 15.* — ² *Cant., viii, 7.* — ³ *Ibid., 6.* — ⁴ *Ibid., 7.* — ⁵ *Ibid., 6.* — ⁶ *Rom., viii, 38.* — ⁷ *II Cor.,*

¹⁰ *Gen., xviii, 25.*

(a) *Item eos.*

atque prævaluit, quando Dominus sententiam mutavit? Ecce in quantum presumptionis audaciam consummatio charitatis solet mentem hominis erigere. » Hæc omnia Richardus, præpostore tamen.

ARTICULUS III.

De gradibus amoris seraphici.

De gradibus aulem seraphici amoris nunc dicendum est, non quod nos similes actus amoris exercere in hæc vita possimus; sed quod nos studeamus aliqualiter imitari eos, in quantum possumus in divino amore.

Primo igitur videamus de amore angelorum in communi. De quo sciendum est, quod, sicut Dionysius dicit secundum translationem Vercellensis¹: « Amorem divinum angelorum intelligere oportet immaterialiter, qui est supra mentem et desiderium, indeclinabilem in aliud, et irremissibilem (a) a proprio fervore contemplationis divinae, et per excessum omnis substantiae in solos Sponsi amplexus tendentem (b) et nulla anxietate afflictum (c), ut accidit in desideriis carnalium voluptatum, quarum appetitus plenus est anxietate. » Et infra: « Desiderium non volens coereri vel remitti propter sui fortitudinem ad id, quod appetit, et incorruptibilitatem ad id, quod nulla actione valet intercidere, propter hoc quod pure Deum et simpliciter desiderant, et nihil est quod possit eos ab ejus amore revocare vel retardare. Et quia semper Deus est uniformis, et æqualiter bonus et pulcher, et quia ipse habet in se simplicissime omnem speciem desiderabilem, ut sapientiam, bonitatem, pulchritudinem, aternitatem, omnipotentiam, etc., et secundum omnia est² totus desiderabilis, ut habetur in Cantieis; ideo trahit plenarie, intime, irrevocabiliter in se omnium suorum omnia desideria (d) comprehensorum. » Hæc ille. Et cum hoc concordat Linconiensis Commentator, ibidem dicens sic: « Angeli ex rationis abundantia scientes illud, quod appetunt, esse desiderabile, et vere, et vehementissime, et totis viribus desiderandum, et amandum amore puro, et non in aliud tendente: illud intendunt ita fortiter et tam invertibiliter (e), quod illa tentio a nulla potentia interdic potest vel impedi, et est ipse amor, intentio et

progressio ad illud (f), et amplexus illius adepti, nec aliqua ratione aut modo aliquo relinetur, aut avertitur, aut remittitur eorum tentio in illud, aut progressus, aut illud adeptum amoris amplexu deseritur. » Itæ ille. Ex his appareat, quantum amor angelorum excedit amorem nostrum, saltem quantum ad actum et operationem. Non invenimus in Scriptura sacra gradus amoris angelici distincte traditos, nisi Seraphim, de quorum amore Dionysius loquens ponit quinque gradus, vel magis quinque proprietates, dicens³: « Congruum est, ut in supremis substantiis ordinetur prima hierarchia, quæ super cæteras exaltatur, et circa Deum immediate collocatur, ad quam, tanquam Deo proximam, principalius deferuntur primæ (g) Dei insinuations et perfectiones. Et illius hierarchie ordo primus Seraphim, id est, calefacientes, vel incendentes interpretantur. » Sequitur: « Interpretatio autem istius nominis Seraphim, incendentes, vel calefacientes, juxta naturales proprietates ignis, qui incendit et calefacit, nobis significat aeternam mobilitatem substantiarum illius ordinis circa divina, et incessabilitatem, et caliditatem, et acutum et superfervidum. Alia translatio habet: « et excedentem fervorem sempiterne motionis eorum in Deum, quæ attentissima est et irremissibilis, et in aliud desiderabile nunquam declinans. » Itæ verba occultissima sunt: ideo Linconiensis Commentator, exponens ea, dicit sic: « Ad hos deiformes habitus tam excelsos, et a nostra infirmitate longinquos, et visui nostro tam absconditos exponendos, omnino minores sumus. Verisimile est enim hoc esse de arcanis verbis, quæ Paulus in raptu suo audivit⁴, quæ homini non licet loqui. » Hæc tamen Dionysio quasi specialissimo discipulo, et cœlesti ejus concivi locutus est, qua iste, ut existimo, non omnibus communiter, sed puritate intelligentiae et divinis illuminationibus et gratia privilegia- tis, ac per hoc super hominem elevatis, decrevit communicare, de quorum numero ego non sum, tamen communicabo ea, in quantum possum. » Itæ ille. Similiter commentator Hugo⁵ ostendit subtilitatem istorum verborum, et dicit sic: « Si quod sentio dicam, primum hoc factore, quia verba audivi, aut non homini dicta, aut non dicta ab homine. Nam per hominem ea dici tam magnum mili videtur, ut nihil am-

¹ Vercell., de Angel. Hier., c. v. — ² Cant., v, 16.

— ³ Dion., de Cœl. Hier., c. vii. — ⁴ Il Cor., xii, 4. —

⁵ Hugo., in cap. sept. Angel. Hier., lib. VI, ante med.

(a) Cœl. edit. indeclinabile... irremissibile. — (b) Item

tendentis. — (c) Item afflictus. — (d) Item desiderabilia. — (e) Leg. inavertibiliter. — (f) Cœl. edit. aliud. — (g) Item primo.

plius homini dari possit. Et quia forte verba ista ab illis verbis nata sunt, quæ audiri potuerunt, dici non debuerunt. Nam ille, qui haec dicebat, usque ad tertium cœlum pervenerat, et intraverat in paradisum Dei, ibique verba quedam audierat de Verbo secreta omnino et proxima silentio, usque ad qua auris humana non contingenteret, quæ nemo audiret, donec sciret. Intus enim audiebantur, ubi dicebantur, et non poterant exire foras, ubi erat homo. Propterea ab eo, qui intus erat et valde intus, intus et introrsum audiri potuerunt; sed his, qui foris erant, dici non debuerunt: ne tamen vel illi, qui foris erant, derelinquerentur, si ab eo, qui intus erat, non vocarentur, nata sunt verba de verbis, sicut de Verbo nata fuerant: de verbis quæ intus servari debuerunt, verba quæ foras proferri potuerunt, de immensis magna, de occultis obscura, de impenetrabilibus profunda: que a nobis auditæ sunt tanquam tonitrua; utrum intellecta, nescio. » Et addit ibidem: « Si haec nougastantur, non amantur; si autem non amantur, non intelliguntur; et si non intelliguntur, vane audiuntur. In amore autem fit gustus, id est, experientia, quæ est magistra intelligentiæ, et nostra consummatio. » Hæc ille. Igitur qui volunt hoc perfecte intelligere, primo experianter. Narrata autem difficultate istorum verborum, predictorum doctorum expositionem videamus utrorumque.

Prima igitur proprietas seraphici amoris, sive supremus gradus secundum Dionysium, est *semper mobile*. De quo Linconiensis, et commentator Hugo concorditer dicunt, quod auctor volens ostendere proprietates amoris, quo fervent Seraphim, sicut ea significavit per ignem, sic eorum deiformes habitus significat per ignis proprietates. Ignis namque proprietates sunt: sempiterna, non interrupta mobilitas; caliditas; acumen penetrativum, et velociter aetum, et superfervidum, quia interius calidum, sibi eorum, quæ contingit, est assimilativum. » Et infra sequitur: « Eadem ignis proprietas, quæ dicitur motio amoris, ut astimo, signat actionem et amationem non interruptam, nec finitam quiete, vel pausatione ab agendo. Quæ enim potest esse alia amoris motio, nisi ejus actualis amatio, quæ non in illis coelestibus substantiis, sicut in nobis, quandoque quiescit et finitur, sed sempiterne agit,

¹ Hug., in cap. sept. *Angel. Hier.*, lib. VI, ante med.

existens intenta, ut non desistat quandoque ab agendi motione: ac per hanc intentionem intermissibilis ab amandi intentione, et indeclinabilis, et inflexibilis ab amando ordinate amatum, et indeclinabilis ad aliquid aliud inordinate amandum. » Sequitur: « Hujusmodi ergo semper motione, predicto modo, attenta, et per hoc irremissibilis et indeclinabilis, semper mobilis circa divina, primo docet manifestative cognominationem Seraphim. » Hugo commentator addit hic, dicens¹, quod motio dilectionis quæ ad superiora est intenta, intima et inflexibilis dicitur; prout autem fit ad subjecta, id est, inferiora, reductive et active exemplativa (*a*) nominatur. Motus enim ille, qui in superiori est contemplatio, in inferiori est operatio: et ad superiora tendit, ut in eis requiescat; ad inferiora tendit, ut ea ad se reducat; sursum charitas movetur, ut illuc maneat deorsum ut redat. Præterea motio charitatis in superioribus quidem ad inferiores reductiva et activa dicitur: reductiva in eo, quod illos ad Creatorem suum eodem igne charitatis succendens convertit; activa vero in eo, quod illos accepta claritate illustrans, ad ipsius voluntatem componit. » Et infra: « Propter quod itaque dilectio illorum exemplum facta est (*b*) inferiorum ad superiora tendendi, et secundum superiora intendendi, tanquam recalificans ista, scilicet inferiora, et resuscitans in consimile caliditatem, ut semper ardeant, sed non æqualiter. Mobile igitur amoris est, ut non torpescat dilectio nostra, neque tepecat. » Hæc Hugo ibidem.

Secunda proprietas vel gradus seraphici amoris, est *incessabile*, vel *infinibile*. Et hæc proprietas amoris differt a prima. Et Commentator Linconiensis reddit rationem differentiæ, dicens: « Sicut hæc particula, *semper mobile*, tollit interruptionem motionis in amatione (*c*); sic hoc adjunctum, *incessabile* vel *infinibile*, tollit terminacionem durationis. Vel forte, inquit Linconiensis, per hoc, quod dicit Auctor *incessabile*, vel *infinibile*, intendit exprimere hanc proprietatem amoris, ad similitudinem proprietatis ignis, videlicet quod sicut ignis non habet terminum in agendo, dum invenit materiam aptam in quam possit transire; sic amor et ejus actio non habent terminum in agendo, dum inventum materiam aptam, in quam possint (*d*) tran-

(a) *Cœt. edit.* reductivæ et activæ exemplativum.—

(b) *Cœt. edit.* add. in. — (c) *Cœt. edit.* amatione. —

(d) Item possunt.

sire. Deus autem infinitus est, quia infinitè potentiæ, sapientiæ, bonitatis, justitiæ, misericordiæ, etc. De ipso igitur dictus amor in seipsum transiens, semper invenit aptam materiam in quam naturaliter aptus natus est transire, et ignis qui est amor aptus natus accendi. » Sequitur: « Amor igitur, et amoris motio in divina, terminum non habet in agendo. Signatur igitur per mobile semper, sempiternitas privans interruptionem, et durationis interminationem; per incessabile vero vel *infinibile*, amoris et amationis (a) signatur augmentabilitas, privans terminum augmentationis, seu intensionis, et magnitudinis. Unde verus et consuetus sermo, quo dicitur¹: « Modus amandi Deum, est quod sit sine modo et mensura. » Secundo idem declarat dicens: « Si scibilia sunt infinita, saltem ex infinite specierum, numerorum et figurarum, et his per se accidentibus, et intellectus naturaliter amat omnia scibilia scire, » etc. Tertio idem declarat per reflexionem amoris super omnem suum actum, respectu omnium virtutum. Advertendum est, quod per predicta duo nomina, scilicet per *mobile*, et *incessabile* seu *infinibile*, ex vi sermonis non signatur actus, sed ad praetatos amoris actus naturalis aptitudo. » Haec omnia Linconiensis, et ibidem addit dicens: « Motio igitur illorum spirituum, summe divinitati appropinquantium, *incessabilis* dicitur, et *intenta per intimam*, et *inflexibilis*, quia a se per amoris desiderium in Deum tendens, et *mobilis* semper est, et nunquam in se subsistit, et *intenta* ut in illum perget, et *intima* ut ad exteriora non defluat, *inflexibilis* ut ad alia extra ipsum non divertat. *Mobile* ad inquisitionem excitat, *incessabile* ad perseverantiam confirmat. » Haec ille.

Tertia proprietas sive gradus seraphici amoris est *calidum*. De quo dicit Hugo² in commento, quod hoc tertio loco convenienter ponitur, quia sicut *mobile* precedit, ut inquisitionem excitel, et *incessabile* sequitur, ut ad perseverantiam confirmet; ita *calidum* sequitur, ut sensum vivificet, et *acutum* sequitur, ut ad apprehendendum penetret, et ultimo *superfervidum* sequitur, ut adhesionem et amplexum quietum manifestet. Requie plura ibi, si vis. Linconiensis autem de calido loquens, dicit sic: « Sicut prima actio ponderosi, vel levis, est inclinatio ad naturalem locum, sic actio virtutis seu potentiae amativae est inclinatio ad naturale amabile. Haec tamen

actio non simpliciter est amatio, sicut inclinatio ponderosi et levis nondum actualis est motio ad locum naturalem, cum frequenter sit inclinatio cum quiete rei inclinantibus, altero prohibente actu motionis. Hanc igitur inclinationem virtutis amativæ, puto significari per calidum; motionem autem ad naturaliter amabile amplexandum, existimo significari per acutum. » Ideo sequitur: « Ipsam autem rei amatæ amplexationem, semper tensionem, seu cum illa adhesionem, et in illa (b) quietationem manifestari per *superfervidum*. Caliditas enim naturaliter est inclinativa subjecti in dilatationem et diffusionem sui in omnem partem. Gaudium autem est animi diffusio: sed amor est res, quæ per se et sola est gaudiosa et dilatabilis. Est igitur res amor perse dilatationis et diffusionis participativa: quapropter et inclinatio ad actum amoris, est inclinatio ad actum dilatationis et diffusionis. Unde convenienter haec inclinatio nomine *calidi* est expressa. Calor namque, qui intus est, non videtur, et movet, virtutem incendi latentis; sed quod movet, videtur, et, ex quo videtur, intelligimus vim magnam et violentiam fortem caloris, qui laet et non videtur. Calor iste sine tumultu et actione sensitiva ad amorem ingreditur, ut ingressus illius sibi assimilet, et tandem potenter a seipso ejiciat, et tandem per calorem totus ignescat. De isto gaudioso amore dicit Richardus sic: « Amor est dulcedo saporis intimi, et quanto ardenter amat, tanto suavius gustat. Et amor est gaudium spei, quia ubi amor, ibi spes, et ubi spiritualis amor, ibi est spirituale gaudium. »

Quarta proprietas sive gradus seraphici amoris est *acutum*. Quod exponens Commentator, dicit sic³: « *Acutum* significat quendam impetum amoris, et vehementiam desiderii ardentis et penetrantis, ut ibi sit, ubi est ipsum amatum, cum ipso et in ipso, ut non solum ab ipso calidum sit, sed transeat acutum in ipsum. Poterat enim calidum esse, et quasi de longe calidum fieri, cui hoc satis esset, amare absentem, et presentem non videre, vel præsentissimum possidere. Sed non erat iste amor perfectus, nisi acutum faceret sibi foramen, et transiret omnia, et penetraret, donec ad dilectum perveniret, imo potius in dilectum iret. Si enim in dilectum non vadis, adhuc foris amas, neque acutum habes dilectionis, et torpens divisus es,

Amor
quid.

¹ Bern., de *Dilig. Deo*, in princ. — ² Hug., ubi sup. prox., ante med. — ³ Hug., ibid.

(a) Cœl. edit. amotionis. — (b) Item illam.

manens extra , et alias a dilecto , et unum non efficeris cum ipso. Amor autem se vult unum facere cum ipso, et ideo penetrat omnia, et appropinquat, quantum potest, ad unum ipsum. Unde Propheta ait¹: *Ubi erat impetus spiritus, illuc gradiebantur. Impetus acutum est.* » Et infra dicit: « Acutum non quiescit, donec intret et penetret, et dicat²: *Tenui eum, nec dimittam, donec introducam eum in domum matris meae, et in cubiculum genitricis meae.* Sed tamen ipsum ad te introductum , non quolibet modo , ut scilicet subsistat extra apud te, vel in partibus tuis , sive ante ostium domus tuae , aut etiam solummodo in domo tua : quia hoc non esset signum magnæ dilectionis , nisi usque ad thalamum perveniat , et cubiculum ingredietur, et usque ad interiora penetret, et in intimis requiescat. Ipse autem ingreditur, ut et tu ingrediaris ad illum. » Hæc ille. Linconiensis illud verbum exponit, dicens sic: « *Acutum* dicitur tam quod subtile et penetrativum est, quam quod in motione velox est. Inhiatione autem tendente in rem amatam, nihil velocius. Unde nihil acutius, nihil subtilius amore, aut penetrabilius, quia natura non quiescit, donec naturaliter totam amabilis penetraverit virtutem, et profunditatem, et totalitatem, quantum potest. Hoc igitur existimo significari per *acutum.* » Hæc ille.

Quinta proprietas sive gradus seraphici amoris est *superfervidum*. Quod Linconiensis expavit, primo ostendens quid sit fervidum, et quid sit superfervidum. Dicit ergo sic: « *Fervere* dicuntur, qui impresso calore supra se sursum feruntur, et proprio pondere in se redeunt: hujusmodi super se levationes, et in se relapsus vicissitudinarie, fervores dicuntur. Sancti itaque viri, qui exarserunt sancti Spiritus gratia, supra se efferuntur in Deum, et ex proprio pondere recidunt in se ab actuali supra se elevatione. Hi vicissitudinares congrue dici possunt³ *spiritu ferventes;* et qui in hoc supereminent, superabundanter superfervidi dicuntur.

Sed oritur quæsto: Angeli, quorum amor defixus in Deum non tepescit aut remittitur, aut aliquo modo declinat ab ipso, quomodo dici possunt ferventes? et si ferventes dici possunt, quomodo superfervidi dicuntur? Respondet Linconiensis quod potest dici, quod sicut Dei cognitione in se est sicut mane, et cognitio

¹ *Ezech.*, I, 12. — ² *Cant.*, III, 4. — ³ *Rom.*, XII, 11. — ⁴ Hug., sup. cap. sept. *Angel. Hier.*, lib. VI, ante med.

ejus in creaturis est velut vespere, sic amor in se est elevatior, et amor ipsius in creaturis depresso. Et in hoc utroque ipsius amore sese naturaliter ad invicem consequente, quasi quedam vicissitudine fervor est spiritualis, cuius supereminentia est esse in termino possibilis sibi intentionis. Vel quod forte, inquit Linconiensis, posset dici, amor quo Deum angeli amplectantur, superfervidus est, qui est intensus ad summum, non lentescit nec remittitur, sed immobiliter perstat^(a) in intensionis sue summittate. Si enim vis caloris, sursum ferentis partes liquidii^(b) ferventes, supra se posset eas portare et sustinere in sua super se elevatione, ita ut neque caloris remissione, neque proprio pondere relaberentur ad inferius; liquidum hujusmodi, usitato modo loquendi, non diceretur fervore, sed verissime diceretur superfervore, cum majoris virtutis esset id elevare, et quietare in sua elevatione supra se, quam id solum elevare absque quietatione, si^(c) statim laberetur inferius. Et sic patet cognominatio *Seraphim*. Docet etiam hæc proprietas istius potentiae amativæ primum actum , qui est inclinatio, et consequenter secundum actum, qui est motio animi ad naturaliter amatum, intendens ipsum penetrare, ut possibile est; et deinceps docet tertium et ultimum actum istius potentiae amativæ, qui est cum amato jam adepto adhæsio et quietatio. Intellige tamen prioritatem et posterioritatem naturæ, non temporis. » Hæc ille. Hugo vero commentator exponens prædictum verbum, scilicet *superfervidum*, dicit⁴: « Admeton nos hæc res aliquid magis cogitare de *superfervido*, quam de *calido* et *acuto*. Nostis enim quomodo id, quod fervet, quadam caloris incendii sui violentia jactatur extra se, tollitur supra se, et facit motionem magnam invisibili astuatione. » Et infra: « Quod enim prius acutum fuit in dilectione, obsistentia omnia penetrans, superfervidum fit, jam bulliens, in seipso stare non valens. Acutum autem amoris est , cum omnia transcendendo despicit; superfervidum autem, cum etiam seipsum contemnendo relinquat. Nam qui hoc solum appetit, quod amat, in illius comparatione, etiam seipsum contemnit et despicit. Neque enim vere hoc solum appetret, sivel semel ipsum cum illo amaret: non autem hoc facere potest, nisi magna et singularis dilectio, ut præ amore illius,

(a) *Cæt. edit.* præstat. — (b) liquide. — (c) item et.

quod solum diligitur, ille etiam qui amat quodammodo a semetipso despiciatur. Sic ergo miro modo per dilectionis ignem sustollitur, qui etiam supra se per vim amoris expellitur, ut exeat etiam a se. Quomodo igitur fervet, et quomodo bullit corde, qui per conceptum amoris superni ignem, dum in illum solum, qui sursum est, appetendum fertur cogitatione, et desiderio extra se pröjicitur, et supra se elevatur, nec se cogitat, dum illum solum amat! » Et in fine concludit, dicens : « Ecce diximus mobile illius dilectionis incessabile, et calidum, et acutum, et superfervidum, et intensus, et intimum, et inflexible, et exemplativum, et reductivum, et activum, et recalificans, et resuscitans, ut ex istorum aliqualij cogitatione imitemur, ut possumus, in amando celestes substantias. »

DISTINCTIO VI.

Qualiter spiritus noster per iter charitativæ affectionis aeternum manerum ingrediatur.

Sexto videndum est, qualiter spiritus noster per charitativam affectionem intrinsecum et aeternum secretum Domini Iesu ingrediatur. Circa quod notandum est, quod amare Deum, est accedere ad ipsum, et intrare et gustare, quoniam suavis est Dominus. Et hoc ostendit Gregorius, quintodecimo *Moralium*, dicens sic¹ : « Superiora amare, jam sursum est ire : dumque magno desiderio ad caelestia animus inhiat, miro modo hoc ipsum quod accipere querit, hoc jam degustat. Et Gregorius, *super Ezechielem*, dicit : « Quantum quisque amat, in tantum ad ingressum regni appropinquat. In quantum vero ingredi neglit, in tantum recusat. » Ratio istorum est, quia verus amor, sive charitas, nullum patitur medium inter se et objectum, quod est Deus, sed vehementer tendit in ipsum immediate : et ideo nunquam quiescit, donec omnia transeat, et ad ipsum et in ipsum veniat. Et Hugo dicit² : « Dilectio sive amor, impetum sui ardentis desiderii sequens, amato appropinquat quantum potest, et eo amplius sitiens intrare ipsum cupit, et esse cum Christo, et tam prope, ut, si fieri potest, hoc idem ipsum sit quod ipsum est : ideo super omnia verius, citius, perfectius pervenitur ad Deum gressibus affectionum, quam gressibus pedum. »

¹ Greg., *Moral.*, lib. XV, c. xv, in fin. — ² Ilug., sup. sept. cap. *Angel. Hier.*, lib. VI, ante med. — ³ Aug., *ad Maced.*, epist. LII, al. CLV, c. iv, n. 13. —

Unde Augustinus dicit⁴ : « Ire ad Deum tanto nobis melius est, quanto magis ad illum imus, quoniam nihil melius est. Imus autem non ambulando, sed amando, quem tanto habebimus praesentiorem, quanto eumdem amorem, quo in eum tendimus, poterimus habere puriorem. » Hæc enim charitas, ut dicit auctor *de Spiritu et Anima*⁵, « est via Dei ad homines, et via hominum ad Deum. Per charitatem namque venit Deus ad homines, venit in homines. Per charitatem elegit Deus homines, et eligunt homines Deum, diligunt Deum, et ad Deum currunt, et ad Deum perveniunt. Sic familiaris est Deo charitas, ut mansionem habere nolit, ubi charitas non fuerit. » Et ibidem dicitur sic⁶ : « Anima namque, quam Dei pietas respicit, humiliter subiicit, penitentia ducit, justitia deducit, obedientia conducit, perseverantia perducit, devotio introducit, puritas conjungit, et charitas unit. » Sequitur : « Habet anima in se amorem, quo semper potest stare cum Deo. Si igitur charitatem habemus, et Deum habemus, et in eo manemus, quia Deus charitas est. » De hac mataria require plus in hoc quarto itinere, quasi per totum.

DISTINCTIO VII.

Qualiter spiritus noster, ad veniendum per iter charitativæ affectionis ad aeterna, a Domino invitetur (a).

Septimo videndum est, qualiter spiritus humanus, ad veniendum per iter charitativæ affectionis ad iutrinsecum et aeternum secretum Domini, ab ipso amicabiliter invitetur, dicente Sponso in *Canticis*⁶ : *Surge, propera, amica mea, columba mea, formosa mea, et reni.* Et hujus invitationis alleictivum subjungit, dicens : *Veni*, quia jam est ambulantum alleviata agilitas, quia tempus putationis advenit, id est, omnium superflorum et gravantium depositio. Dicit ergo : *Amica mea*, propter tuam unitivam charitatem. Charitas enim, ut ait *Apostolus*⁷, est fortissimum vinculum amicitiae, quia ipsa est vinculum perfectionis. Intra⁸ fortis est ut mors dilectio. *Surge*, propter dilecti tui attractivam amabilitatem : Ego enim⁹ traho te movendo sicut amatum et desideratum, et traho te in vin-

⁴ *De Spir. et Anim.*, c. XVI. — ⁵ *Ibid.*, c. XX. —

⁶ *Cant.*, II, 10. — ⁷ *Coloss.*, III, 14. — ⁸ *Cant.*, VIII, 6. — ⁹ *Osc.*, XI, 4.

(a) Cœl. edit. invitatur.

cuhis Adam, et in funiculis charitatis, id est, « in unitivis attractionibus primæ dilectionis, ait Vercellensis. *O columba mea*, propter charitatis tuæ sinceratatem. Charitas sincera est, ait Bernardus¹ in libro *de Diligendo Deum*, « que proximi bonum æque diligimus ut nostrum. » Nam qui magis, aut certe solum, diligit suum bonum, convincitur non caste diligere bonum, quod propter se diligit, non propter ipsum. Homo, secundum Prophetam², *confitebitur tibi cum beneficeris ei. Propera*, propter charitatis tuæ velocitatem. Nihil enim velocius est amore acuto tendente in rem amatam, ait Linconiensis super septimum *Angelicæ Hierarchiæ*, cui etiam hora brevis longa videtur (ut supra). *O formosa mea*, propter charitatis tuæ pulchriformitatem³: *Quam pulchra es, et quam decora, carissima in deliciis!* Ibidem dicit Origenes: « Miserabilis laus tua non ex tuo, sed ex eo qui diligit te. Fide enim polles, spe nites, charitate luces, justitia splendes, fortitudine rutilus, prudentia fulges, et temperantia candes. *Veni per iter charitatis* non divisæ, sed integrae, quæ fit *ex toto corde*, id est, secundum Augustinum, *toto intellectu* sine errore, *ex tota anima*, id est, *ex tota voluntate* sine contradictione, *ex tota mente*, id est, memoria sine obliuione. Si unum illorum deest, integra non venis. Hujus autem invitationis subiungit affectivum, dicens: *Veni, quia⁴ tempus putationis advenit*, id est, omnia agravantia et impudentia spiritum, itinerantem in itinere charitatis, sunt amota, *quia⁵ charitas operit multitudinem peccatorum*, *non querit quæ sua sunt*; et alleviantes collata sunt, scilicet palmites omnium habituum virtutum. Vercellensis exponens hæc verba, dicit: « In vite putantur, id est, resecantur sarmenta, quæ si in vere manerent, fructum multiplicem, sed minus nobilem proferrent. Sic (inquit) in mente sunt virtutes et motus, qui apti sunt in vita activa fructificare; sed illi fructus minus reputantur respectu fructuum vitæ contemplativa⁷: *Maria optimam partem elegit, quæ*, etc. Similiter intellectus speculativus fructificat in divinorum cognitione per creaturarum investigationem; sed ille fructus minus nobilis est, quia ænigmatus est, respectu cognitionis unitivæ. Nam, dicit Dionysius⁸, « est iterum divinissima cognitio Dei, qua ipse cognoscitur per ignoran-

¹ Bern., *de dilig. Deo*, longe post med. — ² Psal. XLVII, 19. — ³ Cant., IV, 1. — ⁴ Ibid., II, 12. — ⁵ I Petr., IV, 8. — ⁶ I Cor., XIII, 5. — ⁷ Luc., I, 42.

tiam, quando scilicet mens ab omnibus intellectualibus et intelligibilibus recedens, et tandem seipsam excedens, unitur radii aeternæ sapientie, inscrutabilis profunditatis. » Et sequitur. « Quoties ergo superintellectualiter exercemur ad divinum radium, toties opus est ut resecemus intellectuales operationes, ut docet Dionysius primo *de Mystica Theologia*; et similiiter creaturarum similitudines, ut innuitur in *Exodo*, ubi dictum fuit Moysi⁹: *Solve calceamenta de pedibus.* Pedes sunt intellectus et affectus, quibus spiritus noster ad aeternum Deum accedit, ut supra dictum est. Qui pedes mundandi sunt ab omnibus pellibus, id est, creaturarum similitudinibus, quos Sponsa dixit se lavasse in *Canticis*¹⁰, ubi dicit Vercellensis: « *Pedes meos*, id est affectum et intellectum, quibus carpsi itinera aeternitatis, *lavi et purgavi*, vel purificavi: *quomodo iterum inquinabo illos umbris et imaginibus temporalium*; cum etiam intellectuales operationes et formæ in hoc loco, id est, superintellectuali exercitio, reputentur umbræ et offendicula? » Hæc ille. Et hæc sufficiant pro quarto itinere aeternitatis.

DE QUINTO ITINERE AETERNITATIS, QUOD EST AETERNORUM OCCULTA REVELATIO (a).

Quintum igitur aeternitatis, per quod spiritus noster venit ad intrinsecum secretum et aeternum manerium Domini Jesu, est aeternorum occulta revelatio. Revelations autem aeternorum sunt studiosissime considerandæ et assidue ruminanda: quia, sicut dicit Vercellensis: « *Assidua revelationum spiritualium ruminatio præbet assiduum cognitionum et exultationum mentis incrementum*: » et ex hoc excessum aeternorum, et ingressum occulorum consequitur.

Sunt autem ad majorem hujus itineris cognitionem septem consideranda per ordinem.

Primo, qualiter iter occultæ revelationis aeternorum, iter charitativæ affectionis sequatur.

Secundo, qualiter revelatio aeternorum occulta dicatur, et qualiter distinguatur.

Tertio, qualiter per sensibilem revelationem spiritus noster ad accessum aeternorum mitatur.

⁸ Lion., *de Div. Nom.*, c. VII, post med. — ⁹ Exod., III, 5. — ¹⁰ Cant., V, 3.

(a) Cæt. edit. non habent *quod est aeternorum occulta revelatio*.

Quarto, qualiter per intellectualem revelationem aeternorum, spiritus noster ad aeterna introducatur.

Quinto, qualiter per superintellectualem revelationem aeternorum, spiritus noster aeternitati uniatur.

Sexto, qualiter superintellectualis revelatio aeternorum a nobis acquiratur.

Septimo, qualiter ad iter occulte revelationis aeternorum, spiritus noster a Domino invitetur (a).

DISTINCTIO I.

Qualiter iter occulte revelationis aeternorum, iter charitativæ affectionis sequatur.

Primo igitur videndum est, qualiter iter occultæ revelationis aeternorum, iter charitativæ affectionis sequatur. De hoc potest assignari ratio talis. Cum, secundum Augustinum, libro tertio decimo *Confessionum*¹, «charitas sive amor sit pondus inclinans amantem ad amatum» et appropinquare faciat (b) amato, quantum potest, ut etiam transformet amantem in amatum secundum Dionysium: quanto ergo propinquius est amans amato, tanto verius, subtilius et perfectius sibi revelatur amatum. Unde Hugo, super septimo *Angelice Hierarchia*, dicit: «Constat, ut qui ardenter diligunt, profundius conspiciant, et subtilius discernant: et quia magis profunde prospiciunt, procul dubio evidenter cognoscant.» Ergo rectissime, quanto aeterna magis amantur, tanto perfectius cognoscuntur. Et sic verificatur verbum Richardi dicentis, libro quarto de *Contemplatione*: «Ex magnitudine dilectionis pendet modus divinae revelationis.» Ideo rationabiliter illud iter sequitur praecedens iter, ex quo pendet modus divinae revelationis.

DISTINCTIO II.

Qualiter revelatio aeternorum occulta dicatur, et qualiter distinguatur.

Secundo videndum est qualiter revelatio aeternorum dicatur occulta, et qualiter distinguatur. De primo notandum, quod revelatio divinorum dicitur occulta, quia non nisi in occulto percipitur. Sive enim revelatio, prout est occultorum manifestatio, per exteriores figuratas fiat, sive per sacras Scripturas, sive

¹ Aug., *Conf.*, lib. XIII, c. ix. — ² Hug., *de Arc. Noe*, lib. IV, in princ. — ³ Matth., vii, 6. — ⁴ Dion.,

per illuminationes inspiratas, sive per collocutiones exterius expressas, semper fit in occulto, ut ostendit Hugo, libro quarto *de Arc. Noe*, ubi dicit², quod in revelationibus necessaria est secreta habitatio, et mentis collectio et unio; unde dicit sic: «Scrutemur Scripturas, et inveniemus vix aut nunquam Deum fuisse locutum in multitudine; sed quoiescumque innotescere voluit aliquid hominibus, non gentibus et populis, sed vel singulis, vel admodum paucis, et a communi hominum frequentia segregatis, vel per nocturna silentia, vel in campis et solitudinibus, montibus et vallibus, se manifestavit. Sic locutus est cum Noe, cum Abraham, cum Isaac, cum Jacob, et Moyse, Samuele, David, et omnibus propheticis.» Et sequitur: « Quid est quod semper loquitur in secreto Deus, nisi quod nos ad secretum vocat? et quid quod cum paucis loquitur, nisi ut nos colligat sive uniat? » Et dicit ibidem sic: « Similis ratio est quare Deus obscure loquitur in Scripturis, ut veritas malis abscondatur, et bonis reueletur. » Simile dicit Deus in Evangelio³, ne margarite pedibus porcorum conculcentur. Simile dicit Dionysius in *Mystica Theologia*⁴, loquens ad Timotheum.

Ex his patere potest secundum, scilicet quomodo revelationes distinguantur. Non enim omnes æqualiter a sensibilibus abstrahuntur, nec æqualiter in intellectu excitantur, nec æqualeiter superintellectualiter sursum extenduntur: ideo necesse fuit, ut quibusdam fierent revelationes sensibiliter, quibusdam intellectualiter, et quibusdam superintellectualiter: quas revelationes legimus Moysi factas, quando exiverat ex Egypto temporali ad interiora deserti, ut illas nunciatet filii Israel, de Egypto exire desiderantibus, ut testabatur clamor eorum ad Dominum, ut pergerent iter trium dierum in soliditudine: que possunt intelligi tres revelationes.

Prima revelatio sensibilis, et simpliciter viventibus, fit de Egypto hujus mundi exire desiderantibus. Unde quibusdam patribus tiebant sensibiles revelationes, ut exemplificat Dionysius⁵, sicut pastoribus, et quibusdam aliis. Hæc revelatio ad intrandum ad aeterna allicit.

Secunda revelatio est intellectualis, quæ fit de *Myst. Theod.*, c. i. — ³ Id., *de Cœl. Hier.*, c. iv.

(a) *Cœl. edit.* invitatur. — (b) *Item* facit.

Revelationes di-
vinæ multipli-
citer
fusæ.

intellectualiter viventibus, ut (*a*) filii Israel de Ægypto hujus mundi existentibus, jam intellectualiter ambulantibus. Et haec revelatio ad æternam introducit, ut quarto capite patebit.

Tertia revelatio est superintellectualis, et haec tantum fit unitis mentibus, et egressis de Ægypto, et in interioribus deserti existentibus, ut Moysi. Et haec revelatio æternitati unit, ut patebit infra, capite quinto. Ista revelationes mens percipit, quæ in intimis et imis stare consuevit, ait Richardus. Et sic patet secundum, scilicet qualiter revelatio distinguatur.

DISTINCTIO III.

Qualiter per sensibilem revelationem spiritus noster ad accessum æternorum alliciatur.

De reversione
ratione
sensibili.

Tertio videndum est de qualibet istarum revelationum. Et primo de sensibili, qualiter spiritus noster per eam ad accessum (*b*) æternorum alliciatur. De qua notandum est, quod haec revelatio fit plebi simpliciter viventi, de Ægypto temporali jam exire desideranti ad terram promissæ æternitatis. Et haec revelatio, ut dicit Richardus, scilicet sensibilis, fit duplificiter. Fit enim quandoque per signa sensibilia, ut quando res videtur corporalibus sensibus extra, absque significacione mystica, ut Pharaonis (*c*) et hujusmodi, qui nullum sensum spiritualium vel mysticum intellexerunt. Et sic non fuit revelatio facta illis, quia ultra sensum nihil manifestatum fuit. Est et alia revelatio sensibilis, sive visio corporalis, quæ fit sensibus exterioribus, ut quando res videntur in quibus latet significatio mystica, qualis facta fuit patribus veteris legis et novæ, ut dictum est, et patet per Dionysium²; qui mysteria neverunt, ut Abraham, Isaac et Jacob, etc. Necessitas hujus revelationis fuit, ut dicit Dionysius in epistola ad Titum, « ut homo, qui constat ex duabus naturis, anima scilicet rationali, quæ simplex est in essentia, et corpore composito, juxta utriusque naturæ proprietatem illuminetur divinis cognitionibus, ut et mens ejus puras, et simplices, et intimas signorum sensibilium intelligentias segregate ab ipsis signis conspiciat, et sensualitas ejusdem per naturæ proprietatem coaptetur mentali cognitioni, et sic ad divina

extendatur. » Haec ille. Et secundum Augustinum, *de Vera Religione*³, sic *invincibilis Dei a creatura mundi per ea, quæ facta sunt, intellecta conspicuntur, et sempiterna ejus virtus et divinitas*. Et haec est a temporalibus ad æterna regressio, et ex vita veteris hominis in novum hominem reformatio (*d*), quia jam sensualitas ordinata cooperatur cognitioni mentali. Haec revelatio sensibilis facta fuit Moysi, cum de rubro ardenti Dominus sibi sensibiliter apparuit in subjecta creatura, et dixit filii Israel, dicens⁴: *Ego sum Deus Abraham, Isaac et Jacob : hoc nomen mihi est in æternum*. In hac revelatione sensibili ostendit Dominus ignem divinitatis uniuersum cum rubro humanitatis, in qua Verbum paternum ostendit suam sensibilem denominationem, in qua conjungit æterna cum temporalibus, spiritualia corporalibus, patriam exilibus, cum dicit: *Ego sum Deus Abraham, Isaac, et Jacob. Ego, inquit, sum, quia esse meum æternum et immutabile est*. Quod etiam ostendit Dominus, dicens⁵: *Antequam Abraham fieret, ego sum*. Et dicit Hieronymus ad Marcellam: « Deus, qui exordium naturæ non habet, vere nomen essentiale tenuit⁶: *Ego sum Deus Abraham, Isaac et Jacob. Deus autem sum vivorum, non mortuorum. Ego sum Deus Abraham, Isaac et Jacob*. Ergo Abraham, Isaac et Jacob vivunt: sed non vivunt in temporali mutabilitate, non exiliij hujus calamitati, sed æterna hereditate, quia⁷: *Nomen hoc mihi in æternum est. Dices (e) ergo filiis Israël: Ego sum Deus Abraham, Isaac et Jacob*, eos alliciendo ut ex Ægypto temporali, corruptibili et peregrina egrediantur, ad terram hereditatis patribus promissam et datum, terram, inquam, æternæ stabilitatis et veritatis, terram æternæ beatitudinis et hereditatis. » Nam, ut dicit Augustinus¹⁰: « Natus est nobis Christus in temporis mobilitate, ut nos perducat ad Patris æternitatem. Factus est Deus homo, ut homo fieret Deus. » Veniat igitur modo non corporaliter, sed mentaliter memoria æterna cogitando, quia, sicut Augustinus dicit¹¹: « Cum æterna cogitamus, non sumus in hoc mundo, quem jam transcendimus. » Veniat etiam intellectui æterna contemplando, quia, sicut (*e*) Gregorius, duodevigesimo Mora-

¹ Richard., ubi sup. — ² Dion., *de Cœl. Hier.*, c. iv. — ³ Aug., *de Ver. Relig.*, c. xxix, n. 52. — ⁴ Rom., i, 20. — ⁵ Exod., iii, 15. — ⁶ Joan., viii, 58. — ⁷ Exod., iii, 6. — ⁸ Matth., xxii, 32. — ⁹ Exod., iii, 15. —

¹⁰ Aug., *de Nativ. Dom.*, serm. ix, in princ. — ¹¹ Id., *de Trinit.*, lib. IV, c. xvii.

(*a*) *Cœl. edit. in.* — (*b*) *Item excessum.* — (*c*) *Forte legend. Pharaoni.* — (*d*) *Cœl. edit. hic add.* Haec ille. — (*e*) *Item Dicens.* — (*f*) *Cœl. edit. non habent sicut.*

lum, dicit: « In sanctis fit æternitas, aspiciendo Dei æternitatem. » Veniat etiam voluntati æterna amando, quia, sicut dicit Gregorius, primo *Moralium*: « Unusquisque electorum adhuc in mundo positus corpore, mente amante, etiam extra mundum surgit. » Et quinto decimo¹, dicit: Superiora amare jam sursum est ire, cumque magno desiderio ad cœlestia inhiant, miro modo hoc ipsum, quod accipere quærunt, jam degustant. » Sic igitur patet qualiter sensibilis revelatio æternorum ad æterna alli- ciat (a).

DISTINCTIO IV.

Qualiter per intellectualem revelationem æternorum spiritus noster ad æterna introducatur.

Quarto videndum est, qualiter, per intellectualē revelationem æternorum, spiritus noster ad æterna introducatur, quæ fit intellectualiter viventibus, ut filiis Israel de Ægypto hujus mundi mentaliter jam egredientibus, et ad æterna tendentibus. Et haec revelatio non fit oculis carnis, sed mentis, ut dicit Richardus². Et fit dupliciter: quia quandoque fit, quando per Spirillum sanctum animus illuminatus, formalibus rerum visibilium similitudinibus præmonstratis, sive præsentatis, ad invisibilium cognitionem ducitur: qualiter Joannes vidit in Apocalypsi, et Ezechiel propheta, sicut dicit Glossa super primum prologum Apocalypsis, et in fine alterius prologi, dicens, quod Joannes imagines mente vidit, et tamen veritatem in eis intellexit. Haec revelatio ad æterna ducit, quia per eam intellectus in invisibilium et æternorum cognitionem exsurgit et perducitur, ut dicit Richardus.

Secundo modo fit haec revelatio æternorum, sive visio intellectualis, ut dicit Richardus³, quando spiritus humanus per internam inspirationem suaviter tactus, nullis mediantibus rebus visibilibus, ad cœlestium cogitationem erigitur, sicut vidit propheta David, qui vidit in spiritu. Et Hugo, super septimum *Angelicæ Hierarchiæ*, idem dicit. Et Haymo, super *Apocalypse*, concordat, ubi dicit: « Intellectualis visio sive revelatio fit quandoque non per corporales res nec per similes, sed ipsa veritas immediate manifestatur videntibus, quod pro-

prie electorum est. » Unde Salvator dixit Petro⁴: *Caro et sanguis nostra revelavit tibi, sed Pater meus, qui in cœlis est*, per interiorem inspirationem. Ait Psalmista⁵: *Audiam quid loquatur in me Dominus Deus*. Hæc occulta revelatio æternorum videtur innui per hoc quod dictum est Moysi, quando in interioribus deserti dictum est sibi⁶: *Dices filii Israel: Qui est, misit me*. Illic apparet quod haec revelatio fit intellectualiter viventibus, quia filii Israel; et in interioribus mentis, quia interiora deserti ingredientibus. Unde Vercellensis dicit sic⁷: « Populo Israelitico mandatorem nomen intellectualē, scilicet *Qui est*, sive *Ens*, quod est emanatio prime existentie a causa causalissima. » Et Damascenus dicit⁸, quod « *Qui est* principalius est nomen omnibus nominibus Dei, quia de Deo dicuntur. Totum enim in seipso comprehendit, velut quoddam pelagus substantiae infinitum et interminatum. » Illic concordat Augustinus, libro quinto de *Trinitate*, cap. ii. Et quia illud verbum *Est* significat præsens nunc æternitatis, eo quod ambit omnes differentias temporis, prout de Deo dicitur; ideo mentem sive intellectum a temporibus ad æterna, a sensilibus ad intelligibilia ducit et pertrahit, usque ad nunc æternitatis, quod varietates temporis nescit, ut tales dicant illud Pauli⁹: *Nostra conversatio in cœlis est.*

Sed sciendum est, quod ista revelatio intellectualis æternorum non fit nisi intelligentibus, et interiora ingredientibus, ubi omne velum removetur ab eis. Nam revelatio dicitur quasi *Revelatio remota* ab oculis intellectualibus: quam ^{to unde dicatur.} remotionem petvit David dicens¹⁰: *Revela ocu- los meos, et considerabo mirabilia de lege tua*. De hoc velamine dicit Apostolus¹¹: *Usque in hodiernum diem velamen in lectione veteris Testamenti manet non revelatum, quod (b) in Christo evan- vacuatur*. Nos autem revelata facie gloriam Domini speculantes, in eodem imaginem transformamur, a claritate in claritatem, tanquam a Domini spiritu. Velamen ergo a Christo evanescit, ut nobis Pater manifestetur. Unde ait ipse¹²: *Neque Pa- trem quis novit nisi Filius, et cui voluerit Filius revelare*. Christum autem Spiritus sanctus clarificat, non in se, sed in nobis, ut ipse dicit¹³: *Cum venerit Paracletus, ille me clarificabit, et docebit vos omnia*: quia amor divinus omne

¹ *Greg., Moral., lib. XV, c. xxvii.* — ² *Richard., in Apoc., c. i.* — ³ *Ibid.* — ⁴ *Math., XVI, 17.* — ⁵ *Psal. LXXXIV, 9.* — ⁶ *Exod., III, 14.* — ⁷ *Vercell., Prot. sup.*

⁸ *Cant. — ⁹ Damasc., de Fid. Orth., lib. I, c. XII. — ¹⁰ Philip., III, 20. — ¹¹ Cor., XI, 14, 18. — ¹² Matth., XI, 27. — ¹³ Joan., XVI, 14.*

(a) *Cœt. edit. allicit. — (b) Vulg. quoniam.*

velum removet, omnem veritatem docet. Unde Apostolus dicit¹: *Nobis autem revelavit Deus per spiritum suum, quia omnia perscrutatur, etiam profunda Dei.* Et Joannes²: *Unctio docbit vos omnia (a), scilicet Spiritus sanctus.*

DISTINCTIO V.

Qualiter per superintellectualem revelationem eternorum spiritus noster eternitati uniatur.

Quinto videndum est, qualiter per superintellectualem revelationem eternorum spiritus noster eternitati uniatur.

Sed hic primo occurrit dubium, quod in revelatione ista superintellectuali videtur includi oppositum in adjecto, quia, ut ait Papias: « *Revelatio est manifestatio eorum, que fuerunt abscondita* »: sed abscondita revealantur, cum intelliguntur; quae autem intelliguntur, non sunt superintellectualia: ergo nulla revelatione dicitur superintellectualis.

Sed ad horum cognitionem habendam, est notandum, quod secundum sanctos Augustinum, Gregorium, Dionysium, et alios, homini a Deo donantur diversi habitus supernaturales ad suum finem, qui est supernaturalis, comprehendendum, vel consequendum. Donantur enim intellectui habitus supernaturales ad suum finem cognoscendum, ut fides, et scientia divinarum, etc. Donantur etiam voluntati supernaturales habitus ad Deum diligendum, ut caritas, sive amor gratuitus, etc. Sed habitus caritatis excellit omnes habitus intellectus, ut fidem, et spem, et scientiam, etc., ut expresse ostendit Apostolus in epistola prima ad Corinthios, ubi primo enumeratis aliquibus actibus et habitibus intellectus et voluntatis³: *major autem horum, infert, est charitas.* Et ostendit ibidem, quod nullus habitus, vel actus intellectus, est meritorius sine habitu voluntatis, qui est caritas; et quod habitus intellectus aliqualiter evacuantur, propter imperfectionem eorum, in patria. Habitus autem voluntatis, propter suam perfectionem, permanebunt in patria: sed perfectiores elicunt actus, ut patet: et ideo actus dilectionis hic præfertur actui cognitionis, tanquam perfectior. Unde in Mattheo dicitur⁴, quod dilectio est *primum et maximum mandatum.* Item actui dilectionis convenit unire et trans-

formare, ut dicit Dionysius⁵, *de Divinis Nomina*bus, ut visum est supra: hoc autem nullus attribuit intellectui proprie. Ex his igitur patet plane, quod actus dilectionis excellit et præcedit actum cognitionis intellectualis in aliquo gradu. In quantum autem eum excellit, in tantum eum excedit attingendo Deum in aliquo gradu dilectionis, ad quem actus intellectualis extendi non potest, quia superintellectualis est, saltem in hac vita, quia in patria *videbimus Deum sicuti est*, ut dicit⁶ Joannes. Nec obstat quod dicit Augustinus: « *In cognita nequam possunt amari*: » quia est notitia aliqua non intellectualis, sed affectualis seu experimentalis, ut statim patet. Unde Gregorius, exponens illud Joannis⁷: *Vos dixi amicos meos, etc.*, dicit⁸: quia « *cum affectus discipulorum imprimuntur divino amori, fit in eis prælibatio quædam, et per consequens quædam notitia experimentalis: quia amor notitia quædam est.* » Ergo patet, quod non est oppositum in adjecto, cum illa notitia sit alia ab intellectuali, ut dictum est. Cum prædictis concordat Hugo commentator Dionysii, dicens sic⁹: « *Intelligas quanta est vis veri amoris et dilectionis, si tamen intelligi potest: quoniam dilectio supereminet scientię, et major est intelligentia; plus enim diligitur, quam intelligitur. Intrat dilectio et appropinquat, ubi scientia foris stat.* » Et reddit rationem: « *Quia amor, inquit, præsumens et confidens amato, suo acumine penetrat omnia, impetum sequens ardoris desiderii sui, nec dissimulari valens, donec ad amatum perveniat, et eo ipso amplius adhuc sitiens intrare ipsum, et esse cum ipso, et esse tan prope, ut, si fieri possit, hoc idem ipsum sit quod ipse.* » Ecce expresse dicit, quod verus amor Dei unit Deo immediatus quam intellectio, et quod intellectus non capit. Sic ergo talis notitia affectualis est superior intellectuali. Cum his concordat per omnia Vercellensis *super Cantica*, dicens, quod « *affectus et intellectus simul coambulant, usque ad novissimum defectum intellectus, ubi habet suæ cognitionis et sui luminis consummationem.* » Affectus autem adhuc continet principalia in Deum suspiria, superintellectuales extensiones et immissiones, fervidos fulgores, et fulgidos fervores: ad quorum omnium sublimes excessus et excedentes sublimitates in-

Dilectio
intrebabi
scientia
forissat.

¹ Cor., II, 20. — ² I Joan., II, 27. — ³ I Cor., XIII, 13. — ⁴ Matth., XXII, 38. — ⁵ Dion. Areop., de Div. Nom., c. IV. — ⁶ I Joan., III, 2. — ⁷ Joan., XV, 15. —

⁸ Greg., in Evang., hom. xxvii, ante med. — ⁹ Hug., in sept. cap. Angel. Hier., circa med.

(a) Vulg. *docet vos de omnibus.*

telligentia trahi non potest, sed solum principalis affectus Deo unibilis. Et hoc idem post dicit : « Tanta est virtus veri amoris et pulchri, quod non solum facit homines et angelos excedere propriam naturam, ut in Deum ascendant, sed etiam Deum quasi naturam propriam egredi, ut ad creaturas quasi infra naturam suam procedendo condescendat. » Et « hoc, ut dicit Dionysius, audendum est dicere pro veritate, cum tamen sit ingressibilis a se : licet ipse suam immensitatem nostrae capacitatit contemperet, eo immutato. » Hæc revelatio superintellectualis æternorum fuit facta Moysi in interioribus deserti constituto, querenti a Domino, quod sibi nomen esset. Respondit Dominus in subjecta creatura dicens¹ : *Ego sum qui sum*, ut dicit Vercellensis. *Ego sum esse in se reflexum, vel entitas, quale nomen non concipitur nisi ab apice principalis affectionis quaæ æternitati unitur, quasi dicat : Me nemo potest cognoscere, nisi per meipsum. Unde² nomen quod queris, est mirabile,³ quod nemo scit, nisi qui accipit : nisi, scilicet, qui acceperit per revelationem vel experientiam, ut Augustinus ait, vel, sicut dicit Haymo, « qui ad hoc prædestinatus est, ut ex experimento cognoscat. » Et quo patet, quod revelatio hæc non fit nisi mentibus seraphicis, in interioribus deserti existentibus, id est in caligine occulti silentii, in qua revelat et vere apparet Deus superintellectualiter, ut dicit Linconiensis.*

DISTINCTIO VI.

Qualiter superintellectualis revelatio æternorum a nobis acquiratur.

Sexto, cum revelatio æternorum ista sit superintellectualis, et ideo nec cogitari nec dici possit, ut supra patuit; ideo oportet videre, quæ sit attingenda et obtinenda.

Circa quod notandum est, quod Dionysius, *De Mystica Theologia*, volens Timotheo ostendere accessum ad istam revelationem superintellectualem æternorum, docet eum derelinquere omnes revelationes sensibiles et omnes revelationes intellectualles, tam naturales, quam supernaturales, et omnia sensibila et intelligibilia, donec ingrediatur caliginem occulti silentii, in qua revelat et vere apparet Dominus superintellectualiter. Ubi Dionysius, capite pri-

mo, dicit secundum translationem Abbatis : « Tu autem, Timothee, ad hoc quod capax fias mysticarum contemplationum sive revelationum, incorporare sic radio divino, derelinque sensus, et sensibilia exercitia et intellectuales operationes et omnia intelligibilia, et forti conatu hic comprime te, et si est tibi possibile, consurge ignote, et superintellectualiter ad unionem Dei, quæ est super omnem cognitionem. » Istud verbum, *Consume ignote*, exponens Linconiensis Commentator, dicit sic : « Surge et restitu te incognite, ut possibile est, ad unionem Dei, id est, ejus qui super omnem cognitionem est; quæ quidem restitutio vel resurrectio fit per ipsum solius forte desiderium, et amorem superfervidum, quæ nulla ratiocinativa investigatione potest esse cognita. » Et infra dicit : « Cessans enim in ista caligine ab operatione cognitionis, sed æstuans desiderio (a) solius Dei perfecte ab ipso incogniti, ipsi soli unitur, et cognoscens videt in ista caligine super intellectum : quia ad hoc cognoscendum non posset intellectus humanus et inoculatus attingere, non quod intellectus dicatur *inoculatus* a privatione potentie visivæ, sed a privatione omnis actus visivi, dum otiat in illa caligine. » Sequitur : « Et hi sunt gradus ascensionis in spiritualem caliginem, signati per ea quæ sunt historice facta Moysi. Et is est modus habendi se in caligine illa, donec divinus radius vere incircumvelat appareat, et se revelet dicto modo. » Hæc Linconiensis.

Gradus igitur ascensionis istius sunt : primo, derelinquere omnia sensibilia ; secundo, omnia intelligibilia ; tertio, ingredi caliginem, ubi⁴ apparet Deus. Cum his concordat quasi per omnia Vercellensis Commentator, per eamdem historiam Moysi ostendens gradus ascendendi caliginem mysticam, in qua se Deus incircumvelat revelat. Unde dicit, quod Moyses primo visus est se purgare a multitudine sensibilium, et deinde a nou puris separari, et post omnem mundationem audit sonum buccinæ, et tonitrua videt, et fulgura micantia, et radios multos emitentia, et post separatus a multitudine populari cum Aaron, et Nadab, et Abiu, et septuaginta senioribus in Israel⁵ tanquam rationabilibus, ascendit, et tunc fuerunt sibi revelata intelligibilia, scilicet æternæ architypiæ, sive rationes exemplares omnium creaturarum,

¹ Exod., III, 14. — ² Judic., XII, 18. — ³ Apoc., II, 17. — ⁴ Exod., IX, 9. — ⁵ Exod., XXIV, 14.

(a) *Cæt. edit.* desiderium.

quæ in Deo sunt, quarum intellectuali inspectione Deum cognoscimus, quibus nihil diuinus oculis intellectualibus intuemur. » Hæc ille.

Tertio dicit : « Sed adhuc restat principalior Dei cognitio, quæ figuratur in eo, quod Moyses post predicta separatur ab his, qui predicta secum viderant, et subtrahitur illis visus, et intrat in caliginem ignorantiae, et unitur incomprehensibilitati divinae, quam non penetrat intelligentia, quæ omnium clarissima est, et in se claudit et celat secretissime omnes cognitiones comprehensivas. Exemplum hujus plane videtur in luce stellari, quomodo absconditur in luce solari in meridie. » Sequitur : « Et omnis unitus Deo per eum, qui est super omnia, constitutus in excellencia quam nec ratio investigat, neque intellectus speculatur, et quasi ab omnibus talibus, et quasi a seipso segregatur, et per unitatem dilectionis, quæ est effectiva veræ cognitionis, unitur Deo intellectualiter, tamen ignoto, et tamen cognitione multo meliori, quam sit cognitione in eo quod intellectualis est : quia in eo quod cognitionem intellectuali derelinquit, super intellectum et mentem Deum cognoscit. » Hæc ille.

Ex predictis patere potest, quod revelatio superintellectualis non fit per intelligibilem cognitionem, sed per ardentissimam, imo super fervidam dilectionem, et experimentalem notitiam. Ex his etiam apparet, sicut dicit Linconiensis, quod hæc revelatio quæ sit incircumvelata et vere, absque symbolis et imaginibus, secundum sui nudam apparitionem, solum fit his, qui transcendunt immunda omnia, id est terrena omnia quæ amore contacta (a) maculant amantem mentem, et etiam pura quæ non maculant mentem contingentem, et quia ascendunt super ascensionem omnium sanctorum extremitatum, hoc est, ascendunt super omnes actus omnis virtutis apprehensivæ agentis, quantum possibile est intense, et derelinquent omnia divina lumina illustrantia, et introeunt in caliginem, hoc est actualem ignorantiam omnium, ubi vere est, ut eloqua aiunt¹, qui est super omnia : solum enim ibi inventur et tenetur : qualis ibi inventur, non est effabilis. » Hæc ille. Cui talis revelatio facta fuerit, dicat illud Matthei² : Confiteor tibi, Pater, Domine, etc.

¹ Ephes., iv, 6. — ² Matth., xi, 25. — ³ Cant., ii, 10. — ⁴ Joan., xv, 15. — ⁵ Greg., in Evang., hom. xxxvii. — ⁶ Psal. lxxxiii, 6. — ⁷ Cant., v, 12.

DISTINCTIO VII.

Qualiter ad iter occultæ revelationis æternorum spiritus noster a Deo invitetur (b).

Septimo videndum est, qualiter spiritus humanus, ad veniendum per iter occultæ revelationis ad intrinsecum secretum Domini, ab ipso invitetur (b) dicente⁸ : *Surge, propria, amica mea, formosa mea, et veni.* Ethujus invitationis subiungit alleluium, dicens : Quia jam ambulantibus revelata est veritas, quia jam *vox turturis audita est in terra nostra*, id est, vox paterni verbi revelantis omnem veritatem in terra humanitatis nostræ. Dicit ergo : *O amica mea*, propter secretorum revelationem. Unde Salvator dicit in Joanne⁹ : *Vox dixi amicos, quia omnia que audivi a Paire, nota feci vobis* : *notitia experimentali*, » dicit Gregorius¹⁰ in homilia, *Surge ad revelationum perfectionem, a sensibili ad intellectualem, ab intelligibili ad superintellectuali*, ut disponas, secundum Psalmistam¹¹, *ascensiones in corde tuo in valle larymarum. O columba mea*, propter revelationum exercitationem. Et sequitur : *Oculi tui sicut columbarum super rivos aquarum*, id est, ut dicit Vercellensis, « innitentes aquis sapientiæ, que derivantur a fonte sapientiæ, in quibus mentes columbinæ, tanquam in puro speculo, contemplantur revelationes, mentem simplificantes et purificantem. » *Propera*, propter revelationum plenissimam effusionem. Unde in Canticis¹², *columbae, que resident in mentis suspedio, quietate juxta fluentia plenissima*. « Propter quod, ut dicit Vercellensis, quantum mortalibus conceditur, ad plenissimas sapientiae essentialis copias acceditur, quarum plenitudo nulla effusione diminuitur. » Hæc Vercellensis. *O formosa mea*, propter revelationum radiosam illuminationem. Unde dicit in Isaia¹³ : *In plebit Dominus splendoribus animam tuam, et eris quasi hortus irriguus cuius non deficit aqua.* Exemplum de Moyse, cuius facies ex consilio Domini splendida facta est, ut videri non posset oculis corporalibus. *Veni*, propter divinarum revelationum certam directionem. Psalmista¹⁴ : *Sperie tua et pulchritu-line tua, etc.; quia vox jam turturis auditæ est in terra nostra, gemitu amoroso cantans*¹⁵ : *Ego sum via, veritas et vita*: *Ego sum via*, per quam tutissime ibis; *ego sum veritas*, ad quam certissime ibis, quia jam finis ænigmatis.

— ⁸ Isa., lviii, 11. — ⁹ Psal. xliv, 5. — ¹⁰ Joan., xiv, 6. — (a) *Cœl. edit. contracta.* — (b) *Item invitatur.*

tis est; ego sum vita, in qua aeternaliter permanes. Qui enim¹ invenerit me, inveniet vitam. Ergo veni, quia mens, quasi avis turtorea, invenit sibi nidum² continuum mansionis, ab aeterno turtore preparatum, ubi reponat (a) pullos suos, id est, omnes castos et amorosos conceptus castae mentis, a casto et amoroso turtore, id est, Verbo paterno auditos conceptus et gemitus. Unde Glossa dicit: « Turtur est Christus anator castitatis, » cuius vox audita est in terra nostra, id est, in humanitate, in qua Verbum paternum denuntiat nobis amenissimum advenisse tempus veris, id est, tempus gratiae, et in quo nobis revelavit omnia quae audivit a Patre: « Dum, sicut dicit Gregorius, affectus nostri imprimatur divino amori, cui nihil occultatur. » Unde Vercellensis exponit illud verbum, dicens sic: « Turtur est: solivagus et significat mentis virtutem unitivam et superintellectualem, quae nidiificat in amenissimis locis virentibus, et assiduis contemplatiis mentibus, et pullos, ut turtur, foveat nocte in superlucenti caligine occulti silentii, in quod nos perducat benedictus Deus. Amen. »

DE SEXTO ITINERE AETERNITATIS,

QUOD EST AETERNORUM EXPERIMENTALIS PREGUSTATIO (b).

Sextum iter aeternitatis, per quod spiritus noster venit ad intrinsecum secretum et aeternale manerium Domini Iesu, est aeternorum experimentalis pregustatio et notitia. Nisi enim esset in nobis aeternorum quedam spiritualis praegustatio, non diceret Psalmista³: *Gustate et videntе, quoniam suavis est Dominus*, etc. Ad majorem hujus itineris notitiam, septem per ordinem sunt notanda.

Primo igitur videndum est, quid haec experientia dicatur, et quare praecedentia itinera sequatur.

Secundo, quarum potentiarum ista experimentalis notitia dicatur.

Tertio, qualiter spirituales sensus potentiarum ab experimentali notitia impediuntur.

Quarto, qualiter interiores sensus spirituales reparentur vel reformatur (c).

Quinto, qualiter per gustum interiorum spiritualem aeterna praegustentur (d).

¹ Prov., viii, 35. — ² Psal. lxxxiii, 4. — ³ Psal. xxxiii, 9. — ⁴ Cant., ii, 3. — ⁵ Hug., in sept. cap. Angel. Hier., lib. VII, postmed.

Sexto, qualiter quilibet sensus interior spiritualis aeterna experientur.

Septimo, qualiter spiritus noster ad veniendum per iter experientiae ad intrinsecum Domini invitetur (e).

DISTINCTIO I.

Quid dicatur experimentalis praegustatio aeternorum, et qualiter alia itinera sequatur.

Primo igitur videndum est, quid haec experientia dicatur, et qualiter alia itinera sequatur. De quo notandum est, sicut dicit Papias, quod experientia idem est quod notitia. Unde experientia videtur esse objecti cuiuslibet potentiae praescientialis actus et notitia. Actus enim vitales attingunt sua objecta active, vel passive, vel utroque modo, secundum quosdam: alias potentia non fieri in actu. Unde si omnes homines dicunt mihi hoc esse dulce, per hoc non habeo notitiam experimentalis de illo, etiam quantumcumque probent per ratiocinationes; sed opinionem, vel fidem, vel scientiam possem habere. Sed si gustus meus attingit gustabile, vel attingitur ab illo, tunc habeo notitiam experimentalis illius. Similiter est de gusto interiori, et aliis sensibus spiritualibus. Unde si ego lego vel audio ab aliquo, quod dulcis sit Dominus, propter hoc non habeo notitiam experimentalis de hoc, nisi gustus spiritualis attingatur a dulcedine divina, ut dñe cum Sponsa⁴: *Fructus ejus est dulcis gutturi meo: ubi loquitur de gusto spirituali et experimentali, ut patet in Glossa. Et ista notitia experimentalis perfectissimum est. Unde dicit Bernardus, super Cantica: « Quidquid de oculis tuis scimus, o Domine Iesu, aut Scriptura docente, aut revelante, aut certe, quod perfectissimum est, gustando didicimus, id est, experientia. » Ex quo patere potest secundum, scilicet, quod istud iter experimentalis notitia aeternorum rationabiliter sequitur itinera praecedentia. Quid prodest namque multa cognoscere et intelligere, nec illa experiri, nec ad aliquem usum illa habere? Ergo experientia notitia quandoque est necessaria. Unde Hugo dicit sic⁵: « Non facit perfectum cognitionis virtutis, nisi et habitus virtutis in experientia subsequantur.*

(a) Ita in Canon. Miss. Dom. in Quadrag.; Vulg. ponat. — (b) Cat. edit. nou habent quod est aeternorum experimentalis praegustatio. — (c) Cat. edit. repantur vel reformatur. — (d) Item praegustantur. — (e) Item invitatur.

tur. Magistra enim est intelligendi experientia, et illa optime judicii veritatem cognovit, quia jam non audiendo solum, sed gustando et faciendo didicit. » Sequitur : « In experientia namque et habitu virtutis, cognitio perficitur veritatis : quia in sola intelligendi illuminatione inclinatur. » Hæc ille. Ad hanc experientiam hortatur Petrus, dicens¹ : Si tamen gustatis quoniam (a) dulcis est Dominus. Rationabiliter itaque iter experimentalis notitiae eternorum sequitur præcedentia itinera tanquam illa perficiens.

DISTINCTIO II.

Quarum potentiarum ista experimentalis notitia dicatur.

Secundo videndum est, quarum potentiarum et quorum sensuum experimentalis notitia esse dicatur. Circa quod notandum est, quod in libro *de Spiritu et Anima*, dicitur sic² : « Duo quidem in homine sunt sensus, unus interior, et alius exterior, et uterque bonum suum habet in quo reficitur. Sensus exterior reficitur in contemplatione humanitatis, sensus interior in contemplatione divinitatis. Propterea enim Deus factus est homo, ut totum hominem beatificaret, et tota conversio hominis esset ad ipsum, et tota dilectio esset in illo, cum a sensu carnis videceretur per carnem, et a sensu mentis per divinitatis contemplationem. » Sequitur : « Hoc erat totum bonum homini, ut sive ingredere tur, sive egrederetur, pascua in suo factore inveniret. » Et infra dicit : « Cum homo constet ex carne et anima, et in carne sint quinque sensus, scilicet visus, auditus, olfactus, gustus, et tactus, quos tamen non movet absque animæ societate : ita anima similiter habet quinque sensus suo modo, quia³ spirituales res non corporalibus sensibus, sed spiritualibus rimandae sunt. » Et sequitur : « Unde divina vox in Deuteronomio ait⁴ : Vide quod ego sum Deus : ecce spiritualis visus. Et in Apocalypsi⁵ : Qui habet aures audiat, quid dicat Spiritus Ecclesiis : ecce spiritualis auditus. Et in Psalmo⁶ : Gustate, et videite, quoniam suavis est Dominus : ecce spiritualis gustus. Et Apostolus⁷ : Bonus odor Christi sunus : ecce spiritualis olfactus. Et in Evangelio, fide mulierem se tetigisse magis, quam corpore,

ostendit dicens⁸ : *Quis me tetigit?* ecce spiritualis tactus. » Et sequitur : « Sic modo cum omni cautela servandum est, quid ad corporis sensus, et quid ad animæ dignitatem pertineat. Hæc ille. Ex his plane patet, quod sicut experientia corporalium fit sensibus corporalibus, ita experientia spiritualium fit in mente spiritualibus sensibus.

DISTINCTIO III.

Qualiter spirituales sensus potentiarum ab experimentali notitia impediuntur.

Tertio videndum est, qualiter sensus nostri interiores spirituales ab illa experimentali notitia impediuntur (b). De quo notandum, quod sensus spirituales dupliceiter impediuntur ab experimentali notitia. Unum impedimentum est ex natura corrupta, aliud est ex nostra negligentia. De primo impedimento Bernardus dicit sic⁹ : « Saporem interiorum perdidimus ab ipso pene exordio generis nostri. Unde ex quo cordis palatum, sensu carnis prevalente, infecit virus serpentis antiqui, cepit non sapere bonum, ac sapor noxius subintrat, et insipientia mulieris, id est sensualitatis, saporem boni excludit, quia serpentis malitia, et astutia, mulieris insipientiam (c) circumvenit. » Hæc ille. Iste morsus serpentinus fecit sensus interiores languescere et tabescere. Ex tunc enim visus interior spiritualis tenebrescit, auditus surdescit, olfactus tabescit, gustus amarescit, et tactus crassescit, ut clamet Propheta¹⁰ : *Oculos habent, et non videbunt; aures habent, et non audient*, etc. Tales manent in tenebris exterioribus carnis. De impedimento secundo dicitur in libro *de Spiritu et Anima*, sic¹¹ : « Hoc bonum magnum (quod habuit ex duplice sensu, scilicet interiori et exteriori bene ordinato), malum magnum secutum est : quoniam perditio bono quod intus erat, egressa est anima ad bona aliena, quæ foris erant; et pactum fecit cum delectationibus seculi, requiescens in illis, non attendens (d) boni sui interioris absentiam, eo quod consolations suas querit in bonis alienis. Nam cum exterior sensus carnalis bono suo foris utitur, interior sensus quasi obdormit. Non enim cognoscit bona interioris sensus, qui jucunditate

med. — ¹⁰ *Psalm. cxiii, 6.* — ¹¹ *De Spir. et Anim., c. IX.*

(a) Cæt. edit. *Sienim g., quam.* — (b) Item impediuntur. — (c) Item insipientia. — (d) Cæt. edit. add. homo.

bonorum exteriorum capit. Nam qui in carne vivit, in carne sentit, et dolores carnis fugit, quantum potest; vulnera autem animae prorsus ignorat: unde non (a) medicinam querit. » Sequitur: « Cum autem mortuus fuerit sensus animae, quo vivit in carne, tunc vivificari incipiet sensus ille, quo intus sentit seipsum (scilicet scientia experimentalis), et tunc sciet dolores suos, et sentire incipiet vulnera sua interiora tanto gravius, quanto propinquius. Magis enim nocet malum quod magis intimum, et magis prodest bonum, et delectat, quod magis intimum est. » Haec ille. De hoc vido hic proximo membro¹ plenius, qualiter utrumque impedimentum tollitur, scilicet experimentalis notitia. Item in tertio itinere² aliqua invenies de eodem.

DISTINCTIO IV.

Qualiter interiores sensus spirituales reparentur vel reformatur (b).

Quarto videndum est, qualiter sensus interiores spirituales reformatur vel reparentur (b). Circa quod sciendum est, quod contra primum impedimentum, scilicet corruptionem naturae, necesse est ut a Jesu, qui est clavis David, sensus nostri aperiantur, antequam aeterna experiantur. Unde Bernardus dicit³: « Dominus post suam resurrectionem loquens discipulis, ait Evangelista Lucas⁴, aperuit eis sensum, ut intelligerent Scripturas. Cum enim, inquit Bernardus, Scripturarum interiorem sensum, et virtutem miraculorum, et sacramentorum Dei, coepimus non solum intelligere, sed etiam quadam, ut ita dicam, experientie manu palpare et tractare, quod non fit nisi quadam conscientiae sensu, et experientiae disciplina intelligentis et scientis bonitatem Dei et virtutem, quam potenti bonitate, cum efficaci virtute, in filii gratiae opus ipsius gratiae operatur: tunc demum sapientia, quod sum est, exequitur; tunc, quos dignos judicat, unctione sua docet de omnibus; tunc appositio bonitatis Dei sigillo, omnia pectora (e) nostra unctione illa, et emollit (d), et imprimil, et conformat (e): et si qua dura, si que rigida inventit, conculcat (f) et infringit, donec letitia Dei salutaris accepta, et sapientiae spiritu principali

¹ Scilicet dist. iv, proxime seq. — ² Scilicet dist. v et seq., pag. 432 et seqq. — ³ Bern., de Amor., c. x, circa fin. — ⁴ Luc., xxiv, 45. — ⁵ Psal. iv, 7. — ⁶ Bern., in Cantic., serm. LXXXVI, circa med. — ⁷ Greg., Moral., lib. XXX, c. ix, post med. — ⁸ Hug., de Arc. Noe, lib. III, c. i et ii. — ⁹ Psal. XXXIII, 9.

confirmata, anima leta et sancta decantet ad Deum⁵: *Signatum est super nos lumen vultus tui, Domine, dedisti laetitiam in corde meo.* » Et idem super Cantica, dicens⁶: « Sapientia assidua vincit malitiam, id est, concupiscentia in mentibus ad quas intraverit, saporem mali, quem illa invexit, sapore meliore exterminans. Intrans enim sapientia, dum sensum carnis infirmat, intellectum purificat, cordis palatum sanat et reparat; sanato palato, jam sapit bonum, sapit et ipsam sapientiam^(g), qua in bonis nihil est melius. » Haec ille. Contra impedimentum secundum, scilicet nostram negligentiam, necesse est ut sensus exteriores sopiantur, et a sua vagatione restringantur, quia tunc interiores sensus excitantur, et exercitantur. Unde trigesimo libro *Moralium* Gregorius dicit⁷: « Si exterior evagatio sensus clauditur, interior sensus aperitur. » Cujus rationem reddit Hugo, de Arca Noe, ubi dicit⁸: « Mentes quas curae carnales exagitant, non comprehendunt sapidam sapientiam; sed qui minoratur actu, ipse invenit eam: quia dum animus ab exterioribus ad interiora abstractur, ad seipsum colligitur, et robustior ad contemplanda celestia elevatur, et cum a delectatione exteriori abstractur, necesse est ut aliquid spiritualis gaudii pregaustare incipiat, ne si omnino a delectatione manscrit alienus, quasi semen aridum sine humore ad gramen sapientiae non convalescat. » Sequitur: « Fit ergo, divina gratia inspirante, ut mens sic abstracta, et terrenis desideriis exuta, statim quadam insolita laetitia perfundatur, ut eo amplius amarum esse agnoscat quod deseruit, quo magis dulce sentit quod invenit. » Sequitur: « Illas mentes internae dulcedinis desiderium trahit, quas nullus concupiscentiae carnalis affectus religavit. » Haec ille.

DISTINCTIO V.

Qualiter per gustum interiorem spiritualem aeterna praegustentur.

Quinto videndum est, qualiter per interiorem gustum spiritualem aeterna praegustentur (h). Circa quod sciendum, quod nisi gustus spiritualis esset in nobis, Psalmista non dixisset⁹:

¹⁰ In append. Oper. Aug., tom. VI, nec. — (b) Cæt. edit. reparantur vel reformatur. — (c) Al. peccata. — (d) Al. emollita. — (e) Al. confortat. — (f) Al. inculcat. — (g) Cæt. edit. ipsa sapientia. — (h) Item praegustantur.

*Gustate, etc.; et Dominus non diceret¹: Si quis sermonem meum servaverit, non gustabit mortem (a) in æternum. De gustuæ ternorum spirituali dicit Bernardus²: « Mens est quedam vis anime, qua inhaeremus Deo, et fruimur. Fruitio autem haec in sapore quodam est divino. Quare sapientia a sapore dicitur, sapor autem iste in gusto quodam est. Gustum autem istum nemo potest digne exprimere, nec etiam qui meretur gustare; sed potest dicere: *Gustate et videte, quoniam suavis est Dominus.* » Ille Bernardus. Dicit etiam Gregorius³: « *Suavitatem ejus non cognoscitis, si hanc minime gustatis.* » Ex quo ergo gustum illum nemo potest exprimere, sed solum per experientiam noscitur, ideo oportet viam querere, qualiter spiritus noster ad istam gustus experientiam possit pertingere.*

De quo notandum est, quod Jesus, qui est sapientia Patris sapida, quia in eo est sapor omnis suavitatis et delectamenti, primum exigit ut dicit Hugo⁴, per creaturam mundi, et manifestavite se in operibus suis, et cœpit videri visibiliter, invisibilis, per effectum suum visibilem. Et ille exitus sapientiae causabat in sensibus nostris exterioribus quamdam notitiam æternorum scientialem, quia secundum Apostolum⁵: *Invisibilis Dei a creatura mundi per ea, quæ facta sunt, intellecta conspicuntur, semper terna quoque virtus ejus, et gloria, et divinitas.* Et licet illud lumen sapientiae aliquem causet saporem in sensibus, ut patet per Psalmistam⁶: *Delectasti me, Domine, in factura tua, etc.*, tamen illa delectatio fit semper ex gusto sapientiali, oleo gratias condito; nec illa notitia est experimentalis, sed discursiva, vel naturalis.

Secundo, ut dicit Hugo ibidem, exivit sapientia Patris incarnata, et facta est lumen in testa, ut nos illuminaret, et ad Patrem revo- caret. Et ille exitus sapientiae, sive manifestatio, causabat in sensibus nostris interioribus quam- dam notitiam æternorum credibilem, supernatu- ralem: et ideo nobilior est præcedente, quia super- naturalia dona perficiunt animam, ut dicit Dionysius. Sed nec illa notitia est experimentalis, quia experientia repugnat fidei, ut patet per Gregorium⁷. Tamen, ex notitia fidei firma, multiplex notitia, et consolatio habetur, ut

patet per Dionysium, qui dicit sic⁸: « Fides divina est stabilis collatio credentium, collo- cans illos in veritate, confirmans simplicem veritatem intransmutabili identitate in ipsis credentibus. » Et credentem in veritate, teste Scriptura⁹, nihil movebit a laetitia, quæ est secundum veram fidem, sed habebit in ea permanentiam immobilis et intransmutabilis identitatis. Qui enim veritati unitus est, ex ipsa unione bene novit, quando bene sentit, quamvis multi corripiant eum, tanquam mentis excessum passum.

Tertio, ut dicit Hugo¹⁰, « sapientia incarnata, quæ se per invisibilia manifestat, voluit ostendere, quomodo ipsa animorum cibus et refec- tio est. Et ideo carnem assumptam nobis in edu- lium propositum in sacramento, ut per cibum carnis

In sacra-
mento
altaris,
qualis
gustus
percepiti-
tur.

ad gustum invitaret divinitatis. » Haec ille. Egres- sa est ergo sapientia Patris, et quasi jam panifica- tio, ut dicit¹¹: *Ego sum panis vita, et¹² Pater dat vobis panem de celo verum, qui de celo descendit.* Igitur Jesus in sacramento est verus cibus, et vere gustabilis, ut per gustum corporis ejus perveniat ad gustum divinitatis ejus, quia ipse est via, secundum humanitatem, ad ejus divinitatem, ut supra dictum est. Summe au- tem necessarium est, ad hoc ut ad gustum inti- mae divinitatis pertingatur per corpus ejus in sacramento, quod sensus corporalis aliquo sensibili signo foveatur et determinetur, et ut intellectus lumine supernaturali fidei confor- metur, et ut voluntas charitate inflammetur, et sic per spiritualem mandationem corporis Christi, ad gustum absconditæ divinitatis pertinga- tur. Sed ecce hic Jesus dicit¹³: *Ego sum ostium: per me si quis introierit, salvabitur, et pascua inveniet. Ego sum ostium sensui corporali, per signa sensibilia monstratum. Ego sum ostium intellectui, per fidem perfectam reseratum. Ego sum ostium voluntati, per charitatem fervi- dum apertum, gustatum, et habitatum. Ego, in- quam, sum ostium sensui, per signa sensibilia monstratum in sacramento, per sensibiles species sacramentales panis et vini, quæ signifi- cant perfectam refectionem. Signa enim sensi- bilia, secundum Augustinum¹⁴, sunt, quæ « præter speciem, quam ingerunt sensibus,*

¹ Joan., VIII, 53. — ² Bern., *de Amor. Dei*, c. x, paulo post princ. — ³ Greg., hom. XXXVI, paulo post princ. — ⁴ Hug., in prim. cap. *Angel. Hier.*, lib. II, ante med. — ⁵ Rom., I, 20. — ⁶ Psal. XCII, 5. —

⁷ Greg., in *Evang.*, hom. XXVI, statim post princ. — ⁸ Dion., *de Div. Nom.*, c. VII, circa fin. — ⁹ Rom., VIII, 35. — ¹⁰ Hug., ubi sup. prox., longe post med. — ¹¹ Joan., VI, 35. — ¹² Ibid., 32. — ¹³ Ibid., x, 9. — ¹⁴ Aug., *de Doct. Christ.*, lib. II, n. 4.

(a) Cœl. edit. *Qui manducat hunc panem, vivet.*

aliquid aliud faciunt in cognitionem (*a*) venire.» Unde Hugo, ubi supra¹, dicit: « Ne humana infirmitas contactum carnis in assumptione abhorret, ideo consueti edulii speciebus carnem velavit, ut sensus foveretur, dum consueta percipit; ut etiam intellectus, credendo, et affectus, diligendo, determinate dirigeretur ad cibum hunc, quem Pater signavit sensibilius signis.» Hinc Chrysostomus, super illud²: *Hoc facite in meam commemorationem*, dicit: « Hoc fecit Christus sensibilius signis, ut nos duceret ad majus amicitie fœdus, suam charitatem declarans erga nos; prestitit se non solum videri desiderantibus, sed etiam palpari, comedti, et amplecti, et totum affectum expleare.» Hæc ille.

Item inquit secundo: *Ego sum ostium intellectui*, per fidem perfectam reseratum. Unde Chrysostomus, in tractatu de *Symbolo*, dicit: « Fides est lumen animæ, ostium vite, fundamentum salutis æternæ.» Unde dicit Isaïas³: *Nisi credideritis, non intelligetis*: ergo per fidem intratur ad veritatis cognitionem. Unde Augustinus, super *Joannem* (*b*), dicit⁴: « Noli intelligere ut credas, sed crede ut intelligas. Intelligere enim est merces fidei. Fides mundet te, ut intelligere replete te.» Hæc ille. Intellectus enim humanus sine radio fidei, circa divina est quasi cæcus. Unde impossibile est, quod intellectus attingat corpus Christi, ut existit sub speciebus sacramentalibus, nisi lumine supernaturali certissimæ fidei illuminetur et dirigatur; alias non videbit rivulos fluminis torrentis butyri et mellis, ut dicit Job⁵. Quod exponens Gregorius, quintodecimo *Moralum*, dicit⁶: « Butyrum nascitur ex carne, et significat Christi humanitatem; mel vero descendit ex aere, et significat Christi divinitatem.» Ex his duobus descenderunt septem rivuli contemplationis humanitatis, et septem divinitatis, quos solum fideles in tanta plenitudine quandoque recipiunt, ut videant quod dicere non valent. Attingit enim fides inaccessa, ait Bernardus⁷, quia intellectus per fidem illuminatus et confortatus attingit hanc veritatem indubitanter, quod Christus vere est in sacramento, et divinitas vere est in Christo.

¹ Hug., ubi sup. prox. — ² *I Cor.*, xi, 24. — ³ *Isa.*, vii, 9, juxta LXX. — ⁴ Aug., in *Joan.*, tract. xxix, n. 6. — ⁵ *Job*, xx, 17. — ⁶ Greg., *Moral.*, lib. XV, c. x. — ⁷ Bern., in *Cant.*, serm. LXXVI, circa med. — ⁸ *Joan.*, vi, 57. — ⁹ Aug., in *Joan.*, tract. xxv, n. 15.

Item tertio inquit: *Ego vere sum ostium voluntati*, per charitatem fervidam apertum, gustatum et inhabitatum: quia⁸ qui manducat meam carnem, et bibit meum sanguinem, in me manet, et ego in eo. Ille autem manducatio fit spiritualiter. Manducare autem spiritualiter, est attingere ad rem hujus sacramenti. Res autem hujus est duplex: una contenta et signata, et est Christus integer, qui continetur sub speciebus panis et vini; alia est res signata et non contenta, et haec est corpus Christi mysticum. Ille ergo manducat spiritualiter, qui Christo conjungitur per fidem et charitatem. Fides pertinet ad cognitionem; charitas, ad refectionem: ideo etiam unitur corpori Christi mystico, id est, Ecclesie. Ex ista enim manducatione oritur attingentia spiritualis; alias Christo non incorporaremur, dum carnei ejus gustamus. De ista incorporatione Augustinus super *Joannem* dicit⁹: « O sacramentum pietatis! o signum unitatis! o vinculum charitatis! Qui vult vivere, accedat, credit, incorporetur, et vivificetur.» Et Hugo dicit¹⁰, quod ista manducatio dicitur unifica, quia unos secum efficit omnes, quibus se manducandam praebet. Dicat ergo manducans illud Cantorum¹¹: *Comedi favum cum melle meo.* « Favus, sicut dicit Origenes, est cera virginea, cellulis distincta, melle repleta (*c.*).» Quid ergo est aliud: *Comedi favum cum melle meo*, nisi manducare corpus virginæ carnis dulcissima divinitate repletum? Et sic per gustum humanitatis pervenitur ad gustum divinitatis, et ideo ad prælibamen æternitatis.

DISTINCTIO VI.

Qualiter quilibet sensus interior spiritualis æterna experiatur.

Sexto notandum est, qualiter quilibet sensus interior spiritualis æterna experiatur. De quo sciendum est, quod Bernardus dicit¹²: « Sicut corpus habet suos quinque sensus, quibus animæ conjugitur, vita mediante; sic anima habet suos quinque sensus, quibus Deo, sive æternis conjugitur, mediante charitate. Quare Apostolus dicit¹³: *Nolite conformari huic sæculo, sed reformamini in novitate sensus vestri, ut pro-*

— ¹⁰ Hug., in sept. cap. *Angel. Hier.*, lib. VII, longe post med. — ¹¹ *Cant.*, v, 1. — ¹² Bern., *de amor. Dei*, c. vi, circa fin. — ¹³ *Rom.*, XIII, 2.

(a) *Al.* cogitationem. — (b) Cœl. edit. *Joanne*. — (c) Item repletus.

betis, id est, experimento sciatis, quæ sit voluntas Dei bona, beneplacens, et perfecta. » Sequitur: « Per sensus corporis veterascimus, et huic saeculo conformamur. Per sensus vero mentis, renovamur in agnitione Dei sive æternorum. » Et infra dicit: « Sicut omnes sensus corporales, scilicet visus, auditus, odoratus et tactus, sine sensu gustus infirmantur, et hebetantur in operationibus suis; sic ante adventum Jesu mediatoris, omnes sensus nostri spirituales languebant, propter absentiam gustus spiritualis vel sapientie, quæ nondum fuit incarnata, nec quasi gustata, a cuius gusto quanto diutius abstinemus, tanto sensus interiores magis deficiunt, et infirmantur in actibus suis circa æterna. » Unde Gregorius, quartodecimo *Moralium*, exponens illud Job¹: *Attenuetur fame robur ejus, et inedia invadat costas ejus*, sic dicit²: « Ex rationali anima habet homo, ut in perpetuum vivat; et tamen hominis iniqui robur attenuatur fame, quia anima ejus nulla interni cibi refectione pascitur. Et inedia invadit costas ejus, quando spirituali refectione subtracta, sensus mentis deficiunt. Et tunc cogitationes suas nec tegere, nec tueri possunt, quia famæ interna sensus mentis extenuat, et ideo se foris extendunt ad temporalia, spretis æternis, quæ eis non sapiunt. » « Adveniente autem gusto sapientie, ait Bernardus, ubi supra³, tunc sequitur quedam dulcedo saporis, quam in interiori suo sentiens anima, modo quodam singulari, quæ suscepit, cuncta discernit et dijudicat, seque et omnes sensus vegetat, et confirmat. » Nam hic panis spiritualis est, de quo dicitur⁴: *Paratum panem dedisti eis de calore sine labore, omne delectamentum in se habentem, et omnis saporis suavitatem. Substantiam enim tuam et (a) dulcedinem tuam quam in filios habebas, ostendisti (b), et deserviens uniuscujusque voluntatis, ad quod unusquisque volebat, convertebatur.* Ac si diceret: O Pater, substantiam tuam, id est, Filium tuum, cui totam substantiam tuam communicas, et dulcedinem tuam, id est, Spiritum sanctum, quem æternaliter spiras, nobis ostendis, et communicas in sacramento charitatis: ergo et omnem saporem suavitatis. Et ideo iste panis sapientialis nobis in sacramento charitatis exhibitus maxime attingentia est. Attingit enim omnes sensus interiores in tantum, ut in

omnibus, manducantibus eum, maneant, et ipsi in eo, ut non moriantur in æternum, sed in æternitate vivant et maneant, ut dicit⁵ Salvator.

Divinissima igitur Eucharistia in se habens delectamentum omnem sensum interiorem attingens, sensum visus spiritualis excitat ad experiendum æternorum contemplationem, sensum auditus spiritualis excitat ad experiendum æternorum auditionem, sensum olfactus excitat ad æternorum olfactionem, sensum tactus spiritualis excitat ad experiendum æternorum tensionem, sensum gustus spiritualis excitat ad experiendum æternorum prælibationem. Nisi istic sensibus interioribus æterna aliqualiter in hac vita experirentur, Gregorius, quinto libro *Moralium*, non diceret sic⁶: « Æternitas per inhantem mentem sine specie cernitur, sine sono auditur, sine motu suscipitur, sine loco retinetur, sine corpore tangitur; et cum mens phantasmata imaginationum corporalium abjectit, jam aliquatenus æternam divinitatem conspicit: quam si necdum quid sit apprehendit, agnovit tamen certe quid non sit. »

Videamus ergo de singulis sensibus interioribus. Primo igitur Jesus, panis vitæ, in sacramento manducatur, cum vere in se habeat delectamentum omnis suavitatis omnium sensuum spiritualium. Et cum ipse sit⁷ *candor lucis æternæ, et speculum sine macula*; attingens sensum visus interioris hominis, jam aliqualiter exercitat, ipsum excitat ad æternorum recipiendam contemplationem vel inspectiōnem. Unde Gregorius, vigesimo quarto *Moralium*, exponens illud Job⁸: *Videbit faciem ejus in jubilo*, dicit sic⁹: « Plerique, contemplatione quadam retributionis æternæ, etiam prius quam spoliuntur carne, hilarescent, dum in jubilo faciem Dei conspiquent: quod fit, cum aliquis spiritualem oculum in radio æterni solis figit. Ibi lumen vivens videt, quia jam omni mutabilitatis vicissitudine atque obumbratione calcata, veritati æternitatis (c) inhæret, eique inhærendo quem cernit, ad similitudinem incommutabilitatis assurgit, atque in semetipsam auctoris sui inconversibilem speciem, dum recipit, assumit. Quæ enim ad mutabilitatem

¹ Job, xviii, 12. — ² Greg., *Moral.*, lib. XIV, c. vi, post med. — ³ Bern., ubi sup. prox., c. x. — ⁴ Sap., xvi, 20, 21. — ⁵ Joan., vi, 57, 59. — ⁶ Greg., *Moral.*,

lib. V, c. xxvi, non longa a princ. — ⁷ Sap., vii, 16. — ⁸ Job, xxxiii, 26. — ⁹ Greg., *Moral.*, lib. XXIV, c. vii, post med. — (a) Vulg. *substantia enim tua*. — (b) Item *ostendebat*. — (c) *Suppl.* mens.

per seipsam lapsa est, ad immutabilitatis statum immobilem videndo formatur. » Hæc Gregorius. Hujus sensus experientiam habuit, qui dixit¹: *Dilectus meus candidus et rubicundus, etc.* « Experimentaliter loquebatur, » ait Vercellensis.

Secundo Jesus, panis sacramentalis, cum sit verbum Patris (verbum autem est notitia declarativa cum amore, ut ait Augustinus, libro nono de *Trinitate*²), attingens aures spirituales in sacramento, excitat eas ad experiendum allocutionem de æternis, quia, quantum in se est, semper notificat æterna, et illuminat (a) omnem hominem. Anima autem nisi haberet aures spirituales habiles ad audiendum æterna, Jesus non dixisset³: *Qui habet aures audiendi, audiat.* « Dominus autem, ut dicit Gregorius⁴, non querit aures corporis, sed mentis. » Et in *Apocalypsi* dicit idem⁵: *Qui habet aures, etc.*; ubi dicit Richardus: « Ille habet aures audiendi, qui habet sensum intelligendi, et affectum diligendi ea que promittuntur. » Et idem dicit Haymo: « Auris carnis tantum ad audiendum consistit; auris vero cordis auditu simul et intellectu viget. » Ihas aures Verbum Patris multiplicititer alloquitur, ut supra dictum est in itinere meditationis⁶. Et Augustinus, super *Genesim ad litteram*, dicit: « Sapientia Filius Dei non cessal loqui occulta inspiratione ad intellectualem creaturam. » Sed Gregorius, tertio decimo *Moralium*, dicit: « Unde exterior auditus aperitur, inde interior obsurdescit. » Ilius allocutionis experientiam habuit, qui dixit⁷: *Vox dilecti mei;* ubi dicit Glossa: « Gaudeo consolatoria eus vocem audiens, dum ejus faciem nondum video, tamen sublevato ad cœlum animo, aliquam suavitatem prægusto futuræ beatitudinis, et hoc in præsenti sæculo. » Hæc Glossa.

Tertio Jesus, panis sacramentalis, excitat olfactum ad æternorum odorem sentiendum. Cum, sicut dicit Dionysius⁸, existit fontana copiosa susceptionum divinarum suavitatum, refundens de sua plenitudine divinissimas fragrantias; ideo olfactum interiorum spiritualem excitat et aperit, ad experiendum (b) æternorum odorem, ut Joannes Evangelista, tanquam ex-

¹ *Cant.*, v, 10. — ² Aug., *de Trinit.*, lib. ix, c. ix et x. — ³ Matth., xi, 15; *Luc.*, viii, 8. — ⁴ Greg., *in Ezech.*, hom. xiv, ante med. — ⁵ *Apoc.*, ii, 7, etc.; iii, 6, etc. — ⁶ Scilicet secundo itiuere, sup., p. 410-412 — ⁷ *Cant.*, ii, 8. — ⁸ Dion., *Eccles. Hier.*, c. iv. —

pertus, diceret: Odor tuus, Domine, excitavit in nobis concupiscentias æternas. Sed hic nota quid sit olfactus spiritualis in anima, et in angelis. De hoc dicit Linconiensis Commentator super Angelicam Hierarchiam sic: « De olfactiva virtute discretiva odorum, quæ intus suscipiendo agit, dicit Dionysius, signare susceptivum bene redolentis, hoc est, bene contemplantis gratiæ divine. Et Dionysius, quarto *Ecclesiasticae Hierarchia*, dicit sic: « Si sensibilium aromatum susceptio moderata, vim olfactivam nostram sanam delectabiliter refovet, pariter et intellectuatum sensum nostrum spiritualis suavitatis discretivum, ab appetitu inordinato purgatum, susceptio divini boni odoris sancta delectatione nos replebit. » Hujus odoris experientiam habuit, qui dixit⁹: *In odorem unguentorum tuorum curremus post te; ubi dicit Bernardus sic¹⁰: « Etsi Dominus suavis odoris sit universis, maxime tamen domesticis; et quanto quis sibi familiarius vitæ merito ac membris puritate appropiat, tanto eum arbitror recentiorem aromatum et unctionis suavioris sentire fragrantiam. Porro in hujusmodi non capit intelligentia, nisi quantum experientia attingit. » Hec ille. Deo igitur *gratias*, qui odorem notitiae sue manifestat per nos in omni loco, ut dicit¹¹ Apostolus.*

Quarto Jesus panis sacramentalis, cum sit summa attingentia, quia ipse se dat in cibum, et manet in cibato, et cibalus in eo, ut dicitur in *Joanne*¹², et hoc in maxima charitate, ubi fit verissima attingentia anime et Dei spiritualis. Sed notandum, quod Hugo, in libro primo¹³ de *Arca Noe*, dicit sic: « Ad Deum attingere, est semper per desiderium eum querere, et per cognitionem invenire, et per gustum tangere. » Ex quo patet, quod attingentia ista habet quosdam gradus, per quos Deus acceditur, et inventitur, et attingitur, non accessu locali, nec tactu corporali: sed similitudine spirituali acceditur ad Deum, et dissimilitudine a Deo recessitur, ut dicit Augustinus in libro sexto de *Trinitate*.

Primus igitur gradus est, quo Deus attingitur, cum per desiderium queratur: quanvis enim Deus, ut desideratur, secundum aliquid ut præsens non habeatur, tamen necesse est, ut etiam secundum aliquid præsens habeatur; alias non

⁹ *Cant.*, i, 3. — ¹⁰ Bern., *in Cant.*, hom. xxii, non longe a principe — ¹¹ *II Cor.*, ii, 14. — ¹² *Joan.*, vi, 57. — ¹³ Hugo., *de Arc. Noe*, lib. IV, c. iv, circa med.

(a) *Cat. edit.* illuminabit. — (b) *Item* experiendorum.

desideraretur. Dicit enim Gregorius in homilia: « Profecto, qui Deum desiderat, jam habet quem amat; et tamen habitus amplius queritur, quia sine fine est querendus, qui sine fine est diligendus, ut ait Augustinus¹ exponens illud Psalmi²: *Quæriter faciem ejus semper.*

Secundus gradus, quo Deus attingitur, est cum per cognitionem inventitur. Cognitio enim est actus vitalis: actus autem vitales attingunt sua objecta, ut dictum est supra; alias dilectus non dixisset dilecta³: *Vulnerasti cor meum in uno oculorum tuorum:* « Intelligentia tua penetrante, » ait Vercellensis. Sed attingentia manet imperfecta, nisi id, quod presens est cognitioni, fiat presens voluntati amantis; quia Augustinus dicit⁴, quod quidam Deum cognoscunt, qui tamen Deum propter hoc non habent, quia si eum ut Deum cognoverunt, non tamen ut Deum glorificaverunt, ut ait Apostolus.

Tertius gradus, quo Deus attingitur, est cum Deus per amorem tenetur, et amplexatur, et spiritualiter manducatur. Hi autem actus et gradus sunt principaliter ipsius affectus et voluntatis. Unde Augustinus dicit⁵ quod voluntas habet unum proprium actum, qui est actus tenendi, sive amplexandi, et quasi possidendi: quos actus non potest habere intellectus. Nam possessio non est intellectus cognoscentis, sed voluntatis habentis, sicut sanitas sani non est medici cognoscentis, sed sani eam habentis. Unde et actum gustandi non habet intellectus, sed voluntas: quia gustus est in charitate, sicut dicit Richardus: sed charitas, vel dilectio, est actus voluntatis. Nam, sicut dicit Richardus⁶: « Sicut Deus per memoriam auditur, et per intelligentiam videtur, ita per affectum amplexatur et attingitur. » Hunc tactum spiritualem experta fuit, quæ dixit⁷: *Læva ejus sub capite meo.* « Lævae nomine intelliguntur splendores intellectus speculativi, qui ad gustum viatoris pertinent; dextra nomine, quæ patriam signat, intelligitur superintellectualis unitio ad Deum, quæ speculum nescit, et quasi ad præmium inclinat tanquam arrha, et pignus nec auferetur. Quare dixit sponsa⁸: *Tenui eum, nec dimittam illum,* post tam excessivos amplexus, et ineffabiles. » Hæc Vercellensis.

Quinto Jesus est panis supersubstantialis,

sicut patet⁹ in Mattheo: ideo gratissima et sufficientissima refectio angelorum¹⁰ et hominum, ut dicitur in psalmo. Ideo attingens gustum interioris mentis, aperit eum ad aeternorum dulcedinem gustandam. Unde Vercellensis super Cantica dicit: « Nihil est quod ita gratianum mentibus prestat refectionem, sicut panis supersubstantialis. Hæc enim refectio non fit per speculum, sed per divinæ dulcedinis experientiam, juxta quod gustus et tactus non exercentur per speculum, sicut visus. Et in hac Dei participatione fundatur portio Marie¹¹, quæ non auferetur ab ea. Sed hæc est principalis ruina antique reparatio, quando in primo Adam spoliati fuimus, et vulnerati in naturalibus. » Hæc ille. Quamvis autem iste panis habeat omnime delectamentum et omnem saporem suavitatis, et sanet omnes infirmitates nostras secundum Psalmistam, non tamen omnibus sapit æquilater. Dicit namque Bernardus¹²: « Deus non uniformiter sapit omnibus. » Oportet namque pro variis animæ desideriis divinæ presentiæ gustum variare, et infusum saporem divinæ dulcedinis diversa appetentis animæ aliter atque aliter oblectare palatum. Multum enim differenter sapit iste panis vitæ aeternæ reprobis, et electis. Unde Gregorius, undecimo *Moralium*¹³, exponens illud Job¹⁴: *Auris verba dijudicat, et fauces comedentis saporem,* dicit sic: « Job in his verbis aliquid de reprobis, et aliquid de electis innuere videtur, quia verba sapientiæ, quæ reprobi audiunt tantum, electi non solum audiunt, sed etiam gustant, ut eis in corde sapiat, quod reproborum non mentibus, sed solummodo auribus sonat. Aliud namque est cibum nominatum audire solummodo, aliud vero est gustare. Electi itaque cibum sapientiæ sic audiunt, ut degustent: quia hoc quod audiunt, ipsis per amorem medullitus sapit; reprobi vero, qualiter sapiat, ignorant. Aliud enim est aliquid scire de Deo, et aliud, quod cognoscitur, faucibus intelligentiæ gustare. Illa enim dicta in sapientiæ radice solidata sunt, quæ per vivendi usum et actuum experimentum convalescant. » Hæc Gregorius. Sed, ut supra dictum est, oportet volentem gustare hunc panem supersubstantialem, habere sensus excitatos. Hos sensus interiores videtur beatus Au-

¹ Aug., in *Psal. civ. Enarr.*, n. 3. — ² *Psal. civ. 4.* — ³ *Cant., iv, 9.* — ⁴ Aug., ad *Dard.*, epist. LVII, al. CLXXXVII, n. 21 et 29. — ⁵ Id., de *Trinit.*, lib. IX, c. VIII, n. 13. — ⁶ Richard., de *Contempl.*, lib. IX,

c. XV. — ⁷ *Cant., II, 6.* — ⁸ *Cant., III, 4.* — ⁹ *Matth., VI, 11.* — ¹⁰ *Psal. LXXXVII, 15.* — ¹¹ *Luc., X, 42.* — ¹² Bern., in *Cant.*, serm. III, post med. — ¹³ Greg., *Moral.*, lib. XI, c. IV, ante med. — ¹⁴ Job, XII, 11.

gustinus habuisse, qui decimo libro *Confessionum* ait sic¹: « Quid amo, cum Deum meum amo? certe non exteriora, sed quamdam lucem, et quamdam vocem, et quemdam odorem, et quemdam cibum, et quemdam amplexum interioris hominis mei, ubi fulget animæ meæ lumen quod non capit locus, et ubi sonat verbum quod non rapit tempus, ubi olet odor quem non spargit ventus, et ubi sapit cibus quem non minuit edacitas, et ubi hæret quod non divellit (a) sietas. Hæc amo, cum Deum meum amo. » Hæc Augustinus. Ex his patet, qualiter sensus interiores nostri æternæ experiantur. Unde et Richardus dicit²: « Non debet nobis sufficere illa æternorum notitia, quæ est per fidem solum, nisi et apprehendamus illam, quæ est per intelligentiam, si needum sufficiamus ad illam, quæ est per experientiam. » Hæc ille.

DISTINCTIO VII.

Qualiter spiritus noster, ad veniendum per iter experientiæ ad intrinsecum Domini, invitetur (b).

Septimo videndum est, qualiter spiritus noster ad veniendum, per iter experimentalis prægustationis æternorum, ad intrinsecum Domini Iesu, invitetur ab ipso dicente³: *Surge, proropa, amica mea, columba mea, et veni.* Et hujus invitationis subjungit affectivum, dicens: *Quia fucus protulit grossos suos*, id est, *quia jam est desiderati viatici optata suavitas.* Tunc namque est itinerandi securitas, quando itinerans suaviter recifitur, et itinerantis virtus augmentatur, donec cum Propheta⁴ ad montem Dei Oreb perveniatur. Dicit igitur: *O amica mea, propter experimentalē mei mandationem, nonne comedisti favum meum cum melle meo?* id est dulcedinem divinitatis cum corpore et sanguine meæ humanitatis? Hoc enim proprium est amicis meis, ut comedant, et bibant, et inebriantur carissimi, ut corpus meum comedant, et sanguinem meum bibant, et experientia intima, mea divinitate inebriantur. Hoc enim proprium electorum est, dicit Haymo super Apocalypsim. *Surge ad meam experimentalē cohabitacionem⁵, ut ubi sum ego, et tu sis, quia ex hac mandatione mei, tu manes in me, et ego ma-*

neo in te, tanquam mihi jam incorporata. *Ego quidem in altissimis habito, et thronus meus in columna nubis* Ideo surge, o columba mea, propter experientie tua simplicem fruitionem, et singularem. Solum enim queris experiendo frui presentia mea. Unde dixisti¹⁰: *Renuit consolari anima mea; memor fui Dei, et delectatus sum.* Quod exponus Gregorius duodevigesimo *Moralium*, dicit sic¹¹: *Quia de (c) temporaliū amissione non lugeo, de temporalium abundantia consolari nequaquam possum, et tamen memoria Dei solum delectatus sum.* Si igitur tantum delectatur in sola memoria Dei, dicat cum Bernardo¹²:

Super mel et omnia
Ejus dulcis præsentia.

*Propera propter experientie tua perfectio nem, et delectationem. Quanto enim spirituales delicias plus experiris, tanto avidius appetis eas: propera igitur venire ad me fontem omnium deliciarum. Nam etiam celeritas in desiderio mora est, ut dicit Seneca. O formosa mea, propter experientie tua radiosam multiplicationem. Experiris enim me, te visitantem¹³, post parietem stantem, per cancellos propicien tem, in montibus salientem. Item experiris me, te alloquenter, te odore meo semper attingenter, te reficienter et amplexantem, etc., ut patet in Cantico amoris per totum. Unde Bernardus dicit¹⁴: Attende Sponse devotionem, atque solertia sive experientiam, quod vigili utique oculo, scilicet experientiæ, observat Spensi adventum, et deinceps omnia ipsius intuetur. Venit enim ille, accelerat, appropiat, id est, respicit, alloquitur; et nihil horum momentorum Sponse industriam fugit. » Hæc ille. Veni igitur ad experientie tua consummationem, *quia fucus protulit grossos suos.* In quo ostendit sue invitationis dulce affectivum. Quid per fieum convenientius intelligi potest producentem fructum dulcedinis, quam Pater æternus, principium omnis dulcoris, qui protulit nobis grossos infinitæ dulcedinis, et refectionis, scilicet Verbum suum, Spiritum sanctum, con substantiales et coeteros? Verbum suum infinitæ dulcedinis protulit incarnatum, ut nobis esset in redemptionem, et panem supersubstan-*

¹ Aug., *Confess.*, lib. X, c. vi, n. 8. — ² Richard., de Trinit., lib. I, c. II. — ³ Cant., II, 10. — ⁴ Ibid., 13. — ⁵ III Reg., xix, 8. — ⁶ Cant., V, 1. — ⁷ Joan., XVII, 21. — ⁸ Ibid., VI, 57. — ⁹ Eccli., xxiv, 7. — ¹⁰ Psal. LXXVI, 6. — ¹¹ Greg., *Moral.*, lib. XVIII, c. xxxiv. —

¹² Bern., hymn. de Ascens. — ¹³ Cant., II, 9. — ¹⁴ Berd., in *Cant.*, serm. LVII, in princ.

(a) Cœl. edit. divellet. — (b) Item invitatur. — (c) Item deest de.

tialem, ut esset nobis in refectionem, qui descendit de cœlo nobis præparatus, et habens in se omne delectamentum et omnem saporem suavitatis, ut per ipsum dulciter reficiamur in via, ne deficiamus, sed ad æternum Patrem reducamur. Ecce dicit Hugo¹: « Unum ferculum proponitur in mensa Domini; sed noli contemnere, continet enim in se omne bonum. » Sed hanc refectionem non omnes gustant. Ipsa enim una est singularis, quia cum aliena et extranea delectatione et dulcedine non percipitur. Dicitur domestica, quia amicis et familiaribus tantum preparatur. Dicitur unifica, quia unum secum efficit omnes, quibus se sumendam et percipiendam præbet. » Hæc ille. Ficus etiam paterna protulit nobis Spiritum Sanctum consubstantialem et coæternum, qui est fons infinite dulcedinis saliens in vitam æternam. *Spiritus enim meus super mel dulcis*, a quo omnis dulcedo emanat. Unde Gregorius, libro quinto *Moralium*, dicit², quod « *unctio Spiritus Sancti facit contemnere inferiora*, et elevat ad superiora, et quod dulcedo ejus hie sentiri potest, non dici. » Hunc grossum infinite dulcedinis Pater nobis protulit, dum nobis eum in sensibilibus signis misit; et quotidie invisibiliter electis mittitur, qui itinerantes per septem dona, quasi per septem dies, et per septem refectiones spirituales, nos ad convivium æternorum collum perducit. Unde Gregorius, libro primo *Moralium*, dicit³, quod « *unumquodque donum Spiritus Sancti diem spiritualem facit in mente per suam illuminationem, et in qualibet die convivium facit per suam dulcedinem. Intellexus in die suo convivium facit et præparat, quia in eo, quod audita penetrat, reficiendo cor, tenebras ejus illustrat. Sapientia in die suo convivium facit, quia mentem æternorum spe et certitudine reficit. Consilium in die suo convivium exhibet, quia dum præcipitem esse prohibet, ratione animum replet. Fortitudo in die suo convivium facit, quia dum adversa non metuit, trepidanti menti cibos confidentiae apponit. Scientia in die suo convivium præparat, quia in ventre mentis ignorantiæ jejunium reparat (a). Pietas in die suo convivium exhibet, quia cordis viscera misericordiæ operibus replet. Timor in die suo convivium facit, quia dum premit mentem, ne de præsen-*

¹ Hug., in cap. sept. *Angel. Hier.*, lib. VI, ante med. — ² *Ecclesi.*, xxiv, 27. — ³ Greg., *Moral.*, lib. V, c. xix, paulo post princ. — ⁴ *Ibid.*, lib. I, c. XVI. — ⁵ *1 Cor.*, II, 15.

tibus superbiat, de futuro illam cibo spei confortat. » Hæc ille. Et sic itinerans, ad æternitatem confidenter et velociter incedit. Et hæc dona sancti Spiritus sunt quedam perfectiones anime, per quas redditur bene mobilis ad æterna consequendum, et exercitata ad experientium, quia⁶ *spiritualis omnia dijudicat* (b). Ad cuius æternitatis plenam experientiam nos perducat æterna sapientia, benedictus Deus. Amen.

DE SEPTIMO ITINERE ÆTERNITATIS,

QUOD EST ÆTERNORUM MERITORIA OPERATIO (c).

Septimum iter æternitatis, per quod spiritus noster venit ad intrinsecum secretum et æternale manerium Domini Jesu, est æternorum meritoria operatio, sive deiformis, id est, divinae operationis conformis: nisi enim opera nostra essent iter ad æterna, Dominus non diceret⁷ se redditum *unicuique secundum opera sua. Opera enim illorum sequuntur illos*, sicut dicit⁷ Joannes. Ad majorem autem hujus itineris notitiam habendam, septem sunt notanda.

Primo, quare iter meritoria operationis præcedentia itinera subsequatur.

Secundo, quare natura rationalis ad hoc facta sit (d) quod operetur, et æternum finem per hoc consequatur.

Tertio, quare homo secundum duplē naturam, corporalem scilicet et spiritualem, operari teneatur.

Quarto, qualiter operatio utriusque naturæ, corporalis scilicet et spiritualis, deiformis efficiatur.

Quinto, qualiter diversi gradus utriusque operationis vel species distinguantur.

Sexto, qualiter spiritus per utramque vitam, scilicet activam et contemplativam, ad æterna ingrediatur.

Septimo, qualiter ad veniendum per iter meritoria operationis a Domino invitetur.

DISTINCTIO I.

Quare iter meritoria operationis præcedentia itinera subsequatur.

Primo notandum est, quod cum aliquis, in spiritualibus exercitatus, fuerit ad æterna di-

⁶ *Math.*, xvi, 27. — ⁷ *Apoc.*, XIV, 13. — (a) *Al.* separat. — (b) *Vulg. judicat.* — (c) *Cæt. edit.* non habent *quod est æternorum meritoria operatio.* — (d) *Cæt. edit.* est.

rectus per rectam rationem vel intentionem; cum fuerit in itineribus aeternitatis expeditus per frequenter meditationem; cum fuerit ad aeterna directus per limpidam contemplationem; cum fuerit ad aeterna inclinatus per fervidam dilectionem; cum fuerit de aeternis instructus per multiplicem revelationem; cum fuerit aeterna expertus per dulcem praegustationem, ut de omnibus patuit supra: quid modo restat, nisi aeterna ingrediatur per deiformem et meritoriam operationem? Quidnam predicta omnia valerent, si ea deiformis operatio non consummaret? Non enim perfectum facit cognitio veritatis, nisi subsequatur habitus virtutis in operatione, ait Hugo¹ super septimum Angelicæ Hierarchiæ. Et in libro *de Tribus Dictis*, dicit sic: « Quid nobis prodest, si in Deo cognoscimus majestatis celsitudinem, et nullam nobis inde colliginus utilitatem? Si enim de illo intimo divine contemplationis secreto revertimur, quid nobiscum afterre poterimus, nisi lumen exemplaris operationis? » etc., ut supra in Prologo, distinctione quinta². Quare iter meritoriae operationis rationabiliter predicta sequitur.

DISTINCTIO II.

Quare natura rationalis ad hoc facta sit (a), quod operetur, et aeternum finem per hoc consequatur.

Secundo sciendum est, quod natura rationalis ad hoc facta est, ut operationes proprias operetur, et per hoc gratia mediante finem suum ultimum consequatur. Propter hunc enim finem conditus est homo, ut opus, propter quod factus est, operetur, et non solum ne a vita aeterna sive a suo fine excludatur, sed etiam ne quasi naturali sua perfectione privetur. Quod Linconiensis Commentator super tertium Angelicæ Hierarchiæ sic ostendit, dicens: « Facta est rationalis natura non solum propter inhærcere Deo per dilectionem Dei, sed etiam propter operari secundum sacras ordinationes bene ad proximum ex dilectione proximi. Et si predicto modo non operatur, tunc sine, propter quem facta est, caret: cum neutra dilectio sine altera permaneat, ac per hoc cassa et vana est, et ideo indigna subsistere etiam secundum existentiam naturalem ei divinitus datam propter hujusmodi finem. Sicut enim, secundum Apost-

tolum³, qui non laborat, non manducet, sic omne quod propter opus factum est, si sue negligentie vitio non facit, existentiae sue naturalis fulcimento privari habet, ut videlicet plenitudinem integrum, et integratatem plenam existentiae naturalis non retineat. Sic primus angelus, et primus homo, non operates secundum sacras ordinationes gratiae proprie, recedentes voluntarie, et elongantes se a per se ente, et per se esse, deciderunt in corruptionem naturalis existentiae, non quod ipsa caderent in penitus non esse, sed quod ipsa, ut praetactum est, a proprie integralis plenitudine deciderunt, et propter aversionem ab illo, qui solus per se est, et conversionem ad aliud, quod per se non est aut deficiente est, dicatur magis non existere quam existere. » Haec ille. Et ideo non licet otiori a bono opere. Otium enim sine litteris mors est, ait Seneca⁴, et vivi hominis sepultura. Et Bernardus, in *Scrutinio ad solitarios*: « Nihil pretiosius tempore, quia sicut capillus non peribit de capite, si nec momentum peribit de tempore, quin oporteat reddere rationem. » Igitur natura talis facta est, ut operetur, et per hoc finem suum consequatur.

DISTINCTIO III.

Quare homo secundum duplē naturam operari teneatur.

Tertio videndum est quod cum homo constet ex duplice natura, corporali scilicet et spirituali, ideo duplices operationes debet operari, ut secundum utramque naturam ad aeterna passibus operationum dirigatur per intentionem rectam in finem ultimum, qui est Deus aeternus, ut sic totus homo cum tota familia sua spirituali bene ordinetur, pacificetur, et regnum efficiatur aeterno Deo. Nisi enim Deus regnum suum in nobis habere posset, non dixisset⁵: *Regnum Dei intra vos est*. Illoc autem⁶ *regnum non est esca vel potus, sed justitia, et pax, et gaudium in Spiritu sancto: justitia justificans iudicia cordis sive rationis, pax tranquillans imperia facultatis, gaudium adimplens desiderium voluntatis*. Et Gregorius exponens illud verbum, dicit: « Haec sunt quasi imago et arrha perennis letitiae futuri saeculi. » Istarum operationum tam spiritualium, quam corporalium ordinem et directionem in finem, scilicet Deum, bene illi, 10. — ⁴ Senec., epist. LXXXII, paulo post princ. — ⁵ Vid. sup., pag. 399, col. 2. — ⁶ II Thess., xvii, 21. — ⁶ Rom., XIV, 17. — (a) *Ad. est.*

¹ Hug., in cap. septi. *Angel. Hier.*, lib. VII, paulo post med. — ² Vid. sup., pag. 399, col. 2. — ³ II Thess.,

ostendit et docet auctor libri *de Spiritu et Anima*, dicens¹: « Nobilis est creatura anima. Civitas namque Dei est, de qua tam gloria dicta sunt, quod ad imaginem et similitudinem Dei facta est. Hec civitas Hierusalem merito appellata est, quia ad fruendum visione illius pacis summæ, quæ fecit utraque unum, creata est. Mens ejus paradisus est, in qua dum coelestia meditatur, quasi in paradiſo voluptatis delectatur. Domus etiam summi Patris familiæ est anima, propter unitatem morum; sponsa Christi, propter (a) dilectionem; templum Spiritus sancti, propter (a) sanctificationem. » Sequitur: « Civitas Regis æterni, propter concordiam civium. Et quia nulla est civitas absque populo, dispositus in ea Conditor noster populum triplicis gradus, id est, sapientes ad consulendum, milites ad pugnandum, artifices ad ministrandum. Cives hujus civitatis sunt naturales et ingeniti animi vi-gores, tanquam indigenæ: quorum distincti sunt gradus, alii superiores, alii medi, alii inferiores, ad similitudinem angelicas hierarchiæ. Superiores sunt quidem intellectuales sensus, medi rationales, infimi animales: quorum haec differentia est. Animalis, sive sensualis, appetit sensibilia. Rationalis discernit, et discretionis oculo aspernatur ea. Intellectualis pertrahit ea ad divina. » Sequitur: « Intellectuales igitur sensus sunt tanquam anime consiliarii dicentes ei²: *Deum time, et mandata ejus observa: propter (b) hoc est enim omnis homo.* Rationales sunt milites, qui hostes concupiscentiarum (c) impugnant per arma justitiae. Animales, sive sensuales sensus, sunt tanquam rustici, et artifices mechanici, qui corporalibus rudimentis insistunt, et corpori necessaria ministrant. » Sequitur: « Hanc triplicem vim anime, scilicet sensualem, rationalem et intellectualem, philosophi partes anime vocaverunt, non integrales, sed virtuales, qui potentiae ejus sunt. » Hac omnia in libro prædicto. Tota igitur ista familia pacificata, et qualibet (d) ad suum officium et opus ordinata et directa, et Regi suo plene subjecta, omnes extranei, regnum animarum turbantes, ejiciantur et excludantur. Extranei autem sunt, ut dicit Richardus³, omnes cogitatus tam vani, quam noxii, qui nulli nostræ utilitatì serviunt, et similiter turba inordinatarum affectionum, et

¹ *De Spir. et Anim.*, c. xxxvii, inter Oper. Aug., append. tom. VI. — ² *Eccle.*, XII, 13. — ³ Richard., *de Contempl.*, lib. IV, c. xxxv, non longe a principio. — ⁴ *Apoc.*, XXI, 4. — ⁵ Dion., *Eccles. Hier.*, c. VII. — ⁶ *Matth.*, v, 48. — ⁷ *Joan.*, VIII, 39. — ⁸ Dion., *Eccle.*

solllicitudinum, quas omnes oportet ejicere, ut Regis nostri legibus, et Dilecti nostri amplexibus, quanto liberius, tanto jucundius liceat inherere, qui⁶ absterget omne lacrymam ab oculis eorum. Ex his apparet, quod homo secundum utramque naturam debet operari, cum secundum utramque sit beatificabilis.

DISTINCTIO IV.

Qualiter operatio utriusque naturæ, corporalis scilicet et spiritualis, deiformis efficiatur.

Quarto videndum est, cum Dionysius dicat⁸ quod ex Scriptura edocemur, quod jam in hac vita deiformem vitam inchoamus, quam in celo consummabimus, qualiter utraque nostra operatio, scilicet spiritualis et corporalis, deiformis, id est, divinæ operationi conformis efficiatur. Nisi enim aliqualiter possemus nos Deo Patri nostro conformatiter operari tanquam filii, Dominus non dixisset⁹: *Estote perfecti, sicut et Pater vester celestis perfectus est.* Sicut enim imaginem Dei Patris nostri habemus in mente vel tenemus, ita etiam, ut Dei filii simus, debemus similitudinem tenere in operatione. Nam ejus filii simus, cuius opera facimus, dicit¹⁰ Dominus. Unde Dionysius dicit¹¹: « Uniuscujusque hierarchiæ, id est, bene ordinatae personæ perfectio est ad Dei imitationem secundum propriam operationem reductam esse, et fieri cooperatricem, quod efficacius omnibus divinam inginit conformatit, et facit repræsentare divinam operationem in seipso, secundum quod possibile est, » juxta illud Pauli¹²: *Dei enim adjutores sumus.* Notandum igitur, quod Dionysius, quinto *Ecclesiastico Hierarchiæ*, dicit: « Ne illuminationes divinarum operationum confusæ et indistinctæ videantur, tam angelici, quam ecclesiastici gradus sunt divisi in primas, medias, et ultimas sanctas operationes, et ordines, secundum hierarchicas distinctiones, id est ordinatas distinctiones. Et capite decimo *Angelico Hierarchiæ* dicit, quod unaquæque mens bene ordinata, tam angelica, quam humana, habet in se primas, medias, ultimas, sive infimas ordinationes, et virtutes, et sursum actiones, secundum quas unusquisque angelus et homo hierarchicus, id est, bene ordinatus, percipit secundum propriam capacitatem, Dei purgationem,

Hier., c. v. — ¹¹ *1 Cor.*, III, 9. — (a) *Ad. per.* — (b) *Vulg.* non habet propter. — (c) *Leg.*, id est, concupiscentias. — (d) *Cat. edit.* quælibet.

illuminationem, et perfectionem, quae sunt deiformes operationes, nos Deo conformantes. Oportet igitur volentes deiformes operationes operari esse hierarchicos, id est, bene ordinatos ad similitudinem angelicæ hierarchiæ, ut vide licet secundum supremas operationes simus bene ordinati ad Deum; secundum medianas, ad nosmetipsos; secundum ultimas sive infimas, simus bene ordinati quantum ad exteriora. Et sic erimus totaliter ordinati, et operationes nostræ deiformes, et Deo acceptæ erunt, quia per eas purgatur, illuminatur et perficiuntur. Et ex tunc erimus idonei ad purgandum, illuminandum et perficiendum alios dispositive, quia sumus coadjutores Dei, qui solus hoc facit effectiva. De hoc vide supra, itinere tertio, distinctione quarta.

Primo igitur, ut tanquam bene ordinati deiformiter operemur quoad Deum, ad similitudinem supremæ angelicæ hierarchiæ, in qua, sicut dicit Bernardus, libro quinto de *Consideratione*¹, Deus in Seraphim amat ut charitas, in Cherubim noscit ut veritas, in Thronis sedet ut aequitas: oportet etiam ut nos, quantum possumus, Deum summum bonum diligamus, ut summam veritatem cognoscamus, et ut summam aequitatem in nobis teneamus: et sic erimus bene ordinati quoad Deum per deiformes operationes, quia, sicut dicit Linconiensis super *Angelicam Hierarchiam*: «Intellexit humanus in suo supremo gradu ad intus habet ut ferveat amore cum Seraphim, luceat scientia cum Cherubim, spiritialis factus judicet omnia cum Thronis.»

Secundo, ut tanquam bene ordinati circa nosmetipsos, deiformes operationes operemur ad similitudinem medianas angelicæ hierarchiæ, in qua, sicut dicit Bernardus ubi supra, Deus dominatur ut majestas, operatur ut virtus, tuerit ut salus: oportet ut etiam nos omne impediens participationem divinae dominationis superemus, ut opera omnium virtutum secundum gratiam nobis datum studiose agamus, ut omnibus inordinatis motibus et impulsionibus potenter resistamus; et illa, ut possimus, inferioribus communicemus: et sic erimus bene ordinati in nobis per deiformes operationes, quia, sicut dicit Linconiensis (ubi supra), «in media hierarchia nostra oportet, quod dominemur cum Dominationibus, ut fortes simus cum Virtutibus, ut ordinati simus cum Potestatibus.»

¹ Bern., de *Consider.*, lib. V, c. 1, in fin. —
* Macrobi., in somn. Scip., c. viii.

Tertio, tanquam bene ordinati ad exteriora, operemur deiformes operationes ad similitudinem infimas angelicæ hierarchiæ, in qua Deus, sicut dicit Bernardus (ubi supra), regit ut principium, revelat ut lux, et assistit ut pietas; oportet ut omnia exemplariter ad primum principium revocemus, ut lumen veritatis verbis et factis aliis ostendamus, ut opera pietatis omnibus devote exhibeamus: et sic erimus ordinati quoad exteriora per deiformes operationes, quia, sicut dicit Linconiensis (ubi supra), «in ultima nostra hierarchia oportet, ut principem cum Principibus, scilicet media ad primum principium reducendo; ut revelemus veritatem cum Archangelis, et pie assistamus indigenti cum Angelis.» Ut igitur dicit Dionysius, «Divinitas cœlestis animos prius naturaliiter mundat, postea illuminat, et illuminatos perficit ad operationes perfectionis Deo con formes.» Hæc ille.

DISTINCTIO V.

*Qualiter diversi gradus utriusque operationis,
vel species, distinguantur.*

Quinto videndum est qualiter, in ultrisque operationibus, diversi gradus vel species distinguantur. Sed quia de operationibus spiritualibus, prout respiciunt vitam contemplativam, supra dictum est in tertio itinere, dist. quarta de *Gradibus contemplationis*, ideo modo dicendum est de gradibus operationum, prout respiciunt vitam activam. Et primo dicendum est de gradibus operationum virtualium, prout ordinantur ad proximum; secundo, ut ordinantur in proprium subjectum; et tertio, prout ordinantur ad Deum.

Gradus operationum virtualium, prout modo loquor de virtutibus, consistunt in quatuor virtutibus cardinalibus, quorum quilibet habet plures gradus, ut ostendit Macrobius, libro primo² de quatuor virtutibus, ubi recitat dicta Platonis, qui distinguit quatuor genera virtutum, quarum quedam dicuntur politice, quedam purgatoriæ, quedam purgati animi, quedam exemplares. Primæ ordinant hominem quoad proximum; secundæ, quoad subjectum proprium; tertie, quoad Deum; quartæ perficiunt alias. Politice sunt, quibus boni viri reipublicæ consulunt, urbem tuerint, parentes venerantur, liberos amant, proximos diligunt, cives suos bene gubernant. Purgatoriæ virtutes

Qualior
genera
virtu-
tum.

sunt, in quantum ab his animum ad divina trahunt. Purgati animi virtutes sunt, in quantum animum innixum divinis expeditum tenent. Exemplares sive heroicæ sunt, qua in solo Deo sunt, non ut in nobis, sed incomparabiliter excellentiori modo, a quibus omnes virtutes in nos influunt, operantur et consistunt.

Notandum est igitur, quod Macrobius ibidem quamlibet istarum virtutum distinguit et diffinit : per quas diffinitiones patent eorum gradus species, et proprietates.

Primo igitur diffiniens prudentiam primam virtutem cardinalium, ut est virtus politica, dicit : « Prudentia est ad rationis normam universa dirigere. » Secundo, ut est virtus purgatoria, diffinit eam sic : « Prudentia est mundum istum, et omnia quæ in eo sunt, divinorum comparatione despicer. » Tertio, ut est virtus purgati animi, diffinit eam sic : « Prudentia est, divina non quasi in electione alius preferre, sed quasi nihil aliud sit intueri, quod perfectorum est. Exemplaris autem prudentia, ut est in Deo, est ipsa mens divina, vel divina mentis regula, qua disponit universa in cœlo, et in terra. » Haec ille. Ex his apparere potest, quod primus gradus prudentiae, ut est virtus politica, facit hominem in omnibus rationabiliter operari, et cum omnibus honeste conversari. Secundus gradus prudentiae, ut est virtus purgatoria, mentem altius erigit, quia dum mundana despiciat, æterna sive celestia prudenter appetit. Tertius gradus prudentiae, ut est virtus purgati animi, mentem plenius perficit, dum eam in æterna figit, quia sola æterna appetit. Exemplaris autem prudentia, qua in solo Deo est, predictos gradus inchoat, deducit et consummat, quia ¹omnis prudentia (a) vera a Deo est, ut patet.

Secundo, Macrobius secundam virtutem cardinalem, scilicet fortitudinem, diffinit, et primo, ut est virtus politica, dicens : « Fortitudo est, quæ habet mentem super metum erigere, et nihil nisi turpia formidare. » Secundo, ut est virtus purgatoria, diffinit eam sic : « Fortitudo est animam non terrori corporis cruciatu, ductu philosophie precedente. » Tertio, ut est virtus purgati animi, est passiones non tantum vincere, sed omnino penitus ignorare. Exemplaris fortitudo, qua in Deo est, est quod semper idem est, nec unquam mutatur. Ex his patere potest, quod primus gradus fortitudinis, ut est virtus

politica, hominem facit omnem timorem pro utilitate reipublicæ postponere, et turpia formidare. Secundus gradus fortitudinis, ut est virtus purgatoria, mentem magis confortat, ut nulla poena temporalis eam terreat : quia ad sola æterna fortiter anhelat. Tertius gradus fortitudinis, ut est virtus purgati animi, mentem in æternis figit : quia cum omnia contraria vice, repugnare omnino et confidenter contemnit. Exemplaris autem fortitudo, qua in Deo est, predictos gradus inchoat, deducit et consummat. Ipsa enim ² attingit a fine usque ad finem fortiter, suaviter disponens omnia.

Tertio, Macrobius virtutem cardinalem tertiam, scilicet temperantiam, diffiniens primo, ut est virtus politica, dicit sic : « Temperantia est ^{Tempe-} virtus, qua in nullo moderationis metam exce- ^{ranta.} dit. » Secundo, ut est virtus purgatoria, diffinit sic : « Temperantia est omnia relinquere, nisi quantum natura requirit. » Tertio, temperantia, ut est virtus purgati animi, est terrenas cupiditates non reprimere, sed obliviisci. Exemplaris autem temperantia, qua in Deo est, sic est, quod in se perpetua intentione conversa est. Ex his appareat, quod primus gradus temperantiae, ut est virtus politica, hominem ab ex cessu et defectu custodit, quia ei medium virtutis in omni operatione ostendit. Secundus gradus temperantiae, ut est virtus purgatoria, mentem ad æterna perfecte dirigit, quia omnem superfuitatem rerum gravantium firmiter excludit. Tertius gradus temperantiae, ut est virtus purgati animi, mentem æternis infigit, quia concupiscentiam omnis inordinati concupisibilis penitus extinguit. Exemplaris autem temperantia, qua in Deo est, predictos gradus temperantiae inchoat, deducit et perficit, quia omni creature ³ numerum, pondus et mensuram tribuit.

Quarto , Macrobius virtutem quartam cardinalem, scilicet justitiam, ut est virtus politica, diffinit, dicens : « Justitia est mundum istum desplicere, et dare unicuique quod suum est, » scilicet sibi ipsi, et proximo, et Deo. Secundo, justitia, ut est virtus purgatoria, est ad veram propositi viam consentire. Tertio justitia, ut est virtus purgati animi, est cum divina mente perpetuo fœdere sociari. Exemplaris justitia, ut in Deo est, est quod perenni lege a superna sui operis continuatione non flectitur. » Haec ille. Ex his patet, quod primus gradus justitiae, ut

Vir-
tu-
tum car-
di-
na-
li-
um
dif-
fi-
ni-
ti-
o-
nes et
gra-
dua.

Prude-
ntia.

Forti-
do.

¹ Ecclesiast., 1, 4. — ² Sap., VIII, 1. — ³ Ibid., XI, 21.

(a) Vulg. sapientia.

est virtus politica, hominem ab omni iniuitate custodit, et cum omnibus pacifice conversari docet. Secundus gradus justitiae, ut est virtus purgativa, mentem ad aeterna direcere trahit, quia justo ordini recte rationis perfecte consentit. Tertius gradus justitiae, ut est virtus purgati animi, mentem in aeternis figit, quia illam cum Deo perpetuo sociat fovere. Exemplaris autem justitia, ut in Deo est, praedictos gradus inchoat, deducit et perficit, quae omnem creaturam perpetua, et inflexibili lege justo regit. Ex his aliqualiter patet, quomodo gradus operationum virtualium differenter sunt in activis, et contemplativis, et qualiter per virtutes, ut sunt virtutes politicae, homo ordinatur in operationibus suis quoad proximum; per virtutes, ut sunt purgatoriae, ordinatur quantum ad seipsum; ut sunt virtutes purgati animi, quantum ad Deum. Alias virtutes exemplares, quae in Deo sunt solum, perficiunt secundum magis et minus, prout operantes in fide et charitate opera lucis, eas perfectius, vel minus perfecte participant, vel imitantur.

DISTINCTIO VI.

Qualiter spiritus per ultramque vitam, scilicet activam et contemplativam, ad aeterna ingrediatur.

Sexto videndum est, qualiter per ultrasque operationes, scilicet interiores et exteriores hominis, sive vite activa, sive contemplativa, spiritus humanus ad intrinsecum et aternale manerium Jesu ingredietur. De quo notandum est, quod, sicut dicit Prosper in libro *de Vita Contemplativa*, licet vita activa, et contemplativa, itineribus disparibus incedant, ad eamdem patriam tamen tendunt. « Activa vita, ait Prosper¹, habet sollicitum cursum; contemplativa vero habet gaudium sempiternum, quod non auferetur ab ea in aeternum. Item in contemplativa vita regnum perecipitur; in activa, regnum acquiritur. Haec, scilicet activa, facit te plurimum bonorum copia operum pulsare januam; illa, scilicet contemplativa, vocat consummandos in patriam. In hac, scilicet activa, contemnitur mundus; in illa videtur Deus. » Haec ille. Cum his concordat Augustinus in sermone de dedicatione templi,

¹ Prosp., *de Vit. contempl.*, lib. I, c. XII. — ² Serm. de tempore CCLII, al. CCXXXIX, n. 4, inter Oper. S. Aug. append., tom. V. — ³ Apoc., XIV, 13. — ⁴ Greg.,

dicens sic²: « Sicut malis operibus, quasi quibusdam vectibus et seris, vite nobis janua clauditur, ita absque dubio bonis operibus aperitur. » Igitur non solum bonis operibus hominis interioris, sed etiam bonis operibus hominis exterioris pervenitur ad aeterna, quia Deus reddit unicuique secundum opera sua, juxta illud³: *Opera enim illorum sequuntur illos.* « Qui bona opera facit, quid aliud, quam ad aeterna quasi quibusdam passibus tendit? Et qui aeternam vitam querimus, quid aliud, quam quedam itinera agimus, per quae ad patriam festinamus? » ait Gregorius, vigesimo secundo *Moralium*⁴, « quia quamvis in usu operis sit temporalia, tamen in intentione debet esse aeternitas. »

Et notandum, quod sicut per opera interioris hominis, ut per contemplationem, quandoque fit quedam prelibatio aeternae vite; ita et per opera exterioris hominis fit in eo aliquando similitudo aliqua vel imago aeternae vite, sieut dicit Bernardus in libro *de Amore Dei*, ubi dicit sic⁵: « Sicut in sanctitate vite, et hominis interioris contemplatione, et fruitione divinitatis, jam futurae vite beatitudinem prelibare in hac vita videntur, et imitari; sie etiam de corporum suorum glorificatione, quam plene ibi percepturi sunt, in hac vita nonnihil percipiunt. Accepta illa gratia, qua (a) habitantes in unum seipsis in Deo, et Deo in seipsis fruuntur, ipsis carnis se sentiunt viciisse omnes contradictiones, ut universa substantia carnis non sit eis nisi instrumentum boni operis. Nam etsi ipsius miseris et infirmatibus contabescunt, ex hoc ipso in interiori homine fortius convalescent. Quando enim infirmor, tunc fortior sum et potens, ait⁶ Apostolus. » Sequitur: « Sensus ipsi novam percipiunt quandam; et prope spiritualalem gratiam, oculi simplices, et aures obtemperantes, et aliquando in fervore orationis tanta odoris ignota quedam fragrantia inspirat, tanta gustus etsi non gustando suavitas, tanta per mutuum tactum spiritualis charitatis incentivum fit, ut videantur sibi intra seipsos spiritualis gratiae cuiusdam voluptatis gerere paradisum. Vultus etiam et totius corporis compositione, vite, et morum, et actuum decoro, mutuae etiam servitutis in illis devotis exhibitionibus et piis susceptionibus, cuiusdam

Moral., lib. XXII, c. XXII, paulo post princ. — ⁵ Bern., *de Nat. et dignit. amor. Div.*, c. XX, post med. —

⁶ II Cor., XII, 40.

(a) *Cœl. edit.* quam.

gratiae beneplacito sibi convenienti invicem , et convivunt, ut vere sit cor unum et anima una. Nimirum corporum suorum gloriam jam hic inchoant vel incipiunt, et puritate conscientiae, et intimae conversationis gratia, perfecte habituri eam in futura et perenni vita, pronuntiant (a). » Haec Bernardus. Et Origenes, super septimum *Canticum*, dicit : « Concordia hic inchoatur, que in futura gloria inter electos coelestis patriæ semper datur. Haec enim bonos confortat, in pugna superat, consolatione inebrat, Deo associat, amorem augmentat. Haec inchoat, quod in celo consummatur. » Haec ille. Potest ergo humanus spiritus dicere : « Ingrediar in locum tabernaculi tui. »

DISTINCTIO VII.

Qualiter ad veniendum per iter meritorie operationis a Domino spiritus humanus invitetur (b).

Septimo videndum est, qualiter spiritus humanus ad veniendum per iter deiformis actionis, sive meritorie operationis, ad intrinsecum et æternum manerium Domini Iesu , ab ipso amorose invitetur (b) dicente¹ : *Surge, propera, amica mea, formosa mea, columba mea, et veni.*

Dicit igitur : *O amica mea* , propter operationis mee hierarchicam imitationem. *Amica* (inquit) *mea* , quia manus tuæ stillant myrrham. Quod expomens Vercellensis dicit sic, quod per manus stillantes myrrham signantur operationes hierarchicas ordinate. Nam sicut Deus stillat dona gratiarum et perfectionem operationum primæ angelicæ hierarchiæ, et illa instillat medie, et media ultimæ, ut patet per totam angelicam hierarchiam; ita anima in suo supremo a Deo recipiens perfectionem suarum operationum circa superiora. Et ut illa stillat in medium perfectionem suarum operationum circa superiora, respectu interiorum; sic et illa stillat in ultimam mentis hierarchiam perfectionem suarum operationum respectu exteriorum. Et haec est stillatio gratuita myrræ, quæ operations præservat a putredine vanæ laudis, et factore humani favoris. *Surge* propter operationis tuae ostensionem rectam, ut Pater coelestis honorificetur, et proximus ædificetur, quia *opera tua sunt plena coram Deo meo* , ut dicitur² in Apocalypsi. « Opera sunt plena coram Deo, ut

¹ *Cant.*, II, 10. — ² *Apoc.*, III, 2. — ³ *Rom.*, XIII, 10.
— ⁴ Greg., *Moral.*, lib. XXI, c. VIII, paulo post princi-
— ⁵ *Apoc.*, XXII, 12.

Haymo ait, quando virtutes date vitiis non commaculantur, et exterius humana gloria non queritur. » *Plenitudo enim legis est dilectio*, ait Apostolus. O columba mea propter operum tuorum fecundam parturitionem. Quasi enim columba, qua est avis fecunda, aquas steriles mundi fugiens, et ad meum intrinsecum et æternum manerium quasi ad arcem salutis confugiens, portans ramum olive virentibus foliis, id est, amorosam voluntatem plenam operibus bonis, ibi ut columba fecunda in foraminibus petræ nidificans, æterna secura parturis opera lucis. Unde Bernardus, *super Cantica*, expomens illud verbum, dicit sic : « O amica mea, si quietem desideras, si securitatem affectas, si fecunditatem amas, assume pennas sicut columba, et volans nidifica in vulneribus Iesu Christi. Nusquam quies gratior, nusquam securitas tutior; nusquam fecunditas uberior; ubi hauries, quod pullis ministres. » *Propera* propter operationis tuae spiritualem refectionem. Dicit enim Origenes, *super Cantica* : « Be natura boni operis est, quod ipsius multiplicatione multiplicetur etiam dilectio et delectatio, et quasi quoddam conditum cibi spiritualis est hilaritas bene operativa. Nam bonus operatum facit dulcedinem in gusto, et gaudium in corde. » Et Gregorius, vigesimo primo *Moralium*, dicit⁴ : « Comedere animæ est bonis operibus satiari. » Ergo *propera* , o *formosa mea* , propter operum tuorum deiformem ordinationem. Deiformis autem ordinatio, ut dicit Linconiensis super tertium *Angelice Hierarchiæ*, est renovatio spiritus rationalis, et confortatio ipsius, prout possibile est, secundum tria, scilicet amorem, scientiam, et operationem ad Deum : ad quod deiforme attingit nostra possibilis assimilatio ad ipsum, ut amor referatur ad Spiritum, scientia ad Filium, operatio ad Patrem. » Sequitur : « Est enim in nobis primo amor boni in genere, deinde scientia bonorum in specie, de quibus procedit in operationem singularium bonorum scitorum, et amatorum. » Et quasi concludit dicens, quod « rationalis creatura debet, ut possibile est, secundum amorem, scientiam et operationem Deo assimilari, et ad ejus imitationem reduci deiformiter. » Et *veni* propter operationis tuae plenam remunerationem⁵ : *Merces enim mea mecum est dare unicuique secundum opera sua.*

(a) *Cœl. edit.* prouuntiat. — (b) Item invitatur.

Veni ergo ad me de Libano, Sponsa mea, veni, coronaberis. Hoc verbum exponens Vercellensis dicit, quod omnes tres hierarchiae Sponsæ, candore lucis aeternæ perfusæ, sunt quasi montes elevati, et ideo in Libanum converse sunt, qui interpretatur *candidatio*. Quare ter dicitur: *Veni*.

Primo igitur dicitur: *Veni, Sponsa mea*, de infima hierarchia tua, que perfusa est lumine virtutum politicarum, per quas charitate jam formatas, operaris ordinate circa omnia exteriora, exemplo et doctrina alios ad me reducendo.

Secundo: *Veni de media tua hierarchia, que perfusa est lumine virtutum*, que dicuntur purgatoriae, per quas operaris ordinate circa omnia tua interiora, habitus virtutum et donorum deiformiter exercendo, et proficiendo, ut dictum est.

Tertio: *Veni de supra tua hierarchia, que perfusa est lumine virtutum*, que dicuntur purgati animi, per quas operaris ordinate circa superiora, Deum sinceriter contemplando, et fortiter amando, et sursum tendendo ut coroneris.

Pro operibus enim infimæ hierarchie, *coronaberis* corona gaudiosa. Unde Sapiens dicit²: *Circa te corona fratrum (a) quasi plantatio cedrorum in monte Libano*, quia de omnibus per exemplum et doctrinam tuam conversis gaudebis.

Secundo, pro operibus mediae hierarchie, *coronaberis* corona speciosa. Unde in Apocalypsi dicitur³: *In capite ejus corona duodecim stellatum*. Per duodenarium signatur universitas perfectionis alicujus, ut palet per Augustinum in libro de *Civitate Dei*⁴.

Tertio, pro operibus supremæ hierarchie, *coronaberis* corona gloria interminabilis aeternitatis. Unde in Proverbiis⁵: *Corona tribuetur ei in generatione et generationem*, id est, sempiternum. Corona nec habet principium neque finem in figura, et significat aeternitatem, que nec fine nec principio clauditur.

Veni igitur, *Sponsa mea*, quia mihi et tibi omnia communia sunt. Unde Bernardus, sermone septimo super *Canticum*, dicit⁶: «Non sunt inventa aequæ dulcia verba, quibus Verbi animaque dulces ad invicem exprimunt (b) affectus, quemadmodum *Sponsus*, et *Sponsa*, quibus quippe omnia communia sunt, nihil proprium, nil a se divisum habentibus. Una utriusque herediti-

tas, una domus, una mensa, unus torus, una caro, et secundum Apostolum⁷, Deus et anima unus *spiritus*.

Ultimo Dominus subjugit hujus sanctæ imitationis dulce allectivum, dicens: *Veni, quia vineæ florentes odorem dederunt*, qui odor istius itineris medium facit odoriferum, et fugat et expellit venenata. Quid autem per vineas florentes, et odorem spargentes, convenientius intelligitur, quam secundæ mentis potentiae, et capacitates odoriferæ illius sapida partis, que est vera vitis, quam Pater coelestis agricola in mentibus humanis tanquam in horto vinearum sacris inspirationibus plantat, sacramentis vegetat, et bonis operibus maturat, prout gradatim ipsam vineam excolit, ut fructificet? Unde Hugo, libro secundo de *Arco Noe*, dicit: «Hoc est vere lignum vite, Verbum Patris, sapientia Dei, que in cordibus sanctorum tanquam in Paradiiso invisibiliter primo per timorem seminatur, post per gratiam rigatur, per dolorem moritur, per fidem radicatur, per devotionem germinat, per compunctionem oritur, per desiderium crescit, per charitatem rôboratur, per spem viret, per circumspectionem frondet et extendit ramos, per disciplinam floret, per virtutem fructificat, per patientiam maturescit, per mortem carpitur, per contemplationem cibat.» Hæc ille. Cum igitur, ut dicit Dionysius, quarto *Ecclesiastice Hierarchie*, Jesus qui est vera sapientia Patris, sit fontana copiosa susceptionum divinarum suavitatum, et refundat de plenitudine sua diviniissimas fragrantias, sive odores, ad deiformes intelligentias, in quibus mentes suaviter delectate, et sanctis et odoriferis susceptionibus adimpletae, utuntur intelligibili alimento, penetrante ad intimos suos intellectuales sinus secundum suam divinam participationem bene olentium distributionum, planum est, quod hi, quos sapida sapientia inhabitat, sacris susceptionibus quasi vineæ florentes, fecundantur habilius virtutum, et fructibus bonorum operum perficiuntur, et sic tot suaves odores alii dant, quot exempla odoriferorum operum evaporant. Unde Paulus dicit⁸: *Deo autem gratias, qui odorem notitiae suæ manifestat per nos in omni loco. Bonus autem odor Christi sumus, in iis(c), qui salvi fuit, qui bono odore re-*

¹ Cant., IV, 8. — ² Eccl., L, 13. — ³ Apoc., XII, 1.
— ⁴ Aug., de Civit. Dei, lib. XX, c. v. — ⁵ Prov.,

⁶ Bern., in Cant., serm. VII, non longe a princ. — ⁷ I Cor., VI, 17. — ⁸ II Cor., II, 14, 15.

(a) Cœt. edit. fructuum. — (b) Forte legend. exprimantur. — (c) Cœt. edit. his.

creantur, et his qui pereunt, qui bonum odorem abominantur, sicut bufones bonum odorem vineæ florentes. De hoc odore require supra, itinere sexto¹.

Vineæ igitur florentes dicuntur fœundæ mentis potentiae, et capacitates odoriferæ, quas celestis agriculta inhabitans et excolens, facit eas floridas et odoriferas: floridas, per verbum veritatis; odoriferas, per scriptum charitatis. Dionysius dicit², quod Filius et Spiritus sanctus, quasi quedam pullulationes a Patre originem habent, et quasi quidam flores et supersubstantialia lumina, ab ipso lumine vel Patre lumen existunt. Unde Agricola celestis dicit³: *Veni, austera, perfla hortum meum, ut fluant aromata illius.* Quod verbum exponens Vercellensis dicit: « Sponsa hic invitatur ad perfectionem hierarchice operationis. Auster enim est ventus calidus et purus, et per eum potest intelligi Verbum quantum ad puritatem veritatis, et Spiritus sanctus quantum ad calorem charitatis. » Dicit igitur Agricola celestis: *Veni, austera, perfla hortum meum,* id est, supremam hierarchiam, quam speciali zelo tanquam hortum voluptatis, fœundam operibus veritatis et odoriferis exemplis, ut producat vinum germinans virgines, et virginea mentes, et aromata illius, et participacione luninum odoriferorum fragrantia mentis fluant hierarchie (a), id est, fluant de summa mentis hierarchia in medium, et de media in infimum, ut sic mens exerceatur ad perfectionem hierarchice operationis, scilicet ut fortiter et incessanter extendatur sursum ad Deum, ad hauriendum divinum odoriferum lumen, quod vineam maxime fœundat et perficit; et secundo haustum lumen odoriferum firmiter in se custodiat, et exerceat; tertio illud lumen odoriferum aliis hominibus sine decremente luminis sui, veris doctrinis, et odoriferis exemplis communiciet, ut dicere possit illud Ecclesiastici⁴: *Ego sicut vitis fructificavi odorem suavitatis.*

Tota igitur Trinitas has vineas inhabitat: Pater in memoria, operarios ad laborandum excitans sacris inspirationibus; Filius in intelligentia, operarios ad prudenter laborandum claris veritatis illuminans; Spiritus sanctus in voluntate, operarios ad laborandum exemplariter fervidis affectionibus inflammas. Unde

¹ Scilicet dist. vi, sup., pag. 470.—² Dion., de Div. Nom., c. ii. —³ Cant., iv, 16. —⁴ Eccli., xxiv. 23. —⁵ Orig., in Cant., c. vi. —⁶ Joan., xiv, 6. —⁷ Isa.,

Origenes dicit sic⁸: « Deliciosus intuitus memoriaræ per Patrem confortatæ, intelligentia per Filium illuminatæ, et voluntatis per Spiritum sanctum expeditæ ad operandum: quia Deo existente in vineis Engaddi, tanto ero remotior, quanto sterilitati propinquior. » Et ibidem dicit: « O amica mea, convertere in requiem tuam, id est, in Deum tuum, ut in te tanquam in speculo imaginem suam expressivam repræsentet, in te ineffabiliter delectetur, et familiariter congratuletur, te innovet decorando, te amet inhablando, te a casu futuro preservet præcavendo, et te lætitiet de conversione gratias agendo. » Hæc ille.

Spiritus igitur noster ad veniendum jam a Domino amorose invitatus, et ex hoc ad ambulandum prædicta itinera æternitatis vigorose animatus, et amorose et gratiose a Patre tractus, competenter petit dilectum invitante horum itinerum esse socium, ducem, ductorem, et conservatorem, quia ipse est⁹ *via, veritas, et vita.* Ipse est via per quam imus, de qua Isaïas dicit¹⁰: *Hæc est via, ambulate in ea.* Et Augustinus super Joannem dicit sic¹¹: « Verbum assumendo hominem factum est via. Ambula per hominem, et pervenies ad Deum. » Ipse est veritas per quam perveniemus, quia veritas est finis ænigmatum. Unde Joannes ait¹²: *Videbitis eum sicut est¹³. Neque Patrem quis novit, nisi Filius, et cui voluerit Filius revelare. Ipse est vita, in qua permanebimus in æternum.* Unde dicitur in Proverbii¹⁴: *Qui me invenerit, inveniet vitam, scilicet æternam.*

Dicit igitur spiritus amans confidenter illud verbum Canticorum¹⁵: *Veni, dilekte mi, ad sitibundam æternorum intentionem, quantum ad iter primum, scilicet rectæ intentionis; ingrediamur in agrum per devotam æternorum meditationem, quantum ad iter secundum; comoremur in valibus per limpidae æternorum contemplationem, quantum ad iter tertium; mane surgamus ad veniendum per inebriantem æternorum dilectionem, quantum ad iter quartum; videamus si vinea floruit per pullulantem æternorum revelationem, quantum ad iter quintum; si flores fructum parturiunt per experimentalem æternorum prægustationem, quantum ad iter sextum; si (b) floruerunt mala*

xxx, 21. —⁸ Aug., de verb. Dom., serm. lv, al. cxli, d. 4. —⁹ I Joan., iii, 2. —¹⁰ Luc., x, 22. —¹¹ Prov., viii, 35. —¹² Cant., vii, 11.

(a) Cœl. edit. hierarchicæ.—(b) Cœl. edit. deest si.

punica per collum aeternorum deiformem operationem, quantum ad iter septimum. Sic¹ ibit homo in domum aeternitatis sue, in qua, sicut dicit Auctor de *Spiritu et Anima*, erit manifesta visio, plena cognitio, vera dilectio, firma conjunctio, societas individua, similitudo perfecta, vita beata in aeternum, et ultra, in perpetuas aeternitates. Odor autem et dulcedo prelibatur praedictorum, et gustatur a spiritibus ambulantibus in praedictis itineribus, ex quo velocius currunt. Unde Gregorius, quinto decimo *Moralium*, dicit²: « Superiora amare, jam sursum ire est, dumque magno desiderio ad cœlestia homo inhiat, miro modo hoc ipsum, quod accipere querit, jam degustat. » Ex quo spiritus itinerans maxime consolatur, consolatus currendo calescit, calefactus devotione

¹ *Eccle.*, XII, 5.—² *Greg., Moral.*, lib. XV, c. xxvii, in fin. — ³ *Orig.*, in *Cant.*, c. II.—(a) *Cœl. edit.* solum.

mollescit, mollificatus amando liquescit, liquefactus fervendo sursum effluit, ut nusquam, nisi in aeternitate, sistere et quiescere velit. Unde Origenes dicit sic, quasi admirando³: « Divinæ consolationis duleissimus affectus, ut audio, est liquefactio. Liquescit enim mens, cum devotione mollescit, ut sponsus in ea suaviter cubet, et nihil ei duri obsistat. Liquescit, dum devotione calescit, ut dilectus in ea calorem divini amoris inveniat, ut quasi quidam contactus spiritualis fiat, qui maximam delectationem generat. Liquescit, quia dum devotione supereffluit, ut Deus solus (a) plenum dominium in ea obtineat, tunc omnes motus, omnes nisus, omnes impetus ejus aeternitate feliciter terminat. » Hæc ille. Ad quam domum aeternitatis nos perducat, conduceat et inducat, qui est trinus et unus Deus in aeternum benedic tus. Amen.

BIBLIA PAUPERUM

ARGUMENTUM

(*Ex edit. Vatic.*)

Tractatus iste extra tomos Opusculorum S. Bonaventuræ editus vagabatur : cuius unum tantum exemplar reperi potuit; velut illud quidem, ut ex typorum forma apparuit, quod in principio sic est inscriptum : « Incipit præclarum opus, quod Biblia pauperum appellatur, perutile omnibus prædicatoribus. » In fine vero hæc sunt verba : « Explicant exempla sacræ Scripturæ ordinata secundum alphabetum, ut possint, quæ sunt necessaria in materiis sermonum et prædicationum facilius a prædicatoribus inveniri, editum a sancto viro Bonaventura Ordinis Minorum. » Constat igitur ex præfati exemplaris initio et fine inscriptio operis, et ejus Auctor. Et si conjecturæ aliquid tribuendum est, videtur Trithemius in Catalogo Scriptorum Ecclesiasticorum inter opera S. Bonaventuræ etiam hoc connumerare, dum illi adscribit compendium quoddam Scripturarum : nam in hoc tractatu Auctor nihil aliud agere videtur, quam loca quædam communia constituere, quibus applicat summatim Scripturæ sacræ auctoritates ad commoditatem prædicatorum, ut ex præfatione Auctoris facile constat, in qua perspicere licet hujus Opusculi argumentum. Et sicut Auctor in libro *Pharetræ*, auctoritates sanctorum Patrum ad loca communia redegit; ita in hoc Opusculo sacræ Scripturæ exempla. Quare postulare videbatur ordo, ut tractatus iste cum *Pharetra* collocaretur; sed quia in gratiam Religiosorum sui Ordinis illud videtur Auctor componuisse, ut titulus ipse præ se fert, ideo in hac parte² editum fuit, quia ea Opuscula continent, quæ ad Religiosos præcipue sui Ordinis spectant.

PRÆFATIO

Tanta pollet excellētia prædicationis officium, quod Salvator noster Dominus Jesus Christus non confunditur asserere se fuisse missum ad id salubrissimum exercendum. Prædicator igitur assumpto tantæ dignitatis opere, totis studiis laborare conetur, ut illud sicut oportet et expediat, exequatur. Quod (*a*) profecto fieri poterit, si

honorem Dei et utilitatem proximi directe intendat ibi querere, non modicum temporale, vel per inanem gloriam subtilia magis, quam utilia, curiosius exquirendo, ac sermonibus imperitis sententias involvendo, sciolus appetentes Romani; nos vero opusculum, de quo agitur, in postulmino theologorum, et in lumine hagiographorum, tanquam medium inter utraque, collocandum censimus.

(*a*) *Cœt. edit.* Quia,

¹ Cf. Edit. Vatic., an. 1596, tom. VII, pag. 468; edit. Ven., an. 1745, tom. IX, pag. 244. —² Ita Edi-

rere. Manifestum est autem antiquorum exempla gestorum valde ædificatoria esse, quando fuerint decenter inducta, et inter sacra verba congruentia inserta; siquidem et castum timorem incutient, et sanctum allicit ad amorem, dum id quod homini factum fuisse narratur, homo sibimet posse fieri similiter arbitratur, sive speciali gratia actum fuerit cum quibusdam, sive cum aliis suadibili doctrina, sive etiam terribili disciplina. Intellectum insuper hominis faciliter instruunt, et cognitionem generant planiorem, quia cum facta præcedentium (a) memorativa describuntur, quasi quædam sensibiles species in auditoris imaginativa pinguntur, quæ sine difficultate ad intellectum postea transfunduntur. Apprehensio quoque mirabilibus præcedentium factis, quanto auditorem (b) contingit fortiori admiratione percuti, tanto ejus memoria certum est tenacius insigniri. Sicque minus cito poterit, quod avide auditum et valide impressum fuerit, de ipsa vi memorativa deleri. Quia vero, ut ait beatus Augustinus, sacra Scriptura supra omnium gentium literas omnia sibi genera ingeniorum humanorum divina excellens auctoritate subjicit, in omni solida et indubitabilis veritas confinatur. Ideoque exempla quæ hauriuntur in illa, eo majoris sunt ponderis et valoris, quo sublimiori auctoritate et certiori veritate nituntur. Unde prædictor verba Scripturæ sacræ enucleatius exponendo, et testimonis in æternum fundatis utendo, potest morose sermonem tutius dilatare, quam si verba ejuscumque alterius historia pertraret. Plurimas igitur utilitates de exemplorum in sacra Scriptura contentorum narratione veridica provenientes perpendens, ad honorem

Dei et aliqualem proximorum ædificationem exempla in variis locis sacræ Scripturæ dispersa, faciliter breviterque, secundum quod tenuitas paupertatis meæ valebat excipere, laboravi. Nullus autem ita me præsumptuosum existimet, ut putem hic cuncta ipsius Scripturæ exempla notabilia coarctasse: scio enim quod tanta est christianarum literarum profunditas, ut non possit paucis voluminibus comprehendendi. Quare, si dicat lector, quod ad hanc, vel ad illam materiam, tale vel tale exemplum hic omissum potuisse adduci: vel etiam quod tale, vel tale hic propositum, ad alia plura congruentius debuisse aplari; nolo verbis contendere, nec ei contradicere in hac parte. Hoc solum mihi sufficiat, quod de bonis et notabilibus exemplis aliqua utilia sunt hic sub brevi facilitate descripta. Rursus etiam, quia nonnunquam unum valet induci ad diversas virtutum aut vitiiorum materias, non miretur aliquis, vel turbetur, si interdum sub diversis titulis idem factum vel exemplum invenerit collocatum, verbi gratia, quando narratur quod Joseph procaci mulieri ipsum sollicitanti acquiescere recusavit, quanquam factum fuerit unum, potest tamen inde sumi exemplum pro castitate inventum, et pro fidelitate servorum; item, contra nimiam credulitatem dominorum, et contra fallacias mulierum; item de occultis judiciis et providentia Dei, qui ex hujusmodi occasione ipsum Joseph inopinabiliter sublimavit. Porro, quia brevitali studii, sensum plenrumque posui, non ipsa verba, prout in textu omnino jacebant. Ut autem exempla possint ciuitatis proposito prædictoris occurrere, titulos subsequentes Opusculi in ipso libri capite prenotavi.

A

- De Abstinencia et sobrietate, cap. LXXXVII.
- De Acceptione munerum, cap. LXXVI.
- De Acedia vel negligentia, cap. CXVII.
- Quod acquiescendum est bonis consiliis, c. LVI.
- De Adoratione et cultu Dei, cap. XXI.
- De Adulatione, cap. LXIX.
- De Äquitate et justitia, cap. LIX.
- De Affectu carnali, cap. XCIV.
- De Agendis gratiis pro beneficiis Dei, cap. LXIII.
- De Amicitia, cap. XLVI.
- De Ambitione prælationis, cap. CIII.
- De Angelis bonis, cap. XXXI.

(a) Cœt. edit. præcedentia.—(b) Item adjutorem.

- De Angelis malis, cap. LII.
- De Animæ immortalitate, cap. XXXIII.
- De Apparitionibus factis antiquis patribus, cap. XXX.
- De Aspectu incauto, cap. XCII.
- De Astutia et calliditate, cap. LIV.
- Quod Deus Attendit plus ad operantem, quam ad opus, cap. XII.
- De Audiendo verbum Dei, cap. XXIX.
- De Avaritia, cap. LXXXIII.
- De Aviditate mulierum, cap. CXXVII.

B

- De Bello temporali, cap. LXXXII.
- De Benedictione quam Deus dat homini, cap. V.

De Benedictione qua homo benedit Deum,
cap. vii.
De Benedictione qua homo homini benedit,
cap. viii.
Quod pro Beneficiis Dei, ipsi gratiam sunt agen-
dae, cap. lxiii.
Quod in Beneficiis humanis homo debet esse
gratus, cap. lxiv.
De Benignitate Dei ad servos suos, cap. iii.
De Blasphemia contra Deum, cap. xxiii.
De Bonis latentibus inter malos, cap. cxiii.
De Bonorum oppressione, cap. cx.
De Bonis principibus et prælatis, cap. ci.
De Bonorum societate, cap. cxix.

C

De Calliditate et astutia, cap. liv.
De Carnali affectu, cap. xliv.
De Castitate, cap. xc.
De Compassione habenda ad proximum, cap.
xliv.
De Concordia et pace, cap. xcvi.
De Confessione peccati, cap. cxi.
De Confidentialia et magnanimitate, cap. lxxxviii.
De Consensu communii et unitate, cap. xlix.
De Consiliis bonis, cap. lvi.
De Consiliis malis et persuasionibus, cap.
xxviii.
De Consolatione divina, cap. iv.
De Constantia et perseverantia, cap. lxxx.
De Contemplatione, et mentis illustratione,
cap. xxxvi.
De Convitiis et derisione, cap. lxx.
De Correctione fraterna, cap. xlvi.
De Credulitate falsa et suspicione, cap. lvii.
De Cultu Dei, et adoratione, cap. xxi.
De Curiositate humana, cap. cxxii.

D

De Detractoribus et maledicis, cap. lxxi.
De Dilectione Dei, cap. xl.
De Dilectione proximi, cap. xli.
De Discordia, lite, vel rixa, cap. l.
De Discretione et prudentia, cap. liii.
De Duritia et obstinatione malorum, cap. cvii.

E

De Ebrietate et gula, cap. lxxxviii.
De Electionibus, cap. c.
De Eruditione filiorum, cap. lv.
De Exhortatione bona et prædicatione, cap.
xxvii.

F

De Fallaciis mulierum, cap. cxxviii.
De Falsa credulitate et suspicione, cap. lvii.
De Fide habenda ad Deum, cap. xxxiv.
De Fidelitate servanda homini, cap. xxxv.
De Fide magna mulierum, cap. cxxiii.
De Filiorum eruditio, cap. lv.
De Fletu, sive lacrymis, cap. xvii.
De Fortitudine et strenuitate, cap. lxxvii.
De Fortitudine mulierum, cap. cxxvi.
De Fortitudine ad malum, cap. lxxxiv.
De Fraterna correctione, cap. xlvi.
De Furore, vel ira Dei, cap. ii.

G

De Gratiis agendis pro beneficiis Dei, cap. lxiii.
De Gratitudine pro beneficiis humanis, cap.
lxiv.

H

Homicidiis, cap. lxxxv.
De Honore parentum, cap. lxii.
De Hospitalitate liberenter exhibenda, cap. xlvi.
Do Humilitate, cap. xcvi.
De Hypocrisi et simulatione, cap. lxxv.

I

Idolatria, cap. xxii.
Illustratione mentis et contemplatione, cap.
xxxvi.
Im mortalitate rationalis animæ, cap. xxxiii.
Impatientia et murmure, cap. lxxxii.
Incontinentia et luxuria, cap. xci.
Ingratitudine, cap. lxv.
Inimicitia, et odio, cap. xlvi.
Intentio recta in opere habenda, cap.
cxvi.
Invidia, cap. xlvi.
Ira vel furore Dei, cap. xi.
Ira hominis per zelum, cap. xciv.
Ira hominis per vitium, cap. xci.

J

Jactantia, cap. xcix.
Judiciis Dei occultis, cap. ii.
Judiciis hominum, cap. lx.
Juramento, cap. xviii.
Justitia et æquitate, cap. lix.

L

Lacrymis sive fletu, cap. xvii.
bonis Latentibus inter malos, cap. cxiii.

INDEX CAPITUM ALPHABETICUS.

- De Liberalitate, misericordia, et largitate, cap. **LXXII.**
- De Lite, discordia, vel rixa, cap. **L.**
- De Loquacitate, et silentio, cap. **XCVI.**
- De Longanimitate et spe, cap. **XXXVII.**
- De Luxuria, et incontinentia, cap. **XCI.**
- M**
- De Magnanimitate et confidentia, cap. **LXXXVIII.**
- De Maledictione qua Deus maledicit, cap. **VI.**
- De Maledictione qua homo homini maledicit, cap. **IX.**
- De Maledicis et detractoribus, cap. **LXXI.**
- De Malorum multitudine, cap. **CXII.**
- De Mansuetudine et patientia, cap. **LXXXIX.**
- De Matrimonio, cap. **LXXXIX.**
- De Mentis illustratione, cap. **XXXVI.**
- De Mendacio, cap. **LXVII.**
- De Miraculis divina providentia factis, cap. **I.**
- De Misericordia, liberalitate et largitate, cap. **LXXXII.**
- De Mobilitate populi, cap. **CXIV.**
- De Morte in generali, cap. **CXXXI.**
- De Morte horrenda malorum, cap. **CXXXIII.**
- De Morte pretiosa justorum, cap. **CXXXIV.**
- De Mundana prosperitate, cap. **CXXI.**
- De Munerum acceptione, cap. **LXXVI.**
- De Murmure et impatientia, cap. **LXXXI.**
- De Mulierum fide, cap. **CXXIII.**
- De Mulierum sapientia, cap. **CXXIV.**
- De Mulierum fortitudine, cap. **CXXVI.**
- De Mulierum aviditate, cap. **CXXVII.**
- De Mulierum fallacieis, cap. **CXXVIII.**
- De Mulierum stultiloquio, cap. **CXXIX.**
- De Mulierum ornata superfluo, cap. **XXX.**
- N**
- De Nequitia tyrannorum, cap. **CIX.**
- O**
- De Obedientia, cap. **XXV.**
- De Observatione praeceptorum Dei, cap. **XXIV.**
- De Observatione Salbati, cap. **XIX.**
- De Occultis Dei judiciis, cap. **II.**
- De Odio et inimicitia, cap. **XLVII.**
- Quod veritas Odium parit, cap. **LXVI.**
- De Operatione bona, cap. **CXV.**
- De recta intentione habenda in Opere, cap. **CXVI.**
- Quod Deus plus attendit ad Operantem, quam ad opus, cap. **XII.**
- De fortitudine ad Operandum malum, cap. **LXXXIV.**
- P
- De Oppressione bonorum per malos, cap. **c.**
- De Oratione, cap. **xvi.**
- De Ornato superfluo mulierum, cap. **CXXX.**
- P
- De Pace et concordia, cap. **XLVIII.**
- De Patientia et mansuetudine, cap. **LXXXIX.**
- De Paupertate, cap. **LXXIV.**
- De Peccatis et penitentia peccatorum, cap. **CV.**
- De Permissione sanctorum virorum, cap. **LVIII.**
- De Perseverantia et constantia in propositis, cap. **LXXX.**
- De Persuasionibus et consiliis malis, cap. **XXVIII.**
- De Perversitate quorundam, cap. **CVII.**
- De Pietate mulierum, cap. **CXXV.**
- De Penitentia, cap. **LXI.**
- De Populi mobilitate, cap. **CXIV.**
- De Potentia Dei in miraculis, cap. **I.**
- De Praeceptis Dei et ipsorum observatione, cap. **XXIV.**
- De Pretiosa morte justorum, cap. **CXXXIV.**
- De Prelatis bonis, cap. **CI.**
- De Prelatis malis, cap. **CI.**
- De Prelatis ambiliosis, cap. **CM.**
- Quod Deus probat homines, sive tentat, cap. **XIII.**
- De Proditione, cap. **LXVIII.**
- De Prosperitate mundana, cap. **CXXI.**
- De Providentia Dei, et occultis ejus judiciis, c. **II.**
- De Prudentia et discretione, cap. **LIII.**
- De Pueris bone indolis, cap. **CXVIII.**
- De Pusillanimitate, cap. **LXXXIII.**
- Q
- De Quorundam perversitate, cap. **CXVIII.**
- R
- De Recta intentione habenda in opere, cap. **CXVI.**
- De Reverentia templo exhibenda, cap. **IX.**
- De Rixa, discordia, vel lite, cap. **L.**
- S
- De Sabbati observatione, cap. **XIX.**
- Quod Sancti viri permittunt aliqua fieri, licet invite, cap. **LVIII.**
- De Sapientia mulierum, cap. **CXXIV.**
- De Scriptura sacra, cap. **XXVI.**
- De Sepulturis, cap. **CXXXII.**
- De Servanda fidelitate, cap. **XXXV.**
- De Severitate Dei erga delinquentes, cap. **X.**
- De Silentio et loquacitate, cap. **XCVI.**
- De Simulatione et hypocrisi, cap. **LXXV.**

De Sobrietate et abstinentia, cap. LXXXVII.
 De Societate honorum, cap. CXIX.
 De Societate malorum, cap. CXX.
 De Spe et longanimitate, cap. XXXVII.
 De Spiritibus malis, cap. XXXII.
 De Stragibus hominum diversis, cap. LXXXVI.
 De Strenuitate et fortitudine, cap. LXXVII.
 De Stultiloquio mulierum, cap. CXXXIX.
 De Superbia, cap. XCVM.
 De Superfluo ornatu mulierum, cap. CXXX.
 De Suspitione et falsa credulitate, cap. LVII.

T

Quod Deus Tentat homines, et probat, cap. XIII.
 Quod homo non debet Tentare Deum, cap. XIV.
 De Tentatione diaboli, cap. CIV.

De Timore Dei, cap. XXXVIII.
 De Timore quo mali timent bonos, cap. XXXIX.
 De Tribulationibus, cap. CXI.
 De Tyrannorum nequitia, cap. CX.

U

De Unitate et communi consensu, cap. XLIX.

V

De Verbi Dei prædicatione, cap. XXVII.
 Quod Veritas odium parit, cap. LXVI.
 De Voto, cap. XV.

Z

De Zelo bono contra peccatores, cap. LI.
 De Zelo indiscreto, cap. LII.

CAPUT PRIMUM.

De miraculis divina potentia factis.

Creatio rerum fuit ita mirabilis, quod ejus notitia non nisi per revelationem venire potuit ad hominem. Nam secundum beatum Gregorium, *super Ezechielem*, Homil. I, « De præteritis prophetavit Moyses dicens : « In principio creavit Deus cœlum et terram, » *Genesis*, I; non quia prædicta futura, sed quia prodidit oculata. »

Tempore diluvii salvavit Dominus Noe cum uxore, et tribus filiis suis, et uxoriis eorum. Item dicitur : « De cunctis animalibus masculum et fæminam fecit servari per arcam. » *Genes.*, VII.

Præsumptionem hominum turrim usque ad cœlum ædificare volentium repressit Dominus confundendo linguis eorum. *Genes.*, XI.

Mirabiliter natus est Isaac. *Genes.*, XXI.

Item mirabiliter liberatus, quando debuit immolari, et apparuit aries inter vespes, *Gen.*, XXII.

Multa miracula fecit Dominus per Moysen, quando voluit filios Israel educere de Ægypto, *Exod.*, VII, VIII, IX et X.

Grande miraculum fuit, quod nunquam defuit columna nubis per diem, nec columna ignis per noctem coram populo eunte de Ægypto ad terram promissionis, *Exod.*, XIII.

Per lignum Moysi ostensem dulcoratae sunt aquæ prius amaræ, *Exod.*, XV.

Misit Dominus murmuranti populo coturnices, et postea pluit illis manna ad manducandum, *Exod.*, XVI.

Item aquam de petra in abundantia ad bibendum, *Exod.*, XVII.

Memorandum et terrible miraculum fuit in divisione et excisectione Maris Rubri, quando transierunt filii Israel sicco pede, Ægyptii vero fuerunt in mediis fluctibus involuti, *Exod.*, XIV.

Murmurantibus et desiderio carnium flagrabitibus in deserto filiis Israel misit Deus carnes in abundantia, *Numer.*, XI. Hinc haberi potest, quod miracula non sunt semper certa divinæ dilectionis insignia.

Occasione seditionis Chore, et complicum suorum, multa miracula contigerunt, *Numer.*, XVI et XVII.

Percussi filii Israel a serpentibus ignitis, et aspicientes serpentes æneum curabantur, *Num.*, XII.

Veniens Balaam ad maledicendum populo Dei, redargutus fuit ab asina cui sedebat, *Num.*, XXII.

Adduxit Dominus filios Israel per desertum quadraginta annis, et non sunt attrita vestimenta eorum, nec calceamenta vetustate consumpta, *Deuteronom.*, XXIX.

Ingressis filiis Israel fluvium Jordanis stabant aquæ, et instar montium intumescebant; aliae inferiores in Mare Mortuum descenderunt, *Josue*, III.

Post septem circuitus filiorum Israel muri Jerico corruerunt, *Josue*, VI.

Obedivit Deus voci Josue dicentis : « Sol, contra Gabaon ne movearis. » *Josue*, X.

Immisit Dominus gladium in omnibus castris

Madian, et mutua se cæde truncabant, et sic per paucos multi debellati fuerunt, *Judic.*, vii.

Per arcam Domini a Philistæis captam multa fuerunt facta miracula, *I Reg.*, iv et v.

Jonathas et armiger ejus percerserunt tot de Philistæis, quod « factum est miraculum, et conturbata sunt castra, » *I Reg.*, xiv.

Magnum fuit miraculum, quod David juvenis inexpertus et inermis prevaluit adversus Philistæum armatum, fortem et expertum, *I Reg.*, xvii.

Cum extenderet Hieroboam brachium ut faceret capi virum Dei, aruit manus ejus, et altare scissum fuit, *II Reg.*, xiii.

Elias legitur fecisse miracula impetrando fieri siccitatem, ita quod non pluit super terram annos tres et menses sex, sicut habetur, *Jac.*, v. Item corvi detulerunt ei panem et carnes bis in die; consequenter suscitavit filium mulieris matrifamilias, *III Regum*, xvii. Postea ignem holocaustum mirabiliter consumenterum Domino precibus impetravit; deinde postorationem ejus, facta est pluvia grandis, *III Regum*, xviii. Post hæc Angelus Domini panem et aquam ei ostendit; item in monte Horeb apparuit ei Dominus, *III Reg.*, xix. Præterea duos quinquagenarios ad preces ejus ignis descendens de cœlo consumpsit, *IV Reg.*, i. Tandem divisit pallio tangens aquas Jordanis, et in curru igneo receptus est in cœlum, *IV Reg.*, ii.

Elisæus legitur fecisse miracula aquas Jordani dividendo, *IV Regum*, ii. Idem mulieri vidue debitis obligatae oculum augmentavit, *IV Regum*, iv. Idem mulierem Sunamitidem filium habere fecit, et deinde eum mortuum suscitavit, *IV Regum*, iv. Item apposita farina in olla, prius amara olera dulcoravit; item panes multiplicavit filiis prophetarum, *IV Regum*, xiv. Item sanavit a lepra Naaman Syrum, *IV Regum*, v. Item fecit super aquas natare ferrum, *IV Regum*, vi. Item absens tanquam præscens multa cognovit, *IV Regum*, v et vi. Item currus igneos angelorum a pueru suo videri fecit, *IV Regum*, vi. Item exercitum regis Syriæ cæxitate percussit, *IV Regum*, vi. Item multotiens (*a*) futura prædictit, *IV Regum*, vii, viii, ix et xiii. Item cadaver hominis mortui tangens ipsius ossa defuncti surrexit, *IV Regum*, xiii.

Mirabile fuit valde quando ad petitionem Eze-

(*a*) *Lege* multoties, et sic deinceps. — (*b*) *Cœl. edit.* linitionem. — (*c*) *Item* Babylonian. — (*d*) *Item* Miron.

chiae Sol retrocessit per decem lineas in horologio Achaz, *IV Regum*, xx.

Obsidente rege Sennacherib civitatem Lachis, percussi sunt una nocte de exercitu ipsius centum octoginta quinque millia tempore Ezechie, *IV Regum*, xix.

Congregati sunt contra Josaphat filii Ammon et Moab, et de monte Seir; cum canerent autem laudes Deo Levite in exercitu Josaphat existentes, adversarii in semetipsos versi mutuis se occidere vulneribus, *II Paralip.*, xx.

Tobias quatuor annis fuit cæcus, et deinde juncta consilium Angeli ad linitionem (*b*) de felle piscis lumen recepit, *Tob.*, xi.

Memorandum fuit miraculum de tribus sociis Danielis a fornace ignis ardentes tam magnifice liberatis, *Danielis* iii; et etiam de Daniele, qui cum leonibus septem diebus remansit illæsus, *Dan.*, xiv. Alia vero vice fuerat die uno, *Dan.*, vi.

Occasione Jonæ mare fuit commotum; quo projecto, piscis eum deglutivit, et per triduum ibi vixit, et postea sanus exivit, *Jon.*, i et ii.

Expertus est Heliodorus divinam virtutem, quando voluit spoliare templum, et fuit a duabus juvenibus gravissime vulneratus, *II Machab.*, iii.

Adversus Galatas in Babylonia (*c*), sex millia hominum peremerunt centum viginti millia hominum propter auxilium eis datum de cœlo, *II Machab.*, viii, 20.

Angelus Domini apparuit Zachariæ, nuntians ei ex parte Dei, quod Elisabeth uxor ejus, licet sterilis et anus, parceret ei filium; qui incredulus ad verbum Angeli mutus effectus est, usque ad circumcisioñem pueri, et tunc loquela restituta est ei, *Luc.*, i.

Miraculum (*d*) dulce et pium valde factum fuit, quando ad salutationem beatæ Mariæ, quæ noviter conceperat Salvatorem, beatus Joannes in utero matris existens exultavit, et sancta Elisabeth hæc cognovit, et exclamavit, dicens: « Benedicta tu inter mulieres, » etc., *Luc.*, i.

Magi venerunt ab Oriente Hierosolymam, dicentes: « Ubi est, qui natus est Rex Iudeorum? Vidimus enim stellam ejus in Oriente, » etc., *Math.*, ii.

Vocatus ad nuptias Dominus Jesus cum discipulis suis, aquam in vinum convertit, *Joann.*, ii.

Non fuit parvum Domini miraculum, quando illi de Nazareth repleti ira duxerunt eum in supercilium montis, ut præcipitarent eum; ipse

autem transiens per medium illorum ibat, *Luc.*, iv.

« Circuibat Jesus, » etc.; obtulerunt ei omnes male habentes variis languoribus et tormentis comprehensos, et qui daemonia habebant, et lunaticos et paralyticos, et curavite eos. » *Matth.*, iv. Simile habetur, *Luc.*, iv: « Omnes qui habebant infirmos variis languoribus, » etc. Item, *Luc.*, vi: « Virtus de illo exibat, et sanabat omnes. »

Quantum ad miracula, quæ Salvator noster cum hominibus conversatus operari dignatus est, ex evangelica colligitur historia, quia ipse tres mortuos suscitavit, videlicet filiam Archisynagogi in domo patris, *Matth.*, ix; *Marc.*, v; *Luc.*, viii. Item filium viduas delatum extra portas civitatis Naim, *Luc.*, iii. Tertius fuit Lazarus frater Mariae et Marthæ, qui jam quadriduanus erat, et in sepulcro sœtebat, *Joann.*, xi.

Item leprosos undecim inventori mundasse. De uno, *Matth.*, viii; *Marc.*, i; *Luc.*, v. De aliis autem decem, qui dixerunt « simul : « Jesu preceptor, miserere nostri, » *Lue.*, xvii.

Præterea, sex cæcos legitur illuminasse. De duobus simul, *Matth.*, ix. De duobus aliis, *Matth.*, xx: « Duo cæci sedentes secus viam, audentes, quia Jesus transiret. » De uno alio, *Marc.*, viii: « Veniunt Bethsaidam (a), et adducunt ei cæcum, et rogabant illum, ut eum tangeret, etc. » De alio autem cæco nato, *Joann.*, ix.

Daemonicos autem septem specialiter liberavit. De duobus, *Matth.*, viii; de quorum uno qui erat famosus, et nomen sibi esse legionem dicebat, tangitur, *Luc.*, viii. De uno alio, qui erat mutus, *Matth.*, ix. De alio, qui erat cæcus et mutus, *Matth.*, xii; et *Luc.*, xi, de eodem. De quodam vero lunatico, qui non poterat libерari, nisi in oratione et jejunio, habetur, *Matth.*, ix.

Item de quodam spiritu immundo ab homine in synagoga Judæorum ejecto targitur, *Marc.*, i, *Luc.*, iv. Item de filia mulieris Cananææ, ad instantiam matris sanata, *Matth.*, xv; *Marc.*, vii. Item secundum litteram narratur, *Luc.*, viii: « Ejecti septem daemonia » de Maria Magdalena; et hoc ipsum dicitur, *Marc.*, xvi.

Item, cum socrus Simonis teneretur magnis febris, imperavit Jesus febri, et continuo surgens ministrabat ei, *Matth.*, viii; *Marc.*, i; *Luc.*, iv.

(a) Cæst. edit. *Bethsaida*. — (b) Cæst. edit. imputavit.

— (c) Cæst. edit. deest *Matth.*, xxvi.

Item paralyticum ante eum per tegulas tecti demissum sanavit, *Matth.*, ix; *Marc.*, iv; *Luc.*, v.

Item hydropicum, dum sabbato comedenter in domo Pharisei, curavit, *Luc.*, xiv.

Item homini manum aridam habent extende eam fecit, *Matth.*, xii; *Marc.*, iii.

Item hominem languidum per triginta octo annos in momento sanavit, *Joann.*, v. Item incurvatum mulierem, nec sursum respicere valentem, exerxerat, *Luc.*, xiii.

Item sanavit servum Centurionis, qui jacebat paralyticus, et male torquebatur, *Matth.*, viii.

Item surdum fecit audire, et mutum loqui, *Marc.*, ix.

Item filium reguli de Capharnaum incipientem mori ad vitam reduxit, *Joann.*, iv.

Item fluxum sanguinis in muliere hæmorrhioissa cessare fecit tactu fimbriæ vestimenti eius, *Matth.*, ix; *Marc.*, v.

Item, tempestale valida in mari, ipso dormiente, commota, imperavit mari, et statim «venti et mare obedient ei, » *Matth.*, viii; *Marc.*, iv; *Luc.*, viii.

Item ambulavit, discipulis admirantibus, supra mare, et Petrum ambulare fecit, et incipientem mergi manu extenta salvavit, *Matth.*, xiv; *Marc.*, vi.

Item pulchrum miraculum ostendit tribus apostolis in sua transfiguratione, *Matth.*, xvii; *Marc.*, ix; *Luc.*, ix.

Item de quinque panibus et duobus pisibus quinque millia hominum satiavit, et sublati fuerunt duodecim cophini fragmentorum, *Matth.*, xiv; *Marc.*, vi; *Luc.*, ix; *Joann.*, vi.

Item quatuor millia hominum refecit alia vice de septem panibus et paucis pisiculis, et superfluerunt septem sportæ fragmentis plenæ, *Matth.*, xv; *Marc.*, viii.

Item sicut habentem folia sine fructu maledixit, et continuo aruit, *Matth.*, xxi; *Marc.*, viii.

Item auriculam per Petrum servo principis sacerdotum amputatam benigne restituit, et Petrum super hæc increpavit (b), *Luc.*, xxii; *Matth.*, xxvi (c).

Cum autem ipse Salvator pro salute mundi penderet in cruce, « a sexta hora diei usque ad horam nonam tenebræ facte sunt super universam terram, » Luna existente decima quinta, et in parte cœli opposita Soli, ita quod Sol per ipsam Lunam nullatenus naturaliter poterat eclipsari; « et velum templi scissum est, et terra mota

est, et petre scissæ sunt, et monumenta aperta sunt, et multa corpora Sanctorum, quæ dormierant, surrexerunt. » *Matth.*, xxvii.

Resurgente vero ipso Domino Iesu Christo, « terra motus factus est magnus; Angelus enim Domini descendit de cœlo, et accedens revolvit lapidem ab ostio monumenti; præ timore autem (*a*) ejus exterriti sunt custodes, et facti sunt velut mortui. » *Matth.*, xxviii.

Deinde apparuit discipulis suis, januis clausis, *Joann.*, xx; et ad mare Tiberiadis, ubi ad præceptum ejus mittentes rete in mare, « impletum est magnis piscibus centum quinquaginta tribus, et eum tanti essent, non est scissum rete. » *Joan.*, xxii.

Tandem quadragesimo die post resurrectionem suam apparetur discipulis, et eos increpans et instruens, videntibus et admirantibus « elevatus est in cœlum, et nubes suscepit eum ab oculis eorum. » *Luc.*, xxiv; *Act.*, i.

Prædicta miracula in speciali tanguntur; alia vero plurima fuisse facta in generali leguntur, sicut apparet in diversis locis, in *Mattheo*, *Marc.*, et *Luca*. Unde, *Joann.*, xx: « Multa quidem et alia fecit Jesus, » etc.

Miro modo magnum fuit miraculum de effusione Spiritus sancti super discipulos in die Pentecostes; unde illa fuerunt roborati, consolati et illustrati, *Act.*, ii.

Videns Petrus hominem claudum juxta Speciosam portam templi dixit: « In nomine Iesu Christi Nazareni surge et ambula. Et apprehensa manu ejus dextera, alleviavit eum: et protinus consolidata sunt bases ejus et plantæ. » *Act.*, iii.

« Princeps sacerdotum, et omnes qui cum illo erant, injecerunt manus in apostolos, et posuerunt eos in custodia sua publica. » Angelus autem Domini per noctem eduxit eos, et carcere reclusit, etc. *Act.*, v.

Grande miraculum et terrible factum fuit, quando ad vocem increpatoriam Petri, Ananias cecidit et expiravit; et simile accidit de Saphira uxore ejus, *Act.*, v.

In plateis ponebant infirmos in lectulis et gribatis, ut veniente Petro saltem umbra ejus obumbraret quemquam illorum. Concurrebat autem multitudo vicinarum civitatum afferentes ægros, et dæmoniacos, et curabant omnes. *Act.*, v.

Prædicante Philippo in Samaria, multi qui

(*a*) Cæt. edit. *etiam*. — (*b*) Item circumfultus.

habebant spiritus immundos, clamantes exibant; multi etiam paralytici et claudi curavit sunt. *Act.*, viii.

Aeneam paralyticum ab annis octo in grabato jacente Petrus sanavit, dicendo: « *Aenea*, salvet te Dominus Iesu Christus; surge et sterne tibi. » *Act.*, ix.

« Ejectis omnibus foras, Petrus ponens genua oravit, et conversus ad corpus Thabitæ mortuum, dixit: Thabita, surge. At illa apperuit oculos, et viso Petro resedit; dansque illi manum erexit eam. » *Act.*, ix.

Mirabile et admirabile factum fuit, quod Saulus dum iret Damascum ad capiendum Christi discipulos, cœlesti lumine circumfusus (*b*) in terram prostratus est, et exterius excæcatus, sed interius illustratus. *Act.*, ix.

Petrum incarceratum, catenis duabus vincatum, et sexdecim militibus custoditum, Angelus Domini solutum eduxit, et porta ferrea ultero aperta est eis. *Act.*, ix.

Elymam magum, pseudo-prophetam *Iudæum*, Paulus privavit lumine oculorum, eo quod ipse proconsulem Paulum a fide avertiebat, et Apostolis verbum Dei prædicantibus resistebat, *Act.*, xiii.

In civitate Lystræ erat vir quidam claudus ex utero matris sue, qui nunquam ambulaverat: quem intuens Paulus dixit voce magna: « Surge super pedestros rectus; » et exilivit et ambulavit. *Act.*, xiv.

Quædam puella habens spiritum pythonem magnum quæstum præstabat dominis suis divinando; hec sequebatur Paulum et Lucam, et clamans et dicens: « Isti homines servi excelsi Dei sunt. » Dolens autem Paulus dixit spiritui: « Præcipio tibi in nomine Iesu Christi exire ab ea, » et exivit eadem hora. *Act.*, xvi.

Cum essent Paulus et Silas in carcere laudantes Deum, subito terra motus factus est magnus, ita ut moverentur fundamenta carceris, et statim opera sunt omnia ostia, et universorum vincula soluta sunt. *Act.*, xvi.

Virtutes non modicas faciebat Deus per manus Pauli, illa ut etiam super languidos deferrentur a corpore ejus sudaria, vel semicinctia, et recedebant ab eis languores, et spiritus nequam egrediebantur. *Act.*, xix.

Quidam *Judæi* tentaverunt invocare super eos, qui habebant spiritus malos, nomen Domini nostri Iesu Christi, dicentes: « Adiuro vos per Jesum, quem Paulus prædicat. » Respondens

autem spiritus nequam dixit eis : « Jesum novi, et Paulum scio; vos autem qui estis? » Et insiliens homo in quo erat daemonium dominatus est amborum, et invaluit contra eos, ita ut nudi et vulnerati effugerent de domo illa. *Act.*, xix.

Una sabbati Paulus disputans prostraxit sermonem usque ad medium noctem; sedens autem adolescens quidam super fenestram cum mergeretur somno gravi, cecidit de tertio coenaculo deorsum, et sublatus est mortuus; ad quem cum descendisset Paulus, inebuit super eum; adduxerunt autem puerum vivum, et consolati sunt non minime. *Act.*, xx.

Tempore hiemali cum evasissent Paulus et socii ejus de fracta navi, et calefacerent se ad ignem, vipera a calore procedens invasit manum Pauli : quam ille excutiens in ignem, nihil mali passus est, cum tamen crederetur ab hominibus illius regionis illio moriturus. *Act.*, xxviii.

Patrem Publpii febris et dysenteria laborantem, Paulus facta oratione et manuum impositione sanavit : quo facto omnes, qui in insula habebant infirmitates, aeccdebat, et curabantur. *Act.*, xx.

CAPUT II.

De providentia Dei et occultis ejus iudicis.

Sciebat Dominus hominem peccatum, et tamen ipsum peccabilem fecit, cum impeccabilem facere potuisse : sed sciebat quantum bonum occasione illius culpæ elici debuisse. *Gen.*, i, de creatione hominis.

Unde fratres Joseph ipsum extinguere crediderunt, inde dispositione Domini ipsum super ipsos exaltaverunt. *Gen.*, xxxvi et seqq.

Laban mereedem Jacob frequenter mutavit, ut ei lucrum subtraheret; qui tamen de facultatibus ejus divina voluntate ditatus est. *Gen.*, xxx.

Mirante Joseph, et causam ignorante, Jacob, in benedictione filiorum ejus, super Ephraim posuit manum dexteram, et super Manasssem sinistram. *Gen.*, xlviii.

Postquam Moyses percutserat Ægyptium, et offenderat corripiendo quemdam Hebreum, fugit a facie Pharaonis, et exulavit in terra Madian multis annis; ita quod videbatur, ut de cælro non auderet comparere in terra Ægypti: et tamen ibi pascendo oves socii sui, habuit majores occasiones vacandi Deo, et vidit visio-

nem illam grandem, ac missus fuit a Deo ad filios Israel et ad Pharaonem. *Exod.*, ii et iii.

Sciebat Dominus Pharaonem non obediturum mandatis suis; et tamen ipsum per Moysem faciebat requiri. *Exod.*, v et vi.

Antequam educeret Dominus filios Israel de Ægypto, longo tempore et multotiens affligi eos et flagellari permisit. *Exod.*, i et v.

Magi et malefici Pharaonis, Deo permittente, fecerunt signa in Ægypto, sicut Moyses, quoad plura. *Exod.*, vii.

Permittit Dominus reprobos indurari, et electos affligi, ut aliqui miracula operetur, et inde cognoscatur amplius et laudetur. *Exod.*, ix : « Ideo posui te, ut ostendam in te fortitudinem meam, et narretur nomen meum in omni terra. »

Totiens promisit Dominus filiis Israel terram illam lacte et melle manantem, et tamen duo tantum de illis, qui viginti annos habebant, scilicet Caleb et Josue, ad illam pervenerunt; reliqui vero non, sed parvuli eorum tantum. *Num.*, xiv.

Moyses, qui totiens populum peccantem reconciliavit Deo, peccavit semel ad aquas contradictionis, *Num.*, xx; et non obtinuit pro se ipso, ut intraret terram promissionis.

Hoc ipso, quod filii Israel propter peccata sua manserunt quadraginta annis in deserto, amplius magnificatus est Deus, qui eos tandem pavit, et eorum vestimenta a consumptione servavit, ac tandem eos in terram promissionis mirabiliter introduxit. *Josue*, ii.

De gentibus, que habitabant in terra promissionis, dicitur, *Josue*, xi : « Domini sententia fuerat, ut indurarentur corda eorum, et pugnarent contra Israel, et caderent, et non mererentur ultima clementiam, et perirent. »

Postquam Gedeon tam mirabilem victoriam de imicis habuerat, et dominari populo recusaverat, fecit ephod : quod factum est ei, et domui ejus in ruinam, *Judic.*, viii.

Irratus Dominus filiis Israel propter eorum peccata, dixit eis : « Non addam, ut eos liberem. Ite et invoke deos, quos elegistis. » Dixeruntque ad Dominum : « Peccavimus, » etc., et sequitur : « Qui doluit super misericordias eorum. » *Judic.*, x.

Samsom, Angelo annuntiante, de sterili matre conceptus, postea pluries fuit per mulieres decupitus, et ad ultimam ruinam domus oppressus. *Judic.*, xvi.

Filii Israel contra filios Benjamin de consilio et voluntate Domini prælantes, bis debellati

fuerunt; sed illos postea penitus deleverunt.
Judic., xx.

Permitis Dominus arcam capi ab incircumsitione, ubi multa miracula fecit; et cum reduceretur, Bethsamite cum gaudio repperunt illam. Quia vero viderunt eam, percussit Dominus ex eis septuaginta magnos viros, et quinquaginta millia plebeios. *I Reg.*, iv et v.

Saule melior non erat in populo, quando fuit a Domino signanter electus; et tamen cito post peccavit, et fuit a Deo projectus. *I Reg.*, xv.

David erat minimus inter fratres, et quasi nullius reputatus inter eos: unde quando vocali fuerunt filii Isai, iste neglectus, vel contemptus fuit: tamen per illum Dominus totum populum gubernavit, et totam illius progeniem sublimavit. *I Reg.*, xvi, et deinceps.

Satis est mirabile quomodo Samuel sanctus propheta a muliere pythonissa legitur suscitat, *I Reg.*, xxviii. Augustinus, in lib. de *Doctrina Christiana*, dicit quod fuit imago Samuelis, non ipse propheta, vel ejus anima, et apparuit ejus imago arte daemonum sacrilega.

Nota quam expresse locutus est Dominus ad Nathan de bonitate David, et filii ejus, qui aedificatur erat templum, *II Reg.*, viii; et tamen ambo in peccata postea tam turpiter corruerunt.

Mirabile videtur quod, pro adulterio et homicidio David, unus tantum parvulus mortuus est, *II Reg.*, xii.

Moriturus David ordinationem fecit satis mirabilem; sed quia Scriptura ita commendat eum, supponendum est, licet occulta, non tamen injusta ratione fuisse factum, *III Reg.*, ii.

Salomonii dedit Dominus tantam prosperitatem et pacem, quod non erat satan neque occursus malus; item sapientiam, et gloriam præ cunctis regibus: et tamen permisit eum Dominus taliter infatuari, depravari, et multiplices adversarios suscitari, *III Reg.*, xi.

Praecepto Domini per Ahiam prophetam praefectus est Hieroboam super decem tribus, qui populum ad idololatriam malitiouse induxit, *III Reg.*, xii.

Occidit leo virum Dei, qui prædictis Jeroboam destructionem altaris sui; et de carnibus ipsius mortui non comedit, *III Reg.*, xiii.

Cum esset Achab sceleratissimus, et audiret pornam sibi pro criminibus infligendam; cœpit exteriorum humiliari, et Dominus penam infligere prorogavit, *III Reg.*, xxi.

Terribile fuit, quod duos principes quinquagenarios cum quinquaginta suis fecit Elias igne descendente desuper subito devorari, *IV Reg.*, i.

Jehu rex Israel maximo zelo persecutus est cultores Baal, ita quod Dominus ipsius opera commendavit; et tamen ab idolatria vitulorum Jeroboam non recessit, *IV Reg.*, x.

Manasses rex in Hierusalem terribilia scelera perpetravit; postea catenis vincitus, et in Babylonem ductus, poenitentiam agens oravit Deum, et exaudiitus fuit, *II Paral.*, xxxviii.

Josias rex Juda cum sanctissimam vitam duxisset, tandem perrexit, ut dimicaret contra Necho regem Ægypti dicentem ei: « Desine adversum Deum facere qui mecum est, ne interficiat te. » Non acquieciit Josias sermonibus Necho ex ore Dei, et male successit ei, *II Paral.*, xxxv.

Civitatem sanctam electam specialiter et dilectam, peculiarem populum, quem de Ægypto mirabiliter eduxerat, per desertum deduxerat, in terram promissionis introduxerat, permisit Deus per Chaldaeos, et Assyrios devastari, et misericorditer captivari, et videbatur quod Dominus illos penitus non curaret: dicitur autem, *Tob.*, xiii: « Confitemini Domino, filii Israel, quoniam ideo dispersit vos inter gentes, quæ (a) ignorantem, (b) ut enaretis miracula ejus, et faciatis scire, quia non est alius Deus omnipotens (c) praeter eum. »

Tobias post tam pia misericordiae opera, quibus sollicitus intendebat, excæcatus est; cuius causam non intelligentes amici ejus, scandalizati insultabant ei, *Tobit*, ii.

Satis mirabile potuit reputari, quare tot regna permisit Deus ab Holoferne nequissimo homine subjugari, *Judit.*, ii et iii.

Item de Aman, qui fuit superbissimus et crudelissimus, et tamen fuit post regem super cunctos principes exaltatus, *Esther*, iii.

Mirabantur et scandalizabantur amici Job super eum, quando videbant tam gravibus flagellis afflictum. *Job*, ii, et deinceps.

Divina justitia punit interdum malos homines per pejores, sicut filios Israel et Juda per Nabuchodonosor et Chaldaeos: unde, *Isa.*, x: « Væ Assur, virga furoris mei, et baculus ipse est, » etc. « Ipse autem non sic arbitrabatur, » etc.

Non solum super populum fidelem et bonum instituit Dominus principem, vel prælatum; ve-

(a) Cœl. edit. qui.— (b) Item Deum.— (c) Item optimus.

rum etiam super omnes : « Non est potestas nisi a Deo, » Rom., xiii. Unde de Cyro prophetavit Isaías, et vocat eum Dominus « Christum » suum, de quo tamen dicit : « Assimilavi te, et non cognovisti me, » etc. Isa., xlvi.

Præcepit Dominus Jonæ, ut prædicaret : « Adhuc quadraginta dies, et Ninive subvertetur; » et tamen sciebat Dominus Ninivitas poenitentiam acturos, et non aliter puniendos, Jonæ, iii.

Permitit Dominus, ut Antiochus profanaret illud venerabile templum, et succenderet civitatem sanctam, et faceret ibi innumeratas cades hominum innocentium, etc. I Mach., i.

Tempore Antiochi Epiphanis, qui Hierusalem destruxit, templum profanavit, multos Judæos torsit crudeliter et occidit, poterat videri multis quod confusio magna erat et deordinatio in regime universi. Verumtamen ex illis malis eliciuit Deus malorum punitionem, quorundam vero correptionem ; multorum etiam tunc interfectorum virtutes et merita fuerunt multipliciter augmentata. II Machab., vi, 42 : « Obsecro autem eos qui hunc librum, » etc.

Judas Machabæus, Jonathas, et Simon fratres ejus fuerunt viri quoad Deum et homines fidelissimi et strenuissimi, et tamen satis misericorditer mortui. Nam Judas in bello contra Bacchidem et Alchimum cecidit, II Machab., ix. Jonatham vero cum duobus filiis Tryphon occidit, I Machab., xii; Simonem autem, et duos filios ejus, Ptolomeus filius Abobi inebriatos proditorie jugulavit, II Machab., xv.

Mirum fuisse videtur quod Eleazarus vir ætate proiectus, et illi septem fratres, tam crudelia sustinuerunt pro divina lege tormenta, nec tamen ibi Deus aliquam vindictam in tyrannos ostendit, II Machab., vi et vii.

Volut Dominus puer existens in Aegyptum deferri a facie Herodis, et permisit loco sui Innocentibus occidi, Matth., ii. Sed in hoc ipsis infantibus melius providit; nunquam enim tantum bonum Innocentibus pervenisset, si Herodes eos honorare curasset, quantum provenit eis ex eo quod eos occidi mandavit, Matthæi, ii.

Audita fide Centurionis, miratus est Dominus, et sequentibus se dixit : « Multi venient ab Oriente, et Occidente, et recumbentem Abraham, Isaac, et Jacob in regno celorum : filii autem regni ejiciuntur in tenebras exteriores. » Matth., ix.

Quidam scriba obtulit se ad sequendum Dominum, et non fuit admissus ; alium vero invi-

tavit ad sequendum, qui non voluntarius videbatur. Unde dixit : « Dimitte me sepelire patrem meum. » Lue., ix, et Matth., viii.

Fecit Dominus virtutem in Corozaim et Bethsaida, ubi parum profuit; et non fecit in Tyro et Sidone, ubi si fecisset, multum profuisset, Matth., xi.

Permitit Deus Joannem Baptistam, exemplum totius sanctitatis, ab Herode vilissimo adultero decollari, Matth., xi, et Marc., vi. Stuporem autem auget, quia hoc factum fuit ad instantiam meretricis; nec aliqua vindicta legitur in Evangelio subsecuta, neque in Herodiade, neque in puella, neque in ipso Herode tetrarcha.

In dominica passione per sceleratissimam hominum iniquitatem, Deus circa redemptions humani generis suam benignissimam voluntatem ostendit. Unde dixit Petrus, Act., iii : « Deus qui prænuntiavit per os omnium propheticarum pati Christum suum, implevit sic, » etc.

Petrus apostolorum princeps, et caput Ecclesiæ, Dominum, ipso permittente, ter negavit. Thomas, qui tam confidenter dixerat : « Eamus et nos, et moriamur cum eo, » Joan., xi, de resurrectione dominica dubitavit. Ex quibus secutum (a) est, quod Petrus fuit mitior erga peccatores, et fuerunt in fide solidati fideles, vel in fide aliqualiter cespientes. Item habetur ex hoc, quod nullus debet de sua firmitate presumere, et quod sive aliquis ceciderit a fide, sive dubitaverit in fide, non debet de divina misericordia et de consequenti venia desperare.

Item ex hoc quod Judas apostolus et dispensor Domini in enorme peccatum cecidit, nec surrexit, reprehenditur omnis præsumptuosa securitas, quod nullus pro statu quem habeat, vel pro actu quem faciat, debet alte sapere, sed timere.

Quando Apostoli duces fidelis populi fuerunt in carcere, et cum diligentia custoditi, Act., v, poterat videri aliquibus infirmis, quod Deus tempore novellæ fidei non debebat talia permisisse : sed ex hoc ipso fideles fuerunt mirabiliter consolati, et adversarii fidei confutati. Simile accidit de solo Petro, Act., xii, quando fuit ab Herode captus et carceratus, et per Angelum miraculose eductus.

Magna fuit iniquitas Stephanum lapidare ; et tamen inde multa bona supernæ providitatem

(a) Cœt. edit. secutus.

clementiae provenerunt: nam ipse fuit in cœlo gloriiosus coronatus, in terra abundantius honoratus; oratio etiam sua, quam ibi fecit, nobis acquisivit Paulum, et omnibus posteris reliquit miræ patientiae et charitatis exemplum. *Act., viii.*

Lapidato Stephano, facta est magna persecutio in ecclesia que erat Iliersolymis, et omnes dispersi sunt per regiones Judeæ et Samariæ, præter apostolos, ita quod videbatur ad multum Christiana Religio vergere detrimentum. Sed dispersi discipuli evangelizabant verbum Dei, ita quod hoc ipso Ecclesia fuit amplius dilatata. *Act., viii.*

Prædicantibus Paulo et Barnaba Judæis, et illis repellentibus verbum Dei, assumpserunt ipsi occasionem gentibus prædicandi. Unde dicuntur, *Act., xiii*: « Nobis oportebat primum loqui verbum Dei, etc. Ecce convertimur ad gentes. » Audientes autem gentes gavisæ sunt.

Facta est dissensio inter Paulum et Barnabam, propter Joannem Marcum, quem Paulus nolebat recipere, eo quod discessisset ab eis; Barnabas autem volebat eum secum assumere, ita quod ab invicem discesserunt: ex quo videbatur scandalum debere sequi. Sed disponente Deo magnus secutus est fructus, quia pluribus prædicatum est verbum Dei. *Act., xv.*

Grandia facinora committebant illi, qui egregium doctorem Paulum incarceraabant, et a prædicatione ipsum cessare cogebant. Poterat etiam multis videri, quod hoc magnum inconveniens erat, et quod Dominus hoc permettere non debebat. Et tamen notandum est valde quod ex tantis impedimentis et damnis divina providentia multas virtutes effecit; nam inde meritum Pauli crevit; sic etiam majora virtutum exempla reliquunt, et melius docuit per opera, quam prius fecisset per verba. Præterea in carcere positus scripsit absentibus et remotis. Nec tantum profuit Ecclesia prædicando, quantum profuit epistolas transmittendo. Unde si in una civitate vel provincia fuisse ab hominibus honoratus et libenter auditus, non habuisset occasiones ad diversos populos remeandi, nec tot gentibus Evangelium seminandi. Quando igitur persequeruntur eum Judæi, vel quicumque alii, de civitate in civitatem, verbum Dei pluribus prædicabat: quando in carcere tenebatur, epistolas faciebat. Item quando resistebant ei Judæi, ad gentes se convertebat, *Act., xiii*: « Quoniam repellitis verbum Dei, » dicebat Judæis, « ecce convertimur ad gentes. »

Item, *Act., xviii*, dixit Judæis: « Sanguis vester super caput vestrum, mundus ego ex hoc ad gentes vadam. » Rursus etiam, quia (a) miseria Felicem et Festum judices habuit cupidos et iniquos, compulsus est Cæsarem appellare, sive Romam venit, quam sua doctrina vel prædicatione salubriter illustravit, et sua passione feliciter decoravit.

CAPUT III.

De benignitate Dei ad servos suos.

Abraham loquens cum Domino, et petens ut parceret Sodomis, mira fiducia utebatur, et visus fuisse apud homines importunus. Sed Dominus ei semper benigne respondit, et quod petebat concessit. *Gen., xviii.*

Fugienti Jacob iram fratris sui Dominus clementer apparuit; item redeuntem ad patrem suum ab insecutione socii liberavit, *Gen., xxx* et *xxxii.*

Magna fiducia usus est Jacob orando Deum, dicens: « Non dimittam te, nisi benedixeris mihi, etc., *Gen., xxxii.*

Ait Dominus ad Moysen: « Cerno quod populus iste duræ cervicis sit; dimitte me, ut irascatur furor meus contra eos, » *Exod., xxxii*; quasi diceret: Tu me tenes, nec possum hos peccatores conterere, nisi dimittas me.

Loquebatur Dominus per Moysen facie ad faciem, sicut solet homo loqui ad amicum suum. Præterea ipsum ab æmulis, et detractionibus defendebat. *Num., xii, xxiii, xvi; Exod., xxviii.*

Obedivit Deus voci Josue dicentiis: « Sol, contra Gabaon non movearis, » etc. *Josue, x.*

Balach vocavit Balaam, ut malediceret filios Israel; sed Dominus a contrario per illum benedixit eis, sicut refert Josue, *xxiv*. Et de hoc quærebatur Balach, *Num., xxiii.*

Gedeon bis a Domino petuit signum in vellore, utrum deberet victoriam de hostibus obtinere, *Jud., vi.* Mirum fuisse videtur de hoc, quod Deus (b) non fuit indignatus.

In abjectione seu contemptu servorum Dei, ipse Dominus reputat se contemptum, ut patet in Samuele. *I Reg., viii, 7*: « Non te abjecerunt, sed me, » dixit Dominus Samuelem.

Nota quam pie locutus est Dominus ad Nathan de David et domo ejus in futurum, *II Reg., VII.*

(a) Forsan supplendum in sua. — (b) Cæt. edit. diis.

Quamvis posteri David multipliciter et graviter peccaverunt, tamen opera ejus bona frequenter memorantur, et propter illa multoties pepercit Dominus peccatis illorum, *III Reg.*, *iii* et *iv*.

Ex precepto Domini corvi deferebant panem et carnes Elie, *III Reg.*, *xvii*. Et postea Angelus Domini panem et aquam ei obtulit, *III Reg.*, *xix*.

Ezechias rex Iuda dixit: « Dominus bonus propitiabitur cunctis, qui in toto corde requirunt Dominum, et non imputabat eis, quod minus sanctificati sunt. » *II Paralip.*, *xxx*.

Misit Dominus angelum suum, qui Tobiam juniores duxit et reduxit, daemonium ab ejus uxore compescuit, gaudium parentibus ejus fecit, seniorem Tobiam a cæcitate curavit, et totam domum ejus bonis omnibus replevit. *Tob.*, *v*, et deinceps.

Videbatur Dominus quasi timere offensam Hieremiæ, cum vellet populum propter peccata sua omnino delere: dicebat enim, *Hierem.*, *vii*: « Projiciam vos a facie mea. Tu ergo noli orare pro populo hoc, nec assumas pro eis laudem et orationem, et non obsistas mihi, quia non exaudiad te. »

Planum est, quod Deus est cum servis suis in tribulatione. Unde Nabuchodonosor cum Azaria et sociis ejus similem Filio Dei vidit in fornace ardenti, *Dan.*, *iii*.

Exaudivit Dominus vocem Susannæ, et quia per impudicos senes presbyteros injuste fuerat condemnata, per continentem puerum fuit justo iudicio liberata, *Dan.*, *xiii*.

Cum Daniel esset in Babylone in lacu leonum, misit ei Dominus de longinquæ xenium; nam de Iudea misit ei prandium per Habacuc prophetam, *Dan.*, *xiv*.

Præparavit Dominus pisces magnum, ut deglutiret Jonam, *Jonæ*, *ii*; qui tamen propter inobedientiam videbatur juste meruisse penam.

Machabeus, et qui cum eo erant, pugnantes contra Timotheum habuerunt de celo manifestum auxilium; apparuerunt ei viri quinque in equis, etc. Postea vero euntes ad prælium contra Lysiam, apparuit præcedens eos eques in veste candida armis aureis hastam vibrans, *II Machab.*, *xi*.

Mira benignitas erat in Domino Salvatore, qui circuibat sanans omnem languorem et omnem infirmitatem; quod nisi fecisset, multi infirmi accedere ad eum non potuissent. *Matth.*, *iv* et *ix*; *Luc.*, *vii*.

Leproso dicenti: « Domine, si vis, potes me mundare; » pie respondit Dominus, et benigne fecit. Sequitur enim: « Extendens Jesus manum, tetigit eum dicens: Volo, mundare. » *Matth.*, *viii*. Sacerdotes autem hujusmodi homines habebant horrori.

Statim post vocationem Matthæi, discubuit Dominus in domo ejus, *Matth.*, *ix*; *Luc.*, *v*.

A muliere fluxum sanguinis paciente, quæ secundum legem immunda erat, clemens et plus Jesus permisit se tangi; et illam quæ duodecim annis omnia in medicos erogaverat, in momento sanavit. *Marc.*, *v*; *Matth.*, *ix*.

Cum secessisset Dominus in desertum, vidit turbam multam, et misertus est eis, et curavit languidos eorum. Vesperi autem facto, dixerunt ei discipuli: « Dimitte turbas. » Jesus autem tanquam liberalissimus dixit eis: « Date illis vos manducare, » etc. *Matth.*, *xiv*.

Petrus incipiens mergi clamavit, dicens: « Domine, salvum me fac; » et continuo Jesus extendens manum apprehendit eum. *Matth.*, *xiv*.

Mariam Magdalenam pie defendit Dominus Jesus contra Phariseum mala de illa cogitantem, *Luc.*, *vii*; item contra sororem propriam de illa conquerentem, *Luc.*, *x*; item contra discipulos, propter infusionem unguenti, in eam frementes, *Marc.*, *xiv*.

Ineffabilis pietas Dei multum ostenditur in exemplo de filio prodigo, ubi dicitur, quod « cum longe adhuc esset filius, vidit eum pater suus, et misericordia motus est, et occurrens cecidit super collum ejus, et osculatus est eum. » Item volebat ille dicere, et petere, quod fieret sicut unus de mercenariis, et pater quasi interrupit verba ejus, et receperit eum in filium, etc., *Luc.*, *xv*.

De facile Dominus recipit illos quos mundus ejicit. Unde cæcus ille natus a Domino receptus est, *Joan.*, *ix*.

Mira fuit Christi benignitas, quando ad domum publicani Zachæi, qui eum videre cupiebat, seipsum invitavit, et ejusdem domui benedixit, *Luc.*, *xix*.

Cum protulisset Dominus indistincte; « Unus ex vobis me tradet; » innuit Petrus Joanni: « Quis est de quo dicit? » Itaque cum recubuisset Joannes supra pectus Domini, dicit ei: « Domine, quis est? » Ecce magna benignitas et familiaritas Salvatoris. *Joan.*, *xiii*.

Promisit Salvator discipulis suis de suo recessu contristatis, quod Pater alium Paraclitum

daret eis, *Joan.*, **xiv**. Quod optime completum est in die Pentecostes, quando Spiritus sanctus eos totaliter roboravit, consolatus est, illustravit, vel docuit, *Act.*, **ii**.

Venientibus ad capendum Dominum ministris pontificis, dixit eis : « Si me queritis, sinite hos abire. » Sciebat enim quod non erant parati ad martyrium sustinendum : idecirco infirmatui eorum condescendens, voluit quod parceretur eis, *Joan.*, **xviii**.

Petiti latro, ut Dominus meminisset ejus, cum venisset in regnum ejus. Dominus autem plus concessit, quam ille petereret, dicens : « Hodie mecum eris in paradiso. » *Luc.*, **xxiii**.

Magna fuit Christi pietas, que nec Petrum, qui eum ter negaverat, repulit, sed benigne respxit, *Luc.*, **xxii**; nec Thomam in dubitatione reliquit, sed se palpandum ei manifeste exhibuit, *Joan.*, **xx**. Item Paulum in actu persecutionis existentem exceccavit, et convertit, *Act.*, **ix**.

Dum lapidaretur beatus Stephanus, vidit Dominum Iesum in cœlis stantem, tanquam paramad ad ipsum fortiter adjuvandum, *Act.*, **vii**.

Beato Joanni in insula Pathmo (*a*) exultanti multam benignitatem Dominus ostendit, ei (*b*) mittendo angelum suum, qui eum multiplici revelatione consolatus est, *Apoc.*, **i**, et deinceps per totum.

CAPUT IV.

De consolatione divina.

Postquam Abraham exivit de terra sua ad mandatum Domini, ipse Dominus consolatus est eum diversis apparitionibus et revelationibus, *Gen.* **xii**, **xv**, **xvii** et **xviii**.

Fugienti Jacob a facie fratris sui, et super lapidem dormienti, apparuit Dominus, et ei magnam consolationem infudit, *Gen.*, **xxviii**.

Apparuit Dominus Moysi exultanti, et oves pasecenti : quod non accidit ei, quandiu nutriebatur in domo Pharaonis. *Exod.*, **iii**.

Filiis Israel in deserto pluit manna de cœlo, *Exod.*, **xvii**. Item carnes et aquam pluries Dominus miraculose dedit.

Moyses in monte existens cum Domino quadraginta diebus et quadraginta noctibus non manducavit, neque biberet; reficiebatur enim divino colloquio. *Exod.*, **xxxiv**.

Dixit Dominus ad Josue, *Josue*, **i** : « Non di-

(*a*) *Cæt. edit.* Patmos, et sic deinceps. — (*b*) Item et.

mittam nec derelinquam te; confortare, et esto robustus, » etc.

Praecepit Dominus, ut corvi portarent bis in die panem et carnes Eliæ, *III Reg.*, **xvii**. Iterum post hoc apparuit Dominus ei, cum fugeret Jezabel, cuius prophetas fecerat occidi, *III Reg.*, **xix**.

Efficaciter consolatus est Dominus Ezechiam per prophetam et per Angelum, qui occidit centum octoginta quinque millia de exercitu regis Assyriorum, *IV Reg.*, **xix**.

Exaudite sunt eodem tempore orationes Tobiae et Sarre; et missus est Angelus Domini, qui curaret ambos : Saram videlicet a daemone viro illius interficiente, et Tobiam seniorem a cecitate et paupertate. *Tob.*, **iii**.

Populum Israel existentem in angustia et timore pro exercitu Holofernis, dignatus est Dominus per manum unius feminæ mirabiliter consolari. *Judith*, **x**, et deinceps.

Convertit Dominus luctum Judeorum in gaudium, quando ipsi, procurante Esther, suos hostes, qui ad jugulationem corum se paraverant, occiderunt, *Esther*, **ix**.

Notabile est, quod quando populus Israel fuit in maxima afflictione, scilicet tempore captivitatis Babylonica, plures habuit prophetas, quam tempore Salomonis, quando fuit in magna prosperitate. Nam Hieremias fuit in Judæa; Ezechiel et Daniel, in Chaldaea.

Angelus Domini ascendit cum Azaria et sociis ejus in fornacem, et excusit flammam ignis de fornace, et fecit medium fornacis quasi ventum roris flantem, *Dan.*, **iii**. Per quod apparebat quod omni loco, omni tempore parata est divina pietas hominem confortare.

Danielem bis positum in lacu leonum, consolatus est Dominus, primo mittendo angulum, qui leonum ora conclusit, *Dan.*, **vi**; secundo per Habacuc prophetam, quando de Judæa in Chaldaeam cum cibo per Angelum transportavit, *Dan.*, **xiv**.

Susannam columniose damnatam eripuit Deus ex insperato per Danielem puerum, *Dan.*, **xiii**.

Machabœus, et qui cum eo erant, videntes adjutorem a Deo sibi missum et ducem, benedixerunt misericordem Deum, et convaluerunt animis, *II Mach.*, **xi**.

Bene implevit Dominus promissionem suam Apostolis factam, qua dixerat eis alium paraclitum se missurum, quando misit eis Spiritum sanctum in die Pentecostes, qui eos tam

copiose docuit, consolatus est, et roboravit.
Act., ii.

Felix Paulus etiam in hac vita, qui secure dicebat, *Il Cor., i, 5* : « Sicut abundant passiones Christi in nobis, ita et per Christum abundat consolatio nostra; » et *vii, 4* : « Repletus sum consolacione, superabundo gaudio in omni tribulatione vestra. »

Ecclesia habebat pacem, et ædificabatur ambulans in timore Domini, et consolatione Sancti Spiritus replebatur. *Act., ix.*

Petro in carcere Herodis vincio, et cum diligenter custodito, misit Angelum suum, qui de manu Herodis et Iudeorum liberavit eum. *Act., xii.*

Paulo et Sila ejus socio laudantibus Deum in carcere in media nocte, subito terra motus factus est magnus, et aperta sunt omnia, et universorum vincula sunt soluta. *Act., xvi.*

Dixit Dominus nocte per visionem Paulo, cum prædicaret Corinthiis : « Noli timere, sed loquere, et ne facias; propter quod ego tecum sum, et nemo apponetur, ut noceat te. » *Act., xviii.*

Cum esset Paulus in custodia Claudii Lysiae tribuni detentus, nocte assistens ei Dominus ait : « Constans esto, Paule, sicut enim testificatus es de me in Hierusalem, sic oportet te in Romæ testificari. » *Act., xxiii.*

Cum beatus Joannes Apostolus esset in Pathmo insula relegatus, divina revelatione fuit multipliciter consolatus. *Apocal., i*, et deinceps.

CAPUT V.

De benedictione, quam Deus dat.

Creavit Deus hominem ad imaginem et similitudinem suam; masculum et feminam creavit eos, benedixitque eis, et ait : « Crescite, et multiplicamini, » etc. *Gen., i.*

Benedixit Deus Noe et filiis ejus, et dixit ad illos : « Crescite et multiplicamini, et replete terram, » etc. *Gen., ix.*

Dixit Dominus ad Abraham : « Egredere de terra tua, etc., benedicam tibi, et magnificabo nomen tuum, erisque benedictus, » etc. *Gen., xii.*

« Super Ismael exaudi vi te, » dixit Dominus ad Abraham : « Ecco benedicam ei et augebo, et multiplicabo eum valde. » *Gen., xvii.*

Dominus benedixit Isaac, et locupletatus est, et ibat proficiens, etc., *Gen., xxviii.*

Loquens Jacob socero et avunculo suo Laban, ait : « Inconveniens (a) habuisti, antequam venirem ad te, et nunc dives effectus es, bene-

dixique tibi Dominus ad introitum meum. » *Gen., xxx, 30.*

Jacob in oratione luctans cum Angelo, ait : « Non dimittam te, nisi benedixeris mihi. » Sequitur : « Benedixit ei in eodem loco. » *Gen., xxxii.*

Benedixit Dominus domui Ægyptii propter Joseph, et multiplicavit tam in hædis, quam in agnis, cunctam substantiam ejus. *Gen., xxxix.*

Habitavit arca Domini in domo Obededom tribus mensibus, benedixitque Dominus Obededom et omnem domum ejus. *Il Reg., vi.*

« Operibus manuum ejus benedixisti, et possessio ejus crevit in terra. » *Job, i*; et de eodem, *xlii* : « Dominus benedixit novissimis Job, magis quam principio ejus. »

. Ascensus in cœlum Salvator eduxit discipulos suos in Bethaniam, « et elevatis manibus suis, benedixit eis, » etc. *Luc., xxiv.*

Desideranda est illa benedictio, quam dabit Dominus electis in die judicii, quando dicturus est : « Venite, benedicti Patris mei, » etc., *Matth., xxv.*

CAPUT VI.

De maledictione qua Deus maledicit.

Serpens primo legitur a Deo maledictus fuisse. Unde dicit : « Maledictus es inter omnia animalia et bestias terræ; super pectus tuum gravieris, » etc. *Gen., iii.*

Ad pœnam hominis dictum est, *Gen., iii* : « Maledicta terra in opere tuo, » etc.

Post iniquam fratris occisionem, et superbam responsionem, dixit Dominus ad Caim : « Maledictus eris super terram, » etc. *Gen., iv.*

Lamentans Hieremias excidium civitatis Hierusalem, dixit, *Thren., ii* : « Repulit Dominus altare suum, maledixit sanctificationi suæ, » etc.

Daniel in oratione sua dicebat : « Stillavit super nos maledictio et detestatio, » etc., *Dan., ix.* Et nota quod maledictio *stillare* dicitur super peccatores, sed super justos benedictio *inundare*. *Ezech., xxxix* : « Benedictio illius quasi fluvius inundavit. »

Sacerdotibus malis loquens Dominus per Malachiam prophetam, dixit : « Maledicam benedictionibus vestris, » etc. *Malach., ii.*

Ficus habens folia sine fructu, maledicta fuit a Domino, et continuo aruit. *Matth., xxi*, et *Marc. xi*.

Nimis erit terribilis illa maledictio contra reprobos proferenda in die judicii, *Matth., xxv* : « Ite, maledicti, in ignem æternum. »

(a) *Vulg. Modicum.*

CAPUT VII.

De benedictione qua homo benedicit Deum.

Melchisedech rex Salem occurrens Abraham revertentia a cæde quatuor regum, ait : « Benedictus Deus excelsus, quo protegente hostes in manibus tuis sunt. » *Gen., xiv.*

Otentia victoria de Sisara, Debbora et Barac ecceinerunt dicentes : « Qui sponte obtulisti de Israel animas vestras ad periculum, benedicite Domino. » *Judic., v.*

Post victoriam, quam dedit Dominus David de Goliath Philistæo, *II Reg., xxii.*, dicitur fecisse Psalmum : « Benedictus Dominus Deus meus, qui docet manus meas ad prælium, » etc.

Cum audivisset Hiram verba Salomonis, lætatus est valde, et ait : « Benedictus Dominus, qui dedit David filium sapientissimum super populum hunc plurimum. » *II Reg., v.*

Aedificato templo, dixit Solomon coram universo populo : « Benedictus Dominus Deus Israel, qui locutus est ore suo ad David patrem meum, et in manibus ejus perfecit, » etc. *III Reg., viii.*, 15.

« Fecit David principes ad confitendum Domino Asaph et fratres ejus : » sequitur : « Benedictus Dominus Deus Israel ab æterno, et usque in æternum, » etc. *I Paral., xvi.*

David rex lætatus est gaudio magno, et benedixit Domino coram universa multitudine. *I Paral., xxix.*

Videns Esdras animum Arthaxeris regis bonum esse erga Judæos, dixit : « Benedictus Dominus Deus patrum nostrorum, qui dedit in corde regis, ut glorificaret domum Domini, quæ est in Iherusalem. » *I Esdr., vii.*

Completo muro civitatis Iherusalem sub Esdra et Nehemia, dixerunt Levite : « Surgite, et benedicite Deo nostro ab æterno et usque in æternum, et benedicant nomini glorie tue excelso in omni benedictione et laude. » *Nehem., ix.*

Cum aperiuisset Esdras librum legis, stetit omnis populus, et benedixit Esdras Domino Deo voce magna, et respondit omnis populus : « Amen, Amen. » *Nehem., viii.*

Sarra filia Raguelis, cum completerat orationem, dixit : « Benedictum est nomen tuum, Deus patrum nostrorum, qui cum iratus fueris, misericordiam facies, » etc. *Tob., iii.*

Filium suum instruens Tobias, dixit inter cetera : « Omni tempore benedic Deum, et pete ab eo, ut vias tuas dirigat, » etc. *Tob., iv.*

Raguel et uxor ejus, videntes quod Tobiam juniores non laeserat daemonium, dixerunt : « Benedicimus te, Domine Deus Israel, quia non contigit nobis quemadmodum putabamus. » *Tob., viii.*

Sollicito monuit Tobiam et filium ejus Raphael angelus, ut benedicenter Deum cœli, et narrarent omnia mirabilia ejus. *Tob., xii.*

Recuperato visu, et auditis sermonibus Raphaelis, aperiens Tobias os suum benedixit Deum, et dixit : « Magnus es, Domine, in æternum. » *Tob., xiii.*

Ozias princeps populi Israel, videns Judith eum capite Holofernis, dixit : « Benedictus Dominus, qui creavit cœlum et terram; qui te direxit, » etc. *Judith, xiii.*

Danieli nocte per visionem mysterium revealatum est, et benedixit Deo cœli, et ait : « Sit nomen Domini benedictum a sæculo, quia sapientia et fortitudo ejus sunt, » etc. *Dan., ii.*

Ananias et socii ejus missi in caminum ignis, ambulabant in medio flammæ, laudantes et benedicentes Domino. *Dan., iii.*. Et rex Nabuchodonosor postea, viso tanto miraculo, ait : « Benedictus Deus Sydrach, Mysach, » etc.

Otentia de hostibus victoria, et aedificato altari sub Iuda Machabæo, filii Israel adoraverunt et benedixerunt in cœlum eum qui prospexit eos. *I Mach., iv.*

Propter Ileiodorum volentem spoliare templum, qui divina virtute terribiliter flagellatur, benedixerunt omnes Dominum, quia magnificabit locum suum. *II Mach., iii.*

Machabæus, et qui cum eo erant, videntes auxilium a Deo sibi missum, benedixerunt simul misericordem (a) Dominum, et convaluerunt animis, etc. *II Mach., xi.*

Nato Joanne Baptista, apertum est os Zachariae, et prophetavit, dicens : « Benedictus Dominus Deus Israel, » etc. *Luc., i.*

Cum inducerent puerum Jesum parentes ejus in templum, Simeon accepit eum, et benedixit Deum, dicens : « Nunc dimittis, » etc. *Luc., ii.*

Post ascensionem Domini erant in templo discipuli laudantes et benedicentes Deum. *Luc., xxiv.*

Tribulationes patiens apostolus Paulus dicebat : « Benedictus Deus, et Pater Domini nostri Iesu Christi. » *II Cor., i.* Similiter Petrus : « Benedictus Deus, » etc. *I Pet., i.*

(a) *Cœl. edit.* misericorditer.

Benedicere Deum est quasi opus vel officium paradisi. Apoc., v : « Omnes audivi dicentes : Sedenti in throno et Agno benedictio, et honor, et gloria, » etc.

CAPUT VIII.

De benedictione, qua homo benedit homini.

Melchisedech rex Salem occurrit Abraham revertenti a cæde quatuor regum, et ait : « Benedictus Abraham Deo excelso, qui creavit cœlum et terram. » Gen., xiv.

Benedixit Isaac Jacob, dicens : « Det tibi Deus de rore cœli, et de pinguedine terre abundantiam frumenti et (a) vini, et serviant tibi populi, » etc. Gen., xxvii. Cum Esau ejulatu magno fleret, motus Isaac dixit ad eum : « In pinguedine terre, et rore cœli, desuper erit benedictio tua; vives in gladio, et fratri tuo servies. » Gen., xxvii.

Introduxit Joseph patrem suum Jacob ad Pharaonem : qui benedicens illi, et interrogatus ab illo, « Quot sunt dies annorum vitæ tuæ, » etc. Gen., xlvi.

Benedixit Jacob filio suo Joseph, et ait : « Deus in cuius conspectu ambulaverunt Patres mei, benedicit pueris istis. » Loquebatur de Manasse, et Ephraim, quos Joseph pater eorum rogaverat per patrem benedici. Gen., xlvi. Postmodum etiam benedixit Jacob singulis filiis suis, benedictionibus propriis. Gen., xlix.

Locutus est Dominus ad Moysen, dicens : « Sic (b) benedicet filii Israel : Benedictat tibi Dominus, et custodiat te : ostendat Dominus faciem suam tibi, » etc. Num., vi.

Extendens Aaron manum ad populum, benedixit eis. Levit., ix.

Dixit Balaam filius Beor : « Ad benedicendum adductus sum; benedictionem prohibere non valeo. » Num., xxiii.

« Non pernoctabit apud te pignus pauperis; sed statim reddes ei ante solis occasum, ut dormiens in vestimento suo benedictat tibi. » Deut., xxiv.

Moyses homo Dei benedixit filiis Israel ante mortem suam, et ait : « Dominus de Sina venit, et de Seir ortus est nobis, » etc. Deut., xxxiii.

Vocavit Josue Rubenitas et Gaditas, et dimidiam tribum Manasse, dixitque ad eos : « Fecestis omnia quæ vobis præcepit Moyses, etc.

(a) Cat. edit. deest et. — (b) Cat. edit. deest Sic. — (c) Al. divisis.

Benedixitque eis Josue, et dimisiteos. » Josue, xxx.

In cantico pro victoria habita de Sisara, dicitur, Judicum, v : « Benedicta inter mulieres Jael uxoris Haber Cynei, et benedicatur in tabernaculo suo, » etc.

Noemi videns Ruth, nurum suum a Boos fuisse honoratam, dixit : « Benedictus sit a Domino, quoniam eamdem gratiam quam prebuerat vivis, servavit et mortuis. » Ruth, ii.

Commendans Boos Ruth, quæ ad Deum Israel confugerat, ait : « Benedicta es a Domino, quia priorem misericordiam posteriore superasti. » Ruth, iii.

Heli benedixit Helcanæ, et uxori ejus, dixitque eis : « Reddat tibi Dominus semen de muliere hac pro foenore, quod commodasti Domino. » I Reg., ii.

Nuntiaverunt Ziphaei Sauli, quod David latitaret apud eos, dixitque Saul : « Benedicti vos a Domino, quia doluistis vicem meam. » I Reg., xxvi.

Nuntiatus est David, quod viri Jabel Galaad sepelissent Saul, dixitque ad eos : « Benedicti vos a Domino, qui fecistis misericordiam hanc cum Domino vestro Saul, et sepelitis eum. » II Reg., ii.

Convertit rex Salomon faciem suam, et benedixit omni Ecclesiæ Israel. Omnis autem Ecclesia Israel stabat. III Reg., viii.

Cum complesset offerens pacifica et holocausta, benedixit populo in nomine Domini, et divisit (c) universis per singulos tortam panis, etc. I Paral., xvi.

Apprehendens Raguel dexteram filiae suæ, tradidit Tobie, dicens : « Deus Abraham, et Deus Isaac, et Deus Jacob vobiscum sit, et ipse conjungat vos, impletatque benedictionem suam in vobis. » Tob., vii.

Raguel osculatus est Tobiam, et plorans super collum eius dixit : « Benedictio tibi sit, fili mi, quia boni et optimi viri filius es. » Tob., vii.

Gabelus ingressus domum Raguelis invenit Tobiam, et flevit dicens : « Benedictat te Dominus Deus Israel, quia filius es viri optimi et justi, et timentis Deum, et eleemosynas facientis. » Tob., ix.

Ozias princeps populi, dixit ad Judith : « Benedicta es tu, filia, a Domino Deo excelso præ omnibus mulieribus super terram. » Judith, xiii.

Item postea omnes benedixerunt illam una voce, dicentes : « Tu gloria Hierusalem, tu lætitia Israel, » etc., Judith, xiv.

Factum est, ut audivit salutationem Mariæ Elisabeth, exclamavit, et dixit: « Benedicta inter mulieres, et benedictus fructus ventris tui. » *Luc.*, 1.

CAPUT IX.

De maledictione qua homo maledicit.

Primus inter homines Noe legitur maledixisse Canaan nepoti suo, pro eo quod Cham pater ejus nuditatem ipsius Noe cæteris fratribus nuntiavit, et magis eam tegere debuisset. *Gen.*, ix.

Inter verba benedictionis, quam dedit Isaac Jacob filio suo, dixit: « Qui maledixerit tibi, sit ille maledictus. » *Gen.*, xxvii.

De Simcon et Levi dixit Jacob pater eorum: « Maledictus furor eorum, quia pertinax; et indignatio eorum, quia dura. » *Gen.*, xlxi.

« Qui maledixerit patri suo, aut matri suæ, morte moriatur. » *Levit.*, xx.

Balaæ misit nuntios ad Balaam, ut veniret, et malediceret populo Israel: audierat enim quod maledictus erat, in quem maledicta consessisset. *Nun.*, xxii.

Multas maledictiones ponit Moyses in eos, qui transgredierentur tradita illis divina mandata, *Deut.*, xxvii.

Diruta civitate Jericho imprecatus est Josue, dicens: « Maledictus vir coram Domino, qui suscitaverit et ædificaverit Jericho. » *Jos.*, ix.

Sic hinc inter epulas, et pocula maledicabant Abimelech, *Judic.*, ix.

Goliath Philisteus maledixit David in diis suis, *I Regum*, xvii.

Saul volens persecuti Philistæos, adjuravit populum dicens: « Maledictus qui comedenter panem usque ad vesperam, donec ulciscar de inimicis meis. » *I Reg.*, xiv.

Sceme procedebat egrediens, et maledicebat, mittebatque lapides contra David, et dicebat: « Egressere, vir sanguinum, et vir Belial » *II Reg.*, xvi.

Eliseus maledixit pueris illudentibus ei, et dicentibus: « Ascende, calve; » et lacerati sunt quadraginta pueri a duobus ursis. *IV Reg.*, ii.

Cum Judas Machabeus obsideret quoddam presidium, illi qui intus erant, supra modum maledicebant, et sermones nefandos jactabant, *II Mach.*, x.

Pharisæi malediebant cæco nato per Domi-

num Jesum illuminato, et dixerunt, *Joan.*, xi
« Tu discipulus ejus sis, cuius maledictio sit super nos, et super filios nostros. »

Arguebant Iudei Paulum, dicentes: « Summum sacerdotem Dei maledicis. » Sed ille excusavit se, et dixit: « Nesciebam, fratres, quia princeps est sacerdotum. » *Act.*, xxiv.

CAPUT X.

De severitate Dei erga delinquentes.

Graviter punivit Deus peccatum priorum parentum, quod ipsi credebant veniale, nec ita dure puniendum fore, *Gen.*, iii.

Originali mundo Deus non pepercit, *II Petr.*, ii; sed ipsum pene totum diluvii inundatione delevit, *Gen.*, vii.

Quinque civitates, propter peccatum contra naturam, factenti conflagratione consumptæ fuerunt per angelos a Deo missos, *Gen.*, xix.

Ægyptii perseguentes filios Israel, submersi sunt, jubente Deo, quasi plumbum in aquis vehementibus, *Exod.*, xiv et xv.

Quia populus Amalec voluit impidere filios Israel cunctes in terram promissionis, dixit Dominus ad Moysen: « Delebo omnem memoriam Amalec de sub caelo. » *Exod.*, xvii.

Propter vitulum, quem (*a*) adoravit populus, ceciderunt una die viginti quatuor millia hominum, *Exod.*, xxvii.

Egressus est ignis a Domino, et devoravit Nadab et Abiu filios Aaron, qui scilicet, arrepli thuribulis, ignem alienum et incensum desuper posuerunt, et coram Domino obtulerunt, *Levit.*, x.

Jussit Dominus blasphemum extra castra educi, et ab universo populo lapidari, *Levit.*, xxiv.

Carnibus, quas miserat Dominus, in dentibus filiorum Israel adhuc (*b*) existentibus, percussit Dominus populum plaga magna nimis, *Nun.*, xi.

Percussit Dominus Mariam lepra, quia locuta est contra Moysen, *Nun.*, xii.

De sexcentis milibus virorum, qui numerati sunt, *Nun.*, i, nullus intravit terram promissionis, propter peccata eorum, præter Caleb et Josue, sicut minatus est Deus, *Nun.*, xiv.

Ligna colligens in sabbato, fuit præcepto Domini lapidatus, *Nun.*, xv.

Terribili morte occidit Dominus Core, et complices ejus, *Nun.*, xvi.

Hæsitantem ad aquam contradictionis Moysen

(a) *Cœt. edit.* quod. — (b) *Item* ad hoc.

Dominus dure punivit, *Num.*, xx, cum tamen usque tunc tam sancte et fideliter se gesisset, tam ad Deum, quam ad populum.

Misit Dominus serpentes ignitos in populum, quia tñderat eos itineris et laboris, et dixerant : « Quare eduxisti nos ? » etc., *Num.*, xxi.

Achor cum tota supellectili sua periit, quia tñlerat de anathemate Jericho, *Josue*, vii.

Pro peccato in uxorem Levite commisso, tota tribus Benjamin, exceptis sexcentis hominibus, fuit Domino jubente deleta, *Judic.*, xx.

Heli peccantes filios corripuit (*a*), sed lente; propter quod ipse in eis et cum eis punitus est, *I Reg.*, ii et iv. Quid ergo de illis, qui filios suos non corripiunt, sed incitant ad malum verbis et exemplis ?

Quia Saul obtulerat holocausta contra mandata Samuelis, reprobatus est, *I Reg.*, xiii.

Item, quia Agag regem Amalec et gregem ovium reservavit, *I Reg.*, xiv.

Propter peccatum Saul puniti sunt illi de domo sua, et post mortem ejus; et propter eos facta est fames in terra, *II Reg.*, xi.

Adducente David arcum Dei super plaustrum, Osa tenuit eam ne caderet, quia bos lascivens inclinaverat eam; et percussit eum Dominus super temeritate, qui mortuus est ibi, *II Reg.*, vi.

Septuaginta duo millia hominum mortua sunt propter elationem David, quando fecit populum numerari, *III Reg.*, xxiv.

Vir Dei, qui venit de Juda, et nuntiavit Hieroboam successionem ossium sacerdotum ejus, occisus fuit a leone, eo quod contra imperium Domini comedit panem in domo cuiusdam mali prophetae, *III Reg.*, xiii.

Quadraginta duo pueri fuerunt a duobus ursis lacerati, pro eo quod illuserant Elisæo dicentes : « Ascende calve », *IV Reg.*, ii.

Si tam graviter punitum fuit peccatum Giezi, qui accepit munera a Naaman satis voluntarie data, quid erit de illis, qui accipiunt multa fraudulenter exacta, vel violenter extorta ? *IV Reg.*, v.

Ozias rex Juda cepit thuribulum, et more sacerdotum voluit adolere incensum, statimque orta est lepra in fronte ejus, *II Paralip.*, xxvi.

Quia Ezechias ostendit thesaurum suum nuntiis regis Babylonis, amisit eum, cum tamen illi de terra longinquæ venissent, et videbatur quod latenter recipi debuissent, *IV Reg.*, xx.

Populum peculiarem et dilectum tradidit Deus in manibus Nabuchodonosor, qui totam gentem crudeliter captivavit, sanctam civitatem combussit, et templum destruxit, *IV Reg.*, xxv.

« Pro eo quod elevatae sunt filiae Sion, » etc., sequitur : « Erit pro suavi odore fœtor, » etc. « Pulcherrimi quoque viri tui gladio cadent, et fortis tui in prælio, » *Isa.*, iii.

Reges Babylonis filios israel crudeliter traxerunt; postea etiam ipsi cum inclita civitate sua fuerunt destructi, sicut minatur Dominus, *Isa.*, xiii, xiv; et *Hierem.*, L et LI.

De poena per Chaldaeos Iudeis illata, dicit Dominus per Hieremiam : « Plaga inimici percussi te, castigatione crudeli, » etc. *Hier.*, xxx.

Heliodorus fuit graviter flagellatus, eo quod viduarum et pupillarum deposita voluit asportare. *Il Machab.*, iii.

Antiochus rex fuit ea grandi plaga percussus, ut de corpore impii vermes scaturirent; odore etiam illius ac fœtore exercitus gravaretur. *Il Machab.*, ix.

Servum nequam, qui nolnit dimittere conservo suo centum denarios, dominus iratus tradidit tortoribus, quoadusque redderet universum debitum. *Math.*, xviii.

Inutilem servum, qui tradidit sibi non studiit multiplicare talentum, præcipit dominus illo, quod habuerat, spoliari, et in tenebras extiores ejici. *Math.*, xxv.

Fraus illa quam commisit Ananias, conscientia Saphira uxore sua, gravi fuit ultione punita. *Act.*, v.

Herodes vestitus ueste regali; sedebat pro tribunali; populus autem acclamabat : « Dei voces, et non hominis. » Confestim ergo percussit eum Angelus Domini, eo quod non dedisset honorem Deo, et consumptus a vermbus expiravit. *Act.*, xii.

CAPUT XI.

De ira Dei, vel furore.

Attende, quod secundum Augustinum⁴, lib. XV, *de Civitate Dei*, « ira Dei non perturbatio animi ejus est, sed judicium quo irrogatur pena peccato : cogitatio vero ejus, et recognitio mutandarum rerum est immutabilis ratio : neque enim, sicut homines, ita Deum cuius-

(a) *Cœl. edit.* corripit.

⁴ Aug., *de Civit. Dei*, lib. XV, c. xxv.

quam facti sui pœnitent, cuius est de omnibus omnino rebus tam fixa sententia. Sed si non utatur Scriptura talibus verbis, non se quodam modo familiarius insinuabit omni generi hominum, quibus vult esse consultum, ut et perterreat superbientes, et excite negligentes, et exerceat querentes, et alat intelligentes; quod non faceret, si non se prius inclinaret, et quodam modo descenderet ad jacentes.»

Quia Moyses ducatum populi recipere, Dominu[m] jubente, multotiens recusavit, iratus est Dominus in Moysen. » *Exod.*, iv.

Iratus est Dominus in Ægyptios, qui detinuerunt et afflixerunt populum suum, et tandem voluerunt persequi recentes. *Exod.*, xv: « Misiisti iram tuam, » etc.

Moyses orabat Deum, dicens: « Cur, Domine, irascitur furor tuus contra populum tuum, » etc. *Videlicet* propter vitulum conflabilem, obtulerat enim holocausta. *Exod.*, xxxii. « Flagrabat populus desiderio carnium sedens et flens, etc. *Num.*, vi. Sequitur paulo post: « Iratus est furor Domini valde. »

Occasione(a) seditionis Core, et complicum ejus, dixerunt Moyses et Aaron ad Dominum: « Fortissime Deus spirituum, num uno peccante contra omnes ira tua deservit? » Murmuravit omnis multitudo filiorum Israel contra Moysen, et Aaron, dicens: « Vos interfecistis populum Domini. » Sequitur: « Egressa est ira a Domino, et plaga deservit. » *Num.*, xvi.

Fornicatus est populus cum filiabus Moab; sequitur: « Iratus Dominus, dixit ad Moysen: Tolle cunctos principes populi, et suspende eos. » *Num.*, xxv.

Propter hæsitationem Moysi ad aquas contradictionis, iratus est Dominus contra Moysen, sicut ipse dicit, *Deuter.*, i: « Mihi iratus Dominus propter vos, dixit: Non ingredieris illuc, » scilicet in terram promissionis.

« Cavete, » dixit Moyses, *Deuter.*, xi, « ne forte decipiatur cor vestrum, et recedatis a Domino, serviatisque diis alienis, et adoretis eos, et iratus Dominus claudat celum. »

Item dicitur, *Jos.*, vii: « Filii Israel prævaricati sunt de mandatis Domini, et usurpaverunt de anathemate; » sequitur: « Iratusque est contra filios Israel. »

Commovit furor Domini David in eis dicentem ad Job: « Vade, et numera Israel et Judam. » *Il Reg.*, xxiv.

Iratus est Dominus contra Ozam, et percussit

eum, eo quod tetigisset arcam; et mortuus est ibi coram Domino. *I Paralip.*, xiii.

Per idolatriam et auguria, et alia diversa peccata, irritaverunt Deum filii Israel. Iraatusque est Dominus vehementer Israel, et abstulit eos Dominus a conspectu suo. *Il Reg.*, xiv.

Propheta (b) Jehu dixit Josaphat regi Juda, qui iverat ad prælium cum Achab rege Israel: « Impio præbes auxilium, et iis qui oderunt Dominum amicitia jungeris, et idcirco iram Domini merebaris; sed bona opera inventa sunt in te. » *Il Paralip.*, xix.

Josaphat rex Juda constituit judices, et præcepit eis, dicens: « Sic agitis in timore Domini, » etc. « Ostendite fratribus vestris, ut non peccent in Deum, ne veniat ira super vos. » *Il Paralip.*, xix.

Joas rex Juda, et principes ejus, servierunt lucis et sculptilibus; et facta est ira Domini contra Judæam propter hoc peccatum. *Il Paralip.*, xxiv.

Amiasias rex Juda, divino fretus auxilio, Idumæos superavit in bello; et attulit deos eorum, et adoravit eos; propter quod iratus est Dominus contra eum. *Il Paralip.*, xxv.

Ezechias rex Juda non juxta beneficia quæ acceperal a Domino, retribuit, quia elevatum est cor ejus; et facta est ira contra eum, et contra Judeam ac Hierusalem. *Il Paralip.*, xxxii.

« Magnus furor Domini stillavit super nos, eo quod non custodierunt patres nostri verba Domini. » Ita dixit Josias rex Juda, auditis verbis quæ subscripta erant in libro legis. *Il Paral.*, xxxiv.

« Comederunt et saturati sunt, et impinguati, et abundaverunt deliciis in bonitate tua magna: provocaverunt autem te ad iracundiam. » *Nehem.*, ix.

« Omnia secundum legem Dei fiant Deo altissimo, ne forte exurgat ira in regno regis, et filii, et filiorum regis. » Ita princeps Artaxeres gentilis, *Il Esdr.*, ¹ viii. Quid ergo debent facere Christiani?

Dixit Dominus ad Eliphaz Themanitem: « Iratus est furor meus in te, et in duos amicos tuos, quoniam non estis locuti coram me rectum, » etc. *Job.*, xlvi.

De Babylone dicitur, *Hierem.*, l: « Ecce novissima erit in gentibus, et deserta, invia et arenis. Ab ira Domini non habitabitur, sed redi-

(a) *Cat. edit.* Octavo modo. — (b) Item Propler.

¹ Liber iste rejectus est inter apocryphos.

getur tota in solitudinem, » hoc est, pro eo quod iratus est contra eam Dominus, propter peccata ejus punietur.

« Machabeus Judas, congregata multitudine, intolerabilis gentibus efficiebatur. Ira enim Domini in misericordiam conversa est. » II Mach., VIII.

In parabola de servo nequam, qui noluit misereri conservo suo, dicitur, Matth., xviii : « Et iratus Dominus tradidit eum tortoribus, » etc.

Observantibus Iudeis Dominum, si sabbatis curaret, « circumspiciens eos » Salvator « cum ira, contristatus est super cæcitatem cordis eorum. » Marc., III.

Contra illos autem, qui se excusaverunt ne irent ad cœnam, dicitur, Luc., xiv : « Tunc iratus paterfamilias dixit servo suo : Exi cito, » etc.

« Qui credit in Filium Dei, habet vitam aternam; qui autem incredulus est Filio, non videbit vitam, sed ira Dei manet super eum. » Joan., III.

Multum timenda est ira, quæ ostendetur in die judicii, de qua, Apoc., VI : « Reges terræ, et principes, etc., dicent montibus, et petris : Cadite super nos, et abscondite nos a facie sententis in throno, et ab ira Agni. »

CAPUT XII.

Quod Deus plus attendit ad operantem, quam ad opus.

« Caim obtulit de fructibus munera Domino, Abel quoque obtulit de gregibus suis; » sequitur : « Respexit Dominus ad Abel, et ad munera ejus; ad Caim vero, et ad munera ejus non respexit. » Gen., X.

Promisso filio de Sara nascituro, risit Abraham, Gen., XVII. Risit etiam Sara, Genes., XVIII. Risus autem Sare fuit a Domino reprehensus, et non risus Abraham.

Cum facerent mirabilia quædam coram Pharaone Moyses et Aaron, legitur quod fecerunt similiter malefici Ægyptiorum incantationibus suis, Exod., XVII.

Talia thuribula habuerunt Core, et illi de globo suo, sicut Aaron, et forte de æque bono vel meliori metallo; verumtamen Deus non æqualiter acceptavit incensionem eorum. Num., XVI.

Elevantes oculos Bethsamite viderunt arcam Domini, et gravisi sunt, et obtulerunt Domino holocaustum; quamvis autem bonum opus fa-

cere viderentur, percussit eos Dominus gravi plaga, eo quod viderunt arcam, quam videre non debebant. I Reg., VI.

Saul quando fuit inter prophetas, expoliavit se, et prophetare cœpit; sed parum ei profuit. I Reg., xix.

Oza extendens manum, tenuit arcam ne caderet de plastro; qui statim percussus a Domino mortuus est. II Reg., VI.

Licet offerre incensum Domino sit bonum opus, non tamen competit omni homini. Unde Ozias, rex Juda, percussus est lepra a Domino, eo quod ipse voluit incensum super altare thymiamatis adolere, II Paralip., XXVI.

Reprobat Dominus per Isaiam oblationes quas sibi offerri instituit, et hoc propter offerentium pravitates : « Quo mihi multitudinem victimarum vestrarum, dicit Dominus? plenus sum. Holocausta arietum, » etc. Causa vero subditur : « Manus enim vestræ sanguine plenæ sunt. » Isa., I.

Prætulit Dominus oblationem viduæ, quæ posuit duo æra in gazophylacium, muneribus deditum, Luc., XXI.

Herodes cupiebat videre Jesum, et viso eo gavisus est valde; sed nullum fructum consequitus est inde, quia curiositas, vel vanitas erat in causa, non pietas, vel charitas. Luc., XXIII.

CAPUT XIII.

Quod Deus interdum tentat homines, sive probat.

« Tentavit Deus Abraham, et dixit ad eum : Tolle filium tuum, » etc., Gen., XXII.

« Dixit Dominus ad Moysen : Ecce ego pluam vobis panes de cœlo : egrediatur populus, et colligat quæ sufficiunt per singulos dies, ut tentem eos utrum ambulent (a) in lege mea, aut (b) non. » Exod., XVI.

Loquente Domino cum Moysè, « cunctus populus audiebat (c) voces, et lampades, et sonitum buccinæ montemque fumantem, et perterriti ac pavore concussi, dixerunt Moysi : Loquere tu nobis, etc. Et ait Moyses : Nolite timere; ut enim probaret vos, venit Deus, et ut terror illius esset in vobis, et non peccaretis. » Exod., XVI.

Non delevit Deus gentes penitus de terra promissionis, nt in illis experiretur Israel, utrum custodirent ejus mandata, Judic., II.

(a) Vulg. eum utrum ambulet. — (b) Item an. — (c) Item videbut.

« Dereliquit Dominus Ezechiam, ut tentaretur, et nota fierent omnia que erant in corde ejus, » quando venerunt nuntii regis Babylonis ad eum, *Il Paralip.*, II, xxxii.

Postquam Tobias fuerat excæcatus, *Tob.*, II, dicitur ibi : « Hanc autem tentationem ideo permisit evenire illi, ut posteris daretur exemplum patientiae ejus. »

Dixit Judith loquens de filiis Israel, quos illo tempore Holofernes destruere cogitabat : « Memores esse debent quomodo tentati sunt patres nostri, ut probarentur, si vere colerent Deum. » *Judith*, viii.

Propter gravissimas passiones, quas passus est sanctus Job, dicebat ipse de seipso : « Probaravit me quasi aurum, quod per ignem transiit. » *Job*, xxiii.

Petebat David a Domino, dicens : « Proba me, Domine, et tenta me, » etc., *Psal.*, xxv.

Ambulans Dominus Jesus super aquas jussit Petrum venire ad se ; « videns vero ventum validum timuit, » etc., *Matth.*, xiv.

Dixit Dominus ad Philippum : « Unde ememus panes, ut manducent ii (a) ? Illoc autem dicebat tentans eum, » *Joan.*, vi.

CAPUT XIV.

Quod homo non debet tentare Deum.

Abraham ingrediens Ægyptum prudenter tacuit Saram esse uxorem suam, ne si hoc dixisset, seipsum et illam discrimini commisisset, *Genes.*, xii. Simile fecit, *Gen.*, xx; et Isaac similiter, *Gen.*, xxvi. Nisi autem sic fecisset, Deum quodammodo tentasset, secundum quod dicit Augustinus.

Multoties tentaverunt filii Israel Dominum in deserto, ut dicitur, *Num.*, xiv.

Superati in bello filii Israel a Philisteis, dixerunt : « Quare percussit nos Deus coram Philisteis ? » Et tunc duxerunt arcam Domini ad prælium, quæ capta fuit, et illi magna plaga percussi. *I Reg.*, iv.

Sciebat David se esse inunctum in regem, et quod deberet regere post Saulem, iuxta id quod promiserat ei Samuel : non tamen committerebat se discriminari, sed faciebat ad sui custodiam, quod debebat. *I Reg.*, xxii, et deinceps.

Cum immanis piscis invasisset Tobiam, non expectavit quod Angelus eum liberaret, qui

(a) *Vulg. hi.* — (b) *Vulg. Ammon*, et sic deinceps.

tam velociter hoc facere potuisset; sed approbavit branchiam ejus, et traxit eum in siccum. *Tob.*, vi.

Orias statuit cum populo, ut transactis quinque diebus, nisi veniret adjutorium, traducerent se Holopherni. Dixit autem Judith presbyteris civitatis : « Et qui estis vos, qui tentatis Dominum ? Non est iste sermo qui misericordiam provocet, » etc., *Judith*, viii.

Tentatus Dominus a diabolo, ut ipse de pinaculo templi se præcipitaret, respondit : « Non tentabis Dominum tuum, » potestatem habens aliter descendere. *Matth.*, iv, et *Luc.*, iv.

Pharisæi volentes Jesum capere in sermone, fecerunt ab eo queri, utrum liceret tributa dari Cæsari, an non. « Cognita autem nequitia eorum, Jesus ait : Quid me tentatis, hypocritæ ? » etc., *Matth.*, xxii.

Cum ejecisset daemonium Dominus, et loqueretur mutus, quidam tentantes, signum de cœlo quærebant ab eo, » *Luc.*, xi.

Dure increpando, dixit Petrus Saphiræ uxori Ananiæ : « Quid convenit vobis tentare Spiritum Domini ? » *Act.*, v.

De re quam potuit per humanam industriam Paulus facere, nolebat miracula expetere. Unde apud Damascum, cum insidiarentur ei Judæi, fecit per murum in sporta se dimitti, » *Act.*, ix.

Item, cum loris vellet tribunus eum facere torqueri, dixit se esse civem Romanum, *Act.*, xxii.

Rursus dixit se esse Phariseum, ut ponere dissensionem inter Judæos, *Act.*, xxiii. Item, cum haberet iniquum judicem, Cæsarem appellavit, *Act.*, xxv.

CAPUT XV.

De Voto.

Jacob vadens ad domum Laban avunculi sui, post ostensam sibi a Domino visionem, votum vovit dicens : « Si Dominus fuerit mecum, » etc., *Gen.*, xx.

Rex Arad pugnauit contra Israel, et victor existens tulit ex eo prædam : at Israel voto se obligavit Domino, et postea vicit eum, *Num.*, xxi.

Pugnaturus Jephite contra filios Amon (b), dixit : « Si tradideris filios Amon in manus meas, » etc., *Judic.*, xi.

Oravit Deum Anna flens largiter, et votum vovit, dicens : « Domine exercitum, si dede-

ris mihi sexum virilem, dabo eum Domino. »
I Reg., 1.

Absalon volens rebellare suo patri David, dixit : « Votum vovit servus tuus, cum esset in Iessur (a), dicens : Si reduxerit me Dominus in Hierusalem, sacrificabo Domino. » II Reg., xv.

Asa rex Juda ea, quæ voverat pater suus, oblitus in domum Domini, argentum et aurum, vasorumque diversam supellecitem. II Paralip., xv.

Ietatus est populus, cum vota sponte promitteret, quia corde toto offerebant ea Domino ; sed et David rex ietatus est. I Paralip., xxix.

Fili Israel de Juda obtulerunt decimas quas voverant Domino. II Paralip., xxxi.

Rex Artaxeres præcepit Esdræ, et populo, ut offerret munera Domino Deo Israel, quæ voverant ipse et amici in (b) Hierusalem. III Esdr., viii.

Omnis populus post victoriam venit in Hierusalem adorare Dominum, et obtulerunt holocausta et vota, et promissiones suas. Judith, xvi.

Viri qui erant in navi, ubi fuit Jonas propheta, « timuerunt timore magno Dominum, et immolaverunt hostias Domino, et voverunt vota. » Jon., 1.

Heliодорus volens ærarium spoliare, et deposita de templo auferre, fuit virtute divina gravior flagellatus ; deinde sanatus per orationem Onie, « hostia Deo oblata, et votis magnis promissa, » repedavit ad regem. II Mach., iii.

Postquam percurruerunt fuit a Deo Antiochus gravissima et insanabilis plaga, pollicitus est Iudeis et templo Hierosolymorum mirabilia se facturum. II Mach., ix.

Beato Virgo Maria virginitatem vovisse videatur, per hoc quod ait : « Quomodo fiet istud, quoniam virum non cognoscō? » Luc., 1.

Crudele votum et impium fecerunt Iudei illi, qui dixerunt principi sacerdotum : « Devotione devovimus nos nihil gustaturos, donec occidamus Paulum. » Act., xxiii.

C A P U T X VI.

De Oratione.

Humiliter et discrete, instanter et pie oravit Abraham Dominum, ut parceret Sodomitis. Gen., xiv.

Pro rebus quas etiam sine prece faceret Dominus, debemus interdum orare ipsum. Unde

(a) Vulg. Gessur. — (b) Cœl. edit. deest in. — (c) Cœl. edit. humiliter.

Isaac deprecatus est Dominum pro uxore sua sterili, quam paritaram fore disposuerat Dominus, Gen., xxx.

Pensandum est valde quam gratus et humilis (c), et importunus in oratione fuit Jacob dicens : « Domine, minor sum cunctis miseracionibus tuis, » etc., Gen., xxxii.

Præterea quomodo ipse se ab uxoribus et tota familia sequestravit, et solus de nocte remansit, ibidem.

Oravit multoties Moyses Dominum, ut amo- veret plagas de Ægypto ; et exaudiebatur, licet illi essent mali. Exod., viii et ix.

Oratio mentalis clamat in aures Domini, sicut patet, Exod., xiv, quando dixit Dominus Moysi nihil loquenti : « Quid clamas ad me ? »

In bello quod habuerunt filii Israel contra Amalec, plus fecit Moyses orando, quam Josue pugnando. Exod., xvii.

Post adorationem vituli videbatur velle Dominus populum deserere; sed Moyses per orationis instantiam obtinuit ei veniam. Exod., xxxii. Et nota ibi de modo orandi : « Aut dimite eis hanc noxam, inquit, aut dele me de libro tuo, quem scripsisti. »

Per orationem Moysi absorptus est ignis, qui devorabat castra murmurantium et dolentium pro labore. Num., xi.

Petiti populus carnes in deserto, et Dominus iratus concessit eis. Per quod liquet, quod non semper exauditio orationis signum est divinæ dilectionis. Num., xi.

Curata est Maria a lepra per orationem Moysi. Num., xii.

Afflictus populus ab ignitis serpentibus, dixit ad Moysen : « Ora pro nobis, » etc. Oravit Moyses pro populo, etc. Num., xxi.

Cum esset Anna amaro animo, oravit Dominum, flens largiter, et votum vovit. « Loquebatur autem in corde suo, et vox penitus non audiebatur. » I Reg., i.

Pugnaturi filii Israel contra Philistæos, dixerunt Samueli : « Ne cesses pro nobis clamare ad Dominum, ut salvet nos. » I Reg., vii.

Non placuit Domino, quod filii Israel petierunt super se regem; et tamen dixit Samueli : « Audi vocem corum, » etc. I Reg., viii.

Dixit Samuel ad populum : « Absit a me hoc peccatum, ut cessem orare pro vobis. » I Reg., xii.

David dixit se invenisse cor suum, ut oraret Dominum. II Reg., vii.

Deprecatus est David Dominum pro populo,

et jejunavit, et ingressus seorsum jacuit super terram, *II Reg.*, **xii**. Bonus quidem fuit modus orandi; sed tunc David non fuit dignus exaudiri.

Orans Elias pro pluvia, dixit pueru suo, ut prospiceret contra mare, unde sperabat nubem consurgere pluviosam; sed usque ad septimam vicem nihil penitus apparebat: in quo diuturnitas orationis, et instantia commendatur. *III Reg.*, **xviii**.

Josaphat rex Iuda timore perterritus totum se contulit ad rogandum Dominum; audierat enim quod maxima multitudine gentium vencrat contra eum. *II Paralip.*, **xx**.

Bono usus est consilio Ezechias, auditis nuntiis regis Assyriorum, quando misit ad Isaiam prophetam, dicens: « Fac orationem pro reliquis, quae reperte sunt. » Et ipse metu, ad orandum Dominum, se convertit, et nota quam prudenter oravit. *IV Reg.*, **xix**.

Convertit Ezechias faciem suam ad parietem, ut attentius orare posset, et oravit Dominum, dicens: « Obsecro, Domine, » etc. Flevit itaque Ezechias fletu magno, etc. *IV Reg.*, **xx**.

Miro modo fuit devota, humiliis et efficax oratio Mauasse regis Iuda, sicut patet intuenti in fine secundi libri *Paralipomenon*.

« Jejunavimus, et rogavimus Dominum pro recto itinere et securo; et evenit nobis prospere. » *I Esdr.*, **viii**.

Patet quod in omni loco licet orare: Nehemias enim oravit, dum daret regi bibere; et oravit Deum coeli, cum debuit ad interrogata respondere, *Nehem.*, **ii**. Oraverat etiam valde devote, et humiliiter in primo capite precedenti.

Tobias, auditis duris sermonibus uxoris, cœpit orare cum lacrymis. *Tob.*, **iii**.

Sarra filia Raguelis, audita ab ancilla gravi contumelia, perrexit in superius cubiculum domus sue, et tribus diebus in oratione persistens, cum lacrymis deprecabatur Deum, ut ab illo improposito liberaret eam. *Tob.*, **iii**.

Raphael angelus monuit Tobiam juniores, ne demon haberet potestalem in eum, ut cum accepisset Sarram uxorem, ingressus cubiculum per tres noctes contineret se ab ea, et nihil aliud faceret, nisi quod orationibus utrique vacarent. *Tob.*, **vi**.

Audientes filii Israel potentiam Holofernis, clamaverunt ad Dominum. Eliachim vero summus sacerdos commemorabat eis, quomodo Moyses confidentem in virtute sua Amalec, non

ferro pugnando, sed precibus sanctis orando dejecti. *Judith*, **iv**.

Multum confidebat Judith in orationibus aliorum: unde proponens ire ad Holofernem, dixit presbyteris: « Orate, ut firmum faciat consilium meum Deus. » Et post pauca: « Nihil aliud fiat, nisi oratio pro me ad Dominum Deum nostrum. » *Judith*, **vii**. Similiter, quando debuit amputare caput Holofernis, oravit cum lacrymis ante lectum. *Judith*, **xiii**.

Esther locutura ad regem Assuerum, dixit Mardochæo: « Congrega omnes Iudeos quos in Susia reperieris, et orate pro me. » *Esther*, **iv**. Quam devote et humiliiter oraverit, habetur postea, cap. **xiv**.

De oratione Mardochæi, quomodo deprecatus est Dominum pro se et pro populo, *Esther*, **xiii**. Magnæ reputationis apud Deum fuit oratio Illemeiæ, quando dicebat ei Dominus, *Hiere.*, **xi**: « Noli orare pro populo hoc, et ne assumas pro eis laudem et orationem; » quasi dicat: Nolo te orare sine effectu sequente; nam dicitur postea: « Non enim exaudiām te. »

Azarias stans in medio fornacis, oravit sic: « Benedictus est Deus patrum nostrorum, et laudabilis, » etc. *Dan.*, **iii**.

Non dimisit Daniel propter iniquum regis Darii edictum, quin oraret ter in die Deum suum genibus flexis, sicut antea facere consueverat, *Dan.*, **vi**. Ecce quam pretiosum, et utile orare Deum reputabat.

Intelligens Daniel tempus captivitatis esse completum, instantius oravit pro populo in captivitate detento. Et nota ibi quam humiliiter et quam frequenter oravit. *Dan.*, **ix**.

Videns Susanna omne humanum sibi deesse consilium, recurrit ad orationis suffragium, et oratio sua fuit exaudita, *Dan.*, **xiii**.

Oravit Jonas ad Dominum de utero piscis, et ait: « Clamavi, » etc., *Jon.*, **ii**.

Congregatus est conventus, ut essent parati in prælium, et ut orarent et peterent misericordiam et miserations, *I Machab.*, **ii**. Item, **iv**, Judas commissurus prælium contra Gorgiam dixit: « Benedictus est Salvator Israel, » etc. Item, **vii**, videns Judas exercitum Nicanoris, oravit, et dixit: « Qui missi erant a rege Senacherib, » etc.

In duobus autem præcipuis bellis, non legitur Judas orasse: primo, contra regem Antiochum Eupatorem, et tunc non vicit, sed divertit, *I Machab.*, **vi**; secundo, contra Bacchidem

et Alchimum, et tunc in bello cecidit, I Mach., IX.

Videns Jonathas, quod omnes, exceptis paucis, dereliquerant eum pugnantem contra alienigenas, scidit vestimenta sua, et oravit, et postea victoriam obtinuit, I Mach., XI.

« Nos Judæi, in tribulatione et impetu qui supervenit nobis, oravimus, et exauditi sumus. » Et post pauca: « Orationem faciebant sacerdotes, » etc. II Machab., I.

Sacerdotes ante altare cum stolis sacerdotibus jactaverunt se, et invocabant de cœlo eum, qui de depositis legem posuit, ut iis qui deposuerant ea, salva custodirentur. Universæ etiam mulieres protensis manibus in cœlum deprecabantur. II Machab., III.

Judas Machabeus, et qui cum eo erant, simul deprecabantur Dominum, ut eriperet eos ab impio Nicanore; etsi non propter eos, sed propter testimonium, quod erat ad patres eorum, et propter invocationem sancti et magnifici nominis ejus super impios. II Machab., VIII.

« Orabat scelestus Antiochus Dominum, a quo non esset misericordiam consecuturus. » II Machab., IX.

Nicanor, et qui cum eo erant, cum tubis et canticis admovebant. Judas vero, et qui cum eo erant, invocato Deo per orationes, congressi sunt, manu quidem pugnantes, sed cordibus Dominum orantes, et prostraverunt non minus triginta quinque millia, praesentia Dei magnifice delectati. II Machab., XV.

Brevem et humilem modum orandi habuit ille leprosus: genu flexo oravit Dominum Iesum, dicens: « Domine, si vis, potes me munda. » Matth., VIII; Marc., I; Luc., V. Similem modum orandi, scilicet per modum insinuationis, habuit Centurio, cum dixit: « Domine, puer meus jacet in domo paralyticus, et male torquetur, » Matth., VIII. Item Martha et Maria pro Lazaro iam sepulto, Joan., XI: « Domine, si fuisses hic, frater meus non fuisse mortuus, » etc.

Eliam de eo quod Dominus facere proposuit, vult per nos ipse quandoque rogari. Matth., IX: « Rogate Dominum messis, ut mittat operarios in messem suam. » Statimque sequitur: « Con vocatis, » etc.

« Dimissa turba, ascendit Dominus in montem solus orare, » Matth., XIV. In quo docemur, quod cum orare volumus, turbam debemus fugere, ne turbemur.

Dominus et Salvator noster in Evangelio nos

orare docuit verbo, Matth., VI: « Sic ergo orabis: Pater noster, » etc. Item animavit promisso, Luc., XI: « Petite, et accipietis; querite, et invenietis, » etc.; Joan., XIV: « Si quid petieritis Patrem in nomine meo, hoc faciam. Petite, et accipietis, » etc. Item informavit exemplo: ipse enim, qui poterat imperare, voluit orare, Matth., XIV; et Marc., I; Luc., IX. Specialiter autem instantie persecutione passionis suæ oravit, et orare monuit, Matth., XXVII; Marc., XIV; Luc., XXII: « Vigilate et orate, ut non intretis in temptationem. »

Quando Maria Magdalena veniam obtinuit a Domino dicente: « Remittuntur tibi peccata tua, » nihil vocaliter orasse legitur, sed flevisse, Luc., VII: per quod appareat efficacia mentalis desiderii, etiam sine oratione vocali.

Ad instantiam orationis Dominus nos inducit exemplo amici ad amicum media nocte euntis, Luc., XI; item exemplo viduae, que ab ipso iudice cum importunitate multa judicari petebat, Luc., XVIII.

Ad humiliter orandum, et jactantiam contemnendam, inducit Dominus exemplum de superbo Pharisæo, et humili Publicano, Luc., XVIII.

Post ascensionem Domini in cœlum « reversi sunt discipuli in Hierusalem, et erant omnes perseverantes in oratione unanimiter cum mulieribus, et Maria matre Jesu. » Act., I.

Apostoli volentes unum de discipulis eligere in apostolum loco Jude, « statuerunt duos, Joseph et Matthiam, et orantes dixerunt: Tu Domine, qui nosti corda hominum, ostende quem elegeris. » Act., I.

Omnès fideles in primitiva Ecclesia « perseverantes erant in doctrina apostolorum, et communicatione fractionis panis, et orationibus, » Act., II. Item, III, « Petrus et Joannes ascenderunt in templum, ad horam orationis nonam, ut orarent. »

Cum orassent discipuli unanimiter alta voce, « motus est locus, in quo erant congregati, et repleti sunt omnes Spiritu sancto, et loquebantur verbum Dei cum fiducia. » Act., IV.

« Lapidabant Judæi Stephanum invocantem et dicentem: Domine Jesu, accipe spiritum meum. Positis autem genibus, clamabat voce magna: Domine, ne statuas illis hoc peccatum. » Act., VII.

Petrus et Joannes oraverunt pro illis de Samaria, ut acciperent Spiritum sanctum, Act.,

VIII. « Tunc imponebant manus super illos, et acciebant, » etc.

Saulus ad terram prostratus, et salubriter exercutus, postea surrexit: et in Damascum veniens orare coepit, et fuit tribus diebus non manducans nec bibens. *Act.*, ix.

Cornelius Centurio orat vir religiosus ac timens Deum eum omni domo sua, faciens elemosinas multas plebi, et deprecans Dominum semper, et per hoc dispositus ad fidem. *Act.*, x. Unde sequitur: « Orationes tue et elemosynae ascenderunt in memoriam in conspectu Dei. »

Ascendit Petrus in superiora domus, ut oraret circa horam sextam, ut scilicet posset devotus orare a familia inferius existente remotus. *Act.*, x.

Petrus servabatur in carcere Herodis; « oratio autem siebat sine intermissione ab Ecclesia ad Deum pro eo » *Act.*, xii.

Cum dixisset Spiritus sanctus: « Segregate mihi Saulum et Barnabam in opus ad quod assumpsi eos, » sequitur: « Tunc jejunantes et orantes, imponentesque eis manus, dimiserunt illos. » Et sequitur, quod fecerunt mirabilem fructum. *Act.*, xiii, et deinceps.

Eunte Paulo ad orationem, obviavit ei puella, quae spiritum pythonem habebat; quem Paulus expulit, praecipiens ei in nomine Iesu Christi. *Act.*, xvi.

Recedens Paulus a fratribus de Asia, post pulchros sermones et pia verba, « positis genibus cum omnibus illis oravit; magnus autem fletus factus est omnium (a). » *Act.*, xx.

Orans autem in templo Paulus factus est in stuporem mentis, et vidi Dominum Jesum dicentem sibi: « Festina, et exi cito de Hierusalem, » etc. *Act.*, xvii.

Patre Publili febribus et dysenteria labente, cum orasset Paulus, et imposuisset ei manus, sanavit eum. *Act.*, xxvii.

Apostolus Paulus, qui orandum esse sine intermissione monebat, *I Thess.*, v, hoc ipsum sollicite faciebat, *Rom.*, i: « Sine intermissione memoriam vestri facio semper in orationibus meis. »

Adeo grande et arduum opus est orare, quod ipse Paulus apostolus ad id agendum idonee dicebat se sufficientem non esse, *Rom.*, viii: « Nam quid oremus sicut oportet, nescimus. » Propter quod ipse orationes aliorum frequenter

et humiliter postulabat, *I Thess.*, v: « Fratres, orate pro nobis. »

Petebat autem Paulus orationes fieri, et promalis amovendis, et pro bonis obtinendis. De primo, *Rom.*, xv: « Obsecro vos, fratres, ut adjicietis me in orationibus ad Dominum, ut liberer ab infidelibus, » etc. Quod autem aliorum orationibus erederet se juvari, dicit, *II Cor.*, i: « De tantiis periculis eripuit nos Deus; in quem speramus, quoniam adhuc eripiet, adjuvantibus et vobis in oratione pro nobis. » Quantum ad secundum, scilicet ad bona, quae obtinere per aliorum orationes optabat, dicitur, *Coloss.*, iv: « Orantes pro nobis, ut Deus aperiat nobis ostium sermonis ad loquendum mysterium Christi. » Item, *II Thessal.*, iii: « Fratres, orate pro nobis, ut sermo Dei currat et clarificetur. »

Orabat Paulus pro aliis, ut eos vide, et in eis fructificare posset, *Rom.*, i: « Memoriam vestri semper facio in orationibus meis, observans, si quo modo prosperiter habeam in voluntate Dei veniendo ad vos. » Item, *II Tim.*, i: « Sine intermissione habeo tui memoriam in orationibus meis, nocte ac die desiderans te vide. »

Item, ut Deus eos ad viam salutis vocaret, *II Thessal.*, i: « Oramus semper pro vobis, ut dignerat vos vocare vocatione sua sancta Deus vester, et implete, » etc.

Item, ut ipsi semper de bono in melius proficerent, *Philipp.*, i: « Hoc oro, ut caritas vestra magis ac magis abundet. »

Item, ut plenitudinem divinæ cognitionis haberent, *Coloss.*, i: « Non cessamus pro vobis orantes et postulantes, ut impleamini agnitionem voluntatis ejus. »

Apostolus Jacobus orationem dicit valere pro obtinenda corporali salute, *Jac.*, v: « Oratio fidei salvabit infirmum. »

Item pro æterna, que est salus simpliciter, et una, *Jac.*, v: « Orate pro invicem, ut salvemini. »

CAPUT XVII.

De lacrymis, sive fletu.

Flevit Agar longe ab Ismaele sedens, nec voluit videre puerum morientem. *Gen.*, xxi.

Ejulata magno flevit Esau, ut benedictionem patris haberet. *Gen.*, xxvii.

Venit Abraham, ut « plangeret et fleret » Sarum uxorem suan defunctam. *Gen.*, xxiii.

(a) *Cæl. edit. omnibus.*

« Elevata voce flevit » Jacob, postquam reconoverat Rachel consobrinam suam. *Genes.*, **xxix.**

« Stringens » Esau « collumi » Jacob, « et osculans » eum, « flevit. » *Gen.*, **xxxii.**

« Scisis vestibus » Jacob « induitus est cilicio, lugens filium suum Joseph multo tempore. » *Gen.*, **xxxvii.**

« Commota » fuerunt « viscera ejus super fratre suo » Benjamin, et eruperunt « lacrymæ, et introiens cubiculum flevit. » *Gen.*, **xliii.** « Elevavit vocem Joseph cum fletu, et dixit fratribus suis : Ego sum Joseph. » *Gen.*, **xlvi.** Flevit etiam idem Joseph super patre suo mortuo, *Gen.*, **1.** et tandem flevit, fratibus eum rogantibus, ut oblivisceretur peccati commissi, *ibid.*

« Vulgus (a) promiscuum, quod ascenderat ex Aegypto, flagravit desiderio carnium, sedens et flens, et ait : Quis dabit nobis carnes ad vescendum ? » *Num.*, **xi.** « Vociferans omnis turba flevit, et murmurati sunt dicentes : Utinam mortui essemus in Aegypto ! » *Num.*, **xiv.**

« Omnis multitudo videns occubuisse Aaron, flevit super eo triginta diebus. » *Num.*, **xx.**

« Filii Israel » mortuum Moysen « fleverunt triginta diebus. » *Deuter.*, **xxxiv.**

« Angelus Domini venit ad locum flentium, » et improperaverit filiis Israel beneficia quæ a Deo receperant, et peccata quæ commiserant; et « elevaverunt vocem, et fleverunt. » *Judic.*, **ii.**

Pugnantes filii Israel contra filios Benjamin, fleverunt coram Domino. *Judic.*, **xxiii.** Et postmodum obtenta victoria, fleverunt pro destructione fratrum suorum. *Ibid.* **xxi.**

Recedente Noemi, nurus sue flere coepérunt. *Ruth.*, **i.**

« Oravit » Anna Deum, « flens largiter. » *Reg.*, **i.**

Audita obsidione Jabel Galaad, levaverunt vocem filii Israel, et fleverunt. *Reg.*, **xi.**

« Lugebat Samuel Saulem, quoniam Dominum pœnitiebat, quod constituisset eum regem. » *Reg.*, **xv.**

David et Jonathas, « osculantes se, fleverunt pariter. » *Reg.*, **xx.**

Saul audiebat vocem David, qui pepercerat ei, elevata voce flevit. *Reg.*, **xxiv.**

Vidit David civitatem Siceleg esse succensam, et homines adductos inde captivos, et « planxerunt » ipse et populus, qui erat cum eo, « donec deficerent in eis lacrymæ. » *Reg.*, **xxx.**

(a) *Cat. edit. deest* Vulgus. — (b) *Vulg.* Ilazaelem, et sic deinceps.

Planxit David super Saul et Jonathan, et alios interfectos. *Reg.*, **i.**

David et omnis populus fleverunt super Abner, quem occiderat Joab. *Reg.*, **iii.**

Noluit David flere pro filio parvo mortuo, et tamen fleverat pro infirmo. *Reg.*, **xii.**

Quamvis Absalon se exhibuerat pessimum erga patrem, tamen David flevit eum miserabilitate mortuum. *Reg.*, **xviii.**

Eliseus videns Azaelem (b) coram se, coepit flere propter mala, quæ facturus erat filii Israël, cum ille esset futurus rex Syrie. *Reg.*, **viii.**

« Flevit Ezechias fletu magno, » orans Domum propter mortem, quam sibi de proximo imminere putabat. *Reg.*, **xx.**

Cum audisset Josias rex Juda communiones scriptas in libro Legis Domini propter peccata, « scidit vestimenta sua, » et flevit, et multum Deo placuit. *Reg.*, **xxii.**

Quando reædificabatur templum ab iis qui redierant de Babylone, non poterat quisquam agnoscere clamores letantium, et vocem fletus populi. I *Esd.*, **iii.**

Orante Esdra, et flente propter commixtio-nem gentilis populi cum Judeis, « collectus est ad eum cœlus grandis virorum ac mulierum, et flevit populus multo fletu. I *Esd.*, **x.**

Cum audisset Nehemias miserabilem statum civitatis Hierusalem, flevit diebus multis, et jejunabat et orabat ante faciem Dei cœli. *Nehem.*, **i.**

Legente Esdra « distincte et aperte ad intelligendum » verba legis, « flebat omnis populus, cum audiret verba legis. » *Nehem.*, **viii.**

Tobias manducavit panem cum luctu et timore, quia scilicet corpus jugulati proximi in domo habebat, quod nocte sepelire volebat. *Tob.*, **ii.**

Idem postea, auditis sermonibus uxoris, « ingemuit, et coepit orare cum lacrymis. » *Tob.*, **iii.**

Sarra filia Raguelis, audita ab ancilla gravi contumelia, « oravit Dominum cum lacrymis, ut ab illo improposito liberaret eam. » *Tob.*, **iv.**

Cum recessisset a parentibus suis Tobias junior, « coepit flere mater ejus, et dicere : baculum senectutis nostre tulisti, » etc. *Tob.*, **v.**

Moram faciente Tobia, « flebat mater ejus irremediabilibus lacrymis, atque dicebat : Heu me, fili mi, ut quid te misimus peregrinari, lumen oculorum nostrorum? » etc. *Tob.*, **x.**

Raguel cognoscens Tobiam juniores, cum

lacrymis osculatus est eum, et ploravit super collum ejus. » *Tob.*, vii.

Veniens Gabelus ad domum Raguelis, et videns Tobiam juniorem discubentem, « flevit, et benedixit Deum. » *Tob.*, ix.

Exurgens cæcus Tobias occurrit filio redeunti, et « suscipiens osculatus est eum cum uxore sua, et coperunt flere pro gaudio. » *Tob.*, xi.

Cum exposuisset Achior omnia, que dixerat Holopherni, omnis populus « communī lamentatione et fletu unanimes preces Domino effuderunt, » *Judith*, vi. « Factus est fletus et ululatus magnus in ecclesia, et per multas horas una voce clamaverunt ad Deum, dicentes : Peccavimus cum patribus nostris, » etc. *Judith*, vii. Item, xiii : « Stetit Judith ante lectum Holophernis, orans cum lacrymis, » ut Deus id quod cogitaverat, perficere digquaretur.

« Cum audisset Mardochæus » iniquam sententiam contra Judeos prolatam, « scidit vestimenta sua, et indutus est sacco spargens cinereum capiti, » et cum ejulata clamaans animi sui amaritudinem ostendebat. « In omniaibus quoque provinciis, ad quas crudele regis dogma pervenerat, planctus ingens erat apud Judeos, jejunium, ululatus, et fletus. » *Esther*, iv.

Postquam Aman vidit Mardochæum tam magnifice honoratum, « festinavit ire in domum suam lugens, et operio capite. » *Esther*, vi.

Sanctus Job flebat pro miseriis propriis, *Job*, xxx : « Versa est in luctum cithara mea, et organum meum in vocem flentium. » Cujus fletus vehementer appetet per hoc, quod dixerit, xvi : « Facies mea intumuit a fletu, et palpebrae meæ caligaverunt. » Item flebat pro miseriis alienis, *Job*, xxx : « Flebam quondam super eo qui afflictus erat, et compatiebatur anima mea pauperi, et post moerens incedebam, » etc.

Rex et propheta David habebat de lacrymis suis lavacrum, *Psal.* vi : « Lavabo per singulas noctes lectum meum, » etc. Item cibum, *Psal.* xli : « Fuerunt mihi lacrymæ meæ panes die ac nocte, » etc. Item potum, *Psal.* lxxix : « Potum dabis nobis in lacrymis in mensura. » Idem, ci : « Potum nium cum fletu miscebamus. » Versus :

Huic (a) lacrymæ, lavacrum, panis, potusque fuerant.

Plorabat etiam David, vitam suam recolendo, *Psal.* lv : « Deus, vitam meam annuntiavi tibi : (a) Cæt. edit. Huic.

posuisti lacrymas meas in conspectu tuo. » Item, cœlestis patriæ recordando, *Psal.* cxxxvi : « Super flumina Babylonis, illic sedimus et flessimus, » etc. Interdum orando, *Psal.* xxxviii : « Exaudi, Deus, orationem meam et depreciationem meam ; auribus percipe lacrymas meas. » Item, vi : « Exaudivit Dominus vocem fletus mei, » etc. Item, Deum adorando, *Psal.* xciv : « Venite adoremus, et procidamus ante Deum : ploremus coram Domino, qui fecit nos. »

Videns Isaias destructionem populi sui dicebat : « Recedite a me, amare flebo : nolite in cumbere ut consolemini me. » *Isa.*, xxii.

Dixit Hieremias : « Audite, et auribus percipite, nolite elevari, etc. Quod si hoc non audiatis, in abscondito plorabit anima mea. » *Hierem.*, xiii. Copiosi autem fletus in ipso signa erant multa lacrymæ, *Hierem.*, ix : « Quis dabit capiti meo aquam, et oculis fontem lacrymarum ? » etc. Fens raro, vel nunquam siccatur. Item multi gemitus, *Thren.*, i : « Idecir ego plorans, et oculus meus deducens aquam, » etc. Sequitur : « Multi enim gemitus mei, et cor meum morens. » Item clamosi singultus, *Thren.*, iii : « Divisiones aquarum deduxit oculus meus, » etc. Sequitur : « Ne avertas aurem tuam a singultu meo et clamoribus. » Item oculorum defectus, *Thren.*, ii : « Defecerunt præ lacrymis oculi mei, conturbata sunt viscera mea, » etc.

« Ego Daniel lugebam trium hebdomadarum diebus; panem desiderabilem non comedи, et caro et vinum non introierunt in os meum, » etc. *Dan.*, x.

Flebant amici Susannæ, cum viderent presbyteros adversus eam testimonium prolaturos, et ipsa etiam « flens suspexit ad cœlum : erat enim cor ejus, » etc. *Dan.*, xiii.

Antiochus fecit in Hierusalem cædem magnam hominum, « et factus est planctus magnus in Israel. Omnis maritus assumpsit lamentum, et quæ sedebant in toro maritali lugebant. » *I Machab.*, i.

Planxit omnis Israel « planctu magno » pro morte Mathathias, *I Machab.*, ii.

« Fleverunt omnes de Israel Judam Machabæum fletu magno, et lugebant ipsi dies multos, dicentes : « Quomodo cecidit potens, qui salvum faciebat Israel ? » *I Machab.*, ix.

Interfectis a Tryphone Jonatha et duobus liberis ejus cum mille viris, quos retineruerat sibi, « luxit Israel luctu magno, » *I Mach.*, xii et xiii.

« Contristatus est animo Antiochus propter mortem Onias, et flexus ad misericordiam lacrymas fudit, recordatus defuncti sobrietatem et modestiam, » *Il Mach.*, iv.

Occisis bimis pueris per Herodem, « impletum est quod dictum est per Hieremiam prophetam : Vox in Rama auditu est, ploratus et ululatus, » etc. *Matt.*, ii.

Pater pueri lunatici « exclamans cum lacrymis aiebat : « Credo, Domine, adjuva incredulitatem meam, » *Marc.*, ix.

Maria Magdalena legitur flevisse pro peccatis suis ad pedes Domini, *Luc.*, vii; secundo pro morte fratris, *Joan.*, xi; tertio pro passione Domini Jesu Christi, *Joan.*, xxi.

Salvator noster invenitur tribus vicibus lacrymas effudisse : 1. super Lazarum, quem ad hanc mortalem vitam revocabat, *Joan.*, xi; 2. super civitatem Hierusalem, quam pro pecato ruituram sciebat, *Luc.*, xix; et 3. in cruce, quando seipsum pro peccatis mundi hostiam offerebat, *Heb.*, v : « Preces cum clamore valido et lacrymis offerens, » etc.

Petrus, post negationem trinam Domini, « egressus foras flevit amare. » Sed nota quod Lucas præmisit, dicens : « Respxit Dominus Petrum, » *Luc.*, xxxii.

Euntem Dominum ad crucem, « sequebatur turba multa populi et mulierum, que plangebant, et lamentabantur eum, » *Luc.*, xxiii.

Paulus Apostolus cum lacrymis Domino serviebat; ait enim, *Act.*, xx, cum valediceret fratribus de Asia : « Vos scitis qualiter vobis cum per omne tempus fuerim, serviens Domino cum omni humilitate et multis lacrymis. »

Item, cum lacrymis proximos admonebat, et ipsos ad lacrymas provocabat, *Act.*, xx : « Per triennium nocte et die non cessavi cum multis lacrymis monens unumquemque vestrum, » etc. Sequitur : « Magnus autem factus est fletus omnium, etc.

Item cum lacrymis epistolas suas scribebat, *Il Cor.*, ii : « Ex multa tribulatione et angustia cordis scripsi vobis per multas lacrymas. » Item, *Philipp.*, iii : « Multi ambulant, quos sæpe dicebam vobis, nunc autem et flens dico, inimicos crucis Christi, » etc.

Item cum lacrymis orabat, *Act.*, xx : « Positum genibus suis cum omnibus illis, quibus loquebatur, oravit; magnus autem factus fletus est omnium. » *Rom.*, vii : « Spiritus postulat pro nobis (a), » id est, postulare nos facit,

« gemitibus inenarrabilibus : » tales autem gemitus non solent esse sine fletu.

« Cum advenisset » Petrus in Joppem, « circumsternerunt eum omnes viduæ flentes, et ostendentes tunicas et vestes, quas faciebat illis Dorcas, » *Act.*, ix.

CAPUT XVIII.

De Juramento.

Dixit Abimelech ad Abraham : « Dominus tecum est in universis, qua agis : jura ergo mihi ne noceas mihi, » etc. « Dixitque Abram : Ego jurabo, » etc., *Gen.*, xxi.

Jacob et Laban inierunt fœdus, et « juravit Jacob per timorem patris sui Isaac, » *Gen.*, xxxi.

« Moyses juravit quod habitaret cum Jethro, et accepit Sephoram filiam ejus uxorem, » *Exod.*, ii.

Pepigit Jonathas fœdus cum domo David, et juraverunt ambo, *I Reg.*, xx.

Audiens David duritiam Nabal, ait : « Hoc faciat Deus inimicis David, et hoc addat, si reliquero de omnibus quæ ad eum pertinent usque mane, mingentem ad parietem, » *I Reg.*, xxv.

Flente (b) David pro morte Absalon filii sui, dixit Joab : « Surge et procede, et alloquens satisfac servis tuis. Juro enim tibi per Dominum, quod si non exieris, ne unus quidem remansurus sit tecum nocte hac. » *II Reg.*, xix.

David « juravit » Bethsabeæ matri Salomonis, quod Salomon regnaret post eum, *III Reg.*, i.

Rex Salomon, audita petitione matris pro Adonia, juravit per Dominum, dieens : « Hoc faciat mihi Deus, et hoc addat, quod contra animam suam locutus est Adonias verbum hoc. » *III Reg.*, ii.

Dixit Elias Thesbites ad Achab regem Israel : « Vivit Dominus Deus Israel, in cuius conspectu sto, si erit annis iis ros et pluvia, nisi juxta oris mei verba. » *III Reg.*, xvii.

Benadad rex Syriae indignatus ad responsionem Achab, ait : « Hoc faciant mihi dii, et hoc addant, si sufficerit pulvis Samariæ pugillis omnis populi, qui sequitur me. » *III Reg.*, xx.

« Dixit Elias ad Eliseum : Sede hic, quia Dominus misit me usque in Bethel. Cui ait Eliseus : Vivit Dominus, et vivit anima tua, quia non derelinquam te. » *IV Reg.*, ii.

(a) *Cat. edit.* vobis. — (b) Item Flentem.

« Nabuehodonosor juravit per thronum suum, quod defenderet se, » *Judith*, I.

- Rex Antiochus filius Antiochi misit ad Judæos pacem facere, « et juravit illis rex et princeps. » Sequitur : « Et rupit citius juramentum. » *I Machab.*, vi.

Herodes Tetrarcha juravit filiæ Herodiadis : « Quidquid petieris, dabo tibi, licet dimidium regni mei. » *Marc.*, vi.

Petrus dicentibus sibi : « Et tu ex illis es, nam et loqua tua manifestum te facit; » cœpit detestari, et jurare, quia non novisset hominem. *Matt.*, xxvi.

Apostolus Paulus multotiens legitur jurasse in Epistolis suis. *I Cor.*, xv : « Quotidie morior per vestram gloriam fratres. » Item, *II Cor.*, xi : « Deus et Pater Domini Iesu Christi scit, quia non mentior. » Item, *Galat.*, 1 : « Ecce coram Deo, quia non mentior. » *Rom.*, 1 : « Testis est mihi Deus, cui servio. » Item, *I Cor.*, 1 : « Testem Deum invoco in animam meam. »

CAPUT XIX.

De sabbati observatione.

Observatio sabbati originem trahit ex eo, quod dieitur, *Gen.*, 11 : « Benedixit Deus dici septimo, et sanctificavit illum, quia in ipso requievit ab omni opere suo, » etc.

Sexta die filii Israel in deserto colligebant manna duplice quantitate, ut die sabbati vacarent ab omni opere. *Exod.*, xvi.

Inter præcepta decalogi solius mandati de sabbati observatione ratio redditur, quia minus de ratione apud carnales homines habere videbatur. *Exod.*, xx.

Præceptum de observatione sabbati frequenter repetitur in lege, ut homo illud diligenter observet, et ut veram requiem adipisci laboret.

Die sabbati offerabantur duo agni; diebus aliis, unus tantum, nisi in solemnitatibus et calendis, ad designandum, quod in festis abundantius Deum laudare debemus. *Num.*, xxviii.

Homo deprehensus colligere ligna in sabbato, fuit precepto Domini lapidatus a toto populo. *Num.*, xv.

Videns Nehemias homines torcularia caleantes, et onera portantes, et venalia in sabbatis, objurgavit eos tanquam diem sabbati profanantes. *Nehem.*, III.

Gentiles ex parte Antiochi constituerunt prælia in diebus sabbatorum adversus quosdam,

qui fugerant de Judæa : at illi non miserunt lapidem, nec oppilaverunt loca occulta, dicentes : « Moriamur omnes in simplicitate nostra. » *I Machab.*, II. De quibus est advertere, quod licet erga mandatum Domini devotionem ostenderent; tamen attendentes postea quod per hoc populus Domini dispergi poterat, cogitaverunt saniori consilio, dicentes : « Omnis homo quicumque venerit ad nos die sabbatorum, pugnemus adversus eum. » Non enim videtur opus servile, pugnare pro vita tuenda, vel pro lege Dei.

Machabeus Judas, et socii sui pugnantes contra Nicanorem et exercitum suum, interfecerunt super novem millia hominum, cœteros autem fugere compulerunt; sed non perseveraverunt perseguentes, eo quod erat ante sabbatum. *II Machab.*, VIII.

Nicanor cogitavit eum omni impetu die sabbati bellum committere; sed Judæi qui eum per necessitatem sequebantur, dixerunt ei : « Ne ita ferociter ac barbare feceris, sed honorem tribue diei sanctificationis. » *II Machab.*, XV.

Discipulis Domini vellentibus spicas, et manducantibus, dixerunt Pharisæi : « Ecce faciunt, quod non licet facere sabbatis. » At ille dixit eis : « Non legistik, quid fecerit David, » etc. Sequitur : « Dominus est Filius hominis etiam sabbati. » *Matt.*, XII.

Salvator noster legitur in sabbatis multa fecisse miracula, ut patet per omnia Evangelia. Cujus causa, vel ratio triplex assignari potest : una, ut se Dominum legis ostenderet, *Matt.*, XII : « Dominus est filius hominis etiam sabbati, » *Luc.*, VI. Secunda, ut veram intelligentiam illius præcepti daret, quia non ab omni opere est cesandus, *Matt.*, XII : « Itaque licet sabbatis benefacere. » Tertia, ut plus homines audientes eum, et videntes ædificaret, *Luc.*, XIII.

Cum curasset inclinatam mulierem, archisynagogus indignatus, quia sabbato curaret, dicebat turba : « Sex dies sunt, » etc. *Luc.*, XIII.

Mulieres saepe paraverunt aromata ad inungendum corpus dominicum, et ita districte servabant sabbatum, ut tali die nolent tam sanctum opus facere, *Luc.*, XXIII : « Et sabbato quidem siluerunt, secundum mandatum. »

Sabbato requievit Dominus in sepulchro. *Luc.*, XXIII; *Ioann.*, XIX.

Dies sabbati erat apta specialiter, et conveniens ad audiendam legem Dei. *Act.*, XIII : « Voces prophetarum, quæ per omne sabbatum

leguntur. » Item, xvi: « Die sabbatorum loquebamur mulieribus, quae convenerant. »

CAPUT XX.

De reverentia templo exhibenda.

« Locutus est Dominus ad Moysen, dicens: Facies labium æneum ad lavandum, et missa in eo aqua lavabunt Aaron et filii ejus manus suas in eo, et pedes, quando ingressuri sunt tabernaculum testimonii. » *Exod.*, xxx.

Non licebat, nisi paucis, intrare tabernaculum, nec vasa ejus tangere, sicut appareat, *Num.*, iv.

Diligentior et ferventior fuit Salomon in aedificatione templi Dei, quam in aedificatione domus propriae: nam dominum Dei complevit septem annis; dominum vero suam tredecim annis. Item citius cœpit aedificare templum, quam dominum suam. *III Reg.*, vi et vii.

Magnam solemnitatem fecit Salomon dedicationis templi. *III Reg.*, viii.

Præcepit Joiada pontifex, ut Athalia educeretur extra templum, et non occideretur in templo Domini. *IV Reg.*, xi.

Magnam curam videbatur habere Dominus de templo, qui præcepit Cyro, ut aedificaret sibi dominum in Jerusalem; intelligitur de templo materiali, sicut patet in textu, *I Esdr.*, i. Et hoc ipsum prædixerat Isaia ante, quasi per ducentos annos. *Isa.*, xlvi.

Reversi de babylonica captivitate Judæi primo cœperunt aedificare templum, quam muros civitatis Hierusalem, licet vicinos haberent inimicos, de quibus die noctuque timebant. *I Esdr.*, iii.

Commendatur Tobias, quoniam in Hierusalem ad templum Domini veniebat, et ibi adorabat Dominum. *Tob.*, i.

Obtenta victoria de inimicis, qui contaminaverant templum, dixit Judas ad fratres ejus, antequam de dominis propriis aliquam facerent mentionem: « Ecce contriti sunt inimici nostri; ascendamus nunc mundare sancta et renovare. » *I Mach.*, iv.

Rex Demetrius statuit, ut quicumque confugerint in templum, quod est Hierosolymis et in omnibus finibus ejus, obnoxii regi, in omni negotio dimittantur. *I Mach.*, x.

Euntibus Judæis ad bellum contra Nicanoris exercitum erat pro uxoribus et filiis, item pro fratribus et cognatis minor sollicitudo, maxi-

mus vero et primus pro sanctitate timor erat templi. *II Mach.*, xv.

Quadragesimo die voluit Dominus in templum deferri. *Luc.*, ii.

Item duodecim annorum factus, disputans in templo fuit inventus. *Luc.*, ii.

Postea de templo vendentes et ementes plures ejeicit. *Matt.*, xxi; *Luc.*, xix; *Joan.*, ii.

Item in templo frequenter docuit, et miracula plura fecit. *Matt.*, xxi; *Marc.*, xi; *Luc.*, xx; *Joan.*, vii.

Arguit Dominus Phariseos, quia dicebant aurum templi sanctius templo. *Matt.*, xxiii.

Recepto Spiritu sancto, Petrus et Joannes ascendebant in templum ad horam orationis nonam; et tunc factum est primum sanationis miraculum, quod factum fuerit post ascensionem Domini: *Act.*, iii.

Angelus Domini per noctem aperuit januas carceris, et educens apostolos, dixit: « Ite, et stantes loquimini in templo plebi omnia verba vitæ hujus. » *Act.*, v.

Commendatur eunuchus ille reginæ Æthiopum, quia de Æthiopia venit adorare in Hierusalem, *Act.*, viii; sed vero quod etiam sedens in curru legebat Isaiam prophetam: quod est contra multos, qui eunt ad loca sancta, non legunt vel referunt sacra documenta, sed multiplicant vanæ verba. *Act.*, viii.

Quamvis Judæi gravi odio et furore perseverent Paulum, tamen in templo noluerunt occidere eum; sed traxerunt eum extra tempulum, ut foris occiderent eum. *Act.*, xxi.

CAPUT XXI.

De adoratione et cultu Dei.

« Factum est, ut offerret Caim de fructibus terre munera Domino. Abel quoque obtulit de primogenitis gregis sui, et de adipibus eorum. Et respxit Dominus ad Abel, et ad munera ejus; ad Caim autem, et ad munera ejus non respxit. » *Gen.*, iv.

Enos filius Seth « cœpit invocare nomen Domini, » *Gen.*, iv. Ædificavit Noe altare Domino, et tollens de cunctis pecoribus et volucribus mundis, obtulit holocaustum. Odoratus est Dominus odorem suavitatis. » *Gen.*, viii.

« Apparuit Dominus Abraham in terra Chanaan, et dixit ei: Semini tuo dabo terram hanc. Qui aedificavit ibi altare Domino, qui apparuit ei. » *Gen.*, xii.

« Cum elevasset oculos Abraham, apparuerunt ei tres viri stantes prope eum; quos cum vidisset, adoravit in terra, et dixit: Domine, si inveni gratiam in oculis tuis, ne trānseas servum tuum, » etc. *Gen.*, xviii.

Paratus fuit Abraham offerre unicum filium suum Isaac Domino holocaustum; sed Domino aliter providente, arietem loco illius obtulit. *Gen.*, xxii.

Dominus apparuit Isaiae in Bersabee, dicens: « Noli timere, quia ego tecum sum, etc. Itaque ædificavit ibi altare, » etc. *Gen.*, xxvi.

« Locutus est Dominus ad Jacob dicens: Surge, et ascende Bethel, et habita ibi; facque altare Domino, qui apparuit tibi, quando fugiebas Esau fratrem tuum, » etc. *Gen.*, xxxv.

« Audierunt » filii Israel, « quod visitasset eos Dominus, et quod respexisset afflictionem illorum: et proni adoraverunt. » *Exod.*, iv.

Postquam locutus est Dominus ad Moysen de religione Phase, et percussoне primogenitorum Ægypti, sequitur: « Incurvatus populus adoravit. » *Exod.*, xii.

Jethro dixit Moysi: « Präesto populo in iis, quæ ad teum pertinent, ut referas quæ dicuntur ad eum, ostendasque populo ceremonias et ritum colendi. » *Exod.*, xviii.

Moysi dixit Dominus: « Ascende in montem tu, et Aaron, Nadab et Abiu, et septuaginta sacerdos Israel, et adorabis proœcul. » Et post pauca: « Oblulerunt holocausta, immolaveruntque victimas pacificas Domino vitulos. » *Exod.*, xxiv.

Præcipit sibi fieri Dominus tabernaculum cum variis utensilibus, et ministros ac ministeria ordinari ad cultum ipsius, *Exod.*, xxv, et deinceps in multis capitulis.

Primum præceptum Deæalogi est: « Non habebis deos alienos; non facies tibi sculptile, etc. Non adorabis ea, neque coles. » *Exod.*, xx; et *Deuter.*, vi: « Dominum Deum tuum timebis, et ipsi soli serveis, » etc.

Angelus Domini ad patrem Samsonis ait: « Si vis holocaustum facere, offer illud Domino. » *Judic.*, xiii.

Hælecanus pater Samuelis « ascendebat de civitate sua statutis diebus, ut adoraret et sacrificaret Domino Deo exercituum in Silo. » *I Reg.*, i.

« Erat peccatum » filiorum Heli grande nimis coram Domino, quia retrahabant homines de sacrificio Domini. » *I Reg.*, ii.

« Cum Samuel offerret holocaustum Domino » pro populo, « Philistæi inierunt prælium contra

Israel. Intonuit autem Dominus fragore magno super Philistæos, et exterruit eos, et cæsi sunt a filiis Israel. » *I Reg.*, vii.

Rex David sollicite cultum Dei in eantoribus et sacerdotibus studuit ampliare, sicut appareat, *I Paralip.*, xv, xvi, xxiii, xxiv; et *Ezech.*, xlvi: « In omni opere, » etc.

Abit Salomon, ut immolaret Domino in Gabaon: mille hostias in holocaustum obtulit ibi. « Apparuit autem ei Dominus per somnum, » etc. *III Reg.*, iii.

Salomon, ædificato templo, « stetit ante altare Domini in conspectu Ecclesie Israel, et expandens manus suas in cœlum, » utrumque genu flexit, et adoravit. *III Reg.*, viii.

Reversi filii de Israel (a) caplitavite Babylo- nis, « legerunt in volumine legis Dei sui, quater in die, et quater in nocte confitebantur, et adorabant Dominum Deum suum. » *Nchem.*, ix.

« Cum irent omnes » filii Israel « ad vitulos aureos, » Tobias « fugiebat consortia eorum, et pergebat in Hierusalem ad templum Domini, et ibi adorabat Dominum Deum Israel. » *Tob.*, i.

Cum audivisset Job nuntiorum verba dicentium sibi perditionem rerum suarum, « surrexit, et corruens in terram, adoravit, et dixit: Nudus egressus sum ex utero matris meæ, » etc. *Job*, i.

Quamvis esset prohibitum, quod nullus aliquid petret ab aliquo deo, vel hounine, usque ad triginta dies, nisi a solo Dario; tamen Daniel « tribus temporibus in die flectebat genua sua » in cœnaculo suo, « et adorabat, confitebaturque eoram Domino Deo suo. » *Dan.*, vi.

Magi « intrantes domum, invenerunt puerum cum Maria matre ejus, et procidentes adoraverunt eum, » etc. *Matth.*, ii. Ecce mira humiliatis devotione; quid ergo debent facere Christiani Domino jam regnanti, si sic fecerunt Gentiles Domino vagienti?

« Cum descendisset Jesus de monte, ecce leprosus veniens, genu flexo » adoravit « dicens: Domine, si vis, potes me mundare. » *Matth.*, viii; *Marc.*, i.

Cæcus natus, a Domino Iesu illuminatus, « procidens adoravit eum. » *Joan.*, ix.

Videntes Dominum discipuli post resurrectionem suam, « adoraverunt; quidam autem dubitaverunt. » *Matth.*, xxviii.

Sacerdotes et populi de civitate Lystræ, reputantes deos Paulum et Barnabam, volebant sacrificare eis, quod illi prohibuerunt omnino. *Act.*, xiv.

(a) Cœt. edit. add. de.

Postquam audisset et vidisset beatus Joannes mirabiles Dei revelationes, cecidit, ut adoraret ante pedes angeli, qui ei hoc ostendebat; et dixit ei : « Vide ne feceris; Deum adora, » etc. *Apoc., xxii.*

CAPUT XXII.

De idolatria.

« Videns populus quod moram faceret descendendi de monte Moyses, congregatus adversus Aaron dixit : Fac nobis deos, qui nos præcedant. » *Exod., xxxii.*

« Fornicatus est populus » filiorum Israel « cum filiabus Moab, que vocaverunt eos ad sacrificia sua. At illi comedenterunt, et adoraverunt deos eorum. » *Num., xxv.*

Mortuo Josue filio Nave, filii Israel « fecerunt malum in conspectu Domini, et serviebant Baalim » et Astaroth, « et dimiserunt Dominum Deum patrum suorum. » *Judic., II.*

« Fornicatus est omnis Israel » in Ephod, quod fecerat Gedeon. *Judic., VIII.*

Item de Salomone dicitur : « Depravatum est cor ejus per mulieres, ita ut sequeretur deos alienos, nec erat perfectum cor ejus, » etc. *III Reg., XI.*

« Excogitato consilio, » Jeroboam « fecit duos vitulos aureos, et dixit : Ecce dii tui, Israel, qui eduxerunt te de terra Ægypti. » *III Reg., XII.*

« Edificaverunt » viri de Juda « aras, et statuas et lucos, super omnem collem excelsum, et subter omnem arborem frondosam. » *III Reg., XIV.*

« Non suffecit » Achab regi Israel, « ut ambularet in peccatis Jeroboam; sed insuper servivit Baal, et adoravit eum. » *III Reg., XVI.*

Achaz rex Juda « ambulavit in via regum Israel: insuper et filium suum consecravit, transferens per ignem. » *IV Reg., XVI.*

Translati filii Israel in Assyrios, collocatae sunt diversæ gentes in civitatibus Samariæ, et unaquæque fecit deum suum; et cum Dominum colerent, diis quoque suis serviebant juxta consuetudinem Gentilium. *IV Reg., XVII.*

Confusus et vituperatus Sennacherib rex Assyriorum, « reversus est » in Niniven ab impugnatione Ezechiae regis Judeæ; « cumque adoraret in templo Nesroch, filii ejus percuserunt eum gladio, et fugerunt. » *IV Reg., XIX.*

Manasses rex Juda « erexit omnes aras Baal,

et adorabat omnem militiam cœli, et coluit eam, » etc. *IV Reg., XXI.*

Holopernes indignatus contra Achior, qui commendaverat potentiam Dei Hebræorum, dixit, quod ostenderet ei, quod non esset Deus, nisi Nabuchodonosor. *Judith, V.*

« Nabuchodonosor fecit statuum auream, » et præcepit, ut omnes populi, tribus et lingue, cadentes adorarent eam. *Dan., III.*

Darius rex Persarum proposuit edictum, quod nullus infra triginta dies peteret aliquid a quocumque deo, vel homine, nisi ab ipso rege Dario. *Dan., VI.*

Erat idolum in Babylone, quod rex quotidie adorabat; quod cum Daniel subvertisset, Babylonii adoraverunt draconem. *Dan., XIV.*

Antiochus « jussit edificare aras et templa et idola, et immolari carnes suillas, et relinquare filios suos incircumcisos. » *I Mach., I.*

Sacerdotes et populus de civitate Lystræ, reputantes deos Paulum et Barnabam, voluerunt sacrificare eis; quod illi prohibuerunt omnino. *Act., XIV.*

Cum Paulus maneret Athenis, « incitabatur spiritus ejus in ipso, videns idolatriæ dedicatum civitatem, » *Act., XVII.*

CAPUT XXIII.

De blasphemia contra Deum.

Filius mulieris Israelitidis præcepto Domini lapidatus fuit in deserto pro eo, quod nomen Domini blasphemavit, *Levit., XXIV.*

Dixit Heli filius suis : « Si peccaverit vir in virum, placari potest ei Dominus. Si autem in Dominum peccaverit, quis orabit pro eo? » *I Reg., II.*

Nathan propheta multum exaggerabat peccatum David, ex eo quod blasphemare fecerat inimicos nomen Domini, *II Reg., XII.*

Vir Dei dixit ad regem Israel : « Quia dixerunt Syri ; Deus montium est, et non est Deus vallium ; dabo omnem multititudinem hanc grandem in manu tua. » *III Reg., XX.*

Videtur quod majus peccatum nesciverit exegitare nequissima Jezabel adversus Naboth, quam blasphemiam, quam fecit illi imponi, *III Reg., XXI.*

Multum displicuerunt Deo blasphemiae, quas dixerunt servi Sennacherib regis Assyriorum; unde percussit Dominus centum octoginta milia de exercitu suo, *IV Reg., XIX.*

Non expedit simplices homines circa blasphemiam infidelium disputare : propter hoc prohibuit Ezechias, ne populus Rapsaci blasphemio aliquid responderet. IV Reg., xviii, Isa., xxxvi.

Holopernes indignatus, eo quod Achior potentiam Dei cœli commendaverat, dixit ad eum : « Quoniam prophetasti, quod gens Israël defendatur a Deo suo ; ut ostendam tibi, quia non est Deus, nisi Nabuchodonosor, cum percusserimus eos omnes, quasi hominem unum, » etc., Judith., vi.

Cum argueret Hieremias populum pro eo, quod sacrificabant omnes diis alienis, responderunt : « Sermones Domini non audiemus ; sed sacrificabimus reginæ cœli, sicut fecimus nos et patres nostri, et bene nobis erat, malumque non vidimus. » Hierem., xl.

Nabuchodonosor rex Babylonis dixit sociis Danielis, qui statuam ejus auream noluerunt adorare : « Quis est Deus, qui eripiat vos de manu mea ? » Dan., iii.

Dixerunt quidam iniqui ex Israel in diebus Antiochi : « Ex quo recessimus a Gentibus, invenerunt nos multa mala. » I Mach., i.

Obsidente Juda Machabæo quoddam præsidium, quidam gentiles intus existentes verba blasphemæ et nefanda jactabant : quo scito, postea concrematis fuerunt, II Mach., x.

Dicentes Judeis Nicanori : « Est Deus potens in celo, qui jussit agi septimum diem, » ille infelix ait : « Et ego potens sum super terram, qui impero sumi arma et negotia regis (a) impleri. » II Mach., xv.

Cum ejecisset dæmonium Dominus cœcum et mutum, stupentibus turbis, Pharisei blasphemabant dicentes : « Hic non ejicit dæmones, nisi in Belzebub principe dæmoniorum. » Matth., xii, et Luc., xi.

Pendente Domino in cruce, præfereentes blasphemabant eum moventes capita sua, etc., Matth., xxvii.

Contradiciebant Judæi iis, quæ a Paulo dicebantur, blasphemantes, Act., xiii et xviii.

CAPUT XXIV.

De præceptis Dei, et observatione ipsorum.

Præceptum leve ad impletum, et breve ad retinendum, dedit Deus primo parenti, dicens :

(a) Cæt. edit. regum. — (b) Vulg. Pravalaerunt.

« Ex omni ligno paradisi comedete, » etc., Gen., ii. Quod tamen male custodivit, et gravem peñam incurrit, Gen., iii.

Mandata Dei, licet interdum videantur esse de re parva, non parva diligentia sunt servanda, quia puniuntur graviter transgressores. Gen., ii : « De ligno scientiæ boni et mali ne comedas : in quacumque enim die comederis ex eo, morte morieris. »

« Fecit Noe omnia quæ mandaverat ei Dominus, » Gen., vii.

Recepturi filii Israël mandata a Deo, jussi sunt sanctificari, Exod., xix : « Vade ad populum, et sanctifica eos, hodie et cras, » etc.

Præcepit Dominus, ut filii Israël ponerent vittas hyacinthinas per angulos palliorum quatuor, ut continuam haberent memoriam cœlestium mandatorum, Num., xv.

Balaam ariolus dixit Balac regi Moab : « Nonne dixi tibi, quod quidquid imperaret mihi Dominus, hoc facerem ? » Num., xxiii. Ecce quantam reverentiam habebat malus homo ad imperium Dei.

Speciale munitionem fecit Dominus Josue de meditatione et observatione legis, quando constituit eum super populum, Josue, i : « Non recedat volumen legis hujus, » etc.

Non preterivit Josue de universis mandatis Domini nec unum quidem verbum, etc., Josue, xi.

Saul tam signanter electus, propter transgressionem divini præcepti irrevocabiliter est projectus, I Reg., xv.

Rex David instruens Salomonem post se regnaturum, dicebat : « Tunc perficere poteris, si custodieris mandata, quæ præcepit Dominus Moysi. » I Paral., xxii.

Ordinante Ioiada pontifice, eduxerunt filium regis, et imposuerunt ei diadema, dederuntque in manu ejus tenendam legem, et constituerunt eum regem, II Paral., xxiii.

Cyrus rex Persarum gentilis, monarca totius mundi, non verecundabatur dicere : « Præcepit mihi Deus cœli ut ædificarem ei domum in Hierusalem. » I Esdr., i.

Conquerendo dicit Dominus, Hier., xxxv : « Prævaluere (a) sermones Jonadab filii Rechab, quos præcepit filiis suis, ut non biberent vinum, qui obedierunt præcepto patris sui : ego autem locutus sum ad vos, et non audistis me, » etc.

Melius judicavit Susanna incidere in manus hominum, quam derelinquere legem Dei, ex-

ponens periculo vitam et famam, *Dan.*, xiii.

Cum trucidarentur sub Antiocho legi observatores, multi de populo noluerunt infringere legem sanctam, et trucidati sunt, *I Mach.*, i.

Duae mulieres delatae sunt natos circumcidisse, quas infantibus ad ubera suspensis cum publice per civitatem circumduxissent, per muros præcipitaverunt, *II Mach.*, vi.

Eleazarus vir ætate proiectus diros corporis dolores sustinuit, et tandem occisus fuit, quia carnes porcinae contra legem noluit manducare, nec etiam simulare se ulla tenus manducasse, *II Mach.*, vi.

Propter legem Dei septem fratres cum matre sua, gravia tormenta passi sub Antiocho, *II Mach.*, vii.

Parentes Joannis Baptistae erant incidentes in omnibus maudatis et justificationibus Domini sine querela, *Luc.*, i.

Adolescenti a Salvatore quærenti, quid boni faceret, ut vitam æternam haberet, responsum est ab ipso Domino : « Si vis ad vitam ingredi, serva mandata, » *Matth.*, xix.

Ad observandum præcepta Dei nos inducunt aliæ creature, quæ obediunt ei. De bonis angelis non est dubium, quin sint ministri ejus, facientes voluntatem et verbum ejus, *I Paral.*, xxi : « Imperavit Dominus Angelo, qui persecutabat. » Item de malis angelis, *Luc.*, viii : « Præcipiebat spiritui immundo, ut exiret ab homine; » sequitur : « Et exierunt daemonia. » Item : « Præcepit Soli, et non oritur, » *Job.*, ix. Item præcepit corvis, ut pascant Eliam, et sic fecerunt, *III Reg.*, xvii.

Et generaliter dicit psalmus cxlviii : « Præceptum posuit, et non præteribit. Ignis, grando, nix, glacies, » etc.

CAPUT XXV.

De obedientia.

Hominem volens Deus sub obedientia vivere, etiam in statu innocentiae, statim ut conditus est, ipsum præceptis astrinxit, *Gen.*, ii; et eum contra obedientiam venientem severe punivit, *Gen.*, iii.

Prompte obediuit Noe Domino in omnibus, quæ ei facienda præcepit tempore instantis diluvii, *Gen.*, vii.

(a) *Cœl. edit.* juxta.

Præceptum de circumcisione, quamvis esset grave et insolitum, non distulit Abraham implore usque in crastinum, *Gen.*, xvii.

Idem Abraham præceptum de immolatione filii sine mora exequi voluit, *Gen.*, xxii : « Abraham de nocte consurgens, » etc. Et vide quam mirabilis fuit illa obedientia.

Prompte obediuit Joseph patri ad fratres eum mittenti, quamvis eos primus accusasset, et ideo merito timere deberet, *Gen.*, xxxvii.

Moyses obediuit Domino imponenti dueatum populi; sed attende cum quanta difficultate, quinques enim se excusavit, *Exod.*, iii et iv.

Magnam obedientiam promiserunt filii Israel, dicentes : « Omnia quæ locutus est Dominus faciemus, et erimus obedientes. » *Exod.*, xxiv. Sed postea operibus fecere contrarium.

Fili Israel per desertum ambulantes, ad imperium Domini erigebant tentoria, et ad imperium illius deponebant, *Num.*, iv et ix.

Idem filii Israel ad terram promissionis contra (a) mandatum Domini ascendere conati sunt, et male cessit eis, *Num.*, xiv.

Euntes ad bellum contra mandatum Moysi filii Israel, multi victi fuerunt a paucis, *Num.*, xiv. Quando autem ex obedientia pugnaverunt, pauci vicerunt multos, *Num.*, xxxi.

Quia transgressus est Achan mandatum Josue, populus fuit prælio superatus, et ipse postea a populo lapidatus, *Josue*, vii.

Saul offerens holocaustum contra mandatum Samuelis, reprobatus est. Similiter, quia percitat Agag regi Amalec, et gregibus ovium, et cæteris rebus pretiosis; et tunc dixit ei Samuel : « Melior est obedientia, quam victimæ. » *I Reg.*, xv.

David, licet per Samuelem unctus esset in regem, tamen obediens patri mittenti eum, ut portaret virtualia fratribus, quibus fuerat præelectus, *I Reg.*, xviii.

Prædictus Dominus Salomoni, quod si faceret omnia, quæ præceperat ei, poneret thronum regni ejus super Israel in simpiternum. Si autem averteretur, et non custodiret mandata ejus, auferret Israel de superficie terre, *III Reg.*, ix; *II Paral.*, vii. Et ita impletum est, *IV Reg.*, ultimo.

Vir Dei, qui prædictus Jeroboam destructionem altaris sui, a leone occisus fuit, quia scilicet, contra præceptum Domini, in domo alterius prophetæ comedit, *III Reg.*, xiii.

Obedientia commendatur interdum et in iis, quæ videntur sine ratione mandari : unde per-

cussus est a leone ille, qui noluit percutere quemdam de filiis prophetarum. *Hl Reg.*, xx.

Cum ad mandatum Elisei, Naaman indignatus abiret, dixerunt ei servi sui : « Pater, et si rem grandem dixisset tibi Propheta, facere debueras, » etc. *IV Reg.*, v.

Tobias junior, auditis exhortationibus patris respondit, et dixit : « Omnia quæcumque præcepisti mihi, pater, faciam. » *Tob.*, v.

Quidquid præcipiebat Mardochæus, observabat regina Esther, et ita cuncta faciebat, ut eo tempore solita erat, quo eam parvulam nutriebat. *Esther*, II.

Commandantur a Domino Rechabitæ, qui noluerunt vinum bibere, pro eo quod præcerperat eis pater eorum, dicens : Non bibetis vinum usque in sempiternum, et domos non ædificabitis, » etc. *Hier.*, xxxv. Et nota difficultatem in illa obedientia.

Jonas insipienter refugiebat obedire Domino præcipienti, ut irat ad prædicandum (*a*) in Ninive; sed fugiendo devenit, quo Dominus jussérat. *Jonan.*, I et III.

Mathathias dixit nuntio regis Antiochi : « Etsi omnes obediunt regi Antiocho, ego et filii mei, et fratres mei obediemus legi patrum nostrorum. » *I Mach.*, II.

Dixit unus illorum septem fratrum : « Parati sumus magis mori, quam patrias Dei leges prævaricari. » *II Machab.*, VII.

Descedit puer Jesus cum Maria et Joseph in Hierusalem, « et erat subditus illis. » *Luc.*, n.

Cito et perfecte obedierunt illi apostoli, qui a Domino vocati, « continuo relictis retibus securti sunt eum, » *Matth.*, IV. Similiter de Mattheo dicitur *Luc.*, V : « Relictis omnibus, surgens secutus est eum. »

De obedientibus verbo, et non facto, seu facto plus quam verbo, proponit Dominus exemplum duorum filiorum, quorum unus dixit se iturum in vineam patris, et operatum, et non ivit; alius negavit, et ivit. *Matth.*, XXI.

Eliam malis prælati obediendum esse, præcepit Dominus, *Matth.*, XXII : « Super cathedram Moysi, » etc. « Omnia quæcumque dixerint vobis servate et facite. »

Saluator noster legi voluit obedire in circumcisione, in oblatione facta in templo, *Luc.*, II, et in esu agni paschalis, *Matth.*, XXVI.

Exemplum obedientiae proponit nobis Apo-
(a) *Edit.* Ven. præcipiendum.

stolus in Salvatore nostro, dicens : « Factus obediens usque ad mortem, » *Philip.*, II. Ubi et insinuat obedientiae fructum, subdens : « Propter quod Deus exaltavit illum, » etc.

Comminati sunt principes sacerdotum Petro et Joanni, ne ultra loquerentur in nomine Iesu; qui respondentis eis : « Si justum est vos potius audire, quam Deum, judicate : non enim possumus, quæ vidimus et audivimus, non loqui. » *Act.*, IV.

Deinde cum arguerentur apostoli a principibus sacerdotum, quia non servaverant corum mandata, responderunt Petrus et apostoli : « Obedire Domino oportet magis, quam hominibus. » *Act.*, V.

Saulus ad terram prostratus, audiens verba Iesu Nazareni, prompte respondit ei : « Domine, quid me vis facere? » *Act.*, IX.

Cornelius dixit beato Petro : « Omnes nos in conspectu tuo sumus, audiare parati omnia quæcumque præcepta sunt tibi a Domino. » *Act.*, X.

Paulus, electo sibi Sila in socium, « perambulabat Syriam et Ciliciam, confirmans Ecclesias, et præcipiens custodire præcepta Apostolorum, et seniorum. » *Act.*, XV.

CAPUT XXVI.

De Scriptura sacra.

Magnam reverentiam habere debemus ad Scripturam, quam ipse Deus voluit scribere, vel tradere specialiter, et docere. *Exod.*, XXXII : « Reversus est Moyses de monte, portans duas tabulas scriptas opere Dei. » Ipse etiam Dominus noster Jesus Christus dicit se missum fuisse ad evangelizandum, et misit discipulos ad hoc ipsum, *Matth.*, X; *Marc.*, I; *Luc.*, IV et X; *Joan.*, IV. Sic igitur potest dici, quod lex vetus fuit data Moysi medianibus Angelis, ut ait Apostolus, *Galat.*, III. Et beatus Stephanus hoc ipsum testatur, *Act.*, VII : « Accepistis legem in dispositione angelorum. » Reliqua vero pars veteris Testamenti data fuit inspiratione Spiritus sancti, *II Pet.*, I : « Non enim voluntate humana allata est aliquando prophetia, sed Spiritu sancto inspirati locuti sunt sancti Dei homines. » Novum autem Testamentum continet verba et facta Domini nostri Iesu Christi in Evangelii; verba Apostolorum, in Epistolis et in Apocalypsi; item facta ipsorum, in libro *Actorum Apostolorum*. Christus ergo, verus Deus et homo, partem Evangeliorum protulit per

seipsum; alia vero dixerunt apostoli et evangelista instructi per ipsum et Spiritum sanctum. *Act.*, II : « Repleti sunt omnes Spiritu sancto, et corporunt loqui variis linguis, prout Spiritus sanctus dabat eloqui illis. » *Eccles.*, XXXIX : « Sapientiam omnium antiquorum exquireret sapiens, et in Prophetis vacabat, » quasi dicat : Sapientiam quidem sapienter debet sapiens exquirere, sed specialiter debet scripturis prophetarum intendere.

Jonathas summus sacerdos, et seniores Iudeorum, licet essent bellicis rebus intenti, scriperunt Spartiadis : « Nos habentes solatio libros sanctos, qui sunt in manibus nostris, » etc. *I Machab.*, XII.

Salvator noster, tentatus a diabolo, per Scripturam respondit, et ipsum tentatorem triplici auctoritate confudit. *Matth.*, IV; *Luc.*, IV.

Item Scripturam esse completam in adventu suo dixit, *Luc.*, IV : « Hodie impleta est Scriptura haec in auribus vestris. »

Item per Scripturam defendit discipulos contra Pharisaeos, *Matth.*, XII : « Non legistis quid fecerit David, quando esuriit, » etc.

Magnam auctoritatem tribuit Dominus Veteri Testamento, quando dixit, *Matth.*, V : « Donec transierit celum et terra, iota unum, aut unus apex, » etc. Item, *Joan.*, X : « Non potest solvi Scriptura. »

Non minoris autem, sed majoris auctoritatis est Novum, de quo, *Luc.*, XXI : « Caelum et terra transibunt, verba autem mea non transibunt. »

Principes sacerdotum, et Scribas, et Pharisaeos injuste arguentes Dominum Jesum, ipse multotiens per Scripturas vicit, *Matth.*, XI et XXI.

Arguit Dominus Sadduceos de ignorantia Scripturarum, *Matth.*, XXII : « Erratis nescientes Scripturas, neque intelligentes virtutem Dei. »

Petrus in prima prædicatione sua post missionem Spiritus sancti, auctoritatem Joeliis exponens, tria millia hominum convertit ad Christum, *Act.*, II.

Valde commendandus est eunuchus ille, qui veniens de Aethiopia Hierosolymam, legebat in curru existens Isaiam prophetam. Philippus autem precepto Domini occasionem assumpsit prædicandi evangelium Christi ex auctoritate, quam eum legentem invenit, et credentem illico baptizavit. *Act.*, VIII.

Veniens Paulus Berceam, intrabat synagogam Iudeorum; quidam autem « suscepserunt verbum cum omni aviditate, quotidie scrutantes

Scripturas, si haec ita se haberent; et crediderunt multi ex eis, et gentilium mulierum honestarum, et viri non pauci. » *Act.*, XVII, 10-12.

Apollo Judeus, « vir eloquens, potens in Scripturis, contulit multum iis qui crediderunt; vehementer enim Judeos revincebat publice, ostendens per Scripturas esse Christum Jesum. » *Act.*, XVIII, 24, 27, 28.

CAPUT XXVII.

De exhortatione bona, et prædicatione verbi Dei.

Caim admonitus exteriori voce Dei, a concepta iniustitate non destitut, *Gen.*, IV. Hinc patet, quod exhortatio sine interiori parum est efficax.

Justus Loth pie admonebat Sodomitas, dicens : « Nolite, queso, fratres mei, nolite malum facere. » Cui illi contumaciter responderunt : « Recede illuc, » etc., *Gen.*, XIX, 7, 9. Hinc patet quod « perversi difficile corrigitur, » *Eccle.*, I, 15.

Bene cessit Jacob, quia acquevit consilii matris sue, *Gen.*, XXVII, 14.

Audiens Ruben iniqua fratrum verba contra Joseph, dixit : « Non interficiamus eum, nec effundamus sanguinem ejus, » etc. Judas etiam consuluit, quod non occideretur, sed vendetur, et sic saltem minus malum committeretur. *Gen.*, XXXVII, 22, 26, 27.

Soror Moysi bene suasit filiae Pharaonis, ut mulier Hebreæa pro nutriendo parvulo vocaretur, *Exod.*, II, 7, 8.

Ad utilitatem populi, et alleviationem Moysi, bene consuluit Jethro, ut minores judices constitueret in populo, *Exod.*, XVIII, 14 et seq.

Bona exhortatione Abigail, aversus est David a proposito fundendi sanguinem Nabal, *I Reg.*, XXV, 24 et seq.

Bonum consilium dedit Abner Asaeli se insequenti, dicens : « Noli me sequi, ne compellar confondere te in terram. » Quod quia ille audire contempsit, ab eodem occisus est. *II Reg.*, II, 22, 23.

Consilium bonum dederunt Roboam filio Salomonis seniores; ille vero in malum suum acquevit consilio juniorum, *III Reg.*, II, 7 et seq.

Cum Naaman Syrus ad verbum Elisæi abiit indignatus, servi sui suaserunt ei, ut propheta facile mandatum impleret: quorum monitis utiliter acquevit. *IV Reg.*, V.

Quandiu vixit Joiada pontifex, qui bene instruebat Joas regem Juda, tamdiu fuit ille bonus;

quo mortuo, factus est Joas pessimus, IV Reg., XII; II Paralip., XXIV.

« Perrexerunt curores cum epistolis ex regis Ezechiae imperio, et principum ejus, in universum Israel et Juda, prædicantes filiis Israel: Revertimini ad Dominum Deum Abraham, Isaac et Israel, et revertetur ad reliquias, quæ effugerunt manus regis Assyriorum. » II Paralip., XXX, 6.

Adificantibus Judæis de Babylone reversis templum in Hierusalem, exhortabant eos, et adjuvabant Aggæus et Zacharias prophetæ, I Esdr., v, 1, 2.

Desiderans Nehemias ædificare muros Hierusalem, dixit optimatibus et magistratibus: « Surgamus, et ædificemus: » et confortatae sunt manus eorum in bonum. *Nehem.*, II, 18.

Ad exhortationem Nehemias, ii qui usuras accipiebant a populo, et acceptas reddere, et ultra non accipere consenserunt, *Nehem.*, v.

Tobias in captivitate positus pergebat ad omnes, qui erant in captivitate, et monita salutis dabant eis, *Tob.*, I. idem bene prædicavit filio suo, *Tob.*, IV et XIV.

Bene cessit Tobiae, quia Raphael, quem hominem putabat, consilii acquieavit, specialiter in exenteratione piscis, et petendo uxorem, et in modo se habendi cum ea, *Tob.*, VI.

Parentes Sarræ uxoris Tobiae junioris monuerunt eam honorare socrum, diligere maritum, regere familiam, gubernare domum, et scipsam irreprehensibilem exhibere, *Tob.*, IX.

Judith bonam exhortationem dedit populo, argens quod indiscrete ordinatum erat, et docens quid faciendum esset, *Judith*, VIII.

Efficaciter persuasit Mardocheus Esther, ut etiam cum periculo suo ingredieretur ad regem precatura pro salute gentis sue, *Esther*, IV.

Post ostensam Isaiae mirabilem visionem, dixit ipse propheta: « Vœ mihi, quia tacui, » etc.; et postea cum labia sua per calcum de altari sumptum vidisset fuisse mundata, dixit Domino quærenti, quem mitteret ad populum: « Ecce mitte me, » etc. *Isa.*, VI.

Dixit Dominus Isaiae, I: « Clama, ne cesses, quasi tuba exalta vocem tuam, et annuntia populo meo scelera eorum, et domui Jacob peccata eorum. »

Hieremias primo se excusavit a prædictio-
nis officio, postea divinæ voluntati acquieavit. *Hiere.*, I.

Abdemelech Æthiops dixit Sedecia regi Juda:

« Domine mi rex, malefecerunt viri isti omnia quæcumque perpetraverunt contra Hieremiam Prophetam, mittentes eum in lacum. » Et præcepit rex ei: « Leva Hieremiam de lacu, antequam moriatur. » *Hiere.*, XXXVIII, 9, 10.

Factum est verbum Domini ad Jonam dicens: « Surge et vade in Ninive, et prædicta in ea prædicacionem quam ego loquar ad te, » etc., *Jon.*, I et III, 2.

Bonum consilium dedit Daniel Nabuchodonosor regi Babylonis dicens: « Consilium meum placeat tibi, et peccata tua eleemosynis redime. » *Dan.*, IV, 24.

Moriens Mathathias filios suos efficaciter exhortatus est ad agendum viriliter pro lege Dei. *I Mach.*, II.

Judas Machabæus pugnaturus exhortabatur et animabat populum suum sermonibus bonis, *I Mach.*, III et IV, et *II Mach.*, VIII, et specialiter XV, ubi dicitur quod « singulos armavit non clypei et hasta munitione, sed sermonibus optimis et exhortationibus. »

Cum primus illorum septem fratrum in sartagine torreretur, « ceteri una cum matre invicem se hortabant mori fortiter, dicentes: Dominus aspicit veritatem, » etc. Specialiter ipsa mater mirabilis efficaciter exhortabatur filios. *II Mach.*, VII, 5, 6, 20, 21.

Joannes Baptista « multa exhortans evangeliabat populo, » *Luc.*, III, 18. De quibus nonnulla exprimuntur eodem capitulo, et *Matth.*, III, et *Marc.*, I. Cujus exhortatio ita efficax erat, quod non solum « multi baptizabantur confiteentes peccata sua, » sed ipse Herodes Tetrarcha « auditio eo faciebat multa, et libenter eum audiebat. » *Marc.*, I, 5; VI, 20.

Misit Dominus discipulos dicens: « Euntes prædictate dicentes, quia appropinquavit regnum cœlorum, » etc. *Matth.*, X, 7. Item *Marc.*, XVI, 15: « Euntes in mundum universum prædicate Evangelium omni creatura, » etc.

Petrus Apostolus, in die Pentecostes, tam efficaciter prædicavit, quod baptizati sunt circiter tria millia hominum. *Act.*, II.

Item alia vice similiter ad prædicacionem ipsius crediderunt tot, quod factus est numerus virorum quinque millia. *Act.*, IV.

In domo Cornelii prædicante Petro, « cecidit Spiritus sanctus super eos, qui audiabant verbum, et jussit eos baptizari. » *Act.*, X, 41.

Ministrantibus, et jejunantibus prophetis et doctoribus qui erant Antiochiæ, dixit Spiritus

sancius : « Segregate mihi Saulum et Barnabam in opus, » etc. Sequitur : « Ipsi quidem missi a Spiritu sancto prædicabant verbum Dei in synagogis Judæorum. » *Act.*, XIII, 2, 4, 5.

Principes Synagogæ, qui erant Antiochiae, dixerunt Paulo et Barnabæ : « Viri fratres, si quis est in vobis sermo exhortationis ad plementum, dicite. Surgens autem Paulus, et manu silentium indicens, » etc. *Act.*, XIII, 15, 16.

« Reversi sunt » Paulus et Barnabas Lysiram, et Iconium, et Antiochiam, confirmantes animas » cum sanctis (a), « exhortantesque ut permanerent in fide. » *Act.*, IV.

Factum est Iconii, ut Paulus, et Barnabas « introirent in synagogam Judæorum, et loquerentur, ita ut crederet Judæorum et Græcorum copiosa multitudo. » *Act.*, XIV.

« Visio per noctem Paulo ostensa est, ubi (b) Macedo quidam erat stans, et deprecans, et dicens: Transiens in Macedoniam adjuva nos; » ubi subditur : « Ut autem visum vidi, statim quæsivimus proficiisci in Macedoniam, certi facti, quod vocasset nos Deus evangelizare eis. » *Act.*, XVI, 9, x.

« Multi Corinthiorum, audientes Paulum prædicantem, credebant, et baptizabantur. Dixit autem Dominus nocte per visionem Paulo : Noli timere, sed loquere, et ne taceas, propter quod ego sum tecum : et nemo apponetur tibi, ut noceat te. » *Act.*, XVIII, 8, 10.

Apollo Judæus, « Alexandrinus genere, erat edocetus viam Domini : et fervens spiritu loquebatur, et docebat diligenter ea, quæ sunt Jesu. » *Act.*, XVIII, 24, 25.

Apud Ephesum Paulus « intrans synagogam Judæorum, cum fiducia loquebatur per tres menses, disputans, et suadens de regno Dei. » *Act.*, XIX, 8.

Quadam die cum in crastinum profecturus protaxisset sermonem usque ad medianam noctem, quidam adolescens oppressus somno cecidit de fenestra, et sublatus est mortuus. « Ad quem cum descendisset Paulus, » et suscitasset eum, rursus ascendit et allocutus est eos usque ad lucem, et sic profectus est. *Act.*, XX, 10 et seq.

Cum Paulus vincitus coram Agrippa rege, et Festo preside, redderet rationem, Agrippa dixit ei : « In modico suades mihi Christianum fieri. » *Act.*, XXVI, 28.

(a) *Vulg.* discipulorum. — (b) *Loco ubi*, *Vulg.* vir. — (c) *Vulg.* Ammon.

CAPUT XXVIII.

De consiliis et persuasionibus malis.

Heva de ligno vitæ dedit viro suo, qui comedit, *Gen.*, III. Præsumendum est quod ipsa persuaserit viro, ut comederet.

Domina, cui serviebat Joseph, male ipsum sollicitabat ad peccatum, *Gen.*, XXXIX.

Moram faciente Moyse cum Domino in monte, dixit populus ad Aaron : « Fac nobis deos, qui nos præcedant; » quibus suggestionibus populus male acquievit. *Exod.*, XXXII, 1 et seq.

Balaam docuit Balac, quomodo per mulieres posset filios Israel ad peccatum trahere, et sic contra se Dominum provocare. *Num.*, XXIIII.

Filius Amon (c) male persuaserunt regi suo, ut de honestaret nuntios David. II *Reg.*, X.

Jonadab nepos David malum consilium dedit Amnon, ut defloraret sororem suam; de quo postea multa mala evenerunt. II *Reg.*, XIII.

Detestandum et turpe consilium dedit Achitophel Absalom; erat « consilium, » quod ille « dabat in diebus illis, sicut si quis consuleret Deum. » II *Reg.*, XVI, 20, 23.

Averterunt mulieres cor Salomonis, et ita « depravatum est » per eas, « ut sequeretur deos alienos, » et coleret eos. III *Reg.*, II, 4.

Ochozias rex Juda « ingressus est per viam domus Achab, » que scilicet erat pessima; « mater enim ejus » Athalia « impulit eum, ut impie ageret. » II *Paralip.*, XXII, 3.

Edificantibus templum Judeis post redditum Babyloniæ, hostes eorum scriperunt Artaxerxi, et ipse persuasus ab eis prohibuit opus fieri. I *Esdri*, IV.

Amici Aman audientes eum conquerentem de Mardochæo, qui ei genua non flectebat, responderunt : « Jube parari excelsam trabem, et mane dic regi, ut appendatur Mardochæus super eam. » *Esther*, V, 14.

Stultum consilium uxor Job dedit ei; sed ille, tanquam prudens et sanctus homo, tali consilio non acquievit. *Job*, II.

« Sapientes consiliarii » Pharaonis « dedeunt consilium insipiens. » *Isa.*, XIX, 11.

Quia Hieremias prophetabat captivandam esse civitatem Hierusalem a Chaldaëis, dixerunt principes populi Sedeciae regi Juda : « Rogamus, ut occidatur homo iste; » qui stulte acquiescens, respondit eis : « Ecce ipse in mani-

bus vestris est, non enim fas est regem vobis quidquam negare. » *Hier.*, xxxviii, 4, 5.

Ad malam suggestionem princepum et satrapum, Darius rex Persarum constituit decretum, ut quicunque peteret aliquid a quo cum que domino, vel homine, nisi ab ipso rege, mitteretur in lacum leonum. *Dan.*, vi.

« In diebus » Antiochi « exierunt ex Israel filii iniqui, et suaserunt multis dieentes : Eamus, et disponamus testamentum cum Gentibus, » etc. *I Mach.*, 1, 12.

Tantum suasit Menelaus Andronico, quod ille occedit Oniam summum sacerdotem. *II Mach.*, iv.

Cum adversum Menelaum judicium agitur coram Antiocho, Ptolomaeus pecunia corruptus per Menelaum persuasit regi, et eum a sententia deduxit ; qui Menelaum absolvit, et justos ejus accusatores morte damnavit. *II Mach.*, iv.

Iniquum consilium dedit Herodias dicens filiae sue : « Nihil aliud petas, nisi caput Joannis Baptistæ. » *Math.*, xiv, et *Mar.*, vi.

Proconsul Paulus « desiderabat audire verbum Dei, » quod Paulus et Barnabas prædicabant ; « resistebat autem illis Elymas Magus, querens avertire proconsulem a fide. » *Act.*, xiii, 7, 8.

Cum Paulus et Barnabas essent in civitate Lystra in tanto honore, quod illis tanquam diis homines sacrificare voluerunt ; « super venerunt quidam Iudei, et persuasis turbis lapidantesque Paulum traxerunt extra civitatem, existimantes eum esse mortuum. » *Act.*, xiv, 18.

Ocasione ejusdam pueræ a qua Paulus spiritum pythonem ejecit, domini illius dolentes de amissu questu, tot et tanta dixerunt magistribus, quod fecerunt Paulum et Silam virgin cœdi, et in carcere mitti. *Act.*, xvi, 16, 24.

CAPUT XXIX.

De audiendo verbum Dei.

« Aaron Ieclitus fuit omnia verba quæ dixerat Dominus ad Moysen, et credidit omnis populus. Audieruntque quod visitasset Dominus populum Israel, et proni adoraverunt. » *Exod.*, iv, 30, 31.

Dixit « Moyses coram Domino : Ecce filii Israel non me audiunt, et quomodo audiet Pharaon ? » *Exod.*, vi, 12.

Contentus populus dixit Moysi, « una voce :

Omnia verba Domini, quæ locutus est, faciemus. » Et paulo post : « Assumens Moyses volumen fœderis, legit (a) audiente populo, qui dixerunt : Omnia, quæ locutus est Dominus, faciemus. » *Exod.*, xxiv, 3, 7.

Eglon, rex Moab, « sedebat in aestivo coenaculo, dixitque « ad eum Hahod (b) : « Verbum Dei habeo ad te. Qui statim surrexit de throno. » Prius enim dixerat : « Verbum secretum habeo ad te, o Rex. Ille autem non se movit; sed statim cum addidit « verbum Dei, » ille de throno surrexit, quasi reverentiam exhibens verbo Dei. *Judie.* (c), xxxix, 20.

Bene docuit Samuelem Heli, ut diceret Domino loquenti sibi : « Loquere, Domine, quia audit servus tuus. » *I Reg.*, iii, 9.

Achab rex Israel nolebat audire Michæam prophetam Domini, quia non prophetabat ei bonum, sed malum. Vocatus tamen Michæas dixit ei : « Audi sermonem Domini, » etc. *III Reg.*, xxii, 19.

Esdras attulit librum legis, « et legit in eo aperte de mane usque ad medianam diem, et aures omnis (d) populi erant erectæ ad librum. » Et paulo post : « Flebat omnis populus, cum audiret verba legis. » *II Esdr.*, viii, 3, 9.

« Respondens Job Domino dixit : Auditu auris audivite; nunc autem oculus meus videt te. Idecirco ipse me reprehendo, et ago penitentiam in favilla et cinere. » *Job*, xl, 1, 5, 6.

Factum est verbum Domini ad Hieremiam : « Noli subtrahere verbum, si forte audiant, et convertatur unusquisque a via sua mala : » et penitent « me mali quod cogito faeere eis propter malitiam studiorum eorum. » *Hier.*, xxvi, 2-3.

Dixit Dominus Ezechieli : « Vade ad domum Israel et loqueris verba mea ad eos. » Sequitur : « Domus autem Israel nolunt (e) audire te, quia nolunt audire me. » *Ezech.*, iii, 4, 7.

« Verbum » Jonæ « pervenit ad regem Ninive, et surrexit de solio suo, et abjecit vestimentum suum a se, et induitus est sacco, et sedet in cinese. » *Jon.*, ii, 6.

« Herodes » Tetrarcha « metuebat Jeannem Baptistam, et custodiebat eum, et auditio eo faciebat multa, et libenter eum audiebat. » *Marc.* (f), vi, 20.

« Maria » soror Marthæ « sedens secus pedes

(a) *Cœl. edit. legis.* — (b) *Vulg. Aod.* — (c) *Cœl. edit. Judith.* — (d) *Item Omnes.* — (e) *Cœl. edit. nouit.* — (f) *Item Math.*

Domini audiebat verbum illius, » *Luc.*, 1, 39; et audivit tandem Dominum dicentem : « Maria optimam partem elegit, » etc. *Ibid.*, 42.

In fine sermonis in monte dicit Dominus : « Omnis qui audit verba mea, et facit ea, assimilabitur viro sapienti, qui edificavit domum suam supra petram. » *Matth.*, VII, 24.

« Cum turbe irruerent in » Dominum Jesum, ut audirent verbum Dei, sedens de navicula docebat turbas. » Et in fine sermonis, cum dixisset Simoni : « Dic in altum, » etc., Petrus cum sociis, « subductis ad terram navibus, relictis omnibus, seculi sunt eum. » *Luc.*, V, 1, 3, 4, 11.

Exultenti vocem mulieri, et dicenti Domino Iesu : « Beatus venter qui te portavit, et ubera, » etc., dixit Dominus : « Quinimo beati qui audiunt verbum Dei. » *Luc.*, XI, 27, 28.

Instante dominica passione, legitur : « Erat docens quotidie in templo. » Et post pauca : « Omnis populus suspensus erat, audiens illum. » *Luc.*, XIX, 47, 48.

Duo discipuli Domini euntes in castellum nomine Emmaus, loquentes ad invicem de iis, quæ tempore dominice passionis acciderant, meruerunt habere societatem illius, de quo loquebantur. *Luc.*, XXIV.

Facto sermone ad plebem a Petro in die Pentecostes post adventum Spiritus sancti, dicitur, *Act.*, II : « Iis (b) auditis compuncti sunt corde, et dixerunt ad Petrum, et ad reliquos Apostolos : Quid faciemus, viiri fratres? Et baptizati sunt circiter tria millia » hominum. *Act.*, II, 37, 41.

Post sanationem claudi, et sermonem Petri (*Act.*, III), sequitur : « Multi qui audierant verbum, crediderunt, et factus est numerus viorum quinque millia. » *Act.*, IV, 4.

« Invocantes (a) duodecim Apostoli » multitudinem discipulorum dixerunt : Non est æquum nos derelinquere verbum Dei, et ministrare mensis. » *Act.*, VI, 2. Nota tamen quod illæ mense erant pauperum viduarum : per quod datur intelligi, quod opus predicationis verbi Dei præfertur operi misericordiæ corporalis.

« Non poterant resistere (Judæi) Spiritui qui loquebatur per beatum Stephanum. » *Act.*, VI, 10.

« Phillipus descendens in civitatem Samariæ, predicabat illis Jesum. Intendebant autem turbae illis (b) quæ a Philippo dicebantur, audientes unanimiter, » etc. *Act.*, VIII, 5-6.

« Aperiens Philippus os suum evangelizavit » eunicho « Jesum; » et venientes ad quamdam aquam confessus est eunuchus se credere, et ille baptizavit eum. *Act.*, VIII, 35 et seq.

De Saulo quem Dominus Jesus exceccaverat corporaliter, et illuminavit spiritualiter, dixerat ipse in visu Ananiæ : « Vade, quoniam vas electionis est mihi iste, ut portet nomen meum coram gentibus, et regibus, et filiis Israel. » *Act.*, IX, 15. Ipse namque Paulus gentilibus Græcis, regibus Romanis, et filiis Israel, sive Judæis prædicavit.

Noluit Dominus Cornelium instruere per Angelum, sed mandavat ei, accerseret Simonem Petrum, et ille doceret eum, quid eum facere oportaret. *Act.*, X.

« Loquente Petro, cecidit Spiritus sanctus super omnes, qui audiebant verbum. » *Act.*, X, 44.

« Audientes gentes, » quod Judæi erant repellentes verbum Dei, et quod Paulus et Barnabas volebant prædicare eis, « gavisæ sunt, et crediderunt quotquot præordinati ad vitam aeternam. » *Act.*, XIII, 48.

« Factum est Iconii, ut » Paulus et Barnabas ingredierentur synagogas, « et loquerentur, ita ut crederet Judæorum et Græcorum copiosa multitudo. » *Act.*, XIV, 1.

« Quedam mulier nomine Lydia purpuraria audivit » Paulum loquentem, « cuius Dominus aperuit cor, » et baptizata est cum domo sua. *Act.*, XVI, 14, 15.

« Cum audissent » Athenienses Paulum loquentem de « resurrectione mortuorum, quidam irridebant : quidam vero dixerunt : Audiemus te de hoc iterum. Et sic Paulus exiit de medio eorum. Quidam vero adhaerentes ei crediderunt, inter quos Dionysius Areopagita, et mulier nomine Damaris, et alii cum eis. » *Act.*, XVI, 32, 34.

Mansit Paulus Ephesi « per biennium, quotidie disputans in schola tyranni cujusdam, ita ut omnes qui habitabant in Asia, audirent verbum Domini. » *Act.*, XIX, 9, 10.

Veniens Paulus Berœam intrabat synagogam Judæorum, et quidam « suscepserunt verbum cum omni aviditate, quotidie scrutantes Scripturas si haec ita se haberent; et multi crediderunt ex eis. » *Act.*, XVII, 11, 12.

Postquam rex Agrippa audierat Paulum, dixit ei : « In modico suades mihi Christianum fieri. » *Act.*, XXVI, 28.

(a) *Vulg.* Convocantes.—(b) *Vulg.* his.

CAPUT XXX.

De apparitionibus factis Patribus antiquis.

Ante peccatum locutus est Dominus ad Adam, Gen., ii; post peccatum, ad Adam et Hevam, et ad serpentinem, Gen., iii. Cain etiam monuit ante fratricidium, et post dure arguit eum, Gen., iv.

Noe præcepit Dominus, ut faceret arcam, Gen., vi; deinde, ut ingredereetur in eam, Gen., vii. Et post exsiccationem iterum præcepit, ut egredereetur de arca, Gen., viii. Deinde « benedixit Dominus Noe et filiis ejus, et dixit ad eos: Crescite, et multiplicamini, » etc. Gen., ix, 1.

Dixit Dominus ad Abraham: « Egredere de terra tua, et de cognatione tua. » Gen., xii, 1. Et eodem capitulo (xii, 7) apparuit Dominus Abraham, et dixit ei: « Semini tuo dabo terram hanc; » et postquam divisus est Loth ab eo, Gen., xiii, 14. Postea (xv, 1) « factus est sermo Domini ad Abraham per visionem, » etc. Deinde (xvi, 4) « apparuit ei Dominus, » et dedidit ei præceptum circumcisionis. Item (xviii, 2) « apparuerunt ei tres viri, » et unum adoravit: et tunc audivit certum tempus nascituri filii.

Devenerunt duo angeli Sodomam, « sedente Loth in foribus civitatis; qui cum vidisset eos, surrexit, et invit obviam eis, » etc. Gen., xix, 4.

« Venit Deus ad Abimelech per somnum, et ait illi: En morieris propter mulierem quam tulisti, habet enim virum, » etc. Gen., xx, 3.

Cum dure accepisset Abraham verba Saræ conquerentis de ancilla, et filio ejus, dixit ei Deus: « Non tibi videatur asperum super puerorum, » etc. Gen., xxi, 12.

« Tentavit Deus Abraham, et dixit ad eum: Tolle filium tuum, » etc. Et post: « Cum extensisset manum, ut immolaret filium, ecce Angelus Domini, » etc. Gen., xxii, 1, 11.

Apparuit etiam Dominus Isaac, Gen., xxvi, 2; et Jacob multo tempore eundi ad Laban, Gen., xxviii; et redeunti, Gen., xxxi; ubi etiam dixit Laban in somnis (xxxi, 29): « Cave ne quidquam aspere loquaris contra Jacob. » Et post locutus est Dominus Jacob plurices.

Quoties autem apparuerit Moysi, et locutus fuerit ei, nimis esset longum dicere. Exod., iii, et deinceps.

Ligatur quoque Dominus locutus fuisse Balaam dormienti, Num., xxii; et ibidem sedenti super asinam, quæ vidit Angelum Domini, quem dominus ejus Balaam non videbat.

Pluries etiam locutus est Dominus ad Josue, sicut appareat, Josue, i, iv, v, vi, viii, et xx.

« Post mortem Josue consuluerunt filii Israel Dominum, dicentes: Quis ascendet ante nos? Dixitque Dominus: Judas ascendet. » Judic., i, 1, 2. Item, ii, 1: « Ascendit Angelus Domini ad locum flentium, et ait: Eduxi vos ex Ægypto, » etc.

Venit Angelus Domini, apparuit Gedeon, et ait: « Dominus tecum, » etc., Judic., vi, 11, 12.

Apparuit Angelus Domini uxori Manue, etc., Jud., xiii, 3. Et apparuit alia vice Manue, et ejus uxori pariter, eodem capitulo.

Filiis Israel congregati, ut pugnarent contra filios Benjamin, consuluerunt Dominum: quibus ait Dominus, quod Judas esset dux exercitus, etc. Jud., xx, 18. Licit autem bis fuerint debellati, tamen dixit eis Dominus quod pugnarent.

Vocavit Dominus Samuelem quater; tandem ait Samuel juxta consilium quod dederat ei Ileli: « Loquere, Domine, quia audit servus tuus. » I Reg., iii, 10. Et sequitur in fine capituli, 21: « Addidit Dominus, ut appareret in Silo. »

Quando David solebat committere prælium, frequenter consulebat Dominum; qui semper legitur ei respondisse, ut patet, I et II Reg., in multis locis.

Apparuit Dominus Salomonis dicens: « Posula quod vis, » etc. III Reg., iii, 5.
: Iterum, « cum perfecisset Salomon ædificium domus Domini et regum, » apparuit ei Dominus, et dixit ad eum: « Exaudi orationem tuam, » etc. III Reg., ix, 2, 3. Tertio loquutus est ei, increpans eum dure propter scelera ab eo commissa. III Reg., ii.

Elie fugienti a facie Jezabel apparuit Angelus Domini, qui ei panem et aquam obtulit; deinde Dominus in sibilo auræ tenuis. III Reg., xix.

Eliseo ab exercitu Syrorum circumdato apparuerunt multi angeli defendentes eum; quos etiam puer ejus vidit ad similitudinem equorum et curruum igneorum. IV Reg., vi.

Longo tempore duravit apparitio Raphaelis Angeli, quem Dominus misit ad curandam Sarah et Tobiam. Tob., v, et deinceps.

Multas mirabiles viderunt visiones diversi prophete: Isa., vi; Hier., i, de virga vigilante, et olla succensa. Item, xxiv, de duobus calathis sicubus plenis. Præcipue vero Ezechiel, Daniel, Amos, Zacharias, pleni sunt imaginibus visibilibus, quas exprimere longum esset.

Volente Heliodoro spoliare templum, et deposita asportare, « apparuit quidam equus terribilem habens sessorem, » etc. II Mach., III, 23.

« Cum vehemens pugna esset » inter Timotheum et Judan Machabæum, « apparuerunt de cœlo quinque viri, equis et frænis aureis decori, ducatum Iudeis prestantes. E quibus duo Machabæum medium habentes, armis suis circumseptum incolumem conservabant. » II Mach., X, 29, 30.

Euntibus ad prælium Iudeis contra exercitum magnum Lysiae, Machabæo duce, « apparuit eques præcedens eos in veste candida, armis aureis hastam vibrans. » II Mach., I, 8.

Cum sacerdotio fungeretur Zacharias pater Joannis Baptiste, « apparuit illi Angelus Domini, stans a dextris altaris incensi. » Luc., I, 11.

« Missus est Gabriel Angelus a Deo in civitatem Galilæam, cui nomen Nazareth, ad Virginem desponsatam, » etc. Luc., I, 26, 27.

Angelus Domini legitur ter apparuisse Joseph: primo, cum esset adhuc Dominus in matris utero, Matth., I, 20; secundo, cum natus ex utero; tertio cum adhuc esset in Ægypto, Matth., II, 13, 20.

Super Dominum in baptismo « Spiritus sanctus in columbae specie visus est, paterna vox auditæ est: Hic est filius meus dilectus. » Matth., III, 16-17, et Luc., XV, 22.

Item in transfiguratione « apparuerunt Moy-ses et Elias cum Domino loquentes, et vox de cœlo facta est, » etc. Matth., XVII, 3; Luc., IX, 30.

Resurgentे Domino nostro Iesu Christo, « multa corpora sanctorum qui dormierant, surrexerunt, et exuentæ de monumentis venerunt in civitatem sanctam, et apparuerunt multis, » Matth., XXVII, 52, 53.

Surgens Jesus mane prima sabbati, apparuit primo Mariæ Magdalenæ, post hoc duobus discipulis euntibus in villam, novissimo recumbentibus undecim apparuit, et exprobravit ineruditatem illorum. Marc., XVI.

Post passionem Dominus Jesus Christus « præbuit seipsum vivum discipulis suis in multis argumentis, per dies quadraginta apparetis eis, et loquens de regno Dei, » etc. « Cumque intuerentur in cœlum euntem illum, ecce duo viri astiterunt juxta illos in vestibus albis, » etc. Act., I, 4, 10.

« Cum completerentur dies Pentecostes, erant omnes discipuli pariter, et apparuerunt illis

dispertite linguae tanquam ignis, » etc. Act., II, 1, 2.

« Stephanus plenus Spiritu sancto, intendens in cœlum, vidit gloriam Dei, et ait: Ecce video cœlos apertos, et Filium hominis stantem a dextris Dei. » Act., VII, 55.

Cum appropinquaret Saulus Damasco, ut caperet Christianos, « subito circumfulsit eum lux de cœlo, et audivit (Dominum Jesum Nazarenum) dicentem sibi: Saule, Saule, quid me persequeris? » et consequenter apparuit Dominus Ananias. Act., IX, 3, 4, 10.

Cornelius Centurio, vir « religiosus et timens Deum, vidit manifeste, quasi hora nona diei, Angelum Domini dicentem sibi: Cornelii, mitte viros in Joppen, et accerce Simonem Petrum; hic dicet tibi quid te oporteat facere. » Act., X, 2-5.

Orante Petro et esuriente, « cecidit super eum mentis excessus, et vidit cœlum apertum, et descendens vas quoddam velut linteum in quo erant omnia quadrupedia, et serpentina, et volatilia cœli, » etc. Act., X, 10-12.

« Angelus Domini astitit, et lumen refusit in habitaculo (carceris, in quo) erat Petrus dormiens vincitus catenis duabus, percussoque latere Petri, » etc. Act., XII, 6 et seq.

« Cum (Paulus et Silas,) transirent (a) Mysiam, descendenter Troadem, et visio per noctem Paulo ostensa est; vir Macedo quidam erat stans, et deprecans eum, et dicens: Transiens in Macedonia adjuva nos. » Act., XVI, 8, 9.

« Multi Corinthiorum audientes Paulum, credebat et baptizabantur. Dixit autem nocte per visionem Dominus Paulo: Noli timere, sed loquere, et ne taceas, propter quod ego tecum sum, et nemo apponetur tibi ut noceat te. » Act., XVIII, 8-10.

Quadam nocte « Dominus assistens Paulo ait ei: Constanus esto, Paule: sicut enim testificatus es de me in Hierusalem, et sic Romæ te oportet testificari. » Act., XXIII, 11.

Consolari volens Paulus socios tempore tempestatis, suasit eis (bono animo esse), dicens: « Astitit mihi hac nocte Angelus Domini, cui de servio, dicens: Ne timeas, Paule, Cæsari te oportet assistere, et ecce donavit Deus tibi omnes qui in navi sunt tecum. » Act., XXVII, 22-24.

Beatus Joannes Apostolus et Evangelista, exilio relegatus in Pathmo (b) insula, vidit Chris-

(a) Vulg. pertransiissent. — (b) Cat. edit. Pathmos.

tum in medio septem candelabrorum, *Apoc.*, I, 9, 13. Et mirabilis revelationibus totus liber plenus est.

CAPUT XXXI.

De Angelis bonis.

Angeli apparuerunt Abrahæ, et erga eum se familiariter habuerunt, *Gen.*, xviii.

Apud Loth hospitati fuerunt Angeli, et quasi piam ei violentiam facientes, ipsum de periculo extraxerunt, *Gen.*, xix.

Angelus Domini vocavit Abraham, et prohibuit ei ne filium immolare, et magna ei propter obedientiam promisit, *Gen.*, xxii.

Fugiens Jacob Esau fratrem suum, vidit angelos descendentes et ascendentis per scalam, *Gen.*, xxviii.

Redeunte Jacob a servitio Laban ad Isaac patrem suum, angeli obviaverunt, ad cum scilicet protegendum et consolandum, *Gen.*, xxxi.

Angelus Domini, qui præcedebat castra Israel, quando recedebat populus de Ægypto, stetit inter castra Ægyptiorum, et castra Israel, *Exod.*, xiv.

Nota illud *Exod.*, xxiii, 20: « Ecce mitto Angelum meum, qui præcedat te, et custodiat te in via, et introducat in locum quem paravi, » etc.

Stetit Angelus Domini in via contra Balaam qui sedebat asinæ, etc., *Num.*, xxii, 24 et seq.

Angelus Domini iocrepavit filios Israel, qui junxerant amicitias cum habitatoribus terræ Chanaan, memorans beneficia eis collata, *Judic.*, II, 1 et seq.

Apparens Gedeon Angelus Domini confortavit eum, et animavit ad liberationem populi, *Judic.*, vi, 12 et seq.

Uxori Manue sterili apparuit angelus conceptionem filii predicens, et abstinentiam indicens, *Judic.*, xiii, 3 et seq.

Numerato populo adversus mandatum Domini, « immisit Dominus pestilentiam in Israel. Cumque extendisset manum suam Angelus Domini super Hierusalem, ut disperderet eam, » vidit David angelum cædensem populum, et ait: « Ego sum qui peccavi. » *II Reg.*, xxiv, 13-17.

Fugientem Eliam Jezabel, tyrannizantem reginam, Angelus Domini confortavit, et sobrio eum cibo refecit, *III Reg.*, xix, 5-6.

Angelus Domini revelavit Eliae, quid responderet nuntiis Ochozæ, *IV Reg.*, I, 3.

Plures angeli boni erant cum Eliseo ad eum defendendum, quam cum adversariis essent mali homines ad nocendum, *IV Reg.*, vi, 16.

« Venit Angelus Domini, et percussit in una nocte centum octoginta quinque millia hominum de exercitu regis Assyriorum, » *IV Reg.*, xix, 35.

Raphael angelus, qui fuit dux Tobie, ipsum a devoratione piscis eripuit, uxorem ejus a dæmonio liberavit, patri exco visum restituit, et per eum tam parentes, quam socii fuerunt multiplici consolatione repleti, *Tob.*, v et deinceps.

« Vivit Dominus, ait Judith, quoniam custodivit me Angelus ejus, et hinc cuntem, commorantemque ibi, et inde huc revertentem, » etc. *Judith.*, xiii, 20.

« Volavit ad Isaiam unus de Seraphim, » et mundavit eum calculo quem forcipe tulerat de altari, *Isa.*, vi, 1.

Angelus Domini descendit cum Azaria et sociis ejus in fornacem, » etc., *Dan.*, iii, 49.

Daniel in lacu leonum existens, dixit Dario regi ad ipsum venienti: « Deus meus misit angelum suum, et conclusit ora leonum, » *Dan.*, vi, 22. Postmodum angelus Habacuc propheta tam de Judea transtulit in Chaldaeam ut ferret prandium Danieli, *Dan.*, xiv, 33.

Revelata sunt Danieli multa mysteria et magna per mini-terium angelorum, *Dan.*, ix, x, xi, xii.

Judas Machabeus, et qui cum eo erant, robabant Dominum, ut bonum angelum mitteret ad salutem Israel. Sequitur: « Apparuit præcedens eos eques in ueste candida, » etc., *II Mach.*, xi, 8.

Ad annuntiandum conceptionem beati Joannis Baptiste, apparuit angelus Domini Gabriel Zacharie, *Luc.*, I, 11.

Item ad annuntiandum conceptionem Salvatoris, « missus est a Deo idem angelus in civitatem Galilææ, » etc. *Luc.*, I, 26.

Rursus etiam, natus Domino, Angelus Domini stetit juxta pastores. Sequitur: « Facta est cum Angelo multitudo cœlestis exercitus laudantium Deum, » etc., *Luc.*, II, 13.

Angelus Domini legitur ter apparuisse Joseph, et ei locutus esse; primo ante nativitatem, *Matth.*, I, 20: « Noli timere accipere Mariam conjugem tuam; » secundo post adorationem Magorum, *Matth.*, II, 13: « Surge, et accipe puerum, et matrem ejus, et fuge in Ægyptum; » tertio

post mortem Herodis, *Matth.*, II, 20 : « Accipe puerum, et malrem ejus, et vade in terram Israel. »

Post recessum tentatoris legitur, *Matth.*, IV, 11 : « Ecce angeli accesserunt, et ministrabant ei. » Item post cenam in oratione, *Luc.*, XXII, 43 : « Apparuit illi Angelus de celo confortans eum. » Item in ejus resurrectione, *Matth.*, XXVIII, 2; *Marc.*, XVI, 5; *Luc.*, XXIV, 23; *Joan.*, XX, 12 : « Angelus Domini descendit de celo, » etc. Item in ejus ascensione, *Act.*, I, 10 : « Ecce duo viri astiterunt, » etc.

« Princeps sacerdotum, et omnes qui cum illo erant, injecerunt manus in apostolos, et posuerunt eos in custodia publica. Angelus autem Domini per noctem aperiens januas carcereis, et educens eos, dixit : Ille, et loquimini in templo plebi. » *Act.*, V, 17-20.

Angelus Domini dixit ad Philippum : « Surge, et vade contra meridiamum. » *Act.*, VIII, 26. Et tunc ivit ille, et invenit eunuchum, et convertit eum ad fidem.

Cornelius Centurio, vir religiosus et timens Deum cum omni domo sua, vidit manifeste, quasi hora nona diei, Angelum Dei dicentem sibi : « Cornelii, » etc., *Act.*, X, 1 et seq.

Dormiente Petro in Herodis carcere, « Angelus Domini de nocte astitit, et lumen refuslit in habitaculo, percussoque latere ejus excitavit eum, » etc. *Act.*, XI, 7.

Herodes rex, vestitus ueste regali, sedebat pro tribunali : populus autem acclamabat : « Voces Dei, et non hominis. Confestim autem percussit eum Angelus Domini, et consumptus a vermbus expiravit. » *Act.*, XII, 21 et 23.

Gravissimae tempestatis tempore, Paulus volens socios confortare, dixit : « Astitit mihi hac nocte Angelus Dei dicens : Ne timeas, Paulle, » etc., *Act.*, XXVII, 22.

« Significavit Deus quae oportet fieri cito, loquens per angelum suum servo suo Joanni, » etc., *Apoc.*, I, 1. Totusque liber ille plenus est angelicis revelationibus.

CAPUT XXXII.

De spiritibus malis.

Spiritus mali dicuntur esse Dei, quia sunt in potestate Dei, et per eum tantum possunt, quidquid possunt. *I Reg.*, XVI, 43 : « Spiritus Dei malus exagit te, » dictum est Sauli.

Demon occidit septem viros Saræ filiæ Ra-

guelis, sed fuit ejectus per boni angeli Raphaelis adventum, *Tob.*, III et VIII.

Super animalia Job, et domum ubi filii ipsius comedebant, et super corpus ipsius Job Satan potuit tantum, quantum divina providentia permittebat, *Job*, I et II.

Spiritus malus fecit hominem sævum et crudellem, *Matth.*, VIII, 28.

Item facit hominem immundum. Nam illi duo dæmoniaci sævi nimis habitabant in monumentis, et dæmones petierunt intrare porcos, non agnos, *Matth.*, VIII, 28-31; *Luc.*, VIII, 29-32.

Item unus illorum, famosior scilicet, vestimentq non inducebatur, neque in domo habitabat, et vinciebatur catenis, et compedibus custoditus : et ruptis vinculis agebatur a dæmonio in deserta. Ibid.

Item dæmonium facit hominem cæcum et mutum, *Matth.*, XII, et *Luc.*, XI.

Item : « Cum eum apprehenderit, allidit eum, et spumat, et stridet dentibus, et arescit ; et frequenter eum in ignem, et aquam mittit, ut eum perdat. » *Marc.*, IX, 17.

Laudes malignorum spirituum, licet veras, Dominus recusabat, *Marc.*, I, 25. « Obmutescet, et exi ab eo, » *Luc.*, IV, 35. Item, *Luc.*, IV, 41 : « Increpans non sinebat ea loqui, » etc.

Potestalem dæmoniorum parvam esse ex hoc patet, quia nec in porcos potuerunt intrare, nisi petita a Christo licentia, et obtenta, *Matth.*, VII, 31, 32; *Luc.*, VIII, 31, 32.

Prohibuit Dominus, ne gauderent discipuli, si spiritus maligni subjiciebantur eis. *Luc.*, X, 20.

Puella quedam habens spiritum pythonem clamabat multis diebus post Paulum, et socios ejus; dolens autem Paulus, conversus ad spiritum, ait : « Præcipio tibi in nomine Domini nostri Jesu Christi exire ab ea. » Et exiit eadem hora : non enim curabat Paulus doctrinam veritatis confirmari per spiritum falsitatis. *Act.*, XVI, 16, 18.

Quidam Judæi tentaverunt invocare super eos, qui habebant spiritus malos, nomen Domini Jesu, dicentes : « Adjuro vos per Jesum, quem Paulus prædicat. » Respondens autem spiritus nequam dixit : « Jesum novi, et Paulum scio : vos autem qui estis ? » Et exiliens homo, in quo erat dæmonium pessimum, dominatus est eorum, et invaluit contra illos, ita ut nudi et vulnerati recederent de domo illa. *Act.*, XIX, 13, 16.

CAPUT XXXIII.

De immortalitate rationalis animæ.

Per hoc quod dicitur, *Gen.*, xxv, 8, de Abraham : « Congregatus est ad populum suum; » innuitur quod in alio sæculo haberet populum, scilicet homines qui bene vixerant, sicut ipse. Simile habetur de Isaac : « Appositus est populo suo, » *Gen.*, xxxv, 29; et de Jacob, *Gen.*, xl ix, 32.

Cum crederet Jacob mortuum esse Joseph : « Descendam, » inquit, « ad filium meum lugens in infernum. » *Gen.*, xxxvii, 33. Unde credebat cum ibi esse secundum spiritum.

Fratres Joseph volentes dicere, quod unus fratum suorum mortuus esset, dicebant, *Gen.*, xlii, 11 : « Duodecim fratres sumus filii unius viri. » Sumus, inquiunt, non « Fuimus, » quasi esset adhuc ille, qui mortuus putabatur. « Minimus cum patre nostro est, alias non est super nos, » sed subtus.

Apparens Dominus Moysi in rubo dixit : « Ego sum Deus Abraham, Deus Isaac, et Deus Jacob, » *Exod.*, iii, 18. Per hoc probat Salvator noster, *Matth.*, xxii, 32, resurrectionem mortuorum. « Non est, » inquit, « Deus mortuorum, sed viventium. »

De Core, et complicibus ejus, dicitur, *Num.*, xvi, 33 : « Descenderunt vivi in infernum operiti humo, et perierunt de medio multitudinis. » Per hoc patet quod in inferno vivebant secundum animas.

Si Saul credidisset Samuelem penitus quantum ad animam extinctum fuisse, non petivisset sibi ipsum suscitari, *I Reg.*, xxviii, 11.

Mirantibus servis David, quod ipse pro mortuo parvulo non ploraret, dixit, *II Reg.*, xi, 23 : « Ego vadam ad eum, ille vero non revertetur ad me. »

Cum suspensus, et tribus lanceis confossus Absalon interisset, David lacrymabiliter planxit cum, *II Reg.*, xviii, 33. Et, ut ait Augustinus, tertio de *Doctrina Christiana*, « non orbitatem filii dominat, sed quia noverat in quas penas tam impie adultera et parricidalis anima raperetur; namque alio prius filio, qui innocens erat, pro quo ægrotante affligebatur, mortuo lætatus est, » *II Reg.*, xi, 22, 23.

Oravit Elias pro suscitatione filii hospite suæ dicens : « Domine Deus meus, revertatur, queso, anima pueri hujus in viscera ejus. » *III Reg.*, xvii, 21.

Frequenter legitur in libris *Ilegum* : « Dor-

mivit cum patribus suis; » quod quidem nullatenus de brutis animalibus potest dici. Unde probatur eos vivere post mortem, et postea resurrectos esse, sicut in dormiente appetit.

Ex verbis quæ dixit Tobias, increpans stultitiam propinquorum, patet manifeste, quod anima viva post separationem corpore. « Filii, » inquit, « sanctorum sumus, et vitam illam expectamus, quam Deus datus est iis, qui fidem suam nunquam mutant ab eo. » *Tob.*, ii, 18. Idem in oratione postea dixit : « Domine!, secundum voluntatem tuam fac mecum, et praecipe, in pace recipi spiritum meum. » *Tob.*, iii, 6.

« Addidit Dominus omnia quæ fuerant Job duplicita, » *Job*, xlii, 10. Tamen non dedit nisi septem filios, et tres filias, sicut prius, ut ii, qui jam extinti fuerant, vivere demonstrentur, secundum Gregorium, *Moral.* ult.

Valde expresse dicit Salomon in fine *Ecclesiastæ* (a) : « Revertatur pulvis in terram suam, unde erat, et spiritus redeat ad Deum, qui dedit illum. »

Ex verbis illis, quæ dicunt damnati in inferno, ostenduntur tam boni, quam mali vivere in futuro sæculo. *Sop.*, v, 14 : « Talia dixerunt in inferno ii, qui peccaverunt, » etc.

De Nabuchodonosor rege Babylonis dicitur secundum litteralem sensum illud, *Isa.*, xiv : « Ex quo dormisti, » in monte scilicet, « non ascendet (b) qui succidat nos. » Sequitur : « Detracta est ad inferos superbia tua. » Et plura ponuntur ibi postea, per quæ patet illum non penitus interisse, sed ad infernum in anima descendisse.

Dum suaderetur Eleazar, ut simularet se de carnis sacrifici comedisse, dixit : « Et si in presenti tempore a suppliciis hominum eripiar, sed manum Omnipotentis neque vivens, neque defunctus effugiam. » *II Mach.*, vi, 26.

Unus illorum septem fratrum dixit : « E cœlo ista possideo, sed propter Dei leges hæc ipsa despicio, quoniam ab ipso me ea recepturum spero. » Similiter ex verbis matris, et aliorum planum est, quod quantum ad animam non se perire credebant. *II Mach.*, vii, 11 et deinceps.

Razias complexus intestina sua, projectis (c) super turbas, invocans Dominatorem vitæ et spiritus, ut hæc illi iterum redderet. *II Mach.*, xiv, 46.

Monens et muniens discipulos quos mittebat Salvator, ait, *Matth.*, x, 28 : « Nolite timere eos,

(a) Cœl. edit. *Ecclesiastici*. — (b) Item ascendit. —

(c) Cœl. edit. add. se.

qui occidunt corpus, animam autem non possunt occidere. » Et post : « Timete eum qui postquam occiderit, » etc.

Nota quod in eo, quod narrat Dominus, *Luc.*, xvi, de divite et Lazaro, non praemittitur parabola, vel similitudo aliqua : unde videtur fuisse historia manifesta, et sic appetet esse sive maiorum, sive bonorum animas immortales, et recipere post separationem a corpore prout in corpore meruerunt.

Exemplo villie iniquitatis, qui fecit amicos de bonis domini sui, idem ostendit Dominus, dicens, *Luc.*, xvi, 9 : « Facite vobis amicos de mammona iniquitatis, ut cum defeceritis, recipiant vos in eterna tabernacula. » Quod nihil esset dictu, si anima post separationem a corpore, seu post mortem corporis nullum haberet receptaculum.

Devolam et rectam fidem habebat de anima beatus Stephanus, qui, cum lapidaretur, dicebat; « Domine Jesu, accipe spiritum meum. » *Act.*, vii, 38.

Ex verbis Doctoris egregii, *II Cor.*, v, 1, animam vivere post separationem a corpore manifes et appetet. « Scimus, » inquit, « quoniam si terrestris domus nostra dissolvatur, quod aedificationem ex Deo habemus, domum non manufactam, sed eternam in celis. » Idem, *Philip.*, i, 23 : « Desiderium habens dissolvi, et cum Christo esse. » Idem, *Rom.*, vii, 24 : « Infelix homo ego, quis me liberabit de corpore mortis hujus? » Et certe talia non diceret, nisi de vita alia certus esset.

CAPUT XXXIV.

De fide quam debet homo habere ad Deum.

« Credidit Abraham Deo, et reputatum est ei ad justitiam. » *Gen.*, xv, 6. Nota quod credidit Deo promittenti rem valde difficilem.

Transito Mari Rubro, et exercitu Pharaonis submerso, « timuit populus Dominum, et crediderunt Domino, et Moysi servo ejus. » *Exod.*, xiv, 31.

Usque ad aquas contradictionis fideliter credidit Moyses cunctis verbis Domini, sed ibi aliquiliter haesitavit, *Num.*, xx.

Bixit Jonathas armigero suo : « Non est difficile salvare, vel in multis, vel in paucis, » *I Reg.*, xiv, 6. Magnæ fidei verbum fuit.

Pugnaturus David contra Goliath Gethæum, dixit, *I Reg.*, xvii, 45 : « Tu venis ad me cum

TOM. VIII.

gladio, et hasta, et clypeo : ego autem venio ad te in nomine Domini, » etc.

Magnæ fidei verbum dixit Asa, *II Paral.*, xiv, 11 : « Domine, non est apud te nulla distantia utrum in paucis auxiliaris, aut in pluribus, » etc.

Dixit Josaphat rex Juda exercitu suo ad pugnam congregato : « Credite in Domino Deo nostro, et securi eritis ; credite prophetis ejus, et cuncta evenient prospera. » *II Paral.*, xx, 20.

Esdras venturus in Hierusalem per magnam viam et periculosam, noluit petere conductum a rege, sed ad jejunium, et orationem confudit, *I Esdr.*, viii, 22-23.

Videns Nehemias tot imminere pericula et labores ædificantibus, dixit : « Deus noster pugnabit pro nobis, et nos ipsi faciamus opus. » *Nehem.*, iv, 20.

Maximæ fidei verbum dixerunt socii Danielis regi Nabuchodonosor : « Deus noster quem colimus, potest eripere nos de camino ignis, de manu tua nos liberare ; quod si noluerit, notum sit tibi rex, quod deos tuos non colimus. » *Dan.*, iii, 17-18.

Dixit Judas Machabæus sociis timentibus : « Facile est concludi multos in manus paucorum, et non est differentia in conspectu Dei liberare aut in multis, aut in paucis, quia non in multitudine exercitus victoria belli, sed de celo fortitudo est. » *I Mach.*, iii, 18.

Ex abundanti fide mentis procedebant verba illorum septem fratrum, et matris ipsorum, *II Mach.*, vii.

Zachariæ patri beati Joannis Baptiste dixit Angelus : « Ecce eris tacens, et non poteris loqui usque in diem, quo haec fient, pro eo quod non credidisti verbis meis, » *Luc.*, i, 20.

Elisabeth repleta Spiritu sancto beatam Virginem a fide specialiter commendavit, *Luc.*, i, 45 : « Beata quæ credidisti. »

Mira fides in illis tribus Magis fuisse probatur, qui in Bethlehem ab Oriente venerunt, et inventientes puerum cum paupercula matre sua, ipsum humiliter et adoraverunt, et mysticas ei muneras species obtulerunt, *Matth.*, ii.

Merito commendatur a Domino fides Centurionis, qui dixit : « Domine, non sum dignus ut intres sub, » etc. Sequitur : « Non inventant fidem in Israel. » *Matth.*, viii, 8-10.

Multum potest valere cuilibet fides propria, si tantum paralytico valuit aliena, de quo *Matth.*, ix, 2, et *Luc.*, v, 20 : « Videns Jesus fidem illorum, dixit : Confide, fili, remittuntur

tibi peccata tua ; » et statim integraliter sanavit eum.

Mulier fluxum sanguinis patiens dicebat intra se : « Si te igitur tantum vestimentum ejus, salva ero. » Et sequitur : « Confide, filia, fides tua te salvam fecit. » *Matth.*, ix, 21-22.

« Non fecit Dominus Jesus virtutes multas in patria sua propter incredulitatem illorum, » *Matth.*, xiii, 58.

Quando Petrus ambulans super aquas cœpit mergi, arguit eum Dominus de defectu fidei, dicens : « Modicæ fidei, quare dubitasti ? » *Matth.*, xiv, 31.

Commendatur a Domino mulier Chananaea, cum dixit : « O mulier, magna est fides tua : fiat tibi sicut tu vis. » *Matth.*, xv, 28.

Magnæ fidei verbum dixit Petrus Domino interroganti, quid homines dicerent de eo : « Tu es, inquit, Christus Filius Dei vivi. » *Matth.*, xvi, 16.

Mira fuit fides Mariæ Magdalenaæ, *Luc.*, vii ; idcirco justa a Domino audire meruit : « Fides tua te salvam fecit, » *Luc.*, vii, 50.

Credens jam pater pueri lunatici, humiliiter sibi fidem augeri petebat, et cum lacrymis aiebat : « Credo, Domine, adjuva incredulitatem meam. » *Marc.*, ix, 23.

Thomæ Dominus dixit : « Infer digitum tuum huc, » etc., « et noli esse incredulus, sed fidelis. Quia vidisti me, credidisti. Beati, » etc., *Joan.*, xx, 27-29.

Die Pentecostes in prima prædicatione Petri post receptionem Spiritus sancti, circiter tria millia hominum crediderunt, *Act.*, ii, 41.

Cum sanatus esset claudus, Petrus allocutus est mirantem et stupentem populum. « Multi autem qui audierunt verbum crediderunt, et factus est numerus virorum quinque millia, » *Act.*, iv, 4.

« Elegerunt Apostoli Stephanum virum plenum fidei et Spiritu sancto, » etc., *Act.*, vi, 5.

Cum Samaritani multi credidissent Philippo evangelizanti de regno Dei, in nomine Jesu Christi baptizabantur. Tunc etiam Simon Magus credidit. *Act.*, viii.

Eunuchus ait Philippo : « Ecce aqua, quis me prohibet baptizari ? Dicit autem Philippus : Si credis ex toto corde, licet. Et respondens eunuchus, ait : Credo Dei filium esse Jesum Christum. » Et tunc Philippus baptizavit eum. *Act.*, viii, 36-38.

Saulus et Cornelius modo vario, sed utroque

ædificatorio et consolatorio, ad fidem Christi fuerunt adducti, *Act.*, ix et x.

« Quidam Cypri et Cyrenæi, cum introissent Antiochiam, loquebantur ad Grecos, annuntiantes Dominum Jesum, multusque numerus credentium conversus est ad Dominum, » *Act.*, ii, 20-21.

Proconsul Paulus videns quod ad verbum Pauli apostoli exceccatus fuit Elymas magus, qui resistebat ei, « credidit admirans super doctrina Domini, » *Act.*, xiii, 12.

Paulo et Barnaba dicentibus Iudeis : « Vobis oportebat primum loqui, » etc., « ecce convertimur ad gentes, » etc., audientes gavisi sunt, et glorificabant verbum Domini, et crediderunt quolquor erant praordinati ad vitam æternam. » *Act.*, xiii, 46-48.

Quidam vir de civitate Lystris, qui « numquam ambulaverat, audivit Paulum loquenter, Paulus autem videns, quia fidem habebat ut salvus fieret, dixit ei : Surge super pedes tuos rectus. Et exilivit, et ambulabat. » *Act.*, xiv, 8-9.

« Factum est autem Iconii, ut Paulus et Barnabas simul introirent in synagogam Iudorum, et loquerentur, ita ut crederet Iudeorum et Graecorum copiosa multiudo, » *Act.*, xiv, 1.

Transeuntibus Paulo et Barnabas per diversas civitates, Ecclesiæ confirmabantur fide, et abundabant numero quotidie, » *Act.*, xvi, 4-5.

Custos carceris in quo detinebantur Paulus et Silas, videns terre motum fieri, et carcere aperiri, « tremefactus procidit ad pedes eorum dicens : Domini, quid me operet facere, ut salvus siam ? » At illi dixerunt : « Crede in Dominum Jesum, et salvus eris. » *Act.*, xvi, 30-31.

Cum Paulus disputasset Athenis contra idolatriam, « quidam viri adhærentes ei crediderunt, in quibus et Dionysius Areopagita, et multi alii, » *Act.*, xvii, 34.

CAPUT XXXV.

De fidélitate homini servanda.

Servus Abrabæ Eliezer fideliter egit nuptium a domino suo sibi commissum, quando invit pro Rebecca ad domum Bathuelis, *Gen.*, xxiv.

Fideliter servivit Jacob avunculo suo Laban, quando gregem ipsius pascendo die noctuque igne urebatur et gelu, etc., *Gen.*, xxxi.

Joseph erga dominum suum fideliter se habuit, qui uxorem ejus tangere noluit. *Gen.*,

xxxix. Item erga Pharaonem in consilio quod ei dedit, et in ministerio quod ei exhibuit, *Gen.*, **xli.**

Rahab meretrix fideliter egit cum exploratoribus quos miserat Josue, *Jos.*, **ii.** Et ipse Josue edit postea fideliter cum eadem, *Josue*, **vi.**

Quamvis Gabaonitae fecellissent Josue et filios Israel, tamen juramenta et pacta eis servaverunt, et eos postea contra hostes fideliter adjuverunt, *Josue*, **ix** et **x.**

Fideliter indicavit David Jonathas iram patris sui, et ipsum quantum potuit excusavit, et postea confortavit, *I Reg.*, **xx.**

Occiso patre Abiathar occasione David, dixit ei ipse David : « Ego sum reus omnium animarum patris tui. Mane mecum, ne timeas : si quis quæsierit animam meam, quæreret et animam tuam, mecumque servaberis. » *I Reg.*, **xxii**, 22-23.

Noluit David percutere dominum suum, licet malum et persequenter eum, cum tamen, si voluisset, bis eum occidere potuisset. *I Regum*, **xxv** et **xxvi.**

Magnum fidelitatis signum fuit, licet indiscretè egerit armiger Saul, quando videns dominum suum esse mortuum, noluit ultra vivere, sed « irruit super gladium suum, et mortuus est cum eo. » Quid ergo debemus facere pro Domino crucifixo ? *I Reg.*, **xxxii**, 5.

Viri Jabel Galaa fideliter se habuerunt ad Saul dominum suum licet malum, reverenter sepelientes eum. *I Reg.*, **xxxii.**

Urias Hethæus nolebat esse in deliciis, quādiu Joab dominus suus laborabat in exercitu. *II Reg.*, **xi.**

Instante captione civitatis Rabbath, quam diu obsederat Joab, misit ad David, ut veniret et illam caperet, ut domino suo, non sibi honor victoriae deferretur. *II Reg.*, **xii.**

Cum fugeret David a facie Absalom, dixit illi Ethai : Vivit Dominus, et vivit dominus meus rex, quoniam in quocumque loco fueris, domine mi rex, sive in morte, sive in vita, ibi erit servus tuus. » *II Reg.*, **xv**, 21.

Noluerunt viri David, quod ipse exiret cum eis ad prælium dicentes : « Tu unus pro decem milibus putaris (*a*). » In quo apparuit, quod fideliter diligebant eum. *II Reg.*, **xviii**, 1. Item, **xxi**, 17 : « Juraverunt dicentes : Jam non egredieris nobiscum ad prælium, ne extingas lucernam Israel. »

Separatus est omnis Israel a David, secutus-

que est Seba filium Bochri; « viri autem Juda adhaeserunt regi suo, » tanquam fideles scilicet, et constantes. *II Reg.*, **xx**, 2.

Tres viri robustissimi fideliter defendantur David pugnantem contra Philistium, et attulerunt ei de aqua cisternæ Bethlehem, quam cum desiderio magno petierat. *I Paralip.*, **xi.**

Valde fideliter egit Joiada pontifex cum Joas filio Joram regis Juda, *IV Reg.*, **xi**, licet male recognoverit postea. *II Paralip.*, **xxiv.**

Onias summus pontifex, et alii sacerdotes laboraverunt fideliter viduarum ac pupillorum deposita custodire. *II Machab.*, **iii.**

Commendat Dominus fidelitatem servorum, qui multiplicaverunt talenta sibi tradita. *Matt.*, **xxv**; *Luc.*, **xix.**

Cum multa fidelitate et discretione procurabat Paulus fieri collectas pro necessitatibus pauperum de Judea. *I Cor.*, **xvi**; *II Cor.*, **ix.**

Fideles et affectuosas litteras misit Paulus Philemoni pro Onesimo servo ejus fugitivo.

Discretum et fidele consilium dederunt Paulo quidam de Asiæ principibus, rogantes eum « ne se daret in theatrum. » *Act.*, **xix**, 31.

CAPUT XXXVI.

De contemplatione, et mentis illustratione.

Postquam exivit Abraham de Ur Chaldaeorum, crebro apparuit ei Dominus, et eum diversi revelationibus visitavit. *Gen.*, **xii**, **xiii**, **xv**, **xviii.**

« Apparuit Dominus Abraham in convalle Mambre sedenti in ostio tabernaculi sui, » in ipso « fervore (*b*) diei, » etc. Totum potest exponi de contemplativo. *Gen.*, **xviii**, 1.

Habitabat Isaac in terra australi, et « egressus fuerat ad meditandum in agro; » relicta enim familia in domo, meditationi vacare volebat. *Gen.*, **xxiv**, 63.

« Factus est Esau vir gnarus venandi, et homo agricola; Jacob autem vir simplex habitabat in tabernaculis. » *Gen.*, **xxv**, 27.

« Egressus Jacob de Bersabee, pergebat Harran. Cumque venisset ad quemdam locum, et vellet in eo requiescere post solis occubitum, tulit de lapidibus qui jacebant, et supponens capiti suo, dormivit in eodem loco, vidiisque in somnis scalam stantem super terram. » etc. *Gen.*, **xxviii**, 10-11.

(*a*) *Vulg.* computaris.—(*b*) *Cœt. edit.* posterior e.

« Cum mane (a) surrexisset » Jacob , « transiit vadum Jaboc. Traductisque omnibus que ad se pertinebant, mansit solus, et ecce vir luctabatur cum eo , » etc. *Gen.*, xxxii , 22-24.

« Moyses autem pascebat oves Jethro socii sui sacerdotis Madian : cumque minasset grem ad interiora deserti , venit ad montem Dei Iloreb. Apparuitque ei Dominus in flamma ignis , » etc. *Exod.*, iii , 1-2.

Videns Jethro Moysen occupatum judicando populum expectantem a mane usque ad vesperam , dixit ei : « Stulto labore consumeris et tu , et populus iste qui tecum est. Esto tu populo in his , » etc. *Exod.*, xviii , 18 , 19.

« Descendit Dominus super montem Sinai in ipso montis vertice , et vocavit Moysen in cacumen ejus , » etc. Ibi revelavit ei Deus precepta , iudicia , et ceremonias , quae populum docere debebat. *Exod.*, xix , 20.

« Loquebatur Dominus ad Moysen , facie ad faciem , sicut solet loqui amicus ad amicum suum . » *Exod.*, xxxix , 11. Et sequenti capitulo , xxxiv , 28 : « Fuit Moyses cum Domino quadriginta dies et quadraginta noctes ; panem non comedit , et aquam non bibit . »

« Dixit Dominus ad Moysen : « Ascende in montem istum Abarim , et contemplare inde terram quam datus sum filiis Israel . » *Num.*, xxvii , 12.

« Samuel dormiebat in templo Domini , et vocavit Dominus Samuelem , » etc. *I Reg.*, iii , 3.

« Cum sedisset rex David in domo sua , et Dominus dedisset ei requiem undique ab universis iniuriebus suis , dixit ad Nathan prophetam : Vides quod ego habitem in domo cedrina , » etc. *II Reg.*, vii , 1-2.

Elise fugienti a facie Jezabel , ostensus est quod Dominus non erat in spiritu grandi , nec in commotione , nec in igne , sed in sibilo auro tenuis. *III Reg.*, xix .

Per similititudines rerum corporalium debet anima ferri in Deum , in quo incomparabiliter melius invenitur quidquid delectabile in creatura videtur. Unde « cum caneret psaltes » coram Eliseo , « facta est super eum manus Domini , » *IV Reg.*, iii , 15.

Quando Eliseus attente voluit orare pro mortuo filio Sunamitidis , non fecit hoc coram aliis , sed « clausit ostium , » etc. *IV Reg.*, iv , 33.

(a) *Vulg.* mature.

Sara filia Raguelis , auditio gravi improperio ab una de ancillis suis , « perrexit in superius cubiculum domus sue , et tribus diebus et tribus noctibus non manducavit , neque bibit ; sed in oratione persistens cum lacrymis deprecabatur Dominum . » *Tob.*, iii , 10-11.

Videns Judith populum suum in arcto positum , « ingressa est oratorium suum , et induens se cilicio posuit cinerem super caput suum , et prosternens se clamavit ad Dominum . » *Judith* , ix , 1.

« Esther regina confugit ad Dominum , pavens periculum quod imminebat ; cumque deposisset vestes regias , fletibus et luctui induimenta apta suscepit , et deprecabatur Dominum , dicens : Domine mi , qui rex noster es solus , adjuva me solitariam . » *Esth.*, xiv , 1-3.

Post turbationes et tribulationes quas sustinebat David , dicebat : « Quis dabit mihi pennas sicut columbo , volabo , et requiescam ? » et subdit modum acquirendi hujusmodi pennas et requiem : « Ecce elongavi fugiens , et mansi in soliditudine , » etc. *Psal.* liv , 7 , 8.

Cum esset Ezechiel in medio captivorum , facta est super eum manus Domini , et vidit , quod ventus turbinis veniebat ab Aquilone , etc. *Ezech.* , i.

Audiens Daniel crudelem sententiam contra sapientes Babylonis datam , « ingressus est in domum suam , » et de nocte « per visionem mysterium revelatum est ei . » *Dan.* , ii , 17-19.

Dixit angelus Gabriel ad Danielem miro fervore orantem : « Egressus sum , ut docerem te , et intelligeres , quia vir desideriorum es , » etc. *Dan.* , ix , 21 , 22.

« Super custodiam meam stabo , » ait Habacuc , « et figam gradum meum super munitione , et contemplabor , ut videam quid dicatur mihi , et quid respondeam ad arguentem me . » *Habacuc* , ii , 1-2.

« Dimissa turba , » ascendit Dominus « in montem solus orare ; vespere autem facto solus erat ibi . » In quo exemplum dedit turbas fugiendi , et soliditudinem querendi. *Matth.* , xiv , 23.

« Ingressus » est Zacharias « templum Domini , ut incensum poneret , et omnis multitudo populi erat orans foris , et tunc apparuit ei Angelus Domini , » *Luc.* , i , 9-11.

« Martha circa ministerium sollicita et turbata erat. Maria autem sedens secus pedes Domini , audiebat verbum illius . » Et est notabile valde , quod tam pio et devoto ministerio Marthae præ-

fertur quies et audientia divini verbi Mariæ.
Luc., x.

« Videns Jesus Mariam plorantem, et Iudeos qui venerantur cum ea plorantes, infremuit spiritu, et lacrymatus est; » quod nequaquam fecerat, quando locuta fuerat ei Martha. *Joan.*, xi, 33.

Miro et ineffabili modo fuerunt discipuli Domini docti, et illustrati in adventu Spiritus sancti. *Act.*, ii.

Postquam lux de cœlo Saulum circumfulsit, et ipse cadens in terram excœcatus fuit; deinde per triduum jejunans et orans excellentes revelationes habuit a Christo. *Act.*, ix.

Cum hospitaretur Petrus in domo Simonis Coriarii, ascendit in superiora domus, ut oraret, ad hoc scilicet, ut posset ibi vacare quietius a turba inferius existente remotus; et tunc revelavit ei Dominus in mentis excessu, quod gentiles non erant repellendi a prædicatione Evangelii. *Act.*, x.

Raptus fuit Paulus usque ad tertium cœlum, et audivit « arcana verba, quæ non licet homini loqui; » altissima vero ejus sapientia apparuit in epistolis suis, præcipue autem *Rom.*, i, ix, x et xi; item *Ephes.*, i et ii; item *Col.*, i, ii; item *Hebr.*, i.

Beato Joanni sequestrato a tumultu et consolacione mundi, quando scilicet in insula Pathmo (a) exulavit, revelavit Dominus secreta cœlestia. *Apoc.*, i, ii, et deinceps per totum.

CAPUT XXXVII.

De spe et longanimitate.

Multis annis expectavit Abraham antequam haberet filium de Sara, quia jam centenarius erat quando natus est Isaac. *Gen.*, xxi.

Item a promissione primo facta Abrahæ usque ad ingressum seminis sui in terram promissionis, fluxerunt anni plusquam quadringenti quadraginta.

Permitit Dominus filios Israel flagellari in Aegypto longo tempore et affligi, et præterea per desertum tentari quadraginta annis, antequam venirent ad terram patribus repromissam, sicut apparet in libro *Exod.* et *Num.* quasi per totum.

Fili Israel contra tribum Benjamin præliaentes multi contra paucos bis debellati fuerunt, et tandem prævaluuerunt. *Judic.*, xx.

(a) *Cœl. edit. Pathmos.*

Dixit David Philisthæo, I *Reg.*, xvii, 45 : « Tu venis ad me cum gladio et hasta, et clypeo. Ego autem venio ad te in nomine Domini, » etc. Sperabat enim per Deum victoriam obtinere.

Parentibus Tobiae irridentibus eum, et dicentibus : « Ubi est spes tua, pro qua eleemosynas et sepulturas faciebas? » Tobias increpabat eos dicens : « Nolite ita loqui, quoniam filii sanctorum sumus, et vitam illam expectamus quam daturus est Deus, iis qui fidem suam nunquam mutant ab eo. » *Tob.*, ii, 16, 18.

Afflicitus corpore, filii orbatus, derisus ab amicis, omnibus rebus spoliatus, dicebat tamen sanctus Job : « Etiam si occiderit me, in ipso sperabo. » *Job.*, xiii, 15.

Cum esset Susanna duorum presbyterorum iniquo condemnata testimonio, dicitur tamen de ea quod « erat cor ejus fiduciam habens in Domino. » *Dan.*, xiii, 33.

Unus illorum septem fratrum postulatus a tyranno linguam, cito protulit, et manus constanter extendit, et cum fiducia ait : « E cœlo ista possideo, sed propter Dei leges hæc ipsa despicio, quoniam ab ipso me ea recepturum spero. » II *Mach.*, vii, 41.

Machabæus Judas misit Hierosolymam duodecim mille drachmas argenti, offerri eas ibi pro peccatis mortuorum, « juste et religiose de resurrectione cogitans : nisi enim eos qui ceciderant, » etc. II *Mach.*, xii, 44.

« Homo erat in Jerusalem, cui nomen Simeon, et homo ipse justus et timoratus exspectabat consolationem Israel. » *Luc.*, ii, 25.

Ascensus in cœlum Salvator præcepit discipulis suis ne discederent ab Jerosolymis, « sed exspectarent promissionem Patris. » *Act.*, i, 4.

Videns Paulus, quod una parse rat Sadducæorum, alia Phariseorum, exclamavit in concilio : « Viri fratres, ego phariseus sum, filius Phariseorum : de spe et resurrectione mortuorum ego judicor. » *Act.*, xxiii, 6.

Monet Apostolus Timotheum, ut præcipiat divitibus « non sublime sapere, nec sperare in incerto divitiarum, sed in Deo vivo, » etc. I *Tim.*, vi, 17.

Ad longanimitatem et expectandum nos invitabit, vel informat, beatus Jacobus dicens : « Exemplum accipite exitus mali, laboris et patientiae, prophetas, » etc. *Jac.*, v, 10.

CAPUT XXXVIII.

De timore Dei.

Usque ad beatitudinem confirmatam non potest esse securitas : nam et angeli in celo empyreo, et primi parentes in terrestri paradyso peccaverunt. *Gen.*, iii. De Angelis autem, *Il Petr.*, ii, 4, dicitur : « Angelis peccantibus non perpeccit. »

Loth inter peccatores pessimos bonus fuit, et exiens inde cum filiabus suis in monte peccavit. *Gen.*, xix.

Defectus timoris divini est causa peccati; ideo dixit Abraham ad Abimelech : « Cogitavi mecum, dicens : Forsitan non est timor in loco isto, et interficerit me, » etc. *Gen.*, xx, 11.

« Timuere obstetrices Dominum, et edificavit illis domum. » *Exod.*, i, 43.

Voluit Dominus multum timorem filii Israel incutere, et ideo cum tonitruis, et igne, et signis terribilibus legem dedit. *Exod.*, xx.

Non debet homo confidere in probitate parentum ; Abraham enim plures habuit malos filios, unum bonum. Samuel habuit duos, ambo fuerunt mali, *I Reg.*, viii. David etiam multis malos. Salomon habuit unum malum et stultum : et de multis aliis inveniuntur exempla.

Post transitum Maris Rubri, et submersionem exercitus Pharaonis, dicitur, *Exod.*, xiv, 31 : « Timuit populus Dominum, et crediderunt Domino, et Moysi servo ejus. »

Abdias dispensator domus Achab « timebat Dominum » Deum Israel « valde ; nam cum interficeret Jezabel prophetas Domini, tulit ille centum prophetas, et abscondit eos, et pavit. » *III Reg.*, xviii.

Homines quos misit rex Assyriorum ad habitandum Samariam, « non timebant Dominum : et immisit eis Dominus leones, qui interficiebant eos. » *IV Reg.*, xvii, 25.

Constituit Josaphat iudees in cunctis civitatibus Iuda, præcipiens eis inter cætera : « Sit timor Domini vobis, et cum diligentia cuncta facite ; non est enim apud Dominum Deum iniquitas, » etc. *Il Paral.*, xix, 7.

Tobias senior filium suum « ab infancia timere Deum docuit. » *Tob.*, i, 10. Idem ad convivium suum Deum timentes faciebat vocari. *Tob.*, ii, 2. Sequitur ibidem, i, 21 : « Tobias, plus timens Deum quam regem, rapiebat corpora occisorum, et sepeliebat ea. »

Tobias junior, et amici sui, « cum timore Domini convivium nuptiarum exercebant. » *Tob.*, ix, 12.

Confido in oratione Domino dicebat Sarra filia Raguel : « Virum cum timore tuo, non cum libidine mea consensi recipere. » *Tob.*, iii, 18.

« Erat Judith vidua in omnibus famosissima, quoniam timebat Deum valde, nec erat qui loqueretur de ea verbum malum. » *Judith*, viii, 8.

Inter alia de quibus commendatur Job, est timor Dei, *Job*, i et ii ; unde et ipse dixit : « semper quasi tumentes super me fluctus, timui Deum. » *Job*, xxxi, 23.

De muliere fortii dicitur specialiter, *Prov.*, xxxi, 30 : « Mulier timens Deum ipsa laudabitur. »

Cum plagis perimeretur Eleazarus, ait : « Domine, tu scis, quia cum a morte possem liberari, duros corporis sustineo dolores, secundum animam vero propter timorem tuum libenter hoc patior. » *Il Mac.*, vi, 30.

Commota tempestate magna, nauis, cum quibus erat Jonas, « miserunt ipsum in mare, et stetit mare a fervore suo, et timuerunt viri timore magno Dominum, et immolaverunt hostias, et voverunt vota. » *Jon.*, i, 15.

Si timendus est aliquis dominus, quia multa bona donare potest, multo magis timendus est Deus, qui summa bona donare potest. *Tob.*, iv, 23 : « Noli timere, fili mi, » etc. Item, quia potest mala inferre ; et propter hoc, *Matth.*, x, 28 : « Timete eum, qui potest animam et corpus mittere in gehennam. »

Si graviter punitus est servus ille, qui talentum sibi tradidit non multiplicavit, sed ligatum in sudario integrum reportavit, quid fieri de illo, qui omnia dissipavit luxuriose vivendo, et, quantum in ipso fuit, Dominum impugnando ? *Matth.*, xxv, de talentis habet.

Valde graviter punientur illi qui opera iniuriantis et nequitiae perpetraverunt, ex quo ita confundentur qui opera misericordie non fecerunt, *Matth.*, xxv, 42 : « Ille, maledicti, in ignem eternum, » etc.

« Simeon erat homo justus et timoratus, expectans consolationem Israel, » *Luc.*, ii, 23.

« Viri timorati curaverunt Stephanum a Judæis lapidatum, et fecerunt planetum magnum super eum, » *Act.*, viii, 2.

Post conversionem Pauli scriptum est, *Act.*, ix, 31 : « Ecclesia edificabatur ambulans in timore Domini, et consolatione sancti Spiritus replebatur. »

Occasione Cornelii Deum timentis, dixit Petrus, *Act.*, x, 35 : « In omni gente qui timet Deum, et operatur justitiam, acceptus est illi. »

CAPUT XXXIX.

De timore quo mali timent bonos.

Dixit Abimelech ad Abraham : « Deus tecum est in universis quae agis. Jura ergo per Deum, ne noceas mihi, » etc., *Gen.*, xxi, 23.

Ægyptii persequentes filios Israel, qui ibant per medium maris, dixerunt : « Fugiamus Israelem ; Deus enim pugnat pro eis, » *Exod.*, xiv, 25.

« Vident Saul, quod Deus esset cum David, cœpit eum timere, » *I Reg.*, xviii, 12.

Princeps quinquagenarius, qui tertio venit ad Eliam, reverenter locutus est ei : quod quia non fecerunt duo alii, fuerunt desuper veniente igne consumpti, *IV Reg.*, I.

Factum est, cum completus esset murus Jerusalem, ut timerent universe gentes in circuitu eorum, *Nehem.*, vi, 16.

« Cecidit timor Judæ ac fratrum ejus, et fortitudo super omnes gentes in circuitu eorum, et pervenit ad regem nomen ejus, » *I Mac.*, iii, 23.

« Audierunt adversarii, quia paratus est Iohannas cum suis in bello, et timuerunt, et formidaverunt in corde suo, » *I Mac.*, xii, 28.

Postquam Lysias debellatus fuit a Juda Machabæo, voluit pacem facere cum eo, et a promisit se consensurum omnibus quæ justa erant, & quasi ad voluntatem Judæ. *I Macab.*, xi, 14.

Herodes metuebat Joannem, scions eum vivum justum, et custodiebat eum, » *Marc.*, vi, 20.

Post terribilem mortem Ananiæ et Saphiræ, « erant omnes discipuli in portico Salomonis ; cæterorum autem nemo audiebat se conjungere illis, sed magnificabat eos populus. » *Act.*, v, 12-13.

Cum Paulus et Silas essent in carcere positi, et pedes eorum ligno stricti, « subito terra motus factus est magnus ; custos » autem carcere « tremefactus procidit Paulo et Silæ ad pedes, et ait : Domini, quid me oportet facere, ut salvus fiam ? » *Act.*, xvi, 26, 29, 30.

CAPUT XL.

De dilectione Dei.

Daturus legem Moysi Dominus, dixit ei : « Ego sum Dominus Deus tuus, etc., faciens

misericordiam in millia his qui diligunt me, et custodiunt precepta mea. » *Exod.*, xx, 6.

Principium omnium mandatorum legis est dilectio Dei ; nam dixit Moyses post decem mandata populo repetita : « Diliges Dominum Deum tuum ex toto corde tuo, et ex tota anima tua, et ex omni fortitudine tua, » *Deut.*, vi, 5.

Timorem Dei et amorem volens specialiter imprimere populo Moyses, *Deut.*, x, 12, ait : « Et nunc, Israel, quid Dominus Deus tuus petit a te, nisi ut timeas Dominum Deum tuum, et ambules in viis ejus, et diligas eum ? » etc.

Longævus Josue, et personilis ætatis, vocavit Israelem, et monens eos de multis, dixit inter cetera : « Hoc tamen diligentissime præcavete, ut diligatis Dominum Deum vestrum. » *Jos.*, xxiii, 11.

De rege David dicitur, *Ecclesiastici*, xlvi, 10 : De omni corde suo laudavit Deum, et dilexit Dominum, qui fecit illum. Unde ipsem dicitur, *Psal.* xvii, 4 : « Diligam te, Domine, fortitudine mea, » etc.

Salomon dilexit Dominum, ambulans in præceptis David patris sui, *III Reg.*, iii, 3.

Testatur Dominus de illa sancta peccatrice : « Dimissa sunt ei peccata multa, quoniam dilexit multum, » *Luc.*, vii, 47.

Commissurus beato Petro Dominus gregem ovium suarum, quesivit utrum eum diligenteret ; et ille confidens de bona conscientia respondebat : « Domine, tu scis, quia amo te. » Nota tamen, quod non dixit : « Diligo te plus iis, » licet sic quæsitus fuisset, in hoc sibi a superbo et temerario verbo cavens. *Joan.*, xxi, 15.

Miro modo diligebat Christum Paulus, qui tam secure dicebat : « Quis nos separabit a charitate Christi ? » *Rom.*, viii, 35, 38 ; et post : « Certus sum quia neque mors, » etc.

Apostolus Paulus tamel tulit sententiam : « Si quis non amat Dominum Jesum Christum, anathema sit, Maran Atha. » *I Cor.*, xvi, 22.

Quia amor est virtus unitiva, magnum amorem ad Christum Paulus habebat, qui ei (*a*) crucifixus erat, *Gal.*, ii.

Et potest nominari de Paulo, quod Christus erat sua sapientia, *I Cor.*, ii, 2 : « Non judicavi me scire aliud inter vos, nisi Jesum Christum, et hunc crucifixum. » Item sua substantia, *Philip.*, iii, 8 : « Omnia detrimenta (*b*) feci, et arbitror ut stercora, ut Christum lucrifaciam. »

(*a*) *Legendum* cum eo. — (*b*) *Vulg.* detrimentum.

Item sua justitia, I Cor., i, 30, loquens de Christo : « Factus est, inquit, nobis sapientia et justitia, et sanctificatio et redemptio. »

Item potest dici, quod Christus in eo loquebatur, II Corinth., XIII, 3 : « An experimentum queritis ejus, qui in me loquitur Christus? »

Item Christus in eo operabatur, Rom., XV, 18 : « Non audeo aliquid loqui eorum, quæ per me non efficit Christus. » II Cor., II, 10 : « Ego quod donavi, si quid donavi, propter vos in persona Christi. »

Item Christus in eo vivebat, Gal., II, 20 : « Vivo autem jam non ego; vivit vero in me Christus. » Philip., I, 21 : « Mihi vivere Christus est. »

Item Christus in eo triumphabat, II Cor., II, 14. « Deo gratias, qui semper triumphat nos in Christo Jesu. »

Item potest dici quod ipse erat Christi servus, Rom., I, 1 : « Paulus servus Jesu Christi. »

Item Christi Apostolus, II Cor., I, 1 : « Paulus Apostolus Jesu Christi, per voluntatem Dei, » etc.

Item Christi legatus et vicarius, II Cor., V, 20 : « Pro Christo legatione fungimur, tanquam Deo exhortante per nos, obsecramus pro Christo, reconciliamini Deo. »

Item ipse erat Dei adjutor, I Cor., III, 9 : « Dei sumus adjutores. »

Item pugil, vel certator, II Timoth., IV, 7 : « Bonum certaine certavi. » I Cor., IX, 26 : « Sic pugno, non quasi aerem verberans, » I Cor., XV, 32 : « Si ad bestias pugnavi, » etc. Ephes., VI, 11, etc. (a).

Item cursor Domini, I Cor., IX, 26 : « Sic curro, non quasi in incertum. » II Tim., IV, 7 : « Cursum consummavi. »

Item specialis imitator, I Cor., IV, 16. « Imitatores mei esolute, sicut et ego Christi. »

Pulchram et salubrem conclusionem facit beatus Joannes, dicens : « Nos ergo diligamus Deum, quoniam ipse prior dilexit nos, » I Joan., IV, 19.

CAPUT XLI.

De dilectione proximi.

Reprehensus est Cain a Domino graviter, et punitus, quia contra fratrem suum inique egit, et se nou esse ejus custodem dixit, Genes., IV, 9 : « Numquid custos, » etc.

Nota quam sollicite et diligenter orabat Dominum Abram, ut parceret Sodomitis; quod

erat magna dilectionis signum. Gen., XVIII.

Tantam dilectionem erga proximos sibi subditos Moyses habebat, quod ipse, orans Dominum, dicebat, Exod., XXXI, 31 : « Aut dimitte eis hanc noxam, aut dele me de libro tuo, » etc.

Optabat Moyses omnes de populo prophetaire, licet honor ejus inde minui videretur, Num., XI, 29.

Noluit Moyses majus dominium, quod ei promittebat Dominus, in tautum proximos suos, quibus præterat, diligebat. Num., XIV.

Fili Israel, post oecisionem filiorum Benjamin, magno ululatu cooperunt flere, dicentes : « Quare, Domine, factum est hoc malum? » etc., Jud., XXI, 3. Quod non fecissent, nisi eos intime dilesissent.

« Anima Jonathæ colligata (b) est animæ David, et dilexit eum quasi animam suam, » I Reg., XVIII, 4.

Ostendit David se diligere inimicum in planetu Saul, II Reg., I; amicum, in planetu Jonathæ; simpliciter proximum, in planetu Abner, II Reg., III; filium, licet malum et sibi adversarium, in planetu Absalom, II Regum, XVIII.

Magnam dilectionem ostendit se habere Nehemias ad filios transmigrationis, in bonis quæ eis fecit. Nehemias, quasi per totum.

Quia Tobias multis multa charitatis opera exhibebat, multi diligebant eum: unde, cum jussus esset occidi a rege, latuit, et inventus non fuit. Tob., I.

Tantam dilectionem vult Dominum ad proximos nos habere, ut dixerit Petro, non esse dimittendum septies peccatis fratris, sed usque septuagies septies. Matth., XVIII, 22.

Dilectionem ad proximum habuisse laudatur Samaritanus ille, qui appropians semivivo, « misericordia motus est, et ejus vulnera alligavit, infundens oleum et vinum, » etc. Luc., X, 34.

Magnam dilectionem ad proximos habuisse monstratur beatus Stephanus, qui pro lapidatoribus suis devotius, quam pro se, orasse videtur, Act., VII, 58, 59: nam pro illis genua posuit, et voce magno clamavit; pro se vero simpliciter dixit: « Domine Jesu, accipe spiritum meum. »

Inestimabiliter Paulus proximos diligebat, erat enim erga eos, ut mater parturiens; nam dicebat, Galat., III, 19 : « Filioli mei, quos iterum parturio, donec formetur in vobis Christus. »

(a) *Suppl.* Induite vos armaturam, etc. — (b) *Vulg.* conglutinata.

Item tanquam pater corripiens, I Cor., iv, 15 : « Sive decem millia pedagorum habeatis in Christo, sed non multos patres; nam in Christo Iesu per evangelium ego vos genui. » Et paulo post, 21 : « In virga veniam ad vos? » etc. Item, I Thessal., ii, 12 : « Tanquam pater filios suos deprecantes vos, et consolantes testificati sumus, » etc.

Tanquam nutrix fovens, et blandiens, I Thessal., ii, 7 : « Facti sumus tanquam nutrix fovens filios suos. » Item, I Cor., iii, 2 : « Tanquam parvulis in Christo lac potum vobis dedi. »

Item tanquam magister et doctor erudiens, II Tim., i, 41 : « Positus sum predictor, et apostolus, et magister gentium; » et I Timoth., ii, 7 : « Doctor gentium in fide et veritate. »

Item tanquam frater et socius collaborans et coadiuvans, Philip., iv, 4, 3 : « Fratres mei carissimi et desideratissimi, » etc. « Rogo te, germane compar, » etc. « Adjuva illas, quae mecum laborant. » Item, Philip., i, 7 : « Ilabeo vos in confirmatione evangelii socios gaudii mei omnes vos esse, » etc. II Cor., i, 23 : « Non dominamur fidei vestrae, sed adjutores sumus gaudii vestri. »

Item tanquam legatus reconcilians, II Corinth., v, 20 : « Pro Christo legatione fungimur, tanquam Deo exhortante per nos, obsecramus pro Christo, reconciliamini Deo. »

Item Apostolus bona annuntians, Act., xx, 20 : « Vos scitis qualiter nihil vobis utilium substraxi, quominus annunziarem vobis, et docerem vos publice et per domos, » etc. Act., xvii, 23 : « Quod ignorantes colitis, ego annuntio vobis. »

Item architectus ædificans, I Cor., iii, 10 : « Ut sapiens architectus fundamentum posui. » II Cor., x, 8 : « De potestate vestra quam dedit vobis (a) Deus in ædificationem. »

Per aliam nihilominus viam potest diei, quod Paulus ostendit se esse proximorum dilectorum ferventissimum, per hoc videlicet, quod ipse multa pro eis dabat, multa pro eis faciebat, et multa pro eis sustinebat. Dabat siquidem ipsi ea que habebat; et que non habebat, ab habentibus pro indigentibus procurabat. Quod enim sua daret ad utilitatem proximorum, ipse testatur, Act., xx, 34 : « Ad que mihi opus erant, et his qui mecum sunt, ministraverunt manus iste, » etc. Sequitur, 35 : « Quoniam beatius est dare magis quam accipere. »

Quamvis autem supererogantis esset, cum

ab ipsis accipere posset, tamen hoc faciebat, ut illis, quibus prædicabat, parceret, II Cor., xii, 14 : « Paratus sum venire ad vos, et non ero vobis gravis; non enim quæro quæ vestra sunt, sed vos. »

Secundo, ut pseudo-apostolis gloriandi occasionem auferret, II Cor., xi, 9, 12 : « In omnibus sine onere me vobis servavi, et servabo, » etc., « quod facio, et faciam, ut amputem occasionem eorum qui volunt occasionem, ut in quo gloriarum, tales inveniantur, sicut et nos. »

Tertio, ut exinde majorem mercedem haberet, I Cor., ix, 14 : « Non usi sumus hac potestate, » ut acciperemus scilicet sumptus a vobis. Sequitur, 18 : « Que est ergo merces mea? Ut evangelium prædicans, sine sumplu ponam evangelium. »

Rursus etiam ipse procurabat ab ecclesiis de Achaia ad donandum pauperibus de Judaea; ob quam causam collectas fieri faciebat, et fidèles ad hoc efficaciter inducebat, I Cor., xvi, 1 : « De collectis autem, » etc. Item, II Cor., ix, 6 : « Qui parce seminat, parce et metet. »

Item dabat proximis verba Dei, quibus copiosissime abundabat; imo etiam seipsum eorum utilitatibus dedicabat, I Thess., ii, 8 : « Vollebamus tradere vobis non solum evangelium, sed etiam animas nostras, quoniam carissimi nobis facti estis. » Item, II Corinth., xii, 13 : « Ego ipse libentissime impendam, et superimpendar pro animabus vestris. »

Mira insuper de corpore suo fecit pro proximis ad fidem et salutem convertendis, prædicando scilicet, disputando, discurrendo a Damasco in Arabiam, in Hierusalem, in Antiochiam. Deinde ivit jussu Spiritus sancti, cum Barnaba, de Antiochia in Cyprum. Inde navales in Pamphyliam, et post eunes in Pisidiām, Iconium, Lycaoniam, constituerunt presbyteros per universas ecclesias, et tandem post factum multiplieum fructum, Antiochiam redierunt: de his habetur plenius, Act., xiii, xiv.

Postmodum vero Paulus volens visitare fratres, quibus prædicaverat verbum Dei, assumpto Sila in socium, prefectus est in Syriam et Ciliaciam. Inde transeuntes Phrygiām, et Galatiā regionem, venerunt Mysiam, et postea vocatus in Macedoniam navigavit: et tunc Philippis Thessalonice, et in multis aliis civitatibus regionis illius multum fructum faciens, conse-

(a) Vulg. Nostra quam dedit nobis.

querter pervenit Athenas, ubi cum philosophis curiosius salubriter disputavit.

Ex quo transtulit se Corinthum, et ibi multum populum Domino acquisivit. Inde profectus est Ephesum, et ingressus synagogas disputabat cum Judeis : Unde egressus descendit Cæsaream, et de Cesarea venit Antiochiam, et facto ibi aliquanto tempore, profectus est Galatice regionem, et Phrygiam, confirmans omnes discipulos.

Postea peragratis superioribus partibus, iterum venit Ephesum, et ibidem bieunno commoratus disputans et suadens de regno Dei, fecit ut omnes, qui habitabant in Asia, audirent verbum Domini, tam gentiles, quam Judæi.

Inde reversus per Macedoniam, et Troadem, et Miletum, per plures alias civitates et insulas transiens, applicuit Tyro, et de Tyro per Ptolomaidam et Cesaream iter faciens, deinde Ierusalem cum multa fatigacione pervenit, ubi comprehensus a Judæis, tractus et verberatus, et coram diversis iudicibus nequierat accusatus, a manifesto gravamine compulsus est Cesarem appellasse.

Traditus autem centurioni, post naufragium et innumera pericula, ad urbem Romanam catenis vinctus accessit, ibique predicationi et doctrinæ insistens, ire etiam in Hispaniam proponbat.

Ecce quomodo amabat illos, pro quibus tot et talia faciebat, II Cor., XII, 19 : « Omnia, carissimi, propter redificationem vestram. »

Apparent etiam signa dilectionis, cum quis vult sustinere, vel pati gravia pro amicis. Ecclesiastici, XXII, 31 : « Amicum salutare non confundar, et si mihi mala evenierint per illum, sustinebo. » Ex iam dictis vero Paulum mira sustinuisse liquet pro utilitatibus proximorum, II Timoth., II, 10 : « Omnia sustineo propter electos, ut et ipsi salutem consequantur. »

Magnam dilectionem ad proximos habuisse Joannem Evangelistam, patet ex verbis suis. Ex abundantia, enim cordis os ejus loquebatur, quando dilectionem vel charitatem toties repetebat, sicut appareat præcipue in prima canonica, primo capitulo.

CAPUT XLII.

De invidia.

« Invidia diaboli mors intravit in orbem terrarum, » Sap., II, 24, quia scilicet vidit diabolus hominem in statu felici esse, et ad illum

posse ascendere, unde ipse corruerat : ideo tentavit hominem, et vicit. Gen., III.

Invidia motus Cain fratrem suum Abel occidit, quando scilicet vidit ejus munera acceptari a Deo, et non sua. Gen., IV.

De Isaac dicitur : « Benedix illi Deus, et locupletatus est homo, » etc. « Ob hoc invidentes ei Philistii, » etc. Gen., XXVI, 13-14. Per quod patet, quod prosperitas hominis causat invidiam in aliis, occasionaliter tamen.

Rachel sterilis sorori fecundæ invidit, Gen., XXX. Ecce quomodo invidia nec propinquis parcit.

Fratres Joseph invidebant ei, videntes quod a patre plus cunctis fratribus amaretur, et audientes sonnia quæ narrabat. Et nota, ad quantum facinus ex illa invidia proruperunt. Gen., XXXVII.

Cum duo viri prophetarent in castris, Josue, quasi invidentes, dixit : « Domine mi Moyses, prohibe eos. At ille : Quid, » inquit, « æmularis pro me? » Num., XI, 28-29.

Maria et Aaron locuti sunt contra Moysen, dicentes : « Num per solum Moysen locutus est Dominus? » etc. Num., XII, 2. Ex quo patet, quod invidus non parcit beneficis et propinquis : Moyses enim frater eorum erat, et per eum grandem recipiebat honorem.

Percusso Philistæo, cantabant mulieres : « Saul perennit mille, et David decebat millia. Istratus est autem Saul nimis, et displicuit illi sermo ille. » I Reg., XVIII, 7-8.

Videns Achitophel quod non factum fuerat secundum consilium suum, sed magis secundum consilium Chusai, abiens in domum suam, suspensus interiit. II Reg., XVII, 23.

Ædificantis templum filiis Juda, post redditum de Babylone, gentes quæ erant in circuitu, doluerunt, et eos multipliciter impediwerunt, I Esdræ, IV.

Audierunt Sanaballat et Tobias quod venisset homo, qui quereret prosperitatem filiorum Israël, et contristatus est afflictione magna. Nehem., II, 10.

Daniel supererat omnes principes et satrapas : unde principes et satrapæ querebant omnes occasiones, ut invenirent Danieli ex latere regis. Dan., VI, 3-4.

Alcimus videns charitatem Judæ et Nicanoris ad invicem, venit ad Demetrium, et dicebat Nicanorem rebus alienis assentire, Judamque regni insidiatorem successorem sibi destinasse. II Mach., XIV.

Videntes principes sacerdotum et scribe mirabilia quae Dominus faciebat, et pueros clamantes : « Hosanna filio David, » indignati sunt, » etc. *Math.*, **xxi**, et *Luc.*, **xix**.

Frater filii prodigi audiens festum, quod faciebat pater adolescentiori filio revertentis, indignatus est, et nolebat introire. *Luc.*, **xv**.

A beato Joanne Baptista longe fuit invidia relegata, ad quem cum venirent discipuli, et dicerent quod Christus baptizabat, et omnes ibant post eum; respondit : « Amicus sponsi, qui stat, et audit eum, gaudio gaudet propter vocem sponsi. Hoc ergo gaudium meum impletum est, » etc. *Joan.*, **iii**, 29.

Quidam Judei qui viderant Lazarum a Domino suscitar, abierunt ad Pharisæos, et dixerunt quae fecit Jesus. Collegerunt ergo Pontifices et Pharisæi consilium, etc. *Joan.*, **xi**, 46-47.

Ad tam immane scelus principes sacerdotum ex invidia proruperunt, quod legitur, *Math.*, **xxvii**. Sciebat Pilatus, « quod propter invidiam tradidissent eum » summi sacerdotes, scilicet ipsum Dei filium Dominum Jesum Christum.

Petro et Joanne loquentibus ad populum, supervenerunt sacerdotes et magistratus templi Sadducæique dolentes, quod docerent populum. *Act.*, **iv**, 1-2.

« Princeps (a) sacerdotum, et omnes qui cum illo erant, videntes signa, » que per Petrum siebant, repleti sunt zelo, et injecerunt manus in Apostolos, et posuerunt eos in custodia publica, » etc. *Act.*, **v**, 17-18.

« Audientes verba Stephani Judæi disseabantur cordibus suis, et stridebant dentibus in eum dolentes, quod non poterant resistere sapientiae, et spiritui qui loquebatur. » *Act.*, **vi** et **vii**.

Convenit pene universa civitas audire verbum Dei, quod Paulus et Barnabas prædicabant; « videntes autem Judæi repleti sunt zelo, » etc. *Act.*, **xiii**, 43.

Ex Thessalonice Judæis et Gentilibus credidérunt multi viri, et mulieres nobiles non paucæ : zelantes autem Judæi, concitaverunt civitatem. *Act.*, **xvii**, 4-5.

CAPUT XLIII.

De correctione fraterna.

Corripere proximum, et reprehendere, est opus misericordiæ; unde, posquam juraverat Abraham Abimelech, quod faceret ei misericor-

diam, continuo sequitur : « Increpavit Abimelech, » etc. *Gen.*, **xxi**, 25.

Charitative et mansuete compescuit Abraham jurgium, quod erat inter pastores nepotis sui Loth. *Gen.*, **xiii**.

Dulciter et benigne increpabat Loth Sodomites, licet illi non acqueverint ei. *Gen.*, **xix**.

Ruben et Judas temperaverunt furorem fratrum suorum, ne occiderent Joseph. *Gen.*, **xxxvii**.

Moyses injuriantem Hebræum charitable corripuit; sed ille pro malo habuit, et ad injuriosa verba prorupit, *Exod.*, **ii**, 14 : « Numquid occidere me tu vis ? » etc.

Videns Jethro populum expectantem judicari per Moysen, dixit ei : « Stulto labore consumeris, » etc. Et nota quomodo tantus homo gentilis homini monitionibus acquevit. *Exod.*, **xviii**, 18.

Phinees filius Eleazari, et cæteri nuntii, fratres suos, qui ædificaverant altare in scandalum filiorum Israhæl, discrete arguerunt, et satisfactionem libertissime suscepserunt. *Jos.*, **xvi**.

Miserunt nuntios filii Israel ad filios Benjamin, qui dixerunt : « Cur tantum nefas in vobis reportum est ? Tradite homines, qui hoc flagitium perpetraverunt, » etc. *Judic.*, **xx**, 12-13.

Increpando Jonathas patrem suum Saul pro iniqua persecutione David, ejus malitiam in principio aliqualiter temperavit. *I Reg.*, **xix**.

Volens Abigail arguere virum suum super duritiam, quam ostenderat nuntius David, noluit ei aliquid dicere statim post prandium, sed expectavit tempus opportunum, scilicet usque in crastinum, cum vinum prius bibitum digessisset. *I Reg.*, **xxv**.

Abner bene arguebat Asael, quia nimis urgebat persequendo eum; sed ille audire contempsit, et propter hoc occisus fuit. *II Reg.*, **ii**.

Nota quam discrete arguit Nathan propheta David, cum peccasset adulterium et homicidium committendo, *II Reg.*, **xii** : non enim cum furore dixit : Pessime fecisti; sed assumpta similitudine congrua, illaqueavit eum verbis oris sui.

Cum magno zelo arguit Elias populum errantem, dicens : « Si Dominus est Deus, sequimini eum, » etc. *III Reg.*, **xviii**, 21.

Reprehendens Achab, regem Israel, vir quidam de filiis prophetarum, proposuit ei simili-

tudinem, per quam cognovit rex peccatum suum. *III Reg.*, xx.

Cum magna libertate dixit Elisaeus ad Joram regem Israel, exercitu circumstante : « Si non erubescerem vultum Josaphat, non attendissem te, vel resipessim. » *IV Reg.*, iii, 14.

Sacerdotes restiterunt Oziæ regi Juda volunti adolere incensum, et dixerunt : « Non est tui officii, ut adoleas incensum, » etc. *II Paral.*, xxvi, 18.

Cum magno ardore corripuit Esdras filios transmigrationis, qui duixerant uxores alienigenas contra legem. *I Esdr.*, ix et x.

Audiens Nehemias elamorem populi propter gravamina, qua patiebantur a divitibus, increpavit optimates et magistratus, etc. *Nehem.*, v. Idem fecit pro eo, quod mulii, portando onera, diem sabbati profanabant. *Nehem.*, xiii.

Irridebant Tobiam parentes ejus; at ipse increpabat eos, dicens : « Nolite ita loqui, quoniam filii sanctorum sumus, et vitam illam experiamus, » etc. *Tob.*, ii.

Audiens Judith propositum civium suorum, quod post quinque dies volebant tradere Assyriis civitatem, reprehendit eos sermonibus fidelibus et discretis. *Judith*, viii.

Daniel valde discrete arguit regem Balthasar exemplo patris sui; et nota : patienter rex illum audivit, licet dixisset contra eum, et postea ipsum magnifice honoravit. *Dan.*, v.

Cum miro furoro dicebat Joannes Baptista Phariseis et Sadduceis : « Progenies viperarum, quis demonstravit vobis fugere a ventura ira? » *Matth.*, iii; *Luc.*, iii.

Dicebat Joannes Herodi adulteranti cum Herodiade uxore fratri sui : « Non licet tibi habere illam. » *Matth.*, xiv; *Marc.*, vi.

Indiscretus, licet pie, voluit Petrus Dominum increpare, cum diceret, quod oportebat cum pati a principibus sacerdotum; sed Dominus dure respondit ei : « Vade post me, satana, » etc. *Matth.*, xvi.

Veram et certam dedit Dominus regulam Petro de correctione fraterna, *Matth.*, xviii : « Si peccaverit in te frater tuus, corripe eum, » etc.

Unus de illis latronibus, qui pendebant in cruce, blasphemabat Dominum Jesum; respondens alter increpabat eum, dicens : « Neque tu times Deum, » etc. *Luc.*, xxiii.

Pulchre arguebat, et convincebat Phariseos ille cœus natus a Domino illuminatus, dicens : « Mirabile est quod vos ne-cœitis, unde sit homo

ille, et aperuit oculos meos : a sœculo non est auditum, quia aperuit quis oculos cœci nati, » etc. *Joan.*, ix.

Videns Petrus quosdam Judæos admirantes, et discipulos deridentes, discrete et confidenter illos arguit, et instruxit, et ad fidem converxit, *Act.*, ii. Simile accidit, *Act.*, iii, post sanationem claudi : culpam eorum ille ostendit, et aliquali ter excusans eos, multa dulcia verba dixit, ita quod conversi fuerunt quinque millia hominum.

Durissime increpavit Petrus Ananiam et Saphiram pro eo, quod fraudaverunt de pretio agri, quem vendiderant, et partem ad pedes apostolorum posuerant, *Act.*, v.

Stephanus in concilio Judeorum existens, confidenter increpabat eos, dicens inter cetera : « Dura cervice, et incircumscisi corde et auribus, vos semper Spiritui sancto resistitis. Quem prophetarum non sunt persecuti patres vestri? » etc. *Act.*, vii.

Paulus intuens Elymam Magum, qui nitebatur avertire proconsulem a fide, dixit ei : « O plene omni dolo et omni fallacia, fili diaboli, et inimice omnis justitiae, non desinis subvertere vias Domini rectas, » etc. *Act.*, xiii.

Simonem Magum, pro dono Dei pecuniam offerentem, Petrus terribiliter increpavit, dicens : « Pecunia tua tecum sit in perditionem, » etc. *Act.*, viii.

Quid discretius modo, quo Paulus Apostolus arguit Romanos ex Gentilibus et Judæis conversos, qui superba contentione volebant se alterutrum superponere? Ostendit autem utrosque peccasse, et gloria Dei misericordia indigere; nam et Gentiles legis naturalis, et Judæi legis Mosaicæ fuerunt transgressores, *Rom.*, iii : « Causati sumus Judæos et Græcos, » id est, Gentiles, « et circumcisos omnes sub peccato esse, » etc.

Corinthios arguit Apostolus de hoc præcipue, quod Christus in eis dividi videbatur, dicente uno : « Ego sum Pauli; » alio autem : « Ego sum Apollo; » alio vero : « Ego sum Cephæ, » etc., *I Cor.*, i. Item, quia dissimulabant inter se fornicatorem esse, qui tenebat novercam suam, *I Cor.*, v. Item, quia apud infideles judices de sæcularibus negotiis litigabant, *I Cor.*, vi. Item, reprehendit eos de irreverentia circa Eucharistie sumptionem, *I Cor.*, xi. Item, de errore circa mortuorum resurrectionem, *I Cor.*, xv. Item, in secunda epistola ad Corinthios, increpat eos Paulus de hoc præcipue, quod illi multa gravia

a pseudo-apostolis sustinebant, et ipsum non habebant in tanta reverentia, ut debebant, *II Cor., ix* : « Sustinetis, » inquit, « si quis vos in servitutem redigit, si quis devorat, si quis accipit, » etc. Item, *xii* : « Ego debui a vobis commendari; nihil enim minus feci ab iis, qui sunt supra modum apostoli. »

Galatas acriter, et fortiter, et ferventer arguit supra hoc, quod post acceptam veritatem Evangelii volebant ad circumcisionem et observantias legales reverti, *Gal., iii* : « O insensati Galatae, quis vos fascinavit ? » etc.

Audierat Apostolus quosdam de Thessalonicensibus ambulare inquiete, nihil operantes, sed curiose agentes: idcirco corripi tales mandavit, *I Thessal., iii*.

CAPUT XLIV.

De compassione habenda ad proximum.

Audiens Abraham captum esse Loti nepotem suum, celeriter et valenter succurrerit ei, *Gen., xiv*.

Ruben et Judas resistebant cæteris fratribus volentibus occidere Joseph, et quamvis eum non reduxerint ad patrem, tamen minus male actum est ei, *Gen., xxxvii*.

Gedeon compatiens secum fatigatis, petivit panem pro eis, *Judic., viii*.

Licet filii Benjamin filios Israel gravissime offendissent, tamen propter illorum excidium omnes elevata voce ululatu magno fleverunt, *Judic., xxi*.

Lugebat Samuel Saul, licet eum a Deo sciret projectum, *I Reg., xv*.

Compatiens David lassis sociis, qui ad bellum ire non potuere, constituit, quod æqua esset pars descendantis ad prælium, et remanentis ad sarcinas, *I Regum, xxx*.

Doluit David de occisione Absalon, licet ille multum offendisset eum; sed sciebat eum David in anima esse damnum, *II Reg., xviii*.

David in tantum doluit de percussione populi, quod petiti ab Angelo percuti loco illius, *II Reg., xxiv*.

Elias benigne accepit verba mulieris viduae satis dura, et pro filio ejus mortuo, dolori illius compatiens, efficaciter oravit, *III Reg., xvii*.

Cum Jezabel occideret prophetas Domini, Abdias abscondit centum ex iis, et pavit eos diebus multis, *III Reg., xviii*.

Pie compassus fuit Eliseus viduae debitibus obli-

gatae, et augmentavit ei modicum olei, quod habebat, *IV Reg., iv*.

Non solum pro præsentibus malis compatendum est proximis, sed etiam pro futuris: unde Eliseus, videns Asael, qui mala facturus erat filius Israel, ceperit flere, *IV Reg., viii*.

Cum cepissent filii Israel de viris Juda ducenta milia mulierum et puerorum, pepercissent eis, et vestitos atque refectos ad propria remiserunt, *I Paral., xxviii*.

Audiens Nehemias miserabilem statum civitatis Jerusalem, flevit diebus multis, et tandem consilium adhibuit et auxilium opportunum, *Nehem., i et ii*.

Cum regnaret Sennacherib, et filios Israel exoscos haberet, Tobias pergebat quotidie per omnem congregationem suam, et consolabatur eos, esurientes alebat, nudisque vestimenta præbebat, et mortuis atque occisis sepulturam sollicitus exhibebat, *Tob., i*. Item, *ii*, habetur de eodem.

Magnam compassionem habebat sanctus Job ad proximos, qui dicebat: « Auris audiens beatificabat me, eo quod liberasse pauperem vociferantem, et pupillum, cui non erat adjutor. Benedictio perfituri veniebat super me, et cor vidue consolatus sum, » etc. *Job, xxix, ii et seq.*

Regina Esther, nuntiata crudeli sententia contra populum suum lata, non aliter assumpsit negotium, quam si fuisset una de populo, licet esset de se secura, tanquam sponsa regis dilecta, *Esth., vii*.

Audientes tres amici Job omne malum, quod accidisset ei, venerunt ut consolarentur eum, *Job., ii*. Sed tamen non intelligentes causam suæ afflictionis, fuerunt ei postea onerosi.

Non solum justis in afflictione positis compatiendum est, sed etiam peccatoribus et injustis: unde dicebat Isaias, propter destructionem Babylonis: « Repleti sunt lumbi mei dolore, angustia possedit me, sicut angustia parturientis, » etc. *Isa., xxi, 3*.

Videns in spiritu idem Isaias calamitatem superventuram populo suo, dicebat: « Requid a me, amare flebo; nolite incumbere, ut consolemini me super vastitate filiæ populi mei. » *Isa., xxii, 4*.

Dolens Abdemelech Æthiops, quod Jeremias propheta missus erat in lacum, in quo non erat aqua, sed lutum, procuravit apud regem, scilicet ut extraheret illum. *Jerem., xxxviii*.

Cum scripsisset Baruch verba comminationis ex ore Jeremie, dixit (a) : « Væ misero mihi, quoniam addidit Dominus dolorem dolori meo. » *Jerem.*, **XLV**. Et tamen dicebat populus, quod Baruch incitabat Jeremiam adversus eos, ut traderet eos in manibus Chaldaeorum, *Jer.*, **XLIII**.

Cum revelasset Dominus Ezechieli peccata, que populus Israel faciebat, et ponas quas passurus erat, fuit amaricatus, tristis et genebundus, *Ezech.*, **III** et **IX**.

Rex Darius, sciens Daniel positum in lacunam, pre dolore dormivit inconatus, cibique non sunt allati coram illo, insuper et somnus recessit ab eo. *Dan.*, **VI**.

Magnum dolorem habuit Onias summus sacerdos, quando vidit templum debere per Heliodorum spoliari, et deposita viduarum ac pupillorum auferri, *Hl Mach.*, **III**.

Antiochus rex dictus Nobilis, licet simpliciter esset malus, tamen audiens Oniam sumnum sacerdotem inique fuisse occisum, flexus ad misericordiam lacrymas fudit, *Hl Mach.*, **IV**.

Accedentes discipuli ad Dominum, rogabant eum pro muliere Chananæa, dicentes: « Dimitte eam, quia elamat post nos. » *Matt.*, **XV**, **23**.

Contra nolentes compati proximis, et ex corde dimittere, inducit Dominus parabolam de servo nequam, cui decem millia talenta fuerunt remissa, et ipse noluit dimitttere conservo suo centum denarios, *Malth.*, **XVII**.

Ad hoc quod homo libenter compatiatur proximo suo et misereatur ipsius, multum facit, quod specialiter fiet disceptatio de operibus misericordiae in iudicio, *Matt.*, **XXV**.

Cum vidisset Dominus Jesus flentem viduam, cuius filius defunctus efferebatur, misericordia motus super eam, dixit: « Noli flere, » et tunc mortuum ejus filium suscitavit, *Luc.*, **VII**.

Miseritus est Dominus turbae indigenti, quæ pedestris secuta eum fuerat in deserto, *Matt.*, **XXV**; *Marc.*, **VIII**.

Samaritanus ille appropians sauciato, misericordia motus alligavit vulnera ejus, infundens oleum et vinum, et curam illius egit, et per alium fecit haberri, *Luc.*, **x**.

Videns Dominus civitatem Jerusalem, et considerans mala, quæ factura erat postmodum et passura, flevit super illam, dicens: « Si cognovisses et tu, » etc. *Luc.*, **XVIII**.

Ut vidit Jesus Mariam plorantem, et Judæos qui venerant cum ea plorantes, infremuit spiritu, et turbavit seipsum, et lacrymatus est, *Joan.*, **XI**.

Eliam pendens in cruce, Salvator habuit curam matris, quam sciebat in anima crucifigi, *Ioan.*, **XIX**: « Mulier, ecce filius tuus, » dixit ipse ostendo Joanne.

Cum venisset Petrus in Joppen, vidit viduas flentes pro morte Tabithæ, quæ faciebat eis tunicas et vestes, et ponens genua sua oravit, et cum vocasset sanctos ac viduas, assignavit eam illis vivam, *Act.*, **IX**.

Paulus dum esset Athenis, incitabatur spiritus ejus in ipso, eo quod videbat idololatriæ dedicatam civitatem, *Act.*, **XVII**, **16**.

Barbari non modicam humanitatem praestabant Paulo et socii ejus. Accensa enim pyra, reficiebant omnes, propter imbrex, qui imminebat, et frigus. Ipsi vero bene indigebant, quia de navi confracta evaserant tempore hyemali, et quosdam oportuerat naturæ; alii vero super tabulas fuerant apportati. *Act.*, **XXVII** et **XXVIII**.

Cum tanta spiritus anxietate compatiebatur Paulus fratribus, et cognatis suis percutiibus, quod ipse dicebat, *Rom.*, **IX**, **2**, **3**: « Tristitia est mihi magna, et continuus dolor cordi meo. Optabam enim ego ipse anathema esse a Christo pro fratribus meis, qui sunt cogitati mei secundum carnem. » Item, *Galat.*, **IV**, **19**: « Filioli mei, quos iterum parturio, » etc.

CAPUT XLV.

De hospitalitate exhibenda libenter.

Nota de Abraham, quam celeriter, quam lætanter angelos hospitio suscepit, et ipsis ea, quæ videbantur necessaria peregrinis, parari fecit. *Gen.*, **XVIII**.

Item de Loth attende, quomodo quos putabat homines esse transeuntes, honoravit, obnoxio rogavit, et eis necessaria benigne conferens contra incursantes defendit, ut potuit. *Gen.*, **XIX**.

Prompta ad hospitalitatem videbatur Rebeca, quæ dixit servo Abraham: « Palearum et feni plurimum est apud nos, et locus spatiiosus ad manendum. » Et paulo post dixit eidem Laban: « Præparavi domum, et locum camelis. » *Gen.*, **xxiv**, **23**, **31**.

Sinc magna prece Jethro recepit peregrinum Moysen hospitandum, *Exod.*, **II**, **20** et seq. Post-

(a) *Cœt. edit. Dixisti*, ut in Vulgata.

modum autem filia ejus et nepotes sui fuerunt per eum magnifice honorati.

Testatur Moyses, dicens, *Deut.*, x, 18, 19 : « Dominus Deus noster amat peregrinum, et dat ei victim atque vestitum ; et vos ergo amate peregrinos, quia et ipsi fuistis advenae, » etc.

In Gabaa Benjamin non invenit Levites , qui eum hospitio reciperet, nisi quemdam senem de opere venientem. *Judic.*, xix, 45 et seq.

Elias suscitavit filium mulieris, apud quam sustentabatur, *III. Reg.*, xvii.

Mulieri Sunamitidi, filium non habenti, apud quam Eliseus transeundo manebat, idem Eli-seus filium impetravit, et mortuum suscitavit, *IV. Reg.*, iv.

Bonus hospitalarius erat beatus Job, qui dicebat : « Foris non mansit peregrinus; ostium meum viatori patuit. » *Job.*, xxxi, 32.

Ambulans per mundum Dominus Jesus Christus non habebat ubi caput reclinaret; Martanum vero specialem hospitam legitur habuisse. *Luc.*, ix, 58; x, 38; *Joan.*, xu, 2.

Quando misit Salvator discipulos ad prædicandum, in illis seipsum asserit recipi et audiri, *Matt.*, x, 40 : « Qui recipit vos, me recipit. » *Luc.*, x, 16 : « Qui vos audit, me audit; et qui vos spernit, me spernit. »

Gaudens accepit Dominum Zachæus in domo sua; et Dominus Jesus magis gaudentem effecit, quando dixit : « Hodie salus huic domui facta est, » etc. *Luc.*, xix, 9.

Exemplo duorum discipulorum, qui Dominum in specie peregrini coegerunt ad mandatum secum, apparet quod peregrini non solum vocandi sunt ad hospitium, sed etiam compellendi. *Luc.*, xxiv.

Apostoli hospitabantur ut plurimum in dominibus artificum et hominum medicorum; unde legitur de Petro, *Act.*, x, 6 : « Hic hospitatur apud Simonem quemdam coriarium, cuius domus est juxta mare. » Idem de Paulo, *Act.*, xvii, 3 : « Manebat apud Aquilam et Priscillam, quia erat ejusdem artis, et operabatur. »

Obnixe et instanter deprecata est Lydia purparia Paulum, et socios ejus, ut manerent apud eam in domo sua. *Act.*, xvi, 43 : « Et coegit nos, » habetur infra.

Cum evasisset Paulus et socii ejus de fracta nave, Publius princeps insulae illius ipsos suscipiens benigne exhibuit. Paulus autem patrem

(a) *Vulg.* latuerunt. — (b) Item conglutinata.

ejus, febris laborantem et dysenteria, oratione et manuum impositione sanavit. *Act.*, xxvii, 7 et seq.

Urbana fiducia utebatur Paulus scribens Philemoni, cum dixit, *Philem.*, 22 : « Simul et para mibi hospitium, nam spero per orationes vestras donari me vobis. »

Inter cætera ad quæ specialiter Paulus inducit Hebreos, est hospitalitas, *Hebr.*, xiii, 2 : « Hospitalitatem nolite oblivisci. Per hanc enim placuerunt et (a) quidam, angelis hospitio suscepti. »

Commendat Caium beatus Joannes in tercia epistola sua, dicens, *III Joan.*, 5 : « Charissime, fideliter facis quidquid operaris in fratres, et hoc in peregrinos, » etc.

C A P U T X L V I .

De amicitia.

Vocatis multis amicorum turbis ad convivium, Laban fecit nuptias, et dedit filiam suam Liam nepoti suo Jacob. *Gen.*, xxix.

« Loquebatur Dominus ad Moysen facie ad faciem , sicut solet homo loqui ad amicum suum. » *Exod.*, xxxiii, 11.

Ruth adhaesit socri suæ Nohemi, et dixit ei : « Quocumque perrexis pergam , et ubi morata fueris, et ego pariter morabor. » etc. *Ruth*, i, 16.

« Anima Jonathæ colligata (b) est animæ David, et dilexit eum Jonathas, quasi animam suam : nam expoliavit se Jonathas tunica, qua erat indutus, et dedit eam David. » *I Reg.*, xvii, 4, 3, 4.

Signum fuit fidelis amicitiae, licet indiscretæ, quod « armiger Saul , » videns dominum suum esse mortuum , « irruit super gladium suum , et mortuus est cum eo. » *I Reg.*, xxxi, 5.

Misit Abner nuntios ad David, dicentes : « Fac mecum amicitias, et erit manus mea tecum, et reducam ad te universum Israel , » etc. *II Reg.*, iii, 12.

Chusai Arachites, amicus David, venit ad Absalom, et dissipavit consilium Achitophel. *II Reg.*, xvii, 5 et seq.

Propheta Jehu dixit Josaphat regi Juda, qui iverat ad prælium cum Achab rege Israel : « Impio præbes auxilium, et his, qui oderunt Dominum , amicitia jungeris, et idcirco iram quidem Domini merebaris, » etc. *II Paralip.*, xix, 2.

Aman superbus convocavit ad se amicos , et

expositus illis magnitudinem divitiarum suarum, et filiorum turbam, et quanta eum gloria super omnes principes rex elevasset. *Esth.*, v.

Audientes tres amici Job omne malum, quod accidisset ei, venerunt singuli de loco suo, ut visitarent eum, et consolarentur, *Job*, n. 41 et seq. De ipsis tamen ipse dixit postea, vi, 27: « Subverttere nitimini amicum vestrum. »

Alcimus, proditor impius, concitavit regem Demetrium adversus Judam Machabaeum, pro eo quod dixit ei: « Perdidit Judas, et fratres ejus, omnes amicos tuos. » *I Machab.*, vii, 6.

Rex Alexander epistolam misit Jonathae, dicens: « Audivimus de te quod vir potens sis viribus, et aplus es ut sis amicus noster. » *I Machab.*, x, 19.

Accipit Jonathas aurum et argentum, et alia xenia multa, et dedit Demetrio, et invenit gratiam in conspectu ejus, et fecit eum principem amicorum. *I Machab.*, xi, 27.

Vidit Jonathas quia tempus cum juvat, et misit viros Romanos statuere et renovare cum Romanis amicitiam. *I Machab.*, xii, 1.

Postquam Alexander percussit Demetrium, misit ad Ptolemaeum regem Aegypti legatos, ut statuerent amicitiam ad invicem, et daret ei filiam suam uxorem. *I Machab.*, xii, 10.

Propter veterem amicitiam, quam habebant ad Eleazarum, quidam astantes attulerunt carnes, quibus vesci licite poterat, ut simularet se de sacrificiis carnibus manducasse, et sic posset mortem evadere. *II Machab.*, vi, 20.

Lysias videns et intelligens invictos esse Hebrewos Dei omnipotens auxilio innitentes, misit ad eos, promisitque se regem compulsorum amicum fieri. *II Machab.*, xi, 14.

« Laudavit dominus villicum iniquitatis, quia prudenter fecisset » acquirendo amicos de bonis domini sui: concludens per hoc, quod facere debemus amicos, qui possint nos recipere, quando nos in morte deficere oportebit. *Luc.*, xvi, 9.

Ponit Dominus exemplum de illo, qui media nocte vadit ad amicum, ut petat aliquid ab eo. *Luc.*, xi, 5, etc.

In passione Domini, Herodes et Pilatus facti sunt amici. *Luc.*, xxiii, 12.

Commota civitate Epheso et confusa, quidam de Asie principibus, qui erant amici Pauli, miserunt ad eum rogantes, « ne se daret in theatrum. » *Act.*, xix, 31.

CAPUT XLVII.

De inimicitia et odio.

Post peccatum primorum parentum, statim posuit Dominus inimicitias inter serpentem et mulierem, et inter utriusque semen. *Gen.*, iii, 13.

Rixati sunt pastores Gerarae adversus pastores Isaac pro puto quem foderant; idcirco appellavit Isaac puteum « Inimicitias. » *Gen.*, xxvi, 21.

Oderat semper Esau Jacob pro benedictione, qua benedixerat ei pater, dixitque in corde suo: « Venient dies luctus patris mei, et occidam Jacob fratrem meum. » *Gen.*, xxvii, 41.

Dixit Jacob Simeoni et Levi: « Turbastis me, et odiosum fecistis me Chananeis et Pherezeis habitatoribus terrae hujus. » *Gen.*, xxix, 30.

Videntes fratres Joseph quod a patre plus cunctis fratribus amaretur, oderant eum, nec poterant ei quidquam pacifice loqui. *Gen.*, xxxvii, 4.

Oderant filios Israel Aegyptii, et affligebant illeudentes eis, atque ad amaritudinem perducebant vitam eorum. *Exod.*, 1, 13.

Dixit Dominus ad Moysen: « Hostes vos sentiant Madianae, et percutient eos: quia et ipsi hostiliter egerunt contra vos, et decepero insidiis per idolum Phogor. » *Xum.*, xxv, 18.

Adonis edec rex Iherusalem, et quatuor alii reges obsederunt Gabaon, ut expugnarent eam, pro eo quod transfugerant Gabaonites ad Josue et ad filios Israel, et inierant fœdus cum eis. *Jos.*, x, 4.

Perrexerunt majores natu de Galaad ad Jephete, dicentes: « Esto princeps noster. » Quibus ille respondit: « Nonne vos estis, qui odistis me, et ejecistis de domo patris mei? Et nunc venistis ad me necessitate compulsi. » *Judic.*, xi, 7.

Fundebat apud Samson lacrymas uxor ejus, et querebatur, dicens: « Odisti me, et non diligis me; idcirco problema non vis indicare mihi. » *Judic.*, xiv, 16.

Videns Saul quod populus alte de David sentiebat, et etiam quod in omnibus prudenter et strenue se habebat, factus est inimicus ejus cunctis diebus. *I Reg.*, xviii, 29.

Duo latrones, qui occiderant Isbosheth, dixerunt David: « Ecce caput filii Saul inimici tui. » Sed male stipendiari. *II Reg.*, iv, 8 et seq.

Thou rex Emath, audiens quod David expugnasset Adarezer hostem suum, misit ad eum

filium suum, et gratias egit. II Reg., viii, 10.
Postquam Ammon filius David oppresserat Thamar sororem Absalom, exosam eam habuit magno odio nimis, ita ut majus esset odium, quo oderat eam, amore quo dilexerat eam ante. II Reg., xiii, 15.

Tres adversarios suscitavit Dominus Salomonis, postquam a Deo per peccatum recessit, scilicet (a) Idumaeum, Razon filium Eliada, et Jeroboam servum suum. III Reg., xi.

Eliam prophetam persecuta est impia Jezabel uxor Achab, propter prophetas Baal, quos ille fecerat occidi. III Reg., xviii et xix.

Cum Elias argueret Achab, ait ad Eliam Achab : « Nonne invenisti me inimicum tibi ? » dixit : « Inveni , » etc. III Reg., xxi, 20.

Dixit Achab ad Josaphat regem Iuda : « Remansit de prophetis Domini Michaelas filius Jemla : sed ego odi eum, quia non prophetabat mihi bonum, sed malum. » III Reg., xxii, 8.

Audierunt hostes Iuda et Benjamin quod filii captivitatis edificaverant templum Domino Deo Israel, et voluerunt edificare cum eis, etc. I Esdr., iv, 1.

Raguel, et Anna uxor ejus, benedixerunt Dominum, quia fecerat cum eis misericordiam suam, et excluderat ab eis inimicum persequenter eos. Tob., viii, 18.

Amputato capite Holophernis, dixit Judith, tacentibus universis : « Laudate Dominum Deum nostrum, qui non deseruit sperantes in se : et interfecit in manu mea hostem populi sui hac nocte. » Et proferens de pera caput Holophernis, ostendit illis. Judith, xiii.

Conquerens Esther de Aman superbissimo, dixit Assuero : « Hostis et inimicus noster pessimus iste est Aman, » etc., Esth., vii, 6.

De Iuda Machabæo dicitur, I Machab., iii, 6 : « Repulsi sunt inimici præ timore ejus, et operarii iniuriantis conturbati sunt, directa est salus in manu ejus. »

Ptolomæus rex Ægypti voluit dolo opprimere regnum Alexandri, et manifestæ factæ sunt iniuriantis ejus. I Mach., xi, 12.

Cognovit Simon quod Tryphon cum dolo loqueretur, petens duos filios Jonathæ, et centum talenta argenti. Jussit tamen dare argentum et pueros, ne inimicitiam magnam sumeret ad populum Israel dicentem : « Quia non misit argenteum et pueros, propterea periret. » I Mach., xiiii, 47.

(a) *Suppl.* Adad.

Herodes et Pilatus in passione Domini facti fuerunt amici, qui prius erant inimici. Luc., xxiii, 12.

CAPUT XLVIII.

De pace et concordia.

Alia animalia in principio fecit Deus duplicita, scilicet masculum et feminam, hominem autem fecit unum, Gen., i, 28. Et ex illo sunt omnes et singuli procreati, ut scilicet unitatem pacis et concordiae commendaret in homine.

Divitiae et copia rerum temporalium sunt ut plurimum materia et occasio jurgiorum, sicut apparelt de pastoribus Abraham et Loth, Gen., xiii, 7. Item de Isaac, et pastoribus Geraræ, Gen., xxvi, 21.

Gratanter faciunt homines pacem, et ineunt foedus cum potentibus et magnis hominibus. Hinc est quod Abimelech venit ad Isaac, quando vidit eum prosperari, Gen., xxvi, 8.

Cedendum est furori interdum malorum, sicut fecit Jacob recedens a fratre suo Esau, donec requiesceret furor ejus, Gen., xxvii, 44.

« Videntes fratres Joseph, quod a patre plus cæteris fratribus amaretur, oderant eum, nec poterant ei quidquam pacifice loqui. » Gen., xxxvii, 4.

Audientes Gabaonite ea quæ fecerat Josue Jericho et Hai, venerunt ad eum, et secundum ipsius beneplacitum pacem fecerunt, Jos., ix.

Phinees, et cæteri legati ad filios Ruben missi, audientes excusationem illorum, placati sunt, et verba eorum libentissime suscepserunt. Jos., xxii.

Quamvis Absalom contra patrem nimis nequiter egisset, tamen David magis volebat pacem, quam ejus mortem ; nam dixit : « Estne pax puer Absalom ? » II Reg., xviii, 32.

Cum esset David sanctus et placens Deo, noluit famen Dominus ut ædificaret ei domum ; sed filius ejus pacificus isto fuit privilegio honoratus. III Reg., v, 5.

Multum laudandus est Deus, quando dat populo statum pacificum et quietum, sicut fuit tempore Salomonis, III Reg., v, 4 et 5. Dixit Salomon : « Requiem dedit mihi Dominus per circumuum, et non est satan, neque occurus malus. » Sequitur : « Benedictus Dominus, » etc.

Boni homines habent pacem ad invicem ; sed mali pugnant contra bonos, et contra malos alios : unde inter Jeroboam et Roboam fuit bellum cunctis diebus. III Reg., xiv.

Ostensum fuit Eliæ Dominum non esse in grandi vento, neque in commotione, neque in igne, sed in sibilo aure tenuis, hoc est in pace et quiete. *Hl. Reg., xix.*

Benedixit populus omnibus viris, qui se sponte obtulerunt ut habitarent in Hierusalem. *Nchem., ii.*

Misit Jonathas nuntios ad Bacchidem (*a*) compone pacem cum eo, et tamen ipse Bacchides (*a*) fuerat dux exercitus, in quo occubuit Judas Machabeus frater Jonathae. *I Mach., ix.*

Rex Demetrius misit ad Jonathanam epistolam verbis pacificis, ut magnificaret eum; dixit enim : « Anticipemus pacem facere cum eo, priusquam fiat cum Alexandro adversum nos : recordabitur enim omnium malorum que fecimus in eum. » *I Mach., x, 4.*

Causa pacis, que fuit tempore Onie summi sacerdotis, pulchre describitur, *I Mach., xii.*, videlicet idoneitas prælati prudentis et pii, et bonitas subditorum.

Postquam debellatus fuit Lysias a Juda Machabeo, libenter fecit pacem cum eo. Intelligens enim invictos esse Hebreos Dei omnipotentis auxilio nitentes, misit ad eos, promisitque eis consensurum se omnibus quæ justa sunt, et regem compulsurum aunicum fieri. *Il Mach., ii.*

Tantam pacem et concordiam vult Dominus erga proximos nos habere, ut dixerit Petro peccanti fratri non esse remittendum septies, sed usque septuagies septies. *Matth., xviii, 22.*

Pacem annuntiaverunt Angeli in nativitate Domini, *Luc., ii, 14.* Item ipse Dominus discipulos inter se pacem habere præcepit, *Marc., ix, 49.* Item pacem jussit per discipulos nuntiari, *Luc., x, 5.* Item pacem eis reliquit, *Joan., xiv, 27.* Item post resurrectionem pacem eis obtulit, *Luc., xxiv, 36;* *Joan., xx, 21, 26.*

Qui desiderat servare pacem et quietem mentis, abstinere debet a discursibus etiam interdum valde licitis et honestis : unde *Joan., xi, 20* et seq. : « Martha ut audivit, quia Christus venit, occurrit illi : Maria autem domi sedebat, » nec inde se movit, donec vocata fuit ab ipso Domino per sororem, licet fortassis non ignoraverit ipsa Maria adventum Domini, quando Martha primo scivit.

Quantum sit pacis bonum, perpendi potest per discretum estimatorem rerum beatum Paulum,

quod illud tam sollicite in omnibus epistolis suis, illis quibus scribebat, optabat, excepta illa *ad Hebreos*, in qua nec nomen suum ex certa causa, nec aliquam salutationem præmittit. Nota tamen, quod cum dicitur : « Pax vobis, » præponit gratiam, dicens : « Gratia vobis et pax : » per quod manifeste datur intelligi, quod sine gratia Dei pax vera nunquam potest haberri. *Isa., xlvi, 22 :* « Non est pax impiis, dicit Dominus Deus. »

CAPUT XLIX.

De unitate et communione consensu.

Ex uno homine Deus humanum genus instituit, ad commandandum hominibus, quam ei grata sit etiam in pluribus unitas, ut dicit Augustinus, *XII De Civitate Dei*¹. Et subdit postea² : « Factus est homo unus, sed non relictus est solus. Nihil enim est, quam hoc genus, tam discordiosum vitio, tam sociale natura. Neque commodius contra vitium discordiae vel cavenendum, cum non existeret, vel sanandum, cum extitisset, natura loqueretur humana, quam recordationem illius parentis, quem propterea Deus creare voluit unum, de quo multitudo propagaretur, ut hac admonitione etiam in multis concors unitas servaretur. »

Populus filiorum Israel in deserto multum fuit unanimis et voluntarius ad recipiendam legem, *Exod., xix.* et etiam auditis a Moyse verbis legis, *Exod., xxiv, 3,* respondit populus cunctus una voce : « Omnia verba Domini, quæ locutus est, faciemus. »

Ad faciendum opus tabernaculi et sacras ministeriorum vestes, obtulit omnis multitudo filiorum Israel omnia necessaria, mente promptissima atque devota, *Exod., xxxv.*

Congregati sunt pariter omnes filii Israel, quasi vir unus, in Maspha ad judicandum flagitium in Gabaa Benjamin erga uxorem Levitæ commissum. *Judic., xx, 11.*

Invasit timor Domini populum, et egressi sunt quasi vir unus, ad succurrendum scilicet fratribus suis in Jabel Galaad obcessis. *I Reg., II, 7.*

Venerunt universæ tribus Israel ad David in Hebron, et unixerunt eum in regem super Israel. *II Reg., V, 3.*

Convenit ad regem Salomonem universus Israel, et tunc fuere area Domini, et vasa sanc-

¹ Aug., *de Civit. Dei*, lib. XII, c. xxii. — ² Ibid., c. xxvii.

(a) *Cæt. edit.* Bachidem, Bachides, et sic deinceps.

tuarii, delata in templum solemniter dedicatum. II *Reg.*, viii.

Congregatus est populus, quasi vir unus, in Hierusalem, ad aedificandum scilicet templum, quod fuerat a rege Babylonis destructum. I *Ezdr.*, ii, 64.

« Congregatus est omnis populus, quasi vir unus, ad plateam, et dixerunt Esdrae, ut afferret librum legis Moysi, » etc. *Nehem.*, viii, 1.

« Cum exposuisset Achior universa (quae dixerat Holopherni), omnis populus communis lamentatione et fletu unanimes preces suas Domini effuderunt. » *Judith*, vi, 14.

Post mortem Judæ congregati sunt omnes amici ejus, et dixerunt Jonathæ : « Ex quo frater tuus defunctus est, » etc. « Nunc itaque te eligimus hodie pro eo esse nobis principem, et ducem ab bellandum bellum nostrum. I *Mach.*, ix, 29 et seq.

Auditis sermonibus Simonis accensus est spiritus populi simul, et voce magna dixerunt : « Tu es dux noster loco Judæ et Jonathæ fratris tui. » I *Mach.*, xiii, 8.

Post ascensionem Domini, « omnes discipuli erant perseverantes unanimiter in oratione cum mulieribus, et matre Jesu, » Act., i, 14; et sic invenit eos Spiritus sanctus, Act., ii, 1. Omnes qui credebant, erant pariter, recepto Spiritu sancto, et habebant omnia communia, unanimiter perdurantes in templo, et frangentes circa domos panem. Act., ii, 44, 46.

« Cum audissent» discipuli de sanatione claudi, et responsione Petri et Joannis ad magistratus plebis, « unanimiter levaverunt vocem, et dixerunt : Domine, qui fecisti cælum et terram, » etc., Act., iv, 24.

Punitis ad vocem Petri terribiliter Anania, et Saphira uxore ejus, « factus est timor magnus in universa Ecclesia, et erant omnes unanimiter in portu Salomonis, » etc., Act., v, 11, 12.

Multitudinis credentium erat cor unum, et anima una, nec quisquam eorum, quæ possidebat, aliquid suum esse dicebat, sed erant illis omnia communia, Act., iv, 32.

CAPUT L.

De discordia, lite vel rixa.

Primam discordiam inter homines movit invidia, inter Cain scilicet et Abel, Gen., iv : quoniam « opera Cain maligna erant, fratris autem justa, » I *Joan.*, iii, 12.

Substantia Abraham et Loth erat multa, et non quibant habitare communiter ; unde facta est rixa inter pastores gregum Abraham et Loth, Gen., xiii.

Quia quandoque reges Sodomorum serviebant duodecim annis Chodorlahomor regi Elamitarum, et decimotertio recesserant ab eo, ideo factum est bellum illud de quatuor regibus adversus quinque, in quo fuit Loth captus, sed per Abraham liberatus, Gen., xiv.

Viri civitatis Sodomæ vallaverunt domum Loth, in qua erant duo angeli in humana specie hospitati, et volebant illos cognoscere, vimque faciebant vehementissime, eo quod Loth hospites fideliter defendebat, etc., Gen., xix.

Factum est jurgium pastorum Geraræ adversus pastores Isaac; habebat enim Isaac possessionem ovium et armentorum, et familie plenum, Gen., xxvi.

Oderat semper Esau Jacob pro benedictione, qua benedixerat ei pater. Dixitque in corde suo : « Venient dies luctus patris mei, et interficiam Jacob fratrem meum, » Gen., xxvii.

« Tumens (a) Jacob dixit ad Laban cum jurgio : Quam ob culpam meam sic exarsisti in me, et scrutatus es omnem supellecitem meam ? » Gen., xxxi, 36.

Occasione Dina filia Jacob, quam Sichem filius Hemor (b) rapuit et oppressit, facta est discordia magna inter filios Jacob, et habitatores terræ illius, Gen., xxxiv.

Moyses quadam die vidit duos Hebreos « ri- xantes, » dixitque ei, qui faciebat injuriam : « Quare percutis proximum tuum ? » Exod., ii, 3.

Cum exiissent filii Israel de terra Ægypti, et transiissent mare Rubrum, Amalec venit et pugnavit contra eos in Raphidim, Exod., xvii.

Multitudines jurgati sunt filii Israel contra Moysen in deserto, primo pro defectu potus, Exod., xv; deinde pro defectu cibi, Exod., xvi; postea, habitu uno cibo, desideraverunt alium : extedlati enim manna comedere, petierunt carnes, Num., xi. Item ad aquas contradictionis convenerunt adversum Moysen, et Aaron filii Israel, et ibi jurgati sunt contra Dominum et Moysen, Num., xxi. Ulterius procedentes, cœpit eos tædere itineris et laboris, et locuti sunt contra Dominum et Moysen, Num., xxi.

(a) Cæt. edit. Timens. — (b) Item Emor, et sic deinceps.

Inter Abimelech filium Gedeonis, et viros Sichem, qui male fecerant eum principem, fuit magna discordia suscitata, ita quod illi detestari coperperunt eum, et rebellare ei, et ipse expugnavit eos, etc., *Judic.*, ix.

Orta est sedicio inter viros Ephraim, et Jephthe, eo quod Jephthe vadens ad pugnam contra filios Ammon, illos vocare noluit, ut dicebant, *Judic.*, xii.

Pro uxore Levitae in Gabaa Benjamin turpiter interfecta (a), magna fuit pugna inter tribum Benjamin, et alias tribus Israel, ita quod illi de tribu Benjamin exceptis viris sexcentis pe-nitus sunt deleti, *Judic.*, xx.

Occiso a David Philistheo, iratus est Saul contra David, eo quod communiter laudabatur: « Non rectis oculis ergo Saul aspiciebat David a die illa, » et deinceps, *I Reg.*, xviii, 9; nec aliquis ex tunc potuit emollire cor Saul, quin persequeretur eum.

Facta est concertatio longa inter domum Saul, et domum David; sed David semper proficiebat, et domus Saul continue decrescebat, *II Reg.*, iii, 1.

Nimis inhonesta facta est discordia inter Absalom ambientem regnum, et David patrem suum. Denique Absalom, qui eam movit, suspensus fuit, *II Reg.*, xviii.

Rege David redeunte in Hierusalem, viri Israël turbati fuerunt, eo quod viri Juda ipsum reduxerant, alii non vocatis, *II Reg.*, xix.

Duae meretrices mulieres litigabant coram rege Salomone occasione unius infantis, quem ultrae volebat habere, *III Reg.*, iii.

Mortuo rege Salomone, petitum populus, ut a Roboam filio ejus mitius tractarentur: quo durius respondente, recesserunt decem tribus ab eo, et fecerunt Jeroboam regem sibi, et ex tunc multa bella fuerunt inter reges Israel et Juda, *III Reg.*, xii, et deinceps.

Facta est contentio inter discipulos Jesu, quis eorum videretur esse major; sed Domino non placuisse talem contentionem, patet per ea quae sequuntur, *Luc.*, xxii.

« Litigabant ad invicem Judei, dicentes: Quomodo potest hic carnem suam dare nobis ad manducandum? » *Joan.*, vi, 53.

« Murmur erat multum de Domino Jesu in turba: quidam enim dicebant, quia bonus est; alii vero dicebant: Non, sed seducit turbas, »

(a) *Cat. edit.* interficiæ. — (b) *Vulg.* præstabat.

Joan., vii, 12. Et in eodem capitulo sequitur, 43: « Dissensio facta est in turba propter eum. »

Baptizato Cornelio cum omni domo sua, audierunt Apostoli, et fratres qui erant ex Iudea, quoniam gentes receperissent verbum Dei. Cum ascendisset autem Petrus Hierosolymam, disceptabant adversus illum qui erant ex circumsione fratres, dicentes: « Quare introisti ad viros? » etc., *Act.*, xi.

Paulo et Barnaba in civitate Iconio prædicantibus, et multa miracula facientibus, « divisa est multitudo civitatis; et quidam quidem erant cum Iudeis, quidam vero cum Apostolis, » *Act.*, xiv, 4.

« Quidam descendentes de Iudea, docebant fratres: Quia nisi circumcidamini secundum legem Moysi, non potestis salvi fieri. Facta autem seditione non minima Paulo et Barnabæ adversus illos, statuerunt, ut consulerentur Apostoli, qui erant Hierosolymis, super hac quæstione, » etc., *Act.*, xv, 1, 2.

Occasione Marci, quem Paulus volebat ad ministerium Evangelii recipere, facta est dissensio inter Paulum et Barnabam, ita ut discederent ab invicem: attamen totum provenit ad prefectum Evangelii. *Act.*, xv.

Prædicante Paulo Ephesi, et multa miracula faciente, « facta est turbatio non minima de via Domini. Demetrius enim quidam argenterius faciens ædes argenteas Diana, parabat (b) artificibus non modicum quæstum, » etc. *Act.*, xix, 23, 24.

Quidam Iudei videntes Paulum in templo, concitaverunt omnem populum, et injecerunt manus ei clamantes: « Viri Israelite, adiuvate. » Sequitur: « Communota est civitas tota, et facta est concursio populi. » *Act.*, xxii, 27, 30.

Cum exclamasset Paulus in concilio: « Viri fratres, ego Pharisæus sum, filius Pharisæi; de spe et resurrectione mortuorum ego judicor; » facta est dissensio inter Pharisæos et Saduceos, et soluta est multitudo. *Act.*, xxiii, 6, 7.

CAPUT LI.

De zelo bono contra peccatores.

Sævient filii Jacob ob stuprum Dinæ sororis sue per Sichem oppressæ, *Gen.*, xxxiv.

« Audiens Moyses vocem cantantium, et vi-dens vitulum et choros, iratus est valde, et projiciens tabulas, confregit eas, » etc. Nota quam graviter punivit postea populum, pro

quo tam fideliter et instanter oraverat ante Deum. *Exod.*, **xxxii**.

Multum placuit Deo zelus Phinees filii Eleazar, quando perfodit virum cum muliere Madianitide, licet essent magni et nobiles. *Num.*, **xxv**.

*Praeceps*it Josue Achan lapidari, et totam ejus supellecitem comburi, quia tulerat de anathemate Jericho. *Jos.*, **vii**.

Cum audissent filii Israel filios Ruben et Gad ædificasse sibi altare, convenere omnes, et contra eos dimicare voluerunt. *Jos.*, **xxii**.

Congregati sunt omnes filii Israel, quasi unus, ad vendicandum gravissime scelus, quod commiserant viri de Gabaa Benjamin pro uxore Levite. *Judic.*, **xix** et **xx**.

Confidenter arguit Elias errantem populum, et sacerdotes Baal fecit occidi. *Ili Reg.*, **xvi**.

Reprehensus est Achab, eo quod Benadad regem Syriæ, virum morte dignum, indiscreti vivum dimisit abire. *IV Reg.*, **xx**.

Quamvis Jehu rex Israel simpliciter fuerit malus, tamen multum commendatur, eo quod semen domus Achab delevit, et prophetas Baal occidens, ædem ipsius Baal destruxit. *IV Reg.*, **x**.

Spiritus Domini induit Zacharium filium Joia-dæ, et stetit in conspectu populi sculptilibus servantis, et dixit illis: « Quare transgredimini præceptum Domini, quod vobis non proderit, et dereliquistis Dominum, ut derelinqueret vos? » *II Paral.*, **xxiv**, 20.

Audiens Esdras sacerdos Judæos cum gentilibus matrimonia copulasse, miro modo doluit, et gemens, et ejulans, signa doloris ostendit. *I Esdr.*, **ix**.

Videns Nehemias Judeos ducentes uxores alienigenas, objurgavit eos, et maledictis, et verberavit aliquos, et decalvavit. *Nehem.*, **xiii**.

Surrexit Mathathias, et dixit: « Væ mihi, ut quid natus sum videre afflictionem populi mei? » etc. Sequitur postea de illius zelo ferventissimo, et mirabilis probitate, quando trucidavit hominem super aram idolis (a) immolantem. *I Mach.*, **ii**.

Onias summus pontifex restitit viriliter Simoni, qui volebat iniquum aliquid in civitate moliri. *II Mach.*, **ii**, 4.

Miro servebat zelo Joannes Baptista, quando dicebat: « Progenies viperarum, quis demonstravit vobis fugere a ventura ira? » etc., *Matth.*, **xi**.

(a) *Cat. edit. idolum.* — (b) *Vulg.* incircumcisus coribus. — (c) *Cat. edit. Pseudo-Propheta.*

III; et simile, *Luc.*, **iii**. Item, quando arguebat Herodem, *Matth.*, **xiv**, et *Marc.*, **vi**.

Dure increpabat Dominus Scribas et Pharisæos hypocritas, et specialiter, *Matth.*, **xxiii**. In illo capitulo dixit eis septies: « Væ vobis. »

Sciens Dominus Jesus Phariseos ipsum nequiter observare, circumspiciens eos cum ira, contristatus est super cœcitatem cordis eorum, *Marc.*, **iii. Joan.**, **viii**, 44: « Vos ex patre diabolo estis, » etc. »

Pluries ejecit de templo Dominus vendentes et ementes: quandoque cum flagello. *Joan.*, **ii**, 15; quandoque cum duro verbo, *Luc.*, **xix**, 45, 46: « Domus mea, domus orationis est; vos aulem fecistis eam speluncam latronum. »

Grandi zelo successus est Petrus in Aniam et Saphiram, quando vidit, quod fraudaverant aliquid de pretio agri. *Act.*, **v**.

Ex ardenti zelo proveniebat sermo quem dixit Stephanus Judæis, *Act.*, **vii**: « Dura cervice, et incircumcis corde (b) et auribus, vos semper Spiritui sancto resistitis. Quem prophetarum non sunt persecuti patres vestri? » etc.

Resistenti Paulo et Barnabæ Barjesu pseudo-prophetæ (c), dixit Paulus: « O plene dolo et omni fallacia, fili diaboli, et inimice omnis iustitiae, non desinis subverttere vias Domini rectas, » etc. *Act.*, **xiii**, 10.

Cum Paulus prædicaret Athenis, « incitabatur spiritus ejus in ipso, videns idololatriæ deditam civitatem, » etc. *Act.*, **xvi**, 16.

Specialiter appetet fervens zelus Pauli in epistola ad Galatas, ubi illos, legalia observare volentes, arguebat, increpabat, obsecrabat. Idem, *Rom.*, **ix**; *II Cor.*, **xi**, et *ad Hebræos*, quasi per totum.

CAPUT LII.

De zelo indiscreto.

Videns Josue famulus Moysi duos homines in castris prophetantes, dixit: « Domine mi Moyses, prohibe eos. » At ille dixit: « Quid æmularis pro me? » etc. *Num.*, **xi**.

Abisai, filius Sarviae, voluit amputare caput Semei maledicentis David persecutionem Absalon perpetuisse; sed non permisit David, ut aliquid mali inferretur illi. *II Reg.*, **xvi**.

Fili prophetarum coegerunt Eliseum, ut mitteret ad querendum dominum suum Eliam, ne forte spiritus Domini projecisset eum in unum montium, aut vallium. *IV Reg.*, **ii**.

Jonas fugere voluit a facie Domini, quando praecepit ei praedicare Ninivitis; et postmodum doluit, quando vidiit quod civitas juxta id, quod predixerat, non ruebat. *Jon.*, i et iv.

Cum ostendisset Dominus discipulis oportere eum multa pati a principibus sacerdotum, et occidi, Petrus coepit increpare illum, dicens : « Absit a te, Domine, non erit tibi hoc, » etc. *Matth.*, xvi.

Multum zelabant Pharisei pro observatione sabbati, quando videbant Dominum die illa curantem infirmos, *Matth.*, xii; *Marc.*, ii; *Luc.*, vi et xiii; *Marc.*, iii; *Joan.*, ix. Item, quando videbant ejus discipulos spicas vellentes, et manibus confricantes, *Matth.*, xii; *Marc.*, ii; *Luc.*, vi. Scribae et Pharisei amplius zelabant pro traditionibus suis, quam pro divinis mandatis, *Matth.*, xv; *Marc.*, vii. Item pro auro templo plus zelabant, quam pro ipso templo, et pro dono altaris, plus quam de ipso altari, *Matth.*, xxiii.

Oblati sunt Domino parvuli, ut manus eis impuneret, et oraret; discipuli autem increpabant eos. Jesus autem ait : « Sinite parvulos venire ad me, » etc. *Matth.*, xix; *Marc.*, x.

Cum effudisset Maria pretiosum unguentum super caput Domini, quidam discipuli indigne ferebant, et fremebant in eam, propter perditionem unguenti. *Marc.*, xiv.

Joannes Apostolus prohibuit quemdam ejicientem dæmonia in nomine Domini Jesu, eo quod non sequebatur eum cum aliis discipulis. Et ait ad illum Jesu : « Nolite prohibere; qui enim non est adversus nos, pro nobis est. » *Luc.*, ix.

Audientes Jacobus et Joannes quod Samariani non receperant nuntios Domini, dixerunt : « Domine, vis dicimus, ut ignis descendat de ecclesi, et consumat illos? » Et conversus Dominus increpavit illos, et dixit : « Nescitis cuius spiritus estis. » *Luc.*, ix.

Arguit Dominus Petrum, qui amputaverat a rem servo principis sacerdotum, eo quod tunc non erat tempus potentiae ostendende, sed patientiae exhibendae. *Matth.*, xxvi; *Luc.*, xxxii.

Apparet discipulos Joannis Baptiste zelasse contra Dominum pro magistro, quando dixerunt ei : « Rabbi, qui erat tecum trans Jordanem, hic baptizat, et omnes veniunt ad eum. » Joannes autem optime respondit eis. *Joan.*, iii.

Cum afferrentur de civitatibus diversi infirmi, et a Petro curarentur, exurgens princeps sacer-

dotum, et omnes qui cum illo erant, repleti sunt zelo. *Act.*, v.

Emulator erat paternarum traditionum Iau-lus supra multos coetaneos suos, quando devastabat Ecclesiam per domos intrans, et trahens viros ac mulieres tradebat in custodiam; unde et accepit litteras a principe sacerdotum ad synagogas, quae erant in Damasco, ut si quos inventos perduceret illerusalem. *Gal.*, i; *Act.*, viii et ix.

Videntes Judei quod pene universa civitas convenerat audire verbum Dei, quod Paulus et Barnabas praedicabant, repleti sunt zelo, et contradicebant his que dicebantur a Paulo, blasphemantes. *Act.*, xiii.

Venienti Hierosolymam Paulo, dixerunt ei fratres : « Vides quot milia sunt in Judeis qui crediderunt, et omnes emulatores sunt legis. » *Act.*, xxi. Et de talibus dicit ipse Paulus, *Rom.*, x, 2 : « Testimonium quidem perhibeo illis, quod emulationem quidem Dei habent, sed non secundum scientiam. »

CAPUT LIII.

De prudentia et discretione.

Abraham veniens in Aegyptum de uxore sua prudenter et caute celavit veritatem, nec tamen asseruit falsitatem, dicens : « Soror mea est. » *Gen.*, xii. Simile accidit ei, quando venit ad Abimelech, *Gen.*, xx.

Prudenter separavit se Abraham a Loth, ne pastores eorum ad invicem litigarent. *Gen.*, xiii.

Discrete dimisit Abraham filii suis, dum vivet, portiones, ne post mortem suam ad invicem concertarent. *Gen.*, xxv.

Iacobus sagaciter instruxit filium suum Jacob, ut benedictionem patris consequeretur; et fecit eum recedere de partibus illis, donec requiesceret furor fratris. *Gen.*, xxvii.

Artem arte delusus Jacob pulchre, quando volebat ei dare Laban mercedem pro servitio competentem. *Gen.*, xxxi.

Sagaciter egit Jacob, quando debuit obviare irato fratri, quia munera misit ei, res suas divisit, ne uno furoris impetu totum perderet, et res minus dilectas majori exposuit periculo. *Gen.*, xxxii.

Prudenter locutus est Joseph coram Pharaone exponendo somnium, et contra futuram famem dando consilium. *Gen.*, xli.

Joseph fratres suos cante reprehendit, et eis timorem incussit. *Gen.*, **XLIV**.

Bonum consilium et discretum dedit Jethro Moysi, cum dixit : « Provide viros potentes, et timentes Deum, » etc. *Exod.*, **xviii**, **21**.

Antequam Moyses invaderet terram promissionis, misit exploratores illuc, ad considerandum conditiones ejus. *Num.*, **xiii**.

Exploratores quos misit Josue, prudenter latuerunt, donec illi, qui quærebant eos, ad propria redierunt. *Jos.*, **ii**.

Magna sagacitate usus est Josue insidias ponendo juxta civitatem Hai, et fugam postea simulando. *Jos.*, **viii**.

Callide cogitantes Gabaonite voluerunt decipere Josue; sed ille eos discrete in servitatem redegit. *Jos.*, **ix**.

Phinees, et alii nuntii ad filios Ruben missi, discrete locuti sunt, et illi eos verbis prudenter placaverunt. *Jos.*, **xxii**.

Aod, portans munera Eglon, ipsum astute decepit. *Judic.*, **iii**.

Gedeon percussit castra hostium, qui secum erant, et nihil adversi suspicabantur. *Judic.*, **viii**.

Jephthe per nuntios prudenter significavit regi filiorum Ammon, quod indiebat ei bella non justa; sed postea indiscretum fecit votum. *Judic.*, **xi**.

Caute deprehendit Jephthe, qui essent Ephraeiti, et qui Galaadite, dicendo Scibboleth, illis Sibboleth. *Judic.*, **xii**.

Filii Israel pugnantes contra illos de Benjamin, fugam arte simulaverunt, et sic eos a civitate ejecerunt, et penitus debellaverunt. *Judic.*, **xx**.

Dicentibus quibusdam de Saule : « Num salvare nos poterit iste? » et despicientibus eum, ille dissimulabat se audire. *I Reg.*, **x**.

Magnæ prudentiae fuit, quando David armatus armis Saulis cepit tentare, si sic posset incdere. *I Reg.*, **xvii**.

Egrediebatur David ad omnia quæcumque misisset eum Saul, et prudenter se gerebat, *I Reg.*, **xviii**.

David coram Achis simulavit se fatuum, et quasi furentem, ut posset fugere ab eo. *II Reg.*, **xxi**.

Abigail prudenter placavit David iratum contra Nabal virum suum, *I Reg.*, **xxv**.

Arguere volens Nathan Prophetæ David pro excessu commisso in Uriam, et uxorem ejus,

aptam parabolam, de divite qui abstulit ovem pauperi, prudenter assumpsit. *II Reg.*, **xii**.

Prudenti cautela usus est Joab ad hoc, quod per mulierem sapientem Thecuitem faceret Absalom revocari. *II Reg.*, **xiv**.

Prudenter ratiocinatus est Chusai, quando dissipavit consilium Achitophel. *II Reg.*, **xvii**.

Sapiens mulier fecit recedere Joab ab obside civitatis. *II Reg.*, **xx**.

Audiens Bersabee quod Adonias volebat regnare pro patre, sapienter locuta est ad David pro se, et pro filio suo Salomone. *III Reg.*, **i**.

Discretionem et sapientiam postulavit Salomon : quod multum placuit Domino, et cum sapientia multa alia ei concessit. *III Reg.*, **iii**.

Salomon prudenter judicavit inter duas mulieres de unico filio contendentes. *III Reg.*, **ii**.

Rex Roboam respondit populo dura, bono et discreto consilio seniorum derelicto, quod ei dederant, et locutus est ei, et secundum consilium juvenum imprudenter egit. *III Reg.*, **xii**.

Reprehensurus Achab regem Israel, vir quidam de filiis prophetarum parabolam de viro commendato et male custodito discrete proposuit, per quem rex Israel ille peccatum suum manifeste cognosceret. *IV Regum*, **xx**.

Studiose egit Jehu prophetas Baal honorare se fingens, et postea illos occidit, et altare Baal destruxit. *IV Reg.*, **x**.

Ezechias rex Juda discrete prohibuit, ne populus nuntiis regis Assyriorum dicentibus blasphemias responderet. Non enim expedit populum fidem contra litigantes infideles disputationes habere. *IV Reg.*, **xviii**, et *Isa.*, **xxxvi**.

Nuntii quos misit Ezechias ad Rabsacem, caute petierunt, ut ille loqueretur syriace, ne populus illum intelligeret et timeret. *IV Reg.*, **xviii**.

Joiada Pontifex volens constitutre regem in Hierusalem Joas filium Joram, valde caute se habuit et prudenter. *II Paralip.*, **xxiii**.

Ezechias intelligens regem Assyriorum Hierusalem adventurum, obturavit capita fontium extra urbem, reparavit muros civitatis, bellatores suos optimis sermonibus confortavit, et deinde ad deprecandum Dominum se conseruit. *II Paralip.*, **xxxii**.

Cum magna discretione, diligentia et sollicitudine, Nehemias ædificavit murum in circuitu Hierusalem. *Nehem.*, **ii**, **iii** et **iv**.

Magnæ sapientiae verbum, et merito appro-

batum fuit illud quod dixit Zorobabel : « Fortiores sunt mulieres, super omnia vincit veritas. » *III Esdr.* 1, 1.

Tobias credens se cito moriturum, dedit filio suo magnæ prudentiae documenta, et inter alia dixit: « Consilium semper a sapiente perquiere. » *Tob.*, iv.

Sapientiam magnam ostendit se habere Judith in verbis quæ dixit, *Judith*, viii. Et postea dicitur, quod servi Holopernis mirabantur ad sapientiam ejus, et dicebat alter ad alterum: « Non est talis mulier super terram in aspectu, in pulchritudine, et in sensu verborum. » *Judit.*, xi.

Cum magna prudentia requisivit Mardochæus Esther, ut succurreret populo Judeorum, dicens: « Si enim nunc silueris, per aliam viam liberabuntur Judæi: et tu, et domus patris tui, peribitis. Et quis novit utrum idcirco ad regnum veneris, ut in hoc tempore parareris? » *Esth.*, iv.

Danieli, et socii suis, dedit Dominus scientiam et disciplinam in omni libro, et sapientiam; Danieli autem specialiter intelligentiam visionum et somniorum. *Dan.*, i.

Visiones Nabuchodonosor regis Babylonis Daniel exposuit sapienter. *Dan.*, ii. Et postmodum legitur, licet prius acciderit, de duabus senibus presbyteris, quos mira prudentia contra innocentem Susannam falsum dixisse testimonium, deprehendit. *Dan.*, xiii.

Innotuit Judæe Machabœo, quod Nicanor venerat dolo, et quod volebat eum rapere caute: et subtraxit se Judas, et noluit eum amplius videare. *I Machab.*, vii.

Cognovit Simon quod Tryphon cum dolo loqueretur, petens duos filios Jonathæ, et centum talenta argenti. Jussit tamen dari, ne inimicitiam magnam sumeret ad populum, dicentem: « Quia non misit argentum, et pueros propterea periiit. » *I Mach.*, xiii.

Septem illi fratres cum matre sua in verbis, quæ sibi invicem, et tyranno dicebant, miram sapientiam se habuisse demonstrarunt. *II Mach.*, vii.

Constituta fuit dies, in qua Judas secreto cum Nicanore loqueretur. Praecepit autem Judas armatos esse suos in locis opportunitis, ne forte ab hostibus repente mali aliquid oriretur. *I Mach.*, xiv.

Miræ discretionis et prudentiae Beatam Virginem fuisse apparebat in colloquio, quod habuit cum Angelo. *Luc.*, 1, 29, 34: « Cogitabat qualis

esset ista salutatio... Quomodo fiet istud? » etc.

Cum remansisset in Hierusalem duodenisi puer Jesus, inventus est in medio doctorum, audiens illos, et interrogans. Sequitur, quod « stupebant omnes, qui eum audiebant, super prudentiam et responsis ejus. » *Luc.*, ii.

« Laudavit Dominus villicum iniuritatis, quia prudenter fecisset, » etc. *Luc.*, xvi.

Pulchre delusus Dominus curiosam interrogationem sacerdotum et seniorum populi Judeorum, ab eo querentium, in qua potestate illa mirabilia faciebat. Ait eis: « Interrogabo vos et ego, » etc. *Matth.*, xxii.

Cum Paulus Apostolus fuisse cum Sila socio ejus in carcere positus, in crastino miserunt magistratus lictores (*a*), ut dimitteretur. Paulus prudenter dixit eis: « Casos nos publice indemnatos homines Romanos miserunt in carcerem, et nunc occulite nos ejiciunt. » *Act.*, xvi, 37.

Commota et confusa civitate Ephesi, Paulus prudenter et humiliter acquieavit consilio amicorum, qui rogaverunt eum, ne daret se in theatrum. *Act.*, xix. Ubi etiam apparuit prudenter illius Scribæ, qui pulchre sedavit populum sic commotum, et remisit ad dominum.

Cum jussisset tribunus Paulum cædi flagellis, et torqueri, dixit Paulus astanti sibi Centurioni: « Si hominem Romanum indemnatum licet vobis flagellare? Et discesserunt ab eo, qui eum torturi erant. » *Act.*, xxii.

Cum vellet Paulus de Græcia navigare in Syriam, et intelligeret sibi a Judæis paratas esse insidias, caute declinavit, et reversus est per Macedoniam, nec recusavit comitatum quem fecerunt ei fratres diversarum civitatum. *Act.*, xx.

Sciens Paulus, quia una pars esset Phariseorum, et alia Sadduceorum, exclamavit dicens: « Viri fratres, ego Pharisæus sum, filius Pharisæorum. Factus est autem elamor magnus, et surgentes quidam Pharisæorum pugnabant pro eo, » etc. *Act.*, xxiii, 6, 9.

Postea cum audisset, quod quidam Judæi voverant se nihil gustatueros, donec occiderent Paulum, fecit hoc nuntiari tribuno, qui misit eum cum multis armatis ad Felicem Syriæ præsidem. *Act.*, xxiii, 12 et seq.

Cum Festus præses vellet Paulum in Jerusalem reducere ad instantiam Judeorum, et ibi eum audire, Paulus prudenter, advertens eorum malitias, Cæsarem appellavit. *Act.*, xxvi.

¹ Liber iste est apocryphus.—(*a*) *Cæt. edit.* principes.

CAPUT LIV.

De astutia et calliditate mala.

Primum magistrum astutiae et calliditatis patet fuisse diabolum in serpente, qui cum callidior esset cunctis animantibus, primam mulierem seduxit: non enim voluit aggredi primum hominem, quem sciebat majori discretione dotatum. *Gen.*, iii.

Multotiens voluit Laban seducere Jacob nepotem suum, modo in uxore, modo in mercede, *Gen.*, xxix et xxx; « sed Dominus in fraude circumvenientium illi affuit. » *Sap.*, x, 13.

Cum scrutaretur Laban supellectilem Jacob, et veniret ad tentorium Rachel, illa sollicitudinem querentis astute delusus. *Gen.*, xxxi.

Sævientes ob stuprum sororis suæ Dina filii Jacob, callide suaserunt Sichem et civitatis populum circumcidi; quo facto, irruerunt in eos, et faciliter occiderunt. *Gen.*, xxxiv.

Filii Jacob voluerunt decipere eum, quando tinxerunt tunicam Joseph in sanguine hœdi, mittentes, qui diceret ei: « Hanc invenimus, vide utrum tunica filii tui sit, an non. » *Gen.*, xxxvii, 32.

Diversas excogitavit astutias Pharaon rex Egypti ad hoc, ut filios Israel totaliter extirparet, *Exod.*, i: ad hoc etiam, ut eos in Egypto refineret, et nullatenus recedere pateretur, *Exod.*, v.

Malefici Pharaonis, quantum ad duo signa prima, fecerunt per incantationes suas, sicut fecerat Moyses. *Exod.*, vi.

Malitiose locuti sunt Core et complices ejus, quando steterunt contra Moysen et Aaron, dicentes: « Sufficiat vobis, quia omnis multitudo sanctorum est, et in ipsis est Dominus; cur elevamini super populum Domini? *Num.*, xvi, 3.

Videns Balac rex Moabitum, quod fortitudine filios Israel non poterat vincere, voluit eos superare maledictione Balaam. *Num.*, xxii.

Gabaonitæ, audientes que fecerat Josue Iericho et Hai, callide cogitaverunt, quomodo possent ita facere, quod non totaliter delectentur. *Jos.*, ix.

Caverant Philistiim, ne fabri ferrarii in omni terra Israel invenirentur, ne forte Hebrei facerent gladium, vel lanceam. *I Reg.*, xiii.

Saul invidens proficiendi David, dixit de filia sua Michol, quam David habere volebat: « Dabo eam illi, ut fiat ei in scandalum, et sit super eum manus Philistinorum. » Dixit ergo Saul ad

David: « In duabus rebus eris gener meus hodie, » etc. *I Reg.*, xviii, 21.

Per magnam astutiam voluit David celare iniquitatem suam, quando misit pro Uria, ut dormiret cum uxore sua. *I Reg.*, xi.

Nefandam iniquitatem docuit Amnon filium David Joadab filius Sennaa, quando dixit ei, ut languorem simularet, et sic Thamar sororem Absalom, de qua tentabatur, salvus habere posset. *II Reg.*, xiii, 5.

Cum vellet Absalom vindicare injuriam sororis sue, quam oppresserat Amnon frater eius, fecit parari grande convivium, et fratrem suum invitavit, et dum comedenter, eum occidi fecit. *II Reg.*, xiii, 27.

Ambiens Absalom regnum patris, cœpit malitiose popule adulari, et facta patris vituperans, seipsum bene judicaturum jactabat. *II Reg.*, xv.

Dixit Jeroboam in corde suo: « Nunc reverteretur regnum ad domum David, si ascenderit populus iste, ut faciat sacrificium in domo Domini in Ierusalem. » Et excogitato consilio, fecit duos vitulos aureos, etc. *III Reg.*, xii.

Achab rex Israel dixit quædam generalia verba nuntiis Benadad regis Syrie, suos et sua liberaliter offerendo, ex quibus ille astute voluit eum gravare nimis ad specialia descendendo, *IV Reg.*, xx.

Sedechias filius Canaam, propheta Baal, fecit sibi cornua ferrea, quasi esset verus propheta, dicentes regi Achab: « Haec dicit Dominus, iis ventilabis Syriam, donec deleas eam. » Tandem fecellit eum, et fecit eum ire ad bellum. *IV Reg.*, xxii, 11.

Currens Giezi post Naaman, callide coloravit petitionem suam, quando dixit: Dominus meus misit me ad te dicens: « Modo venerunt ad me duo adolescentes de filiis prophetarum, » etc. *IV Reg.*, v, 22.

Scelerata Jezabel crudeli astutia usa est ad hoc, ut vineam Naboth acquireret viro suo. *III Reg.*, xxi.

Athalia, mater Ochozæ regis Juda, videns mortuum filium, interfecit omne semen regium, et sic regnavit super terram sex annis. *IV Reg.*, xi.

Loquebatur alta voce Rabsaces nuntiis Senacherib regis Assyriorum, ut audiret eum, et timeret populus, qui erat super murum. *IV Reg.*, xviii.

Dum Abia rex Juda exercitum suum conforaret et adversarios increparet, Jeroboam rex Israel retro moliebatur insidias, cumque ex

adverso hostium staret, ignorantem Judam suo amiebat exercitu. I *Paral.*, **xiii**.

Varias excogitaverunt astutias vicini filiorum Israel qui redierant de captivitate Babylonis, ad hoc ut impeditur edificatio templi, et murorum civitatis Jerusalem. I *Esdr.*, **iii**; similiter *Nehe.*, **iv** et **vi**.

Superbissimus Aman, videns quod Mardonius ipsum adorare nolbat, occasione ejus, suasit regi per invidiam, ut totus Judeorum populus delcretur. *Est.*, **iii**, 13.

Quia Satan non poterat coram Deo virtutes sancti Job omnino negare, voluit intentionem ejus collide depravare, dicens, *Job*, **i**, 9: « Numquid frustra Job timet Deum? » etc. Nota etiam ibi quomodo uno die totum ei diabolus abstulerit, et simul nuntios venire fecit, ut multiplici dolore per impatientiam frangerentur.

Principes et satrapæ regni Persarum procuraverunt, ut Darius statueret decretum, propter quod cogitaverunt Danielem omnino interficere, ut hac arte ipsum a rege possent avertere. *Dan.*, **vi**, 8 et seq.

Duo senes presbyteri detestandam adinvenerunt nequitiam, ut possent Susannam decipere, et postea se de ea crudeliter vindicare. *Dan.*, **xii**.

Plenus malignitate Aleimus accessit ad Demetrium regem, et accusavit Judam Machabæum in multis, I *Mach.*, **vii**. Deinde, ut narratur, II *Mach.*, **xiv**: Obtulit regi coronam auream, et alia quædam dona, et ipsa quidem die siluit, et postea tantum dixit et fecit, quod rex summum sacerdotem cum constituit.

Jason misit Menelaum portantem pecunias Antiocho regi; at ille Menelaus commendatus regi in semetipsum retrorsum summum sacerdotium, superponens (a) Jasoni talenta argenti trecenta. II *Mach.*, **iv**.

« Herodes, clam vocatis Magis, diligenter dicit ab eis tempora stellæ, quæ apparuit eis, et mittens eos in Bethlehem dixit: Ite et interrogate diligenter de pueru, » etc., *Matth.*, **ii**. Qua vero intentione hoc diceret, apparuit in occisionibus puerorum.

« Pharisæi volentes capere Dominum in sermone, miserunt ad eos discipulos suos cum Herodianis dicentes: Magister, scimus, quia verax es, » etc., *Matth.*, **xii**, 16.

Varios circuitus fecerunt Pharisæi, ut possent

(a) *Cœt. edit.* supponens.

facere confiteri illum cæcum natum, quod non esset illuminatus a Christo. *Joan.*, **ix**.

Principes Judeorum custodibus sepulcri dererunt pecuniam copiosam, ut dicerent eum de nocte furto fuisse sublatum, *Matth.*, **xxviii**.

Ananias, conscientia uxore sua Saphira, fraudavit de pretio agri vendili. *Act.*, **v**.

Samaritani attendebant ad Simonem Magum, eo quod magicis artibus suis multo tempore eos dementasset. » *Act.*, **viii**, 14.

Videntes Judei, quod verbum Dei disseminabatur per Paulum et Barnabam, « concitaverunt religiosas mulieres et honestas, et primos civitatis Antiochenæ, et excitaverunt persecutionem in illos, et ejecerunt eos de finibus suis. » *Act.*, **xii**, 50.

Cum Paulus et Barnabas essent in civitate Lystris, et tantam haberent ibi gratiam, quod homines ipsi tanquam diis sacrificare voluerunt, supervenerunt quidam Judei, qui taliter persuaserunt turbis, quod Paulus fuit ibi lapidatus, et extra civitatem tractus mortuus esse putabatur. *Act.*, **xiv**.

Quæstuarii quidam cum puella spiritum pythонem habente volentes conqueri de Paulo, non dixerunt, quod per eum amiserant quem suum, sed mentiendo dixerunt: « Huius homines conturbant civitatem nostram, et annuntiant morem, quem non licet nobis suscipere, neque facere, cum simus Romani. » *Act.*, **xvi**, 19, 21.

Judei malitiose cogitaverunt petere a tribuno, ut Paulum perduceret in medium, quasi aliquid certum inquisitus esset ab eo. Insidiabantur autem ei multi, qui volebant statim interficere eum, et ad hoc etiam se obligaverant per votum. *Act.*, **xxiii**.

CAPUT LV.

De eruditione filiorum.

Audiens Jacob somnia Joseph, increpabat eum, ne forte contra se fratrum suorum invidiā suscitaret. *Gen.*, **xxxvii**, 10.

Negligentian filiorum arguebat Jacob, audiens quod alimenta venderentur in Ægypto. *Gen.*, **xlii**.

Blasphemus in eremo lapidatus fuit filius mulieris Israëlitidis de viro Ægyptio generatus: tales enim filii male frequenter instruuntur. *Levit.*, **xxiv**.

Præcepit Dominus per Moysen, ut filii Israel

docerent filios suos ea quæ ipsi viderant (a), *Deut.*, iv.

Contumax filius, et protervus, et parentum imperio obedire contemnens, præcipitur a Moyse per populum lapidari, *Deut.*, xxi.

Heli sacerdos male correxit filios suos, *I Reg.*, ii; et ideo tam ipse, quam illi a Domino sunt puniti, *I Reg.*, iv.

Adonias filius Aggith male fuit a patre suo David correctus, et idcirco in superbiam elatus regnare voluit, *III Reg.*, i; sed tandem a fratre suo regnante occisus fuit, *III Reg.*, ii.

Propinquans ad mortem David, diligenter instruxit Salomonem filium suum, qui regnare dcebat post eum, *II Paral.*, xxviii.

Tobias Senior filium suum ab infantia timere Dominium docuit, et abstinere ab omni peccato, *Tob.*, 1.

Deinde cum se cito crederet moriturum, pie et salubriter instruxit eum, *Tob.*, iv; et similiiter instante morte sua, *Tob.*, xiv.

Parentes Saræ, uxoris Tobiae Junioris, dimiserunt ire filiam suam cum viro suo, monentes eam honorare socios, diligere maritum, regere familiam, gubernare domum, et seipsam ir reprehensibilem custodire, *Tob.*, x.

Magnam sollicitudinem gerebat Job de filiis suis, qui cum simul comedissent, offerebat holocaustum pro singulis, ne forte peccassent. *Job*, 1.

Parentes Susannæ, cum essent justi, erudierunt filiam suam secundum legem Moysi. *Dan.*, ii.

Cum appropinquaret morti Mathathias, filios suos salubriter instruxit, et contra impios animavit. *I Mac.*, ii.

Supra modum mater mirabilis, quæ pereunte septem filios sub unius diei tempore conspiciens, singulos hortabatur patria voce dicens: « Nescio qualiter in utero meo, » etc. *II Mac.*, vii.

CAPUT LVI.

Quod bonis consiliis non acquiescere periculoso est.

Angeli qui apparuerunt Loth, dederunt ei bonum consilium, ut exiret de Sodomis, et generos suos educens, nequaquam post tergum respiceret, sed in monte salvum se faceret. Qui dixit generis suis, qui accepturi erant filias suas, ut egredierentur; sed visum est eis quasi

ludens loqui. Generi ergo Loth nolentes exire de medio prævae gentis, perierunt cum ipsis Sodomitis; uxor autem ejus, retro respiciens, versa est in statuum salis; ipse etiam Loth, qui juxta consilium Angeli noluit statim in montem ascendere, cum propriis filiabus peccavit. *Gen.*, xix.

Ruben bene consuluit fratribus suis, ut Joseph redderetur patri, *Gen.*, xxxvii. Qui non acquererunt ei, et idcirco venit super eos tribulatio, *Gen.*, xlvi.

Filiis Israel volentibus ascendere ante tempus ad locum, de quo locutus fuerat Dominus, ait Moyse: « Non enim est Deus vobiscum. Amalecites et Chananæus ante vos sunt, quorum gladio corrueris, eo quod nolueritis acquiescere Domino, » etc. *Num.*, xiv, 43.

Post scelus perpetratum in uxore Levite con venerunt filii Israel, et miserunt nuntios ad tribum Benjamin, qui dicerent: « Cur tantum nefas in vobis repertum est? Tradite homines, qui hoc flagitium perpetraverunt, » etc. Qui noluerunt audire: propter quod omnes postea, exceptis paucis, fuerunt occisi. *Judic.*, xx.

Dixit Abner Asaeli, ut desisteret ab insecuritate ipsius: qui hoc audire contempsit; Abner autem ipsum adversa hasta transfudit. *II Reg.*, ii.

Roboam filius Salomonis noluit audire consilium senum; sed consilio juvenum acquevit, et ideo magnam populi partem amisit, *III Reg.*, xii.

Bonum et fidele consilium dedit Achior Holoferni, quod ille cum superbia et indignatione contempsit, qui post paululum fuit occisus, et exercitus cum damno et confusione fatus. *Judith*, v.

Godoliah, quem rex Babylonis prefecerat terræ Iudeorum, nuntiavit fideliter Johanan filius Caree, quod Ismael filius Nathaniæ (b) volebat eum occidere; qui respondit ei: « Falsum loqueris de Ismaele. » In mense autem septimo venit Ismael, et occidit Godoliam, postquam comedebat cum illo. *Jerem.*, xli.

« Consilium meum placeat tibi, et peccata tua eleemosynis redime, » ait Daniel Nabuchodonosor regi Babylonis: qui non acquevit, et mutatus est in bestiam. *Dan.*, iv.

Videns in Galaad Judas Machabæus relinqui Joseph et Azariam duces populi, præcepit illis dicens: « Nolite bellum committere adversus gentes, donec revertamur. » Illi vero voluerunt sibi facere nomen, et perdidérunt et res, et nomen. *I Mach.*, v.

(a) *Cæt. edit.* viderunt. — (b) Item Nathaniæ.

Habebat secum Judas Machabeus octingentos viros; adversarii autem erant viginti duo millia et averterebant eum socii ne pugnarent tunc, sed alias exercitu congregato: qui noluit acquiescere corum consilio, et in illo bello cecidit, et ceteri fugerunt. *I Mach.*, ix.

Bonum consilium dedit uxor Pilato viro suo; sed ille acquiescere recusavit, magis timens Cæsarem offendere, quam justum sanguinem condemnare. *Matt.*, xxvii, et *Joan.*, ix.

CAPUT LVII.

De suspicione falsa et credulitate.

Cogitavit Abraham, quod forsitan non erat timor Dei in Geraris, et quod homines illius terræ deberent illum occidere propter uxorem suam. *Gen.*, xx. Simile accidit Isaac, *Gen.*, xxvi.

Suspiciatus est Laban, quod Jacob furatus esset deos ejus, et ob hanc causam scrutatus est totum supellecitem ipsius. *Gen.*, xxxi.

Videns Jacob vestimenta Joseph sanguine oruenta, putavit eum esse mortuum, et a fera pessima devoratum. *Gen.*, xxxvii.

Præcepit Joseph dispensatori suo, ut introduceret fratres suos domum ad comedendum secum; at illi exterriti crediderunt, quod vellet eos subjicere servituti. *Gen.*, xli.

Rubenite et Gadite euntes ad possessiones suas redieaverunt altare juxta Jordanem: quo auditio, filii Israel turbati fuerunt, nescientes quare hoc fecissent illi, et putantes quod vellent se ab eorum lege penitus separare. *Jos.*, xxii.

Cumisset Samson ad domum patris sui, soecer ejus putavit, quod odio haberet uxorem suam, et quod repudiaret eam; unde tradidit eam alii viro. *Judic.*, xv.

Heli videns Annam labia movere, et nullum verbum extra proferre, aestimavit eam esse temulentam, *I Reg.*, i.

Quia Saul persecubatur David, imponebat ipsi David, quod et ipso persecueretur eum; unde dicebat, quod filius suus Jonathas suscitaverat servum suum insidiante sibi, liet esset falsissimum. *I Reg.*, xxii.

Cum esset David cum Achis, rege Geth, quasi custos capitisi sui, satrapæ dixerunt ad Achis, ut recederet David, ne forte transfugeret ad Saulem. *I Reg.*, xxix.

Misit David nuntios ad Hanon regem Ammon, ut consolarentur eum super patris interitum; prin-

cipes autem illius putaverunt, quod venissent ad explorandum civitatem, non ad consulendum regem. *I Reg.*, x.

Postquam rex Assuerus turbatus fuit contra Aman, et ille jacebat super lectum Hester, ad rogandum eam pro anima sua; imposuit ei rex, quod ipso præsente volebat eam opprimere, *Esth.*, vii.

Dum vellet Jeremias ire ad terram Benjamin, comprehendit eum custos portæ, et imposuit ei, quod fugeret ad Chaldeos. *Jerem.*, xxxvii.

Nuntiante Jeremia voluntatem Domini populo terræ, qui remanserat post destructionem Jerusalem, dixerunt ei: « Mendacium tu loqueris, non te misit Dominus, sed Baruch filius Neeriæ incitat te aduersum nos, ut tradat nos in manibus Chaldeorum. » *Jerem.*, xlvi, 2.

Tortores qui Eleazarum dueabant ad suppli- cium, in iram versi sunt propter sermones ab eo dictos, quos illi per arrogantiā dictos arbitrabantur. *II Mach.*, vi.

Videntes discipuli Dominum ambulantem super mare, putaverunt phantasma esse, et pre timore clamaverunt. *Marc.*, xiv; *Marc.*, vi; *Joan.*, vi.

Siunon Pharisæus, videns mulierem peccatri- cem ad pedes Domini flentem, ait inter se di- cens: « Illic si esset propheta, sciret utique, » etc. *Luc.*, vii.

Ad hoc quod nullus male sentiat de alio, multum valet exemplum, quod adducit Salvator de jactante se Pharisæo, et humili Publio cano. *Luc.*, xviii.

Videntes Judæi discipulos Domini post effusionem Spiritus sancti loquentes variis linguis, dicebant quidam eorum, quia musto replete erant. *Act.*, ii.

Omnis discipuli christiani timebant Paulum post conversionem suam, non credentes quod esset discipulus, donec Barnabas duxit eum ad Apostolos, et narravit illis, quomodo in via vi- disset Dominum, et quomodo in Damasco fiducialiter egit in nomine Domini Jesu. *Act.*, ix, 26, 27.

Tribunus Lysias videns Paulum a Judæis tam male tractari, quæsivit ab eo: « Nonne tu es Ægyptius, qui ante hos dies tumultum conci- tasti, et eduxisti in deserto quatuor millia viro- rum sicariorum? » *Act.*, xxi, 38.

Ut viderunt barbari viperam pendentem in manu Pauli, ad invicem dicebant: « Utique homicida est homo hic; » et aestimabant eum in

tumorem convertendum, et subito casurum, et mori. *Act., xxviii, 4, 6.*

CAPUT LVIII.

Quod sancti viri permittunt fieri aliqua non libenter.

Jacob permisit adduci Benjamin filium suum, tenere dilectum, et hoc propter necessitatem viualium ad instantiam filiorum. *Gen., xliv.*

Moyses permisit dari libellum repudii odiosis uxoribus Iudeorum, quia scilicet timebat in eis uxoricidium. *Deut., xxiv.*

Considerato David populo suo, constituit super eum tribunos et centuriones. « Dixitque rex ad populum : Egregiar et ego vobiscum. Et respondit populus : Non exhibis, quia tu unus pro decem milibus computaris : melius est igitur, ut sis nobis in urbe praesidio. Ad quos rex ait : Quod vobis videtur, hoc faciam. » *Il Reg., xviii, 2, 4.*

Eliseus permisit quod filii prophetarum quærent Eliam, ne forte spiritus Domini projecisset eum, cum tamen sciret, quod illi laborabant in vanum. *IV Reg., II.*

Cognovit Simon, quod Tryphon cum dolo loqueretur, petens duos filios Jonathæ, et centum talenta argenti; jussit tamen dari argentum et pueros, ne forte adversum se inimicitias populi concitaret. *I Mach., xix.*

CAPUT LIX.

De justitia et aequitate.

Abraham volens separari a Loth nepote suo, dedit ei optionem, ut eligeret partem quam vellet. *Gen., xiii :* et sic pulchre potest partitio fieri, ut major dividat, et minor eligat.

Testimonio Domini justam rem postulaverunt filiae Salphaad, quæ in hereditate paterna succedere a Moyse petierunt. *Num., xxvii.*

Rex Adonibezch, comprehensus a filiis Israel, dixit : « Septuaginta reges amputatis manuum ac pedum summitatibus colegerunt sub mensa ciborum reliquias. Sicut feci, ita reddidit mihi Dominus. » *Judic., I, 6.*

Adducto Agag rege Amalec coram Samuele, ait ei Samuel : « Sicut fecit absque liberis gladius tuus, sic absque liberis inter mulieres erit mater tua. » *I Reg., xv, 33.*

Dixit David ad Saul, qui eum injuste persequebatur : « Dominus retribuet unicuique se-

cundum justitiam suam et fidem. » *I Reg., xxvi, 23.*

Constitut David, et quasi pro lege habitum est, ut æqua esset pars descendantis ad prælium, et remanentis ad sarcinas. *I Reg., xxx.*

David noluit gratis recipere ab Areuna Jebuseo aream, quam habere volebat, sed justo pretio mediante. *I Reg., xxiv.*

Audiens hædum balantem, Tobias dixit : « Vide te furtivus sit, sed reddite eum dominis suis : quia non licet vobis aut edere ex furto, vel aliquid contingere. » *Tob., II, 21.*

Præcepto regis Assueri superbus et iniquus Aman suspensus est in illo eodem patibulo, quod ipse paraverat Mardonchæ, et hostes Iudeorum eodem die ab ipsis Iudeis occisi sunt, quo illi Iudeos occidere putaverant. *Esth., VII et VIII.*

Contra Babylonem prophetans Jeremias ait : « Reddite ei secundum opus suum : juxta omnia quæ fecit, facite illi. *Jerem., I, 21.*

Jubente Dario rege, viri qui accusaverunt Daniellem, missi sunt in lacum leonum, et non perseverunt usque ad pavimentum laci, donec acciperent eos leones, *Dan., VI, 24.* Simile accidit alia vice, de qua *Dan., XIV, 41.*

Fecit populus duobus presbyteris senibus, qui inique accusaverunt Susannam, sicut male egerrant adversus proximam, et interfecerunt eos. *Dan., XIII.*

In eodem loco in quo Andronicus occiderat injuste Oniam summum sacerdotem, fecit eum purpura exutum vita privari Antiochus. *II Mach., IV.*

Impius Jason, qui inseptulos abjecerat multos, ipse illamentatus et inseptulus abjicitur, neque patriam, neque peregrinam habuit sepulturam. *II Mach., V.*

Antiochus homicida et blasphemus, pessime percussus, ut ipse multos tractaverat, peregre in montibus miserabiliter obitu vita defunctus est. *II Mach., IX.*

A servo nequam, qui noluit conservo suo centum denarios dimittere, merito repetit dominus universum debitum, quod liberaliter dimiserat prius illi. *Matth., XVIII.*

CAPUT LX.

De judiciis hominum rectis, aut pravis.

Causam quam nescit judex, debet diligenter et diligenter investigare. *Job, XXIX, 46.*

Unde Dominus, quem nihil latere potest, dicitur descendisse, ut videret civitatem, quam edificabant filii Adam, *Gen.*, xi, 15.

Infra, *Gen.*, xviii, 21, dicit ipse: « Descendam, et videbo utrum clamorem, » etc.

Injuste praecepit Judas Thamar nurum suum comburi, *Gen.*, xxxviii.

Dominus Joseph, nimium credulus verbis conjugis, misit eum in carcерem. *Gen.*, xxxix.

Minora per minores judices, et majora per maiores debent diffiniri, juxta id quod consuluit Jethro Moysi in deserto, *Exod.*, xviii.

De duodecim bobus, et sex plaustris, nullum dedit Moyses filiis Caath, licet essent sibi propinquiores; sed totum dedit aliis Levitis, eo quod isti amplius indigebant, qui graviora portabant. *Num.*, vii, 3, 9.

Consuluit Moyses Dominum occasione filia rum Salphaad. Et respondit Dominus: « Homo cum mortuus fuerit absque filio, ad filiam ejus transibit hereditas, » etc. *Num.*, xxvii, 8.

Voluit Moyses, ut filii Ruben, et cæteri qui petebant terram jam acquisitam, armati preecederent alios ad bellum, donec terra alia esset penitus acquisita. *Num.*, xxxi.

De filiis Samuelis dicitur, *I Reg.*, viii, 3: « Declinaverunt post avaritiam, acceperuntque munera, et perverterint judicium. »

Injuste protulit David sententiam contra Miphileth absentem, ad verbum Sibæ ipsi David xenia offerentis, *II Reg.*, vi. Et nota, quod postea cognita veritate, noluit unquam sententiam penitus retractare, *II Reg.*, xix.

Salomon recte judicavit de duabus mulieribus, quarum quilibet contendebat unius pueri esse mater. *III Reg.*, iii.

Constituit Josaphat rex Juda principes terræ, præcipiens eis: « Videte quid faciatis. Non enim hominis exercitus judicium, sed Domini; et quodcumque judicaveritis, in vos redundabit: sit tuorum Domini vobiscum, » etc. *II Paral.*, xix, 6, 7.

Ad suggestionem Aman, rex Assuerus injuste dixit de populo: « Age quod placet tibi. » *Esth.*, vii, 11.

De iudicibus Israel dicebat Isaías: « Principes tui infideles, socii furum, omnes diligunt munera, sequuntur retributiones, pupillo(a) non judicant. » *Isa.*, i, 23.

Quia Hieremias a Domino missus prophetabat Hierusalem esse capiendam a Chaldeis, dixe-

(a) *Cæt. edit.* pupillum.

runt principes populi Sedeciae regi: « Rogamus ut occidatur homo hic. Qui respondit eis: Ecce ipse est in manibus vestris, non enim fas est vobis regem quidquam negare. » *Hier.*, xxxviii, 4, 5.

Nabuchodonosor, rex Babylonis, jussit sapientes Babylonis interfici, pro eo scilicet quod illi somnium, quod viderat, non poterant indicare ei. *Dan.*, ii.

Quamvis Darius rex Persarum innocentem sci relesse Danielem, tamen ad instantiam satraparum fecit eum mitti in lacum leonum, *Dan.*, vi, 16. Simile accidit, *Dan.*, xiv, 30.

Discrete examinavit Daniel duos senes, qui contra Susannam iniquum tulerant testimonium. *Dan.*, xiii.

Cum superaretur Menelaus in judicio coram Antiocho, per pecuniam, quam promisit, absulatus fuit, et accusatores ejus iniqua morte damnavit, *II Mach.*, iv.

Conquesti sunt Judei eoram Antiocho rege de iniqua morte Oniæ. Contristatus autem Antiochus, licet alias esset malus, Andronicum purpura exutum in eodem loco, in quo ipsum Oniam occiderat, jussit vita privari. *II Mach.*, iv.

Nimis iniquum protulit Herodes judicium, quando mittens occidit omnes pueros, qui erant in Bethlehem, etc. *Matth.*, ii, 16.

Ad petitionem unius saltatricis, fecit Herodes tetrarcha Joannem Baptistam in carcere decollari, cum tamen sciret eum virum justum et sanctum. *Marc.*, vi.

Nicodemus dixit Pharisæis: « Numquid lex nostra judicat hominem, nisi audierit ab ipso prius, et cognoverit quid faciat? » *Joan.*, vii, 51.

Nequissimum fuit judicium, quo Pilatus dimisit Barabbam homicidam, latronem, seditionem, et Dominum Jesum voluntati tradidit Iudæorum. *Matth.*, xxvi, 26; *Marc.*, xv, 13; *Luc.*, xxiii, 24; *Joan.*, xix, 16.

Sacerdotibus et magistratibus templi denuntiantibus Petro et Joanni, ne docerent aliquid in nomine Iesu Christi, responderunt apostoli dicentes: « Si justum est in conspectu Dei, vospotius audire quam Deum, judicate. » *Act.*, iv, 19.

Cum Paulus ejecisset demonium a puella pythionissa, accusatus fuit a dominis ejus, quibus illa quæstuum divinando parabat: magistratus autem statim fecerunt Paulum et Silam virgis cædi, et in carcерem mitti. *Act.*, xvi.

Judeis accusantibus Paulum, Gallio Proconsul dixit: « Si eset iniquum aliquod, aut facinus pessimum, o Judei, recte vos suslinerem.

Si vero quæstiones sunt de nominibus legis vestræ, vos ipsi videritis: judex horum nolo esse.»
Act., xviii, 15.

Princeps sacerdotum præcepit percutere os Pauli. Tunc ait Paulus: «Percutiet te Dominus, paries dealbate. Et tu sedens judicas me secundum legem, et contra legem jubes me percuti? Act., xxiiii, 3.

Licet Paulus coram Felice præside se rationabiliter excusasset, voluit tamen Felix gratiam præstare (a) Judæis, et Paulum vincutum successori suo Festo reliquit. Act., xxiv, 27.

Dixit Festus præses: «Non est consuetudo Romanis damnare aliquem hominem, priusquam is qui accusatur præsentes habeat accusatores, locumque descendendi accipiat ad abluenda crimina. Act., xxv, 16.

Festus volens acquiescere Judæis, qui petierunt ut Paulus Hierusalem mitteretur, dixit Paulo: «Vis Hierosolymam ascendere, et ibi judicari de his apud me? Respondens Paulus: Ad tribunal Cæsaris, etc. Cæsarem appello. Tunc Festus cum concilio locutus, dixit: Cæsarem appellasti? Ad Cæsarem ibis.» Act., xxv, 9, 12.

Auditus rationibus Pauli, Agrippa rex, et Festus præses loquebantur ad invicem, dicentes: «Quia nihil dignum morte fecit homo iste.» Agrippa autem Festo dixit: «Dimitti poterat homo hic, si non appellasset Cæsarem.» Act., xxvi, 31, 32.

CAPUT LXI.

De pœnitentia.

Quandiu mansit Maria extra castra, non processerunt filii Israel per desertum. Num., xii. Non enim est bonum ire per desertum hujus vita sine amaritudine pœnitentie.

Audiens populus filiorum Israel Dominum esse iratum propter murmurationem eorum, luxit nimis, et (b) mane voluerunt plus facere, quam Dominus præceperat (c) eis. Num., xiv, 40.

Ad vocem Angeli improphanis populo peccatori beneficia Dei, elevarunt omnes vocem suam, et fleverunt. Judic., II, 4.

Dixerunt filii Israel ad Dominum: «Peccavimus, tu redde nobis id quod placet.» Et omnia idola projecerunt. Sequitur: «Qui doluit super miseriis eorum.» Judic., x, 15, 16.

(a) Cœt. edit. præparare. — (b) Item add. in. — (c) Cœt. edit. præcipere. — (d) Vulg. manducans. — (e) Cœt. edit. vestiens.

Cito pœnituit David, quando Nathan ipsum de crimine reprehendit. II Reg., XII.

Achab, rex Israel sceleratissimus, operuit carnem suam cilicio, jejunavitque et dormivit in sacco, et ambulavit demissio capite, et minorata est poena digne illi pro criminibus infligenda. III Reg., XXI.

Manasses rex Juda, vincitus catenis et in Babylonem ductus, egit pœnitentiam valde coram Domino, et reduxit eum Dominus in Hierusalem in regnum suum. II Paralip., xxxiii, 12, 13.

Lamentante Esdra pro peccatis populi, dictum est ei: «Si est pœnitentia in Israel super hoc, percutiamus fedus cum Domino Deo nostro, » etc. I Esd., x, 2.

Audita terribili potentia Holophernis, sacerdotes induerunt se ciliciis, et ex toto corde omnes orabant Dominum, ut visitaret populum suum, Judith, IV. Et in laudem Judith dicitur, quod habens super lumbos suos cilicum, jejunabat omnibus diebus vite suæ, præter sabbata, et neomenias, et festa domus Israel. Judith, VIII.

Quamvis Job esset vir simplex et rectus, et timens Deum, et recedens a malo, tamen dicebat: «Ago pœnitentiam in favilla et cinere.» Job, XLII, 6.

Instante captivitate Hierusalem, dicebat Isaías: «Vocavit Dominus in die illa ad fletum, et ad planetum, et ad calvithum, et ad cingulum sacci, » etc. Isa., XXXI, 12.

Ninivitæ crediderunt Domino ad prædicacionem Jonæ, et prædicaverunt jejunium, et vestiti sunt sacco a minore usque ad majorem. Jon., III, 5.

Appropriante exercitu Timothei, Machabæus, et qui cum ipso erant, precabantur Deum, caput terra aspergentes, lumbosque cilicis præcincti, ad altaris crepidinem provoluti, ut sibi esset propitius, et inimicis eorum inimicus. II Mach., X.

Joannes Baptista, sanctificatus antequam ex utero matris natus, a sanctis parentibus educatus, fugit in desertum, et ibi tam austèram vitam duxit, quod dicebatur, «neque bibens, neque comedens (d), » Matth., XI, 18. Et addit Bernardus: «Plane neque vestitus (e), quia pili camelorum non sunt vestis humana.»

Quam libenter recipiat Dominus peccatores ad pœnitentiam, ex his appareat, quia prædicationem suam a pœnitentia legitur incœpisse, Matth., IV, 17. Item ad hoc asseruit se venisse, Luc., V, 32. Item hoc ipsum per opera demon-

stravit : exemplum de Maria, de Matthæo, de Zachæo, de Petro. Item per similitudines quas ponebat de ove, que perierit in deserto ; de drachma, quam mulier perdidit in domo ; de filio, quem pater reputabat mortuum, et postea suscitatustus est, *Luc.*, xv, etc.

Maria Magdalena, exemplo pœnitentiae non iusso (a), venit ad Dominum, convivantes non erubuit, a retro secus pedes Domini stetit, inter epulas lacrymas obtulit. *Luc.*, vii, 37-38.

Ut induceret Dominus homines ad faciendum pœnitentiam, ponit exemplum de quibusdam, super quos cecidit turris in Siloe, et occidit eos ; et subdit : « Si non pœnitentiam egeritis, omnes similiter peribitis. » *Luc.*, xiii, 5.

Ad exemplum ovis que perierat, vel drachmæ quam mulier perdidit, sed postea inventæ fuerunt, dicit Dominus gaudium magnum in celo esse super uno peccatore pœnitentiam agente. *Luc.*, xv, 7, 10.

Levem et brevem pœnitentiam injunxit Dominus mulieri in adulterio deprehensa, dicens : « Vade, et jam amplius noli peccare. » *Joan.*, viii, 11.

« Videns Judas quod damnatus esset Jesus, pœnitentia ductus, retulit triginta argenteos, dicens : Peccavi, tradens sanguinem justum. » *Matth.*, xxvii, 3, 4. Bouum quidem dixit ; sed quia desperavit, veniam non meruit.

Petrus peccavit negando Dominum in atrio principis sacerdotum ; sed quando flere et pœnitere voluit, foras exiit, *Matth.*, xxvi, 75 ; *Marc.*, xiv, 72. Et nota quod, *Luc.*, xxii, 61, additum est : « Conversus Dominus respexit Petrum. »

Quærerentibus quibusdam Judæis corde compunctis : « Quid faciemus, viri fratres ? » Ait illis Petrus : « Pœnitentiam agite, et baptizetur unusquisque vestrum, » etc. *Act.*, ii, 37, 38.

Auditis rationibus Petri, quare iverat ad Corneilum, et eum baptizaverat, tacuerunt fratres, et glorificaverunt Deum dicentes : « Ergo et Gentibus Deus pœnitentiam ad vitam dedit. » *Act.*, xi, 18.

CAPUT LXII.

De honore parentum.

Sem et Japheth benedictionem patris commeruerunt, quia nudato obsequium præbue-

(a) *Cœl. edit.* jussit.

rant. Cham vero in filio suo maledictus fuit, quia nuditatem derisit. *Gen.*, ix.

Magnæ reputationis erat apud antiquos beneficio patris, ut patet in Jacob et Esau, qui ambo ipsam tam sollicite quiescerunt. *Gen.*, xxvi.

Licet Esau esset malus homo, reprobatus a Deo, et odio haberet fratrem suum Jacob, noblebat tamen occidere ipsum vivente patre suo Isaac ; unde dicebat : « Veulent dies luctus patris mei, » etc., *Gen.*, xxvii, 41, in hoc deferens patri, et timens offensam ejus.

Ad magnam pœnitentiam sé obligabat Judas, cum dixit patri de Benjamin : « Nisi reduxero et reddidero eum tibi, ero peccati reus in te omni tempore. » *Gen.*, xlui, 9. Et notandum est quod prius, xlui, 37, dixerat Ruben : « Duos filios meos interfice, si non reduxero eum tibi ; » et tamen pater non acquievit illi : acquievit autem Iudeæ dicenti prædicta verba. Idem Judas postea supplicans Joseph, ut Benjamin ad patrem remitteret, et inter cetera repetiū prædicta verba, quibus se obligaverat patri, et subjunxit : « Non possum redire ad patrem absente puer, ne calamitatis, quæ oppressura est patrem meum, testis assistam. » *Gen.*, xliv, 34.

Jacob benedicens filios, dixit contra Ruben : « Effusus es sicut aqua, non crescas, quia ascendisti cubile patris tui, maculasti stratum ejus. » *Gen.*, xlix, 4.

Præcepit Dominus per Moysen, *Deut.*, xxi, 18 : « Si genuerit homo filium contumacem et protervum, » etc., sequitur : « Lapidibus eum obruet populus civitatis. »

Reddidiit Dominus malum quod fecerat Abimelech contra patrem suum, imperfectis septuaginta fratribus suis. *Judic.*, ix, 56.

Non audierunt filii Heli patrem ipsos corripientem, *I Reg.*, ii. Ideo divinam ultionem experti sunt, *I Reg.*, iv.

Quia Jonathas gustavit paululum mellis contra inhibitionem patris, morti adjudicatus est a patre ; sed tamen a populo liberatus est. *I Reg.*, xiv.

David a facie Saul fugiens, et in magna necessitate existens, habuit curam parentum suorum, et recommendavit eos diligenter apud regem Moab. *I Reg.*, xv, et deinceps.

Venienti Bersabee matri Salomonis assurrexit rex, adoravitque eam, et positus est thronus matris regis, etc. *II Reg.*, ii.

Duo filii Sennacherib occiderunt eum; sed tamen neuter eorum regnavit post eum. IV Reg., xix.

Tobias senior instruens filium inter cætera dixit: « Cum acceperit Deus animam meam, corpus sepeli, et honorem habebis matri tuæ. » Tob., iv, 3.

Elieiens Dominus de templo cum flagellis videntes et ementes oves et boves, et numularios, dixit: « Nolite facere domum Patris mei, domum negotiationis, » Joan., ii, 16, in hoc et alias multotiens honorem patris querens.

De pueru Iesu dicitur: « Descendit cum illis, » scilicet cum Maria et Joseph, « et venit in Nazareth, et erat subditus illis. » Luc., ii, 51. Ipse etiam dixit, Joan., viii, 49: « Honorifico Patrem meum. » Idem Dominus, pendens in cruce, matrem suam dilecto discipulo commendavit, Joan., xix, 27. In quo apparuit, quam sollicitudinem gerebat de ipsa, qui in tali articulo existens, de ea taliter cogitabat.

CAPUT LXIII.

De gratiis agendis pro beneficiis Dei.

Sollicite gratias agebat Deo Jacob dicens, Gen., xxxii, 10: « Domine, minor sum cunctis miserationibus tuis, » etc.

Volui Dominus, ut liberatio filiorum Israel de Aegypto nunquam excederet de eorum memoria, Exod., xiii, 9: « Erit quasi signum in manu tua, et quasi monimentum ante oculos tuos, ut lex Domini sit semper in ore tuo. »

Fecerunt Moyses et filii Israel carmen Domino, et dixerunt: « Cantate Domino, » postquam scilicet tam mirabiliter transierunt mare Rubrum, Exod., xv, 1.

Otentia de inimicis mirabili victoria, venerunt ad Moysen principes exercitus Israel, dicentes, quod nullus fuerat de filiis Israel in bello occisus, et tamen hominum et animalium rapuerunt magnam prædam. Num., xxxi. Et ob hanc causam donaria magna Domino obtulerunt.

Præcepit Dominus, ut post transitum Jordanis miraculosum, ponerentur duodecim durilapi des in perpetuum monumentum. Jos., iv, 7.

Post victoriam de Sisara habitam, Barach et Debbara Domino cecinerunt, Judic., v.

Quamvis filii Israel in præliis, ubi vinebant,

fortiter dimicarent; tamen dicebatur Dominus persecutore inimicos, ut laus Deo attribueretur, Judic., xx, 35.

Audiens David revelationem, quam fecerat Deus Nathan prophete de regni sui duratione, gratias egit valde humiliter et devote. II Reg., 7.

Oravit et laudavit Dominum Anna pro filio sibi dato, I Reg., 2.

Multum laudandus est Deus, quando dat populo bonum principem, vel prælatum. III Reg., v, 7: « Benedictus Deus, qui dedit David filium sapientissimum super hunc populum. »

Cyrus rex Persarum fecit clamari: « Omnia regna terræ dedit mihi Deus eccl., » etc. « Quis est in vobis de universo populo ejus? sit Deus cum ipso, et ascendat Hierusalem. » I Esdr., 1, 2-3.

Cum Tobias recuperasset visum, ipse et uxor ejus, et omnes qui sciebant eum, glorificabant Deum. Tob., xi, 16.

Omnis populus, post victoriam de exercitu Holopernhis habitam, venit in Hierusalem adorare Dominum, etc. Judith., xvi, 22.

Revelata Danieli visione Nabuchodonosor regis Babylonis, benedixit Deo celli, et ait: « Sit nomen Domini benedictum, quia sapientia et fortitudo ejus sunt. » Dan., ii, 20.

Devote et pulchre exsolverunt laudes Deo illi pueri de fornaci incendio liberati; et non solum illi hac de causa gratias egerunt Deo, sed etiam Nabuchodonosor prædicari fecit mirabilia Dei in toto regno. Dan., iii.

Mundato templo et altari erecto sub Juda Machabæo, adoraverunt et benedixerunt in celum eum qui prosperavit eos. I Mach., iv.

Judas Machabæus et populus Hierosolymorum scriperunt Aristobolo, dicentes: « De magnis periculis a Deo liberati, magnifice gratias agimus ipsi, » etc. II Mach., i, 11.

Devicto Timotheo per Judam Machabæum, et capto quadam forti presidio, in hymnis et confessionibus benedictebant Dominum, qui magna fecit cum Israel. II Mach., x, 38.

Beata Virgo, audita laude quam dixit Elisabeth, « Benedicta tu, » etc., in vocem laudis prorupit pro beneficiis sibi et toti mundo colلات. Luc., i, 42, 46-55.

Quando volebat Dominus Jesus aliquod grande opus facere, frequenter legitur in celum suspexisse, et gratias egisse, sicut patet in panis multiplicatione, Matth., xv, 36; Joan., vi, 11; in Lazari suscitatione, Joan., xi, 41; in Eucharistia

(a) *Vulg. Clemens.*

institutione, *Matth.*, xxvi, 27; *Luc.*, xxii, 47.

Nato Joanne Baptista, Zacharias, recuperato loquendi officio, Deum prophetando laudavit, dicens: « Benedictus Dominus Deus Israel, etc. » *Luc.*, i, 68-79.

« Accepit Simeon puerum Jesum in ulnas suas, et benedixit Deum, » etc., *Luc.*, ii, 28-32.

Videntes turbæ paralyticum a Deo curatum, glorificaverunt Deum, qui dedit potestatem talam hominibus, *Matth.*, ix, 8. Item filio viduæ suscitato, acceperunt omnes timorem, « et magnificabant Deum, dicentes: Quia propheta magnus, » etc., *Luc.*, vii, 16.

« Unus illorum » decem leprosorum ad mandatum Domini mundatus « regressus est, et cecidit in faciem suam ad pedes ejus, gratias agens. » *Luc.*, xvii, 15-16.

Postquam cœnavit Dominus cum discipulis suis, subditur: « Et hymno dicto, exierunt in montem Olivaram. » *Matth.*, xxvi, 30; *Marc.*, xiv, 26.

Claudus a Petro sanatus, intravit cum apostolis in templum ambulans et exiliens, et laudans Deum. *Act.*, iii, 8. Sequitur postea, quarto capitulo, 21: « Omnes glorificabant (a) id quod factum fuerat; » annorum enim erat homo ille plus quam quadragesima.

Gratias agebat Paulus pro beneficiis sibi et aliis a Deo collatis: sibi quidem in sua conversione, I Tim., i, 12-13: « Gratias ago ei qui me confortavit in Christo; qui prius fui blasphemus et persecutor, et contumeliosus; sed misericordiam Dei consequens sum. » Item in sua conversatione, II Cor., ii, 14: « Deo gratias, qui semper triumphat nos in Christo Jesu, » etc. Item pro beneficiis fratrilibus collatis gratias devote agebat, Rom., i, 8: « Primum quidem gratias ago pro omnibus vobis, quia fides vestra in universo mundo annuntiatur. » I Thess., iii, 9: « Quam gratiarum actionem possimus (b) Deo retribuere pro vobis in omni gaudio quo gaudemus? » etc. Gratias agere in omnibus admonebat, Eph., v, 20: « Gratias agentes semper pro omnibus; » et I Thessal., v, 16 et seq: « Semper gaudete, sine intermissione orate, » etc.

CAPUT LXIV.

De gratitudine pro beneficiis ab homine acceptis.

Cum percussisset Abraham quatuor reges, et omnem substantiam, quam illi rapuerant, re-

duxisset, rex Sodomorum egressus est in occursum ejus, et omnia obtulit ei, animabus exceptis, Gen., xiv. Ubi notandum est, quod licet Abram oblate respuerit, tamen bene voluit ut socii sui partem haberent de præda, tanquam eorum suffragio non ingratus.

Videns Laban jocalia, quæ servus Abram dederat Rebecce sorori sue, venit ad illum et dixit ei: « Ingredere, benedicte Domini; » et eum in hospitio cum multa humanitate recepit. Gen., xxiv, 31.

Postquam Jacob servierat Laban avunculo suo multis annis, dixit ei Laban: « Num quia frater meus es, gratis (c) servies mihi? » etc. Gen., xxix, 15.

Pharao rex Ægypti multum fuit gratus Joseph pro expositione somnii sui, et cum magnifice sublimavit. Gen., xli.

Raguel sacerdos Madian gratus fuit pro eo, quod Moyses filias ejus defenderat, et ad gemgem aquaundum juverat; unde fecit eum vocari ut comedret, et dedit ei filiam suam uxorem. Exod., ii.

Valde sollicitus fuit Josue, ne Rahab, quæ (d) nuntios ab eo missos absconderat, civitate Jericho ruente, periret. Jos., vi.

Cum liberasset Gedeon Israel ab inimicis, dixerunt omnes ad eum: « Dominare nostri, tu et filius tuus, quia liberasti nos de manibus Madian. » Judic., viii, 22.

Dixit Noemi, commendans Booz, qui Ruth benigne viderat: « Benedictus sit a Domino, quoniam eamdem gratiam quam prebuerat vivis, servavit et mortuis. » Ruth, ii, 20.

Quia Cineus bene se habuerat ad filios Israel, pepercit ei Saul, quando destruxit Amalech, I Reg., xv.

Dixit David ad Abiathar, cuius pater dilexerat ipsum David: « Mane tecum; ne timeas: si quis quæsierit animam tuam, queret et meam. » I Reg., xxii, 28.

Misit David nuntios ad viros Jabel Galaad, qui sepeliant corpus Saul et filiorum ejus, et gratias egit eis. II Reg., ii.

Propter amorem Jonathæ filii Saul, inquisivit David, si erat aliquis superstes de genere ejus, et constituit Miphiboseth filium Jonathæ conviviam mense sue. II Reg., ix.

Regina Saba munera attulit Salomon; ille vero dedit ei omnia quæ petuit, exceptis iis,

(a) *Vulg.* clarificabant. — (b) *Vulg.* possumus. —

(c) *Cæt. edit.* deest gratis. — (d) *Cæt. edit.* qui.

que ultro obtulit ei munere regio. III Reg., x.

Elias pie compassus est viduæ apud quam sustentabatur, et efficaciter oravit pro filio illius defuncto, ita quod ipsum a mortuis suscitavit. III Reg., xvii.

Allegavit Abdias beneficium, quod contulerat prophetis Domini, quos absconderat, quando quererantur ad mortem, ad hoc scilicet, quod Elias ei nuntium periculorum injungere non deberet. III Reg., xviii.

Ascensurus in cœlum Elias bene remuneravit discipulum suum Eliseum. IV Reg., ii.

Mulieri Sunamitidi hospitæ Eliseus (*a*) benigne obtulit, ut loqueretur pro ea regi, si apud illum habcere negotium. Item filium eidem impetravit, et postea mortuum suscitavit. IV Reg., iv.

Naaman Syrus mundatus a lepra ad verbum Elisei, obtulit ei munera dicens : « Obscurò ut accipias benedictionem a servo tuo, » IV Reg., v, 13.

Accusatores Iudeorum miserunt epistolam Artaxerxi regi : « Memores salis, quod in palatio comedimus. Et quia lœsiones regis videre nefas ducimus, idcirco misimus, » etc., I Esdr., iv, 14.

Tobias Junior cum multa gratitudine retulit patri suo beneficia a Raphaële percepta. Tob., xii.

Esther regina non fuit ingrata Mardochæo nutritori suo. Esth., iv et v.

Nabuchodonosor rex Babylonis, audita expositione somnii sui per Danielem, in sublime eum extulit, et magna munera dedit illi. Similiter Balthasar honoravit eum pro eo, quod exposuerat ei scripturam, quam in pariete viserat. Dan., ii et v.

Audiens Judas Machabæus, quod Scythopolite bene se habuerant ad Iudeos in tempore tribulationis eorum, gratias egit eis, etc., II Mach., xii.

Seniores Iudeorum dixerunt Domino Jesu de Centurione pro servo infirmo rogante : « Dignus est, ut hoc illi præstes : diligit enim gentem nostram, et synagogam ædificavit nobis. » Luc., vii, 4, 5.

Pie et plene recognoscet Paulus beneficia sibi collata ; unde, Gal., iv, 15 : « Sicut Angelum Dei receperisti me, et si fieri potuisset, oculos vestros eruisset et dedisset mihi. » Item, Philip., iv, 18 : « Repletus sum, acceptis ab Epaphroditio quæ misistis, in (*b*) odorem suavitatis, » etc., Item, II Tim., i, 16 : Det mi-

sericordiam Dominus Onesiphori domui, qui (*c*) saepè me refrigeravit, et catenam non erubuit, » etc.

Item pro Onesimo servo Philemonis, qui ei ministraverat in carcere, scribit eidem Philemoni efficaces litteras. Philem., per totum.

CAPUT LXV.

De ingratitudine.

Utiliter et fideliter servivit Jacob avunculo suo Laban, et ille multotiens noluit eum valere. Gen., xxx.

Præpositus pincernarum, succedentibus prosperis, oblitus est Joseph interpretis sui. Gen., xl.

Videns autem populus, quod moram faceret descendendi de monte Moyses, dixit ad Aaron : « Fac nobis deos. » Exod., xxxii, 1. Cito videbatur oblitus beneficiorum quæ receperat a vero Deo.

Filiis Israel in deserto vertebatur in tædium cibus optimus, sine labore de cœlo datus, et flebant dicentes : « Quis dabit nobis ad vescendum carnes ? » Num., xi, 4.

Angelus Domini impropperavit filiis Israel beneficia a Deo collata, et quomodo illi abeuntes ruperant fœdus et transgressi erant Dei mandata. Judic., ii.

Multa beneficia recepit Saul a David, et tamen ad occidendum eum, modis quibus poterat, laboravit, I Reg., xvii, et post, quasi per totum.

Salvavit David habitatores Ceilæ, et tamen voluerunt eum tradere in manus Saul ipsum persequantis, I Reg., xxiii.

Reddiderunt filii Ammon pro beneficio et honore contumeliam, quando vituperaverunt nuntios David, quos miserat ad consolandum regem eorum super patris interitu. II Reg., x.

Ingrati fuerunt David et Joab Uriæ, quorum primus litteras mortis dedit, et alter crudeliter executus est. II Reg., xi.

Postquam David revocavit Absalom filium suum, et pepercit ei super homicidio, quod commiserat in fratrem suum, surrexit ipse Absalom contra patrem suum, II Reg., xv.

Non fuit David bene memor amicitiae, quam contraxerat cum Jonatha, quando nimis cito filium suum exheredavit. II Reg., xvi.

(*a*) Cœt. edit. Elisei. — (*b*) Vulg. non habet in. — (*c*) Vulg. quia.

Sublimavit Dominus Jeroboam super decem tribus, et statim ille, libidine dominandi elatus, populum avertit a cultu Dei. IV Reg., XII.

Eliseus multa bona fecerat regi Israel, et toli populo; et tamen propter caristiam, quæ erat in terra, præcepit caput ejus amputari; sed Deus aliter ordinavit. IV Reg., VI.

Non est recordatus Joas rex Juda misericordie, quam fecerat Joiada pontifex secum; sed interfecit Zachariam filium ejus, arguentem illum, eo quod Dominum reliquisset. II Paral., XXIV.

Amarias rex Juda, divino frelus auxilio, vicerat Idumeos et filios Seir, et tamen auferens deos eorum adoravit illos. Missus autem Prophetæ ad eum, dixit: « Cui adorasti deos, qui non liberaverunt populum suum de manu tua? » II Paral., XXV, 45.

Ezechias non juxta quod acceperat, retribuit Domino: « Elevatum enim est cor ejus, » etc. II Paral., XXVI, 16.

« Multi bonitate principum et honore, qui in eos collatis est, abusi sunt in superbiam, nec contenti sunt gratias non agere beneficis, » etc. Esth., XVI, 2, 4.

Conquerendo dicit Dominus de populo Iudaœruu, Isa., I, 2: « Filios enutrii et exaltavi, ipsi autem spreverunt me; » et convincit eos bestiis esse minus gratos, subdens, 3: « Cognovit hos possessorem suum, et asinus præsepe domini sui; Israël autem me non cognovit. »

Multa magna beneficia volebat Dominus facere Achaz regi Juda, prout mandavit ei per Isaiam; que tamen ille acceptare contempsit. Isa., VII.

Misit Jonathas fortes viros, qui liberaverunt regem Demetrium de manibus Antiochenorum; et postea alienavit se Demetrius a Jonatha, et non retribuit ei secundum beneficia que sibi tribuerat, et vexabat eum valde. I Mach., XI.

De decem viris leprosis a Salvatore munatis, unus tantum regressus est magnificans Deum, et gratias agens. Luc., XVII.

Ingrati fuerunt Paulo domini pueræ pythonissæ, a qua Paulus spiritum malum ejecit; magis enim doluerunt de questu amissio, quam gavisi fuerint de deum expulso. Act., XV.

CAPUT LXVI.

Quod veritas odium parit.

Balaach rex Moab multum dolebat, quando Balaam bona dicebat de filiis Israël, licet es-

sent vera; nec eum honoravit, sicut honorasset, si ei placientia verba dixisset. Num., XXIV, 11: « Decreveram quidem honorare te, » etc.

Joatham filius Gedeonis fugit a facie Abimelech, cum dixisset verum de eo, et de illis qui male eum elegerant. Judic., IX.

Iratus est Saul contra Jonathan filium suum, quia ille excusabat David, qui vere innocens erat erga ipsum Saul. I Reg., XX.

Achab oderat Michæam prophetam, quia ille dicebat ei veritatem, III Reg., XXII, 8: « Ego, inquit, odi eum, quia non prophetat mihi bonum, sed malum. »

Cum increpassest Hanani propheta regem Asa, quia confisus erat in Benadad rege Syriæ, iratus est Asa, et jussit videntem in nervum mitti. II Paral., XVI.

Ad imperium regis lapidatus est Zacharias filius Joiadæ, qui regem et principes arguebat pro eo, quod Dominum dereliquerent. II Paralip., XXIV.

Cum dixerat Achior magnalia quæ fecerat Deus pro filiis Israel, et magnam esse ejus potentiam; irati sunt omnes magistratus Holofernis, et cogitabant interficere eum: Holofernes etiam indignatus est vehementer. Judith, V et VI.

Clausit Hieremiam prophetam in domum careeris Sedeicias rex Juda, dicens: « Quare vaticinaris, » etc. Hier., XXXII, 5.

Cum legisset Baruchi verba quæ scripserat ex ore Hieremieæ coram Joachim rege Juda, fecit rex in ignem projici volumen, quia dicebatur ibi veritus de civitate Hierusalem capienda, et præcepit rex Barnach et Hieremiam comprehendendi: sed, Deo volente, tunc non fuerunt inventi, Hierem., XXXVI. Postmodum vero, cum iterum prophetaret captionem civitatis, missus fuit in lacum, ubi non erat aqua, sed lutum, et descendit Hieremias in cœnum. Hier., XXXVIII.

Pro eo quod Daniel probavit Bel et draconem non esse Deos, Babylonii convenerunt adversus eum ad regem, et procuraverunt Daniel mitti in lacum leonum. Dan., XIV.

Ex bonis et veris sermonibus Eleazar, hi qui eum trahebant ad supplicium, et paulo ante fuerant mitiores, in iram versi sunt. II Mach., VI.

Quia Joannes Baptista dicebat Herodi: « Non licet tibi habere uxorem fratris tui; » fecit eum Herodes incarcерari, et postea decollari. Matth., XIX; Mar., VI.

Cum Dominus increparet de multis hypocri-

tas Phariseos, cœperunt ei graviter insistere et os ejus opprimere, de multis insidiantes ei, et quærentes rapere aliquid ex ore ejus, ut accusarent eum. *Luc., xi.*

Pharisi cœco nato, a Domino illuminato, maledixerunt, et extra synagogam ejecerunt, pro eo quod veritatem constantissime fatebatur. *Joan., ix.*

Principes sacerdotum, audientes verba Apostolorum de doctrina Christi, dissecabantur, et cogitabant interficere illos, et « cæsis denunciaverunt, ne amplius loquerentur in nomine Jesu : et illi ibant gaudentes a conspectu concilii, quoniam digni habiti sunt pro nomine Jesu contumeliam pati. » *Act., v, 40, 41.*

Audientes Iudei verba beati Stephani, « dissecabantur cordibus suis, et stridebant dentibus in eum, et ejicentes eum extra civitatem lapidabant. » *Act., vii, 54, 57.*

Multos et magnos habuit adversarios beatus Paulus, pro verbis veritatis et sobrietatis, quæ ipse hominibus loquebatur. *Act., ix, et deinceps.* Item, ad Gal., iv, 16 : « Ego inimicus, vobis factus (a) sum, vobis verum dicens. »

CAPUT LXVII.

De mendacio.

Primum mendacium fuit a serpente prolatum, quando dixit mulieri : « Nequaquam moriemini. » *Gen., iii, 4.*

Sara, timore perterrita, a risu se mendaciter excusavit. *Gen., xviii.*

Etiam fornicatorum mendacium dicere degignantur, sicut Judas, qui dixit : « Mendacii arguere nos non poterit. » *Gen., xxxviii, 23.*

Mendacium obstetricum, quod dixerunt Pharaoni, filios Hebraorum jugulare nolentes, habuit remunerationem temporalem, et non æternam, licet fuerit illud mendacium valde officiosum. *Exod., i.*

Multoties voluit Pharaon decipere Moysen per mendacium; sed tandem nihil ei profuit. *Exod., ix et x.*

Sedens et flens, dixit populus in deserto, *Num., xi, 5* : « Recordamur piscium quos comedebamus in Ægypto gratis, » etc. Tamen nimis care emebant ea, quæ in Ægypto habebant.

Callide cogitantes Gabaonite voluerunt Josue

(a) *Cæt. edit. non habent vobis factus. — (b) At. unico.*

mendaciter decipere ; sed ille bono usus est consilio, eos in servitutem redegit, nec initum fœdus rupit. *Jos., ix.*

Nunquam mendacium licet dicere; sed veritatem licet et expedit quandoque tacere, sicut fecit Samuel dicens, *I Reg., xvi, 2* : « Ad immolandum Domino veni. » Ad alind enim principaliter venerat; et nihilominus hoc facere proponebat.

Dixit Saul servos suos conjurasse adversum se, quia non capiebant David, et dixit David servum suum insidiari sibi : et ipse vere insidiabatur ei. *I Reg., xxii.*

Occiso uno (b) filio David, fama pervenit ad ipsum David, dicens : « Percussit Absalom omnes filios regis. » *II Reg., xiii, 30.* Sic faciunt homines sæpe, nuntiando rumores.

Officiose mentitus est Chusai Absalom, dicens : « Sieut parui patri tuo, sic parebo, » etc. *II Reg., xvi, 19.*

Vir Bei, qui prædictis Jeroboam destructionem altaris sui, per falsi prophete mendacium seductus fuit, et mandatum Domini præterivit. *III Reg., xiii.*

Duo falsi testes producti contra Naboth fuerunt causa lapidationis ejus. *III Reg., xxii.*

Spiritus mendax in ore malorum prophetarum decepit Achab, ut iret ad pugnam, et ibidem fuit percussus ad mortem. *III Reg., xxii.*

Per verba, quæ dixit Judith Holopherni, decepit eum, licet excusetur per intentionem quam habuit. *Judith, xi et xii.*

Pessimum mendacium adinvenit Aman, ut posset confundi Mardochæus, qui illum adorare solebat. *Esther, iii.*

Accesserunt ad Hieremiam principes, et vulgus quod remanserat post destructionem Hierusalem, et dixerunt se facturos quidquid ille præciperet eis, sive bonum, sive malum; sed largam promissionem male tenerunt *Hier., xlii.*

Perniciosum et detestabile mendacium dixerunt duo senes presbyteri adversus Susannam, quam tamen ex constantissima castitate commendare debebant. *Dan., xiii.*

Antiochus rex misit principem tributorum in civitates Juda, et venit in Hierusalem, et locutus est ad eos verba pacifica in dolo, et crediderunt ei, et præcucurrit super civitatem repente, et percussit eam plaga, etc. *I Mach., i.*

Cum obsideret Antiochus Eupator civitatem Hierusalem, nee posset capere eam, misit ad eos qui erant intus pacem facere. Et receperunt illam, et juravit illis rex et principes, sed rupit

cius juramentum, et mandavit destrui murum, etc. I Mach., vi.

Alcimus, qui volebat fieri summus sacerdos, dixit regi Demetrio : « Perdidit Judas et fratres ejus amicos tuos, » etc. I Mach., vii, 6. Deinde venit Alcimus in terram Juda cum Bacchide, et miserunt nuntios ad Judam et fratres ejus, et locuti sunt verbis pacificis in dolo, et tandem probatum est, quod non erat in eis veritas et judicium. I Mach., vii.

Promisit rex Demetrius Jonathæ, quod redaret ei arcem; sed cum liberatus fuisset per Judeos quos misit ei Jonathas, mentitus est Demetrius omnia quæcumque dixit, et alienavit se a Jonatha, etc. I Machab., xi.

Misit Simon Tryphoni centum talenta argenti, et duos filios Jouathæ pro liberatione ipsius, quia promiserat Tryphon remittere Jonathan, si hoc fieret ei : sed mentitus est ei Tryphon, quia argentum retinuit, et patrem cum filiis interfecit. II Mach., xm.

Mentiti sunt contra Dominum Jesum Christum Judei, præcipue Scribe et Pharisæi, qui magis invidebant ei dicentes esse peccatorum, potatorem, mendacem, et voracem, prohibentem dari tributa Cæsari, gentis subversorem, et turbæ seductorem, dæmoniacum, et blasphemum.

Nequissimum mendacium excogitaverunt Judei, quando corruerunt custodes dominici sepulcri, ut dicerent, quod discipuli nocte fūrati erant corpus Domini. Matth., xxviii.

Ananias, et uxor ejus Saphira, mentiti sunt Petro de pretio agri venditi ; quod mendacium fuit per Petrum gravissime vendicatum. Act., v.

Judei statuerunt duos falsos testes contra beatum Stephanum, dicentes : « Homo iste non cessat loqui verba adversus locum sanctum, et legem. » Act., vi, 13.

Contra beatum Paulum multa adinventa sunt mendacia. Nam illi quæstuarii, qui habebant puellam pythonissam in Philippis, a qua Paulus spiritum pythonem ejecerat, dixerunt magistris civitatis : « Hi homines conturbant civitatem nostram, cum sint Judei, et annuntiant morem quem non licet nobis suscipere. » Act., xvi, 20.

Item apud Athenas dicebant quidam : « Quid vult seminiverbius hic dicere ? » Alii vero dicebant : « Novorum dæmoniorum annuntiator esse videtur. » Act., xvii, 18.

Rursus etiam Hierosolymis quidam Judei in-

jecerunt ei manus clamantes : « Viri Israelitæ, adjuvate. Illic est homo qui adversus populum, et legem, et locum hunc omnes ubique docens, insuper et Gentiles induxit in templum, et violavit sanctum locum istum. » Act., xxi, 28.

Postea coram Felice præside Tertullus orator Judeorum dixit eum hominem pestiferum, et concitantem seditionem Judeis in universo orbe. Act., xxiv.

Præterea in insula Melite, videntes Barbari viperam in manu Pauli pendentem, dicebant ad invicem : « Utique homicida est homo hic, qui cum evaserit de mari, ultio eum vivere non sinit. » Act., xxviii, 4.

Testatur etiam ipse Paulus de seipso, Rom., iii, 8 : « Alii quidam nos dicere : Faciamus mala, ut veniant bona, quorum damnatio justa est. »

Item, II Cor., x, 10, dicebant quidam Judei : « Epistole graves sunt et fortis, præsentia autem corporis infirma, et sermo contemptibilis, » etc.

CAPUT LXVIII.

De proditione.

Patienti Saulo vexationem a dæmonie, David coram ipso psallebat, et ille nisus est eum configere parieti cum lancea quam tenebat, I Reg., xviii et xix.

Saul promisit se daturum filiam suam David, ut per occasionem posset a Philisthæis occidi, I Reg., xviii.

Salvavit David habitatores Ceilæ ab exercitu Philistinorum oppugnantium civitatem, et voluerunt eum tradere Sauli, ipsum ad mortem querenti, I Reg., xxiii.

Postquam Saul fleverat quasi dolore de persecutione David, et David ei juraverat, persecutus est ipse Saul David ita nequier et acriter, sicut primo fecerat, I Reg., xxiv, et deinceps.

Urias detulit ad Joab, ex parte David, litteras mortis sue. II Reg., xi.

Amnon filius David vocaverat sororem suam Thamar, quasi de manu illius cibum sumere deberet, et postea oppressit eam. II Reg., xiii.

Vocavit Absalon ad convivium fratrem suum Amnon, et ibidem occidit eum. II Reg., xiii.

Cum salutasset Joab Amasam, quasi osculari eum vellet, percussit eum in latere, et effudit intestina illius. II Reg., xx.

Zambri, dux mediae partis equitum, occidit

Ela dominum suum, et regnavit post eum septem diebus tantum; obcessus enim fuit, et succedit se, et palatum in quo erat. *III Reg.*, **xvi**.

Sellum filius Jabel conjuravit contra Zachariam regem Israel dominum suum, et interfecit eum, et regnavit pro eo uno mense tantum. *IV Reg.*, **xv**.

Cum adoraret in templo Sennacherib Deum suum, duo filii sui percosserunt eum; sed tamen neuter eorum regnavit pro eo post illum. *IV Reg.*, **xix**.

Quidam inimici Nehemiae voluerunt fœdus cum eo malitiose percutere, et cogitabant facere ei malum. Dederunt etiam præmium, ut eum ducerent in peccatum. *Nehem.*, **vi**.

Duo janitores regis Assueri, qui in primo palati limine præsidebant, voluerunt in regem insurgere, et occidere eum. *Esther*, **ii**.

Venit Ismael filius Nathanae, et multi alii cum eo, et comedenterunt cum Godolia, quem prefecerat rex Babylonis terræ Juda, et post prandium surrexerunt, et occiderunt eum, qui nihil mali voluerat credere contra illos. *Hier.*, **xli**.

Antiochus rex misit principem tributorum in civitates Juda, et venit in Hierusalem, et locutus est cum eis, qui erant intus, verba pacifica in dolo; et crediderunt ei: et irruit repente super civitatem, et percussit eam plaga, etc. *I Mach.*, **i**.

Cum obsideret Antiochus Eupator Hierusalem, nec posset eam capere, misit ad illos, qui intus erant, pacem facere, et receperunt illam, et juravit eis rex; sed rupit citius juramentum, et mandavit destruere muros in gyro. *I Mach.*, **vi**.

Ptolemaeus rex Egypti quærebat obtinere regnum Alexandri generi sui dolo, et cum intraret civitates Alexandri cum magno exercitu, et recipiteretur in eis honorifice de mandato Alexandri, ponebat custodias militum in eis. *II Mach.*, **xi**.

Videns Tryphon quod Jonathas venit cum exercitu magno et multo, jussit retineri paucos, et alias remitti: et cum factum fuisse, captus est Jonathas cum mille viris quos retinuerat, et alii sunt reversi. *II Mach.*, **xii**.

Cum ambularet Tryphon cum rege Antiocho adolescenti domino suo, dolo occidit eum, et regnavit loco ejus. *Mach.*, **xiii**.

Ptolemaeus filius Abobi gener summi sacerdotis, fecit convivium Simoni, et duobus filiis

ejus, et cum inebrati essent, occidit eos. *I Mach.*, **xvi**.

Cum venisset Apollonius Hierosolymam pacem simulans, quievit usque in diem sabbati: et tunc feriatis Judæis ingentem multitudinem peremit. *II Machab.*, **v**.

Audiens Judas Machabæus, quod illi qui obsidebant turres, ubi erant inimici gentiles, pecuniam receperant (*a*), et quosdam abire permisérant, illos tanquam proditores, et fratrum vendidores, interfecit, et confestim turres occupavit. *II Mach.*, **x**.

Omnes alias prodiciones in nequitia et persicestate supererat illa, quam facinorosissimus Judas contra Dominum procuravit, quod Dominum et magistrum suum vendidit pro tantillo pretio, et in manus hostium tradidit osculando. *Matth.*, **xxvi**; *Marc.*, **xiv**; *Luc.*, **xxii**; *Joan.*, **xviii**.

Accesserunt quidam Judei ad principem sacerdotum et seniores, dicentes eis, ut facerent quod tribunus Lysias, qui Paulum tenebat vincatum, adduceret eum in medium, tanquam essent de eo aliquid certius cognituri. Ipsi vero statim parati erant interficere illum. *Act.*, **xxiii**.

CAPUT LXIX.

De adulazione.

Core et complices ejus, cum stetissent adversus Moysen et Aaron, dixerunt: « Sufficiat vobis, quod omnis multitudo sanctorum est, et in ipsis est Dominus. » In quo apparuit, quod captabant benevolentiam populi. *Nun.*, **xvi**, 3.

Adolescens, narrans mortem Saul et filiorum ejus, occisus fuit de mandato ipsius David: putabat autem se prospera nuntiare. *II Reg.*, **i**.

Duo latrones, quod filium Saul Ioseph occiderunt, et caput ejus attulerunt ad David, placare ei crediderunt; sed David bene ostendit, quod sibi displicuit. *II Reg.*, **iv**.

Dicebat Absalon homini negotium habenti coram rege David: « Videntur mihi sermones tui boni et justi, et non est qui te audiat constitutus a rege. » *II Reg.*, **xv**, 3.

Mali prophete dicebant Achab regi Israel de bello futuro prospera, sed que illum velle sciebant. *III Reg.*, **xxii**.

Post obitum Joiadæ sacerdotis, principes Juda adoraverunt regem, qui delinitus obsequis eorum acquievit eis, et dereliquerunt

(a) *Cal. edit.* receperint.

templum Domini, servieruntque lucis et sculputibus. II Paral., xxiv.

Ædificantibus templum filiis Juda post reditum de captivitate, hostes eorum scripserunt Artaxerxi regi : « Nos memores salis, quod comedimus in palatio, et quia lœsiones regis videre nefas ducimus, » etc. I Esdr., iv, 14.

Nabuchodonosor dixit majoribus natu, et duabus bellatorum suorum, cogitationem suam esse, ut omnem terram suo subjugaret imperio. Quod cum placuisset omnibus, etc. Judith, ii.

Rex Assuerus, iratus contra Vasthi reginam, interrogavit sapientes consiliarios suos, cui temperaverunt regis furem, nec excusaverunt absentem, sed respondit unus : « Regis justa est indignatio. » Esth., i, 18.

Amici Aman et uxor ejus, advertentes pessimum animum quem habebat erga Mardonchæum, non increpaverunt eum, sed dixerunt : « Jube parari excelsam trabem, » etc. Esth., v, 14.

Principes et satrapæ Darii regis Persarum, cupientes quod res iniquum statueret decretum, proposuerunt aliquid, quod videbatur pertinere ad honorem ipsius. Dan., vi.

Alcimus, proditor impius, quod volebat fieri summus sacerdos, dixit regi Demetrio : « Perdit Judas et fratres ejus amicos tuos. » Sequitur postea, quod Alcimum hunc constituit rex in sacerdotio, et mandavit ei facere ultiōnem in filios Israel. I Machab., vii, 6.

Recedentibus discipulis Joannis, cepit contra illos qui palam laudant, et occulte detrahunt, Dominus ipsum mirabiliter commendare. Matth., xi.

Pharisæi, volentes capere Christum Dominum in sermone, cœperunt magnas laudens ei dicere : « Magister, scimus quia verax es, » etc. Matth., xxii, 16.

Videns Herodes Agrippa rex magnus, quia placeret Judeis hoc, quod quosdam de Ecclesia cœperat, apposuit apprehendere et Petrum, etc. Act., xii, 3.

Herodi nequissimo regi, quod occiderat Jacobum, et incarcerauerat Petrum, « populus acclamabat : Voces Dei, et non hominis. » Act., xii, 22.

Orator Tertullus, contra Paulum a principe sacerdotum adductus, in principio orationis adulatus est Felici præsidi. Act., xxiv.

CAPUT LXX.

De derisione et convictis.

Viri Sochoth et Phanuel deriserunt Gedeonem Zebee et Salmana (a) persecutem; sed inde male eis accidit, quia male eos postea tractavit. Judic., viii.

Contempnit Nabal verba nuntiorum David stomachando, dicens : « Quis est iste David, et quis est filius Isai? Hodie increverunt servi, qui fugiunt dominos suos. » I Reg., xxv, 10.

Michol, videns regem David saltantem ante arcem Domini, despexit eum, et postmodum insultu vel deridendo dixit ei : « Quam gloriosus fuit hodie rex, » etc. II Reg., vi, 20.

Derisorie vel ironice dixit impia Jezabel ad Achab : « Grandis auctoritatis es, et bene regis regnum Israel. » IV Reg., xxii, 7.

Quia pueri illuserunt Elisco dicentes : « Ascende, calve, » duo ursi laceraverunt quadriginta duos ex eis. » IV Reg., ii, 23 et seq.

Cursores quos misit Ezechias, pergebant velociter de civitate in civitatem orædicantes, ut filii Israel reverterentur ad Dominum, illis irridentibus et subsannantibus eos. II Paralip., xxx.

Mittebat Dominus prophetas quotidie componens, eo quod parceret populo et habitaculo suo : at illi subsannabant nuntio Domini, et parvipedebant sermones ejus, illudebantque prophætis. II Paral., xxxvi.

Sannabalah et Tobias audierunt, quod aedificabatur murus Jerusalem, et irridebant Judeos ædificantes. Nehem., iii et iv.

Exercato Tobia, parentes et cognati ejus iridebant vitam ejus, dicentes : « Ubi est spes tua, pro qua cleemosynas et sepulturas faciebas? » Tob., ii, 16.

Videns Nicana holocausta, que offerebantur a Judeis pro rege, irridens sprevit eos, et poluit, et locutus est superbe, etc. I Mach., vii.

Antiochus, crudelis tyrannus, ex verbis septimi fratris « accensus ira in illum, super omnes crudelius desœviit, indigne ferens derisum se. » II Mach., vii, 39.

Derisus fuit multipliciter Domius Jesus Christus; require in rubrica *de Patientia et Mansuetudine* ¹.

Quidam Judæi, videntes discipulos Domini

¹ Vid. iuf., c. LXXXIX.

(a) Cœl. edit. Salinana.

loquentes variis linguis post effusionem Spiritus sancti, irridebant dieentes : « Quia musto sunt pleni isti. » *Act.*, II, 43.

Cum audissent Athenienses resurrectionem mortuorum, quam annuntiabat Paulus, quidem irridebant; quidam vero dixerunt : « Audiemus te de hoc iterum. » *Act.*, XVII, 32.

CAPUT LXXI.

De detractoribus et maledicis.

Impie detraxit Joseph innocentem et pudico domina ejus apud virum suum. *Gen.*, XXXVIII.

« Cui dubium est, quod pessime cogitatis? » dixit Pharaon Moysi, *Exod.*, X, 10: per quod patet pessimos homines quandoque viris optimis inique imponere, et falsa cum multa auctoritate affirmare.

Locuta est Maria et Aaron adversus Moysen, modica occasione assumpta; sed cito secuta est ultrix poena. *Num.*, XII.

Detraxerunt filii Israel terrae promissionis in malum suum. *Num.*, XIV.

Occasiones seditionis Core et complicum ejus, fuerunt multi terribiliter occisi, et post murmuravit multitudo contra Moysen et Aaron, dicens : « Vos interfecistis populum Domini, » etc. *Num.*, XVI, 41.

Quamvis esset malus Balaam, tamen dixit, quod nequaquam malediceret populo, cui henedixerat Dominus, *Num.*, XXI, 8: et quoad hoc multi inveniuntur deteriores illo, quod libentius et frequentius maledicunt et detrahunt bonis, quam perversis.

Saul fuit in principio valde bonus, et tamen dixerunt quidam filii Belial : « Num salvare nos poterit iste? » *I Reg.*, X, 27.

Occasione Doeg Idumaei deferentis Sauli, quod Achimelech sacerdos confortaverat David, occidit Saul octoginta quinque viros portantes ephod, et multos alios parvulos et mulieres. *I Reg.*, XXI, 18.

Satrapae Philistinorum procuraverunt apud Achis regem Geth, quod David, qui judicio ejus bonus erat, fuit amotus de honesto officio, in quo eum posuerat. *I Reg.*, XX, IX.

Adolescentem, narrantem Saul et filiorum ejus mortem, jussit David interfici; tamen putabat se ille prospera nuntiare.

Principes filiorum Ammon dixerunt ad dominum suum : « Putas quod propter honorem patris tui, David miserit ad te consolatores, » etc.

II Reg., XI, 3 : et sic perverterunt simplicem et puram intentionem David.

Absalon ambiens regnum, dicebat habenti negotium coram rege : « Non est qui te audiat constitutus a rege, » etc. *II Reg.*, XV, 3.

Siba, servus Miphiboseth, nequiter detraxit domino suo apud David, et fides nimis cito fuit adhibita prius illius verbis. *II Reg.*, XVI.

Edificantibus templum filiis Juda, qui redierant de Babylonie, hostes eorum inique miserrunt epistolam Artaxerxi regi, ut opus facheret intermitti. *I Esdr.*, IV.

Dum Sara filia Raguelis increparet unam de ancillis pro culpa sua, respondit : « Amplius ex te non videamus filium aut filiam super terram, interfecit virorum tuorum, » etc. *Tob.*, III, 9.

Ocasione solius Mardochai, qui superbissimum Aman adorare nolebat, ipse Aman suggestis regi Assuero, quod populus Iudeorum regis iussa contemneret, et per totum regnum discordias seminaret ita quod omnes fuerunt adjudicati morti, sed divina pietas de eorum liberacione providit. *Esth.*, II et deinceps.

Quia Jeremias predicabat capiendam esse civitatem Jerusalem a Chaldaeis, dixerunt principes populi Sedeciae regi : « Homo iste non querit pacem populo huic, sed malum. » *Jerem.*, XXVIII, 4.

Accidentes viri Chaldaei accusaverunt Iudeos, dicentes Nabuchodonosor regi, quod socii Danielis non adorabant deos ejus, et erant transgressores regii decreti. *Dan.*, III.

Principes et satrapae Darii regis Persarum, invidentes Danieli, accusaverunt eum apud regem, quod ipse obsecrabat et adorabat alium Deum, quam ipsum regem Darium. *Dan.*, VI.

Duo illi senes presbyteri conati sunt Susanam turpiter infamare; sed deus eam mirabiliter per abstinentem puerum liberavit. *Dan.*, XIII.

Alcimus, qui volebat fieri summus sacerdos, et quidam alii iniqui dixerunt regi Demetrio : « Perdidit Judas et fratres ejus amicos tuos, et nos disperserunt de terra nostra : nunc ergo mittite virum cui creditis, » etc. *I Mach.*, VII, 6.

Convenerunt aduersus Jonatham viri pestilentes ex Israel, ut interpellarent regem Alexandrum aduersus eum, et non intendit ad eos rex. *I Mach.*, X.

Simon de tribu Benjamin, praepositus templi,

venit ad Apollonium, et dixit aerarium pecunias innumerabilibus esse plenum. *Il Mach.*, iii.

Prædictus etiam Simon male loquebatur de Onia, provisoremque civitatis, ac defensorem gentis suæ, ac æmulatorum legis Dei, audebat insidiatorem regni dicere. *I Mach.*, 4.

Veniens ad regem Demetrium Alcimus dixit inter cetera : « Quamdiu superest Judas, impossibile est pacem dari negotiis. » *Il Mach.*, xiv, 10.

Videntes Pharisei Dominum discubentem in domo Matthei, dicebant : « Quare cum publicanis et peccatoribus manducat? etc. *Matth.*, ix, 11, et *Luc.*, v, 30. Simile accidit de Zachæo, *Luc.*, xix, 7 : « Murmurabant quod ad hominem peccatorem divertisset. »

De Joanne multum jejunante dicebant quidam Judæi : « Daemonium habet. » De Domino autem Jesu, cum peccatoribus comedente, dicebant : « Ecce homo vorax, et potator vini, publicanorum et peccatorum amicus. » *Matth.*, xi, 18, 19.

Viso miraculo de creco nato, per Dominum Iesum illuminato, Pharisei detraxerunt Domino dicentes : Nos « scimus, quia hic homo peccator est. » Et maledixerunt homini illi, et dixerunt : « Tu discipulus ejus sis : » quæ quidem maledictio sit super nos, et super filios nostros. *Joan.*, ix, 26, 28.

Scribæ et Pharisei detraxerunt Domino Salvatori dicentes eum esse Samaritanum, dæmoniacum, blasphemum, peccatorem, potatorem, mendacem, voracem, prohibentem dari tributa Cæsari, gentis subversorem, et populi seductorem : haec omnia possunt ex diversis locis Evangeliorum haberi.

Non valentes Judei resistere sapientie Stephanii, et spiritui qui loquebatur per eum, adduxerunt in concilium duos falsos testes dicentes : « Homo iste non cessat loqui adversus locum sanctum et legem. » *Act.*, vi, 13.

Quidam quæstuarii, dolentes quod amiserant quæstum suum, eo quod Paulus ejecerat spiritum Pythonem a quadam puella, quam illi habebant, dixerunt magistratibus : « Ihi homines conturbant civitatem nostram, » etc., *Act.*, xvi. Ad verba eorum prava cucurrit (*a*) plebs adversus illos, et scissis eorum tunicis jussi sunt virgines cœdi, et in carcerem mitti.

Gallione proconsule in Achaia existente insurrexerunt uno animo Judæi in Paulum, et adduxerunt ad tribunal dicentes : « Quia contra

legem homo hic persuadet hominibus colere Deum. » *Act.*, xviii, 13.

Apud Ephesum, cum quidam Judæi indurarentur, et non crederent maledicentes viam Domini coram multitudine, discedens ab eis Paulus segregavit discipulos. *Act.*, xix.

Quidam Judæi de Asia, videntes Paulum in templo, clamaverunt : « Viri Israelite, adjuvate : hic est homo, qui adversus populum et legem, et locum hunc, omnes ubique docens, insuper et Gentiles induxit in templum, et violavit sanctum locum istum. » *Act.*, xxi, 28.

Coram Felice præside proposuit contra Paulum Tertullus orator pro Judæis dicens : « Invenimus hunc hominem pestiferum, et concitatem seditiones Judæis omnibus in universo orbe, et auctorem (*b*) seditionis sectæ Nazarenorum, qui etiam templum conatus est violare, » etc., *Act.*, xxiv, 15.

Disputante Paulo apud Athenas, quidam Epicurei et Stoici philosophi dicebant : « Quid vult seminoverbius hic dicere? » Alii vero dicebant : « Novorum dæmoniorum videtur esse annuntiator, » etc. *Act.*, xvii, 18.

Barbari, videntes viperam pendentem in manu Pauli, dixerunt ad invicem : « Utique homicida est homo, qui cum evaserit de mari, ultio eum vivere non sinit. » *Act.*, xxviii, 4. Sed cito postea mutaverunt opinionem (*c*).

CAPUT LXXII.

De liberalitate, misericordia et largitate.

Rebeca filia Batuelis valde liberaliter respondit famulo Abrahe, dicens : « Bibe, domine mi, » etc., *Gen.*, xxiv, 18.

Liberaliter egit Moyses defendendo filias Rague a pastoribus, qui cas ad aquare pecora non sinebant. *Exod.*, ii.

Audiens Moyses quod sacer suus Jethro veniret ad eum, egressus est in occursum ejus, et ipsum multipliciter honoravit. *Exod.*, xviii.

Filiæ Israel mente promplissima atque devota obtulerunt ad faciendum opus tabernaculi, et quidquid ad cultum Dei et vestes sanctas necessarium erat. *Exod.*, xxxv, 21. Et sequenti capitulo dicitur, xxxvi, 4 : « Artifices venire compulsi dixerunt Moysi : plus offert populus, quam necessarium est. »

Petuit Moyses a rege Edom : « Obsecramus,

(*a*) *Cœt. edit.* concurrunt. — (*b*) Item auctorem. —

(*c*) Item oppositionem.

ut nobis liceat transire per terram tuam: non ibimus per agros neque per vineas, nec bibemus aquam de puteis tuis, sed, » etc., *Num.*, xx, 17.

Gedeon petuit a viris Sochoth et Phanuel panes pro commilitonibus fatigatis; qui dare renuerunt: sed male inde accidit eis. *Judic.*, viii.

Nabal illiberaliter se habuit ad David petentem aliquid sibi dari. I *Reg.*, xxv.

Obtenta victoria de Amalechitis, David misit dona de preda senioribus Juda proximis suis, dicens: « Accipite benedictionem, » etc., I *Reg.*, xxx, 26.

Præcepit David ut Miphiloseph comederet panem in mense sua semper, et totam domum Saul dedit ei. II *Reg.*, ix.

Fugient David a facie Absalom, Sobi et Ma-chir, et Berzellai, obtulerunt ei multa exercitui suo necessaria, II *Reg.*, xvii. Quia (a) Berzellai astitit David, quando fugiebat Absalom filium suum, obtenta Victoria, David retinuit filium illius, et de familia sua fecit illum. II *Reg.*, xix.

Regina Saba multa obtulit Salomoni, et Salomon dedit omnia quæ petivit, exceptis his quæ ultro obtulerat ei munere regio. III *Reg.*, x, 10, 13.

Ea tempestate qua regnauit Achaz in Judæa, Phacee filius Romeliæ multos occidit et cepit de viris Juda; quidam autem boni viri de Israel captivos nudos vestierunt, et illos qui ambulare non poterant, imposuerunt jumentis, et duxerunt ad fratres eorum. II *Paral.*, xxviii.

Rex Cyrus protulit vasa templi Domini, quæ tulerat Nabuchodonosor, et remisit ea in Hierusalem: fuerunt autem vasa aurea et argentea quinque millia quadringenta. I *Esdr.*, i.

Redeuntes de Babylone filii Juda obtulerunt sponte, secundum vires suas, ad extuendam domum Domini. I *Esdr.*, ii.

Præcepit rex Darius, ut edificaretur in Hierusalem domus Domini, et darentur sumptus de arca regis, licet quidam emuli per litteras opus impedi laborabant. I *Esdr.*, vi.

Gratiosam et liberalem epistolam dedit Artaxerxes rex Esdræ sacerdoti venienti in Hierusalem ad consolandum Judæos. I *Esdr.*, vii.

Rex Artaxerxes liberaliter se habuit ad Nehemiam venientem in Judeam, et dedit ei epistolas quales petierat. *Nehem.*, ii.

Nehemias valde liberalis fuit legatus, qui po-

pulum annonæ et exactionibus non gravavit, et illis ad quos venit plurima bona fecit. *Nehem.*, v.

Tobias omnia, que habere poterat, « con-captivis fratribus, qui erant de genere suo, im-pertiri studebat, esurientes alebat, nudisque vestimenta præbebat. » *Tob.*, i, 3.

Raguel tradidit Tobiae juniori Saram filiam suam, et dimidiā partem substantiæ. *Tob.*, x, 10.

Tobias Junior multum fuit gratus Azariæ, quem hominem putabat, et valde bene recon-gnovit beneficia, quæ ab eo receperat; et exinde pater et filius mediā partem omnium bonorum illi liberaliter obtulerunt. *Tob.*, xii.

Rex Assuerus « jussit preparari convivium per-magnificum pro coniunctione et nuptiis Esther, et dedit requiem universis provinciis, ac dona largitus est juxta magnificientiam principalem. » *Esth.*, II, 18.

Videns Esther reginam rex Assuerus, dixit ei: « Quid vis, Esther regina? quæ est petitio tua? Etiamsi dimidiā partem regni petieris, dabitur tibi. *Esth.*, v, 3.

Quæsivit rex Assuerus quid honoris ac præmii consecutus esset Mardochæus pro fide quam erga ipsum servaverat. Cumque intellexisset eum nihil acceperisse mercedis, fecit eum magnifice honorari. *Esth.*, vi.

Filius Job, facientes convivia « unusquisque in die suo, vocabant sorores suas, ut comedenter et biberent cum eis. » *Job*, I, 4.

Pium et misericordem se fuisse ad pauperes, ostendit beatus Job, xxix, 13 et seq., dicens: « Cor viduæ consolatus sum. Pater eram pau-perum, » etc. Item, xxxi, 17 et seq.: « Si co-medii buccellam meam solus: quia ab infantia mea crevit mecum miseratio, » etc.

Magister militiæ regis Babylonis dedit cibaria et munuscula Hieremiac, et dimisit eum quo-cumque vellet ire, promittens ei multam hu-manitatem, si vellet cum eo pergere in Babylonem, *Hier.*, xi, et nihilominus dedit ei liberalem facultatem remanendi ibidem.

Seleucus rex de reditibus (b) suis tempore Oniæ summi pontificis præstatabat « omnes sumptus ad ministerium sacrificiorum pertinentes. » II *Mach.*, iii, 3.

« Apertis thesauris suis, » non parvis loculis, in quibus oboli reponuntur, « obtulerunt Nagi » Domino pauperi « aurum, thus, et myrrham. » *Matth.*, II, 11.

Magnificus et largus remunerator est Domi-

(a) Cœt. edit. qui. — (b) Item hereditatibus.

nus, qui relinquenter propter se bona temporalia reddit centuplum in hoc saeculo, et vitam eternam in futuro. *Matth.*, xix, 29; *Marc.*, x, 30; *Luc.*, xviii, 30.

Ex pia liberalitate proveniebat, quod Dominus discipulos spicas vellentes sabbatis, et manibus confriscentes, contra Pharisaeos maledicos defendebat. *Matth.*, xii; *Luc.*, vi.

Fons liberalitatis Dominus peccatores respiciebat ad convescendum, et colloquendum, et ad osculandum. De primo et secundo, exemplum de Matthaeo, *Matth.*, ix; *Luc.*, v. Item de illis publicanis, et peccatoribus, qui appropinquabant ad eum, ut audirent illum, *Luc.*, xix. Item de Zacheo, *Luc.*, xix. De tertio exemplum de Maria, que osculabatur pedes ejus, *Luc.*, vii. Item de Iuda, *Matth.*, xxvi; *Marc.*, xiv; *Luc.*, xxxii, propter quod benignitatis signum, infelix citius resipiscere debuisset.

Secuter sunt turbae pedestres Dominum Jesum, de civitatibus in desertum. Vesperi autem facto, dixerunt ei discipuli : « Dimitte turbas ut euntis emanet sibi escas. » Ipse vero tanquam liberalis respondit : « Date illis vos manducare, » etc. *Matth.*, xiv, 15, 16.

Distribuendo et restituendo largus fuit Zachaeus, cum dixit ad Dominum : « Eece dimidium bonorum meorum, Domine, do pauperibus : et si quid aliquem defraudari, reddo quadruplum. » *Luc.*, xix, 8.

Donum paupereculae mulieris viduae que misit duo era minuta in gazophylacium, prefertur a Domino muneribus divitium. *Luc.*, xxi, 2, 3.

Valde liberalis fuit Dominus latroni pendenti, et petenti : « Memento mei, Domine, dum veniris in regnum tuum. » Et dixit illi Jesus : « Amen dico tibi, hodie tecum eris in Paradyso. » *Luc.*, xxiii, 42, 43.

Benignitatem et liberalitatem dignatus est Dominus ostendere, quando vocatus ad pauperes nuptias ivit, et ibidem aquam in vinum convertit, ut exhilararet pauperes discubentes. *Joan.*, ii.

Magna Dei liberalitas appareat in illa similitudine de servo nequam, cui dixit dominus : « Omne debitum dimisi tibi, quoniam rogasti me. » *Matth.*, xviii, 32.

Joseph qui cognominatus est Barsabas, cum haberet agrum, vendidit illum, et attulit pretium, et posuitante pedes apostolorum. *Act.*, iv, 1.

Audientes discipuli, qui erant Antiochiae, quod fames valida futura erat in universo orbe,

proposuerunt in ministerium mittere habitantibus fratribus in Iudea : quod et fecerunt, mittentes ad seniores per manus Barnabae et Sauli. *Act.*, xi.

Quædam mulier purpuraria, nomine Lydia, baptizata ad prædicationem Pauli, valde liberaliter et devote rogavit, imo coegit Paulum et socios ejus manere in domo sua. *Act.*, xvi, 13.

Cum evasissent Paulus, et socii ejus, de navi fracta tempore hyemali, Barbari non modicam humanitatem præstabant eis. Accensa enim pyra reficiebat eos, propter imbreuium, quia immeinebat frigus. *Act.*, xxviii, 1, 2.

Publius princeps insulæ Melite, ad quam Paulus et socii ejus post tempestatem venerunt, suscipiens eos triduo, benigne exhibuit. Paulus autem patrem febris et dysenteria laborantem sanavit. *Act.*, xxviii, 7, 8.

Apparet Paulum erga pauperes valde liberalem fuisse, quorum negotia tam sollicite procurabat, (a) ut patet de collectis quas diligissime fieri procurabat, (b) *1 Cor.*, xvi, 4 : « Si dignum fuerit, ut ego eam, meeum ibunt. » Item, *1 Corin.*, ix, 6 : « Qui parere seminat, pare et metet, » etc.

Mira liberalitas et gratitudo fuit in Paulo, qui pro quodam Onesimo servo Philemonis fugitivo, scripsit literas tam affectuosas, efficaces et devotas, ut patet, *ad Philemonem*, 17, 18 : « Si habes me socium, ait, suscipe illum sicut me ; si autem aliquid nocevit tibi, aut debet, hoc mihi imputa, » etc.

CAPUT LXXXIII.

De avaritia.

Multa possunt notari in hoc, quod Cain, qui interpretatur possessio, occidit Abel fratrem suum. *Gen.*, iv.

Cain primus legitur ædificasse civitatem, sed non Abel, *Gen.*, iv, quia sancti non habent « hic manentem civitatem, sed futuram » inquirunt, ut testatur Apostolus. *Hebr.*, xiii, 14.

Propter multam substantiam quam Abraham et Loth habebant, non potuerunt pariter habitare, et copererunt pastores eorum ad invicem litigare. *Gen.*, xiii.

Abundantia rerum temporalium frequenter est gravium occasio peccatorum, sicut patet de Sodomitis, peccatoribus pessimis. *Gen.*, xii et xix.

(a) *Cæt. edit. add. ita. — (b) Item ita ut patet.*

Postquam creverat Isaac, et locupletatus fuerat, pastores sui, et vicinorum suorum, jurgari coeperunt. *Gen., xxvi.*

Odium avaritiae, plusquam cæterorum vitiorum, debent habere judices, et prælati : ideo signanter dixit Jethro de judicibus, *Exod., xviii,* 21 : « Oderint avaritiam. »

Pauci sunt hodie clerici, qui faciant oblationes populo prohiberi, sicut fecerunt illi, qui operibus tabernaculi præsidebant. *Exod., xxxvi, 5-6.*

Nuntii Balac perrexerunt ad Balaam habentes divinationis pretium in manibus, et ita fuit cupiditate corruptus. *Num., xxii.*

Tribus Ruben, et Gad, et dimidia tribus Manasse, quia habebant multam substantiam, et pecora, noluerunt transire Jordanem, sed in terra alendis gregibus apta contenti sunt accipere portionem. *Num., xxxii.*

Cupiditate seductus Achan, de anathemate Jericho sumpsit; sed pro illo lucro damnum terribile reportavit. *Jos., vii.*

Pro pecunia a Philistæis promissa, Dalila Samsonem virum suum eis tradidit. *Judic., xvi.*

De filiis Samuelis dicuntur, I *Reg., viii, 3 :* « Declinaverunt post avaritiam, acceperuntque munera, et perverterunt judicium. »

Præcipua causa, vel occasio reprobationis Saul videtur cupiditas fuisse, quam habuit ad prædam Amalech ; unde dixit Samuel ei : « Quare non audisti vocem Domini, sed reversus es ad prædam, et fecisti malum in oculis Domini ? » I *Reg., xv, 19.*

Nimis tenax fuit Nabal erga David petentem aliquid dari sibi ; propter quod fere totam substantiam, et personam amisit. I *Reg., xxv.*

Semei exivit de Hierusalem, contra prohibitionem Salomonis, ad requirendum servos suos, qui aufugerant; et ob hanc causam fecit Salomon eum occidi. III *Reg., ii.*

Vinea Naboth, quam concupivit Achab, fuit causa vel occasio, quare duo testes contra eum fuerunt producti, et ille jussus est lapidari. IV *Reg., xxi.*

Quia Giezi accepit a Naaman id quod Eliseus recusaverat, lepra percussus fuit. IV *Reg., v.*

Tempore Nehemias, erant aliqui ab optimatisbus ita usuris oppressi, quod volebant filios suos et filias vendere in servos et ancillas; sed Nehemias illos graviter et utiliter increpavit. *Nehem., v.*

Obtenta victoria de Arphaxad rege Medorum,

a Nabuchodonosor rege Assyriorum, statim regna alia concupivit. *Judith, i.*

Dixit Judas Machabæus commilitonibus suis : « Non concupiscatis spolia, quia bellum contra vos est, et Gorgias et exercitus ejus in monte prope nos. » I *Mach., iv, 17.*

Ptolemaeus rex Ægypti vituperavit Alexandrum suum generum, propterea quod concupierat regnum ejus, cum tamen Alexander illum honorifice receperisset. I *Mach., xi.*

Adversus Oniam et civitatem sanctam concitavit Simon, de tribu Benjamin, Apollonium et regem Antiochum, dicens : « Årarium pecuniis innumerabilibus esse plenum. » II *Mach., iii, 6.*

Menelaus per argentum, quod promisit Antiocho, obtinuit summum sacerdotium. Deinde per vas aurea de templo furtive sublata, quæ dedit Andronico, fecit Oniam occidi. Tandem accusatus (a) apud regem Ptolomæum, et corrupit eum per pecuniam, et contra accusatores fecit ferri mortis sententiam. II *Mach., iv.*

Item Menelaus nequam, propter eorum, qui in potentia erant, avaritiam, permanebat in potestate, crescens in malitia, et ad insidias civium. II *Mach., iv.*

Cum quidam Judæi de mandato Machabæi obserderent duas turres, in quibus erant inimici gentiles, accepta pecunia quosdam effugere permiserunt : quos Machabæus tanquam proditores, et fratrum venditores interfecit. II *Mach., x.*

Post bellum contra Gorgiam commissum, venit Judas Machabæus cum suis, ut prostratum corpora sepeliret. Invenerunt autem sub tunicis interfectorum de donariis idolorum, a quibus lex prohibet Judæos, II *Mach., xii.* Ob hanc causam ergo creditum est corruisse.

Adolescens qui quæsivit a Domino, quomodo posset habere vitam æternam, « multas habebat possessiones, » et idcirco abiit tristis, ut audivit consilium perfectionis. *Matth., xix;* *Marc., x; Luc., xviii.*

Sacerdotes Judeorum, volentes quod homines frequenter offerrent, permettebant quod ea, quæ offerri poterant, venderentur in templo, *Matth., xxi; Marc., xi; Luc., xix; Joan., ii.* Hac etiam de causa dicebant, aurum templi sanctius esse templo, et donum quod erat super altare, majoris esse reverentie quam ipsum altare. *Matth., xxiii, 17.*

(a) *Cœl. edit.* accusatur.

Cupiditas vel libido lucrandi videtur fuisse principale motivum, quare Judas tradiderit Dominum, *Matth.*, xxvi, 15 : « Quid vultis mihi dare ? » etc.

Per pecuniam fuerunt corrupti custodes dominici sepulcri, ut mentirentur Dominum a discipulis suis de nocte furtim fuisse sublatum. *Matth.*, xxviii.

Dominus Jesus Christus legislator verus noluit se intromittere de divisione hereditatis terrenae, cum esset super hoc requisitus. *Luc.*, xii.

Contra eos qui bona temporalia congregant, et multo tempore in illis delectari putant, proponit Dominus similitudinem de divite, cuius ager uberes fructus attulit, etc. *Luc.*, xii.

Contra divites edaces, et vestibus pretiosis et delicatis utentes, qui ad relevandam indigentiam proximi, sunt tenaces et parci, ponit Dominus exemplum de illo divite epulone. *Luc.*, xvi. Et nota ibi : si ita punitur ille, qui non dedit propria, quid fiet illis, qui rapiunt aliena ?

Excusaverunt se, ne irent ad magnam cœnam, ad quam vocati erant, emplores boum et villarum, scilicet mobilium et immobilium possessionum, quia sœpe per talia a cœlesti gloria retrahimur. *Luc.*, xiv.

Pharisæi, qui erant avari, audientes monitiones Domini, quod deberent amici fieri de mammata iniquitatis, deridebant illum. *Luc.*, xvi.

Nimis terribiliter punita fuit Ananie avaritia, et Saphiræ, qui de pretio agri venditi partem refinuerunt sibi. *Act.*, v.

Quidam quæstuarii habentes unam puellam pythonissam, a qua Paulus ejecit dæmonium, videntes quod amiserant quæstum suum, apprehenderunt Paulum, et Silam socium ejus, et duxerunt eos ad principes civitatis, accusantes eos, quod civitatem turbarent, et mores illicitos nuntiarent. Magistratus autem, scisis illorum tunicis, fecerunt eos cœdi, et in carcere remitti, et cum diligentia custodiri. *Act.*, xvi.

Paulo apud Ephesum existente, et multa ibidem miracula faciente, Demetrius quidam argentarius faciens ædes argenteas Diana, prætabat artificibus non modicum quæstum. Quos convocans, dixit quod Paulus suadebat et avertebat populum a cultura deorum, dicens, quod non sunt dii qui manibus fiunt. Ita turbavit civitatem, quod impleta est confusione, et impetum fecerunt uno animo in theatrum, rapto Gaio et Aristarcho, comitibus Pauli, etc. *Act.*, xix.

Cum esset Paulus apud Felicem præsidem, vinctus a Judeis tanquam homo seditiosus et pestifer accusatus, sperabat Félix quod pecunia daretur ei a Paulo; propter quod frequenter accersens eum Felix loquebatur cum eo, *Act.*, xiv. Et quia non ita fuit factum, ipse iudex iniquus non absolvit eum; sed eum reliquit Festo successori suo vinctum.

CAPUT LXXIV.

De paupertate.

Patriarcha Jacob recedens a parentibus suis, et iens ad Laban fratrem matris sue, nec animal, nec famulorum legitur habuisse, sed in bculo suo transiit Jordanem, et quadam vice volens requiescere post solis occubitu, tulit de lapidibus, et supponens capiti suo dormivit in eodem loco. *Gen.*, xxviii.

Moyses pascebat oves Jethro socii sui sacerdotis Madian : per quod videtur, quod proprias non habebat, qui alienas pascebat. *Exod.*, iii.

Ruth Moabitæ non magnis divitiis abundabat, quando ivit ad colligendum spicas, quæ mettentium fugerant manus, que ad pauperes pertinebant. *Ruth.*, ii, 3.

Uno puer contentus Saul ivit satis longe ad querendum asinas patris sui ; unde ipse Saul dixit postea Samuely, quod cognatio sua erat minima inter omnes familias de tribu Benjamin. *I Reg.*, ix.

Minimus erat David inter filios patris sui, ita quod, quando venit Samuel ad inungendum unum ex filiis Isai, David erat in pascuis, nec in principio vocatus fuit, quasi nullius esset reputationis. Deinde cum fratres ejus essent in exercitu, misit eum pater suus onustum victualibus ad deferendum illis. *I Reg.*, xvi et xvii.

Magnam penuriam patiebatur Elias, quando pectiit a vidua Sareptana, ut daret ei paululum aquæ et bucellam panis. *III Reg.*, xviii.

Filiæ prophetarum sub Eliseo in magna paupertate vivebant, qui parum de pane, et insipidum pulmentum habebant. *IV Reg.*, iv.

Anus uxor Tobie ibat ad textrinum opus tota die ; per quod videtur illos pauperes fuisse, qui nec ipsum instrumentum per texendum possent in domo sua tenere ; unde et Tobias filio suo dixit : « Noli timere, fili mi, pauperem quidem vitam gerimus, » etc. *Tob.*, iv.

Filiæ Rechitarum domos non ædificabant, sementem non serebant, vineas non habebant,

vinum non bibeant; sed in tabernaculis habita-
bant. *Jerem.*, xxxv.

De plebe pauperum, qui nihil penitus habe-
bant, dimisit Nabuzardam in terra Iuda. Pau-
peribus ergo pepercit, divites et potentes occi-
dit, vel captivos in Babylonem duxit. *Jerem.*,
xxxix.

Exemplum paupertatis amandæ habemus in
Domino Salvatore, qui fuit de paupere matre
natus, et a paupere fabro nutritus, recente-
genitus fuit pannis involutus, et in præsepio
reclinatus; et post in purificatione Virginis glo-
riosæ oblationem pauperum obtulerunt. *Luc.*,
ii. Item eito post, Joseph cum puer et matre
ejus fugit in Ægyptum. *Matth.*, ii.

Cum factus esset Jesus puer annorum duode-
cim, remansit in Iherusalem, ignorante Maria
et Joseph; per quod appetat, quod magnam
familiam non habebant ad associandum pue-
rum, vel ad serviendum ei. *Luc.*, ii.

Circuiens Jesus civitates et castella, non ha-
bebat ubi caput reclinaret, *Matth.*, viii, 20:
« Vulpes foveas habent, » etc., et in fine nudus
appens est in cruce. *Joan.*, xix.

Discipuli Christi pro majori parte de statu
paupertatis fuerunt assumpti. *Matth.*, iv, 21:
« Jacobus et Joannes reficiebant retia sua; »
Luc., v, 2: « Lavabant retia sua, » etc.

In sermone Domini in monte primum ponitur
commendatio paupertatis, quasi ipsa esset
totius spiritualis ædificii fundamentum. *Matth.*,
v, 3; *Luc.*, vi, 20.

Inter cætera Christi miracula, unum ponitur
quod « pauperes evangelizabantur, » *Matth.*,
xi, 5, eo quod ante Domini adventum ita fieri
non solebat.

Adolescenti de ingressu ad vitam æternam
querenti dixit Dominus: « Si vis perfectus esse,
vade et vende omnia que habes, » etc. *Matth.*,
xvi, 21.

Miram remunerationem promittit Dominus
omnia dereliquentibus propter nomen ipsius,
Matth., xix, 29; *Marc.*, x, 29; *Luc.*, xviii, 29.

De illo famoso paupere Lazaro in sinum
Abrahæ ab angelis deportato nullum aliud jus-
titiae opus, vel causam gloriæ Scriptura alle-
gare videtur, nisi quod ipse receperat mala in
hac mortali vita, et ideo Deus volebat eum
consolari in alia. *Luc.*, xvi, 23.

Pauperes et debiles ad cenam illam Domini

magnam fuerunt introducti; imo etiam quidam
de viis et sepibus leguntur ibi fuisse compulsi.
Luc., xiv, 21.

Omnis qui credebant in primitiva Ecclesia,
erant pariter, et habebant omnia communia,
possessiones et substantias vendebant, et divi-
debant illas omnibus, prout cuique opus erat.
Act., ii, 44, 45.

Petrus dixit claudio pauperi eleemosynam
petenti: « Argentum et aurum non est me-
cum (a), » etc. *III Act.*, 6.

Valedicens Paulus fidelibus de Achaia, dixit
inter cætera: « Argentum et aurum, aut ves-
tem nullius concupivi, ipsi scitis, quoniam ad
ea, quæ erant opus mihi, et his qui mecum
sunt, ministraverunt manus istæ. » *Act.*, xi, 33,
34. Item, *I Cor.*, iv, 11: « Esurimus et sitimus,
et nudi sumus. » *II Cor.*, xi, 27: « In fame et siti,
in frigore et nuditate. »

CAPUT LXXV.

De hypocrisi et simulatione.

Amnon filius David simulavit languorem, ut
posset decipere Thamar, quam libidinose ama-
bat, *II Reg.*, xiii, 5.

Uxor Jeroboam, mutato habitu, venit ad
Ahiam Prophetam; cui ille dixit: « Quare
aliam te esse simulas? » etc. *III Reg.*, xiv.

Giezi famulus Elisei simulavit dominum suum
indigere duplice ueste pro duobus adolescen-
tibus et filiis prophetarum. *IV Reg.*, v.

Cum venisset Apollonus Hierosolymam, mis-
sus ab Antiocho, pacem simulans quievit usque
ad diem sabbati, et tunc feriatis Judeis, arma
suis capere præcepit, et omnes qui ad specta-
culum venerant, trucidavit. *II Mach.*, v.

Quamvis divina sapientia generaliter impium
detestetur, *Prov.*, viii, 7, tamen specialiter hypo-
critis comminatur multoties in Evangelio, di-
cens: « Væ vobis, Pherisei hypocrite, » *Matth.*,
xxiii, 14, 15.

Pharisæis volentibus capere Dominum in
sermone, respondit increpans eos: « Quid me
tentatis, hypocrite? » *Matth.*, xxii, 18.

Quidam sunt qui magna sclera perpetrant,
et modica peccata devitant, colantes culicem,
et camelum glutientes: sicut principes sacer-
dotum, qui magis timuerunt intrare prætorium
Pilati, quam nequissime procurare crimen ho-
micidii. *Joan.*, xviii.

Archisynagogus indignans, quia Dominus

(a) Vulg. *michi*.

sabbato curaret, dicebat turbæ : « Sex dies sunt, in quibus oportet operari. In iis ergo venite et curamini, et non in die sabbati. » Dominus autem arguit illum, *hypocritam vocans*, *Luc.*, *xiii*, *44*, *45*.

Malam hypocrisim commiserunt Ananias et uxor ejus Saphira, simulantes se totum pretium agri attulisse, et ad pedes apostolorum posuisse. *Act.*, *v*.

Quamvis Simon Magus credidisset in prædicatione l'philippi, tamen Petrus dixit ad eum : « Non est tibi sors in sermone illo; cor enim tuum non est rectum coram Domino : poenitentiam itaque age, » etc. Respondens autem Simon dixit : « Precamini vos pro me, » etc. *Act.*, *viii*.

Elymam magum graviter notavit Paulus de hypoerisi et falsitate, dicens : « O plene omni dolo et omni fallacia, fili diaboli et inimice omnis justitiae, non desinis vias Domini rectas pervertere, » etc. *Act.*, *xiii*, *10*.

CAPUT LXXXVI.

De munera acceptance.

Abraham noluit accipere multa quæ obtulit ei rex Sodomorum, licet ipse optime meruisset, *Gensis*, *xiv*, quando reversus est ipse Abraham a cæde quatuor regum.

Munera misit Jacob Esau fratri suo, ut compesceret iram ejus. *Gen.*, *xxxii*.

Munera obliterunt filii Israel ad opus tabernaculi Domini in tanta quantitate, quod jussit Moyses claimari, ut nullus aliquid ulterius offerret. *Exod.*, *xxxvi*.

Merceadem iniquitatis amavit Balaam, et ivit cum nuntiis Balach, qui divinationis pretium habebant in manibus. *Num.*, *xxii*.

Ahod obtulit munera Eglon regi Moab, et postea secreto loquens percussit eum graviter, et occidit. *Judicum*, *III*.

Inimici Samson pecuniariam Dalilæ promisebunt, et eam, ut illum deciperet, induxerunt. *Judic.*, *xvi*.

De filiis Samuelis dicitur, *I Reg.*, *viii*, *3* : « Declinaverunt post avaritiam, acceperuntque munera; » et statim sequitur : « Et perverterunt judicium. »

Non fuit impositum Samueli, qui viginti annis populum Israel judicaverat, quod unquam munus ab aliquo accepisset, *I Reg.*, *xii*.

Xenia quæ obtulit Siba servus Miphlobeth

David a facie Absalon fugienti, videntur inclinasse animum ipsius David ad hoc, quod contra absentem iniquum tulit judicium. *II Reg.*, *xv*.

Regina Saba dedit Salomonis centum viginti talenta auri, et aromata multa, et gemmas pretiosas. Rex autem Salomon dedit ei omnia quæ voluit, et quæ petivit ab eo, exceptis quæ ultra obtulerat ei munere regio. *III Reg.*, *x*, *10*, *13*.

Areuna voluit offerre David aream, et omnia ad sacrificia necessaria; sed ille noluit gratis accipere, nec sacrificium de alieno offerre. *II Reg.*, *xxiv*.

Rex Syria Benadad fœdus habebat cum Baasa rege Israel; sed propter munera, quæ ei misit Asa rex Juda, rupto fœdere cum Baasa, graviter impugnavit eum. *IV Reg.*, *xvi*.

Naaman Syrus fuit omnino gratis ab Eliseo curatus; et tamen Giezi accepit ab illo munera, et fuit gravi plaga percussus. *IV Reg.*, *v*.

« Misit » rex Babylonis « litteras et munera ad Ezechiam; » et sequitur : « Lætatus est autem Ezechias in adventu eorum, » etc., *IV Reg.*, *xx*, *12*, *13*. Sed nota ibi, quomodo displicuit Domino.

Achaz rex Juda, spoliata domo Domini et domo regum et principum, dedit regi Assyriorum munera; et tamen nihil ei profuit. *Il Paral.*, *xxviii*.

Statuerunt Judæi in memoriam lætitiae, quam habuerunt interfecto Aman pessimo Judeorum inimico, ut pauperibus munuscula largirentur. *Esth.*, *ix*.

Conquerendo loquitur Dominus per Isaiam : « Principes tui infideles, socii furum, omnes diligunt munera, sequuntur retributio-nes, » etc. *Isa.*, *1*, *23*.

Dedit magister militiæ regis Babylonis Jere-mia cibaria, et munuscula, et dimisit eum. *Jerem.*, *xl*, *5*.

Postquam exposuerat Nabuchodonosor regi Daniel visionem, rex in sublime cum extulit, et munera magna et multa dedit ei. *Dan.*, *ii*, *48*.

Balthasar rex Babylonis promiserat donaria magna Danieli, qui respondit : « Tua munera sint tibi, et dona domus tue alteri da. » *Dan.*, *v*, *17*.

Jonathas abiit Ptolemaidam, et dedidt Demetrio regi argentum multum et aurum, et dona, et invenit gratiam in conspectu ejus. *I Mach.*, *x*, *60*.

Videns Tryphon Jonatham venisse ad eum cum exercitu multo, timuit eum, et cum

honore recepit, et munera dedit ei, et hac occasione decepit eum. Nam, remissis militibus, ipsum cum paucis retinuit, et occidit. *I Mach.*, xii.

Propter munera quae dedit, et promisit Jason ambitiosus regi Antiocho, obtinuit summum sacerdotium; cum autem misisset pecuniam regi per Menelaum, ille supplantavit eum, et obtinuit principatum, quia superposuit Jasoni argenti talenta trecenta. *I Mach.*, iv.

Menelaus frater Lysimachi per pecuniam, quam promisit Antiocho, obtinuit summum sacerdotium: deinde donavit Andronico quædam vasa aurea de templo furtim accepta, et fecit Oniam occidi: postmodum, cum accusaret apud Ptolemæum, per pecunias, quas ei dare promisit, accusatos suos morte damnari procuravit. *I Mach.*, iv.

Obtulerunt Magi Domino pauperi aurum, thus, et myrrham. *Matth.*, ii, 11.

Milites illi qui debuerant custodire sepulcrum Domini, accepta a Judæis pecunia copiosa, dixerunt, quod discipuli ejus furati fuerant ipsum, illis dormientibus. *Matth.*, xxviii, 15.

Pauperculae donum viduae, quæ duo æra minuta misit in gazophylacium, præfertur a Domino muneribus divitium. *Luc.*, xxi, 2, 3.

Cum vidisset Simon, quia per impositionem manus Apostolorum daretur Spiritus sanctus, obtulit eis pecuniam dicens: « Date mihi hanc potestatem, » etc. *Act.*, viii, 19.

Felix preses, qui tenebat Paulum vinctum a Judeis nequiter accusatum, sperabat quod pecunia ei daretur a Paulo; propter quod frequenter accersens eum loquebatur cum eo; et quia verisimile est eum non habuisse intentum, Paulum dimisit vinctum. *Act.*, xxiv.

CAPUT LXXVII.

De fortitudine et strenuitate.

Audiens Abraham nepotem suum Loth esse captum, assumptus vernaculae suis, et aliis sociis, irruit nocte super quatuor reges, qui ceeperant illum, et percussis hostibus reduxit Loth cum tota substantia, et populo Sodomorum. *Gen.*, xiv.

Securum et audacem facit hominem puritas conscientiae: hinc est, quod Jacob tumens cum iurgo ait ad Laban: « Quam ob culpam meam, et ob quod peccatum meum sic exaristi post me? » *Gen.*, xxxi, 36.

(a) *Cœt. edit. add. ejus.*

TOM. VIII.

Dixit Angelus ad Jacob: « Si contra Deum fortis fuisti, quanto magis contra homines prævalebis? » *Gen.*, xxxii, 28.

Audaciter et constanter stetit Moyses coram Pharaone, arguens eum, quia non dimittebat populum Domini. *Exod.*, v, et deinceps.

Armati descenderunt filii Israel de terra Ægypti, *Exod.*, xiii.

Caleb et Josue viriliter confortaverunt populum, dicentes: « Ascendamus et possideamus terram, quoniam poterimus obtinere eam, » *Num.*, xiii, 31. « Ne timeatis populum terræ, quia tanquam panem, ita possumus eos devorare. » *Num.*, xiv, 9.

Phinees cum duodecim millibus pugnatorum debellavit Madianitas, quorum, præter viros et mulieres qui occisi fuerunt, triginta duo millia virginum in preda, animalium vero maxima multitudo fuit, nec aliquis de filiis Israel mortuus est. *Num.*, xxxi.

Moyses dixit ad Josue, qui debebat ei succedere: « Confortare, et esto robustus: tu enim introduces populum istum, » etc. *Deut.*, xxxi, 7.

Pergens ad bellum Josue contra habitatores Hai, erat « in fronte exercitus (a), vallatus auxilio pugnatorum. » *Josue*, viii, 10.

Captis quinque regibus, dixit Josue ad principes, qui secum erant: « Ite et ponite pedes vestros super capita regum istorum; nolite timere, nec paveatis. » *Jos.*, x, 25.

Dixit Caleb ad Josue: « Octoginta annorum sum hodie, sic valens, ut ego valebam eo tempore, quando ad explorandum missus sum; illius in me temporis fortitudo perseverat, » etc. *Josue*, xiv, 11.

Ahod judex et princeps exercitus Israel in fronte gradiens dixit ad populum: « Sequimini me, tradidit Dominus inimicos nostros in manus nostras. » *Judic.*, iii, 28.

Gedeoni dixit Angelus: « Dominus tecum, virorum fortissime. » Et post: « Wade, et in hac fortitudine tua liberabis Israel de manu Madian. » Cumque ille se humiliiter excusaret, audivit: « Ego ero tecum, et percuties Madian, quasi unum virum. » *Judic.*, vi.

Samson manibus leonem inermis laceravit., *Judic.*, xiv; et post hoc opera fortitudinis multa fecit, ut patet capitul. xv et xvi.

Audiens Saul obsidionem virorum Jabel Galaa, audaciter, efficaciter et festinanter succurrerit eis. *I Reg.*, xi.

David in pueritia sua fortiter superavit et

interfecit leonem et ursum, et Goliath Philisthem, *I Reg.*, xvii.

David cum uno milite venit ad castra Saul, et intravit tentorium ejus, et tulit hastam et scyphum ejus. *I Reg.*, xxvi.

Pueri duodecim ex parte Isbosheth, et duodecim ex parte David, appreheenso ab unoquoque capite comparis sui, defixerunt gladium in latus contrarii, et ceciderunt simul. *II Reg.*, ii, 16.

Desiderante et petente David de aqua cisternæ Bethlchem, tres milites David irruperunt in castra Philistinorum, et attulerunt ei de aqua illa. *II Reg.*, xxiii.

Viriliter egit Jehu pereutiens duos reges et fratres Ochoziæ, et filios Achab, et prophetas Baal occidit in multitudine numerosa. *IV Reg.*, ix et x.

Cum magna strenuitate Joiada pontifex eripuit regnum Juda de manu Athaliæ, et Joas de semine David puerulum coronavit. *IV Reg.*, xi, et *II Paral.*, xxiii.

Joah filius Sarvæ fuit princeps et dux exercitus, quia in primis percussit Jebuseum, qui habitabat in Hierusalem, et ita slaveral David. *I Paral.*, xi, 6.

Dixit Nehemias optimatibus, et magistratibus Judeorum : « Surgamus et edificemus. » Et confortebat manus eorum in bono. *Nchem.*, ii.

Filii transmigrationis edificantes murum in circuitu Hierusalem, una manu faciebant opus, et altera tenebant gladium. *Nchem.*, iv, 17.

Inimici filiorum transmigrationis terrebant variis modis, cogitantes quod cessarent ab opere; sed dixit Nehemias : « Quam ob causam magis confortavi manus meas. » *Nchem.*, vi, 9.

Audentes filii Israel potentiam Holophernis, præparaverunt se diligenter ad resistendum, præoccupantes vertices montium, et muris circumdantes vicos suos, congregaverunt frumenta in præparationem pugnae. *Judith*, iv.

Miram strenuitatem habuit Judith, eundo ad Holophernem, et occidendo eum in tentorio suo. *Judith*, xi et xiii.

Socii Danielis dixerunt Nabuchodonosor regi Babylonis : « Deus noster potest nos eripere de camino ignis; quod si noluerit, notum sit tibi, rex, quod deos tuos non colimus. » *Dan.*, iii, 17.

Daniel non dimisit propter edictum regis, quia oraret Deum suum. *Dan.*, vi, 11.

Miram fortitudinem habuerunt Mathathias et filii ejus, qui ita restiterunt Antiocho regi, et

prævaluerunt toties contra eum. *I Mach.*, ii et deinceps.

Confiderenter et strenue Judas Machabeus flumen transivit ad castra hostium, que erant ultra ipsum flumen. *I Mach.*, v.

Eleazar filius Saura cucurrit audacter ad elephantem, et supposuit se ei, et occidit eum in terram super ipsum, et mortuus est illic. *I Mach.*, vi, 43.

Eleazar dixit tortoribus suis : « Fortiter viam excedendo, senectute dignus apparebo; adolescentibus autem exemplum forte relinquam, si prompto animo ac fortiter pro gravissimis ac sautissimis legibus honesta morte perfungar. » *II Mach.*, vi, 27.

Machabeus, et qui cum eo erant, ibant prompti ad bellum contra Lysiam, de cœlo habentes adjutorem; leonum autem more impetu irruentes in hostes, prostraverunt ex eis undecim millia peditum, et equitum mille sexcentos; universos autem in fugam verterunt. *II Mach.*, xi.

« Virtute magna reddebat Apostoli testimonium resurrectionis Jesu Christi Domini, et gratia magna erat in omnibus illis. » *Act.*, iv, 33.

« Stephanus plenus gratia et fortitudine faciebat prodigia, et signa magna in populo : » ejus autem fortitudo præcipue apparuit, quod Iudeis constantissime restitit, et diram mortem patientissime toleravit. *Act.*, vi et vii.

Fortitudo est considerata periculorum susceptio, et laborum perpresso, ita dicit Tullius, *It Rhet.* Secundum hoc constat apostolum Paulum fortissimum militem Christi fuisse, qui tot et tanta pericula pro ipso suscepit, et tot et tales labores sustinuit, sicut patet ab undecimo capitulo *Actuum Apostolorum* usque ad finem. Ipse etiam enumerat, *II Cor.*, xi : « In laboribus plurimis, » etc.

CAPUT LXXVIII.

De confidentia et magnanimitate.

Moyses stetit coram Pharaone multoties, et arguebat eum confidenter. *Exod.*, v, et deinceps in pluribus capitulis.

Confiderenter, licet reverenter, arguit Nathan propheta David, post adulterium et homicidium ab illo commissum. *II Reg.*, xii.

Dixit Elias ad Achab : « Non ego turbavi Israel, sed tu et domus patris tui, qui dereliquisti mandata Domini. » Et post fecit qua-

dringentes prophetas Baal occidi. *III Reg.*, xviii, 18 et seq. Idem postea dixit Ochozia regi Israel, *IV Reg.*, 1, 4 : « De lectulo super quem ascendi, non descendes, » etc.

Achab rex Israel dixit Eliae : « Num invenisti me inimicum tibi ? » Qui dixit : « Inveni, eo quod venundatus es, ut faceres malum in conspectu Domini. » *III Reg.*, xxi, 20.

Eliseus mira libertate dixit ad Joram regem Israel, exercitu circumstante : « Quid mihi et tibi est ? Vade ad prophetas patris tui, » etc. *IV Reg.*, iii, 13.

« Fuit Dominus cum Josaphat, quia ambulavit in viis David patris sui. » Et post pauca : « Cumque sensisset cor ejus audaciam per vias Domini, » etc. *II Paral.*, xvii, 3, 6.

Spiritus Dei induit Zachariam Joiadæ filium, et stetit in conspectu Domini, dicens : « Quare transgredimini praeceptum Domini, quod vobis non proderit ? » *II Paral.*, xxiv, 20.

Ezechias confortavit bellatores suos, dicens : « Nolite timere regem Assyriorum, et universam multitudinem quæ cum eo est ; plures enim nobiscum sunt, quam cum eo, » etc. *II Paral.*, xxxii, 7.

Sanaballat, et ceteri inimici, dolentes de aedificatione muri Hierusalem, nisi sunt terrere Nehemiah variis modis ; sed non potuerunt. *Nehem.*, iv et vi.

Miræ magnanimitatis fuit Judith, quæ inermis ivit ad tentorium Holophernis, et ibi cum interficie ausa fuit. *Judith*, x et xiii.

Mardochæus magnanimititer renuit adorare Aman superbissimum, licet sciret regem hoc præcepisse, *Esth.*, iii et v. Item etiam cum magna securitate et liberalitate loquebatur regine, dicens : « Ne putas, quod animam tuam tantum liberes, quia in domo regis es præcunctis Judeis ; si enim nunc silueris, » etc. *Esth.*, iv, 14.

Ananias et socii ejus confidenter Nabuchodonosor regi dixerunt : « Deus noster, quem colimus, potest eripere nos, » etc. *Dan.*, iii, 17. Similiter Daniel, qui de edicto regis Darii non curavit, sed Deum suum more solito oravit. *Dan.*, viii.

Eleazar filius Saura cueurrit audaciter ad elephantem, ubi credebat esse regem, et supposuit se ei, et occidit cum. *I Mach.*, vi.

Signum magnanimitatis dedit Timotheus exercitu suo de Juda Machabœo, si transiret fluvium et veniret ad hostes audaciter. *I Mach.*,

v. Et sic fecit Judas, et magnam habuit victoriæ.

Mathathias et filii ejus magnanimititer rebellaverunt, et restiterunt regi Antiocho. *I Mach.*, ii, et deinceps.

Cum dicerent socii Judee ad eum, ut liberarent animas suas, quia hostes erant multi, et ipsi pauci, respondit Judas : « Absit istam rem facere, ut fugiamus ab eis ! Et si appropinquaverit tempus nostrum, moriamur in virtute, » etc. *I Mach.*, ix, 10.

Videntes socii Judee Machabœi exercitum venientem, dixerunt : « Quomodo poterimus pauci pugnare contra multitudinem tam formam ? » Et ait Judas : « Facile est concludi multis in manus paucorum, et non est differentia in conspectu Dei liberare in multis, aut in paucis, quia non in multitudine exercitus belli Victoria, sed de cœlo fortitudo est. » *I Mach.*, iii, 17, 19.

Jonathas animavit suos ad pugnam ex eo, quod bellum erat ex adverso, et aqua Jordanis hinc et inde, et ripæ, et paludes, et saltus, et non erat locus divertendi. *I Mach.*, ix.

Cum esset Jonathas in prælio contra alienigenas, reliquerunt eum sui omnes, exceptis duobus ; sed videntes quod ipse dux fortiter pugnabat, reversi sunt fugientes, et ceciderunt de alienigenis tria millia virorum. *I Mach.*, xi.

Egregius dux militum Judas Machabœus ad eas, quæ amplius urgebant, pugnas se convertit. *I Mach.*, x.

Machabœus et qui cum eo erant, videntes auxilium de cœlo sibi missum, convaluerunt animis, non solum homines, sed etiam bestias ferocissimas, et muros ferreos parati penetrare, etc. *II Mach.*, xi.

Crucifixo Domino, Joseph ab Arimathea auctoriter introiit ad Pilatum, et petiti corpus Iesu. *Marc.*, xv.

Ille cæcus natus, a Domino illuminatus, libera voce veritatem de Domino fatebatur. *Joan.*, ix.

Dixit Thomas ad condiscipulos : « Eamus et nos, et moriamur cum eo, » scilicet cum Christo. *Joan.*, xi, 16.

Petrus qui ad vocem unius ancillæ pavefactus Christum negaverat, recepto Spiritu sancto, fuit tanta virtute indutus, ut coram populo, et magistratum ac Pharisaorum collegio, ipsum cum omni fiducia prædicaret. *Act.*, ii, iii, iv, v.

Stephanus plenus gratia et fortitudine Chri-

stum Deum cum mira libertate praedicabat, et Iudeos dure increpans confundebat, dicens inter cetera : « Dura cervice, et incircumcisio corde et auribus, vos semper Spiritui Sancto resistitis. » *Act.*, vii, 51.

Magistratus et minister arguendo dixerunt Apostolis : « Praecipiendo praecepimus vobis, ne doceretis (*a*) in nomine isto; et ecce repletis Hierusalem doctrina vestra, et vultis inducere super nos sanguinem hominis istius. Respondentes autem Petrus, et Apostoli dixerunt : Magis obediens oporetur Deo, quam hominibus. » *Act.*, v, 28, 29.

Paulus Apostolus, praesente Paulo proconsule, Elyman magum durissime increpavit, et eum ad tempus lumine oculorum privavit. *Act.*, xiii.

Cum mandassent magistratus, ut Paulus et Silas liberarentur de carcere, Paulus dixit eis : « Caesos nos publice homines Romanos indemnatos miserunt in carcерem, et nunc occulite nos ejiciunt. » Et sic locutus est, quod illi timentes venerunt, et rogarunt eos, ut egredientur de illa civitate. *Act.*, xvi.

Commota et confusa civitate Ephesina, cives impetum fecerunt unanimiter in theatrum, raptis comitibus Pauli. Paulus autem voluit se mittere in populum, sed non permisérunt eum discipuli. *Act.*, xix.

Valedicens fratribus de Asia, dicebat Paulus : « Sanctus Spiritus per omnes protestatur civitates mihi, quia vincula et tribulationes me manent in Hierusalem : sed nihil, inquit, horum vereor, nec facio animam meam pretiosorem, quam me, » etc. *Act.*, xx, 23, 24.

Coram illis iudicibus, quos habuit Paulus, miram magnaimitatem ostendit, videlicet coram tribuno, Anania principe sacerdotum, Felice, Festo, a quo manifeste gravatus, Cæsarrem appellavit. *Act.*, xxi, xxii, xxiii, xiv, xv.

In tot et tautis periculis constitutus Paulus semper fuit intrepidus et securus; et hoc precepit apparuit in tempestate, quam passa est navis sua. *Act.*, xxvii.

De ipso beato Paulo beatus Augustinus, *de Civitate Dei* lib. XIV, c. ix, n. 2 : « Illum, inquit, optimum et fortissimum virum, qui in suis infirmitatibus gloriatur; qui plus omnibus coa-postolis suis laboravit; illum, inquam, verum (*b*) athletam Christi, doctum ab illo, unctum

de illo, crucifixum cum illo, gloriosum in illo; in theatro hujus mundi, cui spectaculum factus est, et angelis, et hominibus, legitime magno agone (*c*) certantem, oculis fidei libentissime spectantem (*d*), gaudere cum gaudientibus, flere cum flentibus, foris habentem pugnas, intus timores, » etc

CAPUT LXXIX.

De patientia et mansuetudine, et de injuriis et tormentis.

Mansuetus ferebat Isaac, cum pater suus immolare cum vellet. *Gen.*, xxii.

Joseph facinus quod in eum commiserunt fratres sui, *Genes.* xxxvii, et patienter tulit, et clementer indulxit. *Gen.*, xlvi (*e*).

Speciale mandatum dedit Joseph fratribus suis, dicens : « Ne irascamini in via. » *Gen.*, xlvi, 24.

Cito oravit Moyses pro Maria, quæ contra eum tam inique locuta fuerat, et per orationem eius sanata fuit. *Num.*, xii.

Murmuraverat populus contra Moysen et Aaron, dicens : « Vos interfecistis populum Domini: et cum iratus Dominus populum percuteret, dixit Moyses ad Aaron : « Perge cito ad populum, ut ores pro eis. » Et sequitur, quod plaga cessavit. *Num.*, xvi.

Fili Ephraim jurgantes fortiter contra Gedeonem, fuerunt sedati per ejus mansuetam responsonem, *Judic.*, viii, 2. « Quid enim, inquit, tale (*f*) facere potui, quale vos fecistis? » etc.

Noluit sustinere Saul, quod occiderentur viri, qui detraxerant ei. *I Reg.*, xi.

Potuit David pluries, et noluit occidere Saulem ipsum actualiter persequentem : *I Reg.*, xxiv, quando abscondit oram ehamlydis suæ, et *xxvi*, quando invenit dormientem.

Fugiens David a facie Absalom, patienter dixit ad Sadoch : « Si invenero gratiam in oculis Domini, reducet me, » etc. *II Reg.*, xv, 25. Et ad Semei maledicentem sibi, etc., xvi.

Miphiboseth sustinuit patienter iniquam sententiam contra se latam. *III Reg.*, xv.

Dixerunt seniores dantes consilium Roboam : « Si placueris populo huic, et linieris eos verbis clementibus, servient tibi omni tempore. » *II Paral.*, x, 7.

Homines qui venerant ad capiendum Eliseum, magnum agonen. — (*d*) *Al.* spectant. — (*e*) *Cæt.* edit. add. et *i.* — (*f*) *Cæt.* edit. add. quid.

(*a*) *Cæt.* edit. docueritis. — (*b*) *Al.* virum. — (*c*) *Al.*

non permisit ipse aliquid mali habere , sed precepit eis mensam apponi , et refectos abire permisit . IV Reg. , v.

Excœcatus Tobias miram patientiam ostendit erga divinum flagellum , et irrisiōnem amicorum , et uxoris . Tob. , ii et iii.

Job patiens fuit perdendo sua , suos et quasi seipsum . Et notandum est , quod simul amisit bona sua , et liberos suos : et sic vehementer fuit tentationis impetus . Item illi qui remanserunt de amicis suis plus ei desolationis , quam consolationis attulerunt , ut patet in uxore , et aliis amicis , qui fuerunt ei consolatores onerosi . Job , i et ii , et deinceps .

Alacrem patientiam exhibuerunt socii Danielis missi jussu regis in fornacem ignis ardentes , Dan. , iii ; et tantum , vel amplius laudatus fuit Deus ex eorum patientia , quantum ex Danielis sapientia .

Filia Raguelis Sara gravem contumeliam ab ancilla prolatam patienter tulit , nihil respondens , sed statim ad orationem se committens . Tob. , iii .

Cum plagis perimeretur Eleazarus , dixit : « Domine , tu scis , quia cum a morte possem liberari , diros (a) corporis sustineo dolores ; secundum animam vero propter timorem tuum hæc patior libenter . » II Mach. , vi , 30 .

Septem illi fratres , cum pia matre sua , alacri animo passi sunthorrenda tormenta . II Mach. , viii .

Cum interrogasset Petrus : « Domine , quoties peccabit in me frater meus , et dimittam ei ? usque septies ? — Non dico usque septies , sed usque septuagies septies . » Matth. , xviii , 21 , 22 .

Ad remittendum fratribus ex corde induxit Dominus parabolam servi nequam , cui decem millia talenta liberaliter a Domino fuerunt dimissa . Matth. , xviii .

Cum vidissent Jacobus et Joannes , quod Samaritani non receperant nuntios Domini , quos præmiserat , dixerunt : « Vis , dicamus , ut ignis descendat de cœlo , et consumat illos ? Et Dominus increpavit illos , » et dixit : « Nescitis cuius spiritus estis , » etc . Luc. , v .

Mulier in adulterio deprehensa , et coram Domino accusata , nihil omnino accusatoribus respondebat . Dominus autem pro ea verbum asumpsit , et eam benigne absolvit . Joan. , viii .

Cedendum est quandoque furori persequen-

tium ; unde Dominus , qui pati et occidi venerat , non ut timidus , sed ut providus , et horam passionis competenter expectans , rabiem Juðæorum pluries declinavit . Luc. , iv , 30 : « Jesus autem transiens per medium illorum ibat , » Joan. , viii et xii : « Abscondit se , et exiit de templo . »

De se ipso Dominus ait , Matth. , xi , 29 : « Discite a me , quia mitis sum , et humili corde . »

Dominus noster patienter perilul injurias illatas verbis et factis : verbis quidem detractoriis , contradictoriis , derisoris , et contumeliosis : detraxerunt enim occulte ei , et manifeste : occulte , intra se loquendo , et ipsum temere nequiter judicando . Luc. , vii , 39 : « Hic si esset propheta , » etc . Item , Matth. , ix , 3 : « Hic blasphemat , » etc . Manifeste , quando dicebant discipulis ejus Pharisæi : « Quare cum publicanis et peccatoribus manducat et bibit magister vester ? » Matth. , ix , 11 , et Luc. , v , 30 . Item , Matth. , xii , 24 ; Luc. , xi , 13 , quando ejus miracula depravabant , dicentes : « In Beelzebub principe dæmoniorum ejicit dæmonia . » Et Joan. , ix , 16 : « Non est hic homo a Deo , qui sabbatum non custodit . » Item ibidem , Joan. , ix , 24 : « Nos scimus , quia hic homo peccator est . » Item dicebant eum habere dæmonium . Joan. , vii , 20 , et viii , 48 .

Contradictoria vero verba sustinuit , Joan. , viii , 13 : « Tu de te ipso testimonium perhibes . Testimonium tuum non est verum . » Item ibidem , 37 : « Quinquaginta annos nondum habes , et Abraham vidisti ? » Item verba derisoria : Matth. , ix , 24 ; Luc. , viii , 53 , cum dixisset : « Non est mortua puella , sed dormit ; » sequitur : « Deridebant eum . » Item , Luc. , xvi , 14 , cum dixisset : « Facite vobis amicos de mammona iniquitatibus , » sequitur : « Audiebant hoc Pharisæi , qui erant avari , et deridebant eum . »

Item verba contumeliosa . Joan. , viii , 48 : « Nonne bene diximus , quia Samaritanus es tu , et dæmonium habes ? » Joan. , vii , 20 : « Dæmonium habes . » Luc. , v , 21 : « Quis est hic , qui loquitur blasphemias ? »

Similiter , tempore passionis ante crucem , in domo Annæ , et in domo Caiphæ coram Pilato , et coram Herode , ac demum dum penderet in cruce , hujusmodi verba multa circa se audivit .

Item in factis graves injurias passus fuit : nam ipso prædicante repleti sunt omnes in synagoga ira , et ejientes eum extra civitatem , vo-

(a) Vulg. *duros*.

luerunt eum præcipitare de supercilio montis, *Luc.*, iv, 28, 29 (a).

Item, cum iret in Hierusalem, et vellet transire per Samariam, nuntios quos præmisit, recipere noluerunt. *Luc.*, ix, 53.

Præterea, ipso prædicate Judæis, et eorum malitiæ increpante, illi ad lapidandum eum lapides sustulerunt. *Joan.*, viii, 59, et x, 31.

Hoc parum fuit respectu corum, que in passione sustinuit, circa quam notari potest quod, secundum ea quæ ipse prædixerat, *Matth.*, xx, 49, fuit delusus, flagellatus et crucifixus.

Delusus siquidem in domo Caiphæ pontificis, *Luc.*, xxii, 63 : « Qui tenebant eum, illudebant ei, cœdentes. » Item in prætorio Pilati presidis, *Matth.*, xxvii, 29 : « Genu flexo illudcebant ei, dicentes : Ave, rex Judeorum. » Similiter illusus fuit in domo Herodis : « Sprevit eum Herodes, et illusit eum cum exercitu suo, » etc. *Luc.*, 23, 41.

Item illusus fuit Dominus Jesus in patibulo crucis, et hoc a militibus, et sacerdotibus, et communiter prætereuntibus, et latronibus. Si quidem de militibus dicitur, *Matth.*, xxvi, 29 : « Illudebant ei milites dicentes, etc., accedentes, et acetum offerentes. »

De sacerdotibus autem, *Matth.*, xxvii, 41 : « Principes sacerdotum, cum scribis et senioribus, illudebant ei dicentes : Alios salvos fecit, » etc.

« Prætereuntes autem blasphemabant eum, moventes capita sua. » *Matth.*, xxvii, 39.

De latronibus insuper dicitur, *Marc.*, xv, 32 : « Latrones qui erucifixi erant eum eo, convitabant ei. »

Ulterius nota quod illusus fuit nutibus et signis, quando « movebant capita sua, et flectebant genua sua. »

Verbis, quando salutantes dicebant : « Ave, rex Judeorum. » *Matth.*, xxvii, 29.

Factis, quando fuit spinis coronatus, et arundo, loco sceptri, posita in manu ejus. *Ibid.*

Sputis deturpatus, et veste purpurea et alba vestitus. *Luc.*, xxiii.

Salvator noster in passione sua mansuetudinem exhibuit ad proditionem, quem vocavit amicum. *Matth.*, xxvi, 50.

Ad lictorem, cuius aurem sanavit, *Luc.*, xxii,

(a) *Cæt. edit. add.* Et iterum ad lapidandum eum, lapides sustulerunt. *Joan.*, viii et ix. *Sed superflue*, cum paulo infra eadem repetantur. — (b) Item et ad Caiphæ, ad. — (c) *A'*. qui. — (d) *Cæt. edit. animam.*

51. Ad Annam, ad Caipham, et ad (b) Pilatum, coram quibus fuit falsissime accusatus, mansuetissime respondit, *Joan.*, xviii et xix, et in aliis Evangelistis.

Item ad crucifixores, pro quibus oravit, *Luc.*, xxiii, 34.

Item ad latronem, cui tam benignæ respondit, *Luc.*, xxiii, 43.

De flagellatione pensandum est, quod ipse Dominus Jesus flagellatus fuit in capite, *Matth.*, xxvii, 30 : « Percutiebant caput ejus arundine. » Item in facie, *Luc.*, xvii, 64 : « Percutiebant faciem ejus. » *Joan.*, xviii, 22 : « Unus ministrorum assistens pontifici dedidit ei alapam. » Item in collo, *Matth.*, xxvi, 67 : « Colaphis eum cerciderunt. » Item in toto corpore, *Marc.*, xv, 15 : « Tradidit illis Jesum flagellis cæsum, ut crucifigerent eum. »

Circa que notari potest quod flagellari solent in capite inseii et qui erudiuntur, in collo servi qui de domo ejiciuntur, in facie rei qui vituperantur, in toto corpore scelerati qui puniuntur.

Item considerari debet ab anima fidelis, quod fuit flagellatus linguis bla-phemantium, improphanum, acclamantium : « Crucifige, erucifige eum. » Palmis persecutum, *Matth.*, xxvi, 67 : Alii « palmis in faciem ei dederunt. » In arundine et flagellis, sicut jam visum est in *Matthæo*, et *Marc.*

Ad omnis iuriæ cumulum multum facit, quod ipse Dominus dominautum, qui solvit compeditos, ipse fuit tanquam latro captus, et ligatus, *Joan.*, xviii, 12 : « Ministri Judeorum comprehenderunt Jesum, et ligaverunt eum. »

Item fuit latro ei p̄epositus, quia petierunt Barabbas sibi dimitti, et Dominum crucifigi, testantibus omnibus Evangelistis; et tamen ille cumeo, quod(e) erat latro, in seditione fecerat homicidium, *Joan.*, xviii ; *Luc.*, xxiii ; *Matth.*, xxvii. Unde ille Barabbas erat homicida, seditionis, latro insignis, in malitia diffamus.

Item fuit in medio latronum positus, quasi esset magister eorum, et scelerator omnibus. *Joan.*, xix, 18 : « Medium autem Jesum. »

Præterea pensandum est, quod ipse fuit in omnibus sensibus corporis flageilatus. Oculi namque illius videbant illos tortores suos rabidos, et crudeles; item piam matrem ejus in anima (d) pariter crucifixam, dilectum discipulum, et mulieres devotas ei compatiientes. Aures autem verba blasphemie, insultationis,

derisionis et improperii audiebant. Nares etiam, ratione loci Calvariae, in quo crucifixus est, ubi decalvabantur, sive decapitabantur malefici, affecte erant factore gravi. Gustus ejus fuit afflictus in hoe, quod fuit potatus vino myrrato, vel acetō cum felle mixto: in quibus datur intelligi poculum fuisse amarissimum. Sensus autem tactus per totum corpus diffusus ubique dolorem sensit, in membris videlicet flagellatis, in manibus et pedibus atrociter perforatis.

Polet etiam considerari, quod ipse Dominus Jesus sustinuit damnum in rebus, quas secundum hominem habuit. Quia fuit vestimentis nudatus, *Joan.*, xix. Ab amicis derelictus, *Marc.*, xiv., 50: « Discipuli, relieto eo, fugerunt omnes. » Afflictus in toto corpore, sicut tactum est, per acerbissimam passionem. Iterum in corde, vel mente, per compassionem, quia compatiabatur amicis ibi assistentibus, et inimicis ingorantibus.

Item passus est Jesus quodammodo in fama, seu opinione, quia dicebant eum fuisse populi seductorem. *Matth.*, xxvii., 63: « Domine, » dixerunt ad Pilatum principes sacerdotum, « recordati sumus, quoniam seductor ille, » etc.

Advertisendum est etiam circa salutiferam passionem Domini nostri Iesu Christi, quae fuit turpis, imo turpissima et ignominiosa: ratione loci, ubi notus ei honoratus fuerat, et multa miracula fecerat, scilicet, in Iherusalem. Item ratione temporis, vel diei solemnis Pasche, quando convenerat ad diem festum maxima hominum multitudo; item hora quasi sexta ductus fuit ad crucem, ut ab hominibus posset sciri. Item ratione ipsius mortis, quia morte crucis, morte debita maledictis malefactoribus, et iniquis. Item ratione modi ad ipsum tormentum eundi: exivit enim Jesus « bajulans sibi erucem, » *Joan.*, xix., 17; quod certe non legitur de aliis duobus nequam qui ducebantur cum eo. Item ratione consorti: nam fuit crucifixus in medio duorum latronum, quasi esset unus, aut maximus, vel magister.

Aduic autem aggravatur illius benedictæ passionis acerbitas ex naturali dominie corporis complexione. Certum est enim illud sacram corpus fuisse complexionis optimæ, et mirabiliter delicate, utpote organizatum sancti Spiritus opere; unde fuit sine aliquo naturæ vicio, vel errore. Item caro sua sancta nullam habuit unquam rebellionem, vel pugnam contra spiritum, et ideo spiritus merito magis diligenter

bat ipsam, quam alterius spiritus vel anima debet diligere corpus suum. Item ex diuturnitate diurnæ durationis aggravatur acerbitas passionis: nam multi martyres igne cremati, vel aqua submersi, vel capite truncati martyrum suum celeriter compleverunt; passio vero Domini (a) duravit quasi ab instanti sue conceptionis usque ad horam mortis (certissime namque preservit quidquid sua humanitas passa (b) fuit); specialiter tamen continue duravit ab hora illa post cenam usque ad sextæ feriæ horam nonam. Item ex qualitate membrorum, in quibus passus fuit, quia in pedibus et manibus, quæ sunt membra nervosa, et doloris maxime perceptiva.

Signum autem quod passio Domini gravissima et acerbissima fuerit, ex hoc præcipue potest haberi, quod narrante Luca, in oratione post cenam, ex vehementi imaginatione futuræ angustia vel doloris, « factus est sudor ejus sicut gutta sanguinis decurrentis in terram. » *Luc.*, xxii., 44.

Eamdem vero dominicam passionem reddit inestimabiliter gratiosam hoc, quod ad illam sponte se obtulit, *Matth.*, xxvi., 47: « Surgite, eamus, ecce appropinquavit qui me tradet. » Et *Joan.*, xviii., 4, ivit obviam ministris querentibus Jesum Nazarenum; et cum audissent eum dicentem: « Ego sum, » ceciderunt in terram.

Item postea captus, vincitus, ignominiose deductus, mendaciter accusatus, colaphizatus, spulis illitus, flagellis cæsus, spinis derisorie coronatus, nullum verbum aut signum impatientiae, seu turbationis ostendit; quinimo multiplex beneficium illis, a quibus ita premebatur, impedit. Nam aurem amputatam servo principis sanavit, et multa pia et utilia verba illis dixit, et pro ipsis crucifixoribus suis clementer oravit, Patrem suum dulciter invocans, et illos benigne excusans, *Luc.*, xxiii., 34: « Pater, inquit, dimittis illis, non enim scient quid faciunt. »

Denique hæc omnia passus non propter se, sed propter nos; nam propter peccata nostra tollenda, quia quæ non rapuit, tunc exolvit: unde propter necessitatem et utilitatem nostram, non propter suam; animam enim suam posuit pro oibüs suis, *Joan.*, x., 45. Pro nobis quippe liberandis voluit comprehendti, pro nobis redimendis voluit vendi, pro nobis honorandis voluit confundi, et in cruce suspensi, vineculos est ut absolveremur, vulneratus est

(a) *Ad. Dominica.* — (b) *Ad. passura.*

ut sanaremur, flagellatus ne flagellaremur, mortuus est ne æternaliter moreremur. *Gal.*, II, 20: « In fide vivo Filii Dei, qui dilexit me, et tradidit semetipsum pro me. » *I Cor.*, xv, 3: « Christus mortuus est pro peccatis nostris. » Item, *I Petr.*, II, 21: « Christus passus est pro nobis, relinquentes exemplum. » Item, *Isa.*, LIII, 5: « Ipse vulneratus est propter iniquitates nostras, atritus est propter scelera nostra, » tollenda scilicet et delenda. Item, *Joan.*, x, 15: « Animam meam, inquit, pro ovibus meis pono. »

De Apostolis cæsis dicitur, *Act.*, v, 41: « Ibant gaudentes a conspectu concilii, quoniam digni habiti sunt, » etc.

Stephanus ad lapidatores suos fuit ita patiens et benignus, quod diligentius pro illis, quam pro se ipso orasse videtur. Nam « positus genibus, clamavit voce magna dicens: Domine, ne statuas, » etc. Orans autem pro se, non legitur genua flexisse, nec clamassem. *Act.*, vii, 59.

Paulus et Silas, positi in duro carcere, media nocte adorabant Deum, et laudabant. *Act.*, XVI, 25.

CAPUT LXXX.

De constantia et perseverantia in propositis.

Non est respiciendum retro post egressum de societate malorum, sicut fecit uxor Loth, quæ versa est in statuam salis. *Gen.*, xix, 26.

Singulis diebus molesta erat Joseph domina ejus, et ille tamen perseveranter restitit operi nefario. *Gen.*, XXXIX.

Nunquam potuit vinci Moyses, quod vel in Ægypto immolans remaneret, vel parvulos aut jumenta populi dimitteret Pharaoni. *Exod.*, VIII, ix et x.

Dure reprehensus David a fratre suo majore, et etiama dissuasus a Saule, non destitit ab incepto, sed viriliter pugnavit, et visit. *I Reg.*, XVII.

Perseveranter egit Joab in obsidione Rabath, donec capta fuit civitas. *II Reg.*, XII.

Item circa Sebam Bochri in obsidione civitatis Abela. *II Reg.*, XX.

Quamvis Nehemias in ædificando multa passus fuerit impedimenta, non cessavit ab opere, donec murus fuerit totaliter consummatus. *Nehem.*, IV et VI.

Cum Tobias ab infanthia semper timuerit Deum, non est contristatus contra Dominum,

(a) *Cæt. edit.* conceptione.

quod plaga cæcitatis evenerit ei, et immobiliter in Dei timore permansit. *Tob.*, II, 43.

Eliachim sacerdos magnus allocutus est omnem Israel dicens: « Scitote quoniam exaudiet Dominus preces vestras, si manentes perseveraveritis in conspectu Dei. » *Judith*, IV, 12.

Scire cupiebant famuli regis Assueri, utrum Mardochæus perseveraret in sententia de non adorando Aman: qui ita constanter persisti in proposito, ut non solum eum non adorare voluerit, sed nec ei assurgere transeunti. *Esth.*, III et V.

Socii Danielis constanter dixerunt regi Babylonis: « Notum sit tibi, rex, quod deos tuos non colimus, et statuam tuam non adoramus. » *Dan.*, III, 12.

Non prætermisit Daniel, propter crudele decretum Darii regis Persarum, quin oraret ter in die, sicut ante consueveral, Deum suum. *Dan.*, VI, 10.

Constanter restitit Susanna duobus senibus presbyteris, qui eam tanti vexamenti tentatione pulsabant. *Dan.*, XIII.

Multi de populo Israel diffinierunt apud se, ut non manducarent immunda, et elegerunt magis mori, quam cibis coquinari. *I Mach.*, I.

Miram constantiam et perseverantiam habuit Eleazarus in tormentis, et magis elegit gravissima morte perimi, quam contra leges carnes porcinas comedere, vel simulare se comedisse. *II Mach.*, VI.

Septem illi fratres, cum pia matre sua, bene perseveraverunt usque in finem, nec potuerunt ad prevaricationem legis adduci blanditiis, aut tormentis. *II Mach.*, VII.

Firmissimum virginitatis propositum habuit Beata Virgo, que noluit consentire in concepcionem (a) tanti filii, donec intellexit quod hoc fieret, non viri opere, sed virtute Spiritus sancti. *Luc.*, I.

Ponit Dominus exemplum, *Luc.*, XIV, 30, de illo homine ab aliis illudendo, qui cepit turrim ædificare, et non potuit consummare.

Cæcus ille natus, et a Domino illuminatus, constanter perseveravit contra Phariseos veritatem confitens et defendens. *Joan.*, IX.

Omnes discipuli Domini erant perseverantes unanimiter in oratione, cum mulieribus, et Maria matre Jesu. *Act.*, I, 14.

Principes Judeorum videntes Petri constantiam, et Joannis, comperto quod essent homines sine litteris, et idiotæ, admirabantur. *Act.*, IV, 13.

Videns Barnabas quod multi Antiocheni erant ad fidem conversi, « gavisus est, et exhortabatur omnes in proposito cordis permanere in Dominino. » *Act.*, xi, 23.

Paulus et Barnabas suadebant fratribus, « ut permanenter in gratia Dei. » *Act.*, xiii, 43.

Spiritus sanctus per omnes civitates protestabatur Paulo, quoniam vincula et tribulationes in Hierusalem sustinere debebat. « Sed nihil horum, inquit, vereor, nec facio animam meam pretiosiorem quam me, dummodo consummum cursum meum, » etc. *Act.*, xx, 24.

CAPUT LXXXI.

De impatientia et murmure.

Agar ancilla Saræ, non ferens correptionem domine sue, quæ affligebat eam, præ illius superbia fugam inivit; sed ad mandatum Angeli reddit. *Gen.*, xxvi.

Præpositi filiorum Israel dixerunt Moysi et Aaron: « Videat Dominus, et judicet, quoniam fœtore fecistis odorem nostrum coram Pharaone. » *Exod.*, v, 21.

Videntes Ægyptios filii Israel, dixerunt ad Moysen, *Exod.*, xiv, 11: « Forsitan non erant sepulera in Ægypto, vel contulisti nos, ut moremremur in soliditudine. »

Prima murmuratio filiorum Israel in deserto fuit pro defectu potus, *Exod.*, xv, 24: « Murmuravit populus contra Moysen dicens: Quid bibemus? » Deinde pro cibo, *Exod.*, xvi, 2, 3: « Murmuravit omnis congregatio filiorum Israel, » etc. « Cur induxit nos in desertum istud, ut occideretis omnem multitudinem famem? » Item, postquam misit Dominus populo coturnices et manna, murmuravit pro sitis angustia, *Exod.*, xvii. Cum patiebatur famem populus in deserto, cum murmure et impatientie recordabatur carnium, quas comedebat in Ægypto; sed de durissima servitute, qua opprimebatur, non faciebat mentionem aliquam. *Exod.*, xvi.

Videns populus quod moram faceret descendendi Moyses de monte, congregatus adversus Aaron, ait: « Surge, fac nobis deos qui præcedant, » etc. *Exod.*, xxxii, 1.

« Ortum est murmur populi, quasi dolentium pro labore, contra Dominum; et accusans est in eos ignis Domini, et devoravit extremam castrorum partem. » *Num.*, xi, 1. Et nota perversitatem illorum dicentium, 5: « Recordamur

piscium quos comedebamus in Ægypto gratis, » cum tamen ita care emerent.

Post terribilem mortem Core et complicum suorum, multitudo murmuravit contra Moysen et Aaron, dicens: « Vos interfecistis populum Domini, » etc. *Num.*, xvi, 41.

Rursus, propter defectum potus et fructuum, murmuraverunt, et jurgati sunt filii Israel contra Moysen, ad aquas contradictionis. *Num.*, xx.

Videns Achitophel, quod non esset factum juxta consilium suum, in tantum impatiens fuit, quod recessit ab Absalom, et abiens in domum suam suspedio interiit. *Il Reg.*, xvii.

Quia durius locuti sunt filii Juda cum illis de decem tribibus, separatus est omnis Israel a David, et secutus est Sebam filium Bochri, *Il Reg.*, xx.

Cum dixisset Tobias de hœdo, quem balan tem audivit: « Videte ne furtivus sit; » uxoris impatienter respondit. *Tob.*, II.

Sara, filia Raguelis, unam de ancillis proculpa sua increpabat; et illa nimis injuriose respondit, dicens: « Amplius ex te non videamus filium aut filiam super terram, interfactrix virorum tuorum. » *Tob.*, III, 9.

Nuntiatum est Holopherni quod filii Israel preparavissent se ad resistendum, et furore nimio exarsit in iracundiam magnam, *Judith*, v. Item, cum cessasset loqui Achior, indignatus est Holophernes vehementer, *Judith*, VII.

Pro eo quod Mardochæus Aman noluit adorare, ille ita indignans, et impatiens fuit, quod visus est procurare mortem ejus et omnium Judæorum. *Esther*, III.

Videns Elihu quod amici Job, disputantes cum eo, non poterant eum convincere, ostendit multa signa impatientie verbis suis, *Job*, xxxiii.

Audiens Nabuchodonosor, quod socii Danielis auream statuam, quam fecerat, adorare solebant, in ira et furore eos coram se adduci præcepit. *Dan.*, III.

« Audiens Herodes » natum esse regem Judæorum, « turbatus est, et omnis Hierosolyma cum illo, » *Math.*, ii, 3.

Discubente Domino in domo Mathei, murmurabant Pharisei et Scribæ, dicentes ad discipulos ejus: « Quare cum publicanis, et peccatoribus manducatis et bibitis? » *Luc.*, v, 30.

Simile habetur, *Luc.*, xv, 1, 2: « Erant approximantes ad Jesum publicani, et peccatores, » etc. « Et murmurabant, » etc.

Item de Zachæo, *Luc.*, xix, 7: « Murmura-

bant dicentes, quod ad hominem peccatorem
divertisset. »

Frater senior filii prodigi, audiens festum quod
faciebat pater adolescenti filio revertenti, « in-
dignatus est, et nollebat introire. » *Luc.*, xv, 28.

« Videntes principes sacerdotum et Scribæ,
miracula quæ Dominus faciebat (a), et pueros
clamantes : Osanna filio David, indignati
sunt, » etc. *Math.*, xxi, 15; *Luc.*, xix, 39.

Pharisei videutes se per unum cœcum natum
a Domino illuminatum, verbis efficacibus con-
futari, maledixerunt ei, et dixerunt : « Tu dis-
cipulus ejus sis ; » et post : « In peccatis natus
es totus, et tu doces nos, » etc. *Joan.*, ix, 28, 34.

Factum est murmur Græcorum adversus Ile-
braeos, « eo quod despicerentur in ministerio
quotidiano viduae eorum, » etc. *Act.*, vi, 1.

CAPUT LXXXII.

*De bello temporali, et victoria ut plurimum
divinitus obtenta.*

Abraham cum paucis sociis debellavit qua-
tuor reges, qui tamen ita potentes erant, quod
ipsi terras multas vastaverant, et (b) quinque
reges de Pentapolí vicerant (c), et illos de So-
doma et Gomorra spoliaverant (d); ipse vero
Abraham spolia recuperavit, et Loth nepotem
suum liberavit. *Gen.*, xiv.

Nota quod in bello justo non tenetur homo
inimicis suis pugnam prædicere, vel eos præ-
monere (e); imo etiam licet eis insidias tendere,
sicut patet per Abraham, *Gen.*, xiv, et *Jos.*, viii
et x; item *Judic.*, viii, de Gedeone.

Contra Amalec filios Israel impedire niten-
tem, misit Moyses Josue ad pugnandum; ipse
vero in propria persona non ivit, sed in oratione
remansit, et plus fecit orando, quam ille
manibus feriendo. *Exod.*, xvii.

Filiī Israel motu valde animoso aggressi sunt
bellum contra Amalechitas et Chananeos, prohi-
biti Moyse; illi autem persecuentes et con-
cidentes filios Israel, persecuti sunt eos usque
Horma. *Num.*, xiv.

Rex Arad pugnavit contra filios Israel, duxit
inde prædam; illi vero postea voto domino se
obligantes vicerunt, et urbes hostium subverte-
runt. *Num.*, xxi.

(a) *Vulg.* mirabilia quæ fecit. — (b) *Cæt. edit. add.*
tamen. — (c) *Cæt. edit.* vicerunt. — (d) Item spoliaverunt.
— (e) Item præmunire. — (f) Item cepit. — (g) *Vulg.*
Perterritus.

Ex præcepto Domini pugnantes filii Israel
contra Madianitas, tantam victoriam habue-
runt, quod triginta duo millia mulierum vir-
ginum habuerunt in præda; et tamen de po-
pulo Israel non fuerunt nisi duodecim millia
pugnatorum, de quibus nec unus quidem in
prælio mortuus est. *Num.*, xxxi.

Vociferante populo, et clamante clangenti-
bus tubis, sicut præcepérat Dominus Josue,
muri Jericho corruerunt, et sic capta est civi-
tas. *Jos.*, vi.

Occasione prævaricationis Achan, filii Israel
fugati fuerunt ab illis de civitate Hæi. Post ex-
piationem autem peccati, ad præceptum Do-
mini capta fuit civitas, et subversa. *Jos.*, vii
et viii.

Cum pugnaret Josue contra quinque reges,
qui venerunt ad destruendum Gabaonitas, mi-
sit Dominus super illos lapides magnos de cœlo,
et mortui sunt multo plures lapidibus grandis,
quam quos gladio percusserant filii Israel.
Tunc et ad vocem Josue stetit sol spatio unius
diei, ut possent deleri funditus inimici. *Jos.*, x.

Notabile est autem quod licet, in acquisi-
tione terre promissionis, dicatur quod Josue
percusserit omnem terram cum regibus suis,
et quod præter Gabaon omnes debellando ce-
perit (f); tamen legitribi : « Dominus Israel pug-
nabit pro eo. » Unde, quamvis filii Israel ma-
nibus fortiter pugnarent, lauen Deo attribue-
batur victoria. *Jos.*, x, xi, xii.

Post mortem Josue, filii Israel non leguntur
ivisse ad prælium, nisi consulto prius Domino,
et sic iverunt, et tradidit Dominus Chananeum
et Pherezæum in manus eorum. *Judic.*, i.

Multas gentes dimisit Dominus inter filios
Israel, ut eruditæ in eis Israel, et omnes qui
noverant bella Chananeorum, ut discerent filii
eorum certare cum hostibus, et haberent con-
suetudinem præliandi. *Judic.*, iii.

Suscitavit Dominus Israeli salvatorem, voca-
bulo Ahod, qui percussit Eglon regem Moab,
et descenderunt cum eo filii Israel, ipso in
fronte gradiente, qui dixit ad eos : « Sequimi-
ni me : tradidit enim Dominus inimicos ves-
tros in manus nostraras. » Et percusserunt de
Moabitis circiter decem millia. *Judic.*, iii, 27, 29.

Dixit Debbara ad Barach : « Surge ; hæc est
enim dies in qua tradidit Dominus Sisaram in
manus nostras. Perterrit enim (g) Dominus
Sisaram, et omnes currus ejus, » etc. *Judic.*, iv,
14, 15.

In trecentis viris, qui manu ad os projiciente aquas biberunt, liberavit Dominus Israel de manu Madian et Amalech, qui erant in maxima multitudine, tempore Gedeonis. *Judic.*, vii.

Abimelech, filius Gedeonis ex concubina, interfecit septuaginta fratres suos, ut solus posset dominari. Postea quedam mulier cerebrum ejus fregit, fragmen mole jacens super ipsum, cum obiseret turrim Sichem. *Judic.*, ix, 56 : « Redidit Dominus malum, » etc.

Transivit Jephthe ad filios Ammon, ut pugnaret contra eos; quos tradidit Dominus in manus ejus, percussisque viginti civitates filiorum Ammon plaga magna nimis. *Judic.*, xi.

Ex magna fortitudine quam dedit Dominus Samsoni, plures mirabiles victorias obtinuit de Philistheis, qui tunc gravi servitute opprimebant filios Israel. *Judic.*, XIII, XIV, XV et XVI.

Sexcenti viri de tribu Dan veneruntur in Lais ad populum quiescentem atque securum, et percusserunt eos in ore gladii, urbemque incendio tradiderunt, nullo penitus ferente praesidium, eo quod procul essent a Sidone, et cum nullo hominum haberent quidquam societatis et negotii. *Jud.*, xviii.

Licet filii Israel juste moverentur contra filios Benjamin, et essent plures septuplum quam illi, tamen in fortitudine a numero confidentes, bis fuerunt ab eis debellati. Postea flentibus coram Domino, et jejunantibus, dixit eis Dominus : « Cras tradam eos in manus vestras, » et tunc plenam victoriam habuerunt deinceps. *Judic.*, xx.

Tempore Heli sacerdotis, filii Israel debellati fuerunt a Philistheis; postea quasi tentantes Deum tulerunt arcam Domini secum; Philistheei vero confortantes se mutuo, iterum viceerunt eos, et arcam Domini ceperunt. *I Reg.*, iv.

Clamante ad Dominum Samuele pro Israel, et sacrificiis offerente; « intonuit Dominus fragore magno super Philisthem, et cœsi sunt Philistei. *I Reg.*, vii, 40.

Cum obsessi essent viri de Jabel Galaad a Naas rege Amunitarum, succurrerit eis Saul; nam cum multis bellatoribus ingressus est castra in vigilia matutina, et sic dispersi sunt, ita ut non relinquerentur in eis duo pariter. *I Reg.*, xi.

Videns Jonathas filius Saul stationem Philistinorum, dixit ad armigerum suum : « Non est Domino difficile salvare in multis, vel in pau-

cis. Et accidit quasi miraculum a Deo. » Fuit enim per eos multitudine prostrata, et hoc illuc que diffugiens. *I Reg.*, xiv.

Ad mandatum Samuel, percussit Saul Amalech vivum, omne autem vulgus interfecit. *I Reg.*, xv.

Audiens David quod Amalechite succederant Sieleg, et captivas duxerant mulieres, consuluit Dominum, utrum deberet perseguiri latrunculos illos. Dixitque Dominus : « Persequere. » Et cum quadringentis viris debellavit eos, et predam integraliter reduxit. *I Reg.*, xxx.

Post multas persecutions iniquas, quas Saul in David commovit, Philisthiim pugnaverunt adversus eum, totumque pondus prælii versum est in Saul : arripuit autem gladium suum, et irruit super eum. Mortuus est ergo Saul, et tres filii, et univeri viri ejus pariter. *I Reg.*, xxxi.

Crudele bellum fuit inter duodecim pueros ex parte David, et duodecim ex parte Iospheth filii Saul, quando mutuo se occiderunt. *I Reg.*, ii.

Audierunt Philistheei, quod David esset unctus in regem super Israel; et ascenderunt universi, ut quererent eum : qui consuluit Dominum, et percussit eos. Alia vice accidit ei simile, *II Reg.*, v. Postea percussit iterum Philistheos, et tulit frenum tributi de manu eorum. Item percussit Moab, et factus est Moab serviens sub tributo. Item percussit regem Soba, et de Syria duodecim millia virorum : « servavitque Dominus David in omnibus, ad quæcumque profectus est. » *II Reg.*, viii.

Videns Joab quod præparatum esset adversum se prælium, et ex adverso, et post tergum, dixit Abisai fratri suo : « Si prævaluerint adversum me Syri, eris mihi in adjutorio; si filii Ammon prævaluerint adversum te, auxiliabor tibi: esto vir fortis, et pugnemus pro populo nostro, et civitate Dei nostri: Dominus autem faciet quod bonum est in conspectu suo. » Inito ergo prælio, fugerunt omnes adversariorum Joab. *II Reg.*, x, 11, 13.

Bellum in honestum habuit Absalom contra David patrem suum, et male successit ei et populo, qui eidem adhaesit. *II Reg.*, xviii.

Benadad rex Syriae cum triginta duobus regibus obsidebat Samariam, et victus fuit, et fugatus ad mandatum Domini, pugnantibus contra exercitum tantum pueris principum provinciarum, qui erant ducenti triginta duo. Sequenti autem anno venit iterum Benadad cum

maximo exercitu, et ceciderunt centum millia pedum de Syris, qui dixerunt : « Deus monitum est Dominus, et non Deus vallium. » III Reg., xx.

Cum esset congregatus rex Juda, et rex Israël, et rex Edom, ut pugnarent contra Moab, et magnum paterent aquæ defectum; dixit Eliseus propheta : « Alveus iste replebitur aquis, et insuper tradet Dominus Moab in manus vestras. » Et ita factum est. IV Reg., iii.

Samaria tamdiu obsessa fuit a rege Syriae, quod vendebatur caput asini octoginta argenteis; sed ad verbum Elisei fugati sunt Syri, et ex hoc habuerunt maximam rerum abundantiam. IV Reg., vi et vn.

Rex Israel multoties debellaverat regem Syriae; sed propter peccata hominum « cœpit Dominus tedere super Israel, et percussit eos Hazael rex Syriae in universis finibus Israel. » IV Reg., x, 32.

Amasias rex Juda, obtenta victoria de Edom, misit ad regem Israel provocans eum ad prælium; sed fuit ab illo fugitus, et magna pars murorum civitatis Hierusalem destruxta fuit occasione elationis ipsius Amasiae. IV Reg., xiv.

Licet Jeroboam filius Joas, rex Israel, esset malus, tamen Dominus per manum illius salvavit eos, et multa bona fecit eis. IV Reg., xiv.

Bene pugnavit Dominus pro Ezechia rege Juda, quando Angelus Domini una nocte percussit de exercitu Sennacherib regis Assyriorum centum octoginta quinque millia, et ipse Sennacherib post modicum tempus a filiis suis interfectus est. IV Reg., xix.

Abia rex Juda cum exercitu suo videns, quod instaret bellum ex adverso et post tergum, clamavit ad Dominum, ac sacerdotes tubis cœperunt canere; et perterritus Dominus Jeroboam et omnem Israel, et ceciderunt vulnerati ex Israel quingenta (a) millia virorum fortium, humiliatiique sunt filii Israel, et vehementissime confortati filii Juda, eo quod sperassent in Domino. II Paral., xiii.

Egressus est contra Asa regem Juda Zara Æthiops cum exercitu suo decies centenis milibus; et invocavit Asa Dominum, dicens : « Domine, non est apud te ulla distantia, utrum in paucis auxiliaris, an in multis, » etc. Exterruit itaque Dominus Æthiopes, et ruerunt usque ad internectionem, quia Domino cœdente contriti sunt, etc. II Paral., xiv.

Congregati sunt filii Moab et filii Ammon, ut

pugnarent contra Josaphat; at ille se totum contulit ad rogandum Dominum, etc., cumque cepissent cantores Deum laudare, vertit Dominus insidias adversariorum in semetipsos, et mutuis vulneribus conciderunt. II Paral., xx.

Phacee filius Romeliae, rex Israel, occidit de Juda centum viginti millia in una die, omnes viros bellatores, eo quod reliquissent Dominum. II Paral., xxviii, 6.

Victoria quam dedit Dominus populo Israel per manum Judith famosa est (*Judith*, quasi per totum). Unde ipsa dixit, occiso Holopherne : « Dominus omnipotens nocuit eum, et tradidit eum in manus sc̄eminæ, et confudit (b) eum. » *Judith*, xvi, 7.

Videns Judas Machabœus exercitum Seron magnum, sociis timentibus, dixit : « Facile est concludi multos in manus paucorum, et non est differentia in conspicuæ Dei cœli liberare in multis, aut in paucis, » etc. Et contritus est Seron et exercitus ejus. I Mach., iii, 18, 23.

Item Machabœus cum tribus millibus viorum, qui tegumenta et gladios non habebant, debellavit Gorgiam cum magno exercitu. Mach., iv.

Item, sequenti anno, vicit Lysiam qui habebat in exercitu suo sexaginta millia electorum viorum et equitum quinque millia, facta oratione ad Dominum. Eum tamen nonnisi (c) decem millia hominum tunc habuisse legitur. I Mach., iv.

Venit Bacchides in virtute multa, ut pugnaret contra Jonatham; et dixit Jonathas ad suos : « Pugnemus, et clamemus in cœlum, ut libermur de manibus inimicorum nostrorum. » Quod et factum est. I Mach., ix, 46, 49.

De Juda Machabœo satis notabile est, quod cum totiens pugnaverit, et tot probitatem fecerit, quandocumque pugnaturus oravit, et divinum invocavit auxilium, semper vicit. In duabus autem præcipuis bellis orasse non legitur : unum fuit contra Antiochum Eupatorem, I Mach., vii, secundum contra Bacchidem et Alcimum; et tunc ipse in prælio cecidit, et ceteri fugerunt, I Machab., ix.

CAPUT LXXXIII.

De pusillanimitate.

Cum dixissent Angeli ad Loth : « In monte salvum te fac, » respondit ille : « Non possum

(a) *Cœt. edit.* quinquaginta. — (b) *Edit. Vatic.* tradidit in manu f., et confudit. — (c) *Cœt. edit.* nisi.

in monte salvari, ne forte apprehendat me malum, » etc., *Gen.*, xix; et tunc pejus ei accidit.

Videntes filii Israel Aegyptios post se, timuerunt valde, licet vidissent tot mirabilia facta pro eis potestate divina. *Exod.*, xiv.

Loquente Domino Moysi in monte, populus audiebat voces, lampades et sonitum buccinæ, montemque fumantem; et perterriti, ac pavore percussi, steterunt procu, dicentes Moysi: « Loquere tu nobis, et audiemus; non loquatur nobis Dominus, ne forte moriamur. » *Exod.*, xx.

Relatione facta de conditione terræ promissionis, quod habebat cultores fortissimos, et urbes grandes atque muratas; dixerunt illi de populo: « Utinam mortui essemus in Aegypto, » *Num.*, xiii et xiv; et dixerunt: « Nuntii terrueunt nos, » sicut dicitur, *Deut.*, I.

Videns Balach rex Moab omnia quæ fecerant filii Israel Amorrhæo, et quod timuisset populus ejus, plus confusus in verbis, quam in armis, nuntios misit ad Balaam, ut veniret et male diceret filii Israel. *Num.*, xxii.

Exploratoribus qui venerant ex parte Josue, dixit Rahab: « Novi quod tradiderit Dominus terram; etenim irruit in nos terror vester, et elanguerunt omnes habitatores terræ. *Jos.*, II, 9.

Postquam Achab tulerat de anathemate Jericho, fugaverunt viri Hai filios Israel, et corrue runt ex eis triginta sex homines, pertimuitque cor populi, et instar aquæ liquefactum est. Josue vero scidit vestimenta sua. *Jos.*, vii.

Gabaonites, audientes cuncta quæ fecerat Josue Jericho et Hai, timuerunt, et venientes ad Josue, fecerunt pacta ad voluntatem illius. *Jos.*, ix.

Cum haberet Gedeon in exercitu suo triginta duo millia hominum clamantium, dixit: « Qui formidolosus et timidus est, revertatur. » Et reversi sunt ex populo duodecim millia. *Judic.*, viii, 3.

Saul et omnes Israelites, audientes sermones Goliath Philisthæi singulare certamen petentis, stupabant, et metuebant nimis. *I Reg.*, xvii.

Roboam rudit et corde pavido non potuit resistere exercitui, quem Jeroboam congregavit contra eum. *I Paral.*, xiii.

Cum audisset exercitus Assyriorum Holophernem esse decollatum, fugit mens et consilium ab eis, et solo tremore et metu agitati, fugæ præsidium sumunt. *Judith.*, xv.

Nuntiatum est domui David, quod rex Israel et rex Syriæ confederali deberent contra Hie-

rusalem pugnare; et commotum est cor ejus, et cor populi ejus, sicut commoventur ligna sylvarum a facie venti. *Isa.*, vii, 2.

Onus Tyri describens Isaías, dicebat: « Formido (a), fovea et laqueus super te, qui habitat or es terræ. » *Isai.*, xxiv, 17.

Propheta Domini Jeremias ex parte Domini prophetavit Hierusalem capiendam esse. Dixerunt principes populi Sedece: « Rogamus, ut occidatur homo hic. » Qui tanquam pavidus et miser, respondit eis: « Ecce ipse in manibus vestris, nec enim fas est regem vobis quicquam negare. *Jerem.*, xxxiii.

Darius rex Persarum statuit de consilio satrapum quoddam decretum; quod cum transgressus esset Daniel, missus est in lacum leonum. Tamen displicuit regi: sed illis satrapis viriliter contradicere non audebat. *Dan.*, vi.

Videns Judas Machabæus, quod defluxit exercitus suus, et bellum perurgebat eum, confractus est corde, et in illo bello cecidit, nec legitur idem Judas alias timuisse, *I Mach.*, 9.

Nicanor contraxit amicitias cum Juda Machabæo: quod displicuit Antiochore regi, et mandavit Nicanori, ut vincut mitteret ei Judam. Qui hoc invite faciebat: sed tamen voluntat regis resistere non audebat: unde, si potuisset, malam voluntatem regis implessit. *II Mach.*, xiv.

Ambulans super mare Petrus veniebat ad Dominum; videns autem ventum validum, timuit, etc. *Matth.*, xiv, 30.

Pusillanimitas videtur fuisse in Nicodemo, quod ipse venit ad Jesum nocte, quasi non auderet venire de die. *Joan.*, III, 2.

Videntes discipuli capi Dominum, et ligari, relicto eo fugerunt omnes. Petrus autem sequebatur eum a longe, quia de prope non audebat. *Marc.*, xiv.

Arguit Dominus pusillanimitatem discipulorum, quia commotionem maris, ipso praesente, timebant, *Matth.*, VIII, 26: « Quid timidi estis, modice fidei? »

Nimis pusillanimis Petrus, quando ad vocem unius ancillæ Dominum, post tantæ audacie verba, negavit. *Matth.*, xxvi; *Luc.*, xxii; *Marc.*, XIV; *Joan.*, XVIII.

Similiter adolescens ille amictus sindone, cum teneretur a ministris, maluit amittere sindonem, et nudus aufugere, quam amplius ibi remanere. *Marc.*, XIV.

(a) *Cœl. edit. Fortitudo.*

Parentes illius cœci nati a Domino illuminati responderunt timide Pharisæis, eo quod timebant extra synagogam fieri. *Joan.*, ix.

CAPUT LXXXIV.

De fortitudine ad faciendum malum.

Cain fuit fortior quam Abel, quando consurexit adversus eum. *Gen.*, iv.

Multum laboraverunt illi quatuor reges, qui post magnam stragem hominum debellaverunt regem Sodomorum cum ceteris, et Loth nepotem Abrahæ captivum duxerunt. *Gen.*, xiv.

Abimelech filius Gedeonis magnam fatigacionem sustinuit occidendo septuaginta fratres suos, et postea Sichimitas oppugnando, et deinde satis eito miserabiliter occisus est. *Judic.*, ix.

Multis et magnis laboribus et periculis Saul se exposuit ad persecendum David, et nunquam propositum obtinere potuit. *I Reg.*, xviii et deinceps.

Absalom volens patrem suum expellere de regno, grande negotium arripuit, et pessime ei successit. *II Reg.*, xv, 17.

Exegitando et bellando multum laboravit Jeroboam ad hoc, quod populum Israël posset a domo David avertire, et aversum retinere. *III Reg.*, xii, xiii, xiv.

Terras multas perambulavit Ilophernes et devastavit, ut eas posset imperii sui dominio subjugare; sed tandem una mulier decapitavit eum, etiam antequam propositum complevisset. *Judith*, quasi per totum.

Antiochus Epiphanes multum sustinuit, ut cultum Dei destrueret in Iudea; et tandem depauperatus et confusus, in aliena terra miserabili morte defunctus est. *I Machab.*, ix.

Non solum prudentiores, sed etiam ferventiores et potentiores filii hujus sæculii filii lucis in generatione sua sunt frequenter : nam, discipulis dormientibus, Judas procurando traditionem Domini sollicitus vigilabat. *Matth.*, xxvi.

Principes sacerdotum multa sollicitudine, labore fatigati fuerunt ad hoc quod possent extinguere, et ad nihilum redigere nomen Christi. Corruperunt enim custodes dominici sepulcri per copiosam pecuniam, quam dederunt, ut dicerent eum ejus discipulos fuisse furatum. *Matth.*, xxviii.

(a) *Cat. edit.* nunc carceribus monuerunt, nunc sermonibus. — Item ultiōne.

Item discipulos ejus nunc sermonibus monuerunt, nunc carceribus (a) arctaverunt, nunc verbis et contumelias affecerunt, ut non loquerentur, nec docerent omnino in nomine Domini Jesu. *Act.*, iii et iv.

Cum tribunus Lysias vinctum Paulum detineret, fuerunt amplius quam quadraginta Juðæi qui voverunt se nihil gustatores, donec occiderent Paulum : unde volebant quod Paulus produceretur in medium, ut, eo viso, statim cum impetu occiderent eum. *Act.*, xxiii.

CAPUT LXXXV.

De homicidio.

Nota quam graviter Deus homicidium Cain commissum punivit; et tamen nondum erat prohibitum aliqua lege scripta. *Gen.*, iv.

Occidit Cain Abel fratrem suum, Moyses *Egyptium*, David Goliam, Joab Abner et Amasam, Salomon Semei et Adoniam, Herodes Joannem Baptistam, Petrus Ananiam et Saphiram, et considera varias intentiones et causas.

Volut Dominus, ut homo mirabiliter abhorret homicidium ; unde et sanguinem cum carne comedere prohibuit. *Gen.*, ix, 4.

Homicida debet reputari quasi occisus; unde dixit Rebecca, *Gen.*, xxvii, 43 : « Cur utroque orbabor, » etc.

Si Zebee et Salmana fratres Gedeonis non occidissent, nequaquam post ab eodem occisi fuissent. *Judic.*, viii.

Abimelech filius Jeroaba occidit septuaginta fratres suos, scilicet ut solus posset regnare, *Judic.*, ix. Sed ipse modico tempore dominatus fuit, et multa mala sustinuit, et male finivit.

Quia sacerdos Achimalech confortavit David fugientem, Saul ipsius David persecutor occidit eum cum multis aliiis sacerdotibus, mulieribus et parvulis. *I Reg.*, xxii.

Oecidi fecit David adolescentem, qui dixit se Saul occidisse, *II Reg.*, i.

Joab occidit Abner in ultiōne (b) Asael fratri sui, quem ille occiderat, *II Reg.*, iii.

Fecit occidi David Uriam per manum Joab, *II Reg.*, xi.

Absalom, invitans ad convivium Amnon fratrem suum, illum ibidem occidit, *II Reg.*, xii.

Tantus est horror effundendi humanum sanguinem, quod licet David alias esset optimus, tamen noluit Dominus ut ædificaret ei templum, sed Salomon filius ejus, *II Reg.*, vii.

Quamvis Joab fuerit miles probus, et domino suo valde fidelis, quia tamen occidit duos viros proditiōse, omnes ejus gratiae sunt pro nihilo computatae; unde fecit eum occidi Salomon, licet teneret cornu altaris, III Reg., II.

Procurante impia Jezabel, Naboth fuit crudeliter lapidatus. III Reg., XXI.

Joas rex Juda jussit Zachariam filium Joiadæ sacerdotis a populo lapidari, cum tamen pater illius restituisset ei regnum, et Athaliam occidisset. II Paral., XXV.

Duo senes presbyteri, qui mortem Susannæ nequissime cogitabant, convicti per Danielem a populo sunt occisi. Dan., XIII.

Occidit Tryphon Jonatham, et duos filios ejus, cum tamen receperisset a Simone centum talenta argenti pro liberatione Jonathæ, et duos ejus filios pro obsidibus, I Machab., XIII.

Ptolemaeus filius Abobi fecit convivium Simoni summo sacerdoti, et duobus filiis ejus; et cum inebriati essent, proditorie occidit eos, I Machab., XVI.

CAPUT LXXXVI.

De stragibus hominum diversis.

Terribilis hominum et aliorum animalium strages fuit, quando tempore Noe omnes homines, præter octo, perierunt diluvio, Gen., VII.

Illi quatuor reges, qui debellarerunt quinq[ue] reges, magnam cædem hominum fecerunt, veniendo usque illuc, et pugnando contra illos, licet eorum numerus noui sit scriptus. Gen., XIV.

Quot homines perierunt in Ægypto diversis plagiis, et submersi fuerunt in mari Rubro? Numerus per Scripturam non potest sciri, sed maximus debet existimari in (a) Exodo.

De sexentis millibus hominum hellatorum, a viginti annis et supra, qui numerati sunt, Num., I, nullus intravit in terram promissionis, exceptis Caleb et Josue; sed omnes interierunt variis calamitatibus in deserto.

Maximam cædem fecerunt filii Israel, præcepto Moysi, de Madianitis: quod per prædam quam rapuerunt potest deprehendi, quia vixi ganti duo millia virginum sunt inventa; omnes autem mulieres corruptæ, et masculi fuerunt jugulati. Num., XXXI.

Tempore Josue in ingressu terræ promissionis, tam in civitatibus, quam in campis, fuit

apud homines infinitus occisorum numerus.

Temporibus etiam Debboræ, Gedeonis et Jephœ, judicum Israel, fuerunt multi occisi, quamvis certus numerus eorum non possit haberri.

Occasione uxoris Levitæ, fuerunt occisi sexaginta quinque millia hominum bellatorum, præster mulieres et parvulos, qui omnes in (a) tribu Benjamin perierunt. Judic., XX.

In diebus Heli, quando capta fuit area Domini, ceciderunt de Israel triginta millia pugnatorum. I Reg., IV.

Saul, qui Amalech delevit, plurimos ibi occidit. I Reg., XIV. Et postea, interfecto Goliath Philistheo, multi fuerunt Philisthæi interficti, I Reg., XVII. In morte autem Saul, et filiorum ejus, multi de Israel ceciderunt. I Reg., XXXI.

David de Syris, et de filiis Moab, et de Ammon, et de Philistheis sanguinem multum fudit, sicut patet in (a) diversis locis secundi libri Regum.

Peccato elationis David in enumeratione populi, ceciderunt septuaginta millia virorum, II Reg., XXIV.

Congregatis triginta duobus regibus, et nimia multitudine pugnatorum, Benadad rex Syriæ bis fugatus fuit ab Achab rege Israel, et secunda vice centum millia peditum ex parte Syriorum occisi fuerunt. III Reg., XX.

Abia rex Juda, et exercitus ejus, vulneraverunt uno die de exercitu Jeroboam quingenta millia virorum fortium, II Paral., XIII.

Asa rex Juda habuit in exercitu suo quinquaginta octo millia; Æthiopes vero fuerunt decies centum millia: et ruerunt Æthiopes usque ad internectionem, quia Domino cædente contriti sunt, et exercitu illius præliante. II Paral., XIV.

Rex Israel Phacee, filius Romelieæ, occidit de Juda centum millia virorum bellatorum in die una, eo quod dereliquerint Dominum. II Paral., XXVIII.

Quando Salmanasar cepit Samariam, et transstulit filios Israel in Assyrios, item quando Nabuchodonosor cepit Hierusalem, et captivaverat regem Juda, satis verisimile est multos homines ibi corruisse, licet numerus non sit certus.

Occasione superbi et crudelis Aman, qui propter solum Mardochæum voluit cunetas jugulare Judeos, occiderunt Judæi in regno Assueri septuaginta quinque millia hominum, quos suos reputabant inimicos, Esth., IX.

Misit Jonathas Demetrio apud Antiochiam

(a) Leg. ex.

tria millia virorum in auxilium , contra illos de civitate , qui volebant Demetrium occidere , et occisi sunt in una die centum millia hominum . *I Mach.*, xi.

Tanta cedes hominum fuit in Hierusalem , quando Antiochus Epiphanes eam capiit , quod in toto triduo fuerunt octoginta millia hominum interfici , quadraginta millia vinci , non minus autem venundati , *II Machab.*, v.

Adversus Galatas in Babylone sex millia hominum tantum peremserunt centum viginti millia hominum propter auxilium eis datum de celo . *II Mach.*, viii , 20.

Præter prælia , quæ commisit Judas Machabæus contra Apollonium , et contra Seron principem exercitus Syriæ , de quibus agitur , *I Mach.*, iii , legitur ipse Machabæus duodecim speciales habuisse conflictus , videlicet ab octavo cap. secundi *Machabæorum* , usque ad finem , in quibus primo ceciderunt novem millia hominum de illis , qui erant cum Nicanore ; deinde viginti millia cum Timotheo et Bacchide ; postea vero viginti quinque millia de Idumæis ; iterum de Idumæis viginti millia , in duabus turmis minutis ; consequenter viginti unum millia cum Timotheo ; item viginti duo millia cum Lysia ; postea viginti millia , in quodam presidio Timothei ; item triginta millia cum Timotheo ; deinde viginti quinque millia in Carnion civitate fortissima ; item in alia civitate , nomine Ephron , viginti quinque millia ; postea in castris Antiochi Eupatoris interfecit quatuor millia ; tandem occisus est Nicanor cum triginta quinque millibus pugnatorum . Summa omnium , duo et centum tringita (a) sex millia hominum , præter illos , qui quandoque de Judeæ exercitu ceciderunt ; item illos (b) , qui in diversis munitionibus et præliis occubuerunt , quorum certus numerus non habetur . Non computantur hic etiam illi , qui in alio prælio contra Bacchidem et Alcimum mortui sunt , ubi commissum est prælium a mane usque ad vesperam , ubi etiam dicitur , quod Judas cecidit , et ceteri furerunt , *I Machab.* , ix.

CAPUT LXXXVII.

De abstinentia et sobrietate.

Præcepit Dominus Adam , dicens : « Ex omni ligno paradisi comedite ; de ligno scientiæ boni et mali ne comedatis . » *Genes.* , ii , 16 , 17. In quo abstinentia commendatur , dum non omni cibo

volut Deus hominem ut etiam in paradiso .

Moyses fuit cum Domino quadraginta diebus , et quadraginta noctibus , *Exod.* , xxiv , et non manducavit , neque bibit . Abstinentia est bona dispositio ad percipiendas revelationes divinas , et (c) homo refectus divina consolatione solet corporales delicias abhorrire .

Filios Israel præcepit Dominus a multis cibis abstinere , *Levit.* , xi.

Vir sive mulier , cum volum fecerint (d) , ut sanctificentur , et se voluerint Domino consecrare , a vino , et ab omni illo quod inebriare potest , abstineant , *Num.* , vi.

Uxori Manue filium liberatorem populi conjecture Angelus apparetis abstinentiam indixit , *Judic.* , xiii.

Fili Israel de undecim tribubus , primo et secundo a filiis Benjamin debellati , postea faverunt coram Domino , et jejunaverunt die illo , et (e) prævaluerunt in eos . *Judic.* , xx.

Philisthei tempore Ieli debellaverunt filios Israel una vice et altera , et arca Domini fuit capta , *I Reg.* , iv. Postea tertio congregati sunt Philisthei sub Samuele ; sed filii Israël jejunaverunt die illa , atque dixerunt : « Tibi peccavimus , Domine , » etc. Sequitur quod cæsi sunt a filiis Israel . *I Reg.* , vii.

Populus Israel erat in castris esuriens , et erat mel per agrum ; nullus comedit de eo , præter Jonathām filium Saul . *I Reg.* , xiv.

Cum desiderasset David aquam de cisterna Bethlehem allatam , postea noluit bibere , quia nimis avide concupierat eam . *II Reg.* , xxiii.

Uxor Jeroboam vadens ad Ahiam prophetam , etc. , tulit decem panes , et vas mellis . Non fit ibi mentio de carnisibus , quia supponerat prophetam non vesci talibus cibis . *III Reg.* , xiv.

Tenuis victus sufficiebat Eliæ , qui petiit a vidua Sareptana paululum aquæ et bucellam panis . *III Reg.* , xvii.

Notabile est , quod Eliam paverunt corvi bis in die , *III Reg.* , xvii. Sed Angelus Domini ostendit ei panem , et non carnes , et vas aquæ semet tantum . *III Reg.* , xix.

Audiens Achab comminationem factam sibi a Domino per Eliam prophetam , et post occisionem Naboth , operuit cilicio carnem suam , jejunavitque , et dormivit in sacco , et ambula-

(a) *Leg.* bis centum et quinquaginta . — (b) *Cæt.* edit. illos . — (c) *Item.* ut . — (d) *Item* fecerit . — (e) *Item* etc.

bat demisso capite ; propter quod illam , quam comminatus fuerat, temperavit penam , *Il Reg., xxii.*

Congregati sunt filii Moab, et filii Ammon , et cum eis de Ammonitis, ut pugnarent contra Josaphat regem Juda. Quod ille audiens, totum se contulit ad rogandum Dominum , et praedicavit jejunium in universo Juda. Sequitur quod per jejunium victoriam obtinuit. *Il Poral., xx.*

Esdras predicavit jejunium , et fecit quod omnes affligerent animas suas , quia petituri erant a Domino , ut viam rectam et prosperam daret eis, *1 Esd., viii.* Sequitur : « Jejunavimus, et rogarimus Dominum nostrum pro hoc , et evenit nobis prospere . »

Rogaturus Nehearias Artaxerces regem prouinciam sua, ut muri ejus possent reparari, dicit de seipso : « Jejunabam , et orabam ante faciem Dei cœli. » *Nehem., i.*

Convenerunt filii Israel in jejunii et in saccis, et humus super eos, et steterunt, et confitebantur peccata sua , et legerunt in volumine legis, etc. *Nehem., ix.*

Dum esset factum prandium bonum in domo Tobie, et audissent unum de filiis Israel jugulatum jacentem in platea, statim exiliens de accubitu suo , relinquens prandium, jejunus venit ad corpus. *Tob., ii, 3.*

De Tobia Juniore, et sociis ejus, ac ceteris amicis dicitur , *Tob., ix, 12* : « Cum timore Domini nuppiarum convivium exercabant. » Angelus postea, *Tob., xii, 8*, dixit utrique Tobie : « Bona est oratio cum jejunio et eleemosyna. »

Audientes filii Israel terribilem potentiam Holopernis, « humiliaverunt animas suas in jejunii. » *Judith, iv, 8.*

De Judith etiam dicitur, quod «jejunabat omnibus diebus vite suæ, præter sabbata, et neomenias, et festa domus Israel. » *Judith, viii, 6.*

Locutura ad regem Assuerum Esther, dixit Mardochæo : « Congrega omnes Judæos quos in Susan repereris , et orate pro me; non comedatis, et non bibatis tribus diebus, et tribus noctibus , et ego cum ancillulis meis similiter jejunabimus. » *Esth., iv, 16.*

Commendatur a Domino abstinentia Rechabitum, quia noluerunt bibere vinum , sicut precepérat eis pater eorum. *Jerem., xxxv.*

« Baruch legit verba libri sui ad aures Jechonie filii Joachim regis Juda, et ad aures uni-

versi populi. Qui audientes plorabant , et jejunabant, et orabant in conspectu Domini. » *Baruch, i, 3, 5.*

Duram dietam imposuit Dominus Ezechiel prophetae, dicens : « Sume tibi frumentum , et hordeum , et fabam , et lentem, et milium, et viciam , » etc. *Ezech., iv, 9.*

« Proposuit Daniel ne pollueretur de mensa regis. » Sequitur : « Pueris illis dedit Deus scientiam in omni libro, » etc. *Dan., i, 8, 17.*

De seipso loquens Daniel , ait : « Posui faciem meam ad Dominum Deum meum rogare et deprecari in jejunis, sacco, et cinere. » *Dan., ix, 3.* Et tunc percepit (a) specialem revelationem de incarnatione et occasione Christi.

Daniel tres hebdomadas panem desiderabilem non comedit, et caro et vinum non introierunt in os ejus, et tunc mirabilem ostendit ei visionem Deus. *Dan., x, 3.*

Gregorius, in homilia xxx¹, dicit, quod Spiritus sanctus implevit abstinentem puerum, et judicem senum fecit , sicut apparet, *Dan., xiii,* de duabus malis senibus.

Panem et pulmentum misit Dominus per prophetam Habacuc Danieli posito in lacu leonum, non carnes , aut alia cibaria. *Dan., xiv, 32.*

Eleazarus, vir ætate provectus, maluit occidi crudeli morte , quam carnes porcinas comedere, vel etiam simulare se comedisse. *Il Mach., iv.*

Contigit septem fratres cum matre sua compelli a rege carnes porcinas contra legem manducare. Illi vero magis elegerunt crudelissima sustinere tormenta. *Il Mach., vii.*

De beato Joanne Baptista dicitur, quod escæ ejus erant locuste et mel silvestre, *Marc., i, 6.* Qui propter multam abstinentiam in cibo et potu , dicebatur quasi non manducans , nec bibens. *Matth., xi, 18.*

Anna prophetissa , filia Phanuel, inter cetera commendatur, quia non discedebat a templo, jejunii et obsecrationibus serviens die ac nocte. *Luc., ii, 37.*

Salvator noster statim post baptismum ductus est in desertum, et ibi jejunavit, donec esuriit. *Matth., iv, et Luc., iv*, contra multos qui jejunant cum fœditate conscientiæ, vel nolunt tempore jejunii esuriem sustinere.

Ad commendandum sobrietatem, quæ est in esu piscium et in abstinentia a carnibus , multum facit, quod Dominus in Evangelio pluries

(a) *Cæt. edit. præcepit.*

¹ Greg., in *Evang.*, hom. xxx, post med.

multiplicavit pisces, non carnes; unde, *Luc.*, v, 6, ad præceptum Domini concluserunt mutitudinem piscium copiosam. Præterea panes et pisces bis multiplicasse legitur, nunquam carnes: *Math.*, xiv, de quinque panibus et duobus pisibus; de eodem miraculo, *Marc.*, vi; *Luc.*, ix; item de eodem, *Joan.*, vi. De septem autem panibus, et paucis pisceculis ab ipso Domino multiplicatis, habetur *Math.*, xv; *Marc.*, viii.

Post resurrectionem etiam, septem discipulis piscantibus, et nihil prehendentibus, manifestavit se Salvator, dicens: « Mittite in dexteram navigii rete, et invenietis.» Et traxerunt rete plenum magnis pisibus centum quinquaginta tribus, *Joan.*, xxi. Et de illis pisibus dedit Dominus discipulis suis. Populo autem Iudaico, tanquam carnali et de carne curanti, dedit Deus carnes ad vescendum, licet in malum ipsius. *Exod.*, xvi.

Multum valet abstinentia ad hoc, quod homo possit vigilare facilius et orare. Nam post canum increpavil Dominus discipulos suos, dicens: « Non potuistis una hora vigilare mecum.» *Math.*, xxvi; *Marc.*, xiv; *Luc.*, xxii.

Salvator noster, cuius actio est nostra instructio, nunquam carnem legitur comedisse, nisi de agno paschali, et de pisce uno sibi oblatu manducandum. *Luc.*, xxiv, et *Joan.*, xxi.

Mittens Dominus discipulos ad prædicandum, dixit, *Luc.*, x, 5-7: « In quamecumque domum intraveritis, » etc., « edentes et libentes quæ apud illos sunt; » hoc est, ut essent contenti cibariis, quæ haberent, non curiose alia quererent.

Volens Petrus rationabiliter ostendere, quod discipuli Spiritui sancto pleni, non essent ebrios, dixit, quia hora diei tertii erat: dans intelligere, quod ante horam tertiam inconveniens est manducare. *Act.*, ii, 13.

Cum esuriret Petrus in domo Simonis coriarii, cecidit super eum mentis excessus, et vidit ecclœm apertum, etc. Et forte, si satur fuisset, illam visionem utillem non vidisset: in qua etiam visione, oblata sibi animalia secundum legem velita comedere renuit, quamvis, ut dictum est, esuriret. *Act.*, x.

Erant in ecclesia que erat Antiochiae, prophetæ et doctores, etc. Ministrantibus autem illis Domino et iurumantibus, dixit illis Spiritus sanctus: « Segregate mihi Barnabam et Saulum, » etc. *Act.*, xiii, 1, 2.

(a) *Vulg.* Sedit.

CAPUT LXXXVIII.

Dc gula et ebrietate.

Primum hominis peccatum vitio gulæ fuit completum, *Gen.*, iii.

Noe, « bibens vinum, inebriatus et nudatus est in tabernaculo suo, » *Gen.*, ix, 21.

Loth inebriatus incestum cum filiabus commisit, *Gen.*, xix.

Esau pro lenti edulio vendidit primogenitura, *Gen.*, xxv.

Stelit (a) populus manducare et bibere, et surrexerunt ludere. » *Exod.*, xxxii, 6.

Dixit Dominus Aaron: « Vinum et omne quod inebriare potest, non bibetis tu et filii tui, quando intrabitis in tabernaculum testimonii, ne moriamini. » *Levit.*, x, 9.

Quicumque fecerat votum in lege, et se volebat Domino consecrare, a vino et ab omni illo quo inebriare potest, abstinere debebat, *Num.*, vi, 3.

Flagrabat populus desiderio carnium sedens et flens, et ait: « Quis dabit nobis ad vescendum carnes, » etc. *Num.*, xi, 4.

Prima tentatio filiorum Israel in deserto fuit de potu, *Exod.*, xvi; secunda, de cibo, *Exod.*, xvii; et postea simili occasione multotiens peccaverunt.

In trecentis viris, qui aquas lambuerunt, et moderate biberunt, liberavit Dominus Israel de manu Madian. *Judic.*, vii.

In epulis sunt homines audacieiores et loquaciores. *Judic.*, ix, 27: « Inter epulas et pocula maledicebant Abimelech, » etc.

Epulantibus Philisthiim, domus cecidit super eos. *Judic.*, xvi.

Volebant filii Ieli carnes crudæ ab offerentibus accipere, ut eas sibi lautijs prepararent. *I Reg.*, ii.

Comedit Jonathas modicum mellis contra inhibitionem patris; et ideo oecisis a patre fuisset, nisi populus occurrisset. *I Reg.*, xiv.

Amnon filius David, in convivio Absalom, temulentus fuit oecisis. *II Reg.*, xiii.

Benadad rex Syriae temulentus in suis castris habebat maximam multitudinem bellatorum; et tamen vietus fuit et fugatus per pueros principum provinciarum. *III Reg.*, xx.

Videns Zambri Dominum suum regem Israel temulentum, occidit eum. *III Reg.*, xvi.

« Comederunt, et saturati sunt, et impinguati,

et abundaverunt deliciis in bonitate tua magna: provocaverunt autem te ad iracundiam. » *Nehem.*, ix, 23, 26.

« Prevalet vinum omnibus hominibus, qui bibunt illud: seducit mentem. Itemque regis et orphani facit mentem vanam. » *Hl Esdr.*, iii, 18, 19.

Holophernes « bibit vinum multum nimis una die, quantum nunquam (a) biberat in vita sua. » Et post pauca sequitur: « Erat Judith sola in cubiculo, porro Holophernes jacebat in lecto nimia ebrietate sopitus; » quo facto Judith habuit opportunitatem occidendi eum. *Judith*, xii et xiii.

Egressus est Aman a convivio Esther reginæ ketus et alacer; sed in crastino fuit tristis et confusus, cum decem filiis patibulo crucis affixus, *Esth.*, v.

Noverat Job multa in conviviis saepe committi peccata, et idcirco, postquam epulati fuerant (b) filii ejus, consurgens diluculo offerebat holocausta pro singulis (c). *Job*, i, 5.

Pro tempore illo quo dcbebat destrui Hierusalem, dicitur, *Isa.*, xxii, 12, 13: « Vocabit Dominus ad fletum, et ad planctum; et ecce gaudium, et lætitia, occidente vitulos, jugulare arietes, comedere carnes, et bibere vinum: Comedamus et bibamus, cras enim moriemur. »

« Sacerdos et propheta nesciere (d) præ ebrietate, absorpti sunt a vino, erraverunt in ebrietate. Omnes enim mensæ replete sunt vomitus (e) sordidumque, » etc. *Isa.*, xxviii, 7, 8.

Ptolemaeus filius Abobi fecit convivium Simonis summo sacerdoti, et duobus filiis ejus, et cum inebriatorum essent, occidit eos. *I Mach.*, xvi.

Primi parentes per esum ligni vetiti peccaverunt, *Gen.*, iii.

Filii Israel venientes in desertum, primo pro aquis amaris, deinde pro defecti cibi murnu-rasse leguntur. Similiter in tentatione Domini, tam secundum Matthæum, quam secundum Lucam, prima fuit: « Si filius Dei es, dic ut lapides isti panes fiant. » *Matth.*, iv, et *Luc.*, iv.

Herodes natalis sui coenam fecit; filia vero Herodiadis ibi saltavit, et Herodi simulque dis-cubentibus placuit; qua occasione decollatus est Joannes Baptista ad petitionem ipsius saltatricis. *Matth.*, xiv; *Marc.*, vi.

Spiritus immundi loca immunda diligunt; unde dæmoniacus ille, qui habebat legionem

in corpore, habitabat in monumentis, *Luc.*, viii. El dæmones illi rogarunt Dominum, ut exeuntes mitterentur in porcos, non in boves, vel in agnos, qui sunt munda animalia, mundo vescentes cibo.

Contra edaces, comessationibus vacantes, multum valet exemplum divitis epulosis, qui querebatur se pati in lingua spiritualem cruciatum, *Luc.*, xvi.

Non est mirum, si post magnas coenas et comessationes splendidas multi non vigilant, nec orant, cum etiam discipuli post coenam cum Domino celebratam non potuerint una hora vigilare cum eo, *Matth.*, xxvi; *Marc.*, xiv; *Luc.*, xxii.

CAPUT LXXXIX.

De matrimonio.

Quod uxor debeat viro suo esse socia æqua-lis quoad multa, non domina vel ancilla, patet per hoc, quod Evam formavit Dominus de costa Adæ, non de capite vel pede. Item patet quod vir est caput uxoris, quia fuit quodammodo principium essendi, et facta est mulier de viro, non vir de muliere. Item debet esse vir magister et doctor; unde præceptum a Deo fuit datum Adæ, et per Adam Evæ. *Gen.*, ii.

Quod unus vir tantum unam uxorem habere debeat, ostendit Dominus dicens: « Erunt duo in carne una. » *Gen.*, ii, 24.

Ante diluvium solus Lamech legitur duas habuisse uxores, *Gen.*, iv.

In arca Noe tot viros quot mulieres jussit Dominus reservari, ut videlicet esset unica uni, *Gen.*, vii.

Ægyptii tempore Abrahæ plus abominari videbantur adulterium, quam homicidium; unde timebat Abraham ne eum occiderent, et postmodum Sarai uxorem suam Pharaoni of-ferrent, quasi nollet ipsam cognoscere, quamdiu ipsam crederet virum habere. *Gen.*, xii.

Sara uxor Abrahæ obediebat ipsi marito, et dominum eum vocabat, *Gen.*, xii et xviii, et *I Pet.*, iii, 6. Ipse etiam Abraham interdum illius votis condescendebat, *Gen.*, xvi et xxi.

Propter Saram uxorem Abrahæ flagellavit Dominus Pharaonem plagiis maximis. Item Abimelech Dominus minando per somnum exterruit, *Gen.*, xx.

Consensus exigitur ad matrimonium. *Gen.*,

(a) *Cœt. edit.* unquam. — (b) *Cœt. edit.* fuerunt.

(c) Item per singulos. — (d) *Vulg.* nescierunt.

(e) *Cœt. edit.* vomitu.

xxiv, 57 : « Vocemus pueram , et audiamus ipsius voluntatem . »

Ille blasphemus qui fuit lapidatus in deserto , fuit filius Israelitidis de viro *Egyptio* generatus , *Levit.*, **xxiv**, 10. Per hoc haberi potest , quod non expedit de diversis riibus matrimonia copulare , quia pueri inde nati male imbuuntur.

Secretum quod Samson parentibus suis dicere noluit , utorum ejus extorsit ab eo in damnum ipsius , *Judic.*, **xvi**.

Dixit Helcana ad Annam : « Numquid non ego melior sum tibi , quam decem filii ? » *I Reg.*, **1**, 8.

Nabal durus et pessimus , et stultus , babuit uxorem Abigail , quae erat prudentissima et speciosa , *I Reg.*, **xxv**.

Quamvis haberet David multas uxores , tamen adulterium cum Bethsabea (*a*) commisit , *II Reg.*, **xi**.

Joram rex Juda fecit malum coram Domino , et « ambulabat in viis Achab ; » et subditur causa hujus : « Filia enim Achab erat uxor eius . » *IV Reg.*, **viii**, 18.

Fili transmigrationis qui duxerant uxores alienigenas , secundum mandatum Esdræ dimiserunt eas , *I Esdr.*, **x**.

Videns Nehemias Judeos ducentes uxores alienigenas , objurgavit eos , et maledixit eos , et verberavit aliquos , et decalvavit , *Nehem.*, **xiii**.

Sara filia Raguel dicebat in oratione sua : « Virum autem cum timore tuo , non cum libidine mea consensi suspicere . » *Tob.*, **iii**, 48.

Dixit Angelus Tobiae : « In eos qui conjugium ita suscipiunt , ut Deum a se et a sua mente repellant , et sue libidini ita vacent sicut equus et mulus , habet potestatem dæmonium . » *Tob.*, **vi**, 17.

Prima nocte qua introductus est Tobias Junior cum uxore , hortatus est virginem , dicens : « Sara , surge et deprecemur Deum hodie , eras , et secundo eras , quia istis tribus noctibus Deo jungimur ; tertia autem transacta nocte , erimus in nostro conjugio . » *Tob.*, **viii**, 5.

Honestam causam ducendi uxorem exposuit Angelus Tobiae : « Accipies virginem cum timore Domini , et amore filiorum magis quam libidine ductus . » *Tob.*, **vi**, 22.

Parentes Saras monent eam honorare socios , diligere maritum , regere familiam , gubernare domum , et seipsam irreprensibilem custodiare . *Tob.*, **x**.

Mulieres translatae de terra Juda in *Egyptum* , quae sacrificabant reginae celi , excusabant se per viros suos , qui similia faciebant . *Jerem.*, **XLIV**.

Pro servanda fide matrimonii , Susanna exposuit se morti et infamiae , nisi per Daniëlem justus Dominus ei succurrisset . *Dan.*, **xiii**.

Salvator noster convivio nuptiarum voluit interesse , *Joan.*, **ii**, 2.

Joannes Baptista fuit decollatus , quia Herodem de adulterio arguebat , *Math.*, **xiv**; *Marc.*, **vi**.

Quærentibus Pharisæis , si liceret homini dimittere uxorem suam quacumque ex causa , dixit Dominus : « Quos Deus conjunxit , homo non separat . » *Matth.*, **xix**, 6.

Inter illos qui ad eoniam vocati fuerant (*b*) , et non iverant , ille , qui uxorem duxit , non rogavit se excusatum haberi , quia status ille hominem vñementer allicit , et sepe retrahit a divinis , *Luc.*, **xiv**.

Quantum ad actum conjugalem , ad paria vel similia judicat Apostolus Paulus virum et uxorem , *I Cor.*, **vii** : « Mulier corporis sui potestatem non habet , sed vir : similiter vir potestatem sui corporis non habet , sed mulier , » etc.

Ananias , conscientia uxore sua Saphira , fecit fraudem de pretio agri venditi ; sic ambo gravissime sunt puniti . *Act.*, **v**.

CAPUT XC.

De castitate.

Quamdiu primi parentes in paradiso fuerunt , virgines extiterunt ; sed ipsis ejectis , dicitur , *Gen.*, **iv**, 1 : « Adam cognovit Ewan uxorem suam . »

Cum Sichem violasset Dinam filiam Jacob , fratres ejus turbati sunt valde , eo quod feedam rem esset operatus in Israel , et violata filia Jacob , rem illicitam perpetrasset ; tandem et violatorem et patrem ejus , et eorum populum occiderunt . *Gen.*, **xxxiv**. Nota quod hoc fuit ante legem scriptam sub lege naturæ ; quantum ergo sub lege gratiæ virginitas debet honoriari , et stuprum puniri ?

Quamvis Joseph esset filius emptius , et elegantis formæ juvenis sine uxore , tamen sollicitatus a domina sua recusavit stuprum , et maluit

(a) *Cœl. edit.* Bethsabe . — (b) Item. fuerunt.

eam offendere, et in carcerem trudi, quam perdere castitatem. *Gen.*, xxxix.

Judas, qui castus non erat, detestatus est fornicationem Thamar, *Gen.*, xxxviii, 24.

Post debellationem Madianitarum factam per Phinees et alios pugnatores, jussit Moyses mulieres corruptas jugulari, et virgines reservari, *Num.*, xxxi.

Mundi esse debebant maxime a mulieribus, qui panes sacerdotales comedebant, *I Reg.*, xxi, 4.

Quando mulier Sunamitis hospita Elisci volebat ei loqui, mittebat ad eam Eliseus puerum suum, quasi vitans colloquia mulierum, *IV Reg.*, iv.

Sara in oratione dicebat, *Tob.*, iii, 16: « Tu scis, Domine, quia nunquam concupivi virum, et mundam servari animam meam ab omni concupiscentia, » etc.

Mortuo viro suo, Judith alium nescivit, et semper castitatem amavit. Sed nota quod faciebat: quia cum puellis suis clausa manebat, et habens cilicium super lumbos suos, jejunabat omnibus diebus vita sue, praeter sabbata, et neomenias, et festa domus Israel. *Judith*, viii.

Graviter fuit pulsata ab illis senibus Susanna; sed suae castitati, nec famam, nec vitam præponendam esse putavit. *Dan.*, xii.

Ad hoc quod nullus de sola castitate confidat, illud valere potest, quod de virginibus evangelicis tot fuerunt fatuae, quot prudentes, *Matth.*, xxv, 2.

Beata Virgo ab Angelo venerabiliter salutata, non est oblitera voti et propositi castitatis, licet Angelus promitteret ei, quod ex ea Filius Altissimi nasceretur, *Luc.*, i.

Per hoc, quod Salvator dixit, quia « in futuro saeculo neque nubent, neque nubentur; » patet quod illi beatæ virgines specialiter appropinquant. *Matth.*, xxii, 30; *Luc.*, xx, 35.

Castitatis argumentum fuit in beato Stephano, quia ipse ab Apostolis ad custodiam mulierum, etc. *Act.*, vi.

CAPUT XCI.

De luxuria et incontinentia.

Peccatum carnis præcipua videtur fuisse causa propter quam Deus diluvio delevit mundum, *Gen.*, vi, 12: « Omnis caro corruperat viam suam. »

Nota quoct et quanta evenerunt pro ardentis

amore Sichem filii Hemor, qui Dinam violenter oppressit, *Gen.*, xxxiv.

Luxuriosi quandoque detestantur luxuriam in aliis, ut patet de Juda, qui dixit de Thamar: « Producite eam, ut comburatur. » *Gen.*, xxxviii, 24.

Occasione uxoris Levitæ, a viris Belial in Gabaa Benjamin incredibili libidinis furore vexatae, occisi sunt plusquam-sexaginta millia hominum, *Judic.*, xx.

Iacobeth filius Saul redarguit Abner, quia ingressus fuerat ad concubinam patris sui. Abner autem iratus super hoc, procuravit ei auferri terram, et cito post amisit uterque personam. *II Reg.*, iii et iv.

David captus amore Bethsabeæ uxoris Uriæ, cum illa adulterium, et cum proditione homicidium perpetravit, *II Reg.*, xi.

Amnon filius David pro amore Thamar sororis suæ ægrotavit, et postea illam oppressit, et sic eam nequiter effugavit; et tamen ipsem fecit de causa occisus fuit. *II Reg.*, xiii.

Detestabilem luxuriam commisit Absalom cum concubinam patris sui, *II Reg.*, xvi.

« Adamavit Salomon mulieres alienigenas multas, » etc. Sequitur, quod ita damnatum est cor ejus per eas, ut coleret deos earum. *III Reg.*, xi, 1 et seq. Sed nota damna, que inde passus est: cum enim prius sapientissimus fuerit, adeo infatuatus est, ut sequeretur deos earum; cum prius amabilis Domino, cor ejus depravatum est, et iratus est Dominus contra eum; cum prius esset ditissimus, multa bona consumpsit in ædificando tempula idolis nationum; cum prius esset nominatissimus in bono, postea fuit usque hodie freatus opinione. *Ecli.*, xlviij.

Dixit Angelus Tobiae Juniori: « In eos, qui conjugium ita suscipiunt, ut Deum a se et a sua mente excludant, et suæ libidini ita vacent sicut equus et mulus, habet potestatem demonium. » Quid ergo de fornicatoribus et adulteris, qui nihil aliud intendunt, nisi fœdam suam expiere libidinem? *Tob.*, vi, 17.

Stetit Judith ante faciem Holophernis; cor autem Holophernis concresum est; erat enim ardens in concupiscentia ejus, etc. *Judith*, xi.

Duo senes presbyteri ita fuerunt amore Susanæ decepti, quod quando illa voluntatem eorum facere recusavit, mortem illius procurare conati sunt. *Dan.*, xiii.

Tempore Antiochi templum luxuria et comes-sationibus erat plenum, et scortantium cum

meretricibus, sacratisque ædibus mulieres se ultro ingerebant, *Il Mach.*, vi, 4.

Occasione Herodiadis, quam contra legem duxerat Herodes, Joannes Baptista decollatus fuit ad instantiam saltantis mulieris. *Matth.*, xiv; *Marc.*, vi.

Spiritus immundi loca immunda diligunt; unde rogaverunt Dominum Iesum ut permetteret eos intrare porcos, non in boves, vel agnos quae sunt animalia munda. *Matth.*, viii; *Luc.*, viii.

Inter alios qui vocati fuerunt ad magnam eenan, nec iverunt, ille qui uxorem duxit, non petit se excusatum haberet; per quod patre potest quam longe sunt a cena Dei luxuriosi homines et (a) immundi, si ducere uxorem ita homines impliat et involvit, quod quasi nihil aliud cogitare possunt. *Luc.*, xiv, 20.

Exemplo filii prodigi, qui dissipavit substantiam suam vivendo luxuriose, patet quod illud peccatum depauperat. Unde dicitur, *Luc.*, xv, quod ipse cœpit egere. Item vilificat; nam sequitur, quod ipse pascet porcos, etc. Item non extinguit ardorem libidinis, sed accendit; dicitur enim ibi: « Cupiebat implere ventrem suum siliquis, quas porci manducabant, » etc.

CAPUT XCII.

De incauto aspectu.

Prima mulier viso ligni vetiti fructu pulchro, tulit de illo pulchro, et comedit. *Gen.*, iii, 6.

Pulchritudo visa mulierum fuit occasio multorum malorum, *Gen.*, vi, 2: « Videntes filii Dei filias hominum quod essent pulchræ, » etc.

Ex eo quod Cham filius Noe vidit verenda patris, et ipsum nudatum esse fratribus nuntiavit, maledictionem patris incurrit. *Gen.*, ix, 25.

Abraham dixit Sarai uxori sue: « Novi quod pulchra sis mulier, et quod cum viderint te Ægyptii, interficien me, et te reservabunt. » *Gen.*, xii, 11.

Volens videre regionis mulieres Dina, visa et corrupta fuit. *Gen.*, xxxiv.

Judas vidit Thamar in bivio, et cum ea peccavit. *Genes.*, xxxviii, 7.

Domina cui serviebat Joseph, oculos in eum injecit. *Genes.*, xxxix, 7.

Dixit Dominus ad Moysen, *Exod.*, xix, 21:

(a) *Cat. edit.* ut.

« Contestare populum, ne forte velint transcedere terminos ad videndum Dominum, » etc.

Vidit David de solario suo mulierem lavantem se ex adverso, et tulit eam, et postea virum eius dolose occidi fecit. *Il Reg.*, xi.

Cum intrasset Judith ante faciem Holopernis, statim captus est ille in oculis suis, *Judith*, x, 17. Unde dicitur, xvi, 1: « Sandalia ejus rapuerunt oculos ejus, pulchritudo ejus captivam fecit animam ejus. »

Videbant duo senes Susannam quotidie ingredientem et deambularem, et exarserunt in concupiscentiam ejus. *Dan.*, xiii, 8.

Quia filia Herodiadis placuit Herodi saltando, ipse ei stulte promisit, quod crudeliter implevit. *Matth.*, xiv; *Marc.*, vi.

CAPUT XCIII.

De silentio et loquacitate.

Præceptum dedit Dominus Adæ, non Hebreo, nisi per Adam, ut mulier minus habaret occasio nūquendi, sed potius interrogandi a viro, et discendi. *Gen.*, ii.

Ileva prius legitur cum serpente, quam cum viro habuisse colloquium, quod sibi et posteris damnosum fuit. *Gen.*, ii. Item nota ibi, quoniam male repetit mandatum datum homini.

Cham filius Noe cum vidisset verenda patris, nuntiavit fratribus suis, et inde maledictionem incurrit. *Gen.*, ix.

Postquam locutus fuit Dominus ad Moysen, impeditioris linguae et tardioris fuit, *Exod.*, iv, 10. Ex quo innuitur quod spirituales viri, qui sepe cum Deo loquuntur, tardi esse debent ad loquendum.

Filiæ Israel, fugientes de Ægypto, viderunt exercitum Pharaonis, et timerunt valde; quibus ait Moyses: « Dominus pugnabit pro vobis, et vos tacebitis. » *Exod.*, xiv, 14.

Axa filia Caleb sedens in asino, et suspirans, sine sermone monuit patrem ad querendum quid haberet, et post impetravit a patre irriguum inferius, et superius. *Jos.*, xv.

Samson secretum, quad parentibus noluit dicere, uxori exposuit; que statim illud in damnum mariti publicavit. *Judic.*, xiv. Item Samson indicavit Dalilæ, quomodo posset amittere fortitudinem suam, et illa sine mora hostibus relvelavit. *Judic.*, xvi.

Anna mater Samuelis veniens ad tabernaculum Domini, loquebatur in corde suo tantum,

quia labia ejus movebantur, et vox penitus non audiebatur. *I Reg.*, I, 13.

Samuel, dormiens in tabernaculo, ostensam sibi visionem non indicavit Heli, donec interrogatus et adjuratus fuit ab illo. *I Reg.*, III.

Cum filii Belial dicerent de Saule novo rege : « Num salvare nos poterit iste ? » ille dissimulabat se audire, *I Reg.*, X. Ex quo intelligitur quod caute tacebat.

Cum David contra Nabal turbatus, postmodum per Abigail prudenter locutam placatus fuisset, illa non indicabat ipsi Nabal viro suo verbum pusillum aut grande usque mane, cum vinum, quod biberat, digessit.

Tobias, auditis verbis injuriosis ab uxore, non legitur ei respondisse, sed ingemuit, et incepit plorare cum lacrymis. *Tob.*, II et III.

Cum ancilla Sara dixisset dominæ gravis improprieti et maledictionis verbum, Sara tacens cessit liti, et pergens in cubiculum domus suæ, devote coepit orare. *Tob.*, III, 40.

Diu tacuit Esther, non indicans populum suum et patriam suam, sicut præceperat ei Mardochæus, ne scilicet a rege haberetur exosa. *Esther*, II et III.

Beato Job a Domino percusso, uxor ejus stulte locuta est. *Job*, II.

Sanctus Job magis videtur seipsum reprehendere de actu loquendi, quam de alio quocumque. Unde dicit *Job*, XXXIX, 34 : « Qui leviter locutus sum, » etc. « Quod utinam non dixi sem, » etc.; et XLII, 3 : « Inspighter locutus sum, et quæ ultra modum excederent scientiam meam. »

Cum Rasin rex Syriæ, et Phacee rex Israel proposuissent præliari pariter contra Judam, dixit Isaias propheta Achaz regi Juda : « Vide ut sileas, noli timere, et eor tuum ne formidet, » etc. *Isai.*, VII, 4.

Mandavit Ezechias rex Juda, ne populus aliquid responderet Rabsaci : et siluerunt, et non responderunt ei verbum. *Isai.*, XXXVI.

Jeremias in utero sanctificatus, et a Domino propheta datus, excusabat se dicens : « A, a, a, Domine Deus : ecce nescio loqui, » etc. *Jerem.*, I, 6.

Adducta Susanna, ut iniqui senes presbyteri ferrent testimonium falsum contra eam, flens suspergit ad cœlum, et clamavit ad Dominum, sed accusatoribus non legitur directe respondisse. *Dan.*, XIII.

Judæi agriculturæ operam dabant; sed Nica-

nor et quidam alii non sinebant eos in silentio agere, et quiete. *Il Machab.*, XII, 2.

Beata Maria virgo legitur in Evangelii tantummodo fuisse locuta cum Angelo, *Luc.*, I; item cum Elisabeth, *Luc.*, I; item cum filio suo, *Luc.*, II, 48 : « Fili, quid fecisti? » Item, *Joan.*, II, 3 : « Vinum non habent. » Iterum, quando ministros nuptiarum instruit, *Joan.*, II, 5 : « Quodcumque vobis dixerit, facite. » Licit autem Elisabeth eam magnifice commendasset, nihil tamen ei directe respondit, sed ad laudandum Dominum se convertit, *Luc.*, I, 46.

Maria peccatrix, veniens ad pedes Domini in domo Simonis, nihil dixisse refertur, sed lacrymis coepit rigare pedes ejus, *Luc.*, VII, 38. Similiter sorori de ipsa conquerenti, nihil respondit, *Luc.*, X. Rursus indignè fermentibus effusione unguenti, et in eam frementibus, nihil dixit, *Marc.*, XIV. Quod autem bene tacuit, Dominus pro ea respondit, et eam ubique defendit.

Mulier in adulterio deprehensa, et coram Domino accusata, non legitur aliquid locuta esse. Dominus autem pro ea verbum assumpsit, et eam denique misericorditer absolvit. *Joan.*, VIII.

Locutus in synagoga Paulus surrexit, et manu silentium indixit, *Act.*, XIII. Sciebat enim non esse effundendum sermonem, ubi non est auditus : quod saep in Scriptura probatur.

CAPUT XCIV.

De affectu carnali.

Moyses distribuit duodecim boves, et sex plaustra, quos obtulerant principes filiorum Israel; sed nullum dedit filiis Caath, licet essent magis propinquui. *Num.*, VII.

Non legitur Moyses alicui de filiis suis magnum officium dedisse, licet ipse a populo in tanta reverentia haberetur.

Moriturus Moyses sollicite rogavit Dominum pro populo, ut ei de duce idoneo provideret; nullum tamen de genere suo voluit nominare. *Num.*, XXVII.

Distribuens Josue terram filiis Israel, ita parvam portionem dedit illis de tribu sua, quod de hoc fecerunt specialem querelam; sed nota responsionem quam fecit eis. *Jos.*, XVII, 15.

Audiens Heli mortem duorum filiorum in prælio, non visus est multum curare; sed cum

nuntius ille dixisset, arcam Dei esse captam, cecidit de sella, et mortuus est. *I Reg.*, iv.

Quia David nimis flebat occisum Absalom filium suum, imposuit ei Joab, quod non doluisset, si totum exercitum amisisset. *Il Reg.*, xx.

« Supra modum mater mirabilis et honorum memoria digna, quæ pereunte septem filios sub unius diei tempore conspiciens, bono animo ferebat, » etc. *Il Machab.*, vii, 20. Euntibus ad prælium Judæis contra Nicanorem, erat pro uxoribus et filiis, itemque pro fratribus et cognatis minor sollicitudo; maximus autem et prius pro sanctitate timor templi. *Il Machab.*, xv.

Loquente Jesu ad turbas, dixit ei quidam: « Ecce mater tua, et fratres tui foris stant quærentes te; » qui respondit: « Quæ est mater mea, et qui sunt fratres mei? Quicumque fecerit voluntatem Patris mei, » etc. *Matth.*, xii, 48-50.

Petenti materlæ Christi secundum carnem, ut duo filii sederent juxta eum in regno suo, respondit Dominus ita dure, ac si fuisse aliena omnino, et ita bonum forum de regno suo paratus est tibi facere Dominus, sicut illis. *Matth.*, xx.

Quamvis beatus Joannes et duo Jacobi essent maximæ sanctitatis, nulli tamen eorum commisit curam Ecclesie generalis; sed Petrum, qui non sibi earne attinebat, constituit caput, principem et pastorem. *Joan.*, xxi.

Salvator noster, post responsionem Petri, quam fecit de ipso, cum dixit: « Tu es Christus Filius Dei vivi; » consequenter subjungit: « Caro et sanguis non revelavit tibi, » *Matth.*, xvi, per illud innuens, quod caro pravas revelationes facere consuevit.

Apostolus Paulus, commendans Evangelium suum, dicit, *Gal.*, 1, 15, 16: « Cum placuit (a) illi qui me segregavit ex utero matris meæ, et vocavit per gratiam suam, » etc., « continuo non acquievi carni et sanguini, » etc.

CAPUT XCIV.

De ira hominis per vitium.

Cum loqueretur Moyses Pharaoni, et ille nollet audire, exivit a Pharaone iratus nimis. *Exod.*, xi.

Præceperat Moyses filiis Israel, quod nullus de manna relinqueret usque mane: qui non

(a) *Cæt. edit.* Complacuit. — (b) Item Thamar. — (c) Item cæcitatem.

audierunt eum, sed dimiserunt quidam ex eo usque mane, et scaturire coepit vermbus, et computruit. Et iratus est Moyses contra eos. *Exod.*, xvii.

Revertens Moyses, cum appropinquasset ad castra, vidit vitulum et choros, iratusque valde projectis de manibus tabulas, et confregit eas ad radices montium. *Exod.*, xxxii.

Cum quereret Moyses hircum qui oblatus fuerat pro peccato, exustum reperit, iratusque contra Eleazar et Ithamar (b), ait: « Cur non comedistis, » etc. *Lev.*, x, 16-17.

Videns Moyses rebellionem Core et complum suorum, iratus valde, ait ad Dominum: « Ne respicias sacrificia eorum, » etc. *Num.*, xvi, 15.

Considerans Jonathas filius Saul nequitiam patris contra David, surrexit a mensa in ira furoris, et non comedit panem in illo die, *I Reg.*, xx.

Audita David parabola Nathan prophetæ, iratus indignatione adversus hominem, dixit: « Vivit Dominus, quoniam filius mortis est vir, qui fecit hoc. » *Il Reg.*, xii, 5.

Eliseus iratus fuit contra Joas regem Israel, eo quod non percussit terram sagitta quinque aut sexies, ut totam destruxisset Syriam. *IV Reg.*, xiii.

Audiens Nehemias clamorem populi propter usuras, quas exigebant optimates, iratus est nimis, etc. *Nehem.*, v.

Audita querimonia, quam dixit Esther de Aman, qui omnes Judeos occidere procurabat, Assurcus surrexit iratus de loco convivii, etc. *Esth.*, vii, 7.

Circumspexit Dominus cum ira Judeos, qui observabant eum, et contristatus est super cœcitatem (c) cordis corum. *Mare.*, iii, 5.

CAPUT XCVI.

De ira hominis per vitium.

« Respxit Dominus ad Abel, et ad munera ejus. » Sequitur: « Iratus est Cain vehementer, et concidit vultus ejus, » etc. *Gen.*, iv, 5.

Iratus Balac contra Balaam, complosis manibus, ait: « Ad maledicendum inimicis meis, vocavi te, quibus e contrario benedixisti. » *Num.*, xxiv, 10.

Audiens Saul post victoriam commendari David, iratus est nimis, et displicuit in oculis ejus sermo, etc. *I Reg.*, xviii, 8.

Cum excusasset Jonathas David ad patrem suum, iratus Saul adversus Jonatham dixit: « Fili mulieris virum ultro rapientis, » etc. *I Reg.*, xx, 30.

Venit Achab rex Israel in domum suam indignans, et frendens super verbis, quae locutus fuerat ad eum Naboth israelites. *III Reg.*, xxi, 4.

Post facile et salubre consilium Elisei, iratus Naaman recedebat dicens: Putabam quod egreretur ad me, et invocaret nomen Dei sui, » etc. *IV Reg.*, v, 11.

Hanani propheta venit ad Asam, increpans eum, quia confisus erat in Benadad rege Syriae, iratusque Asa adversus Videntem jussit eum mitti in nervum. *II Paral.*, xvi, 10.

Separavit Amasias exercitum, qui venerat ad eum ex Ephraim, pro eo scilicet quod mali erant, nec voluit quod secum venirent ad bellum; at illi vehementer irati contra Judam, reversi sunt in regionem suam. *II Paral.*, xxv, 10.

Sacerdotes arguebant Oziam regem Juda, voluntem adolere incensum: iratusque Ozias, et tenens thuribulum, minabatur illis. *II Paral.*, xxvi, 19.

Cum audisset Sanaballat, quod aedificaretur murus Hierusalem, iratus est valde, et motus nimis subsannavit Judeos. *Nehem.*, iv, 1.

Cum reversus esset Sennacherib fugiens a Juda plagam, quam fecerat Dominus propter blasphemiam suam, iratus multos occidit Iudeos. *Tob.*, i, 21.

Tobia dicente de hœdo balante: « Vide ne furtivus sit, » etc.; uxor ejus irata respondit: « Manifeste vana facta est spes tua, » etc. *Tob.*, ii, 22.

Nuntiatum est Holopherni, quod filii Israel preparamarent se ad resistendum ei, et furore nimio exarsit in iracundiam magnam. *Judith*, v, 2.

Cum dixisset Achior magnam esse potentiam Dei Israel, irati sunt magnates Holophernis, et cogitabant interficere eum. *Judith*, v, 26.

Cum audisset Aman, et experimento probasset, quod Mardochæus sibi non flecteret genua, nec se adoraret, iratus est valde. *Esth.*, iii, 5.

Iratus indignatusque est Eliu Buzites adversum Job, eo quod justum se esse diceret coram Deo, etc. *Job*, xxxii, 2.

Principes Juda, putantes quod Jeremias fuget ad Chaldæos, irati sunt contra eum, et cæsum miserunt in carcерem. *Jerem.*, xxxvii, 14.

Nabuchodonosor rex Chaldæorum in ira

magna præcepit, ut perirent omnes sapientes Babylonis, pro eo scilicet, quod somnium suum non poterant ei indicare. *Dan.*, II. Idem etiam poste in furore et ira præcepit, ut tres viri aducerentur in conspectu ejus, etc. *Dan.*, III.

Arguit Dominus Jonam prophetam, quia irascitur super hedera. *Joan.*, IV.

Audiens Antiochus prælia Judæ, et victoriam quam obtinuerat, iratus est animo, et congregavit exercitum, etc. *I Mach.*, III, 27.

Factum est, cum audirent gentes quia aedificatum est altare et sanctuarium sicut prius, irate sunt valde. *I Mach.*, v, 1.

Tortores Eleazari, auditentes verba constantiae ipsius, in iram versi sunt, qui paulo ante fuerant mitiores. *II Mach.*, vi.

Post septimi fratri verba, rex Antiochus accensus ira in illum super omnes crudelius deserviit. *II Mach.*, vii, 39.

Videns Antiochus, quod non poterat spoliare Persepolim civitatem, elatus in iram arbitrabatur se injuriam illorum, qui se fugaverant, posse in Iudeos retrorquere. *II Mach.*, ix, 4.

Herodes, videns quod illusus esset a magis, iratus est valde, et mittens occidit omnes pueros, etc. *Matth.*, II, 16.

Cum audissent illi de Nazareth Dominum dicentem: « Nemo propheta acceptus est in patria sua, » etc., sequitur: « Repleti sunt omnes in synagoga ira, » etc. *Luc.*, iv, 28.

Demetrius quidam argentarius faciens redes argenteas Diana, convocatis opificebus illius artis, dixit quod Paulus avertiebat multam turbam dicens: « Quoniam non sunt dii, qui manibus flunt, » etc. Iis autem auditis, repleti sunt ira, etc. *Act.*, xix, 28.

CAPUT XCVII.

De humiliitate.

Dixit Angelus ad Agar: « Revertere ad dominam tuam, et humiliare sub manu ipsius. » *Gen.*, xvi, 9.

Humiliter loquebatur Abraham Domino dicens: « Loquar ad Dominum meum, cum sim pulvis et cinis. » *Gen.*, xvii, 27.

Multum humiliavit se Jacob coram Esau, et sic compescuit iram ejus. *Gen.*, xxxiii.

Quinque Moyses, antequam vellet recipere ducatum populi, quem Dominus tamen imponebat ei, renuit; nec acquevit, donec Dominum

intellexit iratum, *Exod.*, iii et iv, 14: « Iratus Dominus in Moysen, » etc.

Quamvis Moysi ita familiariter Dominus loqueretur, tamen ipse Moyses utile consilium pagani non desperxit, sed ei humiliiter acqueivit. *Exod.*, xviii.

Moyses videbat se habere ducatum Domini speciale; et tamen non redigebatur obsecrare filium (a) Raguel, ut secum veniret, et dux populi esset, *Num.*, x, 31.

Gedeon Angelo dicunt sibi: « Vade in hac fortitudine tua, liberabis Israel, » respondit: « Ecce familia mea infima est in Manasse, et ego infimus in domo patris mei. » *Judic.*, vi, 15.

Viri Ephraim, jurgantes fortiter et tumide contra Gedeonem, placati fuerunt per ejus mansuetam et humiliem responsonem. *Judic.*, viii.

Dixerunt omnes filii David ad Gedeonem: « Dominare nostri, tu et filius tuus. » Quibus ille ait: « Non dominabor vestri, nec dominabitur in vos filius meus, » etc. *Judic.*, viii, 22, 23.

Humilitatem prætendebat Saul in opere et sermone, antequam esset unctus in regem, quando quærebat asinas patris, et excusabat se apud Samuel, *I Reg.*, ix. Et postea dictum est ei, *I Reg.*, xv, 17: « Nonne, cum parvulus eses in oculis tuis, caput in tribubus Israel factus es? »

David, licet per Samuelem esset unctus in regem, tamen de mandato patris portabat victualia fratribus suis, quibus fuerat præelectus, *I Reg.*, xvii.

David humiliavit se coram Saule, quando debebat fieri gener regis, *I Reg.*, xviii.

Item, coram servo suo Semei, audiens quod malediceret ei, *II Reg.*, xvi; coram Deo, quando saltabat ante arcum, *II Reg.*, vi; et quando venit Nathan ad eum, nuntians ei voluntatem Domini de perpetuitate regni, *II Reg.*, vii.

Humiliter respondit Miphiboseth inique accusatus a servo suo, et exheredatus injuste, *II Reg.*, xix.

Achab, sceleratissimus rex Israel, audiebat pœnam sibi juste pro criminibus infligendam, humiliatus est coram Domino, et propter hoc Dominus illam pœnam aliqualiter minoravit, *III Reg.*, xxii.

Princeps ille, qui humiliat locutus est ad Eliam, non est tactus ab igne, sicut alii duo

(a) *Cœl. edit.* ob filium.

quinquagenarii, qui venerant ante illum, *IV Reg.*, i.

Veniens ad Jordanem Eliseus, primo percussit aquas nihil dicens, et non sunt divise aquæ. *IV Reg.*, ii.

Semeias propheta ad Roboam dixit, et principes ejus: « Ille dicit Dominus: Vos reliquistis me, et ego reliqui vos. » Qui consternati dixerunt: « Justus est Dominus. » Cumque vidisset Dominus, quod humiliati essent, factus est sermo Domini ad Semeiam dicens: « Quia humiliati sunt mei causa, non disperdam eos. » *Il Paral.*, xii, 7.

Humiliatus est Ezechiam, postquam elevatum fuerat cor ejus in adventu nuntiorum regis Babylonis, et idcirco non venit ira Domini in diebus illis. *Il Paral.*, xxxii.

Audientes filii Israel potentiam Holofernis terribilem, clamaverunt ad Dominum instantia magna, et humiliaverunt animas suas, etc. *Judith*, iv, 8.

Esther regina confugit ad Dominum, et corpus suum humiliavit jejuniis, oransque inter cætera dixit: « Tu scis, Domine, quia abominor signum superbiæ, » etc. *Esth.*, xiv, 16.

Cum mitteret Dominus Jeremiam prophetam, se excusans ait: « Ecce nescio loqui, » etc. *Jerem.*, i, 6.

Ambulans Nabuchodonosor in aula Babylo-nis arroganter locutus est: deinde ejectus ab omnibus, et in bestiam mutatus, recuperavit sensum, et recognovit quod omnes habitatores terre apud Dominum in nihilum reputati sunt. *Dan.*, iv, 32.

Cum percussus esset a Deo Antiochus insabili plaga, ita ut nec ipse fætorem suum ferre posset, ait: « Justum est subditum esse Deo, et mortalem non paria Deo sentire. » *Il Mach.*, ix, 12.

Joseph humiliiter reputans se non esse dignum consortio beate Mariæ, quam concepisse videbat, et non humano opere, sed divino munere hoc factum esse credebat, voluit occulte dimittere eam. *Matth.*, i, 19.

In illis tribus Magis apparuit mira fuisse humilitas, quando « invenerunt Puerum cum Maria matre ejus, et procidentes adoraverunt eum, » *Matth.*, ii, 11.

Cum tante esset reputationis Joannes, ut populus ipsum crederet esse Christum, dixit: « Veniet fortior me, cuius non sum dignus solvere corrigiam calceamentorum ejus. » *Luc.*,

m., 16. Simile habetur, *Matth.*, m., 11; *Joan.*, 1, 27.

Non erubuit Christus, Dei virtus et Dei sapientia, ab eodem themate prædicationem suam incipere, a quo suam incooperat Joannes Baptista, *Matth.*, m., 2, et *iv*, 17: « Poenitentiam agite: appropinquarent enim regnum cœlorum. »

Beata virgo Maria ab Angelo tam venerabiliter salutata, et mater filii Altissimi appellata, non superbiit inde, nec se vocavit matrem Dei, vel dominam, sed *ancillam*. Item nou misit pro Elisabeth cognata sua, sed humiliiter ivit ad illam; eumque Elisabeth spiritu sancto repleta cognovisset quod factum fuisset circa ipsam, divinam commendavit misericordiam et potentiam dicens: « Magnificat anima mea Dominum, » etc., quia respexit humilitatem ancillæ suæ, » etc. *Luc.*, 1.

Humiliter et fideliter respondit Centurio, dicens Domino volenti ire ad sanandum puerum sunum: « Domine, non sum dignus, ut intres sub tectum meum, sed dic verbo, » etc. *Matth.*, viii., 8.

Videns Petrus se ad preceptum Domini conclusisse multitudinem piscium copiosam, procedit ad genua ejus dicens: « Exi a me, quia homo peccator sum, Domine. » *Luc.*, v., 8.

Salvator noster publicari sua miracula prohibebat, ut doceret fugere jactantiae et vanitatis vitium, et dare veræ humilitatis exemplum, sicut patet in leproso mundato, *Matth.*, viii., 4. Item in duobus cæcis ab eo illuminatis, *Matth.*, ix., 30. Item in surdo et muto sanato, *Marc.*, vii., 36. Item de transfiguratione dixit: « Nemini dixeritis, » etc. *Matth.*, xvii., 9.

Cum dixisset Dominus mulieri Chananææ: « Non est bonum sumere panem filiorum, et mittere canibus; » illa humiliaverit dixit: « Etiam, Domine, nam et catelli edunt de micis, » etc. *Matth.*, xv., 26, 27.

Quærentibus discipulis, quis esset major in regno cœlorum, respondit Dominus: « Qui-cumque humiliaverit se sicut parvulus iste, hic major est in regno cœlorem. » *Matth.*, xviii., 4.

Exemplum vel parabolam humilius urbanitatis inducit Dominus, *Luc.*, xvi., 8: « Cum invitatus fueris ad nuptias, non discumbas in primo loco, » etc.

Ad fugiendam jactantiam, et ad humilitatem multum valet exemplum, quod inducit Dominus de superbo Pharisæo, et de humili Publano, *Luc.*, xviii.

Humilitas Joannis Baptista appetit multipli-citer: quia videlicet de se humiliiter sentiebat, *Luc.*, m., 15: « Existimante omni populo, ne forte ipse esset Christus. » Item, *Joan.*, m., 28: « Non sum ego Christus, » etc. Item humiliiter loquebatur, *Joan.*, 1, 23: « Ego vox clamantis in deserto; » et negavit se esse Christum, aut Eliam, aut Prophetam. Item induebatur humiliiter, scilicet pilis camelorum, *Matth.*, m., 4. Item humilem habitationem eligebat, *Luc.*, 1, 80: « Erat in deserto, » etc.

Humilis Maria Magdalena frequenter legitur secus pedes Domini se posuisse, *Luc.*, vii., 38, et x., 39; *Joan.*, xi., 32; *Matth.*, xxviii., 9.

Quærenti Domino, an Petrus diligenter ipsum plus aliis discipulis, respondit humiliiter, dicens: « Tu scis, Domine, quia amo te. » Non dixit: Amo te plus aliis. *Joan.*, xxi.

Precipua humilitatis exempla accipere possumus et debemus in salutari nostro Domino Iesu Christo, circa cuius conversationem in terris considerari potest, quod ipse concipi voluit in patria despacta, videlicet Galilea, de qua, *Joan.*, vii., 52: « Scrutare et vide, quia propheta a Galilea non surgit. » Unde admirando dixit Nathanael: « A Nazareth potest aliquid boni esse? » *Joan.*, 1.

Item de matre humili natus fuit, quæ dicit: « Respexit humilitatem, » etc., *Luc.*, 1, 48; in civitate parva, et loco humillimo, *Luc.*, ii., 7: « Reclinavit eum in præsocio, » etc.

Item quasi per annos trecenta latuit in mundo, ita quod nihil de eo legitur, nisi quod cum esset annorum duodecim, remansit in Hierusalem, et inventus est in templo audiens et interrogans, non docens et determinans, contra præsumptuosos, qui nimis festine ad officium docendi prorumpunt. Sequitur ibi, *Luc.*, ii., 51: « Descendit cum Maria, et subditus erat illis. » Exinde circa annum tricesimum ad Joannem Baptistam venit, ut baptizaretur ab eo, non pro eo misit, *Matth.*, ii., contra multos, qui ad minores pergere dedignantur.

Item humiles discipulos elegit, *Matth.*, iv., et *Luc.*, v.; et cum eis humiliiter conversatus est, et eos præcipue de humilitate docuit, *Matth.*, xi., 29: « Discite a me, quia misericordia mea est magna. » Unde filium hominis sœpius se dicebat, non Filium Dei: licet utrumque esset verum secundum duas naturas in ipso, tamen ab inferiori frequentius se nominavit.

Conversatus cum hominibus interesse voluit

pauperibus nuptiis, ubi vinum defecit, *Joan.*, II. Non autem interfuisset splendidis et divitibus nuptiis, in quibus fiunt frequenter enormes excessus.

« Cum cognovisset, quia venturi erant ut raperent eum, et facerent eum regem, fugit in montem. » *Joan.*, VI, 5.

Didrachma seu tributum, quasi servus aut alienus, exsolvit. *Matth.*, XVII, 26.

Non habebat ubi caput reclinaret, *Luc.*, IX, 58. Et circuens civitates et castella, pedes ibat, ita quod quandoque fatigatus ex itinere sedebat super fontem, et a muliere Samaritanâ bibere postulabat, *Joan.*, IV. Quando vero vectura uti voluit, non equum, sed asellum habuit, *Matth.*, XXI; *Marc.*, XI; *Luc.*, XIX; *Joan.*, XII.

Transitus ex hoc mundo ad Patrem, relinquere voluit speciale humilitatis exemplum, et pedes discipulorum lavit, et linteo quo praecinctus erat, extersit. *Joan.*, XIII.

Præcipue autem in passione nimis « humiliavit se metis ipsum, factus obediens usque ad mortem », non quamcumque, sed « crucis », quæ erat genus mortis turpissimum : in Evangelii omnibus ; *Phil.*, II, 8.

De quo notari potest, quod homines superbi et mundi amatores circa septem versari solent et appetere, vel in adeptis specialiter gloriari, quibus constat in cruce Dominum caruisse, et contraria habuisse. Haec autem diei possunt terrena affluentia, mundana sapientia, carnalis letitia, popularis fama, turba famulorum, dejectio inimicorum, et numerositas amicorum. Christus autem Jesus Dominus noster in cruce fuit pauperrimus, et vestimentis nudatus, *Joan.*, XIX, 23. Fuit stultus et insipiens reputatus : nam « verbum crucis gentibus stultitia est », *I Cor.*, I, 18. Item diffamatus fuit, et seductor populi appellatus : *Matth.*, XXVII, 63, dixerunt de eo principes sacerdotum : « Recordati sumus, quod seductor ille dixit », etc. In cruce insuper quodammodo fuit virtus, quia occisus, *Joan.*, XIX, 30 : « Inclinato capite reddidit (a) spiritum ». Ibi etiam amicum non habuit, *Isa.*, LIII, 3 : « Toreular caleavi solus, et de gentibus non fuit vir mecum ». *Psal.* LXXXVII, 19 : « Elongasti a me amicum, et proximum ». Item famulis et servitoribus in cruce caruit, *Matth.*, XXVI, 56 : « Discipuli omnes, relieto eo, fugerunt ». *Ps.* LXXXVII, 5 : « Factus sum sicut homo sine adjutorio », etc.

(a) Vulg. tradidit.

Post miraculum de clando per Petrum sano, humili locutus est Petrus, non adseriens factum sibi, sed divina virtuti, et invocationi nominis Christi. *Act.*, III, 12, 16.

Dum introisset Cesaream Petrus, obvius venit ei Cornelius, et procidens ad pedes ejus, adoravit eum; Petrus vero elevavit eum, dicens : « Surge, et ego ipse homo sum ». *Act.*, X, 26.

Audientes Paulus et Barnabas, quod homines de civitate Lystris dicebant esse deos, et ei sacrificare volebant, conseisis tunicis, exilierunt in turbas, clamantes et dicentes eis : « Viri, quid facitis ? et mortales sumus, similes vobis homines », etc. Tandem vix sedaverunt turbas, ne eis immolarent. *Act.*, XIV.

Paulus Apostolus manibus operabatur, ut haberet necessaria sibi et sociis; propter quod etiam morabatur cum Aquila et Priscilla, qui erant artis scenofactoriæ, sicut et ipse, *Act.*, XVIII. Item, *Act.*, XX, 34, dicit ipse : « Ad ea que opus erant, et iis qui meeum sunt, ministraverunt manus istæ. »

Humiliter de se sentiebat Paulus, qui in fratribus orationibus confidebat, *II Cor.*, I, 10 : « Adiuvavit vos in orationibus pro nobis ». Item orationes aliorum sollicitus postulabat, *Rom.*, XV, 30 : « Obsecro, fratres, per Dominum nostrum Jesum Christum, et per charitatem Spiritus sancti, ut adjuvetis me in orationibus ». *Et Col.*, IV, 3; et *I Thes.*, III, 6. Verbis etiam suis humilitatem veram interius indicabat, *I Cor.*, XV, 9 : « Ego sum minimus Apostolorum, qui non sum dignus vocari Apostolus », etc. *I Tim.*, I, 15 : « Christus Jesus venit in hunc mundum peccatores salvos facere, quorum primus ego sum ».

Item ad humilitatem alios sollicitus inducet, *Rom.*, XII, 16 : « Non alta sapientes, sed humilibus consentientes ». *Phil.*, II, 3 : « Et in humilitate superiores sibi invicem arbitrantur. »

CAPUT XCVIII.

De superbia.

Eva, propter appetitum excellentiæ, cum audivisset a serpente : « Eritis sicut dii », de ligno velito comedit. *Gen.*, III.

Datum est hominibus a Deo dominium super pisces, et aves, et bestias terræ, *Gen.*, I, 28 : « Dominamini pisibus maris, et volatilibus cœli », etc. Item, *Gen.*, IX, 2 : « Terror vester et tremor sit super cuncta animalia terra », etc.

Superbia volentium ædificare turrim usque ad cœlum damnata fuit per confusionem linguarum. *Gen.*, xi.

Agar ancilla Sarai, se concepisse videns, dominam suam despexit. *Gen.*, xvi, 4.

Contra gioriantes de primogenitura facit, quod Cain fuit natus ante Abel, *Gen.*, iv; et Esau ante Jacob, *Gen.*, xxv; et Judas fuit quartogenitus inter filios Israel, *Gen.*, xxix; et Manasses filius Joseph natus fuit ante Ephraim, qui tamen habuit benedictionem dexteræ, *Gen.*, xlviij; et David minimus inter fratres suos, *I Reg.*, xvi; et Adonias natus fuit ante Salomonem, *II Reg.*, iii: et sic de multis aliis.

Nimis superbe respondit Pharaon, quando dixit: « Nescio Dominum, et Israel non dimittam. » *Exod.*, v, 2.

Rebellio Core, et aliorum facta contra Moy-sen, ex superbia processerunt. Nam dixit illis Moyses: « Multum erigimini, filii Levi. » *Num.*, xvi, 7.

Percussus Abimelech vocavit armigerum suum, et ait illi: « Percute me, ne dicatur, quod a femina imperfectus sum. » *Judic.*, ix, 54.

Saul petiit a Samuele, ut eum coram senioribus populi honoraret. *I Reg.*, xiv.

Graviter fuit punitum elationis peccatum, quando David fecit populum numerari sibi subiectum. *II Reg.*, xxiv.

Libido dominandi, quam habuit Jeroboam, timens ne populus reverteretur ad domum David, fecit eum excoxitare vitulos aureos, quos fecit a populo adorari; et maluit eos recedere a vero Deo, quam a dominio suo. *III Reg.*, xii.

Amasias rex Juda debellaverat Edom, et elatus in superbiam, voluit contra Joas regem Israël præliari; sed male successit ei. *III Reg.*, xiv.

Cum roboratus esset Ozias rex Juda, elevatum est cor ejus in interitum suum, et adulere voluit incensum in templo. *II Paral.*, xxvi, 16.

Superba nimis et blasphemæ verba misit rex Assyriorum ad Ezechiam, quasi neque Deus, neque homo posset eum de manu sua liberare, *IV Reg.*, xix, 11-12.

Letatus est Ezechias, et elevatum est cor ejus in adventu(a) nuntiorum regis Babylonis, et ostendit ei omnia, quæ erant in thesauris domus suæ. *IV Reg.*, xx, 13; *II Paralip.*, xxxii, 31.

Post obtentam victoriam de Arphaxad rege Medorum, exaltatum est regnum Nabuchodon-

nosor regis Assyriorum, et cor ejus elevatum est. *Judith*, i, 7.

Nabuchodonosor superbe juravit, quod defendaret se ab illis, qui imperio suo subjugari nollet, quasi injuriam passus ab eis. *Judith*, i, 12.

Præceperat Nabuchodonosor Holopherni, ut omnes deos terræ exterminaret, ut ipse solus Deus diceretur ab iis regionibus, quæ potuissest per Holopernis potentiam subjugari. *Ju-dith*, iii, 13.

Videns superbus Aman, quod Mardochæus ipsum adorare nolebat, suavit regi, ut totus Iudeorum populus deleretur. *Esth.*, iii, 8-13.

Aman superbissimus volebat coram se genuflecti, et ab omnibus adorari. Sed notabile est, quod illa superbìa tot mala in ipso causavit, ut iratus et indignatus existeret, et omnia alia quæ habebat quasi nihilum reputaret. *Esth.*, iii et v.

Signa superbie detestatur Dominus, per Isaiam dicens: « Pro eo quod elevatus sunt filii Sion, et ambulaverunt collo extenso, » etc. *Isa.*, iii, 16.

De Nabuchodonosor intelligitur ad litteram illud *Isa.*, xiv, 13: « Dicebas in corde tuo: In cœlum condescendam, » etc.

De Moab dicitur: « Audivimus superbiam, superbis est valde, superbia ejus et arrogantia ejus, et indignatio ejus, plusquam fortitudo ejus. » *Isa.*, xvi, 6.

Quoniam elevatum fuit cor Nabuchodonosor regis Babylonis, et spiritus illius obfirmatus ad superbiam, depositus est de solio suo, et gloria ablata est ei, etc. *Dan.*, iv.

Balhasar filius Nabuchodonosor, rex Babylonis, non humiliavit cor suum, sed adversus Dominatorem cœli elevatus est; et ideo interfectus est, et Darius Medus ei successit in regnum. *Dan.*, v.

Antiochus « ascendit Hierosolymam in multitudine gravi, et intravit sanctificationem cum superbia, et accepit altare aureum, » etc. *I Mach.*, i, 22-23.

Dixerunt illi, quos dimisit Judas Machabæus ad custodium terræ, dum iret ad prælium: « Faciamus nobis nomen, et eamus pugnare adversus gentes. » *I Mach.*, v, 57.

Alcimus, qui volebat fieri sacerdos, et quidam alii iniqui ivere ad regem Demetrium, et accusaverunt Judam, et populum Iudeorum. *I Mach.*, vii, 5-6.

(a) *Cæt. edit. adventum.*

Cum vidisset Nicanor holocausta, que offendebantur a Judæis pro rege, « irridens sprevit eos, et locutus est superbe. » *I Mach.*, vii, 34.

Antiochus « existimat se præ superbia terram quidem ad navigandum, pelagus vero ad iter agendum deducturum propter mentis elationem. » *II Mach.*, v, 21.

Nicanor veniens ad pugnandum contra Judam et socios ejus, ita credebat esse securus de victoria, quod vendidit Judeos, antequam in campo videret eos. *II Mach.*, viii, 14.

Fugatus turpiter Antiochus de Perside, superbe locutus est se venturum Hierosolymam, et congeriem sepulcri Judeorum esse facturum; sed Deus percussit eum insanibili plaga. *II Mach.*, ix.

Nicanor, Judæis dicentibus: « Est Deus potens in celo, qui jussit agi septuaginta diebus: Et ego, » inquit, « potens sum super terram, qui imperio sumi arma, et negotia regis impleri. » De quo etiam subditur, quod cum summa superbia erectus, cogitavit commune trophyum statuere de Juda, a quo tamen cito postea vicius fuit. *II Mach.*, xv.

Cum dixissent discipuli: « Domine, etiam dæmonia subjiciuntur nobis in nomine tuo, » compescuit eos Dominus dicens: « Videbam Satanam quasi fulgur de celo cadentem. In hoc nolite gaudere, » etc. *Luc.*, x, 17-20.

Superbia Pharisei, quise jactabat, quod proximum contempnebat, damnatur. *Luc.*, xviii, 11-14.

Statuto die, Herodes vestitus orte regali, sedet pro tribunal, et concionabatur ad populum: populus autem acclamabat: « Voces Dei, et non hominis. » Confestim autem percussit eum Angelus Domini, eo quod non dedisset honorem Deo, et consumptus a veribus expiravit. *Act.*, xi, 21 et seq.

CAPUT XCIX.

De jactantia.

Gaal filius Obed dicebat sociis: « Quis est Abimelech, et quæ est Sichem, ut servianus ei? Utinam daret aliquis populum istum sub manu mea, ut auferrem, » etc. *Judic.*, ix, 28.

Samson leonem manibus incrinitibus laceravit, nec tamen tantam prosperitatem parentibus suis indicare voluit. *Judith*, xiv.

Goliath Philistæus exprobabat exercitui Israël, et petebat ut aliquis veniret cum eo ad singulare certamen. *I Reg.*, xvii.

Adonias filius Aggith elevabatur dicens: « Ego regnabo. » *II Reg.*, i. Sed parum duravit regnum ejus.

Benedad rex Syrie misit nuntios regi Israel, et ait: « Ille faciant mihi dii, et haec addant, si sufficerit pulvis Samariæ pugillis omnis populi, qui sequitur me. » Sed pulchre responsum est ei: « Ne glorietur accinctus æque, et discinctus, » etc. *III Reg.*, xx, 10, 11.

Grandia verba dixit Rabsaces ex parte Assyriorum, dicens: « Numquid liberaverunt de manu Assyriorum, » etc. *IV Reg.*, xviii, 33.

Holophernes dixit ad Achior: « Cum percussimus omnes quasi hominem unum, tunc et ipse cum illis Assyriorum gladio interibis. » *Judith*, vi, 8.

Aman invitatus ad convivium Esther vocavit amicos, et uxorem suam, et exposuit illis magnitudinem divitiarum suarum, et filiorum turbam, et quomodo apud reginam solus cum rego prandere debebat. *Esth.*, v. Sed nota quod suspensus fuit in crastino in eadem trabe, quam paraverat Mardochæo. *Esth.*, vii, 10.

Eliu dixit multa verba jactantie et arroganterie, *Job*, xxxxi, 18: « Ostendam vobis sapientiam, plenus sum sermonibus, » etc.

Ponit Isaías verba ipsius regis Assyriorum, dicens, *Isa.*, x: « In fortitudine manus mee feci, et in sapientia mea intellexi, » etc. « Non fuit qui moveret pennam, et aperiret os suum, et ganniret. »

De Nabuchodonosor intelligitur ad literam illud *Isa.*, xiv, 13, 14: « Dicebas in corde tuo: In celum condescendam, super astra Dei exaltabo solium meum, ero similis Altissimo. »

Per Hieremiam dicitur de Moab: « Sublimitatem ejus et arrogantiam ejus, et superbiam, et altitudinem cordis illius, ego scio, ait Dominus: jactantium, et arrogantiam ejus, et quod nou sit iuxta eam virtus ejus, » etc. *Hierem.*, xlvi, 29-30.

Nabuchodonosor rex Babylonis dixit tribus sociis Danielis, qui noblebant statuam ejus adorare: « Quis est Deus, qui vos eripiat de manu mea? » *Ban.*, iii, 15.

Deambulans in aula Babylonis Nabuchodonosor, ait: « Nonne haec est Babylon civitas magna, quam edificavi in domum regni, in robore fortitudinis meæ, et in gloria decoris mei? » Cum adhuc sermo esset in ore ejus, etc. *Dan.*, iv, 27 et seq.

Audivit Seron quod congregavit Judas eccl-

siam fidelium, et ait : « Faciam mihi nomen, et debellabo Judam. » Sed cito e contrario fuit debellatus ab illo. I Mach., iii, 14 et seq.

Demetrius filius Demetrii misit ad Jonathan, dicens : « Descende ad nos in campum, et comparemur illuc invicem, quia mecum est virtus bellorum : interroga, et addisce quis sum ego, » etc. Sed paulo post male successit ei. I Mach., x, 71 et seq.

Nicanor pugnaturus contra Judam, vocavit negotiatores, promittens se daturum pro uno talento nonaginta mancipia Judæorum. II Mach., viii, 11.

Multitudine ad arma concurrente, fugatus est turpiter Antiochus de Persepoli civitate Persidis, et superbe locutus est dicens, « ventrum se esse Hierosolymam, et congeriem sepulcri Judeorum eam facturum. » II Machab., ix, 4.

Nicanor interrogavit Judæos : « Si est potens in seculo, qui imperavit diem sabbatorum ? » Et respondentibus illis : « Est Dominus potens in celo, qui jussit agi septimam diem ; » ait : « Et ego potens sum super terram, qui impero sumi arma, et negotia regis impleri. » II Mach., xv, 3-5.

Petrus valde audacter dixit Domino : « Et si omnes scandalizati fuerint, » etc. Sed postea longe aliter accidit. Matth., xxvi; Marc., xiv; Luc., xxii; Joan., xviii.

Qui se jactant et dilatant, maxime si mentiuntur, diabolum imitantur, qui cum ante dixisset Domino : « Tibi dabo potestatem hanc, » etc., dixit : « Omnia regna mundi mihi tradita sunt, et cui volo, do illa. » Luc., iv, 6.

Contra jactantes se et arrogantes inducit Dominus exemplum illius Pharisæi dicentes : « Non sum sicut cæteri homines, » etc., « velut et hic Publicanus, » etc., Luc., xviii, 11.

Magnæ arrogantiae verbum dixerunt Pharisæi cœco nato, quem Dominus illuminaverat, et illos rationabiliter confundebat : « In peccatis natus es totus, et tu doces nos ! » Joan., ix, 34.

Arroganter nimis dixit Salvatori Pilatus : « Nescis quia potestatem habeo dimittere te ? » Joan., xix, 10.

CAPUT C.

De electionibus.

Consilio Jethro, sacerdotis Madian, Moyses usus humiliter, elegit judices, seu prælatos minores, viros potentes et timentes Dominum,

in quibus erat veritas, et qui oderant avaritiam. Exod., xviii, 21 et seq.

Præcepit Dominus Moysi, ut tolleret duodecim virgas juxta numerum tribuum filiorum Israel ; nomen autem Aaron erat in tribu Levi : quas cum posuisset in tabernaculo, sequenti die invenit virgam Aaron germinasse, etc. Num., xvii, 2-8.

Volens Moyses uelisci Israel de Madianitis, ait : « Mille viri de singulis tribubus eligantur, qui mittantur ad bellum. » Num., xxxi, 4.

Moyses advertens se juxta mandatum Domini moriturum, oravit devote Dominum, et dixit : « Provideat Dominus Deus spirituum omnis carnis hominem, qui sit super multitudinem hanc, » etc. Ordinavit autem Dominus, quod Iosue filius Nun esset successor ipsius, et dux populi loco ejus. Num., xxvii.

Post mortem Iosue, consuluerunt filii Israel Dominum, dicentes : « Quis ascendet ante nos, et erit dux belli ? » Dixitque Dominus : « Judas ascendet. » Judic., i, 1-2.

Videntes filii Israel, quod Gedeon strenue pro eis pugnaverat, dixerunt omnes ad eum : « Dominae tu nostri, etc. Judic., viii, 22.

Majores natu de Galaad perrexerunt ad Jephite, dixeruntque ad eum : « Veni et esto princeps noster, et pugna contra filios Ammon. » Judic., xi, 6.

Erat vir de Benjamin nomine Cis, et ei filius vocabulo Saul, electus et bonus, et non erat vir de filiis Israel melior illo : hunc revelavit Dominus Samueli eligendum fore, et inungendum regem super populum Israel. I Reg., ix.

De mandato Domini speciali ivit Samuel in Bethlehem, et unxit David filium Isai in regem super Israel, I Reg., xvi. Mortuo autem Saule, venerunt viri de tribu Juda, et unixerunt eum super se in regem, II Reg., ii. Deinde universæ tribus Israel venerunt ad eum, et uncus est in regem super totum populum Israel, II Reg., v. Unde ipse dixit in Ps. LXXVII, 70 : « Elegit David servum suum. » I Paral., xxviii, 4 : « Placuit Dominus, ut me eligeret regem super cunctum Israel. »

Appropinquans morti David, dixit majoribus : « De filiis meis elegit Dominus Salomonem, ut sederet in throno regni Domini super Israel. » I Paral., xxviii, 5.

Terribili judicio Dei assumptus fuit Jeroboam, ut esset rex super decem tribus Israel, et tamen occasio fuit populo recedendi a Deo, III Reg., xi et xii.

Scripsit Jehu litteras, et misit in Samariam ad optimates civitatis, etc., dicens : « Elige meliorum, et eum quem vobis placuerit de filiis domini vestri, et ponite eum super solium patris sui, et pugnate pro domo domini vestri. » IV Reg., x, 3.

Congregati sunt omnes amici Iudeæ, et dixerunt Jonathæ : « Ex quo frater tuus Judas mortuus est, vir similis non est ei; nunc itaque te elegimus hodie pro eo esse nobis principem, et ducem ad bellandum bellum nostrum. » I Mach., ix, 30.

« Vocavit Dominus Jesus discipulos suos, et elegit duodecim ex ipsis, quos et Apostolos appellavit : Simonem, quem cognominavit Petrum, » etc. Luc., vi, 13 et seq.

Post ascensionem Domini, discipuli statuerunt duos, Joseph, et Matthiam, et orantes dixerunt : « Tu, Domine, qui nosti corda omnium, ostende quem elegeris ex his duobus unum, accipere in locum ministerii hujus et apostolatus, » etc. Act., i, 24 et 25.

Sermo quem dixerunt Apostoli, « placuit omni multitudini : et elegerunt Stephanum virum plenum fidei et Spiritu sancto, et Philippum, » etc. Act., vi, 5.

Ministrantibus discipulis Domino, et jejunantibus, dixit illis Spiritus sanctus : « Segregate mihi Paulum et Barnabam in opus, ad quod assumpsi eos. » Act., xiii, 2.

CAPUT CI.

De bonis Principibibus et Prælatiis.

Bonus prælatus Moyses multoties intravit ad Pharaonem pro causa populi, ut eum liberaret de Ægyptiaca servitute. Exod., vi, vii, viii, ix et x.

Populum timentem confortavit Moyses, dicens : « Nolite timere, Dominus pugnabit pro vobis, et vos tacebitis. » Ore quidem verba dicebat, sed corde Dominum exorabat, sicut apparuit ibi, Exod., xiv, 14.

Clamabat pro populo Moyses ad Dominum, quando murmurabat populus contra eum. Exod., xv.

Omnia debet retorquere ad Deum bonus Prælatus : unde dicebat Moyses, Exod., xvi, 8 : « Nec contra nos est murmur vestrum, sed contra Dominum : nos enim quid sumus ? »

Cum pugnaret Amalech contra Israel, non ivit Moyses ad prælatum, sed tantum misit Josue

famulum suum, et tamen erat ex parte ipsius justissimum bellum. Ipse vero stans in vertice montis, ad orandum Dominum se convertit. Exod., xvii.

Recessurus Moyses a populo, et iterus ad montem, bonos vicarios dereliquit, videlicet Aaron et Ur. Exod., xxiv.

Videbatur Dominus velle confundere populum peccatorem, et promitterebat magnum statum, vel honorem ipsi : et tamen Moyses pro populo incessanter orabat, Exod., xxxii. Et non tanta severitate populum punivit, pro quo tam instanter oravit.

Moyses distribuit Levitis duodecim boves, et sex plaustra, quæ obtulerant principes tribuum filiorum Israel; sed nullum dedit filiis Caath, licet essent ei magis propinquui, quia propriis humeris onera portare debebant. Num., vii.

Desiderabat Moyses, quod omnes de populo prophetarent, licet honor suus in hoc minui videretur. Num., xi.

Post redditum exploratorum, dixit Dominus ad Moysen, Num., xiv, 11 : « Usquequo detrahit mihi populus iste ? Feriam igitur eos pestilentia, te autem faciam principem super gentem magnam et fortiorem, quam haec est. » Sed noluit Moyses ad majorem prælationem transferri.

Pereunte populo pro murmure et tumultu, quos faciebant contra Moysen et Aaron, dixit Moyses ad Aaron : « Tolle thuribulum, et hausto igne de altari mitte incensum, pergens cito ad populum, ut roges pro eis, » etc. Num., xvi, 46. ¶ Moriturus Moyses sollicite rogavit Dominum, ut populo de duce idoneo provideret; nullum vero in speciali voluit nominare. Num., xxvii.

« Servit Israel Domino cunctis diebus Iosue, » etc. Bonus enim prælatus multum confert ad populum in manu Domini dirigendum. Iosue, xxiv, 31.

Samuel judicabat Israel, et ibat circumiens Bethel, et Galgala, et Maspeth, ut homines, qui eo indigebant, facilius ad eum possent habere accessum. I Reg., vii.

Dixit Samuel ad populum : « Absit a me hoc peccatum, ut cessem pro vobis orare, et docebo vos viam rectam, et bonam. » I Reg., xii, 23.

Videns David Angelum percutientem populum, obtulit se pro eo percutiendum, II Reg., xxiv, 17 : « Vertatur, obsecro, manus tua contra me, » etc.

Audivit omnis Israel judicium, quod judicasset Salomon rex de duabus mulieribus : et

timuerunt regem, videntes sapientiam Dei esse in illo. III Reg., iii, 28.

Signum est, quod Deus diligit populum, cum dat ei bonum prælatum. Unde dixit regina Saba Salomonis: « Quia diligit Deus Israel, ideo posuit te regem super eum, ut facias judicium atque iustitiam. » II Paral., ix, 8.

Voluit Dominus tradere regem Syrie in manus regis Israel, et mandavit ei per prophetam, quod ipse rex debebat incipere prælari¹. III Reg., xxii, 15, et II Paral., xviii, 16.

Ezechias rex Juda fecit serpentem æneum confringi, eo quod esset populo idolatriæ occasio. IV Reg., xviii.

Josaphat rex Juda constituit judices super populum, et eos valde fideliter et prudenter instruxit, II Paral., xix, 6: « Videte, » inquit, « quid faciatis, » etc.

Perrexerunt cursores cum epistolis ex regis Ezechiae imperio, et principum ejus, in universum Israel et Judam, prædicantes: « Revertimini ad Dominum, » etc. II Paral., xxx, 6.

Orante Esdra, et flente pro transgressione populi, collectus est ad eum cœtus magnus virorum ac inulierum, et elevit populus multo fletu ad exemplum istius. I Esdr., x, 1.

Audiens Holopernis potentiam Eliachim magnus sacerdos, circuivit omnem Israel, allocutusque est eos dicens: « Scitote quoniam exaudiet Dominus preces vestras, » etc. Sicque populum bonis exhortationibus confortabat. Judith, iv, 12.

Bonus prælatus debet esse quasi pater populi sibi commissi. Nam de Eliachim, quem substituit Dominus loco Sobnae, dicitur, Isa., xxii, 21: « Erit quasi pater habitantibus Hierusalem. »

Mortuo Juda Machabæo, emiserunt iniqui in omnibus finibus Israel, et exorti sunt omnes, qui operabantur iniquitatem. In diebus illis facta est famæ, etc. I Mach., ix.

Cum crederetur occidisse Jonathas a Tryphone, quæsierunt omnes gentes, quæ erant in circuitu eorum, conterere eos. Dixerunt enim: « Non habent principem, et adjutorem: nunc ergo expugnemus illos, et tollamus ex hominibus memoriam eorum. » I Mach., xii, 54.

Causa pacis, et boni status sanctæ civitatis, pulchre dicitur fuisse prudentia et pietas Onias summi sacerdotis, et bonitas subditorum. II Mach., iii.

Bene restitui Onias Heliodoro volenti spoliare

¹ Ita edit. Vatic. et Venet. Sed erravit profecto hoc loco vel auctor, vel editor.

templum, et deposita viduarum ac pupillorum auferre. II Mach., iii.

Salvator noster Dominus Jesus Christus, ubi se bonum pastorem dicit, statim causam subiungit, dicens, Joan., x, 41: « Bonus pastor animam suam dat pro ovibus suis; » et post pauca, 45: « Animam meam pono pro ovibus meis. » In quo intelliges quid exigitur ad hoc quod aliquis bonus pastor vocari mereatur.

Quando Salvator noster post resurrectionem suam voluit gregem Ecclesiæ Petro committere, primo examinavit eum, seu probavit, dicens, Joan., xxi, 15: « Simon Joannis, diligis me plus his? » Et nota quod examinavit eum de dilectione, non de cognitione; de practica, non de theoria; de facto, non de jure. Item non solum interrogavit eum, si simpliciter eum diligebat. Item nota, quod ter dixit ei: « Pasce. » Notandum: bonus enim prælatus commissum sibi gregem debet pascere exemplo, verbo, et temporali subsidio.

Videns Petrus Judæos admirantes, et male de discipulis sentientes, elevavit vocem suam, et locutus est eis: « Viri Judei, » etc. Ubi gregem constanter defendit, et adversarios salubriter superavit. Act., ii.

Considerari potest hic de Paulo Apostolo eximiae bonitatis prælato.

Ad bonum enim prælatum specialiter et summe pertinet dilectio, quam habere debet ad suos, sicut diligebat ille pastor optimus, princeps pastorum, qui posuit animam suam pro ovibus suis; qui cum dilexisset suos, in finem dilexit eos. Paulus autem miro modo hac dilectione fervebat; unde dicebat, II Cor., xii, 15: « Ego libentissime impendam, et superimpendar ipse pro animabus vestris, licet plus vos diligens, minus diligat a vobis. » Item, Philip., iv, 1: « Fratres mei carissimi, » etc.

Item debet esse in eo scientia Scripturarum, Sap., vi, 23: « Diligite lumen sapientie, qui præstis populis. » Alioquin non posset lepram discernere, vel commissum sibi populum iudicare. Ipse vero Paulus Apostolus de divinis, et similiter etiam de humanis veram et excellentissimam notionem, seu cognitionem habebat: qui parvulis in Christo lac potum dabat, et inter perfectos sapientiam loquebatur, I Cor., ii, 6; iii, 2, quippe qui raptus usque ad tertium celum, et audivit ibi arcana verba, quæ non licet homini loqui. II Cor., xii, 4.

Ex amore vero subditorum et notitia Scriptu-

rarum sollicitudo in presidente causatur, *Rom.*, xii, 8 : « Qui praeest in sollicitudine. » Quia quidem sollicitudine Paulus proximos ardenter hortabatur; propter (a) quod ait, *Il Cor.*, xi, 28 : « Preter illa quae extrinsecus sunt, instantia mea quotidiana, sollicitudo omnium Ecclesiarum. » Item, *Colos.*, ii, 1 : « Volo vos scire qualam sollicitudinem habeam pro vobis. »

Ex tribus praedictis debet sequi instructio imperitorum; unde promittit Dominus, *Jerem.*, iii, 15 : « Dabo pastores vobis iuxta cor meum, qui pascent vos scientia et doctrina, » juxta illud quod dixit Artaxerxes rex Esdræ, et iudicibus populi : « Imperitos docete libere, » *I Esdr.*, vii, 25. Et hoc profecto lique fecisse Paulum Doctorem gentium, qui verbo vel scripto docuit universum mundum. *I Tim.*, ii, 7 : « Doctor gentium in fide et veritate. » *Il Cor.*, ii, 14, 16 : « Odorem sue notitiae Deus per nos manifestat in omni loco: et ad hoc quis tam idoneus? »

Debet etiam bonus praefatus officia disponere inter subditos, ordinare, sicut Moyses, qui consilio Jethro instituit in populo centuriones, quinquagenarios, et decanos. Paulus quoque in Ecclesia similia faciebat, *Il Cor.*, xi, 34 : « Cælera, cum venero, disponam. » Propter quod dicebat, *Tit.*, i, 5 : « Reliqui te Creto, ut quæ desunt, corrigas, et constituas per civitates presbyteros, sicut ego disposui tibi. »

Item debet pusillanimes, et timidos animare, sicut fecit Moyses, quando dixit populo pavescenti, *Exod.*, xiv, 14 : « Nolite timere, Dominus pugnabit pro vobis. » Et utique Paulus faciebat, *Eph.*, vi, 10 : « Confortamini in Domino, et in potentia virtutis ejus, induite vos armaturam Dei, » etc. *Hebr.*, xii, 3 : « Recognitat eum, qui talem sustinuit adversus semel ipsum a peccatoribus contradictionem, ut non fatigemini animis vestris deficientes. »

Item in bono praefato debet esse defensio oppressorum, sicut Onias summus sacerdos, qui constanter restituit Iliodoro volenti templum Domini spoliare, *Il Mach.*, iii. Quam viriliter autem Paulus restituit pseudo-apostolis et Judæis, patet, *Act.*, xiii, et deinceps usque ad finem. *Il Cor.*, xi, 21 : « In quo quis audet, audeo et ego. » Et ideo dicebat se pugnare, *Il Cor.*, ix, 26 : « Sic pugno, non quasi aerem

verberans. » *Il Tim.*, iv, 7 : « Bonum certamen certavi. »

Præterea consolatio afflictorum, velut Eliechim, cum Holophernes Bethuliam obsedit, *Judith*, iv. Paulus autem non erat inferior in hac parte; unde ait, *Il Cor.*, 1, 1, 2 : « Benedictus Deus et pater Domini nostri Jesu Christi, pater misericordiarum, et Deus totius consolationis, qui consolatur nos in omni tribulatione nostra, ut possimus et ipsi consolari eos, qui in omni pressura sunt. » *Hebr.*, xiii: « Rogo vos, fratres, ut sufferatis verbum solatii. » Verba vero consolatoria habuit maxime: *ad Phil.*, penses et *Thessalonicenses*, sicut patet intentu.

Debet insuper bonus praefatus pigros et tepidos excitare; quod fecit patriarcha Jacob, qui audiens, quod alimenta vendebantur in Aegypto, dixit filiis suis, *G.n.*, xlvi, 2 : « Quare negligitis? » etc. Et hoc strenuus et vigil Paulus optimè neverat facere, *Rom.*, xiii, 11 : « Hora est jam nos de somno surgere. » Item, *Ephes.*, v, 14 : « Surge, qui dormis, et exurge a mortuis, et illuminabit te Christus: » Et *Il Tim.*, 1, 6 : « Admoneo te, ut resuscites gratiam Dei, quæ est in te per impositionem manuum mearum. »

Item debet indigentibus, pro possibilitate sua, quantum ad necessaria subvenire: exemplum est de hoc in Eliseo, qui panes fecit distribui filiis prophetarum, *IV Reg.*, iv. Quod etiam Paulus diligenter implebat, memor illius verbi Domini: « Beatus est magis dare, quam accipere, » prout ipse refert, *Act.*, xx, 35. Quando vero non habebat quid dare posset, ab aliis sollicite procurabat; et hoc apparet, *Il Cor.*, xvi, 1 : « De collectis autem, » etc. Item, *Il Cor.*, ix, 6 : « Qui parce semiat, parce metet. »

Item ad eum pertinet superbos et tumidos refranare et humiliare; quod volens facere Moyses, increpando dicebat, *Num.*, xvi, 7 : « Multum erigimini, filii Levi. » Samuel etiam dixit Sauli, *I Reg.*, xv, 19 : « Quare non audisti vocem Domini? » etc. In hac autem arte Paulus erat valde peritus; unde, *Il Cor.*, iv, 19 : « Tantum non venturus sim ad vos, sic inflati sunt quidam. Veniam autem cito, et cognosciam non sermonem eorum, qui inflati sunt, sed virtutem. » *I Tim.*, vi, 17 : « Divitibus hujus sæculi præcipie non sublime sapere, » etc.

Rursus etiam bonus praefatus distantes, et ad eum accedere non valentes debet personaliter

(a) *Cæl. edit.* per.

visitare : quod Samuel adimplebat, qui ibat circuens Bethel et Galgala, et Masphat, et iudicabat Israelem, I Reg., vii. Et quis hoc exercevit sicut Paulus, qui ab Hierusalem usque ad Illyricum mare replevit Evangelium Christi, Rom., xv, 19, ita quod vitam suam quemdam cursum vocabat? I Cor., ix, 26: « Sic corro, non quasi in incertum. » II Tim., iv, 7: « Cursum consummavi. »

Item debet delinquentes et transgressores punire, sicut fecit Moyses, quando populus vitulum conflatilem adoravit, Exod., xxxii. In hac etiam parte Paulus negligens non erat; dicebat enim, II Cor., x, 4: « Arma militiae nostra non sunt carnalia, sed potentia Deo, in promptu habentes ulcisci inobedientiam. » Item, I Cor., iv, 21: « In virga veniam ad vos, an in spiritu mansuetudinis? »

Item bonus p̄ealtus debet contumaces de populo, et pestiferos extirpare, sicut fecit Moyses de Core, et iis qui adhæserunt ei, Num., xvi, 16: « Tu, » inquit, « et omnis congregatio tua, state seorsum. » Deinde dixit aliis, 26: « Recepite a tabernaculis impiorum. » Paulus autem de illo, qui tenebat novercam suam, ait, I Cor., v, 5: « Ego judicavi hujusmodi tradere Satanæ in interitum carnis. » Et post, 7: « Expurgate vetus fermentum, » etc. Hymenæum et Alexandrum tradidit Satanæ, ut discerent non blasphemare, I Tim., i, 20.

Postremo debet pro universis orare. Sic faciebat Moyses, Exod., xxxii, 11: « Moyses orabat Dominum, » etc. Et Samuel, I Reg., xii, 23: « Absit a me hoc peccatum, ut cessem orare pro vobis. » Hoc autem Paulus diligentissime implebat. Rom., i, 9-10: « Sine intermissione memoriam vestri facio semper in orationibus meis. » Et II Thess., i, 11: « Oramus semper pro vobis, ut Deus dignetur vos vocare vocatione, » etc. Item hoc ipsum hortatur fieri, dicens, I Tim., ii, 4: « Obsecro primum omnium fieri obsecrationes, orationes, » etc.

CAPUT CII.

De malis Principib⁹ et Prælatis.

P̄ecepit Dominus Moysi dicens: « Tolle principes populi, et suspende eos contra solem in patibulis. » Num., xxv, 4.

Dixit Moyses ad Aaron, Exod., xxxii, 21: « Quid tibi fecit hic populus, ut induceres super eum peccatum maximum? » Quasi multum pec-

caret p̄ealtus in subditos, quando malæ eorum acquiesceret voluntati.

Male corripuit Heli filios suos; quod multum displicuit Domino, I Reg., ii: et tamen corripuit eos verbo; sed lente, non viriliter et severe. Quid ergo de illis, qui in malis favent eis, vel qui dant eis occasionem peccandi?

Etiam malis p̄ealtatis debent deferre subditi: sicut David, qui percussit cor suum, quia p̄eiderat oram chlamydis Saulis (a), neque aliud malum voluit facere ei, I Reg., xxiv.

Totum pondus p̄ealii versum est in Saul, unde cecidit in prælio, et occisus fuit, I Reg., xxxi.

Propter peccatum, quod commisit David in numeratione populi, mortui sunt ex populo septuaginta millia virorum, II Reg., xxiv.

Quia Roboam populum nimis gravare voluit, magnam partem ejus amisit, III Reg., xii.

Occasione dedit Jeroboam populo reddendi a cultu Dei, quando vitulos fecit, et eos adorari p̄ecepit. III Reg., xiii.

Propter malos p̄ealtatos interdum subditi temporaliter affliguntur; unde dixit Elias ad Achab: « Tu conturbas populum Israel, et domus patris tui, » etc. III Reg., xviii, 17.

Rex Syria p̄ecepit principibus curruum suorum: « Non pugnabitis contra majorem, et minorē quempiam, nisi contra regem Israel solum. » Ille autem erat Achab nequissimus. III Reg., xxn, 31.

Manasses seduxit Judam et habitatores Hierusalem, ut facerent malum super omnes gentes, quas subverterat Dominus a facie filiorum Israel, II Paral., xxxix, 9.

Malorum p̄ealtatorum in Hierusalem habitantium conditiones expressit Isaías dicens: « Principes tui infideles sunt, socii furum; omnes diligunt munera, sequuntur retributions, » etc. Isa., i, 23.

De Nabuchodonosor principe pessimo dicitur, Isa., xiv, 20: « Tu terram tuam dispersisti, tu populum tuum occidisti, » etc.

Sobna p̄epositus templi credebat in Hierusalem diu vivere, et mori, et honorifice sepeliri; sed mandavit ei Dominus: « Quid tu hic, aut quasi quis hic, » etc. Et post pauca sequitur: « Expellam te de statione tua, » etc. Isa., xxxi, 16, 19. Et nota, quod ille Sobna videtur fuisse de illis, qui dicebant paulo ante, 13: « Comeamus et bibamus, cras enim moriemur. »

(a) *Cat. edit.* illius.

Sedecias rex Juda dixit principibus Jeremiam occidi potentibus; « Ecce in manibus vestris est. Non enim fas est regem aliquid vobis negare. » *Jerem.*, xxxviii, 5.

Contra malos prophetas et prælatos dixit Dominus, *Ezech.*, xiiii, 8: « Non ascendistis ex adverso, non opposuistis murum pro domo Israël, ut staretis in prælio in die Domini. »

Malis prælatis dominios per Ezechiælem comminatur, dicens, *Ezech.*, xxxiv, 1: « Vae (a) pastoribus Israel, qui pasebant semetipcos. Nonne greges paseuntur a pastoribus? » Postea statim describitur actus malorum pastorum: « Lac, » inquit, « comedebatis, et laicos operiebamini; et quod crassum erat, oecidebatis; gregem autem meum non pasebatis, quod infirmum fuit non consolidastis, et ægrotum non sanastis, quod fractum est non alligastis, et quod abjectum est non reduxistis, quod perierat non quæsivistis; sed cum austerioritate imperabatis eis, et cum potentia, » etc.

Mali fuerunt illi presbyteri, qui condemnabant Susannam ad mortem, eo quod noluit consentire illis, cum ex hoc magis meruisset laudari. *Dan.*, xiii.

Rex Demetrius Alcimum proditorem impium constituit iu sacerdotio, et mandavit ei facere ultionem in filios Israel, I *Mach.*, viii, 9.

Elegit Bacchides viros impios, et constituit eos dominos regionis, et expugnabant amicos Judei, et adduecebant eos ad Bacchidem, etc., I *Mach.*, ix, 25.

Jason frater Oniae, qui summum sacerdotium emit ab Antiocho, statim ut obtinuit principatum, ad gentilem ritum contributes suos transferre coepit. II *Mach.*, iv, 10.

Proprietates malorum prælatorum bene tangit Dominus Jesus. *Math.*, xxiiii, 2 et seq. « Super cathedram Moysi sederunt Scribæ et Pharisæi, » etc. « Dicunt et non faciunt. Alligant autem onera gravia, » etc. Sequitur: « Clauditis regnum cœlorum ante homines, et vos non intratis, » etc. Item, *Joan.*, x, 12, 13: « Mercenarius, et qui non est pastor, videt lupum venientem, et dimittit oves, et fugit, » etc. « Non pertinet ad eum de ovibus, » sed curat tantum de velleribus.

Sciebat Pilatus, quod Judæi per invidiam Dominum tradidissent; sciebat eum innocentem: tamen propter favorem populi, et timo-

rem Cæsaris, tradidit illum voluntati eorum. *Matth.*, xxvii, 26.

Principes sacerdotum, vocantes Petrum et Joannem, denuntiaverunt eis, ne omnino loquerentur, nec docerent in nomine Jesu. *Act.*, iv, 18.

Videns princeps sacerdotum multa signa per Apostolos fieri, exurgens ipse, et omnes qui cum eo erant, injecerunt manus in Apostolos, et posuerunt eos in custodia sua publica. Angelus autem Domini eduxit eos: tunc abiit magistratus cum ministris, et adduxerunt illos, et post multa concilia vocaverunt Apostolos, et cæsis denuntiaverunt, ut amplius non loquerentur in nomine Jesu. *Act.*, v.

Raptus fuit Stephanus a Judæis, et adductus in concilium; cumque falsa objicerent ei, principes sacerdotum dixerunt ei, si haec ita se haberent. Qui cum fideliter se excusaret, et duritiam Judeorum acriter increparet, lapidatus est ab eis, præfato principe nullam displicentiam ostendente. *Act.*, vi et vii.

Productus Paulus in concilium copit rationabiliter loqui; sed ad primum verbum, quod dixit, princeps sacerdotum præcepit eum percuti: tunc Paulus dixit: « Percutiet te Dominus, paries dealbate, et tu sedens judicas me secundum legem, et contra legem jubes me percuti. *Act.*, xxiii, 3.

Malos presides et iniquos habuit Paulus Felicem et Festum, qui volebant gratiam Judæis præstare; et idcirco compulsus est Cæsarem appellare. *Act.*, xxv.

C A P U T C III.

De ambitiosis.

Locula est Maria et Aaron contra Moysen, et dixerunt: « Nonne et nobis similiter locutus est Dominus? » Per haec verba videbantur ambire ducatum populi. *Num.*, xiiii, 2.

Core et complices sui anhelantes ad regnum populi, coperperunt ipsum populum commendare, Moysen vero et Aaron accusare, dicentes: « Sufficiat vobis, quod omnis multitudo sanctorum est, et in ipsis est Dominus: cur elevamini super populum Domini? » *Num.*, xvi, 3.

Abimelech filius Gedeonis callide procuravit se eligi per amicos ex parte matris sue; sed postea pessime successit ultrisque. *Judic.*, ix.

Parabola illa, quam proposuit Jonathanum, quod oliva, vitis et ficus noluerunt super ligna

(a) *Cat. cit. De.*

aceipere principatum, rhamnus vero, arbor modica et vilis, regnum usurpare præsumpsit, potest ad ambitiosos aptari. *Judic.*, ix.

Dicebat Gaal filius Obed, *Judic.*, ix: « Ultimam daret aliquis populum istum sub manu mea, ut auferrem de medio Abimelech. »

Absalom hominibus ad judicium regis David venientibus blandiendo, detrahendo simul, et ambiendo dicebat: « Videntur mihi sermones tui boni et justi; sed non est qui te audiat constitutus a rege. Quis me constitutus judicem super terram? » etc. Sed nola quomodo accidit ei postea. » *III Reg.*, xv, xvi et xviii.

Adonias filius Aggith elevabatur dicens: « Ego regnabo. » *III Reg.*, i, 5.

Dixit Ahias ad Jeroboam: « Regnabis super omnia, quæ desiderat anima tua. » Sed adeptus regnum super decem tribus Israel, pessime se habuit. *III Reg.*, xi, 37.

Zambri videns Hela dominum suum regem Israel temulentum, occidit eum, et regnavit post eum diebus septem. *III Reg.*, xvi, 10.

Athalia mater Ochozie, regis Juda, videns esse mortuum filium suum, in tantam exarsit libidinem dominandi, quod interfecit omne semen regium, excepto Joas, qui fuit a sorore Ochozie furtive sublatus. *IV Reg.*, xi.

Sellum filius Jabel conjuravit contra Zachariam regem Israel, dominum suum, et interfecit eum, et regnavit pro eo uno mense. *IV Reg.*, xv.

Nabuchodonosor rex Assyriorum vocavit duces bellatores suos, dixitque cogitationem suam esse, ut omnem terram suo subjugaret imperio. *Judith*, ii.

Ambitiosi et superbi plus affliguntur de paucis, qui eos præcedunt, vel eis non obediunt, quam hætentur de multis, qui eis subsequuntur; unde superbus Aman, qui erat secundus a rege, et filios, et divitias multas habebat, nihil se habere reputabat, quandiu vidiit Mardoniam ante fines regias. *Esth.*, v, 9.

Audit Seron, quod congregavit Judas ecclesiæ fidelium, et ait: « Faciam mihi nomen, et glorificabor in regno, et debellabo Judam. » Sed ipse cito fuit debellatus a Juda. *I Mach.*, iii.

Alcimus, qui volebat fieri sacerdos summus, et quidam alii iniqui de populo Judæorum, venerunt ad regem Demetrium, dicentes ei: « Perdidit Judas, et fratres ejus, amicos tuos, et nos disperserunt de terra nostra, » etc. *I Machab.*, vii.

Ptolemæus rex Ægypti voluit dolo obtinere regnum Alexandri, et tandem oblinuit, Alexander devicto, et in Arabiam fugato; et abstulit Zabdil Arabs caput Alexandri, et misit Ptolemaeo, qui parum gavisus est, quia die tertio mortuus est. *I Machab.*, xi.

Ptolemeus filius Abobi habebat argentum et aurum multum; et exaltatum est cor ejus, et volebat obtinere regionem, et quasi occasione haec proditorie occidit Simonem sacerdotem, et duos filios ejus. *I Machab.*, xv.

Ambiebat Jason frater Onias summum sacerdotium, et propter hoc adiit regem Antiochum Nobilem, promittens trecenta sexaginta argenti talenta, et multa alia, *II Machab.*, iv. Quod cum rex annuisset, modico tempore sacerdotii honore functus est, quia Menelaus, quem misit ad Antiochum, retrorsit ad se summum sacerdotium: qui etiam cito fuit amotus, et Lysimachus, frater ejus, loco ejus substitutus. *II Machab.*, iv.

Cum vidisset Simon, quod per impositionem manus apostolorum daretur Spiritus sanctus, obtulit eis pecuniam, dicens: « Date mihi hanc potestatem, ut cuicunque imposuero manus, accipiat Spiritum sanctum. » Petrus antea dixit ei: « Pecunia tua tecum sit in perditionem. » *Act.*, viii.

CAPUT CIV.

De tentatione Diaboli.

Serpens callidus ad tentandum, id est diabolus in serpente, humanum genus ex parte debiliiori et ad peccatum proniori, aggressus est: non enim Adam prius tentavit, sed Hevam. Item explorando a longe incœpit, non statim comedere vetum fructum ex abrupto suscit. Item negavit peccatum securitatem pro mandati transgressione, et magna bona asseruit affutura pro una tali comedione. Item non tentavit mulierem de peccatis, ad quæ nullam inclinationem habebat, sed de comedione suavis fructus, et sapidi, et curiositate sciendi, et de dignitate majori. *Gen.*, iii.

Spiritus mendax frequenter in tentatione mentionitur; unde dixit Hevæ: « Nequaquam moriemini. » *Gen.*, iii, 4.

Item dixit Domino Salvatori, cum ostendisset ei omnia regna mundi: « Mihi tradita sunt omnia, et cui volo do illa. » *Lue.*, iv, 6.

Item Scripturam sacram interdum perverse

allegat: dixit enim Domino : « Angelis(a), » etc.
Matth., iv.

Cum surrexisset Satan contra Israel, incitavit David, ut numeraret Israel. *I Paral.*, xxi.

Pctivit Satan a Domino, ut Job tangeretur in liberis, et rebus, et persona: in quo potest notari calliditas, malignitas, et infirmitas inimici. *Job*, i et ii.

Non expedit tentationes suas revelare homini, quem credit tentari de simili peccato; sed magis alicui discreto et sancto, qui eum confortet in bono: unde duo senes, quando sibi invicem concupiscentiam indicaverunt, pejus provocati fuerunt. *Dan.*, xiii.

Tentatio Domini nos instruit ad vincendum omne genus temptationis; fuit enim tentatus de tribus, ad quæ omnia possunt tentamenta reduci. Et nota, quod non per potentiam, sed per Scripturam vicit tentatorem. *Matth.*, iv; *Luc.*, iv.

Ait Dominus Simoni Petro, instante passione sua: « Ecce Satanus expetivit vos, ut cibraret sicut triticum; ego autem rogavi pro te, » etc. *Luc.*, xxii, 31, 32.

Diabolus immisit in cor Iudeæ, ut traderet Dominum Christum. *Joan.*, xiii, 2.

Dixit Petrus Ananice: « Cur tentavit Satanus cor tuum mentiri te Spiritui sancto, et fraudare de pretio agri? » *Act.*, v, 3.

CAPUT CV.

De peccato in generali, et variis paenit, quæ ex peccato sequuntur.

Quod peccatum causet in homine erubescitiam, patet per hoc, quod in statu innocentiae erant primi parentes nudi, et non erubescabant; post peccatum vero statim sibi operimenta fecerunt. *Gen.*, ii et iii.

Peccatum infatuat peccatorem: unde Adam post peccatum credebat se abscondere a facie Domini. *Gen.*, iii.

Hec peccatum facit hominem timidum. Unde Adam, postquam peccaverat, dixit: « Timui, eo quod nudus essem, et abscondi me. » *Gen.*, iii, 10.

Enormitas sceleris clamat pro vindicta ad aures Dei, *Gen.*, iv, 10: « Vox sanguinis fratris tui, » etc. *Gen.*, xviii, 20: « Clamor Sodomorum, » etc.

Eiam poena temporali punit Dominus quan-

doque peccatum, ut patet in Adam et Heva, *Gen.*, iii; et in Cain, *Gen.*, iv; in Sodomitis, *Gen.*, xix; item in filiis Israel multoties. Item *Joann.*, v, 14: « Jam noli peccare, ne deterius tibi aliquid contingat. »

Pharao proper peccatum recognoscebat se a Domino flagellatum, dicens, *Exod.*, x, 16: « Peccavi in Dominum, et in vos. »

Fecerunt filii Israel malum in conspectu Domini: iratusque Dominus tradidit eos in manus diripientium, qui ceperunt eos, et vendiderunt hostibus. *Judic.*, ii, 14.

Peccatum ipsum peccatorem quiescere non facit; unde percussit eum cor David, postquam numeratus est populus. *II Reg.*, xxiv, 10.

Salomonem sapientissimum peccatum infatuavit, *III Reg.*, xi. Ipsius etiam famam maculavit, *Eccli.*, xlvi, 22: « Deditis maculam in gloria tua. »

Postquam Joram rex Juda cœpit ambulare per vias regum Israel pessimas, recessit Edom ab eo, et noluit ei solvere tributum consuetum, *III Reg.*, viii, 20.

« Dereliquerunt filii Israel præcepta Domini, et ficerunt sibi deos conflatiles, servieruntque Baal, » etc. Sequitur: « Translatus est Israel de terra sua. » *IV Reg.*, xvi, 16, 23.

Factum est verbum Domini contra Judam, ut auferret eum coram se, proper peccata quæ fecit Manasses, et proper sanguinem innoxium, quem effudit, etc. *IV Reg.*, xxiv, 4.

« Deserta est Hierusalem, et omnes urbes Juda, et non est habitator in eis, proper malitiam quam fecerunt, ut me ad iracundiam provocaret. » Consecutio, non causaliter intelligi debet. *Hier.*, xliv, 3.

Tanta est gravitas peccati, quod dicitur, *Hierem.*, xliv, 22: « Non poterat Dominus ultra portare proper malitiam studiorum vestrorum. »

Propter peccatum debilitatur homo. *Thren.*, i, 8: « Peccatum peccavit Hierusalem; properterea instabilis facta est. » Unde servus Salomonis ausus est insurgere in dominum suum post ipsius peccatum, *III Reg.*, xi.

Cum sanasset Dominus Jesus hominem languidum in grabato jacentem, invenit eum in templo, et dixit: « Ecce sanus factus es; jam amplius noli peccare, ne deterius aliquid tibi contingat. » *Joan.*, v, 14.

Mulieri in adulterio deprehensæ, et a Judæis coram Domino accusatæ, dixit ipse Salvator:

(a) Cœt. edit. Angelorum.

« Vade, et amplius jam noli peccare. » *Joan.*, VIII, 11.

CAPUT CVI.

De confessione peccati.

Monebat Dominus Adam post peccatum recognoscere culpam suam; sed ille quodammodo retorsit in Deum et mulierem, et mulier in serpentem, *Gen.*, III, 12 : « Mulier quam dedisti mihi sociam, » etc. Et post, 13 : « Serpens decepit me. »

Cain (*a*) recognovit peccatum suum dicens, *Gen.*, IV, 13 : « Major est iniqitas mea, » etc.

Item Pharaon dixit : « Peccavi, » *Exod.*, IX et X. Item dixit Saul, I *Reg.*, XXV. Item Judas, *Math.*, XXVII. Nullus tamen ex praedictis veniam consecutus est, quia non recto corde dixerunt. Simile dixit David corde humili, II *Reg.*, XII; et audire meruit : « Dominus transstili peccatum tuum, » etc.

Afflicti filii Israel per ignotos serpentes venerunt ad Moysen, atque dixerunt : « Peccavimus, quoniam locuti sumus contra Dominum, et contra te, » etc. *Num.*, XXI, 7.

Vehementer oppressi filii Israel a Philistæis et filiis Ammon, dixerunt ad Dominum, *Judic.*, X, 10 : « Peccavimus : redde tu nobis quidquid tibi placet; tamen nunc libera nos. »

Reprehensus David a Nathan propheta super excessu quem commiserat in Uriam et uxorem ejus, peccatum suum humiliiter recognovit, II *Reg.*, XIII.

Humiliter recognovit peccatum David, quando fecerat populum numerari, ita quod etiam obtrulit se pereutiendum loco populi innocentis, II *Reg.*, XXIV.

Dixit Nehemias : « Confitebor pro peccatis filiorum Israel, quibus peccaverunt tibi, et ego, et domus patris mei peccavimus, vanitate seducti sumus, » etc. *Nehem.*, I, 6.

Quamvis Tobias ab infancia Deum timuerit, et mandata ejus custodierit, tamen dicebat humiliiter recognoscens : « Non egimus secundum præcepta tua, et non ambulavimus sinceriter coram te. » *Tob.*, III, 5.

Tres socii Danielis, qui ita sancte inter Chaldaeos vixerant, et pro quibus Deus tantum miraculum faciebat in forno, nequaquam contra Deum murmurabant, quasi injuste talia pate-

rentur; sed dicebat Azarias : « Peccavimus, inuste egimus, » etc. *Dan.*, III, 29.

Orans Denim Daniel confitebatur peccata sua, et populi, dicens : « Peccavimus, iniuriam fecimus, impie egimus, » etc. *Dan.*, IX, 5.

Sextus illorum septem fratrum mori incipiens, ait : « Nos enim propter nosmetipos haec patimur, quia peccavimus in Dominum nostrum, » etc. II *Machab.*, VII, 18.

Veniebant ad Joannem Baptistam omnis Iudea, et omnis regio citra Jordanem, confitentes peccata sua, *Math.*, III; *Marc.*, I.

Predicante Paulo per Asiam, multi credentium veniebant confitentes (*b*) et annuntiantes actus suos. *Act.*, XIX, 18.

CAPUT CVII.

De duritia et obstinatione malorum

Cain, post increpationem quam fecit ei Dominus, pejor fuit, et fratricidium perpetravit. *Gen.*, IV.

Cor Pharaonis neque per blanda verba, quæ primo dixit Moyses ex parte Domini, neque per dura flagella potuit emolliri. *Exod.*, V, usque ad decimum cap.

Fili Israel dicuntur a Domino « populus duræ cervicis, » *Exod.*, et *Num.*, pluries.

Heli sermonibus filios suos corripuit; sed nihil ei profuit.

Samuel prædictis populo conditiones regis eorum valde graves, et quod hoc displacebat Domino; et tamen noluit desistere ab incepito. I *Reg.*, VIII.

Neque per verba Jonathæ, neque per beneficia a David recepta, cor Saulis ad diligendum ipsum David potuit provocari. I *Reg.*, XVIII et XIX.

De Nabal dicitur, I *Reg.*, XXV, 3, quod erat durus, et pessimus, et malitiosus.

Obstinate nimis Asael perseguebatur Abner, II *Reg.*, II.

Mitiebat Dominus viris Juda prophetas, ut reverterentur ad eum : quos illi audire nolabant; imo etiam Zachario, filium Joiadæ, inrepantem creduliter occiderunt. II *Paral.*, XXV.

Ezechias rex Juda misit nuntios in universum Israel dicentes : « Nolite indurare cervices vestras, sicut patres vestri, » etc. Sequitur, quod illi irridebant, et subsannabanteos, » etc. II *Paral.*, XXX, 8, 40.

Durissima fuerunt corda illorum; qui vene-

(a) *Cæt. edit.* Cham. — (b) *Item* venientes.

runt ad comprehendendum Dominum, quos cum ad terram prostravisset solo verbo, et aliculam ejus sanasset, non fuerunt moti, vel ex miraculi majestate, vel ex beneficij pietate. *Luc.*, xxii, et *Joan.*, xvii.

Beatus Stephanus Judæos inerepans ardenter, ait : « Duri cervice, et incircumcisi corde et auribus, vos semper Spiritui sancto resistitis, » etc. *Act.*, xvii.

CAPUT CVIII.

De perversitate quorundam.

Prima mulier ordinem naturæ perverlit, quando de fructu vetito dedit (a), *Gén.*, iii, et ille comedit; cum ipse vir eam debuisse docere, quid illa deberet comedere, vel vitare.

Dominus de spoliis Ægyptiorum ditavit Ilebreos, *Exod.*, xii; sed sunt multi, qui ditant Ægyptios de spoliis Ilebræorum.

Filiï Israel in deserto penuriam patientes dicebant se super ollas carnium in Ægypto sedisse; sed nec minimam (b) faciebant mentionem de gravissima servitute. *Exod.*, xvi.

Dicebat populus in deserto : « Recordamur piscium, quos comedebamus in Ægypto gratis, » *Num.*, xi, 5 : cum tamen tunc servitule maxima premerentur, et ibi in deserto pane angelorum, id est cibo sapidissimo, sine labore suo, dato celitus, pane angelorum alerentur.

Narrantibus exploratoribus conditiones terræ promissionis, voluit (c) populus contra voluntatem Domini in Ægyptum redire, nequaquam ultra procedere; cito vero post voluit contra voluntatem Domini nimium festinare. *Num.*, xv.

Vocati Bathan et Abiron a Moyse, respondebunt : « Non venimus. Numquid parum est tibi, quod eduxisti nos de terra, quæ lacte et melle manabat ? » *Num.*, xvi, 12, 13.

Peluit Moyses a rege Edom dicens : « Observamus, ut nobis transire lieeat per terram tuam ; non ibimus per agros, sed via publica gradiemur. » Respondit tamen ille : « Non transibitis per me ; alioquin occurram armatus tibi, » etc. *Num.*, xx, 17, 18.

Simile accidit de Sehon rege Amorrhœorum; sed qui noluit concedere pauca, amisit multa, *Num.*, xxii.

Noluit Balama maledicere populo quem credebatur benedictum a Deo ; sed sunt multi qui

(a) *Suppl.* viro. — (b) *Cœt.* *edit.* sed tamen. — (c) *Edit.* *Vatic.* noluit, *Edit.* *Ven.* doluit.

plura maledicunt de bonis, quam de malis. *Num.*, xxii. Et mirum fuit quod noluit ei maledicare : nam licet ostendisset ei Dominus, quod populus Israel erat benedictus ; tamen dedit finaliter malum consilium, per quod a mulieribus est seductus. *Num.*, xxiv.

Filiï Israel, audientes mandata Domini, omnia fecerunt contraria. *Judic.*, ii, 17.

Viri Ephraim rogati a Jephite, ut secum venirent ad prælium, notuerunt : quo post victoriæ redeunte, quasi eos non vocasset, contra eum jurgari coepérunt. *Judic.*, xii.

David psallebat coram Saule vexato a demone, et ipsi utiliter serviebat : et tamen ipse Saul voluit eum configere pariei cum lancea, quam tenebat. *I Reg.*, xviii et xix.

Saul voluit occidere Jonathan filium suum, quia excusavit David innocentem. *I Reg.*, xx.

Dicebat Saul servos conjurasse adversus eum, et David insidiari sibi, quia eum ad mortem quererebat, et invenire vel capere non poterat. *I Reg.*, xxii.

Rex filiorum Ammon, videns quod injuriam fecisset David, voluit impugnare eum, cum magis debuisse laborare ad placandum eum. *II Reg.*, iv.

Ammon filius David Thamar sororem suam, violenter oppressam, turpiter a se expelli fecit. *II Reg.*, xiii.

Absalom filius David populum contra patrem malitiose commovit : ad concubinas illius, vindictibus cunctis, intravit; ipsum patrem suum vita et regno privare voluit. *II Reg.*, xv.

Sublimatus a Domino Jeroboam super decem tribus Israel, statim avertit populum a cultu veri Dei, et commonitus per prophetam, præcepit eum capi. *III Reg.*, xiii.

Achaz rex Juda altare Domini transtulit, et fecit fieri altare ad similitudinem illius, quod viderat in Damasco, et super illud offerri holocausta præcepit. *IV Reg.*, xvi.

Idololatriam, sortilegia, homicidia, et diversa scelerata, quæ commisit Mauasses rex Juda, satis narrantur, *IV Reg.*, xxxi, et *II Paral.*, xxxiii.

Cum debellasset Amarias Idumæos, et filios Seir, et tulisset deos eorum, adoravit eos, et illis adolevit in eensem, *II Parol.*, xv. Propter quod Dominus eum arguit per prophetam dicentem sibi : « Cur adorasti deos, qui non liberaverunt populum tuum de manu tua ? »

Achaz rex Juda imonolavit victimas diis Ba-

masci percussoribus suis, et dixit : « Dii regum Syrie auxiliantur eis ; quos ego placabo hostiis, et aderunt mihi : » cum e contrario ipsi fuerint ruine ei et universo Israel. II *Paral.*, xxviii.

Quia unus solus Mardochæus non adorabat Aman superbissimam, ipse Aman procuravit apud regem Assuerum omnes Judeos debere interfici. *Esth.*, iii.

Arguente Hieremias propheta populum, pro eo quod sacrificabant diis alienis, respondeunt : « Ex eo tempore, quo cessavimus sacrificare reginæ cœli, et libare ei libamina, indigemus omnibus, et gladio, et fame consumpti sumus. » *Hierem.*, xliv, 18.

Principes et satrapæ Darii regis Persarum accusaverunt Danielem, quod tribus temporibus per diem orabat Deum suum. *Dan.*, vi.

Alcimus impius de gente Judeorum, qui debat diligere Judam et fratres ejus, ivit ad Demetrium, et quidam alii iniqui ex Israel, dicentes : « Perdidit Judas et fratres ejus, » etc. *Mach.*, vii.

Cum vellet Antiochus civitatem Persepolim spoliare, fugatus est multitudine ad arma concurrente : quam injuriam in Judeos voluit reforquere. II *Mach.*, ix.

Joppite tale flagitium perpetraverunt : rogarerunt ducentos Judeos, ut ascenderent naves ; qui cum essent in alto mari, submerserunt eos. II *Mach.*, xii.

Nec austerus Joannis victus, nec condescensiva mandatio Salvatoris, placuit Pharisæis, *Matth.*, xi.

Pharisæi videntes Dominum dæmonia ejicientem, turbis dicentibus : « Numquid hic est filius David ? » blasphemabant dicentes : « Hic non ejicit dæmones, nisi in Beelzebub principe dæmoniorum. » *Matth.*, xii; *Luc.*, xi.

Nimia fuit perversitas in Juda, qui pro triginta argenteis tradidit Salvatorem. *Matth.*, xxvi.

CAPUT CIX.

De nequitia tyrannorum.

Varias adinvenit malitias Pharaon, ut posset extinguere, vel ad numerum parvum redigere filios Israel, *Exod.*, i. In principio enim duris laboribus eos præcepit affligi, deinde maseculos occidi; postea mandavit eos iu flumen proieciri, et feminas reservari.

Primo simpliciter dixit Pharaon : « Nescio Do-

minum, et Israel non dimittam, » *Exod.*, v, 2. Deinde concessit, dicens : « Ite, sacrificate Domino in terra hac, » *Exod.*, viii, 24. Postea dimittere eos voluit (a), ut sacrificarent Domino in deserto; verumtamen non longius, ne abiarent, *Exod.*, viii, 28. Postmodum voluit ut viri interici, dum tamen oves et armenta dimitterent, *Exod.*, x, 24.

Postquam intellexit Pharaon quod filii Israel voluerunt servire et sacrificare Domino, durius afflixit eos, *Exod.*, v.

Septuaginta reges, amputatis manuum ac pedum summitatibus, colligebant reliquias sub mensa Adonibezec. *Judic.*, i, 6.

Ahimelech filius Gedeonis, usurpato dominio super populum, septuaginta viros fratres suos occidit super lapidem unum. *Judic.*, ix.

Post multa beneficia a David percepta, Saul ipsum quæsivit ad mortem, et occidit octoginta quinque viros portantas ephod, occasione ipsius. I *Reg.*, xxii.

Virum Dei arguentem Jeroboam pro altari sacrilego quod construxerat, præcepit Jeroboam apprehendi. III *Reg.*, xiii.

Jezabel fecit Eliam ad mortem quæri, quia prophetas Baal fecerat occidi. III *Reg.*, xix.

Naboth Jezrahelites lapidatus fuit, quia procuravit Jezabel contra eum falsos testes produci. III *Reg.*, xxi.

Achab rex Israel fecit ponit Michæam prophetam in carcerem, et sustentari pane tribulacionis et aqua angustiae. III *Reg.*, xxii.

Cum factum esset verbum Domini in manu Jehu prophete contra Baasa regem Israel et contra domum ejus, occidit Baasa prædictum prophetam. III *Reg.*, xvi.

Manasses rex Juda sanguinem innoxium effudit, et implevit Hierusalem cruore innocentium. IV *Reg.*, xxiv.

Cum reversus esset Sennacherib, fugiens a Judea plagam quam circa eum fecerat Deus propter blasphemiam suam, iratus multos Judeos occidit. IV *Reg.*, xix.

Nabuchodonosor dixit Holopherni : « Non parcat oculus tuus ulli regno, » *Judith.*, ii, 6. De Holopherne vero postea legitur, quod tantus metus illius provinciis incubuit, ut universarum urbium habitatores obviam exirent venienti, excipientes eum cum coronis et lampadibus, ducentes choros in tibiis et tympanis; et

(a) *Cæt. edit.* noluit.

tamen ista facientes ferocitatem pectoris ejus mitigare non poterant. *Judith.*, iii.

Quia Mardochæus superbissimo Aman genua non flectebat, magis elegit Aman omnes Judæos procurare occidi, quam parcere uni soli. *Esth.*, iii.

Ad petitionem principum populi, præcepit Sedecias rex Juda Iieremiam prophetam mitti in lacum, in quo non erat aqua, sed lutum, *Iierem.*, xxxviii.

Rex Babylonis occidit filios Sedeciae regis Juda, in oculis ejus, in Reblatha; oculos quoque ejus eruit, et vinxit cum compedibus, ut adduceretur in Babylonem. *Iierem.*, xxxix.

Nabuchodonosor rex Babylonis in furorem versus præcepit, ut occiderentur omnes sapientes Babylonis, pro eo scilicet quod non poterant ei somnum, quod viderat, indicare. *Dan.*, ii.

Mira crudelitas fuit, cum Nabuchodonosor rex Babylonis fecit socios Danielis mitti in fornacem ignis ardentes. *Dan.*, iii.

Antiochus ascendit Hierosolymam, et fecit cædem hominum; et post dicitur: « Essuderunt sanguinem innocentium per circuitum sanctificationis. » Et multa leguntur ibi. I *Mach.*, i.

Comprehendit exercitus Antiochum filium Antiochi, et Lysiam, et adduxit eos ad Demetrum: qui noluit eos videre; et occidit eos exercitus. I *Mach.*, vii.

Tryphon cepit Jonathan proditorie, cumque teneret, petit pro ejus liberatione centum talenta argenti, et duos filios ejus pro obsidibus: quos cum haberet, nequissime patrem cum duobus filiis occidit. I *Mach.*, xiii.

Rogatus a Menelao Andronicus, et per munera, qui cepit ab eo, corruptus, occidit Oniam summum sacerdotem. II *Mach.*, iv.

Rex Antiochus Menelaum, hominem sacrilegum, de multis sceleribus accusatum absolvit, et accusatores ejus morte damnavit. II *Mach.*, iv.

Nimiam crudelitatem exercuerunt in Eleazarum illi tyranni ab Antiocho missi, II *Mach.*, vi; et similiiter in septem illos fratres, et eorum matrem, II *Mach.*, vii.

Herodes videns quod illusus esset a Magis, iratus est valde, et mittens occidit omnes pueros, qui erant in Bethlehem, et in omnibus finibus ejus a bimatu, et infra. *Matth.*, ii, 16.

Sciebat Herodes tetrarcha Joannem Baptis- tam esse virum justum et sanctum; et tamen

ad petitionem unius meretricis fecit eum in carcere decollari. *Matth.*, xiv; *Marc.*, vi.

Accesserunt ad Dominum Jesum quidam Pharisæorum, dicentes: « Exi et vade hinc, quia Herodes vult te occidere. » *Luc.*, xiii, 31.

Herodes tetrarcha multo tempore videre Jesus cupiebat; et viso eo gavisus est valde: et tamen sprevit eum cum exercitu suo, et illusit indutum in ueste alba, et remisit ad Pilatum. *Luc.*, xxiii.

« Misit Herodes Agrippa rex (a), ut affligeret quosdam de Ecclesia; occidit autem Jacobum fratrem Joannis gladio; videns autem, quia placet Judæis, apprehendit Petrum, et misit in carcerem. » *Act.*, xii, 4-5.

A quibusdam quæstuaris fuit Paulus mendaciter accusatus, pro eo quod ipse spiritum pythonem ejecit a quadam puella; magistratus autem jusserunt eum, et Silam socium ejus, virgis cœdi, et in carcerem mitti, et pedes eorum ligno stringi. *Act.*, xv.

Felix præses sperabat, quod pecunia ei daretur a Paulo, quem tenebat vinclum; propter quod frequenter accersens eum, loquebatur cum eo. Successit autem ei Festus, et volens Felix gratiam præstare Judæis, Paulum non absolvit, sed eum vinclum reliquit. Festus etiam cœpit favere Judæis, et Paulus gravari; propterea compulsus est Cesarem appellare. *Act.*, xxiv et xxv.

CAPUT CX.

De oppressione bonorum per malos.

Cain nequam et invidus prævaluit adversus Abel justum, et occidit eum. *Gen.*, iv.

Sodomita animauius justi Lotus multipliciter afflixerunt. *Gen.*, xix.

Oderat semper Esau Jacob; dixitque in corde suo: « Venient dies, » etc. *Gen.*, xxvii et xxviii.

Oderant filios Israel Ægyptii, et affligeabant illudentes eis, atque ad amaritudinem perducebant vitam eorum, etc. *Exod.*, i.

Unus spurius ambiens principatum, Abimelech scilicet filius Gedeonis, occidit septuaginta fratres suos. *Judic.*, ix.

Saul diu persecutus est David, qui tamen fideliter ei et utiliter serviebat. I *Reg.*, xvii et deinceps.

Absalom in tantum commovit populum adversus David patrem suum, quod compulsus

(a) *Suppl.* manus.

est exire Hierusalem, licet cito fuerit revocatus.
II Reg., xv et xx.

Impiissima Jezabel minata est, quod occideret Eliam : ita quod ille timens abiit, quocumque eum ferebat voluntas. III Reg., xix.

Rex Israel Joram pessimus, audiens quod maxima fames erat in civitate, misit virum ad amputandum caput Elisei. IV Reg., vi.

Ad imperium regis Juda Joas, lapidatus est Zacharias filius Joiadæ, pro eo quod arguebat regem et populum sculptilibus servientes. II Paral., xxiv.

Nabuchodonosor præcepit Holopherni, ut omnes deos terræ exterminaret, videlicet ut ipse solus Deus diceretur, et propter hoc multa regna destruxit, et populum Dei, qui nuper redierat de captivitate Babylonis, afflxit. Judith, ii et deinceps.

Aman superbus, crudelis et impius, ita potens fuit, quod pro nihilo habuit procurare necem omnium Judæorum; sed divina providentia ejus conatibus obviavit. Esth., iii et iv.

Percussit Phassur Jeremiam prophetam, et misit eum in nervum, » Jerem., ix, 2. Et sequenti capitulo (xxviii), Hanania prophetavit plane contra id quod dicebat Jeremias, et tulit catenam ligneam de collo Jeremiae, et confregit eam, et abiit Jeremias in domum suam, quasi confusus ab illo Hanania mendace propheta.

Nabuchodonosor rex Babylonis Ananiam et socios ejus in fornacem mitti jussit, eo quod ipsi noluerunt adorare statuam, quam idololatra iniquus erexit, Dan., iii. Et Daniel his missus fuit in lacum leonum, procurantibus pessimis hominibus. Dan., vi et xiv.

Antiochus ascendit Hierosolymam in multitudine gravi cum superbia, et fecit ibi terribilem hominum cædem. I Mach., i, iv et v.

Bacchides et Alcimus proditor, missi a rege Demetrio, tantum exercitum produxerunt contra Judam Machabæum, quod ipse Judas cecidit in bello, et cæteri commilitones sui fugerunt. I Mach., ix.

Proditor et dolosus Tryphon, qui dominum suum regem Antiochum adolescentem dolo occidit, Jonathan et duos filios ejus nequiter interfecit. I Mach., xiii.

Joannem Baptistam, totius exemplar sanctitatis, ad petitionem unius meretricis, etc. Matth., xiv; Marc., vi.

Quidam Judei commoverunt plebem, et seniores, et Scribas; rapuerunt Stephanum, et

statuerunt duos falsos testes contra ipsum, et lapidaverunt eum. Act., vi et vii.

« Misit Herodes Agrippa, » etc. Act., xii, 1.

« Judæi concitaverunt religiosas mulieres et primos civitatis, et excitaverunt persecutionem in Paulum et Barnabam, et ejecerunt eos de finibus suis. » Act., xiii, 50.

Quidam quæstuarii ducentes unam mulierem pythonissam, a qua Paulus, etc. Act., xvi.

CAPUT CXI.

De oppressione bonorum per malos, et de tribulationibus, et carum (a) utilitatibus.

Plus crevit Joseph in exilio in terra paupertatis sue, quam crevisset inter fratres suos in terra nativitatis sue. Gen., xli.

Fratres Joseph locuti sunt ad invicem: « Merito hæc patimur, quia peccavimus in fratrem nostrum, » etc., « idcirco venit tribulatio. » Gen., xlii.

Fili Israel creverunt, et oppressionibus, et afflictionibus Pharaonis, Exod., i, 12: « Quanto opprimebant eos Ægyptii, tanto magis multiplicabantur, et crescebant. »

Afflicti filii Israel a serpentibus ignitis, dixerunt ad Moysen: « Peccavimus, quoniam locuti sumus contra Deum, et contra te, Num., xxi, 7. » Antequam vero Dominus illos serpentes immitteret, nec peccatum suum cognoscebant, nec divinum auxilium postulabant.

Toto tempore principatus Josue, quando filii Israel gravissima prælia habuerunt, non leguntur a Domino recessisse; sed cito post, quando in abundantia et quiete fuerunt. Judic., i.

Audierunt filii Israel, quod Philistini essent congregati, et venirent contra eos; et timentes dixerunt Samueli: « Ne cesses pro nobis clama ad Dominum, » etc. I Reg., vii, 8.

Fugiens David a facie Absalom, servo suo Semiei maledicente, patiens fuit, II Reg., xvi. Sed obtenta victoria, superbivit, quando jussit populum numerari. II Reg., xxiv.

Videns David Dominum propter peccatum elationis ejus esse iratum, humiliter recognovit culpam suam, et petiit ut ipsem puniretur, et populo parceretur. II Reg., xxiv.

Eliam fugientem reginam Jezabel ipsum persequenter, Angelus Domini confortavit, et panem et aquam ei ostendit. III Reg., xviii.

(a) Cæt. edit. eorum.

Pane tribulationis et aqua angustiae jussus est Michæas propheta sustentari in carcere, pro eo quod noluit Achab juxta suum volitum responderet. *III Reg., xxii.*

Voluit Dominus, ut viri Juda affligerentur a rege Ægypti, ut scirent distantiam servitutis divinæ, et servitutis regni terrarum. *II Paral., XII, 8.*

Postquam Manasses coangustatus est, oravit Dominum, cum esset vincitus in Babylone (a), et egit pœnitentiam valde coram Domino, et exaudivit Dominus orationem ejus. *II Paral., XXXIII.*

« In tempore tribulationis sue clamaverunt ad te, et tu de cœlo exaudisti eos, et secundum miserationes tuas multas dedisti eis salvatores. » *Nehem., ix, 27.*

Permittente Deo, post bona opera Tobias fuit excœatus, et deinde irrisus ab illis, qui eum debuerant consolari, *Tob., II.* Sed postea Dominus multipliciter consolatus est eum.

De populo suo loquens Judith dixit: « Memores esse debent, quomodo Abraham pater noster tentatus est, et per multas tribulationes probatus, Dei amicus effectus est. » *Judith, VIII, 22.*

Tribulationes sustinuit Job in anima ex uxoris et amicorum suorum opprobriis et contumeliis, quæ ipsum ad tristitiam poterant provocare; in corpore, ex gravissima infirmitate, et generalissima, que totum corpus a planta pedis usque ad verticem occupabat; in ammissione rerum et liberorum, et subtractione solatii, quia halitum ejus uxor illius horrebat. Item alii viles homines ipsum deridebant, et ejus faciem conspuebant, *Job, xxx.*

Sanetificatus in utero Jeremias, et prophetæ spiritu plenus, dicebat de se, quod erat vir rixæ et discordie in universa terra, et quod omnes maledicebant ei, *Jerem., xv.* Pro veritate vero quam populo prædicabat fuit quinques percussus, *Jerem., XXXV;* pluries incarcerated, *Jerem., XXXVIII;* et tandem ab ipso populo lapidatus.

Exul Ezechiel in Chaldea in medio captivorum vidit mirabiles Dei visiones: per quod patet, quod in tribulationibus frequenter Deus hominem consolatur. *Ezech., I* et deinceps.

Bene apparcat Deum esse cum homine in tribulatione, per illos socios Danielis cum quibus

vidit Nabuchodonosor quartum similem Filio Dei. *Dan., III.*

Nabuchodonosor in prosperitate existens fuit arrogans et superbus; ejectus autem ab omnibus, et in bestiam commutatus, recuperavit sensum, quem amiserat in honore elatus, et laudavit Altissimum, quem blasphemaverat prius. *Dan., IV.*

Tantum vel amplius laudatus fuit Deus ex trium puerorum patientia, quam habuerunt in fornacis tribulatione, quantum ex Danielis sapientia, quam habuit ex somniorum expositione, seu interpretatione. *Dan., II et III.*

Susanna in condemnatione mortis posita, nec habens recursum ad humanum adjutorium, flens suspexit ad cœlum: sicut avis in terra ab hominibus et canibus circumdata non habet effugium, nisi elevet se in altum. *Dan., XIII.*

Post obitum Judæ Machabæi, emerserunt iniqui, et facta est famæ valida, et constituit Bacchides impios dominos regionis, et facta est tribulatio magna in Israel. *I Mach., IX.*

« Decretum exiit contra Judæos tam iniquum, ut omnes trucidarentur, qui sacrificare nollent: erat ergo videre miseriam. » *II Mach., VI, 8, 9.*

Antiochus cum esset sanus, fuit crudelis homicida superbus; postea percussus a Deo gravissima et insanabili plaga, propositum et verba mutavit. *II Mach., IX.*

Natus in mundo, cito passus est Dominus pressuram mundi, ita quod Joseph accepit eum et matrem ejus, et fugit in Ægyptum. *Matth., II.*

De multis aliis afflictionibus et injuriis, quas passus est, require in rubrica de *Mansuetudine et Patientia* ¹.

Apostoli, præcepto magistratum flagellati, ibant gaudentes a conspectu concilii, quoniam digni habiti sunt pro nomine Jesu Christi contumeliam pati. *Act., V, 41.*

Quanquam Paulus tunc non esset cum illis, tamen ipse postea de se dixit, *Rom., V, 3:* « Gloriamur in tribulationibus; » et *II Cor., XII, 19:* « Libenter gloriabor in infirmitatibus meis, ut inhabitet in me virtus Christi. »

Lapidato a Judeis Stephano, « facta est magna persecutio in Ecclesia, quæ erat Hierosolymis, ac omnes dispersi sunt per regiones Judeæ et Samarie, preter Apostolos. » Sed nota quod hoc multum profuit ad divulgationem Evangelii. *Act., VIII, 4.*

(a) *Cœt. edit. Babylouem.*

¹ Vid. sup., c. LXXIX, p. 581-584.

Haberi potest ex *Actibus Apostolorum*, quod Paulus tribulationes, seu persecutio nes passus est post conversionem suam. *Act.*, ix, 23: « Consilium fecerunt Iudei, ut interficerent eum. » Notæ autem factæ sunt Paulo insidiae, et dimissus est in sporta per murum.

Item, cum essent in Antiochia Pisidie Paulus et Barnabas, et disseminaret verbum Dei per universam regionem, Iudei excitaverunt persecutio nes in eos, et ejecti sunt de finibus illis; at illi, excusso pulvere pedum in eos, venerunt Iconium. *Act.*, xiii.

In civitate Lystris propter (a) hominem claudum, etc. *Act.*, xiv, 17, 18. Deinde in Macedonia (b), occasione puellæ, a qua Paulus spiritum pythonem ejecit, etc. *Act.*, xvi.

Præterea apud Thessalonicanum, cum multi credidissent, zelantes Iudei concitaverunt per quosdam malos homines civitatem. Fratres vero confessim per noctem dimiserunt Paulum et Silam in Berceam, ubi etiam, cum multi verbum Dei avide suscepissent, Iudei, hoc cognito, venerunt illuc commoventes multitudinem, et turbantes; statimque Paulum dimiserunt fratres, et per mare deduxerunt Athenas. *Act.*, xvii.

Apud Corinthum quoque instabat Paulus testificans Iudeis Christum Jesum. Contradicentibus autem illis, et blasphemantibus, excutiens vestimenta sua dixit ad eos: « Sanguis vester super caput vestrum. » Gallione autem Proconsule Achæia, insurrexerunt uno animo Iudei in Paulum, et adduxerunt eum ante tribunal dicentes: « Quia hic homo contra legem persuadet hominibus colere Deum, » etc. *Act.*, xviii.

Existente Paulo Ephesi, et fiducialiter verbum Dei loquente, ac multa ibidem miracula faciente, Demetrius quidam argenterius faciens ædes argenteas Diana, convocatis opificibus, concitavit maximam turbationem adversus Paulum, quem dicebat avertire turbam a cultu deorum; iis auditis, repleti sunt ira, et exclamaverunt dicentes: « Magna Diana Ephesiorum. » *Act.*, xix.

Paulo navigaturo de Græcia in Syriam, factæ sunt ei insidiae a Iudeis; habuit consilium ut reverteretur per Macedoniam; comitati sunt autem eum multi fratres de diversis locis. *Act.*, xx.

(a) *Cest. edit.* per. — (b) *Macedoniæ.* — (c) *Item* parare.

Quidam Iudei Asiani, cum vidissent Paulum in templo, concitaverunt omnem populum, et injecerunt ei manus clamantes: « Viri Israelite, adjuvate, » etc. *Act.*, xxi.

Vociferantibus Iudeis adversus Paulum, et projicientibus vestimenta sua, et pulverem jactantibus in aereum, jussit tribunus induci eum in castra, et flagellis cædi, et torqueri, ut sciret propter quam causam sic acclamarent ei. *Act.*, xxii.

Cum esset Paulus a tribuno detenus, Iudei plusquam quadraginta dixerunt principi sacerdotum: « Devotione devovimus, nos nihil gustaturos, donec occidamus Paulum; nunc ergo faciat, ut adducatur ad vos, » etc. *Act.*, xxiii, 14, 15.

Existsens coram Felice præside Paulus fuit a Iudeis tanquam seditus et pestifer accusatus: qui cum eum et Iudeos frequenter audisset, et tempus ita transisset, habuit quemdam Festum nomine successorem. Volens autem Felix gratiam prestare (c) Iudeis, reliquit Paulum vincatum, a quo judice Festo Paulus sentiens se gravari, Cæsarem appellavit. *Act.*, xxv.

Postea ductus Romam catena vincitus, et tempore hiemali naufragium passus, multas tribulationes et angustias toleravit. *Act.*, xxvii et xxviii.

Paulus et Barnabas hortabantur fratres, « ut permanenter in fide, quoniam per multas tribulationes et angustias oportet nos intrare in regnum Dei. » *Act.*, xiv, 21.

De seipso scribens Apostolus, ait, II *Cor.*, 1, 8: « Nolumus vos ignorare, fratres, de tribulatione nostra, quæ facta est in Asia, quoniam supra modum gravati sumus supra virtutem, ita ut tæderet nos etiam vivere. » Idem, cap. viii, 5: « Cum venissemus Macedoniam, nullam requiem habuit caro nostra, sed omnem tribulationem passi sumus, foris pugnæ, intus timores. »

Commendans Apostolus Thessalonicenses, ait: « Vos imitatores nostri facti estis, et Domini; excipientes verbum in tribulatione multa cum gaudio Spiritus sancti, » etc. I *Thess.*, 1, 6.

Ab advento Spiritus sancti in discipulos usque ad tempus illud, quo sub Domitiano Joannes Apostolus fuit exilio relegatus, fluxerunt anni circiter quinquaginta; nec toto tempore illo legitur ipse Joannes tot et tantas consolationes divinas habuisse, quot habuit modico tempore, quo tribulationem exilii perpessus

est, sicut apparet, *Apoc.*, 1, et deinceps per totum.

CAPUT CXII.

De multitudine malorum.

Cum factum fuit diluvium, octo homines tantum salvi sunt : « Omnis caro quippe corrupera viam suam. » *Gen.*, vi, 12.

Plures fuerunt filii Ismaelis, quam filii Isaac, et plures filios suscepit Abraham ex Cethura, quam de Sara. *Gen.*, xxv.

In quinque civitatibus Sodomorum non fuerunt inventi decem justi. Magna ergo erat ibi multitudo malorum, et paucitas bonorum. *Gen.*, xviii.

Inter omnes fratres Joseph, non fuerunt nisi duo, Ruben scilicet et Judas, qui ipsum laborarent liberare; sed præevaluerunt mali. *Gen.*, xxxvii.

Moyses exploratores misit ad considerandum terram promissionis; sed duo tantum fuerunt boni, scilicet Caleb et Josue. *Num.*, xiii.

Sexcenta millia hominum pugnatorum numerati fuerunt, *Num.*, i, de quibus duo tantum, scilicet Caleb et Josue, intraverunt terram promissionis.

Plures fuerunt cum Absalom regnum patris usurpare nitente, quam cum David bene et juste regnante. *II Reg.*, xv.

Major pars filiorum Israel erat in regno Samarie, quia decem tribus ibi erant, et erant homines multo peiores; minor autem in regno Hierusalem, quia duae tantum, *III Reg.*, xii.

Tantus erat numerus bellatorum regis Syrie, qui pugnabant contra Israel, quod dicebat ipse rex pulverem Samarie non sufficere pugillis eorum. *III Reg.*, xx.

In exercitu Holopernis tantus erat numerus bellatorum, quod cooperuerunt faciem terræ, quasi locustæ. *Judith*, ii, 11.

Omnis populus habitantium in terra Aegypti, et mulieres, quarum stabal multitudo grandis, sacrificabat diis alienis. *Hierem.*, xliv.

Non remanserunt cum Iuda Machabeo nisi octingenti viri, et erant in exercitu Bacchidis et Alcimi prodroris viginti millia virorum, et duo millia equitum, *I Mach.*, ix.

Cum esset in Hierusalem tempore paschali, quo passus est Dominus, maxima populi multitudo, non est ibi inventus vir qui se opponeret manifeste mortui tam nequiter procuratae, *Joan.*,

xviii, 40 : « Clamaverunt omnes : « Non hunc (dimite nobis), sed Barnabam. »

Quidam Judei, quos invenit Paulus Romæ, in primo adventu suo dixerunt ei : « De secta hac (Christianorum scilicet) notum est nobis, quia ubicumque ei contradicitur. » *Act.*, xxviii, 22.

CAPUT CXIII.

De bonis latentibus inter malos.

Quamvis scriptum sit, *Gen.*, vi, 12 : « Omnis caro corrupera viam suam, » tamen dixit Dominus ad Noe, vii, 1 : « Te vidi justum coram me in generatione hac. »

Loth justus habitavit in medio Sodomorum, *Genes.*, xiii.

Joseph in Aegypto castam et fidelem vitam duxit, *Gen.*, xxxix.

Apparuit Dominus Moysi in terra Madian, cum oves socii sui Jethro pasceret in deserto. *Exod.*, iii, 1.

Samuel inter filios Ileli pessimos sanctus et innocens fuit. *I Reg.*, ii.

Sub Achab et Jezabel, Elias omnes, se solo excepto, putabat idololatras, *III Reg.*, xix. Sed dixit ei divinum responsum : « Reliqui mihi septem millia virorum, quorum genua non sunt curvata ante Baal. »

Quo tempore fere omnes putabantur idololatras, et vitiis diversis infecti; Tobias, in captivitate positus, viam veritatis non deseruit. *Tob.*, i.

Mardochæus erat in Susis, ubi quasi omnes adorabant Aman superbissimum; ipse vero Mardochæus genua non flecebat. *Esth.*, iii et v.

Sanctus Job gentilis fuit, et de Esau dicitur descendisse; quem tamen constat fide et moribus mirabiliter elaruuisse (*Job*, i, et per totum), qui de seipso dicebat : « Frater fui draconum, et socius struthionum. » *Job*, xxx, 29.

Hieremias propheta erat cum populo, qui remanserat in Iudea post destructionem Hierusalem, et pro ipsis orabat, ipsis voluntatem Domini nuntiabat. Illi vero dicebant : « Mendacium tu loqueris, non te misit Dominus, sed Baruch filius Nerie incitat te adversum nos, ut tradat nos in manus Chaldaeorum. » *Hierem.*, xlvi, 2, 3.

Dixit Dominus, *Ezech.*, ii, 6 : « Fili hominis, ne timeas eos, quoniam increduli et subversores sunt tecum, et cum scorpionibus habitat. »

Daniel, et Ananias, Azarias et Misael habita-

verunt cum Chaldaeis, qui eos ad idololatriam inducere, et a cultu veri Dei retrahere laborabant. *Dan.*, iii, vi et xiv.

Suzanna fuit castissima in Babylone, ubi seunes presbyteri erant impudici, et judices iniqui. *Dan.*, xiii.

Videbatur tempore Antiochi Epiphanis, quod Judei essent occisi, vel ad ritum gentium translati; sed inventi sunt Mathathias, et filii (a) ejus, Eleazarus, et multi alii in lege Dei valde stabiles et firmi. *Il Mach.*, vi et vii.

Commendans Dominus fidem et devotionem Centurionis de Capharnaum, dixit, quod non invenit tantam fidem in Israel. *Matth.*, viii, et *Luc.*, vii.

Nicodemus princeps Judaeorum venit ad Iesum nocte, et plane confessus est: « Rabbi, scimus, quia a Deo venisti magister. » *Joan.*, iii, 2. Postea, etiam crucifixo Domino, venit ad sepeliendum eum, portans centum libras unguentum pretiosum. *Joan.*, xx.

Joseph, nobilis decurio, ab Arimathea, discipulus erat Jesu, occultus autem propter metum Judaeorum; deposito autem metu, audacter introiit ad Pilatum devotam petitionem petens, scilicet corpus Jesu ab indevoto tyranno, *Matth.*, xxvii.

Honorabilis doctor legis Gamaliel erat Pharisaeus, et dedit bonum et rationabile consilium, pro Apostolis (b), principibus sacerdotum. *Act.*, v.

Vir quidam erat in Cesarea, nomine Cornelius, religiosus et timens Deum cum omni domo sua, faciens elemosynas multas plebi, et deprecans Dominum semper. *Act.*, i, 1, 2.

CAPUT CXIV.

De mobilitate populi.

Rediens Moyses de terra Madian in Aegyptum narravit omnia verba Domini, pro quibus miserat eum. Sequitur: « Et credidit populus, audieruntque quod visitasset Dominus filios Israel, et proni adoraverunt, » *Exod.*, iv, 31. Postea vero cum essent afflicti ab exactoribus Pharaonis, dixerunt Moysi et Aaron: « Videat Dominus, et judicet, quoniam fatere fecistis odorem nostrum coram Pharaone et servis ejus, et praebuistis ei gladium, ut occideret nos. » *Exod.*, v, 21.

(a) *Cat. edit.* filius. — (b) *Cat. edit.* premissum est.

Cum post multas Aegypti plagas ditati et armati egredenterur filii Israel de Aegypto, Domino precedente, viam eis per nubem et ignem ostendente, viderunt post se Aegyptios, et timuerunt valde, et dixerunt ad Moysen: « Fortisitan non erant sepulcra in Aegypto; ideo tulisti nos, ut moreremur in solitudine. » Deinde confortati sunt per Moysen, cum Dominus mare Rubrum divisisset, et populus sicco pede transisset: submersus est ibi exercitus Pharaonis; et timuit populus Dominum, et crediderunt Dominino gloriose, etc. *Exod.*, xiv et xv.

Satis autem cito post, veniens in Marah, murmuravit populus propter aquas nimis amaras: quibus per lignum appositum dulcoratis, consequenter murmuraverunt pro defectu cibi, dixeruntque ad Moysen et Aaron: « Utinam mortui essemus in Aegypto, quando sedebamus super ollas carnium, » etc. Et misit eis Dominus vespera coturnices, et mane pluit illis manna de caelo. *Exod.*, xvi.

Post hæc, cum datus esset ei legem, dixerunt: « Cuncta quæ locutus est Dominus, faciemus. » *Exod.*, xix. Et similia verba dixerunt, cum narrasset eis Moyses verba et præcepta, quæ a Domino acceperat. *Exod.*, xxiv.

Cum autem moram faceret Moyses in monte cum Domino in descriptione tabernaculi, congregatus est populus adversum Aaron, et ait: « Fac nobis deos qui nos præcedant, » etc. *Exod.*, xxxii.

Deinde, cum erectum esset tabernaculum, et factæ ordinationes principum, post numerationem bellatorum et levitarum, cum essent omnia ordinata, quomodo debebant proficisci in via, post modicum est ortum murmur populi, quasi dolentium pro labore. *Num.*, xi.

Postmodum audita relatione exploratorum, murmuravit populus et flevit, *Num.*, xiv; dixeruntque unus ad alterum: « Constituamus nobis ducem, et revertamur in Aegyptum. »

Audientes autem quod displicuit Domino murmur eorum, voluerunt ascendere, et contra voluntatem Moysi pugnare; et tunc fuerunt ab hostibus debellati. *Num.*, xiv.

Rursus, in seditione Core, multi surrexerunt contra Moysen et Aaron; quibus terribiliter castigatis, « murmuravit omnis multitudo filiorum Israel contra Moysen et Aaron, dicens: Vos interfecistis populum Domini. Cumque oriretur sedatio, et tumultus increceret, » etc. *Num.*, xvi, 4f et seq.

Cum autem per miraculum virgæ Aaron compescisset eos Dominus, dixerunt: « Eece consumpti sumus, omnes perivimus; quieumque accedit ad tabernaculum Domini, moritur. » *Num., xvii, 12-13.*

Ulterius procedentes venerunt ad aquas contradictionis, ubi taliter jurgati sunt adversus Moysen et Aaron, quod etiam ipsi diffisi sunt de divina virtute: propter (a) quod et puniti sunt a Domino. *Num., xx.*

Postea fornicatus est populus cum filiabus Moab, quæ vocaverunt eos ad sacrificia sua, et initiatus est Israel Beelphegor, et preecepit Dominus principes suspensi contra solem in patibulo. *Num., xxv.*

Cum liberasset Gedeon populum Israel de manu Madian, et occidisset Zebee et Salmana, dixerunt omnes viri Israel ad eum: « Dominare nostri, tu et filii tui, » etc. Ipso tamen mortuo, cum haberet septuaginta filios, nullum accipere curaverunt. *Judic., viii.*

Samuel propheta liberavit populum Israel de manu Philistiorum, et recuperavit urbes quas illi abstulerant Israeli. Postea congregati sunt, et petierunt sibi regem constitui contra voluntatem Samuelis. *I Reg., vii et viii.*

Quanvis David ita bene populum rexisset, et tot victorias habuisset, tamen satis cito facta est conjuratio valida contra eum, populusque currens augebatur cum Absalom, *II Reg., xv.*

Nondum vero redierat David in Hierusalem, et populus certatim eum illuc volebat reducere cum honore; sed pro eo quod viri Juda loeuti sunt cum illis de decem tribubus, separatus est omnis Israel a David, secutusque est Sebam filium Bochri. *II Reg., xx.*

Sub Salomone, filii Israel temporalium rerum abundantiam habuerunt, et honore maximo floruerunt; tamen a filio pro majori parte, occasione unius duri verbi, continuo recesserunt. *III Reg., xii.*

Audentes filii Israel terribilem potentiam Holophernis, preoccupaverunt omnes vertices montium, et muris circumdederunt vicos suos, et congregaverunt frumenta in preparationem pugnae. Post modicum vero, cum vidissent se aretari ab exercitu Holophernis, congregati sunt ad Oziam omnes simul, et dixerunt: « Judicet Dominus inter nos et te, quoniam fecisti in nos mala, nolens loqui pacifice cum Assyriis, » etc. *Judith, vii, 13.*

Cum complessent Hieremias verba, quæ præ-

ceperat ei Dominus, ut loqueretur ad populum; apprehenderunt eum sacerdotes, et omnis populus, dicentes: « Morte moriatur. » *Hierem., xxvi.* Et post pauca, eodem capitulo, dixerunt principes, et omnis populus ad sacerdotes: « Non est viro huic judicium mortis, » etc.

Accesserunt omnes, a parvo usque ad magnum, ad Hieremiam prophetam, et dixerunt: « Omne verbum, in quo miserit te Dominus ad nos, faciemus, sive bonum est, sive malum. » Cumque post decem dies nuntiaret eis Hieremias Domini voluntatem, dixerunt ei: « Mandaeum tu loqueris; non misit te Dominus, sed Baruch filius Neriae inicitat te adversum nos. » Et audivit universus populus vocem Domini, etc. *Hierem., xlii et xliv.*

Cito credidit duobus presbyteris senibus multitudine, et condemnaverunt Susannam, etc. *Dan., xiii.*

Cognovit Simon quod Tryphon eum dolo loqueretur, petens duos filios Jonathæ, etc. *I Mach., xiii.*

Cum quadam die esset Dominus in civitate Nazareth, et dicserent ei Judei satis bono modo, ut faceret ibi miracula, sicut et in Capharnaum fecerat, post modicam increpationem, quam dixit eis, repleti sunt omnes ira, et ejecerunt illum extra civitatem, et voluerunt precipitare eum de superclivo montis. *Luc., iv.*

Quando satiaverat Dominus Jesus quinque millia hominum de quinque panibus, etc., *Joan., vi.*

Videntes illi de populo Judeorum Lazarum suscitatum, et multa alia miracula facta fuisse per Dominum Jesum, venerunt ei obvian cum magno honore; altamen in sero, circumspectis omnibus, neminem invenit, qui cum ad hospitium invitaret. De his narratur, *Matth., xxi; Marc., xi; Luc., xix; Joan., xii.*

Aute quinque dies Paschæ Dominum Jesum venientem in Hierusalem recepit populus cum magno tripudio et honore, et per hebdomadam omnis populus erat suspensus ad verba ejus, et mane veniebant ad eum in templo audire eum; feria vero sexta in die paraseves clamarunt omnes: « Crucifige eum. » *Luc., xxi et xxiii; Joan., xviii et xix.*

Facta voce spiritus vehementis, convenit multitudine, et mente confusa est; quidam autem irridebant, dicentes: « Quia musto pleni sunt

(a) *Cœl. edit. per.*

isti. » Stans autem Petrus, locutus est eis multa, discipulos excusans, et verba Joelis allegans: quibus auditis, compuncti sunt corde, petentes quid facere deberent, et baptizati sunt illo die circiter tria millia, *Act.*, ii.

Quodam sabbato pene universa civitas convenit audire verbum Dei, quod Paulus et Barnabas prædicabant; Judei autem contradicebant blasphemantes. Tunc Paulus et Barnabas conversi sunt ad prædicandum Gentibus: audientes autem Gentes gavisse sunt. Paulo post Judæi concitaverunt religiosas mulieres, et primos civitatis, et excitaverunt persecutionem in Paulum et Barnabam, et ejecerunt eos de finibus suis; et illi excusso pulvere pedum in eos, venerunt Iconium. *Act.*, xiii.

Cum Paulus et Barnabas essent in Lystris civitate Lycaniae, et claudus per Paulum fuisset curatus, etc. *Act.*, xiv.

Quidam quæstuarii habentes unam mulierem cum spiritu pythonico, a qua Paulus ejecit dæmonium, etc. *Act.*, xvi.

Paulo apud Ephesum existente, et multa miracula faciente, Demetrius quidam argentarius facies ædes argenteas Diane, etc. *Act.*, xix.

Quadam die tanta fuit facta in Hierusalem aduersus Paulum turbatio, et populi conversio, quod præcipitabant eum, et trahebant extra templum, et vix potuit eripi a tribuno cohortis, qui cum militibus supervenit, *Act.*, xxii. Postea vero cum narrasset, quod ei acciderat eunti Damascum, levaverunt vocem, dicentes: « Tolle de terra hujusmodi, non enim fas est eum vivere. » Sequenti autem die exclamavit Paulus in concilio: « Viri fratres, ego Phariseus sum, filius Pharisæorum. » Et facta est dissensio inter Pharisæos et Saduceos, et soluta est multitudo; et surgentes quidam Pharisei pugnabant, dicentes: « Nihil mali invenimus in homine isto. Quid si spiritus locutus est ei, vel Angelus? » *Act.*, xxiii.

Dum calefaceret se Paulus ad ignem post naufragium tempore hiemali, vipera ex calore procedens invasit manum ejus. Quod videntes, etc. *Act.*, xxviii.

CAPUT CXV.

De operatione bona.

Posuit Dominus hominem in paradiso voluptatis, ut operaretur et custodiret illum. *Gen.*, ii, 15.

« In sudore vultus tui vesceris pane tuo, etc. *Gen.*, iii, 19.

Et post emisit eum Dominus de paradiso volutatis, ut operaretur terram, de qua sumptus est, *Gen.*, iii. Et sic nota quod Deus hominem voluit operari, et in statu innocentiae, et post peccatum.

Tempore quo solent reges ad bella procedere, David in domo sua remansit in illo otio, et ad ultimum eam proditionem commisit. *Il Reg.*, xi.

Salomon ædificavit domum Dei, et domum suam; sed nota quod prius domum Dei, et licet opus esset majus, tamen in minori tempore complevit eam. *III Reg.*, vi et vii.

Egerunt ii, qui operabantur industrie, et suscitaverunt domum Dei in statum pristinum, et firmiter eam stare fecerunt. *Il Paralip.*, xxiv, 13.

Ezechias rex Juda operatus est bonum, et rectum, et verum coram Domino, volens requirere Dominum in toto corde suo, fecitque et prosperatus est. *Il Paral.*, xxxi, 21.

Anno secundo reditus filiorum Juda de Babylone, cœperunt fundare templum. Josue vero filius Josedech, et fratres ejus instabant super eos, qui faciebant opus. *I Esd.*, iii.

Præcepit rex Darius, ut ædificaretur domus Domini in Hierusalem, et daretur sumptus de area regis, nec impediretur opus. *I Esd.*, vi.

Nota quod opera, quæ fecerunt filii transmigrationis in fundatione templi, et in ædificatione muri civitatis, multos habuerunt impedidores. *Esd.* et *Nehem.*, quasi per totum.

Vidit Deus opera Ninivitarum, et misertus est eorum. *Jon.*, iii, 10.

Otiosi arguuntur, sed operarii ad mercedem vocantur. *Matth.*, xx.

Servus qui accepit quinque talenta, et operatus est in eis, et lucratus est alia quinque, commendatus est a Domino; similiter et qui duo accepérat, et lucratus est alia duo; alius autem qui unum accepit, et non multiplicavit illud, sed inutiliter reservavit, reprobatus fuit. *Matth.*, xxv.

Illi duo discipuli, qui Dominum secum manere coegerunt, quandiu fuerunt cum eo in verbis, non cognoverunt eum; sed in opere hospitalitatis, et fractione panis. *Luc.*, xxiv.

Opus Mariæ Magdalena, quando unxit Dominum recumbentem, frementibus discipulis, ab ipso Domino approbatum est. *Marc.*, xiv.

Laudabilia opera patrum a filiis imitanda esse, ostendit Dominus, dicens : « Si filii Abraham estis, opera Abrahæ facite, » *Joan.*, viii, 39.

Opera bona comparat Apostolus semini, de quo sator jacit multum, et multum metit. *II Cor.*, ix, 6 : « Qui parce seminal, » etc.

Graviter reprehendit Paulus Thessalonicenses otiosos, licet ipsos alias commendaret. *II Thess.*, iii, 10 : « Qui non vult operari, non manducet. »

Tabitha erat Christi discipula plena operibus bonis, et eleemosynis, quas faciebat ea; ideo ipsa mortua, moti fuerunt multi ad rogandum Petrum pro ipsa, qui suscitavit eam. *Act.*, ix, 36-41.

« In omni gente qui timet Deum, et operatur justitiam, acceptus est Deo. » *Act.*, x, 35.

Apud Corinthum manebat Paulus cum Aquila et Priscilla, quia ejusdem artis erat, et operabatur. *Act.*, xviii, 3.

CAPUT CXVI.

De intentione recta habenda in opere.

Occidit Cain Abel fratrem suum, David Goliath, Joab Abner et Amasiam, Herodes Antipas Joannem Baptistam, Agrippa Jacobum, Petrus etiam solo verbo Ananiam et Saphiram; sed considera varias intentiones et causas.

Abraham risit in promissione filii nascituri, Sara etiam risit; sed risus Abrahæ fuit commen-
datus, Sara vero reprehensus. *Gen.*, xviii.

Dixit Pharao : « Peccavi, » *Exod.*, ix, 27, et x, 46. Dixit Saul : « Peccavi, » *I Reg.*, xxvi, 21. Dixit David : « Peccavi, » *II Reg.*, xii, 13. Hoc ipsum dixit Manasses, *II Paral.*, xxix, 6. Dixit etiam Judas, *Matth.*, xxvii, 4. Sed intentiones cordium valde diverse fuerunt.

Similia fere verba dixit Moyses in Raphidion, quando petitum populus aquam ad bibendum, *Exod.*, xvii, 4. Et ad aquas contradictionis, *Num.*, xx, 10. Sed prima vice non hascitavit, sicut patet (a) ex pena que secta fuit.

Filiæ Ruben et Gad, et dimidia tribus Manasse redificaverunt altare; sed longe alia intentione, quam crederent alii filii Israel. *Jos.*, xxii.

Commendavit multum Dominus bonam voluntatem David, quam habuit de ædificatione templi, licet noluerit Deus quod templum redificaretur per ipsum. *II Reg.*, vu.

Misit David pro Uriᾳ, qui erat in exercitu,

non ut ille quiesceret, sed ut ipse peccatum, quod cum ejus uxore commiserat, facilius occurset. *II Reg.*, xi.

Ornavit se Judith valde curiose; sed omnis illa compositio non ex libidine, sed ex virtute pendebat, et ad liberandum populum Dei de manibus pessimi inimici. *Judic.*, x.

Quod Mardonius Aman nolebat adorare, vel coram eo genua fletere, non faciebat pro inobedientia vel contemptu, sed quia divinum honorem nolebat homini mortali deferre, sieut ipse testatur. *Esth.*, xiii.

Dixit Herodes Magis, ut cum puerum inventisset, renunciarent ei, ut et ipse adoraret eum; sed valde aliud intendebat, et aliud praetendebat. *Math.*, ii, 8.

Prohibuit Dominus duobus cæcis, ab eo illuminatis, ne quis hoc sciret; et tamen sequitur, quod illi diffamaverunt eum in tota terra illa, *Math.*, ix, 31; nec tamen illi arguuntur transgressionis.

Signanter addit Dominus finem, vel intentiōnem quam quisque debet habere in bona faciendo, vel mala patiente, *Matth.*, v, 11, et *Luc.*, vi, 22 : « Beati eritis cum maledixerint vobis homines, etc., propter me, vel propter nomen meum. » Item, *Matth.*, x, 42 : « Quicumque potum dederit, » etc. Item, *Matth.*, xix, 29 : « Omnis qui reliquerit domum, » etc., « propter nomen meum. » Eleemosynam dare, orare et jejunare, specialiter præcepit Dominus non propter homines fieri, ne contingat tam bona opera prava intentione corrumpi. *Matth.*, v et vi.

Quidam sequebantur Dominum, ut eum nequiter observarent, *Luc.*, xiv; aliqui, ut de ejus panilys manducarent, *Joan.*, vi; alii, ut ipsi, vel eorum amici a languoribus sanarentur, *Joan.*, vii; *Luc.*, vi, 19.

Herodes multo tempore cupiebat videre Jesum, et non causa pietatis, sed quia sperabat signum aliquod videre ab ipso fieri, et ideo nihil profuit ei videre Jesum. *Luc.*, xxiii.

CAPUT CXVII.

De acedia, vel negligentia.

Audiens Jacob, quod alimenta venderentur in Ægypto, dixit filiis suis : « Quare negligitis? Descendite, et emite vobis necessaria. » *Gen.*, xlvi, 2.

Panem angelorum habebant filii Israel in

(a) *Suppl.* de secunda.

deserto, et tamen extēdiati desiderabant cibos
Ægypti, *Num.*, xi.

Acedia vel tedium boni est causa impatientiae
et carnalis desiderii, item multiplicis mendacii,
sicut patet, *Num.*, xi, 5: « Recordamur pis-
cium, » etc.

Profecti sunt filii Israel de monte Hor, etc.,
et tēdere cōpīt populum itineris et laboris, et
locutus est contra Dominum ē Moysen, et ait:
« Anima nostra jam nauseat super cibo isto
levissimo. » Quamobrem misit Dominus in po-
pulum serpentes ignitos. *Num.*, xxii.

Negligenter custodiebat Abner dominum
suum Saul, quando David venit ad castra ejus,
et neminem reperit vigilantem, *I Reg.*, xxvi.

Dormiens percussus fuit Ibsoseth filius Saul,
et occidit. *II Reg.*, iv.

Tempore quo solent reges ad bella proce-
dere, remansit David in domo sua, ubi grave
adulterium hac occasione commisit. *II Reg.*, xi.

Placuit Joas regi Juda, ut instauraret domum
Domini, et praecepit Levitis, ut circa hoc essent
solliciti: porro Levitae egere negligentius: qua
de causa rex arguit Joiadam sacerdotem, *II Paral.*, xxv.

Cum dormirent homines, venit inimicus, et
supersemnavit zizania in medio tritici, *Matth.*,
xiii, 25.

Arguuntur otiosi, et remunerantur operarii.
Matth., xx.

Facta tempestate in mari, Jonas descendit ad
inferiora navis, et dormiebat sopore gravi; et
accessit ad eum gubernator, et ait ei: « Quid
sopore deprimeris? Surge, invoca Deum tuum. »
Jon., 1.

Dure reprehendit Dominus servum malum et
pigrum, qui multiplicare neglexit commissum
sibi talentum, *Matth.*, xxv.

Virgines dormientes, quarum lampades non
fuerant prius ornatae, fuerunt postea a nuptiis
exclusae. *Matth.*, xxv.

Valde videntur fuisse accedosi discipuli hora
illa post cenam, qui rogati a Domino vigilare,
continuo dormiebant. *Matth.*, xxvi; *Marc.*, xiv;
Luc., xxii.

CAPUT CXVIII.

De pueris bonæ indolis.

Non legitur Isaac murmurasse, quando pater
ejus ex præcepto Domini ipsum voluit immo-
lare, *Gen.*, xxii.

Joseph accusavit fratres suos apud patrem
crimine pessimo, quod erat in eo signum de-
testationis peccati; et patri dicenti: « Veni,
mittam te ad fratres tuos, » obedienser respon-
dit: « Præsto sum. » *Gen.*, xxxvii.

Samuel adhuc puer erat minister in conspectu
Domini, et dormiebat in templo Domini, ubi
erat area Dei. *I Reg.*, ii et iii.

Quando David debebat in regem per Samue-
lem inungi, erat in agro parvulus, et pascebatur
oves tanquam patri obediens, humiliis et abjec-
tus. *I Reg.*, xvi.

Joas, filius Joram regis, puer septem anno-
rum cum regnare cōpisset, fecit quod bonum
erat coram Domino eunctis diebus Joiadae sa-
cerdotis. *IV Reg.*, xii; *II Paral.*, xxiv.

« Octo annorum erat Josias cum regnare cō-
pisset, fecitque quod placitum erat coram
Domino, » *IV Reg.*, xxii, 1, 2; et tamen pessimos
patrem et avum habuerat.

Tobias, « cum esset junior omnibus in tribu
Nephthalim, nihil tamen puerile gessit in opere. »
Tob., 1, 4. Et idem, cum postea filium genuisset,
ipsum « ab infantia timere Deum docuit, et absti-
nere ab omni peccato. » *Tob.*, 1, 10.

Sine propheta, sine sacerdote et magistro,
Daniel, et tres socii ejus, legem Dei observantes,
sobrie, et juste, et pie vixerunt inter pueros
gentiles. *Dan.*, i.

Fratres illi septem adolescentes miram sa-
cientiam in responsionibus, et patientiam in
tribulationibus habuerunt. *II Mach.*, vii.

Beatus Joannes « Baptista puer crescebat, et
confortabatur spiritu, et erat in deserto usque
in diem ostensionis sue ad Israel. » *Luc.*, 1, 80.

Salvator noster, puer duodennis existens se-
cundum carnem, « inventus est in templo in
medio doctorum, audiens illos, et interrogans. »
Deinde « descendit cum Maria et Joseph, et erat
subditus illis. » *Luc.*, ii, 46, 51.

CAPUT CXIX.

De societate bonorum.

Considerandum est valde, quod si inventi
fuissent decem viri justi in quinque civitatibus,
propter illos pepercisset Dominus universis.
Gen., xviii.

Dixit Jacob ad Laban, *Gen.*, xxx, 30: « Modis-
cum habuisti, antequam venirem ad te; et nunc
dives effectus es, benedixitque tibi Dominus ad
introitum meum. »

Item, *Gen.*, xxxix, 5: « Benedixit Dominus domui Ægyptii propter Joseph, et multiplicavit, » etc.

Bene fuit associatus Jacob, qui dixit, *Gen.*, xxxv, 5: « Faciamus altare Domino, qui exaudiuit me in die tribulationis meæ, et fuit socius itineris mei. »

« Servivit Israel Domino cunctis diebus Josue et senicrum, qui noverant omnia opera Domini, quae fecerat in Israel. » *Jos.*, xxiv, 31.

Filiæ Dan ceperunt Lais, et homines occidunt, « quia cum nullo honorum habebant quicquam societatis. » *Judic.*, xviii, 27, 28.

Ex parte Saulis missi lictores ad capiendum David morantem cum Samuele et aliis propheticis, prophetare coperunt; venit Saul, et prophetavit etiam ipse cum eis. *I Reg.*, xix.

Propter honorem Josaphat regis Iuda, Deum colentis, Eliseus propheta impetravit aquas dari exercitu, in quo erant duo alii mali reges, *IV Reg.*, iii.

Homines Deum timentes volebat secum habere Tobias in convivio, *Tob.*, ii. Et hoc ipsum docuit filium suum, *Tob.*, iv, 18: « Noli manducare cum peccatoribus, » etc. Idem etiam diligenter voluit scire, cum quo iturus esset filius suus, *Tob.*, v.

Dicebat Sara uxor Tobie Junioris: « Nunquam cum ludentibus misceui me, neque cum iis, qui in levitate ambulabant, participem me prebui. » *Tob.*, iii, 17.

Auditio crudeli mandato regis, quod debebant interfaci cuncti sapientes Babylonis, Daniel ivit ad socios suos, ut quererent simul misericordiam a Domino; et revelata est nocte visio Danieli, unde, occasione Danielis servi Dei, pepereit rex magis sapientibus Babylonis. *Dan.*, ii.

Post obitum Judæ Machabœi, emerserunt iniqui, et facta est famæ valida, et impios instituit Bæchides dominos regionis, et facta est tribulatio magna in Israel: que omnia mala forsitan non fuissent, si adhuc Judam socium, et dominum habuissent. *I Mach.*, ix.

Cum primus illorum septem fratrum in sartagine torreretur, cæteri cum matre ad moriendum fortiter se hortabantur. *II Mach.*, vii.

Veniebat Judas Machabæus ad capiendum Seythopolim civitatem; sed propter Judeos, qui intus habitabant, erga quos Seythopolite benigni erant, nihil eis mali fecit; imo gratias agens hortatus est de cetero erga genus suum beniguo esse. *II Mach.*, xii.

Quamdiu fuit Petrus cum Apostolis, multum fuit firmus et securus; sed quando fuit in atrio summi sacerdotis cum ministris illius calefaciens se ad ignem, Deum negare coepit. *Matt.*, xxvi; *Marc.*, xiv; *Luc.*, xxii; *Joan.*, xviii.

Statim quando cæcus natus a Domino illuminatus fuit, extra Synagogam a Pharisæis ejectus, a benigno Domino Jesu inter suos fideles receputus est. *Joan.*, ix.

Cum essent discipuli omnes pariter perseverantes unauimiter in oratione, venit Spiritus sanctus in eos, et ipsos inæstimabiliter roboravit et docuit. *Act.*, ii.

De fidelibus, qui erant in Ecclesia primitiva, dicitur, *Act.*, ii, 44: « Omnes qui credebant erant pariter, et habebant omnia communia; » sequitur, 46, 47: « Sumbabant cibum in exultatione et simplicitate cordis, collaudantes Deum, et habentes gratiam ad omnem plenem. »

Post conversionem suam Saulus, veniens Ilerosolymam, tentabat se jungere discipulis, et omnes timebant eum, non credentes quod esset discipulus. Baruabas appreheensus illum duxit ab Apostolos, etc. *Act.*, ix, 26, 27.

Homines qui erant cum Paulo in navi tempore gravissime tempestatis, occasione ipsius Pauli, quem habebant secum, fuerunt salvati; nam dixit Angelus Domini: « Ecce donavit tibi Deus omnes qui navigant tecum. » *Act.*, xxvii, 23.

CAPUT CXX.

De societate malorum.

Salubriter exivit Abraham de Chaldaea, ubi erant homines corrupti idolatria, *Genes.*, xi; uide postea hoc ipsum pro beneficio Dominius ei commemorat, dicens: « Ego Dominus, qui eduxi te de Ur Chaldeorum. » *Gen.*, xv, 7.

Non solum corpore, sed etiam cogitatione et affectione est patria relinquenda; unde dixit Dominus ad Abraham, cum jam corpore existet: « Egredere de terra tua, » etc. *Gen.*, xii, 1. Nota promissiones ibi factas.

Quandiu fuit Abraham cum perversis hominibus in Ur Chaldeorum, non legitur ei Dominus apparuisse, licet bonus fuisse credatur; sed postquam inde exivit, multoties fuit divisionis apparitionibus visitatus. *Gen.*, xii, xv, xvii et xviii.

Injurias et jacturas passus est Loth a pessimis Sodomitis, cum quibus habitabat, vel impio-

rum occasione. *Gen.*, xiii, xix, et II *Petr.*, ii, 7.

Quam difficile sit malorum consuetudinem dimittere, patet per Loth, quem de medio Sodomorum angeli vix extrahere potuerunt. *Gen.*, xix.

Ludus Ismaelis cum Isaac displicuit Saræ. *Gen.*, xxi.

Fugientem Jacob malum fratrem suum Dominus multipliciter confortavit. *Gen.*, xxvii.

Noluit Jacob ambulare cum malo fratre, licet placasset eum muneribus, et ille satis instaret, et signa dilectionis ostenderet. *Gen.*, xxxiii.

Dixit Moyses ad turbam filiorum Israel : « Recedite a tabernaculis hominum impiorum et nolite tangere quæ ad eos pertinent, ne involvamini in peccatis eorum. » *Num.*, xvi, 26.

Dixit Dominus Moysi : « Präcepi filiis Israel : intrantes terram Chanaan, disperdere cunctos habitatores regionis illius : si autem nolueritis interficere, qui remanserint, erunt vobis quasi clavi in oculis, et lanceæ in lateribus. » *Num.*, xxxiii, 51, 55.

Occasione Achan, qui tulit de anathemate Jericho, fuit populus in prælio superatus. *Jos.*, vii.

Propter quosdam filios Belial, qui in uxorem Levita detestabile flagitium perpetraverunt, omnes filii Benjamin, paucis exceptis, trucidati fuerunt. *Judic.*, xix.

Noluerunt filii Israel delere habitatores terræ, sicut præceperat Dominus, sed percerserunt eum eis fœdus, et male accidit eis. *Judic.*, i et ii.

Amicitia, quam habuit Amnon filius David cum Jonadab, dedit ei viam ad hoc, quod Thamar sororem suam opprimeret. II *Reg.*, xii.

Rebellionem disponente Absalom contra patrem suum, iverunt multi cum eo simplici corde ; qui contra David nihil machinati fuissebant, si cum bonis et pacificis in Hierusalem remansissent. II *Reg.*, xv.

Propter quosdam superstites de domo Saul, facta est fames in terra, donec ad petitionem Gabaonitarum crucifixi fuerunt. II *Reg.*, xxi.

Rex Juda Josaphat fuit fere occisus, vadens cum Achab ad prælrium, III *Reg.*, xxii. Et reprehensus fuit per prophetam Domini dicentem : « Impio præbes auxilium, et iis qui oderunt Dominum amicitia jungeris, et idecirco iram Domini merebaris ; sed bona opera inventa, » etc. II *Paral.*, xix, 2, 3.

Ochosias rex Juda ambulabat in viis Achab, et fecit malum coram Domino ; et causa hujus

statim subditur : « Gener enim erat domus Achab. » IV *Reg.*, viii, 27.

Elicer propheta dixit Josaphat regi Juda : « Quia habuisti fœdus cum Ochozia, percussit Dominus opera tua, contritæque sunt naves. » II *Paral.*, xx, 37.

Venit homo ad Amasiæ regem Juda, et ait : « O Rex, ne gradiatur tecum exercitus Israel : non enim est Dominus cum Israel. Quod si putas in robore exercitus bella consistere, superari te faciet Deus ab hostibus. » II *Paral.*, xxv, 7, 8.

Aedicantibus filiis Juda templum post reditum de Babylone, hostes eorum voluerunt aedicare cum illis. Illi vero, bono usi consilio, renuerunt. I *Esd.*, iii.

Cum irent omnes ad vitulos aureos, quos Jeroboam fecerat, Tobias solus fugiebat consortia omnium, et pergebat in Hierusalem. *Tob.*, i, 5.

Beatus Job dicit : « Frater fui draconum, et socius struthionum. » *Job.*, xxx, 29.

Cum dixisset Isaia : « Vir pollutus labiis ego sum, » causam insinuans subdidit : « In medio populi polluta labia habentis ego habito. » *Isaï.*, vi, 3.

Dictum fuit Ezechiali : « Increduli et subversores sunt tecum, et cum scorpionibus habitas. » *Ezech.*, ii, 6.

Mali nocent sibi invicem ; nam duo senes ex hoc acceperunt audaciam accusandi Susannam, quia in eamdem malitiam convenerunt. *Dan.*, xiii.

Quandiu Judas Machabæus, confidens de divino auxilio, gessit bella pro populo suo, bene ei successit ; cum vero constituit amicitiam cum gentibus Romanis, licet tunc potentissimus, cito superatus fuit, et in bello occidit. I *Mach.*, ix.

Simile accidit Jonathæ fratri Judæ. I *Machab.*, xii.

Petrus existens cum discipulis in nocte cœnæ Domini multum erat securus ; cum autem venit ad atrium summi sacerdotis, Dominum ad vocem unius ancille negavit. *Matth.*, xxvi; *Mar.*, xiv; *Luc.*, xxii; *Joan.*, xviii.

Cœcus in via mendicans clamabat ad Dominum Jesum ; et qui præibant, increpabant eum, ut taceret. » *Luc.*, xviii, 39.

Non fuit inter fideles Christi annumeratus cœcus ille natus, quem Dominus videre fecit, donec fuit a Pharisæis de Synagoga ejectus. *Joan.*, ix.

Plures mali interdum in unam malam societatem conveniunt, ut bonis inferant nocumentum: ita concordaverunt Balach et Balaam ad maledicendum filii Israel. *Num.*, xxii.

Item Adonisedech rex Hierusalem, et alii quatuor reges, adversus Gabaonitas, eo quod illi fecerant pacem eum Josue.

Item Jabin rex Azor, et alii reges triginta, contra Josue et filios Israel. *Jos.*, x.

Item quinque satrapae Philistinorum, Chananei, Sidonii, et Ilevæi. *Judic.*, iii.

Item Madian, et Amalech, et cæteri Orientallium nationum. *Judic.*, vi.

Sic etiam intelligitur, *Isai.*, vii, 2: « Requievit Syria super Ephraim, » id est, decem tribus et rex concordaverunt in unum ad regnum Iuda funditus extirpandum. Rursus etiam, in passione Domini, Herodes et Pilatus facti sunt amici. *Luc.*, xxiii, 12.

Philippenses commendat Apostolus, dicens: « In medio nationis pravae et perverse, inter quos luctis sicut luminaria in mundo, » etc. *Philip.*, ii, 15.

Petrus Apostolus dixit quibusdam Judæis audentibus verbum Dei, *Act.*, ii, 40: « Salvamini a generatione ista prava. »

Proconsul Paulus desiderabat audire verbum Dei; sed erat cum eo Elymas magus pseudopropheta Iudeus, qui resistebat Paulo et Barnabæ, « querentes avertere proconsulem a fide. » *Act.*, xiii, 8.

In civitate Lystris homines tantæ simplicitatis erant, quod ipsi Paulum et Barnabam deos ad terram descendisse putabant. Cum autem vix desasset eos Paulus, et corpisset eis viam ostendere veritatis, supervenerunt quidam Iudei, qui ita suaserunt turbis, quod Paulus fuit lapidatus ibi, et quasi pro mortuo derelictus. *Act.*, xiv.

Cum verbum Domini fortiter in Epheso cresceret, et Dominus per Paulum ibidem miracula multa faceret, Demetrius quidam argentarius faciens ædes argenteas Dianaë, convocatis opificibus illius artis, seditionem contra Paulum concitatavit. *Act.*, xix.

CAPUT CXXI.

De prosperitate mundana.

Abundantia rerum temporalium sœpe fit multorum occasio peccatorum, sicut in illa regione,

que irrigabatur sicut paradisus Domini, in qua habitabant Sodomites pessimi. *Gen.*, xiv.

Gedeon, cum parvus homo esset, et in area frumentum excuteret, bonus fuit, et eum angelus Domini visitavit; post obtentam vero victoriæ, male se habuit. *Judic.*, viii.

Saul antequam rex esset, bonus fuit; et postquam regni gubernacula suscepit, intumuit, et mandatum Domini præterivit. *I Reg.*, xv.

Post multa bella, et victorias de inimicis obtentas, remanens David quietus in Hierusalem commisit adulterium, et exinde secutum est hoecidium. *II Reg.*, xi.

Occasione multititudinis subditorum, David in superbiam elatus est, et fecit populum numerari. Sed nota quam graviter tale peccatum fuit punitum. *II Reg.*, xxiv.

Non erat argentum alicujus pretii in diebus Salomonis, quia tanta erat in Hierusalem argenti abundantia, quanta et lopidum. *III Reg.*, x. Sed nota quam mirabile, et terrible fuit; quod plus nocuit ei rerum copia, quam profuerit tanta sapientia. *III Reg.*, xi.

Antequam Jeroboam haberet dominium super decem tribus, non legitur fuisse malus, sed magis adolescens bone indolis, et industrius; statim vero ut regnum adeptus est, fecit vitulos aureos, et averterit populum a Deo, ne averteret se ab eo. *III Reg.*, xii.

Amasias rex Juda debellavit Edom, et inde elevatum est cor ejus, et voluit contra Joas regem Israel præliari; sed male successit ei. *IV Reg.*, xiv.

Cum roborum fuisse regnum Roboam, et confortatum, dereliquit legem Domini, et omnis Israel cum eo. *II Paral.*, xi, 1.

Cum roborum esset Ozias rex Juda, elevatum est cor ejus in interitum suum, ingressusque in templum adolere voluit incensum. *II Paral.*, xxvi.

Manasses rex in Hierusalem fuit pessimus; poste in Babylone et coangustatus oravit Dominum, et egit penitentiam valde coram Domino. *II Paral.*, xxxiii.

Mundana prosperitas multiplicat carnales amicos, et congregat, quos adversitas sœpe fugat. Unde Tobia a cœcitate sanato, et ditato, venerunt consobrini ejus ad eum gaudentes et congratulantes ei, *Tob.*, xi. Quod non leguntur fecisse, quando prius erat cæcus, et uxor ejus ibat ad lextrinum opus. *Tob.*, ii.

Post victoriam obteutam de Arphaxad, exal-

tatum est regnum Nabuchodonosor regis Assyriorum, et cor eius elevatum est. *Jud.*, i.

Quamvis Aman esset secundus a rege potentissimo Assuero, et haheret multas divitias, filios et amicos; tamen ita torquebat ex eo, quod Mardonius ei genua non flectebat, quod nihil se habere putabat. *Esth.*, v. Item nota brevitatem illius prosperitatis.

Quamdiu duravit plaga Domini super Job, licet venerunt ad eum aliqui amici, fuerunt tamen ei consolatores onerosi, nec leguntur ei dedisse aliquid. Postquam autem addidit Dominus omnia quæcumque fuerant Job duplia, venerunt ad eum omnes fratres sui, et cuncti qui noverant eum, « et dederunt ei unusquisque ovem unam, et inaurem auream unam, » *Job*, xlvi, 11.

Statuam quam vidit Nabuchodonosor, quæ percussa lapide absciso de monte redacta est in favillam testivæ areæ, satis indicat prosperitatem mundanam nihil esse. *Dan.*, ii.

Fili Jambri faciebant nuptias magnas; et venerunt Judæi, Jonatha duce, et occiderunt multos, et converse sunt nuptiae in luctum, et vox nasicorum in lamentum. *I Machab.*, ix, 41.

Ptolemaeus rex Egypti, Alexandro rege Syria debellato, et in Arabiam fugato, exaltatus est; et abstulit Zabdil Arabs caput Alexandri, et misit Ptolemaeo, et rex Ptolemaeus mortuus est die tertia. *I Machab.*, xi.

Adolescens qui quæsivit a Christo, quomodo posset habere vitam æternam, multis possessiones habebat; et idcirco abiit tristis, quando Dominus dedit ei consilium perfectionis. *Matth.*, xix.

Petrus negavit Dominum in atrio principis sacerdotum. *Matth.*, xxvi.

Magnum festum fecerunt Judæi Domino Iherusalem venienti, et circumspectis omnibus, cum jam vespertina esset hora, exiit in Bethaniam, quasi non inveniret, qui eum in hospitio reciperet. *Marc.*, xi, 41.

Ad contempnendam temporalium abundantiam multum valet exemplum de divite, cuius ager uberes fructus attulit; eum autem sollicitus cogitaret destruere horrea, ait illi Deus: « Stulte, hac nocte repetent animam tuam a te, » etc. *Luc.*, xii, 20.

Emptores ville et boum, et ille qui uxorem duxerat, vocati ad cœnam magnam domini, se excusant tanquam aliis occupati; pauperes autem et debiles, fuerunt introduci. *Luc.*, xiv.

Videns Dominus civitatem Iherusalem pace temporali fruentem, et superventuras miseras ignorantem, flevit super illam dicens: « Si cognovisses et tu... » supplendum esset: *Fle-
res. Luc.*, xix, 42.

Cum populus Herodi magno regi, vestito ueste regali, et sedenti pro tribunal, acclamaret: « Voces Dei, et non hominis; » confessim percussit eum angelus Domini, et consumptus a vermis expiravit. *Act.*, xii, 22-23.

CAPUT CXXII.

De curiositate humana.

Primariæ transgressionis occasio ortum habuisse videtur ex eo, quod Eva serpentem curiose audivit, et lignum vetitum curiose respxit. *Gen.*, iii.

« Egressa est Dina filia Liæ, ut videret mulieres regionis illius; » sequitur, quod visa, rapta, et oppressa fuit. *Gen.*, xxxiv, 1 et seq.

Præcepit Dominus Moysi, ut dicret populo: « Cavete ne ascendatis in montem, nec tangatis fines illius. Omnis, qui teligerit montem, morietur. » Et post pauca: « Contestare populum, ne forte velint transcendere terminos ad videndum Dominum, et pereat ex eis plurima multitudo. » *Exod.*, xix, 12, 21.

Dixit Dominus ad Moysen, ut Aaron et filii ejus tantum intrarent sancta sanctorum; « alii vero nulla curiositate viderent, quæ erant in sanctuario, priusquam essent omnia involuta: alioquin morerentur. » *Num.*, iv, 20.

Ozias rex Iuda ingressus templum Domini, accepit thuribulum, et voluit adolere incensum super altare thymiamatis, quod non ad suum, sed ad sacerdotum pertinebat officium; statimque orta est lépra in fronte ejus. *Il Paral.*, xxvi.

Cum viderent Judæi miracula a Domino fieri manifesta et utilia, alia videre volebant, et signum de cœlo quererent. *Luc.*, xi.

Herodes tetrarcha, viso Jesu, gavisus est valde; non causa pietatis, sed causa curiositatis, quia sperabat signum aliquod fieri ab ipso: et propter hoc visio illa Domini Jesu nihil ei profuit, sed magis obfuit. *Luc.*, xxiii.

Curiositatem discipulorum, scire volentium tempus secundi adventus, compescuit Dominus, dicens: « Non est vestrum nosse tempora, vel momenta, quæ Pater posuit in sua potestate. » *Act.*, i, 7.

Curiositas videtur fuisse, quando Simon ma-

gus voluit baptizari, quia scilicet videbat signa, quæ Philippus faciebat. *Act.*, viii.

Athenienses omnes, et advenæ hospites, ad nihil aliud vacabant, nisi aut dicere, aut aliquid novi audire. *Act.*, xvii, 21.

Prædicante Paulo in Epheso civitate, multi qui fuerunt curiosa sectati contulerunt libros, et combusserunt coram omnibus. *Act.*, xix, 19.

Reprehendit Apostolus quosdam Thessalonices in quiete ambulantes, nihil operantes, curiose agentes. *II Thess.*, iii.

Adolescentiores viduas monet Apostolus esse vitandas: sunt enim frequenter vagæ, et otiosæ, verbosæ, et curiosæ. *II Tim.*, v.

CAPUT CXXIII.

De magna fide mulierum.

Commendat Apostolus, *Hebr.*, xi, 31, fidem Rahab, quæ non periit cum incredulis, excipiens exploratores cum pace: de quibus, *Jos.*, ii.

Ruth adhæsit socrui suæ Noemi, dicens: « Populus tuus, populus meus: Deus tuus, et Deus meus. » Unde Booz postea dixit ei: « Reddat tibi Dominus Deus plenam mercedem, ad quem venisti, et sub cuius confugisti alas. » *Ruth.*, i et ii.

Mulier Sareptana credidit verbis Eliæ prophete, licet ille rem satis difficultem illi faciendo juberet. *III Reg.*, xvii.

Mundi creationem et corporum resurrectionem optime confitebatur illa mulier, mirabilis mater, quæ septem filios uno die torqueri vidit, et ipsos ad moriendum pro Dei legibus fortiter animavit. *II Mach.*, vii.

Circa mysterium dominice incarnationis fuerunt mulieres ad credendum promptiores, quam viri. Nam Zacharias, pater Joannis Baptiste, do incredulitate fuit ab Angelo redargutus, *Luc.*, i, 20: « Pro eo quod non credidisti verbis meis, » etc.

Elisabeth non reprehensibilis legitur extitisse, quæ statim in adventu beatæ Virginis exclamavit: « Et benedicta tu inter mulieres. » *Luc.*, i, 42.

Similiter commendatur beata Virgo, quæ credit Angelō dieenti sibi, quod conceiperet de Spiritu sancto. *Luc.*, i.

Item Anna vidua prophetissa loquebatur de pueru nato omnibus, qui expectabant redemtionem Israel. *Luc.*, ii, 38.

Tantam fidem habebat ad Dominum mulier hemorroissa, quod sufficiebat ei, quod tantummodo tangeret simbriam vestimenti ejus; et ideo meruit audire verbum dulce: « Confide, filia, fides tua te salvam fecit. » *Matth.*, ix, 22; *Luc.*, viii, 48.

Nec longa expectatione, nec dura responsione destitit clamare ad Dominum mulier Chanaëa. Idecirco tandem audivit: « O mulier, magna est fides tua; fiat tibi sicut vis. » *Matth.*, xv, 28.

Mulier Samaritana plene confessa est, dicens: « Scio quia Messias venit, qui dicitur Christus. » Et postea multi Samaritanorum crediderunt in Dominum Jesum propter verbum mulieris illius. *Joan.*, iv.

Confessio Marthæ, que dixit, *Joan.*, xi, 27: « Ego credidi, quia tu es Christus filius Dei vivi, qui in huic mundum venisti, » satis fuit similis confessioni Petri, *Matth.*, xvi, 16.

De resurrectione Domini multos viros legitimus dubitasse, et Dominum Jesum illorum incredulitatem et cordis duritiam exprobrasse, *Marc.*, xvi, 14; *Matth.*, xxviii, 17. De mulieribus autem nihil tale legitur; sed resurgens Dominus primo apparuit mulieri, scilicet Marie Magdalene, et illa currens discipulis lugentibus nuntiavit, *Marc.*, xvi, 10.

Quædam mulier, nomine Lydia (*a*), purpuraria, audivit predicationem Pauli; cuius Dominus aperuit cor, et baptizata est, et domus ejus. *Act.*, xvi, 14.

CAPUT CXXIV.

De sapientia mulierum.

Sara prudenter intellexit ludum inter Isaac et Ismaelem non esse bonum, et voluit Dominus ut Abraham illius acquiesceret voluntati, *Gen.*, xxii.

Rebecca fuit valde argumentosa ad procurandum, quod Jacob benedictionem a patre, quæ debebatur primogenito, obtineret, *Gen.*, xxvii. Et postea caute fecit eum iram fratris sui Esau declinare, *Gen.*, xxviii.

Rahab meretrix discrete exploratores abscondit, et per hoc se et totam domum suam integrariter liberavit. *Jos.*, ii.

Debbora uxor Lapidoth judicabat populum, et docuit Barae filium Abinoem quid facturus

(a) *Cœl. edit.* Lydda.

asset, ut populum Dei de manu Sisare liberaret. *Judic.*, iv.

Sollicita fuit Noemi et astuta ad inveniendum modum quo Ruth, etc. *Ruth*, iii.

Mater Samuelis Anna discrete se excusavit ab eo quod Heli sacerdos ei imposuit, quando filium a Domino postulavit. *I Reg.*, i, 15-16.

Per sapientem eloquentiam suam, et liberalitatem satis modicam, Abigail viro suo vitam servavit, et David ab homicidio impedivit. *I Reg.*, xxv.

Sapiens mulier Theecuitis induxit David ad hoc, ut filium exulem revocaret. *II Reg.*, xiv.

Obsidente Joab civitatem Abela, mulier sapiens taliter locuta est ei, et poste a populo civitatis, quod ille cum totius patrie utilitate ab obsidione recessit. *II Reg.*, xx, 22.

Bethsabee mater Salomonis sapienter verbum propositum coram rege David, ut filius suus Salomon post illum regnare deberet. *II Reg.*, i.

Duarum mulierum coram Salomone contententium, illa prudenter et pie respondit, quae dixit: « Obsecro, Domine, date illi infanteum vivum ». *III Reg.*, iii, 26.

Magna sapientia fuit in regina Saba, quod ipse venit audire sapientiam Salomonis. *III Reg.*, x.

Mulier Sunamitis hospita Elisei prudenter adhæsit ei, nec voluit eum dimittere propter Giezi, donec ejus filium suscitasset. *IV Reg.*, iv.

Holda prophetis, uxor Sellum, Josiam regem confortavit, et populo mala ventura propter eorum peccata prædicta. *IV Reg.*, xxii.

Sara filia Raguelis discrete et devote oravit Dominum, ut eam liberaret de improposito, quod audierat ab ancilla. *Tob.*, iii.

Miram prudentiam et constantiam ostendit Judith alloquendo populum, et decipiendo Holopernem, tam potentem tyrannum. *Judith*, viii, usque ad finem.

Ester cum magna cautela fecit petitionem suam, postquam regem ad prandium invitaverat, et ille vino incaluerat. *Esth.*, vii.

Elisabeth mater Joannis Baptiste discrete cognovit adventum Virginis, et ipsam Matrem Domini nominavit. *Luc.*, i, 43.

Tam tacendo, quam loquendo, patet beatam Mariam Virginem mirabiliter fuisse prudentem: tacendo quidem, quia pauca verba dixisse inventur; locuta est autem cum Angelo discrete querendo, et discretius acquiescendo, *Luc.*, i: « Quomodo fiet istud? » Item: « Ecce ancilla Domini. » Item cum sancta Elisabeth, ipsam

salutando. Et nota quod, post laudes multas quas Elisabeth illi dixit, nihil ei directe respondit, sed ad laudandum Dominum se convertit, dicens: « Magnificat, » etc. Item locuta fuit cum filio, ipsum dulciter interrogando: « Fili, quid fecisti nobis sic? » *Luc.*, ii. Et pro verecundis pauperibus deprecando, *Joan.*, ii: « Vinum non habent. » Item locuta est ministris, ipsis utiliter instruendo: « Quodcumque dixerit vobis, facite. » *Joan.*, ii.

Maria Magdalena valde prudenter agebat in eo, quod ad pedes Domini se ponebat: ad pedes enim Domini veniam impetravit pro se, *Luc.*, viii; vitam pro fratre, *Joan.*, xi. Item audiebat divinam sapientiam, *Luc.*, x, 39. Et exhibuit Christo devoutam reverentiam, *Matth.*, xxviii, 1.

Uxor Pilati bene locuta est ei; et si Pilatus ei credidisset, prudenter egisset. *Matth.*, xxvii, 49.

CAPUT CXXV.

De pietate mulierum.

Rebecca, videns servum Abrahæ hominem peregrinum, et petentem bibere, sine mora respondebit: « Bibe, domine mi, quin et camelis tuis hauriam aquam, donec cuncti (a) bibant, » etc. *Gen.*, xxiv, 18-19.

Timuerunt obstetrices Dominum, et non fecerunt juxta præceptum regis Aegypti, sed conservabant mares. *Exod.*, i, 17.

Cernens filia Pharaonis vagientem puerum, misera ejus, ait: « De infantibus Hebreorum est hic. » Et faciens nutriti, filium adoptavit. *Exod.*, ii.

Rahab meretrix, videns exploratores Josue ad mortem queri, compassa est eis, et ipsis abscondens liberavit, et sanos remisit. *Jos.*, ii.

Nuntii euntes ad David absconditi fuerunt in puteo, et salvati per mulierem, qua posuit velamen super os putei, et illos, qui quærebant eos, delusit. *II Reg.*, xvii.

Duarum mulierum coram Salomone contententium illa pium cor habuit, qua item dividit (b) noluit, cuius viscera super filium commota fuerunt. *III Reg.*, iii.

Vidua mulier Sareptana hospita (c) Eliæ prophetæ, et apud illam sustentabatur utcumque. *III Reg.*, xvii.

Mulier Sunamitis induxit virum suum ad hoc,

(a) *Cœt. edit.* cunctæ. — (b) *Edit.* Vatic. liti credere; *edit.* Ven. cedere. — (c) *Leg.* hospitalitatem dedit.

ut fieret in domo sua Eliseo locus aptus ad manendum. *IV Reg.*, iv.

Cum occideret Athalia omne semen regium, Josabeth, filia regis Ioram, tulit Joas uomum de filiis regis, et abscondens salvavit eum. *IV Reg.*, xi.

Compatiens populo morti addictio Esther magno se exposuit periculo, et apud Assuerum regem Judæorum liberationem et sublimationem obtinuit. *Esth.*, vii.

Pietas beate Virginis Mariae nullum appetat in hoc quod ad pauperes nuptias ire voluit, et deficiente vino, non requisita ab aliquo, sed sponte, propterea verecundorum pauperum ad vocata dixit filio: « Vinum non habent. » *Joan.*, ii. Per hoc etiam patet largitas ejus magis, quia cum a Magis aurum, thus et myrrham, que obtulerant, accepisset, paulo post in purificatione sua non potuit habere agnum quem offerret; et supponendum est, quod illa Magorum munera pauperibus erogaverat. *Matt.*, ii; *Luc.*, ii.

Ambulans per mundum Salvator mundi, in domo Marthe et Marie specialius hospitium legitur habuisse. *Luc.*, x; *Joan.*, xii.

Mulier illa Chananea miseriam filiæ sue propriam reputabat, dicens, *Matt.*, xv, 22: « Misericordia mei, fili David, filia tua male a dæmonio vexatur. »

Mulieres ministraverunt Domino predicatori, et per castella et civitates eunti, *Luc.*, viii, 1. Astiterunt patienti, et sequebantur eum, dum ad crucem duceretur, ab Apostolis derelictus, *Luc.*, xxiii, et *Joan.*, xix. Item studiose obsequi voluerunt ei in sepulcro jacenti, *Matt.*, xxviii; *Marc.*, xvi; *Luc.*, xxiv, et *Joan.*, xx.

Prætulit Dominus duo æra minuta paupercula viduæ, quæ misit in gazophylacium, muleribus divitium, quia scilicet illa de eo, quod erat necessarium ei, dederat, et quia plus ponderat Dominus mentis pietatem quam muneris quantitatem. *Luc.*, xxi.

Blaspemantibus et depravantibus miracula Domini Scribis et Pharisæis; mulier quedam, audiens verba ejus, devote extulit vocem dicens: « Beatus venter, qui te portavit, » etc. *Luc.*, xi, 27.

Uxor Pilati magis conata fuit impedire dominicam (a) passionem, et injustam afflictionem ipsius, quam aliquis homin, de quo Scriptura testatur. *Matt.*, xxvii, 19.

Iuuuit Apostolus, *I Cor.*, ix, 5, quod aliqui

apostoli circumducebant mulieres sorores ad ipsis necessaria ministrandum.

Propter opera charitatis et eleemosynas, quas Tabitha viduis faciebat, rogaverunt flentes Petrum, ut ad defunctam veniret (b): et motus lacrymis earum Petrus, ponens genua, oravit, et eam suscitavit. *Act.*, ix.

Exiens de carcere Herodis, Petrus venit ad domum Mariæ matris Joannis, qui cognominatur Marcus, ubi multi congregati orantes. Per quod patet eam fuisse bonam mulierem, et hospitum discipulorum Domini. *Act.*, xii, 12.

Quædam mulier purpuraria, nomine Lydia (c), credens ad prædictiōnem Pauli, et baptizata cum domo sua, deprecata est dicens: « Si judicasti me fidelem esse, introite domum meam, et manete. Et coagit nos. » *Act.*, xvi, 15. Ubi etiam satis innuitur quod mulieres prompte et devote audiunt verbum Dei.

CAPUT CXXVI.

De fortitudine mulierum.

Barach filius Abinoem noluit ducere exercitum contra Sisaram, nisi Debbona uxor Lapidoth iret cum eo. Quæ dixit ei: « Ibo quidem tecum; sed in hæ vice victoria non reputabitur tibi, quia in manu feminæ tradetur Sisara. » *Judic.*, iv, 9.

Dixit Booz ad Ruth, quæ reliquerat patriam et deos suos: « Scit omnis populus, qui habitat intra portas urbis meæ, mulierem te esse virtutis. » *Ruth*, iii, 11.

Viriliter salvavit David virum suum Michol, cum quereretur ad mortem a Saule patre suo. *I Reg.*, xii.

Cum audissem Abigail virum suum Nabal dure respondisse nuntiis David, festinavit, et tulit diversa xenia; et David iratum placavit. *I Reg.*, xxv.

Gravem contumeliam ab ancilla prolatam valde patienter tulit Sara filia Raguelis, nec ei aliquid respondit, sed ad orationem se convertit. *Tob.*, iii.

Mira strenuitas fuit in Judith, quæ tantum factum ausa fuit cogitare, sicut de Holophernis occisione in proprio papilione. *Judith*, viii, et deinceps.

Esther regina exposuit se periculo moriendi

(a) *Leg.* Domini.—(b) *Cart. edit.* venirent.—(c) Item Lydda.

pro liberatione populi sui , quando non vocata ad regem ire præsumpsit. *Esth.*, v.

Supra modum mater mirabilis, quæ pereuntes septem filios sub unius diei tempore consipiens bono animo ferebat, et femineæ cogitationi masculinum animum inserebat, *Il Mach.*, vii, 21.

Fortissima fuit beata Virgo Maria, et contineundo gaudium quod habuit de filii conceptione, nativitate, Magorum adoratione, et ipsius educatione, prædicatione, miraculorum operatione, et resurrectione; item sustinendo dolorem quam passa fuit in ipsius filii passione.

Valde fuit mirabile de audacia Mariæ Magdalænæ, quæ passioni Domini affuit, et toties ad sepulcrum ejus venit. Recedentibus etiam discipulis dilectissimis, non recedebat, sed stans ibidem plorabat. Ipsam etiam nimis audacem faciebat amor, cum dicebat: « Domine, si tu sustulisti eum, dico mihi. » *Joan.*, xx, 15.

CAPUT CXXVII.

De aviditate mulierum.

Prima mulier vidit lignum pulchrum et delectabile, et statim sequitur, quod sine deliberatione, sine viri consultatione, tulit de fructu illius, et comedit. *Gen.*, iii.

Sara, liceat esset bona, tamen ita desiderabat habere liberos, quod potius (*a*) voluit habere de ancilla filium, quam nullum, *Gen.*, xvi, 2: « Ingredere ad ancillam meam, » etc.

Interrogata Rebecca an vellet ire cum servo Abraham, continuo respondit: « Vadam. » Non dixit: « Nolo ire, si placet vobis, » vel hujusmodi. *Gen.*, xxiv, 58.

Filiæ Loth potius voluerunt de patre liberos suscipere, quam sine liberis permanere. *Gen.*, xxi.

Cernens Rachel, quod infœcunda esset, invitit sorori sue, et ait marito suo: « Da mihi liberos, alioquin moriar. » *Gen.*, xxx.

Dina cupiens videre mulieres regionis illius, visa fuit a quadam nomine Sichem, et vi oppressa ab eo. Quid ergo de illis, quæ volunt videre viros, et videri ab eis? Si male frequenter eis accidat, non est mirum. *Gen.*, xxxiv, 1 et seq.

Domina cui serviebat Joseph non expectabat

virum, quod sollicitaretur ab illo, sed ipsum nimis procaciter requisivit. *Gen.*, xxxix.

Axa filia Caleb obtinuit a patre terram irriguam, quia scilicet eam suspirando instanter petivit, *Jos.*, xv.

Tantum institut uxor Samson apud eum, quod dixit ei obscuram propositionem, quam parentibus noluerat indicare. At illa statim revealavit inimicis suis, quanquam esset in damnum viri sui. *Judic.*, xiv.

Dalila per importunitatem suam evicit, ut Samson dicere ei, in quo fortitudine ejus maxima consistebat. *Judic.*, xvi.

Anna mater Samuelis præ desiderio habendi liberos flebat, et non capiebat cibos. *I Reg.*, 1.

Multum desiderabat habere filium illa, quæ rapuit alienum, de qua, *III Reg.*, iii.

Ita concupivit Jezabel vineam Naboth tradere viro suo, quod duos falsos testes nequiter procuravit, et fecit Naboth crudeliter lapidari. *III Reg.*, xli.

Cum vellet ire mulier Sunamitis ad Eliseum, et vir ejus non plenarie consentiret, respondit illa: « Vadam; » stravitque asinam; et praecipit puero: « Mina, et propara, ne mihi moram facias in eundo, et hoc age quod praecipio tibi. » *IV Reg.*, iv, 24.

Athalia mater Ochozia regis, concupiscens regnare super terram, interfecit omne semen regium, excepto Joas infantulo, qui furtim absconditus fuit. *IV Reg.*, xi.

Anna uxor Tobiae circumspiciebat quotidie, et circuibat vias, per quas spes remeandi videbatur, ut, si fieri posset, procul videret filium venientem. *Tob.*, x.

Esther non fuit (*b*) contenta ex eo, quod rex dererat ei domum Aman, et quod Judæi occiderant in sola civitate Susis viros quingentos; sed etiam in crastino fecit trecentos occidi. *Esth.*, ix.

Mulier Chananaæ sanitatem filiæ obtinuit preibus importunis. *Matth.*, xv.

Mater filiorum Zebedæi non expectavit, quod Dominus remuneraret filios suos secundum exigentiam meritorum; sed petuit ante tempus unum ponit ad dexteram Domini in regno suo, et aliud ad sinistram. *Matth.*, xx.

Ponit Dominus exemplum viduæ, quæ ita fuit molesta judici, nec Deum timenti, nec homines, quod tandem ipsam de suo adversario vindicavit. *Luc.*, xviii, 2.

Herodias insidiabatur Joanni Baptista, et tanto odio persequebatur, quod magis elegit

(a) *Cet. edit.* prius. — (b) Item Esther fuit.

filiam suam petere caput Joannis, quam dimidiā partem regni Herodis. *Marc.*, vi.

Puella quædam, nomine Rhode, intelligens Petrum pulsare ad januam, pre gaudio non aperuit ei; sed dimittens eum, foris eucurrit, et intro stantibus nuntiavit. *Act.*, xii.

CAPUT CXXVIII.

De mulierum fallaciis.

Occasione Evæ (a) deceptus est Adam: lice non fuerit seductus in eo, in quo Eva fuit seducta; sed tamen de ligno vetilo, Eva suadente, comedit. *Gen.*, iii.

Sara risit, auditā promissione de conceptione filii; redarguta autem a Domino ejus dissiden-
tia, seipsam mendaciter excusavit. *Gen.*, xviii.

Duae filiae Loth, volentes ex patre suo conci-
pere, cum verbis eum fortassis ad hoc inducere
non audenter, mediante vino propositum per-
egerunt. *Gen.*, xix. Bene igitur alium hominem
decepissent, quando nec patri proprio peperc-
runt.

Raebel patrem proprium, quærentem idola
sna, pulchra adinventione delusit. *Gen.*, xxxi,
35.

Domina Joseph ipsum apud virum suum ne-
quiter accusavit, ut seipsam mendaciter excus-
aret; et decipiens virum suum, de ipso Joseph
se impiissime vindicavit. *Gen.*, xxxix.

Obstetrices Ilebræorum, licet piam intentionem
habuerint in reservatione puerorum, ta-
men Pharaonem regem Ægypti adinventione
mendacii festellerunt. *Exod.*, 1.

Mulieres Moabitides filios Israel deceperunt,
contra quos Balaam ariolus cum omnibus magi-
cis artibus suis nihil potuerat operari. *Num.*,
xxv.

Rahab meretrix abscondit exploratores Jo-
sue, et illos, qui quærebant eos, fecit currere
usque ad vada Jordanis, dicens, quod exie-
rant, clausa porta. *Jos.*, ii.

Egressa Jahel in occursum Sisaræ, dixit ad
eum: « Intra ad me, domine mi, ne timeas. » Et postmodum illum dormientem occidit. *Ju-
dicum*, iv.

Uxor Samsonis, fundens apud eum lacry-
mas, dicebat: « Odisti me, idcirco problema
non vis mihi exponere. » Cui ille in damnum
proprium revelavit. *Judic.*, xiv, 16.

(a) *Cœl. edit.* Eva. — (b) *Suppl.* statuum — (c) *Al.*
factum.

Dalila molesta fuit Samsoni, jugiter per mul-
tos dies spatium ad quietem non tribuens, et
defecit anima ejus, et ad mortem usque lassata
est: tunc virtus Samson fortissimus stulte ape-
ret ei totum. *Judic.*, xvi.

Nichol intelligens, quod Saul pater suus quæ-
rebat virum suum David usque ad mortem,
fecit eum fugere, et posuit (b) super lectum
suum, etc. *I Reg.*, xix, 13.

Viri qui nuntiare debebant David statum Ab-
salom, fuerunt positi in puteo, et mulier quæ-
dam, ponens velamen super os putei, ipsos
recessisse mentita est. *II Reg.*, xvii.

Cum erasisset Saul omnes magos de terra,
nihilominus una mulier fuit inventa, quæ erat
in illa arte perita. *I Reg.*, xxviii.

Mulier visa satis a longe animum David male
incitavit. *II Reg.*, xi. Quid ergo, quando de
propinquuo videt, et videtur, loquitur, et au-
ditur?

Depravatum est cor Salomonis per mulieres,
et quod plus factu (c) inopinabile erat, ad tan-
tam insaniam deduxerunt eum, ut coleret deos
earum. *III Reg.*, xi.

Uxor Jeroboam simulavit se aliam, ut pro-
phetam falleret non valentem videre pre nimia
seneccula. *III Reg.*, xiv.

Excogitavit Jezabel iniquum modum acqui-
rendi vineam Naboth, quem Achab impiissi-
mus vel nesciebat, vel facere non audebat.
III Reg., xxi.

Fefellit Ilofernem Judith, a facie eius terra
fremere videbatur (*Judith*, i, et deinceps),
quamvis illa optima intentione fecerit, scilicet
pro liberatione populi Dei.

Herodes « metuebat Joaunem Baptistam, sciens
eum virum justum et sanctum: et auditio eo,
multa faciebat. » Et tamen Herodias, que insidiabatur Joanni, tantum laboravit, quod fecit
eum in carcere decollari. *Marc.*, vi.

Saphira uxor Ananis mentita fuit Petro de
agri pretio; sed mendacium illud fuit per Pe-
trum gravissime punitum. *Act.*, v.

CAPUT CXXIX.

De mulierum stultiloquio.

Eva legitur primo locuta fuisse cum ser-
pente, quam cum Deo ad orandum, vel cum
viro suo ad aliquam eruditioñem percipien-
dum. *Gen.*, iii.

Promittente Domino, quod Sara esset filium

paritura, cum primo illa risisset præ diffidens, negavit postea se risisse. *Gen.*, xviii.

Cernens Rachel, quod infecunda esset, ait viro suo: « Da mihi liberos, alioquin moriar: » quasi esset in ipsis Jacob potestate de sterili fecundam facere. *Gen.*, xxx, 1.

Uxor Samsonis, statim ut scivit obscuram propositionem viri sui, indicavit civibus suis in damnum mariti. *Judic.*, xiv.

Cum vidiisset Dalila, quod Samson confessus esset ei omnem animum suum, quomodo scilicet fortitudinem suam amittere posset, inimicos illius vocavit, et statim eis revelavit. *Judic.*, xv.

Quia David pro magna devotione saltaverat coram area Domini, Michol filia Saul ironice dixit ei: « Quam glorus fuit hodie rex Israel! » etc. *II Reg.*, vi, 20.

Cum dixisset Tobias de hœdo: « Videte ne furtivus sit, » etc., Anna uxor ejus irata respondit: « Manifeste vana est spes tua, » etc. *Tob.*, ii, 21-22.

Sara, filia Raguel, increpante ancillam juste, illa impatienter et injuriouse respondit: « Amplius ex te non videamus filium aut filiam super terram, » etc. *Tob.*, iii, 9.

Cum contenderent coram Salomone due mulieres meretrices, illa stulte et nequiter locuta est, quæ dixit de infante: « Nec mihi, nec tibi, sed dividatur. » *III Reg.*, iii, 26.

Uxor Aman, audiens querimoniam, quam vir faciebat de Mardochæo, respondit: « Jube parari excelsam trabem, et appendatur in ea. » *Esth.*, v, 14.

Sedente Job in sterquilinio, et saniem fluentem testa radente, dixit ei uxor ejus: « Benedic Deo, et morere. » Sed ille bene et discrete respondit: « Quasi una de stultis mulieribus locuta es. » *Job*, ii, 9-10.

Petūlio matris filiorum Zebedæi non fuit a Domino approbata, quando dixit: « Dic ut sedeant hi duo filii mei, » etc. *Matth.*, xx, 21.

Multa verba rudia et simplicia dixit Domino mulier Samaritana, antequam impingeret in veritatem. *Joan.*, iv.

CAPUT CXXX.

De mulierum ornatu superfluo.

Thamar nurus Iude filii Jacob, volens socerum alicere, ut ex illo conciperet, depositis viduitatis vestibus, ornavit se, et assumpsit thestristrum. *Gen.*, xxxviii, 14.

Auditio adventu Jehu, qui occiderat Joram regem Israel, Jezabel depinxit oculos suos stibio, et ornavit caput suum. *IV Reg.*, ix, 30.

Testatur Judith, quod ornamenta quæ assumpsit, deceperunt Holophernem, *Judith*, xvi, 9-10: Induit se vestimento leætice, unxit faciem suam unguento, colligavit cincinnos suos mitra ad decipiendum illum, » etc.

De Esther legitur, quod quando debuit ad regem intrare, « non quæsivit muliebrem cultum, sicut faciunt alia mulieres. » *Esth.*, ii, 15.

Communiando dicitur, *Isa.*, iii, 18-20: « Afferet Dominus ornamentum calceamentorum, et lunulas, et torque, et monilia, et armillas, et mitras, et discriminatory; » et multa alia ponuntur ibi.

Reprehensibilem habitum male mulieris describit Salomon, *Prov.*, vii, 10, 11: « Considero recordem juvenem, — occurrit illi mulier ornata meretricio, preparata ad capiendas animas, garrula, et vaga, quietis impatiens, » etc.

Non movetur sine causa Sapiens, qui ait, *Ecclesi.*, ix, 8: « Averte faciem tuam a muliere compta: » mulier enim compta et ornata magis incitat ad peccatum.

Mulieri « non sit extrinsecus capillatura, aut circumdatio auri, aut vestimentorum cultus. » *I Petr.*, iii, 3.

CAPUT CXXXI.

De morte in generali.

Quia vera est sententia Dei, quia dixit homini, *Gen.*, ii, 17: « In quoconque die comederis ex eo, morte morieris, » planum est quod statim post peccatum homo moritur. Unde homo vivens quasi continue moritur secundum Augustinum, XIV *De Civitate Dei*.

Cum tot annis vixerint homines ante diluvium, tamen signanter dicit Scriptura, post descriptionem vite eorum: « Et mortuus est. » *Gen.*, v, 5, 8, etc.

Si patres antiqui mortem timebant, et longam vitam optabant, non erat mirum: nam ipsi non poterant adhuc in cœlum ascendere, nec divina perfrui visione, donec Salvator advenit, qui aperuit januas paradisi. Unde sanctus Loh, admonitus ab Angelo, ut salvum faceret se in monte, timuit illo ire, ne forte apprehenderet illum malum, et moreretur ibi, *Gen.*, xix, 19.

Etiam mali optant bene mori, *Num.*, xxiii,

10: « Moriatur anima mea morte justorum, » dixit Balaam.

Quamvis Moyses vellet obediens imperio Domini, qui noluit eum transire Jordanem, tamen satis videtur, quod libenter plus vixisset, si Dominus voluisse, *Deuter.*, IV, 21, 22: « Irratus est Dominus contra me, » etc. « Ecce morior in hac humo, non transibo Jordancem. »

Magna pars merecdis de custodia Mosaicæ legis in longa vita consistere videbatur. *Deut.*, xxxii, 46, 47: « Ponite corda vestra in omnia verba quæ testificor vobis, que facientes longo perseverabitis tempore in terra ad quam ingredimini possidenda. »

Maluerunt Zebee et Salmana occidi manu Gedeonis strenui viri, quam manu Jether juvenis filii sui, *Judic.*, VIII.

Noluit David flere pro mortuo filio, qui slevaverat pro infirmo. *II Reg.*, XII.

Cum sederet Elias subter unam juniperum, petivit animæ suæ ut moreretur, et ait: « Suffici mihi, Domine, tolle animam meam, » etc. *III Reg.*, xix, 4.

Ezechias rex Iuda ambulavit coram Deo in veritate, et fuit valde bonus; tamen quando nuntialium fuit ei per Isaiam, quod mori deberet, oravit Dominum fletu magno, ut adhuc vitam ejus prolongaret, etc. *Isa.*, xxxix.

Tobias audita provocantis uxoris responsione, ingemuit, et coepit orare dicens: « Justus es, Domine, » etc., « præcipe in pace recipi spiritum meum. Expedit enim inibi mori magis quam vivere. » *Tob.*, III, 2, 6. Postea sequitur, in capitulo IV: « Cum putaret (a) orationem suam exaudiri, ut mori potuisset, vocavit filium suum, » etc.

Sara filia Raguelis, accepta ab una de annulis gravi contumelia, oravit Dominum, et dixit inter cetera: « Peto, Domine, ut de vinculo improperiij hujus absolvias me, aut certe desuper terram eripias me. » *Tob.*, III, 45.

Coram rege Sedecia prostravit Jeremias preces suas, ne remitteret eum in carcerem, in quo prius fuerat, ne moreretur ibi. *Jerem.*, xxxv.

Per mortem crucis, quam Salvator voluit sustinere, ostendit manifeste, quod non solum mors, sed etiam quodcumque genus mortis ab homine justo pro divina obedientia et justitia prompte debeat (b) sustineri.

Ante adventum Spiritus sancti nimis timuerunt

mortem Apostoli, qui, comprehenso Domino, omnes eum reliquerunt, et fugerunt. *Matth.*, xxvi. Postquam vero fuerunt virtute ex alto roborati et induiti, coram principibus et tyrannis fiducialiter loquebantur (in *Actis*, quasi per totum).

Parum timebat, imo non timebat mortem Paulus, qui dicebat: « Non solum alligari, sed etiam mori in Hierusalem paratus sum propter nomen Domini Jesu Christi, » etc. *Act.*, XXI, 13.

Item: « Si noceui Judeis, aut dignum morte aliquid feci, non recuso mori. » *Act.*, XXV, 11.

Advertere est autem, quia cum plerumque insidias devitans Judæorum de civitate in civitatem fugiebat, non timore mortis hoc faciebat, sed quia furori malorum cedens pluribus se vivum etiam reservabat.

CAPUT CXXXII.

De sepulturis.

Cum magna diligentia emit Abraham agrum, in quo uxorem mortuam sepelivit. *Gen.*, xxiii.

Noluit Jacob sepeliri cum malis hominibus in Ægypto; sed adjuravit Joseph, ut eum mortuum ad patrum suorum sepulcre deferret. *Gen.*, xlvi.

Hoc ipsum repetit post benedictionem filiorum suorum, instante morte sua: quod Joseph sollicitus implevit. *Gen.*, xlix, 29, et *I*, 7-10.

Exiens Moyses de Ægypto tulit ossa Joseph secum, *Exod.*, XIII, 19.

Commendavit David multum viros Iahes Galaad, eo quod cadavera Saul et filiorum ejus reverenter tradiderant sepulturæ. *I Reg.*, XXXI, et *II Reg.*, I.

Pona viri Dei, qui panem contra divinum mandatum in domo mali propheta comedit, fuit una, quod non fuit sepultus in sepulcro patrum suorum. *III Reg.*, XIII.

Jehu rex Israel, qui fecerat occidi Jezabel, fecit eam sepeliri, eo quod ipsa fuerat filia regis. *IV Reg.*, IX, 34.

Commendatur Tobias de hoc, quod pericolo vite suæ corpora occisorum rapiebat, et sepulturam eis sollicitus exhibebat. *Tob.*, I et II.

Prima admonitio inter illas salubres, quas fecit Tobias filio suo, fuit de sua et uxoris suæ sollicita sepultura. *Tob.*, IV, 3, 5.

Judei accusatores impii Menclai fuerunt per judicium iniquum morte condemnati, erga quo-

(a) *Cæt. edit.* putabat. — (b) Item debebat.

rum sepulturam Tyrii liberalissimi extiterunt.
II Mach., iv.

Post prælium contra Gorgiam commissum
venit Judas Machabæus, ut corpora prostratorum tolleret, et cum parentibus sepeliret.
II Mach., xii.

Discipuli beati Joannis Baptiste, auditio quod
decollatus erat ab Herode, venerunt et tulerunt
corpus ejus, et sepelierunt illud. Matth., xiv,
12; Marc., vi, 29.

Apparet Dominum Jesum Christum de sua
sepultura curasse, per hoc quod respondit Iudei
murmuranti de unguento, quod secundum eum
venundari debuisset: « Sine, inquit, illam, ut
in diem sepulturæ meæ servet illud. » Joan.,
xii, 7.

Sepultus fuit Dominus per Joseph et Nicodemum
in sepulcro novo exciso in petra, in quo
nondum quisquam positus fuerat. Matth., xxvii;
Marc., xv; Luc., xxiii; Joan., xix.

Curaverunt viri timorati Stephanum a Iudeis
lapidatum sepelire, et fecerunt planetum magnum
super eum. Act., viii, 2.

CAPUT CXXXIII.

De horrenda morte malorum.

Cain, qui occidit Abel fratrem suum, occisus
est a Lamech. Gen., iv, 23.

Dominus pluit super Sodomam et Gomorrah
sulphur et ignem de celo, et subverit
quinque civitates detestabili peccato furentes,
et omnem circa regionem. Gen., xix.

Sichem filius Hemor, qui oppressit Dinam
filiam Jacob, imperfectus fuit a filiis Jacob, et
omnes masculi civitatis. Gen., xxxiv.

Aque maris Rubri operuerunt currus et equites
cuncti exercitus Pharonis, nec unus quidem
remansit. Exod., xiv. Et quidem satis juste, ut
eius cor non potuit, dum viveret, emoliri,
corpus ejus in aqua totaliter mergeretur.

Nadab et Abiu, filii Aaron, offerentes ignem
alienum coram Domino, devorati sunt ab igne
Domini, et mortui. Levit., x.

Praecepto Domini filii Israel eduxerunt blasphemum
extra castra, ac lapidibus oppresserunt.
Levit., xxiv.

Core, et Dat, et Abiron, et eorum complices Moysi rebellantes, descendenterunt in infernum, operti humo. Num., xvi.

Alli etiam murmurantes, et diversa commitentes
peccata, variis mortibus interierunt in

deserto, ita quod de sexcentis millibus hominum
pugnatorum, duo tantum terram promissionis intraverunt.

Quoniam Achan (a) tulit de anathemate Jericho
furtive, lapidavit eum omnis Israel, et
cuneta quæ illius erant igne consumpta fuerunt. Jos., vii, 23.

Comprehenderunt filii Israel Adonibezec, cœsis
summitibus manuum ejus, ac pedum, ita
ut fecerat ipse septuaginta regibus, adduxeruntque
eum in Hierusalem, et ibi mortuus est.
Judic., i.

« Tulit Jahel uxor Haber Cinæ clavum tabernaculi,
et defixit in cerebrum Sisaræ, qui so-
pore morti socians defecit, et mortuus est. »
Judic., iv, 21.

Si Zebee et Salmana servassent fratres Gedeonis,
pepercisset eis Gedeon; et quia eos occide-
runt, et ipsi a Gedeone occisi fuerunt. Judic.,
viii.

Una mulier, jaciens super caput Abimelech
fragmen molæ, confregit cerebrum ejus: qui
vocavit armigerum suum, et jussit se ab eo in-
terfici: et reddidit ei Dominus malum, quod
fecerat interficiens septuaginta fratres suos.
Judic., ix, 33-34.

Cum audisset Heli arcum Domini esse cap-
tam, « cecidit de sella retrorsum juxta ostium,
et fractis cervicibus mortuus est. » I Reg., iv, 18.

Superbum Goliath, et blasphemum, David,
puer inermis, non habens usum armorum, gla-
dio illius proprio interfecit. I Reg., xvii.

Saul, qui tam inique invidia motus persecutus
fuerat David, tandem arripiens gladium, et
irruens super eum, mortuus est. I Reg., xxxi.

Adolescens, qui dixit se Saul occidisse, ju-
bente David occisus est, cui putabat prospera
nuntiare. II Reg., i.

Simile accidit duobus latronibus, qui caput
Ishoseth filii Saul tulerunt ad David. II Reg., iv.

Primogenitus David Amnon oppressit soro-
rem suam Thamar, et paulo post occisus est,
jubente Absalom fratre suo, cum comedere-
cum eo. II Reg., xvi.

Videns Achitophel, quod non fuisset factum
consilium suum, quod dederat contra David,
abit in domum suam, et suspedio interiit.
II Reg., xvii.

Libidine dominandi, Absalom multum af-
fixit patrem suum David; sed antequam asse-

(a) *Cat. edit.* Achab.

catus esset propositum, suspensus fuit inter cœlum et terram. *II Reg.*, xviii.

Seba filius Bochri concitavit populum contra David, et fugiens in Abelam civitatem, ubi putabat habere refugium et auxilium, (a) decapitatus fuit ibidem. *II Reg.*, xx.

Quamvis Joab fuit miles strenuus et fidelis; quia tamen occidit duos milites proditois, iussum est occidi moriente David. *III Reg.*, ii.

Regi Israel pessimo Ela rebellavit Zambri, et occidit eum, qui post septem dies ingressus est regium palatum, et succedit se cum ipsa domo. *III Reg.*, xvi.

Vulneratus Achab in bello, mortuus est vespero (b), et linixerunt canes sanguinem ejus in eodem loco, in quo linxerant sanguinem Naboth, qui dissimulante ipso Achab, cum emendare deberet et posset, fuerat lapidatus. *III Reg.*, xxii.

Cum ascenderet Eliseus in civitatem Bethel, quidam pueri male eruditi illudabant ei, egressique sunt duo ursi, et laceraverunt ex eis quadrangula duos pueros. *IV Reg.*, ii.

Unus de ducibus, qui erat cum rege Israel, noluit credere verbis Elisei futuram abundantiam prædictentis; in crastino vero conculcavit cum turba hominum ad spolia currentium, et mortuus est. *IV Reg.*, vii.

Benadad rex Syriae, qui multa mala intulit filiis Israel, fuit demum ab Hazael servo suo jugulatus. *IV Reg.*, viii.

Videns Jehu impiam Jezabel, quæ multorum fuerat causa malorum, jussit eam præcipitari deorsum, et fuit ita equorum ungulis conculcata, quod licet fuerit filia regis, non fuit tradita sepultura. *IV Reg.*, ix, 35.

Athalia mater Ochozia interfecit omne semen regium, ut posset regnare super populum; et postmodum turpiter imperfecta fuit, jussu Joiadæ sacerdotis. *IV Reg.*, xi.

Rex Juda malus et ingratus Joas, qui fecit Zachariam filium Joiadæ pontificis crudeliter lapidari, postea occisus est a servis suis. *IV Reg.*, xii.

Sennacherib rex Assyriorum superbissimus, et in Deum cœli blasphemus, postquam de terra Juda confusus aufugit, a filiis suis occisus fuit. *IV Reg.*, xix.

Sedecias rex Juda, malus apud Deum et homines, comprehensus est fugiens, ante cujus oculos rex Babylonis proprios filios fecit occidere.

(a) *Cœt. edit. add.* et. — (b) *Al. vesperi.*

cidi; deinde exoculatus in Babylonem fuit ductus, et ibidem miserabiliter mortuus. *IV Reg.*, xxv.

Multas terras cepit et destruxit Ilophernes; tandem, dormiens ineptius, per manum mulieris decapitatus fuit. *Judith*, xiii.

Superbissimus Aman, qui faciebat se ab hominibus adorari, suspensus est in patibulo, quod ipse paraverat Mardonio. *Esth.*, vii.

Balthazar rex Babylonis non est correctus per exemplum Nabuchodonosor patris sui, qui ante eum fuit mutatus in bestiam; et cum esset in convivio, vidi scripturam *Mane, Thæcel, Phares*, et eadem nocte interfectus est, et regnum ejus ad Medos et Persas translatum. *Dan.*, v.

Accusatores Danielis, jubente Dario rege, missi sunt in lacum leonum, et a leonibus devorati. *Dan.*, vi. Simile accidit, *Dan.*, xiv.

Postquam Alexander rex decidit in lectum, dicitur quod cognovit quia moreretur, quasi antea mortis memoriam, seu notitiam non haberet. *I Mach.*, 1, 6.

Percussus fuit Alcimus proditor, et dissolutus fuit paralysi, nec ultra potuit loqui, et mandare de domo sua, et mortuus est cum tormento magno. *I Mach.*, ix.

Confristatus est rex Antiochus de hoc quod Andronicus injuste occiderat Oniam summum sacerdotem, et jussit Andronicum occidi in eodem loco, in quo in Oniam impietatem commiserat. *II Mach.*, iv.

Multis sacrilegiis a Lysimacho commissis in templo, congregata est multitudo adversus eum, et ipsum secus ærarium interfecerunt. *II Mach.*, iv.

Jason impius, qui proprium fratrem Oniam captivaverat, et multis de patria sua expulerat, peregre perit, et insepolitus et illamentatus abjectus fuit. *II Mach.*, v.

Antiochus, qui multorum torserat viscera, passus dirum dolorem viscerum, miserabiliter obitu peregre in montibus vita defunctus est. *II Mach.*, ix.

Menelaus, qui malitiose obtinuit modico tempore principatum, de alta torri fuit præcipitatus in cinerem inferni congestum. *II Mach.*, xiii.

Homo ille dives cuius ager uberes fructus attulit, cum cogitaret destruere horrea sua, et facere majora, plus credebat habere de vita; ait autem illi Dominus: « Stulte, hac nocte, » etc. *Luc.*, xii, 20.

Terribile est valde illud exemplum de divite

famoso epulone , qui mortuus est, et sepultus in inferno, etc. *Luc.*, xvi, 22.

Herodes sedens pro tribunal, et vestitus ueste regali, concionabatur ad populum : populus autem acclamabat : « Dei voces, et non hominis : » confessim autem percussit eum Angelus Domini, eo quod non dedisset honorem Deo, et consumptus a vermis expiravit. *Act.*, xii, 21-23.

CAPUT CXXXIV.

De pretiosa morte justorum.

« Cum essent in agro Cain et Abel, consurrexit Cain adversus Abel fratrem suum, et interfecit eum. » *Gen.*, iv, 8. Rationem autem tangit Joannes, dicens : « Quoniam opera ipsius Abel erant justa. » I *Joan.*, iii, 12.

« Ambulavit Enoch cum Deo, et non apparuit, quia tulit eum Deus. » *Gen.*, v, 24.

« Mortuus est Abraham in senectute bona, proiectaque aetatis, et plenus dierum, congregatusque est ad populum suum. » *Gen.*, xxv, 8.

« Completi sunt dies Isaiae centum octoginta annorum, consumptusque aetate mortuus est, et appositus est populo suo senex et plenus annum. » *Gen.*, xxxv, 28-29.

« Jacob, finitis mandatis, quibus filios instruebat, collegit pedes suos super lectulum suum, et obiit, et appositus est ad populum suum. » *Gen.*, xl ix, 32.

Cum adjurasset Joseph fratres suos, atque dixisset: « Deus visitabit vos, asportate vobis cum ossa mea de loco isto, » mortuus est, etc. *Gen.*, l, 24, 23.

« Ascenderunt Moyses et Aaron, juxta mandatum Domini, in montem Hor, coram omni multitudine; cumque Aaron expoliasset se uestibus suis, induit eis Eleazarum, » et mortuus est ibi Aaron. *Num.*, xx, 27-29.

Moyses servus Domini « mortuus est in terra Moab, jubente Domino, et sepelivit eum Dominus; sed non cognovit homo sepulcrum ejus usque in praesentem diem. » *Deut.*, xxxiv, 5-6.

David, post instructionem filii sui Salomonis, et orationem quam fecit ad Dominum pre eo et toto populo, « mortuus est in senectute bona, plenus dierum, divitiis et gloria. » I *Paral.*, xxix, 28.

« Cum pergerent simul Elias et Eliseus, ecce currustr igneus et equi ignei divisorerunt utrum-

que, et ascendit Elias per turbinem in cœlum. » IV *Reg.*, ii, 11.

« Spiritus Domini induit Zachariam filium Joia-dæ, et dixit populo : « Quare transgredimini præceptum Domini, quod vobis non proderit ? » Qui congregati adversus eum, miserant lapides juxta regis imperium, » et sic interfactus est. II *Paralip.*, xxiv, 20, 21.

Tobias, « in hora mortis suæ, vocavit Tobiam filium suum, et septem juvenes nepotes suos, dixitque eis : Prope est Ninive interitus, » etc. *Tob.*, xiv, 5. Et de Tobia filio ejus, dicitur paulo post : « Completis annis nonaginta novem in timore Domini, cum gaudio sepelierunt eum. Omnis cognatio ejus, » etc. (a) *Ibid.*, 16-17.

« Vixit Job post flagella centum quadraginta annis, et vidit filios filiorum usque ad quartam generationem, et mortuus est senex et plenus dierum. » *Job*, xlII, 16.

Noluit David flere pro filio innocentie mortuo, qui fleverat pro infirmo; sed multum flevit pro parricida suspenso. II *Reg.*, xii et xviii.

Post instructionem et confortationem filiorum, Mathathias « benedixit eos, et defunctus appositus est ad patres suos. » I *Mach.*, ii, 69.

Videns Judas Machabæus multitudinem hostium, et paucitatem suorum, ait : « Si propinquaverit tempus nostrum, moriamur in virtute propter fratres nostros. » I *Mach.*, ix, 10.

Eleazarus, propter multa tormenta sibi illata, vita decepsit « universæ genti memoriam mortis suæ ad exemplum virtutis et fortitudinis dera-linquentis. » II *Mach.*, vi, 31.

Septem illi fratres cum pia matre sua finem miro modo laudabiliter fecerunt, et possunt ibi multa notari virtutis exempla. II *Mach.*, vii.

Pro veritate et maritali honestate Joannes Baptista decollatus fuit ab Herode tetrarcha. *Matth.*, xiv; *Marc.*, vi.

De illo famoso paupere Lazaro scriptum est, *Luc.*, xvi, 22 : « Factum est ut moreretur mendicus, et portaretur ab angelis in sinum Abra-hæ, » etc.

Qualitercumque vixerit ille latro, cui pendi-enti dixit Christus : « Hodie mecum eris in pa-radiso, » feliciter mortuus est. *Luc.*, xxiii, 43.

Dum lapidaretur beatus Stephanus, « invocabat Dominum, et dicebat : « Domine Jesu, accipe spiritum meum. » Positus autem genibus exclamavit, voce magna dicens : « Domine, ne statuas illis hoc peccatum. » Et cum hoc dixisset, obdormivit in Domino. » *Act.*, vii, 58-59. Cui

(a) *Cet. edit.* sepelierunt eum omnis cognatio ejus.

mortem nostram facit similem Redemptor et Salvator noster Dominus Jesus Christus, qui, secundum Augustinom, IV *De Trinitate*, per unam simplicem mortem suam, nostram destruxit duplam. Qui (ut ait idem Augustinus, *de Civitate Dei*) « tantam fidei contulit gratiam, ut mors, quam viæ constat esse contrariam, ins-

trumentum fieret, quo transiretur ad vitam. » Quam nobis concedat ipse verus auctor salutis æterne, qui est via, veritas, et vita, qui vitæ et mortis habet imperium. Qui eum Pater et Spíritu sancto vivit et regnat Deus, per omnia sæcula sæculorum.

Amen.

MONITUM

(*Ex edit. Vatic.*)

Animadvertis, Lector, præcedens Opusculum a Sixto Senensi, lib. IV sue *Bibliothecæ*, Nicolao Anapo inscribi, qui ex Ordine Prædicatorum patriarcha fuit Hierosolymitanus, et sub Sigismundo claruit ad ann. Domini 1430. Id quod fortasse Sixtus fecit, quod in recentioribus quibusdam editionibus huic auctori tribueretur.

FINIS TOMI OCTAVI.

INDEX MATERIARUM QUÆ IN TOMO OCTAVO

OPERUM

SANCTI BONAVENTURÆ CONTINENTUR

PRAEFATIONIS LOCO, ex Prodromo ad Opera omnia Sancti Bonaventuræ.		
DE MYSTICA THEOLOGIA. Argumentum ex edi-		
tione Vaticana.		
Prologus.		
Cap. 1. De via purgativa. Partic. 1. De conditio-		
nibus vim purgativæ.		
Partic. 2. De modo purgativo.		
Cap. 2. De via illuminativa. Partic. 1. De triplici		
irradiatione.		
Partic. 2. De triplici anagogia.		
Explicatur Oratio Dominica. Prima petitio.		
Secunda et tertia petitio.		
Quarta petitio.		
Quinta petitio.		
Sexta petitio.		
Septima petitio.		
Partic. 3. De duplice via illuminativa.		
Cap. 3. De via unitiva. Partic. 1. Via unitiva		
que sit.		
Partic. 2. De triplici via ad divinam sapientiam.		
Partic. 3. Quonamodo unitiva et mystica sapientia		
obtineri possit.		
Partic. 4. Sapientia divina a Deo edicta que sit.		
Quest. unica. Utrum anima secundum suum		
affectum possit aspirando, vel desiderando,		
moveri in Deum sine aliqua cogitatione intel-		
lectus prævia, vel concomitante.		
SUMMA DE ESSENTIA ET INVISIBILITATE ET IMME-		
NITATE DEI. Argumentum ex editione Vaticana.		
— Textus.		
COMPENDIUM THEOLOGICÆ VERITATIS. Argumen-		
tum ex editione Vaticana.		
Prefatio. — Lib. I. De natura Dei — Cap. 1. Quod		
Deus est.		
Cap. 2. Quod unus Deus est.		
Cap. 3. Quod unum solum principium est.		
— Cap. 4. Quod Pater est.		
Cap. 5. Quod Filius est.		
Cap. 6. Filius est imago Patris.		
Cap. 7. Quod Spiritus sanctus est. — Cap. 8. Spiritus		
sanctus amor Patris et Filii est. — Cap. 9. Spi-		
ritus sanctus caritas et donum sanctorum est.		
Cap. 10. In trinitate personarum unitas essentia-		
est.		
Cap. 11. Multiplex trinitas est. — Cap. 12. Aequa-		
llitas personarum est.		
Cap. 13. Inter essentiam et personam differentia		
est. — Cap. 14. De immensitate Dei. — Cap. 15.		
De infinitate Dei.		
Cap. 16. De incomprehensibilitate Dei.		
Cap. 17. De incircumscribibilitate Dei.		
Cap. 18. De æternitate Dei.		
1 Cap. 19. De incommutabilitate Dei.	75	
1 Cap. 20. De simplicitate Dei.	76	
1 Cap. 21. De excellentia Dei.	77	
1 Cap. 22. De notionibus Dei. — Cap. 23. De no-		
2 minibus divinis.		
2 Cap. 24. Deus est ineffabilis.	78	
4 Cap. 25. De ideis et libro vite.	79	
5 Cap. 26. De appropriatis divinis personis. — Cap.	80	
27. De potentia Dei.		
8 Cap. 28. De virtute miraculorum.	81	
9 Cap. 29. De scientia Dei. — Cap. 30. De prædesti-	82	
12 natione.		
13 Cap. 31. De præscientia, et reprobatione.	83	
14 Cap. 32. De voluntate Dei.	84	
16 Cap. 33. De justitia Dei.	85	
17 Cap. 34. De misericordia Dei.	86	
19 Lib. II. De operibus Conditoris. Cap. 1. De ipsa	87	
19 rerum creatione.		
Cap. 2. De distinctione creaturarum in generali.	88	
21 — Cap. 3. De distinctione orbium tam coelestium,		
27 quam elementorum.	89	
33 Cap. 4. De natura colorum, et superiorum cor-		
33 porum.	90	
39 Cap. 5. De natura stellarum in communi. — Cap. 6.		
39 De luce. — Cap. 7. De planetis in specie.	91	
46 Cap. 8. De quatuor elementis.	92	
46 Cap. 9. De impressionibus aeris.	93	
46 Cap. 10. De tempore.	94	
54 Cap. 11. De angelis in communi. — Cap. 12. De		
54 distinctione coelestium hierarchiarum.	95	
54 Cap. 13. De proprietatibus angelorum. — Cap. 14.		
60 De proprietatibus et officiis singulorum or-		
60 dinum.	96	
61 Cap. 15. De cognitione et motu angelorum.		
61 Cap. 16. De praedicatione angelorum. — Cap. 17. De	97	
62 confirmatione angelorum. — Cap. 18. De custo-		
62 dia angelorum.	98	
63 Cap. 19. De locutione angelorum.	99	
64 Cap. 20. De specialibus nominibus angelorum.		
65 — Cap. 21. De casu angeli.	100	
65 Cap. 22. De spirituali casu diabolis. — Cap. 23.		
66 Delocali casu diabol. — Cap. 24. De restauracione		
66 ruine angelorum. — Cap. 25. Cur peccatum dia-		
66 boli sit irremissibile. — Cap. 26. De proprie-		
69 tibus demoniorum.	101	
70 Cap. 27. De malitia diaboli contra nos.	102	
70 Cap. 28. De Lucifero. — Cap. 29. Quid sit anima		
70 secundum definitionem. — Cap. 30. Quid sit anima		
70 secundum rem.	103	
71 Cap. 31. Quid sit anima secundum nomen. —		
72 Cap. 32. De triplici anima. — Cap. 33. De poten-		
73 tia animæ vegetativa. — Cap. 34. De potentia		
74 apprehensivis animæ sensibili.	104	

Cap. 35. De sensibus particularibus. — Cap. 36.		
De sensu communio.	105	
Cap. 37. De vi imaginativa. — Cap. 38. De vi		
estimativa. — Cap. 39. De phantasia.	106	
Cap. 40. De memoria.	107	
Cap. 41. De vi sensitiva motiva. — Cap. 42. De		
potentis animae rationalis.	108	
Cap. 43. De divisione potentiarum anime.		
— Cap. 44. De potentia cognitiva.	109	
Cap. 45. De modo cognoscendi.	110	
Cap. 46. De intellectu agente, et possibili. — Ca-		
put. 47. De intellectu speculativo, et practico. —		
Cap. 48. De ratione, et partibus ejus.		
Cap. 49. De potentia anime motiva. — Cap. 50.		
De voluntate. — Cap. 51. De synderesi.	111	
Cap. 52. De conscientia.	112	
Cap. 53. De operationibus anime. — Cap. 51. De		
quantitate anime. — Cap. 55. De immortalitate		
anime.	113	
Cap. 56. De libero arbitrio. — Cap. 57. De natura		
corporis humani.	114	
Cap. 58. De physiognomia hominum.	115	
Cap. 59. De regulis generalibus physiognomiae.	116	
Cap. 60. De toto homine. — Cap. 61. De proprie-		
tatibus hominis.	117	
Cap. 62. De primis parentibus.	118	
Cap. 63. De preceptis Adae dati. — Cap. 64. De		
Paradiso. — Cap. 65. De casu primi hominum.	119	
Cap. 66. De ordine tentationis in nobis.	120	
Lib. III. De corruptione peccati. Cap. 1. De malo		
in genere. — Cap. 2. De peccatis diffinitione.	121	
— Cap. 3. Quid sit peccatum secundum reu-		
Cap. 4. Quid sit peccatum secundum nomen.	122	
— Cap. 5. De origine peccati.	123	
Cap. 6. De divisione peccati.	124	
Cap. 7. De effectu peccati.	125	
Cap. 8. De peccato originali secundum rem.	126	
Cap. 9. De peccato originali secundum nomen.	127	
Cap. 10. De primis motibus.	128	
Cap. 11. De morosa delectatione et consensu in		
peccatum. — Cap. 12. De peccato veniali.	129	
Cap. 13. De effectu peccati venialis.	130	
Cap. 14. De sepeculi vitis capitalibus in specie.	131	
Cap. 15. De superbia.		
Cap. 16. De invidia.	132	
Cap. 17. De ira.	133	
Cap. 18. De aedia.	134	
Cap. 19. De avaritia.	135	
Cap. 20. De gula.	136	
Cap. 21. De luxuria.	137	
Cap. 22. Quonodo superbias sit mortale, vel veniale		
Cap. 23. Quonodo inuidia... Cap. 24. Quonodo		
ira... Cap. 25. Quonodo acedia sit mortale,	138	
vel veniale.	139	
Cap. 26. Quonodo avaritia... Cap. 27. Quonodo		
gula sit mortale, vel veniale.	140	
Cap. 28. Quonodo luxuria sit mortale, vel veniale.		
— Cap. 29. De peccato in Spiritum sanctum.	141	
Cap. 30. Denumeratione peccatorum cordis. — Ca-		
put. 31. De peccatis oris. — Cap. 32. De peccatis		
operis.	142	
Cap. 33. De peccatis omissionis.	143	
Lib. IV. De Christi humanitate. Cap. 1. De in-		
carnatione Christi. — Cap. 2. De salutatione		
angelica.	144	
Cap. 3. De responsione virginina. — Cap. 4. De		
sanctificatione materna.	145	
Cap. 5. De conceptione divina.	146	
Cap. 6. De rationibus incarnationis.	147	
Cap. 7. De modo incarnationis.	148	
Cap. 8. De unione et carne assumpta.	149	
Cap. 9. De utilitate incarnationis.	150	
Cap. 10. De mirabilibus circa incarnationem Do-		
mini.	151	
Cap. 11. De nativitate Christi.	152	
Cap. 12. De circumcisione Domini.	153	
Cap. 13. De baptismo Christi. — Cap. 11. De pleni-		
tudine gratiae Christi.	154	
	155	
	156	
	157	
	158	
Cap. 15. De plenitudine sapientiae Christi.	159	
Cap. 16. De merito Christi.	160	
Cap. 17. De voluntate Christi. — Cap. 18. De defec-		
tibus, quos Christus assumpsit. — Cap. 19. De		
passione Christi.	161	
Cap. 20. De effectu passionis Christi.	162	
Cap. 21. De cruce Domini. — Cap. 22. De des-		
censo Christi ad inferos.	163	
Cap. 23. De resurrectione Christi.	164	
Cap. 24. De ascensione Christi.	165	
Cap. 25. De consensu Christi ad dexteram Dei		
Patris.	166	
Lib. V. De gratiarum sanctificatione. Cap. 1. De		
virtutibus, et origine gratiae. — Cap. 2. De ori-		
gine virtutum et gratiae.	167	
Cap. 3. De distinctione gratiarum. — Cap. 4. de		
effectu gratiae.	168	
Cap. 5. De virtutibus, et primo quid sit virtus.		
— Cap. 6. De perfectione virtutum.	169	
Cap. 7. De qualitate virtutum. — Cap. 8. De		
connexione virtutum.	170	
Cap. 9. De commendatione virtutum.	171	
Cap. 10. De effectu virtutum. — Cap. 11. De me-		
ritis virtutum.	172	
Cap. 12. De habilitate virtutum. — Cap. 13. De		
operibus meritioris.	173	
Cap. 14. De fine actionis. — Cap. 15. Quid me-		
remanit bonis operibus.	174	
Cap. 16. De distinctionibus et differentiis virtutum.		
Cap. 17. Differentia virtutum cardinalium, et		
theologiarum. — Cap. 18. De virtutibus theo-		
logicarum in genere.	175	
Cap. 19. De fidei utilitate.	176	
Cap. 20. De effectu fidei. — Cap. 21. De articulis		
fidei.	177	
Cap. 22. De spe.	178	
Cap. 23. De caritate.	179	
Cap. 24. De differentia inter charitatem et alios		
amores. — Cap. 25. De effectu charitatis.	180	
Cap. 26. Quibus rebus charitas assimileatur.		
— Cap. 27. De excellentia charitatis.	181	
Cap. 28. De signis dilectionis. — Cap. 29. De gra-		
dibus amoris.	182	
Cap. 30. De ordine charitatis. — Cap. 31. De di-		
lectione proximi. — Cap. 32. De dilectione ini-		
micorum.	183	
Cap. 33. De virtutibus cardinalibus in genere.	184	
Cap. 34. De prudentia.	185	
Cap. 35. De temperautia. — Cap. 36. De fortitu-		
dine.	186	
Cap. 37. De justitia.	187	
Cap. 38. De donis in communione.	188	
Cap. 39. De timore in communione. — Cap. 40. De		
timore servii.	189	
Cap. 41. De timore initiali. — Cap. 42. De timore		
finali. — Cap. 43. De dono pietatis. — Cap. 44. De		
dono scientie. — Cap. 45. De dono consilii.	190	
Cap. 46. De dono sapientiae et intellectus. — Cap. 47.		
De beatitudinibus in genere. — Cap. 48. De prima		
beatitudine. — Cap. 49. De secunda beatitudine.	191	
Cap. 50. De tertia beatitudine. — Cap. 51. De		
quarta beatitudine. — Cap. 52. De quinta beatitu-		
dine. — Cap. 53. De sexta beatitudine. — Cap. 54.		
De septima beatitudine. — Cap. 55. De	192	
octava beatitudine.	193	
Cap. 56. De sensibus spiritualibus. — Cap. 57. De		
fructibus spiritualibus. — Cap. 58. De dulia, et		
latria. — Cap. 59. De praecipuis in genere.	194	
Cap. 60. De primo praecipto. — Cap. 61. De se-		
condo praecipto.	195	
Cap. 62. De tertio praecipto. — Cap. 63. De		
quarto praecipto. — Cap. 64. De quinto praeci-		
pto.	196	
Cap. 65. De sexto praecipto. — Cap. 66. De sepa-		
rto praecipto. — Cap. 67. De octavo praeci-		
pto. — Cap. 68. De nono praecipto et decimo.	197	
— Cap. 69. De consilii in genere.	198	
Cap. 70. De consilii evangelicis.	199	

Lib. VI. De sacramentorum virtute. — Cap. 1. De medicina sacramentorum. — Cap. 2. De diffinitionibus sacramentorum.	202	Cap. 3. De superbia. 251 Cap. 4. De invidia. 252 Cap. 5. De ira. 254 Cap. 6. De avaritia. 255 Cap. 7. De acedia. 257 Cap. 8. De gula. 259 Cap. 9. De luxuria. 260
Cap. 3. De sacramentis novae legis, seu gratiae. — Cap. 4. De effectu sacramentorum novae legis.	203	Tit. II. De penitentia, et ejus partibus. — Cap. 1. De penitentia in genere. 263 Cap. 2. De contritione. 265
Cap. 5. De numero sacramentorum.	204	Cap. 3. De confessione. 266 Cap. 4. De satisfactione. 267 Cap. 5. De oratione. 268 Cap. 6. De jejunio. 270 Cap. 7. De eleemosyna. 272
Cap. 6. De potestate dispensationis sacramentorum. — Cap. 7. De triplex statu fidelium.	205	Tit. III. De praecceptis divinis. — Cap. 1. De praecceptis in communii. 275 Cap. 2. De praeciptis primas tabule. 276
Cap. 8. De institutione sacramentorum. — Cap. 9. De sacramento baptismi.	206	Cap. 3. De praeciptis secundae tabule, et primo de bonorum parentum. 278
Cap. 10. De catechismo, et exorcismo. — Cap. 11. De confirmatione.	208	Cap. 4. De non ludendo proximo, vel occidendo. 278 — Cap. 5. De prohibitione concubitus illiciti. 279
Cap. 12. De sacramento Eucharistiae.	209	Cap. 6. De prohibitione furti. — Cap. 7. De non dicensi falsa testimonio, et de peccatis linguae. 280 Cap. 8. De prohibitione concupiscentiae. 281
Cap. 13. De dignitate et excellentia sacramenti Eucharistiae.	210	Cap. 9. De praecpterum editione ac promulgatione. — Cap. 10. Quod transgressores praecceptorum, instar Pharaonis, decem multantur. 282
Cap. 14. De mirabilibus que sunt in Eucharistia.	211	Tit. IV. De consiliis evangelicis. Cap. 1. De religione. 283 Cap. 2. De obedientia. 285 Cap. 3. De paupertate. 287 Cap. 4. De castitate. 288
Cap. 15. De effectu in suscipientibus corpus Christi. — Cap. 16. De modo sumendi Eucharistiam.	212	Tit. V. De virtutibus theologicis et cardinalibus. Cap. 1. De virtute in communii. 290 Cap. 2. De charitate. 293 Cap. 3. De fide. 296 Cap. 4. De spe. 299
Cap. 17. De abstinentia a communione.	213	Cap. 5. De prudenteria. 300 Cap. 6. De temperantia. 301 Cap. 7. De fortitudine. 302 Cap. 8. De justitia. 303
Cap. 18. De officio Missæ.	214	Tit. VI. De septem donis Spiritus sancti. Cap. 1. De dono timoris. 304 Cap. 2. De dono consilii. 308 Cap. 3. De dono intellectus. 309 Cap. 4. De dono sapientie. 310
Cap. 19. De negligentiis que sunt in Missa. — Cap. 20. De sacramento poenitentiae.	215	Tit. VII. De beatitudinibus evangelicis. Cap. 1. De humilitate. 311 Cap. 2. De mansuetudine, vel mititate. 317 Cap. 3. De fletu. 318 Cap. 4. De misericordia. 320 Cap. 5. De munditia cordis. 322 Cap. 6. De pace. 323 Cap. 7. De patientia. 325
Cap. 21. De qualitate et effectu confessionis.	216	Tit. VIII. De duodecim fructibus spiritus. Cap. 1. De gaudio spirituali. 326 Cap. 2. De longanimitate. 328 Cap. 3. De benignitate. 329
— Cap. 22. Cui debet fieri confessio.	217	Cap. 4. De mansuetudine. — Cap. 5. De fide. 330 Cap. 6. De modestia. — Cap. 7. De continentia. — Cap. 8. De castitate. 331
Cap. 23. De partibus poenitentiae. — Cap. 24. De contritione.	218	Tit. IX. De generali iudicio. Caput unicum. De his, quae ante ipsum, et in ipso iudicio agentur. 331
Cap. 25. De confessione.	219	Tit. X. De poenis interni, atque gloria paradisi. Cap. 1. De poenis inferni. 333 Cap. 2. De gloria paradisi. 333
Cap. 26. De qualitate et effectu confessionis. — Cap. 27. Cui debet fieri confessio.	220	Cap. 3. De duodecim fructibus crucis, et passionis Christi Domini. 336 Cap. 4. De duodecim fructibus glorie immortalis. — Cap. 5. De aemnitatem et pulcherrima structura superius civitatis Hierusalem. 337
Cap. 28. De sigillo confessionis. — Cap. 29. De satisfactione. — Cap. 30. De singulis partibus satisfactionis in communii.	221	Cap. 6. De iucundissima societate, et tripudio celestis civitatis Hierusalem. 342
Cap. 31. De singulis partibus satisfactionis. — Cap. 32. De justificatione impii.	222	APPENDIX DIETÆ SALUTIS, quæ applicationem materiarum ipsius Dietæ continet ad usum Concionatorum in diebus dominicis et festivitatibus per annum. 317
Cap. 33. De penitentia venialiorum.	223	
Cap. 34. Propter quid dimittatur peccatum veniale.	224	
Cap. 35. De extrema unctione. — Cap. 36. De sacramento ordinis.	225	
Cap. 37. De qualitate ordinandorum.	226	
Cap. 38. De sacramento matrimonii.	227	
Lib. VII. De ultimis temporibus. — Cap. 1. De fine mundi. — Cap. 2. De purgatorio.	229	
Cap. 3. De acerbitate poena purgatori. — Cap. 4. De suffragiis Ecclesie.	230	
Cap. 5. Quorum suffragia prosint, et quibus. — Cap. 6. Utrum indulgentiae prosint defunctis.	231	
Cap. 7. De adventu Antichristi. — Cap. 8. De vita Antichristi. — Cap. 9. De quatuor modis quibus decipiet.	232	
Cap. 10. De sequentibus Antichristum.	233	
Cap. 11. De Gög et Magog. — Cap. 12. De Eliae et Enoch. — Cap. 13. De duracione hujus persecutions. — Cap. 14. De morte Antichristi.	233	
Cap. 15. De conflagratione mundi. — Cap. 16. De resurrectione generali.	234	
Cap. 17. De iudicio extremo. — Cap. 18. De iudicantibus.	235	
Cap. 19. De iudicandis. — Cap. 20. De innovatione mundi.	236	
Cap. 21. De poenis inferni.	237	
Cap. 22. De diversitate poenarum.	238	
Cap. 23. De gloria sanctorum. — Cap. 24. De dobitibus in communii.	239	
Cap. 25. De dobitibus anime in generali. — Cap. 26. De dobitibus animae in speciali.	241	
Cap. 27. De dobitibus corporis in generali.	242	
Cap. 28. De dobitibus corporis in speciali.	243	
Cap. 29. De aurolis in genere.	244	
Cap. 30. De aurolis in specie.	245	
Cap. 31. Emmeratio coelestium gaudiorum.	246	
DILETA SALUTIS. Argumentum (ex edit. Vatic.).	247	
Proemium.	248	
Tit. I. De peccatis. — Cap. 1. De peccato in communii.	249	
Cap. 2. De peccato in speciali.	250	

CONFESSORIALE. Argumentum ex editione Vaticana. — Praefatio.
Caput I. Qualiter sacerdos confessor habere se debet in confessione. Partic. 1. De loco confessionis. — 2. Qualiter sacerdos cavere debet ab illicite delectatione. — 3. Quod confessor non respiciat faciem penitentis. — 4. Quod confessor peccata penitentium non abhorreat.
Partic. 5. Qualiter sacerdos alloqui debeat penitentem. — 6. Quod confessor in iudicio penitentiae personam non acipiat.
Cap. 2. De interrogationibus faciendis in confessione. Partic. 1. Qualiter interrogations sint facienda in generali.
Partic. 2. Qualiter et de quibus interrogandum sit, et primo de superbia. — 3. De invidia.
Partic. 4. De ira. — 5. De acedia. — 6. De avaritia. — 7. De gula. — 8. Deluxuria. — 9. De primo precepto Decalogi, de symbolis et articulis fidei.
Partic. 10. De secundo precepto. — 11. De tertio precepto. — 12. De quarto precepto. — 13. De quinto precepto.
Partic. 14. De sexto precepto. — 15. De septimo. — 16. De octavo. — 17. De nono. — 18. De decimo precepto. — 19. De novem modis currendi cum fure. — 20. De circumstantiis.
Cap. 3. De penitentia imponendis secundum canones penitentiales. Partic. 1. Quod penitentiae sunt arbitriales, et utrum sacerdos teneatur scire canones penitentiales.
Partic. 2. De penitentia presbiteri forniciantis. — 3. De penitentia sacerdoti fornicantis cum filia spirituali.
Partic. 4. De penitentia ejus, qui peccavit contra naturam. — 5. De penit. sacerdotum claudestiuas desponsationes non prohibentur, aut eisdem interesse praesumuntur. — 6. De penit. ejus, qui post voluntum simplex contrahit. — 7. De penit. sacerdotum in excommunicatione celebrantium.
Partic. 8. De penitentia ejus, qui accusat alium ad mortem. — 9. De penit. ejus, qui filiam suam spiritualiter carnali filio tradidit. — 10. De penit. ejus, qui contrahit cum sposa alterius. — 11. De penit. patris et filii, vel dororum fratrum cum una muliere concubentium, etc. — 12. De penit. sacerdotis homicidie. — 13. De penit. inolueris, que occidi ancillam, etc. — 14. De penit. pro homicidio necessitatis evitabilis, etc.
Partic. 15. De penitentia matricidie. — 16. De penit. uxoricidae.
Partic. 17. De penitentia eorum, qui occidunt filios.
Partic. 18. De penitentia perjurii. — 19. De penit. ejus, qui per capillum Dei juraverit, vel bussimoli. — 20. De penit. pro falsa mensura. — 21. De penit. ejus, qui post solemnem penitentiam ad voluntum reddit. — 22. De penit. ejus, qui de votum seu monachum cognoscit.
Partic. 23. De penitentia ejus, qui cantat missam et non communicat. — 24. De penit. sacerdotis, qui motu suu clericum involvit in palla altaris. — 25. De penit. ejus, qui committit sacrilegum violando ecclesiam, vel aliquid enorriter componendo in ecclesia.
Partic. 26. De penitentia parentum, qui frangunt sponsalia filiorum post septem annos. — 27. De penit. ejus, qui dicit in matrimonium quam polliuit peradulterium. — 28. De penit. malifici. — 29. De penit. sacerdotis revealatus confessio- nem. — 30. De penit. ejus, qui compulsa conditionaliter perjurat. — 31. De penit. ejus, qui perjurat in manus episcopi, vel in cruce sacra. — 32. De penit. ejus, qui coactus perjurat pro vita redimenda.
Partic. 33. De penit. ejus, qui scienter falsum jurat, etc. — 34. De penit. ejus, qui in dicendis horis vel officiis divinis a metropolitana consuetudine discrepat ecclesiis. — 35. De penit.

359	episcopi qui correctionem de simoniaca venditione dissimulat. — 36. De penit. episcopi qui ordioat clericum invitum. — 37. De penit. sortilegio rum. — 38. De penit. ejus qui videt in astrolabio.	375
360	Partic. 39. De penit. ejus qui per negligientiam aliquid de sanguine Domini distillaverit. — 40. De penit. ejus, qui sacrificium evomit. — 41. De penit. ejus, qui presbyterum interficit. — 42. De penit. beneficiari ab ecclesia, qui rectorem, vel clericum alium ipsius ecclesie interficit.	376
361	— 43. De penit. incendiariorum.	377
362	Partic. 44. De penitentia communicantis cum heretico. — 45. De penit. ejus, qui coguoscit duas sorores, etc. — 46. De penit. ejus, qui cum bratu coierit, etc.	377
363	Partic. 47. De penitentia patroni, qui dilapidat res ecclesie. — 48. De penit. ejus, qui domum suam cum magis et incantationibus lustrat. — 49. De penit. episcopi vel clerici magos vel aruspices consulentis. — 50. De penit. sacerdotis, cuius negligientia sacrificium a bruto comeditur. — 51. De penit. sacerdotis, qui iuante eucharistiam duniuit.	378
364	Partic. 52. De penit. iurantis non facere pacem cum proximo. — 53. De penit. scienter rebaptizati, et bis confirmati. — 54. De penit. raptoris. — 55. De penit. propter necessitatem famisfum commitentes. — 56. De penit. ejus, qui stupravit virginem.	379
365	Partic. 57. De penit. adulteri, etc. — 58. De penit. medicorum corporum, medicos animarum non vocantium. — 59. De penit. et pauca negligientia confessionem et communione, et peccata in confessione defecta revelantium.	380
366	Cap. 4. De usu chalices. Partic. 1. De quatuor cibis, in quibus sacerdos non potest absolvere, et quod sex modis falsa penit. dicatur, et proprius sacerdos sex modis dicatur.	381
367	Partic. 2. Quibus sacerdos possit, vel non possit injungere penitentias utiles ad salutem, et de penitentia solenem.	382
368	Partic. 3. De quatuor regulis observandis in penitentia injungendis.	383
369	Cap. 5. De irregularibus et dispensationibus, continebant particulas 38, quas singulas vide.	385
370	DE SEPTEN ITINERIBUS AETERNITATIS. Argumentum ex editione Vaticana. — Prologus.	393
371	De intrinseco secreto, et aeternali manerio in Christo. Dist. 1. Quid intrinsecum secretum in Christo dicatur.	394
372	Dist. 2. Quodlibet in intrinseco Christi secreto varie mutationes distinguuntur.	395
373	Dist. 3. Secundum quid homo ad illud intrinsecum secretum admittatur.	396
374	Dist. 4. Quibus libellis spiritus noster illud intrinsecum secretum ingrediatur.	397
375	Dist. 5. Qualiter spiritus noster in illo intrinseco multipliciter esse dicatur.	399
376	Dist. 6. Qualiter spiritus noster in illo intrinseco stabilatur, et perpetuetur.	400
377	Dist. 7. Quia et quod sim itineraria, per quae ad illud intrinsecum pervenitur et intratur.	401
378	DE ITINERIBUS quibus ad illud intrinsecum secretum et aeternale manerium in Christo acceditur. De primo itinere aeternitatis, quod est aeterno recte intentio.	403
379	Dist. 1. Quia sit necessitas istius itineris, et quare aliis itineribus praemittatur. — Dist. 2. Quid sit intentio, et a qua potencia anima orietur.	404
380	Dist. 3. Qualiter intentio nostra rectilicitur, et ex hoc deiformis et aeterna efficiatur.	405
381	Dist. 4. Per quae signa, recta et simplex intentio cognoscatur.	406
382	Dist. 5. Qualiter per intentionem reclam et simplicatam spiritus humanus ad intrinsecum et aeternale manerium Domini Iesu accedat, et ingrediatur.	407

Dist. 6. Qualiter spiritus ad veniendum per iter recte et simplicis intentionis ad aeternum intrinsecum Domini Iesu dulciter ab eo invitetur.	408	Dist. 3. Qualiter per sensibilem revelationem spiritus noster ad accessum aeternorum allicitur.	459
De secundo itinere aeternitatis, quod est aeternorum studiosa meditationis. Dist. 1. Qualiter iter studiosae meditationis iter recte intentionis sequatur, et de necessitate hujus itineris.	409	Dist. 4. Qualiter per intellectualcm revelationem aeternorum spiritus noster ad interna introducatur.	460
Dist. 2. Quid sit meditationis, et qualiter a cogitatione distinguatur. — Dist. 3. Qualiter in itinere meditationis Deus spiritum humanum illuminet, et alloquatur.	410	Dist. 5. Qualiter per superintellectualem revelationem aeternorum spiritus noster aeternitati uniatur.	461
Dist. 4. Qualiter spiritus humanus in itinere meditationis Deus Deum alloquatur.	411	Dist. 6. Qualiter superintellectualis revelatio aeternorum a nobis acquiratur.	462
Dist. 5. Qualiter allocutio divina a nostra meditatione distinguatur.	412	Dist. 7. Qualiter ad iter occulte revelationis aeternorum spiritus noster a Deo invitetur.	463
Dist. 6. Qualiter spiritus humanus per iter meditationis aeternitatem Domini ingrediatur.	413	De sexto itinere aeternitatis, quod est aeternorum experimentalis praestatio. Dist. 1. Quid dicatur experimentalis praestatio aeternorum, et qualiter alia itineris sequatur.	464
Dist. 7. Qualiter spiritus humanus, ad veniendum per iter meditationis ad aeternitatem, a Iesu invitetur.	414	Dist. 2. Quarum potentiarum ista experimentalis notitia dicatur. — Dist. 3. Qualiter spirituales sensos potentiarum ab experimentali notitia impediuntur.	465
De tertio itinere aeternitatis, quod est aeternorum limpido contemplatio. Dist. 1. Quare sit necessitas itineris contemplationis, et quare immediate sequitur iter meditationis.	415	Dist. 4. Qualiter interiores sensus spirituales reparant vel reformantur. — Dist. 5. Qualiter per gustum interiorum spiritualem aeterna praestentur.	466
Dist. 2. Quid sit contemplatio, et qualiter descripicio ejus intelligatur.	416	Dist. 6. Qualiter quilibet sensus interior spiritualis externe experientur.	467
Dist. 3. Qualiter contemplatio differat a cogitatione, meditatione, speculacione, et ab intuitiva visione.	417	Dist. 7. Qualiter spiritus noster, ad veniendum per iter experientias ad intrinsecum Domini, invitetur.	468
Dist. 4. Qualiter contemplatio secundum diversos gradus diversim dividatur. Artic. 1. De gradibus contemplationis secundum Verzellensem.	418	De septimo itinere aeternitatis, quod est aeternorum meritaria operatio. Dist. 1. Quare iter meritariae operationis precedendit itinera subsequatur.	469
Art. 2. De gradibus contemplationis secundum Richardum.	419	Dist. 2. Quare natura rationalis ad hoc facta sit, quod operetur, et aeternum finem per hoc consequatur. — Dist. 3. Quare homo secundum duplicitatem naturam operari tenetur.	470
Art. 3. De gradibus contemplationis secundum auctorem de Spiritu et Anima.	420	Dist. 4. Qualiter operatio utriusque naturae, corporalis scilicet et spiritualis, deiformis efficiatur.	471
Art. 4. De gradibus contemplationis secundum Origensem.	421	Dist. 5. Qualiter diversi gradus utriusque operationis, vel species, distinguantur.	472
Dist. 5. Quantum utilitatem spiritus in itinere vite contemplativa experientur.	422	Dist. 6. Qualiter spiritus per utramque vitam, scilicet activam et contemplativam, ad eterna ingrediatur.	473
Dist. 6. Qualiter per iter contemplationis spiritus aeternum manerium Christi ingrediatur.	423	Dist. 7. Qualiter ad veniendum per iter meritariae operationis a Domino spiritus humanus invitetur.	474
Dist. 7. Qualiter spiritus humanus ad veniendum per iter contemplationis ad secretum Iesu invitetur.	424	De BIBLIA PAUPERUM. Argumentum ex editione Vaticana. — Praefatio.	475
De quarto itinere aeternitatis, quod est aeternorum charitativa affectio. Dist. 1. Quare iter charitativa affectionis iter contemplationis immediate sequatur.	425	Index capitum alphabeticus.	476
Dist. 2. Quid sit charitativa affectio, et quomodo sit iter ad aeterna, ut verius cognoscatur.	426	Cap. 1. De miraculis divinae potentiae factis.	477
Dist. 3. Qualiter charitativa affectio a naturali affectione, vel acquisitione dilectione distinguatur.	427	Cap. 2. De prudentia Dei, et oculis eius judiciis.	478
Dist. 4. Quibus signis et conjecturis charitativa affectio qualitercumque manifestetur. Artic. 1. De signis charitatis jam genite.	428	Cap. 3. De benignitate Dei ad servos suos.	479
Art. 2. De signis charitatis jam robora.	429	Cap. 4. De consolatione divina.	480
Art. 3. De signis extrinsecis charitatis jam perfecte.	430	Cap. 5. De benedictione quam Deus dat. — Cap. 6. De maledictione qua Deus maledicit.	481
Art. 4. De signis intrinsecis charitatis perfecte.	431	Cap. 7. De benedictione qua homo benedit Deum.	482
Dist. 5. Qualiter charitativa affectio a sanctis Doctoribus per gradus dividatur. Art. 1. De gradibus amoris gratuiti.	432	Cap. 8. De benedictione qua homo benedit homini.	483
Art. 2. De gradibus amoris violenti.	433	Cap. 9. De maledictione qua homo maledicit. — Cap. 10. De severitate Dei erga delinquentes.	484
Art. 3. De gradibus amoris seraphici.	434	Cap. 11. De ira Dei, vel furore.	485
Dist. 6. Qualiter spiritus noster per iter charitativa affectionis aeternum manerium ingreditur. — Dist. 7. Qualiter spiritus noster, ad veniendum per iter charitativa affectionis ad aeterna, a Domino invitetur.	435	Cap. 12. Quod Deus plus attendit ad operantem, quam ad opus. — Cap. 13. Quod Deus interdum tentat hominem, sive probat.	486
De quinto itinere aeternitatis, quod est aeternorum occulta revelatio.	436	Cap. 14. Quod homo non debet tentare Deum. — Cap. 15. De voto.	487
Dist. 1. Qualiter iter occulte revelationis aeternorum, iter charitativa affectionis sequatur. — Dist. 2. Qualiter revelatio aeternorum occulta dicitur, et qualiter distinguatur.	437	Cap. 16. De oratione.	488
438	Cap. 17. De lacrymis, sive fletu.	489	
439	Cap. 18. De iuramento,	490	
440	Cap. 19. De sabbati observatione.	491	
441	Cap. 20. De reverentia templo exhibenda.	492	
442	— Cap. 21. De adoratione et cultu Dei.	493	
443	Cap. 22. De idolatria. — Cap. 23. De blasphemia contra Deum.	494	
444		495	
445		496	
446		497	
447		498	
448		499	
449		500	
450		501	
451		502	
452		503	
453		504	
454		505	
455		506	
456		507	
457		508	
458		509	
		510	
		511	
		512	
		513	
		514	
		515	

Cap. 24. De præceptis Dei, et observatione ipsorum.	516	Cap. 78. De confidentia et maguanimitate.	578
Cap. 25. De obedientia.	517	Cap. 79. De patientia et mansuetudine, et de injuriis et tormentis.	580
Cap. 26. De Scriptura sacra.	518	Cap. 80. De constantia et perseverantia in propositis.	584
Cap. 27. De exhortatione bona, et prædicatione verbi Dei.	519	Cap. 81. De impatientia et murmure.	585
Cap. 28. De consiliis et persuasionibus malis.	521	Cap. 82. De bello temporali, et Victoria nt plurimum divinitus obtenta.	586
Cap. 29. De audiendo verbum Dei.	522	Cap. 83. De pusillanimitate.	588
Cap. 30. De apparitionibus factis patribus antiquis.	521	Cap. 84. De fortitudine ad faciendum malum.	
Cap. 31. De angelis bonis.	526	— Cap. 85. De homicidio.	590
Cap. 32. De spiritibus malis.	527	Cap. 86. De stragibus boniun diversis.	591
Cap. 33. De immortalitate rationalis animæ.	528	Cap. 87. De abstinentia et sobrietate.	592
Cap. 34. De fide quam debet homo habere ad Deum.	529	Cap. 88. De gula et ebrietate.	591
Cap. 35. De fidilitate homini servanda.	530	Cap. 89. De matrimonio.	595
Cap. 36. De contemplatione, et mentis illustratione.	531	Cap. 90. De castitate.	596
Cap. 37. De spe et longanimitate.	533	Cap. 91. De luxuria et incontinentia.	597
Cap. 38. De timore Dei.	534	Cap. 92. De incerto aspectu. — Cap. 93. De silentio et loquacitate.	
Cap. 39. De timore quo mali timent bonos.	535	Cap. 94. De affectu carnali.	599
— Cap. 40. De dilectione Dei.	536	Cap. 95. De ira hominis per zelum. — Cap. 96.	
Cap. 41. De dilectione proximi.	536	De ira hominis per vitium.	600
Cap. 42. De invidia.	538	Cap. 97. De humilitate.	601
Cap. 43. De correctione fraterna.	539	Cap. 98. De superbia.	604
Cap. 44. De compassione habenda ad proximum.	541	Cap. 99. De jactantia.	606
Cap. 45. De hospitalitate exhibenda libenter.	542	Cap. 100. De electionibus.	607
Cap. 46. De amicitia.	543	Cap. 101. De boni principibus et Prælatis.	608
Cap. 47. De inimicitia et odio.	544	Cap. 102. De malis principibus et prelati.	611
Cap. 48. De pace et concordia.	545	Cap. 103. De ambitionis.	612
Cap. 49. De unitate et communii consensu.	546	Cap. 104. De tentatione diaboli.	613
Cap. 50. De discordia, lite vel rixa.	547	Cap. 105. De peccato iu generali, et variis poenis,	
Cap. 51. De zelo bono contra peccatores.	548	que ex peccato sequuntur.	614
Cap. 52. De zelo iudicatio.	549	Cap. 106. De confessione peccati. — Cap. 107. De	
Cap. 53. De prudenter et discretione.	550	duritia et obstinatione malorum.	615
Cap. 54. De astutia et caliditate mala.	553	Cap. 108. De perversitate quorundam.	616
Cap. 55. De eruditio filiorum.	554	Cap. 109. De nequitia tyrannorum.	617
Cap. 56. Quod boni consilii non acquiescere periculoso est.	555	Cap. 110. De oppressione honorum per malos.	618
Cap. 57. De suspiciose falsa et creditu.	556	Cap. 111. De oppressione honorum per malos, et	
Cap. 58. Quod sancti viri permetunt fieri aliqua non libenter. — Cap. 59. De justitia et aequitate.	557	de tribulationibus, et earum utilitatibus.	619
— Cap. 60. De judiciis hominum rectis, aut pravis.	557	Cap. 112. De multitudine malorum. — Cap. 113.	
Cap. 61. De penitentia.	559	De bonis latibus inter malos.	621
Cap. 62. De honore parentum.	560	Cap. 114. De molitudo populi.	623
Cap. 63. De gratia agendis pro beneficiis Dei.	561	Cap. 115. De operatione bona.	625
Cap. 64. De gratitudine pro beneficiis ab homine acceptis.	561	Cap. 116. De iustitiae recta habenda in opere.	
Cap. 65. De ingratitudine.	562	— Cap. 117. De acedia, vel negligencia.	626
Cap. 66. Quod veritas odium parit.	563	Cap. 118. De pueris honestis. — Cap. 119. De	
Cap. 67. De mendacio.	564	societate mulierum.	627
Cap. 68. De proditione.	565	Cap. 120. De societate malorum.	628
Cap. 69. De adulatio.	566	Cap. 121. De prosperitate mundana.	630
Cap. 70. De derisione et convicia.	567	Cap. 122. De curiositate humana.	631
Cap. 71. De detractoribus et maledicis.	568	Cap. 123. De magna fide mulierum. — Cap. 124.	
Cap. 72. De liberalitate, misericordia et largitate.	569	De sapientia mulierum.	632
Cap. 73. De avaritia.	570	Cap. 125. De pietate mulierum.	633
Cap. 74. De paupertate.	572	Cap. 126. De fortitudine mulierum.	634
Cap. 75. De hypocrieti et simulatione.	574	Cap. 127. De aviditate mulierum.	635
Cap. 76. De ninumerum acceptione.	575	Cap. 128. De mulierum fallaciis. — Cap. 129. De	
Cap. 77. De fortitudine et strenuitate.	577	mulierum stultiloquio.	636
		Cap. 130. De mulierum ornata superfluo. — Ca-	
		pnt 131. De morte iu generali.	637
		Cap. 132. De sepulturis.	638
		Cap. 133. De horrenda morte malorum.	639
		Cap. 134. De pretiosa more justorum.	641